








4 . 1 . 280 .

N1

XXXX

2

1800



PASTORALE
PARISIENSE.

T O M U S I I.



PASTORALE PARISIENSE,

ILLUSTRISSIMI ET REVERENDISSIMI DD.

ANTONII - ELEONORII - LEONIS
LE CLERC DE JUIGNÉ,
-ARCHIEPISCOPI PARISIENSIS,

Ducis Sancti-Clodoaldi, Paris Franciæ, &c. auctoritate editum.

TOMUS II.

Vænit viginti libris non compactum.



PARISIIS,

Excudebat CL. SIMON, Illustrissimi & Reverendissimi DD. Archiepiscopi
Parisiensis Typographus, viâ San-Jacobæ.

M. DCC. LXXXVI.





PASTORALE PARISIENSE.

TOMUS SECUNDUS.

TRACTATUS SEXTUS.
DE SACRAMENTO PÆNITENTIÆ.

DIVISIO PRIMA.

AGETUR in hac Divisione , 1°. De Pænitentia quatenùs est virtus ; tum verò quatenùs est Sacramentum : 2°. De materia Pænitentia generalim : 3°. De Contritione ; quàm sit necessaria , & qualis esse debeat : 4°. De Contritione , tum perfectâ , tum imperfectâ ; & de praxi Contritionis in ordine suscipiendi Sacramenti ; 5°. De Confessione : 6°. De conditionibus legitimæ Confessionis : 7°. De Satisfactione : 8°. De Pænitentia formâ ; seu de Absolutione.

Tomus II.

A

• CAPUT PRIMUM.

DE Pœnitentia quatenus est virtus; tum verò quatenus est Sacramentum.

PRÆVIÆ observationes. Quanti sit momenti subiecta materia. Pœnitentia virtus. Sacramenti Pœnitentia institutio. Pœnitentia verum Sacramentum, longèque à Baptismo diversum. Clavium usus duplex. Nullum inexpiabile peccatum. Ecclesia nemini verè pœniti Abolutionem denegat. Pœnitentia laboriosus Baptismus, & donum Dei est.

SI susceptam in regenerationis lavacro justitiam indeflexâ vitæ sanctimoniam illibatam servarent, atque ex illo tam felici statu nunquam excederent Christiani, nullum iis necessarium esset novæ misericordiae subsidium, quo tanti refarciretur beneficii jactura. Sed, proh dolor! paucissimi sunt, certè ex quo *obscuratum est aurum* innocentiae pristinae, *mutatusque morum color optimus* (a), qui de Baptismali gratia non prolabantur infelices. Deus igitur, humanæ misertus infirmitatis, alterum ad solvenda peccata Sacramentum instituit; ut, quemadmodum in sacris Fontibus delentur, & macula originalis, & culpæ ante regenerationem ab adultis ultro commissæ, sic maculae spirituales post adeptam in Christo novam vitam contractæ, Pœnitentiâ, ceu novo quodam Baptismo, eluerentur.

Et quidem Pœnitentiæ tam necessarium « est Sacramentum, quàm » impossibile est Baptismus iterari. » *Voluntariè enim peccantibus novis bis post acceptam notitiam veritatis, jam non relinquitur pro peccatis hostia: neque ei qui semel tantum passus est Christus, sæpiùs conspeliari possumus per Baptismum. Cùm igitur in multis offendamus omnes, neque sit qui possit dicere: Mundum est cor meum, & purus sum à peccato; necessaria est professio secunda post naufragium tabula* (b). »

Quia verò « inter cætera unum » est quod sanctam maximè perturbat Ecclesiam, falsa videlicet pœnitentia (c); « satis per se res ipsa testatur summam requiri Pastorum diligentiam, & in suo circa Pœnitentiam ritè obeundo munere (d), & in explanandis publicè ac privatim iis omnibus quæ ad hoc

(a) *Thren.* 4. 2.

(b) *Conc. Parif.* an. 1528, decret. fidei 10, art. de Sacram. Pœnit.

(c) *Later.* II. *æcum.* an. 1139.

(d) *Measol.* IV, an. 1576, part. 2. de Pœnit. circa med.

Sacramentum legitime fructuosèque suscipiendum pertinent. » Quòd si » (enim) diligentiam quæ à Paro- » chis in unoquoque argumento ad- » hibenda est, ex rei quam trac- » tant magnitudine & pondere me- » tiri oportet; omninò fatebimur eos » nunquam in hujus loci explicatione » adeò diligentes futuros esse, ut satis » videri possit. Quin etiam de hoc Sa- » cramento, quàm de Baptismo, eò » accuratius agendum est, quòd Bap- » tismus semel tantum administra- » tur, nec iterari potest; Pœnitentia » verò toties Locus datur, ejus- » que repetendæ toties necessitas im- » posita est, quoties post Baptismum » (lethaliter) peccata contingat; ita » enim à Tridentina Synodo dictum » est, Sacramentum Pœnitentiæ non » secùs lapsis post Baptismum, ac » Baptismum nondum regeneratis, » ad salutem necessarium esse (e), » scilicet vel in re vel in voto suscep- » tum. Quam quidem doctrinam una- » nimiter astruunt, & Scriptura divina (f), & perpetua Ecclesiæ Traditio : » undè Pœnitentia alterum mortuorum » Sacramentum (g), secunda post nau- » fragium tabula, passim nominata » occurrit.

PœNITENTIÆ Sacramento viam » sternit Pœnitentiæ virtus, quæ est il- » lius fundamentum; quâ scilicet pec- » catum, prout est offensa Dei, de- » testamur, cum spe veniæ, & propo- » sito ab offensa omninò cessandi, » eamque pro viribus compensandi.

Undè ea quæ sequuntur ad Pœnitentiam requiri manifestum est:

Iº. Ut homo Christianus de peccato doleat, illudque detestetur. Nul- lum enim facti à se commissi pœnitet, nisi ejus dolorem ac detestationem animo concipiat; sic nempe, ut illud minimè commissum optaret :

IIº. Ut ille peccatum detestetur prout est offensa Dei. Plura utique in peccato considerari possunt. Primum scilicet, quòd Deus per illud offendatur; præterea, quòd inde reatus contrahatur pœnæ postmodum luendæ; quòd, etiam in hac vita, plures ex eo sequantur molestiæ, gravissimaque incommoda, v. g. remordenis conscientiæ stimuli, morbi, famæ & bonorum temporalium jactura. Jam verò, qui conscientia angores, morbos, infamiam, cæteraque ab offensa Dei distincta, in peccato unice detestatur, is quidem mala horret ex peccato nascentia, neque peccatum absolute & simpliciter detestatur. Imò, qui pœnæ post hanc vitam luendæ solum reatum in peccato metuit, adeò ut ipsi adhæreat & peccare vellet, si posset impunè, ille à peccato quatenus est offensa Dei, non refugit, ipsiusque servus est. De hoc nempe à S. Augustino dictum meritò accipitur : » Inaniter putat victorem se » esse peccati, qui pœnæ timore non » peccat : peccare non metuit, sed » ardere (h) : »

IIIº. Ut peccati detestationem co-

(e) Cat. Trid. de Pœnit. Sacram. n. 1. Conc. Trid. sess. 14. de Pœnit. cap. 2.

(f) Matth. 3. 2. 8. Marc. 6. 12. Luc. 3. 2. 8. & 24. 47. Act. 2. 28. S. Ign. Ep.

ad Sitym. S. Cyr. Jer. Cat. 4. Origen. Hom. 12. in Levit. 21. S. Greg. Hom. 20. in Ev. Ev. 6. (g) S. Hier. in 3. Il.

(h) S. Aug. Ep. 144.

mitetur *spes veniæ*, quâ quidem spe deficeretur, virtus non esset; vitiosa enim est peccati detestatio, si comitem habeat veniæ desperationem: undè virtus non fuit, neque *Cuñ* fratricidæ, neque *Juda* proditotis pœnitentia:

IV°. Ut firmum statuatur *propositum ab offensa in posterum cessandi*. Nec verò satis est quæcumque voluntas, quodcumque à peccato desistendi propositum. Neque enim sufficeret his aut similibus verbis declaratum: *Vellem ab eo peccato abstinere posse: optarem ut nunquam illud peccatum admitterem*. Cum hujusmodi quippè voluntate seu proposito, aut potius *velleitate*, stat ipse actus peccati. Sic *Pilatus*, eo ipso tempore quo similem habebat Christi à Judæorum manibus liberandi voluntatem, Christum tamen reipsâ Judæis *irandit ut crucifigeretur* (i). Secus tamen de iis dicendum, qui, etsi in præsentī negotio voce illâ *vellem*, aut simili, utuntur, dicentes v. g. : *Vellem nunquam amplius lethaliter peccare*, omnia tamen adhibent cautionis requiritæ subsidia, ut à peccato lethali reverâ declinent. Ex dictis facile colligitur eam requiri voluntatem, 1°. quæ sit absoluta, atque aded non sufficere hanc similemve conditionalem: *Vellem à peccato abstinere, si commodè si sine infamia, possem*; 2°. quæ sit efficax, ea nempe ut, quantum est ex parte ipsius, ab offensa Dei abstineatur, & quæcumque ad hunc finem obtinendum necessaria sunt, fideliter adhibeantur:

V°. Ut constet voluntas vel propositum à Dei offensa cessandi *omniò*, scilicet omni tempore, omni loco, omnibus in circumstantiis. Itaque non sufficit voluntas à peccato abstinendi ad hebdomadam, ad mensem, ad annum; in certis quibusdam solummodò circumstantiis minùs urgentibus; certo duntaxat in loco ubi quis notus est, non autem ubi ignotus. Nec tamen idcirco necessarium est, imò neque expedit ut Pœnitens sibi animo repræsentet rerum adjuncta quædam inusitata, vel tentationes aliquas planè singulares atque extra consuetum ordinem positas, quarum vim & impetum propulsare distinctè vividèque constituat. Hujusmodi enim difficultatum species menti objectæ, gravissimæ tentationes iis afferret, in quibus ferveret imaginandi vis acrior; ideòque ipsis magnum indè emergeret periculum. Aliis autem minùs fervidâ imaginatione præditis indè aliud periculum nasceretur, dum sibi falsò persuaderent se propterea eximiè justos esse, quòd Deo fideles, etiam in gravissimis ejusmodi tentationibus, permanere constituerint; quibus tamen animo exhibitis tunc leviter commoverentur, quandoquidem eas languidissimè imaginarentur:

VI°. Ut Pœnitentiæ virtute includatur *offensa Dei compensanda propositum seu voluntas*. Qui rem alienam iniquè abstulit, eum sic animo comparatum esse oportet ut restituat cum possit: ita etiam peccator, qui nempe contra Dei voluntatem justissimam atque optimam egit, ut pro-

(i) *Matth. 27. 26.*

piæ, injuste ac perversæ voluntati obsequeretur, sic debet esse affectus, ut Dei honorem quem peccato violare ausus est, pro viribus deinde compenfer: quod quidem obtinebit, si tandem, inverso agendi ordine, suam propensionem exequendæ divinæ voluntati postponat. Illa autem compensatio multimodis fieri potest. 1°. Si omnes corporis animique molestias nobis obvenientes, in pœnitentiæ spiritu, & tanquam pœnales suscipiamus. 2°. Si, eodem movente spiritu, actus exerceamus virtutum, quantumvis naturæ corruptæ repugnantium. 3°. Si, illo pariter motu incitati, ea exequamur quæ nobis ex officio præstanda sunt, quantumlibet gravia atque amata videantur. 4°. Si in omnibus sive exequendis sive omittendis sic nos geramus, ut, cum est aliqua iis adjuncta molestia, contra propensionem nostram & juxta divinæ voluntatis beneplacitum viriliter agamus. 5°. Si quæcumque Domino accepta sunt, totâ mente amplectamur, hoc scilicet sine ut ejus offensam obsequii magnitudine compensemus; maximèque, si, profligato vicio per quod potissimum Deus à nobis antehac offensus fuerit, per oppositæ virtutis actus quotidianum Deo sacrificium offeramus animi totum se ad illius voluntatem nutumque convertentis.

Hæc est Pœnitentiæ virtus, sine qua nullus unquam apud Deum justificatus fuit; de qua nempe cum

jam dixisset Christus Dominus: *Nisi pœnitentiam habueritis, omnes similiter peribitis (k)*, huic postea sensibile gratiæ restitutæ signum adjungere constituit, atque auctoritatem remittendi peccata, quam ipse in mulierem peccatricem aliosque complures exercuerat (l), Religionis suæ Ministris participandam tribuere.

Ac primum quidem Ecclesiæ, in persona Petri, hoc Sacramentum sic prænuntiavit ac pollicitus est: *Tibi dabo claves regni cælorum; & quodcumque ligaveris super terram, erit ligatum & in cælis; & quodcumque solveris super terram, erit solutum & in cælis (m)*. His deinde verbis idem omnibus Apostolis confirmavit: *Amen dico vobis, quæcumque alligaveritis super terram, erunt ligata & in cælo; & quæcumque solveritis super terram, erunt soluta & in cælo (n)*. Postremò, à mortuis redivivus, ut, quibus jam inerat Dominici Corporis & Sanguinis consecrandi facultas, iis jam absolutum inesset Sacerdotium, in illis posuit verbum reconciliationis (o); & in virtute omnis potestatis quæ sibi data fuerat in cælo & in terra (p), cum insufflasset in eos: *Accipite, inquit, Spiritum sanctum: quorum remisistis peccata, remittuntur eis; & quorum retinueritis, retenta sunt (q)*. « Quo ram insigni » factò & verbis tam perspicuis, potestatem remittendi & retinendi

(k) Luc. 13. 3. 5.

(l) Luc. 7. 47. 48. Matth. 9. 2. & seq. Joan. 8. 1.

(m) Matth. 16. 19.

(n) Matth. 18. 18.

(o) 1. Cor. 5. 19.

(p) Matth. 28. 18.

(q) Joan. 20. 22. 23.

» peccata ad reconciliandos Fideles
 » post Baptismum lapsos, Aposto-
 » lis & eorum legitimis successoribus
 » fuisse communicatam, uni-
 » versorum Patrum consensus sem-
 » per intellexit (r). »

Pœnitentiam, ut verum novæ
 Legis Sacramentum, unanimi consen-
 su, ante Lutheri Calvinique novi-
 tates, admittebat Ecclesia Occi-
 dentalis arque Orientalis. Variæ au-
 tem Græcorum aliorumque Orienta-
 lium societates, tam inter se quàm
 à Latinis odio infensissimo disjunctæ,
 & quæ unitatem sciderant, aliæ se-
 culo V, aliæ sequentibus, dogma
 illud certissime jam seculo IV tenuerunt,
 nec à se invicem, nec ab Ecclesia
 Romana mutuatæ sunt: ipsum
 proinde ante Schismatis tempora,
 id est, non tantum IV seculo, verum
 etiam tribus superioribus omnes
 admisertunt. Porro quod seculorum
 istorum, utique PURISSIMO-
 RUM, credidit Ecclesia, id à Christo
 & Apostolis Ecclesie traditum
 fuisse procul dubio existimandum
 est, adeoque ab omnibus Christianis
 amplectendum; nisi, Salvaris
 inconcussam Ecclesie firmitatem
 pollicentis frustrato oraculo (s),
 porta inferi adversus eam penè adhuc
 nascentem prevaluisse supponantur.

Neque verò cum Baptismo promiscue
 habendum est Pœnitentie Sacramentum:
 multiplex enim inter hæc duo Sacramenta
 divetitas occurrit. Nam, præterquam
 quod materia & forma planè diversæ
 sunt, prout ex inferius dicendis patebit,

Baptismus insuper, cum semel susceptus est, non potest iterari; potest
 verò Pœnitentia. Publica quidem,
 quæ ob graviora quædam scelera olim
 agebatur, iterari non solebat; sed
 rigore disciplinæ tantum, neque defectu
 potestatis in Ecclesia. Deinde in
 Sacramento Baptismi nullum exercetur
 judicium: exercetur autem in
 Sacramento Pœnitentiæ; siquidem
 ad Sacerdotis tribunal tantum
 reos sistere se debent quicumque
 post Baptismum lapsi sunt.
 « Alius est præterea Baptismi, alius
 » Pœnitentiæ fructus. Per Baptis-
 » mum Christum induentes, nova
 » prorsus in ipso efficiuntur crea-
 » tura, plenam & integram pecca-
 » torum remissionem consequentes:
 » ad quam ramen novitatem & in-
 » tegriratem per Sacramentum Pœ-
 » nitentiæ (in quo, dimissâ penâ
 » æternâ, persolvenda plerumque
 » superest temporalis) sine magnis
 » nostris fletibus & laboribus, divi-
 » nâ id exigente justitiâ, pervenire
 » nequaquam possumus; ut merito
 » Pœnitentia laboriosus quidam Bap-
 » tismus à sanctis Patribus dicta
 » fuerit (t). »

Soli igitur novissimorum tempo-
 rum Hæretici, pro Legis novæ Sa-
 cramento quod Pœnitentiam vocamus,
 somnare potuerunt vel ipsum
 Baptismum, vel meram ipsius memoriam,
 seu, ut loquuntur, *refrictionem*,
 vel, quod adhuc absurdius,
 verbi Dei prædicandi potestatem (u).
 Procul dubio enim divinæ bonitatis

(r) Conc. Trid. Sess. 14. cap. 1.

(s) Match. 16. 18.

(t) Conc. Trid. Sess. 14. cap. 2.

(u) Ibid. cap. 1. & can. 3.

consentaneum fuit ut adversus actualia peccata remedium aliquod humanæ infirmitati suppeditaret. Remedium autem huiusmodi nullum aliud esse potest præter Pœnitentiam, seu gratiæ restitutæ signum sensibile, quod Deus & Salvator noster adjunctum esse voluit Pœnitentiæ virtuti, sine qua nullus à peccatis actualibus liberari unquam potuit : signum utique efficax, per quod delicta quæcumque & quantumvis repetita *ex opere operato* deleri, si nullum obstat impedimentum, sancto Spiritu afflata semper creditur & docuit Ecclesia. Unde efficitur ut Pœnitentia tanquam verum propriæque dictum Evangelicæ Legis Sacramentum necessariò agnoscenda sit.

Itaque Sacerdotes non simpliciter peccatorum remissionem annuntiant, sed per merita Christi vetè peccata dimitunt. Neque enim dixit Christus : *Quibus remissionem peccatorum annuntiaveritis* ; sed, *Quorum remiseritis peccata*. Ex quo facillè intelligitur quantum inter se discrepent veteris & novæ Legis Sacerdotes. « Scilicet corporis lepram » purgare, seu, vetiùs dicant, non » purgare quidem, sed purgatam » probare, Judæorum Sacerdotibus » solis licebat. At verò nostris Sacerdotibus, non corporis lepram, » verum animæ sordes, non dico » purgatas probare, sed purgare » protùs concessum est (x). » Cum autem JESUS CHRISTUS, qui Le-

gem ad Cæremonias pertinentem adrogaturus venerat, ei quem mundaverat leproso dixerit : *Vade, ostende te Sacerdoti* (y) ; hoc certè multò magis denunciat lepræ interiore laborantibus. Frustrà enim & otiosè potestatem Clavium, quibus peccata solverentur aut ligarentur, Ecclesiæ tradidisset, nisi peccatores huic potestati subjectos esse voluisset.

Quod autem ad præsens institutum pertinet, duplex est Clavium usus. Primus in eo positus est, ut Pœnitentes, confessis peccatis, absolvantur, si videantur ad Absolutionem cum fructu suscipiendam ritè dispositi, neque illis modus expiationis & satisfactionis imponatur. Alter est, ut iis Absoluto denegetur, cum judicantur eà suscipiendâ prorsus indigni ; vel suspendatur, cum eam, dato præparationis intervallo, certiore utilitate suscepturi existimantur. Quæ quidem duplex peccata remittendi vel retinendi auctoritas, pulcherrimâ translatione, ex ipsius Domini verbis, *ligandi & solvendi potestas* conveniëntissimè dicitur : « tot quippè » funibus (peccator) tenetur attritus, quot sceleribus prægravatur ; » tantisque spiritualibus compeditus est vinculis, quantis caducis » rebus immoderato inhæret affectu (z). » Geminam verò huiusmodi potestatem in incestum Corinthium exercuit Apostolus, cum Satanae traditum, annique solidi

(x) S. Chryf. de Sacerd. l. 3. c. 6.
(y) Matth. 9. 4.

(z) S. Laur. Just. de Spir. resurr. animæ.

pœnitentiâ functum absolvit (a). Et sanctus Joannes Evangelista, ubi juvenem à se ad fidem perductum, qui deinde in latrocinia & scelera omnia prolapsus fuerat, quasi ovem perditam requisitum invenit, pœnitentiæ lacrymis expiatum Deo Ecclesiæque in gratiam reconciliavit (b).

Ex quibus exemplis illud etiam apertè consequitur, nullum esse peccatum, quantumvis arrox & repetitum, quod Pœnitentiâ tolli non possit. Deus *nolens aliquos perire*, sed omnes ad pœnitentiam reverti (c), nemini pœnitenti claudit viscera misericordiæ; quiniimò clamat per Prophetam: *Lavamini, mundi estote, quiescite agere perverse; si fuerint peccata vestra ut coctum, quasi nix dealbabitur; & si fuerint rubra quasi vermiculus, velut lana alba erunt* (d). Hinc præcipiunt sancti Canones, ut peccatores, quicumque illi sint, ad pœnitentiam admittantur, solique abjiciantur impœnitentes omninoque desperati (e). Nonnulla quidem peccata

difficilius remittantur; si quis præsertim contra *Spiritum sanctum* locutus fuerit (f), id est, veritati cognitæ aut evidenter demonstratæ cum blasphemia restiterit (g). Hoc verò peccatum, sicut alia quæcumque, tunc solum spem veniæ nullam relinquit, cum in eo usque ad mortem perseveratur; sola enim impœnitentiæ finalis non dimittitur (h). Hinc Montanistæ secundo seculo (i), & Novatiani tertio, ubique pro Hæreticis habiti, Romæ præsertim à sancto Cornelio, & in Africa à sancto Cypriano, ac demùm à Concilio Nicæno 1^o Œcumenico solemniiter condemnati sunt (k); sive Ecclesiæ concessam negarent potestatem remittendi peccata per Pœnitentiam; sive misericordiam divinam certis quibusdam limitibus circumscribentes, graviora quædam scelera, ut homicidium, adulterium, apostasiam, Ecclesiæ clavis dissolvi non posse contendereut. Nunquam igitur voluit pia mater Ecclesia (l) denegatam Absolutionem ulli ad Pœnitentiam consu-

(a) 1. Cor. 5. 3. 4. 5. 2. Cor. 2. 10.

(b) Euseb. Hist. l. 3. c. 23.

(c) 1. Petr. 3. 9.

(d) Is. 1. 16. 18.

(e) Can. Apost. 51. Conc. Nic. I æcum. an. 325. can. 8. Laod. c. an. 368. can. 2. Carth. III, an. 397. can. 35. S. Petr. Alex. can. 4. (f) Matth. 12. 32.

(g) S. Ambr. de Spir. S. l. 1. cap. 3. (al. 54.) S. Hier. Ep. 148. (al. 5.) critic. tom. 4.

(h) S. Chrys. Hom. 41. in Matth. S. Aug. Ep. 50. c. 11. (al. 185. c. 49.)

(i) Conc. in Phryg. cont. Montan. c. an. 272.

(k) Icon. & Synod. in Asia, an. 235.

Rom. sub S. Cornel. an. 251. Antioch. an. 252. Nic. I, supra. Vide S. Cyp. cont. Novat. Euseb. Hist. Eccl. l. 6. c. 38. Soerat. Hist. l. 4. c. 28. S. Epiph. Hæz. 59. Conc. Trid. sess. 14. cap. 1.

(l) S. Ign. Ep. ad Philad. S. Dionys. Cor. ap. Euseb. Hist. l. 4. c. 23. Zephyrin. P. apud Tert. de pudic. cap. 1. S. Petr. Alex. can. 3. ap. Euseb. Hist. l. 3. cap. 23. tom. 1. Conc. S. Basil. can. 5. S. Leo 1 Ep. 79. (al. 129.) cap. 6. Const. Apost. l. 2. c. 40. Conc. Carth. IV, an. 398. 6c. In quibusdam Africæ locis, contra adulteria clausus erat pœnitentiæ locus; (S. Cyp. Ep. 51. ad Ant. [al. 55.] §. 12.) sed hæc fuit paucorum Præsul. inconsiderata severitas, gienti,

gienti, commissaque sincero animo plangenti; neque ipsimet *viris sanguinum* (m), aut latronibus, in quos publica Legum vindicta extremo supplicio animadvertit. Nec enim obsolescere potuit exemplum latronis illius: in quo primitiæ Redemptionis consecratæ sunt; qui nempe cùm in Cruce patienti Domino JESU liberrimum tribuisset innocentiae testimonium, eique se animo pœnitenti commendasset, statim è paribulo ad Paradisi gaudia transferri meruit (n). Cruciatibus tamen, apud diversa loca, reconciliationem denegavit sequiotis ævi barbaries. Scilicet contendebant quidam Theologi, hominem Absolutionis beneficio à peccatis suis liberatum, mortè etiam liberandum esse (o): quod cùm abnuerent Judices seculares, capite damnatos malebant inabsolutos perire, quàm absolutos impunitatem adipisci. Quem usum falso argumento nixum, & contra Ecclesiæ mentem in Gallias inductum (p), desinente jam propemodùm quarto-decimo seculo (q), tandem è medio sustulit Ca-

rolus VI, Edicto constituens ut in posterum ad fontes capite damnatos inducerentur Pœnitentiæ Ministri, à quibus, ritè confessi, absolverentur (r).

JAM verò inter conditionem accedentis ad Pœnitentiam, & conditionem adulti Baptismum suscipientis, quid intersit, sedulò animadvertendum est. Quantumcumque peccaverit homo adhuc infidelis, minime compellitur ad peccata sigillatim ante Baptismum confitenda, eique pœna expiationis omnino nulla imponitur, quam præcepti religione vel Sacramenti necessitate subire debeat; sed, posita Pœnitentiæ virtute, originalis peccati omniumque actualium remissionem plenissimam in aquis regenerantibus accipit. Pœnitentia verò eà duntaxat lege conceditur, ut, dimissa pœnâ æternâ, pœna temporalis, pro ratione peccati, sustineatur: undè sequitur Confessionis necessitas, & quidem distinctæ, sine qua utique præscribi non posset justa & legitima ejusmodi compensatio. Et certè rationi

non verò Ecclesiæ disciplina ullo decreto sancita. Erga fidei desertores flagitiis perditissimos, qui, nisi morientes, Pœnitentiam non poscebant, quidam olim observatum fuisse, non consentiunt Ecclesiasticæ antiquis, periti, *Vide S. Cyr. Ep. 52. §. 13. Conc. Arel. I, an. 314. can. 22. Inn. I, Ep. 3. cap. 2. Morin. de Pœnit. l. 10. c. 1. n. 8. Tillem. tom. 4. p. 99. & tom. 10. p. 643. Nat. Alex. in secul. III. dissert. 7. alioque Theol. Quod pertinet ad Canones Eliberitanos 2^{um}. 6. &c. dispensatur ad, Communionis nomine, Absolutionem, an Eucharistiam certis peccatoribus in ipsa morte denegandam pronun-*

*tient hujus Concilii Patres, omnium rigidi-
diffimi. (Morin. sup. c. 8. n. 1. & l. 6.
c. 1. n. 6.) Vide Nat. Alex. dissert. 21.
in sec. III, & alios passim Theol.*

(m) *Pf. 138.*

(n) *Luc. 23. 40. 41. 42. 43.*

(o) *Pullus, seculo XII. l. 6. sent.
c. 53. Vide Nat. Alex. tom. 3. p. 665.*

(p) *Conc. Mogunt. an. 848. can. 27.
Tribur. an. 896. can. 31. Vienn. æcum. an.
1112. Clem. V, l. 5. tit. 9. cap. 1. Conc.
Nogar. in Prov. Aufc. an. 1315.*

(q) *2. Febr. an. 1396.*

(r) *Ordonn. du Louvre, t. 8. p. 122.*

summopere consentaneum est ut, in gratiam susceptæ Religionis, omnimodâ facilitatè gaudeant qui adultâ aetate baptizantur, qui nempe ignorantes, nec tam copioso gratiæ auxilio ad refrænamandam concupiscentiam roborati, in incredulitate peccaverunt; severius autem tractari eos, qui, in Baptismo *illuminati*, *sancti Spiritûs* in Confirmatione, & *doni cælestis* in Eucharistia *participes sancti* (s); in lethalia nihilominus prolapsi sunt: perfidi, qui pactum cum Deo initum fregerunt; ingrati, qui *Filiam Dei*, cujus sanguine abluti fuerant, *rursus* quodammodo *crucifixerunt* (t).

Porro æquissimum erat ut, nisi summo animi conatu, in gratiam cum Deo offenso non rediremus (u). Neque enim forsitan aliter id sentiremus quod populo suo prævaricatori suggerit Deus per Prophetam: *Scito & vide quia malum & amarum est reliquisse te Dominum Deum tuum, & non esse timorem meum apud te* (x). Exigit severæ iustitiæ disciplina ut peccator totâ tribulatione animæ suæ quærens Dominum à quo recesserat (y), admissa plangat scelera, & pro ipsis convenienter satisfaciat.

Ex dictis, Pœnitentia sic definiri potest, ut sit *Sacramentum per quod homini contrito, confesso, & saltem ad satisfaciendum parato, Absolutionis virtute remittuntur peccata post Baptismum commissæ*. Peccatum detestari, atque ab ejus non solum actu manum sensusque compescere, sed ab ipso etiam affectu mentem abducere; coram Sacerdote confitendi verecundiam subire; condignâ pœnitentiâ id in se plectere, quod malefano quodam animi furore commissum atque admatum fuerat: hæc est *laboriosus Baptismi* (z), scilicet Pœnitentiæ, austera conditio. « Labor » verò iste paucorum est, qui post « casum resurgunt, qui post vul- » nera convalescunt (a). » Pœnitentia donum Dei est, Dei offensi, nihilque peccatori debentis; & qui, cum veniam pœnitentibus promiserit, nemini pœnitentiam pollicitus est. Nemo igitur de venia præsumat; quippe *inter* majora Dei beneficia computatur gratia veræ Pœnitentiæ: nemo tamen desperet; Deus enim infinitè summæque misericors non mortem peccatoris, sed ejus conversionem, vitam & salutem velle se testatur (b).

(s) Hebr. 6. 4. §.

(t) Ibid. v. 6. Vide Conc. Trid. Sess. 24. cap. 8.

(u) Ibid. cap. 2.

(x) Jerem. 2. 19.

(y) Deut. 4. 29.

(z) Conc. Trid. sup.

(a) S. Pacian, Ep. 3.

(b) Ezech. 33. 22.



CAPUT II.

DE Pœnitentiæ materiâ generatim.

PœNITENTIÆ *materia duplex. Quam proxima, quam remota.*

Materia circa quam, alia necessaria, alia sufficiens. Pœnitentia partes duas necessarie, una integrans. Trium Pœnitentia partium nexus atque ordo necessitatis.

DUPLEX est Pœnitentiæ materia: alia videlicet *remota*, alia *proxima*. Materia *remota*, sunt peccata actualia post Baptismum commissa, Confessione *orali*, aliove signo manifestata. Quemadmodum enim lignum materia ignis idcirco dicitur, quod lignum absorbit ignis; sic etiam peccata, cum per Pœnitentiam deleantur atque destruantur, nonnullam materiæ similitudinem in Pœnitentia gerunt. Quasi materia *proxima* sunt tres actus Pœnitentis, scilicet cordis Contritio, oris Confessio, & operis Satisfactio: « qui » (actus), quatenus in Pœnitente ad » integritatem Sacramenti, ad ple- » namque & perfectam peccatorum » remissionem ex Dei institutione » requiruntur, hac ratione Pœniten- » tiæ partes dicuntur (a). »

Quia verò tres illi actus à Concilio Tridentino non præcisè *materia*, sed quasi *materia* hujus Sacramenti denominantur; illisà Concilii definitione, sentiunt quidam Theologi ipsam Pœnitentiæ mate-

riam esse *manuum impositionem*, quo pacto in Confirmationis Ordinisque Sacramentis hæc ipsi est proprietas. Undè in praxi, cum olim absolutoriæ sententiæ prolationem comitaretur manuum impositio (b), ita nunc hujus loco residua extensio dexterae in Pœnitentem, quando absolutur, nunquam est omitrenda (c). Hinc scilicet, quemadmodum *JESUS extendens manum, tetigit (leprosum), dicens: Volo, mundare; & continuo lepra discessit ab illo (d)*; sic Sacerdos pariter extensâ manu Absolutionem pronuntians, immundissimam peccati lepram Pœnitentis animâ excutit.

Materia verò Pœnitentiæ *remota* duplex distinguitur, sicut & peccatorum species geminatur. Peccata enim alia *mortifera* sunt, quæ videlicet *uno iñu animam perimunt*; alia *levia & minuta*, quæ hominis cum Deo amicitiam per se non dissolvunt, nec possunt omnia in tota vita, etiam à Sanctis & Justis, devitari (e), nisi ex speciali Dei

(a) Conc. Trid. Sess. 14. cap. 3.

(b) Carth. IV, an. 398. can. 76.

(c) Mediol. V, an. 1579. Aqueſe, an. 1585.

(d) Luc. 5. 13.

(e) S. Aug. Serm. 181. (al. 29.) de verb. Ap. c. 6. & Serm. 278. (al. 34.) de divit. n. 12. Conc. Trid. sess. 6.

privilegio, quemadmodum de Beata Virgine tenet Ecclesia (f), de qua utique præcellentiſſima Deipara S. Auguſtinus, *propter honorem Domini, nullam prorsus, cum de peccato agitur, vult haberi quæſtionem* (g). Itaque, poſitâ illâ peccatorum diſtinctione, duplex etiam agnoſcitur *materia Pœnitentiæ remota*, ſeu circa quam verſatur: alia nempe *neceſſaria*, alia *ſufficiens*. Peccata lethalia poſt Baptiſmum admiſſa, cum remitti non poſſint niſi per hoc Sacramentum in re vel in voto ſuſceptum, *materiam præbent neceſſariam*; venialia verò *ſufficientem* ſubminiſtrant (h), eandemque liberam; poſſunt enim aliis quoque remediis expiari (i): quanquam horum utiliſſima eſt Confeſſio Sacramentalis, idèdque à Confeſſariis & Paſtoribus ſuadenda.

Illa autem diſtinctio *materiæ remotæ*, quæ, juxta culparum diverſitatem, ſit modò *neceſſaria*, modò *ſufficiens*, locum non habet in materia ex qua componitur hoc Sacramentum, quæ etiam *proxima* dicitur, & *quæſi materia*, iſiſque conſtat Pœnitentiæ actibus, Contritione nimirum, Confeſſione & Satisfactione. Contritio enim ſemper, & Confeſſio in ordine communi, ipſaque Satisfactio acceptata, ſeu Satisfactionis propoſitum quod includit vera Contritio, neceſſaria ſunt ut partes ad Sacramenti eſſentiam pertinentes; Satisfactio verò actualis, ſeu Satisfactionis propoſitum actu com-

pletum, ut pars *integrans*. Ea Sacramenti Pœnitentiæ natura eſt, ut Sacerdos, tanquam judex atque mediator *miniſterialis* Deum inter & hominem à Chriſto Domino conſtitutus, cordis à Deo aberrationem, ejuſque ad Deum converſionem æquâ lance ponderate debeat, nec judicium reconciliationis proferre, niſi cognitâ cauſâ, ſimulque introſpectâ Pœnitentis immutatione, pronâque ad ſatisfaciendum voluntate. Qui ergò Pœnitentem nulla doloris ſigna exhibentem idcirco abſolveret, quòd venialia, quæ ſola eſſet confeſſus, non ſint materia Sacramenti neceſſaria, hic non minùs à teſto ratiocinio atque ab officio recederet, quàm ſi Euchariſtiæ Sacrificium ſine vino celebrare ſe idèd poſſe contenderet, quòd ad celebrandum nullo tunc præcepto adigeretur.

INTER ſe autem ita connexæ & concatenatæ ſunt tres Pœnitentiæ partes, ut in omni vero Pœnitente, includat Contritio propoſitum conſtitendi atque ſatisfaciendi, Confeſſionem antecedant Contritio & ſatisfaciendi voluntas, Satisfactioni communiſus præzeant Contritio & Confeſſio; nam Satisfactio, cum olim, ut plurimum, Abſolutionem anteverteret, nunc ſæpiùs eam ſequitur; & Pœnitens in mortis articulo, cum jam defecit ſenſuum exteriorum uſus, nullâ injunctâ ſatisfactione, validè abſolvitur. Adcò neceſſaria

(f) Ibid. can. 23.

(g) S. Aug. de nat. & grat. c. 36. n. 42.

(h) Conc. Trid. ſeſſ. 14. c. 3.

(i) Scilicet Oratione Dominicâ, Aquâ-

benedictâ, Pane-benedictò, Benedictione Episcopii vel Presbyterii, aliisque id genus, quibus comes eſſe debet virtus Pœnitentiæ.

est Contritio, ut nullo in casu, ne ipsa quidem in morte, suppleri possit. Cui suppetit confitendi facultas, ei necessaria est Confessio; hæc autem in mutis per nutus & signa suppletur. Quibus morbi vis acrior vocem præcludit, his, cum Absolutione, sufficit Contritio, etiam imperfecta. Quibus deest Confessarius, ii per Contritionem perfectam cum voto Sacramenti, misericordiam consequuntur. Ii Satisfactionem debent, quibus est Satis-

factio possibilis; nec quisquam satisfaciendi voluntate carens Absolutionis beneficio donandus est. Sapiens autem decernat Confessarius quæ & quanta Satisfactio Absolutionem præcedere vel sequi debeat.

His expositis, tria ex parte Pœnitentis in reconciliationis Sacramento requiri manifestum est, Contritionem videlicet, Confessionem & Satisfactionem: de quibus ex ordine disferendum.

C A P U T I I I.

DE Contritione: quàm sit necessària, & qualis esse debeat.

CONTRITIONIS excellentia, definitio, necessitas. Qualis esse debeat Contritio. Contritionis donum obtineri quomodò possit.

TRES inter Pœnitentis actus primum locum obtinet Contritio, ut potè cæteris excellentior atque efficacior. Confessionem & Satisfactionem supplere aliquandò potest; ipsa verò, nec per eleemosynam, orationem, jejunium, nec per Confessionem, Satisfactionem, Indulgentiam aut Jubilæum, neque in vita, neque in morte suppletur.

Sic autem definitur, ut sit *Animi dolor ac detestatio de peccato commisso, cum proposito non peccandi de cætero* (a). Nomen à conterendo accepit, eò quòd hominis animum peccato rigidum quodammodò emol-

liat, conterat atque comminuat. In ipsius autem rei naturâ duo includuntur, scilicet veteris vitæ odium, & novæ propositum. Ejus necessitatem ipso Evangelio anteriorem apertè docet Scriptura sacra, quæ Davidem, Ninivitas, aliosque complures exhibet, spontè afflictato corpore, animo in Dei ultoris flagella patato, fufis ubertim lacrymis, & quod omnium maximum est, corde contrito & humiliato verè pœnitentes, neque aliter cum Deo offenso reconciliatos (b). Ad eam passim gravissimis verbis excitant & cohortantur sancti Patres; simulque admonere

(a) *Conc. Trid. Sess. 14. c. 4.*

(b) *Jon. 3. 5. 6. &c. 2. Reg. 12. 13. &*

24. 10. Pf. 10. &c. Pœnitentiales. Luc. 7. 37. 38. Math. 26. 75.

non omitunt ipsam gratitum Dei donum esse, quod per animi gemitus, Christi meritum virtute, obtinetur.

His in antecessum notatis, in quo posita sit Contritionis veritas, accurate investigandum est. In ore plurimorum sonat Contritio; in corde verò paucissimum sedet: veram igitur à falsa internoscere permagni refert. Dolorem de peccatis, & quidem vehementissimum, gesserunt Cain, Sath, Antiochus, Judas, Simon Magus; nec tamen justificationis gratiam consecuti sunt. Alii simulatè doluerunt, alii ex malorum temporalium sensu, alii sine spe veniæ. Gemitus, lacrymæ, peccatoris percussio, & si qua sunt alia huiusmodi, quibus animi dolor exterioris manifestetur, externa doloris signa existimanda sunt, minimèque contemnenda; non autem semper indubitata genuinæ veræque Contritionis indicia. Hæc videlicet, cum sit laudabilis in fletu, & in planctu (c), in jejuniis (d), cæterisque laboriosis operibus, animas tamen affligere potius debet, quàm facies exterminare (e).

ITAQUE vera & genuina Contritio has in suo conceptu includit proprietates, ut esse debeat *supernaturalis, summa, interior, universalis & efficax*.

Sic 1º. *supernaturalis* ex parte motus divinæ gratiæ, juxta illud Prophetæ: *Converte nos, Domine, ad te; & convertemur* (f). « Si quis » (enim) dixerit, sine præveniente » Spiritus sancti inspiratione atque » ejus adjutorio, hominem pœnitere posse sicut oportet ut ei justificationis gratia conferatur; » illi anathema dicit sacrosancta Tridentina Synodus (g). Ad principium supernaturale accedat simile incentivum, fide scilicet revelatum. Peccata commissà desistant, vel propter immensam Dei bonitatem quæ peccati malitiâ summopere læditur; vel propter bona supernaturalia, quæ nobis admittit peccatum, & ejusdem generis mala quæ ex illo in nos gravissima redundant. Vera non esset Contritio, quam eliceret naturalis pudor, vel temporalis rei amissio.

IIº. *Summa* sit Contritio, id est, super omnem dolorem sit dolor qui per Contritionem in animo excitatur. Summum utique malum est peccatum, quoniam per illud & summa Deo injuria, & summum nobis detrimentum affertur (h); summum igitur peccati odium nos capiat (i), illudque supra omne detestabile detestemur necesse est. Non autem requiritur ut dolor de peccato conceptus sensu omnium vividissimo mentem afficiat: quod scilicet nequam in hominis potestate est. Sufficit

(c) Joel, 2. 12.

(d) Dan. 9. 3.

(e) Levit. 16. 29. 31. Matth. 6. 16.

(f) Thren. 5. 21.

(g) Sess. 6. can. 3.

(h) Duplex hoc mali genus, *malum culpæ*, & *malum pœnæ* vocant Theologi. *Malum culpæ*, est injuria Deo per peccata

rum illata: *malum pœnæ*, est ingens damnum à peccato ad hominem proveniens: dum ipse gratiam sanctificantem amittit, jure ad coelestem hereditatem spoliatur, æternisque ignibus adducitur.

(i) Cat. Trid. part. 2. de Sacram. Pœnit. n. 35.

ut ille apud voluntatem cæteris dominetur, sitque, prout loquuntur Theologi, *appreciativè summus*; undè Pœnitens amissam Dei gratiam plus doleat, quàm si pretiosissima & charissima quæque amisisset. Quòd si tamen alicui Pœnitenti hoc divinitus contingat, ut hic dolor ipsam infetioiem animæ partem occupet, ac, præ divini amoris suavitate, *divisiones aquarum deducant ipsius oculi* (k); posita doloris interni veritate, donum sancti Spiritûs, à quo sunt lacrymæ Pœnitentium (l), cum gaudio excipendum est. Uno verbo, gradus ille perfectionis optandus quidem, sed non pro necessario habendus.

Illud etiam hic animadvertendum occurrit, eâ peccati super aliud quodvis malum detestatione non requiri ut animo proponantur mala omnia sigillatim, qualia sunt probra, tormenta, mors ipsa; sed satis esse ut generatim concipiantur. Et quidem mala singula inter cogitandum revolvî non expedit; ne, objectâ specie terribili, mens in proposito vaciller, aur levis & confidentius quidquam sibi appromittat, quod, datâ occasione, non exequatur, quemadmodum Principi Apostolorum contigit; qui, postquam sese cum Domino JESU in manus peccatorum tradito (m) & in carcerem & in mortem ire paratum

esse fuisset audacter professus, repente ad unius mulierculæ vocem perterritus, summam illam, quam præ se tulerat, constantiam excelsæ animi magnitudinem ita oblitus est, ut Dei ejusdem ac Domini sui discipulum se esse palam negaverit (n).

III°. Interior sit Contritio; vera enim conversio in ore non accipitur, sed in corde (o). Peccata omnia de corde exeunt (p); cor novum faciat dolor Contritionis (q). In corde consummatur peccatum: in corde per sinceram Pœnitentiam expiatur (r).

IV°. Universalis sit Contritio, id est, ad omnia peccata, saltem lethalia, extendatur, Deo nimirum sic præcipiente: *Agite pœnitentiam ab OMNIBUS iniquitatibus vestris* (s): *Convertimini ad me in TOTO corde vestro* (t). Deum inter aliumque ascititium finem ultimum ne sit divisus cordis affectus (u): quod nempe fieret, si cui adhuc lethali peccato adhæreret Pœnitens, undè nullum verè & ex animo detestaretur, Deique omninò remaneret inimicus. Omnia siquidem peccata lethalia gratiæ sanctificanti æquè repugnant, nec seorsim condonari possunt. Et certè peccatum quod diligitur, confitendo minimè deletur (x).

V°. Efficax demùm sit Contritio, id est, melioris vitæ includat

(k) Thren. 3. 48.

(l) S. Leo; de Pentec. serm. 1.

(m) Luc. 24. 7.

(n) Luc. 12. 33. 37.

(o) S. Greg. l. 2. in 1. Reg. c. 3.

(p) Mich. 3. 18.

(q) Ezech. 18. 31.

(r) Orig. Hom. 24. in Num. Conc. Cabil. II, an. 813. vel 815. can. 56.

(s) Ezech. 18. 30.

(t) Joel. 2. 12.

(u) Osee 10. 2.

(x) S. Greg. in 1. Reg. 15.

propositum, ita ut violentia pœnitendi cedat consuetudo peccandi (y). Et quidem ille Deo mentitur, qui se peccata sua detestari asseverat, nec tamen ab iis omninò cessare paratus est. Neque verò satis est conceptum sanctius vivendi desiderium; sed firma & inconcussa requiritur sic reipsâ vitam instituendi voluntas. Pœnitentia enim est, mala præterita plangere, & plangenda non committere (z).

Hinc falsam gerit Contritionem, falsam proinde ostentat pœnitentiam, si quis non recedat à munere quod sine peccato exerceri non possit; si offenso cuilibet non satisfaciat, aut si offendentis offensus non indulgeat (a); si quis detrectet aliena iniuste retenta vel malè parva restituere, aut peccati occasionem proximam relinquere. Hi, & si qui sunt eorum similes, nedùm iniquitatem horreant, ei potiùs addictos se ostendunt; & quantumvis contritos sese affirmant, absolvendi non sunt (b), quin priùs id omne fecerint, aut saltem (si Absolutionis dilationem non ferant circumstantiæ) id omne facturi meritò præsumantur, quod ad probandam illius, quam sibi vindicant, Contritionis veritatem necessarium fuerit.

Præterea includere debet Contritio divinæ misericordiæ fiduciam (c). Quo quidem nomine haudquaquam intelligitur nuda spes quæ in peccatoribus, etiam nondùm

contritis aut converfis, nec firmum conversionis propositum habentibus, inesse potest; sed alia quædam & firmior animi habitudo, quâ scilicet peccator, jam verè pœnitens, & iniuriâ Dei clementiæ fretus erectusque, ita fore confidit, ut plenam delictorum omnium condonationem, modò ea simpliciter integrèque confessus fuerit, per Absolutionem sacerdotalem consequatur. Qui quidem talis esse intelligitur, ut jam sincerè ad Dominum reversus, admissa scelera odio habeat ac detestetur, proptereaque intimum animi dolorem Dei causâ concipiat, & pravam antea vitæ consuetudinem corruptosque mores firmo stabilique proposito emendare constituat.

Ur autem à Deo eximium illud vitæ Contritionis donum obtineat peccator, eum invocet gratiæ Spiritum à quo sunt gemitus animæ Deum offensum vehementer sentientis (d). Tum sese laboriosis Pœnitentiæ operibus exerceat; & quod omnium primum est, quiescat agere perverse, distat benè facere (e). Quantâ demùm cordis perversitate aversus à Deo fuerat, tanto fervore ad illum resuspiret. Ad quam internam renovationem maximum sibi comparabit adjumentum, si selecta quædam Scripturæ loca meditetur, undè sincerum peccati dolorem concipiat. Fœcundum præ cæteris adeat pie-

(y) S. Aug. traçt. 49. in Joan. Ev. §. 19.

(z) S. Greg. Hom. 14. in Ev.

(a) Conc. Later. II œcum. an. 1139. can. 22.

(b) Regula Sacram. S. Car. Borr. de

obscr. in ministr. Sacram. Pœnit.

(c) Conc. Trid. sess. 14. cap. 4.

(d) S. Leo, de Pœnit. Sermon. 1.

(e) Is. 1. 16. 17. Vide Prov. 16. 5.

tatis fontem, Psalmos Davidicos, qui à S. Augustino jute ac meritò nuncupantur » delicia mentium, » medicina vulnerum, thesaurus » Spiritus sancti; »isque studiosius immoretur, quibus vividissimos Pœnitentia sensus commisit Rex Propheta, post agnitum adulterii & homicidii geminum flagitium Deo reconciliatus. Hic scilicet à facie peccatorum suorum turbatus (f), gemit & suspirat; » non aves solitarie flebilis sonant; nec modus » lacrymis; his cibos, his lectum

» irrigat: versi in fontes oculi, ex- » cavatæ propemodùm genæ; de- » ductique in sinum rivi ne ipsa » quidem venia inarescunt. Quis » non exardescat ad tantos Davidis » ignes (g)? » Quis non amet tales profundere lacrymas, » quarum ope » occurrunt sibi mutuo in osculo san- » cto Deus & pœnitens anima (h)? » O dulces lacrymæ, quæ voluptatis sensum omnem exsuperant! Cui verè pœnitenti non benè sit cum eis (i)?

(f) Ps. 37.

(g) Boetius, de grandiloq. & suavit. Psalm.

(h) De imit. Chr. l. 3. c. 32. n. 9.

(i) S. Aug. Conf. l. 9. c. 10. n. 2.

CAPUT IV.

DE Contritione, tum perfectâ, tum imperfectâ; & de praxi Contritionis in ordine suscipiendi Sacramenti.

CONTRITIO duplex. Effectus Contritionis perfectæ. Sit in Attritione charitas initialis. Quibusnam gradibus soleat peccator ad justificationem pervenire. Timor simpliciter servilis. Timor naturalis. Timor filialis. Attritio cum Sacramento sufficiens. Timor serviliter servilis. Praxis Contritionis. Quibusnam motibus & gradibus Pœnitentes amore divine inflammandi. Observatio.

DUPLEX distinguitur Contritio: altera perfectâ, altera imperfectâ, quæ etiam Attritio dicitur.

Contritio perfectâ, est *Affectus animi pœnitentis, ex Dei amore vehementi, peccatorumque ingenti defestatione conceptus, quo quidem peccatum, velut offensam Dei prop-*

ter se dilecti, penitus exhorrescit. Positâ igitur eâ Contritione, super omnia, summusque est ille amor; id est, propter Deum super omnia saltem appreciativè dilectum concipitur; ita ut Pœnitentis voluntas peccatum super omne malum propterea detestetur; ipsaque malum quodli-

bet vel gravissimum, imò extrema
queque perperit potius parata sit,
quàm Deum offendere. Hujus Con-
tritionis excellentiæ responder effectus
eximius. Nam « sicut ignis, omne
» animæ vitium perurit & excoquit;
» & quantumque in eâ repeterit
» mala, abstergit universa & peni-
» tūs delet (a), » hominem scilicet
Deo reconcilians, antequàm Sacra-
mentum aq̃ suscipiat. *Ipsi tamen*
Contritioni, sine voto Sacramenti,
quod in ea includitur, non est as-
cribenda illa quam modò diximus,
anticipata reconciliatio (b).

Contritio imperfecta, seu *Attri-*
tio, vel ex turpitudinis peccati con-
fideratione, vel ex gehenna & pœ-
narum metu communiter concipit-
ur (c). Quam quidem, « si volun-
» tatem peccandi excludat, cum spe
» veniæ, declarat (sacrosancta Tri-
» dentina Synodus) Dei donum esse,
» & Spiritus sancti impulsum, non
» adhuc quidem inhabitantis, sed
» tantum moventis, quo Pœnitens
» adjutus viam sibi ad justiciam pa-
» rat. Et quamvis, sine Sacramento
» Pœnitentiæ, per se ad justificatio-
» nem perducere peccatorem ne-
» queat; tamen eum ad Dei gra-
» tiam in Sacramento Pœnitentiæ
» impetrandam disponit (d). »

Pœnitentes autem suos, juxta
Cleri Gallicani doctrinam, admo-
neant Confessarii, « ne se putent se-
» curos in Sacramenti Pœnitentiæ

» perceptione, si, præter fidei &
» spei actus, non incipiant diligere
» Deum, tanquam omnis justitiæ
» fontem. Neque verò satis adim-
» pleri potest isti Sacramento ne-
» cessarium vite novæ inchoandæ
» ac servandi mandata divina pro-
» positum, si Pœnitens primi ac
» maximi mandati, quo Deus toto
» corde diligitur, nullam curam
» gerat, nec sit saltem animo ita
» præparato, ut ad illud exequen-
» dum, divinâ opulante gratiâ,
» sese excitet ac provocet (e). » Sci-
licet propriè dictæ charitatis initium
cum Attritione esse debere, unani-
miter docent potioris notæ famæque
Theologi, nostrares maximè; ut
potè qui existimant eo modo in-
telligendum esse Concilium Tri-
dentinum, cum inest actus qui pec-
catorem ad consequendam Justifica-
tionis gratiam disponunt, hunc re-
censet, ut Deum tanquam omnis
justitiæ fontem diligere incipiant (f).
Et cetera (ut Scripturæ & Patrum
verbis utamur) initium quidem sa-
pientiæ timor Domini (g); & qui
sine timore est, non poterit justifi-
cari (h); qui verò non diligit,
manet in morte (i). Tantum quis-
que peccatum odit, quantum jus-
ticiam, qui Deus est, diligit (k);
quinimò pœnitentiam certam non
facit nisi odium peccati & amor
Dei (l), saltem initialis, qui tan-
dem, accedente Sacramenti gratiâ,

(a) S. Chrys. de compunct. cord. l. 2, cap. 3.

(b) Conc. Trid. sess. 14. c. 4 de Cont.

(c) Ibid.

(d) Ibid.

(e) Declar. Convocat. Cleri Gall. an. 1700.

(f) Sess. 6. cap. 6. de Justif.

(g) Ps. 110.

(h) Eccli. 1. 27.

(i) 1. Joan. 3. 14.

(k) S. Aug. Ep. 145. (al. 144.) n. 4.

(l) Id. serm. 7. de temp. Vide S. Chrys. Hom. 1. in Ep. ad Rom. &c.

vehementer ignescit ac dilatur (m). Hinc accedit quod, etiam si daretur, dissidentibus inter se Theologorum placitis, aliquod hac de re dubium superesse, tamen propter hoc ipsum quod eâ de re dubitatur & controvertitur, non satis magnam salutis suæ curam gerere censendus esset, qui, ad Pœnitentiæ Sacramentum accessurus, ita soli timori ultro inhæteret, ut ad diligendum super omnia Deum quem peccando contempsit, non modis omnibus anitetur.

HIS autem gradibus solet peccator ad justificationem pervenire. Omnium primum, *credere oportet accedentem ad Deum placandum quia est* (n), & inquirentibus se per sincerum animi dolorem placabilis. Hinc fides getmen Contritionis est. Qui Deum credit, hunc summe potentem, & peccati summe inimicum necessariò cogitat. Metum Dei ultoris excipit aliqua in Deum misericordem fiducia: sequitur initium dilectionis Dei, ac

denique cordis immutatio vitæque novitas. Raro siquidem conversio incipit à sufficienti, longè rariùs à perfectâ Contritione. Quorum multiplicata sunt pravaricationes & confortata averfiones (o), ii non faciliè ad justitiæ amorem reducuntur. Cujus vita lapsa est in lacum peccati profundissimum (p), hic non inde primo impetu, sed per longos ac difficiles conatus vix tandem emergit. » Spiritus quidem non modò » ubi vult, sed quando vult spirat; » nec ei difficile est desubito perfectam dare Contritionem cordis, » quam vix multo tempore alii consequuntur (q). Est tamen iste » communis & consuetus cursus justificationis, ut, Deo movente » interius animam, homo convertatur ad Deum, primò quidem » conversione imperfectâ, ut postmodum ad perfectam deveniat (r); » quia charitas inchoata meretur augeri, ut aucta mereatur perfecti » (s). »

Sæpè initium ducit Contritio à timore servili, eo scilicet, cujus

(m) Hinc merito à Cleri Gallicani Comitiis generalibus, anno 1700, condemnatae sunt tres subjectæ propositiones, assignatâ singulis Censurâ propriâ, ut sequitur:

1^a Prop. Probabile est sufficere Attritionem naturalem, modo honestam.

Hac propositio est hæretica.

2^a Prop. Attritio ex gehennæ metu sufficit, etiam sine ullo ad Deum offensum respectu; quia talis honesta & supernaturalis est.

Hac propositio quâ à dispositionibus necessariis ad Absolutionem excluditur quilibet ad Deum offensum respectus, temeraria est, scandalosa, perniciofa, & in hæresim inducit.

3^a Prop. Concilium Tridentinum adeò expressè definivit Attritionem quæ non vivificet animam, quæque supponatur sine amore Dei esse, sufficere ad Absolutionem, ut anathema pronuntiet adversus negantes.

Hac propositio falsa est, temeraria, Concilio Tridentino contraria, & in errorem inducit.

Abr. des Mém. du Clergé (1764), pag. 12.

(n) Hebr. 11. 6.

(o) Jerem. 5. 6.

(p) Thren. 3. 53.

(q) S. Bern. Serm. 75. de div.

(r) S. Thom. 1. 2. q. 113. a. 10.

(s) S. Aug.

impulsu abstinetur quidem à peccato, tanquam pœnam æternam promerente, sed exclusâ peccandi voluntate ac proposito, si abesset ejusmodi pœna; isque timor vulgò *simpliciter servilis* nuncupatur: & quamvis ad reconciliacionem in Sacramento Pœnitentiæ obtinendam non sufficiat, bonus tamen atque utilis est, cùm retineat concupiscentiam, & peccatorem à culpa retrahat. Qui peccato abstinere quia pœnam metuunt corporalem, ii se ipsos diligunt, non justiciam; homines timent, non Deum. Prodesse quidem potest hic timor; cùm autem sit omninò naturalis, non est Contritionis incitamentum sufficiens. *Timendus* ille nimirum, *qui potest & animam & corpus perdere in gehennam* (1). Hic timor à fide originem sumit, dat spei locum, viam sternit charitati; quo nimirum in sensu à Sapiente dicitur: *Timor Dei, initium dilectionis ejus* (u). Hinc timor ille, principium conversionis est, atque ad laudabilem mandatorum Dei observantiam conducit: quinimò in ipsismet justis perseverat innocentiae custos (x), ut potè qui *expellit peccatum* (y).

Est alius timor, *filialis* nempè & castus; quo movente, hominem justificatum sic *delectat invisibilis, pulchra, sancta justitia*, ut non ad

eam timore servili cogatur (z), sed peccate idcirco metuatur, quod Dei gratiam, Deumque, supremum videlicet bonum, nolit amittere. Hinc timor iste semper adjunctam habet charitatem, imò est ipsa *charitas, foras mittens timorem servilem* (a), quo impulsus animus *pœnâ terretur, non justitiâ delectatur* (b); quo proinde si quis erga Deum affectus sit, *non est perfectus in charitate* (c). Perfecta verò charitas (saltem juxta plurium Theologorum sententiam Nobis probatam) ea est, 1°. Quâ Deus ita propter se diligitur, ut nullum aliud præmium extra ipsum desideretur, nullaque timeatur alia pœna, quàm *faciem ejus non videre, & ejus gloriâ non satiari* (d). *Quæritur præmium, sed quod amatur* (e); timeatur pœna, sed privatio ejus quod amatur. 2°. Eâ charitate præditus, tam ignito erga Deum sensu afficitur, ut ad ipsum totâ mentis intentione *conveniat*, totoque cordis impetu suspiret. Hunc verò tantæ excellentiæ affectum certò dijudicate, *scrutantur corda solius Dei* est, cujus inter optima dona meritò computatur.

Itaque timor ille *Domini sanctus* (f), qui charitate perfectâ non excluditur, & qui in justis *viam mandatorum Dei dilatata corde currentibus* non deficit, Contritioni perfectæ admisceri potest; comitemque

(1) Matth. 10. 28.

(u) Eccli. 25. 16.

(x) S. Cyr. Ep. 1. (al. lib. ad Donat.)

(y) Eccli. 1. 27.

(z) S. Aug. serm. 159. (al. 17.) de verb. Apost.

(a) 1. Joan. 4. 18.

(b) S. Aug. Ep. 120. (al. 53.) c. 21.

(c) 1. Joan. sup.

(d) Ps. 41. & 16.

(e) S. Bern. de dilig. Deo, c. 7. (al. 17.)

(f) Ps. 18.

habet ingenui filii pium ac liberalem affectum, quo patrem à se offensum uberrimis lacrymis persequitur : cui nempe quod displicuerit, summi instar mali sibi esse arbitratur ; & cui ne ulterius displiceat, tantum metuit, quantum & ipsum diligere, & ab ipso diligere se concupiscit.

Porro Attritio cum Sacramento sufficiens, licet moru fructuque inferior, voluntatis immutationem peccatique odium nihilominus complectitur. Etenim, cum spe veniæ, voluntatem non peccandi includens, haud dubie adjunctum habet propositum observandi omnia Dei mandata, ideoque primum de charitate mandatum ; quod quidem propositum sine amore Dei (saltem inchoato) neque esse, neque concipi potest.

Est gehennæ timor infimi generis, *serviliter servilis* vulgò dictus, quo nempe ita animus afficitur, ut ad peccandum paratus esset, si sibi liceret impunè peccare. Timor ille manum quidem à peccato cohibet ; sed *pereris vita odium*, potuit ramen requirirur (g), non includit : animum non immutat, neque à creatura ullomodo ad Creatorem reducit. Arque idcirco peccator in eo statu remanens, ad consequendam peccatorum veniam nequaquam est idoneus ; quæ certè inquirarem diligenti, ac Deum quasi tyrannum suis cupiditatibus insensum, sine

ulla cordis ad ipsum conversione, reformidanti minimè conceditur.

JAM verò Confessarius, postquam hic summatim exhibita recognoverit quæ circa Contritionem perfectam & imperfectam, circa timorem Dei *filialem* & *servilem* necessaria aut utilia esse possunt, majorem in modum suadeat ut, posthabitis inanibus argutiis *qua quæstiones præstant magis quàm adificationem* (h), hæc in praxi fideliter observentur.

Studeant Pœnitentes Contritionem non solum imperfectam, sed & perfectam assequi. Timorem Domini, ejusque amorem ab eo suppliciter efflagitent, modò dicentes cum Propheta : *Confige timore tuo carnes meas, à judiciis enim tuis timui* (i) ; modò cum eodem : *Diligam te, Domine, fortitudo mea*, &c. (k). Presbyteri autem excipiendis Confessionibus præpositi, *gratia multiformis* (l) impulsus in Pœnitentium animis sedulò investigent, suæque illi monita atque hortamenta saluberrimum in modum attemperent. Nunc suaviter exhibitâ virtutis honestate alliciant ; nunc ad vivum objectâ peccati scditate percellant ; nunc judiciorum Dei æternique ignis tremorem inculcant ; nunc delicias ineffabiles veris arque sinceris Pœnitentibus promissas, immensamque ac perennem exigui & momentanei laboris mercedem exhibeant. Quid plura ?

(g) *Conc. Trid. sess. 14. cap. 4.*

(h) 1. *Tim.* 1. 4.

(i) *Pf.* 118.

(k) *Pf.* 17.

(l) 1. *Petr.* 4. 10.

gratiæ motibus & singulorum ingenio sese accommodet Confessarius, ea cuique proponens pœnitentiæ incitamenta, quibus eum vehementius commovendum prudenter judicaverit. Meminerit autem nullum amore divino efficacius peccati remedium esse, nullum pariter eo nobilius atque utilius Contritionis incentivum. Quamobrem, ut illius votis obsequatur, qui cœlestem hunc ignem venit mittere in terram (m), præcellentis & sacre dilectionis facies Pœnitentium cordibus vividissimas subdere conetur.

Quoniam verò (ut jam præmonuimus), juxta consuetum ordinem, non à sublimioribus incipit conversio peccatoris, quò facilius ad Contritionis perfectionem per quosdam veluti gradus assurgat anima peccatrix, omnium primum, suadente Sacerdote, videat & sentiat qualis antea fuerit, cum *Panem Angelorum* comedet (n), qualis autem facta sit, ex quo *filiquas porcorum*, turpissimam videlicet peccati saturitatem, ignobiliter concupivit (o): è sponsa Christi, subiecta satanæ; è templo Spiritus sancti, spirituum immundorum spelunca; è liberta Dei, rursus captiva in servitute peccati; è sorore Angelorum, socia dæmonum; è columba in Dei sinu volante, reptile fœdissimum, limoque turpiter infixum. Tum videat & sentiat homo divinæ Legis violator, quantum sibi malum ex

peccato consciverit. Qui scilicet, pro momentaneæ voluptatis fructu, pro caduci honoris fumo, pro miserrimæ ultionis dulcedine, pro vilissimi lucri mercede, Dei gratiam ultrò perdiderit; undè & divinâ filiorum adoptione & spe incorruptibilis hereditatis spoliatus, Deum patrem Christumque fratrem & coheredem habere deserit, infernum sibi referaverit & cœlum clausurit.

Deindè exponatur quantæ sit indignitatis, ut ausus fuerit homo, qui *pulvis & cinis* est (p), adversus Deum recalcitrare, *jugum ipsius confringere* (q), & quasi rebellionis arroganti verbo dicere: *Non serviam* (r); quantæ cecitatis, ut *dereliquerit Deum factorem suum, & recesserit à Deo salutari suo* (s); quanti furoris, ut benignissimum patrem contumeliâ affecerit, ut *Filium Dei conculcaverit* (t), ut Spiritum sanctum à se depulerit. Subindè animo revolvar, cum in abominationibus suis Deum ad iracundiam provocaret (u), quantâ bonitate, quantâ patientiâ & longanimitate ad pœnitentiam expectaretur (x); quanta fuerit divina misericordia, quæ impœnitentem non deseruerit, sed frequenter admonuerit conscientie stimulis, visitaveritque *tribulationibus*, quasi virgâ paternâ filium errantem corripiens; quique spargens pomales amaritudines super illicitas voluptates, *sic*

(m) Luc. 12. 49.

(n) Ps. 77.

(o) Luc. 15. 16.

(p) Gen. 18. 27.

(q) Jerem. 2. 20.

(r) Ibid.

(s) Deut. 32. 15.

(t) Hebr. 10. 29.

(u) Deut. 32. 16.

(x) Rom. 2. 4.

*vulneratum in sepulcro dormientem excitaverit (y). Dies enim verò illos reminiscatur infelices, quibus injustam peccati iucunditatem male sanus confectabatur. Quem fructum habuit tunc in illis, in quibus nunc erubescit (z)? Nonne suâ ligatus ferrea voluntate suspiravit (a)? Nonne, lassatus in via iniquitatis (b), in hæc verba interiùs etupir: «Fe-
» cisti nos ad te, Domine, & irre-
» quietum est cor nostrum, donec
» requiescat in te (c)? Væ animæ
» audaci, quæ speravit, si à te re-
» cessisset, se aliquid melius habitu-
» ram (d). » Nonne profundissimo quodam sensu expertus est promissa mundi futilia, voluptates occultâ spinâ pungentes, cuncta denique vanitatem & afflictionem spiritus (e)?*

Tum verò, ut plenam dulcissimæ consolationis fiduciam Pœnitenti suggerat, luculenter ostendat Confessarius, Deum non modò clementem esse Dominum, qui parcere sciat aliquandò, ut potè amans hominem quem fecit & refecit, sed etiam tenerrimum Patrem, qui filium errantem, ut primùm ad se revertitur, benignè suscipit (f), & super uno peccatore pœnitentiam agente maximum in cœlo vult esse Angelis suis gaudium (g).

His gradibus cum mentes terrenis affectibus depressas paulatim ad cœlestem divini amoris affectum sustu-

lerit, opus suum compleat, suavissimè revocatâ Christi patientis memoriâ: ejus divini Redemptoris vulnera, sanguis, mors denique crudelissima, & odium peccati Jesum crucifigentis, & amorem Jesu propter peccatum crucifixi, eloquio quodam significantissimo præcipiant.

Superest ultimus atque inter ceteros perfectissimus Contritionis gradus, ubi hæc scilicet ex amore Dei concipitur, quatenus in se infinitè boni & perfecti, modoque omnium absolutissimo quidquid in creaturis amabile occurrit, in seipso continetis: cujus nempe solius amor beatos facere nos potest, nostraque implere desideria; qui se à nobis amari exoptat, imò etiam imperat; ac demùm sine cujus amore in cordibus nostris dominante, nulla speranda est salus, nulla felicitas.

Talia Contritionis incitamenta, non quidem promiscuè, sed prout occasio Pœnitentisq; dispositiones rulerint, cum multa pietate atque unctione suggerant Confessarii. Et quò certius hunc finem assequantur, seipsos primùm ignito Dei eloquio succendant (h), seque in Dei sanctâ dilectione jugiter exercent. Charitatem faciliè infundit qui charitate fervet: de amore divino frigide loquitur, cujus in corde non factus est ille amor quasi ignis exarsuans (i).

(y) Pf. 87.

(z) Rom. 6. 21.

(a) S. Aug. Conf. l. 8. c. 5. (al. 10.)

(b) Sap. 5. 7.

(c) S. Aug.

(d) Idem. (e) Eccle. 1. 14.

(f) Luc. 15.

(g) Luc. 15. 10.

(h) Pf. 118.

(i) Jerem. 20. 9.

CAPUT V.

DE Confessione.

CONFESSIO definitio explicata. *Confessionem, tanquam à Domino institutam, astringit Ecclesia Traditio. Confessio Jure divino necessaria. Quàm malè Confessionem explodat Hæresis. Auricularis Confessio nunc sola in usu est. Præter Confessionis annuæ præceptum, quanam circumstantia ad confitendum urgeant. Officium Pastorum in audiendis, non modò periclitantium, verùm etiam cæterorum Parochianorum Confessionibus. Pœnitentialis ministerii fructus.*

CONFESSIO sic intelligitur, ut sit *Accusatio propriorum delictorum, ab ipso peccatore apud Sacerdotem approbatum emissa, ad eorum remissionem, virtute Clavium, scilicet Absolutione sacramentali, obtinendam.*

Hæc est Confessionis definitio: quam quidem per singula capita breviter explicabimus.

Ac primò, non declinet cor Pœnitentis in verba malitiæ, ad excusandas excusationes in peccatis (a). Confessio enim accusatio est, non excusatio; nec verò tanquam latantis cùm malè fecerit, suumque peccatum, *Sodoma instar, predicantis malefana jactatio* (b); nec veluti rem gestam otiosè referentis vana quædam narratio. Accusatorio animo peccata enumeranda sunt; sic videlicet ut Pœnitens speciem gerat hominis sibi

merito displicentis, atque in malorum operum accusatione quodammodò frementis (c).

Est propriorum delictorum accusatio, non autem alienorum. De his quippè in Confessione omnino silendum est, nisi aliter fieri compellat necessitas: si v. g. scelus quantum sit, tacito sceleris consorte, innotescere nequeat; si propria delicta declarari aliter non possint; vel si aliena quoquomodò sint Pœnitentis propria, sive quòd iis locum dederit, sive quòd eorum particeps fuerit, scandalo v. g., iussione, consilio, auxilio, conniventia; cùm scilicet ea impedire debuerit ac potuerit, nec tamen impedierit. His & similibus casibus exceptis, peccati socium nullus debet in Confessione detegere (d); semper autem, si fieri possit, alius

(a) Pf. 140.

(b) Prov. 1. 14. If. 3. 9.

(c) Ezech. 6. 9. & 20. 43. & 36. 31.

S. Aug. Tract. 49. in Joan. 5. 19.

(d) S. Thom. opusc. 12. q. 6.

adeundus est Pœnitentiz Minîster, cui sit ignotus peccati socius: sin aliter, cum multa prudentia detegatur.

Ab ipso peccatore emittenda est hujusmodi accusatio. Et quidem, apud sacrum Tribunal, Deus in persona Sacerdotis reum habet ultro farentem, ut absolvatur; non, quemadmodum in foro humano, alienâ declaratione accusatum, ut, postquàm admissi sceleris convictus in Judicio fuerit, condemnatur. Jam verò tenetur Pœnitens, verbis, non literis, per se, non per alium confiteri. Tunc, solummodò licita est Confessio per interpretem, cum ille nisi linguâ Confessario ignotâ loqui non potest.

Apud Sacerdotem confitenda sunt peccata. Primum quidem summo *Legislatori & Judici Domino suam* quemque *injustitiam* confiteri oportet (e): quæ nimirum Confessio, saltem generalis, sub ipsa *Lege Mosaica* in usu fuit ad peccatorum expiationem, quatenus peccata expiari per legales observantias poterant (f). Iusupèr autem, novâ sub *Lege*, emittenda est commissorum declaratio apud Sacerdotem, cui à supremo *Judice* collata fuit ligandi & solvendi potestas. Cujus in rei typum, manente veteri Testamento, lex posita erat leprosis ut se Sacerdotibus ostenderent: quo genere lepræ infecti essent, judicabant Sacerdo-

tes; postea verò, an mundari, an non, cognitâ causâ, declarabant; & quorum dubia erat curatio, eos temporis experimento explorabant (g). In lepra corpus maculante, expressa quædam agnoscitur figura peccati, animas scedâ contagione polluentis. Tenentur peccatores delicta Sacerdotibus per Confessionem aperire: Sacerdotum autem prerogativa est *inter lepram & lepram* (h), inter peccatum & peccatum discernere, convenientia vulneribus offensis remedia præscribere (i), curationem denique, vel maturam cautè impertiri, vel immaturam consideratâ tarditate suspendere.

Neque verò apud quemlibet Sacerdotem, sed *apud Sacerdotem approbatum* emitti debet Confessio. Ut enim seculares validè absolvere possint five Secularis five Regularis Presbyter, Jure communi necesse est Parochiale Beneficium ab eo possideri, vel *Diocesanæ Pontificis Approbationem* fuisse impetratam; nisi mortis immineat periculum, & nullus præstò sit Sacerdos approbatus.

Finis demùm Confessionis est *delictorum remissio per absolutoriam sententiam impetranda* (k). Quòd si igitur, propter verecundiam, Confessio gravis urcumque videri potest, maximo fructu ac dulcissimâ consolatione sublevatur hæc difficultas (l). » Omnia namque in Confessione » lavantur; conscientia mundatur,

(e) *Jac.* 4. 12. *Pf.* 31.

(f) *Levit.* 16. 21. & c. 26. 40. *Num.* 5. 6. 7. 1. *Esdr.* 9. 2. *Esdr.* 9. 2. 3. & seq. *S. Aug.* *Hom.* 12. n. 1.

(g) *Levit.* 8.

Tomus II.

(h) *Deut.* 17. 8.

(i) *S. Chrys.* *Hom.* 33. in *Joan.*

(k) *S. Amb.* de Pœnit. l. 2. c. 6. *Vide S. Cyr.* de lapsis.

(l) *Conc. Trid.* *Sess.* 14. c. 5. de Conf.

» amaritudo tollitur, peccatum fu-
» gatur, tranquillitas redit, spes
» reviviscit, animus hilarescit (m).»

» Neque satis fuerit (inquiunt Pa-
» tres Concilii Parisiensis) de pec-
» cati conteri, & ea apud sese Deo
» confiteri, nisi Sacerdoti quoque
» sacramentali Confessione detegan-
» tur. Ea quippe nec humanum,
» nec recens inventum esse potest,
» quæ tot & tantis fulcitur Scriptura-
» rum oraculis. Ad hanc enim, præ-
» ter multas Mosaicæ Legis figuras,
» propius manu duxisse videtur, pri-
» mum ille Christi præcursor, à quo
» qui baptizabantur, confitebantur
» peccata sua: tum Christus ipse,
» dum suscitatum Lazarum ab Apo-
» stolis solvi jubet; & ei quem à
» lepra curaverat, præcipit ut sese
» Sacerdotibus ostendat. At tum de-
» mum hujusmodi Confessionem
» instituit & præcepit, cum, post-
» quam in Apostolos ipsufflasset,
» Accipite, inquit, Spiritum sanc-
» tum: quorum remisistis peccata,
» remittuntur eis; & quorum reti-
» nueritis, retenta sunt. Nam quo-
» modò remittere quæ sibi cognita
» non fuerint? aut quo pacto eorum
» iudex esse poterit, quæ prorsus
» ignota sint? Oportet itaque, quem
» antiquus ille serpens occultè mo-
» rderit, abstrusissimum quod-
» que vulnus medico detegere; pu-
» dorem, in satisfactionis par-
» tem, de quovis errato pati; ne,
» dum occultis peccatorum vinculis

» sese teneri dissimulat, horrendæ
» tandem sub omnium oculis ater-
» næ damnationis laqueo constrin-
» gatur. Proinde statim ab ipsis Ec-
» clesiæ nascentis incunabulis sacer-
» ille confitendi ritus, de interiori-
» bus, nedùm de exterioribus tan-
» tum, inolevit. Rectè igitur hanc
» exomologesis legem à Christo in-
» stitutam, per Apostolos ad nos
» usque deductam, & ab univer-
» sali Ecclesiâ observatam, à cunc-
» tis Christi Fidelibus sectandam esse
» se, & contravenientes auctoritate
» Concilii Constantiensis & aliorum
» complurium damnatos declara-
» mus (n).»

Nec quisquam existimet Confes-
» sionem sacramentalem usque ad
» Concilii Lateranensis quarti tem-
» pora ignotam in Ecclesiâ fuisse, ab
» ipsoque tum demùm institutam (o).
» Neque enim statuit ille sacer ille con-
» ventus ut Christi Fideles confite-
» rentur, quod Jure divino necessa-
» rium & institutum esse intellexerat;
» sed tum primùm generaliter sanxit
» ut præceptum Confessionis, saltem
» semel in anno, ab omnibus & sin-
» gulis, cum ad annuos discretionis
» pervenissent, impleveretur (p): undè
» discernentur Catholici à novis Ma-
» nichæis (Albigensibus præfetti) illâ
» ætate grassantibus, quibus solemne
» erat, inter cæteta divinæ gratiæ in-
» strumenta, Pœnitentiæ Sacramentum
» respicere; quique contendebant se
» posse per solam manum imposicio-
» nem peccata dimittere. Er verò Ec-

(m) De domo inter. ap. S. Bern. c. 21.

(n) Conc. Parif. an. 1528, Decr. fidei
10, art. de Coactu.

(o) Conc. Trid. sup.

(p) Ibid.

clesia Confessionem sacramentalem tanquam ex ipsa CHRISTI JESU institutione perfectam, summâ Religionis semper observavit. Quod quidem perpetuâ traditionis testimonio evincitur, dum, inter Patres, alius affirmat *necessariò iis peccata aperiri debere, quibus credita est dispensatio Mysteriorum Dei* (q); alius autem significantius explicat, Confessionem *de omnibus delictis, seu carne, seu spiritu, seu factò, seu voluntate commissis* emittendam (r); alii denique, sub *exomologesi* & *exagoreusi* nominibus (s), eam ut *evangelicam, fontem justificationis* (t), *vitamque peccatoris, sine qua peccator mortuus reputatur* (u), amplectendam esse, unâ eademque sententiâ declarant.

Et certè divinam Confessionis institutionem nemo non agnoscat, cui comperta sit ipsius Pœnitentiæ institutio. Frustrâ enim Christus Apostolis, atque in illorum persona Sacerdotibus, legitimis eorumdem successoribus, ligandi atque solvendi potestatem contulisset, si peccatores, secluso Sacerdotum ministerio, reconciliari potuissent, & nisi delicta sua Clavibus Ecclesiæ per Confessionem subjiciendi imposita eis fuisset necessitas. Uno verbo, sublata Confessione, otiosa manet peccata remittendi & retinendi potestas; in hac siquidem divini judi-

cii novâ formâ, nullus, præter ipsum ultrò confitentem reum, accusator est, nullus testis. Meridò igitur « ex institutione Sacramenti Pœnitentiæ universa Ecclesia semper » intellexit, institutam etiam esse » à Domino integram peccatorum » Confessionem, & omnibus post » Baptismum lapsis Jure divino necessariam existere (x). » Hinc, licet perfectâ Contritione deleatur peccatum, quia tamen in ipsa includitur votum Sacramenti, tenetur peccator sese ad Confessionis Tribunal sistere. Tantæ ac tam ineluctabilis (in consueto rerum cursu) necessitatis est Confessio!

Huic autem Religionis dogmati Hæresim refragari quàm prouum esset, facile intelligitur: Cum enim quidquid sanctitatis, quidquid pietatis & Religionis apud Ecclesiam summo Dei beneficio conservatum est, id magnâ ex parte sit Confessioni tribuendum; piorum nullus miratur quòd generis humani hostis insensissimus, dum fidem Catholicam funditus evertere cogitaret, per impietatis suæ ministros & satellites hanc veluti Christianæ virtutis arcem toris viribus oppugnaverit. *Erubescant & confundantur* Pseudo-evangelici (y), qui apud gentes malè blandienti errore circumventas è medio tollere non reformidaverunt Confessionis praxim à sanctissimis & antiquis-

(q) S. Basil. in Reg. brev. resp. ad interr. 288.

(r) Tert. de Pœnit. c. 4. Vide Conc. Cabil. II, an. 813, can. 32.

(s) S. Cyp. de laps.

(t) S. Ambr. de Abel & Cain l. 1. c. 9. (al. 34.)

(u) S. Bern. Serm. 40. de div. Vide Tert. de Pœnit. c. 10. Orig. Hom. 2. in Levit. Paulin. vit. S. Ambr. S. Chrys. de Sacerd. l. 3. c. 5. & de muliere Samar. S. Aug. Serm. 353. S. Leo, Ep. 82.

(x) Conc. Trid. sup.

(y) Pf. 6. Ps. 41. 11.

simis Patribus tanto tamque unanimi consensu commendatam (†), tot ac tantis fructibus tamdiu in Ecclesia Dei fœcundam, præcipuum hominis Deo reconciliandi perflugium, animarum sub peccati molægementium levamen & consolationem, salutarium consiliorum fontem, frænum licentiæ necessarium, disciplinæ robur, motum tutelam, omnis denique virtutis atque honestatis præsidium.

Videant & sentiant quàm impidum sit « Confessionem impossibilem dicete, aut *carnificinam* illam » *conscientiarum* appellare. Constat enim, nihil aliud in Ecclesia à « Pœnitentibus exigi, quàm ut, » postquàm quisque diligentius se excusserit, & conscientie suæ sinu omnes & latebras exploraverit, ea peccata confiteatur, quibus se Dominum & Deum suum mortaliter offendisse meminerit; » reliqua autem peccata quæ diligenter cogitanti non occurrunt, » in universum eadem Confessione inclusa esse intelliguntur; pro quibus fideliter cum Propheta dicimus: *Ab occultis meis munda me, Domine*. Ipsa verò hujusmodi Confessionis difficultas, ac peccata detegendi verecundia, » gravis quidem videri posset, nisi tot tantisque commodis & consolationibus levaretur, quæ omnibus dignè ad hoc Sacramentum accedentibus per Absolutionem » certissimè conferuntur (a). »

Atque hæc modò dicta vere-

cundia penitus evanescet, nec quemquam id confiteri pudebit quod committete non puduit, si paulisper attento animo recogitet confitendum sibi esse apud unum hominem sui similem & peccatorem, qui proinde non is sit *qui non possit compati humanis infirmitatibus*; apud hominem denique inviolabili lege obstrictum ut illud omne altissimo ac perpetuo tegerat silentio, quod ipso sacro Tribunali vices Dei gerens audierit; ita ut nullo unquam tempore, nullà de causa, nullo prætextu, neque directè, neque indirectè possit cuiquam mortalium id revelare quod ex sola Confessione sacramentali compertum habuerit.

Gravissimè autem & periculosissimè errant, qui certa peccata in solo mortis articulo Sacerdotibus aperienda esse animo fingunt: undè ipsi reverà usque ad ultimam vitam ultimam criminolosissimum quodque in Confessione occultant; cùm tamen, utrum eo tempore confitendi facultatem sit habiturus, nemo divinitus revelatum acceperit. Si deprehendat Confessarius quemquam exitioso hujusmodi errore decipi, eum in charitate Domini nostri JESU CHRISTI oret atque obtestetur, ne ulterius in tremendo hujusmodi negotio, ubi nimirum de æterna salute agitur, seipsum voluntariâ cecitate agar præcipitem.

OTUM Pœnitentes, quibusdam in locis, publica peccata publicè con-

(†) *Conc. Trid., sup.* (a) *Ibid.*

fitrebantur (b): imò ad Confessionem coactos legimus sceleris alicujus manifestos, ipsiſque graviorem quàm iis qui ſpontè confeſſi eſſent, impoſitam fuiſſe pœnitentiam (c). Occulta verò peccata nunquam niſi occultè declarari præcepit Eccleſia (d). Nunc, ſive publicorum, ſive occultorum Confefſio in uſu nulla eſt, præter ſectetam & *auricularem* (e): cujus præcepto, juxta œcumenici Lateranenſis Concilii Decretum (f), ſemel per annum obſtringuntur Fideles. Sed, Jure divino, urget Confefſionis præceptum (poſitâ lethaliſ culpæ conſcientiâ), 1°. Sacerdotes qui Miſſam celebrari vel aliquod Sacramentum adminiſtrantur ſunt: 2°. (Juxta potiorem Theologorum ſententiam) Diaconos & Subdiaconos cùm ſacra Ordinum ſuorum munia ſolemniter obituri ſunt: 3°. Fideles quibus ſuſcipiendum eſt quodlibet *vivorum* Sacramentum, gratiam utrique ſanctificantiæ requirens: 4°. Eos omnes qui longinquum iter, præcipuè maritimum, vel in regiones non Catholicas arripiunt: 5°. Periculoſè decumbentes, aliterve in probabili vitæ diſcrimine conſtitutos: quales ſunt milites in pugnæ procinctu, mulieres prægnantes, multò magis in prima graviditate, vel cùm difficile jam antea partum expertæ ſunt. Hi, & ſi qui ſunt eorum ſimiles, cùm ſuppetit conſitendi facultas, conſiteri tenentur. Et quamvis Eccleſiaſtico præcepto

divini executionem determinanti ſatisfaciat iſ qui ſemel in anno conſitetur; quoties tamen in peccatum lethale quiſpiam lapſus eſt, quicumque ille ſit, conſultiſſimum procul dubio & quaſi neceſſarium eſt, ut tam ſalutare mox adhibere ſaragat remedium; ne in ſtatu damnationis, in quem ſe miſerrimè conjecit, cum tanto ſuo, periculo ſciens perſeveret. Quin etiam ii, nullâ interpoſitâ morâ, ſeſe Confefſionis præſidio munitre debent, quibus, propter inſitam fragilitatem iterandæ culpæ probabiliter cauſa eſſet dilata Confefſio: undè ſcilicet in multis, experienciâ teſte, invaleſcunt pravæ conſuetudines; *peccatum cum quod per Pœnitentiam non deletur, ſuo pondere in aliud trahit* (g).

Itaque moneantur omnes cujuſlibet ſexûs & conditionis Fideles, in conſueto vitæ curriculo etiam robuſtiſſimâ valetudine gaudentes, ut à periculoſo peccati ſtatu reſurgere, invocato divinæ gratiæ auxilio, ſeſtinent; *non adſciant peccatum ſuper peccatum; non tardent converti ad Dominum, & ne differant de die in diem* (h): *qui enim pœnitenti veniam ſpondit, diem craſtinum non promiſit* (i). Præterquàm quòd frequentem peccatorum Confefſionem vehementer ſuadet quæ plurima ſæpè occurrit venialia à lethaliſ diſcernendi difficultas, atque inſupèr ingens fructus qui ex frequenti Confef-

(b) Tert. de Bapt. c. 20.

(c) Conc. Elib. c. an. 304. can. 76. S. Greg. Thaum. Neoc. Epifc. Epifc. Canon. can. 8. & 9.

(d) S. Leo, Ep. 80. (al. 136.) c. 2.

(e) Conc. Trid. Seſſ. 14. cap. 20. de Confefſ. (f) Can. Omnis utriuſque ſexûs.

(g) S. Greg. Hom. 11. in Ezech.

(h) Eccli. 5. 2.

(i) S. Greg. Hom. 12. in Ev.

sione percipitur. Scilicet pravi habitus sensim extirpantur; atque opportunis remediis à prudenti Sacerdote præscriptis, tentationibus efficaciter obviatur. Quæ quidem causa est cur homines in timore Domini ambulantes, suæque salutis curam debitam gerentes, hoc saluberrimum vitii devitandi atque in virtute proficiendi subsidium frequentare assueverint.

JAM verò Pastores nomine ac titulo justitiæ tenentur periclitantium Parochianorum Confessiones audire, sæpiusque illos visitare & ad confitendum inducere; etiam si, ob contagionem, propriæ vitæ periculum imminet: omni tamen adhibita curâ, ac diligentia ut populus, quibus in afflictione gementibus & solatium afferant & subsidium, seipsum, si Deus adjuvet, fospites conservent. Nec cæteris quidem temporibus, tutâ conscientia, potest ullus Parochus quemquam suorum ad Pœnitentiæ Tribunal venientem repellere. Reliquis autem Confessariis pro lege esse debet charitas, & indammatum sanctificandi proximi desiderium. Quoties igitur postulati fuerint, sereno vultu multaque affabilitate sermonis quolibet suscipiant; & nedum cuiquam suspicandi locus detur se minus libenter admitti vel audiri, quin potius tam benignam atque universam præ se ferant charitatem, ut manifestum cuique faciant dulcissimam consolationem & singularem animi voluptatem sibi ex eo

nasci, quod in curandis sublevandisque animabus aliquid laboris atque sollicitudinis impendant. Abiit autem ut Pastor officio functus sibi videatur, si Parochianos, urgente duntaxat Paschali præcepto, pridè nuptiarum, & in mortis periculo, si pueros ante primam solummodo Communionem, aut semel per annum confiteutes audierit. Nihil etiam actum reputabit, si quoscunque Pœnitescentes monitis generalibus instructos, qualicumque impositâ Pœnitentiâ, promiscuè absolvar, de vitiis extirpatione, de spiritali ovium suorum profectu minime sollicitus, nec quidquam aliud in animo habens, nisi ut, quod omnino detrectare non possit, quam maximâ celeritate & quam minimo labore adimpleat. *In agro hujusmodi hominis pigri nulla virtutum seges, nulla messis animarum; sed totum replent urtica, & operiunt superficiem ejus spine (k), scilicet vitiis & scandalorum foedissima plantatio.*

Itaque caveant omnes Parochi, ne, quibus temporibus frequentiores esse solent Confessiones, imprimisque ab initio Quadragesimæ, multò magis à Dominica Passionis ad Dominicam in albis depositis, quin etiam Dominicis Adventus, instante præsertim Festo Natalis Domini, hoc munus in suis Ecclesiis sine evidenti necessitate prætermittant, vel plus æquo differant. Singulis præterea Dominicis Festa solemnia præcedentibus, Fideles sibi creditos plurimum cohortentur ut Pœnitentiæ Sacramentum adeant,

(k) Prov. 24. 30.

propositis ejusdem fructibus, traditisque insuper dispositionibus ad illud ritè fructuosèque suscipiendum requisitis; quâ quidem Confessionis adhibita præparatione, dignius celebrentur ejusmodi Festivitates, si potissimum, de spiritalis moderatoris consilio, ad sanctissimam Dominici Corporis Communionem accedatur (1). Pastores autem in earum Solemnitatum Vigiliis, & ipso manè, quinimò (saltem in locis populosis, ac præcipuè in urbibus) horis Sabbati cujusque pomeridianis & ipso manè Dominicæ, ad sedem Confessionum assidui sint. Nec minorem in exercendo Pœnitentiæ ministerio diligentiam adhibeant ceteri sive Seculares sive Regulares Confessarii.

Nec verò se quidquam egisse putent, cum ingentem paucis horis multitudinem expeditam dimiserint; sed cum non ita plures tamdiù discussos idoneisque hortamentis formatos, quamdiù res & persona quæque tulerit, ad fugiendum peccatum suamque salutem curandam suaviter impulerint. Quanta-cumque igitur frequentia Confessionis Tribunal obsideatur, nunquam ita festinet Confessarius, ut Pœnitens, quicumque ille sit, liberrimè loqui prohibeatur quidquid

sublevandæ conscientiæ aut accipiendi consilii causâ loquendum constituerit, vel ut imperfectè negligeretque tanti momenti & ponderis opus absolvatur.

Et quidem pro certo tenendum est opportunissimam lucris animarum occasionem in audiendis Confessionibus præberi, atque uberrimam sollicitudinis Pastoralis benedictionem & consolationem ex hoc ministerio, ut par est, adimpleto, efflorescere. Nusquam facilius quàm in Pœnitentiæ Tribunali poterunt Sacerdotes divinum amorem cordibus afflare; nusquam certius & studium virtutis & virtutis fugam suggerere; nusquam efficacius Deo cultores, Regi subiectos, Patriæ cives instituire. Ut demùm non longo temporis intervallo renovetur facies Parochiæ, quantumvis antea neglectæ atque adeò in vitiis luto demersæ, sufficit unus, qualis infra exhibebitur, Pœnitentiæ Minister vitæ integritate, scientiâ, prudentiâ, igneo salutis animarum studio, cæterisque necessariis dotibus instructus. Quod quidem insigni præ cæteris experienciâ compertum est in duabus hujusce Diocesis Parochiis, quas olim rexit, Sacerdotii decus, Religionis præsidium, humanitatisque patientis auxiliator sanctus Vincenſius à Paulo.

(1) Conc. Senon. cui aderat D. Guill. Chartier, Paris. Episc. an. 1460, art. 4, c. 7.



verè pœnitens existimari nequaquam potest; hæc enim dicit Dominus Deus per Ezechielem Prophetam: *Confundimini, & erubescite super viis vestris* (d); & per Jeremiam eos corripit, qui, postquam *abominationem fecerunt, confusione non sunt confusi, & erubescere nescierunt* (e): neminem verò sic pudore affici oportet, ut confundatur peccata sua confiteri (f). Leprosus à Christo mundari se cupiens, » in faciem procidit (quod » humilitatis est & pudoris), ut » unusquisque de suæ vitæ maculis » erubescat; sed confessionem » recundia non repressit. Ostendit » vulnus, remedium postulavit: & » ipsa Religio & fidei plena Confessio est (g). »

Sit autem Confessio simplex, brevis, clara, & intellectu facilis: non involuta, non verbosa, non obscura & ambigua, qualem sæpius emittunt juvenes & fœminæ. Tanto studio compositæ Confessiones, ad tegenda potiùs quàm aperienda peccata idoneæ sunt: tam proluxæ atque intricatæ, plerumque inter optimas haudquaquam sunt numerandæ; pretiosum tempus Confessario demunt, ejus attentionem gravant, moramque injucundam iis pariant, qui, ut confiteantur, expectant. Resecandæ accusationes vagæ & inanes, querimoniz domesticæ, aliena vitia, superflua ratiocinia, quorum formulas ex consuetudine recitant plurimi, ac demùm scrupuli,

quorum perpetuo circulo eadem centiès iterantur. Præterea verò, si Pœnitens, quia testis verbis quædam perstringat, de industria efficiat ne à Confessario intelligatur; vel si sentiat, peccatum quantum sit, à Confessario non intelligi, nec illud ab eo intelligi caret; peccatum celare voluisse merito censetur: tuncque ipsius Confessio, propter deficientem sinceritatem, irrita & sacrilega non temerè judicatur.

NULLUS autem sincerè confiteri potest, nisi integrè confiteatur: quæ quidem integritas in eo sita est, ut, post diligentem disquisitionem, peccatorum lethalium species, numerus & circumstantia declarentur.

Species quidem; neque enim sufficit ut confiteatur Pœnitens Deum à se graviter offensum, multa se commisisse peccata, se lethaliter peccasse, vel certa quoad numerum delicta lethalia perpetrasse; etiam si, quotiès cogitatione, locutione, opere, omissione deliquerit, discriminet. Nec satis est ut peccatorum genus declaret (h), se v. g. dicens impudicum fuisse; at verò impudicitiz speciem exprimat necesse est. In quo plurimùm errare solent rudiores personæ, quæ, nisi generali accusatione, se peccasse non contentur; & quæ, dum obturate conscientiz latebras scrutatur Confessarius, ad interrogata vix aliquid certi & specialis delicti agnoscunt.

(d) Ezech. 36. 32.

(e) Jerem. 6. 15.

(f) Eccli. 4. 31.

(g) S. Ambr. in Luc. l. 5. Vide ejusd.

Enarr. in Ps. 37. & de Caim & Abel, l. 2. cap. 9.

(h) Conc. Trid. Sess. 14. cap. 5. de Confess.

Nec solùm exprimi debent quæ exterius perpetrata, sed ea insuper quæ commissæ interiùs fuerint solâ consentientis animi cogitatione, vel desiderio, vel proposito, licet minimè ad effectum perducto (i).

Declaratæ speciei addendus est actuum numerus, quantum in memoriam revocari potest, verus & certus (k): aliàs irrita & sacrilega esset Confessio. Causa enim longè diversa est, si quis semel, si quis decies, si quis frequentius blasphemaverit, si quis nihil setè præter blasphemias locutus fuerit. Quòd si non occurrat numerus omninò certus; aliùs declaretur, qui ad verum, præmisso diligenti examine, accedere videatur. Tunc pro certo sit, qui ut minimùm incertus iudicetur. Si autem constituere apud se nequeat Pœnitens quotiès, etià circiter, in aliquâ specie peccaverit; exprimat saltem quanto tempore in ejusdem peccati consuetudine & occasione vixerit; & quotiès (probabili æstimatione) per mensem, per hebdomadam, per diem, ejusmodi peccatum eo intervallo perpetrare assueverit; an certis temporibus rariùs aut sæpiùs deliquerit: quod ut faciliùs dignoscat, reminiscatur occasiones, personas, animi ætus, aliæque id genus incutiva quibus ad peccandum illectus fuerit. Cujus iniquitates super capillos capitis multiplicata sunt (l), qui scilicet diù & cum supina salutis incuria iis maximè fuit peccatis obnoxius, in quæ potissimùm lapsus lubricus est & frequens, qualia sunt

peccata carnis, solâ præsertim cogitatione admittenda, juramenta, & similia, quæ solent ex consuetudine non retractatâ obrepere, voluntatem, intellectum, memoriam, oculos, linguam, sensus omnes, corpus & animam perpetuò consecrarent; is ne circiter quidem enuntiare potest quotiès intrâ diem, intrâ hebdomadam vel mensem, hujusmodi culpas commiserit; frustra, ut plurimùm, aliquam eâ de re fidem sciscitanti Confessario facere tentaret. Id saltem ab eo exigitur, ut, priùs agnitâ consuetudinis vetustate, respondeat quamdiù vitiosam illam gesserit animi propensionem, per quam, omni datâ occasione, quasi unum & idem sibi fuerint tentatio & lapsus. Neque enim aliter intelligere potest spiritualis medicus quantum in luto iniquitatis infixus sit hujusmodi peccator, nec de animæ illius miserrimæ statu quidquam certi constituturè, ut vulnere ejus profunditati congruam medelam attemperet.

Postremò exponendæ sunt peccatorum circumstantiæ: 1°. Quæ primam actui speciem moralem conferunt, id est, quæ actum naturâ bonum vel indifferentem, lethaler malum efficiunt: v. g. (ubi agitur de carniû esu) indictæ abstinentiæ dies: prava in adibus etiam honestis intentio. 2°. Quæ peccatorum speciem mutant, seu novam distinctæ speciei malitiam lethalem peccato conferunt; quæ scilicet nova malitia diversæ repugnet virtuti: qualis est in furto circumstantia loci

(i) Ibid. (k) Ibid. (l) Pf. 39.

Deo facti; furtum enim justitiæ, & furti locus Religioni repugnat. Si apertâ vi res aliena auferatur, duplex erit injustitia: si furetur persona Religiosa, furtum non modò justitiæ, sed & paupertatis Voto adversabitur. Sic nempe accidere potest ut peccatum è simplici multiplex fiat, & pluribus æquivalet. Pariter, si quis cum muliere se peccasse confiteatur, explicare tenetur an soluta, an Matrimonio juncta esset, an consanguinea, an Voti alicujus religione Deo consecrata; vel enim fornicationis, vel adulterii, vel incestus, vel sacrilegii reus evasit. 3º. Quæ notabilem ipsimet lethali peccato gravitatem adjiciunt, vel peccatum ex veniali lethale efficiunt in eadem specie; si quis, v. g. quemquam leviter percusserit, cum tamen illum occidere, aut saltem graviter vulnerare intenderet; vel quæ eandem intrâ speciem consuetum peccati modum nimis excedunt, ut longa facinoris meditatio, diuturna occasionis consecratio, consanguinitatis gradus propior in incestu, mora longè productior, quàm quæ solet in facinus declaratum impendi. In quo plurimum errant, qui ab actûs mali duratione repetendum arbitrantur an lethale, an veniale sit peccatum. Prava enim cogitatio, adjunctum habens liberum voluntatis consensum, etsi temporis puncto effluxerit, lethalis est, & *morosa* meritò dicitur, quamvis nullam serè traxerit moram. Si autem voluntas obni-

tatur, quantocumque intervallo temporis in mente versetur cogitatio, non lethalis hæc censetur, sed tantum venialis; quandò scilicet, propter levem repellendi negligentiam, mentem delibavit leviterque perstrinxit.

Circumstantias aggravantes aperiendas esse, non quidem disertè pronuntiavit Concilium Tridentinum. Cùm verò docuit sancta Synodus teneri unumquemque ad se ipsum, qualis reverà sit, manifestandum, ita ut delictorum malitiam & gravitatem, uno verbo animæ statum faciliè introspeciat Sacerdos (m); tunc satis superque declaravit aperiendas esse in Confessione circumstantias aggravantes, non minùs quàm eas quæ speciem mutant: quæ certè & Catechismi Tridentini, & S. Caroli expressa doctrina est (n). Quæcumque igitur circumstantiæ notabilem peccato lethali gravitatem adjiciunt, ex Sacerdoti necessariò sunt exponendæ.

PORRO delictorum circumstantiæ omnes ad septem capita faciliè revocantur, sequenti versiculo comprehensa: *Quis, quid, ubi, quibus auxiliis, cur, quomodò, quandò.*

Quis, eam quæ peccavit, personam designat: utrùm sit Deo facta, an laica; utrùm publica, an privata; an officio, voto, juramento ad aliquid faciendum vel omittendum obstricta, quod aliàs præceptum sit vel prohibitum. Deindè personam peccati sociam: an consanguinea sit, &c. Personam deni-

(m) *Ubi suprà.* (n) *Cat. Trid. part. 2. de Pœnit. n. 63. S. Car. Inst. ad Confessar.*

que peccato impugnata: an, qui petusculi est vel calumniatus, pater sit, vel mater, Superior, Clericus, &c.

Quid, illius rei quæ peccati materia est, quantitatem & qualitatem significat: an ingens, an exigua res; an sancta, an profana: quænam injuria illata; quæ juramenta prolata; quid scandali evenierit ex delicti gravitate, ex tali colloquio, actione, omissione; quid detrimenti ex furto passus fuerit proximus. Ea nempe delictorum habenda ratio est, ut eorum gradus justo examine inter se conferantur. Aliud est irasci, aliud convicia effundere; aliud baculo, aliud gladio ferire: qui totidem sunt iracundiæ gradus inter se distincti. Aliud furtum, aliud rapina, aliud peculatus, aliud latrocinium. Aliud ex Ecclesiæ possessionibus, aliud è thesauro divitis, aliud è peculio mediocris, aliud è substantia pauperis auferre: aliud pecuniam otiosam, aliud questu legitimo profuturam subripere. Et quidem delicti malitia in uno actu augeri, quin etiam multiplex fieri potest. Si quis, exempli causâ, alium occiderit ut ejus bona sibi vindicaret, prætereaque ut ejusdem uxore frueretur; certè homicidii pravitas ex hoc duplici sine duplicatur. Duplo similiter gravius est violentum stuprum vel adulterium, propter injuriæ superadditæ circumstantiam: & vicissim, aut levius, aut nullum est vim patientis mulieris peccatum. Qui centum nummos furatus est, centies quidem egir criminiosius, quàm si nummum duntaxat unum

subripuisset; ac multò magis, si personæ cui tale detrimentum intulerit, nihil aliud suppeteret quo res suas tueretur & familiam sustentaret. Scandalo pariter eò magis augetur peccatum, quò plures numerantur personæ scandalizate. Quæ omnia in Confessione sigillatim aperienda sunt, ita ut culparum modus innoscescat, quarum malitia, pro quantitate *objecti*, materiz & effectuum, crescit vel decrescit. In terdum peccati quantitas per additam circumstantiam leviter augetur; cum videlicet nihil addit circumstantia præter novam peccati venialis speciem, aut ejus materiam. Ipsum naturâ lethale peccatum, nonnunquam veniale efficitur; eò quòd scilicet incompletus sit actus; vel quòd deficiat libertas aut plena deliberatio: cum v. g. motu primo, vel per ignorantiam non graviter culpabilem committitur. Eundem effectum parit materiz levitas: si, exempli gratiâ, quidquam vile subripiatur, neque adjuncta sit mortifera circumstantia. Sed, vice versâ, peccatum ex genere suo veniale in lethale excrescit, propter lethalem ei superadditam circumstantiam. Quod quidem contingere potest. 1º. Ex conscientia erronea aut incertâ, quâ quis peccatum ex genere suo veniale admittens, mortiferum esse arbitratur, vel de eo dubitat. 2º. Ex nimio erga illud animi affectu; cum quis videlicet ita in aliquo veniali peccato delectatur, ut paratus esset illud committere, etiam si lethale foret, aut propter hoc non dubitatus esset aliquid violare præceptum

cujus foret lethalis violatio : id quod nempe aliis verbis dicitur, *finem suum ultimum in aliquo extra Deum ponere*. 3°. Ex fine vel intentione lethifera : si quis, exempli causâ, verba otiosa proferens, in adulterii confessionem venire intendat : si quis teruntium auferens, aureum velit numinum furari. Atque his tribus modis in peccatum lethale convertitur opus etiam indifferens, imò ex genere suo bonum : si quis v. g. Sacro interit, *mulierem visurus ad concupiscendum eam* (o). 4°. Denique, cum notabile aliquod malum, consideratis rerum adiunctis, ex levi delicto securum probabiliter metuitur : si v. g. vile quiddam ei subripiatur, qui inde ad lævum futorem aut gravem blasphemiam concitandus esse verisimiliter existimetur.

Ubi, locum denotat in quo scelus commissum fuit : utrum sacer ille sit, an profanus ; publicusne, an secretus.

Quibus auxiliis : instrumenta, ceteraque patrando sceleri adjuncta subsidia. Utrum aliquis veneno, an ferro, an insidiis de industria positis occiderit : utrum vi adhibita virginem oppresserit, an lenociniis promissive seductam corruperit : utrum rebus bonis ad malè agendum abusus fuerit, orationibus v. g. Oleo sancto, Aquâ benedictâ, ad maleficium ; an malis ad bonè agendum, an, exempli causâ, maleficio sibi vel aliis sanitatem restituere tentaverit : utrum arte magicâ, an fraude, an mendacio facinus ad-

jutum fuerit : utrum facinoris participes adhibiti sint liberi, famuli, &c.

Cur, finem extrinsecum, id est, ab ipso operis fine diversum designat : an v. g. cum intentione adulterii, aut furti, vel utriusque simul, commissum fuerit homicidium : an aliquis ense propter homicidium, pecuniam propter luxuriam sit furatus : utrum ridendi, an potius nocendi causâ quispiam de proximo detraherit : utrum fallere, an calumniari, an blandiri intenderit qui mentitus est.

Quomodo, admissi peccati modum significat : utrum spontè & libere ; an consultò & cogitatò : utrum violenter, an malitiosè ; multumne an parùm injuriosè.

Quando, tempus designat : utrum aliquis die abstinentiæ carnem comederit ; an jejunium solverit certò diei annexum : an Dominico die, aut Festo, servile opus exercuerit, vel exerceri præceperit : an hujusmodi sacro die ludo ultra modum indulserit ; quæ nempe diei circumstantia, propter insigniorem Solemnitatis profanationem, declaranda est : an aliquis, jejunii die, immodico potu vel cibo usus fuerit, undè dupliciter uno actu deliquerit, scilicet contra temperantiam & contra jejunii præceptum.

QUIDAM tamen sunt casus, in quibus ritè ac legitime concedi potest Absolutio, licet peccatorum neque species, neque numerus, neque circumstantiæ declarata fue-

rint, idèdque integritate caruerit Confessio. Sic videlicet, imminente naufragio, vel prælio, captâ urbe, medio incendio, cùm integrè confitendi tempus deficit, satis est ut generali Confessione se simul omnes accusent, Contritionisque actum emittant, firmo comitante proposito sigillatim confitendi, si quandò se dederit opportunitas; & tunc generali sententiâ dicat Sacerdos: *Ego vos absolvo ab omnibus Censuris & peccatis*. Erga infirmos loquelæ usu destitutos, vel qui cum Sacerdote soli esse nequeunt (p), tum erga illos qui peste afflati sunt (q), quid sit observandum, propriis locis exponitur. Extra hujusmodi supremæ ne-

cessitatis casus, requiritur Confessionis integritas, qualis fuit superius descripta.

Quoniam ad circumstantias pertinet, quemadmodum *aggravantes*, ita etiam & *imminuentes* esse aliquandò possunt: si, exempli causâ, mulier, vel metu vel egestate impellente, adulterium commiserit; lethale quidem nihilominus, non verò tam grave censetur delictum, quàm si ultro & sponte suâ connubii fidem violasset. Cæterum hujusmodi circumstantias nemo prætermittit, cùm sæpè in inveniendis excusationibus plus æquo ingeniosi sint peccatores.

(p) Vide infra, Divis. IX, cap. i.

(q) Vide infra, Instit. Extr. Unctionis Sacram. prævias, Cap. II.

CAPUT VII.

DE Satisfactione.

QUID sit satisfactio, & quomodo peragatur. Dei misericordia & justitia. Necessitas imponenda, suscipienda & exequenda satisfactionis. De pœnitentie ommissione & commutatione. Pœnitentia per modum commutationis vel dispensationis Voti. Satisfit per orationem, jejunium & elemosynam. Operum pœnitentia utilitas. Satisfactiones sacramentales: Satisfactiones voluntariae. Temporalium flagellorum acceptatio satisfactoria. Læso proximo satisfaciendum.

SATISFACTIONIS nomine in Ecclesia Catholica intelligitur *Compensatio injuriæ quæ per noxas post Baptismum commissas Deo illata est*. Ea

verò adimpletur per opera laboriosa atque pœnalia: quæ si à Sacerdote in Pœnitentiæ Tribunali injungantur, Satisfactio sacramen-

talis dicitur; si extra illud, vel ultrò suscipiantur, vel divinè immis-
sa pœnitenti animo tolerantur,
Satisfactio quidem ea erit, sed non
sacramentalis.

Scilicet « firmiter tenendum est,
» culpâ per Pœnitentiam abolitâ,
» frequenter superesse temporalis
» pœnæ reatum, velut superstitēs
» quasdam peccati reliquias, quæ
» per dignos Pœnitentiæ fructus ve-
» niant expiandæ; adeò ut iniqui-
» tate & culpâ peccati dimissâ, pec-
» cator adhuc pœnæ temporali sit
» obnoxius (a). » Per Absolutionem
dignè susceptam deletur peccati ma-
cula, simulque dimittitur pœna æter-
na; sic Deus misericordiam exercet:
pœna verò æterna in pœnam tempo-
ralem, sive in hoc seculo, sive in
futuro subeundam commutatur; sic
Deus quod suæ justitiæ est, illæ-
sum tueretur. Statim atque David,
ad vocem Nathan Prophetæ, ge-
minum adulterii homicidiique sce-
lus verè pœnitens agnovit, in gra-
tiam cum Deo reconciliatus est (b):
illi tamen acerbissima quæque in pœ-
nam dimissi utriusque sceletis perse-
renda idem Prophetæ denunciavit (c).
Flagellis à Deo inflictis, ac pœni-
tenti animo susceptis, voluntarias
adjecit corporis afflictationes: *lacry-
mis stratum suum rigavit, indutus
est cilicio, humiliavit in jejuni-
o animam suam, cinerem tanquam panem
manducavit, & potum cum fletu mis-*

cuit (d). Ninivitæ, ad prædicationem
Jonæ, ut divinam flecterent
misericordiam, *vestiti sunt sacco &*
maioris usque ad minorem (e): & com-
minatur Christus Dominus pericu-
ros esse eos qui pœnitentiam suam
ad Ninivitarum exempla non com-
posuerint (f). Hinc « sancta (Triden-
» tina) Synodus declarat falsum om-
» nino esse & à verbo Dei alie-
» num, culpam à Domino nun-
» quam remitti, quin universa
» etiam pœna condonetur; perspi-
» cua enim & illustra in sacris
» Litteris exempla reperiuntur, qui-
» bus, præter divinam traditionem,
» hic error quàm manifestissimè re-
» vincitur. Neque verò securior ulla
» via in Ecclesia Dei unquam exi-
» stimata fuit ad amovendam im-
» minentem à Domino pœnam,
» quàm ut hæc pœnitentiæ opera
» homines cum vero animi dolore
» frequentent (g). »

Quoniam « non ita nostra est sa-
» tisfactio hæc quam pro peccatis
» nostris exsolvimus, ut non sit
» per CHRISTUM JESUM, in quo
» meremur, in quo satisfacimus,
» facientes fructus dignos pœniten-
» tiæ, qui ex illo vim habent, ab illo
» offeruntur Patri, & per illum ac-
» ceptantur à Patre (h). » Nostra
igitur satisfactio sine illa Redempto-
ris satisfactione nihil quidquam no-
bis prodesse poterat: voluit tamen
Redemptor nos sibi conformes effici,

(a) Conc. Paris. an. 1548. decret. fidei
12.

(b) 2. Reg. 12. 13.

(c) Ibid. v. 10. 11. 12. 14.

(d) Ps. 6. 34. 68. & 101.

(e) Jon. 3. 5.

(f) Matth. 12. 41. Luc. 11. 31. &
13. 3. 5.

(g) Conc. Trid. sess. 14. cap. 8. de sa-
tisfac.

(h) Ibid.

atque ad profectum nostrum, saluberrimamque cautelam, pœnitentiæ acerbis operam dare, quos per ipsum offeramus æterno Patri, conjunctos ei satisfactioni quâ nobis abundantissimè Dei Majestatem offensam propitiavit.

Itaque graviter ertaret, qui de peccatorum remissione sibi gratularetur, ab iis in posterum abstinere contentus, nec ea Pœnitentiæ operibus expiare satagens (i). Etenim Christus, non modò solvendi, sed etiam ligandi potestatem Apostolis eorumque successoribus tradidit: ligandi verò potestas non solum in eo posita est ut indignis Absolutionem denegent; sed etiam, ut, dum Absolutionis beneficium impertiantur, simul pœnam injungant convenientem, per quam scilicet divinæ justitiæ satisfieri legitimè possit (k). Indè, ut cum Theologis loquamur, Satisfactio *in voto*, seu satisfaciendi propositum, Pœnitentiæ pars *essentialis* est; & Satisfactio *in re*, seu ad effectum perducta, illius est pars *integrans*. Nec verò semper necessarium est ut Absolutioni præmittatur expiatio delictorum; valdèque improbanda esset eorum agendi ratio, qui Pœnitentibus ritè dispositis, nullo habito delectu, & quibuscumque in casibus, Absolutionis beneficium ante peractam vel etiam inchoatam Satisfactionem denegarent (l); quasi

divinum sit præceptum, aut lex à peccati & Pœnitentiæ natura necessariò fluens, ut Absolutioni præire nunquam non debeat vel tota Satisfactio, vel pars aliqua Satisfactionis. Er quidem ad rationem Sacramenti sufficit Pœnitentiæ, acceptio, cum satisfaciendi voluntate. Sed quoniam differenda sæpè est Absolutio Pœnitentibus, prout suader eorum status variæque rerum adjuncta, iis imponi debet aliqua medicinalis probatio, antequam reconciliantur. Præterea omnibus confitentibus, illis etiam qui statim absolvuntur, prescribenda est aliqua Satisfactio; ipsi quoque infirmis, etiam si paucuntaxat verba pronuntiare jubeantur, vel Deo humiliter offerre pium affectum cordis contriti, atque immissa flagella in pœnam delictorum suscipientis.

Quæ cum ita sint, tenetur omnis Confessarius condignas, pro delictorum numero & gravitate, imponere satisfactiones, « non tantum » ad novæ vitæ custodiam & infirmis mitatis medicamentum, sed etiam » ad prætorum vindictam & castigationem (m) » ira ut Pœnitens injuriæ Deo per peccatum illatam aliquatenus resarciat; nec solummodò, quemadmodum adultis baptizandis præcipitur, vitiosos habitus destruat, sed præterea per illas pœnâ legitimâ plectatur. « Divinæ » vitæ (quippè) justitiæ ratio exi-

(i) S. Greg. Hom. 26. in Ezech.

(k) S. Thom. in suppl. q. 12. a. 3. Cat. Trid. de Sacram. Pœnit. n. 85.

(l) Condemn. Petr. de Osma in Conc. Complut. confirm. à Sixto IV, an. 1478. Propos. damnata ab Alex. VIII, an. 1690.

Censura sacra Fac. Paris. advers. Brachet, an. 1644.

(m) Conc. Trid. Sess. 14. cap. 8. de Satisfactione. Vide Inn. I, Ep. ad Decret. S. Augustini, 24. in Joan. S. Greg. I. 3. in c. 7. l. 1. Reg. c. 5. n. 23.

» gere videtur, ut aliter ab eo in
 » gratiam recipiantur qui ante Bap-
 » tismum per ignorantiam deliquere-
 » rint, aliter verò qui semel à pec-
 » cati & dæmonis servitute liberati,
 » & accepto Spiritus sancti dono,
 » scientes templum Dei violare, &
 » Spiritum sanctum contristare non
 » formidaverint. Et divinam clemen-
 » tiam decet, ne ita nobis absque
 » ulla Satisfactione peccata dimit-
 » rantur, ut, occasione acceptæ, pec-
 » cata leviora putantes, velut injurii
 » & contumeliosi Spiritui sancto,
 » in graviora labamur, *thesauri-*
 » *zantes nobis iram in die iræ (n).*»

Porro tenetur omnis Pœnitens in-
 junctam sibi justam Satisfactionem
 humiliter sincerèque accipere (o),
 eamque diligenter ac fideliter adim-
 plere (p). Quam si legitimâ sine causa
 detrectet, nullamque omnino accipe-
 re velit, non absolvatur, etiamsi sola
 venialia confessus fuerit. Nam, defi-
 ciente verâ Contritione, quæ nempe
 satisfaciendi propositum necessario in-
 cludit, irrita prorsus, nullaque esset
 Absolutio. Impositam sibi Pœniten-
 tiam per se quisque exequatur. Quan-
 vis enim aliorum bona opera, virtute
Communions Sanctorum, peccatori-
 bus utilia esse possint, peccatores ta-
 men per ipsa propriè satisfacere ne-
 queunt. Satisfacere etiam quemque
 in hac vita oportet; neque absol-
 vendus foret is, qui, eò quod mal-
 le se diceret in Purgatoriis igni-
 bus satisfacere, condignam sibi Pœ-

nitentiam injungi non pateretur.

Qui acceptam Pœnitentiam con-
 sultò & sine justâ causa nec per obli-
 vionem prætermitteret, lethalis pec-
 cati reus constitueretur, si gravis,
 adeoque pro peccatis lethalibus, fuis-
 set injuncta satisfactio. Si autem le-
 vissima & pro peccatis tantum veniali-
 bus imposita fuerit, lethalis non cen-
 setur hæc omissio: quinimò peccati
 expers esse potest; si quis v. g. citra
 negligentiam, exequendæ Pœniten-
 tiæ oblitus fuisset. Atque hinc unum
 observare juvat, quòd, ubi occurrit
 Pœnitens qui injunctam Satisfactionem
 supinâ incurrit & sine causa legiti-
 ma implere neglexit, post auditam
 ejus Confessionem ei præcipien-
 dum est ut illam ex toto, si possit,
 vel ex parte, antequàm ad sacrum
 Tribunal redeat, exequatur. Ipse verò
 non sine gravibus causis absolvatur,
 nisi priùs illam omnino peregerit.
 Nec se quisquam acceptæ Pœniten-
 tiæ eo ipso immunem fieri putet;
 quòd illius omissionem in sequenti
 Confessione declaraverit. Ejus ad-
 implendæ lex remanet integra, nisi
 Sacerdos in sacro Tribunali eam,
 cognitâ causâ, commutandam vel
 mitigandam prudenter censuerit (q).
 Scilicet quivis Confessarius Satis-
 factiones commutare vel mitigare
 potest, non modò quas ipse injun-
 xit, verum eas etiam quas alii,
 vel Superiores, & pro Casibus
 reservatis imposuerunt; ad quod
 tamen descendere non debet, nisi
 causa urgeat æqua & gravissima.

(n) Conc. Trid. sess. 14. cap. 8. de sa-
 tisf.

(o) S. Bonav. in 4. dist. 16. §. 1. dub. 6.

(p) Conc. Later. IV. gen. an. 1215.

Tomus II,

can. Omnis utriusque sex.

(q) Vide S. Raim. de Pœnag. Summa
 l. 3. tit. 34. §. 66.

Causæ autem propter quas Pœnitentiam ab alio Sacerdote injunctam commutare licet, hæc sunt præcipue: si novus Confessarius hanc malè impostam evidenter agnoscat; si Pœnitens, ex quo imposta illi fuerint jejunia, tam infirmus evaserit, ut sine gravi suo incommodo jejunare non possit; si, propter rationes ex improvise subortas, indictam Pœnitentiam adimplere prorsus nequeat, vel non sine magna difficultate aut periculo possit; si denique alius satisfaciendi modus ipsi utilior ejusque saluti accommodatior futurus esse judicetur. Ur autem prudenter immutetur Pœnitentia ab alio Sacerdote imposta, non sufficit inquiri quam ob causam Pœnitens eam immutari postulet; præterea investigandum est quanam sint eæ noxæ propter quas expiandas imposita fuerit: undè scilicet innoscescat an merè pœnalis ea sit, an etiam medicinalis. Si enim merè pœnalis esse inveniatur, satis erit aliam æquè satisfactoriam in delictorum expiationem imponi: si verò medicinalem eam esse comperiat, aliam profectò subrogari oportebit, quæ ad sanandas Pœnitentis infirmitates spirituales, eumque à culpæ iteratione incolumem servandum non minùs proficiat.

Quod ad Pœnitentiam attinet per modum commutationis vel dispensationis Voti impostam, cum non sit Pœnitentia propriè dicta, sed Voti nova materia, ei nempe Voto suffecta, cujus vinculo exolutus est

Pœnitens, ipsa quidem non obstringit simpliciter quatenùs à Confessario injuncta, sed potiùs virtute illius Voti, cujus materia facta est. Quamobrem, ad commutandam vel tollendam ejusmodi Pœnitentiam, eadem potestate opus est quæ ad commutandum Votum vel super eo dispensandum requiritur. Quòd si Votum aliquod ex iis quæ summo Pontifici reservata sunt, ejus auctoritate in jejunia aliave non illi reservata commutatum fuisset; hujusmodi Pœnitentiae commutandæ facultas à Præsule Diœcesano concedi posset (r).

JAM verò ad tria capita refertur Satisfactio, nempe ad orationem, jejunium & elemosynam: quæ quidem triplici malo concupiscentiæ opponuntur. Jejunio cæterisque corporis afflictationibus refrænanda atque expianda est eæ carnis voluptas, quæ tota in illicitis sensuum oblectamentis versatur. Elemosynâ deinde purganda est avaritia, & ista quam progenetaret, sædissima soboles, furtum, rapina, cæteraque omnis iniquitas ex fame divitiarum, ceu venenatâ scaturigine, defluens. Postremò oratione domanda est superbia; ut peccator *suam videns paupertatem & miseriam* (s), *Dei qui dat velle & perficere* (t) auxilium humiliter imploret, Deiter sancti, ter maximi, quem penes est gratia illa pretiosissima, ut homo *captivatus in lege peccati & mortis* (u), seipsum vincat & suas cupiditates. Hoc scilicet triplici operum pœnitentialium adjumento, caro

(r) *Navar. l. 5. consult. 25. n. 2.*

(s) *Thren. 3. 1.*

(t) *Phil. 2. 13.*

(u) *Rom. 7. 23. & 8. 2.*

spiritui, spiritus autem Deo sub-
jicitur.

Oratione comprehenduntur omnes pietatis & Religionis exercitationes: quales sunt preces, seu *mentales*, seu *vocales*; Missæ ac divinorum Officiorum; Catechesium sacrarumque Concionum frequentatio; pie lectiones & meditationes; Confessio; laboris, actuum & affectuum oblatio. Jejunii nomine intelligitur, non modò subtracti cibi potiusque temperantia, sed universæ corporis afflictiones, vigiliæ, pie peregrinationes, aliaque his similia; ipsumque Jejunium spirituale, quæ est sensuum & cupiditatum coercitio, voluptatum (etiam licitarum) privatio, cujuscumque rei noxiæ vel periculose abstinentia (x), proprii judicii propitiæque voluntatis abnegatio. Eleemosynâ continetur quæcumque in proximum beneficentia, id est, opera misericordiæ, non solum corporalia, cujus generis sunt facultatum distributio in cibos pauperum (y), cura infirmorum, viduarum & hospitiarum; sed & spiritalia, qualia sunt injuriarum condonatio, dilectio inimicorum, institutio ignorantium, mœrentium consolatio. Hæc scilicet duplex *eleemosyna*, ipsa est per quam omnia munda sunt nobis (z), qua purgat peccata, & facit invenire misericordiam & vitam æternam (a).

Porro, docentibus Parochis, Con-

cionatoribus & Confessariis, intelligant Fideles quantâ spirituali utilitate opera satisfactoria exercere possint. Ante Absolutionem, sinceræ conversionis gratiam illorum ope assequuntur, sibi que ad consequendum justificationis donum viam aperiunt. Post Absolutionem, si satisfactiones in statu gratiæ sanctificantis adimpleant, iis vitæ germine vigentibus per quod Deo acceptæ sint, penarum temporalium condonationem promerentur; & CHRISTO JESU qui pro peccatis nostris satisfecit, conformes effecti, *certissimam inde arrham habent*, quod, si passionum socii fuerint, sic & gloria participes futuri sunt (b). « Magnoperè (etiam) à peccato re- » vocant, & quasi freno quodam » coercent hæc satisfactoriæ pœnæ; » cautioresque & vigilantiores in » futurum Pœnitentes efficiunt. Me- » dentur quoque peccatorum reli- » quiis, & vitiosos habitus malè » vivendo comparatos contrariis vi- » tutum actionibus tollunt (c). »

CÆTERUM nullæ sunt Satisfactiones sacramentales, quàm quæ à Confessario in Tribunali imponuntur; idèdque efficaciam & merito eas exsuperant, quas quisque Pœnitens propriâ electione amplectitur. Cum enim partis integritatis nomine ac titulo ad Sacramentum pertineant, uberiores conciliant benedictio-

(x) S. Aug. serm. 207. in Quadrag. 3. edit. Ben. §. 2. (al. serm. 71. de div.) S. Leo, Serm. 4. de Quadrag. cap. 1. Conc. Mediol. I, an. 1565. part. 2. tit. 7. de Jej. Mediol. V, 1579. part. 1. tit. 3. (y) 1. Cor. 13. 3.

(z) Luc. 11. 41.

(a) Tob. 12. 9.

(b) 1. Cor. 1. 7. Rom. 8. 17. Conc. Trid. Sess. 14. cap. 8. de Satisf.

(c) Ibid.

nem & gratiam; præterquàm quòd, excluso propriæ voluntatis arbitrio, sublimes exercentur humilitatis obedientiæque virtutes. Ex tamen satisfactiões quas Pœnitens sibi aliquandò spontè suâ imponit, quamvis non ad Sacramentum, sed ad pœnitentiæ virtutem duntaxat pertineant, maximè utiles atque salutare, imò sæpiùs necessariæ sunt, ut nimirùm suppleantur sacramentales Pœnitentiæ, peccatis vulgò impares.

Quinimò, tanta est divinx munificentiæ largitas, ut non solum pœnis spontè à nobis pro viudicando peccato susceptis, aut Sacerdotis arbitrio pro mensura delicti impositis, sed etiam, quod maximum amoris argumentum est, temporalibus flagellis à Deo inflictis, & à nobis patienter toleratis, apud Deum Patrem per CHRISTUM JESUM satisfacere valeamus (d). » Hinc optimè Deo satisfacit, si quis animo pœnitenti laborem sustineat, egestatem, morbos, infirmitates, bonorum jacturam, corporis & animi tribulationes, quæ, in pœnam originalis delicti ac scelerum propriâ voluntate admissorum, ex omnibus vitæ conditionibus indefinenter pullulant, famæ detrimentum, contemptus, derisiones, injustitias, contumelias, opprobria, perfectiones; Christoque patienti adunarus, id omne quod paritur, divinx justitiæ ex toto corde offerat. Omnia denique

flagella, mors, & ludus, & flames (e), cæteræque, tum publicæ, tum privatæ calamitates quæ in peccati vindictam divinirùs immittuntur, humiliatis sub potenti manu Dei (f) voluntarièque accipientibus, in delictorum purgationem imputantur; ita ut per illud ipsum quod virare non possunt, iis in promptu sit quo peccata redimant, ac meritorum pondus immensum thesaurizent. Itaque Pœnitentes, admonentibus Confessariis, tantæ clementiæ memores, quæ non percutit nisi ut sanet (g), non sinit nisi ut misereatur (h), oblatum sibi ex iis malis bonum eruere per patientiam studeant.

QUONIAM verò non solum Dei, sed & proximi offensi injuriam compensandam atque resarciendam præcipit æquissima disciplina Christianæ Legis, quæ Dei & proximi dilectione ceu gemino cardine tota vertitur; » illud in primis à Sacerdotibus observari oportet, ut, auditâ peccatorum Confessione, antequàm Pœnitentem à peccatis absolvant, diligenter curent ut, si quid ille forè de re aut de estimatione proximi detraxerit, cumulatâ satisfactione compenset (i). » Si quis igitur aliena injustè retineat, absolvi eum non oportet, nisi restitutionem polliceatur (k), vel potius nisi eam reipsâ peregerit, aut saltem incæperit; si præsertim, cum posset, jam antea non steterit promissis. Nemo denique absolvendus

(d) *Ibid.* cap. 9.

(e) *Apoc.* 18. 8.

(f) *1. Petr.* 5. 6.

(g) *Job.* 5. 18.

(h) *Habac.* 3. 3.

(i) *Cat. Trid. de Pœnit. Sacram.* n. 113.

(k) *Ibid.*

est, quin prius calumnias retractaverit, proximi existimationem maledicentiâ læsam, ut potuerit, integraverit, pro contumeliis illatis veniam rogaverit, ac demùm cuique pro læso honore, ut par est, satisfecerit;

aut saltem id bonâ fide, nec antea deceptor, pollicitus fuerit.

Sed de satisfactione proximo debita inferius ex professo dicitur (1).

(1) Divis. VII, cap. 2.

C A P U T V I I I .

DE Pœnitentiæ formâ ; seu de Absolutione.

ABSOLUTIONIS varia nomina. Absolutionis forma, alia deprecativa, alia indicativa. Quibusnam verbis constet Absolutio : preces huic adjungenda. De Absolutione conditionali. Effectus Absolutionis. Merita rediviva.

FORMA Sacramenti Pœnitentiæ est Absolutio, quam vereres alii quoque nominibus dixerunt *pacem*, *communione pacis*, *communione reconciliationem*, aut *reconciliationem simpliciter*, *reconciliationis gratiam*, *reconciliatoriam manuum impositionem* (a); semper enim, ut jam suprà diximus (b), Absolutioni comes erat manuum impositio (c). Itaque Sacerdos Absolutionis verba pronuntiat tanquam Iudex perfo-

nam Christi sustinens (d); idèdque in sacro Tribunali sedet aperto capite, dum Pœnitens, quacumque dignitate præfulgeat, flexis genibus, nudoque ac demisso capite, humiliat Presbytero animam suam (e). Quamvis dux quispiam sit, quamvis præfectus, etiam is qui diademate redimetur; Dei iudicium exercens Pœnitentiæ Minister, majorem tu, quàm ille, potestatem habes (f).

(a) Celest. P. Ep. 2. cap. 2. S. Cyr. Ep. 52. (al. 55.) Vide Ep. 12. 53. (al. 17. 56.) & de lapsis, Conc. Elîb. c. an. 304. can. 47. & 73. Neoc. an. 314. can. 2. Siric. P. Ep. 1. cap. 3. Conc. Carth. II, an. 390. can. 3. Carth. III, an. 397. can. 32. Carth. IV, an. 398. can. 76. Tolet. XI, an. 675. can. 12. Vide Arauf. I, an. 441. can. 3.

(b) In hac Divis. Cap. II.

(c) Carth. IV, sup. Arauf. I, sup. Girund. an. 517. can. 9. S. Leo, Ep. 79. (al. 129.) c. 6. Vide S. Cyr. Ep. 12. (al. 17.) Conc. Carth. III, can. 52. Arel. II, an. 452. can. 28. Agath. an. 506. can. 15. Barcin. c. an. 599.

(d) Trid. Sess. 14. cap. 6. & can. 9.

(e) Eccli. 4. 7.

(f) S. Chrys. hom. 83. in Matth.

Quibus verbis constaret Absolutio, Ecclesiæ constituendum permisisse videtur is qui facultatem absolventi Ecclesiæ impoſuit. Hinc, illaſto Sacramento, prout locorum temporumque ſuaſit opportunitas, varia eſſe potuit Abſolutionis forma. In univerſa Orientis Eccleſia, hæc ab omni ævo uſurpata fuit, etiamnumque uſurpatur abſolvendi ratio: ſcilicet preces funduntur, quibus à Deo poſtulat ut Pœnitentem abſolvat, nullo adjuncto vocabulo per quod ſignificetur actus Sacerdotis abſolventis (g): non minùs tamen eſt actus verè judicialis. In Eccleſia Occidentali, hæc eadem Abſolutionis forma *deprecativa* in uſu fuiſſe videtur uſque ad ſeculum XIII (h); de quo tamen inter ſe non conſentiunt Eccleſiaſtica antiquitatis periti (i). Utrumque ſe res habeat, omninò certum eſt Abſolutionis formam in toto paſſim Occidente ab illo tempore *indicativam* eſſe, neque ab ullo cirrà peccatum immutari poſſe. Et quidem hæc eo duplici nomine ac titulo potior cenſeri poteſt, quòd multò expreſſiùs designat perſonam Judicis quam ſuſtinet Sacerdos, & actum judicialem quem in ſacro Pœnitentiæ Tribunali exercet (k).

« Docet porrò ſancta Synodus » (Tridentina), Sacramenti Pœnitentiæ formam, in qua præcipuè » ipſius viſ ſita eſt, in illis Miniſtri

» verbis poſitam eſſe: *Ego te abſolvo à peccatis tuis, in nomine Patris, & Filii, & Spiritûs ſancti* (l). » Etſi verò communiter ſentiunt Theologi ſola hæc tria vocabula, *Ego te abſolvo*, ad Abſolutionis eſſentiam pertinere, cum tamen diverſa ſit quorundam inter Catholicos Doctòrum ſententia, prætereaque in omnibus, tum Sacramentalibus, tum Ritualibus Libris, tota, qualem modò deſcripiimus, formula repèriatur; graviter peccaret Confeſſarius, ſi, extra caſum extremæ neceſſitatis, in quo non ſuppeteret tempus omnia proferendi, vel minimum quiddam ex ea prætermitteret.

Huic formæ adjunguntur preces, quæ Sacramenti ſubſtantiam non attingunt (m); quæ tamen, ex Eccleſiæ præcepto, ad conciliandam Pœnitenti gratiam & miſericordiam diſtinctè pièque recitandæ ſunt. Cum verò turba conſitentium plurima eſt, vel auditur paucorum dierum Confeſſio, omitti poſſunt *Miſereatur, Indulgentiam, & Paſſio Domini*, &c. Quin etiam, vehementer urgente mortis periculo, dici breviter poteſt: *Ego te abſolvo ab omnibus Cenſuris & peccatis*.

Si quis autem Sacerdos, propter mentis evagationem, aliamve ob cauſam, incertus hæreat an verba

(g) Vide Euchol.

(h) Orig. Hom. 14. in Num. S. Leo, Ep. 80. (136.) c. 2. & Ep. 91. (al. 83.) c. 2. Vide Sacramentarium Eccleſiæ Romanæ, ap. Thomafum, edit. Roma, an. 1680.

(i) Vide Ord. Rom. ab Amal. cit.

Manuſcr. Rem. ap. Menard. S. Thom. Opusc. 11. Morin. l. 8. c. 8. & Theolog. paſſim.

(k) S. Thom. in 4. diſp. 18. q. 1. a. q. 1. ad 4. Conc. Trid. ſeſſ. 14. c. 6. & can. 9.

(l) Ibid. cap. 3. S. Thom. ſup.

(m) Conc. Trid. ſup.

essentiam Absolutionis constituentia protulerit; quibusdam Theologis videtur eam ab ipso iterari posse sub hac conditione, *Si non es absolutus, ego te absolvo*. Quod tamen de Sacerdotibus non anxie religiosis intelligitur. Qui enim, ratione scrupulorum, id quod modò dixerunt, statim obliviscuntur, monendi sunt, idcirco legitimum non esse dubium an forma prolata fuerit, quòd se eam protulisse non meminerit Minister; si præferim ad verba illa devenerit, quæ, ex Ritualis præscripto, nisi prolata formâ recitari non solent. Undè ipsi, neque Absolutionem, neque ullius Sacramenti formam iterare debent, cum ad verba sequentia devenerunt; sed quod superest, continuâ prolatione exequi.

Si quandò verò dubitetur an adhuc vivat qui absolvendus occurrit, dici potest: *Si vivis, ego te absolvo*, &c. In alio autem quocumque casu, quidquid in contrarium afferant quidam recentiores Theologi, adhiberi sola debet formula consueta; nunquam verò conditionalis, hæc, v. g. *Si tu es Absolutionis capax, si verè dispositus*; scilicet propter dubias Pœnitentis dispositiones, quemadmodum in periculoso morbo sæpè contingit. Multò minùs sub conditione absolvendus est Pœnitens incolumis. Neque enim, aut Ecclesiæ praxis, aut ratio sinit ut unquam ulla ejusmodi conditio adjungatur; nullumque talis conditionis vestigium in quoquam Rituali Libro invenitur, neque per sexdecim se-

cula fuit usquam usitata. Et verò Judicis est sedulò perpendere quæ & qualis sit absolutè ferenda sententia, quinam idonei sint, aut ritè dispositi, quibus demùm oporteat reconciliationis gratiam impertiri. Præterea, si semel in praxi admitteretur forma ista conditionalis, primum indè maxime factu esset ut sensum quibuscumque, nullo adhibito delectu, ejusmodi impenderetur Absolutio, quasi nullus jam, ex parte suscipientium, obstaret sacrilegii aut irreverentiæ metus. Hùc accedit quòd privato sensu nihil quidquam in Sacramentorum ritu & administratione innovandum est. Si ergò timendi locus sit, ne, vel non sufficientes, vel dubiæ sint Pœnitentis dispositiones; is, juxta regulas inferius constituendas (n), dilato Absolutionis beneficio, probandus est.

Atque hæc de Pœnitentiæ formâ conditionalis expressius dicenda erant, præter ea quæ generatim de Sacramentorum formâ conditionalis suo loco dixeramus (o).

JAM verò Sacerdos, Absolutionis verbis in Pœnitentem ritè dispositum prolatis, hunc justificatum dimittit in potestate Domini JESU CHRISTI, qui paralytico aliisque pluribus dixit: *Confide, fili; remittuntur tibi peccata tua* (p); atque in virtute meritum ejusdem, qui *mortuus est pro peccatis nostris* (q). Verba enim Absolutoriæ Sententiæ id efficiunt quod significant, plenam scilicet delictorum condonationem, perfectamque cum Deo recon-

(n) Divis. VI. Cap. 1. 2. 3. 4. & 5.
(o) De Sacram. in gen. Cap. III, in

fine. (p) Matth. 9. 2. *
(q) 1. Cor. 15. 3.

ciliationem. Per Absolutoriam Sententiam remittitur culpa, seu Dei offensa, & condonatur poena aeterna. Quinimò, si quis eximias affert dispositiones, & Contritione perfectâ vehementissimoque Dei amore succensâ delectat (quod quidem rarissimum, Deoque soli discernendum); ipse omni poenâ temporali exolvitur (r): qui enim multum diligit, hic Deum in misericordia multum divitem experitur. Cum igitur Pœnitens Absolutionem dignè suscipit, ablatus in Sanguine CHRISTI Jesu vestimentis Baptismi, quæ peccato inquinata fuerant, tota hominis interioris pulcritudo per gratiam sanctificantem reducitur; anima quæ peccando vitam suam supernaturalem amiserat, reviviscit, simulque in jus ad coelestem hæreditatem restituitur; ac demum (quæ secundaria Pœnitentiæ gratia est) concessis ad perseverandum auxiliis actualibus, homo in recuperata Dei amicitia magis ac magis consolidatur. Ex his autem omnibus sequitur pax animæ Deo suo placens, exoneratæ conscientie serenitas, atque uberrima inhabitantis Spiritus sancti consolatio: quæ quidem si peccator verè in se revertis expetiri velit, non poterit quin fateatur fructus è Pœnitentia quantumvis amara germinare suavissimos.

His Absolutionis effectibus id accensent vulgò Theologi, ut *justitia* quæ prius in nihilum redactæ *obligationique* à Deo tradite fuerant (s),

ipso misericorditer agente, exsuscitentur atque integrentur. Illa autem bonorum operum *reviviscencia* quoniam sensu accipienda sit, breviter exponemus.

Certum quidem est nihil unquam homini, etiam postmodum iustificato, ad consequendam gloriam profutura esse bona opera in statu peccati lethalis facta, ut potè quæ nunquam viva fuerint, sed ab initio mortua. Sed inter veræ Pœnitentiæ fructus profectò numerandum est, quòd merita quæ quis antea in statu gratiæ sanctificantis consecutus fuerat, tametsi subsecuto crimine tantisper extincta, & (ut loquuntur) *mortificata* fuerint, resuscitentur & reviviscant, vimque recipiant, eum, in quo extiterant, ad vitam æternam perducendique quæ tanquam mercede & præmio dignum quid in acceptione divina remanserint. Contrà verò, post impetratam scelus veniam, reatus hominis *ad vomitum revertentis*, ob ingrati animi vitium aggravatur quidem; sed, cum *sine pœnitentia* sint *dona Dei* (t), quæ delicta semel remissa fuerunt, non patitur divina benignitas ea rursus imputari.

An verò bona opera & merita per peccatum *mortificata*, postmodum verò per gratiam resuscitata, ad alium extollantur gratiæ & meriti gradum quàm qui resurgentis dispositioni præfenti respondeat, inter se non consentiunt Theologi. Quem autem gratiæ gradum consequi possit peccator per Pœnitentiam iusti-

(r) S. Thom. suprà.
(s) *Ezech.* 33. 13.

(t) Rom. 11. 29.

ficatus, sic exponit Angelicus Doctor:
 » Contingit intentionem moris Pœ-
 » nitentis quandoque proportiona-
 » tam esse majori gratiæ quàm illa à
 » qua exciderat per peccatum; quan-
 » doque autem æquali, quandoque
 » verò minori : & ided Pœnitens
 » quandoque resurgit in majori gra-
 » tia, quandoque autem in æquali,
 » quandoque verò in minori (u).»
 Atque ex hac doctrina id potest utili-
 tatis colligi, ut quisque vigilantius
 caveat de sanctificantis gratiæ statu
 excidere : si quis autem, pro humanæ
 conditionis fragilitate, exciderit,
 quàm ferventissimè resurgere stu-

deat; *inardescat in amorem Dei,*
seque in magnis virtutibus exer-
ceat (x); unde in ipso verè adim-
 pleatur illud Prophetæ: *Sicut fuit sen-*
sus vester ut erraretis à Deo, decies
tantum, iterum convertentes, re-
quiretis eum (y). » Qui (autem)
 » pœnitentiæ facti sui, qui pudore
 » delicti, plus & virtutis & fidei
 » de lapsus sui dolore conceperit;
 » exauditus & adjutus à Domino,
 » quam contristaverat, lætam fa-
 » ciet Ecclesiam; nec jam solam Dei
 » veniam merebitur, sed & coro-
 » nam (z).»

(u) S. Thom. q. 89. art. 2.

(x) S. Greg. in Luc. Hom. 34.

(y) Baruch 4. 18.

(z) S. Cyr. de lapsis.



DIVISIO II.

DISSERETUR in hac Divisione , 1º. De preparatione Pœnitentis ad sacrum Tribunal accessuri ; ac primùm de examine conscientie : 2º. De ceteris Pœnitenti exequendis , ut ad Sacramentum reconciliationis ritè suscipiendum disponatur , utque illud cum debita animi pietate atque exteriori modestia suscipiat.

CAPUT PRIMUM.

DE præparatione Pœnitentis ad sacrum Tribunal accessuri ;
ac primùm de examine conscientie.

QUÆDAM prænotanda. Necessitas examinis conscientie. Circa qua versari illud debeat. Quid & quotuplex sit peccatum : quid lethale , quid veniale : utriusque distinctio non temerè statuenda. Distinctio peccatorum specifica & numerica. Peccata omissionis. Radices peccatorum. Septem peccata capitalia : singulorum definitio & soboles. Aliena peccata novem modis nostra fieri possunt. Sex peccata adversus Spiritum sanctum. Quatuor peccata vindictam in cælum clamantia. Circumstantia peccatorum. Ante examen conscientie implorandum cæleste lumen. Diligentia in hoc requisita , certis tamen limitibus coercenda.

QUISQUIS ad reconciliationis Tribunal accessurus est, Parochi documentis imbutus , id omne apprime teneat sibi que diligenter exequendum noverit , quod de natura Sacramenti Pœnitentie , de Contritione & ejus praxi , de Confessione & de conditionibus legitimæ Confessionis , ac de Satisfactione supe-

rius diximus. Nihil quippè in Religione Christiana majoris est momenti , quàm ut omnis Fidelis post Baptismum lapsus , Sacramentum Pœnitentie cum requisitis dispositionibus suscipiat ; ne , ubi salutem & vitam quærit , ibi exitium mortemque miseri inveniat. Itaque Pastores , cæterique Presby-

teri Pastoralis oneris partem gerentes, populos sibi commissos ad Dei gratiam in Pœnitentiæ Tribunali recuperandam omni studio ac diligentia præparent. Unusquisque autem Fidelis, ad legitimam fructuosamque Confessionem quid sit necessarium plenè absoluteque edocurus, prætereaque omnino in se reversus (a), hæc fideliter observare studeat.

Ac primum quidem à Domino gratiam supplex efflagitè dignè ad fontem novæ quasi regenerationis, ad Baptismum scilicet Pœnitentiæ & lacrymatum, accedendi. Deindè, cum excitati in animo debeat sincerus dolor sinceraque detestatio peccatorum omnium lethaliū, hæcque singularim in Confessione exprimenda sint, ut possit Absolutionis beneficium percipi; profectò ad Pœnitentiæ Sacramentum ritè suscipiendum necesse est ut præmittatur examen conscientie, cuius ope, quid dolere & confiteri debeat, singulatum sit cuique perspectum.

JAM verò peccatum, cuius in investigatione versatur illud exameū, est *Legis, sive divine, sive humanæ, pravariatio libera*. Quæ cum gravis esse possit, vel levis, hinc duplicis generis distinguitur peccatum: *lethale* scilicet, ac *veniale*. *Lethale* sic dicitur, eò quòd animæ lethum spirituale asserat, vitam ejus destruens, quæ in gratia sanctificante consistit, hominemque constituens pœnis æternis obnoxium. Tunc autem perpetratur, cum divina Lex

in gravi aliqua re consultò & cogitatò, seu, ut exprimeret solent, *deliberatè* violatur, adèd ut morali quadam æstimatione Creatori antepōnatur creatura; unde peccatum ejusmodi, propter summi atque infiniti boni contemptum (saltem interpretativum), malitiam habere dicitur aliquatenus infinitam, cui proindè respondet pœna, aliquatenus etiam (nempe secundum durationem) infinita. *Veniale*, idèd sic appellatum quòd ipsi venia facilè concedatur, illud est quod divinæ Legi adversatur quidem, sed in re omnimodis levi; vel quod non satis deliberatè admittitur. Id quidem hominis cum Deo amicitiam non dissolvit: periculosum tamen est, neglectumque ad graviora disponit; qui enim *spernit modica*, inquit Sapiens, *paulatim decidet* (b). Porro committi posse delicta quæ non ex sola Dei misericordia, sed etiam ex natura sua venialium rationem habeant, neque omne delictum pœnam mereri æternam, omnino certum est.

Utràm verò peccatum aliquod lethale sit, an veniale, non humano plerumque sensu, sed divino iudicio definiendum est. Neque enim rarò contingit ut peccata quædam, ubi in consuetudinem versa sunt, vel à pluribus passim frequentantur, parva videantur, aut nulla; quæ tamen, iusto iudice Deo, tanquam gravissima damnantur, sempiternoque sunt puniendæ supplicio. Si quid igitur præcepto Legis in gravi contrarium deliberatè perpe-

(a) Luc. 15. 17. (b) Ecclesi. 15. 10.

cretur, dubium nullum est quin sit lethale. Idem profecto erit, si cui peccato gravissimæ cuiuslibet pœnæ genus atque æternum *ve* Scriptura sacra interminetur; vel si commune Patrum iudicium communisque Fidelium sensus aliquod peccatum grave esse constituat, divinæque amicitie penitus adversum. Cæterum evenire aliquando potest ut delictum quod ex genere suo & re circa quam versatur, lethale est, veniale fiat; sive propter materiæ parvitatem, sive propter deficientem in actu deliberationem. Contrà verò potest nonnunquam accidere ut noxa quæ ex genere suo & re circa quam versatur, venialis tantummodo foret, lethalis efficiatur; scilicet propter adjunctas circumstantias, scandali v. g., expressi contemptus Legis aut Legislatoris, conscientie erroneæ, periculi, ac præsertim finis perverſi. Sed de his jam suprà, & quidem enucleatius dictum est, ubi *de conditionibus legitima Confessionis*.

CIRCA distinctionem verò delictorum *specificam* & *numericam*, hæc summatim animadvertenda sunt.

Præcipue desumitur peccatorum distinctio *specificæ*, vel à diversitate præceptorum, aut virtutum quibus adversantur, vel à diversitate modorum quibus contra unum & idem præceptum eandemve virtutem pertrantur. Sic 1°. blasphemia differt ab homicidio; quia nempe alio præcepto vetatur blasphemia, alio autem homicidium. Sic 2°. peccata adversus Fidem, Spem & Charitatem, diversæ speciei sunt, quia inter se discrepant tres modò dictæ

virtutes. Sic 3°. magia, blasphemia & sacrilegium, licet uni præcepto Dei colendi adversentur, specie tamen sunt inter se diversa, quia modi sunt diversi quibus violatur Dei colendi præceptum. Sic 4°. calumnia, furtum, homicidium, diversæ sunt speciei peccata; quia, licet uni eidemque virtuti (scilicet charitati in proximum) adversentur, diversè tamen ei repugnant. Fieri autem potest ut in uno eodemque pravo actu concurrant plures delictorum species diversæ; cum videlicet uno eodemque actu violantur plura præcepta diversa. Furtum v. g. rei Deo sacræ, unus quidem omnino est actus, & tamen duas peccatorum species diversas complectitur; eò quòd simul adversetur & Iustitiæ quæ furtum prohibet, & Religioni quæ rem Deo sacram vetat subripi.

Numerica autem peccatorum distinctio desumitur à *pluralitate*, vel actuum voluntatis, vel rerum quæ sunt materia peccati. Pravi actus voluntatis totidem sunt peccata distincta, quoties inter illos occurrit interruptio *moralis*. Sic ubi inter duos odii motus in proximum intercedit modò dicta interruptio; hi duo motus duo sunt peccata. Si verò, dum aliquis diu proximi odium animo versaret, pluribus consensit odii motibus; hi motus omnes unum tantummodò esse delictum consentur, quia ex eadem cogitatione proficiscentes, inter *semoraliter* connectuntur. Tunc verò declarare tenetur Penitens quanto tempore odium proximi in mente gesserit, & quàm sæpè interea istius odii motibus consenserit; ut

scilicet Confessarius peccati gravitatem intelligat. Porro multiplicantur actus peccati, cum eos *successivè* posuit voluntas. Sic qui animo constituit per totam Quadragesimam non jejunare, isto quidem proposito unum duntaxat peccatum admittit, quia hujusmodi propositum uno contuitu omnes Quadragesimæ dies complectitur, & uno eodemque præcepto indicitur jejunium: ipse nihilominus toties lethaliter delinquit, quot diebus à jejunio abstinet; eò quod scilicet, præter generale non jejunandi propositum, singulis diebus istud innovat, cum solvit jejunium.

Ex rebus autem quæ peccati materia sunt, peccatum *numericè* non crescit (licet gravitate crescat), cum uno actu voluntas circa plura versatur, quæ uno eodemque præcepto prohibentur. Sic qui pecudum gregem uno actu abigeter, unius tantum peccati reatu obstringeretur. Si autem pecudes singulatim furaretur, tot se delictis commacularet, quæ: actus fuissent perverse voluntatis *moraliter* interrupti: sique ille pecudes ex Ecclesiæ possessionibus fuissent, duo essent in uno actu delicta, propter duorum præceptorum violationem. Quod si verò plurius essent pecudes, sentiunt plerique non idem multiplicatum fore peccatum, nisi peculiari lege alicui parcendum fuisset; sed augeri duntaxat furri malitiam & gravitatem ex numero personarum quæ damnum furto patiuntur.

Porro, inter varias peccatorum

species, ea cæteris periculosiora esse solent, quæ, cum sæpè committuntur, plerumque culpabiliter ignorantur. Ejusmodi sunt peccata omissionis, quæ videlicet nobis toties imputantur, quoties ea negligimus quæ nostri sunt muneris, sive ad generalia hominis Christiani, sive ad singularia conditionis officia pertineant. Commune est, exempli causâ, Christianis omnibus ut in Fidei, Spei, Charitatis & Orationis actibus se frequenter exercere debeant: propria autem suscepti instituti munia sunt, quibus adimplendis, pro sua quisque parte, obstringuntur Sacerdotes, Religiosi & Religiosæ; Superiores & inferiores; mariti & uxores; patres & matres; filii & filiæ - familiæ; domini & dominæ; famuli & famulæ, &c. Circa utriusque generis officia diligenter excutiendi sunt conscientiæ sinus atque introspectiendæ latebræ, ut debito cum fructu Confessio instituat, vitæque tenor in melius immutetur.

Nec minùs dedito studio scrutandæ sunt peccatorum radices, quarum maximè generalis est inordinatus sui amor, qui trinam includit concupiscentiam ex qua profuit omne peccatum. Nam, teste S. Joanne Apostolo, *omne quod est in mundo* (corruptum scilicet ac depravatum), *concupiscentia carnis est, & concupiscentia oculorum, & superbia vitæ (c)*: id est, voluptatum, divitiarum atque honorum immoderata cupiditas. Refertur etiam possunt radices peccatorum ad illa

(c) 1. Joan. 2. 16.

septem, quæ peccata capitalia dicuntur, eò quod ex iis, ceu capitibus & fontibus, derivari cætera soleant. Sunt autem *superbia*, *avaritia*, *luxuria*, *gula*, *ira*, *invidia*, *acedia*: quæ quidem breviter describi operæ pretium est.

Superbia est inordinatus præcellendi appetitus, sive in animo delitescat, sive se exterius prodatur. Vitiū est *Deo & hominibus exosum* (d). *Superbia* quidem, etsi vitiū fere omnium mater est, præcipue tamen infelicem hanc sobolem gignit, inobedientiam, jactantiam, hypocrisim, contentionem, perniciam, discordiam, curiositatem (e).

Avaritia est inordinata divitiarum cupiditas; cuius propago est proditio, fraus, fallacia, perjurium, rapina, furtum, cordis duritia, inhumanitas, immisericordia in pauperes (f). Hoc vitiū à S. Paulo Apostolo *radix omnium malorum* appellatur (g).

Luxuria est inordinatus impure ac libidinosæ voluptatis appetitus. Ex se autem generat, præter corporis morbos, stuporem intellectus, mentis cæcitatem, incogitantiam, nimium sui ipsius amorem, Dei odium, Religionis fastidium, impensissimam fragili huic vitæ adhæsiōnem, mortis futurique iudicii horrorem, felicitatis æternæ desperationem.

Gula est intemperata cibi potusve appetentia; cuius quidem species sunt *comessatio* & *ebrietas*, duo vitia quibus homo suapte naturâ longè bestiis excellentior, iis se abjectiorem vilioremque sponte constituit, suas & familiæ fortunas miserrimè profundit, nocet valetudini, sapiusque vitam infelicitè abrumpt. Progenerat gula ineptam lætitiā, officiorum neglectum, multiloquium, scurrilitatem, sensuum spurciciem, & mentis hebetudinem (h).

Ira est ardor immodicus de eo ultionem sumendi, à quo læsum se quispiam arbitretur. Ex illa nascitur detestanda soboles, mentis perturbatio, præceps in agendo inconsiderantia, tumentis animi effervescencia, clamorosa indignatio, blasphemia (i), rixæ, contumeliæ, pugnæ, homicidia.

Invidia est tristitia ex bono alterius concepta, & odium alienæ felicitatis, habito respectu, sive superiorum, quia invidus non iis æquatur; sive inferiorum, quia ipsi æquantur; sive parium, quia ipsi præponuntur. Progeniem habet invidia, simulcrates, odia, malignam insurrectionem, detractionem, in proximi adversitatem lætitiā, in ejus prosperitate mœrorem (k).

Acedia est remissi animi languor, ac tristis inertia circa res ad Deum cultum æternamque salutem perti-

(d) *Ecclesi.* 10. 15. 18. 21. *Job.* 4. 14. *Jacobi.* 4. 6.

(e) *S. Greg. moral.* l. 31. c. 32.

(f) *Ibid.* c. 31.

(g) 1. *Tim.* 6. 19. *Vide Ecclesi.* 19. 9. 10.

(h) *Vide S. Basil. Or.* contra ebriosos.

Et S. Chrys. serm. contra luxum & crapul.

(i) *Vide S. Basil. Or.* contra irascentes. *S. Chrys. Hom.* 29. ad pop. Ant. *S. Greg. ubi supra.*

(k) *S. Basil. de invidia.* *S. Chrys. Hom.* 44. ad pop. Ant. *S. Aug. de Gen. ad litt.* l. 2. c. 14. *S. Greg. ubi supra.*

nentes. Ex hoc vitio originem ducunt pusillanimitas, desperatio, torpor animi erga res præceptas, ejusque in res illicitas evagatio (1).

PRÆTEREA, in disquisitione conscientiarum, non ad propria tantum, sed etiam ad aliena peccata intento est opus animo. Quæ enim delicta aliorum manibus vel operâ perficiuntur, nobis quandoque, & merito quidem, imputantur, nosque coram Deo *renes & corda scrutante* obnoxios æternæ damnationi constituunt. Quod quidem variis modis, præsertim verò sequentibus, potest accidere: 1°. Si quis peccati cuiuspiam committendi mandatum dederit; etsi alienâ operâ perpetratum illud fuerit, tamen mandanti, præ cæteris, justissimè imputatur: 2°. Si suavor & auctor sceleris sit, modumque exequendi sedulo præscribat: 3°. Si alienis delictis consensum præbeat: 4°. Si blanditiis atque adulatione foveat peccantes, ita ut scelus admissum minus agnoscant: 5°. Si facinorosos rectis ac sedibus suis recipiat, iisque auxilium ac tutelam subministrat, quò securius facinorosi esse perseverent: 6°. Si scelerum fructum sciens & volens participet: 7°. Si dictis factisque æquo & recto minus consentaneis scandalum & offendiculum ponat proximo, ei occasionem inde suppeditans in aliquod scelus prolabendi: 8°. Si, cum obstando aut manifestando possit aliorum facinora impedire, id præstare negligat: 9°. De-

nique, si proximum, suæ præsertim sollicitudini creditum, quem corripiendo emendare posset, corripere omittat.

SUNT insuper quædam peccata quæ specialiter *adversus Spiritum sanctum* committi dicuntur; ea nempe, quibus oblata Dei munificentia & gratia, quæ Spiritui sancto, ceu fonti bonorum, tribui specialiter solet, contemptim abjicitur. Sex autem sequentia recensentur: 1°. Divinâ misericordiâ confidenter abuti: 2°. De gratia Dei, vel de salute sua prorsus desperare: 3°. Religionis veritati cognitæ, reclamante conscientia, pertinaciter oblitari: 4°. Tristi invidia concitari ob alienæ salutis & fratrum virtutis prosperum eventum: 5°. Obscurato animo in scelere scienter persistere: 6°. Denique, cum proposito non penitendi, perversæ vitæ finem nullum facere. *Hæc sunt illa crimina quæ non ex infirmitate aut ignorantia, sed ex mentis corruptissimæ malignitate & perversitate proficiscuntur*; quibus qui implicari sunt, Dei gratiam, aut nunquam, aut raro & ægrè admodum consequuntur.

Ad extremum sunt peccata, quæ propter suam immanitatem, *vindictam in cælum clamare* dicuntur. Hæc autem quatuor è sacris Litteris colligere est: 1°. Homicidium voluntarium (m): 2°. Peccatum Sodomiticum (n): 3°. Oppressionem pauperum (o), viduarum ac pupillo-

(1) Vide S. Bern. serm. 7. & 9. Matth. 20. 6. & 25. 30.

(m) Gen. 4. 10.

(n) Ibid. 18. 20.

(o) Job, 34. 28. Pf. 9.

rum : 4°. Fraudationem mercedis operatorum (p).

Quod pertinet ad peccatorum circumstantias, quarum disquisitio ad accuratam conscientię perfructuationem requiritur, animadvertendum est potissimum qualis vel quanta sit persona quę deliquit; quam in dignitate, quoniam in munere constituta, quibus divinę misericordię donis pręventa: quod & quale scelus admissum; qualis & quanta res ablata; cui personę contumelia irrogata, &c. quo in loco perpetratum facinus, factum, an profano; publico, an privato: quibus instrumentis, quā ratione & viā patratum scelus fuerit; num per se flagitiosā, necne; quo fine aut scopo: quomodo; crudeliter, violenter, an fraudulenter, &c. quo demum tempore, divino cultui, an Pœnitentię consecrato, &c. Sed de his fusiùs suo loco dictum est (q).

Hęc sunt circa quę versari debet examen conscientię. Ne quid autem à sinceris Pœnitentibus diligentē circa Confessionem necessarię omittatur, ita se quisque ad sacrum Tribunal accessurus pręparet, ut, quasi canente supremi Iudicii tubā, sese ad ultimam vitę Confessionem accingere sibi videatur. Ideo nimirum sapius irritę sacrilegęque emittuntur Confessiones, quia nullas est qui recogitet corde (r), dicens: Quid feci (s)? Quoniam au-

tem nemo sibi relictus, conscientię rationem à seipso, prout requiritur, exigere, commissaque agnoscere potest, Deum obtestetur Pœnitens ut suas illuminet tenebras (t), ut, quantas habeat iniquitates & peccata, scelera sua & delicta, se denique libimetipsi, qualis reverà sit, dignetur ostendere (u). Itaque, priùs invocato sancti Spiritus auxilio, sese ipse ad Dei & Ecclesię Mandatorum proprięque conditionis officiorum normam attentissimè collatum interroget. Conscientię suę latebras altissimo contuitu scrutetur; ut malum quod admisit, & bonum quod omisit, quidquid in Deum, in proximum, in seipsum deliquit, clarā luce perspiciat; ne pravo sui ipsius amore deceptus, in ea disquisitione cęcutiat, & quasi velo oculis obducto, non se, quantum satis sit, manifestum præbeat divinę misericordię simul & iustitię Ministro.

Illā autem sui recognitio, pro varia personarum qualitate & conditione, magis aut minùs debet esse operosa. Hòc enim diligentiorē & profundiorē institui oportet sui disquisitionem, quò longiùs à præcedenti Confessione existit temporis intervallum, & quò intricatior est cuiusque conscientia. Iis nempe magis diuturno examine opus est, qui rarò contentur, quàm qui sæpius animam salutari Pœnitentiā expiare solent; iis qui inter mundi tumultum negotiorumque implicationes versantur, quàm qui vitam agunt

(p) Jacobi, 5. 4.

(q) Suprà, Div. I, Cap. VI.

(r) Jerem. 12. 11.

(s) Jerem. 8. 6.

(t) Ps. 17.

(u) Job, 13. 23.

privatam & quietam. Sed omni Fidei tanta in hoc tam grave negotium conferenda est cura ac diligentia, quantam solent viri prudentes in maximi momenti rebus temporalibus adhibere. Attento animo revolvenda ipsi sunt loca, tempora & occasiones in quibus Deum offendere & graviter delinquere potuit; scrutandæ peccatorum radices, ut in posterum excendantur; disquirendæ pariter circumstantiæ, quippe quæ dilecti gravitatem augere possunt vel minuere. Quæ quidem omnia quo facilius discutiantur, cum propè est ut sit confitendum, nihil utilius, nihil consultius excogitari potest, quàm si quisque singulis diebus vespere ad examen revocet, quid opere, quid verbo, quid cogitatione, quid omissione per diem deliquerit. Atque huiusmodi exercitatio id præterea utilitatis conjunctum habet, quod vehementer à peccato retrahit, quod profundiorum ingerit sui ipsius cognitionem, quod pravorum habitus sensim evellit ac destruit, quod denique magnam affert conscientie teneritatem atque integritatem.

Quod si, examinis defectu, lethale peccatum in Confessione prætermittatur, irrita nonnunquam & sacrilega est Confessio, cum nempe gravis extitit negligentia. Quod malum ut vitetur, plurima quidem in

recognoscendis vitæ maculis ponenda est animi attentio, verumtamen iustis circumscripta limitibus. Procul arceatur nimia sollicitudo & anxia religio. Neque enim ad torquendam, sed ad sublevandam conscientiam; non ad scrupulos ingerendos, sed ad pacem in animos reducendam instituta Confessio est (x). Nec Deus instar habeatur tyranni cujusdam impossibilia jubentis; sed patris benignissimi, qui gemitum cordis conscripsi suamque plagam agnoscentis potius attendit, quàm opotestam illam atque interminatam inutilium disquisitionem & enumerationem. Aliquando quidem, instigante humani generis hoste infensissimo, ea Fidelium animos decipit fraus pessima, ut ad solam sui recognitionem cogitandam excitentur, & sine Contritione, ideòque incassum confiteantur. Itaque, monentibus Pastoribus, Vicariis, cæteris Confessariis, Concionatoribus & Catechistis, noverrint Fideles id unum ad Confessionis integritatem requiri, ut, sedulo excussis cuique diligentem exploranti agnita deponantur apud Sacerdotem; certa, ut certa; dubia, ut dubia: cætera verò quæ memoriâ exciderint, comprehensa in huiusmodi Confessione omnino censeri (y); & si postea menti recurrant, satis esse ut in frequenti Confessione declarentur.

(x) *Conc. Trid. Sess. 14. cap. 5. de Confess.* (y) *Ibid.*



CAPUT II.

DE cæteris Pœnitenti exequendis, ut ad Sacramentum reconciliationis ritè suscipiendum disponatur, utque illud cum debita animi pietate atque exteriore modestia suscipiat.

POSTULANDUM à Deo Contritionis donum, hæcque vehementer in corde excitanda. Quid insuper ante Confessionem, quid in ipsa Confessione, quid post Confessionem sit observandum.

QUANTACUMQUE sit perscrutanda conscientie necessitas, minimè tamen expedit torum in illa sui ipsius disquisitione hære Pœnitentem; sed præterea in adipiscendam Contritionem summopere est ei animus defigendus. Motus enim Contritionis, quæ primum inter Pœnitentis actus locum habet, seu animi dolor ac detestatio de peccato commisso, cum proposito non peccandi de cætero, » fuit quovis tempore ad impetrandam veniam peccatorum necessarius; & in homine » post Baptismum lapsò ita demùm præparat ad remissionem peccatorum, si cum fiducia divinæ misericordie & voto præstandi reliqua » conjunctus sit, quæ ad ritè suscipiendum hoc Sacramentum requiruntur (a). » Fideles igitur Pastoralis curæ præformati, cum sese ad Pœnitentiæ Tribunal adeundum præparant, hæc diligenter observent.

QUONIAM sine Dei gratiâ speciali ac sancti Spiritus impulsu de pecca-

tis suis nemo sic dolere potest, ut justificationis donum consequi mereatur, profundè humiliatus, Deum roget atque obtestetur Pœnitens, ut sibi cor contritum, quod nunquam despexit, propitius largiri dignetur. Atque in hoc imprimis immoretur, ut vehementem de peccatis admisis dolorem in semetipso exciter; qui dolor » non solum cessationem » à peccato, & vitæ novæ propositum & inchoationem, sed veteris etiam odium (contineat), juxta illud: *Projicite à vobis omnes pravitationes vestras, & facite vobis cor novum & spiritum novum* (b). Jam pridè Confessionis, ipsoque die in matutinis precibus, atque ad Missam præsens, exitum illud sinceræ Contritionis donum enixe à Domino postulet; coneturque ipsam supernaturalibus incentivis, ac præsertim divini amoris facibus inflammare: quâ quidem intentione aliquid boni operis exerceat. Postea hujusmodi dolorem interiorius conceptum offenso Deo signi-

(a) Conc. Trid. Sess. 14. de Pœnit. cap. 4. (b) Ibid.

ficer Actibus ferventissimis. Actus insuper emittat absolutissimæ in divinam misericordiam fiduciæ ex intuitu meritum CHRISTI JESU, qui lavit nos à peccatis nostris in sanguine suo (c); cujus virtutem sibi confidat uberrimè applicandam, ut sanentur prævaricatoris ac tandem pœnitentis animæ vulnera. Tum verò suæ reconciliationis opus commendet Virgini Deiparæ, quæ nempe mater est misericordiæ & refugium peccatorum; atque etiam Angelo suo custodi, tum Patrono suo, propriisque loci Patronis: quibus potenti intercessionem subvenientibus, sit Deus in ipsius animo, ut omnia peccata sua cognoscat; sit in corde, ut illa detestetur; sit in ore, ut ipsa ritè confiteatur, eorumque condonationem obtineat.

CUM sic præparatus fuerit, ad sacrum Tribunal accedat collectâ mente, silens & modestus; timens quidem, atque interno pudore suffusus, sed animosâ fiduciâ erectus; uno verbo, perindè ac si Christum ipsum, qui tantâ animi bonitate peccatores ad pœnitentiam alliciebat, reconciliationis Ministrum esset habiturus. Accedat Rei instar, sese Judici suo iustentis: terrorem autem judicis temperet amor patris, qui scilicet parcere magis quam sevire delectatur. Accedat filii instar prodigi, ad patrem offensum, sed benignissimum, revertentis (d); aut Publicani, divinam sibi pecca-

tori misericordiam implorantis (e). Delicta prius recognita sibi revocet in memoriam; & , quâ jam debuit compungi, Contritionem in seipso vehementissimam renovet. Accedat autem cum vestitu simplici: quondam Pœnitentes lugubri, sordidâ & lacetâ veste utebantur. Sit mulieris pœnitentis vultus, oculi, totiusque corporis habitus ad modestiam atque humilitatem compositus. Sit caput velo denso, & usque ad supercilia demisso coopertum. Nullum genibus pulvinar supponatur: absint digitalia, villosæ manicæ; ipsi quoque libri dimittantur, saltem in ipso Tribunali. Gladio præcincti, gladium deponant (f). Clerici Superpellicem aut Albam exuant; neque enim decet ab eo geri symbolum nivæ puritatis, qui se peccato inquinatum confessurus est.

Confessarii pedibus advolutus Pœnitens in alterutro Confessionalis sedis latere, non intueatur Sacerdotis faciem; ut meminerit non sibi rem esse cum homine sui simili, sed eum Deo altissimo, cujus ille supremâ legatione fungitur, cujus misericordiam & iudicium exercet. Multò minùs faciem Sacerdoti obvertat mulier, sed tantùm cancellis aurem admoveat; sic tamen ut Sacerdos confitentem non difficilè audiat. Utriuslibet sexus & cujusvis conditionis Pœnitens distinctè pièque totum observer confitendi ordinem. Se primò in modum salu-

(c) Apoc. 1. 5. Ezech. 18.

(d) Luc. 15. 18.

(e) Luc. 18. 13. Vide Conc. Mediol V,

& Narb. an. 1609. cap. 16. de Sacram. Pœnit.

(f) Burdig. an. 1614. cap. 5. de Sacram. num. 8.

tiferæ Crucis consignet; Sacerdotis Benedictionem petat; generali formulâ confiteatur, dicens: *Confiteor Deo, &c.* usque ad *meâ culpâ*. Deinde peccata declarat sigillatim, integre, sincere & fiducialiter. Tum dicat: *Meâ culpâ, &c.* Ipse autem reconciliationis Ministro in omnibus obtemperet. Si sibi differatur Absolutio, non conqueratur, non ægrè ferat, non disceptet; quod quidem indicium foret arrogantiae, non humilitatis; impœnitentiæ, non Contritionis: sed, exhibitis sinceræ pœnitentiæ fructibus, se tanto beneficio dignum præbeat. Confessarii hortamenta & monita attentè reverenterque, tanquam Christo per os ejus loquente, audiat, nihil tunc de peccatis cogitans quæ potuisset silentio prætermittere. Dum Sacerdos Absolutionis formam pronuntiabit, emitter Pœnitens Contritionis Actum excitatissimo doloris sensu præcipuum; summâque veneratione & inflammato amore suscipiat. Sanguinis & meritorum divini Salvatoris applicationem ablundendæ peccatrici animæ impertitam.

Post Confessionem, de Sacramenti effectibus emisso Actû fidei, supremum Judicem deprecetur ut ratam habeat in cælo sententiam Absolu-

tionis à Sacerdote prolatam. Gratiâ Deo plurimas agat, piè recitans Psalmum 102. *Benedic, anima mea, Domino, & omnia, &c.* cujus ex verbis ferè singulis tenerrimum grati animi sensum experietur, ob extremum, quod, Deo miserente, affectus est justificationis donum. Emendationis vitæque novæ propositum de integro emittat. Delictorum causas & occasiones prævideat, quas abscindere & vitare firmiter constituat; illius præsertim delicti, in quod prius ex consuetudine, ex malitia, ex infirmitate faciliùs prolabi solebat. In animum sibi reducat, atque in eum infigat illud omne quod sibi à spiritali medico ad perfectam vulnerum curationem injunctum fuerit. Impositam sibi Pœnitentiam exequi non moretur; locumque & diem, si sint specialiter indicta, religiosè observet: suam denique satisfactionem Christi satisfactionibus conjunctam studeat meritis locupletissimam efficere. De cætero videat etiam atque etiam quomodo cautè ambulet (g), ne se rursus peccato illaqueari patiatur. Ea scilicet fugiat omnia diligenter, quæ sopitos ignes exsuscitare, quæ vitiorum imagines refticare, quæ fragilem possent mentem vulnerare.

(g) Eph. 5. 15.



D I V I S I O I I I.

In hac Divisione agetur, 1°. De Pœnitentia Ministro, & de hujus potestate: 2°. De potestate Confessarii circa Reservata: 3°. De potestate Confessarii circa Dispensationes in Votis & Juramentis.

C A P U T P R I M U M.

DE Pœnitentiæ Ministro, & de hujus potestate.

POTESTAS Ordinis, potestas Jurisdictionis. Jurisdictio duplex. Ad quos pertineat Jurisdictio ordinaria. Jurisdictio delegata: quam sunt hujus conditiones necessaria. Limites Approbationis generaliter concessa. In vagos, in peregrinos & hospites quam Jurisdictio requiratur & sufficiat. Jurisdictio ad excipiendas Sanctimonialium Confessiones. Superiorum Regularium Jurisdictio. Circa Regularium Approbationem disciplina sancitur. Videndum Sacerdoti, an, & qualem habeat Jurisdictionem. Utrum aliquando suppleatur Jurisdictio deficiens. Quomodo cesset Jurisdictio. Ad absolvendum Fidelem periclitantem, nulla necessaria Jurisdictio.

LIGANDI & solvendi potestatem quo tempore & quo modo Christus Apostolis tradiderit, jam suprà dictum est (a). Quæ quidem potestas ex Apostolis in legitimos eorum successores dimanavit, atque inde-

ficiens in Ecclesia perseverabit. Primis Ecclesiæ seculis, reconciliationis ministerium sibi vulgò reservabant Episcopi (b); illudque Presbyteris in necessitate concedebant (c). Quod Presbyteris extra necessitatem

(a) Div. I. Cap. 1.

(b) Conc. Carth. II, an. 390. can. 3. Agath. an. 506. can. 44. Worm. an. 770. (al. 868.) can. 8. Vide Carth. III, an. 397. can. 31. Milev. an. 402. can. 23.

Ilerd. an. 524. can. 9. Mogunt. I, sub Rab. an. 847. can. 26. Salegungst. an. 1022. can. 20. C. 26. q. 6. c. 1. & 3.

(c) Conc. Ticin. an. 860. can. 7. Vide Carth. II, can. 4.

interdicunt multi Canones (d), id eis absolute permittunt alii (e), ut scilicet Pœnitentes absolvant. Quidam etiam hoc ipsum Diaconis adjudicant (f): non tamen Sacramentalis erat Absolutio quam impetiebantur, sed tantum Absolutio ab Excommunicatione, & in foro externo.

DUPLEX autem in Pœnitentiæ Ministro requiritur potestas: *Ordinis* nempe, & *Jurisdictionis*. Ordinis potestas in sacra Ordinatione Sacerdoti collata expressè designatur, cum Episcopus, impositis ejus capiti manibus, eum sic in persona Christi alloquitur: *Accipe Spiritum sanctum: quorum remisisti peccata, remittuntur eis; & quorum retinueris, retenta sunt*. Hæc est potestas intrinseca, supernaturalis & radicalis, sine qua Jurisdictio ad forum internum obineri nequit; & quæ, sine Jurisdictione, ad actum reduci nec licite nec valide potest (g). Jurisdictio verò Sacerdoti extra Ordinationem à Prælatato suo confertur: cujus virtute assignantur subiecti, in quos Presbyter hætenus ligatam Ordinis potestatem exercet; si que, non modo Claves, sed & Clavium usum habeat. Itaque potestas Jurisdictionem, sed Jurisdictio potestatis exercitium antecedit.

Porro duplex est Jurisdictio: *ordinaria* nempe, & *delegata*. Jurisdictionem ordinariam obtinent ii omnes in quos ex officio, vel titulo

Beneficii, incumbit animarum cura: quales sunt Episcopi in sua quisque Diœcesi; Prælati Regulares, seu Abbates Episcopali Jurisdictione immunes, in suis Monasteriis; Religionum Superiores generales, aut Provinciales, in subiectos sibi Religiosos; Parochi in suos Parochianos. Ordinarii etiam Pastores quodammodo habentur Eleemosynarii Navium & Exercituum in sua quisque Navi aut suo militari Agmine; ipsique Jurisdictionem accipiunt, vel ab Episcopo illius portus ex quo solvitur anchora, vel ab Episcopo cujus finibus exit militare præsidium. Et jure Pastorum gaudent Presbyteri qui ad regendas Parochias vacantes, aut ministerio Pastorum destitutas, à Diœcesano Pontifice delegantur. *Parochi* autem primitivi solis fruuntur juribus honorificis; & ipsi, quemadmodum Archidiaconi, Officiales, ceterique dignitatibus quidem Ecclesiasticis ornati, non verò ad animarum regimen assumpti, Jurisdictionis ordinariæ expertes sunt.

Quod pertinet ad Parochos, licet ordinariâ Jurisdictione polleant, alios tamen Sacerdotes minimè approbatos nequeunt ad audiendas Parochianorum Confessiones delegare. Hinc à sacra Facultate Parisiensi, anno 1665, ut *falsa* & *Concilio Tridentino contraria*, damnata est hæc Amadæi Guinienii propositio: *Post Concilium Tridentinum, potest Parochus Sacerdotem simplicem, non*

(d) Worm: sup. Hispal. II, c. an. 619. an. 7.

(e) Tolet. III, ar. 389. can. 12. S. Basil reg. brev. 110. 229. 288. Conc. Mogunt. sup. Vide Trid. Sess. 14, c. 6. can. 9. 10.

(f) Can. Ap. 51. Conc. Elib. can. 32. S. Cyr. Ep. 13. 14. (al. 18. 19.)

(g) Idem, Ep. 40. (al. 43.) §. 2. Conc. Trid. sup. cap. 6. 7. can. 9. Bonif. VIII, l. 5. c. 10. c. 2. in 6.

approbatum ab Ordinario, exponere ad audiendas suorum Parochianorum Confessiones. Pastoribus igitur, & Sacerdotibus Pastorum loco ad tempus constitutis id unum competit, ut Parochos, aliove Presbyteros ab Ordinario approbatos, ad Parochianorum Confessiones audiendas sibi subsidiarios admittant, modò tamen, quatenus ad delegatos pertinet, quoad locum & tempus valeat horum Approbatio.

Jurisdictione delegata ut precarium quid obtinetur. Ea potiuntur Presbyteri ad excipiendas Confessiones approbati; sive Sæculares, ab Episcopis; sive Regulares, à suis Superioribus majoribus. Ad solos enim Episcopos pertinet ut Jurisdictionem, sive ordinariam Pastoribus per Institutionem Canonicam, sive delegatam Vicariis cæterisque Sacerdotibus per Approbationem conferant: solique Superiores majores Regularium Episcopali Jurisdictione communium, Presbyteros Regulares approbare possunt, ut sibi subiectos confitentes audiant. « Quamvis igitur Presbyteri in sua Ordinatione » à peccatis absolvendi potestatem » accipiant; nullus tamen, etiam » Regularis, potest Confessiones sæcularium, etiam Sacerdotum, audire, nec ad id ullomodò idoneus reputari, nisi aut Parochiale Beneficium obtineat, aut ab Episcopo idoneus judicetur, & Approbationem obtineat (h). »

JAM verò ad sufficientem & validam Jurisdictionis delegationem

requiritur ex parte Superioris delegantis consensus formalis & expressus, isque signo aliquo extensio manifestatus; nec sufficit præsumptus, tacitus, vel interpretativus. Nulla igitur esset Jurisdictio quam sibi arrogaret Sacerdos pro certo tenens concedendam fuisse, si postulata esset, absolvendi facultatem. Nec sufficit Absolutionis ratihabitio futura; consensus enim futurus non potest Jurisdictionem ad præsens conferre. Undè Jurisdictionis defectu irrita esset Absolutio quam impertiretur Sacerdos, eam confidens à Prælato suo approbarum ita, cum is hanc eandem impertitam esse novisset.

In Superioris autem arbitrio est, ut eorum de quibus approbandis agitur, scientiam prævio examine discutiat, totiesque illud examen iteret, quoties postulabitur Approbationis renovatio. Potestas verò quæ per Approbationem confertur, non est simplex doctrinæ testimonium, sed vera Jurisdictionis potestas.

Prælato etiam integrum est, ut concessæ Approbationi eum quem velit, quoad tempus & locum, quoad personas & peccata limitem constituat. Quinimò, ante tempus in Approbationis instrumento prænitum, illam revocare potest ob causas sibi cognititas, de quibus nulli mortalium rationem reddere tenetur.

APPROBATIO verbis generalibus concessa, neque ad Casus reservatos, neque ad Sanctimonialium Confessiones extenditur. Sanctimonialibus

(h) Conc. Trid. Sess. 21. de Ref. c. 15. Idem postea, quoad Regulares, solenni Decreto confirmavit S. Pius V.

Pœnitentiæ Minister esse nemo potest, nisi ad hoc specialiter ab Ordinario sit approbatus. Sic enim statuit Gregorius Papa XV (i): « Confessione facti, sive Seculares, sive Regulares, quomodocumque exempti, tam ordinarii quam extraordinarii, ad Confessiones Monialium, etiam Regularibus subiectarum, audiendas nullatenus deputari valeant, nisi prius ab Episcopo Diocesano idonei judicentur, & Approbationem, quæ gratis concedatur, obtineant. » Atque hanc propositionem, *Religiosas exemptas absolvere potest Sacerdos, sive Secularis, sive Regularis, ab Episcopo non approbatus*, in generalibus Comitibus (k) damnavit Clerus Gallicanus, ut falsam, temerariam, à Concilii Tridentini mente alienam, Jurisdictioni Episcoporum & Ecclesiasticæ Disciplinæ contrariam. Itaque ad excipiendas cujuslibet Instituti Sanctimonialium, etiam Episcopali Jurisdictione immunium, Confessiones, requiritur *specialis, expressa & formalis Ordinarii Approbatio* (l): quâ deficiente, quivis Presbyter, etiam pro universa Diocesi approbatus, etiam facultate polens absolvendi à Casibus reservatis, etiam à Regularium Superiore-majore ad subiectarum sibi Sanctimonialium regimen designatus, eas confitentem in irritum audiret. Qui pro uno ipsarum Conventu approbatus est, non idcirco censetur pro alio, etiam ejusdem Ordinis, multò minus pro diversis Instituti Communi-

tate approbatus. Qui semel *extraordinarius* ad illas missus fuit Pœnitentiæ Minister, eas sive *extraordinariè*, sive *ordinariè* confitentes, sine nova missione iterum audire non potest.

Ipsa Parochorum Jurisdictio, licet ordinaria, suis limitibus circumscribitur. Præterquam quod enim, nisi expresso Diocesani Antistitis permisso, non possunt à Casibus Censurisque reservatis absolvere, insuper nequeunt vi solius Pastoralis muneris & citra pecularem facultatem, Confessiones excipere Sanctimonialium, etiam earum quæ intrâ Parochiæ suæ fines continentur. Hinc accedit quod ipsis ex Beneficii titulo non competit alios confitentes audire præter solos Parochianos, & eos qui ad tempus in Parochia commorantur. Laudabilis tamen hacce in Diocesi obtinuit consuetudo, ut, nisi specialiter illi derogaverimus, possint alios Diocesis Parochos, ex *charitate fraternitatis* (m), in Pœnitentiæ ministerio adjuvare. Quamobrem nullâ cujusquam licentiâ opus habent, ut alienæ Parochiæ Fideles ad suum Tribunal bonâ fide & sine ulla fraude venientes audiant. Idem de cæteris Confessariis dicendum, si eorum Approbatio nullam quoad loca & personas limitationem contineat.

In duabus, sive ejusdem, sive diversarum Dioceseon Parochiis qui sic habitat, ut apud unamquamque magnâ soleat anni parte commorari, is facultatem habet alterutri Parocho, ut libuerit, confitendi. Cum enim

(i) Bulli Inscrutabili, an. 1622.

(k) Anno 1700.

(l) Clem. X. Constit. Superna. Bull. tom. 1. pag. 444. (m) Rom. 11. 10.

utraque

utraq; in Parochia, licet divisum, tamen fixum vetumque domicilium habere censetur, utriusque Parochi habendus est ex æquo Parochianus; & alterutrum sibi conscientie moderatorem adhibens, etiam annuæ Confessionis præcepto satisfacere censetur.

Imò, qui in aliena Parochia, licet minus diuturno tempore, & sine constituendi domicilii proposito, negotiationis v. g., militiæ, valedudinis, studiorum causâ commoratur, is quoque ab istius loci Pastore ordinario potest absolvi. Hoc enim ipsi permittit consuetudo, tacitusque saltem Superiorum consensus; ne quis, cum Pœnitentiæ Sacramento opus habuerit, eo privetur.

Si quis Patochianum suum in Parochia urrique prorsus alienâ confidentem audire velit, eum quidem, ut potè sibi subjectum, validè potest absolvere: docet tamen quàm maximè, ad vitandum scandalum, ut à loci Pastore aut Superiore priùs licentiam obtineat. Quamvis enim ordinaria fori interni Jurisdictio, cum exercetur in subjectos, nullis territorii limitibus coëteatur, atque adeò Parochus ubicumque inventis, aut secum adductis Parochianis suis validè possit Absolutionis beneficium impertiri; ut tamen licet Jurisdictionem illam exerceat, accedere debet consensus Pastoris aut Superioris penès quem loci Jurisdictio est, & cujus in Ecclesia, vel territorio, Patochiani etiam sui Confessionem excipit.

Ceteri verò Confessarii, quibus scilicet non competit nisi delegata Jurisdictio, neminem extra fines Diœcesis pro qua fuerint approbati, possunt absolvere.

Tomus II,

Potest Ordinarius loci Pontifex quemlibet Sacerdotem, etiam ex aliena Diœcesi, neque ab Episcopo suo approbatum, delegare ad excipiendas suorum Diœcesanorum Confessiones. Et si ceteri bonâ fide accedant, non in fraudem Casus in propria Diœcesi reservati, non ut justam scelerum pœnitentiam declinent, non ut facilius in peccati consuetudine vel occasione proxima ignoti perseverent (fraus enim & dolus nemini debent patrocinari); validè ac licitè potest quivis Sacerdos à Diœcesano Pontifice approbatus, eorum Confessiones in Diœcesi excipere, confessisque Absolutionem (si nihil aliud obstat) impertiri.

Vagi similiter & peregrini, quia nullibi certam habent sedem, certumve domicilium, absolvi possunt à Confessariis locorum in quibus pro tempore commorantur. Quod pertinet ad hospites, quibus nempe alibi domicilium, atque idcirco Parochia est: si ad alium locum, vicum, oppidum, seu ad aliam Diœcesim, ob Festi alicujus ibidem occurrentis celebritatem, piamve peregrinationem, aut propter aliam pietatis occasionem venientes, confiteri cupiant & sacrosanctam Eucharistiam suscipere; peregrinorum instar absolvi poterunt, modò tamen illuc non se in fraudem legis contulerint. Positâ eorum bonâ fide, ne quis suæ pietatis fructu careat, ex tacito Ordinarium consensu, passim recepta est meritòque approbata illa consuetudo.

Quod pertinet ad Regularium Confessiones: quandoquidem Episcoporum Approbatio, nisi ad au-

diendos seculares, nullâ de Regularibus factâ mentione, à Tridentina Synodo requiritur; possunt Superiores Ordinum Episcopali jurisdictione immunium Confessarios Regulares ab Ordinario loci Antistite non approbatos delegare subiectis sibi viris Religiosis. Decernit præterea Clemens X (n), » in Monasteriis, ac etiam Collegiis ubi » juxta Regularia instituta vivitur, » posse tam Prælatos Regulares quàm » Confessores Regularium eorumdem Monasteriorum seu Collegiorum, audire Confessiones illorum secularium qui inibi sunt » verè de familia, & continui commensales; non autem illorum qui inibi tantum deferviunt. » At verò seculare Monasterio vel Communitati suæ alienum audire confitentem nullus potest Regularis, nisi fuerit à Diocesano Pontifice approbatus (o). Nec sufficeret Approbationis postulatio: eam scripto, aut saltem verbo disertè concessam obtineri necesse est. Ad nihilum valeret postulatio, si, vel sine causa, denegaretur Approbatio; nulli enim, nisi summo æternoque Pastorum Principi, tenetur Episcopus de gratiosæ & voluntariæ Jurisdictionis suæ usu rationem reddere.

Ut verò quoad Regulares Disciplinam hinc obiter sanciamus; eorum Superiores, pro sua pietate ac religione, nullum nisi spectatâ

morum integritate atque intemeratâ virtutis famâ commendabilem Nobis ad hoc ministerium suscipiendum offerent. Et verò non solum necesse est ut omnium qui ad Confessiones in nostra Diocesi excipiendas admitti cupiunt, scientiam & doctrinam prævio examine discutiamus; verum etiam permagni momenti est ad Religionis decus & animarum salutem, ut de ipsorum moribus Nobis constet quàm fieri poterit certissimè. De omnibus igitur & singulis pro unoquoque Monasterio approbandis scriptum testimonium Nobis exhiberi curabunt Regularium Superiores, sine quo nullum ex eorum subiectis ad audiendas secularium Confessiones admittimus. Declaramus præterea Regularem deinceps à Nobis approbatum iri neminem qui recens in nostram Diocesim advenerit, nisi à suo Superiore offeratur, simulque doctrinæ, vitæ & morum testimonia Nobis exhibeat ab Antistite illius Diocesis in qua fuerit ultimò commoratus; nec satis fore si à Regularibus exhibeantur Approbationis Litteræ apud alienam Diocesim impetratæ.

Cum igitur Confessario tam necessaria sit potestas, ut eam in illo supplere nullomodo possit, nec præstabilis eminensque virtus, nec summa scientia; omnium primum cogitet Sacerdos an Jurisdictionem habeat, & qualis sit ea

(n) *Constit. Superna.*

(o) *S. Pius V, Bullâ Romani Pontificis, an. 1571.*

Greg. XIII, Bull. In tanta, an. 1573.

Greg. XV, Bull. Inferutabili.

Urb. VIII, Bull. Circumspecta, &c., cum, sicut accepimus, an. 1628.

Hac postremâ revocantur & abrogantur quæcumque privilegia audiendi Confessiones sine Approbatione Ordinarii, quibuslibet Collegiis, Capitulis, Religionibus, Societatibus, Congregationibus & Ordinibus concessa.

Jurisdicção; an hæc ipsa Casus vel Censuras Pontifici maximo vel Diocesano Præfuli reservatas completatur; an ipse demùm, nullâ temporum & locorum, personarum & peccatorum distinctione factâ, nullâque apposita limitatione, absolventi jure polleat.

Hactenùs de utraque Jurisdicção, tum de hujus exercitio, variisque limitationibus. Nunc dicendum superest an aliquandò suppleatur, & quomodò cesset: postremò de Absolutione in articulo mortis.

JURISDICTION, sive ordinaria, sive delegata, etsi secundùm se irrita, validè tamen exerceri potest ratione erroris verè publici & inculpati; quo nimirùm omnes, aut ferè omnes, eo in loco ubi quis pro Confessario se gerit & Jurisdictionem exercet, hanc ei veram competere, falsò quidem, sed bonâ fide arbitrantur. Huic errori insuper accedere oportet titulum coloratum; qui scilicet non supposititius, aut fraude confectus, sed à legitimo Superiore collatus, occulto impedimento vitatur, quo fit ut non valeat, alioqui valieus. Quoties igitur cum supradicto errore concurrit hujusmodi titulus coloratus, Ecclesia, ne quid detrimenti, alioquin imminenti, capiat animarum salus, latentem suppler defectum; modò tamen ex solo Jure Ecclesiastico, non autem naturali aut divino, proveniat inhabilitas ad suscipiendam Jurisdictionem. Hinc simonia, irregularitas, excommunicatio, delegationis revocatio, si occulta sint, Jurisdictionis exercitium in eo non perimunt qui titulum contulit aut accepit: illud au-

tem in eo perimunt defectus Ordinis Sacerdotalis, rationis, necessariæ intentionis, quamvis occultis maneant. Ratio est quia illos potest Ecclesia supplere, hos verò non potest.

Quòd si autem non verè publicus, sed privatus, seu paucorum duntaxat sit error; ad Jurisdictionem validè exercendam nihil conferre potest, ne titulo quidem colorato adjunctus.

Pratercà Confessarius, post adeptum Beneficii Parochialis titulum, vel obtentam Approbationem, Irregularitate, Excommunicatione, vel Suspensione ligatus, Jurisdictionis usu excidit, si sit nominatim & expressè ab Ecclesiastico Judice denuntiatus. Tunc irrita esset apud illum emissâ Confessio; ipsi enim Ecclesia prius concessam subtrahit Jurisdictionem. Si autem generatim lata fuerit Censura; quamvis in eam ille speciatim inciderit, ipse quidem, donec sua ei ritè denuntietur condemnationis Sententia, tanquam Minister adhuc ab Ecclesia toleratus, validè absolvit, sed illicitè, peccatque lethali; ac pratercà Irregularitatem incurrit, si sit excommunicatus vel suspensus.

JAM verò cessat Jurisdicção ordinaria, cum deserit Sacerdos Officium aut Beneficii Titulum cui annexa est animarum cura; vel cum eo, sive Officio, sive Beneficio spoliatur. Hinc Parochi, abdicato Pastoralis munere, Ordinarii Approbatione indigent ad excipiendas Confessiones in Parochiis quas antè regebant.

Cessat Jurisdicção delegata, 1^o. Per Approbationis revocationem, sive ad certum tempus limitata sua

rit, sive non limitata. Ea tamen revocatio cessationem facultatis non prius efficit, quam ad delegatum pervenerit ejus notitia. 2°. Temporis lapsu, seu per facultatis expirationem, cum scilicet expletum est tempus in Approbatione constitutum: ad quam cessationem nulla requiritur ex parte Superioris declaratio. Attamen, etiam elapso Approbationis termino, potest Sacerdos (nisi aliud constituerit Dioecesanus Antistes) inceptas ante hunc terminum Confessiones perducere ad ultimum exitum & ad ipsam Absolutionis concessionem. Idem foret, si non temporis lapsu, sed per Approbationis revocationem cessaret Jurisdictio delegata: quæ scilicet revocatio (in consueto rerum cursu, nec aliud statuente Ordinario) antea concessam facultatem non perimit, nisi rebus integris, id est, nisi ante inceptam Confessionem. Iis autem in casibus videndum est cautiissime ne quid scandali oriatur. Provideant etiam delegati ut tempestive Approbatio renovetur, priusquam ad finem vergat ultimum.

Porro delegatio, sive generalis, nempe ad Confessiones in Dioecesi vel Parochia excipiendas generaliter concessa, sive specialis, nempe ad aliquot personas restricta, non cessat (etiam rebus integris, id est, nondum incepta ullâ Confessione) per delegantis mortem, vel à Jurisdictione discessionem. Est enim hujusmodi confessio, ut loquuntur, *gratia facta*, ideòque mansura. Utraque modò dicta delegatio, sive perpetua sit, sive ad tempus concessa,

suum sortitur effectum, nisi eam limitetur vel revocet Capituli Cathedralis, Episcopali Sede vacante, Vicarius-generalis, aut Episcopus, mortui vel Jurisdictione excurrentis successor; hoc enim utrique jus competit. Et si Vicarius-generalis delegationem concesserit, hæc pariter, illo (etiam ante inceptas Confessiones) moriente, non interit. Nam Vicarii-generalis potestas in hujus auctore Præfule tota subsistit.

Similiter, cum ipsi Pœnitenti ea conceditur facultas ut apud Sacerdotem alias necessariâ Jurisdictione carentem confiteatur, vel Casus aut Censuræ reservatæ Absolutionem accipiat, vel in Voto, in Irregularitate, in Matrimonii Impedimento Dispensationem consequatur; hujusmodi facultas Ordinario, sive morienti, sive abdicanti, aut aliis Jurisdictionem amittenti, superstes maneret, quamvis prædictus Sacerdos illum sive mortuum, sive Jurisdictione jam non pollentem, etiam rebus integris, didicisset.

JAM VERÒ, ut quis in mortis articulo vel probabili periculo constitutus absolvatur, nulla Jurisdictionis potestas, etiam ad Reservata, requiritur, si desit alius Presbyter qui legitimâ facultate polleat (p). Sufficit in hac necessitate potestas Ordinis; & cuique Sacerdoti Jurisdictionem supplet tacita Ecclesiæ confessio. Scilicet pia Fidelium mater Christi Sponsi magisterio edocta, qui *pro omnibus mortuus est* (q), Sacramentorum defectu perire vult neminem; utque omnes quos sinu

(p) Conc. Trid. Sess. 14. cap. 7. de Cal. reserv. (q) 2. Cor. 5. 15.

tenerrimo ad beatam immortalitatem parturit, salvi fiant, velle se denuntiat favores ampliari, omnimodamque facilitatem offerri. Et quidem mortis articulus non solum hominis extremum spiritum exaltantis status esse intelligitur; verum etiam ad grave & manifestum undecumque imminens mortis periculum extenditur. Eo igitur in casu versari censetur qui pestilentia afflati sunt, qui gravissimâ febris continuâ, aliove morbo *responsum proximæ mortis* ferente conflantur; qui tam periculose vulnerati sunt, ut in supremum transirum vergere merito judicentur; foeminae tum primùm parturientes, vel difficili partu laborantes; uno verbo illi omnes quos prudens Minister in periculo moram nullam patiente constitutos probabili conjecturâ existimat. Idemque dicendum, quotiès de istiusmodi periculo dubium occurrit legitimo fundamento nixum. Id quippè Ecclesiæ menti consensaneum prorsus est; quæ scilicet velle non censetur ut, occurrente tali dubio, quisquam Fidelium periculo obficiatur è vita migrandi sine Sacramento ad salutem necessario.

Itaque Infirmum in vero aut probabili periculo constitutum, modò penitens & contritus videatur, deficienti Sacerdote ad reconciliationis ministerium approbato, quilibet sive Secularis, sive Regularis Presbyter, etiam non approbatus, imò suspensus, excommunicatus, irregularis, depositus, absolvere potest ac debet à Censuris & peccatis cuiusque reservatis, ipsisque Censu-

ris *ab homine* & per Sententiam latis (r). Quod tamen non ita generaliter intelligendum videtur, ut nullam patiatur exceptionem. Etenim, juxta mentem Concilii Tridentini, ad hoc tantùm in mortis periculo cessat quæcunque Reservatio criminum & Censurarum, ut nemo, Sacramentorum defectu, æternæ salutis exors fiat (s): Suspendio autem, sive ab Ordine, sive ab Officio aut Beneficio, neque Sacramentorum susceptionem, neque Regni cælestis introitum intercludit: undè non immerito colligitur, nulli Presbytero, siue speciali facultate, id competere, ut moribundum in Sacris constitutum à cujusvis generis Suspensione absolvat; & eos quibus deest hujusmodi licentia, Censuras, urgente necessitate, alias tollere non posse, quàm quæ Sacramentorum susceptionem prohibent, nenapè Excommunicationem, & Interdictum personale.

Cæterùm nulla, licet gravissima & periculosissima infirmitas, Reservationem tollere potest, aut supplere defectum Approbationis ad peccata, sive reservata, sive non reservata dimittenda necessariæ, cum accersiri potest Presbyter ad id muneri obeundum ritè approbatus. Quo quidem in casu, integris adhuc rebus, id est, nondum inceptâ Confessione, ab ea excipienda abstinere debet qui prior adfuit non approbatus: nisi tamen videatur Infirmus confitendi moras non æquo animo laturus; runc enim modò dictus Presbyter Confessionem excipere, & Absolutionem impartiri potest.

(r) *Conc. Trid. sup.* (s) *Ibid.*

Si quis autem in extremis absolutus sit à Presbytero nominatim excommunicato, vel denunciato Hæresim palàm profitente, vel deposito, qui nempe tunc solus adfuerit; ne quid incertum in tanti momenti negotio relinquatur, superveniens alter Sacerdos approbatus, aut saltem in Ecclesiæ Communionem constitutus, moribundum illum ad Contritionem de peccatis suis generatim excitet, eique tutiorem Absolutionem impertiatur, & quidem prius novam ab eo, si possit, Confessionem eliciat. Quod si Pœnitentem, & loquelam, & sensuum usum jam omninò defecerint;

Absolutionem ei supplere nihilominus poterit, vel consueta formâ, vel sub hac conditione, *Si non es absolutus, ego te absolvo, &c.*

Quod si Infirmus ex morbo convalescat, & fuerit à solis peccatis, sive non reservatis, sive reservatis absolutus; nihil exequi tenebitur præter ea quæ sibi à Confessario, & ad legitimam satisfactionem, & ad rectiorem vivendi disciplinam iuncta fuerint. Si verò ab aliqua Censura reservata fuerit absolutus; quid insuper Sacerdos eum admonere, quid ipse, teceptâ valetudine, exequi debeat, proximè sequenti Capite edisseremus.



C A P U T I I .

DE potestate Confessarii circa Reservata.

QUÆDAM pranotantur. Quàm antiqua sit Casuum Reservatio. Quorsum hac eadem instituta. Casus sibi reservare quinam possint. Absolutio à Reservatis, sine speciali ad hanc Approbatione, omnino irrita. Locum non habet Reservatio, nisi quinque positis rerum adjunctis. Ea insuper ad legis apicem accipienda. Rerum status quatuor, in quibus potest Confessarius simpliciter approbatus à Reservatis absolvere. Quandonam Casus Pontifici maximo reservati ad Ordinarium pertineant. De facultate absolvendi à Casibus & Censuris Sedi Apostolica reservatis. Pro certis circumstantiis & personis conceditur potestas ad Reservata Diocesana. De Casu reservato cui est annexa Censura. Scorsim dimitti nequeunt Reservata & non reservata. A Reservatis absolvendi licentia non leviter postulanda, nec sine delectu exercenda. Approbationis ad Reservata limites iidem ac simplicis Approbationis. De potestate à Reservatis absolvendi, prout conditionalis est, prout certas ad personas, certos ad Casus restricta. Absolutio ab Hæresi, & à Censuris ab homine, specialissimè reservata. An cum Ordinarii vita vel Jurisdictione desinat, sive generalis, sive specialis delegatio ad Reservata. Confessarium, non verò Pœnitentem afficit Casuum reservatio : Confessaria.

P R I M Æ V I S Ecclesiæ temporibus, Pœnitentiæ ministerium, ut jam antè diximus, soli propemodum exercebant Episcopi; iisque reservata erat publicè pœnitentium reconciliatio; nec poterant secundi ordinis Sacerdotes, nisi absente Præfule, vel de hujus licentia, vel instante mortis periculo, à delictis Pœnitentiæ publicè obnoxii absolvere. Postea cujusque Diocesis Anti-

stes Pœnitentiarium Presbyterum instituit, in quem illius curæ pars multa recumberet. Passim denique Ecclesiastici regiminis multiplici sollicitudine prægravati Pontifices, crebrescente insuper, cum numero Fidelium, sacri Tribunalis frequentatione, Presbyteros in prædicti ministerii societatem adhibuere, sibi nihilominus reservatis Casibus nonnullis, quorum Pœnitentiam ii soli

decernere atque Absolutionem impertiri possent : nec ullum Ecclesiæ tempus exiit , quo Presbyteris sine speciali Episcoporum concessu licuerit immaniora quædam scelera condonare. Cùm nempe in desuetudinem abiisset Pœnitentia publica, Præsules tamen sibi potestatem reservârunt de quibusdam criminibus cognoscendi ; & facultatem à Reservatis absolvendi non sine distincta concessione Presbyteris communicârunt.

Itaque, postâ Casuum Reservatione, non inde imminuta existimanda est Presbyterorum jurisdictio ; quandoquidem Pontifices nihil aliud sibi per eam vindicant , nisi quod exercendam illius ministerii partem sibi retinient , cujus universitatem ii ferè soli , & per se ipsi , plurium secularum spatium , nemine reclamante , exercuerunt. Undecimo seculo , consensientibus Episcopis , id moris inductum est , ut qui facinora quædam perpetrassent , ad summum Pontificem mitterentur , quò scilicet , ex majore Absolutionis difficultate , vehementiorem hujusmodi scelerum atrocem conciperent. Nec multò post , ea Juri Canonico inserta fuerunt , tanquam summo Pontifici reservata ; triaque hujusmodi in vicinis eorum temporum Statutis Parisiensibus enuntiata occurrunt , scilicet *injectione manuum in Clericos , vel quoscunque Religiosos , incendia , simonia* (a). Multò verò antiquius , prout ex dictis intelligi facile potest , constitutum fuit , ut quidam Casus

Episcopis Diocesanis reservarentur. Et quidem « magnoperè ad Christiani populi disciplinam pertinere sanctissimis Patribus nostris visum est , ut atrociora quædam » & graviora crimina , non à quibusvis , sed à summis duntaxat Sacerdotibus absolverentur (b).

Enimverò potiores medicos requirit morbi graviores ; valdèque ad tuendum disciplinæ nervum & robur expedit , ut , nisi per Sacerdotii plenitudinem ii non reducantur , qui plenioris atque celestioris mentis pravitare sese à Deo elongaverunt (c). Huc accedit quodd , intellectâ ejusmodi scelerum immanitate , ab iis metus pudorque illasam Fidelium innocentiam custodiunt ; vel , si quis ea commiserit , cumulationem propius agit Pœnitentiam , cujus non minima pars habetur Confessio apud Superiorem emissâ , ut ille hujus monita atque hortamenta suscipiens , incusâ eminentioris auctoritatis reverentiâ , pleniotem experiarur spiritualium remedium efficaciam. Cujus nimirum prudentis œconomiz habitâ ratione , sic præcipiunt vetera eadem hujus Ecclesiæ Statuta Synodica : *Sacerdotes majora referent majoribus , in Confessionibus* (d).

A QUIBUSDAM Casibus absolvendi facultatem sibi reservare soli possunt , summus Pontifex in tota Ecclesia , Episcopus in sua Diocesi , Ordinum Generales & Provinciales

(a) *Sat. D. Odonis de Sully , Paris. Episc. Syn. 1. c. an. 1198. Capitul. circa Confess. in Synodico , pag. 6.*

(b) *Conc. Trid. Sess. 14. c. 7. de Cal. reserv.*

(c) *Pf. 72. (d) Synod. sup.*

erga Religiosos sibi subiectos. Quam quidem *reservationem*, *consonum est divine auctoritati, non tantum in externa politia, sed etiam coram Deo vim habere* (e). Et id quidem non solum declaravit, verum etiam, ptoposita anathematis pœnâ, defini- vit sacrosancta Tridentina Synodus his verbis: » Si quis dixerit Epis- » copos non habere jus reservandi » sibi Casus, nisi quoad externam » politiam, atque ideò Casuum Re- » servationem non prohibere quo- » minùs Sacerdos à reservatis verè » absolvat; anathema sit (f). » Ita- que non modò illicita, sed & prorsus irrita esset Absolutio à Reserva- tis, quam impertiretur quilibet Con- fessarius Secularis, etiam Pastor, ad Reservata non specialiter ab Ordinario loci Pontifice approbatus. Idem dicendum de cujuscunque Ordinis, Congregationis vel Institutì Regularibus ad audiendas secula- tium Confessiones delegatis, quan- talibet immunitate & quocumque privilegio gaudentibus. Eorum enim privilegia, tum à Concilio Triden- tino, tum deinceps à multis sum- mis Pontificibus hac in parte rescissa omninò fuerunt atque abrogata (g). Scilicet, cum Ecclesiæ à Christo concessa ideò fuerit ligandi atque solvendi potestas ut illam sapienter administrari curaret, eam conse- quenter Ministris ita communicare potest ac debet, ut, pro Christiani regiminis utilitate, aliis ampliorem,

aliis atctiorem conferat Jurisdic- tionem; & quos sciret facultatem sibi concessam prætergredi, eos viis Ju- ris compescere atque in officio continere posset.

Si quis autem, eò quòd ordina- riâ polleat Jurisdictione, salutatis hujus disciplinæ observantiam sub- terfugere contendant; is videat etiam atque etiam an non salutem anima- rum leviùs tractet quàm negotia quolibet temporalia, in quibus tu- tiorem partem semper eligi debere, nec immeritò, arbitrat. Porò ubi de remissione peccatorum, & de hominis cum Deo reconciliatione agitur, ad quam utique omninò requiritur certa potestas certaquæ Jurisdictione, nihil ambigui, nihil incerti relinquendum clamat Reli- gio ipsaque conscientia. Scilicet in tanti momenti negotio quidquam ex præjudicata opinione statuere im- pium est: atque opinio de qua dis- putatur, malè ac scelestè cum tan- to periculo in praxim redigitur, postquàm præsertim, ut jam dixi- mus, inflicto anathemate, pronun- tiavit Ecclesia.

PORRO nullus est Reservationi locus, 1º. nisi delictum post an- nos pubertatis commissum fuerit (h). Nullus enim Casus, nulla Cen- sura reservatur, in quæ incident puer ante annum ætatis quartum- decimum completum, puella verò ante duodecimum; etiam si, cum

(e) *Conc. Trid. suprâ. Vide Bonif. VIII, l. 5. tit. 10. c. 2. in 6. Paul. II, an. 1463, Esti Dominus, de Pœnitentiis & remiss. l. 5, cap. 3.*

(f) *Seff. 14. can. 11.*

Tomus II.

(g) *Conc. Trid. Seff. 23. de Ref. c. 15. Clement. Religiosi. Declar. sacra Congr. Episc. & Regul. 17 Nov. 1628.*

(h) *Decret. l. 5. tit. 39. c. 60.*

impuberes aliàs Reservata commiserint, ea tamen, nisi adultâ pubertate, non confiteantur.

II^o. Nisi delictum in specie reservata sit lethale. Si ergo ob materiæ levitatem, ob ignorantiam vel imprudentiam, ob defectum pleni & liberi consensus (ut sit in motu primo), veniale prudenter censeatur; illud pro reservato minimè habendum est. Si autem reipsâ lethale sit & reservatum, non idèo à Reservatione eximitur, quòd eam Reus ignoraverit. At verò, si peccatum non sit reservatum nisi propter aliquam circumstantiam quâ mutetur peccati species, illudque insuper cum talis circumstantiæ ignorantia inculpabili commissum fuerit, Reservationi subjacere non censetur. In hujusmodi casu versatur is qui cum puella peccavit, quam affinitate intrâ secundum gradum attingebat, & quam se nesciebat eo gradu attingere.

III^o. Nisi actus fuerit exterior. Scilicet peccata cogitationis aut desiderii nunquam sunt idonea Reservationi materia. Sufficit autem actus exterior, neque ullomodò necesse est ut publicus fuerit. Homicidii perpetrandi voluntas nequâquam censetur Casus reservatus; sed Reservationi subjacet homicidium voluntarium, quamvis nullo teste perpetratum.

IV^o. Nisi actus peccati fuerit completus & consummatus, in specie per Reservationem expressâ. Hinc, licet Reservationi subjaceat

homicidium voluntarium, si quis tamen aliquem de industria graviter vulneraverit cum intentione illum occidendi, non ille Reservationem incurrit, nisi mors ex inflicto vulnere sequatur.

V^o. Nisi certum sit peccatum. Nulla quippè est Reservatio in dubio facti (i), quòd videlicet prudenter & legitime dubitatur an commissum fuerit peccatum, an reverà exterior & completus fuerit actus peccati, an lethale sit peccatum, an non præcedenti Confessione dimissum, an post annos pubertatis admissum fuerit. In dubio *Juris*, si nempe dubitet Confessorius an peccatum, aliàs certum, in lege Reservationis includatur; cum ad Legislatorem pertineat legis interpretatio, suadet prudentia ut consulatur Pontifex Diocesanus, aut ejus Vicarius-generalis. Ad quos recurrere cum Sacerdos sine magno incommodo non potest, consulat Collegas doctrinâ & experientiâ graves; & Pœnitens, de ipsorum consilio, si locus sit, absolvatur. Hæc autem Absolutio valebit; etiamsi postea deprehendatur Casum verè esse reservatum, eique adjunctam Excommunicationem. Porro in dubio *Juris*, Sacerdotem nihil proprio judicio definire sæpius expedit, ne quid dubium malè habeatur. Si enim Sacerdos, ex impericia vel supina incuria, quempiam à Casu reservato, quasi dubio, licet verò ac certo, absolvit; peccat ipse graviter, atque irrita, Jure communi,

(i) *Mandat. D. Lud. Ant. Card. de Noailles, de Casib. reserv. &c. an. 1709.*

in Synodico, pag. 397.

est Absolutio. Quod si tamen Pœnitens bonâ fide egerit, scilicet Casus reservationem nesciens, Jurisdictionem quæ in Confessario defuerit, & quæ ad Nos pertinuerit, supplementam haberi concedimus; ne, propter Sacerdotis negligentiam, salus cujusquam sincero & benè præparato animo accedentis in periculum adducatur.

Casus præterea, qualiter enuntiat, accipiendus est, atque intrâ limites propositionis coercendus. Neque enim potest Reservatio ultra legis apicem, sive per ratiocinium, sive per comparisonem extendi. Hic non valet argumentatio à pari, neque etiam à fortiori. Et quidem ii soli Reservationem incurrunt, qui peccatum reservatum physicè perpetrant; non verò qui, adhibito jussu, auxilio, favore, aut consensu, illius participes fuere, nisi hoc disertis verbis in Lege expressum inveniatur.

ETIAMSI verò peccatum certissimè sit reservatum, ne quis tamen, Reservationis occasione, detrimentum animæ suæ patiatur, sunt quædam rerum adjuncta, in quibus ab eo potest absolvere Confessarius simpliciter approbatus:

1^o. Cùm *Bulla* Jubilæi potestatem facit à Reservatis absolvendi, eaque à Diocesano Antistite, sine ulla quoad hanc partem restrictione, promulgata est. Qui tamen, Jubilæi tempore, Casus reservatos esset confessus, sed irritam ex de-

fectu culpabili, sive integritatis; sive Contritionis necessariæ, Confessionem emisisset, is, post Jubilæum, ministerio indigeret Sacerdotis ad Reservata pollentis, ut eorum condonationem, ritè confessus & verè contritus, obtineret; neque à simpliciter approbato Sacerdote posset absolvi (k).

II^o. Cùm aliquis apud Sacerdotem pro Reservatis pollentem confitens, Reservata silentio præterit ex solo memoriæ lapsu, non verò per negligentiam lethalter culpabilem. Tunc enim peccata non confessâ pariter cum confessis dimituntur. Itaque hujusmodi Pœnitens, omissionis postea memor, Sacerdotem adire non tenetur qui ad Reservata Jurisdictionem habeat: satis est ut ea quæ prius omisit peccata, in proximè sequenti Confessione declaret ordinario conscientie moderatori, si ad eum cui prius confessus fuerit, non possit facile regredi (l).

III^o. Cùm Pœnitens, prius confessus apud Sacerdotem ad Reservata pollentem, Reservatorum Confessionem iterat, eò quoddam prior Confessio deprehendatur invalida fuisse, quamvis non sacrilega, propter obicem ab illo non advertente allatum, qui scilicet bonâ fide existimaverit nihil ex parte sua defuisse. Hujusmodi Pœnitens Reservationis legi satisfecit; & Absolutio quam suscepit, Reservationem abstulisse merito censetur (m). Si autem de industria & culpâ suâ irritam effecisset

(k) *Decr. Alex. VII.* 24 Sept. 1665.
Decr. Innoc. XI. 2 Mart. 1679. *Prop.* 53.
Comit. Cleri Gall. an. 1700. *Prop.* 71. & 75.

(l) *Mandatum Emin. Card. de Nonilles*,
sup. cit.

(m) *Cassut. l.* 3. c. 12.

Abolutionem, non posset Sacerdos, sine speciali potestate, à Reservatis eam absolvere (n).

Hic tamen observandum est, quòd si quis apud Sacerdotem pro Casibus Censurisque reservatis polentem, peccatum confiteatur cui sit annexa Censura reservata, & Confessionem emittat culpā suā irritam, non quidem remittitur peccatum, sed aufertur Censura; nec tenetur Pœnitens novam Censuræ Abolutionem obtinere, nisi in foro externo, si Censura sit juridicè publica.

IV°. Cùm in extremis versatur Pœnitens. Scilicet, ut declarat Tridentina Synodus, » piè admodum, » ne hac ipsa (Reservationis) occasione aliquis pereat, in Ecclesia » Dei custoditum semper fuit, ut nullus sit Reservatio in articulo mortis, » atque idèd omnes Sacerdotes à quibusvis peccatis & Censuris absolvere possint (o). » Itaque, si desit Confessarius ad Reservata delegatus, Pœnitentem in mortis articulo, vel in probabili, aut etiam dubio (ut Capite superiore dictum est) periculo constitutum, modò contritus videatur, potest ac debet quivis Sacerdos sive Secularis sive Regularis, etiam ne simpliciter quidem approbatus, imò suspensus, excommunicatus, interdictus, irregularis, depositus, absolvere à quibuscumque peccatis & Censuris, cuicumque reservatis, & ab ea ipsa Censura quæ totet *ab homine* & per Sententiam lata; non tamen à Suspendi-

sione, quæ (ut jam observavimus) intellectā mente Concilii Tridentini, non immeritò videtur excepta.

Qui à Presbytero simpliciter approbato, vel solam Ordinis potestatem habente, sic in mortis periculo Abolutionem susceperit delicti reservati, sed cui nulla esset annexa Censura reservata, is quidem, si periculum evaserit, non tenebitur apud Superiorem, ejusve ad Reservata delegatum rursus confiteri (p). Presbyter autem sic in necessitate absolvens, Superioris munus erga Pœnitentem diligenter impleat, eum scilicet admonens, ut condignè, si ex morbo convalescit, satisfaciatur, moresque in melius immutet. Eipræsertim Pœnitentiæ loco sit, ut, integratā, si Deus annuerit, valetudine, ad sacrum Tribunal accedat, quò plenius atque consideratius huic ipsi suggerantur monita salutis & leges vitæ sanctioris.

Si autem annexa peccato sit aliqua Censura reservata, eaque occulta, jubeat Sacerdos Infernum periclitantem, si ex morbo sospes evaserit, reum se Superiori, ejusve ad Reservata delegato, quamprimum sistere, ut ipsius mandata, modum nempe Satisfactionis cum salutariis monitis accipiat (q).

Quòd si verò annexa peccato Censura reservata, juridicè publica esse inveniatur; sive Censura sit à Jure, eaque publicè denunciata, vel ad forum contentiosum deducta; sive sit *ab homine*, & per Sententiam specialem, aut etiam per Mo-

(n) Ibid.

(o) Sess. 14. cap. 7. de Pœnit.

(p) De sent. Excomm. in 6. cap. 22.

Mandat. Emin. Card. de Noailles.

(q) Ibid.

nitorium lata; Infirmum in vitæ discrimine confitentem hortabitur Sacerdos, ut publico testimonio significet quàm verè & ex animo eam quæ locum Censuræ dederit, culpam doleat, pariterque scandalum quod per suam inobedientiam & contumaciam Fidelibus intulerit. Curabit insuper Confessarius, cum erunt aliena restituenda, vel damna refarcienda, ut continuò Infirmus, si possit, læso cuique satisfaciatur: si minus, eum jubebit sua in hunc finem bona oppignerare, & per Testamentum aut Codicillos suam eà de re voluntatem declarare. Si verò non sit constitutum quanta esse debebat restitutio, vel damni compensatio; inducetur Infirmus ad eam suis hæredibus imponendam, hac diligenter appositâ clausulâ, ut persona prudens, quamcumque Testamento designare voluerit, restitutionis vel compensationis quantitatem definiat. Cæterum nemo ab ulla Censurâ, etiam moriens, absolvarur, nisi ad debitum Ecclesiæ obsequium exhibendum, iisque omnibus quorum interfuerit, pro facultate satisfaciendum, ac denique ad ea omnia quæ ratio, justitia, & disciplina exegerint; præstanda expeditum se atque erectum profiteatur.

Præcipiet quoque Sacerdos Infirmi ejusmodi, Censurâ videlicet juridicè publicè irrito, ut ipse, si convaluerit, reum se, non Diocesano Pontifici, ejusve ad Reservatâ delegato, sed Ecclesiastico Judici quamprimùm sistat; à quo, exceptis iis quæ sibi injuncta fuerint, in foro externo absolvatur, atque in bona spiritualia cæteraque comoda per Censuram adempta resti-

tuatur. Quod quidem si nolit promittere, non absolvatur.

Quoniam verò existimant non mediocris famæ Theologi, Sacerdotem excommunicatum, vel qui Hæresim denuntiata publicè profiteatur, non inter eos recensendum esse, quos, aliàs necessariâ Jurisdictione carentes, in extremis absolvere posse declarat Concilium Tridentinum; idcirco, si quis hujusmodi Sacerdos periclitantem Infirmum absolverit, & superveniat alius Presbyter saltem in Ecclesiæ Communionem constitutus, hic prudenter agat, si illud observet quod pro simili casu dictum est Capite superiore.

Jam verò, si periculum non urgeat, tempusque Sacerdoti suppetat deficientis sibi facultatis ab eo qui illam concedere possit, obtineat; hanc prius obtineat, quàm Infirmum in Confessione auditum à Reservatis absolvat; nisi tamen Infirmus, aliàs ritè dispositus, Absolutionis moram non æquo animo laturus videatur, vel oriturum presumatur scandalum, si differatur sacri Viatici administratio.

Porro Censurâ, siue non reservatâ, siue reservatâ, siue occulta, siue publica, si qua tollenda occurrat, consuetâ tollitur Absolutionis formâ, in qua nempe dicitur: *Absolvo te primum ab omni vinculo Excommunicationis (Suspensionis) & Interdicti, &c.*; nihilque ex ea necesse est immutari.

Memerit autem quivis Presbyter, etiam ad Reservatâ latissimè approbatus, se non posse cum ullo Pœnitente, etiam moribundo, dispensare in Votis, in Irregularitati-

bus, in Matrimonii Impedimentis, etiam occultis, nisi specialem ad hæc licentiam acceperit. Ratio nempe est, quod ex Dispensationes, neque ad suscipienda Sacramenta, neque ad æternam salutem consequendam necessariæ sunt.

Si quis Excommunicatus denunciatus è vita excederet postquam à Sacerdote simpliciter approbato, vel solam Ordinis potestatem habente, fuisset in extremis absolutus; posset ipse Ecclesiasticâ sepulturâ cum usitatis caeremoniis honestari. Si verò inabsolutus, sed tamen editis pœnitentiæ signis obiiisset; Absolutionis Sententia prius esset ab Ecclesiastico Iudice obtinenda, quam ille in terra sancta sepeliretur.

EXTRA mortis articulum, tresque modò expositos rerum status, "Sacerdotes, cum nihil possint in Casibus reservatis, id unum Pœnitentibus persuadere nitantur, ut ad Superiores & legitimos Iudices pro beneficio Absolutionis accedant (r). " Videat tamen Confessarii prudentia num aliquandò suadeat animatum utilitas ut licentiam postulet à Reservatis absolvendi, sine qua non potest ea dimittere, quamvis, pro tempore, nequeat Pœnitens ad Superiorem vel ad ejus delegatum se conferre, nisi perpetua futura sit illa impotentia; quâ quidem posita, cessat

omnis Reservatio (s). Sed neque ulla Confraternitas Reservationem tollit (t), neque Missio, neque Indulgentia, solo Jubilæo excepto; nisi aliud præter solum constituitur.

A CASIBUS summo Pontifici reservatis, si sint occulti, absolvere potest Ordinarius (u), iique Sacerdotes quibus hæc ab ipso collata fuerit facultas. Occultum autem hic intelligimus, quod *Juris* aut *facti* publicitate non est publicum: quod nempe nec in Iudicio probatum est aut confessum, nec ita cognitum & famâ pervulgatum, ut nullâ tergiversatione in tota vicinia celari possit (x).

Ab iisdem Casibus, etiam publicis, Diœcesanus idem Pontifex, vel per se, vel per delegatos, similiter potest absolvere, tum Regulares & Sanctimoniales; tum sœminas Matrimonio junctas, viduas, & puellas; tum filios-familiâs, senes, famulos & ancillas; tum pauperes, & infirmos; tum incarceratos, & capite damnatos: eos denique omnes qui sui Juris non sunt, quibusve, incolumitâ, valetudine, libertate, famâ, domesticâ pace, vivendi instituto, re familiari, vel sine alio quovis gravi incommodo aut periculo, Romam petere non licet (y).

Quotiescumque autem alicui Presbytero facultatem absolvendi à nostris Casibus reservatis concesserit-

(r) *Conc. Trid. Sess. 14. de Pœnit. c. 7.*

(s) *Gibert, Instit. Eccl. pag. 270.*

(t) *Clem. VIII, Bullâ Quæcumque à Sede Apost. an. 1604.*

(u) *Conc. Trid. Sess. 24. de Ref. c. 6.*

(x) *Concordat, tit. 13. Stat. Syn. D. Henr. de Gondy, Paris. Episc. an. 1608. n. 38. in Synodico.*

(y) *De sent. Excomm. cap. 2. §. 11. 13. 26. 33. 38.*

mus, toties eidem concessam intendimus facultatem absolvendi à Romani Pontificis Casibus, quorum Absolutio ad Nos quacumque ex causa pertinebit; quamvis hæc postrema facultas per se non includatur in generali à nostris Casibus reservatis absolvendi facultate, nec specialiter in concessionis diplomate exprimitur.

Cuicumque Sacerdori à Romano Pontifice concessa facultas ut à Casibus huic reservatis absolvat, facultatem includit absolvendi à Censuris sub eadem Reservatione constitutis. Tolle autem potest Censura, quamvis suspendatur Absolutio à delicto; & , sublata Censurâ, potest omnis Confessarius simpliciter approbatus, absolvere à delicto. Neque enim ulla sunt delicta summo Pontifici reservata, nisi propter Censuram reservatam; atque idcirco, sublata per eum Censurâ, tollitur simul delicti Reservatio, nisi forte delictum ipsi etiam Ordinario sit reservatum. Hinc utrique intelligitur quid inter summi Pontificis & Ordinarii Reservationem intersit. Enimvero Casus Ordinario reservatus, Censuramque annexam habens, hac sublata, nequaquam Reservationi obnoxius esse desinit. Hujus nempe discriminis causa est, quod non modò ratione Censuræ, sed & ratione delicti, Casum sibi reservat Ordinarius.

Præterea (quod quidem sedulò notandum, quibus, sive Secularibus, sive Regularibus Presbyteris indulgit Apostolica Sedes facultatem

à Casibus sibi reservatis absolvendi, illi non idèò, sine Ordinarii concessu, à Casibus Diæcesanis quæquam possunt absolvere. Quinimò facultatem, Indultum aut privilegium sibi Româ transmissum pro Casibus aut Censuris Sedi Apostolicæ reservatis, exercere omninò nequeunt, nisi prius Apostolicum Diploma recognoverit Diæcesanus Antistes, annueritque ipsum, tanquam genuinum & validum, in sua ditione executioni mandari; exceptis tamen Romanæ Penitentiariæ Indultis secretis, quæ specialibus in Casibus obtinentur (7): quanquam hujusmodi Indulta nullus Sacerdos exequi potest, nisi sit ab Ordinario ad audiendas Confessiones approbatus. Quæ quidem omnia de ipsis Regularibus, quantalibet immunitate & quocumque privilegio gaudentibus, intelligenda sunt. Qui autem hujusmodi immunitatibus aut privilegiis usus fuerit, ut, virtute facultatis absolvendi à Casibus Pontifici-maximo reservatis, absolvat etiam à Casibus Censurivis Diæcesanis, hic noverit se omni Jurisdictione & absolvendi facultate sibi à Nobis concessâ ipso facto exutum. Porro, quibus indulta sunt ejusmodi privilegia, ii, cùm sint delegati, subdelegare non possunt (a).

A CASIBUS Ordinario reservatis validè absolvere nullus potest sive Secularis sive Regularis Confessarius, nisi expressam ad hoc facultatem ab ipso, vel ejus auctoritate acceperit.

(7) Cap. Quoniam. de pot. Jud. deleg. Gilbert, Instit. Eccl. part. 1. tit. 34.

(a) Ordin. Regul. in Comit. Cleri Gall. an. 1645. art. 7.

Liceat tamen, 1^o. Rectoribus Parochiarum quæ ab Urbe distant leucarum amplius trium intervallo, absolvere puellas, & quascunque feminas, modò illorum Parochianæ sint, non solum à Casibus, ut antea, verum etiam à Censuris reservatis quæ non fuerint per Sententiam vel per Monitorium latæ. Eorum autem prudentiæ dijudicandum relinquimus, num aliquandò expediat ut ex mulieribus graviora confitentibus aliquam non absolvant, sed nostro Pœnitentiario ream sistere se jubeant (b).

Parem facultatem iis concessam intendimus Presbyteris, quibus aliquandò Parochiarum regimen, mortuo, absente, aut legitime impedito Pastore, commiserimus (c).

Eam verò facultatem non imperitum ullis Vicariis, etiam in Ecclesiis quas *Succursales* vocant; nec aliis quibuscunque Confessariis; neque etiam vicinarum seu aliarum Ecclesiarum Rectoribus erga mulieres suis Parochiis alienas; ad quos utique nec poterunt ipsi proprii Pastores mittere suas Parochianas à Casibus reservatis absolvendas (d).

Liceat II^o. Pastoribus, Vicariis, ceterisque, tum Secularibus, tum Regularibus Sacerdotibus per Nos simpliciter approbatis, absolvere ab omni Casu & Censurâ Nobis quomodocumque reservatâ, sed non juridicè publicâ, eos omnes quos in Pœnitentiæ Tribunali, sive ad Confirmationem, sive ad primam Communionem, sive ad Matrimo-

nium proximè disponunt. Minimè verò intendimus modò expressæ concessionis virtute simul imperitam censerî facultatem dispensandi in quocumque Matrimonii Impedimento, quantumvis occulto; ad quod nempe requiritur specialiter facta potestas.

Liceat III^o. iisdem, positis ejusdem generis Casibus & Censuris, absolvere, 1^o. Fœminas vicino partu laborantes, atque etiam nutrices: 2^o. Carceribus inclusos, & capite damnatos: 3^o. Eos omnes qui antea tæ totius vitæ, seu diuturni temporis (trium saltem annorum) Confessionem iteraverint; quam quidem iterationem Confessarius necessariam aut valdè utilem ad Pœnitentis salutem prudenter judicaverit; sine qua necessitate vel magna utilitate hanc licentiam non concedimus: 4^o. Ægros in mortis periculo, tamen nondum in mortis articulo propriè dicto constitutos; quibus ministranda erunt extrema Sacramenta; qui scilicet morbo affecti erunt ex natura sua gravi & periculoso, quem talem existimaverit, vel de quo legitime dubitaverit prudens Minister: 5^o. Sacerdotem, qui ex officio & urgente necessitate, hic & nunc Missam celebrare, vel aliquod Sacramentum administrare tenetur, si desit alius Presbyter necessariâ facultate instructus, neque aliter scandalum vitari possit. Præfens tamen concessio non illi Sacerdoti suffragetur, qui, de invidia & in fraudem legis, ad

(b) *Mandat. Emin. Card. de Noailles.*
(c) *Ibid.*

(d) *Ibid.*

tales temporis angustias confiteri distuleat; de quo erit ipse à Confessario interrogandus : idemque, ut & cæteri, non absolvetur, nisi piè dispositus verèque contritus esse videatur.

Concedimus denique ut, positâ bonâ fide, non modò Confessarii Reservationem non advertentis, & simul Pœnitentis eam nescientis, verùm etiam Pœnitentis solius, valeat Absolutio ab omni Casu Nobis quomodocumque reservato. Neque enim æquum censemus ut cuiquam piè disposito noceat imprudentia Confessarii, aut etiam hujus improbitas, si quis sit, qui, spretâ Reservationis lege, absolvere præsumat; qui nempe coram supremo Judice de suo facto rationem reddet.

Ab hac tamen concessione exceptionem intendimus *Crimen Confessarii cum utriuslibet sexûs Pœnitente; & Parochi cum Parochiano, vel Parochiana*, quantacumque positâ bonâ fide, sive ex parte Pœnitentis, sive ex parte Confessarii, si circa hujusmodi rem possibilis in hoc esset bona fides; inviolatèque id observari volumus, quod inter Casus Diœcesanos constitutum occurrit Art. III, n°. 2. Scilicet, ut animarum periculis, quantum possumus, occurramus, efficiamusque ne ministerium Sacerdotale ac verendum reconciliationis Tribunal cuiquam turpitudini occasio sit aut velamen; utque debita Sacramentis reverentia fervetur, & Ecclesia nulli pareat injuriæ: si quis sive Secularis sive Regularis Presbyter (quod Deus malum avertat) cum suo vel suâ

Pœnitente, vel si quis Parochus cum suo Parochiano vel suâ Parochianâ nefariè egerit, aut per solum etiam tactum ex natura sua impudicum peccaverit, ex quo sacrum ministerium exercet; is, quamcumque priùs obtinuerit, vel postea obtinere possit, seu generalem, seu specialem à Casibus reservatis absolvendi potestatem, nunquam (ne ipso quidem Jubilæi tempore) nec licitè, nec validè poterit delicti participem ab eo delicto & cæteri in eadem Confessione declarandis absolvere. Hujusmodi Confessario, quicumque ille sit, citra illud peccatum ita omnem facultatem *ipso facto* subtrahimus, ut reddita censi nunquam possit; solumque excipimus mortis articulum, aut verum periculum.

Casus & Censuræ reservatæ, communiter quidem sunt duo distinctæ: undè potestas à Casu reservato absolvendi, per se non includit potestatem absolvendi à Censura reservata, etiam Casui annexâ; nec vicissim. Sacerdos igitur cui concessa est facultas absolvendi à Casibus reservatis, potest quidem à Censura non reservata, si qua hujusmodi occurrat declarato peccato annexa, Pœnitentem absolvere; non autem à Censura reservata, nisi pariter illi expresse concessa fuerit à Censuris reservatis absolvendi potestas: quâ nimirum deficiente; Pœnitentem mittere debet ad Superiorem, qui eum à Censura (ordinarièque ab ipsa Suspensione, licet Sacramentorum susceptionem non

impediente) prius absolvat, quam ei solitus Confessarius delictorum Absolutionem impetiat (e). Nos tamen, quotiescumque specialem concesserimus facultatem circa delictum cui annexa sit aliqua Censura reservata, & Sacramentorum susceptionem impediens, toties utramque modò dictam potestatem simul concessam haberi intendimus, etiam si tollendæ Censuræ facultas expressè concessa non fuerit (f). Et quamvis in generali à Reservatis absolvendi licentiâ minimè includatur facultas super ullo Matrimonii Impedimento dispensandi; quoties tamen ea cuilibet Confessario indulta fuerit potestas, ut Pœnitentem absolvat ab incestu quem cum conjugis intrâ primum vel secundum gradum consanguineâ personâ commiserit, toties eidem facta censetur dispensandi potestas, ut Pœnitens in jus Matrimonii ex crimine amissum restituatur (g).

QUANDOQUIDEM Confessio, Jure divino, integra esse debet, non licet eam dimidiare, ita ut Pœnitens Superiori sola Reservata confiteatur, non reservata verò apud Sacerdotem simpliciter approbatum deponat. Nec potest ipse Superior sola Reservata dimittere, cæteraque Confessario simpliciter approbato dimittenda relinquere: nec potest Reservata delere per unam Absolutionem, non reservata verò per alteram condonare. Non enim magis licet Absolutionem dimidiare, quam Con-

fessionem. Seorsim dimitti nequeunt peccata lethalia: vel omnia simul, vel nulla delentur. Omnia æqualiter & singula gratiam sanctificantem excludunt; quæ quidem, vel tota simul, vel omnino non confertur. Itaque Confessarius pro Reservatis non approbatus, si peccatum aliquod reservatum in Pœnitentis Confessione deprehenderit, illum salutaribus monitis imbutum, neque ab ullo peccato absolutum, sese ad Superiorem conferre jubeat; qui eum, integrâ Confessione auditâ, ab omnibus peccatis absolvat; vel ei, non auditâ Confessione, indulgeat ut possit à suo Confessario absolvi.

Expendat autem Confessarius diligenter, quibusnam in circumstantiis expediat, ut, non misso Pœnitente ad Superiorem ejusve pro Reservatis delegatum, necessariam ad dimittenda Reservata licentiam ipse à Superiore postulet. Si enim, quoties in Pœnitentium Confessionibus Reservata occurrunt, toties Confessarii facultatem postulent atque obtineant ea dimittendi; elusa atque irrita jacebit intentio Ecclesiæ; quæ quidem, ut jam innuimus, non alio sine Casuum Reservationem instituit, nisi ut graviorum scelerum horror ingens per molesteriam pudoremque adeundi Superioris, uno verbo per Absolutionis difficultatem incuteretur. Quamobrem, ut salutaris disciplinæ robur illæsum permaneat, non debent Confessarii à Casibus reservatis absolvendi licentiam postulare, nisi casus addu-

(e) Mandat. Emin. Card. de Noailles.
(f) Ibid.

(g) Rit. Paris. ed. an. 1777, p. 113.
& 114.

Et gravissimis : quam tamen petenti cuique, de hujus prudentiâ non dubitantes, facili concedemus. Et ii quidem ipsi qui Jurisdictione pol- lent ad Reservata, prudentius for- san acturos se perspicient, si quan- dâ Reservatis implicitis ad nostrum Pœnitentiarium conferre se jubeant, recidivos præsertim, & eos omnes qui scelerum admisorum quanta sit immanitas, non aliter intellecturi videntur. Sic nempe vehementius sentire atque efficacius detestari tan- dem poterunt ea quæ vindictam ad Deum clamant, facinorum portenta. Quicumque verò ad Reservata po- lentes, neminem ab hujusmodi Ca- sibus absolvant, nisi eorum gravita- tem altâ mente concipiat, spesque sit eum, acceptâ convenienti pœni- tentiâ, à culpæ iteratione futurum esse incolumem.

A RESERVATIS absolvendi potes- tas, sive specialiter, sive etiam ge- neraliter ei concessa Presbytero, cujus Approbatio, sive quoad tem- pus, sive quoad personas, sive quoad loca restringitur, iisdem circumscri- bitur limitibus, quibus ipsamet Ap- probatio; neque illa potestas per Approbationis renovationem vel ex- tensionem renovatur aut extenditur, nisi expressè renovetur aut extenda- tur.

Cùm alicui Presbytero specialis conceditur à Reservatis absolvendi facultas; si sit apposita conditio in concessione, hæc, nisi illâ servatâ, non valet. Nec licet Confessario con- ditionem, inconsulto Superiore, tol- lere, nisi excuset ejus implendæ vera impotentia, aut summa diffi- cultas.

Tomus II.

Præterea non valet illa peculiaris facultas nisi erga personarum nu- merum & Casuum species in con- cessione designatas: nec illa extendi potest ad alias personas, tametsi eorundem criminum participes; neque ad diversæ speciei Casus re- servatos, licet ab iisdem personis commissos.

Si quis autem Confessarius spe- cialem obtinuerit licentiam ut unum Pœnitentem vel aliquos Pœnitentes à Casibus reservatis absolvat, non expressis Casuum speciebus, nec numero (quod quidem observari, plerumque necesse est, ne quid detrimenti capiat sigillum Confessio- nis;) tunc poterit eunt Pœnitentem, vel eos Pœnitentes, ab omnibus Casibus absolvere, quos usque ad terminatam Confessionem declara- verint, etiamsi in aliquos hujus- modi Casus post concessam Presby- tero facultatem inciderint. Ea siqui- dem facultas in gratiam Pœnitentis conceditur, neque ad ullum Casum restringitur.

Cùm indulta erit Confessario specialis facultas aliquem à certo ac definito Casu reservato absolvendi, eam similiter valere annuimus erga eundem Pœnitentem circa ejusdem speciei delicta, non modò quæ prius commiserit, sed quæ post concessio- nem facultatis & ante impetitam Absolutionem denuò perpetraverit.

Peculiares autem hujusmodi fa- cultates semel duntaxat circa illa pec- cata & erga singulos Pœnitentes va- lebunt; easque revocatas haberi in- tendimus statim atque iis utendum duxerit Sacerdos, & re ipsâ usus fue- rit. Quodd si Pœnitentes, etiam post breve temporis intervallum, in Casus

reservatos rursus incidant, non poterunt à Confessario absolvi, nisi prius speciale facultatem denuò impetaverit.

Etiamsi verò latissima obtineatur à Casibus & Censuris reservatis absolvendi potestas, tamen excepta censetur Absolutio publica ab hæresi; tum Absolutio à Censuris *ab homine* & per Sententiam aut per Monitorium latis; atque etiam ab ipsismet Censuris *à Jure*, quæ ad forum contentiosum deductæ fuerint. Sed de Absolutione à Censuris suis loco dicetur, post præsentem de Pœnitentiæ Sacramento Tractatum (h).

PAROCHUS, aliussve Sacerdos generaliter delegatus ut in certa Parochia, in certo territorio, in tota Diœcesi à Casibus Censurisque reservatis absolvat, ut in Votis, in Irregularitatibus, in Matrimonii Impedimentis dispenset, talem potestatem, etiam rebus integris, non amittit, cum Ordinarius à quo delegatus est, vitâ decedit, vel suâ Jurisdictione excidit. Nam Jurisdictio delegata pro iis quæ non ad justitiam, sed ad gratiam pertinent, superstes deleganti permanset: verumtamen successor Pontifex indultus à Decessore facultates limitari aut revocare potest (i). Similiter peculiaris delegatio ad aliquem à certo Casu reservato absolvendum, ad commutandum Votum, aliamve Jurisdictionis functionem obeundam concessa, non interit cum Ordinario, vel cum Ordinarii Jurisdictione, etiamsi Confessarius eâ

delegatione uti nondum coeperit. Hæc enim, sicut & prioris generis delegatio, gratia est, non vetò mandatum.

CASUM Reservatio, cum sit limitatio potestatis Confessarii, Confessarium afficit, non vetò Pœnitentem, nisi quatenus hic sese Reservationis legi subicere tenetur. Reservatio forum judicis sequitur, ejusque Tribunali annexa est. Hinc, si quis peccatum in aliena Diœcesi non reservatum, atque etiam in ea commissum, confiteatur apud hanc Diœcesim, in qua subiaceat Reservationi, absolvi non poterit nisi à Sacerdote qui pro Reservatis auctoritate nostrâ polleat. Quilibet autem nostræ Jurisdictionis Sacerdos simpliciter approbatus, peregrinum aut viatorem absolvere poterit à peccato apud suæ commorationis Diœcesim reservato, quod in hac sit commune, licet etiam in illa perpetratum fuerit in qua sit reservatum; modò tamen præfatus Pœnitens non venerit *in fraudem legis*, nempe ad declinandam sui Prælati Reservationem; quod quidem sedulo investigandum est: in hujusmodi enim casu sine Absolutione dimittendus foret subdolos advena; quæ nempe incasum daretur, non quidem defectu Jurisdictionis in Confessario, sed defectu dispositionis in Pœnitente.

Cum igitur, de Præfulum consensu, cunctis Fidelibus liberum sit ut cuivis Presbytero approbato etiam extra Diœcesim confiteantur;

(h) *Append. de Censuris, Cap. VII. (i) Cabassus, lib. 3. c. 8. n. 14.*

quilibet Confessarius facultate sibi à loci Ordinario Antistite concessâ uti potest erga Pœnitentes extraneos bonâ fide ad suum Tribunal venientes; ideòque, si, eo concedente, circa Casus reservatos polleat, tam erga extraneos pollebit, quàm erga Diocesanos. Scilicet eo ipso quòd illum

sibi Confessarium eligunt extranei, sese ipsius Jurisdictioni obnoxios constituunt: dumque annuit eorum Episcopus ut alienæ ditionis Presbytero confiteantur, hoc ipso tacitè annuit ut ille erga eos potestate suâ circa Casus reservatos utatur, quasi ipse potestatem ei contulisset.

C A P U T I I I.

DE potestate Confessarii circa Dispensationes in Votis & Juramentis.

QUID & quotuplex sit Votum. Quandònam rescindatur, & à quibus rescissum declarari, vel commutari possit. Circa Votorum dispensationem & commutationem variæ observationes præctica. De Votis ante pubertatem emissis. In adultis Vota irrita fuisse non leviter pronuntiandum. Vota in gratiam alterius emissâ. Vota Juramento confirmata.

QUANDOQUIDEM sæpè accidir ut de Votis consulantur Pœnitentiæ Ministri; quòd faciliùs consulenti cuique respondere possint, & Fideles hujusmodi sponsonum religione obligatos tutiùs dirigere, de illis hic breviter disserendum censuimus.

VOTUM sic definiti potest, ut sic, *Potioris & respectivè possibilis boni, eam deliberatione ac libertate, Deo nuncupata promissio.* Duplicis autem generis Vota distinguuntur: aliud *solemnne*, aliud *simplex*. Votum *solemnne* illud est quod per approbatæ Religionis professionem, atque etiam, juxta plurimos, per Ordinis sacri susceptionem emittitur (saltem Voto solennini, quoad præcipuos effectus,

æquivalet Ordini sacro annexa sponso castitatis). Aliud Votum quodlibet, sive publicè, sive privatim emissum, pro Voto *simplici* habetur.

Duplici præsertim modo irritum esse potest Votum, etiam solemnne: 1º. Ex errore circa ipsam rei votæ substantiam: si quis v. g. omninò ignoraverit paupertatem eà quam professus est Religione imponi. 2º. (Jure saltem positivo) ex metu gravi, quo scilicet malum grave certò aut probabiliter imminens timetur, si modò à causa libera & extrinseca metus ille ad extorquendum Votum injustè fuerit incussus. Sic irrita esset Religiosa Professio virginis, quæ mortem aut aliud grave malum minitantis patris solo metu

Vota solemnia emisisset. Est autem aliter de illo Voto sentiendum, quod suggererit metus gravis, à causa incussus naturali; sive intrinsecâ, qualis est morbus periculosus; sive extrinsecâ, cuiusmodi est incendium, naufragium. Votum enim talis metus impulsu emissum, ratum nihilominus firmumque haberetur.

Votum, quoties ratum validumque est, tum ex Religione, tum ex fide quæ Deo ab homine debetur, voventem obstringit; illudque Jure naturali ac divino, sub culpa gravi aut levi, pro materiæ gravitate aut levitate, est adimplendum, idèque non temetè à Superioribus relaxandum. Attamen ea sæpè contingit circumstantiarum immutatio, ut, quod voveri operæ pretium antea fuerit, maximèque tempori consentaneum, postea, invertis rerum adjunctis, minus utile, vel prorsus inutile, vel majori bono contrarium, quinimò noxium aut impossibile factu evaserit: undè hujusmodi vinculum, exigente rei naturâ, vel permissente lege, aut ex seipso intercidit, aut legitimæ auctoritatis indulgentiâ solvendum est. Id autem multiplici modo fieri potest: 1°. Voti irritatione, quam efficere ad eum pertinet, cui vovens ipse aut res votiva subjicitur: 2°. Juris renuntiatione ab eo emissâ, cujus in gratiam vovetur. 3°. Dispensatione propriè dictâ, seu remissione totali, Ecclesiasticæ Potestatis ministerio indulgâ. 4°. Denique commutatione, seu operis melioris in votivi locum substitutione, vel ab Ecclesiâ, vel ab ipso vovente conf-

titurâ. Cùm igitur graves legitimæque causæ suboriuntur, cùm urgens necessitas aut magna utilitas postular, possunt ac debent qui pro Christo in terris legatione funguntur, Fidelium infirmitati ac necessitati subvenire; sive irritum aut minus firmum esse Votum acceptæ auctoritatis prerogativâ declarando, sive illius vinculum in Dei nomine & potestate dissolvendo: quod quidem si absolutè pronuntietur, Voti Dispensatio concedi; si quid boni operis, votivi loco, imponatur, Votum commutari dicitur (a).

Itaque dispensationis vel commutationis causæ legitimæ à necessitate aut etiam ab utilitate hauriuntur. Tunc adesse judicatur necessitas, cùm Voti sponsor jam non sine peccato, sine salutis, scandali, alteriusve cujuslibet gravis incommodi periculo Votum exequi potest; vel cùm res votiva, aut factu impossibilis, aut saltem difficillima evaserit. Tunc affulget utilitas, cùm Ecclesiâ ex dispensatione vel commutatione aliquid ingentis commodi perceptura est, vel is qui Votum nuncupavit, incremento boni spiritualis augendus. Quamobrem irrita coram Deo est omnis Votorum dispensatio vel commutatio, quæ citra causam legitimam conceditur: atque idcirco dispensationes vel commutationes per fraudem & sub falsa rei expositione impetratæ, non Voti cuiusquam vinculum relaxant: quod quidem, tum à Pastoribus, tum à Confessariis diligenter edoceantur Fideles.

(a) S. Tom.

NEMO, præter summum Pontificem aut Diocesani Præfulem, in Votis dispensare vel ea commutare potest; nullique Sacerdoti, etiam Regulari, præterquam erga Regulares, id competit, nisi hanc specialem obtinuerit facultatem: quæ quidem in ulla, siue generali, siue speciali Approbatione, etiam Jubilæi tempore, inclusa minimè censetur, nisi expressis verbis concedatur.

Quinque sunt Vota, in quibus summo Pontifici reservatur dispensatio & commutatio: scilicet Votum castitatis perpetuæ, Votum profectæ Religionis approbatæ, Votaque trium inter ceteras insignium peregrinationum, id est, Jerosolymitanæ (non solius pietatis causâ, sed ad subsidium Christianis incolis ferendum), Romanæ ad limina Apostolorum, & Compostellanæ ad S. Jacobum. In his tamen quinque Votis dispensat vel ea commutat Ordinarius: 1°. Si *dubium sit* Votum, id est, si, habitâ investigatione diligenti, non satis constet an reipsâ, an debite emissum fuerit; vel si, ob quasdam circumstantias vel emissionis tempori adjunctas, vel præsentis tempore occurrentes, vel executionis tempore adfuturas, legitimè dubitetur an adhuc perseveret eadem Reservatio, vel reservata sit Voti materia. 2°. Si Votum in genere actûs humani non sit perfectum, id est, si sufficiens in illo emittendo non adfuerit ætas, deliberatio, animi libertas, intentio, aliudve quodlibet ad Voti validitatem requisitum; vel si hæc incerta videantur. 3°. Si

Votum sit conditionale, id est, si emissum fuerit sub conditione nondum impletâ; vel etiam sub conditione jam impletâ, cum res Voto promissa pœnæ rationem habuit. 4°. Si, positis legitimis, vel dispensationis, vel commutationis possibilibus causis, non sit facilis ad summum Pontificem recursus; aut si ex Apostolicæ Dispensationis dilatione immineat offensæ Dei, vel etiam gravis detrimenti periculum; aut si inde secuturum timeatur scandalum. 5°. Si Votum, imminente periculo, nuncupatum fuerit ad obtinendum ut ex ipso evadere liceret, v. g. in morbo qui mortem velut præsentem intentasset; non enim tei votivæ amor, sed vitæ desiderium talem animo iniecit sponsonem: potèrò ut Vota Pontifici maximo reservata censeantur, rei votivæ amorem in suo conceptu includant necesse est (b). 6°. Si Votum non sit *formale*; id est, si non expressè voveatur illud cuius Votum est reservatum: exempli causâ, Votum nunquam ineundi Matrimonii, vel sacros Ordines suscipiendi, summo Pontifici nequaquam reservatur; solum autem *formaliter* expressum Votum castitatis perpetuæ, seu virginitatis; nisi tamen, etiam eo non formaliter expresso, præcipua voventis intentio fuerit castitatem perpetuam vovendi.

In cæteris Voxis dispensat, vel ea commutat Diocesanus Pontifex. Itaque ad Nos, seu Vicarium nostrum generalem aut Pœnitentiarium, à Confessariis mittantur Pœnitentes,

(b) *Ducess. part. 1. c. 10. sect. 3. n. 2.*

qui, iustis de causis, Votorum Dispensationem ad Nos pertinentem exporaverint; vel potestatem ad hoc necessariam à Nobis obtineant Confessarii, qui, cum illà utentur, in junctis conditiones diligenter observari curent. Sæpius autem decet, imò quandoque necessarium est ut ad Diocesani Episcopum mittantur Pœnitentes, licet ferè non dubitet quin Vota Pontifici maximo sint reservata. Sic nempe tutius accipient quomodo possit à Sede Apostolica obtineri necessaria facultas.

Ubi conceditur Vota commutandi vel super iis dispensandi licentia, nunquam simpliciter & absolute dispensandum est, nisi cum iis qui planè atque ex toto scrupulosi sunt, aut in Votis manifestè irricis. Erga ceteros, & cum rata validaque sunt Vota, non abolendum est totum, sed commutandum in aliud pietatis opus Deo gratius & voti utilius; saltem in aliud æquæ bonitatis; nunquam verò in aliud inferioris generis, nisi aliter agendi suborta gravis causa fuerit. In quibus dijudicandis, plurima ratio habeatur sumptus, laboris & fatigationis, ceterorumque incommodorum quæ perpessuri fuissent Pœnitentes, si, quod piè voverant, ipso effectu adimplevisent (c). Quod quidem semper, neque excepto Jubilæi tempore, ab omnibus Confessariis observandum est; ita ut elemosynis redimantur impensæ ex Voto suscipiendæ, jejuniis autem aliisque carnis afflictationibus

accerbitates molestiæque tolerandæ; cuncta demùm religiosâ assimatione, quasi Deo iudice, compensentur. Id quidem præsertim in Votorum commutatione animadvertendum est, ut pro votivis injungantur ejusmodi opera, quibus pietas & certius foveri, & facilius accendi possit; qualia sunt frequens Confessio, piæ lectiones, meditationis exercitatio, erga eos videlicet quibus mente orare divinitus conceditur.

Quoties Votum commutat Confessarius, summam in substituti operis delectu prudentiam adhibeat. Sexum, ætatem, conditionem, vivendi modum multâ circumspectione attendat; ne, per illius operis executionem, scandalum vel domesticæ dissensiones oriantur; ne Votum occultum in vulgi colloquutionem erumpat; ne gravior, idèdque periculosior fiat subrogati operis executio.

Votum à se nuncupatum proprio quisque motu & judicio commutare potest in aliud opus evidenter melius Deoque acceptius, non autem in aliud æquæ bonitatis. Cum tamen evenire faciliè possit ut melius Deoque acceptius existimetur opus quod reverà sese aliter habeat; si, exempli gratiâ, operis alioquin utilissimi substitutione lædatur jus alteri ex Voto acquisitum; Pœnitens, ne in periculosum errorem labatur, multò ager prudentius, si à delecto sibi conscientie moderatore consilium petat, cui tutus obtemperet.

(c) Conc. Mediol. III, an. 1573. de his quæ ad Pœnit. Sacram. pertinet.

Quibus Confessariis à Superiore concessum est ut in Votis dispensare valeant, ii quidem ad ea commutanda pariter idonei sunt : quibus autem facta est Vota commutandi potestas, non idèò super illis dispensandi facultate pollent.

Quoad unam Voti alicujus partem, alterà intactâ, dispensari potest : quoad jejunium v. g. ita ut maneat abstinentia ; aut vice versâ : quoad Votum castitatis, propter unum duntaxat Matrimonium, ita ut Votum post mortem conjugis reviviscat, neque ad secundas nuptias valeat Dispensatio ; ita ut etiam actus, sive in conjugio illiciti, sive extra conjugium contra castitatem commissi, totidem nihilominus Voti infractiones habeantur. Et certè fieri potest ut ratio pro una parte valens, pro altera non valeat. Ii proinde quibuscum super Voto castitatis perpetuæ dispensatum fuerit ut Matrimonium contrahere licitè possint, prudenter monendi erunt, legimum quidem præsentis Matrimonii usum, concessâ Dispensatione, fuisse permissum ; carnis vetò peccata omnia, etiam inter conjuges, & quæcumque Votum castitatis læserint, præter legitimum Matrimonii usum, velut quodammodò sacrilega, & tanquam Voto contraria, in Confessione declarari oportere : præterea non ignorent se ad castitatem, soluto Matrimonio, teneti, nec posse ad novas nuptias sine nova Dispensatione convolare.

JAM vetò, tamen si contingit in aliquibus, licet paucis, accelerari eum rationis usum qui ad Voti validitatem requiritur, tuncque puerum vel puellam ante pubertatis annos posse, quantum in ipsis est, se obligare ; tamen ab aliquo ex iis impuberibus qui ob hoc dicuntur doli capaces, emissum Votum, potest per Dispensationem absolutam & sine ulla compensatione remitti (d). Quamquam ea Vota Confessario negligenda non sunt quasi omnino irrita ; sed, tanquam in nondum adultâ ætate, minus firma judicanda. In his igitur non semper absolutè dispensari expedit, verum ea plerumque commutari, facilius quidem, & in leviora minusque diuturna opeta ; ac ne similia Vota inconsultò in posterum à pueris aut puellis emittantur, prudenter est inhibendum.

Itaque, ut innumeris occurramus dubiis & conscientie stimulis juvenilem præsertim ætatem pungentibus, cuivis Sacerdoti approbato facultatem impertimur commutandi in nostra Diecepsi atque intrâ Pœnitentie Tribunal, omnis Voti ad Ordinarii Jurisdictionem pertinentis, & ante pubertatis annos emissi, quamvis postea tantum confessi ; nec præcipimus ut ad summum jus exacta imponatur compensatio : quinimò, si res ita postulet, absolutè dispensare liceat. Si vetò ante pubertatem emissum Votum, deinceps, quasi tibus integris, in adulta ætate renovatum fuerit, & cum intentione sese obligandi confirmatum ;

(d) S. Thom. 2. 2. q. 88, art. 9.
Tomus II.

quæ de Votis omnino ratis & firmis exposuimus, diligenter observentur.

In iis autem qui pubertatis annos prætergressi fuerint, defuisse deliberationem, aliaque ad imponendam Voti religionem necessaria, ne leviter pronuntietur. Ut certò constet Votum efficaciam obligandi habere, sufficit ea deliberatio animi, quæ quis, cognita causâ, se obligare intendit (e). Quo quidem modo si quid vovisse se declararet quispiam Pœnitens, huic fides adhibenda est, nisi mentis inops vel scrupulosus merito iudicetur. Si tamen prudenter existimet Confessarius, eum, antequàm voveret, non satis maturo consilio deliberasse; ipsum nihilominus conferte se ad Superiorem jubeat, cujus nempè est de istis Casibus pronuntiare; quique, perpensis omnibus, cum eo indulgenter benignèque, si locus sit, agere non dubitabit (f).

MONENDI autem sunt Parochiani, rudes præsertim ac mulieres, maximeque juniores, ne Vota levius emittant; sed, antequàm voveant, propositi sui firmitatem experiantur: quid velint & possint, consideratè secum etiam atque etiam reputent: *sine consilio nihil faciant, ne post factum ipsos pœniteat* (g), vel eos, in grave animarum suarum periculum, promissa infringere contingat (h): liberum cui-

que esse ut Votum non voveat; si autem Deo aliquid voverit, jam penès eum non esse ut reddere moretur (i), quia nimirum *Deo displicet infidelis & stulta promissio*; idèoque multò melius esse non vovere, quàm post votum promissa non reddere (k).

Itaque Vota perpetua, maxime verò castitatis, nunquam exigat Confessarius, imò nec facile permittat, præsertim junioribus (l). Concedere quidem non ita difficile poterit ut quædam probatæ virtutis personæ Vota emittant ad breve temporis intervallum, v. g. ad aliquot menses, non verò ultra unius anni limitem: quæ quidem Vota, cùm effluxerit tempus præfinitum, renovari poterunt, modo tamen Sacerdos id Pœnitenti expedite prudenter judicaverit. Idem verò in publicis Concionibus aut Catechesibus admonendi erunt Fideles, ne Vota, imprimis perpetua, sine spiritualis moderatoris consilio & assensu emittant (m). Sed qui alterius potestati subjacent, ipsi quidem obligare se Voto nequeunt, dissentientibus iis quorum interfuerit, in rebus videlicet quæ hos attingunt. Sic non licet mulieri nuptæ longam peregrinationem, nisi annuente marito, vovere. Votis hujusmodi nemo teneatur obstrictus, nisi sub ea duntaxat conditione, quòd ab iis ad

(e) Ibid.

(f) Ibid. art. 10. ad 2.

(g) Eccli. 32. 24.

(h) Stat. Syn. D. Eusl. du Bellay, an. 1557. can. 21. in Synodico, p. 199.

(i) Deuter. 23. 21. 22. 23.

(k) Eccli. 5. 3. 4.

(l) Conc. Camer. II. an. 1586, tit. 8. cap. 10.

(m) Conc. Colon. an. 1280, can. 8.

quos pertinuerit, rata habeantur. Ea nempe irrita efficere pro jure suo possunt, ipsorum executionem vetare se declarantes.

Confessarii quibus indulta erit Vota commutandi facultas, diligenter advertant, se, vel ipso Jubilæi tempore, non posse Vota in gratiam alterius emissâ commutare, si præsertim ab illo rata habita fuerint; nam citra ejus consensum æquitari repugnat ea commutatio. Nec sine speciali facultate commutari possunt Vota Juramento confirmata; siquidem juramenti accessione novum innectitur vinculum, juxta illud Scripturæ: *Non perjurabis, reddes autem Domino juramenta tua* (n). Quod quidem, etiam Jubilæi tempore, locum habet.

- * QUEMADMODUM Vota quinque superius exposita, sic & Juramenta quibus ipsa confirmata fuerint, summo Pontifici reservantur. Si verò hujusmodi sit Votum, ut eâ quam diximus ratione fiat Casus Episcopalis; & ipsum Juramentum Voti confirmativum inter Casus Episcopales referetur.

Juramenta in gratiam alterius

promissiva, præsertim ab illo acceptata, resolvi communitet nequeunt nisi per liberam ejus condonationem, vel de ipsius consensu. In aliis, quemadmodum in Votis, dispensat Episcopus. In Juramentis autem dispensandi facultas nunquam, vel medio Jubilæo, indulta censetur, nisi expressè indulgeatur. Jam verò in illis, sicut in Votis, non sine gravi causa dispensent ii quibus hæc facta fuerit potestas. Juramenta de rebus illicitis emissâ debet Confessarius omninò irrita existimare; sed tamen confidentibus imponenda est justa Pœnitentia propter illud quod malè juraverint. Qui autem ex metu, etiam gravissimo, juravit, si adfuerit ea libertas animi, quæ ad lethale peccatum requiritur & sufficit, sicut juravit Domino, Votum quod vovit diligenter exequatur.

Ea denique Vororum & Juramentorum similitudo est, ut eadem auctoritate iisdemque modis irrita declarari valeant, aut eorum executio suspendi. Porro de ipsis ad Diœcesanum Pontificem referri pleurumque tutius est; ne quando inanirer aut illicitè irrita declarentur, vel eorum executio suspendatur.

(n) *Levit. 19. 12. Matth. 5. 33.*

D I V I S I O I V.

DISSERETUR in hac Divisione, 1°. De præcipuis summatim Confessarii dotibus & officiis : tum de pluribus circa locum & modum excipiendi Confessiones ab eodem observandis : 2°. De virtutibus Confessario necessariis : 3°. De scientia Confessarii.

C A P U T P R I M U M.

DE præcipuis summatim Confessarii dotibus & officiis : tum de pluribus circa locum & modum excipiendi Confessiones ab eodem observandis.

QUEM ad finem dirigatur præfens Caput. Necessaria Pœnitentia Ministro eximia virtus, scientia & prudentia. Confessarius, animarum Judex simul & Medicus. Quid, ut Judex, præstare debeat ; quid, ut Medicus. Quid præterea sit illi noscendum, quid observandum. Ubinam excipiendæ Confessiones. Confessionum sedes, extra quam nullus ordinariè audiendus. Confessarii habitus. Preparatio Confessarii sacrum Tribunal ingressuri. Quomodo se componere & quid observare debeat Sacerdos Confessiones excipiens. Quædam notanda. Auditis Confessionibus, quid sit Pœnitentia Ministro exequendum.

PRÆTER Jurisdictionem, sive ordinariam, sive delegatam, quâ deficiente, Sacerdos (extra necessitatem) Pœnitentiale munus exequi non minus facile quàm inaniter attentaret, ei perquam necessariæ sunt egregiæ dotes, sine quibus id ministrum, aut nullo studio, aut etiam

cum proprio, aliorumque detrimento exerceret.

Documenta igitur quæcumque ad Confessarii dotes & munia pertinent, singulatim tractaturis, visum est hujus argumenti summam sub uno velut contuitu collectam exhibere, præcipuasque regulas ad

ipsum attinentes in antecessum perfringere; quæ, tum perspicuitate præviam animis lucem intromittant, tum brevitate ac paucitate in memoriam stabiliter insinui, & si fortè elapsæ fuerint, faciliè revocari possint.

QUAMOBREM, si piè rectèque, ut Christi Ministrum decet, munere suo fungi exoptat Confessarius, hæc ei sedulo advertenda sunt.

Ac primùm quidem necessaria ipsi est eximia virtus, & quasi Angelica puritas, sine qua tremendos in suo ministerio scopulos inveniret. Contendat igitur, divinâ auxiliante gratiâ, de virtute in virtutem procedere (a). *Ambulet coram Deo*, sitque in ejus amore & in omnis fugâ peccati quodammodo perfectus (b).

IIº. *Ars est virtutum regimen & curatio animarum* (c), onus Angelicis humeris formidandum, ministerium arduum, laboris plenum & periculi; suscipiendum tamen, ubi adest à Superiore missio canonica, sicque legitime præsumpta vocatio divina. Nempè humilem fiduciam bonamque voluntatem confirmabit atque adjuvabit Deus amans animas, à quo utique descendit sapientia, charitas, cæteræque dotes in dirigendis animabus necessariae.

IIIº. Requiritur ad hoc ministerium scientia, eaque amplior quàm vulgò existimatur, maturaque prudentia. Videndum scilicet quo pacto &

quâ potissimum arte alii à pravitate retrahantur, alii autem in bono proposito confirmantur, & ad meliora semper excitentur; sicque infringatur vitiosa illa naturæ proclivitas ad peccatum impellens, & à virtute abducens. Non hoc humanum, sed divinum est opus: non hoc terrenum, sed cœleste Tribunal: non hîc de fluxis periturisque utilitatibus agitur, sed de immortalis felicitate animatum, quas pretioso Sanguine redemit Christus in acquisitionem hæreditatis incorruptibilis.

IVº. Meminerit Sacerdos se in hoc sacro ministerio duplicem *Judicis & Medici* personam sustinere, seque ministrum divinæ justitiæ simul & misericordiæ esse constitutum; ut, tanquam arbiter Deum inter & homines, honori divino & animarum saluti temperatâ per mansuetudinem firmitate consulat.

Itaque, ut rectum ferre judicium possit, ac, periti instar medici, morbos spirituales appositè curare, & cuique apta remedia subministrare, scientiam & prudentiam ad hoc quantam maximam sibi comparare studeat, tum assidue suis ad *Patrem luminum & sapientiæ fontem* precibus, tum etiam probatissimorum Auctorum lectione, & consilio vitorum qui pietate usuque ministerii plurimum valeant.

QUATENUS *Judex*, causæ cognitione opus habet, ut justam dicat Sententiam. In hoc verò Tribunali

(a) Pf. 83.

(b) Gen. 17. 1.

(c) S. Greg. Past. p. 1. c. 1. initio.

causæ cognitio esse nulla potest, nisi reus semetipsum accuset. Id igitur Pœnitentibus inculcandum est, necessarium omnino esse ut sua ipsimet delicta secundum speciem & numerum sincerè & verecundè confiteantur; aliorum autem peccata, quoad fieri poterit, non attingant. Inquirere plerumque oportebit de ignoti Pœnitentis conditione & vitæ genere; non tamen ipse de suo nomine vel domicilio percontandus erit, maledè minùs de nomine sibi consortis in peccato; nec sinendum ut Pœnitens eum revelet: quod quidem si ultro fecerit, corripiatur.

Pœnitentes, præsertim rudiores, sæpè juvandi atque interrogandi sunt, parcè verò, castè & prudenter circa vitium carnis, à minoribus ad majora, si detur occasio, factâ progressionem.

Rerum quæ necessitate mediæ aut præcepti credendæ vel sciendæ sunt, frequentior ignoratio est quàm passim existimari solet. In ea detegenda ac depellenda versari plurimum debet vigilantia Confessarii, cui fixum in animo esse oportet validè absolvi neminem posse, qui Religionis capita necessitate mediæ ad salutem credenda ignoret. Quam utique ob incertam non rarò contingit anteaquas Confessiones esse iterandas; id quod etiam alias ob causas, imprimisque si defecerit legitima Contritio, justumve emendationis propositum, sæpè fieri necesse est.

Præterea diligenter investigandum Sacerdoti erit quonam modo

Pœnitens interiùs sit affectus; an commissæ verè doleat, & quodnam sit concepti doloris incitamentum. Deindè ipsum anniti oportebit, ut ille piis considerationibus excitetur ad Contritionem ex amore Dei super omnia diligendi, tanquam boni supremi & finis ultimi. Quem autem viderit Sacerdos offensam Dei non seriò dolere, & sincero emendationis proposito carere, eum non absolvat, sed ad tempus dimittat salutaribus monitis imbutum: id quod etiam observandum est (ut hic de cæteris fileamus) erga eos qui propriæ conditionis officia negligunt, vel ea perfunctoriè tantum exequuntur (d).

Nec minore solertiâ explorandum est, num fortè Pœnitens in alicujus sceletis occasione proxima per se vel per accidens, scienter perseveret. Utrilibet occasione sit ille obnoxius, si sine peccato, vel majore aut æquali periculo peccandi, eam deserere potest, & renuit; Absolutionis beneficio indignus, lege ordinariâ, censetur; nisi fortè occasio per accidens proxima oriatur ex re de se honesta ac licita, & quæ sine gravi incommodo deferri non possit: quo quidem in casu sagendum Confessario est, ut quæ per fragilitatem Pœnitentis proxima erat peccati occasio, in remotam per consentanea remedia vertatur. Sed de his alio loco opportuniùs atque enucleatiùs (e).

Persuasum quoque Ministro Pœnitentiæ esse debet, eorum emen-

(d) Cæteras deneganda vel differenda Absolutionis causas vide inferius, Div. V,

cap. 1. (e) Infra, Divis. VI, cap. 4.

dationem qui gravioris alicujus flagitii consuetudine irretiti sunt, difficilem plerumque & operosam fore; ideòque, lege ordinariâ, non eos priùs esse absolvendos, quàm vitæ in melius immutatæ signa exhibuerint, quibus fidere ipse prudenter possit. De his autem aliis uberius.

Porro, si Pœnitens, vel in occasione proxima deferenda, vel in exequendis remediis sibi ad destruendam peccati consuetudinem injunctis, vel in restitutione præstanda, promissam fidem aliquandò fefellerit; absolvi deinceps, lege ordinariâ, non debet, antequàm id actu compleverit, quod verbo promiserit.

QUÆTENS *Medicus*, tenetur Pœnitentiæ Ministri cognitas habere origines causasque vitiorum, & providere ut, per idonea remedia, peccatorum radices excendantur, pravi habitus corrigantur, ac denique Pœnitentes adversus relapsum efficaciter muniantur. Quapropter, tum *generalia*, tum *specialia* delictorum cujusque speciei remedia in promptu habeat necesse est; ut, cum opus fuerit, oleum vinumque animarum vulneribus infundat (f), quod confractum est, alliget, quod infirmum consolidet (g).

Ad hanc quoque medicinam spirituales consiliumque salubre animarum (h) pertinet curatio scrupulorum, eatum scilicet animi anxietatum quæ, etsi futili ratione nituntur, magnam tamen, circa plu-

rima, conscientiæ ingerunt formidinem & perturbationem. Quæ quidem tametsi peccata non sunt, morbum nihilominus animo afferunt periculosum æquè ac molestum; in quo scilicet curando, plurimâ prudentiâ & patientiâ opus est. De variis autem scrupulorum causis, & eorum curatione dicemus ex professo (i). Hic præmonuisse sufficiat, generale atque utilissimum hujus morbi remedium esse, tum sibi metipsi, tum suo judicio & ingenio prorsus diffidere, Deoque & Sacerdoti ejus ministro cum humili subjectione obtemperare.

Confessarius demùm, quæcumque de administratione Sacramenti Pœnitentiæ infetiùs differantur, frequenti lectione sibi studeat in mentem ac memoriam desigere; ut hæc ipsa, & ad Pœnitentium salutem, & ad propriæ animæ liberationem, accuratè, fideliter constanterque observet.

Si quando verò anceps hæreat circa ullam gravis momenti quæstionem, v. g. circa restitutionem, Casum reservatum aut Censuram, Votum, aut Matrimonii Impedimentum; nihil præcipiti judicio definiat, sed rem expendat maturius, libtosque consulat, vel homines peritos: id quod scilicet eum toties observare oportebit, quoties à Pœnitente consultus, nihil certi habebit quod statim respondeat.

His præmissis, quædam circa locum & modum excipiendi Confessiones observanda subjungemus.

(f) Luc. 10. 34.

(g) Ezech. 34. 20.

(h) Conc. Aquisgr. II. an. 816. c. 2. can. 3. (i) Infra, Divis. VIII, Cap. 3.

Juxta veterimam eandemque sapientissimam omnium locorum, speciarimque hujus Diœcesis disciplinam, «ad audiendum Confessiones, communioem locum in Ecclesia sibi eligant Sacerdotes, » ut communiter ab omnibus videri possint: & in locis abditis, » aut extra Ecclesiam, nullus recipiat Confessiones, nisi in magna » necessitate vel infirmitate (k). »

Itaque Fideles peccata confitentur in Ecclesiis audiantur ad Tribunalia, quæ ad hoc in singulis esse oportet (l). Ea verò maximè decet ad majorem cujusque Ecclesiæ januam esse constituta. Cum enim Pœnitentes, ob delicta sua, loco sancto, ut quondam fieri solebat, ejici meruerint, æquum est eos, instar *Publicani à longè stantis* (m), coram Deo ejusque Ministro sese humiliter in extremo Templi loco peccatotes agnoscere. Cæterum sacra Tribunalia in loco sint quàm fieri poterit commodissimo, ut procul à tumultu atque extra turbam Pœnitentiæ Sacramentum administretur (n); semper tamen in loco patenti & obvio, non remoto & obscuro (o). Nulla sit ejusmodi sedes in Sacellis Ecclesiarum, nisi apertissimè conspicuis, nec propè Altaria. Sacerdotem in medio sedentem à Pœnitente sepatent utrim-

que interjecti asseres; in quibus, ad altitudinem hominis in genua provoluti, fenestella sit, clathris ferreis aut ligneis obsepta, intrus applicatâ mobili foricula, quæ, Confessionem incipiente Pœnitente, aperiatur, eo dimisso, claudatur. Præterea optimum erit ut Confessarii sedes januam anteriorem habeat, in superiore parte cancellatam, velo interius obducto; quod quidem non ex veteribus Ecclesiæ Ornamentis, sed è communi linteo vel panno sit confectum. In locis lateralibus ubi genua flectunt Pœnitentes, emineant ex aduerso affixæ imagines piæ, JESU præfetti crucifixi, peccata hominum in Sanguine suo abluentis (p); cum formulis Actus Contritionis, vel aliis quæ spiritum compunctionis & sanctius vivendi propositum suggerant.

Nunquam (extra necessitatem) sedeat Pœnitentiæ Minister in aliis Ecclesiæ locis, scamnis aut sedilibus (q), etiamsi unus tantum accedat Pœnitens, vel ad simplicem reconciliationem: nunquam in Vestuario, nisi occurrat vir Ecclesiastici Ordinis, vel ex Laicis quisquam graviter audiens, aliterve infirmus; aut alius, prudenter habitâ ratione temporis aut personæ, extra sedis Confessionalis turbam audiendus vel reconciliandus. De hac verò excep-

(k) Stat. D. Odonis de Sully, Paris. Episc. Syn. 1. c. an. 1198, Capitul. circa Confess. in Synodico, pag. 6.

(l) Decr. Eccl. Gall. in Conv. Melod. an. 1579, tit. de Pœnit.

(m) Luc. 18, 13.

(n) Constituta D. Henr. de Gondy, Card. de Retz, Paris. Episc. an. 1620,

in Synodico, pag. 157.

(o) S. Bonav. Confession. c. 1. part. 1. Conc. Avense.

(p) Apoc. 1. 5.

(q) Stat. Syn. D. Lud. Anc. de Noailles, Paris. Archiep., an. 1697, art. 10, in Synodico, pag. 356.

tione erga mulieres, proprio loco exponetur (r).

In domo Presbyterali, vel privatis cujuscumque Sacerdotis ædibus, nullæ Confessiones audiantur, exceptis Ecclesiasticorum vitorum Confessionibus, si quando, propter legitimam urgentemque causam, aliquis eorum in Ecclesia aut Vestiario non confiteatur. Quinimò Confessarius infirmus, nec tamen ab audiendis Confessionibus ex infirmitate præditus, domi suæ Laicum nullum confitentem audiat, nisi urgeat vera necessitas.

In privatis Fidelium ædibus nullæ pariter Confessiones excipiantur, nisi quis eorum in infirmitate sit constitutus (s). Pœnitentes infirmi, non lecto decumbentes, ad Ecclesiam tamen accedere non valentes, cum volent confiteri, audiantur in Sacello vel Oratorio, si domi Sacellum sit, vel Oratorium; aut certe in loco decenti. Erga feminas quomodò in hujusmodi casu agendum sit, opportuniore loco dicetur (t).

Nullus autem Parochus, aut Presbyter Secularis, Pœnitentiæ ministerium in Ecclesia sine Superpelliceo vel Albâ exerceat. Ad excipiendas verò in domibus privatis Confessiones infirmorum, hujusmodi ornatu nihil opus est. Nullus porro Sacerdos (nisi excuset improvisa necessitas) cujusvis Confessionem, etiam do-

mi ægotantis, sine veste talari audiat.

JAM vetò, siue Parochus, siue Parocho datus in facto ministerio adjutor, siue alius quilibet Sacerdos Confessionibus audiendis præfectus, ad hoc tantæ difficultatis ministerium non accedat, nisi præviâ oratione munitus; quâ, & sibi cordis puritatem, animi firmitudinem, patientiam, prudentiamque necessariam, & Pœnitentibus confitendi sinceritatem, veram Contritionem, vitæ feriam emendationem à divina benignitate obtineat. Ubi non vacat descriptas suo loco præces recitare (u), saltem aliquantisper sese mentis ad Deum elevatione præparet, suamque intentionem dirigat. Nec Tribunal unquam ingreditur, quin prius brevi meditatione sibi repræsentaverit cujus vices ac personam gerat, quanti sit momenti suscepta dispensatio, quàm terribilem rationem Deo sit redditurus, si faciat opus Domini negligenter (x), & quantam sibi mercedis retributionem in cælo thesaurizet (y), si omni studio conatuque contendat suum ministerium uberrimis animarum lucris fecundum, divinâ auxiliante gratiâ, efficere.

In Pœnitentiæ Tribunali sedeat aperto capite; sicque omnes audiat

(r) Div. VIII, cap. 2.

(s) Conc. Mediol. V, an. 1579, part. 1. tit. de iis quæ ad Sacram. Pœnit. pert. Aquisgran. an. 1585, eod. tit. Stat. D. Lud. An. de Noailles, sup.

(t) Loco Superius indicato.

Tomus II.

(u) Vide Tom. III, ubi describitur Ordo ministrandi Sacramentum Pœnitentiæ.

(x) Jerem. 48. 10.

(y) Hebr. 2. 2. Matth. 6. 10.

& absolvat. Totus in illud ministerium incumbat, cui rotas vix poterit sufficere. Non mente, non oculis aliò divagetur; sed ad Pœnitentis Confessionem toto sermone intentus. Vultum & oculos modestè ac decenter componat: Pœnitentes coram non aspiciat, ne quis pudore suffundatur; mulieres imprimis, ut debita serventur honestatis ratio (a). Arque hinc plurimum decebit ut, sive alâ Superpellicei, sive linteolo, faciem regat; præsertim si nec januam nec velum habeat sedes Confessionalis. Curet demum ne signo aliquo, ne motu corporis, ne sono vocis altiore significet astantibus se tadium pati vel molestiam, aut se peccari aliquis gravitate commoveri (b). Caveat ne, vel ipse, vel Pœnitens, à circumstantibus audiat. Nō verò quisquam alterius Confessionem, aut aliquid ex Confessione, auditu furtivo surripiat, Sacerdos Pœnitentis Tribunal ingrediens, viciniore rogabit ut aliquo intervallo secedant: quod quidem, si necesse videbitur, etiam inter audiendas Confessiones iterabit. Arque ut velo quodam impenetrabili tegatur id omne quod in vetendo Tribunali geritur, si Confessarius Pœnitenti Absolutionem suspendat, ne quid tale suspicentur astantes, priusquam eum dimittat, ipsum jubeat Contritionis Actum emittere, illique interea benedicat, secretò dicens: *Misereatur, & Indulgentiam.*

In suo quemque ordine audiat,

alterum alteri non præponens, nisi aliud fieri expediat in gratiam infirmorum, mulierum prægnantium aut lactantium, matrum-familiâs, famulorum vel ancillarum, quibus desit tempus expectandi. Quod tamen prudenter fiat, ne offendantur qui priores venerint; quibus, si opus fuerit, ratio sic agendi exponatur. Litigantes quis prior accedat, ultimi admittantur. Nunquam verò, nisi legitima, vel potius urgens & necessaria causa suboriat, dum Pœnitentem audit, aliò vocatus discedat.

CÆTERUM quoscumque erga Pœnitentes semper in charitate Domini nostri JESU CHRISTI pia gerat viscera. Tam plebeis quam nobilibus, tam pauperibus quam opulentis affabilem se & de animarum salute sollicitum præbeat. Nec verò se à spiritualibus ad temporalia finar unquam divelli. Quod ut certius assequatur, non audiat in sacro Tribunali suam enarrantes penuriam; ibi enim de solis animæ miseriis agendum est; aliudque tempus constituendum, quo Sacerdos indigentibus compatiatur. Quinimò nec per se ipse, quantum fieri poterit, elemosynam egenis Pœnitentibus eroget; sic enim fortasse locum daret simulandæ pietati, dum pecunia magis quam pœnitentia sollicitos teneret.

Unum hic breviter admonendum superest. Qui puram volent coram Deo animam suam, integramque

(a) Stat. Syn. D. Odonis de Sully, sup.

(b) Stat. Syn. D. Steph. Poncher,

ante an. 1519. de Sacram. Pœnit. D. Est. du Bellay, an. 1563, art. 27. in Synodica

coram hominibus famam retinere, & simul insidias sibi forsitan struendas declinare, diligentissimè cavebunt Sacerdotes ne inter exequendum Pœnitentiæ ministerium obscuri delitescant. Si quis igitur tam manè vel tam serò confitentes audiat, ut quasi tenebræ sint in Ecclesia, splendeat lumen prope sedem Confessionalem. Quod quidem omissum, & Confessariis & Pœnitentibus maximo nonnunquam detrimento fuit.

AUDITIS Confessionibus, Pœnitentibusque, vel absolutis, vel ad tempus dimissis, duo sunt Sacerdoti observanda. Primum quidem, ut quos audit confitentes, iis servidâ oratione à Deo flaguet seriam

simul & stabilem morum mutationem; pro se verò postulet veniam & indulgentiam, si quid in tam arduo ministerio sive per negligentiam sive per errorem deliquerit. Alterum est ut notitiâ quam solâ Confessionis viâ fuerit affecutus, nunquam extra sacrum Tribunal utatur, neque in ipso Tribunali nisi erga easdem personas; & nunquam temerè de ullis rebus in Confessione auditis loquatur, ne generatim quidem, nisi aliud exigat exquirendi consilii necessitas; quâ etiam positâ, solummodò generali consultatione queri oportebit quid esset agendum, si talis casus accideret? Sed de Confessionis sigillo inferius ex professo differetur (c).

(c) Ultimo hujus Tractatus Capite.

C A P U T I I.

DE virtutibus Confessario necessariis.

SIT Confessarius Censura omnis, & lethalis peccati expertus. Confessarii virtutes. Ut adversus varias tentationes prœmuniatur, quid recogitare debeat. Confessarii zelus, intentio, studium in omnes æquale: terreni commodi obliivio.

VIDEAT imprimis Sacerdos ad Pœnitentiale Ministerium assumptus, ne ullâ Censurâ Ecclesiasticâ, ulloque Canonico impedimento irretitus, vel culpâ lethali inquinatus, ad audiendas Confessiones accedat. Si lethalter peccaverit, conscientiam priùs abluat salutari pis-

cinâ. Quòd si desit Confessarius, nec tamen possit ministerium suum petenti denegare; quàm perfectissimâ Contritione Sacramentum sibi suppleat, & quamprimum illud reverâ suscipiat, sacramentaliter confitens. Atque ut munere suo dignè sanctèque fungatur, sese in gratiâ statu

perpetuè conservare ac renovare studeat; alioqui, tot sacrilegiorum reus constitueretur, quot Absolutiones in statu peccati lethalis pronuntiarer.

Sic igitur Pœnitentiæ Minister vehemens in peccati horrore, quem Pœnitentibus suggerat; confirmatus in perfecta vitæ innocentia, in Christianis & Ecclesiasticis virtutibus, in solida pietate, in mortificatione carnis & sensuum; eximius denique in castitate (a). Confessarius in quo non perfectè spiritui caro subiecta est, cujus animus non Deo jugiter adheret per cœlestium meditationem, ex alienis inquinamentis apud se depositis, in perpetuo sese contaminandi periculo versatur. Quàm verò luctuosum esset, quàm miserum, si quis, dum aliorum vulneribus mederetur, se ipse telo peccati mortifero confingeret; ac si, dum cæteros educeret de limbo profundi, ipse demergeretur in puteum interitus (b)!

POSITO fundamento, quod est *charitas de corde puro & conscientia bonâ* (c), omnis, quam, auctore Deo, acquisierit, virtutis custodiam sinceræ humilitati committat; cujus instinctu sese interitûs eorum subternat pedibus, qui ad hominis sui similis pedes provoluti, veniam flagrant & misericordiam; iisque pejo-rem ac vilio-rem se reputet. Perpen- sis deindè suscepti ministerii difficultatibus & periculis, non illis ul-

que adeo terreatur, ut fiat pusillanimis: se potius ad illud cum fructu adimplendum, invocato divinæ gratiæ auxilio, fortiter accingat. *Constitutus ut evellat & destruat vitia, ut adificet & plantet virtutes* (d), sese ad omnem creditæ dispensationis diligentiam accendat, secum ipse interdum recogitans cuiusnam legatione fungatur, quantique ad animarum sanctificationem momenti sit Pœnitentialis administratio. Eam verò tanti faciat, quanti sit apud Deum: omnium utique *divinarum divinisum est, Dei cooperatorem fieri in conversione animarum* (e). Sic munietur contra tædium & imparientiam quæ animas dirigentibus obrepere solent, nisi muneris sui excellentiam, meritum arque utilitatem profundè meditati fuerint. In hoc certè ministerio, si quis illud non perfunctoriè, sed bonâ fide, sed religiòse exequi velit, plurimum difficultatis, plurimum laboris occurrit: studioso tamen, Deumque præsertim in oratione consulenti, levior paulatim evadit moles: quin etiam animas diligenti labor ipse dulcescit.

HIS in antecessum perspectis, Confessarius magno salutis animarum zelo incitabitur, sine quo nempe munus suum nullo fructu exerceret. Zelum autem dirigat scientia, temperet mansuetudo, informet prudentia, inflammet charitas, vivificet unctio sermonis. Procul jejuna

(a) Vide Conc. Bitur. an. 1584. tit.

35. (b) Ps. 68. Ps. 54.

(c) 1. Tim. 1. 5.

(d) Jerem. 1. 10.

(e) De Eccl. Hier. c. 5. Vide Rich. à S. Vult. de præp. in Cant. l. 1. c. 4. Juv. 5. 20.

aridaque eorum directio, qui unâ & eadem formulâ obvium questuque Pœnitentem exhortantur. Solius cordis voce cor afficitur: vox memoria, aut ipsius ingenii, hæret in auribus. Quoties igitur Pœnitentem exhortabitur Confessarius, sermonem quasi extemporalem imbuet suavissima charitas. Nec solo nomine, sed ipso affectu pater, quoscumque ad suum Tribunal venientes benignè semper alloquetur, multâ dulcedine ac bonitate leniens remedium acerbitem, & charitatem à potestate nunquam sejungens (f). Quânto enîni charitate erit præcellentior, tantò magis idoneum fiet divinæ misericordiæ instrumentum. Hoc sensu profundissimè affectus, seque illius ministrum esse reminiscens, qui non venit vocare iustos, sed peccatores ad Pœnitentiam (g), cavebit, ac diligentissimè cavebit, ne quemquam tetricâ severitate offendant. Pœnitentes corripiet ut fratres (h), considerans seipsum, ne & ipse tentetur (i), ut potè qui eundem corruptionis fomitem gerat. Neminem verò, quantumlibet inveteratâ peccati consuetudine infixum, quantumlibet curationi sapienti teluctantem, quantumlibet durum & impœnitentem, quantumlibet imparum, malè consentem, inscrutabilem, rudem & ignarum, quantumlibet scrupulosum & inquietum, seu quomocumque aliter molestum,

Pharisaico supercilio rejiciet. E contrario, is erit qui sciat compati infirmitatibus humanis, quoniam & ipse circumdatus est infirmitate (k). Dum tamen omnibus omnia fieri cupit, caveat etiâ atque etiâ à falsa charitate, qui est affectus humanus, deceptor sensum, quò molle obsequium in peccatores adhiberet, laxioresque opinionones in gratiam cupiditatis amplecteretur. In omnes denique animi verè paterni viscera induat: benignè omnes alloquatur, assentatoriè neminem. Videar ipse diligenter « ne unquam, aut gratiâ, » aut odio alicujus personæ, secus ju- » dicet quàm quod in Canonibus sa- » cris invenerit, aut quod illi, secun- » dùm sanctarum Scripturarum au- » toritatem & Ecclesiasticam con- » suetudinem, rectius visum fue- » rit (l).

Nec desit in Ministro Pœnitentiæ recta puraque intentio, quâ solam Dei gloriam & proximi salutem sibi proponat. Procul à ministerio tam sublimi curiositas, inanis gloria, æmulatio invidiosa. Procul malefana eorum ambitio, qui, spretis de vulgo Pœnitentibus, solos ad suum Tribunal consuere vellent optimates. Exemplum intueantur Domini JESU, qui, cùm ad pauperes missus præsertim fuisset, inter plebeios assiduus erat, inter nobiles ac divites rarissimus. Hoc igitur sibi

(f) S. Polyc. c. 6. Conf. Ap. l. 2. c. 13. 14. 15. 16. Orig. Hom. 2. in Pl. 37. S. Greg. Nyss. or. in mul. peccat. S. Hier. Ep. 46. c. 1. (al. 90.) S. Greg. P. l. 6. in 1. Reg. c. 2. in cap. 15. n. 16. Vide ejusd. Hom. 33. in Ev. Can. Ap. 51. S. Cyp. Ep. 52. (al. 55.) §. 13. 16. 17.

(g) Luc. 9. 32.

(h) 1. Thess. 5. 15.

(i) Gal. 6. 1. Vide Eccli. 8. 6.

(k) Hebr. 5. 2.

(l) Conc. Cabil. II, an. 813. v. 815. can. 54.

à Domino dictum sumant Confessarii: *Nulla erit distantia personarum: ita parvum audietis ut magnum, nec accipietis cuiusquam personam; quia Dei iudicium est (m)*. Sunt qui propensiori affectu quibusdam adhaerentes, iis libenter totos dies profunderent, dum cæteris breve momentum invident fastidiosi. Qui sic personarum delectum habent, ii certe non charitatis impulsu sequuntur; sed sui ipsorum amore, aut alio quolibet affectu periculoso ducuntur. Pietate & charitate imbutus Pœnitentiæ Minister, neminem dedignatur, neminem repellit, neminem excludit, nisi suam ad omnes curam extendere non possit: nulla ipsi vilis est anima. Quòd si verò aliquod instituit personarum discrimen, hoc cedit omnino in gratiam pauperum, quos plerumque *Deus elegit divites in fide, hæredes Regni quod repromisit diligentibus se (n)*. Sæpius enim in abjectioris conditionis hominibus, in ipsa etiam rusticana obscuritate, vasa domus

Domini pretiosissima delitescunt; animæ scilicet culturam idoneam expectantes, ut virtutum præstantissimarum apicem assequantur.

Procul etiam ab hoc ministerio cuiusquam temporalis commodi respectus. In Sacerdote Confessiones excipiente ea sit animi excellitas quæ terrena omnia transcendat, solaque appetat lucra cœlestia. Nihil quidquam ab ullo Pœnitente accipiat; munera enim *excitant oculos sapientium, & mutant verba iustorum (o)*. Multò minùs pecuniam, aut aliud quodvis, exptese vel tacite in Confessione, vel Confessionis occasione postulet. Indignum enim foret atque instar sacrilegii, si quis Pœnitentiæ administrationem cupiditati vetricalem faceret, quasi venalem habens sacram illam Jurisdictionem, *justificans impium pro muneribus, & iustitiam iusti auferens ab eo (p)*; vel inopem dedignans, à quo nihil speraret emolumentum, & illum quasi alienum respiciens.

(m) *Deut. 1. 17. Vide Conc. Cabil. II. supra, & can. 32. & 33.*
(n) *Jac. 2. 5.*

(o) *Deut. 16. 19.*
(p) *Is. 5. 23.*



CAPUT III.

DE scientia Confessarii.

SCIENTIÆ in Confessario necessitas. Scientia Confessarii ad duodecim capita revocatur. Scientia gradus varii, pro circumstantiis requisiti. Quid scientia & circumspectionis omni Confessario sit necessariam. Eorum insipientia, quibus nihil anquam difficile est. Scriptura sacra, sana directionis fons precipuus. Moralium Auctores cautè seligendi. Nullus privato sensui aut viis insolitis plus aquo indulgeat. Necessaria inter Confessarios unanimitas.

QUOD si labia Sacerdotis scientiam custodire tam necessario debent (a), ut, qui eam repulerit, ipsum Deus repellat, ne Sacerdotio fungatur (b); hoc de illo potissimum intelligi oportet, cui creditum fuit tremendum Pœnitentiæ ministerium; in quo videlicet Pœnitentibus iudex, medicus & dux constituitur, animarumque regiminis partem longe præcipuam atque difficillimam exercet (c). Quæ sententiæ in arcano Tribunali pronuntiantur, eas in cælo ratas haberi nemo confidat, nisi cum regulis quas supponit divina institutio, apprimè consentiant: à quibus si fortè inscitia vel temeritas declinet, dum in terris absolvit Minister imprudens, in celis condemnat Iudex æternus (d).

QUOD malum ne unquam eveniat, Confessario hæc ad amissum perspecta sint:

Iº. Pœnitentiæ natura, partesque ipsius essentiam constituentes, cum omnibus conditionibus ad singulas requisitis ut constet ratio Sacramenti; quæcumque demùm ad ejus validam & fructuosam susceptionem legitimamque administrationem pertinent. Hic pariter Absolutionis Formam cum antecedentibus & consequentibus Orationibus memoriâ teneat.

IIº. Scientiam habeat discernendi inter sanctum & profanum, inter pollutum & mundum (e): noverit quid sit peccatum, quid non; quid lethale, quid veniale. Nec tantùm lethalia à venialibus, sed lethalia à lethalibus, lepram denique à lepra secernat (f). Quæ autem levia, &

(a) Malach. 2. 7.

(b) Osse, 4. 6. Conf. Ap. 1. 2. c. 41.

48.

(c) Vide Cone. Aquisgr. II, an. 836.

cap. 2. can. 3. Et Bitur. an. 1584. tit. 35.

(d) S. Greg. Hom. 26. in Ev. Conc.

Aquisgr. I, an. 816. l. 1. c. 17.

(e) Levit. 10. 10. (f) Deut. 17. 8.

quæ gravia peccata, non humano, sed divino judicio æstimet (g). Novit ipse quibusnam in casibus immutetur peccati natura, ita ut ex lethali veniale, aut vicissim ex veniali lethale fiat; quænam circumstantiæ peccati speciem mutant, quæ gravitatem plurimum augeant, quæ minuant (h).

III°. Quænam peccata contra Dei & Ecclesiæ leges committi possint; quænam septem peccatis capitalibus includantur (i); quænam in variis hominum conditionibus, ac demum apud regionem suo Tribunali circumjacentem sint frequentiora.

IV°. Quinam Casus, quænam Censuræ, & summo Pontifici, & Episcopo Diocesano reservata sint. Quomodo, certis in Casibus, obtinenda & exequenda Romanæ Pœnitentiariæ Brevia (k). Quinam, & Censurarum, & Irregularitatum sint effectus; propter quæ delicta incurrantur: quomodo erga eos agendum, qui, vel Censuras (l), vel Irregularitates incurrerunt (m).

V°. Quænam Impedimenta Matrimonium, sive irritum, sive tantummodo illicitum efficiant (n). Quid sit erga eos constituendum, qui, postquam Matrimonio juncti sunt, aliquo Impedimento constricti inveniuntur, super quo dispensari opus habent: denique quomo-

dò rata fiant conjugia sive publicè sive occultè irrita (o).

VI°. Quibusnam positis conditionibus validum ratumque sit Votum; quomodo dirigendi sint qui Voti alicujus religione obstricti occurrunt: quænam Vota summo Pontifici, quænam Diocesano Antistiti reservata: quid in Votorum Dispensatione aut commutatione possit ipse Confessarius (p).

VII°. Quibusnam in casibus ad restitutionem teneantur Pœnitentes: quisnam sit ordo servandus inter eos, qui restitutionem debent, atque inter eos quibus restitutio debetur: qualis & quanta esse restitutio debeat, ut damnum aequet: quas ob causas à restitutione fiat immunis, qui aliàs restitutioni fuisset obnoxius. Atque hæc diligentius circa hæc omnia edoctos esse oportet reconciliationis Ministros, quod, præter illam usque adeo terribilem, quam de hujusmodi causis malè judicatis, rationem Deo reddituri sunt, ipsimet ad restituendum tenentur, si, disquisitionis defectu, vel per negligentiam, inscitiamve criminiosam; Pœnitentes ad restitutionem malè adegerint, vel à restitutione peperam exemerint (q).

VIII°. Quomodo, juxta casuum diversitatem, refarcienda sit injuria proximo illata, vel huic pro læso honore satisfaciendum (r).

(g) S. Aug. Enchir. c. 78.

(h) Vide suprà, Div. II, cap. 1.

(i) Ibid.

(k) Vide Traß. de Sacram. Matrim. Cap. ult.

(l) Vide Append. de Censuris, ad calc. hujus de Pœnit. Tractatus.

(m) Vide Append. de Irregul. ad calc.

Traß. de Sacram. Ord.

(n) Vide Traß. de Sacram. Matrim. Div. III, cap. 2. & 3.

(o) Ibid. Div. VII, cap. 1.

(p) Suprà, Div. III, cap. 3.

(q) Infra, Div. VII, cap. 2.

(r) Ibid.

IX^o. Quaidò concedenda, quandò deneganda, vel differenda sit Absolutio; & quibus potissimum signis dijudicari possit utrùm Pœnitentes Absolutione digni vel indigni sint (x).

X^o. Quomodò discutiendi sint Pœnitentes, ut integrè confiteantur: quâ ratione sapienter instituenda conscientie interrogatio erga eos qui nullomodò, qui malè, qui confusè aut ambigùè se accusant (x): quali sermone sit præstandum ut Pœnitentes delictorum gravitatem agnoscant, eaque sincero animo detestentur: erga diversè indolis peccatores quomodò agendum (u): quibus remediis generalibus & specialibus vitia & pravæ consuetudines curentur (x): quâ periciâ dulcescat, aut certè non offendat amaritudo curationis (y): quænam Satisfactio, & Pœnitentis, & culparum habito respectu, sit injungenda (z): quænam sit veterum Pœnitentia Canonum severitas; & quantâ prudentiâ illi attemperanda sit Satisfactionis impositio, pro ratione temporis, Pœnitentiumque infirmitatis (a): quânam indicia vitæ disciplinâ, Pœnitentes à delictorum iteratione integri serventur, atque in virtutis exercitatione proficiant (b).

XI^o. Quomodò in viis spirituales discutiendi sint, qui, singulis in Parochiis, etiam maximè rusticis & agrestibus, sublimioris perfectionis

capaces inveniuntur: quàm sapienter, prout ferunt diversæ hominum conditiones, pietatis opera & virtutis exercitationes moderandæ sint, ac semper ad meliora promovendæ.

XII^o. Quomodò demùm, cuiuslibet generis peccatores, sive absoluti, sive inabsoluti, à sacro Tribunali non dimittantur, nisi congruis imbuti documentis, nisi erga pietatem ipsamque Confessarium suaviter affecti. Profectò «scientia scientiarum animas gubernare, medicinam spiritualem facere; cui scopus est, divinam imaginem, aut manentem conservare, aut peritiam clitantem fulcire, aut dilapsam in pristinum statum revocare, Christumque per Spiritum sanctum in peccatoris domicilium introducere, ac supernam beatitudinem ipsi comparare (c).» Quem scopum adèò multiplicem ut obtineant Confessarii, eos abundare oportet munitis salutaribus vividisque hortamentis, quæ sexui, ætati & conditioni, indoli & captui, statui etiam conscientie diligenter accommodent. Plerisque etiam Pœnitentibus quendam vivendi ordinem, ac diæ exigendæ quamdam veluti formam constituere debent, iisque tradere quomodò laborem vitæque munia, tanquam Deo præsentem, sanctificare, omnia propter Deum exequi, præcipua Religionis capita nullo conatu, illæsiisque suscepti instituti

(x) *Infrà, Div. VI, cap. 1. & seq.*

(x) *Div. V, cap. 1.*

(u) *Ibid. cap. 2.*

(x) *Div. VI, cap. 2. 3. & 4.*

(y) *Div. V, cap. 3.*

(z) *Div. VII, cap. 1.*

(a) *Ibid. cap. 3.*

(b) *Div. VI, cap. 5.*

(c) *S. Greg. Næt. or. 1.*

officiis, meditari possint: præterquam quoddam singulis remedia suggerenda sunt quibus sanentur spirituales languores; consilia ingeminanda, quibus muniatur insita fragilitas; Pœnitentesque ad Contitionem potenter excitandi, & ad Communionem, si Communione digni judicentur, disponendi, iis, inter cætera, propofitis, quæ ex Mysteriorum Festorumque celebratibus ad inflammandam pietatem erui feliciter possunt.

Næ verò illius quam per generalia capita designavimus, scientiæ magnitudine terreantur qui se ad capeffendum Pœnitentiæ ministerium accingunt. Nihil quidem periculosius, quam si quis se exterius effundat, antequam se interiùs repleverit. Nihil damnatorum magis, quam si Presbytero alicui, non per *clavem scientiæ* (d), sed per temeritatem atque arrogantiam pateat ingressus Tribunalis, in quo sedeat supremi hominum Judicis personam gerens. *Divisiones verò gratiarum sunt* (e), gradusque scientiæ. Qui à Superiore suo tanquam à Deo vocatus, arduum hoc ministerium primo incœptu aggredditur, is quidem absolutissimâ jam tum eminere scientiâ non potest: omnia tamen quæ modò attigimus, jam aliquatenus intelligere debet, saltemque mediocriter noscere, pro captu incipientis, habito etiam respectu eorum quos directurus est. Amplior enim populosâ in urbe scientia requiritur, ubi scilicet occurrunt omnium Ordinum & con-

ditionum Pœnitentes, quàm rure; ubi non sunt, ut plurimum, nisi agricolæ & vinitores, quorum pretiosa simplicitas non tantam parit Casuum varietatem, quantam asserere solet urbium corruptio multiformis. Ubi cumque sedeat Confessarius, eum oportet in Casibus frequentioribus iudicio pollere sufficienti ut statim eos tutissimè dirimat, utque in difficilibus & insolitis, si nesciat primo aditu nodum solvere, prudenter dubitare noverit; Absolutionem suspendat; optimæ notæ libros, vel collegas scientiam experientiâ firmantes, ac præsertim Diœcesanum Antistitem consulat. Ubi occurrit aliqua difficultas, *sapiens Confessarius timet*; temerarius autem (*stulti* instar, de quo meminit Scriptura) *transiit, & confidit* (f). Sunt videlicet quos nihil unquam in sacro Tribunali remoratur. Plura omnia & facilia, nihil obscurum, nihil ambiguum vident. Nullis præformati sanæ directionis institutis, se nunquam errasse gloriantur; quin etiam errare se posse vix credunt. Qui autem, præviâ doctrinâ imbuti, ad excipiendas Confessiones accessere, & qui non otiose & perfunctoriè, sed quasi rationem de animabus reddituri, hoc ministerium gerunt, ii nonnunquam in dirigendis conscientiis hærent ancipites. Et quamvis lectione continuâ simulque peritorum colloquiis necessariam studeant scientiam adaugere; se tamen in multis nescios agnoscunt, seque fatentur senescendo quotidie discere, atque interdum

(d) *Luc. 11. 52.* (e) *1. Cor. 12. 4.* (f) *Prov. 14. 16.*

in illo tanto tamque formidando Ministerio errare. Tam latè patet scientia curationis animarum! Tantè molis est ut satis erudiantur qui in maximè omnium vetendo Tribunali judicant terram (g)!

VITA sapienter instituendæ, aded- que regendi animas in scientia & judicio, fundamentum aliud nemo potest ponere, præter id quod positum est, quod est verbum Dei, utriusque Testamenti Libris consignatum (h). Ibi Confessarius Legem Domini servetur (i). Hinc deprompta eloquia in corde suo abscondat; de cujus plenitudine profluat, & pietate & unctione imbuta gubernatio. Ad illam incorrupti luminis faciem omnia in Moralibus dirigit; ab ea nunquam oculos reflectat. In veteri Testamento, Sapientiales præsertim Libros meditetur. In Evangelio, sublimes intueatur morum regulas (k), exemplum præcepto junctum, omnia quæ fecit JESUS & docuit (l); ad quod præstantissimum exemplar, & se, & Pœnitentes, quantum fert humanæ infirmitatis mensura, componere studeat. Cæteros Novi Testamenti Libros non minùs diligenter evolvat, in quibus adhuc spirat dulcedo Apostolicæ prædicationis, mirumque in modum expressa ostenditur celsitudo Evangelicæ perfectionis.

Noc tantùm præcepta & consilia

Evangelica, traditamque in Apostolorum scriptis morum disciplinam assidue recognoscat Pœnitentiæ Minister. Prout malicia hominum increvit, multiplicanda pariter fuerunt documenta, quibus & mala innotescerent, & remedia in promptu essent. Hinc tot libri de Moralibus & de animarum gubernatione conscripti; quos tamen sine delectu nemo amplectatur. Non omni spiritui credendum, sed probandi spiritus, si ex Deo sint; quoniam multi pseudopropheta exierunt in mundum (m), multi vaniloqui & seductores (n). Videndum etiam atque etiam ut qui consulunt Scriptores, cum divino eloquio, cum Ecclesiæ doctrina, cum sanctis Canonibus apprime consentiant. Abjiciendo pariter, & quibus aridet spatiosa via ducens ad perditionem, & qui viam vitæ plus justo arctam faciunt (o). Væ utrisque, dicentibus malum bonum, & bonum malum (p). Cavendum igitur à laxiorum opinionum licentiâ, quæ non divinæ Legi, non Ecclesiasticæ disciplinæ, sed cupiditati, sed morum corruptelis potissimum favet. Fugienda quoque, nec minùs diligenter, in doctrina morum, nimia severitas.

Nunquam autem satis descendendum esset, si quis Confessarius, privaro sensui plus æquo indulgens, ficticiis sibi directionis leges pro arbitrio strueret, eo prætextu, quòd nemini præter

(g) Ps. 1.

(h) 1. Cor. 3. 12. Conc. Cabil. II, an. 813. v. 815. can. 34.

(i) Ps. 118.

(k) Conc. Trid. Sess. 4. decret. de Capon. Script.

(l) Ad. 1. 1.

(m) 1. Joan. 4. 1.

(n) Tit. 1. 10.

(o) Matth. 7. 13. 14.

(p) Is. 5. 20.

Deum, ministerii sui rationem reddere teneatur. *Væ prophetis insipientibus (q)*, qui, in gubernandis conscientis nullam, nisi cæcum animi impetum, judicandi regulam sequuntur; qui Casus vel intricatissimos, contemptis probatissimorum Auctorum sententiis, punctim ac cæsum dirimunt; qui temerè, & contra experientissimi cujusque judicium, Absolutionem concedunt vel denegant: qui denique *ipsi sibi sunt lex*. Non sine magno detrimento quicquam in hujusmodi arrogantium manus inciderit. Si enim severitatem eligant, eum malè torquent: si via latior ardeat; qualem ipsum invenire, talem perperam relinquunt. Quos tenet hic morbus, si sanari velint, minus in suo sensu abundant, doctis & sapientibus dociles se præbeant; nec se solos intelligentiæ præditos, morituramque seculam sapientiam existiment (r). Alii non quidem private auctoritati plus æquo indulgent, sed insolitis addicti sunt viis, easque communi anteponunt & longè tutiori. Qui hoc modo se gerit, *superbus est, nihil sciens (s)*: ex fructibus suis cognoscetur (t).

Ne quid autem in præsentī negotio peccetur, permagni interest ut cuique Confessario perspecti sint optima notæ Scriptores, quibus tutissimè in praxi adhareat. Et quidem, post Scripturam sacram, primum locum obtinet de imitatione Christi aureus Liber. Tum certè maximo

in pretio habendæ sunt S. Caroli Borromæi Institutiones ad Confessarios: quæ cum doctrinæ moralis corpus exhibeant quibuscumque animabus dirigendis opportunissimum, prætereaque à Clero Gallicano adoptatæ & promulgatæ fuerint (u); nihil utilius excogitari potest, quàm si Pœnitentiæ Ministrorum animis altè combibantur, tanquam antidotum adversus novas opiniones Evangelicam morum doctrinam evertent. Deinde S. Francis Salesii Opera, cœlestis pietatis sapore imbuta (x), plurimum adjumenti afferent, ut intelligatur quibus gradibus Pœnitentes ad perfectam cordis puritatem atque ad virtutum omnium consecutionem deducantur; quomodo etiam fructuosè sanctæque Sacramenta frequentari, cæteraque pietatis officia exerceri legitime possint. Hos si Confessarius diligenter studiosèque adeat sanioris doctrinæ fontes, probatissimas in Moralibus sententias ad manum habebit. Sic omnia morborum spiritualium remedia virtutumque incitamenta cognoscens, animas in viam salutis feliciter deducet, propriamque animam salvabit.

QUONIAM autem ex quas hic tradimus, Institutiones, nunquam à purissimis Scripturæ Patrumque doctum dissentiunt; nostræ Diocesis Confessarios, quantum possumus, in Domino exhortamur, & per zelum sanctificationis animarum

(q) *Ezech. 13. 5.*

(r) *Job. 12. 2.*

(s) *1. Tim. 6. 4.*

(t) *Matth. 7. 20.*

(u) *An. 1655.*

(x) *Introd. à la vie d'Év. &c.*

obsecramus , ut ipsas diligenti studio perdiscant , nec ab ipsis unquam in praxi discedant. Universi , tum Seculares , tum Regulares , pariter affectui nostram doctrinam , institutionem , propositum (y) , in eodem sensu & in eadem sententia circa Pœnitentiæ administrationem perfecti sint (z). Cuncti ad sapientissimæ gubernationis leges sese componant. Quod fuerit ab uno ligatum , id alter non solvat ; omnesque & singuli , illæso tamen Sacramenti sigillo , ad extirpanda vitia , ad am-

pliandas virtutes , ad rectum ordinem promovendum , in sacro Pœnitentiæ Tribunali concordibus studiis incumbant. Si quando eos circa difficilis cujuscunque Casus solutionem inter se dissentire contigerit ; ne controversia in vulgus erumpat , sed ad Nos referatur , in Dei secreto , ut decet , componenda. Omnes denique in hac Diœcesi Pœnitentiæ ministerium exercentes , æqualiter solliciti sint servare inter se unitatem spiritûs in vinculo pacis (a).

(y) 2. Tim. 3. 10. (z) 1. Cor. 1. 10. (a) Eph. 4. 3.



DIVISIO V.

IN hac Divisione dicitur, 1°. Quantâ opus sit Confessario solertiâ & prudentiâ, ut sinceram atque integram à Pœnitente Confessionem eliciat: 2°. Quanta sit Confessario necessaria prudentia, ut convenientem cuique morbo spiritali medelam attemperet, ac Pœnitentes, pro cujusque ingenio, rectè salubriterque dirigat: 3°. De prudentia Confessarii in servando firmitudinis & mansuetudinis justo temperamento: 4°. De prudentia Confessarii in exhortando & corripiendo.

CAPUT PRIMUM.

QUANTA opus sit Confessario solertiâ & prudentiâ, ut sinceram atque integram à Pœnitente Confessionem eliciat.

QUÆDAM prænotanda. Quid circa interrogationes generalim observandum. Quadam in antecessum ab ignoto Pœnitente inquirenda. Quos Religionis infcios suspicatur, qui non sunt doctrina capaces, in eos quomodò se gerere debeat Confessarius. Quinam, rebus adhuc integris, anteoccupandi. Qui se malè accusant, qui examinis instituendi modum ignorant, &c. in eos quomodò agendum. Confessio Pœnitentis vulgò non abrumpenda. Eâ peractâ, ipse, ut plurimùm, interrogandus. Quid circumspèctionis hac in parte requiratur. Juvenum præsertim ac mulierum occulta peccata quàm difficilè detegantur. Pœnitens in exoneranda conscientia laborans. Pœnitens culpam negans, quam aliundè rescivit Confessarius. De Confessione mutorum & surdorum.

QUOD si ad Confessarii munus audire, ei qualemcumque Pœnitentiam imponere, & nullâ unquam institutâ ulteriore disquisitione, nul-

lo subministrato salutis monito, nullo ad curationem spiritualem adhibito experimento, statim formulam Absolutionis immurmurare; ad excipiendas Confessiones, neque scientiâ, neque prudentiâ opus foret; supervacua redundarent sanctorum Patrum & Canonum eâ de re documenta; ac denique nostra in hocce Tractatu incalsum laboraret sollicitudo. Absit ut quisquam Sacerdos de ministerio tam sublimi tam abjectè sentiat.

Positâ Ministri scientiâ, de qua superiore Capite dictum est, ejus prudentiam sub multiplici rerum personarumque respectu tractandam suscipimus; quæ nimirum comes adjungenda scientiæ est, tanquam hujus moderatrix & in praxi gubernaculum. Ac primum quidem, quid sit in Sacerdotis prudentiâ & solertiâ positum, ut Pœnitens quàm absolutissimè confiteatur, exponendum occurrit.

Quicumque ad Sacerdotis Pœnitentiale Tribunal reos se constituunt, ab iis quàm maximè sinceram atque integram elicere Confessionem ipse quidem ex officio tenetur. Sic tandem, cognito eorum statu, qualis verè se habeat, poterit convenientia illis monita subministrare, justamque & salutarem injungere satisfactionem. Ac primum quidem studeat absolutissimam sibi conciliare Pœnitentis fiduciam omnimodâ animi bonitate ac lenitate sermonis; ut ille efficaciter inducatur ad sua ei, tanquam patri amantissimo, interiora liberrimè manifestanda, nihilque formidet, peccata sua & animæ vulnera detegens, neque ullo-

modò ab exoneranda conscientia malè timidus aut verecundus avertatur. Non aliter poterit Pœnitentiæ Minister in animum confitentis illabi, ejusque satis profundam cognitionem assequi, ut erga ipsum, sive ut judex, sive ut medicus, prudenter agat & salubriter.

De specie autem, de numero, de circumstantiis peccatorum, si non satis explicentur, diligenter simul & prudenter inquiret; sicque interrogationes instituat, ut neque importunus sit, neque scrupulosus. Hic enim præcipuus est Pœnitentiæ fructus, ut auferatur peccatum, & subsequatur emendatio; ad quam proinde ut adducatur Pœnitens, multò studiosius incumbendum est, quàm diutius cum anxietate circa interrogationes immorandum. Et certè Confessionis integritas non omnem absolutè possibilem, sive ex parte Pœnitentis in discutienda conscientiâ, sive ex parte Sacerdotis in ea perferenda diligentiam requirit. Sufficit diligentia *moralis*, ea nempe quam in gravissimi momenti negotiis adhibere solent.

Quod ad circumstantias pertinet, nullam sinat Confessarius inutilem atque otiosam à Pœnitente exprimi. Multi, ac præsertim plebeia scemina, tot historias texunt, quot peccata confitentur; aut aliena in medium afferunt, ut sua explicant, vel potius excusent. Moneat Sacerdos ne in supervacuis enumerandis tempus consumatur. Si quando Pœnitens peccata non sua, sine ulla necessitate, quoquomodò detegere velle videatur; id fieri prohibeat Confessarius, ne sit maledicentiæ particeps. Si autem lingue mobili-

tate præcurat alienæ culpæ accusatio; ipse imprudentiam confitentis arguat, seque sigilli religione obstringi meminerit. Nihil demùm de socio criminis apud se declarati audiat, nisi quod ad Confessionis integritatem sit omninò necessarium. Multò magis ipse à vaniloquio abstinere. Nec verò inquirat Pœnitentis aut complicitis nomen (a), domicilium, res domesticas, secreta familiarum, aliaque hujusmodi, in quibus videlicet ejus curiositati satisfacere nemo tenetur. Nihil ergò sciscitetur, quod à morborum spiritualium curatione & Pœnitentis æternâ salute alienum videatur.

Sunt tamen quædam interrogationes aliquandò præmittendæ, ubi accedit ignotus Pœnitens: an sit Confessarius Parochiâ? quodnam sequatur vitæ institutum? à quo tempore non sit confessus? nihilne in præcedenti Confessione, sive ultrò, sive nullâ suâ culpâ, omiserit? nihilne circa ipsam, vel superiores, animum remordeat? cui confessus fuerit? quid sit quod mutet Confessarium? an Pœnitentiam in præcedenti Confessione sibi impositam exolverit? an tunc Absolutionis beneficium impetraverit? Denegatâ enim vel dilatâ Absolutione, ad priorem Confessarium remittendus esset, ut potè ligatus, nec faciliè ab alio solvendus (b). Si tamen ille Pœnitens, justis & gravibus de causis, non ad priorem Confessarium remittatur; ab ipso exigatur nova Confessio delictorum à quibus vel non absolu-

tus, vel malè absolutus fuerit. Causæ verò magis probabiles alienum Pœnitentem ritè dispositum admittendi & absolvendi, hæc vulgò recensentur; si prior Confessarius manifestè erraverit; si Suspensionem incurrerit; si Jurisdictione privatus fuerit; si Pœnitens, interveniente longiore locorum intervallo, commodè ipsum adire nequeat, vel ab eo ulterius adeundo nimis abhorreat.

Percunctetur etiam Sacerdos, non modò ab adolescentibus, verùm etiam ab ipsis natu majoribus, quorum inscitia sibi legitime in suspicionem venerit, num præcipua Religionis Mysteria noverint, & Fidelis capita quorum distincta cognitio ad salutem necessaria est (c), Symbolum Apostolorum, Orationem Dominicam, Dei & Ecclesiæ Mandata, Sacramentorum (eorum præsertim quæ suscipere tenentur) doctrinam, usum & praxim? Hæc elementa si Pœnitens, vel omninò, vel ferè ignoret, statim incipiet Confessarius eum edocere. Si autem nequeat in præsentiarum; subindè ipsum, vel privatim, die horâque indictâ, per se aut per alium, edoceri curabit; vel injunget ut Catechesibus intervallo sufficienti assiduum se auditorem præbeat, idque ipsi tanquam pœnitentiam aut pœnitentiæ partem constituere poterit. Illum interea quàm lenissimè in aliud tempus dimittit; nec prius absolveret, quàm ejusmodi ignorantiam depoluerit. Si tamen ingenii

(a) *Stat. D. Odonis de Sully, Paris. Episc. Syn. 1. c. an. 1198, Capit. circa Confessionem. art. 12. in Synodico,*

pag. 7. (b) De Pœnit. dist. 6. can. 3.

(c) *S. Thom. 1. 2. q. 67. a. 2. in corp.*

fit usque adeo obtusi, ut nihil aut ferè nihil possit intelligere; elementa maximè necessaria discat memoriter, Actumque fidei, suggerente Confessario, de præcipuis Articulis emitat; vel etiam, eodem interrogante num hunc & hunc Articulum credat, credere se toto corde respondeat; ac tandem, si nihil aliundè obstat, in sua simplicitate absolvatur.

Cùm subest aliquis metuendi locus ne Pœnitentem offendant prævia interrogatio; datâ occasione, in Confessionis decursu sagacissimè interrogetur. Ubi autem accedit Pœnitens quem noverit Sacerdos eâ in voluntate perseverantem, eâ causâ implicitum, propter quam non sit Absolutionis capax; ipsum, rebus adhuc integris, anteoccupet, seque ad officium reflectere compellat: abnuentis vtrò Confessionem non audiat; ne fortè, si confessus obtemperare velit, & propterea dimittendus sit inabsolutus, justè conqueratur, & dicat confitentem audiri à Sacerdote non oportuisse, quem non absolvere priùs ipse constituisset.

PRÆMISSIS interrogationibus & monitionibus quas prudentia in antecessum instituendas suggesserit, Confessarius Pœnitenti se accusanti patienter attentamque aurem accommodabit. Si nullam aut levissimam conscientie disquisitionem præmisisse videatur, cùm nempe delictorum speciem, numerum & circumstantias non luculenter evolvat, sed omnia confusè conglobatimque effundat; eum leniter dimittet Sacerdos, præfixo tempore non longin-

quo ut redeat paratior. Priùs tamen quibusdam interrogationibus detegendum erit num aliqua subit peccati lethalis consuetudo vel occasio proxima; num restituendi, aliterve satisfaciendi onus incumbat; ut præmonitus Pœnitens exequenda exequatur, antequàm redeat. Si autem examinis instituendi modum nesciat, eum illi explicabit Confessarius, & quàm facillimum præstare conabitur. Si præ nimia tantummodò simplicitate nullam sui recognitionem præmiserit, illum statim interrogationum ope discutiet; ac tandem quàm poterit perfectissimè dispositum atque ad Contritionem excitatum, modò tamen bonæ voluntatis sincerique animi eum esse agnoverit, pro sua prudentia cautus absolvet. Sunt Pœnitentes adeo rudes, ut, si sibi omnino relictî, nunquam se profundius discursuri, neque rectius accusaturi essent. Hi quidem omnimodâ facilitate alliciendi, & plurimâ benignitate perierendi sunt. His maxime necessarius est conscientie moderator, cujus benevolâ charitate perlustrantur interius caligantes, confirmantur in accusatione laborantes, sublevantur animo concepta difficilè & perplexè reddentes, adjuvantur memorie defectu hæsitantes; sicque integram sensum emittant Confessionem, qui ne dimidiatam quidem emittere aliter potuissent. Si tamen Confessarius aliquem hujusmodi pertentans, ipsius conscientiam multis ac difficilibus Casibus implicitam sentiret; ipsum congruis monitis ac documentis præformatum, deberet quidem ad certum tempus dimittere; quo quidem intervallo, conscientie late-

bras sinusque omnes pro suo capto scrutaretur. Si verò non acquiesceret; meritò judicaretur nolle integrè confiteri, detrectans nempe sui disquisitionem in tali casu evidenter necessariam præmittere. Cum ille ad aperiendam conscriptam potiore studio preparatus redierit, eum Confessarius quàm poterit maximè in hoc tanti momenti negotio adjuvet.

Porrò Sacerdos Confessionem Pœnitentis sese accusantis nunquam interrumpet; nisi fortè, eò quòd delictorum speciem, numerum & circumstantias non satis evolvat, sit ille interrogandus, vel de re maximi momenti admonendus, quam Sacerdos ipse post auditam Confessionem oblivisci facillè posset. Si v. g. inimicitiam, maledicentiam, furtum confiteatur; statim obiter præcipienda est reconciliatio, famæ vel rei ablata restitutio, à quibus, *silente* Confessario, immunes se existimarent imperiti. Auditis Casibus vel Censuris ad quæ relaxanda non polleat Sacerdos, moneatur Pœnitens ut Superiorem conveniat, neque inceptam Confessionem frustra persequatur; nisi Confessarius licentiam sibi ad hoc necessariam à Nobis aut Vicario nostro generali obtinendam prudenter censeat. Si nihil moræ similis occurrat; Pœnitentem se confitenter accusantem audierit silens, ne cogitatum ordinem inturbet, unde alicui omissioni locum præbeat. Quanto tempore se accusat Pœnitens, non ejus peccata verbis exaggeret; multò mi-

nus eum corripiat. Non hoc tempus increpandi; tunc potius est suggerenda fiducia, & adjuvanda confitendi sinceritas, interposito, si opus fuerit, aliquo benignitatis alloquio. Si pœnitens, dum peccata confiteatur, hæc non satis dolere videatur; non tunc illi exprobranda est cordis duritia, sed finis Confessionis expectandus, ut cor ejus ad Contritionem verbis convenientibus emolliatur.

PERACTA Pœnitentis Confessione, si fortè sit suspicandi locus ipsum oblivione aut ignorantia peccatum aliquod omisisse, vel metu aut pudore tacuisse, Sacerdos illum de peccatis in sua conditione frequentioribus benignè interrogabit. Quinimò, si utile fore videatur, Dei & Ecclesiæ Mandata percurrat, septemque peccata capitalia, & singula suscepti instituti officia. Pauci quidem sunt qui interrogationibus non indigeant. Sunt qui delicta, etiam gravia, plerumque non confiterentur, nisi sapiens Confessarius in tenebrose conscientie latebris faciem præferret, ut occulta *cordis pravi & inscrutabilis* sibi manifesta fierent (*d*). » Dili- » gens igitur inquisitor, & subtilis » investigator, sapienter & quasi » astutè interroget à peccatore quod » forsitan ignoret, vel verecundè » velit occultare (*e*). Scilicet non » nulla occulta subtiliter sunt scruta- » tanda, ut, quibusdam signis erum- » pentibus, Rector in subditorum » mente omne quod clausum latet

(*d*) Jerem. 17. 9.

(*e*) S. Aug. de vera & falsa Pœnit.

ap. S. Bonav. in Confessionali, cap. 2.

» inveniatur, & ex minimis majora
» cognoscat (f). »

Nec vulgò ipsi politiores, nempe in civili societate & negotiis verfatissimi, ad justam sui recognitionem sibi sufficiunt. *Filii enim hujus seculi* in rebus temporalibus quàm in spiritualibus prudentiores sunt (g); in his etiam non rarò cæci inveniuntur. Plerique homines in mundo viventes, dum ea quibus implicantur, negotia & vitæ munia leviter considerant, in ipsis, aut nihil, aut serè nihil peccati à se commissi, ut plurimum, agnoscunt. Inviçto se atque invulneratos in spirituali acie stetitisse arbitrantur: *nesciunt ubi corruant* (h), eò profundius vulnerati, quòd vulnera sua non sentiunt. *In se, tanquam justi, confidunt* (i); superbiq; illius instat Pharisæi, *Deo gratias agunt, quòd non sunt sicut ceteri hominum, raptores, injusti, adulteri, homicidæ* (k); & ipsi, atrocioribus istis carentes flagitiis quæ hominibus ad seculi genium probis commisisse pudor esset, impletam à se omnem justitiam putant; uno verbo quid confiteri debeant, propemodùm nesciunt. Cæcis hujusmodi voluntariis lux est offerenda; & malè securæ conscientiæ, ut salubriter obturbentur, diligentius explorandæ sunt.

Facile autem evanescet hic præjudicatus innocentie error tam multos Christianos illudens, si præfatum attento paulisper animo cogitent suæ conditionis officia, in qui-

bus se deliquisse pauci ultro confitentur, quæ tamen latius patent quàm plerique suspicantur. Atque hic, ipsa etiam generalia intelligimus mariti & uxoris, patris & matris-familiæ, filii & filix, heri & famuli nomina. Suam quisque vocationem videat; ejusque munia Religionè consecrata investiget, criminofam in iis adimplendis negligentiam recognoscens, quâ fortasse diù vixit contaminatus. In hac verò disquisitione rudiores adjuvet ipse Confessarius; cui nempe, ut sui ministerii finem assequatur, perspectum atque exploratum esse debet quid muneris imponat quæque societatis conditio. Aliud peccat miles, aliud judex, aliud mercator, aliud artifex, &c. Sunt peccata omissionis quæ rarò exprimuntur. Qui dives est, an non pauperibus elemosynam, pro modo facultatum, largiri omisit? Qui Superior est, an non corripere subjectos neglexit? &c. Sunt peccata quæ quisque solus commisit; alia sunt quibus cooperatus est; alia quæ prohibere debuit, nec tamen prohibuit.

Itaque Sacerdos, postquàm confessi fuerint Pœnitentes, plerosque altius exploret; *delicta enim quis intelligit* (l)? Multi ea sibi dissimulant; multi, pudore, metu aut malitiâ, gravissimum arguentis conscientie crimen occultant. *Fili hominis, fode parietem, & vide abominationes intus repressas* (m). Lumen injice in tenebrosam victorum

(f) S. Greg. Reg. Past. part. 2. c. 10. (al. 21.)

(g) Luc. 16. 8.

(h) Prov. 4. 19.

(i) Luc. 18. 9.

(k) Ibid. v. 11.

(l) Ps. 18.

(m) Ezech. 8. 3.

profunditatem; & quod plerumque homo sibi ipse internâ cecitate non imputat ad culpam, id, per sapientes interrogationes discussâ caligine, tandem agnoscere quasi compellitur. Quoniam verò sæpè multis simulationum integumentis additur & quasi obducto quodam velo premitur uniuscujusque natura, ne se, qualis sit, introspicendum præbear exploranti; satis intelligitur summâ non rarò perspicaciâ opus esse, ut qui se nolit nisi obliquâ imagine dimidium cerni, adversâ facie rotus manifestusque conspiciatur.

Confessarius igitur tot & tales præmittat, interlerat, subjungat interrogationes, quot & quales ad Confessionis integritatem Pœnitentisque salutem necessarias atque utiles prudentes judicaverit. Abstineat autem ab insipienti quæstionum profluvio, quo fatigari vel offendi posset Pœnitens. Abstineat ab interrogationibus ineptis, ac personarum ætati, sexui, conditioni nullomodo convenientibus. *Aliter nempe interrogandus vir, aliter fœmina; aliter nupta, aliter vidua, aliter innupta; aliter cælebs, aliter familiæ regimine implicitus; aliter nobilis, aliter plebeius; aliter dives, aliter inops; aliter herus, aliter famulus, &c.* De criminibus insolitis, aut communiter ignotis minimè interroget, nisi urgeat causa aliqua specialis. Si quando, consentientium turbis affluentibus, Pœnitentes maximè rudes occurrant, quibus necessariæ sint plurimæ interrogationes & longa disquisitionis, undè mora expectantibus molesta traheretur; ad aliam diem

horamve commodiorem dimittendi erunt. Si quis autem eâ mente se postulet à Confessario interrogari, ut non confiteatur nisi ad interrogata respondens; nequaquam illi obsequendum erit, sed potius eum leniter inducere oportebit ad seipsum, præmissis diligenti examine, accusandum. Qui si fortè modum accusationis ignoret, à Confessario edoceatur; nisi tamen sit persona tam simplex & rudis, ut sine interrogationis perpetuæ subsidio peccata confiteri omnino non posse judicetur.

JAM verò Sacerdotis interrogationes summa dirigat prudentia & singularis verecundia. « Diligenter & » cautè peccata inquirat & circumstantias; ita ut simplicibus » det materiam confitendi, & sua » peccata detegendi, nec eos di- » rectè vel indirectè instruat ad ma- » lum (n). » Itaque videat, ubi agitur de peccatis contra sextum Decalogi præceptum, ne juvenes, fœminei præsertim sextus, id quod feliciter ignorant, imprudenter edoceat, sicque ipsis, per incautas interrogationes, scandalo & exitio vertatur fons ædificationis & salutis. Si quis Pœnitens inhonestâ quædam obscurè ac timidè confiteatur, circumspicte vulnus detegat Sacerdos; ne ingentem, quam suspicatur, labem introspicere volens, ignotæ labis afflatu animam hæcenus puram commaculet. Sapienter quidem ager, si in scrutando immunditiæ cœno diutius non immoretur; illi enim & Pœnitenti nocere posset vapor

(n) *Syn. Carnot. an. 1516.*

indè emergens. Intellectâ peccati speciei & circumstantiis multum aggravanribus, nihil ulterius inquirat. Quomodo commissum fuerit peccatum, quid ante, quid post illud contigerit, non scilicetetur: clara sufficiat finalis actûs accusatio.

Cùm verò humanæ salutis inimicus plurimos tam pudentes in confitendo faciat, quàm protervos in peccando fecerat; si prudenter metuat Sacerdos ne certa quadam peccata texitur Pœnitens malè verecundus, de quibus omnino siluerit, eum de pravis cogitationibus primùm interroget. Si perfectæ innocentie opinionem afferat simplicitas responsonis, nihil eâ de re adjiciet. Si non defuerint cogitationes; querendum erit à Pœnitente an iis consenserit, vel spontè immoratus fuerit? Responso negativa rem transiget: affirmativa locum dabit cogitationum occasionem & numerum inquirendi. Si ferat ætas, quæri statim poterit an fuerint cogitationes contra castitatem? Si verò cum junioribus agatur, quibus ignotum sit carnis vitium; nec iis illud nominari, sed ab ipsis, quid cogitaverint, elici oportebit: ac demùm haud impuri forsitan generis cogitationes inveniuntur. Si quid labis (heu! sæpius juveniles annos contaminantis) detexerit Sacerdos; per gradus cautissimè progrediatur ad desideria, ad turpia colloquia, ad librorum impudicorum lectionem, ad varia denique *opera tenebrarum* (o). Timore & pudore correptum benignè confirmet: se quidem ægrè, sed necessariò interrogationes adhibere; per

integram Confessionem utique salvandum esse Pœnitentem, per dimidiatam verò damnandum. Quæstionum diuturnitate laborantem sublevert, ad aliam descedens materiam, ut postea sagaciter ad id quod detegendum superfuert, sermonem retorqueat. Timidos de exterioribus occasionibus interrogari nonnunquam juvabit: an non fortè aliquando in vitiosorum cœtu interfuerint? an non ex malè actis vel dictis aliquam ceperint voluptatem? an pravam exemplum secuti sint? Data ex responsonibus occasione, investigandum erit num inhonesta verba protulerint? num periculosas inierint societates? num paulò liberior quidquam in se vel in alios fecerint, aut in se fieri permiserint? Nec pigebit solertem Confessarium, si, longè petità inquisitione, sensim in rem quasi intactam irrepens, pudibundum eò adducat, ut peccatum quod hæcenus patefacere ausus non fuerit, ultro fateatur. Quinimò, si ferat Pœnitentis indoles, proderit quandoque ut Confessarius in medias res, quasi magna ex parte cognitâ, pleno aditu irrumpat, statim querens quotiès *tale* peccatum admiserit? & numerum ingentem in medium afferens, ne gravetur ille minorem fateri. Quibusdam scilicet non leviorè difficultatè facessit numerus delictorum aperiendus, quàm ipsa speciei gravitas. Videant igitur Confessarii diligenter ut hac etiam in parte, quantum poterunt, liberrimæ Confessionis sinceritatem eliciant atque adjuvent.

De solitario carnis opere (in puel-

lis præsertim ac forminis) magna est difficultas ac sine periculo inquiritur, cum subest aliqua suspicio. Sunt enim qui tristem animum dissimulantes & nimio contractum timore, abscondunt peccatum suum, & celant in sinu iniquitatem suam (p). Attamen omni ope atque operâ enitendum Sacerdoti erit, ut tectissimam illam corporis animæque pestem ignominieque passionem detegat & reprimat (q) : quam quidem inter opera illicita contineri quidam fortasse non intelligunt, traditi nempe in desideria cordis eorum in immunditiam, ut contumeliosi afficiant corpora sua in semetipsis (r).

A conjugibus inquiritur, num forte aliquid jurgii duos in carne una conjunctos diviset? Si quid hujusmodi fateantur, detegendum erit num eâ occasione debitum conjugale sine justa causa denegaverint? Denique circa usum Matrimonii generatim quæretur, an aliquid fecerint vel in se fieri permiserint unde gravetur conscientia? Multi enim, eo quod sint conjuges, omnia sibi in præsentî negotio licere arbitrantur. Multæ verò mulieres id quod suæ honestati repugnat, maritis invito animo concedunt, nec suam audent anxietatem conscientie moderatori explicare. Timorem hujusmodi periculosum tandem aliquandò excitant; nec malo pudore cœtceantur quominus edoceri se postulent circa obsequii sui limites, uno verbo circa

illud omne quod suæ conscientie gravamen afferat legitimum. Illo enim pudore, si non vincatur, scelera sceleribus, sacrilegia sacrilegiis, ut plurimum, cumulantur. Opportunè igitur admonente sapienti & vetecundo Confessario, id intelligant non licere quod sola suggerat libido; multòque criminiosius illud attentari, quod sit contra naturam, vel quod Matrimonii finem impedire possit.

Studeat verò Sacerdos in his explorandis sobrium ac decentem prudentiæ modum tenere. Si enim sæda hujusmodi peccata impensius exquirat, timendum erit ne suo & Pœnitentium pudori aliquod ponat offendiculum: si, è contrario, vocem præcludat nimium timidus pudor, periculum erit ne vitus in intimo cordis recessu æternum delitescat. Multum ergò « necesse est ut Confessor habeat artem hanc obstetricandi spirituales, ad educendum colubrum tortuosum ex anima Pœnitentis (s). » Oblatâ occasione, & præcognitâ indole, tantum interroget ac doceat Pœnitentiæ Ministri, quantum necesse videbitur ut statum Pœnitentis ipse intelligat; ut Pœnitens licitum ab illicito faciliè discernat; ut demùm postea connubium honestius sanctiusque tractetur (t). Perspicue loquatur, attamen castè & honestè; nunquam autem curiosè. Eum aliquid in hac materia ignorare satius est, quàm committere ut, si tetigerit picem incautus, inquinetur ab ea (u); dum-

(p) *Esther* 15. 8. *Job* 31. 33.

(q) *Rom.* 1. 16.

(r) *Ibid.* v. 14.

(s) *Gerfon*, tom. 2. pag. 448.

(t) *Ecclesi.* 13. 1.

(u) *Ecclesi.* 12. 1. Vide infra, de Sacramento Matrim. Div. II, cap. 1. circa med.

que aliorum fœditates abstergere facit, ipse aliquam in se reportet fœditatem, si (quod longè absit) altius impressæ vitiorum imagines Sacerdotalis animæ candorem afficiant ac serenitatem obnubilent. Quod malum, ne cui Sacerdoti eveniat, utque teterrimam illam immunditiæ labem scrutari possit inoffensus, omnis puritatis auctorem vividâ mentis elevatione identidem invocet. Sic nempe, quemadmodum radii solares in cœnum immerſi nullam contrahunt maculam, ita mens Confessarii alienæ iniquitatis contagione illæsa atque incorrupta permanebit.

Ipse verò meminerit, se, nisi adhibita singulari industriâ, juvenum imprimis ac mulierum occulta peccata detegere non posse. Confessarium, quæ molestum inquisitorem, formidare solet juvenus. Præterea sexus quem maximè decet pudor, & quem maximè pudet eum violasse, pravi timoris fræno cohibetur, ne se vulneratum ostendar, si quando venerit ut incautam animam *serpens momorderit in silentio* (x). Tunc certè sagaci & prudenti exploratore opus est, qui *profundus corde* introspiciat (y), & latentia vulnera, quibus medeatur, admotâ luce, detegat. Felix utique, si patientiâ, solertiâ, sapientibusque interrogationibus, ex alto malæ verecundiæ puteo veritatem aliquandò extrahat, quam omnino celare constituunt tam militi cuiuslibet sexûs, ætatis & conditionis Pœnitentes!

Cùm, incœptâ Confessione, Pœnitentis animum tam vehementer occupant amaritudo & pudor, ut ei vocem præcludere, vel potius linguam subito constringere videantur (quod sæpè fit, quandò scelera & gravitate & numero infanda sunt); cavendum Sacerdoti est ne per ulum sive stuporis sive horroris indicium, verbo aut suspitio edictum, augendo timori locum præbeat. Ipse potius, sermone ad mansuetudinem & miserationem composito, animam *sicut angustia parturientis* laborantem adjuvet (z), omnibusque charitatis illecebris liberrimam atque integerrimam Confessionem eliciat. Modò *usque ad cælos* immensam *Dei misericordiam magnificet* (a); modò tertiorem, quam sibi fingit tremefactus animus, criminum suorum imaginem discutiât, ea partim in mali dæmonis astutias, partim in libidinum vehementiam, in fragilitatem, in ignorantiam refundens; quoadusque peccator conscientiam penitus exoneraverit, flagitiorumque virus absolutissimâ Confessione totum evomuerit. Multùm etiam proderit ut longè omnium gravissimum hoc scelus fore intelligat, si Confessionem emittens, non modò imperfectam atque irritam, sed ita noxiam ut è Sacramento sacrilegium fiat, divinitus constituto sceleris remedio in suam perniciem abutatur.

Quinimò plurimùm juvabit aliquoties, si malè verecundo Pœnitenti affirmet Sacerdos plures in cælo summâ felicitate perfrui, qui olim

(x) *Ecd.* 10. 11.
(y) *Is.* 29. 25.

(z) *Is.* 21. 3.
(a) *Pf.* 56.

graviter peccaverunt, & sincerè confessi, iustificati sunt. Quòd si adhuc non exeat *demonium mutum* (b), blanda & suavi allocutione capter fiduciam: sibi haud ignotam naturæ corruptionem; humanum esse peccare, divinum confitenti parcere: eum qui peccata confitetur, non homini, sed Deo cor suum aperire; nihil denique majori unquam ei futurum solatio, quàm si ejus in gremio, qui Patris misericordiarum legatus est ac Minister, delictorum onus fidenti animo deponat. Cùm demùm *soluta* præpedit *lingua vinculo* (c), accusationem ab eo numeris omnibus absolutam elicerit, totamque vulnorum saniem altà egestionem expresserit; tum ei scelerum multitudinem, fœditatem atque atrocitatem objiciat, quantum necesse videbitur ut ad veram Contritionem justæque pœnitentiæ acceptionem possit feliciter adduci,

QUANDOQUIDEM Confessio, ut legitima censeatur, integra esse debet; qui lethale peccatum aut circumstantiam multum aggravantem, timore, pudore, malitiâ celavit, vel supinâ incuriâ, seu examinis defectu omisit, hic ejusmodi Confessionem ac deinceps eadem malâ fide emissas iterare tenetur, nisi eundem Confessarium adeat; tunc enim sufficit culpæ celatæ vel omisitæ, & sacrilegii vel sacrilegiorum declaratio, cum generali vel summarum perstrictâ eorum omnium ac-

cusatione; quæ, tum in Confessione non integrâ, tum in Confessionibus intermediis singulatim expressa fuerint, & quorum sufficiens memoria Sacerdotis animo non exciderit. Secus autem, si novus sit conscientie moderator, vel si apud alium Sacerdotem emissâ fuerit intermedia Confessio; quæ quidem iteranda erit. Secus pariter, si statum Pœnitentis non ita reminiscatur Confessarius, ut sine Confessionis iteratæ subsidio, judicare non possit an ligari, an solvi eum oporteat. Aliis præterea modis irrita esse potest Confessio; de quibus inferius dicetur (d).

Sua autem Confessioni deesse non censetur integritas, neque illius necessaria est iteratio, si quis per inculpabilem oblivionem, vel per levem incuriam, aliquod peccatum, etiam lethale, silentio prætermiserit (e). Tunc requiritur & sufficit ut peccatum omissum, cæteris generatim declaratis, in sequenti Confessione exprimat (f). Quod enim aut nullâ aut levi culpâ omisit, hoc sibi cum cæteris confessis in bona fide sua dimissum confidere meritò potest.

Porro, licet Pœnitens ad confitenda venialia aut venialium circumstantias minimè teneatur, si quis tamen, altetutra celans, ex errore sibi fingeret se non venialiter, sed lethaliter peccare, aut sacrilegium committere, vel si etiam de hoc dubitaret; eo ipso, vel peccati lethali-

(b) *Luc. 11. 14.* (c) *Marc. 7. 33.*

(d) *Div. VI. cap. 6.*

(e) *Conc. Trid. Sess. 14. cap. 5. de Confess.*

(f) *S. Thom. in suppl. 4. 9. a. 2. Alex. VII. an. 1665. Comit. Cleri Gallic. an. 1700.*

lis, vel sacrilegii reus, id certè expri-
mire & Confessionem iterare de-
beret, nisi fortè anxietatem illam
peperissent scrupuli, adèd ut vera
dubitatio censerì non posset. Qui
autem non scrupulosi dubitant utrùm
aliquid lethale commiserint, vel
utrùm culpa quam admiserunt, le-
thalis sit aut venialis, id quidem,
sub sacrilegii reatu, confiteri tenen-
tur, atque insupèr suam dubitatio-
nem Confessario exponere, qui,
perpensis circumstantiis, in æquitate
judicet.

Cum Pœnitens aliquâ in culpâ se
esse diffitetur, quam tamen ab eo
commisissam aliundè accepit Confes-
sarius; si rumor incertus sit, Pœnitens-
que nullâ de causâ suspectus videat-
ur, debet Sacerdos Pœnitenti cre-
dere, eumque aliâs dispositum ab-
solvere. Si autem ei non immeritò
diffidat, sic se gerat, ut Pœnitens
hanc diffidentiam ne suspicari qui-
dem possit; sed probabili, si qua sit,
adductâ causâ, Absolutionem sus-
pendat, donec rei veritatem perspec-
tam habere poterit; nisi fortè Pœ-
nitentem urgeat Confessionis termi-
nandæ necessitas: quo quidem in ca-
su, si, celato peccato, sacrilegus
esse non perhorrescat, sua illi im-
putanda erit perditio (g). Officio
functus erit Sacerdos; tunc enim
Pœnitens, in foro conscientie, reus,
accusator & testis unus fuit pro se &
contra se audiendus. Et quidem fieri
potest ut falsum Confessatio narra-
tum fuerit, aut certè Pœnitens ab
alio Presbytero delicti Absolutio-
nem obrinuerit.

Si autem Confessario indubitata
constet celatæ rei notitia, non quia
factum ex rumoribus audierit, sed
quia, dum ageretur, ipse viderit,
aut pluribus & omni exceptiohe ma-
joribus testimoniis exploratissimè
(non tamen Confessionis viâ) res-
civerit, prætereaque pro certo ha-
beat Pœnitentem nemini fuisse ab
illo tempore confessum; tunc pote-
rit apertis interrogationibus eum ur-
gere. Si verò neget pertinaciter, mi-
nimè absolvatur, tanquam mani-
festè indignus. Dei iudicium exer-
cens Confessarius, tunc secundùm
veritatem sibi evidenter cognitam,
non secundùm falsò allegata, recla-
mante conscientia, judicet.

Quòd si delictum à Pœnitente
celatum ex aliena duntaxat Confes-
sione Sacerdoti innotuerit, hunc de
illo tantâ cautione & dexteritate in-
terroget, ut ne levissimam quidem
afferat peccati alienâ Confessione de-
recti suspicionem. Ad rem non sta-
tim deveniat; sed inter alias, quasi
obiter, de ipsâ inquirat, perindè ac
si alterum quemvis exploraret. Si in-
terrogatus negaverit, & aliqua sub-
sistat maturandæ Absolutionis causa, cum,
alio quolibet cessante impedinen-
to, absolvat. Si autem nulla ur-
geat necessitas, hominem, atrepto
dilationis prætextu legitimo, leniter
dimitrat, cum priùs ipsum (modò
tamen sinar prudentia) ad diligen-
tioris sui recognitionem hortatus
fuerit. Interim ipse Deum roget ut
labia ejus aperiat, eique integrè con-
sistendi gratiam largiatur. Ubi ad
sacrum Tribunal redierit, illum,
eadem adhibita circumspectione,

(g) *Osce*, 13. 9.

iusus interrogabit; qui si negare perleveret, neque aliud quidquam impediatur, fieri non poterit quin absolvarur. Nec verò poterit Sacerdos sacrilegam in celando peccato contumaciam huic objicere, ut habeat undè hunc Absolutione indignum pronuntiet; sic enim Sacramenti sigillura obliquè violaret. In huiusmodi casu, quemadmodum in plurimis, solus in propria causa audiendus est Pœnitens; cùm præsertim fieri possit ut ei falsum crimen alterius Confessione illatum fuerit, vel certè ab alio Sacerdote Absolutionem impetraverit. Ipse quidem, si non sincerè confiteatur, profanati Sacramenti reus est; Confessarius autem, secundum allegata iudicans, *animam suam liberavit*.

Quod si Sacerdos, præter Confessionis viam, alià insuper viâ vel proprio contuitu delictum resciverit quod à Pœniente celatur; eâ cognitione (ut superius dictum est) circa obturatam ejusmodi conscientiam uti poterit, dummodò cognitionis per alienam Confessionem acquisitæ vel levissima suspicio removeatur. Nla igitur peccati manifestatio exterior, cùm præsertim nullum relinquit dubio locum, falso Pœnienti reveletur, si nihil aliundè occurrat incommodi: ac tandem, si convictus non fateatur, si pariter constet eum nullâ intermediâ Confessione purgatum, dimittatur inabsolutus & in misericordia correptus (h).

HACTENUS de Confessione Pœnitentium in quibus integra viget

loquendi atque audiendi facultas. Nunc de mutotum & surdorum Confessione quædam sunt breviter exponenda.

Si quis mutus velit confiteri, & scribendi sit peritus, scripto confiteatur; lectamque Confessionem ei reddat Sacerdos. Si autem scribere nesciat, absolvi tamen poterit, etiam extra casum necessitatis, dummodò suam conscientiam, animi dolorem & peccatorum detestationem per nutus & signa Confessario manifestet. Confessionem videlicet tam integram quàm pro sui status difficultate potest, censetur emitte; quod quidem sufficit ut Absolutionis sacramentalis beneficium ei legitime concedatur. Sed quoniam huiusmodi hominum dispositiones vix unquam satis manifestæ eminent, suggerit debita Sacramento reverentia ut non faciliè absolvantur, nisi quandò urget præceptum, aut illud exigere videtur aliqua circumstantia prudenti Confessario judicanda.

Quod spectat surdos, vel tam graviter audientes, ut ad ipsos in Confessione alloquendos multà opus sit vocis contentione: ii quidem, cùm nemo adest in Ecclesia, contentes audiantur; & si animo contritos se exhibeant, atque impositam sibi Pœnitentiam intelligant, absolvantur. Cùm ejusmodi Pœnitens occurrit adeò rudis & indocutus, ut disquisitione ulteriore certisque documentis indigeat; à Confessario eligatur aliud tempus, quo paulisper eum sono vocis elatiore discutat atque erudiat. Si multo

labore vix audiat; utcumque confessum, ac divinæ misericordiæ commendatum absolvat.

Sunt autem aliquandò vel ab ortu surdi & muti plurimo ingenii acumine pollentes, & qui res intellectui difficillimas per signa plerumque attingunt. Quinimò sunt qui malitiam & corruptæ mentis incredibi-

lem ostendunt pravitatem. Diligenter investiget Sacerdos num hujusmodi Pœnitentes de Religione satis edocti sint, & de commillis peccatis satis contriti, ut censeantur Absolutionis capaces. Porro circa mutos & surdos, extra mortis periculum, consulatur Pontifex Diœcesanus.

C A P U T I I.

QUANTA sit Confessario necessària prudentia, ut convenientem cuique morbo spirituali medelam attemperet, ac Pœnitentes*, pro cuiusque ingenio, rectè salubriterque dirigat.

Non sufficit morborum spiritualium cognitio: necessaria est insuper varia medendi ratio; pro delictorum personarumque varietate. Introspectienda cuiusque Pœnitentis indoles. Quomodò tractandi impudentes, pusillanimes & dejecti, instabiles, &c. Alii terrendi, alii consolandi. Varii morbi spirituales Confessario curandi. Generalia ipsorum remedia.

MAXIME quidem refert ad suscipiendam ægrotantis curationem, ut priùs certò dignoscatur quid sit illud quod morbum constituat; & hæc procul dubio artis medicæ pars inter cæteras non minimæ necessitatis est. Quomodò enim curati possit is morbus cujus natura ignoretur? Et quàm periculosa eisset ea medela, quæ, malè præjudicato morbi statu, adhiberetur! Veturamen in cognitione morbi si quis hæreat, nullum ægro levamen accedet. Rectè ergo in arte medica instar axiomatis ponitur: *Non inverte est quid faciat morbum, sed quid*

tollat (1). Quantò autem graviores ac difficiliore morbi sunt animi quam corporis, tantò petitiore atque solertiores medicos requirunt.

(1) Cels.

ITAQUE medico animarum non modò scitè exploranda & accuratè dignoscenda sunt humani cordis vulnera, sed etiam eorum varietati sapientissimè attemperanda est medendi ratio. Neque enim omnis morbus uno eodemque modo curatur: & quemadmodum, in medicina corporum, alia aliis ægrotationibus solent adhiberi remedia, sic in morbis spiritualibus diversà

& singulis congruâ curatione opus est ad reducendam sanitatem. Scilicet alia superbo, alia iracundo, alia invido, alia impudico, alia vinolento, alia maledico, alia demum alio animi morbo affectis admovenda est medela. Quot sunt malorum species, tot se veluti formis multiplicem exhibeat ars mendi. Alius aliter admonendus, exhortandus, corripendus, pœnitentiâ afficiendus: aliter juvenis, aliter senex; aliter puella, aliter nupta; aliter artifex, aliter agricola; aliter forensis, aliter mercator: aliter *optimates*, *capita populorum* (a), ii nempe quorum virtutes aut vitia tantam in mores publicos vim & efficientiam habent, & quorum conscientia non raro ceca & præjudicatis natalium opinionibus laborans, tantam requirit in ea perscrutanda moderandaque solertiam; aliter plebeiorum inopumque multitudo, quorum obscuritate magnæ virtutes magnaque vitia teguntur, & qui, pro varietate conditionum & personarum, variè dirigendi sunt, ut, sive à pristinis vitiis curentur, sive in virtutis assuetudine roborentur, tantòque utiliores cives, quantò perfectiores Christiani efficiantur.

Jam verò ut medico natura & temperatio cujusque corporis apprime cognoscenda est, ut ei modum curandi accommodet, alioquin, imperitè inopportunèque subministratis remediis, mortem agro acceleraret potius quàm sanitatem restitueret; sic & Confessario dignoscenda est cujusque Pœnitentis

indoles animique habitudo. In quâ quidem investigatione plurimum juvabitur, si diligenter advertat quanam in Pœnitente frequentiores sint causæ peccati: an quis legem violaverit ex inscitia, an fragilitate an corrupte mentis nequitia; repentinæ tentationis impulsu, an præmeditato facinore; abripiente improborum societate, & vivente exemplorum perversitate, an ultrò & præcipiti facilitate animi diligentis iniquitatem: an invidia, an vindictâ proximo nocuerit; an levitate, an malignitate maledicentiam exercuerit.

Hæc & similia, pro ingeniorum varietate, si opportunè detexerit Confessarius, poterit quidem, eâ cognitione fretus, consilia, monita, hortamenta, reprehensiones, satisfactiones saluberrimum in modum instituire; «omniumque animos» noscens, tanquam singulorum «mentes suâ mente gesser, prout» cujusque naturam & mores perspexerit, hunc severus, illum «blandus aggredietur (b)». Deficiente verò prudentiâ, cujus profundissimo intuitu, Pœnitentis ingenium, verumque statum exploret atque introspiciat, ipsumque, pro variis animi morbis, rerumque adjunctis, cautissimè dirigat; vergent necessario cuncta in detrimentum: consilia præpostera, remedia inutilia, imò noxia; Pœnitentiæ leviores, aut graviore; Absolutiones cæco imperi concessæ, vel denegatæ; licentia peccandi sota, non repressæ; animis timoratis injecti scrupuli, induratis peccatoribus malè suggesta

(a) *Amos*, 6. 1. (b) *S. Hilar. Arel.* in ob. *S. Honor.*

fiducia; pro consolatione incussus terror, pro terrore imperita consolatio; pro mansuetudine sæviens duritia, pro rigore blandiens molities.

Sic igitur in Pœnitentiæ Ministro indagatrix atque consultrix opportunitatum omnium sapientia. Studeat imprimis verum falsumque Pœnitentem internoscere. Fictæ Pœnitentiæ larvam iis detrahat, qui, intractum turpes, speciosam sibi virtutis pellem induere contendunt. In aure impij peccatorisque obstinati detonet sonitus terroris: sinceri Pœnitentis autem demulceat suspirus blandissimæ consolationis. Quod si verò permagni refert ut nimia reundatur confidentia, non minoris momenti est ut animi dejectio expellatur. Timidum erigat Sacerdos, ne à Confessione avertatur, factus malè confusus (e). Ad protervos loquatur verba Dei fortiter; sed in multa lenitate suscipiat infirmos, consoletur pusillanimes, patiens denique sit ad omnes (d).

Si quis, elatâ fronte, non autem eâ modestiâ quæ reum sui accusatorem decet, ad sacrum Tribunal accedere videatur; in fortitudine simul & mansuetudine Spiritus Domini exponendum illi erit, quantopere dedecet superbia in humilitatis actu profundissimo: ipsum non hominis pedibus advolutum, sed JESU CHRISTI, supremi vivorum & mortuorum Judicis: ipsum, tanquam læsæ Majestatis divinæ reum & sempiternâ damnatione dignum,

instar supplicis esse debere: hic agere infiniti momenti, æternam scilicet animæ salutem: ipsum quidem nescire quâ horâ Dominus venturus sit, à mortali ævo in æternitatem vocans (e); cùm autem venerit, tunc certè nullam ab ipso reddendam esse rationem magis tremendam, quàm de Confessionibus arroganter, negligenter, inaniter emissis.

Quibus, è contrario, pusillanimis dejectaque conscientia est, si præsertim corporis constitutione melancholicâ laborent, ii quidem plenâ miserationis & mansuetudinis curâ tractandi sunt. Cùm ejusmodi Pœnitens aliquid solito gravius commiserit, cavendum est ne calamus jam quassatus confringatur (f), id est, ne animus, jam nimium dejectus, fiat ultra modum iniquies. Quod si videatur ob delictorum gravitatem, aut etiam ob quotidianos levesque lapsus, immodicâ tristitiâ premi, arque in desperationem vergere; investigandum primò erit, num fortè peccatum aliquod hætenus minimè declaratum, vel non satis evolutum, in penetralibus animi, quasi serpenterem in sinu, abscondar, unde miserrimum in modum torqueatur ejus conscientia. Quæ quidem suspicio vel solâ responsionis difficultate aut etiam ambiguitate confirmabitur: & tunc multâ dulcedine sermonis eò adducendus erit malè verecundus Pœnitens, ut tandem integrè & liberrimè confiteatur, sicque amissam pacem & Spiritus sancti consolationem recipere.

(e) Pf. 73.

(d) 1. Thess. 5. 14.

(e) Matth. 24. 42. 44.

(f) 1f. 42. 3. Matth. 12. 20.

ret. Tum verò, ut penitus abigatur *desperatio animæ infelicitis* (g), exponenda illi erit certissima fidei Catholicæ veritas de Sacramenti Pœnitentiæ virtute; quæ nimirum tanta est, ut, si quis omnia solus omnium hominum peccata commisisset, perfectam nihilominus eorum remissionem esset consecuturus per Absolutionem Sacerdotis, modò ea simpliciter & quàm posset integerimè, cum dolore & firmo emendationis proposito confiteretur. Tum illi ad vivum exhibeantur exempla publicani (h) mulieris peccatricis (i), Zachari (k), larronis (l), & cætorum; qui scilicet cùm multa atque infanda peccassent, plenam à Deo misericordiam verè & ex animo pœnitentes obtinuerunt.

Si verò ejusmodi sint peccata, quæ hominem arguant solummodò instabilem, infirmum, melancholicum & inquietum; docendus erit plus æquo dejectus Pœnitens, inordinatum illum propter quotidianos lapsus dolorem, pusillanimumque perturbationem, sepius ex pravo sui amore & occultâ superbiâ enasci, quâ se quisquam eò virtutis jam provectum sibi tacite fingit, ut perfectione suâ indignum putet quòd tam sæpè delinquat, & tam frequentibus indigeat remediis. Itaque ad curandum hoc morbi genus plurimum valebit humilitas, quâ Pœnitens ipse sibi aded fragilis & in-

firmus, aded pauper vilisque videatur, ut non tam miretur quòd sæpius cadat, quàm quòd Deus adjutricem sibi manum porrigere dignetur, ne ad pejora deveniat; undè locum sumat non animi despondendi, sed potiùs humiliter ad Deum confugiendi, *sine quo nihil potest facere* (m); & quem, si naturæ mobilitate peccaverit, inventurus est sibi verè pœnitenti suavissimâ misericordiâ placabilem.

Hæc illa est discretio spirituum (n), quæ quidem singularis effectus prudentiæ esse meritò censetur, vel potiùs donum Dei præstantissimum; quod proindè Sacerdos à patre luminum enixè debet flagitare (o). Sic poterit multiformi curatione omnibus omnia fieri, ut omnes faciat salvos (p). Sic diversarum cupiditatum immodicis æstuantem illecebris (q) & variis criminum febribus laborantes (r) feliciter ad sanitatem reducet. « Febris enim nostra » avaritia est, febris nostra libi- » do est, febris nostra ambitio » est, febris nostra iracundia est » &c. » Hi & similes morbi sunt animi, cupiditates videlicet eum inflammantes atque exagitantés; quibus qui exeduntur, perpetuâ ægritudine & molestiâ tabescunt; dumque Deo sunt inimici, sibi metipsis intolerabiles pariter efficiuntur: undè secum ipsi discor-

(g) Eccli. 27. 24.

(h) Luc. 18. 10.

(i) Luc. 7. 37.

(k) Luc. 19.

(l) Luc. 23.

(m) Joan. 15. 5.

(n) 1. Cor. 12. 10.

(o) Jac. 1. 17.

(p) 1. Cor. 9. 22.

(q) S. Ambr. in Luc. l. 4.

(r) Ibid.

(s) Ibid. n. 63.

dantes, nihil quietis, nihil puræ solidæque jucunditatis gustare possunt. Adversus totam febrium spiritualium cohortem exerceri utique debet non remissus Confessarii labor, studiumque & solertia; huicque efficiendum ut homo secum ipse & cum Deo reconciliatus, videat & sentiat quàm bonum sit & quàm jucundum, compresso cupiditarum tumultu, & excusâ vitiorum tyrannide, factori & Redemptori suo in perfecta animi justitiam operantis tranquillitate servire.

PORRò generalia morborum spiritualium, seu delictorum vitiorumque remedia sunt, 1°. Oratio &

meditatio; ea præsertim quæ circa Domini Passionem & Mortem, vel circa hominis *novissima* (1), seu quatuor fines ultimos versatur: 1°. Jejunium, cæteræque corporis afflictationes prudenter injunctæ: 3°. Tum corporalia, tum spiritualia misericordiæ opera: 4°. Frequens ac legitimus Sacramentorum usus: 5°. demùm, Sollicita occasionum fuga; & recessus, sive perpetuus, sive temporarius, à tumultuosâ vitæ sollicitudinibus, vanisque sensuum oblectamentis & seculi voluptatibus.

Specialia verò remedia adversus singulas vitiorum species, pleraque ex inferiùs dicendis passim depromi poterunt.

(1) *Ecclesi.* 7. 40.

C A P U T I I I.

DE prudentia Confessarii in servando firmitudinis & mansuetudinis justo temperamento.

QUÆDAM prænotanda. In Pœnitentia ministerio vitanda nimia facilitas & nimia severitas. Firmi & mansueti animi exempla. Invocanda cælestis sapientia.

UT PRUDENTIA ex parte Confessarii finem suum assequatur, nimiam neque severitatem, neque facilitatem adhiberi oportet, justumque teneri necesse est firmitudinis ac mansuetudinis temperamentum. Hæc prudentiæ laus maxima, hic usus præcipuus; hæc ipsius veluti forma quædam atque ultima per-

fectio est: in eo quasi cardine tota propemodùm vertitur Pœnitentialis ministerii ratio, fructusque ex illo sperandus.

ITAQUE Confessarium erga se experiatur Pœnitens, & quo modo si parer, etsi tenerrimus, tamen auctoritate suâ in filium utatur, & quo modo

se cui mater blandiatur (a). Sic in Pœnitentiæ Ministro fiet quod in Pastorum Principe absoluisse contigit: sese invicem osculabuntur iustitia & pax (b), id est, iuste consulens misericordia, & pie sapiens disciplina (c). Cuius temperamenti nullâ habitâ ratione, in diversos errores olim impexit mortalium cæcitas. Alii, ceu Novatiani, misericordiam oblii, & solius iustitiæ memores, Pœnitentibus vel sanctissimè dispositis reconciliationem denegârunt; sicque, pro Religionis temperatâ severitate, retticam fanatici furoris austeritatem iactârunt. Alii, ceu Presbyteri illi contra sanctum Cyprianum tumide protervi, Dei iustitiam parvipendentes, solamque ipsius resonantes misericordiam, violatâ Pœnitentiæ disciplinâ, immaturam pacem & communionem perditissimo cuique ad nutum profuderunt (d). Ecclesia, inter abrupta & scopulosa erroris anicipitis, rectam arque illæsam custodiens disciplinam, neque iustitiâ misericordiam obsolescere, neque misericordiâ iustitiam obliterari unquam passâ est: nullum verè pœnitentem abjicit, nullum impœnitentem admittit.

Ad hanc normam se componant nostræ Diœcesis Confessarii. Non sint ex iis qui per ignaviam, per imprudentiam & officiorum incuriam, animas semper in eodem statu relinquant, inutilem, vel potius

damnosam Absolutionem cuilibet confitenti festinanter concedentes. Hi sunt, ut Scripturæ veracissimâ locutione utamur, hi sunt *Prophete insipientes, ac decipientes populum, ut interficiant animas quæ non moriuntur, & vivificent animas quæ non vivunt* (e). Longè à Confessario absit profana facilitas, quæ nervos iustæ severitatis remittens (f), morum custodem disciplinam evertit, & peccandi licentiam eo ipso fover, quo reprimi hæc debuisset. Ea ligare non timeat, quæ, pro fide sui ministerii, solvere non potest. Quod si adversus eum insurgat peccator, plus æquo severum acerbè conquerens; non tamen ab officii ac disciplinæ lege dimoveri se patiarur. «Quandò (enim) medicus languentium aut querit aut respicit voluntates, cùm semper contraria desideret & requirat infirmus? Hinc est quòd nunc ferrum, nunc iguem, nunc amara pocula ingerit & apponit invitis; ut curam sani sentiant, quam non poterant sentire ægrotantes (g).»

Sic nempè spiritalis medicus morbis faucibus peccatorum & phrenesi criminum laborantes, ad salutem etiam invitos attrahit & nolentes (h). Sedens in verendo Tribunali Sacerdos, iudex est & Dei legatus, legem ponens omni humanæ creaturæ, non homo homini cuiquam subiectus (i). Nec verò

(a) *Is.* 66. 13.

(b) *Pf.* 84.

(c) *S. Greg. l. 1. Ep. 24. Vide ejusd. Pastor. part. 2. c. 6.*

(d) *S. Cyp. de lapsis, & in Epist.*

(e) *Ezech. 13. 3, 10. 19.*

(f) *Ep. Cleri Rom. ap. S. Cyp. 30. (al. 16.)*

(g) *S. Petr. Chrysol. serm. 50. de paralyt. (h) Id. ibid.*

(i) *S. Cyp. Ep. 55. (al. 59.) §. 2. 3. 7.*

Sacerdotii vigorem caro & sanguis unquam labefaceret. Implacatus Aaroni fratri Moyses, Mariam sororem loco sancto prohibuit, donec ipsa culpam expiallet, atque à lepræ maculis fuisset omnino munda (k). Novæ Legis Sacerdos aditum novi Sanctuarii, multò quidem sanctioris, præcludat eadem firmitate animabus nondùm pœnitentibus & probatione indigentibus; etiamsi res agatur cum notis, cum familiaribus, cum potentibus, à quibus vel quoquomodo pendeat, vel quidquam speret. Sese meminerit non proprium exercere iudicium, sed Dei viventis, qui sine acceptione personarum iudicat, secundùm uniuscujusque opus (l); apud quem totius creatura dominum (m) dives & pauper, herus & famulus, summus & infimus unum sunt, pulvis & cinis (n); vasa iræ (o), si peccaverint; vasa misericordiæ (p), si pœnitentiam egerint: cuius denique iudicium si pravi cujusquam affectus vitio pervertat, ultor fururus est superemus ipse Legislator & Iudex (q). Itaque pusillum & magnum similiter liget aut solvar (r); sicque in omnes constanter & æqualiter se gerat, ut, nullius metu aut gratiâ, ad infringendas officii sui leges adducatur. Invicem illam intueatur Sacerdotalis animi magnitudinem, quâ

sanctus Ambrosius, Imperii majestatem ac diadematæ fulgorem nihil veritus, Theodosium injuste cædis auctorem Ecclesiæ ingressu publicè prohibuit, Deique misericordiam in Davidem adulterum & homicidam objicienti respondit: *Qui secutus es errantem, sequere pœnitentem* (s). Quo tam illustri exemplo discat omnis Confessarius, ne unquam, per indebitum obsequium, per ullum respectum à ministerii sui dignitate degenerem, ea solvat quæ liganda essent. Sit in columnam ferream & in murum æreum principibus, & populo terra (t). » Regibus Joannem exhibeat, Ægyptiis » Moysen, fornicantibus Phinees, » Eliam idololatris, Eliseum avaris, Pettum mentientibus, Paulum blasphemantibus, negotiantibus Christum, Divites non palpet, sed terreat: minas principum non paveat, sed contemnat (u). »

Procul etiam à Confessario nimia severitas, quâ exasperatus Pœnitens à Sacramentis pollet arceri, atque in profundum peccatorum demergi (x). Induar Sacerdos viscera Jesu Christi, cuius non solam potestatem, sed & misericordiam exercet (y). In mente pariter habeat æquo lenem magnanimumque illum Ambrosium, qui, » quotiescumque

(k) Num. 12.

(l) 1. Petr. 1. 17.

(m) Judith 9. 17.

(n) Gen. 18. 27.

(o) Rom. 9. 22.

(p) Ibid. v. 23.

(q) Jac. 4. 12.

(r) Eccli. 5. 18.

(s) Paulin. vit. S. Ambr.

(t) Jerem. 1. 18.

(u) S. Bern. de Consid. l. 4. c. 4.

(x) S. Greg. l. 6. in lib. 1. Reg. c. 2. & in c. 15. n. 16. Vide n. 27. 28. 30. 31.

(y) Const. Ap. l. 2. c. 13. Synod. Tric. an. 1459.

illi aliquis, ob percipiendam poenitentiam, lapsus suos confessus » esset, ita flebat, ut & illum flere » compelleret (7). » Ante oculos simul habendus est, Metropolis Remensis decus & ornamentum, sanctus Remigius, magnâ in Pœnitentibus clementiâ insignis: *Nec enim, inquit, nos posuit Dominus ad iracundiam, sed ad hominum curam* (a). Nihil ergo disciplinæ severitati detrahitur; sed eam suavissimè temperet Sacerdotis charitas, patientia, vehementissimum præsertim studium quo Pœnitentis cuiusque debet salutem persequi (b). Sic S. Franciscus Salesius peccatores mitâ dulcedine alliciebat; non eâ tamen quæ temerariâ bonitatis faveret, sed quæ humanam miseraretur infirmitatem, & simul iustitiæ divinæ jura illæsa servaret. Postquàm scilicet omnibus mansuetudinis bonitatisque inviramentis converti fecerat peccatorem ab errore via sua (c), hunc tandem, quod certius salvaret animam ejus à morte, & operiret multitudinem peccatorum (d), sæpius in arctissimas austeræ Pœnitentiæ semitas inducebat.

QUANTÆ verò necessitatis, tantæ difficultatis est nimiam inter severitatem mollioremque facilitatem inoffenso pede incedere. Ut iustum temperamentum indeflexus observet Pœnitentiæ Minister, utque illam

obtineat sapientiam quâ tutissimè in curandis ac moderandis animabus dirigatur, in hæc verba Spiritu sancto afflata cor suum ante conspectum Domini sæpius effundat: *Deus misericordia; tu elegisti me iudicem filiorum tuorum & filiarum: mitte sapientiam tuam de cælis sanctis tuis & à sede magnitudinis tue, ut mecum sit & mecum laboret; & disponam populum tuum iustè* (e). Quis enim, sibi relictus, animarum statum ritè exploratum habeat? Quis, deficiente superni luminis radio, abyssum cordis humani scrutetur, ut, quod in eo delitescit, & quod ipsummet sæpius fugit, introspectat? ut, quæ sibi vitia dissimulat Pœnitens, ea solers Minister, apertâ luce, palàm objiciat? ut, quas ille sibi virtutes affingit, hic, detractâ larvâ, falsitatis convincat? Quis divino numine non directus & adjutus, duplicem Iudicis & Medici personam quæ in sacro Tribunali sustinenda est, reatè dignèque sustineat; ut in absolvendo neque mollior, sit neque difficilius; ut aptam cuique spiritualiter ægrotanti medelam attemperet; ut æquâ lance, pro modo criminum, Pœnitentiæ modum constituat? Quis, sine ea, quæ desursum est, sapientiâ (f), satis caveat ne illudant doctrina variis & peregrina, motum corruptelis

(7) Paulin. vit. S. Amb. n. 39.

(a) Vita S. Remig.

(b) Vide Orig. Hom. 1. in Pl. 37. S. Cyr. Ep. 52. (al. 55.) §. 13. 16. 17. Can. Ap. 51. S. Hier. Ep. 46. c. 1. (al. 90.) S. Greg. Hom. 33. in Ev. & Pastor.

part. 2. c. 6.

(c) Jac. 5. 10.

(d) Ibid.

(e) Sap. 9.

(f) Jac. 3. 17.

inductæ (g)? ne abducatur malè communis opinionis torrens? ne per interpretationum molliem Evangelii nervus infirmetur? neve ad

ostium divinæ misericordiæ pulsantes immodicus rigor specie pietatis aut justitiæ repellat?

(g) Hebr. 13. 9.

C A P U T I V.

DE prudentia Confessarii in exhortando & corripiendo.

LENITAS in tractandis ingeniis necessaria. In exhortando vel corripiendo quid sit observandum. Quidam graviter increpandi, sed non sine multa circumspectione. Quadam notanda.

EX IPSA Ethnicorum Philosophia, « Ut corporum, ita animorum mollirer vitia tractanda » sunt (1). Præsidem decet, quamdiu potest, verbis mollioribus ingenia curare, ut facienda suadeat, cupiditatemque honesti & æqui conciliet animis, faciatque vitiorum odium, pretium virtutum (2). » Si quis autem est hominum Præses & Rector qui in tractandis ingeniis ita se gerere debeat, is profectò maximè, qui conscientias in sacro Tribunali iudicat vice illius divini Iudicis, qui *mitem se & humilem corde* Ministris suis non minùs quàm cæteris Discipulis imitandum profitetur (a); quique adductam sibi *mulierem in adulterio deprehensam* non asperè arguit, non ad legis apicem condemnat; sed in pace dimittit, le-

niter admonitam ut non peccet amplius (b). Quodd si verò interdum aliqua sit oburgatio in Pœnitentiæ Tribunali adhibenda, quædam Sacerdotibus observanda sunt, ut, juxta præceptum Apostoli, *corripientes & docentes in omni sapientia, exhibeant omnem hominem perfectum in CHRISTO JESU* (c).

CONFESSARIUS igitur, sive exhortetur, sive reprehendat, verba & sermonis formam ita componat, ut intelligat Pœnitens omnem, sive exhortationem, sive reprehensionem, ex animo verè paterno proficisci. Quinimò, si agatur cum hujusmodi persona quæ sit, vel dignitate, vel solâ ætate venerabilis, non tam reprehensionis quàm obsecrationis formâ uti expedit, modestè ac decenter exponendo quid Pœnitenti emendandum sit;

(1) Senec. de benef. l. 7. c. 30.

(2) Id. de ira l. 1. c. 5.

(a) Matth. 11. 29. (b) Joan. 8. 3. 10. 11. (c) Col. 1. 28.

juxta illud Apostoli : Seniore[m] ne increpaveris, sed obsecra ut patrem (d). Sunt qui nonnullos apud se confiteutes durè rigideque objurgant, statimque absolvunt, licèt gravissimis ac frequentissimè iteratis delictis oneratos. Præposterè utrumque factum : & leniter corripienti, & sine Absolutione, si res ita postulare, dimittendi erant.

Fatendum quidem est quosdam ad Pœnitentiæ Tribunal adeò rudes, agrestes & obduratos accedere, ut, nisi graviter corripiantur ac dimittantur inabsolvi, se graviter peccasse non intelligant. Postquàm Sacerdos multam in reprehensione mansuetudinem incassum adhibuerit, acrioribus subindè verbis hujusmodi Pœnitentes extimulet. Sic medicus ægrum sibi dilectum aliquandò vehementer objurgat, cùm id quod sapienter injungit ad ipsius curationem, eum perspicit detrectare, & exequi abnuere (e). Sic Dominus JESUS, tam suavis & mitis, ac tam multa misericordia, turbam Judæorum, generationem incredulam & perversam appellat, ejusque impatiens videtur : Scribas autem & Phariseos in multis Evangelii locis, cecos, stultos, hypocritas, sepulcra dealbata, progeniem viperarum, generationem malam & adulteram nominat (f). Sic ipse mundi Salvator, cùm Petrus ei Passionem suam prædicenti obloqueretur, humano nimis affectu repugnans divinæ voluntati, Vade, inquit, re-

trò me, Satana, quoniam non sapias-quæ Dei sunt, sed quæ sunt hominum (g). Sic Gentium Apostolus, quamvis omnes in CHRISTO JESU per Evangelium à se genitos in corde haberet (h), Galatas nihilominus, propter suam in fide instabilitatem, insensatos vocare non dubitat (i); idemque Tito discipulo quem Cretensibus Episcopum præfecerat, de his sic præcipit : Increpa illos durè, ut sani sint in fide (k).

Quemadmodum verò ad ignem fertrumque admovendum Medicus, sic & Confessarius ad hoc genus iucepandi rarè invitique & quasi ad extrema descendens confugiat; & nunquam omninò nisi cogat necessitas, neque alia, introspecto Pœnitentis ingenio, subit ratio medendi quæ feliciter adhiberi posse videatur. Præterea diligenter observandum est eà objurgationis vehementioris formà uti non licere, nisi gravitate adjunctâ, sicque adhibita severitate, ut procul verbo absit injuriæ & motus iracundiæ; quæ quidem si tam sancto ministerio admisceretur, nihil jam restet fieri, nihil fructuosè posset; imò Sacerdos quocumque spiritali morbo laborantes, in posterum à Piscinæ salutaris accessu deterret ac fugaret. Est enim verò etiam atque etiam videndum ne reprehensio in amaritudinem vertatur; ac si interdum expedit solito acriorem animis subdi verborum stimulum,

(d) 1. Tim. 5. 1.

(e) 5. Hier.

(f) Match. 12. 39. & 17. 16. & 23. 17. 23. 27. & 12. 34. 39.

(g) Marc. 8. 33.

(h) 1. Cor. 4. 15. Phil. 1. 7.

(i) Gal. 3. 1.

(k) Tit. 1. 13.

semper est aliquâ dulcedine temperanda tristitia acerbitasque semmonis; ita ut faciliè sentiat Pœnitens non se nisi amicâ voce charitatis objugari, atque illud acerbitalis reprehensioni inpersum, ad suam utilitatem ex toto referri. Nec verò unquam obliviscendum est id quod ait Apostolus: *Nolite quasi inimicum existimare, sed corripite ut fratrem* (1). Doleat Sacerdos vicem peccatoris, tanquam hoc ipso miseri, quod peccator est; eoque miserioris, quod magis excæcatus videtur atque obduratus. Hinc fiet ut plures tantâ benignitate illecti, usu assuescant Pœnitentiæ sibi hæcenus terribilis; sicque paulatim resipiscant & sanentur, quos alioqui nimia inconsiderataque austeritas à frequentatione tam salutaris remedii deterruisset, vel in desperationis profundum præcipientes demersisset.

Si igitur Confessarius rudès atque imparatos inveniat aliquos Pœnites, caveat illos formans & erudiens, corripiens ac dimittens in aliud tempus, ne severiore verborum formâ ipsorum animos conturbet ac dejiciat; sed Christi mansuetudinem & patientiam in Apostolos eatenus carnales & sine intellectu pro exemplo sibi assumens (m), illorum infirmitatibus se, quantum

poterit, accomodet; » quia modo » dicis qui non fert infirmitates, » curare nescit; & qui non fuerit » cum infirmo infirmatus, infirmo » non potest conferre sanitatem (n).

Nulli autem peccatori, quantumlibet inveterato, scelesto & perverso, quantumvis turpia atque inaudita confitenti, unquam dicat: *Pœnitisti, damnatus es, jam pedem in Inferno unum habes*. Imprudens ac temerarie Minister, tu quis es, qui judicas alienum servum (o)? Nescis quoniam potens est Deus de lapidibus suscitare filios Abrahæ (p), scilicet de peccatoribus maxime obduratis insigniter pios & sanctos? Nescis animam fratris tui posse repente, illapso cœlestis gratiæ radio, ex lutea auream fieri? Divinæ misericordiæ internuncius, vel flagitiosissimè consccleratis, modo pœnites videntur, spem inducat: ipsosmet impœnites alloquens, ita sermonem temperet ut formident, sed nunquam ut desperent. Meminerit se personam gerere Domini JESU, qui, cum violentus duorum discipulorum zelus jam propè ignem cœlo deriperet in civitatem quæ non receperat eum (q), his eos verbis repressit: *Nescitis cujus spiritus estis; filius hominis non venit animas perdere, sed salvare* (r).

(1) 2. Theff. 3. 15.

(m) Matth. 23. 16.

(n) S. Petr. Chrysol. Serm. 50.

(o) Rom. 14. 4.

(p) Matth. 3. 9.

(q) Luc. 9. 52. 53. 54.

(r) Ibid. 9. 55. 56.



DIVISIO VI.

AGETUR in hac Divisione , 1°. De prudentia Confessarii in concedenda vel differenda Absolutione : 2°. De prudentia Confessarii erga Pœnitentes ex consuetudine peccantes : 3°. De prudentia Confessarii erga vitiosos Pœnitentes quos offendit Absolutionis dilatio ; tum erga eos qui , contractâ duritiâ , in peccato perseverant : 4°. De prudentia Confessarii erga pœnitentes in peccati occasione proxima constitutos : 5°. De Prudentia Confessarii erga recidivos : 6°. De prudentia Confessarii circa Confessiones generales.

CAPUT PRIMUM.

DE prudentia Confessarii in concedenda vel differenda Absolutione.

QUIBUSNAM Absolutio statim concedenda. Antequàm ulsus Pœnitens absolvatur , dignoscendum 1°. an sincerè & integrè sit confessus ; 2°. an verè & ex animo peccata doleat. Quibusnam signis adesse vel abesse judicetur legitima Contritio. Præter Confessionis aut Contritionis vitia , causa denegandi vel differendi Absolutionem ad tredecim species revocantur. Quid sit observandum , cùm Sacerdos Absolutionem Pœnitenti suspendit : quid , cùm ab eo postulatur audita Confessionis testimonium.

QUICUMQUE Pœnitentiæ ministerium susceperant , hoc sibi dictum à Spiritu sancto existiment : Videte quid faciatis ; non enim hominis exercetis iudicium , sed Domini ; & quodcumque judicaveritis , in vos redundabit (a). Quemadmodum scilicet imperitè præposterèque adhibita corpori medicina , nedùm prodest , imò nocet plurimum , & ip-

(a) 1. Paral. 19. 6.

sius quandoque mortis causam affert; ita Pœnitentiæ remedium, ut suum effectum sortiarur, animabus opportunè administrandum est (b). Videndum in spiritu iudicii quandò concedenda, quandò differenda sit Absolutio (c): multà prudentià & fortitudine cavendum, ne illam imparati vel dolo subripiant, vel importunitate extorqueant (d). Et remittere, & retinere peccata æqualiter competit Sacerdotibus (e): sed nunquam duritià retineatur quod remittendum, nunquam inscitia aut mollitià remittatur quod retinendum est. Dignis pacem denegare iniquum esset; indignis profundere, pravaricatio (f).

Cautè igitur & circumspectè, si-bique maximè diffidens, non præceps, non dubitans, Pœnitentes absolvat Confessarius (g). Extra necessitatem, iis dumtaxat beneficium illud statim impertiatur, de quorum dispositionibus tutissimum poterit ferre iudicium. In dubiis vel obscuris casibus, spatium investigationis assumat: « properata remedia, utique non profutura, & nova per misericordiam falsam vulnera sunt (h).

ANTEQUAM ullam Pœnitentem

absolvat, sciendum Sacerdoti est an non ille antea irritam aut sacrilegam emisit Confessionem: hoc enim posito, eam prius iterare necessario deberet, quàm esset Absolutionis capax. Si nihil in præteritis Confessionibus defecerit, circa præsentem superest ut dignoscatur an Pœnitens sincerè & integrè sit confessus, an verè & ex animo sit contritus. Positâ examinis diligentia & Confessionis bonitate, secundum ea quæ superius dicta sunt (i), exploranda erit Contritionis veritas. Quamvis autem hæc solo Dei spiritu, qui solus eam producit, perfectè introspectiatur, ut porè in cordis penetralibus delitescens; cùm tamen Sacerdos neminem debeat absolvere, nisi prius tam necessariam dispositionem certitudine morali competentem habeat, quædam sunt ejus indicia, quibus contentus inherere, tutâ conscientia, poterit.

Cor contritum gerere intelligitur, qui humiliato corpore ad sacrum Tribunal accedens, gemitu vocis & amaritudine accusationis internum animi dolorem testatur (nisi fortè Confessarius hypocrisis aliundè cognoscat vel legitime suspicetur); tum verò qui Pœnitentiæ fructus aliquos præmisit, ad Deum pla-

(b) S. Cypr. Ep. 11. (al. 15.) ad Martyr. & de lapsis n. 10.

(c) S. Pacian. Ep. 1. ad Sempren. S. Greg. Nyss. Ep. Canon. Conc. Rem. II, an. 813. can. 16.

(d) S. Cypr. Ep. 55. (al. 59.) ad Corn. §. 2. 15. & de lapsis, §. 10.

(e) Joan. 20. 23.

(f) S. Chrys. Serm. 9. in Gen. S. Ambr. in Pl. 118. S. Leo, Ep. 40. (al. 60.) c. 2. Serm. 3. in anniv. assumpt. fux, c. 3. Ep.

91. (al. 83.) Conc. in Trullo, an. 692. can. 102.

(g) S. Basil. can. 84. 85. Iam, I, Ep. 1. c. 7. S. Aug. in Pl. 50. n. 1. 11. Conc. Worm. an. 770. (al. 868.) can. 25. Turron. III, an. 813. can. 22. Mogunt. I, sub Rab. an. 847. can. 26. 31. Ticin. an. 860. can. 7. Rotom. an. 1050. can. 12. Rem. & in Trull. sup.

(h) Ep. Cleri Rom. ad S. Cypr.

(i) Div. I, cap. 6. & Div. II, cap. 1.

candum accommodatos; qui simul, postquam se à Domino per compunctionis gratiam visitari etiam atque etiam precatus est, de peccatis commissis Contritionem in se quam potuit vehementissimam excitavit; qui demùm, peractâ simplici, clarâ & distinctâ Confessione, quidquid ad vitandum peccatum, ad satisfaciendum Deo & proximo exequi teneatur, jam ex toto vel ex parte executus est, vel integrè executurum se esse cum absolutissima bonæ fidei specie pollicetur. Si verò nullum doloris signum exhibeat; si Confessatum incitamenta Contritionis proponentem audiat frigidus; si emendationem haud serio promittat, vel jam antea incassum promiserit; si ad hunc finem conducentia & necessaria exequi detrectet; si Pœnitentiam culpæ condignam suscipere atque adimplere, ac denique Sacerdoti iusta præcipienti & monenti morem gerere abnuat; lethalis culpæ affectu gratiam sanctificantem excludente adhuc tenetur: Absolutionis proinde non magis capax est, quàm Baptismi infans mortuus, sacrae Communionis excommunicatus, Extremæ - Unctionis cadaver. Absolutionem igitur suspendat Confessarius, donec Pœnitens, mutatâ animi voluntate, redeat paratior. Donorum cœlestium dispensator fidelis, non dissipet quod suum non est, & cuius rationem supremo reddet quaesitori, iudices prævaricatores districtè iudicatur. Homo Dei, iustitiæ divinæ causam amplectatur.

Medicus animarum, urat & secet piâ severitate, non parcat crudeli misericordiâ; ne; sacrilegii cooperator, sese cum falso & deluso Pœnitente, obnoxium æternæ damnationi constituat.

PRÆTER geminum deficientis veræ Contritionis & non legitimæ Confessionis vitium (*k*), alii sunt præceteris Casus, in quibus, prout pertinaciter indignus est, vel probatione indiget Pœnitens, Absolutionem negari vel suspendi oportet: quos quidem ut certos exploratosque habeant Confessarii, de singulis pauca quæ sufficiant, hic edisseremus.

1^o. Iis differenda est Absolutio, qui præcipua ignorant Catholicæ Religionis capita, quorum distincta cognitio ad salutem necessaria est: nimirum Sanctissimæ Trinitatis, Incarnationis, & Redemptionis Mysteriorum; Orationem Dominicam, Salutationem Angelicam, Symbolum Apostolorum, Dei & Ecclesiæ Mandata, quatuor hominis fines; quæ ad Sacramenta, præsertim ad legitimam & fructuosam Pœnitentiæ & Eucharistiæ susceptionem pertinent; atque etiam proprii instituti officia (*l*); & quæcumque noscitur oportet, ut, pro conditionum varietate, vita & mores ad Christianæ Legis normam exigantur. Porro, qui, licet hæc omnia summam delibaverint, non tamen ea, pro capto suo, vel officii scientiam requirentis habitâ ratione, satis explicitè cognoscunt, maximeque si alios

(*k*) *Rit. Rom. de Sacram. Pœnit. S. Car. Borr. Instit. ad Conf. edit. jussu Cleri Gall. an. 1655. ex Act. Eccl. Mediol.*

part. 4.

(*l*) *S. Thom. 1. 2. q. 67. a. 2. in corp.*

hæc docere teneantur, ii similiter non antè absolvantur, quàm inscitiam hujusmodi criminolani excusserint. Quodd si tamen promittant omnem se adhibituros esse diligentiam ut convenientem doctrinam assequantur; absolvi poterunt, modò jam antea obligatam eà in re fidem non fregint; tunc enim aliquis expectandus esset pollicitationis effectus. Ut verò non imprudenter absolvantur in fide promissi, necesse est ipsos hic & nunc de necessariis, quod satis videatur, edoctos esse. Nec sine multa circumspèctione absolvantur patres & matres, tutores & curatores, domini & dominx, qui filios & filias, pupillos & pupillas, famulos & ancillas fidei documentis vel per se imbuere, vel ab aliis, præsertim in publicis Ecclesiæ Institutionibus, imbuì non curant.

II^o. Iis quoque suspendatur Absolutio, qui peccati consuetudine vel occasione proximà detinentur. Cùm autem hi duo Casus præ cæteris insignes sint; circa ipsos quid observari oporteat, subjectis Capitibus seorsum exponemus.

III^o. Neque Absolutione digni sunt, qui occultas publicasve inimicitias exercent, & reconciliari nolunt. Quin etiam iis qui reconciliationem pollicentur, communiter differenda est Absolutio, donec reipsà cum inimicis reconciliati fuerint. Confessarios, vel seipsos potius, plurimi circa præsentem casum voluntario errore decipiunt. Tacitum cordis vulnus adhuc vivere intelliget Sacerdos, cùm dicentem audiet Pœnitentem, se inimico

nihil quidem infautum precari, sed nihil faustum ei exoptare posse; vel ipsi, neque prospeta, neque adversa precari: multoque magis, si de illo in ipsa Confessione adhuc non sine animi motu loquatur; si nec eum ferre possit, nec benevolis intueri oculis, nec pati omninò ut quisquam de illo benignè atque honorificè sermonem instituat; si de ipsius infortuniis gaudet, vel, statim atque alter secum de eo colloqui cœperit, itascatur; postremò si abneget ea ipsi exhibere signa dilectionis communia, quæ proximo exhiberi solent (m). Casus dissimilitudo nulla est, sive, cùm ipse injuriam intulerit, ei quem læserit satisfacere abneget; sive, cùm injuriam passus fuerit, parere subjecto, & justam satisfactionem suscipere detrectet. Qui offensus est, huic, si malum pro malo non reddiderit, non præcipitur, sed consilium datur ut ineunda reconciliationis viam anteoccupet: id unum ab illo exigitur, ut ad aggressorem humanè excipiendum verè & ex animo sit paratus. Si autem verbis adibusve mutua exarsetint certamina, ante Absolutionem ambo reconcilientur necesse est; nec sufficit ut affirmet non se malevolo in quemquam animo esse, aut etiam ad benefaciendum inimicis paratos se profiteatur. Cùm utrimque odium erupit, requiritur ut reconciliatip utrimque pariter visibilis coeat, saltem ex parte illius qui Absolutiois beneficium expetit; qui proindè, vel per se, vel interposito mediatoris officio, cum adversario ad pacis

(m) S. Thom. 2. 2. q. 25. a. 9.

colloquium descendat. Cùm timendum videtur, ne, colloquio inito, recrudescat animorum plaga, & pejus renovetur disceptatio; satis erit ut Pœnitens, si fuerit aggressor, ei quem offenderit, tertii alicujus ope testetur, dolere se de præterito, cujus cum oblivisci rogat; quod quidem præsentī sermone ipsi libenter asseveraret, si sciret ei gratum se facturum. Quòd si verò non offenderit nisi priùs offensus, sufficiet ut inimico renuntiari curet nullum ei se malum precari, sed potius ad officia paratum esse. Quandò Pœnitens amicum cum eo locutus est, quocum sibi priùs aliquid rixe intercesserat, ita ut omninò deferbuisset existimeretur animorum ætus; reconciliatio perfecta censetur, etiam si nulla pristina disceptationis mentio facta in colloquio fuerit. Si denique inimicitia cum publica offensione exarserit, reconciliatio pariter in publicam cognitionem deveniat necesse est, ut scandalo satisfiat.

IV^o. *lis etiam deneganda est Absolutio*, qui læsam proximi famam integrare abnuunt; iisque differenda, qui plus æquo differunt (n). Qui igitur linguæ pessimæ veuenum in proximi famam distillaverunt, ei, vel maledicentiâ, vel calumniâ dedecus inurentes, compellendi sunt, siue calumniam retractare coram iisdem personis, siue pro malo bonum de proximo loqui. Quòd si personæ læsæ nota sit maledicentia, nec facillè, ut sæpè contingit, malum possit refarciri;

compellatur maledicus Pœnitens veniam ab illa persona postulare, vel curare ut nomine suo postuletur; & nihilominus, prout poterit, inpersam proximo infamiam eluere. Maledici, cùm in proximum duri sint, durè increpentur, ut sani fiant; neque eis facillè credatur, quoadusque proximi famam, si minus ex toto, quod plerumque impossibile est, saltem ex parte restituerint, eamque ut decet, venerari jam aliquo temporis intervallo assueverint.

V^o. Nec nisi observatis absolutissimæ prudentiæ legibus absolvantur, qui artibus commercialisque injustis, qui usuris, furtis, fraudibus, falsitatibus, monopolis, usurpationibus, aut viâ qualibet iniquâ, Ecclesiæ, societati, vel privatis damnum intulerunt. Hujusmodi homines, antequàm absolvantur, ad refarcienda detrimenta, vel ablata restituenda omninò adduci oportet. Nec magis quàm in memoratis casibus, in restitutione credendum est promissis, quæ non rarò, præeunte Absolutione, fallaciæ plena inveniuntur. Qui restitutionem pollicetur, illius verbis semel aut iterùm fides adhiberi potest. Quòd si datam fidem semel aut iterùm violaverit; ei jam non credatur, ejusque absolvendi mora prorogetur, donec ipso effectu restituerit, aut saltem restituere cæperit, præfixo tempore ad id quod supersit, vel solidè, vel divisim restituendum; isque in sequentibus Confessionibus, sciscitante

(n) *Const. Ap. l. 2. cap. 8. S. Greg. Thaum. can. 2. 4. 5. S. Aug. Ep. 54. c. 6. (al. 153. c. 20.) Vide Conc. ap. S. Ma-*

cram in Dirc. Rem. an. 881. Tolet. I, an. 400. can. 11.

Confessario, quantum adhuc debeat, explicet, donec se omnino liberaverit. Ab hac vero lege excipiantur ægri in mortis periculo constituti; à quibus tamen Sacerdos, ut dicitur inferius (o), id omne per quod restitutio peragatur, bonâ fide præstandum exigat. Fures inopes semper aliquid, quantumcumque possint, restituere compellantur, Deumque rogare ut quibus damnum intulerint, eos abundantius largitate compenset, nec sine perfecta restitutione mori se permittat. Quin etiam & ipsi, jubente Confessario, in subsequenteribus Confessionibus declarent quid sibi ad plenam atque integram liberationem deficiat; ut, cognito præsentis fortunæ statu, ipse dijudicet nunc tandem aliquandò restituendi voluntas desit magis quam facultas. Quòd si pollicitationum sinceritas non suspecta eluceat, stare illis quidem poterit Sacerdos, & Absolutionem aliàs dispositis impertiri; modò tamen in eodem aut simili casu non jam deceptus fuerit. Et generatim, semel aut iterum ei fides legitimè habetur, qui emendationem promittit, vel, quod iustè præcipit Confessarius, prompto animo amplecti se testatur; sed verat prudentia fidem ei sæpius sine probatione operisque exhibitione adhiberi.

Eodem ferè modo tractentur ii qui deposita reddere, ipsi vel æ alienum dissolvere abnuunt, vel negligunt: multò autem magis, si luxus vel otium in causa sint cur

proximus continuum detrimentum patiatur, subtractâ laboris mercede, vel rerum venditarum pretio, undè fides & negotiatio ruant in præceps.

VI^o. Iis differatur Absolutionis gratia, qui publicè & cum scandalo peccaverint, nec scandalum illatum condignâ & publicâ satisfactione sustulerint. Non sufficit satisfactionis promissio: exigendus est promissionis effectus, antequàm Absolutio prudenter concedi possit. In huiusmodi casu versantur 1^o. Publicè in concubinato viventes, adulteri, blasphemi: 2^o. Qui publicè pecuniam sœnerantur; 3^o. Qui in animum non inducunt injustas dimittere litigaciones, quibus se tuentur, ne res alienum dissolvant; 4^o. Qui, cum sint Matrimonio conjuncti, à se invicem, cum publica offensione & sine causa legitima, discedant, nec volunt rursus in eandem habitationem convenire; 5^o. Qui per vim stupratâ, aut corruptelatum illecebris viciatâ virgine, ipsam ducere uxorem abnuunt, cum tamen ipse ad hoc teneri judicetur, ut aliquo modo salvus sit honos virginis: 6^o. Filii, seu filiz-familias, qui, invitâ parentibus, nec sine adjuncto vicinorum scandalo, amicitias & consuetudines cum personis non sui sexus ineunt, ejusmodique societates, aliquis necessitatis aut illibate innocentiz prætextu, rescindere detrectant.

Circa peccatores publicos, illato scandalo satisfacere quomodò debeant, à Diocesano Pontifice ex-

(o) Div. IX, cap. 3.

quirendum est. Si verò in periculosa infirmitate constituti sint, non absolvantur, nisi, dum illis vel sacrum Viaticum, vel Extrema-Unctio administrabitur, pro illato scandalo veniam coram astantibus rogaturos se promittant; nisi concubinas ejiciant concubini; nisi quæstum injustum restituant seneratores, vel pro restitutione satisfident (1). Qui autem publicas inimicitias exercuere, ii coram testibus reconcilientur.

(1) S' ils ne donnent caution.

VII°. Absolutione pariter indigni judicentur, 1°. Qui artes illicitas profitentur; qui vitæ iustum sequuntur, vel commercium exercent, aut quæstum faciunt à Christiana sanctitate alienum (p); vel qui artem aut vitæ institutum, etiam licitum, innocuè exercere non possunt, ut sua ipsis infelicissima testatur experientia; nec volunt ab iis discedere. 2°. Qui artem profitentur, vel munus gerunt, cui gerendo sunt manifestè impares; in quo scilicet imprudentes & inscii graviter peccant, sæpiusque irreparabile detrimentum proximo inferunt. 3°. Qui in suscepto officio, seu vitæ instituto negligentes, illudque perfunctoriè exercentes inveniuntur; si præsertim segnitia & otium, si comessatio & ebrietas, si flagitiosæ damnosæque libidines, si vanitas luxusque immodicus causam præbeant cur uxor & liberi nudi sint & indigeant victu quotidiano (q), alique mercede aut pretio debito fraudentur.

VIII°. Absolutionis minimè capaces habeantur ii omnes, qui mollem atque otiosam vitam in mundi oblectationibus, in spectaculis, in choreis, in epulis, in vanitate & luxu totam exigentes, animam suam, cujus æternam salutem parviducunt, in vano accepisse videntur (r); nisi tamen judicet prudens Confessarius eos quamprimum vitam in melius esse immutatuos (s).

IX°. Nec temerè & sine probatione convenienti Absolutionis beneficio donandi sunt, qui suâ culpâ quoquomodò aliis peccandi occasionem præbent; nisi, quantum in se fuerit, malo medeantur cujus causa extitit, eamque occasionem omninò tollant. Tales sunt, 1°. Patres & matres, domini & dominx, qui, per vivendi rationem inordinatam, liberis & famulis pravo sunt exemplo; qui coram ipsis inhonesta aut fidei contraria proferre assueverunt; qui non invigilant ut quos suæ auctoritati subjectos habent, in Religione Catholica erudiantur, officiisque ab ipsa impositis fungantur. Qui, è contratio, tempus ad id requisitum iis invident, operaque servilia diebus Dominicis & Festis exercenda iisdem præscribunt; quique illos, directè vel indirectè, à Missa illis diebus audienda, divinorumque Officiorum, Concionum, Catechesium & Sacramentorum frequentatione retrahunt: qui etiam filios aut filias, famulos aut ancillas vigesimum primum ætatis an-

(p) Tert. de Idol. c. 1. S. Cyr. Ep. 61. (al. 2.) 6. 1. Orig. Homil. in Levit. 20. De conf. dist. 2. cap. 95.

(q) Jac. 2. 15.

(r) Pf. 23.

(s) S. Car. Borr. Inst. ad Confess.

num excedentes, non tamen infirmos, nec duris laboribus addictos, minimè inducunt ad observanda Ecclesie jejunia, iisque jentaculum & cœnam præbent jejunii diebus (1); vel qui ad violandam abſtinentiam eos compellunt, nihil cibi legitimi, diebus abſtinentiæ, domi ſux eſſe patientes. 1°. Parentes, quibus auctoribus vel conſentientibus, diverſi ſexûs liberi, poſtquàm ſextum aut ſeptimum ætatis annum attingere, in eodem cubili dormiunt. 3°. Mulieres non cum *verecundia & ſobrietate ornantes ſe* (u); & quibus tam vilis eſt proximi ſalus, ut ne unum quidem ornatum, neque indecentem ſeſe veſtiendi modum corrigere velint, etiãſi non ignorent illicitos ignes indè excitari aut ſoveri, ſequè idcirco *lapidem offenſionis & petram ſcandali* eſſe inſequentibus (x): tum verò patres & matres, vel mariti, hæc permittentes, atque etiam, quod magis criminofum eſſet, præcipientes. Ex pariter ſcœminæ, quæ aliàs cùm lethali peccato ſeculi pompis utuntur, & cultum corporis juſto mundiorum circumferunt. Lethale autem in hoc genere peccatum cenſetur, cùm facultates excedit ſumptus; cùm exitioſa illa ſuperfluitas perpetuam inter conjuges diſcordiam movet, liberoſque convenienti educatione & veſtitu, mercatores, famuloſ, operariòs pretio defraudat; cùm, ut vanæ oſtentationi ſatiſſiat, operatiorum labor diebus Domini-

cis & Feſtiſ exigitur, etiãſi non prohibeatur quin illis diebus Sacro interſint. 4°. Qui libroſ fidei vel moribus contrariòs componunt, in lucem edunt, vendunt, quoquomodò diſtribuant, commodant, indicant, legunt, vel domi retinent. 5°. Qui tabulas, *piçturas, ſculptasve imagines aut effigies, quarum aſpectuſ inſenſato dat concupiſcentiam*, penè ſe habent, conſiciunt aut vendunt (y). 6°. Qui domoſ ſuas aut alia quælibet loca ſuppeditant ad circuloſ, ludoſve alcatorioſ, in quibus ſciunt Deum impiis blaſphemisſque verbis, turpium libidinum irritamentis, innumerisſque aliis modis graviter offendi. 7°. Caupones publici aut furtivi, qui, Rei divini tempore, id eſt, quando Miſſa Parochialiſ, Concio & Veſperæ celebrantur, vinum aut alium quemvis liquorem ſine ulla neceſſitate vendunt; &, quovis tempore, iis quos noverint cauponam ingredi non ad *ſobrium potum*, ſed ad crapulentam perpotationem, quæ eſt corporis & animæ ruina (z). 8°. Qui publicè, ac præſertim coram juvenibus, inhoneſta canunt, vel *turpem ſermonem* (a), ſeu quæ vulgus horrenda vocat *juramenta*, ore ſceleſto evomunt.

X°. Neque abſolvendi ſunt niſi ritè probati, quicumque per convitiamentia peccatis alienis communicant, ſuamque hac in parte agendi rationem immutare noluunt. Tales ſunt, 1°. Qui, cùm peccata, ſive

(1) *Ibid.*(u) *Ibid.* 1. *Tim.* 2. 9.(x) *Iſ.* 8. 14.(y) *Sap.* 15. 4. 5.(z) *Eccleſ.* 31. 37. 38.(a) *Col.* 3. 8.

publica, siue privata impedire possunt & debeant, non tamen ea impediunt; Magistratus v. g. à Rege missi ad vindictam malefactorum (b), quando Religionem & mores auctoritate sibi commissâ non tuentur. 2°. Domini & Domine in Parochiis suo dominio subjectis, qui Pastores non adjuvant, quantum sibi competit & quantum in se est, in auferendis scandalis, dissidiis, & si quid aliud Religioni publicæ honestati contrarium perpetratur. 3°. Patres & matres-familias, qui, cum famulos & ancillas noverint domus non se gerere sicut decet sanctos, sed inter se licentius vivere, vel non reprimunt ejusmodi licentiam, vel, si nequeant, fontem alterutrum aut utrumque simul à se non dimittunt. Iis omnibus Absolutio suspendatur, donec à viis suis pessimis resipiscant, Sacerdosque ipsorum emendationem certis indubitatisque signis competentem habeat.

XI°. Ab iis quoque absolvendis supersedendum est, qui se graviter peccandi periculo sponte suâ committunt: quales sunt 1°. Mulieres prægnantes, quæ non satis prudenter se gerunt ne abortum faciant. Et quidem Casus est Diœcesano Pontifici reservatus, si qua mulier sese abortûs periculo venlimili scienter obijciat (c). 2°. Matres vel nutrices quæ parvulos in suum cubile, cum oppressiōis periculo, assumunt.

XII°. Ut in officio contineantur penes quos summa Religionis & sub-

stantia Disciplina est (d), Absolutione indigni judicentur Pastores qui animarum sibi commissarum curam negligunt, vel in suis Parochiis non assidue commorantes, vel, si commorentur, munia sua negligenter obeunt; cum præsertim iis est in more positum ut à concionando & catechizando abstineant; nisi tamen legitime impediti sint, eaque officia per alios, ut par est, adimpleri curent. Et cum viri Ecclesiastici perfectionis institutum elegerint, non ii absolvendi sunt, 1°. Quorum vita ad seculi genium tota componitur: 2°. Qui, licet Beneficiati vel in sacris Ordinibus constituti sint, Officium Canonicum recitare, vestemque, Tonsuram & comam Clericalem, juxta sacros Canones & Statuta Diœcesana, deferre contemnunt: 3°. Beneficiati sua Beneficia malè ingressi; vel plura possidentes quæ simul legitime possideri nequeant: 4°. Qui redditus ex Beneficiis provenientes » res (scilicet) » Ecclesiæ, quæ, sicut à sanctis Patribus traditur, vota sunt Fidelium, pretia peccatorum, & pauperum (e), » criminosis aut superfluis impensis exhauriunt, suorumque Beneficiorum oneribus, neglectâ Fundatorum intentione, non satisfaciunt. 5°. Juniores Clerici, qui studiis Ecclesiasticis non vacant, & qui Clericalis Ordinis insignia gerere communiter omittunt. Quin etiam, extra necessitatis casum, ad sacrum Pœnitentiæ Tribunal minimè admit-

(b) 1. Petr. 2. 34.

(c) Rit. Paris. den. ed. an. 1777, pag. 113.

(d) Hormisd. P. Ep. 25. ad Episc. Hisp. (e) Conc. Aquisgr. I, an. 816. l. 1. cap. 116.

tendus esset Clericus, qui sine veste talari, sine Tonfura decurtatisque capillis ad illud accederet.

XIII°. Denique, his minimè concedendum est Absolutionis beneficium, qui sibi à prudenti Confessario injuncta quælibet ad curandas consuetudines vitiosas, ad absciudandas occasiones, ad virandam culpæ iterationem, ad explendas suscepti muneris partes, ad satisfaciendum Deo & proximo, exequi abnuunt, vel plus justo negligunt, quandiù in hac perversa mentis habitudine perseveraverint, aut in hujusmodi damnosâ incuriâ torpue- rint.

De cætero caveant Confessarii, non modò ne quemquam imparatum, aut aliàs indignum absolvant, verùm etiam ne quem Pœnitentem ad ullius Sacramenti participationem admittant, qui doctrinam de Sacramento quod suscipere intendit, ejus naturam & effectus, dispositiones ad illud suscipiendum requisitas, officia per illud imposita ignoret; vel quem ab eo, quacumque alia ex causa, removendum esse introspexerint.

Quemadmodùm igitur non aspèrè deneganda, sic non temerè largienda est Absolutionis gratia. » Præpositorum est præceptum tene- » te, &, vel properantes, vel igno- » rantes instruere (f). Ignorant » enim quæ conferunt ad salutem; » & eos qui ipsorum curam gerunt, » putant sibi esse molestos (g). Opor- » ter autem eos qui solvendi & li- » gandi potestatem à Deo accepèrè,

» peccati qualitatem considerare, & » ejus qui peccavit, ad conversio- » nem promptum studium; & sic » morbo convenientem afferre me- » dicinam (h); » impatientem verò, qui probatione indigeat, ab im- matura reconciliatione secludere.

SIVE autem absolutum, sive inabsolutum Pœnitentem dimiserit Sacerdos, testimonium audite Confessionis, si quandò postulabitur, his verbis enuntiandum erit: *J'ai entendu la Confession de N. A tel lieu, tel jour, &c. Signé, N.* Et quidem unâ eademque formâ exprimi oportet hujusmodi testimonium, soliusque Confessionis mentio fieri; ne, dum alii absoluti fuisse scriberentur, alii duntaxat in Confessione auditi, horum famæ noceret Absolutionis reticentia, sicque saltem indirectè Sacramenti sigillum violaretur. Scilicet hoc solum exterius apparet, accedere Pœnitentem ad Confessionis Tribunal; idèdque sola exprimens est auditio Confessionis, sive erga eos quibus concessa, sive erga illos quibus denegata fuerit Absolutio. Oppouet forsan aliquis inutile esse testimonium, cujus ope dignosci nequeat an Pœnitentes ad percipienda Sacramenta sint ritè dispositi. Hic autem sedulo animadvertendum est internas dispositiones Confessarium inter & consistentem in Dei secreto penitus absconditas esse oportere; neque aliam ob causam prædictum exigi testimonium, nisi ut Fideles Pœnitentiæ Minis-

(f) S. Cypr. Ep. 11. (al. 15.) §. 1.

(g) S. Chrys. Hom. 4. in 1. Cor.

(h) Conc. in Trullo, an. 691, can. 101.

rum adeant , ejus monita susce-
pturi ; cæteraque ipsorum conscientia
esse relinquenda. Minimè tamen con-
cedendum iis esset hujusmodi testi-
monium , qui publicè & nominatim
excommunicati essent , vel Hæresim
denuntiata[m] profiterentur , ut potè
ab Ecclesiæ Sacramentorum commu-
nion[e] publicè alienis. Quos ceterò sci-
ret Confessarius illo testimonio abu-
ri velle , idipsum iis occultè peten-

tibus denegare posset ac deberet ;
ipsique præterea majorem in mo-
dum hortandi essent ne Sacris abu-
terentur. Si autem postulator coram
testibus emitatur , testimonium sta-
tim concedere renetur Confessarius ;
tuncque diligenter caveat ne ex eo
quod ipse dixerit vel quoquomodo
expresserit , colligere aut suspicari
legitimè possit ullus astantium re-
ligioni suæ vim aliquam fieri.

CAPUT II.

De prudentia Confessarii erga Pœnitentes ex consuetudine
peccantes.

*QUÆDAM prænoscenda. Quinam ex consuetudine peccare censeantur. Varii
variè tractandi. Quanta , in Absolutionis dilatione , adhibenda diutur-
nitas. Quædam regule circa impudicos , ebriosos , &c. Quibusnam indiciiis
Pœnitens antea vitiosus Absolutione dignum se prabeat. Certis in cas-
bus , vel nullâ , vel brevi interpositâ morâ , absolvendi peccatores , etiam
inveterati. Dissolutior absolvendi facilitas. Nemo ut plurimum , absol-
vendus , nisi , recurrente tentatione vel occasione , prava consuetudini
resisterit. Modus dirigendi Pœnitentes qui longâ dilatione opus habent.
Quorundam inefficax propositum. Alii faciliè , alii difficilè perseve-
rantiam pollicentes : alii se nunquam peccaturos polliceri posse negantes :
quidam sibi diffidentes. Propositi firmitas quomodo probanda. Qualis ,
durante probatione , imponenda Pœnitentia. Observatio. Quidam , in itâ
vitæ novæ ratione , vehementius tentati. Cum absolvitur Pœnitens an-
tea ex consuetudine peccator , ei quandoquæ differenda Communio. Ritè
dispositis aliquandò differenda ipsamet Absolutio : iis pariter qui semel
duntaxat vel iterum lethalem culpam commiserunt : iis etiam qui ,
Sacramenta frequentantes , venialiam affectu tenentur. Quidam non
solâ spiritali curatione indigentes.*

PERVULGATUM experientiâ est , in
quocumque , sive animi , sive cor-
poris morbo , longè ægtius id ma-

lum depelli quod sit inveteratum ;
quàm quod recens ; difficileque ad-
modum esse mutare animum , & si
quid

quid sit penitens in seum moribus, id evellere (1). Nam vitia, nisi citò refocantur, penè insanabili in posterum pravitate roborantur. Undè prælatè S. Augustinus, « Est, » inquit, genus mortis immane; « mala consuetudo appellatur. Aliud » est enim peccare, aliud peccandi » consuetudinem facere. Qui pec- » cat & continuò corrigitur, citò » reviviscit; quia nondum est im- » plicitus consuetudine, non est » sepultus. Qui autem peccare con- » suevit, sepultus est; & benè de » illo dicitur, *fatet*. Tales sunt » omnes assueti sceleribus, perditii » moribus (a).

Cùm quis igitur ex fragilitate vel momentaneæ occasionis impulsu in lethale peccatum semel aut iterùm lapsus est, *brevem languorem* facile præcidit medicus spiritualis: cùm autem ex repetitis actibus invaluit consuetudo, *languor prolixior* gravat medicum (b). Quòd si enim omnis qui facit peccatum, *servus est peccati* (c); multò durior jugo illum premit ea *miserabilis servitus* (d), qui inveterate consuetudinis *lege captivatur* (e): cùm præfer- tim, obsidente immundo spiritu, in *passiones ignominie traditus est*

(f). Primò quidem, « ex voluntate » perversa, facta est libido; & dum » servitur libidini, facta est con- » suetudo; & dum consuetudini » non resistitur, facta est necessi- » tas (g). » Postquàm igitur vitium pro natura inolevit, postquàm vin- culis tenebrarum & longa noctis com- peditus jacuit peccator (h), incre- dibile dictu est quàm difficile sese ab illis expediat (i). Nihil utique majorem Confessario laborem facessit, quàm vitiosi Penitentis curatio; cuius plerumque tanta est cecitas, ut se toties absolvendum putet, quoti- ès sibi *stultitiam iterare* (k), vel potius, nullo adhibito modo, ingeminare libuerit: « securus nempe » cùm confessus fuerit peccatum, » tanquam semper paratus ad con- » fitendum & committendum (l). »

Ne verò Sacerdos contra reveren- tiam Sacramento debitam peccet, neve suam Penitentisque salutem in periculum adducat; si quis ad lethale peccatum ira proclivis repe- riatur, ut sæpè facileque in illud incidat; ejus absolvendi moras pro- roget, quoadusque de ipsius emen- datione certum aliquid atque explo- ratum habuerit (m). Ut autem le- gitima sapiensque dilatio institua-

(1) Cic.

(a) S. Aug. in Joan. Evang. trall. 49. §. 3.

(b) Eccli. 10. 11. 12.

(c) Joan. 8. 34.

(d) S. Aug. in Joan. Ev. trall. 41.

(e) Rom. 7. 23.

(f) Rom. 1. 26. Vide S. Hier. Ep. 147.

(g) S. Aug. Conf. l. 8. c. 5.

(h) Sap. 17. 2.

(i) S. Aug. enarr. 2. in Pf. 50. v. 9. c. 13. Idem, Trall. 49. in Joan. Ev. §. 3. & serm. de verb. Ev. Luc. 7. c. 4. S. Bern.

de Confid. l. 1. c. 2.

(k) Prov. 26. 11.

(l) S. Aug. in Pf. 37.

(m) S. Basil. can. 84. S. Aug. Serm. 45. de verb. Domini, cap. 5. (al. Serm. 128. c. 7.) & seq. Conc. Nic. I. an. 325. can. 11. Elib. can. 20. 47. 50. 62. 64. 79. Arel. I. an. 314. can. 4. & 5. Laod. c. an. 368. can. 2. Carth. IV. an. 398. can. 55. & 75. Tolet. I. an. 400. can. 16. 17. 19. Valent. I. an. 374. can. 2. Moysens. sub Rab. can. 31. Apud S. Macram, in Dioc. Rem. an. 881. &c.

tur, de consuetudine non tam ex actibus repetitis judicandum est, quàm ex facilitate & peccandi libidine, tentationum cum delictis computatione factà; *unusquisque enim se tentatione tanquam interrogatus agnoscit* (n). Sic videlicet in peccati consuetudine versari censentur, qui, semel per annum datà ebrietatis occasione propter nundinas, aut comestationis propter banchanalia, Deum ultrò fransique remotis offendere solent. E' contrariò, qui sæpius in culpam aliquam incidunt, sed ægrè, sed occasionem fugientes, sed tentationibus sive internis, sive externis plerumque obnitentes, ii ex occasionis importunitate vel insitâ fragilitate potius quàm ex consuetudine peccare merito existimantur. His tamen differenda est Absolutio, donec tentationibus & occasionibus aliquandiu resistierint, atque in proposito semper resistendi videantur immobiles.

QUAMVIS autem signa constanti certa atque immutabilia non possint, quibus dignoscatur an reipsà peccatum in consuetudinem invaluerit, sunt tamen quædam regulæ paucis exceptionibus obnoxie, quas hic tradendas censuimus.

In peccatis impuris, quorum occasionem secum quisque indesinenter gerit, hoc est, in solitaria incontinentia, inducta consuetudo esse iudicatur, cum huiusmodi actum pluriès in mense admisit aliquis, aut nullo modo, aut levissimè resistens. Idem dicendum de criminosis familiarita-

tibus in graviora delicta facillè impellentibus. Quod pertinet ad cætera carnis peccata quæ cum aliis personis committuntur: quoniam magis deliberatà voluntate ac longiore temporis spatio ad ea committenda opus est, prætereaque rariores sunt eorum occasiones, multò quidem paucioribus actibus eorum habitus animo comparatur. Sic, ubi aliquis Pœnitens unum adulterium ab ultima sua Confessione, sex videlicet hebdomadis, vel duobus mensibus interjectis, commissum declarat, si jam antea fuerit idem confessus, ex consuetudine peccans haberi potest, cum præsertim à supradictò tempore occasionem istius flagitii non devitavit.

Quod pertinet ad blasphemias, ad iuramenta per sanctum Dei Nomen, ad execrationes maledictionesque lethales: cum ratò quisquam irascitur quin ejusmodi peccata committat, quamvis eorum occasiones non sæpè occurrant, invaluisse consuetudo existimanda est.

Ebriositatem ne prætereamus, qui ad illam proni inveniuntur, quoties ebrii fuerint, non ipsi facillè agnoscunt; & cum quinquies vel sexies per annum id sibi evenisse confitentur, ex consuetudine ebriofici judicandi sunt. Plerumque enim tunc solum ebrios se fuisse putant, cum extetiùs ac turpiet apparuit ebrietas: sæpissimè aliàs tentatum caput ac tutatam rationem pro nihilo ducunt; quod quidem iis solis ignotum, aliis manifestè patuit.

Itaque ex assuetudine peccare

(n) S. Aug. in Pl. 39.

cententur, qui cum sufficienti cognitione delicti, multo magis qui consulto & cogitato, cum plurima delectatione animique affectu vehementissimo frequenter peccant; qui, datâ occasione, ultrò & præcipiti facilitate ad peccandum feruntur. Item enim ex illo in vitium impetu contrahi potest infelix ad peccatum vel semel commissum proclivitas, mentis habitum propriè constituens. Eodem in numero reponendi sunt qui pravis, quos experiuntur, motibus sæpe sæpius consentiunt; qui, cum perpetrandi sceleris facultate careant, illius cogitatione delectantur, ejusque consummandi occasionem concupiscunt vel querunt; qui alios inducunt in peccati societatem; qui peccant sine ullis propemodum conscientie stimulis; qui peccata sua gloriose prædicant: alii uno verbo diversorum generum peccatores, iniquitatem vel iniquitatis fructum diligentes.

Ex cæterè sub multiplici forma occurrunt ex consuetudine peccantes. Alii peccatum cujus assuetudinem contraxerunt, ignorant » in » ter gravia & mortifera peccata » recenseri, quæ nisi per vehementissimam molestiam humiliationis » cordis & contritionis spiritûs, & » tribulationis pœnitentiae non relaxantur (o). » Atque hæc infamia procul dubio criminosa est, ubi agitur de primis elementis quibus nititur lex naturalis, & quæ primitiva hominis in Deum, in proxi-

mum, in seipsum officia constituunt: quæ quidem elementa nisi per voluntatis depravationem ignorari non possunt. Ubi verò de aliis præceptis agitur, quædam non sine lethali peccato, quædam autem leviores aut etiam quandoque nullo peccato ignorari contingit; si nempe eorum notitia, prout se habet vitæ status & conditio, comparari nec potuerit, nec debuerit. Cum à prudenti Confessario aperti sunt oculi delinquentium per ignorantiam quæ omnino extra culpam sit, vel leviter culpabilis, ii statim emendationis propositum institunt; ideoque legitime absolvuntur, postquam ab eo tempore quo hujusmodi culpam admittere cœperint, Confessionem aliis repetitam emiservit, si Sacerdos id tutius fore censuerit.

Alii, in quibus videlicet rationis lumen obscuratum est, » pravo » usu, iniquitatis suæ multitudine » gravati, innoxium sibi fingunt » quod est evidenter criminofum » (p). » Et quidem in aliis validior, in aliis infirmior est peccati consuetudo; & quod pejùs invaluit, eò sæpius atque illecebrosius peccati cogitationem inducit, eò vehemētiore libidine ad exquirendas atque amplectendas illius occasiones impellit. De hac scilicet meritò dicitur: *Jugum illius, jugum ferreum, & vinculum ejus, vinculum areum est* (q). Quinimò » peccata quædam, quamvis magna & horrenda, cum in consuetudinem venerint, aut parva aut nulla esse cre-

(o) S. Aug. Serm. 34. de div. (al. 178.) n. 11.

(p) S. Greg. Mor. l. 7. c. 13.

(q) Eccli. 18. 24.

» duntur (r). » Hujusmodi peccatores non sine longo experimento absolvendi sunt; alioqui, facile recidivi, ex abyſſo in abyſſum ruunt præcipites; ac denique consummatam obdurationem ſequitur impenitentia finalis.

Alii, ſcientes peccati gravitatem, ipſius conſuetudine ab ultima tantum Confeſſione non multum remoti ſe obſtrinxerunt. Neque horum difficilis eſt curatio, qui ſcilicet *nondum deſcenderunt in profundum ſepultura* (s), niſi fortè adſit occasio proxima quæ tolli omnino nequeat. Quod ſi prius aliquo ſeſe intervallo probaverint, adverſus prævæ conſuetudinis torrentem oblucentes, ita ut certa ſpes emendationis aſſulgeat; abſolvi poterunt, modo tamen ea præſtitutos ſe polliceantur, quæ Confeſſarius tanquam ad perfeverandum neceſſaria injunxerit. Si verò ſeipſos nondum ſatis probaverint, à Confeſſario probentur, quoaduſque aliquoties (ſemel v. g. & iterum, prout, habitâ circumſtantiarum ratione, expedire viſum fuerit) conſuetudini vel occaſioni reſtiterint, ſimulque firmam & inconcuſſam ſemper in poſterum reſiſtendi fidem faciant. Si, vel neglectâ Confeſſione, vel pro nihilo ductis Confeſſarii monitis, ac voluntatis pravitate potiùs quàm infirmitate & fragilitate, rursus in eandem conſuetudinem impegerint; tunc, priuſquàm iterum abſolvantur, diutius exploranda erit eorum ſinceritas & perfeverantia. Vulner ſanie adhuc tumet : » aperiendum

» illud eſt & ſecundum, &, putre-
» dinibus amputatis, medellâ for-
» tiore curandum. Vociferetur &
» & clamet licet & conqueratur
» æger impatiens per dolorem, gra-
» tiasaget poſtmodum, cum ſen-
» ſerit ſanitatē (t).

Alii, cum ſcientes & volentes peccati conſuetudinem inierint, nullo-
modò ſeſe emendârunt, vel, ad ſum-
mum, leviffimam torrenti molem
oppoſuerunt occaſione Paſchalis of-
ficii, Feſti alicujus, aut Conſrater-
nitatis, ſtatim Communionem an-
nexaſque Indulgentias reducentis,
vel propter Confirmationis aut Ma-
trimonii ſuſceptionem, propter lon-
ginquum iter, propter ægritudinem
periculoſam; & paulò poſt ruptâ
mole, libertimo impetu totrens
conſuetudinis exundavit. Inguente
tentatione, vel potiùs quæſtâ occa-
ſione, in eadem peccata prolapſi
ſunt falſi Pœnitentes; iis non mul-
tùm abſimiles, qui, ſæviente tem-
peſtate, imminente naufragio, ſup-
plices & pallentes veniam à Deo
precantur, votisque cælum fatigant;
& ſtatim cum periculo momentanea
evaneſcit pœnitentia. Hi ſe abſol-
vendoſ putant, eò quòd ſincerè pec-
cata confeſſeantur; ſequè contritos
affirmant, licet fortè animo fingant
neceſſariam non eſſe motum emen-
dationem, niſi ad breve temporis
intervallum Confeſſionem præcedens
& ſubſequens: adeò tudes, ut ad
conſequendam juſtificationem id ſuf-
ficere exiſtiment, ſi peccata ſua,
nullo celato, confeſſeantur, & Sa-
tisfactionem qualemcumque adim-

(r) S. Aug. Enchir. c. 80.

(s) Idem, Serm. 98. de verbis Ev.

c. 4. in Luc. 7.

(t) S. Cyr. de lapſis.

pleant : adeò vecordes , ut non intelligant Pœnitentiæ fructum esse veram hominis cum Deo reconciliationem ; hanc autem prorsus ementitam judicandam esse , si , perperuo Confessionis & peccati circulo , rescindatur (u). Ejusmodi illusoribus non credat Sacerdos. Inscios edoceat : qui verò suorum non sentiunt vulnere alitridinem , eos sapienti cunctatione efficiat illam vehementissimè sentire. Eo fortiter suaviterque exhortante , ipsi intelligant « non » tam facili remitti posse inusta » mel crimina , & profundo vulnere in animæ impressa visceribus : » multo opus esse fieri , multo gemitu , multo dolore cordis , ad sanandos ipsos cordis dolores. Non leve agendum esse Contritione , ut debita illa redimantur , quibus mors æterna debetur ; nec transitoriâ opus esse Satisfactione , pro malis illis propter quæ paratus est ignis æternus (x). » Non octo , non quindecim dierum intervallo sit contentus Pœnitentiæ Minister , ut seipsum eosque salvos faciat. Non Paschæ , non Jubilæi , non Missionis , non cujusquam piæ Confraternitatis occasione , statim in moribus Christianis firmiter constitutos existimes , quos perspexerit sæpius in iisdem aut similibus circumstantiis obligaram Deo fidem violasse. Exploranda est pariter intervallo sufficienti emendationis veritas , cum aliquis vitiosam non abruptis consuetudinem , nisi ex diuturni morbi necessitate , vel propter sublatam aut absentem , illo invito , peccandi occasionem , quæ

vel jam reducta sit , vel brevi reducenda ; & simul cautissimè investigandum an illam ipse ex animo dereliquerit , nec ab illa sit tantummodò derelictus.

Sciscitanti Confessario an commissa doleant ? faciliè respondent omnes Pœnitentes , dolere se vehementer. Si verò , ad explorandam illius doloris veritatem , ab iis querat an constiterint , prout exigit Contritionis sinceritas , peccata omninò devitare ? hærent accipites : id quidem se conaturos , nullisrautes respondent generam : si autem attingatur ea species delicti quod actu frequentiore & affectu vehementiore committunt , à quo prorsus abstinendum denuntiet Sacerdos , propositis convenientibus remediis , ac præsertim fugâ illius occasionis quam sibi funestam sæpius experti fuerint ; nulla , aut certè ambigua responsio sequitur : nihil denique ab iis extunditur , præter levissimas atque imperfectissimas promissiones , levissimi arque imperfectissimi doloris indices. Salutaribus monitis imbuendi sunt hujusmodi Pœnitentes , lenirerque dimittendi , donec , in melius reipsâ mutati , à vitiis animum absterreant.

Et prudentiâ maximâ erga illos opus est , qui se , ob causam aliquam urgentem , vel ipso die , vel postridie Confessionis à Communione abstinere non posse affirmant : qualis est filius cum patre , filia cum matre ad Pœnitentiam & Eucharistiam accedere soliti : quales sunt etiam in Communitate viventes , ubi statim diebus indicta recurrit Commu-

(u) S. Leo , *Serm.* 1. de Resurr. c. 6. (x) S. Casar. *Hom.* 19.

nio generalis, nec sine scandalo prætermittenda; alique id genus nonnulli, sive Ecclesiastici, sive Religiosi, sive Laici. His in casibus, si Pœnitens peccati lethalis consuetudine irretitus inveniatur, ei Sacerdotis ingeniosa charitas declinandæ Communionis viam suggerat. Quòd si tunc primum apud se confitentem non possit ab ea quali:umque necessitate, sine scandalo, aut illasà ipsius famâ, expedire; quàm poterit sanctissimè dispositum, atque adversus culpæ iterationem præmunitum, non longinquo ad repetendum Confessionis Tribunal præfinito tempore, absolvat. Quod tamen ita restrictè intelligatur, ut concedi non debeat Absolutio, nisi, perspectis Pœnitentium dispositionibus, ea, quâ devinciuntur, peccati consuetudo hac ratione expugnanda aut saltem plurimum inhirmanda merito speretur, nec fidem jam alteri Confessario datam sefellerint, emendationem frustra polliciti. Postea verò, si notabili emendatione in melius profecerint, iterum absolvi poterunt. Si autem nullomodò immutari redeant, nihilque aut ferè nihil ad veræ conversionis gratiam obinendam præstiterint; fortiter insistas Sacerdos legi Pœnitentiali, quæ prohibet eos absolvi peccatores qui proposito carent à Dei offensâ in posterum omninò cessandi: ac denique, ut illam suscipiendæ Eucharistix necessitatem declinent, quàm poterit sapientissimè provideat. Quod quidem incommodum multò certius præcaveretur, si, parentes, monentibus in CHRISTO JESU Pastoribus,

liberam, de consilio prudentis Confessarii, Communionem filius relinquerent; ac si ipsi Communitatum Superiores ad frequentem Dominici Corporis sumptionem suos hortarentur, nemine ad ipsam propter legis ullius impulsu adactò, dispensationemque tam facilè quàm prudenter cuique poscenti concederent. Sic videlicet mentem sequerentur Ecclesiæ, quæ voluit ipsam Communionem Paschalem, præcepto tam sacro & sub pœnis tam gravibus sancitam, de consilio proprii Sacerdotis ad tempus differri posse (y), ne salutis mensa cuiquam fieret in laqueum (z). Sic multis sacrilegiis obviaretur, quæ committunt tali Pœnitentes, dum peccata celant, ne sibi suspendatur Absolutio, & Communioni interdicatur; vel semper eadem peccata lethalia sine vera Contritione consitentur, & malè absoluti cœlestem Panem indignè manducant.

JAM verò, circa Pœnitentem ex vitiosa consuetudine peccantem, generatim constitui facilè non potest quanta sit in Absolutionis dilatione adhibenda diuturnitas. Eam dijudicet prudens Confessarius, juxta naturam delicti, juxta consuetudinis vim & vetustatem, juxta occasionum frequentiam vel raritatem. Quem innectit consuetudo cujus fomitem & occasionem secum gerit assidue, qualis est qui per mollietiam in corpus suum atque in naturam peccat, hic saltem unius mensis atque etiam aliquandò sex hebdomadarum, vel duorum mensium in-

(y) Can. Omnis utriusq. sex. (z) Ps. 68.

tervallo probandus videtur, ut scēdissimam illam corporis animæque pestem vitare in posterum velle censeatur. Longiore experimento esset illius immutatio exploranda, cui solitum foret sancti conjugii fidem violare, aliove impuro congressu peccare; runc enim, cum rariores sint occasiones, non tam citò intelligi potest an sublata sit consuetudo.

Circa ebrietatem, vitium in humanitatis ac Religionis dedecus adeo frequens inter plebeios, ac præsertim ruris incolas, plurium mensium indicta probatio vix quidem sufficit ut ebrioli meritò existimentur ad sobriū potum rediisse; & conversio huiusmodi, omnium utique difficilima, ex toto impossibilis est, nisi derelictis cauponis, atque amputatis omnibus ebrietatis occasionibus; ad quod tamen pertrahi vix unquam possunt multo vino dediti. Itaque, per modum Pœnitentiæ medicinalis, à popina firmiter & inconcussè arceantur quicumque eam sine ulla necessitate frequentant; quales sunt operarii, artifices & famuli, qui, nisi Dominicis Festisque diebus, & solummodò ad potandum, illuc non ingrediuntur. Jubente Confessario, convenient horis pomeridianis ad Vesperas, ad Concionem, ad serotinas Preces & Institutiones, si quæ in loco celebrentur: se postea domum recipiant, ibique animum relaxent, honestèque sese oblectent cum familia. Sunt qui, propter susceptum vitæ institutum, non possunt quin cauponas ingrediantur, in quibus inebriari solent. Ii vinum omne quod bibituri sunt, aquà multò remperare compellantur. Quod quidem si diuturnà probatione felici-

citer succedat, absolvi poterunt, modò tamen stabiles in eodem proposito videantur. Si nulla sequatur emendatio, priùs absolvendi non sunt, quàm omnino ab occasione secesserint, quantumlibet temporale detrimentum inde sibi proventurum conquerantur. Eodem modo in eos agatur, qui, vel apud se, vel apud amicos ebrietatis occasionem inveniunt.

Circa Pœnites ex assuetudine jurantes, irasci celetes, diſteria, injurias, maledicta, & illud omne quod suggerit commota bilis, jaculantes, ut solent qui mentis æstu vehementissimo abripiuntur, id videtur esse observandum. Cum neque iracundiam cohibere, neque linguam refrænare possint, nisi vim sibi maximam adhibeant; si unam duasve hebdomadas contra semetipsos felici exitu depugnaverint, spem accipiant Absolutionis proximæ; & reverà, interposito simili spatio, absolvantur, prout conversionis indicia quæ sufficiant, exhibuerint.

His porro signis facilè dignoscitur an Absolutione dignus sit Pœnitens: si nempe aliquanto tempore consilia sibi data executus, remediisque à prudenti Confessario injectis fideliter usus est; si tentationibus resistit; si loca & personas quæ sibi priùs occasio peccati erant, diligenter vitavit; si, per aliquod temporis intervallum, orationem ac sensuum mortificationem adhibuit, ut gratiam à Deo virtutum obtineret vincula sua disrumpendi pravosque affectus debellandi; ac si eà multiplici & salutari diligentia fa-

natus, tandem à peccato cessavit. Tunc certè non longior instituenda est probatio, ubi jam in cursu posita viget emendatio.

Quin etiam aliquandò, vel nullà, vel solito breviorè, pro variis rerum adjunctis, interposità morà, potest absolvi Pœnitens à prava consuetudine recens: cùm nempe tam inusitata tamque eximia vetæ Contritionis indicia exhibet, ut primo statim intuitu manifesta in ipso agnoscat *mutatio dextera Excelsi* (a). Tunc scilicet judicandi locus est, Deum illi, misericordià singulari, compunctionis gratiam accelerasse, subitòque, præter consuetum ordinem, linceram impetritum esse conversionem, quam plerique alii inveteratà peccandi consuetudine impliciti longo vix tempore consequuntur.

Quinimò in minore gradu insignia nonnunquam sufficiunt convertere ad Deum voluntatis testimonia, quæ in mente prudentis Confessarii firmam ingenerent persuasionem de Pœnitentis Absolutionem ardentè expetentis dispositionibus; cujus absoluturiæ sententiæ dilationem aliàs remediis instar adhibendam, hic & nunc adhibere sine gravi periculo aut incommodo nequeat; cùm alia interim in promptu habeat & subrogare facilius possit remedia, quibus sanatum iri Pœnitentem haud immeritò confidat.

Pariter quidem, si, personarum, locorum temporumque circumstantiis inter se collatis & multà consi-

derantià expensis, hujus generis Pœnitenti ad sacrum Tribunal submissè provolutò, ad ea quæ necessaria censuerit Confessarius, amplectenda & exequenda naviter parato atque erecto, simulque largissimo cum fletu & singultu misericordiam tunc primum imploranti, nullum aliud nisi vetæ sinceræque emendationis propositum fuisse judicetur; atque ex mora diuturna probabiliter metuentium sic animi dejectionis, desperationis, obdurationis, aut aliud ejusmodi grave periculum. In his similibusque casibus, Absolutionis beneficium, nullà vel minùs diuturnà probatione interjectà, impendi tutò posse existimamus, memores videlicet, tum prophetici oraculi: *Impietas impij non nocebit ei, in quamcumque die conversus fuerit ab impietate sua* (b); tum illius sententiæ, quam à luculentissimo Ecclesiæ teste Augustino protolatam laudavit atque approbavit Concilium Parisiense: « In actione Pœnitentiæ » non tam consideranda est mensura temporis, quàm doloris (c). » Nimirum sanctis Patribus & Conciliis perspecta erat Evangelicæ Parabola filij prodigi, quo quidem adumbratur peccator tam verè quàm repentiè pœnitens. Is videlicet cùm primum in se reversus de aberrationis suæ regione longinqua, venit ad patrem, hic misericordià motus, illi exit obviàm, in pacis osculum procumbit, innocentiz stolam primam castique fœderis annulum ei

(a) Ps. 76.

(b) Ezech. 31. 12.

(c) S. Aug. in Ps. 76. Conc. Paris. VI,

an. 829. l. 1. c. 46. Aderat Erchanradus II. Paris. Episc. Vide Petr. Lombard. Paris. Episc. an. 1159. Sent. l. 4. dist. 10. art. 3.

citò restituit: ac denique secum omnes gaudere cupit, quia filius suus mortuus erat, & revixit; perierat, & inventus est (d). Sic Beatus Joannes Evangelista, non longâ adhibitâ probatione, juvenem illum reconciliavit, qui ab instituto vitæ Christianæ eò usque defecerat, ut latronum dux factus fuisset, quique ab ipso Apostolo iterum Christo acquisitus, sese ad meliorem frugem verè & ex animo conversum ostenderat (e).

Alii occasionebus blandè simul & miserè detinentibus diù constricti, generoso impetu omnes iniquitatis colligationes fortiter dissolvunt, peccandique illecebras, ruptis mundi vinculis, fugiunt quàm longissimè. Sic (ut admirandæ cujusdam atque extra consuetum ordinem positæ conversionis exemplum asseramus) sic Beata Maria Ægyptia, quæ annos septemdecim peccatrix fuerat, cum tandem *adolescens sua opprobrium erubisset* verè pœnitens (f), cumque, primùm divinitus repulsa, nostræ Redemptionis lignum adorasset; tum absoluta, statimque Dominici Corporis Sacramento resecta, secessit in vastissimam solitudinem, in qua Deo loquente ad cor ejus (g), mollitiâ pristinam tremendâ austeritate per annos septem & quadraginta expiavit. Sic varii peccatores statim aut non multò post cum Deo reconciliati sunt, tum propter signa conversionis solito illustriora, tum propter viam Pœnitentiæ arctissimam quam in ipso vitæ novæ procinctu ingrediebantur. Alii,

ne commissâ iterent, vitæ genus honorificum simul & questuolum abdicant; aut diversum iter arripiunt, ut vitam Monasticam, ut Matrimonium, respectu nimirum æternæ salutis, cui non jam impedimento futuræ sint reliquæ conditionis occasiones periculosæ. Alii, à diuturna in proximum injustitiâ respicientes, Zachari instat, quod defraudaverunt, cumulatè restituunt (h). Alii, pravâ consuetudine penitus derelictâ, semetipsos probaverunt intervallo sufficienti, omnes peccati occasiones proximas fugerunt, jamque vitam agunt sanctiorem; & ipsi, non Paschalis Officii, non Festi alicujus, non Peregrinationis, non Confraternitatis, non Indulgentiæ, non Jubilæi vel Missionis occasione solâ inducti, ad confitendum accedunt.

Ceterùm, quotiès de hujusmodi tepentinis conversionis moribus ferendum est iudicium, hoc sedulo animadvertendum Sacerdoti est, num fortè imaginandi vis potius quàm ipsa mens afficiatur; sitque magis conversionis initium quod minime sufficit, quàm sincera Contritio quæ planè & absolute requiritur.

EXTRA insolitos ejusmodi casus, nihil sapiens, nihil tutum est præter Absolutionis dilationem, erga Pœnitentes qui peccatum in consuetudinem verterunt. Hi plerumque in facibus suis hærent miserimè infixi, licet aliquandò confiteantur. Scelerum puros se non dubitant, cum sint, profanatis Sacramentis,

(d) Luc. 15. 17. 10. 22. 23.

(e) Euseb. Hist. Eccl. l. 3. c. 33.

Tomus II.

(f) Jerem. 31. 19.

(g) Osée, 2. 14. (h) Luc. 19. 8.

* V

longè horridiùs conscelerati. Quod genus cladis in morum ruinam frequentissimè ex imprudentia Confessoriorum sæpiùs evenire perspicuum est; *neque enim esset tanta facilitas peccandi, si non esset tanta facilitas absolvendi* (i). Alii ex assuetudine peccantibus nunquam Absolutionem suspendunt: rati scilicet cum satis dispositum haberi posse, qui sincerè confiteatur; qui disertè affirmet sibi animo fixum atque immotum sedere ne ampliùs Deum offendat, qui impositam sibi Pœnitentiam suscipiat, monitisque assentiri videatur. At certum est innumeros quotidie peccatores occurrere hæc omnia ostentantes, nec tamen vero sanctioris vitæ desiderio accensos; ideòque non Pœnitentium verbis, sed operibus esse credendum. Alii octo vel quindecim dierum probationem satis esse putant, ut ad reconciliationis gratiam disponantur peccatores vel maximè inveterati, modò per illud breve spatium à peccando abstinuerint, vel aliquam pro tempore ostendant morum immutationem. Alii, cum longiorem in simili casu probationem requirant, Paschæ & Jubilæi tempora indiscriminatim excipiunt. Alii, propter aliquot dies in pio successu exactos, propter auditas Missionis aut Quadragesimæ nonnullas Conciones, adeò immutata corda semper existimant, ut supervacua sit probatio ulterior. Constat verò à probationis lege ergà eos qui ex assuetudine peccaverunt, nunquam esse recedendum, nisi eximie in illis emineant dispositiones, magnum-

ve, habità circumstantiarum ratione, incommodum oriturum esse prudenter judicetur, si Pœnitenti, animi ad Deum penitus revertsè indicia præ se ferenti, suspendatur Absolutionis beneficium.

His igitur casibus exceptis, ut peccatores in sanctificationis viam reducantur, neque in vitiis defixi consenescent, jubet prudentia reconciliationem Pœnitentibus ex assuetudine peccantibus tamdiù suspendi, quamdiù necesse est ut peccati gravitatem sentiant; quo quidem intervallo ad suscipiendam cum fructu Absolutionem disponantur, ad perfectam morum emendationem accendantur, & velut in Dei castris exerceantur ad *colluctationem adversus carnem & sanguinem*, ad infirmendam ac destruendam, quantum fieri potest, propensionem infelicem repetitis actibus comparatam; sicque tandem, superato more vitioso, ad Christianæ disciplinæ normam compositos se præbeant. Iis autem suspendatur Absolutio, non solum donec minus frequenter peccent, verum etiam donec omninò non peccaverint longiore aut breviori temporis intervallo, prout consuetudo invaluit aut veteravit, tum prout ipsi frequenter post præcedentes Confessiones lapsi sunt; uno verbo, donec sincerè expediti esse videantur ad resistendum concupiscentiæ, ne iisdem se peccatis commaculent.

Vetat similiter prudentia dignos Absolutione haberi Pœnitentes ex consuetudine peccantes, eò quòd octo vel quindecim dies puri vix-

(i) Bellarm. *Serm. 8. de Adv. Vide S. Aug. in Pl. 6.*

rint, nisi præterea sinceram conversionem demonstrent. Hypocritæ innumerum sese per totam Quadragesimam cohibent à solitis peccatis, ut, ab incauto Sacerdote absoluti, cum cæteris intra Paschales dies communicent; & tamen vitam pristinam, transactâ Solemnitate, agere intendunt. Alii circa proprias dispositiones, circa offensæ odium & fugam, voluntario seipfos errore decipiunt. Pridiè Festi quo sanctissimæ Eucharistiæ participes fieri cupiunt, paucis antè diebus quàm Sacramento Confirmationis obsignentur, vel Matrimonio jungantur, seu in alio ejusmodi rerum articulo gratiam sanctificantem requirunt, se sibi metipsis fingunt satis fortes ad omnia prævæ consuetudinis vincula rumpenda, libidinumque omnium æstus coercendos; ipsique erectos atque alacres sese prohiñentur ad extrema quæque potiùs perpetiendâ, quàm ut deinceps peccato consentiant. Non tamen sincera est eorum Contritio, non solidum vitæ sanctioris propositum. Nec Deum offensum, sed suspensam Absolutionem dolent, conversionem in mentis superficie, quæ est imaginandi vis, non verò in cordis penitralibus gerentes (k). Hinc, post multas probationes, idem permanet vitæ color, eadem morum perversitas. Videant Confessarii diligenter ne religioni suæ fucum faciant ejusmodi Pœnitentes, nec eos per hujusmodi falsæ atque ementitæ Pœnitentiæ securitatem in via perditionis relinquant. Tenta-

tionibus atque occasionibus discant resistere, ut paulatim ex animo tollatur peccati affectus. Eo quippè non sublato, remanet *radix amaritudinis*, quæ *rursùm germinans* (l) profertur furculos peccati & mortis. Itaque, ad funestam illam radicem fortiter adactâ Pœnitentiæ securi, ipsa omnino extirpetur. Neque enim sufficit ut Contritionis speciem præ se ferat Pœnitens: videndum est præterea quomodò à noxæ iteratione servetur integer; quod tandem præstari efficaciter poterit, si destruat vitiosa consuetudo. Dilatio igitur satis habeat intervalli, ut judicetur an Pœnitens, recurrente solitâ peccandi occasione, huic viriliter sit restitutus. Nempe extra tentationem nulla est probatio. Non semper sui sensum facit consuetudo peccati: ignis est cineri suppositus, qui, si vel levissimè commoveatur, solitum continuè exfuscitat incendium. Aliquando sopitus, non excitatur nisi certis in circumstantiis; tuncque libido, *vestem carnem succutiens*, seque *dimitti submurmans* (m), animi consensum reditivo impetu sollicitat. Qualis sit unusquisque, comprobatur hora tentationis (n); quam repellere si non assuescat Pœnitens, propositum infirmum judicetur, simulque Contritio vana, conversio falsa, peccator minimè correctus, atque ideo Absolutione indignus. Itaque Confessarii aded imprudentes ut illâ emendatione contenti sint, quæ sopitæ consuetudinis intervallo absentibusque interlucet oc-

(k) Vide S. Greg. Past. l. 1.

(l) Hebr. 12. 15.

(m) S. Aug. in Pl. 43.

(n) Id. Conf. l. 8. n. 26.

caſionibus in quibus peccare ſolent Pœniterentes, ſemper decipiuntur; eumque ſibi mœrorem facieſſunt, ut, quos in melius immutatos exiſtimaverant, hos comperiant eadem facilitate corruentes, ubi primum ingruit tentatio vel recurrit occaſio.

Qui ergo peccate ſolet ex tentatione vel occaſione rariffima, etiam unicâ per annum, is non abſolvatur, donec, recurrente tentatione vel occaſione, prævæ conſuetudini obnixus fuerit, niſi hinc ducenda ſit mora juſto longior; quo quidem in caſu (ſaltem quantum fieri poterit) certo intervallo ſuspendatur Abſolutio Pœniterenti, ut frequentibus Contritionis actibus illud peccatum deſeſſetur, viam potiorẽ cogiter ab illo declinandi, gratiamque ad hoc neceſſariam exoret. Eſſet quidem efficacius, ſi paucis ante recurrentem occaſionem diebus conſiſtetur, & quidquid per ipſam hæcenus deliquiſſet, ſummatim recenſeret; quò certiùs, opportuna remedia ſuggerente Confeſſario, adverſus culpæ iterationem præmuniretur.

Peccatori frequenter lapſo rectè ſuſpenditur Abſolutionis beneficium, quoaduſque pluribus reſtiterit occaſionibus ac tentationibus, pro conſuetudinis robore, & prout frequentius vel rariùs antea relapſus fuerit; ſolâ enim iteratione victoriæ, in veteri conſuetudine prævidique affectibus dominamur. Qui a tò peccabant, ipſi, cùm bis vel

ter invicti ſteterunt in occaſione ex qua ſemper ſequebatur delictum, abſolvi poſſunt, ne propter longiorẽ cuſtationem animum deſpondeant. Ii verò quibus frequenter peccare ſolitus eſt, magis diuturnâ probatione indigent, ſcilicet propter tenaciorem affectum.

Quamvis autem Sacerdos Pœniterentes videat longâ dilatione opus habentes ut perfectè corrigantur, » qui ſcilicet jam duto ſui moris late » pide premuntur, qui jam urgentur conſuetudinis pondere (o); » non eos idcirco primum ad diem longinquiorẽ dimittat, non illis diuturnæ probationis legem denuntiet, ne fortè injucundâ ſeveritatis imagine terreantur; ſed intrâ paucos dies redite ipſos ad Confeſſionem jubear. Qui, exempli cauſâ, ſingulis diebus vel hebdomadis peccare ſolent, ii poſt dies octo redeant; per quod ſcilicet intervallum recurrit probationis occaſio. Qui rariùs peccant, ii per tempus ſuæ conditioni accommodatum probentur, ſpatio v. g. duarum, trium, vel quatuor hebdomadarum. Utrique, poſt ſufficientem probationem, ſi tentationibus & occaſionibus oblectari fuerint, abſolvantur. Quòd ſi nullam aut ſetè nullam conſuetudini molem oppoſuerint; pro ipſis oret Confeſſarius, eoſque ad ſpiritum compunctionis à Deo ſagittandum, atque ad exercenda Pœnitenitiæ opera cohortetur. Præcipiente Confeſſario, *annos æternos, mortem, judicium, infernum in mente habeant* (p);

(o) S. Aug. Serm. 98. c. 4. de verb. Ev. Luc. 7.

(p) Pf. 76. Eccl. 7. 40.

proposita Pœnitentiæ incitamenta sæpius meditentur; aliquem librum ad pietatem compositum statis diebus & horis legant; fervidis orationibus *spiritum gratiæ* invocent: intetere frequentet ad Confessionem accedant, quod certius ad Contritionem veramque cordis immutationem excitentur, & ad suscipiendam aliquandò Absolutionem disponantur. Cum tandem aliquo intervallo seipsos vicerint, atque à peccato in quod labi antea solebant, omnino abstineant; firmum ab iis eliciatur propositum *serviendi Domino in sanctitate & iustitia*, non uno mense, non sex mensibus, non integro anno, non tribus, non decem aut quindecim annis, sed *omnibus vitæ suæ diebus* (q). Præmoneat Sacerdos huiusmodi Pœnitentem, id procul dubio eventurum, ut, delinquendi assuetudine captivatus, sensuum rebellione impugnetur (r), ut *adversarii*, elapsa sibi prædâ *rugientis*, artibus tentetur, ut visibilibus illiciatur affectu, ut propinquo atque amicorum blanditiis dissuadeatur (s), ut cœtibz demulceatur & occasionebus; sed carni, sed mundo, sed diabolo fortiter esse oblectandum; sed hæcenus indomitas concupiscentias continentiarum robore subigendas, & timoris Dei telo configendas (t); sed omnia fidei ac virtutis magnitudine prætereunda, ut in lege mentis, abdicatâ lege sensuum, perseveret immotus.

Quidam, urgenti Confessario ut peccato in æternum valedicant, id

respondent, in animo sibi non esse ut peccent ulterius; quinimò velle se à peccato, quantum poterunt, abstinere, & sibi impositam quamlibet Pœnitentiam exequi; magnamque intetere obtinendæ Absolutionis prutiginem exhibent. Nullam aliam sermonis istius causam esse liquet, præter infirmum & inefficax propositum; quod quidem haud sufficit ut Sacramentum legitime fructuosèque suscipiatur. Cum enim dicunt se, *quantum poterunt*, à peccato abstinere velle, satis quidem indicant se non firmo proposito constituisse ingruenti tentationi resistere; quamvis ad sinceram conversionem requiratur ut quisque paratus sit, & cupiditates, & eas quæ sibi vel maxime arident, cupiditatum illecebras, exempla, amicitiarum conjunctiones periculosas; rei cuiusvis humanæ respectum, Deo juvante, transcendere, & qui maximus omnium triumphus est, seipsum perpetuo vincere.

Sunt qui statim promittere non dubitant se nunquam ulterius in solita peccata relapsuros; iique sæpius antea, post alias probationes, à sanctioris vitæ instituto defecerunt. Qui autem promptius emendationem pollicentur, eos quoque ocyus fidem fallere experientiâ compertum est: *hi nempe radices non habent, & in tempore tentationis recedunt* (u). Si quis occurrat huiusce indolis Pœnitens, non prius absolvarur, quam fuerit satis probatus: alioqui, *perseverantia illius non permanebit* (x).

(q) Luc. 1. 75.

(r) S. Laur. Just. de spir. resurr. l. 1.

(s) Ibid.

(t) Ps. 118.

(u) Luc. 8. 13.

(x) Eccli. 28. 26.

Alii statim promittere non audent, ac deliberandi tempus exposcunt. De his, tanquam bonâ fide agentibus, benè sperandum est: firma sæpè & solida erit eorum conversio, quæ scilicet maturiore consilio perficietur. Alii, si paucorum mensium aut annorum perseverantia quaratur, eam se polliceri quidem posse dicunt, non autem affirmare se nunquam peccaturos; idque propter occasiones & cætus illigantes, propter vehementem in veterum propensionem. Hi procul dubio fallaciæ dolique expertes sunt: adhuc tamen inirmum est eorum propositum, quippè qui ordinis consueti occasionibus fortiores se nondum exhibent. Quamobrem in multa patientia & sollicitudine supra humanum obsequium propriamque libidinem extollantur, iis ad vivum propositis incitamentis quibus fides vehementissimum peccati odium imperat. Suggestente Confessario, intelligant hoc primum maximumque esse mandatum ut Deus super omnia diligatur; Deum autem super omnia haudquaquam ab eo diligere, qui ejus amicitiam postponat cœtum & carnis illecebris, mundi implicationibus falsisque voluptatibus. Itaque iis suspendatur Absolutio, quoadusque à peccato ad reliquam vitæ tempus declinare constituent. Qui inveteratæ consuetudinis mole depressus, firmum emendationis propositum nondum mente concipit, hic certè benignissimâ indiget Confessarii curâ, ut neque vitium inter & virtutem anceps hæreat, neque ex desperatione in pejorem quam antè statum relabatur. Studeat Sacerdos maximum in illo pec-

cati horrorem excitare; simulque ipsum dulcissimâ erigat fiduciâ in summam Dei misericordiam, ut potè qui pater est, ad parcendum filiis benignâ voluntate propensissimus. Eum denique impensius cohortetur, ut frequenti oratione penitentiaque operibus eam cordis immutationem promereri contendat, sine qua de statu peccati refutgere nunquam poterit.

Fieri tamen potest ut qui firmum propositum animo concepit, hic timore aliquo perturbetur, ne, insurgente tentatione, à concupiscentia vincatur illeceus, nihil interea omitteus quo possit, auxiliante gratiâ, carnem spiritui subicere. Sed timor ille ex infirmitatis & fragilitatis propriæ conscientia exortus, non impedit quin verum sit ejus propositum; in quo scilicet immotus permanebit, vitatis peccati occasionibus, iisque diligenter præstitis quæ suggeret Confessarii prudentia, ut in hujusmodi prælio victoriam obtineat. Ipsi quidem malè præposterèque denegaretur Absolutio; peccati enim affectum certissimè deposuit. Non velut sinistrum quiddam existimandum est, quod Pœnitens sibi diffidat, culpaque iterationem timeat. Quinimò gratiæ & emendationis fructus ex eo sperare magis licet qui se fragilem agnoscit & gemit, quàm ex eo qui in propria virtute confidit.

Qui virium suarum dissidentia adhuc fluctuantes videntur, nec perseverantiam audent polliceri, suaviter impellendi sunt ad superandas, quæ in stadio virtutis occurrunt, difficultates. Ante omnia verò, quidquid ad peccatum allicere potest, diligenter

fugiant; nihil enim emendationis est ab eo sperandum, qui peccandi occasionem proximam vitare detrectat, quantumvis affirmet eâ se mentis firmitudine instructum, quæ ad vincendum necessaria est. Qui amat peccati periculum, hic certè peccatum amare censetur; & qui amat periculum, in illo peribit (y). Temerarius est, & Deum tentat, qui se in peccati occasione proxima inconcussum fore confidit. Statim igitur ut Pœnitens ad deponendam peccati consuetudinem accingere velle se videtur, ejus tollatur occasio: si verò tolli ea non possit, adversus illam apta remedia instituantur, ut fusiùs suo loco explicabimus (z).

OPTIMUM quidem factu esset ut Pœnitens, probationis tempore, annos suos per dies aliquot in pio secessu recogitaret (a), atque incitamenta conversionis, suggerente Confessario, meditaretur, interim Pœnitentiæ opera suis viribus accommodata exequens. Præterea, si Pœnitentes viis injustis ditati fuerint, si proximi famam iniquo dente roserint; eodem intervallo restituant malè quasita, & proximo satisfaciant. Nullum tempus est quo peccatores ad necessaria simul ac difficilia præstanda feliciter adducantur. Elapsò fervore, frustra requiretur pollicitationum effectus; dolebitque Confessarius revolutos in præcepta, quos non satis longè à periculo removerit.

Cùm Pœnitens antè vitiosus ad Absolutionem proximè suscipiendam disponitur, ut probetur firmitas illius propositi quo vult esse fidelis usque ad mortem (b), ei quidem in animum revocari poterunt occasiones quas sibi ad lapsum crebras fuisse reminiscitur. Si ad resistendum naviter se spontè accingat, eâ in voluntate roboretur: si verò ignoret quid sibi agendum sit ut pugnet & vincat; edoceatur, atque ad necessaria præstanda inducatur. Infolitæ autem probationes non sunt Pœnitentibus proponendæ, ne difficultatis imagine terreamur magis, quàm in Dei amore & legis observatione firmentur. Multi enim in proposito vacillarent, quibus amissio bonorum, infamia, cruciatus, mors ipsa exhiberetur potius toleranda, quàm incurrenda Dei offensio.

PORRO, ut fructuosa sit Pœnitentis probatio, impositæ hoc ipso intervallo satisfactiones, non tantum expiatoriæ, sed & medicinales sint. Et quoniam contraria contrariis optimè curantur, ea maximè injungantur pia opera quæ vitio cuilibet opposita sint, unde certius pariter & faciliùs extirpetur (c).

Cùm autem imponuntur Pœnitentiæ medicinales, Pœnitenti proponenda sunt incitamenta gravissima quibus ipse ad detestandum fugiendumque peccatum inducendus est. Neque omittenda sunt virtutis incentiva naturalia, præsertim erga

(y) *Ecclesi.* 3. 27.

(z) *Infra*, in hac *Div.* cap. 4.

(a) *Ibid.* 38. 15.

(b) *Apoc.* 2. 10.

(c) *Conc. Trid. sess.* 14. cap. 8. De sacris. *Vide infra*, *Div.* VII; cap. 1.

rudiores animos. Fures, iique omnes qui *non sua* quoquomodo *multiplicant* (d), exhibitâ suppliciorum imagine terreatur; undè oculos manusque ab alienis abstinere consuescant. Puellæ dedecus horreant quod sequitur invecundiam. Reminiscantur ebriosi quid detrimenti pariat crapula; quàm turpe sit hominem brutis animantibus similem fieri; quàm indignum, quàm à natura alienum, uxorem & liberos omni cultu victuque humano carere, dum crapulentus pater & maritus debitam iis substantiam ebibit atque obligurit. Sentiant libidinosi quanta existat ex rerum turpium confectatione infamia, quanta perturbatio heberudoque mentis, quantum rei familiaris temporalisque felicitatis detrimentum, quantus luctus, quàm graves morbi, quantum denique sui odium, ex cognita impudicitie mercede penitus animo infixum. Deindè ad sublimiora feratur exhortatio spiritualis: iudicium, infernus in medium afferantur; « voluptati opponatur vermis » perpetuus, tenebræ exteriores, » ignis inextinguibilis, tribulatio, » angustia, stridor dentium, vincula insolubilia (e). » Tum exhibeat Ministri sermo vivus & incensus gratiæ & gloriæ divitiis quæ lethaliter peccanti eripiuntur; ac demùm injuriæ Deo illatæ atrocitatem. Hæc ante oculos peccatorum quasi in tabula proponat, ut à pernicioso gravissimoque morbo tandem aliquandò resiliant.

Si quis verò Pœnitens conqueratur sese, ex quo vitæ novæ rationem inierit, vehementius tentari; ut ipsi erigatur animus, affirmer Sacerdos tentationes; si viriliter iis oblectari perrexerit, non diù esse perstiturus; atque etiam si per totam vitam validissimum sustineat cupiditatum certamen, iis resistere satius esse, quàm per eas in peccatum atque in infernum pertrahi. Ei modum spiritualis hujus belli suggerat; ipsum quàm maximè poterit, adjuvet, accendat, consoletur. Et cettè, si vehementius tentari se sentiat, non idcirco vehementiores sunt tentationes; sed eatum sensus, inito luctamine, vehementior est; quemadmodum si quis naviculam secundo agat flumine, is quidem impetum aquæ non sentit, & facili remigio mollique agmine deducitur; si autem adverso amne cymbam subigere velit, tunc obnixus laborat in remigando, undas nisu contrario præcipites sulcat operoso molimine, & multâ vi lentè procedit. Hæc est ad vivum expressa imago vitiosæ propensionis, quâ nemo satis afficitur, nisi reluctans. Ante omnia verò, ad reluctandum feliciter, cum oret qui *dominatur potestati maris, & motum fluctuum ejus mitigat* (f), ut compescat spiritum procella (g), quo navicula mentis concutitur (h). Si insurgant venti tentationum, si incurrat scopulos occasionum; si jactetur superbia undis, si ambitionis, si detractionis, si amulationis; si iracundiâ aut avaritiâ aut carnis ille-

(d) Habac. 2. 6.

(e) S. Chryf. Serm. 2. cont. concub. tom. 4. edit. Paris. 1621.

(f) Ps. 88.

(g) Ps. 106.

(h) S. Bern. Hom. 2. sup. Missus, n. 17.

cebrâ tentatur animus (i) ; JESUM in se dormientem excitet, qui dicat tempestati : *Tace & obmutescē* ; & *fiēt tranquillitas magna* (k).

Quod si tandem Pœnitens antea ex consuetudine peccator, in via justitiæ steterit inconcussus intervallo sufficienti, habitâ ratione consuetudinum, quatum aliæ longiorem, aliæ breviorē probationem requirunt ; absolvatur, postquàm per validissima quæque incitamenta fuerit ad Contritionem excitatus, prætereaque salutaribus monitis ad perseverandum eruditus. Sed nonnunquam fatius erit ut ei sacra Communio, perfectæ reconciliationis signaculum, aliquanto tempore differatur ; quo quidem spatio frequenter ipse confiteatur. Sic videlicet altâ humilitate fundatus, majorem concipiet tremendi mysterii reverentiam ; sic in vitæ novæ proposito magis ac magis roboratus, & virtutum exercitatione mundatus, dignior fiet qui sanctitatis Auctorem intâ se hospitem suscipiat. Huc accedit quodd, seorsum concessis tanti pretii beneficiis, significantius prædicatur quanti valeant ; & qui ad ea suspirant, iis dignos se præbere conatu validiore contendunt.

QUAMVIS autem is cui prius fuerat lethali ter peccandi consuetudo, ritè piè que dispositus videatur, adhuc tamen in aliud tempus dimitti potest (nisi aliqua circumstantia dilationem excludat ulteriorem) ; cum nempe hæc dilatio utilissima fore ju-

dicatur ad eum in bono proposito confirmandum, cautiorem ac vigilantiori rem efficiendum, atque ad ipsum efficacius impellendum ut *concupiscentiam malam* in dies magis ac magis *mortificare* studeat (l).

Qui, cum in profundo frequentis peccati monumento nondum jaceant, neque acceperint desuper consuetudinis molem (m), semel duntaxat vel iterum, propter insolitas quasdam occasiones, in lethalem culpam inciderunt, suadet vehementer prudentia suspendendam iis quoque esse Absolutionem, quando illos ab offensa Dei non satis abhorre re perspicitur, & sperandi locus est Contritionem in ipsis sapienti cunctatione esse potentius excitandam, eosque à noxæ iteratione servandos, non tamen à Confessione per intempestivæ severitatis imaginem retrahendos. Quod cum erga ceteros peccatores observari expediat, tum præsertim erga eos qui suum pariter & alienum corpus actu impuro vel semel contaminaverint, quæ solitario carnis peccato naturam offenderint. Præterquàm quod enim in ea delicti specie lapsus maximè lubricus est, facillimè que in consuetudinem præceps, perimagni etiam refert ut leviatur quanta sit impudicitix gravitas ; quâ nimirum funestius contenebrantur mentis oculi, quâ fortius constringuntur omnes animæ facultates, quâ sædius inquinantur mens & conscientia, quâ scelestius profanatur corpus, templum Spiritus sancti, quâ de-

(i) Ibid.

(k) Marc. 4. 39.

(l) Col. 3. 5.

(m) S. Aug. Sermon. 98. de verb. Ev. Luc. 7. c. 4.

mum horridius tota deformatur interioris hominis pulchritudo. Expendat autem Sacerdotis prudentia, an non forte adsint aliquæ circumstantiæ, quæ circa Pœnitentem fragilitate lapsum ac piè dispositum nihil moræ patiantur.

Erga eos pariter sapienti cunctatione opus est, qui Sacramenta frequentant, semel in hebdomada sacram Eucharistiam accipientes, si forte quorundam inter venialia graviorum affectu teneri videantur. Quod si torporem non excusserit prudens exhortatio; iis Absolutionem & Communionem suspendi necesse erit, ut ad pristinum fervorem redire compellantur. Quamvis enim propter venialia denegari absolute reconciliatio non possit, quia scilicet, cum non sint materia Sacramenti necessaria, quisque illa non confiteri, atque ab iis alio remedio expiari potest; qui tamen huiusmodi peccata Clavibus Ecclesiæ subiciant, aliquot saltem ex iis dolere & corrigere debent, ne Contritionis defectu irritum fiat Sacramentum. Qui ergo sæpius eadem minuta peccata continentur incorrecti (n), nullamque sibi vim facientes ut ea devitent, iis differenda est Absolutio, tum propter Sacramenti reverentiam, ne videlicet ipsum inaniter nulloque fructu suscipiant; tum verò ut hac dilatione admoniti, in seipsos attentius invigilent: maximeque si delicta & mentis affectu & consuetudinis vinculo periculosa sint, vel magis re-

trahant à perfectione quam exigit susceptum vitæ institutum, vel ad lethale peccatum gradu viciniore magisque lubrico impellant; undè anima levium ejusmodi delictorum multitudine, ceu arenæ granis innumerabilibus, prægravata, demergatur ut peteat (o), sive delabens in ipsum lethale peccatum, sive ultimum finem suum in iis constituens, quorum esset prius amor solummodo venialis; quo quidem posito, lethaliter peccaret. Multi pietatem profitentes, qui per venialium incuriam charitatem suam primam reliquerant, prudenti Sacramentorum dilatione, ceu quodam stimulo, excitati, memores undè excidissent, egerunt pœnitentiam, prima opera fecerunt; ac diligentius vigilantes, confirmaverunt cetera quæ moritura erant (p).

Si Pœnitens, postquam juvantibus prudentis Confessarii curis & monitis, peccati lethalis consuetudinem ex toto deposuit, rursus in peccatum, vel in pristini vitii morem impingat; quomodo in illum agere debeat Pœnitentiæ Minister, inferius ex professo dicetur (q).

Unum hic observandum superest, summopere videlicet cavendum esse, ubi occurrunt Pœnitentes lethaliter ex consuetudine peccantes, ne, dum in eos probationis disciplina rigidius observatur, iteratas culpas celare, vel Sacramentorum frequentationem omnino derelinquere constituent. Cum tractantur Pœnitentes consue-

(n) Idem, *Serm.* 56. (al. 48.) de div. c. 9.

(o) Idem, *Serm.* 9. (al. 96.) de temp.

c. 11. (p) *Apoc.* 2. 4. 5 & 3. 2.

(q) In hac Div. cap. V.

rudinis jugo depressi, tunc certe potissimum, juxta ingeniorum varietatem sagaciter exploratam, mansuetudine firmitudo consideratissime temperanda est.

QUANDO ingenta naturæ constitutio Pœnitentibus causa est vitiosæ consuetudinis, ut fit in iis qui mentis impetu vehementi abripiuntur, qui jurare, qui ferire, qui maledicere solent, qui, cum suapte indole avari sint, furari assueverunt; tunc multò severior & curatu difficilior est consuetudo. Et quidam à certis vitiis refrænari non possunt

nisi conjugio, nisi remediis per medicam artem subministratis, nisi Professione Religiosâ, nisi absolutâ eorum omnium fugâ quæ libidinem provocare valeant, aut aliis quibuscumque viis insolis. Hæc attentè observent Confessarii, ut prudentè dirigantur ejusmodi Pœnitentes.

Alii sunt, qui, cum solâ indigeant curatione spiritali, eam moleste ferunt; alii, indurato animo, ei reluctantur. In utrisque dirigendus quid sit observandum, proxime sequenti Capite exponemus.

C A P U T . I I I .

DE prudentia Confessarii erga vitiosos Pœnitentes quos offendit Absolutionis dilatio; tum erga eos qui, contractâ duritiâ, in peccato perseverant.

PÆNITENTES varia objicientes ut citò absolvantur. De eo qui affirmaret, se, denegatâ Absolutione, nihilominus ad sacram Eucharistiam accessurum. Justa dilationi repugnantes, incorrèctos & contractâ duritiâ pertinaces, quantâ mansuetudine & patientiâ curare atque expeilare debeat Confessarius.

QUANDOQUIDEM sæpè occurrunt Pœnitentes qui non facile credunt absolvi se nequaquam debere, nisi protus ab omni peccato lethali abstinerere constituent; multâ curâ ac diligentia efficiendum est ut à pernicioso hujusmodi errore abducantur.

Iis proponantur exempla Davidis, Peccatricis, sancti Augustini, sanctæ Mariæ Egyptiæ, aliorumque sanctorum Pœnitentium; quos nempe Deus non justificavit, nisi postquam juraverunt & statuerunt custodire judicia justitia ejus (a).

(a) Pf. 118.

Subjungat Sacerdos incredibile esse, omninoque à ratione alienum, Deo reconciliari hominem qui ad incurrendam ejus inimicitiam adhuc sit paratus: sibi verò eum absolvere nefas esse, qui, quotiès absolutus fuit, totiès *ad vomitum redit* (b).

Quòd si objiciat Pœnitens difficultatem resistendi occasionum illecebris; respondeat Confessarius ardua quidem esse initia; sed qui vitiosum morem aliquandiu represserit, eum postea virtutis iter planum sentire: si fortiter abjiciantur omnia vitiorum irritamenta, eorum imagines tandem penitus obliterari; consuetudini consuetudinem cedere; quodque primo inceptu conversionem molienti impossibile videbatur, hoc deinceps non modò possibile, sed & facile, imò jucundum, auxiliante gratiâ, inveniri; atque insuper è Sacramentorum frequentatione *virtutem in anima quotidie multiplicari* (c). Si Pœnitens sup̄fluis vincendi laborem ceu terribile quiddam perseveret oppondere, cum Christo respondeat Sacerdos: *Regnum calorum vim patitur, & violenti rapiunt illud* (d). Quin etiam, si dimidium bonorum pauperibus erogare necesse foret, quod fecit Zacharus (e), aut vitam ipsam profundere, quod fecerunt tot Martyres; non ei fore dubitandum *omnia detrimentum facere*, ne animam suam perderet. Eum *usque ad sanguinem nondum restitisse, adversus peccatum repugnantem* (f); & ta-

men ipsi durissima quæque ad vitandum peccatum experiri facius esse, quam mitti *in gehennam*. Perfectæ morum emendationis difficultatem, quam ultra modum conqueritur, leviorē fore, quàm nascentes è media voluptate angores. Nul- lum aut parvum esse spiritalis conflictus laborem, si attendatur *vermis conscientie non moriens* (g), tremor & desperatio, instante morte, irruens, *mors peccatoris pessima* (h), ac demum *ignis devorans ardorque sempiterni* (i).

Si assermet Pœnitens, sibi, quotiès confitetur, in animo esse ut vitam in melius immutet; se verò ex infirmitate corruiere, vel occasionibus invitum abripi; respondeat Sacerdos eam fuisse propositi speciem, non autem firmum propositum, cuius nempe unicum indicium est vera emendatio: qui semper iniquitatem facit, eum profectò iniquitatem diligere, Deoque idcirco esse inimicum, & gratiæ sanctificantis minime capacem.

Cùm urget Pœnitens, legitimam à nullo institui posse Pœnitentiam, si peccatores oporteat omni delicto immunes fieri; respondeat Confessarius, non quidem exigi ut quisquam fiat impeccabilis, quod scilicet non capit mortalis infirmitas, sed requiri omnino ut quisque firmum statuatur non ulterius peccandi propositum; quod profectò tale censeri non potest, si peccator semper in eodem statu remaneat. Lethalem

(b) Prov. 16. 11. 1. Petr. 2. 12.

(c) Ps. 137.

(d) Matth. 11. 12.

(e) Luc. 19. 8.

(f) Hebr. 12. 4.

(g) Is. 66. 24.

(h) Ps. 137.

(i) Is. 33. 14.

culpam aded in homine regenerato portentosam olim Ecclesiæ visam fuisse, ut, quæ esset in eam prolapsus, ipsum, iudicaret Absolutione & Communione privandum, non paucos dies, non paucas hebdomadas, sed annos tres, septem, quindecim aut viginti, imò nonnunquam usque ad ipsum vitæ terminum. Quod si nunc inveteratis peccatoribus ad breve tempus Absolutio suspendatur, ad hoc valere istam qualemcumque pristinæ severitatis imaginem, ut certiùs absolvantur ac tutiùs, postquam, agnitæ Dei offensæ & cordis sui plagæ (k), ac tandem accepto veræ Pœnitentiæ dono, ad suscipiendum Sacramentum idonei facti fuerint.

Sunt qui sapienter cunctanti Confessario aliquatenus irascuntur, obijcientes mori se interea posse; qui autem inabsoluti moriuntur, eos procul dubio æternis suppliciis addici. In quo certè eminet ingeniosa hominum cæcitas & stupor incredibilis, qui totas hebdomadas, totos menses, totos annos in morte peccati, & quasi ad spiraculum Inferni pendentis in præceps, impavidi & securi obdormiunt, quamvis indeflexâ malè vivendi consuetudine irretiti, plerumque inconfessi, aut saltem, nihil obstante Confessione, incorrepti; tunc verò plurimùm metuunt ne in vindictis Dei manus incidant, mortem expallent æternamque damnationem, cum jubentur, aliquo intervallo probati atque à peccato abstinentes, Deum pet humiliati cordis gemitus & per sin-

ceræ Pœnitentiæ opera sibi propitium facere. Mortem non timent, quanto tempore Deum impudentes offendunt; eam verò quasi instantem reformidant, statim atque Deum placare velle incipiunt. Absolutionem expetunt, ut sibi securitatem salutis accersant; ipsique nihilominùs, abnuunt sufficienti probatione disponi ad Absolutionem ita suscipiendam, ut salutem suam verè in tuto collocent. Absolutio illa properata, quam importuni extorquent, vel dolosi subripiunt, falsam eis conscientiæ tranquillitatem inducit; miuimèque attendunt nihil sibi prodesse, si, Deo nondùm placato, ab hominibus reconcilientur; se præterea, si dispositionibus requisitis careant, Sacerdote absolvente, Dei sententiâ damnari. Ut autem profligetur metus ille non sincerus insidiosèque allegatus, suggerente Confessario, intelligat malè inquietus Pœnitens, Ecclesiam, piam matrem, de filiorum salute semper tenerissimo affectu sollicitam, mortalem hominum conditionem haud ignorasse, quandò & Baptismum Catechumenis, & reconciliationem Pœnitentibus tanto intervallo differenda censeret. Ex quidem eo timore nihil movebatur, ut, qui alterutrum Sacramentum postulare, eos requisitâ probatione disponi non curaret. Ipsa porò non temerè inaniterque sperabat Catechumenos aut Pœnitentes, vel, secundùm misericordiam Dei magnam, non subitò morituros, vel, ex Pœnitentiæ operibus, quæ cum

(k) 3. Reg. 1. 28.

desiderio Sacramentorum adimplebant, promereri posse donum Contritionis, quâ, etiâ non adhibito gratiæ signo visibili, iustificarentur. Hinc, posthabito illo metu, semper invigilârunt Patres antiqui, ut à Sacerdotibus adamussim observarentur Pœnitentiæ Cautiones, quos disciplinæ robur & nervum esse jure ac meritò existimabant. Hinc, ubi aliquem improvisa mors à reconciliationis gratiâ intercluserat, cum, propter animum pœnitentem expiatoris operibus ostensum, ipse quidem Sacramentum in voto suscepisse censebatur, de salute ejus tam consolatoriâ spe sentiebat Ecclesia, ut eum orationibus atque oblationibus Deo commendare non dubitaret (1).

Si dicat falsus Pœnitens nullum hæc tenis Confessarium adeo sibi molestum fuisse; se toties ad Pœnitentiæ Tribunal venire non posse; & si sibi Absolutio denegetur, se omnino non rediturum; respondeat Sacerdos, eam, quæ ab illo geritur, pronam ad peccatum voluntatem non fuisse alteri Confessario perspectam; quam nempe si cuilibet Sacerdoti manifestam faciat, eum absolvi nunquam posse, nisi prius omnino peccati affectum deposuerit, quocum infociabilis est gratia sanctificans: convertatur ex toto corde ad Dominum, & tunc nullam sibi molestiam fore. Cæterum affiruet Confessarius dolere se vehementer quod ille ad sacrum Tribunal non

redire constituens, propriæ salutis tam malè consulat: per ipsum omnino stare quominus Absolutionem obtineat: non faciliorem futurum fuisse ipsummet CHRISTUM JESUM, usque adeo mitem, atque ad suscipiendos peccatores tantâ misericordiâ propensum; quippe qui peccata nemini condonaverit, nisi eâ lege ut deinceps à peccatis abstineret, cum, exempli causâ, adulteræ mulieri dixerit: *Vade, & jam amplius noli peccare* (m). Absolutionem quam flagitat imprudens, & quam, suggerente conscientia, tunc ipsi impertiri nequit Sacerdos, ne factilegiu particeps fiat, gravio-rem culpis ejus cumulum addituram, effecturamque ut in somno peccati funestâ securitate obdormisceret. Sic nempe animarum zelator Confessarius nemini *molliter favoris* adhibet, ut in errore molliter *ja- ceat* (n).

Si quis adeo sit impius, ut affirmare ausit, se, denegatâ Absolutione, nihilominus ad sacram Domini- ci Corporis Communionem accessurum; non idcirco flectatur Sacerdos: siquidem Pœnitens nefando illo proposito adhuc Absolutione indignior evadit. Eum à tanto sacrilegio detertere omni ope atque operâ enitatur. Judam proditorem indignâ Communionem imitari constituens, sortem ejus infelicissimam, intonante Sacerdotis comminatione, formidet, desperationem videlicet, impœnitentiam finalem, sempiter-

(1) Conc. Carth. IV, an. 398, can. 79. Vass. I, an. 442, can. 2. Arel. can. 8.

(m) Joan. 8. 11.

(n) S. Greg. de cur. Past. pag. 2. c. 8.

Vide S. Aug. in Pl. 34. S. Cypr. de lapsis. S. Hier. Ep. 147. q. 2. (al. 4. crit. t. 4. p. 163.)

namque reprobationem. Noverit denique, se tam perversè dispositum, Absolutionem à quoquam inaniter impetraturum esse; nec minùs *Corporis & Sanguinis Domini reum* fore, quandoquidem Absolutione haudquaquam delentur eorum peccata, qui non ipsis in æternum renuntiant.

Ejusmodi Pœnitentes, qui animo fingunt nullam ferè aliam ad promerendum Absolutionis beneficium requiri dispositionem præter Confessionem delictorum sinceram atque integram, Confessarios querunt eodem imbutos errore, idèque semper ad absolvendum paratos; &, quod pejus est, inveniunt. Sic autem absoluti cum nullo aut certè fictitio emendationis proposito, de præteritis delictis omninò securi sunt, & ad nova ultrò resiliunt, cum prima invitat occasio. Si quis Sacerdos disciplinæ officii-que tenax, non interruptum postulet vitæ novæ tenorem ac perpetuam à delicto cessationem; linguam sonans quasi peregrinam, minimè intelligitur, vel aures superbas offendens, relinquitur. Zelum adèò prudentem ostendant Confessarii, ut nemo incorrectus manens de venia sibi gratuletur, nec tamen cunctatione ad propriam salutem necessarià offendatur. Si sortè occurrant Pœnitentes qui Absolutionem malè præparati etiam atque etiam efflagitent; de alio Sacerdote adeundo nunquam sermonem instituat prudens Confessarius, nisi aliquem designet sibi notum *fidelem dispensatorem*; eum nempe qui de peccato in æternum fugiendo illud omne confirmet, quod ipse jam priùs in eam

rem Pœnitenti denuntiaverit: nam satis superque proclivi animo Confessarios exquirunt à quibus non compellantur pravas emendare consuetudines. Ad compescendam ejusmodi Pœnitentium importunitatem, curet Sacerdos ut intelligant se nullo modo esse Absolutionis capaces; suamque illis operam benignè offerat, ut quamprimum ad tanti beneficii susceptionem legitimam disponantur.

Quod si morè impatiens peccator atque importunus Absolutionis flagitator nullà ratione adduci possit ad deferendum peccati statum, consuetudinem & occasionem, ad finem usuris imponendum, ad restituendum, ad reconciliationem offerendam aut suscipiendam, à Sacerdote inabsolutus quidem, sed, tempore ad redeundum constitutus, dimittatur. Licet enim justè dilationi salutaribusque admonitis reluctetur, nunquam tamen diuitti debet jam non ultrà audiendus; ne sibi ad ultimum relictus quasi homo desperatæ conditionis, in impietatem & flagitiosissima quæque proruat forsau immodicabilis. Vel maximè rebellem & pertinacem hortetur ut redeat: redeuntem leniter suscipiat, sensimque ad peccati odium & fugam excitet, ut tandem ipsum ad veram Pœnitentiam adducere aliquando valeat.

Nihil enim verò miseratione dignius quàm hujusmodi cæcitas & contracta durities; ipsaque, nisi summâ curâ longæque zeli perseverantiâ, expugnari non potest: quem admodum æger pericolosè decumbens, sui-que morbi gravitatem non

sentiens, crebriore ac diligentiore indiget medici sollicitudine. Itaque, si coerceri tunc non possit animus perversâ voluntate vinctus, non tamen insanabilem in modum ægrota- re judicetur. Meminerit Sacerdôs se fuisse à Christo positum *ut fructum afferat in patientia* (o), id est, ut fructum illum patienter expectet. Ne igitur moleste ferat quoddam Deus in gratiæ suæ operibus non se præcipiri hominum zelo attemperet. Saulum vivo impetu stravit gratia; Peccatricem repente sibi abripuit; Petrum uno contuitu, Mariam Ægyptiam uno motu verè penitentem effecit; frequentius verò suam suspendit actionem, donec libidinum ætus deferbuerit; eoque magis suam abscondit efficaciam. Esset prodigium nimis evidens, si mediâ cupiditatum flagrantia mediisque occasionum illecebris mentes semper immutaret: interdum velut obsequiosa expectat morantem, nec semper illico expugnat reluctantem; sed quibusdam circumstantiis & occasionibus quas ipsa temperat ac disponit, sese accommodat *gratia multiformis* (p).

Ad hanc normam se componat Sacerdotis *charitas patiens & omnia sperans* (q). Lenis & cautus exploret, quâ possit in animam tantæ malitiæ propugnaculis munitam atque vallatam irrumpere. Neque pravam consuetudinem deponere, neque occasionem proximam derelinquere, neque alia necessaria præstare volenti, hæc tanquam Veritatis ipsius oracula de-

nuntiet: Neminem, vel in ipso mortis articulo, absolvi posse in tam perversa mentis habitudine contumacem: profanati Sacramenti cum ipso reum fore Sacerdotem, Abolutionis beneficium tam malè disposito profundentem; nec ipsi taliter absoluto peccata remissum iri: ipsum denique, nisi ab iniquitate in æternum discesserit, in Dei inimicitia victurum, & quod pejus est, moriturum. Si nihil eo die terrore, consolatione, increpatione, obrestatione proficiat; alio forsitan potiorum sibi successum gratulabitur: quem sperare etiam æquius poterit, si Penitentem in suis orationibus & in ipso Altaris Sacrificio divinæ misericordiæ fervidus commendet, sicque momentum operatæ conversionis, quantum efficere possit, accelleret. Ut fuisit gratiæ radius, ad Deum toto corde revertuntur ii peccatores, quos ætas fervidior, quos effrenatæ libidines, quos insita naturæ fragilitas à Deo alienos diuturno tempore tenuerat; & dum *penitentiam facti sui*, dum *pudore delicti, plûs & virtutis & fidei de ipso lapsus sui dolore* concipiunt (r), non tardè in sublimiorem statum eriguntur, quam quo per longam rebellionem atque animi cæcitatem exciderant. Sic dulcissimè coronatur pii Sacerdotis charitas & patientia: sic vas pulcherrimæ sanctificationis evadit ille peccator, quem imprudens zeloque intemperato præceptis Confessarius *tanquam vas perditum* dereliquisset (s).

(o) Luc. 8. 15.

(p) 1. Petr. 4. 10.

(q) 1. Cor. 13. 4. 7.

(r) S. Cypr. de lapsis.

(s) Ps. 30.

CAPUT IV.

DE prudentia Confessarii erga Pœnitentes in peccati occasione proxima constitutos.

DUPLICIS generis occasio proxima. Præcipua exempla occasione proxime per se. Quomodo agendum erga Pœnitentes hujusmodi occasione implicitos, tum erga eos qui se ab ipsa tollenda excusant. Varia exempla occasione proxima per accidens. Qui ex ea peccare solent, quomodo tractandi. Ubi occasio non facillè deferi potest, quid constituendum. De illis qui ad deferendam occasionem induci nequeunt; quibus ex vitæ instituto continuum imminet peccandi periculum; qui occasionem proximam deferere, aut nullomodo, aut vix possunt.

TUM præcipuè laboriosa est vitio si moris curatio, cum adjuncta occurrit occasio proxima. Qui sic duabus constringitur catenis, ipse quidem, ut Absolutione dignus non temerè judicetur, sapienter ordinatæ probationis experimento indiget. Cum sæpiùs occasione gliscat & foveatur prava consuetudo; illà sublata, hæc marcescit, ac tandem protius emoritur. Sed, remanente occasione, reviviscit consuetudo, fortius ingravescit, ac tyrannide sæviore dominatur; sicque propositum etiam firmissimum sequuntur lapsus graviores. Itaque plurimùm interest ut Confessarius maximam erga Pœnitentes in peccati occasione proxima constitutos prudentiam exerat (a).

NOMINE verò *occasionis proxima*

intelligendum est quicquid ad peccatum lethale frequenter committendum proclivi gradu impellit, vel ex natura sua, pro communi hominum infirmitate, vel duntaxat propter hujus aut istius hominis peculiarem propensionem vitiosamque indolem. *Occasio*, in priore casu, *proxima per se* dicitur; in posteriore autem, *proxima per accidens* appellatur.

Prioris generis occasiones proximæ sunt, si quis v. g., sive domi, sive alio in loco, sive suo nomine, sive alterius, penes se habeat, vel sibi addictam quocomodò foveat personam quacum ipse peccare afuerit, vel quæ ipsius fragilitati perpetuum sit impudicitæ irritamentum. Si quis solus cum sola virgine vel muliere frequentem & familia-

(a) S. Cypr. Ep. 62. (al. 4.) §. 1. & 3. S. Hier. Ep. 22. c. 5. (al. 18.) Cont. Vigil. l. 1. c. 6. Ep. 47. (al. 29.) cap. 1.

Tomus II.

Cont. Jovin. l. 2. c. 19. In 18 Matth. l. 3. v. 8. S. Basil. in Ps. 33.

rem ineat consuetudinem, in assiduo colloquio, in liberrima societate, in quotidiano aspectu, & similibus turpiū amorū illecebris perseverans (b). Si quis in alterius domo habitans, qualis est famulus aut ancilla, ibi socium aut sociam habeat delicti contra castitatem. Si quis libros Fidei vel bonis moribus contrarios, statuas, picturas, sculptasve imagines inhonestas domi asserver. Si quis aleatoriam artem profiteatur, domum præbens in hunc finem (c); vel si quotidianum atque assiduum lusorem, sive in propria, sive in aliena domo se exhibeat. Si quis ejusmodi spectaculis, joci, choreis vel cætibz ex consuetudine intersit, in quibus vulgò periclitetur virtus & innocentia, aut saltem in quibus cor mundum servare difficile esse meritò judicetur. Si quis homines frequentet corruptos moribus, vel reprobos circa fidem (d), quotum idè perversa colloquia vel exempla tentationem ei continuam afferant. Tum verò inter occasiones proximas per se annumerari potest otium.

Quicumque in una ex his occasionibus versatur, aliave simili, quæ ex natura sua quemlibet ad veritatem pelliat, eum absolvi non oportet, nisi reipsa illam omninò deseruerit. Nec solis promissis contentus sit Pœnitentiæ Minister: eorum executio, & ipsi, & Pœnitenti longè tutior est; nisi fortè prudentia, circumstantiæ alicujus habito respectu, sincerita-

tem promittentis semel experientiam suadeat. Si verò semel deceptus fuerit Sacerdos, non committat ut rursus decipiatur. Absolutionem suspendat, quoadusque Pœnitens, non modò occasionem prorsus absciderit & fugerit, verum etiam donec ab ea certo temporis intervallo remotus vixerit: alioquin, expers habeatur firmæ voluntatis non ulterius committendi peccati ad quod impellit ejusmodi occasio; quemadmodum æger qui, vacante medico, suotum sectatur malorum irritamenta, propriæ valetudinis inimicus esse meritò judicatur.

Quid si in excusationem afferat Pœnitens, sperare se ita futurum, ut, divinâ auxiliante gratiâ, jam non lethaler, vel ipsâ præsentē occasione, delinquit; respondeat Sacerdos: *Scriptum est: Non tentabis Dominum Deum tuum (e). Numquid potest homo abscondere ignem in sinu suo, ut vestimenta illius non ardeant? aut ambulare super prunas, ut non comburantur plantæ ejus (f)?* Non illa quidem spes est legitimè ordinata, sed potius temeraria confidentia hominis in medio peccati fomite remanentis, postquam promissæ fidei vanitatem jam toties miserrimâ fragilitate persensit.

Sunt qui, ne occasionem tollant ex natura sua proximam, affirmant se metuere ut res confici possit incolumi famâ, tum propriâ, tum personæ quæ sibi sociæ peccati est.

(b) S. Car. Borr. Past. Inst. part. 2. cap. 16.
(c) Ibid.

(d) 2. Tim. 3. 8.
(e) Deut. 6. 16. Matth. 4. 7.
(f) Prov. 6. 27. 28.

Juxta pondus sanctuarii perpendat Confessarius (g) an legitimus sit hic timor, an non potius quamprimum sit exequenda discessio, ut vitetur scandalum, & mala quæ longius contubernium subsequi possent. Quod si tamen reverâ nequeat Pœnitens sine gravi periculo & scandalo hujusmodi occasionem tollere; præcipiat Sacerdos, tanquam Pœnitentiz partem, ut absteineat ille diligenter à secreto & familiari colloquio cum persona quæ sibi lapsus occasio est, à cunctis pariter blanditiis atque amoris impudici incentivis; ut *otiositatem*, animæ scilicet inimicam, omnis malitiæ magistram, luxuriæ matrem fugiat (h); ut oratione, sensuum & carnis afflictatione, mortis, judicii, inferni, æternitatis meditatione, frequenti præsertim Confessione concupiscentiam refrænaret, suamque adversus nova peccata muniat fragilitatem. Interea suspendatur Absolutio, donec eluceant emendationis haud dubia specimina. Si autem mora longior adducat infamiz periculum; si præterea sinceri doloris ac propositi indicia conspiciantur insolita, simulque inflammatus ardor & prompta voluntas id omne absolutissimè præstandi quod requiritur ne noceat occasio; poterit Confessarius injunctis remediis præmunitum semel absolvere. Quæ quidem si posthac inutilia esse demonstrantur, vincitibus scilicet occasionis illecebris; non jam absolvatur Pœnitens incorrectus, nisi prius occasionem proposito suo for-

torem deseruerit, dicente nimirum Apostolo: *Fugite fornicationem* (i).

Aliæ sunt occasiones proximæ, non quidem omnibus tales, sed iis tantum qui, propter indolis suæ pravitatem, inlitamve fragilitatem, certis in conditionibus vel circumstantiis per se indifferentibus, aut etiam bonis, peccare assueverunt. Sic multos ad frequenter peccandum allicit milicia, Magistratus, mercatura, seu privatæ, seu publicæ pecuniæ administratio. Sic multi Judices, Advocati, Procuratores, Medici, Chirurghi, varii artifices, instituti sui occasione proximum vexant, lædunt vel defraudant. Sic ubique vigent blasphemiz, calumniz, odia & contentiones, furta & rapinæ, aliaque sceleta permulta, quibus Deus & proximus graviter offenduntur, & quorum assuetudinem ex vitæ generibus aliunde innoxiiis tantum sibi asciverunt plurimi, ut conjectari liceat, ipsos, si in iisdem officiis permanserint, eadem voluntatis propensione peccaturos. Itaque negotium sibi periculosum, si fieri possit, abdicent; aut saltem illud non sine pii & sapientis Confessarii ductu consilioque exerceant. Si denique prudenter existimet Confessarius tandiù illos ad solita peccata redituros, quamdiù in veteri occasione persistiterint, iis absolvendis superfedere debet, donec ab ea discesserint. Quin etiam omninò necesse est ut vitæ emendationem & quamdam hujus certitudinem per aliquod temporis intervallum expectet.

(g) Num. 9. 30. (h) Eccli. 33. 29. (i) 1. Cor. 6. 18.

Atque hinc vigilandum eò diligentius, quòd ex Pœnitentiæ Ministrorum incuriâ evidentet hac in parte contingit ut in omnibus prope modum vitæ generibus peccata gravissima foveantur, abususque intolerabiles, quibus vigentibus, nec res etiam per se innocentissimæ à plurimis, illasâ conscientiâ, exerceri possunt. Sic, in multis vitæ generibus adeundis, quædam juratò promittuntur, quæ tamen postea minimè servantur. Sic, in militari professione & castrensi contubernio, duellis, homicidiis, morum licentiæ, itreligioni locus datur frequentissimus. Sic, apud mercatores invalescunt usuræ, mercium fraudes, vel cùm eas adulterant, vel cùm malas pro bonis in manum porrigunt, vel cùm plus justo pretio, vel iniquo pondere & mensurâ vendunt. Nec desunt perjuria, mendacia, fraudulenta vectigalium aversio. Sic multi opifices, Dominicis & Festis diebus æquè ac negotiosis, festivum operum exercitatione usque adeò distinentur, ut nunquam aut ferè nunquam divino cultui vacent, neque ad publicas Ecclesiæ Institutiones conveniant; imò, quicquid subcessivi temporis è criminoso labore superest, non illud in sanctificando die Dominico, sed in frequentandis popinis, in vanis ac plerumque noxiis oblectationibus consumant: cuius ad modum profanationis se totam nefariè componit familia. Plerosque autem peccandi occasionibus implicitos si Confessarius diligenter scrutatus fuerit, eos plerumque in-

veniet nunquam ad Pœnitentiæ Sacramentum ritè dispositos accessisse; atque idcirco, præter longiorem probationem, quâ indigebunt ut constituatur an susceptum vitæ genus, tutâ conscientiâ, retinere possint, totius insuper vitæ Confessionem emittere sæpè tenebuntur.

Multò magis Confessario allaborandum est ut tollantur pericula ejusmodi actionum, quæ, tametsi inter occasiones per se ad lethalia inducentes non computantur, nihilominus ad malè agendum insectant, lapsuque facillimo ad varia peccata impellunt. Hujusmodi actiones sunt v. g. choreis interesse, tabernas frequentare; & similia, à quibus Fideles sibi commissos detertere sedulò debent Pastores & Confessarii: atque etiam, si cui sit in his peccare solitum, non priùs absolvendus est, quàm vivendi rationem usque adeò periculosam deferaturum se polliceatur, vel potius reipsâ deseruerit (*).

Qui cauponas ingredi non solent quin vinum usque ad ebrietatem bibant, ibique alia etiam peccata lethalia committant, blasphemantes, turpia loquentes vel agentes, rixantes, furantes, & quod sæpè contingit, familiæ substantiam deglucientes; qui, inter ludendum, maledicta, execrationes, impia verba proferunt, jurgia miscunt, tempus & pecuniam utilitès insumendam miserrimè profundunt, furtim surtiunt, ut fortunæ damna resarciant; & qui, cùm ad ea peccata ludi occasione delabi soleant, ludi

(*) S. Car. Borr. sup. c. 17.

furore nihilofecius abripiantur; qui, peſſimâ conſuetudine, *potentes ad bibendum* (1), frequentia convivia ſectantur, in quibus inebriari conſueverunt; qui, propterea infirmitatis conſcii, ſæpè interſunt in promiſcuis viſorum ac ſcœminarum cœtibus; qui denique ſuperandis inſtituti cujuſlibet ſui tentationibus pares ſe non ſentiunt; ii certè omnes, præſentis habitûs atque experientię præteritę ratione, prudenter judicantur, à lethaliſ peccati conſuetudine abſtinere vix poſſe, quamdî in prædictis ſive conditionibus, ſive circumſtantiis atque occaſionibus permanſerint.

Lex prudentię fixa atque immota eſt, ut qui in proxima verſetur peccati occaſione quam relinquere facile poſſit, niſi eâ dereliçtâ non abſolvatur. Cùm ſcilicet conſtitetur Pœnitens plura peccata lethalia certę occaſionis impulſu commiſſa, ſi ſit adhuc præſens occaſio, & nihil impediât quominùs ipſa removeatur, non verè contritus ille cenſetur, niſi penitens eam à ſe removeat. Nec ſincerum exiſtimari poſſet illud peccati odium, quod non ad ipſius irritamenta extenditur; nec verè & ex animo culpam dolet admiſſam, qui, cùm poſſit, ejus iterandę periculum non deſerit. Talis igitur Pœnitens antequàm abſolvatur, eam fugiat occaſionem quâ impulſus fuit ut corrueret; niſi fortè in hoc ſalutari propoſito bonâ fide conſtitutus videatur. Sed longè tutius eſt propoſiti executionem, ſi

per circumſtantias liceat, Abſolutioni præire.

Cui difficillimum eſt ab occaſione proxima diſcedere (cùm v. g. familiam ſuſtentat profeſſio quę Pœnitenti ad ſalutem periculofa eſt), ille ad vincendam difficultatem excitetur, eique via ſuggeratur, ſi qua ſuppetat, ut occaſionis dereliçtio poſſit ad effectum petduci. Quodd ſi intrâ certum tempus ab occaſione ſe recellurum promittat; & tempus, & promiſſi executio expectentur. Si fortè, nondum relictâ occaſione, peccandi conſuetudo emortua videatur; nihilominùs, ut plurimùm, removenda erit occaſio; quę nempe cùm aliquatenùs deſierit eſſe proxima, talis de integro fieri poſſet. Non autem exigenda erit occaſionis remotio, ſi Pœnitens occaſioni tanto intervallo reſiſterit, vel potiùs aded non opus habuerit reſiſtere, ut eorum ſimilis factus omninò cenſeatur, quibus idem vitę genus ſemper fuerit innoxium. Scilicet, quę *per ſe* proxima eſt occaſio peccati, talis eſſe nunquam deſinit; ideòque Pœnitens, quantumlibet contritus videatur, & quamvis jamdiù à peccato ceſſaverit in hujusmodi occaſione conſtitutus, hanc nihilominùs, cumprimùm poterit, deſerere compellendus eſt: ſed occaſio *per accidens* talis eſſe aliquandò deſinit; reſpecti enim ad virtutem poſſet indoles vitioſa: quo quidem in caſu, ut vera exiſtetur converſio, non abſolutè neceſſe eſt priſtinorum lapſum occaſio-

(1) *Iſ. 5. 22.*

nem derelinqui; eò quòd v. g. negotium undè priùs extiterat occasio peccati, animum tandem inveniat officii & legis amore tutum atque firmatum, mutatà scilicet ejus voluntate & propensione.

Sunt quibus solitum est ex occasione omninò suà proprià delinquere, & quos inducere non potest Confessarius ut ab illa sese fortiter extricent. Hos primùm, si aliàs monitis dociles videantur, eodem modo probari oportebit, quo ceteros ex assuetudine peccantes; id est, proponenda ipsis erunt quædam remedia, quibus efficiatur ut quod hætenus peccandi occasionem sibi fuisse experti sunt, hoc deinceps tale non experiantur. Sic Judici corrupto ea præcipienda est æquitas, quæ nihil commendationi, nihil pretio, nihil cuilibet corruptelæ tribuat. Idem erit de cæteris vitæ conditionibus seu professionibus, quæ ex natura sua bonæ sunt & licitæ, quarum denique innoxium fieri potest exercitium, dummodò Pœnitentes bonâ fide & sincerâ voluntate ad corrigendam indolis suæ pravitatem incumbant. Si tamen ea sit ipsorum fragilitas ut inutiles fiant probationes, atque in eadem peccata relapsuri prudenter judicentur, nisi professionem derelinquant; absolvendi non sunt, nisi eam peius deteliquerint. Quamdiù enim in illa remanebunt, tamdiù perpetuo

Dei offendendi periculo erunt obnoxii; quo quidem in periculo spontè versari, peccatum est. Quamvis illud quo scandalizamus atque ad peccatum allicimur, non minùs necessarium esset quàm oculus, quàm pes, quàm manus; hoc ipsum, Christo iudice, erudendum est, abscedendum, longèque projiciendum (m); ne, retentâ vanitate quam vocamus necessitatem, mittamur in gehennam (n). Pro nihilo utique computatur quantumcumque rei temporalis dispendium, quo redimitur æternum animæ detrimentum. Qui, propositâ occasionis fugâ, solliciti sunt, dicentes: Quid manducabimus? aut quid bibemus? aut quo operiemur (o)? Dominum Jesum audiant: Quarite, inquit, primùm regnum Dei, & justitiam ejus; & hæc omnia adjicientur vobis (p). Pauperiem metuens, quasi à facie colubri, peccatum fugere incipiat (q); ponat thesaurum suum in præceptis Altissimi (r): suam deindè sollicitudinem totam in Deum projiciat, & ipse à Patre cœlesti, qui cœli volatilia pascit, enutrietur (s). Provideat tamen, quantum poterit, officiosa Sacerdotis charitas, ut mediocris vel infimæ conditionis homines, qui ab instituto sibi ad salutem periculoso discedunt, in alia professione quæ sit ipsis ex toto innoxia, victum obtineant quotidianum. Si autem reverâ incident in penuriam; id sibi consolationis afficiant, quod

(m) *Math.* 5. 29. 30. & 18. 8. 9.

(n) *Ibid.*

(o) *Math.* 13. 6.

(p) *Ibid.* v. 33.

(q) *Ecclesi.* 21. 2.

(r) *Ecclesi.* 29. 14. *Vide* *Is.* 33. 6.

(s) 1. *Petr.* 5. 7. *Pf.* 54. *Math.* 6. 26.

ille admirandæ virtutis senex filio suo dicebat: *Noli timere, fili mi: pauperem quidem vitam gerimus; sed multa bona habebimus, si timuerimus Deum, & recesserimus ab omni peccato, & fecerimus benè (t).* Ad invisibilia denique bona erecti, suaviter exhortante Confessario, intelligant, *beatos esse pauperes spiritu, quoniam ipsorum est regnum cælorum (u)*: satius esse omnium egenos, fide & gratiâ locupletes vivere ac mori, ut cum Lazaro mendico ab Angelis *in sinum Abrahamæ* porrentur, quàm opibus ac deliciis affluere, & cum malo divite *in Inferno sepeliri (x)*.

MAJOR est difficultas, cum aliquis occasionem proximam deferere, aut nullomodo, aut vix potest: ut sit, quandò v. g. vir uxori, frater sorori, eadem in domo cohabitantes, sibi invicem occasio peccandi esse inveniuntur. Aliquandò non tenetur Pœnitens illud vivendi institutum deferere, ex quo improvisa virtuti suæ pericula emergunt: cum scilicet id præstare nequit sine peccato, vel occasione proxima peccati alterius tam gravis quàm illud ipsum quod vellet effugere. Sic fœmina, cui morosus, ebriofus, damnosæ rei famæque conjux, perpetua est impatientiæ vel criminosæ murmurationis occasio, non idcirco ab illo discedere debet: cuius generis Casus plurimi sunt. Si verò lethalia inde peccata committantur; vera censi con-versio non poterit, quin priùs, expe-

rientiâ docente, intellexerit Pœnitens id se per Dei gratiam consecutum, ut quod sibi antea peccati occasio fuerat, jam tale esse desierit.

Quin etiam interdum facilius immutatur cordis propensio, quàm abscinditur occasio; & tunc eligendum est ut multâ vigilantia & sedulitate incumbatur ad corrigendam voluntatis depravationem, per quam nonnullæ res naturâ bonæ & innoxie malum sonremque hominem efficiunt. In hoc autem solertissimâ indagatione opus habet Sacerdos, ne ipse à falsis Pœnitentibus decipiat. Arque ut id quod tutius videtur, aperiâmus (excepto casu viri & uxoris, quos Deus conjunxit, nec homo sine causa gravissima separare potest): si frater & soror, propinqui & affines, qui, ex cohabitatione, mutuo sibi scandalo sunt & periculo, diversi abire aliquâ ratione possint; auctore Confessario, sub honesto prætextu, diversi abeant. Familiaram vel professionis ritocinium ineant pauperes & plebei: nobiles verò ac divites irer suscipiant, vel munus aliquod civile aut militare adipiscantur. Quæ quidem doctrina huic Veritatis ipsius effato multum affinis est: *Veni separare hominem adversus patrem suum, & filiam adversus matrem suam, & nurum adversus socrum suam: & inimici hominis, domesticæ ejus (y)*. Si nulla separationis via suppetat, vel si è separatione rimeatur grave scandalum; Confessarius jam indicata adversus occa-

(t) Tob. 4. 23.

(u) Matth. 5. 3.

(x) Luc. 16. 20. 22.

(y) Matth. 10. 35. 36.

sionis illecebras remedia subministrat (7).

Quod si verò ex animorum indole contraria exardescere soleant inimicitiae, odia, erumpere dissidia & jurgia, undè non mediocriter laborer domestica tranquillitas; propinqui tam malè sibi cohaerentes mutuum discant tolerantiam ex Reli-

gione cujus fundamentum est charitas; ac tandem *Deus pacis & dilectionis habitare faciet uranimes in domo* (a). Non autem absolvendus erit Pœnitens hujusmodi miseriis implicitus, nisi omnes devitet peccati occasiones, aut saltem nisi peccare desierit in illis occasionibus quas devitare non possit.

(7) Suprà, in hoc Capite, ubi de occasione proxima *per se* quæ non sine scan-

dalo deferri potest.

(a) 1. Cor. 13. 11. Pf. 67.

CAPUT V.

DE prudentia Confessarii erga recidivos.

Ad salutem nihil prodest recuperata gratia, nisi in ea perseveretur. Relapsus in aliquod peccatum lethale, relapsus in pristinam consuetudinem. Relapsus ex fragilitate, relapsus ex malitia. Quantam Deo injuriam, quantum homini detrimentum afferant culpa iterata. Falsus est Pœnitens, quicumque eodem impetu relabitur. Si non semper falsam Pœnitentiam arguit minùs frequens iteratio culparum, certè ex ea fructus Confessionum precedentium valdè minuitur. Adversùs culpa iterationem quam suggerenda remedia,

EXIMUM quidem est opus, si Sacerdos, eà quam descripsimus adhibita diligentia, Pœnitentem à peccato ad gratiam, à morte ad vitam, è statu damnationis in jus ad æternam beatitudinem transtulerit. Si verò *inconstantia concupiscentie* illunt Deo reconciliatum huic rursùs inimicum faciat (a); magnum Confessario dolorem affert ingens labor

frustrà susceptus, longèque difficilior evadit Pœnitentis conversio. Cujus igitur sanata est plaga spiritualis, videat ne periculosiùs iterum vulneretur, ac denique *ne obduretur fallacià peccati, & ex impœnitentia fiat ipsi casus insanabilis in mortem* (b). Quem verè pœnitet, nihil ulteriùs committendum sibi firmiter proponit, cujus iterum pœnitere se oporteat.

(a) Sap. 4. 12. (b) Hebr. 3. 13, Eccli. 28. 30.

Enimverò,

Eiimverò, Pœnitentiæ Sacramentum non modò ad remittenda peccata institutum est, verùm etiã ad eos in viam salutis reducendos qui de illa post Baptismum deflexissent. In hac autem via nemo esse, nemo ad hujus terminum pervenire potest, nisi gratiam recuperatam sedulò conseruet, atque in ea fideliter perseveret. Quæ quidem gratiæ conservatio tanti momenti est, ut Sacramenti fructus specialis sit, & quasi finis ultimus. *Ubi emendatio nulla, Pœnitentia necessariò vana; quia caret fructu suo*, quæ est hominum salus (c). Hinc Deus peccatores alloquens, *Lavamini*, inquit, *mundi estote* (d); » ut qui admissa plangunt, nec tamen deferunt, congruenter sperare solliciti sciant, quia flendo inaniter se mundant, qui vendendo nequiter se inquinant; cum idcirco se lacrymis mundant, ut mundi ad sordes redeant (e). »

DUPLICI autem modo relabi potest Pœnitens à vitiosa consuetudine curatus: vel simpliciter in aliquod peccatum lethale, vel in pristinam consuetudinem. Discutiat prioris generis recidivus, ut innotescat num fortè indolis suæ vivo impetu, vel infirmitate, id est, vi tentationis cui sit aliquandiu oblectatus, corruerit; tunc enim faciliùs erit absolvendus, dummodò, verè contritus, maximà sese diligentia præmuniat adversùs occasionem culpæque iterationem. Sunt enimverò quos ad

malum ita proclives fecit natura, ut se à peccato cohibere non possint, nisi continuam & pervigilem adhibeant cordis sui custodiam, seque ipsos multà vi compescant. Ii, vel animi æstu immodico, vel insuetà occasione infelicitè abtepti ut pristini moris impulsu semel caderent, absolvantur, si statim alacriores ad currendum resurgant, & novas sibi vires comparare nitantur. Ejusmodi Pœnitentes consolatione magis quàm animadversione indigent; tuncque in eos misericordia potius quàm severitas exerenda est. Nec solo Absolutionis beneficio ad perseverandum erigantur; Eucharisticus etiã *Panis*, qui nempe fortium cibus est, *cor eorum confirmet*. Ipsi enim meritò existimantur *nature magis fragilitate, quàm peccandi libidine corruisse* (f), atque idcirco veram Contritionem gerere.

Si quis autem, etsi semel duntaxat recidivus, plenà ac deliberatà animi voluntate, ultrò & cum delectatione primam amplexus fuerit peccandi occasionem; si non postea tentationem hujusmodi aliquam superaverit, vel occasionem fugerit; necesse erit ut non priùs reconcilietur, quàm fuerit, pro delicti naturâ, satis probatus.

At verò, si quis non semel aut iterùm, sed pluriès relapsus, vitiosam consuetudinem rursus inierit; vel ex fragilitate recidivus est, vel ex malitia, id est, pronâ voluntate, & supinâ incuriâ. Ptor ex eo dignof-

(c) Tert. de Pœnit. c. 2.

(d) *Ist.* 1. 16.

(e) S. Greg. Past.

Tomas II.

(f) S. Ambr. de apol. Dav. ad Theod. Aug. cap. 2.

citur, quòd sua ei fragilitas pluri-
mum afferat mœrorem, quòd præ-
tereà miserrimæ ad vitium procli-
vitati, quantum possit, reluctetur,
occasiones fugiat, & quodcumque
sibi ad satisfactionem medelamque
injunctum fuerit, diligenter exe-
quatur: si præfertim rariùs fuerit in
peccatum relapsus, ac plerisque ten-
tationibus resistit. Maximà in eum
lenitate & patientiâ. opus est; nec
ita difficilè est absolvendus, dum-
modò emendationi suæ magis ac
magis allaboret. Voluntarius autem
recidivus ille censetur, qui, post
multas Confessiones, parùm corre-
ctus videtur; vel qui (quod adhuc
pejus est) vix aliquandò temperat,
ne, datà occasione, in peccatum præ-
ceps corruat, sicque semper eum-
dem vitæ cursum teneat. Major in
hunc severitas exeratur; infidæque
hujus promissiones, dilato Absolu-
tionis beneficio, prudenter casti-
gentur. Rursùs probeatur, & qui-
dem diutius quàm antea probatus
fuerat, donec ipso effectu demon-
stret velle se à pristina morum li-
centia transire ad vitam sanctiorem:
quod quidem efficaciter demonstra-
re non potest, nisi peccatum fugiat,
sibiue injuncta perseveranter exe-
quatur. Qui verò dilationis impa-
tientem se exhibet, immaturam-
que flagitat Absolutionem, eum
quæ sibi sunt noxia improvidè cu-
pientem lenis & simul ab officio in-
deflexus compescat Sacerdos (g);
ac forsitan sibi demùm gratulabitur

quòd ipsum ad veram pœnitentiam, Deo juvante, contristaverit (h).

Quem finem ut feliciter asse-
quatur, moneat recidivum Pœni-
tentem quàm miserum sit à *justitia*
ad peccatum transgredi (i). Quòd si
enim tantæ gravitatis est eorum cul-
pa, qui Baptismi sui fidem fran-
gere non verentur, quia *semel à*
peccati dæmonisque servitute libe-
rati, scientes & volentes peccant
(k); quale & quantum censebitur
eorum esse peccatum, qui, per Pœ-
nitentiam dealbari, rursùs inqui-
nantur? qualis atrocitas, si frequen-
ter eadem iterent scelera? qualis
indignitas, si vira illorum à peccato
ad pœnitentiam, atque à pœnitentia
ad peccatum perpetuo circulo vol-
vatur? *Hæcine reddit Domino po-*
pulus stultus & insipiens (l), ingratus
& perfidus, perjurus & contumeliosus?
» Nonne diabolus Do-
» mino præponit? Comparationem
» enim videtur egisse, qui utrum-
» que cognoverit, & judicatò pro-
» nuntiasse eum esse meliorem, cu-
» jus se rursùs esse maluerit. Ita,
» qui per delictorum pœnitentiam
» instituerat Domino satisfacere,
» diabolo per aliam pœnitentiæ pœ-
» nitentiam satisfaciet: eritque tan-
» tò magis perosus Deo, quantò
» æmulo ejus acceptus (m). »

Jam verò, quantum Deo insert
injustiam, tantum sibi detrimentum
importat recidivus peccator: id quod
ipse Dominus JESUS edocuit, ad

(g) Prov. 1. 22.

(h) 1. Cor. 7. 9.

(i) Eccli. 26. 27.

(k) Vide Cone. Trid. sess. 14. de Pœ-
nit. cap. 8.

(l) Deut. 32. 6. (m) Tert. de Pœnit.

vivum exhibens sub corporalis possessionis figurâ quid in spiritali possessione contingat. Cùm scilicet *immundus spiritus* in hominem, undè exivit, teverti constituit, *assumit septem alios spiritus secum nequiores se*; & ingressi habitant ibi: & sunt novissima hominis illius pejora prioribus (n). Quod quidem si vetè dici potest, cùm primum relabitur Pœnitens; quid erit dicendum, si toties relapsus fuerit, quoties confessus? Salutem suam in gravi periculo constitutam esse non ignoret. Invalescunt prave consuetudines; decrescunt lux & gratia divina; gravescit cœcitas interior; augetur potentia dæmonis, à quo *captivus tenetur* (o). Aliquam fortè spem concipit, sese, ubi primum voluerit, à peccati vinculis expediendi, sibi que diem sinceræ conversionis præstituit in longinquum: nescit infelix, nescit quam præcipiti gradu ad finalem vergat impœnitentiam. Anteaactis Confessionibus, quasi legitimis, fretus, cum perniciofa securitate obdormiscit in *via qua videtur homini recta*; & novissima ejus ducunt ad mortem (p).

Cum autem noxæ iterator sibi malè blandiens, Deum bonum & misericordem in ore sæpius habeat; denuntiante Confessatio, noverit nihil esse damnationi æternæ proximum magis, quàm si quis, temerariâ confidentiâ, divinam sibi mi-

sericordiam assumat velut occasionem & quoddam incentivum licentius peccandi; quasi toties & tam facillè rediturus in gratiam, quoties & quàm facillè ab illa excidere libido suaserit. Bonus quidem est Dominus legitime sperantibus in eum, anima quarenti illum (q); misericordia Domini magna est, & propitiatio illius convertentibus ad se (r): qui autem perseveraverint in malitia, peribunt (s). Verà Contritione includitur & summum peccati commissi odium, & firmum non illud ampliùs committendi propositum: numquid verò peccatum odisse, & à peccato abstinere velle censetur, qui illud semper eadem propensione committit? Si pœnitet te, noli facere: si adhuc facis, pœnitens non es (t). Neque hic opponatur hominis proni ad malum *miserabilis infirmitas* (u). Per malitiam peccant, non per fragilitatem, qui ultro, facillè & frequenter noxam iterant, dum scilicet vim sibi nullam adhibent, neque causas, neque occasionem vitant, neque consilia aut monita suscipiunt, vel ea nunquam ad effectum perducunt. Tunc igitur non hominis, sed Contritionis & Pœnitentiæ accusetur infirmitas. Ex quamvis affirmari absolute non possit, eum qui in lethalia relabitur, dolore sufficienti catuisse, nec proinde justificationi fuisse; hoc tamen valdè esse metuendum, rectè ac legitime pronuntiat (x).

(n) Luc. 11. 24. 26.

(o) 2. Tim. 2. 26.

(p) Prov. 16. 25.

(q) Thren. 3. 25.

(r) Eccli. 17. 28.

(s) 1. Reg. 12. 25.

(t) S. Aug.

(u) Eccli. 5. 11.

(x) S. Chrys. Hom. 21. ad pop. Ant. Hom. 5. de Pœnit. Hom. 6. in Gen. Hom.

Quòd si verò non semper falsam pœnitentiam arguunt culpæ iteratæ, cum scilicet minùs frequentes & remissiore imperu præcipites fuerunt, causamque habuerunt solito fortiores occasionem illecebras, atque ingeminatam tentationum vehementiam; certè, per novos in peccatum lapsus, præcedentium Confessionum fructus non mediocriter imminuitur. Sacramento Pœnitentiæ non modò delentur peccata, sed & gratia infunditur, cuius ope vitari possint. Dei amicitia redditur; merita mortificata reviviscunt, Deoque ut acceptum quid & mercede dignum habentur. Qui in lethale peccatum relabitur, ipsi quidem non ea rursus imputantur delicta, quorum remissionem in præcedentibus Confessionibus accepit; *sine pœnitentia enim sunt dona Dei* (y): cæteri autem fructus, gratia sanctificans, merita priùs rediviva, penitus evanescunt (z).

QUONAM autem pacto vitari possint mala gravissima quæ ex delictis præferim ex malitia iteratis oriuntur, exponendum superest.

» Duo sunt efficacia in Medicina: » na: unum quo sanatur infirmus » tas, alterum quo sanitas custoditur (a). » Ex morbo enim convalescente quid prodest, si, eo recru-

descende, pejus imminet periculum? Dimidiam solùm officii partem adimplevit Confessarius, cum Pœnitentem, juxta regulas superius expositas, prudenter absolutum Deo reconciliavit: ut is perseveret, etiam atque etiam incumbendum est. Minister liquidem CHRISTI JESU, à quo *positus est ut fructum afferat, suusque fructus maneat* (b), ad asserendum Sacramenti effectum tenetur: prætereaque, tanquam Pœnitentis medicus spiritualis, piam salutis ipsius debet gerere sollicitudinem. Ac primùm id efficere conetur, ut vividè sentiat Pœnitens quanta sit peccati gravitas, ac præsertim quanto detrimento, quanto periculo iteretur peccatum antea dimissum. Illum præterea causas & occasiones vitare omnes jubeat, quæ peccatorem antea fecerant, & quæ postea recidivum facere possent. Alioqui, *plaga ejus desperabilis renuet curari* (c). Ipsum admoneat, ut remediis, sive ad resistendum tentationibus, sive ad pravas consuetudines abolendas necessariis, non intermissâ sedulitate ac diligentia utatur: vitia facillè subrepere, difficile autem profligari: absurdum esse, si quis terminum sine via, id est, medelam sine remediis, salutem sine labore concupiscat: *pigrum*, de quo meminit Scriptura, velle,

10. Hom. 44. Orat. de S. Philog. p. 402. S. Fulg. de remiss. pecc. l. 1. c. 12. S. Basil. vii. 2. in II. c. 1. v. 14. S. Greg. Nyss. Ep. can. c. 5. (al. 6. 7. 8.) S. Amb. l. 2. in 1. Luc. v. 67. n. 33. in Ps. 40. v. 11. n. 24. in Ps. 118. Serm. 4. l. 2. de Parole. cap. 9. 10. (al. 80. ad. 97.) S. Aug. Serm. 34. de temp. (al. 233.) Paul. vii. S. Amb. n. 39. S. Greg. l. 9. Ep. 39. c. 4.

(al. l. 11. Ep. 45.) l. 11. Ep. 12. seu Serm. de tempore mortal. Conc. Tol. III, an. 589. can. 11. 12. Rem. sub Sonnat. an. 625. vel 630. can. 8.

(y) Rom. 11. 29.

(z) Eccli. 34. 30. 31. Ezech. 3. 20.

(a) S. Aug. in Ps. 7.

(b) Joan. 15. 16.

(c) Jerem. 25. 18.

& non velle (d) : falsum Pœnitentem velle à peccato, tyrannorum pessimo, liberari; nec ramen velle, si nullam sibi vim adhibeat : nihil arduum esse cupienti; *omnia posse eum quem Deus confortat* (e).

Ipsè verò Sacerdos, pro spiritualium morborum diversitate, cautus & circumspèctus remedia generalia applicabit: orationem scilicet, jejunium, eleemosynam, opera misericordiæ, ceterosque pœnitentiæ labores. Utile etiam admodum erit Pœnitentiam injungere à peccatore adimplendam si relapsus fuerit, cujus timor fragilem à delicto cohibeat voluntatem.

Porro, cum Pœnitens reconciliatus gratiæ thesaurum in vase silioli habeat (f); idcirco seipsum & animam suam custodiat sollicitè : quæcumque adtuendam spiritualem hanc vitam & pietatem nobis donata sunt, subsidia seletur (g); utque firmus sit in via Domini (h), neque excidat à propria firmitate, crescat verò in gratia (i), alto humilitatis fundamento constituat vitæ novæ rationem. Suam in Deo fiduciam totam collocet, sibi quæ plurimum diffidat. Propriæ fragilitatis memor, frequenti simul & fervidâ oratione Deum precetur; ut suos gressus in semitis justitiæ perficiat, ne sua unquam moveantur vestigia (k), & in eamdem iniquitatis simul & infelicitatis viam revolvatur. Spiritum pœnitentiæ & compunctionis, in-

super & pacis cum Deo reconciliatæ sædus singulis diebus renovet; perpetuus ipse sibi monitor ac testis, quia Dominum elegerit, cui per reliquum vitæ suæ tempus indeflexâ animi pietate serviet (l).

Id quoque inter cætera non mediocriter ad perseverantiam juvabit, si Pœnitens, quo die actiorem expertus fuerit teutationem, prolixius orer, Pœnitentiæque ac pietatis operibus magis incumbat. Quinimò in ipsa tentatione constantissimum Deo amorem fidemque inconcussam toto corde renovet. Sic nempe anima fidelis adversus inimicum fortior in dies convalescet; & uedum ex ejus impugnationibus ullum sibi detrimentum generetur, suam inde perseverantiam & salutem certius promoveri sentiet.

Sed, quod præstantissimum remedium est, & suæ quo cætera vix proficiunt, ad Pœnitentiæ Tribunal frequenter accedat, in eo, non tantum à delictis commissis emundandus, sed etiam ab iterandis inreger custodiendus. Ibi scilicet renovatur odium peccati, Deoque firmiter adherendi propositum: ibi monita suggeruntur ad perseverantiam conducibilia: ibi devius reductur, vacillans sustinerur, tepescens accenditur, deficiens roboratur. Ex Corporis Christi Communio, ut jam suprà diximus, potentissimum est adversus culpæ iterationem remedium. Hoc divino

(d) Prov. 13. 4.

(e) Phil. 4. 13.

(f) 1. Cor. 4. 7.

(g) Deut. 4. 9. 1. Petr. 1. 3.

(h) Eccli. 5. 12.

(i) 1. Petr. 3. 17.

(k) Pf. 16.

(l) Josue, 24. 22.

alimento vires ad *viam mandatorum* Domini currendam integran-
tur, pravæ consuetudines infirman-
tur, concupiscentia restringitur,
multa devitantur venialia peccata,
quæ lapsu facili ad lethale petra-
herent (m). » Est enim hoc altissi-
» mum & dignissimum Sacramen-
» tum medicina omnis spiritualis
» languoris; in quo vitia curantur,
» passiones frænantur, tentationes
» vincuntur aut minuuntur, gratia
» major infunditur, virtus incepta

» augetur, firmatur fides, spes ro-
» boratur, & charitas ignescit ac
» dilatur (n). » Videat porro Sa-
cerdotis prudentia, juxta regulas
suo loco traditas (o), quàm fre-
quenter ad Mensam Domini suos
Pœnitentes accedere liceat; si enim
dignè accedentibus contingit cumu-
lata bonorum omnium spiritualium
complexio, indignè accedentibus
horrendum in salutis viâ damnum
infligitur.

(m) Vide de imit. Chr. l. 4. cap. 3. 4.
& 10.

(n) Ibid. c. 4. n. 2.
(o) De Sacram. Euch. Div. IV, cap. 3.

CAPUT VI.*

De prudentia Confessarii circa Confessiones generales.

PRÆMONITUM. Quondam irrita sit Confessio. Quibusnam utilis sit Confessio generalis. Quidam sapè confessi, nunquam reconciliati. Quomodo Pœnitens in emittenda Confessione generali adjuvandus. Hujusmodi Confessionis occasione, quàm sapienter promovenda conversio difficilis. Observatio. De annua Confessione generali, aliisque extraordinariis Confessionibus. Anxiè timoratis plùs noceret quàm prodesse Confessio generalis. Quo fine instituenda Confessiones extraordinariae.

NULLI Fidelium sine causa gravissima, vel potius extra evidentem aut legitimè præsumptam necessitatem, præcipienda est Confessio generalis. Sunt tamen casus in quibus eam suaderi oportet, ut inferius dicetur.

Cùm certò nulle & irritæ fuerint præcedentes alicujus Pœnitentis Confessiones, vel cùm de illis prudenter

dubitatur, tunc demùm necesse est ut in Confessione generali declarentur omnia peccata, vel omissa, vel jam quidem, sed inaniter, clavis Ecclesiæ subiecta. Horum tamen iterata accusatio (saltem sigillatim facta) non requiritur, si integretur Confessio apud solitum conscientiae moderatorem, qui pristina ejusmodi peccata jam sibi declarata meminerit.

JAM vetò, vel ex parte Pœnitentis, vel ex parte Confessarii nulla & irrita esse potest Confessio. Ex parte Pœnitentis, 1°. Qui Contritione caruit; sive falsam habuerit, sive nullum ejus actum ante Confessionem, aut saltem ante Absolutionem emiseric. 2°. Qui verum sincerumque animo non gessit propositum omnia vitandi peccata, saltem lethalia, pravos emendandi consuetudines, proximas deferendi occasiones, aliena restituendi pro viribus, sese cum inimico in gratiam reconciliandi, injunctam sibi Pœnitentiam adimplendi, Deoque pariter & proximo satisfaciendi. 3°. Qui Confessionibus nullum aut levissimum præmisit examen conscientie; unde secuta fuerit vel sequi potuerit lethalis alicujus peccati oblivio. 4°. Qui lethale peccatum, vel circumstantiam necessariò declarandam, sciens & volens in Confessione prætermisit. 5°. Qui lethali Confessionem inter duos Sacerdotes dimidiavit: quæ nempe seorsim condonari nequeunt, cum singula æqualiter gratiam sanctificantem excludant (a). 6°. Qui, licet plurius delicta sua ex toto confessus ac detestari visus fuerit, nihilominus in lethali peccati consuetudine infixus remansit. 7°. Qui, mores suos emendare haudquaquam intendens, Confessarium sibi de industria elegit minime intelligentem.

Ex parte Confessarii irrita est Confessio, 1°. Si Sacerdos non erat. 2°. Si Jurisdictione caruit. 3°. Si specialis ei defuit potestas erga Pœ-

nitentem Casus reservatos confessum. Quod tamen ad Casus Nobis reservatos pertinet, dummodò ex parte Confessarii simulque Pœnitentis, quin etiam ex parte hujus duntaxat, bonâ fide actum fuerit, hic tamen habemus quòd jam suprà concessimus (b), ut tunc deficiens Jurisdictionis suppleatur in gratiam Pœnitentis, qui, reservationem Casus ignorans, apud Sacerdotem simpliciter approbatum peccata deposuerit. Hoc autem concedimus, ne Pœnitenti noceat Confessarii mala fides & pravariatio; quam non ideò minus gravem esse, coram Deo & CHRISTO JESU testificamur. 4°. Si Confessarius formam, id est, Absolutionem, non protulit, vel quoad substantiam immutavit. 5°. Si, propter surditatem vel somnum, Pœnitentis delicta non audivit, seu propter mentis aberrationem non intellexit, sensitque Pœnitens se vel non audiri, vel non intelligi; quo quidem postremo vitio, irrita esset Confessio ex parte Confessarii, sacrilega etiam ex parte Pœnitentis. Ex his omnibus vel unum, sive ex parte Confessarii, sive ex parte sua contigisse ubi cerò vel probabiliter novit qui confessus est, ad iterandam Confessionem tenetur.

Exceptis hujusmodi casibus, vel certis, vel dubiis, minimè necessaria est Confessio generalis. Ea tamen valde utilis ac plurimum suadenda est iis qui de seligendo vel mutando vitæ instituto consilium ineunt: necessaria autem esse merito judicatur iis qui ad primam Communionem dis-

(a) S. Thom. in 4. dist. 17. q. 3. a. 4. (b) Div. III, cap. 2.

ponuntur. Omnibus denique in conversionis procinctu sapienter conceditur, vel potius injungitur omnium anteaſſe vitæ peccatorum Confellio. Et quidem Pœnitentiæ Miniſtris non otioſè ac leviter, ſed attentè ac diligenter humana corda introſpicientibus, & quacumque ex occasione veritatem è profundiffimis latebris educentibus, ſæpè occurrunt etiam inveterati peccatores, qui diſpoſitiones ad conſequendam juſtificationis gratiam requiſitas nunquam ad ſacrum Tribunal attulerunt. His utique neceſſaria eſt omnium vitæ ſuz delictorum Confellio.

Cùm ergo, ſive totius vitæ, ſive temporis diuturni Confellio generalis alicui Pœnitenti præcipienda vel ſuadenda erit, circumſpectè maturè-que procedatur in tanti momenti opere, ex quo nimirum pendet animæ innovatio, tranquillitas & beatitudo. Si primo ſtatim aditu ſentiat Confellarius accedere animam peccatis oneratam, atque in eo judicio non multum verſatam, ſui tamen diſcutiendi aliquatenus capacem; Pœnitenti ſuadeat in anteaſſum, ut inſtituendæ ſibi accuſationis capita aliquo temporis intervallo recogitet, vitæ priſtiæ actus, negotia, tempora, loca ſecum revolvens; quâ methodo, quæcumque in Deum, in proximum, in ſeipſum peccaverit, facilius exploratum habeat; tum verò ſingula per ordinem, deſcribat, niſi memoria feliciſſimè adjuvetur (c). Ipſum deinde admonet, ne illius judicii apparatus in eo maximè poſitum

exiſtmet, ut reus, per diligentiffimam ſui recognitionem, cauſam inſtruat; ſed magis ut *agat pœnitentiam plenam, dolentiſque ac lamentantis animi probet maſſitiam* (d). Quapropter donum Contritionis à Spiritu ſancto efflagitet, cujus nempè eſt corda hominum ubi vult & quandò vult movere, ſcindere atque innovare. Poſtea, invocato cœleſtis luminis auxilio, in profundum cordis ſui deſcendat. Sedulo diſquirat peccati ſpeciem ad quam ab infantia vel ab adoleſcentia maximè propenſus fuerit. In memoriis ſibi reducat undè eruperint vitioſi habitus; quamdiù turpi catenâ conſtrictus, quamdiù occasione proximâ irretitus vixerit; quàm ſæpè interea malè præparato animo Sacramenta perceperit.

Et quia nonnulli, quamvis ad emitendam totius vitæ Confellionem accingere ſe non detrectent, eam nihilominus difficillimam experiuntur, & quaſi impoſſibilem affirmant, deficiente præſertim in delictis ex ordine recensendis memoria; Sacerdos, quantum poterit, eos adjuvet, atque ad boni propoſiti effectum in multa patientia & charitate perducatur. Quòd ſi non facile vinci poſſe videantur ut ſe quantà opus eſſet profunditate diſcutiant, aut ſi reverà tenuis ingenii vel memoriæ ſint; ab iis Confellionem incipientibus ſolam exquirat graviorum accuſationem. Subindè verò illos interrogationum dexteritate ſic exploret, ut paulatim, conſcientiæ

(c) *Epifſ. S. Franc. Xav. ad P. Gaſp. Barré.*

(d) *S. Cypr. de lapſis.*

quantumvis tenebroſæ recessus' intimoſ perluſtrans, generalem quaſi ab inſiciſ Confeſſionem eliciat, quam aliter obtinere vix aut minimè potuiſſet. Quod quidem ut Sacerdoti feliciter ſuccedat, paucis ex verbis dijudicandum erit peccatoris ingenium, perſpicienda indoles; & ſenſim ex hiſ ad quæ propenſum ſe confiretur, ad alia progrediendum, quæ fortè, *malitiâ ſua excacatus* (e), conſuetudine vel ignorantia præcepſ, nunquam ſibi imputaſſet, nec ſalutari Confeſſione expiare ullomodò curatſet.

Itaque Sacerdos, Confeſſionis generalis occaſione, curandam ſuſcipiens conſcientiam diuturnâ regnantis peccati labe maculatam, atquæ inuſtis vitiis quaſi *cauteriatam* (f), non priùs manum operi admoveat, quam hujusmodi animam ſoleriſſimè pertentaverit, atque altiſſimo contuitu introſpexerit. Ac primò quidem cautè inveſtiget an non Pœnitens vehementi tenacique aliquo affectu ſir præpeditus, rerumque ad ſalutem pertinentium odio præoccupatus. Si ſui compos eſſe videatur, tantamque habere quietem internam, quantâ opus ſit ut monitorum impatientem ſe non præbeat; tunc nullum erit in prudenti conſilio periculum. Si autem irâ, ſi ſævo injuriæ dolore, ſi amore impudico, aliove immodico æſtu fluctuet animus; expectanda erunt magis opportuna tempora, atque explorandi faciles aditus. Non eum Confefſarius apertâ vi ſtatim oppugnet; ſed, blandè fiduciam cap-

tans, viam ſibi ſternat occultam, quâ ſenſim occuper velut neſcium. Si quid primo conatû profecerit, monita ſalutis arque incitamenta converſionis aliquantò poſt ingeminet. Cùm denique hominem quaſi expugnatum in dedicationem acceperit, emendationis perfectæ leges ei conſtituat, donec Abſolutionis gratiam conſequi mereatur.

Si quis peccator Confeſſionem generalem inſtituens, ex eorum ſit numero qui nullam fortè in toto vitæ ſux decurſu legitimam Confeſſionem emiſerint, & *quorum iniquitates ſupergreſſæ ſint caput* (g), conſcientiamque nimio terrore concutiant; eum Sacerdos per immenſam Dei clementiam, per vûlnera & mortem Domini noſtri JESU CHRISTI roget atque obteſtetur, ne ſcelerum ſorditate vel immanitate terreatur, nec de venia diſſidat, modò quidquid in ſe fuerit, libenter animo exequatur, nec pœnitentiæ labores detrectet. Niſi enim ab illius mente anxietatem abſcindat, in diſſidentiam ac deſperationem forſitan prolabetur infelix; divinæque charitatis miniſter ipſum *de luto facis* emergere vix tentantem, profundo vitiorum ruſſûs abſorberi ingemiſcet. Jam verò nullus unquam doluit Confefſarius quòd hujusce indolis peccatoribus Abſolutionem diſtulerit; multos verò pœnituit, quòd ambigè diſpoſitos citiùs abſolverint. Itaque ad intelligentiam delictorum oculos cordis aperiant; nec deſperent miſericordiam Domini, nec tamen imma-

(e) Sap. 2. 21. (f) 1. Tim. 4. 2. (g) Pf. 37.

turam sibi veniam vindicent (*h*). Confessarius autem curam illius Pœnitentis fiducialiter suscipiat, qui malorum suorum tam vivido sensu afficitur, ut & consolationis uberimæ, & sæpius exhibitæ Dei misericordix adminiculo indigeat. De illo enim agro minimè desperandum est, qui ægritudinis suæ gravissimo dolore totquetur; sed de illo fortasse timendum, cui, per sensum omnium interiorum stuporem, curationis difficultas majorem in modum ingravescit.

Catèrùm Pœnitens cui necessaria judicabitur Confessio generalis, ea peccata primùm declaret, quorum sibi à Confessione ultima conscius est. Ejus verò Confessionem generalem non audiri satius erit, nisi priùs aliqua pœnitentiæ signa, eaque non dubia, ostenderit, vitiososque habitus jam aliquatenus deposuerit.

PORRO, semel emissâ Confessione generali, sufficiat Christianam vitam agentibus & salutis propriæ studiosis, si quotannis, datâ majoris fervoris occasione, totius anni culpas coram Sacerdote recognoscant. Eorum certè laudanda, & in charitate JESU CHRISTI adjuvanda est pietas, qui, prout suadent spiritualis vitæ magistri, præter frequentem & consuetam delictorum in Confessione purgationem, annos suos in amaritudine animæ suæ identidem *recogitant*, amplioresque instituunt Confessiones, ut vel levissimis præcedentium vitiositatibus medeantur, suumque in perfectionis

stadio profectum, judice Confessario, certius dignoscant. Quantum vis enim homo Christianus purè sanctèque vivere, & Sacramenta non nisi utiliter suscipere contendat; quia tamen *neceste est de mundano pulvere etiam religiosa corda sordescere* (*i*), quandoque pariter metuendum est ne ad negligentiam delabatur, si minùs lethiteram, at certè periculosam; quæ scilicet paulatim fervorem minuit, & ad quasdam culpas, etiam graves, proclivi gradu impellit. Sic tamen erga hujusmodi Pœnitentes studio pietatis inflammatos se gerat Confessarius, ne scrupulosos in eorum mentibus anxietates nutriat; quibus si faciliè stimulentur, ipsam quidem unius anni Confessionem extraordinariam vix eis concedat, nunquam imperet. Multò minùs iis concedatur totius vitæ nova Confessio generalis, nisi ostendatur necessitas quasi digito palpanda, non auditis quæcumque opposuerint. Scrupuli enim, experientiâ teste, nedùm per hujusmodi recognitionem auferantur, imò acriùs sæviùsque recrudescent. Hoc igitur animi morbo affectis plus noceret quàm prodesset Confessio generalis, ut potè quæ novos & forsan immedicabiles iisdem angores injiceret. Hinc non modò conscientix pacem & tranquillitatem, sed ipsum Dei amorem, infelici rerum vice, amitterent, dum sæpius nimio peccandi metu peccarent. Hinc ipsemet Confessarius circa illos, ut plurimùm, ancipiti judicio atque operosâ directione laboraret; iisque

(*h*) S. Cypr. de lapsis. (*i*) S. Leo, *Serm. 4. de Quadrag.*

nec monendo, nec suadendo, nec præcipiendo ulterius prodesse jam posset. Si quis autem studio perfectionis laudabili, ampliotem, approbante Sacerdote, Confessionem instituat; exceptis quibusdam culpis utcumque gravioribus, quas primùm nosse atque expurgare debet, hæc illi cura sit præcipua, ut profundè recogitet quantum in vir-

tute profecerit, & quem fructum è Sacramentorum frequentatione perceperit. Leviores autem negligentias, vel potiùs infirmitates, naturæ humanæ quodammodò ineluctabiles, non curet nisi generatim; ne fortè, anxiam & futilem disquisitionem occupatus, ad capeSSenda Sacramenta minùs fructuosè accedat.



DIVISIO VII.*

DISSERETUR in hac Divisione, 1°. De prudentia Confessarii in imponenda Pœnitentia : 2°. De prudentia Confessarii in decernenda restitutione : 3°. De antiqua Pœnitentia administratione ; & de prudentia Confessarii in precipiendis operibus satisfactoriis, aliquatenus habito Canonum pœnitentialium respectu : 4°. De Indulgentiis & Jubilæo ; ac de prudentia Confessario necessaria ut Pœnitentes in consequendis Indulgentiis ritè fructuosèque dirigat.

CAPUT PRIMUM.

De prudentia Confessarii in imponenda Pœnitentia.

IN impositione Pœnitentia necessaria prudentia. Variæ observationes practicae. Satisfactionis impositio, ex Pœnitentium ignavia, sæpè difficilis. Quidam gravis Pœnitentia stimulo excitandi. Libidinosi, superbi, avari, invidi, iracundi, pigri, mendaces, gulosi, &c. quam imponenda medicinales Pœnitentia. Omnibus Pœnitentibus quid sit præterea injungendum. An aliquando Pœnitentia instar injungi possint opera ex officio adimplenda. Variæ Satisfactionum species. De his qui plùs deliquerunt quàm valent satisfacere. Pœnitentia publica, solemnis, inusitata. Pœnitentia aliquatenus publica interdum à Confessariis imponenda. Exigenda conversionis manifestatio. Tuenda Pœnitentialis ministerii libertas.

JUXTA sapientissimam Tridentini Concilii doctrinam, „ debent Sa- „ spiritus & prudentia suggestetis ;
 „ cerdotes Domini, quantum Dei „ pro qualitate criminum & Pœni-
 „ tentium facultate, salutare & con-

» venientes Satisfactiones injungere
 » (a). « Quamobrem ea cuique Pœ-
 nitentia imponatur, quæ peccatis,
 non quidem pro mensura injuriæ Deo
 illatæ, quod omnino impossibile est,
 sed quantum humana patitur infir-
 mitas, æquari aliquatenus possit
 (b) : quâ nimirum Satisfactione re-
 frænctur libido & cupiditas, *erucifigatur caro cum vitiis & concupiscen-
 tiis* (c), ac denique peccati gravita-
 rem sentiat Pœnitens. Nec sit Con-
 fessarius ex iis malè blandientibus
 Ministris, qui, juxta Propheticum
 sermonem, *consumunt pulvillos sub
 omni cubito manûs, & faciunt cervi-
 calia sub capite univæ ætatis, ad
 capiendas animas* (d).

Maximo verò discrimine habenda
 est malitia, vel fragilitas; voluntas
 ultrò in vetitum ruens, vel occasio-
 num impetu quasi abrepta; consue-
 tudo aliquatenus repressa, vel per
 supinam incuriam in repositos actus
 impulsâ; occasio vitata, aut non vi-
 tata, desiderata vel quæsitâ. Consi-
 deratissimo pariter judicio dignos-
 cendum est quid constitui oporteat
 pro cuiusque Pœnitentis sexu, ætate,
 vitiis, vitæ genere, muniis, Con-
 tritione, cæteris dispositionibus,
 variisque commodi & incommodi
 circumstantiis, quibus, non solâ
 culpam multitudinem & gravitate
 perpensâ, Satisfactionis modus ar-
 temperetur. Aliter plectendi sunt
 juvenes, aliter senes; aliter inopes,
 aliter divites; aliter avari, aliter

gulosi, aliter alio vitio laborantes;
 aliter omni Pœnitentiæ fructu ca-
 rentes, aliter qui jam voluntariâ
 satisfactione Sacerdotalem senten-
 tiam prævenerunt. Vetat prudentia
 ne pauperibus aut filiis-familiâs ele-
 mosynæ præscribantur; ne jejunia
 imponantur feminis gravidis, nutri-
 cibus, vel quibuscumque Pœniten-
 ribus corporis habitudine infirmis,
 aut nondum satis per ætatem vigen-
 tibus, vel quibus victum quoridianum
 suppeditat labor qui sit cum
 jejunio infociabilis. Nec est injun-
 genda frequens Ecclesiæ visitatio,
 vel prolixa multaque oratio, patribus
 aut matribus-familiâs, quos im-
 pediunt honesta negotia & rei famili-
 aris Christiana sollicitudo; vel famu-
 lis aut ancillis, aliterve opus debentibus.
 Nullæ sunt præcipiendæ Satis-
 factiones quæ peccatorem & occulta
 ipsius delicta detegere possint, scan-
 dalum aut Confessionis odium pare-
 re, domesticam pacem interturbare,
 virum & uxorem, patrem & filium
 inter se committere, vel in alterius
 dettinentum vergere. Sic v. g. mu-
 lier connubiali iugo subiecta malè
 juberetur elemosynas plus æquo no-
 tabiles, infcio marito, largiri. Sic
 famulo, ancillæ, aut cuius in alte-
 rius potestate constituto perperam in-
 jungerentur peregrinationes, aliæ
 opera quibus à conditionis sue ne-
 gotiis retraheretur. Nihil denum
 pro Satisfactione imponendum est,
 quod societatis ordinis, quod fami-

(a) Conc. Trid. Sess. 14. cap. 8. de
 Satisf.

(b) Stat. D. Odonis de Sully, Syn. 1.
 c. an. 1198, Capit. circa Confession. art. 8.
 in Synodico, pag. 6. Vide etiam Stat.

D. Steph. Poncher, & D. Eust. du Bellay.

(c) Gal. 5. 24.

(d) Ezech. 13. 18. cit. in Conc. Cabil.
 II, an. 813. v. 815. can. 38. Vide Paris.
 VI, an. 829. l. 1. c. 32.

liæ, quod cuiusquam officio vel levissime noceat. » Debet itaque Sacerdos, in pœnitentia danda, singulorum causas singulatim considerare, originem quoque modumque culpæ, & affectus gemitusque delinquentium diligenter examinare; manifestèque cognoscere; tempus etiam & personarum, locorum quoque & ætatum qualitates inspicere; ut etiam, pro consideratione locorum, ætatum vel temporum, seu pro qualitate delictorum atque gemituum uniuscujusque delinquentis, à sacris regulis oculis non reflectat (c). »

OMNIS quidem Pœnitentiæ scopus est ut peccator condignam pro delictis pœnam exolvat. Quæ verò satisfactiones ante Absolutionem præcipi solent, eò præsertim referuntur ut Pœnitentium corda innovent, atque ad promerendam reconciliationis gratiam disponant: & quæ post susceptam Absolutionem exequendæ imponuntur, collimare ad hoc debent, non modò ut per eas justitiæ divinæ satisfaciatur Pœnitens, verùm etiam ut à vitiis malisque animi propensionibus curetur, à culpæ iteratione servetur integer, & in gratia novoque vivendi instituto confirmetur. Cui ergò suscipiuntur Absolutionis beneficium, illi injungatur ut frequentes Contritionis bonique propositi actus emittat, ut perfectam morum emendationem à Deo sæpius flagitet, ut sua omnia in spiritu pœnitentiæ opera perficiat.

Sic perpetuos in se gerens compunctionis sensus, peccati affectum non longo temporis intervallo deponet, sequæ tandem Sacramentali Absolutione dignum præbebit. Quamdiù peccator ad Absolutionem præparatur, ei plerumque Pœnitentia non imponitur nisi ad tempus quo rediturus est. Hæc autem sit ejusmodi, ut Confessarius de ipsa inquirens statim dignoscatur quo spiritualis morbi genere laboret Pœnitens; undè singulorum conscientiam, sine accusationis iteratione, in promptu habeat. Cùm Absolutio adjunctam Pœnitentiam est immediatè secutura, sedulò præstituendum est quàm diuturna esse Pœnitentia debeat. Quæ quidem si sit ingens, gravisque momenti, Pœnitens, jubente Confessario, ejus ordinem recitet; ut nempe certò judicetur num ipsam intellexerit, & memoriâ tenere possit. Ne verò, ut plurimum, difficili Satisfactionum varietate oneretur memoria Pœnitentis, qui forsitan adjuncta oblivisceretur. Quòd si tamen ad sanandum ægrotum multiplici opus fore medetâ videatur, Sacerdos ei singula distinctè ac dilucidè exponat: quin etiam ab illo sciscitetur an omnia intellectu & memoriâ teneat? si præsertim cum juvene agatur.

Si sit aliquis dubitandi locus an Pœnitens eam exequi valeat Satisfactionem quam Sacerdos illi imponere constituit, ab ipso rei veritas quætur: & si prudenter metuatur ne hoc modo satisfacere nequeat, immutetur vel minuatur Pœnitentia. Pœnitens verò moneatur Satisfactionem

(c) *Wormat. an. 263. can. 25.*

semel acceptam haud sine gravi culpa omitti posse, sed præfixo tempore adimplendam esse.

ERGA eos qui sola venialia in Confessione recognoscunt, in constituenda Pœnitentia non magna est difficultas. Vulgò enim sufficiunt iis impositæ præces quædam vocales, pia lectio aut meditationes, sanctissimi Sacramenti vísitationes, spiritalium exercitationum diligentia, animo pœnitenti facta oblatio laboris, & tribulationum quas singulis diebus patiuntur. Hæc nempe est satisfactio quotidiana, quæ ab omnibus, etiam iustis, pro quotidianis culpis debetur. Eorum autem qui lethalia commiserunt, difficilè admodum constituitur Pœnitentia. Non soli qui dem Confessariorum molliciti, verum etiam Pœnitentium ignavia tribuenda causa est cur hisce temporibus tanta sit peccatorum inter & satisfactionem disparitas. *Nauseant plerique ad antidotum, qui hauerunt ad venenum* (f). Peccatoribus immenso lethaliū pondere oneratis nulla non gravior Satisfactio videtur. Qui intemperantiam, crapulam, luxuriam frequentibus jejuniis expiare deberent, ii jejuniorum dies ab Ecclesia indictos non libenter observant. Quibus delicta copiosissimis elemosynis redimenda essent, malè parva iniquo animo restitunt, at alienum ægrè dissolvunt. Quibus vi multa opus esset, ut torporem animi languentis miserrimèque blandientem sensuum tyrannidem excuterent, nihil sibi molestum ferunt;

pièque ac moderatè sævientem Confessarium, immisericordem conquerrunt. Sunt quibus concupiscentia restrainanda, *corpus castigandum & in servitutem redigendum* foret, qui tamen levissima quæque, quasi intolerabilia, detestant. Post admissa peccata gravitate infanda, numero propè infinita, stomachum mover Satisfactio paucorum excedens Psalmorum recitationem. Nonnulli, post ingentes rapinas, levibus duntaxat elemosynis lecti se vellunt. Cum vulgò nesciant huiusmodi Pœnitentes quid sit & quid mereatur peccatorum lethale, benignè à Confessariis edoceantur; ut eas Satisfactiones quæ in sacro Tribunali imponi solent, graviores non conquerrantur, sed tanquam leviores aliud compensare studeant; nec jam Pœnitentia Ministros quærant plus æquo indulgentes, vel imperitos, qui scelerum consuetudines vel maxime inveteratas precariunculis expiari posse arbitrentur.

Quod si verò Satisfactiones quæ à Confessario imponuntur, leviores facilioresque esse non oportet, ne despectui habeatur Clavium potestas, & Pœnitens ad rursus peccandum potius quàm ad nova vita genus ineundum invitetur (g); curandum etiam Sacerdoti est ut injuncta Pœnitentia nec longior sit, nec gravior aut difficilior, ne peccator eam non accipiat, vel acceptam prætermittat. Nihil utique juvat eam imponi Satisfactionem, quæ probabiliter à Pœnitente nunquam sit adimplenda.

(f) Tert. (g) Conc. Rem. an. 1583. tit. de Pœnit.

Nullus igitur Sacerdos plus æquo rigidum se exhibeat, Pœnitentias ad totam vitam, nulloque constituto termino, imponens (h). Id unum plerumque obtinet nimia hæc imprudensque severitas, ut Pœnitens vel in desperationem agatur, vel animo concidat, & Sacramentorum frequentationem derelinquat. Confessarium, tanquam Judicem, in imponenda Pœnitentia dirigat æquitas, quâ scilicet, pro delictorum gravitate ac numero, Dei offensi honorem & iustitiæ ipsius jura in animo habeat; tanquam Patrem, charitas vera legitimèque ordinata moderetur, quâ saluti Pœnitentis amantissimè simul & forissimè consulat; tanquam Medicum, sapientia temperet, quâ Satisfactionis impostæ naturam & effectus, peccatique & peccatoris circumstantias maturo libret examine. Non imirentur Confessarii inclementiam patrum illorum, qui liberos nimia severitate attritos exasperant magis quam corrigunt. Hinc enim Confessio, quæ jam satis onerosa est, prorsus invisa atque intolerabilis fieret. Non tamen sine ulla culpæ distinctione, æqua in omnes exaratur mansuetudo quæ « decipit miseros; ut » qui possunt agere Pœnitentiam veram, & Deo patri & misericordi » precibus & operibus suis satisfacere, seducantur ut magis peccent (i). » Nonnulli quidem naturâ tam duri, tam rudes ac stupidi sunt, ut nihil ratione apud eos agatur, nec, nisi gravis Pœnitentiæ sti-

mulo excitati, se graviter peccasse intelligant. Id observent Confessarii sagaces: diligenter tamen caveant ne julto vehementior metus incutiat, neve delictorum Confessio impediat. Præterea nonnullorum insimulari compatiendum est, quos nempe, sincerum conversionis desiderium præ se ferentes, fortasse animi deficerent, si graviore Pœnitentiâ plecterentur. Tunc expedit Satisfactionis rigorem aliquatenus mansuescere, aut saltem eam immutari, sic nempe ut ejus asperitas faciliorem operum diuturnitate compensetur.

Libidinosi, quamvis demonio immundo liberari, ut plurimum, sine oratione & jejunio non possint, aliis tamen remediis sapienter additis, ut perfectè curentur, plerumque indigent. *Vinum, in quo est luxuria* (k), non bibant omnino, aut saltem aquâ multâ temperent; duro cubili molliem subigant. Iis autem cæteræ corporis afflictiones prudenter & circumspectè à Confessario imponantur. Ut enim sapienter observarunt experientissimi quique animarum ductores, sunt quibus earum usus carnis stimulos magis exacerret quam retunderet. Cautissimè igitur dispiciendum est quid quisque Pœnitens cum fructu exequi possit, quid sine periculo non possit. Non precum diuturnitas, non corporalis Pœnitentiæ austeritas ad eos corrigendos multum proficit, qui ad turpes cogitationes vel ad solitariam incontinen-

(h) S. Thom. Quodlibet. 3. q. 13. art. 2. 12.

(i) S. Cypr. Ep. 14.

(k) Eph. 5. 18.

tiam proni sunt, donec vitiosam consuetudinem aliquatenus depofuerint. Postquam Confessarius in charitate Dei & Domini nostri JESU-CHRISTI eos plurimum rogaverit ut *miserentur* non solum *anima sua* (l), verum etiam corporis, sese ab illa utriusque intersectrice libidine fortiter continentes, ipsos jubeat primo mandè surgere, ne forte *iniquitatem meditentur in cubili suo* (m); turpi sermone non linguam, non aures præbere; nihil obscæni aspicere aut legere; inhonestis cogitationibus sine anxietate oblectari, ab his ad alia placidè mentem dimoventes; Deum semper & ubique, imò in cordis penetralibus præsentem reminisci, cui sæpius testentur se nihil aut cogitare aut facere velle quod ipsum offendant. Notandum verò est, quibusdā ingentium à natura esse, ut ab illo vitio compesci nequeant nisi per conjugium, vel adhibitis medicinæ remediis, quæ salientem in venis ignem, illæso corpore, extinguant, ac ferocientes carnis impetus comprimant.

At generatim hæc Pœnitentia omnibus impudicis tanquam saluberrima & maximè necessaria injungenda est, ut loca cætusque, ut colloquia & incentiva, ut occasiones sibi antea perniciosas diligentissimè fugiant, sobriè vivant, à malorum consortio declinent, piorum consuetudine delectentur, piis lectionibus incumbant, frequenter confiteantur; semper aliquid agant, ut tentatori, otiosum, quem sibi adjudicet, quærenti, omnis aditus præclu-

datur; primis immunditiæ cogitationibus & motibus fortiter obstant, quasi scintillam insipientem & grave incendium latitantem excutientes; inestitiam vitent, nimiamque solitudinem; Deum enixè oreit ut ab illa *ignominia passione* liberentur (n); *Dei timore carnes suas configant*, ne mortifero concupiscentiæ telo confodiantur (o). Sanctorum denique exempla meditentur, quorum alii se totos in aqua gelida aut nive immergere, alii sese prunis ardentibus imponere, alii se spinis convolvere, alii saxo pectus tundere, alii sese flagellis variisque Pœnitentiæ instrumentis dilaniare atque ulcerare non dubitârunt, ne quid in ipsos imperii haberet spiritus immundus: rati scilicet impudiciâ non modò animæ, sed & corpori dedecus inuri turpissimum; *hominem jumentis insipientibus similem fieri* (p); & postquam in hac vita miserimus voluptatum sectator æstuavit, ipsum denique in *stagnum ignis & sulphuris* præcipitem demergi (q). Videat tamen Sacerdos diligenter ne quis Pœnitens, juvenilis præsertim ætatis, maximè verò feminei sexus, in quo viget imaginandi vis plurima, ullis se inconsultò tradat corporis afflictationibus, quæ, post evanidi servoris intervallum brevissimum, in solutionem vitam degenerare possent; undè pietas apud Religionis contemptores ludibrio esset. Nullus demùm, sine consilio pii ac periti Confessarii, quidquam hocce in genere insolitum amplectatur.

(l) Eccl. 30. 24.

(m) Pf. 35.

(n) Rom. 1. 26.

(o) Pf. 118.

(p) Pf. 48.

(q) Apoc. 10. 9.

Superbi suam originem sæpiùs reminiscantur, nihilum, terræ limum; novissima sua, mortem, sepulcrum, pulverem, vermes (r). Quotidiè hæc verba recitent : *Memento, homo, quia pulvis es, & in pulverem reverteris*. Et nonnunquam funeribus interesse jubeantur, quò certius, quid olim futuri sint, meditentur, & quàm malè *superbiat terra & cinis* (s) vehementissimo sensu intelligant. Abiectis in terram capitibus, certas preces recitent; in extremo Ecclesiæ loco semoti orent; cultu modesto utantur; *ne glorientur in vestitu* (t); nihil cum laude sua conjunctum loquantur; humilitatis denique opera exerceant.

Avaro injungi fructuosè potest, ut, quod debet, nullà ultra terminum morà persolvat, inopesque pro facultatibus adjuvet. Singulis diebus recogitet *se nudum de utero matris egressum, nudumque in terram de qua sumptus est, reversurum* (u); *se nihil in hunc mundum intulisse, nec quidquam inde esse ablaturum* (x); *opera sua, non divitias hominem secuturas* (y); *eum qui sibi thesauros in calo congregat* (z), summè felicem; *qui verò sibi thesaurizat, & non est in Deum dives* (a), summè infelicem habendum. Sapienter etiam fiet, si à divitibus, præsertim in avaritiam vergentibus, percontetur Sacerdos quantas possint elemosynas largiri? ut circa illud certi aliquid per modum Satisfactionis constituatur.

Alioquin, ipsorum arbitrio relictæ, aut leviores, aut nullæ forent. Si autem copiosæ futuræ sint, eas, suggerente Confessario, Pœnitens ad optima quæque impendat; pia Instituta, publicas inopum seu inermorum domos amplificans aut fovens, puerorum aut puellarum Scholas in Parochia erigens, pauperum Clericorum aut scholarium institutionem promovens aut juvenans.

Severè puniendi sunt qui per invidiam proximo detrahunt (b), ei nocent, de eo benignè loquentibus contradicunt, aliorumque beneficia ab ipso avertunt. Pro illis quibus invidabant, Deum orent; de ipsis bona arque honesta prædicent; iis felicissima quæque appresentur, quinimò, si possint, accersant. Si verò medicinalem hujusmodi Pœnitentiam adimplere detrectent, non absolvantur. Numerent Confessarii inter vitia curatu difficillima invidiam. Quod quidem vitium non raro justitiæ colorem induit; cum sæpè, qui invidiâ tabescunt, se existiment legitimis de causis proximi commodo adversari, & de ejus infortuniis meritò gaudere. Et generatim maledici, præcipiente Confessario, delicta seu vitia cujusquam ne sermone attingant quidem; sæpiùs, è contrario, benignè atque honorificè de proximo loquantur.

Iracundi, & quos furor immodicus in verba aut opera criminosa

(r) *Ecclesi.* 7. 40. & 10. 13. & 19. 3.

(s) *Ibid.* 10. 9.

(t) *Ibid.* 11. 4.

(u) *Job* 1. 21. *Gen.* 3. 19.

(x) 1. *Tim.* 6. 7.

(y) *Apoc.* 14. 13.

(z) *Matth.* 6. 20.

(a) *Luc.* 12. 21.

(b) *Psf.* 100.

præcípites solet abripere, quamdiù se commotos sentiunt, nihil omnino loquantur, nihil agant vel constituent, aut priùs Orationem Dominicam Salutationemque Angelicam recitent. Quotidiè in precibus matutinis, à Deo efflagitent ne suis sibi derelictos iracundiæ motibus conflictari permittat: quotidie propositum renouent iis utendi remediis quæ sibi ad refrænaudam animi perulantiam à Confessario designata fuerint.

Pigri jubeantur primo manè surgere, semper flexis genibus orare, suum Deo laborem quotidie offerre. Iis hora præstituatur, quæ per diem unumquodque opus diligentissimè adimpleant: imperatis, nullà interposita morà, obtemperent, quæcumque vel detrectandi vel morandi causa menti obversetur. Mendaces, si quando mendacium protulerint, illud continuò retractent. *Quotum Deus venter est* (c), ventris ingluviem jejuniocastigent. Qui vino inebriari solent; vinum aquà multà diluant, imò certis diebus meram aquam bibant; epulas virent ac popuias. Blasphemi, & qui *Nomen Domini in vanum assumunt*, certam eleemosynam totiès largiantur; vel humi toto corpore prostrati misericordiam implorent; vel, manibus in Crucis modum expansis, Orationem Dominicam & Salutationem Angelicam quinquies recitent. Quorum *loquela multum jurans horripilationem capiti statuit* (d), vel qui tur-

pia ex consuetudine proferunt, totiès pectus adactà manu percutiant, veniam à Deo suppliciter exorantes; conscientiarum rationem circa morem hunc pellunt quotidie à se ipsis exigant; compellanturque totiès terram osculari, vel potius impurà linguà lingere, quinimò, si suppetat facultas, certam pauperibus eleemosynam largiri, quotiès in alterutro genere peccaverint. Alienorum raptores, & quicumque *affirmaverunt conversationem vitam compositam ad lucrum, & oportere undecumque, etiam ex malo, acquirere* (e), ii, præter debitam restitutionem (de qua proximè sequenti Capite agetur), eleemosynis radicem omnium malorum cupiditatem extirpent (f); & sæpè illud Apostoli cogitent, *ut qui furabatur, jam non furetur; magis autem laboret, operando manibus suis quod bonum est, ut habeat unde tribuat necessitatem patienti* (g).

Mercatores, agricolæ, & quicumque dies Dominicos & Festos à profanis minimè secernunt, vetito labore quæstum promiscuè facientes, eleemosynis intempestivo quæstui paribus, aut etiam potioribus plectantur; maximè verò si, tolerari laboris obrenu, Sacro interesse negligant, quales sunt tonsores, alique id genus operarii. Rarò confitentibus & sæpè in eadem peccata relabentibus, injungenda est frequens Confessio; de propria salute parum sollicitis, Ecclesiarum divinorumque Officiorum & Sa-

(c) Phil. 3. 19.

(d) Eccli. 27. 15.

(e) Sup. 15. 11.

(f) 1. Tim. 6. 10.

(g) Eph. 4. 28.

cramentorum frequentatio. Mundi pompas & vanitates, choreas aliaque hujusmodi fatanæ opera confectantibus ea Pœnitentia imponatur, ut, manè, certis per hebdomadam diebus, sanctâ meditatione sibi propositâ, solemnem illam reminiscantur & renovent sponsionem, quâ sacris in Fontibus obstricti sunt; Christo Domino adhærere firmiter constituent; atque iterum seculi pompis, diabolo ejusque operibus in perpetuum renuntient (h).

Præter Satisfactiones quæ hætenus designatæ sunt, tanquam singulis vitiis contrariæ, ideòque ad vitia extirpanda efficacissimæ, cunctis Pœnitentibus injungendum est ut omnia diligenter fugiant vitiorum blandimenta, omnia libidinum irritamenta, omnes peccati occasiones, cœtus innocentiz periculosos, otiositatem, quæ multam malitiam docuit (i);⁴ ut demùm abstinentias & jejunia, quæ statis diebus Ecclesia præcipit, religiosè observent. Neque enim ad satisfaciendum pro delictis, atque ad cœlestem gloriam promerendam, minùs utilia sunt opera, jubente lege, exequenda, quàm quæ non injuncta voluntarius Pœnitentiz motus amplectitur. Quamvis igitur tanquam Satisfactionem præcipi vulgò non oporteat illa opera quibus Pœnitens aliundè obstringitur, scilicet ex Dei aut Ecclesiæ mandato, seu ex Voti religione; id tamen, certis in casibus, prudentiz consentaneum erit, si

quandò v. g. prævideat vel jam sentiat Confessarius salubriter inde stimularum iri Pœnitentem ad eorum quæ alioqui neglecturus videretur, operum executionem; aut cum ille hujusmodi est, ut per alia opera satisfacere vix possit. Et quoniam plerique homines in suis peccatis ideò torpescunt, quia in audiendo Dei verbo adeundisque sanctitatis fontibus, Sacramentis videlicet, rari admodum inveniuntur; multùm proderit iis Pœnitentiz loco injungi ut sacrum Pœnitentiz Tribunal, ut Carecheses & Conciones impensiore studio frequentent. Singulis diebus ad ortum lucis Dominum adorantes (k), quàm perfectissimum poterunt de omnibus peccatis suis actum Contritionis emittant; in quorum expiationem se profiteantur & diurnum laborem, & molesta quæque sibi eventura libenti animo suscepturos. Singulis pariter diebus piâ lectione vel meditatione animum reficiant. Diebus Dominicis, commissa per hebdomadam peccata discutiant, quasi statim confessuri; suscipiæque actibus Contritionis, sacrosanctum Missæ Sacrificium propitiationem sibi facere studeant. Quotidiè in vespertinis precibus, quomodò per diem vixerint, recognoscant; peccatum ad quod vehementius proni sunt, præcipuè attendant, culpæque agnitas aliquâ sibi impositâ Pœnitentiâ castigent; undè nec recidivi postridiè fiant, nec pravæ consuetudinis molem in se recipiant;

(h) S. Cur. Borr. Instr. de Sacram. Pœnit.

(i) Ecclesi. 33. 29.

(k) Sap. 16. 28.

undè etiam facilius ad confitendum disponantur. Pauperum domos adeant, vel publica humanitatis patientis hospitia, ipsosque carceres (1); ut ærumnosis, infirmis vincitisque opem ferant & consolationem, utque elemosynam spirituales corporali adiungentes, eos de salute animæ & de Confessione instituenda opportunè pietique moneant.

Ex his & singulis operibus vel exercitationibus id eligat Sacerdotis prudentia, quod cuique utilius fore videbitur. *Manducantibus panem doloris* (m), operariis nempe & egenis, hæc sola plerumque injungenda est Pœnitentia (quæ fortasse omnium maxima) ut suos labores suamque penuriam æquo animo patiantur, eaque cum JESU CHRISTI propter nos egeni paupertate & laboribus conjuncta (n), Deo in pœnam delictorum offerant. Pœnitentibus qui pius deliquerint, quam satisfacere valeant, quæ scilicet ingens multitudo est, exhibeatur antiquæ Pœnitentiæ disciplina (o), diuturnæ laboriosæque probationes, quibus adigebantur quicumque familia peccassent; ut sanctæ illius severitatis imagine commori, hodiernæ Pœnitentiæ levitarem interni doloris magnitudine compensent, bona opera multiplicent, quibus spiritum rectum in suis visceribus innovent ac foveant (p), concessis Indulgentiis ritè sanctèque utantur; vitæ molestias atque amaritudines animo con-

trito & humiliato sustineant, *virò dolorum JESU CHRISTO* compatiētes (q). Præcipua scilicet omnium Satisfactio est, vita communis, pœnitentiæ spiritu & Christiano vivendi more sanctificata: si quis nimirum divinæ voluntatis beneplacito in omnibus æquanimiter acquiescat; laboransque & patiens, Deum præsentem sæpius in mente habeat, eique orationis & dilectionis affectu constantissimo adhareat.

Pro peccatis occultis injungatur Pœnitentia occulta, non verò publica; quæ quidem talis habetur, cum Pœnitens eam exequi sine delictorum suorum revelatione non potest. Quoniam verò præcipit Gentium Apostolus *peccantes coram omnibus argui, ut & ceteri timorem habeant* (r); «quandò ab aliquo publicè & in » multorum conspectu crimen commissum fuerit, undè alios scandaloso offensos commotosque fuisse » non sit dubitandum; huic condignam pro modo culpæ, Pœnitentiam publicè injungi oportet; » ut quos exemplo suo ad malos » mores provocavit, suæ emendationis testimonio ad rectam » revocet vitam (s). » Non tamen promiscuè accipi debet & *solemnis & publica* Pœnitentia. *Solemnis* ea esse intelligitur, quæ pluribus seculis in usu fuit, & cujus etiam nunc, apud quasdam Dioceses, nonnulla remanent vestigia; dum scilicet, Festâ quartâ in Capite Jejunii Quadra-

(1) Hebr. 13. 3.

(m) Pf. 126.

(n) 2. Cor. 8. 9.

(o) Vide infra, cap. 3.

(p) Pf. 50.

(q) Ibid. If. 53. 3.

(r) 1. Tim. 5. 20.

(s) Cone. Trid. Sess. 24. de Ref. c. 8.

gesimalis, Pœnitentes Ecclesiâ publicè ejicit Episcopus, donec Feriâ quintâ in Cœna Domini solemniter absolvantur. Ejusmodi Pœnitentiam imponere solius est Episcopi. Alia distinguitur Pœnitentia, quæ insolita, lugubris, amara esset, totumque hominem humilitate gravissimâ deprimeret: si quis v. g. Missam Parochialem audire juberetur extra limen Ecclesiæ, vel intrâ Ecclesiam, flexis genibus, dextrâque Cereum ardentem gerens; aut Processionem nudis pedibus, atque in habitu *Pœnitentis* comitari, veniam publicè rogaturus. Ex Pœnitentiæ, cum in publicum gravi rumore traducantur, quinimò, in Galliis, Pœnitenti vel ejus familiaræ dedecus atque infamiam inurere facile possint, nunquam à Confessariis exigendæ sunt, nisi fortè aliquis Pœnitens ad publicam ejusmodi reparationem fuerit juridicè condemnatus.

Quæ à Confessariis imponuntur Pœnitentiæ aliquatenus publicæ, eæ sint quæ coram omnibus, illarum famâ, exolvantur, & quæ sufficiant ut palàm fiat sincerus atque integer à vivendi licentia ad sanctiorem vitam transitus, utque refarciatur illatum scandalum: si quis v. g. jubeatur sanctissimum Eucharistiæ Sacramentum ad ægros delatori comitari, aut illud quotidie horis pomeridianis visitare; singulis diebus ad Missam, Dominicis & Festis universo Parochiali Officio non intermissâ sedulitate interesse; superflua vestitus ornamenta deponere; cauponas, aliaque oblectationis loca devitate; charitatem erga infir-

mos in Nosocomiis exercere; stans diebus jejunare; periculosas societates vitare. Si quis Pœnitens alia opera, undè magis deprimatur, sponte suâ velit exequi; id, pro sua prudentiâ, concedere poterit Confessarius.

Sunt quædam usitati ordinis Pœnitentiæ, quale est, veniam publicè ab iis rogare in quos publicè contumeliosus aliquis fuerit; coram testibus dolorem profiteri culpæ conjunctam habentis offensionem publicam, & hujusmodi culpam contrariis virtutum actibus palàm retractare; manifestam facere spirituales resurrectionem vitæ & moribus ad pietatis exemplum compositis, simulque abdicatis mundi vanitatibus & voluptatum illecebris, vitæ cœtibus profanis & cunctis peccandi occasionibus. Publica censetur ea Pœnitentia peccatoris qui dudum *abierat vagus in via cordis sui*, & quem Deus, per summam misericordiam, ad *se reduxit & sanavit* (1); eamque omnino exigere potest ac debet quivis Confessarius, ut publicæ offensioni satisfiat. Neque ipsimet ægroti qui scandalo prius fuerint, à publicâ veniæ petitione & mali commissi retractatione eximantur. Exteriùs & coram testibus *pœnitentiam manifestent* (2), nisi vocem præcluserit morbi violentia.

PORRO Confessarii, quò liberius Satisfactiones peccatis condignas imponant, & quò certius illarum tueantur auctoritatem illam quæ ipsis, tum in omnibus sacri ministerii partibus, tum præsertim in Pœni-

(1) *Ist.* 57. 17. 18. (2) *Ecclesi.* 30. 4.

tentiæ administratione pernecessaria est, ab omni, ut jam præmonuimus (x), avaritiæ labe & suspitione diligenter caveant. Meminerint veterum Ecclesiasticâ Disciplinâ esse, ne per modum Satisfactionis, pecuniam aliudve quodlibet, sibi aut Communitati, Monasterio, Ecclesiæ, etiam eleemosynæ nomine ac titulo, applicandum, verbis aut signis, directè vel indirectè ab ullo exigant. Cum igitur eleemosynas pro incerto ære alieno, pro commutatione Votorum, aliisve similibus, erogari oportebit; ex quidem in pauperes vel pauperum hospitia, aliave pia loca seu opera, consulto priùs, si fieri possit, Diocesano Pontifice, erogentur. Nunquam autem Sacerdos ab ullo Pœnitente, neque in vita, neque in morte, aliquid per modum substitutionis aut compensationis, in proprium, aut suæ Parochiæ Presbyterorum, Ecclesiæ Communitatisve commodum exigat, vel erogandum suadeat: alioqui merito

arguetetur, tanquam qui in temporalis emolumentis consecutionem vendendo abusus esset ministerio, cuius est sola animarum lucra sectari. Quin etiam, si quandò necesse fuerit ut Pœnitens Missas loco Satisfactionis celebrari curet, eas non celebret Confessarius (y); nec ipse honorarium percipiat, nec suæ Ecclesiæ, Communitati vel Monasterio applicari sinat, multò mîpùs præcipiat (z). Denique, ne ullas relinquatur struendæ in Confessarium criminationi locus, nec ipse pecuniam, aliave restituenda suscipiat, nisi aliter famæ Pœnitentis consuli non possit: & tunc, peractâ restitutione, chirographum recipere non omittat, quem tradat Pœnitenti.

CÆTERUM de Pœnitentia Infirmis imponendâ obiter diximus, ubi de Satisfactione (a); & expressius dicemus, ubi de Confessione Infirmorum (b).

(x) *Sup. de Sacram. in gen. cap. V.*

(y) *Stat. D. Odonis de Sully, Syn. 1. c. an. 1198, Capitul. circa Confess. art. 10, in Synodico, pag. 7.*

(z) *S. Car. Borr. Inst. ad Conf. tum*

in Conc. III & IV. Mediol. an. 1575, & 1576.

(a) *Sup. Div. I, cap. 7.*

(b) *Infra, Div. IX, cap. 3.*



CAPUT II.

De prudentia Confessarii in decernenda restitutione.

QUINQUE sunt hujus Capituli articuli, in ipsius decursu satis distincti.

RESTITUTIO sic definitur, ut sit, *Ablata rei, vel injustè illati detrimenti, proximo facta redditio, vel reparatio.* Quà quidem ex definitione liquido patet restitutionem detrimento æqualem esse oportere, eamque ab omnibus qui detrimento intulerint, esse præstandam (a).

Ut autem certò cognoscatur quandam ad restituendum teneantur Pœnitentes, sciendum est, 1°. Quot sint bonorum species in quibus damnum proximo inferri possit, & quibusnam modis illud ei possit inferri. 2°. Quinam ad restitutionem teneantur. 3°. Quisnam inter eos qui restitutionem debent, sit ordo servandus. 4°. Quid sit advertendum, ut restitutio damnum adæquet. 5°. Quænam sint causæ, quibus à restitutione quisquam fiat immunis.

§. I. QUOT sint bonorum species in quibus damnum proximo inferri possit, & quibusnam modis illud ei possit inferri.

QUATUOR sunt bonorum species in quibus damnum proximo potest inferri: scilicet bona spiritualia,

bona naturalia, bona vitæ civilis, & bona fortunæ.

Bona spiritualia ea sunt quæ ad proximi sanctificationem salutemque pertinent, Sacramenta, preces, bona opera, &c. Qui ex officio bona spiritualia proximo administrare tenentur, Parochi v. g. cæterique animarum curam gerentes, proximo damnum inferunt, si hunc necessariis documentis defraudant, si Sacramenta opus habenti denegant, si pro eo Missæ Sacrificium non offerunt, si cætera non præstant quæ præstare ex officiorum vel Beneficiorum ratione tenentur; ipsique à Confessariis adigendi sunt ad refarciendum eo quo potest modo reficere damnum proximo illarum; sive ingeminatis, vel per se vel per alios, Christiani instituti documentis, sive ad frequentem Confessionem & Communionem inductis iis quibus Sacramenta conferre abnuerint vel neglexerint; sive celebratis Missis, fufisque aliis quas omiserint, precibus; sive restitutis quos injustè perceperint, Beneficiorum fructibus. Ii maximè damnum spirituale reficere tenentur, qui errorem propinaverunt, vel perditâ ne-

(a) Cond. des Confess.

quiritia lapis offensionis & petra scandali (b) populo fuerunt, quem doctrina simul & exemplo ad virtutem informare debuissent.

Quicumque proximum vi aut dolo in errorem vel in scelus coniecerunt, aut à præstando officio dimoverunt, ab exequendo bono opere, ab amplectenda Religione, &c. deterruerunt, verum ei detrimendum intulisse meritò iudicantur; tenenturque illud, quò possibile est, refarcire, ipsum ab errore avertere, ad pœnitentiam inducentes, adempta ei bona quas ratione accercentes, &c.

Bona naturalia sunt bona corporis & animi: vita scilicet, prospera valetudo, usus rationis & sensuum, libertas, &c. Quicumque igitur in aliquo ex his bonis damnum quodlibet injustum proximo intulerunt, id refarcire quo refarciri potest modo tenentur: adempta bona restituunt, si restitui possint, vel alia ipsi, aut viduæ, aut liberis, si viduam aut liberos egenos relinquat, rependentes, ad damnum compensandum aptissima.

Bona vita civilis sunt integra fama, existimatio quâ fruitur proximus apud eos quibus notus est, benevolentia quâ quis eum conplectitur, honor & reverentia eidem tributa, ipsique debita. Fit injuria proximo in fama sua per calumniam & per maledicentiam. Versatur illa in falsis adversus proximi famam criminationibus; hæc verò in manifestando ejus culpas

aut occulta vitia iis qui hæc ignorant, nec jus habent ea cognoscendi. Fit injuria proximo in sua existimatione, cum ipse coram aliis contemnitur. Eidem in benevolentia illi debita nocetur, inter amicos dissensione commotâ per occultos sermones, aut per aliam hujusmodi rationem. Proximo denique in honore & reverentia ipsi debita nocetur per cavillationes atque irrisiones circa ipsum habitas; & per contumelias quibus afficitur, dum ei coram exprobrantur suæ culpæ, aut sua vitia, licet exprobranti nullum sit jus ita faciendi.

Qui gravem in aliqua ejusmodi re injuriam proximo intulerunt, ita, præter lethale peccatum quod admiserunt, & quod lugere coram Deo atque expiare sedulo debent, tenentur etiam ei, quantum possunt, pro illato damno satisfacere.

Sunt igitur compellendi calumniatores ad manifestandam suorum dictorum falsitatem; maledici, ad multa honorificè de eis prædicanda, quorum culpas aut vitia præposterè revelarunt; qui proximo contemptum pepererunt, ad significandam illius existimationem coram iis à quibus eum contemni effecerunt; qui commoverunt inter amicos dissensionem, ad restituendam omni viâ possibilem pristinam inter eos benevolentiam: qui denique irrisionibus proximo nocuerunt, vel eum contumeliosè infecerunt, ei se, ut decet, excusent; ipsumque, datâ

(b) 1. Petr. 2. 8.

Tomus II.

occafione, cum debita reverentia & obfervantia tractent.

(1) Legt.

Bona fortuna sunt omnis generis poffeffiones, ut agrorum, pecunie, aliorumque mobilium & immobilium.

Quincuplici autem modo poffet in illis bonis injuria proximo heri.

1°. Si quis, five clanculū, five apertē, eum injuftē fuo bono defraudet.

2°. Si quis ab ipfo quidquam indebitum exigat: ut fœneratores, qui pro rebus mutuo datis quæftus non legitimos extorquent; perfonæ publicæ, quæ mercedes non fibi debitas exigunt, aut etiam accipiunt; artifices qui nimium fibi conftituunt operæ pretium; mercatores qui merces fuas pluris vendunt quàm valent; qui alios vectigalibus, recto excipiendis militibus, &c. prægravant.

3°. Si quis proximo id quod ejus fit, non tribuat. Hujusmodi peccatum admittunt, qui id quod debent, perfolvere, reperta, depofita, commodara reftituere, venditas merces tradere abnuunt. Eodem nomine injufti funt ii Beneficiarii, qui, fumptis è fuo reditu ad victum cultumque neceffariis, Beneficiorum facta tecta præftare, debitaque elemofynas erogare parvipendunt.

4°. Si quis impediatur ne proximus id quod fuum eft, obtineat. Talis eft eorum injuftitia, qui debitoribus confilia præbent, quibus fœti juftas creditorum poftulationes fubterfugiant; vel qui eos protegent, ne creditores jus fuum persequantur. Talis etiam eft eorum

injuftitia, qui per vim, calumniam, aliamve iniquam viam, aliquem à munere, Beneficio, legato (1), &c. intercludunt.

5°. Si quis rem proximi deteriorē efficiat. Quod quidem ab iis committitur, qui proximum occidunt aut vulnerant, ejufve animalia; qui ipfius fruges perimant, arbores succidunt, fupellectilem frangunt, &c. Quemadmodū & villici qui facta & tecta non habent ædificia quorum curam in fe receperunt, ficque in caufa funt cur ea pefsum eant & corruant; tum qui, cum equos, aliasve res conduxerunt vel mutuati funt, non iis moderatē utuntur, undē dominis exiftit detrimentum; arque etiam famuli qui culpā fuā dominorum fupellectilem vel utenfilia confringunt aut perdunt, &c.

§. II. QUINAM ad reftitutionem teneantur.

Ad reftitutionem teneri, non folū eos qui damnum proximo intulerint, fed illos etiam qui fuam in id injuftitiæ operam contulerint, & qui inde fructum ceperint, res eft omnino extra controverfiam pofta. Hi autem omnes revocantur ad perfonarum fpecies novem, duobus hifce technicis verbis comprehenfas.

Juffio, confilium, confenfus, palpo, recursus,

Participans, mutus, non obftans, non manifftans.

Juffio. Hoc verbo designantur ii quorum juffu & mandato illatum eft detrimentum. Mandavit pater

filio, dominus famulo, ductor militibus ut aliquā proximam injuriā afficerent; si talis mandati virtute patrata fuerit injuria, tenentur ii pro illa satisfacere. Si verò ante rei executionem iussum revocassent, remque iniquam, nihil obstante revocatione, inferiores commisissent; ad restitutionem non tenerentur Superiores. Etenim iussus revocatus jam nullius est momenti aut roboris; idèdque non eorum iussu, sed inferiorum maliciā detrimentum fuisset illatum.

Eo pariter *iussionis* nomine includuntur qui inferendi detrimenti negotium imposuerunt, quique ad id, precibus, promissis vel minis quempiam induxerunt. Si detrimentum causam præbuerint, illud rescire profectò debent. Si verò consilium mutaverint, suamque revocationem, antequam iniustitia committeretur, notam fecerint; iniustitiæ causa non fuerunt, nec eam rescire tenentur. Cessat enim muneris impositio, cum est revocata; promissaque, preces, & minæ vim nullam habent, ex quo significata est eorum revocatio.

Consilium. Hoc verbo designantur primùm ii qui sponte suā & inconsulti, per meram nequitiam, inferendi detrimenti consilium dederunt atque incitamenta suppeditaverunt. Cum igitur eorum consilium detrimentum causam præbuit, ii detrimentum sarcire procul dubio tenentur.

Notandum verò est quòd, dato perverso consilio, etiam si animi dolor de illo significatus iis sit quibus datum fuerit, non tamen ea significatio sufficit ut quis immunis fiat re-

farcendi illius damni, cujus inferendi consilium dederit. Non enim sicut vis mandati ex voluntate mandantis, sic & vis consilii ex auctoris sui voluntate pendet, sed potius ex incitamento eo sine insumptis ut malefici ad nocendum proximo inducerentur. Undè sequitur eos qui damni inferendi consilium dederunt, ad restitutionem teneri, licet postea contrarium dederint consilium; nisi rationes atque incitamenta nocendi sic labefactaverint, ut non huiusmodi impulsu commissæ fuerit iniustitia: tunc enim, cum ea incitamenta iniustitiæ proximo illatam non pepererint, nequaquam ii pro illa satisfacere tenentur. Qui igitur per errorem, vel per dolum, allato ad agendum falso incitamento, iniustitiam fuisset, eam sarcire non teneretur, si, ante ipsam patrata, malefico suum errorem, suum dolum, vel prolatis incitamenti falsitatem manifestasset. Eo siquidem in casu, non ille censeretur iniustitiæ causa fuisse, cum deindè prorsus ad nihilum redegisset allatum nocendi incitamentum.

Nomine *consilii* designantur etiam personæ, quæ, ex officio vel munere suscepto, in iis peritæ esse debent de quibus consuluntur, & consilium dederunt, quod, si consulentibus, sive aliis damnum attulerit. Cum enim huiusmodi consilium dederunt per ignoracionem aut imprudentiam in sua professione insolitam (quod quidem in Jure *culpa lato* appellatur) damnum illatum rescire tenentur. Sic videlicet Medicus, si ex gravi culpa quidquam noxium alicui præscripserit, pro illato detrimento de-

bet ei satisfacere. Sic Pattonus in clientem agere tenetur, cui per consilium ex inscitia culpabili datum nocuerit.

Sic & Confessarius in Pœnitentem, si hunc indebitè ad restituendum adegerit; vel in eum cui ne Pœnitens restitueret, cùm deberet, impederit, si id *ex culpa lata fecerit* (c).

Quòd si verò quædam ex iis personis aliquid stipendii pro datis consiliis accipiant, illatum etiam *ex culpa levi* detrimentum sarcire tenentur (d).

Quandò is qui consultus est non tenetur ex officio in iis peritus esse de quibus: consultitur, si peritiam professus fuerit, pro iisdem culpis restituere tenetur perinde ac superius dicti. Si peritiam professus non fuerit, damnum consilio illatum refarcire non tenetur, nisi dolosè consilium dederit; nam, juxta Regulam Juris (e), *nullus ex consilio, nisi fraudulentum sit, obligatur*. « Ratio diffinitivæ criminis est, quia prioris generis » personæ, dum peritiam præ se » ferunt, quæ carent, hoc ipso decipiunt alios, qui eorum consilium & auctoritatem per simplicitatem sequuntur: qui autem talem » peritiam non profitentur, horum » consilium nemo prudens sequitur, » nisi prius exploraverit num expediat, necne (f).

Quòd si tamen ex illius qui talem peritiam non profitetur, malo consilio damnum alicui tertio proven-

rit, si v. g. non esse cuiuspiam restituendum suaserit; damnum huic illatum refarcire tenebitur, si per inscitiam vel imprudentiam gravem & inexcusabilem suaserit, & per huiusmodi consilium deceptus consultor injuriam faciendam decreverit.

At verò qui consultus respondet juxta opinionem verè probabilem, ad nullam restitutionem tenetur. In eadem conditione versatur is qui admonet se de casu proposito dubitare. Idem quoque de illo sentiendum est, qui affirmat quidem ita sibi videri, sed ut consilium sequatur consultor, minime suadet. Secus verò dicendum, si consulenti auctor sit ut suum sequatur consilium, quamvis dubitet an licitum sit id quod suadeat; nisi opinionem verè probabilem tueatur, planèque & sine ambiguitate judicet id licere quod suadeat (g).

Postremò *consilii* nomine includuntur ii, qui, cùm de viis proximo nocendi consulerentur, tales vias suggererent quæ optatum exitum habuerint. Deficientibus maleficis, restituere tenentur, quando quidem perverfis consiliis causa detrimenti fuerunt.

Consensus. Hoc verbo comprehenduntur ii omnes quorum ex voluntate pendebat injuria proximo illata, quique eam suo assensu comprobarent, juxta illud Apostoli: *Non solum qui mala faciunt, sed etiam qui consentiunt facientibus* (h). Tales sunt, pater qui filio, domi-

(c) Laiman, l. 1. de Just. tract. 2. cap. 5.

(d) Idem, ibid.

(e) Regula 62, in 6^o.

(f) Laiman, sup.

(g) Sylvius.

(h) Rom. 1. 32.

nus qui famulo concessit ut quodvis detrimentum inferrent; Judex qui de re iniqua sententiam dixit; Capituli aut cujuscunque Communitatis membrum, quod in deliberatione injusta & quæ proximo nocuerit, suffragium tulit, &c.

Palpo. Hocce vocabulo designantur ii qui propositam injulitiam laudantes & approbantes, in causa fuerunt cur ea committeretur: tum illi etiam qui vituperant, irrident, minis tectent, vel inclementer accipiunt eos qui malum non operantur; sicque in causa sunt cur proximo noceatur.

Recurfus. Hoc nomine includuntur qui maleficis protegunt, ad se receptant, in tuto collocant; res furto sublatas vel subductas asseruant, occultant; ut ex vendantur, adjuvant; aliisque similibus adminiculis causam præbent cur proximo fiat injuria. Eo pariter nomine comprehenduntur caupones, qui vinum aut aliud quodlibet vendunt filiis-familiis aut famulis quos sciunt pecuniam ad illa impendia suffurari; & generatim ii omnes qui maleficis præstata operâ, in causa sunt cur ab iis erga proximum iniquè & injuriosè agatur.

Participans. Hoc verbo duplicis generis personæ designantur: 1°. quidem ii qui fructus ex injulitiam provenientis participes fuerunt, quamvis ad eam patrândam nihil operæ vel auxilii contulerint: talis est ille qui vinum ab aliis furto ablatum potavit. 2°. Qui ad injulitiam pattandam auxilium suum impenderunt: tales sunt Notarii, quibus ministris factæ sunt pactiones usurariæ vel fraudulentæ, ipsique testes qui conscientia mente subscripserunt; fœnerato-

rum negotiis præpositi, qui usurarias schedulas confecerunt; mercatorum institores, qui, jussu dominorum, in venditionibus aut emptionibus iniquè egerunt; causarum Procuratores & Patroni, qui lites manifestè injustas defenderunt, suoque injulitiam præsidio adjuverunt; Dominorum Procuratores, qui in vexandis clientibus operam suam contulerunt; ferarum opifices, qui claves adulteras fabricantur: ac generatim quicumque ad perpetrândam injulitiam instrumenta suppeditant, aut quaslibet vias suggesserunt, vel quomodocumque ad inferendâ injulitiam adjuvento fuerunt. Sed nemo restituere tenetur, nisi ad inferendâ detrimentum suam operam contulerit; alioquin ejus causa nequaquam esset. Nec restitutionem debet is, qui, licet injulitiæ confectorem adjuverit, nullam tamen, neque theologicam, neque juridicam culpam admisit.

Mutus. Hocce vocabulo indicantur ii, qui, cum ex officio vel aliqua pactione loqui teneantur, ne hat injuria proximo, silent, sicque in causa sunt cur ille detrimentum patiat. Hujus generis sunt famuli ad hoc præpositi ut dominorum bonis invigilent, qui damnum iis inferri sinunt, neque monentes, neque obstantes, cum id impedire prudenti admonitione possint: tum verò tributorum coactor, qui injulitiam alicui à consortibus suis fieri perspicies, pro justitia nihil dicat, suoque silentio in causa est cur fiat injuria: tum etiam Judex, & quicumque in aliquo Ordine jus ferendi suffragii habent, cum, pronis in aliquam injulitiam animis sodo-

lium, absunt, vel silent, sicque injustitiæ favent, dum ei pro sua quique parte non obstitunt.

Non obflans. Hoc verbo designantur ii, qui, licet ex officio teneantur conservandis proximi bonis invigilare, atque impedire ne quid ei inferatur detrimenti, suo desunt officio, idèdque quidquid detrimenti per eorum negligentiam passus est proximus, restituere tenentur. Huiusmodi sunt personæ publicæ ad hoc constitutæ ut privatorum bona per earum vigilantiam in tuto sint; tum ii pariter in quos segetum, vinearum, animalium, &c. custodia incumbit.

Non manifestans. Hoc nomine comprehenduntur ii qui maleficos in Iudicio manifestare tenentur, ne ab his proximo noceatur, vel ut ipsi pro damno illato satisfacere compellantur, nec tamen manifestant, nullâ licet excusatione legitimâ interveniente. Qui igitur in jus vocati, juxta veritatem non responderunt Iudici de factis in expostulatione consignatis, sicque in causa fuerant cur damnum aliquod passus fuerit proximus, id rescarcire tenentur. Idem dicendum est de famulis rem dominorum curandam habentibus, qui dominis prædones bonorum suorum non manifestant, cum id exequi utiliter prudenterque possunt.

§. III. *QUISNAM inter eos qui restitutionem debent, sit ordo servandus.*

QUANDO illatum proximo detrimentum in alicujus commodum cessit, hic præ cæteris restituere tenetur, etiam si actus per quem illa-

tum est detrimentum, nullo modo fuerit particeps.

Ut autem certò constituatur quid restitutionis debeant ii quibus emolumento fuit proximi damnum, in duos ordines sunt dividendi. Primus est eorum qui scienter ex injustitia fructum ceperunt, quique idcirco hunc totum restituere tenentur. Alter eos complectitur, qui ex injustitia fructum ceperunt quidem, at nescientes: hi porro non quidquid inde consecuti sunt, restituere tenentur, sed id solum quod præ manibus habent residui, cum primum eis innotescit rem esse furto ablatam. Qui v. g. ex vino potavit quod subreptum noverat, is quantum hausit, tantum pretio debet restituere. Qui autem nesciens bibit, hoc solum quod de suo intactum servavit, alienum bibens, restituere tenetur: si verò inde nil de suo intactum servaverit, nullâ restitutione obstringitur. Quòd si, dum vinum furto ablatum fuisse compertit, residuum ex eo habet aliquid, hoc quidem ei cuius sit, totum restituere tenentur.

Post eos quibus emolumento fuit detrimentum proximo illatum, restituere tenentur ii qui illud inferri jusserunt, cum eorum jussu id ipsum perpetratum est. In quo quidem ordine collocandi sunt ii, qui, ut injustitia committeretur, negotium dederunt, quique illam, adhibitis precibus, promissis vel minis, committi curaverunt.

Hosce primi ordinis duos proxime sequuntur, præcipueque ad restitutionem tenentur ii qui Superioris jussu injustitiam patravērunt, vel ut negotium datum exequeren-

tut, vel cujuscumque rogatu, vel denique promissis illecti, vel minis territi. Si quis detrimenti prima causa fuerit per suum consilium, & per incitamenta, quæ, ut aliquem ad illud inferendum pelliceret, suppeditaverit, restitutionem debet is quidem præ cæteris qui ad exequendam injulitiam adjuumento fuerunt.

Quatuor hæcenus enumeratos sequuntur ii quos designant vocabula *Consensus*, *Paup*, *Recurfus*; tum, qui exequendæ fraudis vias docuerunt, vel quoquomodo ejus exequendæ participes fuerunt. Hi nempe, illis deficientibus, in solidum & per partes æquales restituere tenentur.

Postremo restituere tenentur ii quos indicant hæc verba, *Mutus*, *Non obflans*, *Non manifestans*.

Cum ii qui primi restitutionis lege obligantur, restitutionem executi sunt, eâ penitus exolvuntur qui postremo loco veniunt: at verò, cum hi aliquid restituerunt, id eis rependere illi tenentur.

Quando unus ex iis qui per partes æquales restituere tenebantur, totum restituit, cæteri partem quicquæ suam ei rependere tenentur.

Si plures ad aliquam fraudem exequendam conspirassent, eamque unus pro se & pro cæteris executus fuisset, suam duntaxat partem, quemadmodum & illi, restituere teneretur; ac si pro toto detrimento solus ipse satisfecisset, cæteri suam quicquæ partem ei tependete omnino deberent.

Cum incidit Confessarius in Pœnitentem qui aliquâ restitutione faciendâ obstringitur, si non primus sit

restitutione faciendâ obstrictus, antequam hæc ei præcipiatur, ab illo compertendum est an non restituerit is qui prior illo restituere tenebatur: qui si illud non præstiterit, dicendam Pœnitenti est, eum qui prior damnum refarcite debebat, rependere ipsi debere id quod restituerit; & cum una solummodò pars restitutionis hunc afficit, huic dicendum est, eos qui toto in solidum restituendo secum tenentur, partem ei rependere quemque debere, quâ restituendâ obstringuntur. Cum autem ipse primus est restitutioni obnoxius, moneri ab illo cæteros oportet restitutionem esse peractam, ut scilicet compertum habeant se esse hujus onere levatos.

§. IV. QUID sit advertendum, ne restitutio damnum aequet.

Si penès furem adhuc sit res ablata, hanc ab eo restitui oportet; quod si verò ejus culpâ res de suo pretio quidquam amiserit, inter domini manus compensanda est diminutio. Cum jam penès furem non est res ablata, persolvendum est ejus pretium.

Nec verò sufficit rem ablatam aut ejus pretium restitui; totum præterea damnum refarciendum est, quod proximus per injuriam sibi illatam passus fuerit. Si igitur, ablati ei decem assibus, sexcuplum eidem fuerit detrimenti allatum, non sex asses, verum sexaginta restituenti sunt.

Sed quò plenius ac melius innotescat quanta esse debeat restitutio ut damnum aequet, quadruplices distinguendi sunt fructus qui ex ali-

qua re provenire possunt : scilicet fructus naturales, fructus industriæ, fructus mixti, & fructus civiles.

- (1) Bois taillis.
(2) Emondes,
Fructus naturales ii sunt qui sponte sua, nulloque magno labore necessario gignuntur : ut cædæ silvæ (1), pratorum & pascuorum graminia, fructus, & arborum ramalia, (2), &c. His annumerandæ sunt agrorum locationes, cæteraque ex se ipsis fructum reddentia; fructuum quippe naturalium loco sunt.

Fructus industriæ ii sunt qui nullo modo ex ipsa re proveniunt, sed tantum ex utentis industriâ. Talis est quæstus à pecunia per negotiationem educus : talis est qui provenit ex vino, frumento, cæterisque quorum fit commercium, quæ comeduntur, quæque alienantur, vel usu consumuntur.

- (3) Des Bacs.
Fructus mixti ii sunt, qui simul ex re fructum faciente, & ex possessoris labore nascuntur : ut grana, vinum, oleum; quæ nempe de terra pariter & de hominum labore accipiuntur. Inter fructus mixtos computantur etiam butyrum, ovina velera, lapides & metalla quæ humo eruantur; scilicet propter laborem in hæc insumentum : redditus piscariarum, pontonium (3), &c.

Fructus civiles ii sunt, qui ex rebus per se non fructuosis percipiuntur, nec usu consumuntur; locationes v. g. domorum, eorum, cymarum, instrumentorum, &c.

His positis, ut iusta fiat restitutio, malâ fide possessores debent primò quidquid fructuum naturalium perceperunt, restituere, nihil ex iis retinentes præter impendia necessaria quæ non effugisset ipse

dominus. Ratio est, quòd, cum illi fructus à proximi fundo proveniant, ipsius omnino sunt. Quòd si malâ fide possessor ultra necessarium impendia provexerit, non poterit ea retinere, nisi dominus ipsa effugere non potuisset, vel nisi magis fructifera indè res effecta esset.

1º. Malâ fide possessores non tenentur industriæ fructus restituere; idèdque sibi retinere possunt emolumentum quod ex pecunia, frumento, vino, aliisque similibus injustè possessis, per negotiationem consecuti sunt. Sufficit ejusmodi rerum pretium ab iis restitui, dominoque omne compensari detrimentum quod ex boni sui privatione passus fuerit.

3º. Fructus mixtos restituere debent, quatenus ex re fructificante proveniunt, seu quâ parte naturales sunt; quia res fructificat domino suo. Pretium autem retinere possunt laboris impendiorumque utilium quibus obnoxii fuerunt ad arandam terram, colendam vineam, vindemiamque torculari premendam. Possunt etiam id retinere quod ad rei statum meliorem efficiendum impenderunt, cum indè utilitas ad dominum provenit, resque magis fructuosa efficitur. At verò impendia sibi vindicare non possunt ea quibus rem sibi metipsis utiliorem & gratiorem effecerunt, cum istud nihil quidquam domino proficit.

Quandò malâ fide possessor bonum injustè occupatum malè administravit, exiguumque indè fructum culpâ suâ percepit, non sufficit exiguum hujusmodi fructum ab eo restitui : tenetur insuper tantum domino rependere, quantum ei res bene

benè administrata profecisset. Si vero dominus ipse malus esset administrator, exiguumque aur nullum ex bono suo redditum percipitur fuisse; tunc malà fide possessor id solum rependere debet, quod sibi ex eo profecerit, quantumcumque sit; huicque etiam concedi potest, ut, quas ad illos fructus obtinendos adhibuerit, impensas necessarias deducat.

4°. Qui rem furati sunt fructus civiles domino producentem, eos restituere tenentur. Qui v. g. equum abduxit, quem dominus locare consueverat, non modò equum debet restituere, verùm etiam tantum pecuniam, juxta æquam estimationem rependere, quantum ex equi locatione obtinisset dominus, si equo defraudatus non fuisset.

Bonà fide possessor, ubi primùm alienam comperit esse rem quâ fruitur, eam debet restituere. Tenetur etiam (prout communi sententiâ constituunt Moraliæ doctores) omnes fructus reddere, qui adhuc, vel *substantialiter*, vel *æquivalenter* existunt, prætereaque id omne undè divitior per fructus consumptos fuerit, sive ex his fortunam suam amplificaverit, sive sumptus effugerit, quos de propriis bonis fecisset (i).

Verùm (ut inter omnes Theo-

logos, Canonistas & Jurisperitos convenit), si bonà fide possessor per triennium detinuit fructus, sive naturales, sive industriâ comparatos, sive civiles, quos, existente bonà fide suâ, percipit, non tenetur eos restituere, licet ex his divitior factus fuerit: ipsos etenim jure præscriptionis legitime acquisivit. Fructus quippe sunt bona mobilia: nemo autem negaverit triennii præscriptione conferri legitimum dominii jus quoad mobilia (k), quando præscriptionem comitantur conditiones legibus requisitæ ut hæc legitima efficiatur. Quæ quidem conditiones in præsentī casu occurrunt: nam præscriptio, ut supponitur, bonà fide per triennium perseveravit, fundata nempe in legitimis titulis emptionis, hæreditatis, donationis, aut aliis (l).

§. V. QUÆNAM sint causa, quibus à restitutione quisquam fiat immunis.

QUATUOR vulgò numerantur causæ, quibus debitores à restitutione immunes efficiuntur.

Prima est, restituendi impotentia: quæ quidem vel *physica* est, cum scilicet, quocumque adhibito studio & conatu, restitui omnino non potest; vel *moralis*, cum nem-

(i) Conférences de Paris sur l'usure, Tom. III, pag. 151 & suiv.

(k) Si quis alienam rem mobilem bonà fide per continuum triennium detinuerit, is firmo jure eam possideat, quasi per

usucapionem acquisitam. L. unica, c. de usucap.

(l) Confé. de Paris sur l'usure, ubi *suprà*.

pè restitutio sine gravi difficultate aut incommodo non potest fieri.

Impotentia physica, cùm ex facultatum defectu oritur, à restituendo eximit quanto tempore perseverat. Si autem industrià valet debitor, aut aliàs id acquirere potest quod sit ad exequendam restitutionem necessarium; ejusmodi viis uti omnino tenetur, totumque restituere, vel partem, prout sibi per facultates licebit.

Si impotentia physica ex eo proveniat, quòd ii cognosci non possint, quibus debeatur; eorum intentione, debita consumenda sunt in bona opera: & si subsit aliqua spes ita fore ut ipsi possint aliquando cognosci; prudenter deponi res eorum poterit in aliquo pauperum hospitio, vel charitatis domo, ut ibi permaneant, si non inveniuntur domini, vel ut iis reddantur, si tandem compareant.

Cùm oritur impotentia physica ex natura bonorum quibus defraudatus est proximus, quæ reddi nequeant (ut sit quando quis interfectus est, membro aliquo truncatus, diffamatus, &c.); tunc alia bona rependi loco ademptorum oportet. Eleemosynæ v.g. erogandæ, precesque fundendæ pro iis sunt, qui occisi fuerint; eorum viduis aut filiis, si viduæ aut filii egentes super sint, beneficiendum: iis solvenda pensio annua, qui ex inflicto vulnere, vel iniustâ infamiâ, de lucro vivere jam non possunt.

Existit *impotentia moralis* vel ex parte ejus cui debetur, vel ex parte debitoris, vel ex parte tertii alicujus.

Ac primò quidem existit ex parte illius cui debetur, cùm huic non potest debitum reddi, quin aliquod detrimentum pariat: cùm v. g. reddi arma furioso vel irato nequeant, quin ipsi via suppeditet, malum sibi, quod mente concepit, inferendi: cùm reddi non potest pecunia juveni dissolutò, quin eam in comestationes flagitiosasque libidines infumat, &c. Prohibet hujusmodi impotentia ne statim fiat restitutio; efficitque ut hæc in aliud tempus differri, salvâ conscientia, possit. Quinimò præcipit ipsa charitas ut hoc modo agatur, si debitor sine suo gravi incommodo possit.

Existit impotentia moralis ex parte debitoris, cùm restituere non potest sine suo ipsius gravi detrimento, diverso tamen à restituendæ rei jacturâ. Cùm v. g. debitor alienum bonum restituere nequit, nisi proprium multò minoris quàm valeat, vendat; nisi graves subeat impensas, quas, dilatâ restitutione, vitare possit; nisi alias impensas, easque magnas, ex parte aliorum creditorum suscipiat; nisi se ipse in mendicitatem detrudat, vel efficiat ne possit pro sua conditione vivere, liberos educare; nisi periculum incurrar amittendæ famæ, vitæ, libertatis; nisi se peccandi periculo committat, &c. Hanc sæpius impotentiam in excusationem afferunt plerique Pœnitentes, ne restitutiones sibi imperatas exequantur. Sed in hoc minimè à Confessariis audiendi sunt, nisi evidentissima sit impotentia. Plerumque enim Pœnitentes rerum statum dissimulant,

ementiturque rebus colorem affingunt: ex cupiditate suique ipsorum amore, difficultates & pericula imaginantur quæ nulla sunt. Quotidianâ experientiâ teste, cum, prout urgendi sunt, à Confessatio urgentur, ipsi, quo tandem pacto se liberent, ferè semper inveniunt; cumque manum operi admovent, omnes difficultates evanescent. Qui primum, ne debiti partem exigam restituat, excusatum se vult, nimiam prætendens egestatem, totum nihilominus restituit, cum ipsi, restitutionis necessitas quanta sit, ad vivum exhibuit Sacerdos, cumque hic firmiter & inconcussè Absolutionem ei nullam impertitur, nisi prius restituerit. Ejusmodi Pœnitentes, ubi primum liberati sunt, gratiam Confessario tribuunt maximam, quod ipsos ad hoc præstandum compulerit.

Restituendi moram facere potest debitor, cum, nec per se, nec per alium, sine gravi suo detrimento restituere potest, dummodò is cui debetur, nihil ex ea mora damni patiatur, vel damnum huic inde proveniens multò levius eo sit quod pateretur debitor statim restituens. Sed tenetur debitor illatum è restitutione dilatione damnum ei præstare (1) cui restitutio debetur. Quod si huic tantum detrimenti ex dilata restitutione, quantum debitori ex eadem acceleratâ inferretur; non posset debitor, salvâ conscientia, restitutionem protrahere.

Existit impotentia moralis ex parte tertiî alicujus, cum, posita restitutione, insons quispiam damno

ingenti afficiendus est. Quandò igitur vir aliquis id omne quod pro furtis debet, solvere non potest, nisi insons uxoris dotem magna ex parte in hoc infumat, sicque eam immeritâ premat inopiâ; ei licet restitutionem protelare, vel hanc divisim exequi, quantum sine graviore uxoris incommodo poterit.

Secunda causa debitorem à præstanda restitutione immunem efficiens, est, ab iis quibus debet, ei facta condonatio, modò tamen hæc facta fuerit cum cognitione, non debitoris, at summæ, & rationum faciendæ condonationis, & cum plena atque integra libertate. Quæ enim condonatio per ignoracionem, per errorem, aut per vim facta fuisset, haudquaquam à summæ totius restitutione fontem eximeret.

Tertia causa est compensatio, per quam debitor id quod restituere deberet, sibi retinet, ut salvum & incolume habeat quod sibi metipsi ab iis debetur quibus damnum intulit.

Ut verò compensatione uti legitime possit debitor, sex omnino sunt necessaria. Primum quidem, ut certum sit ei summam deberi, certaque sit ea summa. Secundò, ut summa ad strictum Juris apicem debeatur; si enim ex grato animo duntaxat, aliâve simili ratione deberetur, non esset legitima compensatio. Tertiò, ut non possit, neque viâ Juris, neque alio quovis licito modo, summæ solutio obtineri. Quartò, ut in compensationem nihil ultra debitum retineatur. Quintò, ut compensatio sine scandalo

(1) D'indemniser.

fieri possit, & sine periculo pœnæ ex judicio subeundæ. Sextò, ut, quantum opus sit, provideatur ne rem compensatam iterum solvat is in quem debitor compensatione utitur.

Quarta causa quæ ab alieno restituendo eximit, est præscriptio, cum scilicet comites habet omnes conditiones à lege requisitas. Prima est, ut bonum quod aliquis vi præscriptionis retinere intendit, ex iis sit quæ per præscriptionem acquiri possint: nemo enim usu suum facere quidquam potest, quod usucapi non sinunt Leges, locorumve Constituta. Secunda conditio est, ut ii quorum sit res, privilegio non gaudeant per legem aut loci Constitutum indulto, ne suis iuribus præscriptione excidant. Tertia est, ut quis, tanquam suum, possederit bonum illud quod usucapere intendit; si enim id tanquam alterius proprium possedisset, id ipsum usucapere nunquam posset. Quarta est, ut possessionem comitata fuerit bona fides, ita ut recta & legitima verè ex animo credita sit possessio. Quinta, ut possessio & bona fides toto tempore per legem sancito non interrupta perseveraverint: si enim interrupta fuisset possessio, hæc, nisi ab interruptionis clausulâ, non computaretur; ac si bona fides ante expletum tempus necessarium defecisset, non esset legitima præscriptio. Sexta ut extiterit titulus emptionis, donationis, aliussve similis, pro iis præscriptionibus, quæ, juxta legem aut loci Constitutum, titulum requirunt; utque ejusmodi titulus à

possessore idoneus ac legitimus creditus fuerit, quamvis reipsa caducus foret, neque legitimus. Diximus quidem, *pro iis præscriptionibus quæ titulum requirunt*; sunt enim quædam præscriptiones pro quibus sufficit possessio sine titulo.

Cum plures idem bonum per vires possederunt, ultimus possessor, quamvis recens, id ipsum potest usucapere, si hujus possessio superiorum possessioni adjuncta, tempus efficiat à lege sancitum, ac si bonâ fide ipsi omnes possederint.

Mala fides patris, aut cujuslibet, cui succedit aliquis tanquam ex asse hæres (1), impedit ne ab hoc possit usucapi alienum ex hæreditate susceptum, etiam si bonâ fide possessum tandiù fuerit, quamdiù lex requirit. Ratio est, quòd transmitti cesset mala fides ad hæredem, qui unus & idem habetur cum persona cujus hæreditatem accepit. At verò, mala fides venditoris, donatoris, aut cujuscumque præterea, non impedit quominus ii qui alienum ab ipsis acceperunt, id possint usu suum facere, dummodò id ipsum bonâ fide per totum tempus requisitum possederint. Ratio discriminis est, quòd ii cum præfatis non uni & iidem habentur.

Dubium iusto fundamento nixum inceptæ bonâ fide possessioni super-veniens, præscriptionem minimè abrumpit, si, investigatâ re, non possit veritas perspicuè dignosci: tunc enim non impedit hujusmodi dubium quin ii à quibus veritas, &c.

(1) Héritier universel.

ei morem gerant, diligenter investigatur, bonâ fide possidere pergant. At quandò dubium statim cum ipsa possessione exoritur, præscriptioni

obicem offert; eò quòd scilicet bonam fidem excludit, quæ justæ possessionis atque præscriptionis fundamentum est.

C A P U T I I I.

DE antiqua Pœnitentiæ administratione; & de prudentia Confessarii in præcipiendis operibus satisfactoriis, aliquatenus habito Canonum Pœnitentialium respectu.

QUINAM publicè, quinam privatim Pœnitentiam olim agerent. A quo, & quânam adhibitâ cautione, imponeretur Pœnitentia publica. Pœnitentia susceptio solemnis. Pœnitentium exercitationes. Pœnitentia gradus quatuor. Pœnitentium Absolutio solemnis. Hæretici quomodò reconciliati. Clericorum Pœnitentia. Pœnitentia commutatio. Quàm profundo consilio instituta Pœnitentia Canonica: quanto detrimento sublata. Quid suadeat hîc exhibita illius imago. Pœnitentia delictis impar non injungenda. Cognitio veterum Pœnitentia Canonum, quo finè Confessariis proposita. Quibusdam in antecessum notatis, juxta Decalogi ordinem disponuntur selecti Canones Pœnitentiales.

QUISQVIS antiquos mores cum hodierna vivendi licentia, & vererem cum ea quæ nunc in usu est, Pœnitentiæ disciplinam contrulerit, ipse quidem satis mirari non possit, quòd, cùm olim scelera infrequenta essent, & severa Pœnitentia, his temporibus, inverso rerum ordine, postquàm increbuerunt cujuslibet generis flagitia, propemodùm obliterata Pœnitentialis disciplina evanuerit. Hujus porro quamdam

imaginem, ut in hodiernam mitigationem solutionemque praxim testimonium dicat, hîc exhibendam censuimus.

PRIMIS Ecclesiæ seculis, publicam graviorem delictis impositam fuisse Pœnitentiam, ex omnibus ferè Conciliis sanctisque Patribus manifestè colligitur (a). Utrùm verò immaniora quædam facinora, tam occulta quàm publica, Pœni-

(a) Conc. Elib. Ancyr. c. an. 314. Neoc. & Arcl. I, eod. an. Nic. I, an. 325.

Laod. &c. Tert. de Pœnit. de pudic. &c. S. Cyr. passim. S. Aug. de fide & opet. &c.

tentis publicis subiecta essent, inter Ecclesiasticæ antiquitatis peritos non convenit. In remotissimorum temporum Canonibus, nulla distinctio inter peccata publica, vel occulta reperitur (b): undè aliquis datur conjiçendi locus Pœnitentiam publicam pro utrisque indistinctè (alicubi saltem) viguisse. Constat verò illam ubique deinceps ad publicam fuisse crimina restrictam. Scilicet publica pro delictis occultis Pœnitentia nemini imponebatur, nisi se illi spontè subiceret. Sic, primævi fervoris temporibus, multi Fideles, qui, nisi occultè, non peccaverant, pio illo Pœnitentiæ publicæ spectaculo commoti, ejusmodi expiationem imponi sibi rogabant, vel Pœnitentibus ultrò sese adjungebant, ut laboriosi illius studii gradus omnes decurrerent. Id præterea certum est, Pœnitentiam publicam non pro quibuscumque peccatis lethaliibus, etiam publicis, impostam fuisse, sed tantùm pro quibusdam atrocioribus (c), quæ Canonica dicebantur, id est, Canonum severitati obnoxia: quæ quidem primitus fuerunt idololatria, homicidium, & adulterium; quibus alia postmodum adjuncta (d).

Ad scelerum gravitatem componebatur Pœnitentiæ diuturnitas, sed

non sine aliqua diversitate, pro ratione locorum ac temporum; quod enim antiquiores, ed severiores sunt Pœnitentiæ Canones. Constituit S. Basilus annos furto duos, fornicationi septem, perjurio undecim, adulterio quindecim, homicidio viginti, apostasiæ totam vitam. Apostasiæ addita sunt quædam facinora, quibus perpetratis, post exantlatam totius vitæ Pœnitentiam, Corporis Christi Communio, nisi morte imminente, non concedebatur.

Pœnitentiam publicam imponebat Episcopus; hoc absente, Presbyter; iisque deficientibus, aliquandò Diaconus (e). Sceleris manifestè convictum, ac præsertim impœnitentem, statim removebat Episcopus à Fidelium Communione: eum verò inter Pœnitentes admitti se postulantem, summâ charitate, ceu filium prodigum ad misericordiæ patetnæ viscera confugientem, suscipiebat; sed quasi clementiâ utens non remeret profundendâ. Juvenes non leviter ad Pœnitentiam admissi sunt; ne, propter ætatis fragilitatem atque inconstantiam, firma & solida non esset eorum conversio. Exploratâ per aliquam dilationem sinceritate Pœnitentis, Pontifex, inspectis Canonum regulis, constituerebat quàm diu

(b) S. Basil. can. 34.

(c) Conc. Carth. III, an. 397. can. 32. S. Aug. Serm. 351. (al. Hom. 50. inter 50.) & Serm. 82. (al. 16.) de verb. Domini, c. 7. 8. S. Casar. Arel. Hom. 1. in Quadrag. S. Elig. Hom. 16.

(d) Vide Petau, de Pœnit. l. 6. cap. 2. 3. 4. Morin, de Pœnit. l. 5. c. 31.

Nat. Alex. dissert. 6. tom. 1. in fac. 3. Mabill. ab hoc cit. tom. 7. Hist. Eccl. pag. 463. in-fol. Witsasse, quæst. 5. de sacris. art. 3. sect. 2. assert. 1. Fleury, Hist. Eccl. l. 10. n. 17.

(e) Can. Ap. 51. Conc. Elib. can. 31. Carth. III, can. 31. Milev. an. 402. can. 23. S. Cypr. Ep. 13, 14. (al. 18, 19.)

turna esse deberet Pœnitentia ; an secreta, an publica ; an ad publici exempli rationem expediret ut Pœnitens publicè confiteretur : porò secreta, ut plurimùm, erat Confessio.

Qui ergò scelus aliquod cum multorum offensione conjunctum, ideòque publicà Pœnitentià expiandum commiserant, ii vel apud Episcopum, vel apud ejus Pœnitentiarium priùs emissà Confessione, Fetià quartà in capite jejunii Quadragesimalis ad fores Ecclesiæ majoris in veste lugubri, lacerà & squallidà, nudis pedibus, passis atque hirsutis capillis, vultu in terram demisso, conveniebant. Tum verò Ecclesiam, medio Episcopo sedente, ingrediuntur ; stentisque, toto corpore humi prosternuntur. Singulorum capitibus cineres imponit Episcopus, dicens : *Memento, homo, quia pulvis es, & in pulverem reverteris ; Pœnitentiam age, & habebis vitam æternam.* Cilicia benedicta singulis distribuit : tum ipse in genua procumbens, Clero populoque ad terram fufis, Pœnitentibus orat conversionis gratiam & veniam. Deindè sermonem habet, quo quidem ipsi, quemadmodùm è Paradiso terrestri ejeçtus fuit Adam peccator, se pariter ab Ecclesia eliminandos esse admonentur ; non tamen animum despondeant, sed potiùs conceptà in summam Dei misericordiam fiducià erigant, si Pœnitentiæ labores fortiter amplectantur. Nec mora : unum ex illis manu accipit, omnesque inter se

implicitis manibus cohærentes, simul educit, dum canuntur maledictiones quas Deus Adamum è Paradiso voluptatis expellens, in eum pronuntiavit. Pœnitentes ad limen Ecclesiæ in genua provolutos, iterùm hortatur Episcopus ne desperent, sed jejuniis, orationibus, elemosynis, ceterisque Pœnitentiæ operibus incumbant. Statim coram eis occuduntur Ecclesiæ fores ; undè hoc velut sibi dictum intelligant : *Iniquitates vestra dividerunt inter vos & Deum vestrum ; & peccata vestra absconderunt faciem ejus à vobis (f).* Tunc Missa inchoatur ; quæ, illo die, & per universam Quadragesimam, tota ad Pœnitentiam refertur.

Per totum Pœnitentiæ curriculum, domi, quasi columba meditantēs, gemitantēs (g), secum disquirentes an sincerè in se reversi essent, an peccati gravitatem agnoscerent ; an satis vehementer sentirent quàm miserum sit à Deo recessisse (h), quàm perfidum Baptismi vota violasse ; an demùm anteaçtæ vitæ fœdicitatem detestarentur, simulque novam vitam, Deo juvante, agere statuerent. Intereà omni oblectatione, negotio, publico munere, omnique, quantum fieri poterat, cœtu & colloquio, conviviis, balneo, equorum, currum, armorum, linteorumque usu abstinebant. Sæpè etiam ipso Matrimonii usu carebant : undè peccatores connubiali vinculo sociari, publicam Pœnitentiam, nisi ex mutuo consensu ; primò, non agebant : postea tamen

(f) If. 59. 2. (g) If. 59. 11. (h) Jerem. 2. 19.

omnibus Pœnitentibus relicta est conjugii libertas. In hac tanta solitudine ac terrestrium abnegatione perseverantes, usque ad vesperam, certisque temporibus in pane & aqua jejunabant; semper autem vino carnibusque abstinebant: prolixas, vel genibus advoluti, vel omnino prostrati, nec sine multis lacrymis, coram Deo preces fundebant, vigilantes, humi cubantes, eleemosynam pro facultatibus erogantes. Quas quidem laboriosas exercitationes delictorum gravitati & numero, Pœnitentiumque vitiis & fervori diligenter attemperabat eximia Pastorum sapientia. Pœnitentibus domo pedem efferre non licebat, nisi diebus Dominicis & Festis, seu *Sationis*, quibus ad Basilicæ limen conveniebant; ibique, statuto temporis intervallo, per totum Officium divinum velut *castrorum caelestium portis excubantes* morabantur (i). Postea introducti, Lectiones & Conciones audiebant, ante preces atque Oblationem egressuri. Deinde ad orandum cum Fidelibus admissi, in Ecclesia *jacebant conspernati super faciem terra* (k): ac demum, stantes quidem, sed in lævo Basilicæ latere, cum cæteris orabant. Itaque decutendi erant, præsertim in Ecclesia Græca, Pœnitentiæ gradus quatuor, *Flentium* videlicet, *Audientium*, *Subistratorum*, & *Consistentium*, prout, labente sæcu-

lo III, vel IV ineunte, institutum fuerat (l).

Qui v. g. sese adulterio polluerat, quatuor annos inter *Flentes* commorabatur: id est, horis Liturgiæ & precum, ad Ecclesiæ fores accedebat; ibique, non sub vestibulo, sed in platea, *sacco obsecrationis indutus* (m), cilicio accinctus, cinere sordidus, intonsis capillis & promissâ barbâ horridus, Fidelium Ecclesiâ ingredientium suffragia humiliter implorabat. Per quinque annos subsequentes, de grege *Audientium* factus, Concionibus sub vestibulo cum Catechumenis intererat, nondumque incæptis precibus egrediebatur. Inde ad tertium ordinem transiens, prostratus orabat cum erectis Fidelibus; & ante Oblationem cum Catechumenis exibat. Hic autem maximè omnium laboriosus ordo erat; isque propriè ac speciatim *Pœnitentia* dicebatur. Dimissis *Audientibus*, in *Substratos* fiebant frequentes manuum impositiones, varixque super eos pæces fundebantur: tum ipsi juniorum carnisque afflictationum nova imponebatur austeritas. Adulter, post emensos in hoc ordine annos quatuor, inter *Consistentes* admissus, biennio cum Fidelibus stans orabat; sed neque offerens, neque communicans: ac denique ad sacræ Eucharistiæ participationem admittebatur.

(i) Ep. Cleri Rom. apud S. Cyr. 31. (al. 10.) §. 8.

(k) Dan. 10. 9.

(l) S. Greg. Thaum. Epist. Can. S. Petr. Alex. S. Greg. Nyss. Epist. Can. S. Basil.

can. 12. 56. 57. 58. 59. 64. 75. 81. 82. 83. Conc. Ancy. can. 4. 6. 7. 8. 16. Nic. I. can. 11. In Trullo, can. 87.

(m) Baruck, 4. 20.

Toto Pœnitentiæ tempore, Pœnitentes crebrò invisebat Episcopus, aut Presbyter ab eo delegatus; ut, juxta dispositionum varietatem, animos vel terrore percelleret, vel consolationis dulcedine mulceter; alios aliter exhortans, tardiotem stimulans, velociorem teprimens; remedia demùm singulis cautè salubriterque atemperans. Et vetò Pœnitentiæ administrationem spiritualis instar medicinæ tractabant veteres, ut potè quibus persuasum erat animarum curationem haud minore scientiâ, arte & patientiâ obrineri, quàm corporum; nec posse ullomodo *corpus peccati* (n), quæ est consuetudo vitiosa, nisi longo ac difficili expetimento *destrui*. Diligentissimè cavebant, ne, plus æquo rigidi, ullos ad seculum atque ad vitam ethnicam retorquerent: ne verò per immaturam Absolutionem, verso in venenum remedio, animas perderent potiùs quàm salvarent, impatientibus vitiliter obstitebant, verè Pœnitentiæ lacrymis, morumque imminutioni aliquatenùs consummatæ perfectam reservantes gratiæ reconciliationem. Nec eorum minis, qui Ecclesiæ fores non pulsare, sed infringere voluissent (o), unquam labefactatus est Sacerdotii vigor. Neque enim facilè vinci poterant

Pontifices, qui tyrannis, qui tortoribus, qui suppliciis non cessarent. Itaque de gradu in gradum non patebat ascensus, nisi petmittente Episcopo; ad quem scilicet unum pertinebat, ut, pro circumstantiis ac Pœnitentium dispositionibus, Pœnitentiam moderaretur (p). Quamvis enim post eam duntaxat peractam Absolutio concedi solet (q); ea tamen aliquandò, sive propter Pœnitentis fervorem insolitum, sive propter imminens, vel ex morbo, vel è persecutione periculum, contrahebatur; in illis enim retum angustis plurimà vigilantia efficiebatur ne quis Pœnitens ex hac vita discederet non reconciliatus (r). Hoc autem legis laxamentum solemnem Pœnitentiam contrahens, *Indulgentia* dicebatur: quæ quidem, sævientibus persecutionibus, vindictorum aut exulum Confessorum deprecationibus non rarò concessa est. Si quis Pœnitens in decursu Pœnitentiæ improvise moriebatur inabsolutus, de ipsius salute benè sentiebat Ecclesia; & precum suffragia Sacrificiique oblationem pro ejus commendatione non sine multa fiducia impendebat (s).

Cùm finem Pœnitentiæ imponendum censebat Episcopus, solemnem Absolutionem *Fetià quintà* in

(n) Rom. 6. 6.

(o) Ep. Cleri Rom. ad S. Cypr.

(p) Conc. Ancyrr. can. 2. s. Neoc. Can. 3. Calced. gen. IV, an. 451. can. 16. Constantin. an. 889. can. 6. Vide S. Athan. Ep. ad Rufin. Conc. Carth. III, can. 31. Andeg. an. 453. can. 12. Agath. an. 506. can. 60. Ilerd. an. 524. can. 5. 9. Martisc. I, an. 581. can. 12. Forojul. an. 791.

Tomus II.

can. 11. Rom. sub Leone IV, an. 853;

can. 37. Trid. Sess. 25. Decr. de Indulg.

(q) Ilerd. can. 1. Tolet. III, an. 589,

can. 11. S. Cypr. Ep. 11. (al. 15.)

(r) Idem, Ep. 32. (al. 55.) Conc.

Araus. can. 3.

(s) Carth. IV, can. 59. Arel. II, an.

452. can. 24.

Cena Domini pronuntiabat. Quod quidem idèò solebat desinentis Quadragesimæ tempore observari, ut, qui peccato mortui erant, cum Christo resurgerent, & suæ reconciliationis pactum Agni Paschalis manducatione consignarent. Illo igitur propitiationis die, ad Basilicæ januam præstò sunt Pœnitentes. Episcopus, comitante Archidiacono & Ministris, in genua provolutus, septem Psalmos Pœnitentiales cum Litanis recitat: duos interea Subdiaconos, velut pacis nuntios, ad Pœnitentes mittit; atque iterum duos, spem ferentes & consolationem. Pœnitentibus prostratis, atque in suspiria, in gemitus & lacrymas effulsis, ad Pontificem medià in Basilica sedentem, utrimque Clero consistente, accedit Archidiaconus orator: Advenisse tandem clementiæ tempus; æquum esse ut, quo tempore in Ecclesiam confluebat grex novus baptizandorum, in eam benignè susciperentur oves errantes: Pœnitentes, coram Antistite, abjectis in terram capitibus humiliatos, postquam animas suas diu afflissent, misericordiam fiducialiter implorare. Tum verò Episcopus ad linien procedit: Pœnitentes de divina misericordia, & de immutatione quæ in ipsum vitam elucere debet, alloquitur. Ipsis deinde, in rursus obligatæ fidei signum, dextram elevare jubet, quasi testes appellatos, quia Dominum, ut ei serviant, ipsi sibi elegerint (1); proximamque pollicetur Absolutionem. Intercessor denuò ac-

cedit Archidiaconus, eosque reconciliatione dignos testatur. Pontifex tandem, quali vincentibus Ecclesiæ votis, unum è Pœnitentibus manu accipit, ceterisque cohareutibus, omnes in Fidelium cœtum reducit. Peractis precibus, solemnem promissione obstrictos, absolutoriæ sententiæ publicè in gratiam reconciliat. Continuo egressi, pro sacco & cilicio, lætitiæ vestimenta induunt; cultisque capillis & barbâ, redeunt alacres; ut, in Ecclesiæ Communionem restituti, Sacris intersint, eorumque participes efficiantur.

Qui, Pœnitentiam agens, novo scelere se commaculabat, ei Pœnitentia, quasi nullam egisset, omnino erat integranda. Tardius reconciliari sunt negligentes. Nihil proficiens & incorrectus, Absolutionis & Sacramentorum experts remanebat.

Publica & sollemnis Pœnitentia semel tantum concedebatur; sed, ex providentissima Canonum dispositione, privata Pœnitentia quotidie peccantibus non denegabatur (2).

Qui ab Hæresi ad Ecclesiam confugiebant, cum se publicum aliquod peccatum admisisse fatebantur, publicam similiter propter illud Pœnitentiam agebant; non autem propter solam Hæresim solumve Schisma, cum in Hæresi vel Schismate nati erant (x). Aliquandò tamen his imposita fuit ejusmodi Pœnitentia, qui propriâ voluntate ab Ecclesia defecerant, aut rebelles extiterant. Hæresis vel Schismatis auctores

(1) *Josue*, 24. 22.

(2) *Dist. 5. cap. Quamvis.*

(x) *Conc. Milev. can. 13. Elib. can. 12.*

difficilius admissi sunt, nisi prius, quos ab Ecclesia Catholica sibi sequaces abduxerant; in ejusdem sinum, prout potuissent, reduxissent (y). Varia fuit, juxta locorum varietatem, illius reconciliationis Cæremonia. Vel non baptizatis, vel in irritum baptizatis, ubique collatus fuit Baptismus; legitimè baptizatis, unctio Chrismatis apud Græcos adhibita. Huic autem unctioni (haud quidem sacramentali) quandoque adjecit Ecclesia Gallicana cæremonialem manuum impositionem; quam solam reliqua Ecclesia Latina vulgò usupavit. Sed ubique, ab Hæresi ad Catholicam Ecclesiam quicumque tracti erant, Fidem Orthodoxam ejuratis erroribus, profiteri tenebantur, (z). Et hi quidem etiam nunc, ut reconciliarentur, ejuratis erroribus, ab Excommunicatione absolvuntur: quæ reconciliatio jamdudum Episcopis reservata est (a).

Si quis de Clericis majoribus culpam admittebat Canonum severitati obnoxiam, is antiquitus Pœnitentiæ publicæ subiciebatur (b). Postea verò illam suscipere non coacti sunt viri Ecclesiastici, tum propter Sacramenti Ordinis reverentiam, tum verò ne bis plecterentur: satis nempe visum est, ut, gradu dejecti, ad Laicorum conditionem redigerentur (c). Itaque Sacerdos aut Dia-

conus vel scelus expiabat solè Depositione, vel Pœnitentiam privatim agendam ei constituebat Episcopus, vel in Monasterium trusus, per totam vitam Pœnitens dolitefcebatur. Cùm tamen aliquis hujusmodi peccator Pœnitentiam publicam expetebat, ea ipsi concedebatur (d). Minoribus Cleticis graviter fontibus, & Monachis à professione sua deficientibus publicæ Pœnitentiæ lex imponebatur (e).

Primævis temporibus, nulla fuit Pœnitentiæ publicæ redemptione, nulla commutatio, vel compensatio. Quatto seculo desinere, ac deinceps, qui ejus immunes esse cupiebant, perpetuam in Monasterio Pœnitentiam profitebantur; & nefas erat ab eo statu resilire (f). Hujusmodi verò Pœnitentes maturius absoluebantur, & ad sacram Domini Corporis Communionem admittebantur. Aliæ postea inducæ sunt commutationes & compensationes: v. g. eleemosynæ, voluntariæ flagellationes cum recitatione Psalmorum, peregrinationes ad Apostolorum limina, ad sanctum Jacobum Compostellanum, ad sanctum Martinum Turonensem, aliæque loca, Sanctorum habitatione, Reliquiis & miraculis insignia; atque etiam, singulari temporum ratione, bellum sacrum adversus Infide-

(y) Tert. de præsc. c. 30.

(z) S. Greg. l. 9. Ep. 61. (al. l. 11. Ep. 67.)

(a) Conc. Araus. I, an. 441. can. 1. (al. 2.)

(b) Can. Ap. 61. Conc. Neoc. can. 2.

(c) S. Basil. Ep. 188. can. 3. Conc. Carth. V, an. 398. can. 11.

(d) S. Basil. can. 3. Sozom. Hist. l. 8. cap. 6. Conc. Agath. can. 50. Araus. I, can. 4. (e) Can. Ap. 61. S. Leo, Ep. 91. (al. 2.)

(f) Conc. Arel. II, can. 25. Turon. I, an. 461. Paris. III, an. 557. Barcinon. c. an. 539. Tolet. XII, an. 681. can. 2.

les, in quorum manu facta erant loca sancta, & dilecta civitas, ubi Dominus crucifixus est (g). Nunquam autem concessæ fuerunt earum compensationes seu dispensationes, nisi pariter injunctis Pœnitentiæ operibus, minus quidem laboriosis, sed Canonice Satisfactionis partem redditibus.

TALIS ad VII^m usque seculum persistit, morum cultos, Pœnitentialis disciplinæ severitas. Hujus quidem, pro diversitate locorum ac temporum, diversus fuit apparatus; ejus verò idem semper & ubique scopus, eadem utilitas extitit: ut scilicet vehementer inculcaretur, altèque animis infigeretur quanta esset peccati gravitas, quantaque ab eo tam profundo lapsu refurgendi difficultas. Hinc Pœnitentium erat Contritio exploratior, ideòque certior. Hinc ipsismet infontibus salubris terror incusus, ne brevissima peccati jucunditas tamdiù & tam graviter, vel in hoc mundo, plectenda, imprudentium animos dolo perverteret. Cui v. g. suboriebatur adultærii tentatio, hic secum tacitus semel iterùmque reputabat, num vellet quindecim annorum amaritudinis momentaneam expiare dulcedinem; &, quod præcipuè saluberrimè illà severitate cogitandum proponebatur, num gauderet fluxà voluptate sempiternam sibi consciscere damnationem.

Cujus Pœnitentiæ disciplinam optimam ne privati erubescerent aut subterfugerent, ejus immunis handquaquam fuit ipsa Impetratoria Majestas. Theodosius nempe, septem millibus hominum jussu ipsius Thesalonice interemptis, postquam ab Ecclesiæ ingressu, Ambrosio Episcopalis animi magnitudinem interponente, repulsus fuit, non quidem supradictos Pœnitentiæ gradus decurrit (h), qui fortè in Ecclesia Mediolanensi non vigeant; sed, abjectis Imperatoris insignibus, gemens ac lugens, octo menses in Palatio delituit: ac denique divinis Officiis non interfuit nisi prostratus, purpuræ exutus ac diademate, pectus percutiens, comam evellens, pavementum lacrymis irrigans, Deique misericordiam humiliato corde & corpore implorans, donec solemnè Absolutione reconciliaretur (i).

Atque hujus verendæ sanctæque Disciplinæ, variis in locis, inextincta diù persistit memoria, imò usque ad ætatem longè à pristina severitate degenerem. Etenim, nono seculo, sic decernit Concilium Parisiense: » Illis est Confessio peccatorum facienda, à quibus subin- » dè, & modus pœnitentiæ, & » & consilium salutis capiatur; & » à quibus, post tempora pœnitentiæ peracta secundùm Canonicam » institutionem, si Episcopus juss- » rit, reconciliatio mereatur (k). » Et in Concilio Anglicano, circa

(g) 1. Mach. 2. 8. Apoc. 20. 8. & 11. 8.

(h) Rufin. l. 2. c. 18. Sozom. Hist. l. 7. c. 25. Theodoret. l. 5. c. 18. S. Ambr. l. 7. Ep. 6. & 7. ad Theod. & or. fun. ipius Theod. S. Aug. Hom. 49. (al. Serm.

392. c. 3.) Paulin. vit. S. Ambr. n. 34.

(i) Ibid.

(k) Conc. Paris. VI, ex quatuor Provinciis, Senonensi, Remensi, Turonensi, Rotomagensi congregatum, an. 829. lib. 1. c. 46. Aderat Erchanradus II, Paris. Episc.

decimi-tertii seculi finem, præscriptum invenitur, ut pro peccatis gravioribus, publicamque offensionem conjunctam habentibus, Pœnitentia solemniter juxta veteres Canones imponatur (1). Tum verò, circa eadem tempora, præcipit Guillelmus, Parisiensis Antistes, ut
 » Presbyteri Parochianos suos so-
 » lemniter pœniterentes faciant ve-
 » nire in capite jejunii ad Eccle-
 » siam Cathedralē, ut per Epif-
 » copum solemniter ab Ecclesia ejici-
 » antur, & similiter in die Jovis
 » proximā ante Pascha per Episco-
 » pum Ecclesiæ reconcilientur (m).»

Et quidem nullo Ecclesiæ Decreto abrogata fuit ea disciplina; sed paulatim & mollitiā Pastorum & contumaciā populorum in defuetudinem abierunt Canones pœnitentiales; undè coacta est gemens Ecclesia ab antiquo imponendæ Satisfactionis ordine desciscere. Quæ tamen, dum Canonice severitatis nervos propter filiorum suorum infirmitatem relaxat, nunc, utolim, præcipit, & præcipere nunquam desistet, Pœnitentia Ministros à sacris regulis nunquam oculos reflectere, Deique offensi justitiam & Pœnitentium vires, cum cæteris dispositionum rerumque adjunctis, quandò satisfactiones imponunt, æquo examine librare.

Si quis veterem illam severitatem non sine stupore vel horrore aliquo reminiscatur; advertat hic patiter, & peccata eo modo ex-

pianda tunc temporis inter Christianos rarissima fuisse, & mollito disciplinæ rigore, & in pejus magis ac magis ruisse (n). Olim Pœnitentiæ pars facilior erat Confessio, & Satisfactio difficilior: nunc, versâ rerum vice, Confessio difficilior, & Satisfactio longè facilior. Non reclamantibus, quinimò forsâ conniventibus Pœnitentiæ Ministris, id sibi malè persuader vulgus Pœnitentium, peractâ delictorum Confessione & qualicumque acceptâ Satisfactione, subsequi statim debere absolutoriæ sententiæ prolationem. Sensim tamen, juxta solitum conversionis ordinem, gratia recuperatur, quæ tota uno perditâ momento est. « Si enim tam facile rediret
 » homo ad pristinam beatitudinem,
 » ludus illi esset peccando cadere in
 » mortem (o). » Antiqui Pastores, à sanctis Apostolis edocti, Apostolorum charitate & prudenti zelo imbuti, nihil salubrius, nihil contra noxæ iterationem efficacius invenerant, quàm si peccatores in solitudine perdurantes, contrariis virtutum opèribus vitia extirparent; se spontè jejuniis, vigiliis, omnium volupratum abstinentiâ plecterent; seque in bono proposito per orationem, æternorumque annorum meditationem confirmarent (p). Has autem exercitationes diuturnas esse voluerant, quò firmius constaret certiusque innotesceret conversionum sinceritas. Scilicet humani

(1) Conc. Lambeth. an. 1281, constit. 9.

(m) Stat. Syn. D. Guillelmi de Baufet d'Aurillac, Paris. Episc. c. ann. 1309. n. 9. in Synodico, p. 19. Quod in ead. Ecclesiæ observatum prius fuisse testatur D. Guillel-

mus d'Auvergne, itidem Paris. Episc. an. 1230.

(n) Gropperus, in Instit. Cathol.

(o) S. Aug. Ser. 34. de div.

(p) Ps. 76.

cordis naturam introspectant, quod nempe affectui affectum non facile subrogat; eosque non latebat, vitiolorum imagines è mentis penetralibus non sine multo labore profligari, & , nisi longo temporis intervallo, non penitus obliterari; » nihil apud homines validius esse » veteris consuetudinis tyrannide; » nihil ita turbare animum, etiamsi » utile quidpiam aggrediatur, ut » innovare & peregrinum quid in- » ducete (q). » Quapropter merito censuerant non debere alto vulnere diligentem & longam medicinam deesse, nec pœnitentiam crimine minorem esse oportere (r). Ea denique charitatis plenissima severitas hac simplicissima observatione suos refellit obrectatores: Nunquam sanctiores exiitè Christiani, quam cum viguerit Pœnitentiæ Canonice; nunquam magis à sanctitate alieni, quam ex quo sublata è medio fuerunt.

ITAQVE omnes hujus Diœcesis Confessarios, quantum possumus, in CHRISTO JESU hortamur atque obtestamur, ut venerandam solemnem illius Pœnitentiæ imaginem semper in mente habeant. Non quòd his diebus malis (s), quibus vix inter Fideles fides invenitur, atque in tam multorum cordibus languescit moriens charitas ac deficit Religio, antiquæ Disciplinæ leges

credamus in usum posse revocari. Hinc saltem intelligant Sacerdotes, quam infanda, quam Deo contumeliosa olim viderentur peccata, quæ passim hodiè *velut aquam bibie* maleficus hominum stupor (t); ut scelereum nunc adeò frequentium horrorem altius animis insigant; utque suos Pœnitentes efficacius inducant ad Satisfactionem culparum magnitudini, juxta divinæ justitiæ placitum, aliquatenus æquipatendam. Non aliter ministerii sui scopum, scilicet animarum sanctificationem, assequuntur: non aliter Religionem penè à fundamentis convulsam excitabunt: non aliter eorum salutem consulent, qui, cum frequenter sacram Pœnitentiæ Piscinam adeant, nunquam tamen lavantur, & in ea quam sibi temerè affiungunt, justitiâ, malè securo (u) animo conquiescunt.

Et certè ad expiandum cujlibet generis delictum levem imponi Satisfactionem, à divinarum Litterarum, Conciliorum, sanctorumque Patrum disciplinâ protius alienum est. Ac primò quidem Scripturæ sacræ à peccatoribus id exigunt, ut *dignos pœnitentiæ fructus faciant* (x), utque *in jejuniis, & in fletu, & in planctu ad Dominum convertantur* (y). Hinc, variis temporibus, nihil non moliti sunt Ecclesie Pontifices, duce Spiritu sancto congregati, ut, adversus increbrescentem

(q) S. Chryf. Hom. 7. in 1. Cor.

(r) S. Cypr. de lapsis.

(s) Eph. 5. 16.

(t) Job, 15, 16.

(u) Luc. 18. 9.

(x) Luc. 5. 8.

(y) Joel, 2. 12. Vide S. Car. Borr. Instit. Pœnit.

Disciplinæ ruinam, salutarem Canonum Pœnitentiæ observantiam tuerentur. Hiuc, nono seculo, in Concilio Remensi discussus est ordo Pœnitentiæ: quinam publicè, quinam secretò illam agere deberent; ut Presbyteris modus excipiendi Confessiones & imponendi Satisfactiones plenius ac melius innotesceret (7). Quinimò Satisfactionem delictis parem quanti semper fecerit Ecclesia, ipsamet in sancta œcumenica Tridentina Synodo apertissimè testatur, dum illam asserit maximè ex omnibus Pœnitentiæ partibus semper fuisse à Patribus commendatam; dumque alieporum delictorum participes fieri pronuntiat eos Sacerdotes, qui levissima quædam opera pro gravissimis delictis injungendo (a), cum Pœnitentibus remissus agunt (b). Et quidem nimia hæc indulgentia » præcipuum locum obtinet inter » causas deploratæ propemodùm » nunc prolapsæque Religionis, & » quòd hodiè tam perfrictà fronte, » omnique Christiano pudore seposito, crimina perpetrentur (c). »

Cùm igitur in sacro Tribunali non modò misericordiam, sed & justiciam exerceri oporteat, ralemque idcirco injungi pœnam, quæ, culpæ habita ratione, offenso Deo satisfaciatur; Confessariis admodùm necessaria est veterum Pœnitentiæ Canonum cognitio, quâ duce, peccati cujuslibet gravitatem intelligant, atque in imponenda Pœni-

tentia tutius dirigantur. Non quòd illos Canones ad amissum obsequere teneantur; sed Ecclesiæ in votis est, ut, quantum fieri possit, pro sua charitate & prudentia, sese ad eorum severitatem compouant, perfectis delictorum gravitate & numero, Pœnitentium sexu, ætate, viribus, Contritione, cæterisque dispositionibus, variisque rerum adjunctis. Si ergò veterem illam disciplinam ad strictum litteræ apicem non sequantur (id quod exigit eheu! in peccando validioris, in pœnitendo mollioris ævi conditio), at certè juxta menrem quâ suggerente condita fuit ea disciplina, gerere se omnino debent: quæ mens, immutato quoad praxim instituto majorum, in hoc jugiter consistit immutabilis, ut & Deo legitimè satisfiat, & in bono proposito persevereetur; sicque delicta præterita castigentur, & ipsorum iterationi efficaciter obvietur.

Cum autem verbis gravissimis doceant Ecclesiæ Patres quàm necessaria sit Confessariis *Pœnitentialium Canonum* scientia, hosque, à S. Caroli Bortomæi seculo, sat multi Rituales Libri contineant; eorum summam hic exhibendam censuimus; ut ex iis, quænam sit Ecclesiæ intentio, faciliùs perspectum habeant Confessarij, Pœnitentibusque vehementius exponant quid Satisfactionis exequendum sibi foret, si

(7) *Conc. Rem. II, an. 813, can. 30, 31, 32, 33. Vide Conc. Cabil. II, an. 813, can. 38, & Paris. VI, an. 829, l. 1, c. 32, (a) Trid. Sess. 14, cap. 8, de Satisf. no-*

cess. & fructu.

(b) *Ibid.*

(c) *Marianus Victorius, lib. de antiq. Pœnit. in fine.*

adhuc vigeret antiqua illa disciplina (d), quæ quidem ultra mille annos in Ecclesia Latina obtinuit. Hinc nimirum abscederet vanissimus ille Pœnitentium error, quo sua peccata, quia levi Satisfactione plecentur, leviâ esse animo fingunt. Quia etiam, quando in Pœnitentiis Canonum mirandis benigniores in se Ecclesiam experientur (e), tantò validius peccata sua dolebunt, sibi quæ impostam pœnitentiam, tanquam suis delictis imparem, æquo animo suscipient, plenius demum atque uberius per voluntariam compositionem satisfacere enitentur.

ITAQUE Pœnitentia olim imponebatur, vel ad dies, vel ad quadragenas, vel ad annos. Si quis tres, decem, viginti vel triginta diebus Pœnitens erat; hoc toto tempore in pane & aqua jejunabat. Cum alicui quadragena imponebatur, totam pariter quadragenam in pane & aqua jejunabat, seorsim manducans, non linteo, non balneo, non armis, non equo, non curru, nec ipso plerumque Matrimonio urens. Quando plures ad eundem annum quadragenæ imperabantur, tres vulgò erant; prima ante Festum Natalis Domini, secunda ante Solemnitatem Paschæ agebatur; tertia verò S. Joannis Baptistæ Nativitatem tredecim dierum numero antecedebat. Porro Pœnitens tres illas quadragenas non quidem integras, sed tan-

tum per *Ferias legitimas*, id est; Pœnitentiæ diebus ab Ecclesia constitutis, Feriis nempe secundâ, quartâ & sextâ (f), in pane & aqua jejunabat. Si denique ad annum solidum, vel ad plures annos indicta erat Pœnitentia; primo anno jejunium servabatur in pane & aqua per *Ferias legitimas*; tribus reliquis hebdomadæ diebus concedebantur pisciculi, fructus, olera, legumina, & cervisia; diebus Dominicis & Festis, nec non totâ Paschæ Octavâ, jejunio locus non erat: secundus & tertius annus solâ Feriâ sextâ jejunium in pane & aqua relinquebat, servatis tribus quadragenis, ad quas duntaxat restringebantur, si qui supererant, anni Pœnitentiæ additi. Præterea certis peccatis aliquid Pœnitentiæ peculiaris adjungebatur. Atque ubi nulla speciatim pro lethali peccato constituta erat Pœnitentia, hæc septem annos complectebatur. Qui in pane & aqua jejunare non poterat, huic licebat, loco jejunii, quinquaginta Psalmos flexis genibus pro quoque die recitare, & in cibis tantum Quadragesimalibus jejunare. Psalmorum nescius, eleemosynam, observato similiter Quadragesimali jejunio, pro facultatibus largiebatur, (g).

His præmissis, facilius intelliguntur subiecti Canones Pœnitentiales, juxta Decalogi ordinem dispositi (h).

(d) Conc. Mediol. I. an. 1565. part. 2. tit. 6. Morin. de Pœnit.

(e) Conc. Mediol. sup.

(f) Diss. 22. c. 5. de Conf. Vide diss. 3.

cap. 16.

(g) Pœnitentiale Rom.

(h) Hi Can. Pœnit. excerpti sunt è

I.

**NON HABEBIS DEOS ALIENOS
CORAM ME. Exod. 10.**

Qui à Fide Catholica desciverit,
Pœnitentiam ager annis decem.

Qui auguriis & divinationibus
servierit, quive incantationes dia-
bolicas fecerit, Pœnitens erit annos
septem.

Qui magos consuluerit, artem-
ve magicam ad quodcumque adhi-
buerit, in Pœnitentia erit annis
quinque.

I I.

**NON ASSUMES NOMEN DOMINI
DEI TUI IN VANUM.**

Quicumque sciens pejeraverit,
quadraginta dies in pane & aqua,
& septem sequentes annos pœni-
teat; & quor homines in peccatum
induxerit, quali pro totidem perju-
riis jejunez.

Si quis Nomen Dei juraverit, si
semel nesciens fecerit, Pœnitens
aquâ & pane septem dies victoret:
si secundo ac tertio monitus idem
fecerit, dies quindecim.

Si quis Deum, vel Beatam Ma-
riam Virginem, aut aliquem Sanc-
tum publicè blasphemaverit; pro
foribus Ecclesiæ diebus Dominicis
septem, dum Missarum solemnna
aguntur, stet in manifesto; ultimo-
que ex illis die, sine pallio & cal-
ceamentis, ligatus cortigiâ circa
collum; septemque præcedentibus

Feriis sextis in pane & aqua jejunez
Ecclesiam nullomodo tunc ingressu-
rus. Singulis pariter septem illis die-
bus Dominicis, tres aut duos, aut
unum pauperem pascar, si potest;
si non potest, Pœnitentiam aliter
suppleat; abnuens, Ecclesiæ ingressu
inrerdicatur; in obitu, Ecclesiasticâ
sepulturâ careat. Dives, à Magistratu
mulctetur pœnâ solidorum quadra-
ginta; alioqui, triginta, seu viginti.

I I I.

**MEMENTO UT DIEM SABBATI
SANCTIFICES.**

Qui opus aliquod servile die do-
minico vel Festo exercuerit, Pœ-
nitentiam ager tres dies in pane &
aqua.

Qui die Dominico irer fecerit
sine necessitate, dies septem Pœni-
tentiam aget.

Si quis ante Ecclesiæ die Festo
salnaverit, Pœnitentiam ager annis
tribus.

Si quis in Ecclesiâ confabuletur;
cùm Divina sunt, Pœnitens erit dies
decem in pane & aqua.

I V.

**HONORA PATREM TUUM ET
MATREM TUAM.**

Qui parentibus maledixerit, qua-
draginta dies Pœnitens fir in pane
& aqua.

Qui parentes injuriâ affecerit,
tres annos.

Qui percusserit, annos septem.

Conc. Ancy. Laod. Elib. Trull. Mogunt.
Tolet. VIII, Tribur. &c. tum è Pœnitentia-
libus, Romano veteri, Bedæ, Rab. Mo-

gunt. &c. ac denique ex Decretis Burchardi
Worm. Yvonis Carnot. Gratiani; &c.

Tomus I I.

F f

Qui ejecerit, tandiù pœniteat, quamdî in hac impietate perseveraverit.

Si quis contra Episcopum, Pastorem & patrem suum, vel contra Presbyterum insurrexerit, in Monasterio aget Pœnitentiam omnibus vitæ suæ diebus.

Si quis Episcopi, vel Parochi sui doctrinam vel præcepta itriferit, in pane & aqua Pœnitentiam aget dies quadraginta.

V.

NON OCCIDES.

Si quis homicidium spontè commiserit; primò jejunet quadraginta dies in pane & aqua, deindè Pœnitentiam agat annis septem.

Si quis hominem necare voluerit, nec potuerit; Pœnitentiâ afficietur ut homicida.

Si quis per iram subitam, aut per rixam, hominem necarit; Pœnitentiam aget annos tres.

Qui homicidii auctor fuit, ob consilium quod dedit, in Pœnitentiâ erit quadraginta dies in pane & aqua, cum septem Pœnitentiâ annis sequentibus. Idem constituitur in eum qui, aliò instigante vel jubente, homicidium fecerit.

Qui insidiatus est alicui ut ab aliis occidatur, licèt ipse non occiderit, eandem aget Pœnitentiam.

Qui mortem alicui pet injustam accusationem accersiverit, Pœnitentiam aget quasi homicida.

Si quis aliquem graviter vulneraverit, vel ei aliquod membrum præciderit, Pœnitentiam aget uno anno per legitimas Ferias.

Si quis iratus ictum proximo inflixerit, nec laeserit, tridui Pœnitentiam aget in pane & aqua: Clericus, unius anni & sex mensium.

tiam aget in pane & aqua: Clericus, unius anni & sex mensium.

Si quis aliquem per iram percussiens debilitaverit; solutâ medicamenti impensâ, si sit Laïcus, Pœnitens erit quadraginta dies in pane & aqua; si Clericus, duas quadragesimas; si Presbyter, uno anno.

Si quis fratri suo, quem oderit, reconciliari non vult; in pane & aqua Pœnitentiam aget, quoadusque reconcilietur.

Si qua mulier spontè abortum fecerit, Pœnitentiam aget tres annos; si nolens, tres quadragesimas.

Mulier særum suum petimens voluntariè ante quadraginta dies, Pœnitens erit annum unum; si post quadraginta dies, annos tres; si verò postquam editus est in lucem, tantquam homicida.

Quæ, sceleris occultandi causâ, filium necarit, Pœnitentiam aget annos decem.

Cujus parvulus sine Baptismo per negligentiam moritur, tres annos pœniteat, ex quibus unum in pane & aqua jejunet.

Si quis, explendæ libidinis causâ, vel odii meditatione, ut non ex eo soboles nascatur, homini aut mulieri aliquid secarit, vel portionem aliquam dederit, ut non possit generare vel concipere; homicida teneatur.

Si mulier matritum suum, fornicationis causâ, veneno seu arte aliâ quacumque interfecerit, seculum relinquat, & in Monasterio pœniteat.

V I.

NON MŒCHABERIS.

Si Laïcus solutus cum fœmina soluta peccaverit, Pœnitens erit an-

nos tres; & quanto sæpiùs, tantò majore afficietur Pœnitentiâ. Similiter qui cum ancilla peccaverit.

Si quis conjugem fornicari consenserit, omnibus vitæ suæ diebus in Pœnitentia erit arbitrio periti Sacerdotis.

Vir solutus, si cum alterius uxore adulterium commiserit, Pœnitentiam ager annos septem; mulier, quinque.

Mulier soluta, cum alterius marito adulterans, decennali Pœnitentiâ afficietur; ille, quinquennali.

Si quis maritus semel lapsus est, Pœnitentiam ager annos quinque; si sæpiùs, amplior accedet Pœnitentia.

Si quis uxorem simul & concubinam habuerit, in Pœnitentia erit annos septem; & ampliùs, pro ratione culpæ.

Maritus, si ancillâ concubinâ utitur, Pœnitentiam ager annum unum, quadagesimas tres, & legitimas Ferias tribus mensibus. Illa, si invita violetur, quadraginta dies; si consentiens, quadagesimas tres, & legitimas Ferias.

Qui cum uxore sua turpiter concubuerit, Pœnitens erit quadraginta dies.

Si quis adolescens cum virgine peccât, Pœnitentiam ager annum unum.

Qui concupierit virginem, quam postea uxorem duxerit, Pœnitentiam ager annum unum per legitima Feras; si verò non duxerit, annos duos per legitimas Feras.

Vidua quæ stuprum admiserit, Pœnitentiam ager annum totum, & præterea in altero anno dies juniorum.

Cum duabus sororibus fornicatus, Pœnitentiam ager toto suæ vitæ tempore.

Qui incestum in secundo gradu commiserit, eodem modo pœnitebit.

Qui minorem incestum commiserit, in eum quidam Canones, quindecim, alii duodecim, alii decem, alii septem Pœnitentiæ annos constituunt.

Quicumque Sacerdos spirituales filiam violaverit, dignitatis honorem amittet, & Pœnitentiam ager perpetuam.

Qui Monialem violâr, Pœnitens sit annis decem.

Presbyter, si fornicationem admiserit, Pœnitentiam ager annos decem hoc modo: tribus mensibus à cæteris remotus in pane & aqua jejunabit; diebus autem Festis, modico vino, pisciculis & legumine utetur; sacco indutus humi cubabit, diu noctuque misericordiam Dei implorans.

Qui cum brutis coierit, Pœnitentiâ afficietur annorum decem, & diuturniore etiam, pro conditione personæ.

Qui contra naturam coierit, si sit Matrimonio junctus, pœnitebit annos decem; si solutus, annos septem; puer, dies centum; laicus Matrimonio junctus, si in consuetudine habet, annos quindecim; si Clericus, de gradu amotus, ut laicus Pœnitentiam ager: qui cum fratre tale scelus admiserit, ab omni carne abstinebit, Pœnitensque erit annos quindecim; si Clericus, diuturniore & graviore Pœnitentiâ afficietur.

Mulier in se, aut cum altera fornicans, duos annos pœnitebit. Vit

semel se inquinans, dies decem; si iterum, dies viginti; si tertio, dies triginta; sique nefarie agere perrexerit, Pœnitentiæ accessio ei fiet: si puer, dies quadraginta; si major quindecim annis, dies centum.

Qui complexu sceminx vel osculo polluitur, Pœnitentiam agat dies triginta; qui contactu invecundo, menses tres.

Qui concupiscit mente, sed non potuit perficere, dies decem Pœnitentiam agat.

Qui turpiloquio aspectuque polluitur negligens, non verò peccare voluit, Pœnitentiam agat dies viginti; si autem impugnatione tentationis & cogitationis inquinatur, pœnitebit item dies viginti.

Quicumque lenocinium exercuerit, Pœnitentiam agat annos duos per legitimas Ferias, neque accipiet Communionem, nisi in fine.

Si qua mulier cerusâ, aliove pigmento se oblinat, ut aliis viris placeat, Pœnitentiâ afficietur annorum trium.

Qui vir faciem suam transformaverit habitu muliebri, & mulier habitu virili, Pœnitens sit annis tribus.

V I I.

NON FURTUM FACIES.

Qui de Ecclesiæ suppellectili vel thesauro aliquid furatus est, quod sustulit, reddat, & tres quadragenas cum septem sequentibus annis pœnitebit.

Qui decimam sibi retinuerit, aut dare neglexerit, quadruplum restituet; & Pœnitentiam agat dies viginti in pane & aqua.

Qui Hospitalis-domus administrator, aliquid de administratione subtraxerit, restituet, ac tres annos Pœnitens erit.

Qui pauperem oppresserit ejusque bona abstulerit, reddat ei quod suum est, & Pœnitens erit dies triginta in pane & aqua.

Clericus furtum capitale faciens, septennii Pœnitentiam explebit; Laicus, quinquennii, & quod furatus est, reddet.

Si quis furtum de re minore semel aut bis fecerit, annum unum pœnitebit.

Qui rem inventam non reddit, tanquam de furto Pœnitentiam agat.

Si quis ufuras accipit, rapinam facit; ideòque quicumque illas exegerit, Pœnitentiam agat annis tribus, uno in pane & aqua.

V I I I.

NON LOQUERIS CONTRA PROXIMUM TUUM FALSUM TESTIMONIUM.

Qui falsum affirmarit, Pœnitentiam agat ut adulter; qui spontè id facinus admiserit, ut homicida.

Qui proximo falsum crimen obijcit, Pœnitentiâ afficietur ut falsus testis.

Falsarius totâ vitâ Pœnitentiam agat in pane & aqua.

Si quis facillè detraxerit, falsumque in hoc dixerit, Pœnitens erit dies septem in pane & aqua.

Qui leviter detraxerit, tres dies pœnitebit.

Qui falsitatem fraudemve in ponderibus & mensuris admiserit, præter damni restitutionem, Pœnitens erit in pane & aqua dies viginti.

I X.

*NON DESIDERABIS UXOREM
PROXIMI TUI.*

Si quis Presbyter fornicari concupiscit, Pœnitens erit annos quinque; si Diaconus vel Monachus, tres, è quibus unum in pane & aqua; si Clericus aut Laicus, annos duos.

Si quis in somnis ex immundo desiderio polluitur, surgat & cantet septem Psalmos Pœnitentiales; & die, triginta.

Si Clericus aut Laicus ex mala cogitatione & concupiscentia semen effuderit, Pœnitens erit dies septem.

X.

*NON DESIDERABIS BOVEM PROXIMI TUI, NEC OMNIA QUÆ
ILLIUS SUNT.*

Rem alienam nefariè concupiscens, avarusque, Pœnitens erit annis tribus.

Qui rem aliquam proximi preciosam invenire cupit, ut illam sibi retineat, Pœnitentiam agat ut dictum est de furto.

De gula & ebrietate, &c.

Si quis nimio cibo se ingurgita-

verit, ut indè dolorem senserit, unum diem Pœnitentiam agat in pane & aqua.

Sacerdos imprudenter ebrius factus, in pane & aqua Pœnitentiam agat dies septem; si negligenter, dies quindécim; si per contemptum, dies quadraginta.

Qui præ ebrietate & crapula vomirum fecerit, si Presbyter aut Diaconus, Pœnitentiam agat dies quadraginta; si Monachus aut Clericus, dies triginta; si Laicus, dies quindécim.

Qui humanitatis gratià alium inebriari cogit, Pœnitentiam agat dies septem; si per contemptum, dies triginta.

Si quis, gulæ causâ, ante horas legitimas jejunium fregerit, duos dies Pœnitentiam agat in pane & aqua.

In Quadragesima carnem edens extra inevitabilem necessitatem, in Pascha non communicet; ac præterea carne abstineat.

Qui in Quadragesima jejunium violaverit, pro uno die Pœnitentiam agat dies septem, jejunans.

Si quis jejunium Quatuor-Temporum non custodierit, Pœnitens erit dies quadraginta in pane & aqua.



CAPUT IV.

DE Indulgentiis & Jubilæo; ac de prudentia Confessario necessaria ut Pœnitentes in consequendis Indulgentiis ritè fructuosèque dirigat.

QUÆDAM prænotanda. Quid sit Indulgentia. Hujus fundamentum. Undè ipsa hauriatur. Eam concedere quis possit. Quocumplex distinguatur. Jubilæus. De Indulgentia promulgatione. Jubilæi privilegia. Cavendus Indulgentiarum abusus. Ad consequendam Indulgentiam quid requiratur. Per Jubilæum non tollitur Satisfactionis cujuscumque necessitas. Jubilæi gratia imparatis differri potest. De Absolutione à Censuris occasione Jubilæi, quædam observanda. Quibusnam præterea conditionibus annexa sit Indulgentie consecutio. De mensura relaxationis quam pariunt Indulgentia. Defunctis quomodo profint.

SATISFACTIONIS illius tam severæ quam præscribunt veteres Canones, subeundæ, nulla quidem hodiè remanet necessitas; sed cuicumque ineluctabilis perseverat ea divinæ justitiæ lex, ut pro peccatis à se post Baptismum admittis dignè satisficiat: quod profectò certius ac tutius olim per Canonicam Pœnitentiam explebatur, quam per leviora ista opera quæ ex hodierno usu solent à Confessariis imponi. Itaque solemnis illius Satisfactionis defectum supplet Indulgentia; quam quidem veteres aliis quoque nominibus humanitatem, clementiam, misericordiam, veniam, pacem, gratiam

& beneficium dixerunt (a): supplet autem, id remittendo quod luendum foret, si pro delictis imposita fuisset Canonica Pœnitentia; simulque pœnam relaxat temporalem, quæ modò dictæ Canonum Pœnitentiæ respondet, Deo iudice, ad quem solum pertinet utriusque comparisonem instituere. Nedùm igitur, defunctis Canonibus, inutiles factæ fuerint Indulgentiæ, nunc magis necessariæ sunt quàm ullo tempore fuerint; ut nempe suppleatur momentaneum & leve Satisfactionis quæ nostrâ ætate peragitur, dum veteris illius Pœnitentiæ ne diem quidem pro anno imputari sibi

(a) Conc. Ancyran. c. an. 314. Nic. gen. I, an. 325. can. 12. Calced. gen. IV, an.

451. Colon. an. 887. can. 6. S. Chrys. Hom. 4. in 2. Cor.

patiuntur hodiernæ mollietati peccatores (b). Et quidem, cum plurimum brevior sit hominum vita, valetudoque vel potius pietas infirmior, quam ut parem sceleribus Satisfactionem adimplere possint, gaudet pia mater Ecclesia cœlestes thesauros aperire, quibus filiorum suorum inopiam succurrat. Hinc Fideles de sua salute solliciti, nullam Indulgentiarum occasionem prætermittunt.

ITaque Indulgentia est Gratia à legitimo Superiore extra Sacramentum concessa, quæ, per applicationem satisfactionum Christi & Sanctorum, tanquam Christo Capiti & Sanctificatori suo adunatorum, certis sub conditionibus relaxatur pœna temporalis, quæ pro peccatis actualibus, licet jam quoad culpam & pœnam æternam dimissis, divina Justitia debetur.

De Indulgentiis tria tenenda esse statuit sancta Tridentina Synodus: primò, indultam Ecclesiæ à Christo fuisse potestatem Indulgentias concedendi; deindè hac sibi divinitus tradita potestate illam antiquissimis etiam temporibus usam fuisse; postremò Indulgentiarum usum Christiano populo maximè esse salutarem, idèoque in Ecclesia retinendum, resectis tamen pravarum consuetudinum corruptelis, si quæ fortè latenter irrepserint (c).

Quòd autem à Christo imperi-

tum jus Indulgentias concedendi acceperit Ecclesia, liquet ex Evangelio. Ipse enim Dominus ac Redemptor noster, nullà factâ limitatione, nullâ temporalis vel æternæ pœnæ distinctione, Apostolis dixit: *Quaecumque alligaveritis super terram, erunt ligata & in cœlo; & quaecumque solveritis super terram, erunt soluta & in cœlo (d)*. Nullum autem ævum, ab Ecclesia condita, potest assignari, quo non illa per suos Pontifices hujusmodi potestatem exercuerit. Eà siquidem nascento, Gentium Apostolus incesto Corinthio, post impletum acerbissimæ Pœnitentiæ annum solidum, veniam & pacem in persona Christi impertitus est: (e), tum ut Fidelium Corinthiorum votis annueret, tum verdè ne ille abundantiori tristitiâ, ex prorogatione Pœnitentiæ, absorberetur (f). Quo tam illustri exemplo commoti, Apostolorum successores Episcopi, satisfactorias pœnas vel minuerunt, vel commutârunt, sive urgente mortis periculo, sive cum Pœnitentiæ diuturnitas eximio fervore satis compensata videbatur. Quin etiam libellos supplices, in Pœnitentium gratiam sibi à Confessoribus transmissos, benigne suscipiebant; eorumque patrocinio, ut decebat, annuentes, Pœnitentiæ Canonice partem aliquam peccatoribus condonare non dubitabant (g). Credidit enim tunc temporis, atque etiamnum in-

(b) *Ezech.* 4. 6.

(c) *Conc. Trid. Sess.* 25. decret. de Indulgentiis.

(d) *Matth.* 18. 18.

(e) 2. *Cor.* 2. 10.

(f) *Ibid.* v. 7.

(g) *Tert.* ad Mart. l. 1. c. 1. & de pudic. c. 22. *S. Cyr.* Ep. 10. 11. 12. & de lapsis. Ep. Confess. apud eund. 17. 22. *Euseb.* Hist. l. 6. c. 42.

regerimâ fide credit Ecclesia, pro Fidelium peccatis satisfieri per Sanctorum suffragia, virtute Communionis illius arctissimæ, quâ inter se, tanquam ejusdem corporis membra, colligantur. Quod si verò Religionis athletas, sanctissimos quidem, sed nondum coronatos, tantâ apud Deum gratiâ valere arbitrati sunt antiqui; quantum magis credendum est Beatos in cœlo triumphantes, & jam de sua immortalitate securos (h), id per sua suffragia obtinere à Deo posse, ut, respectu meritorum Christi, quem apud ipsum habemus Mediatorem & Advocatum (i), jam dimissis iniquitatibus cumulatissimè propitiætur?

Thesaurus autem undè Indulgentias haurit Ecclesia, earumque fundamentum sunt exuberantes JESU CHRISTI satisfactiones (k); qui nempe, cum vel uno suspirio, vel unâ infiniti pretii stillâ Sanguinis Deum placare potuisset, in toto Sanguine suo, velut quodam profluvio, nos à peccatis nostris abluere dignatus est (l): quo quidem superabundanti pretio infinitus atque inexhaustus aggeritur meritorum thesaurus. Huc accedunt, per modum suffragii, Beatæ Mariæ Virginis merita, Sanctorum bona opera, passionis, satisfactiones in multis superabundantes, atque idcirco in Ecclesiæ thesauris signatæ. Quæ cum è Christi satisfactionibus vim suam omnino traxerint, coherentibus videlicet augustissimo Capiti membris gloriosis,

hinc iisdem Christi satisfactionibus nullâ ipsius injuriâ coadunantur, imò ipsius esse merito censentur. Cujus in thesauri participationem ita veniunt Fideles, ut iis applicentur Christi merita, eò quòd cum Christo, quasi membra cum capite, unum sint; & iis pariter Sanctorum bona opera suffragentur, eò quòd ejusdem corporis (Ecclesiæ videlicet) membra, totidem esse reputentur.

Atque ut paucis modò dicta complectamur, habet ea relaxatio fundamentum in infinita JESU CHRISTI Redemptoris nostri satisfactione, atque in abundantia satisfactionum quas ex augustissimi Capitis influxu viva ejusdem membra divinæ Justitiæ obtulerunt. Tam scilicet accepta Deo est fraternâ charitas Sanctorumque communio, ut per sanctiora Filii sui membra placatus, voluntariæ Satisfactionis sacrificium ab iis acceperit, non modò ut ipsis, sed ut aliis quoque propitiis fiat, pœnasque his præparatas indulgeat. Porro vigere in Ecclesia potestatem dispensandi per Indulgentiam merita CHRISTI JESU, nemo non fateatur, qui meminerit, quod paulò antè diximus, collatam ipsi non restrictè ab eodem fuisse ligandi atque solvendi facultatem; quæ profectò solvendi facultas non omnem ad quem valet, fortiretur effectum, nisi merita divini ejusdem Salvatoris per Indulgentiam applicarentur.

Ex hoc inæstimabili thesauro proficuntur divitiæ spirituales, quas

(h) S. Cypr. de mortal.

(i) 1. Tim. 2. §. 1. Joan. 2. 1.

(k) Bellarm. de Indulg. l. 2 c. 1. resp.

ad 3. obj. Vide l. 1. c. 2.

(l) Apoc. 1. §.

propter

propter Ecclesiæ utilitatem erogant vel summus Pontifex, aut Concilium generale in tota Ecclesia, vel Episcopi, unusquisque intrâ Jurisdictionis suæ limites, cum ea tamen restrictione quam contineat Synodus Tridentina, cujus nempe intentio est ut in hisce relaxationibus concedendis moderatio, juxta veterem & probatam in Ecclesia consuetudinem, adhibeatur, ne nimia facilitate Ecclesiastica Disciplina enervetur (m). Poterant olim Episcopi Indulgentias etiam *plena-rias* in sua quisque Diœcesi impertire: hæc autem potestas à Concilio Lateranensi IV restricta est ad concedendam quadraginta dierum Indulgentiam; nisi fortè solemnem Ecclesiæ alicujus Dedicationem & Consecrationem celebrent, quo quidem die integrum Indulgentiæ annum pro jure suo impertiuntur (n).

Nullus autem, præter summum Pontificem & Episcopos, quamlibet Indulgentiam concedere potest. Ad hoc scilicet non valent secundi Ordinis Sacerdotes, neque alii extra Episcopalem Ordinem quocumque titulo Prælati. Nec verò summus Pontifex, nec Diœcesani Antistites ullam Indulgentiam, nisi causis adducti gravissimis, concedunt. Divinæ siquidem Justitiæ jura in *pœnas redemptrices peccatorum* non te-

merè à Dei Ministris relaxantur. Finis intentus, non modò pium aliquid esse debet, simulque utile, verum etiam aliquid Deo gratius quàm Satisfactio per Indulgentiam relaxata; ita ut, & gloria Deo manifestè amplior, & Ecclesiæ magnum inde adjumentum accrescat, perfectiorisque Satisfactionis dignum compendium, ac divini auxilii non leve auspiciū affluat.

Porro multiplicis sunt generis Indulgentiæ. Aliæ *generales*, toti videlicet Ecclesiæ, vel omnibus certæ regionis Fidelibus communes. Aliæ *particulares*, seu *personales*, id est, certis personis, Congregationibus, Communitatibus, Confraternitatibus tributæ & concessæ. Aliæ *indefinitæ*, seu *perpetuæ*, quæ nempe sine ulla temporis limitatione conceduntur. Quæ autem hoc titulo insignitæ in *Brevibus* occurrunt, ipso effectu sunt perpetuæ (o), licet quidam Theologi eas ad viginti aut viginti tres duntaxat annos valere existimaverint (p). Aliæ *temporariæ*, ad certos annos (vulgò ad septennium) concessæ; quo quidem temporis intervallo petciipi possunt, ultra quod jam non valent: hæc vetò non à die promulgationis, sed ab ipso dati *Brevis* die fluere incipiunt. Aliæ *partiales*, quæ partem relaxant Pœnitentiæ, quæ, juxta Canonum severitatem, peccatoribus im-

(m) *Conc. Trid. Sess. 25. deet. de Indulg.*

(n) Cum ex eo, *extrâ*, de Pœnitentiis & remiss.

(o) Theodor à Spir. S. consultor Congreg. Indulg. in Tract. quem Romæ edidit an. 1745. Vide apud Servatium le Fevre,

Tomus II.

in opere cui tit. *Traité des Indulg.*, Duaci, 1745, Decretum supradictæ Congreg. datum 22 Jan. 1753, quo quidem Indulgentiæ perpetuæ veritas inconvulsè asstruitur.

(p) Gamache, Pontas.

poni debuisset; unâque partem remittunt pœnæ temporalis, quæ priori illi in Dei æstimatione respondet. Hinc scilicet quadraginta dierum, unius anni, vel plurium annorum Indulgentiæ. Aliæ plenariæ, quarum virtute id omne relaxari potest quod subeundum superest de Pœnitentia quæ nobis ex Canonum instituto fuisset imponenda, simulque dimitti tota pœna temporalis quam sibi persolvendam expectat Iustitia divina, & quam, nili in hac vita persolveretur vel dimitteretur, usque ad novissimum quadrantem (q) in Purgatorii ignibus exigeret. Indulgentia plenaria, quæcumque sit, quantum ad pœnæ condonationem, prorsus eadem est, licet, adjunctis privilegiis, una differre ab alia possit: cuiusmodi est Jubilæus.

Indulgentia autem hæc, omnium maxima & plenissima, nomen mutuatur à Judæorum veteri Jubilæo (r), qui anno quinquagesimo quoque recurrebat. Eo videlicet remissionis anno (s), Filii Israël hæreditates abalienatas vel oppigneratas recuperabant; & quos debitores in fratrum suorum servitutem redegerat necessitas, ii se manumitti gaudebant: quâ Religione perpetuâ reminisceretur antiquus Populus se fuisse ab Ægypti servitute, Deo vindice, liberatum. Illo etiam anno, quemadmodum sabbatico, quiescebat tellus inarata, cui, ut fructus trium anno-

rum faceret, anno superiore summus naturæ moderator benedictionem profuderat (t). Hæc autem omnia in figura facta sunt nostri (u); qui scilicet, novi Jubilæi Indulgentiæ & annum placabilem prædicante JESU CHRISTI Vicario (x), à nostris debiris, scilicet peccatis, atque à dæmonis tyrannide liberati, in jus gratiæ & filiorum Dei libertatem asserimur, ut ab operibus mortuis cessemus, utque incrementa frugum justitiæ nostræ per integram spiritus renovationem augentur (y).

Quamvis autem à Bonifacio VIII renovata potius quàm instituta fuerit solemnitas illa Indulgentia (z), huic tamen accepta merito refertur præfens forma Jubilæi. Cum enim ex toto terrarum orbe innumerabiles Romam confluerent peregrini, quod scilicet ex majorum traditione accepissent, eos omnes qui eam in urbem ad Basilicas Apostolorum ultimo seculi cuiusque anno venirent, uberrimam Indulgentiam consequi; statuit modò dictus Pontifex, ut, anno 1300, & centesimo quoque in posterum, quicumque ad prædictas Ecclesias reverenter, verè penitentes & confessi accederent, non solum plenam & largiorem, imò plenissimam omnium delictorum suorum veniam consequerentur (a). Postea seculum reputans Clemens VI quàm breves dies hominis sint (b), quàm pauci propere illius Indulgentiæ participes fu-

(q) Matth. 5. 26.
(r) Levit. 25. 8. & seq.
(s) Deut. 15. 2.
(t) Levit. 25. 21.
(u) 1. Cor. 10. 6.
(x) Is. 61. 1. 2.

(y) 2. Cor. 9. 10.
(z) Extrav. Antiquorum, de penitentiis, l. 5. tit. 9. c. 1.
(a) Ibid.
(b) Job, 14. 5.

turi essent, breviantur censuit longiorem seculi terminum; & quinquagesimo quoque anno *thesaurus Ecclesie aperiri* (c) voluit (scilicet is primus eam loquendi formulam iniecit); annoque 1350, quatuor præcipuas urbis Romæ Basilicas visitantibus paræni concessit Indulgentiam (d). Quod quidem usque ad Pauli II tempora fixum ratumque permansit; qui, anno 1470, etiam longius dimidii seculi spatium ad annos quinque & viginæ contraxit (e). Atque id usu perpetuo hæcenus viguit, ex quo posterius hoc Decretum à se confirmatum executus est, anno 1475, Pauli successor Sixtus IV, qui primus Indulgentiam illam, propter aliquam ipsiuscum Israëlitis Jubilæo similitudinem, *Jubilæi* nomine insignivit (f). Sanxit quoque idem Pontifex, ut omnes quæcumque Indulgentiæ, etiam *plenariæ*, vel *ad instar Jubilæi*, quibuscumque Ecclesiis & piis locis extra Urbem, & sub quacumque forma per Apostolicam Sedem concessæ, dum Romæ celebraretur *Anni sancti Jubilæus*, suspensæ in posterum manerent, nec interim cuiquam suffragari possent (g): quod etiamnum observatur; nisi fortè,

speciali Rescripto, *Bulla Jubilæi* derogeretur. Quanquam, vel deficiente hujusmodi Rescripto, prout definivit Urbanus VIII, illæ permanet Indulgentia in *articulo mortis*. Porro Jubilæi Indulgentiam ad omnes Christiani Orbis Ecclesias primus extensam voluit Paulus II: undè illam consequi possunt non modò Romam peregrinantes, sed & reliqui Fideles per loca dispersi, dummodò, in sua quisque commoratione, designatas ab Ordinario Ecclesias visitent, cæterasque in Pontificio Diplomate indicatas conditiones expleant. Summi denique Pontifices, non modò Ecclesiæ regimen auspicantes, verùm etiam in aliis gravissimi momenti circumstantiis, ut cæleste præsidium implorent, Jubilæum, seu Indulgentiam *ad instar Jubilæi*, certis Catholicis orbis regionibus concedere assueverunt.

Nullus autem sive Secularis sive Regularis Presbyter, etiam Episcopali Jurisdictione immunis, quamcumque Indulgentiam, sine Ordinarium expressâ scriptoque concessâ licentiâ, promulgare licetè potest. Pontificias enimverd Litteras recognoscere ad Ordinarium pertinet; prætereâque facultates ipsarum re-

(c) *Bulla* 27 *Januar.* 1343. *Vide Extrav. Unigenitus, de penitentia*, l. 5. c. 1.

(d) Anno 1389, Urbanus VI, Romæ sedens, dom Avenione sederet Clemens VII, solemnem hujusmodi Indulgentiam ad annum sequentem, ac deinceps tertio & trigésimo quoque anno renovandam indicit, in honorem trium & triginta annorum, quibus, juxta vulgarem opinionem, in terris vixit Christus Dominus. Quod quidem, anno 1390, executus est Urbani

successor Bonifacius IX; sed nemo postea. Ipse autem Bonifacius, ad annum 1391, Indulgentiam Romanæ Indulgentiæ parem Coloniarum-Agrippinæ civitati concessit: quæ fuit origo dispensationis ad consequendam, sine Romana peregrinatione, Jubilæi gratiam.

(e) *Extrav. Quemadmodum, ubi suprà.*

(f) *Ibid.*

(g) *Extrav. Quemadmodum, & omnes Bullæ Jubilæi.*

nore indultas, etiam concessio Jubilæo, (si gravis atque ex animarum utilitatibus deducta causa interveniat) restringere. Attentè ergò legendum, fideliterque implendum est Episcopale Mandatum; cavendumque insuper ne Indulgentiæ ultra tempus in Pontificio Diplomate & Episcopali Mandato definitum extendantur.

NULLUS quidem, præter Jubilæum, Indulgentiæ virtus est, ut, ipsius occasione, nova quælibet facultas Confessariis à summo Pontifice vel à Diocesano Præfule concedatur, nisi aliundè sit concessa. Quod ad Jubilæum attinet, multis privilegiis cumulatur ipsius Indulgentia. Scilicet omnibus Christi Fidelibus permittitur, ut semel, ad effectum Jubilæi, quælibet sive Secularem sive Regularem Presbyterum ab Ordinario approbatum, sibi Confessarium eligant. Omnibus etiam Confessariis hæc vulgò tribuitur facultas, ut à quibuscumque Censuris & peccatis, sive summo Pontifici, sive Diocesano Antistiti quantumlibet reservatis absolvant, & Vota omnia simplicia (præterquam Religionis & perpetuæ castitatis) in alia pietatis opera commutent; si tamen istud Jubilæi Diplomate disertè exprimitur.

Quoniam igitur non omnes, nec semper eadem in omni Jubilæo conceduntur facultates; quid pro tempore concedat summus Pontifex, & quid ratum habeat Ordinarius, diligenter investigandum est. Quæ quidem concessionem tantum valent quantum sonant: undè à Jubilæo ad Jubi-

læum, à facultate ad facultatem non valet consequentia. Cumque, sive à Casibus, sive à Censuris, prout vel Sedi Apostolicæ, vel Diocesano Episcopo reservantur, distinctæ sint absolvendi facultates, concessa facultate à Pontificiis Casibus absolvendi, non idèd concessa, vel ipso Jubilæi tempore, censetur à Casibus Episcopalibus absolvendi facultas. Ad hos, tam in Jubilæo quam extra Jubilæum, requiritur Ordinarii approbatio, sive quibusdam Confessariis speciatim indulta, sive omnibus Confessariis approbatis per Litterarum Pontificalium promulgationem non restrictam concessa. Advertant etiam Confessarii diligenter nunquam concedi potestatem dispensandi in iis quorum Dispensationem Jus reservat; v. g. in Irregularitatibus Matrimonique Impedimentis, etiam occultis, in Votis, in Juramentis, in Suspensionibus, pænæ rationem habentibus, sive temporariis, sive perpetuis: nunquam pariter, Jubilæi virtute, Clericum Irregularem ad Ordines vel ad Beneficia idoneum posse fieri, vel in Beneficium (etiam in foro interno) restitui.

Quæ, Jubilæi occasione, conceduntur facultates, ex cum illo incipiunt, & cum illo patitèr desinunt, nisi aliud Pontificio Diplomate & Episcopali Mandato constituitur. Neque omnino nisi ad consequendam Jubilæi gratiam valent: undè, si quis eam percipere non intendit, vel eâ jam donatus fuerit, is quidem neque à Reservatis, Jubilæi virtute, absolvi, neque ex alio quoquam Jubilæi privilegio com-

modum sperare ullum potest. Jubilæi gratia nec dimidiatur, nec iteratur vel geminatur. Ejus beneficia non seorsim, non applicatione repetita conceduntur. Facultates tunc temporis indultæ, seu vel tantum atque indivisim erga eundem Pœnitentem suum effectum fortiuntur. Si quis tamen Pœnitens, ineunte Jubilæo, à Casibus vel Censuris reservatis absolutus, ante operum omnium consummationem mutatâ voluntate, imperfectum quoad se Jubilæum relinqueret; non minùs valeret Absolutio suscepta, nec ille iterum confiteri teneretur apud Sacerdotem circa Reservata pollentem, dummodò Absolutionem tempore Jubilæi suscipiens, sincero animo constituisset cuncta pro Jubilæo injuncta explere usque ad finem: qui enim ejus gratiam consequi non intendunt, si quidem, ex modò dictis, Absolutionem ullius Casus reservati percipere non possunt à Confessariis solâ Jubilæi virtute ad Reservata pollentibus.

Nulli Sacerdoti per Jubilæum datur Approbatio, seu Jurisdictio, ad audiendas Confessiones validèque absolvendum necessaria. Quinimò speciales Jubilæi facultates, juxta Pontificalium Litterarum tenorem, non alii præter Confessarios à locorum Ordinariis approbatos consequuntur. Itaque Approbationes ante Jubilæum concessæ, iisdem, quibus antea, limitibus quoad personas, locum & tempus, vel medio Jubilæo, circumscribuntur; nec aliam, Jubilæi virtute, quàm circa

Vota, Casus reservatos, & Censuras extensionem accipiunt: quæ quidem in solo Pœnitentiæ Tribunali exerceri, & in solo conscientie foro valida esse potest. Quin etiam attentè dignoscendum est an speciales circa hæc facultates concedat summus Pontifex; an etiam Ordinarius Diploma ejus promulgans, ipsas nullâ limitatione coercet. Præterea Confessarii ad Sanctimonialium Confessiones excipiendas non approbati, hanc facultatem Jubilæi virtute non acquirunt. Postremo, Regulares à Superioribus duntaxat Regularibus, non autem à Diocesano Pontifice approbati, nullum, neque secularem, neque Ordinis diversè Regularem, ad effectum Jubilæi validè possunt absolute.

CAVEANT porro, tum Parochi, tum ceteri Sacerdotes in facto Tribunali animarum curam gerentes, ne ullos abusus, quoscumque circa Indulgentias, vel superstitio, vel ignorantia, vel irreverentia fortasse invexerit, unquam suâ auctoritate firmare videantur; hinc siquidem in contemptum adducerentur Indulgentiæ. Præterea luculenter accuratèque edoceantur Fideles quanam sit Indulgentiarum natura ususque legitimus, quid fructus ex iis percipiatur, quomodò præparati earum finem ab Ecclesia intentum consequi possint. Sic videlicet pretiosum hoc munus *piè, sanctè & incorruptè* omnibus, ut præcipit Ecclesia, dispensabitur (h).

(h) Conc. Trid. Sess. 25. decr. de Indulg.

Ad consequendam cujusvis generis Indulgentiam requiritur imprimis, juxta expressam omnium Indulgentiarum Diplomatum doctrinam, ut *verè contritus & pœnitens* sit peccator, ut delicta confessus fuerit (saltem si agatur de Indulgentia plenaria), eorumque Absolutionem obtinuerit. Sine Contritione non deletur peccatorum lethaliū macula, nec dimittitur pœna æterna: idèdque, sine illa, nec pœna temporalis per ipsam Indulgentiam tollitur. Quinimò nihil citra venialia profunt Indulgentiæ, nisi quis ea sincerè delectetur, eorumque affectum deponat. Pœna enim peccato debita non dimittitur, nisi dimissâ culpâ: nullum autem peccatum, etiam veniale, sine Contritione & firmo emendationis proposito deletur. Insupèr necessaria est Confessio; quam utique, ad obtinendum Indulgentiæ finem, non supplèr Contritio perfecta, saltem erga eos qui lethaliter peccaverunt. Cùm autem longè maximus sit horum numerus, multique sibi hocce in negotio malè blandiri possent, omnes Fideles Indulgentiæ gratiam consequi cupientes, seipsos Sacerdoti ostendant; ut, qui peccator est, legitimè reconcilietur, & *qui justus est, justificetur adhuc (i)*. Et quamvis lethaliū expertes non tam videantur Indulgentiæ fructu indigere, hæc tamen ipsis quoque multum prodesse potest. Præterea verò, & gratissimum Deo, & Ecclesiæ utilissimum quiddam facient, si, cum tota Ecclesia jejunantes atque orantes, peccatoribus misericordiam

gratiamque concilient. Sed cùm, in hac seculorum ferragine, vix ullus reperiatur qui aliquo lethali peccato stolæ Baptismalis candorem non inquinaverit, quis se Indulgentiis non opus habere confidat? Cæterùm, apertis, tempore Jubilæi, Ecclesiæ thesauris, expedit ut omnes Fideles opera Litteris Pontificiis iudicta ordiantur à Confessione: scilicet, percepto Absolutionis beneficio, atque infuso sanctificantis gratiæ habitu, Deo acceptiora ipsiſque utiliora efficiantur.

Porro meminerint altoque animo repositum gerant omnes sive Seculares, sive Regulares Diœcesis nostræ Confessarii, non esse ulli Pœnitenti qui dispositionibus aliis necessariis requisitis careat, concedendam Absolutionem occasione cujlibet Indulgentiæ, neque etiam ipso Jubilæi tempore; imò verò, quò preciosius atque excellentius donum est, eò perfectiores sanctioresque dispositiones jure merendæ esse expectandas. Si quis igitur publicas occultasve inimicitias exerceat; si ablata aut malè parta restituere, vel pro læso honore satisfacere abneget; si, ex inveterata consuetudine, lethalia eadem peccata frequenter committat; si sit proximâ peccandi occasione implicitus; si demùm in casu aliquo versetur, propter quem aliàs ei, juxta leges superius expostas (k), deneganda vel differenda sit reconciliatio; illis quoque *diebus salutis* ad tempus dimittatur; nec prius absolvat, quàm exequenda ritè executus fuerit, moreſque in melius

(i) Apoc. 22. 11. (k) Div. VI, cap. 2.

inmutaverit. Indulgentiarum enim beneficium, ne quis ipso temerè & cum animæ suæ dispendio innitatur, semper ex voluntate Christi, secundùm leges ab ipso vel Ecclesia sponsa institutas, integerrimè dispensandum est. Nunquam igitur, etiam referatis Ecclesiæ thesauris amplissimis, Confessariis à sacris Regulis, quas sanctorum Patrum magisterio edocti tradidimus (1), oculos reflectant; nec quemquam legitimè probatione per quamlibet Indulgentiam eximi arbitrentur. Quemadmodum in Pascha, ita etiam in Jubilæo, Absolutionem imparatis suspendere possunt ac debent; eosque tunc demùm Indulgentiæ participes facere poterunt, cum ipsos reconciliationis gratiâ dignos prudenter iudicaverint.

Præterea requiritur efficax Deo & proximo satisfaciendi propositum. Ab hoc scilicet Evangelii præcepto, *Facite fructus dignos Pœnitentiæ* (m), peccatorem eximere nullus potest. Indulgentiam incesto Corinthio non concessit Apostolus, nisi post exactam unius jam anni pœnitentiam. Et firmissima illa fidei ac disciplinæ columna S. Cyprianus, eos Presbyteros vehementer arguebat, qui Fideles in persecutione lapsos facilius reconciliabant, priusquam Pœnitentiam egissent *iusta satisfactioni proximam* (n). Thesaurus enim verò quem Christus Ecclesiæ militanti fuso sanguine acquisivit, supplendæ quidem Fidelium

inopiæ ac sublevandæ infirmitati reservatus est; non autem eâ mente congestus, nunquam eo consilio apertus, ut tollerentur Satisfactiones Deo & proximo debitæ; aliqui certè in animatum perniciem redundaret, peccatique horrorem minueret, dum viderentur scelera tam facile dimitti quàm perpetrari, & homicidia quasi manuum ablutione deleri. His de causis gravissimis, summi Pontifices, cum Indulgentias, etiam *plenarias*, concedunt, salutes convenientesque Satisfactiones à Confessariis imponi semper jubent; ut videlicet *potestate quam Dominus in adificationem dedit, in destructionem non utantur* (o). Quamobrem seipsos miserrimè decipiunt, qui, nullâ præmissâ aut susceptâ Pœnitentiâ, de percepto Indulgentiarum beneficio sibi gratulantur; qui se per Indulgentias ab omni Satisfactione eximi putant; qui, mollem ac desidiosam vitam agentes, sese, Indulgentiarum prætextu, Deo gratos fore confidunt, quamvis nullâ aut certè levissimâ pœnitentiâ culpas vel gravissimas expiaverint. Ecclesia nulli unquam Pœnitenti, etiam à Confessoribus commendato, Satisfactionem totam, sed partem Satisfactionis condonavit. *Pœnitenti, operanti, roganti, potest clementer ignoscere* (p); cessanti nullo modo intendit connivere: & cum irrita declarare nequeat jura divinæ Justitiæ, huic omnem Pœnitentem pro vitibus satisfacere præcipit. Quo-

(1) Ibid. & cap. 1. 3. 4. & 5.

(m) Luc. 3. 8.

(n) S. Cypri. de lapsis, Ep. 10. (al. 16.)

Ep. 11. (al. 15.) Vide Tert. ad Mart. l. 1. c. 1. (o) 2. Cor. 13. 10.

(p) S. Cypri. de lapsis.

niam verò, quidquid diligentiae adhibeant, sua debita vix unquam possunt exsolvere; iis quod reliquum est, vel totum, vel ex parte, benigna mater dimittit (q).

Itaque Indulgentia Pœnitentiæ jam in cursu positæ remuneratio est, compendium verò impotentiae, oblatumque Supplementum iis qui se impares satisfaciendo gemunt, quique Domino abundè satisfacere vehementer optant; non verò subsidium inertiae est, non fomentum impœnitentiæ. Multò miuùs Indulgentia quemquam eximit ab ea Satisfactione, quam Sacerdos ad *novam vitam custodiam & infirmitatis medicamentum* (r) injungere tenetur. Intendit Ecclesia bonum de suis thesauris proferre (s), perfectam scilicet animarum curationem; nequaquam verò *novum genus cladis* (t), perniciosa nempe securitatem falsamque Pœnitentiam effundere. Videant igitur Confessarii diligenter, ne, Indulgentiarum occasione, accedat ad corruptelæ cumulum, sub misericordiae titulo, malum fallax & blanda petnities, nimia videlicet absolvendi facilitas (u). Impœnitentibus & de Indulgentiarum virtute plus æquo præsumentibus nullomodo prodesset, quinimò plurimum noceret intempestivè irrogata Ecclesiæ benignitas; hincque malè obsequiosi Sacerdotes non salutis adjumentum, sed potius æternæ damnationis causam animabus adderent.

Cùm Absolutionem differri pos-

sulat debita Sacramento reverentia, ipsaque ad peccatoris salutem adhibenda cautio; potest Confessarius consequendam Jubilæi gratiam pariter in aliud tempus differre Pœnitenti, modò tamen is Pœnitentiæ Tribunal Jubilæi tempore adierit, cæteraque summi Pontificis Diplomate injuncta ritè perficiat: quæ tamen commutare licebit, & quidem satius erit, si, post elapsam Jubilæi tempus, illas Pœnitentis famâ, expleri nequeant. Poterit quoque Sacerdos facultates Jubilæum comitantes erga eundem exercere, cùm ei Absolutionis beneficium impertietur; si tamen erga illum Jurisdictione aut Approbatione adhuc valeat, si pariter hæc specialis circa dilationem facultas & Pontificis Diplomate & Episcopali Mandato discretè exprimat.

Cùm prohibet Jubilæi Diploma quemquam à Sede Apostolica, vel ab Episcopo, vel ab Ecclesiastico Judice excommunicatum vel suspensum, quamvis non singularem denuntiatum, à qualibet Censura aut peccato absolvi, nisi ante Jubilæi finem iis quorum interfuerit, omninò satisfecerit, damnumque illatum resarserit; tunc non potest Confessarius ejusmodi Pœnitentem ante peractam satisfactionem aut restitutionem absolvere; nec sufficit satisfactionis vel restitutionis promissio, etiam jurejurando firmata. Atque hæc regula eos pariter afficit, qui latam per Littetas *Monitorias* excom-

(q) *Conc. Nic. I, can. 12.*

(r) *Trid. Sess. 24, cap. 8.*

(s) *Luc. 6, 45.*

(t) *S. Cypr. de lapsis.*

(u) *Ibid.*

municationem

municationem incurrerunt; quia, etsi non quidem nominatim, per generalem tamen Sententiam denuntiati sunt. Cùm autem summus Pontifex novam satisfaciendi aut restituendi legem non imponat, idque solum intendat, ut quæ jam imposita fuerit, adimpleatur; si iudicetur Pœnitens nunquam posse restituere, nihil impediet quin, etiam nullâ præstitâ restitutione, absolvatur. Si verò nihil sit præter magnam (non tamen insuperabilem ac perpetuam) restituendi difficultatem, eum oportebit à persona læsa dilationem vel condonationem priùs obtinere quàm reconcilietur: ac demùm, si modò dictam rei conficiendæ rationem dissuadeat prudentia, ipse nihilominus absolvi poterit, modò tamen firmam atque inconcussam præ se ferat voluntatem satisfaciendi cùm primùm per facultates licuerit.

PORRO, ad consequendam Jubilei aut cuiusvis Indulgentiæ gratiam, opera Pontificio, Diplomate & Episcopali Mandato injuncta, elemosynæ scilicet, jejunia, Ecclesiarum visitationes, aliaque id genus, religiosè pièque, pœnitenti contritoque animo, integrè, in loco, tempore & ordine præscriptis; cum intentione assignata, & propter finem indictum perficienda sunt. Neque hic supplet bona fides, aut excusat oblivio. Indulgentia enim gratia est, quæ ex concedentis intentione pendet, nec præter ejus

voluntatem operatur. Si quis igitur aliquod ex operibus injunctis, vel partem operis ingentem, etiam ex infirmitatibus, ex memoriæ defectu, vel impotentia omittat; si quis similiter, vel impœnitens, vel sine præscripta intentione, saltem *virtuali*, injuncta opera exequatur; nihil obtinet, ut potè qui eas quibus annexa est Indulgentia, conditiones minime impleat. Quod tamen spectat infirmos ceterosque legitime impeditos, Confessarius facultas vulgò tribuitur indicta pietatis opera commutandi, vel consequendæ Indulgentiæ tempus prorogandi, idque prudenter injungendi quod præstare valeat quisque Pœnitens (x).

Cæteris ad percipiendam Indulgentiæ plenariæ gratiam dispositionibus complementum accedat digna sanctissimæ Eucharistiæ susceptio; quæ tamen ut postremo loco expleatur, haud quidem necesse est: id verò duntaxat observandum, ad consequendam Indulgentiam requiri statum gratiæ sanctificantis, saltem quo tempore ultimum ex operibus injunctis adimpletur, cùm scilicet percipiendus est Indulgentiæ fructus. Qui enim lethaliter peccavit, hic certè, cùm membri cuiusdam mortui instat habeatur, divini Capituli membrorumque vivorum influentia munera suscipere non potest. Per peccatum Deo factus inimicus, diaboloque mancipatus, suam Inferno animam obstrinxit: omnino pactum illud rescindi oportet; alioquin ipsa redimi non poterit, etiam

(x) *Bulla Jubil. an. 1758, Pontificatum ineunte Clem. XIII. &c.*

in *Jubileo* (y). Est enim Indulgentia remissio pœnæ culpæ debitæ : pœna autem illa temporalis nunquam remittitur, nisi prius culpa per infusionem gratiæ deleta fuerit, dimissaque pœna æterna. Ut tamen opera quæ gratiam præcedunt, ad finem Indulgentiæ obtinendum valeant, ipsa quidem religioso pœnitentique animo adimpleri sufficit. Sic videlicet primitivæ Ecclesiæ Pœnitentes laboriosius sese operibus diu exercebant, donec misericorditer cum iis ageretur.

Atque hæc de conditionibus quibus annexa est Indulgentiæ consecratio, dicta sufficiant. Quod spectat relaxationis mensuram quam pariunt Indulgentiæ, certum est, modò adimpleantur opera præscripta, eas tantum valere quantum pronuntiant aut sonant; alioquin ad nihilum utiles essent, nisi ad Fideles pio errore decipiendos. Verùm inter Theologos non satis convenit quo sensu intelligendum sit illud axioma: an scilicet qui plenariam obtinet Indulgentiam, opera injuncta exequendo, reipsa consequatur omnium pœnarum remissionem; & similiter, qui septem v. g. annorum Indulgentiam obtinet, an remissionem adipiscatur totidem annis pœnitentiæ canonici respondentem; an verò ex præfatis Indulgentiis utrique remissio applicetur cum proportionemodi, pietatis videlicet atque fervoris quo persoluta fuerint opera injuncta; ita ut ejusmodi plenitudo,

vel annorum mensura, significet solummodò quousque se extendat Indulgentia, si adiunt pietas & fervor, ac denique omnia requisita, quantum necesse est ad talem remissionem consequendam. Posterior sententia plerisque hodiè magis probatur. Quidquid sit, hoc saltem probabilius videtur, scilicet, ad uberiorem Indulgentiarum fructum non parùm conducere pietatis fervorem quo persolvuntur opera indicta; indeque fieri ut alii majorem, alii minorem Indulgentiæ fructum percipiant.

Cum venit nox, quando nemo potest operari (z), animâ scilicet à corpore digressâ, peccati reliquias in altera vita expiantibus defunctis nullus quidem per se remanet merendi locus; sed vivorum charitate sublevarum mortuorum impotentia. Virtute Communionis illius arctissimæ per quam Ecclesia triumphans, militans & patiens unum corpus efficiunt, cujus caput Christus est, possunt opera satisfactoria iis applicari animabus quæ in Purgatorio patiuntur. « Neque enim dubitandum est orationibus sanctæ Ecclesiæ, & Sacrificio salutari, & elemosynis quæ pro mortuorum spiritibus erogantur, eos adjuvari (a). » Itaque Fidelibus defunctis prodest Indulgentia, non quidem viâ iudicii & Absolutionis (neque enim jus in mortuos ullum habet Ecclesia), sed per modum

(y) *Levit.* 25. 30.

(z) *Joan.* 9. 4.

(a) *S. Aug. de verb. Ap. Serm.* 172.

cap. 1.

suffragii atque intercessionis (b); dum scilicet vivi Indulgentiam consequentes, preces bonaque opera, JESU CHRISTI meritis Sanctorumque Satisfactionibus conjuncta, specialius atque efficacius ad sublevandos mortuos offerunt. Animabus in altera vita patientibus Ecclesie suffragia inæqualiter prodesse, cum inæqualia sint earum merita, satis quidem probabile videtur. Quanta verò in singulas sit misericordie mensura, soli Deo notum est; id-

que homines frustra investigent. Si quis autem consideret, se, cujlibet Indulgentie virtute, certò à piacularibus flammis liberaturum esse animam, vel quam Deus voluerit, vel (quòd etiam superstitiosum magis) quam ipsemet elegerit; esset is profectò judicandus hœtitiis credere documentis, atque ab errore ad simplicem Ecclesie fidei ministerio Pastoris aut Confessarii revocandus.

(b) Bellarm. de Indulg. l. 1. cap. 14. Cajet. tract. 15. c. 5. Domin. Soto, in 4.

dist. 21. q. 2. art. 1. concl. 3. Navar. de Jubil. notab. 21. n. 6.



DIVISIO VIII.

ERIT hujus Divisionis argumentum, ut dicatur, 1°. De prudentia Confessarii erga impuberes : 2°. De prudentia Confessarii erga mulieres : 3°. De prudentia Confessarii erga scrupulosos.

CAPUT PRIMUM.

DE prudentia Confessarii erga impuberes.

IMPUBERES ad Confessionem inducendi, primisque de ipsa documentis imbuendi. Proxima puerorum ad Confessionem preparatio. Eorum peccata, præsertim nascens immunditia læbes, quomodo investiganda. Solitarium carnis vitium. Interrogationum verecundia & parciæ. Quædam observanda.

QUANAM ætate impuberes ad Confessionem accedere primùm oporteat, definire non intendimus. Pro certo verò tenendum est eos, cum ad annos discretionis pervenerint, debere, ut Ecclesiæ præcepto satisficiant, saltem semel unoquoque anno peccata confiteri. Ne igitur deficiat Pastorum cæterorumque Confessariorum diligentia in eorum Confessionibus audiendis, cum octavum ætatis annum ingressi, ad bonum malumque internoscendum sufficienti rationis acumine pollere judicantur. Quidam enim ex iis, & Contritionis, & Absolutionis jam tum capaces esse meritis existiman-

tur. Omnes autem in sacro Tribunali ad pietatem informari opportuniùs possunt, quàm in Catecheticis Institutionibus. Præterea, cum ex Confessione profundius introspectiatur eorum indoles ac vivendi ratio, sic eos feliciùs à vitio retrahit & virtutis amore accendit sapiens animarum ductor. Quin etiam rectè confiteri assuescunt, & plures utilissimam frequentis Confessionis assuetudinem ineunt. Quam, erga impuberes speciatim, vel deficientem inducere, vel inductam fovere, pro ratione ætatis, student Pastores, cæterique Sacerdotes ad animarum regimen assumpti.

Itaque pueros & puellas ad Confessionem blandè alliciant; neque eos confiteutes audire morentur donec satis adoleverint ut ipsos necesse sit ad primam Communionem disponi. Etsi enim paucos absolvi finit ipsa ætas immatura, simulque insita huic ætati levitas; iis tamen multum proderit Confessio, cum primum id malè agi intellexerint, si quando Deum precari manè & vespere omittant, si mentiantur, si obedire detrectent, si cum sodalibus conviciantur, vel si quid eis noceant. Hinc motum indoles primis disciplinæ documentis formatur. Hinc munitur innocentia Baptismalis adversus halitum circumfusæ corruptelæ & gliscentes *coinquinationes mundi* (a) qui *totus in maligno positus est* (b). Hinc animos occupat amor virtutis, ne vitium pro natura inolescat.

Ac primum quidem dignoscendum est cuiusque ingenium, observandique habitus nascentes. Edocendi autem sunt quid sit Confessio, statim atque rei intelligendæ capaces existimantur. Jam tum pro ætatis captu sentiant neminem confiteri debere nisi mente sincerà, nisi eo proposito ut melior fiat; alioqui Deum irrideri, hominique non gratiam, sed damnationem acquiri. Pastoralis sollicitudini viam sternente parentum vel magistrorum diligentia, expectetur pueri culpa ut cumque gravior, cuius eum acriter pudeat & pigeat. De Confessione jam edoctus, solarium sibi ex ea petere ultrò concupiscet. Tum effi-

ciatur ut vehementissimum culpæ dolorem in semetipso excitet, ac lenimentum angustiarum maximum è sacramentali accusatione percipiat. Sic affecto animo, è prima ejusmodi Confessione in subsequentes derivabitur fons gratiæ uberrimus. Jam tunc, pio suggerente Confessatio, præstent pueri quàm eximium, quàm jucundum fir Deo servire. Neque illorum animis Deus exhibeatur ut Judex immitis, ut censor asper ac retrixus; sed ut pater amantissimus, filios non volens sibi subiectos, nisi ut sint felices.

His observatis, Pastores, cæterique Pastorum onus & charitatem partientes, non, quasi rem ludo similem, impuberum Confessionem parvipendant: in iis enim lethalia peccata non tardè inveniuntur; imò difficiliùs quàm plerique existimant, deteguntur. Itaque pueri & puellæ non gregari, at singuli ex ordine; nec tantum semel, saltem verò ter aut quater singulis annis confitentes audiantur. Cum plures simul in Ecclesiam ad confitendum conveniunt, expedit ut, præter Catechismus diligentiam, ad rem tanti momenti proximè præparentur. Eos Confessarius genua flectere jubeat: & ipse, præmissa sancti Spiritus publicà invocatione, dispositiones ad Confessionem requisitas perstringet; Dei & Ecclesiæ Mandata recitabit; quid in singula peccare potuerint, admo-uebit; puerorum officia communiora paucis attinget. Deindè peccati dolorem, prout feret ætas, exci-

(a) 1. Petr. 2. 10. (b) 1. Joan. 5. 19.

tabit : actum Contritionis clarâ voce pronuntiabit , quem submissâ voce atque ex intimo corde omnes conjunctim persequantur. Tandem ad sacrum Tribunal modesti , silentes , atque ordine præstituto venient. Quo quidem in Tribunali Confessarium experiantur ut patrem dulcissimè blandientem. Ibi , quodcumque malum de ipsis aliunde resciverit aut ipse viderit , & oburgatione , & minis prorsus absteineat. Non hic locus eos corripiendi , sed suaviter in eorum animos illabendi. Cùmque , vel metu vel pudore , delicta , ut plurimum , celerit ; ab iis quarat benignè , an non peccata confiteri velint ? Adjiciat , Deo , cui nota sunt omnia , non esse mentiendum , sed ab illo veniant sincerâ Confessione obtinendam. Ad ea quæ cum aliis delinquere potuerint , investiganda , quæri juvabit an non aliquid cum sodalibus malitiosè fecerint ? Si responsione locus detur , detegendum erit malitiæ genus ; ac deinceps ab uno actu ad alium per interrogationes devenire oportebit , quoadusque nihil ultra inveniat.

Porro , quia *sensus & cogitatio humani cordis in malum prona sunt ab adolescentia sua* (c) , imò quia pueritiam vel tenerimam sæpius inficit immunditiæ labes ; circa illud vitium tam prudenter examinandi sunt utriusque sexûs impuberes , ut commissâ detegantur , sed minimè commissâ nemo doceatur. Quæri à pueris forsitan poterit , an non familiaritè cum puellis coævâ colluserint ? an non solus cum sola fuerit ? A puellis autem , an non libe-

rius in se à pueris agi permiserint ? Si negent , Sacerdos ulterius ne progrediatur. Si affirment , aut ambigùè vel difficilè respondeant ; infestat lenis & cautus. Tum , si quid osculi vel parium pudicæ attrectationis deprehenderit , clanculariam ejusmodi sodalium consuetudinem virare jubeat ; ac demùm gravissimis verbis admoneat , Dei ubique præsentis oculo patere omnia , etiam in tenebris constituta (d) , Deoque summo perè invisos esse & proprii & alieni corporis irrevocantes.

Cùmque ejusdem sexûs impuberes , dum prima erumpit vitii macula , inter se impudici aliquandò inveniantur , ipsi quidem interrogentur num sint modesti , vel modestæ , quibuscum sibi frequentior est vivendi consuetudo ? Si quid immodestè à se visum fuisse respondeant , rei veritas , utcumque poterit , detegatur ; ac denique investigetur an non id quod viderunt , & ipsi fecerint , aut in se fieri permiserint. His interrogationibus opportune & sapienter adhibitis , tantùm labis reperietur , quantum in hac tenella ætate esse potest : alioquin *ingreditur bestia latibulum , & in antro suo morabitur* (e) , indè vix aliquando excutienda. Hoc siquidem mali genus quò seriùs detegitur , eò difficilè & rariùs curatur.

Immunditiam fateri minùs gravantur impuberes in urbibus educati. Rure autem , multò difficilè vincitur pudor illud confitendi quod committere non pudet agrestem pueritiam , eoque ad malum proclivio-

(c) Gen. 8. 21.

(d) Ps. 138, Prov. 15. 3. Eccli. 23.

25. 26. 27. 28. 29. If. 29. 15.

(e) Job. 37. 8.

rem, quò frequentius *turpem sermonem* de ore rusticorum sonantem auribus excipit (f); undè inficiuntur animi, in id quod audiunt, faciendum, naturâ præcipites. Vulgò incipiunt impuberes facis appositè ad interrogata respondere: cùm autem ab iis queritur aliquid certi & peculiari, in lacrymas erumpunt; turpiter à se commissâ fateri non audent, vel jam confessâ penitus retractant. Tunc eos Confessarius blando alloquio consoletur: Num velint se à Deo maximè diligi, & veniam ab illo consequi? commissâ liberrimè fateantur. Cùm sibi profectò nihil postea simile agendum constituant, jam nullam superesse difficultatem in eo confitendo quod detestantur. Cohibere quidem debet à peccando pudorem peccati; sed peccato infelicitè commissò, malo pudore fieri, si non illud cum omni fiducia deponatur apud Sacerdotem qui amicus & pater est. Quòd si Sacerdos honestis interrogationibus nihil ultra proficiat, satis erit ut polliceantur pueri se nunquam omnino cum immodestis sociis clanculùm futuros. Illos ad extremum eò adducat exhortatio lenissima, ut aliàs integrè & liberius confiteantur, urque in postum id facere vereantur, quod confiteri sit pudor. Confessario sic pronum erit nascentem detegere & compescere corruptelam, ne malum inveteratum fiat robustius. Nam carnis vitium, nisi primis auferatur annis, diu celatum, nulloque fræno cohibitum, penè immedicabili deinceps pravitate invalescit.

Multri, cùm jam in pubertatem

adolescere incipiunt, quidam etiam (eheu prolapsæ atque ad illicita prægestientis naturæ conditionem!) quidam pueruli à sexto vel septimo ætatis anno peccatores, nefarium incontinentiæ solitariæ opus exercent. Ac primò quidem peccare se nesciunt plurimi; sicque pessima inolefcit consuetudo in corporis simul & animæ perniciem, dum utrumque, mediis silentii caliginisque illecebris, exitiosâ voluptate contaminat. Hoc malum, fecunditatis germen aut funditus extirpatum, aut graviter labefactans, quotidie magis ac magis invalescit. Qui enim integri supersunt, hoc vitium addiscunt ab aliis grandioribus, à famulis, ab ancillis; forsitanque, prout observârunt Medici & Confessarii, latius inter puellas quàm inter pueros extenditur fræda hæc libido: & quidem semper latebrosius in sexum muliebrem sevit, haud dubiè verò funestius. Quam quidem si maturè prudenterque investigent ac refrænent Pœnitentiæ Ministri; & de Religione castissima, & de humanitate Religioni charissima egregiè mereri se pro certo teneant.

Cum autem sensus plerumque magis afficiat temporalis & præsentis, quàm spiritalis futuriq; damni objecta species; cùmque præterea timor Dei qui corpus & animam condidit, quidquam fieri veter quod ipsimet corpori noceat; eos qui sic naturam offendant, quantum detrimenti physicæ constitutioni suæ asserant, admoneri plurimum juvabit. Hic enim sibi mutuò cohæ-

(f) Col. 3. 8.

(1) Les Naturalistes.

tent corporum vigor, & morum disciplina; valetudinis nervus, & Religionis sanctimonia. Hinc præsertim, conquerentibus Medicis & Physiologis (1), natura humana in tot hominibus degener ac ferè ad nihilum redacta est, dum huic libidini mancipatos deficiunt vires quibus florentis ævi sanguinem nutrant, solidoque corporis incremento in virum perfectum adolescant. Hinc terris incubat tot morborum atque infirmitatum cohors tererrima, quibus horrendum in modum grassantibus, tam multi *dies suos non dimittant* (g). Hinc animi languor in affecto corpore, sensuum torpor insaniabilis; ad quæcumque studia, negotia, munia iners hebetudo; ipsaque præclusa spes conjugii. Hinc necessarium vitæ segregis latibulum; ne excavati & extincti oculi, plumbea facies, crura laborantia, æger anhelitus, eminens angustia interior, turpitudinem toto corporis habitu manifestam revelent. Hinc demùm illa spontaneæ miseriæ conscientia intolerabilis, facilèque in desperationem præceps. Incredibile dictu est quàm gravi pondere incumbat ferreæ illius consuetudinis jugum, quàm pertinaciter ipsa & corporeæ & spirituali curationi resistat, nisi principiis obsterit. Indè scilicet maxime comprobatur quod scriptum est: *Officia ejus implebuntur vitis adolescentiæ ejus, & cum eo in pulvere dormient* (h).

Parcè tamen & circumspectè, pro ingeniorum varietate, hæc Pœnitentibus sive pueris sive adolescentibus

eà labe infectis obijcienda sunt, ne plus æquo terreantur quibus infirmior esset imaginandi vis: hinc enim fortassis malum ægtesceret, dum per desperationem ipsa etiam respuerentur naturalia remedia.

Est autem Confessario diligenter videndum ne quid zelus peccati imprudens, neve innocentium, si qui sint, puritati quidquam labis afflæ interrogatio non satis opportuna. Si suspitioni locus detur, quæri fortitan, oblatâ occasione, poterit, an non aliquid soli fecerint, quod vel uno teste facere etubuisse? Sed alia potius erit expectanda Confessio, quàm committendum ut scandalizetur unus pusillus (i). Ne ergo Sacerdos pueris aut puellis plus æquo timidus & verecundis sit molestior, ut integram ab iis semper extundat delictorum Confessionem. Hinc enim à sacro Tribunali fortasse averterentur; edque pertinaciùs vulnera sua tegerent, quò ardentius ea scrutaretur importunus disquisitor. Plurimâ quidem patientiâ & mansuetudine opus est, ut ipsi inducantur ad id confitendum quod tenellam gravat conscientiam. Præterea verò sola sæpiùs initia & præludia Confessionis sunt priores eorum Confessiones; nec eas, ut plurimùm, sequi debet Absolutio. Cùm jam satis judicio vigere existimantur, Religionemque & Sacramenta satis venerari, delictorum gravitatem sentire, & sufficientem emittere posse Contritionis Actum; tunc demùm ab iis quæritur Con-

(g) Pf. 54. (h) Job, 20. 11. (i) Matth. 18. 6.

sessio generalis, diligentius ac profundius excutitur; & si de ipsorum sinceritate adhuc super sit dubitandi locus, nondum absolvuntur. Non autem ad primam Communionem admittendi sunt, nisi præmissâ Confessione generali, cujus ope corrigantur præcedentium viriolarum.

QUOTIES autem pueri & puella ad sacrum Tribunal accedunt, curet Confessarius eos totam confitendi formulam diligenter observare. Salutiferæ Crucis signum sibi à fronte ad pectus adhibeant; benedictionem petant; omnia religiose exequantur; omnia distinctè & submissâ voce pronuntient. Seipfos accusare, nec solummodo ad interrogata respondere assuecant. Quod nisi à tam multis Confessariis antea neglectum fuisset, non tam multi invenirentur provec- tæ ætatis viri ac feminae staram confitendi formulam nescientes. Subjun-

get brevem exhortationem, plerumque per modum Carechusis: Pœnitentiam, qualis huic ætati comperit, iis imponet. Eisdem jubebit Contritionis Actum emitte; ipsisque jurecâ benedicet, juxta formulam quæ in Pastoralis hujus parte Rituali post adultorum Absolutionem invenitur: & priusquàm dimittantur, inquirendum à singulis erit, num impositam sibi Pœnitentiam memoriâ teneant? eam enim solent oblivisci. Iis denique lex ponatur inviolabilis ne quid sibi à Confessario dictum reveleat; nec de Pœnitentia sibi injuncta, nec de Absolutione data vel concessa, si jam sing. ejus capaces, unquam inter se confabulentur. Quod quidem ab utriusque sexûs iu- pueribus religiose observari præcipiatur Sacerdos, curent parentes & magistri; undè Sacramenti sanctitatem inaccessumque arcanum, ut decet, venerari quasi à reneris assuefiant.

C A P U T I I.

DE prudenciâ Confessarii erga mulieres.

PERICULA directionis fœminarum. Non longiore cum fœminis directione agendum. Leges prudentiæ erga mulieres frequenter conficientes; erga ipsasmet Sanâlimoniales. Circa mulierum Vota, quadam observantur. Hora & locus audiendi mulierum Confessiones.

AD audiendas fœminarum Confessiones multâ prudentiâ & circum- spectione, maturâ ætate, solidâ præsertim virtute opus est (a). Cedri Libani ex eo ministerio quassatae sunt: paveant arundines vento

(a) Conc. Mediol. I, an. 1565, part. 2, de Pœnit. tit. 6.

agitare. Extra Confessionis Tribunal, Sacerdotes cum sœminis pœnitentibus frequentiora & prolixiora, etiam directionis prætextu, colloquia non misceant. Eas crebrius non visitent, nec ab iis visitentur, mininum inde nascens periculum illud esset, ne ministerii sui dignitatem ac libertatem non satis tuerentur. Si quid colloquii necessarium sit ineundum, id paucis & gravibus verbis prudentes & simplices absolvant; *colloquium enim mulieris quasi ignis exardescit (b)*. E Sacerdotum frequentiore cum sexûs fœminei Pœnitentibus consuetudine sequitur saltem jactura temporis; sæpe animorum mutua & periculosa colligatio; aliquando scandalum.

In ipso Pœnitentie Tribunali, non longiore cum sœminis directione agatur, etiam si verè & solidè virtutem colant. Meminerit Confessarius veram pietatem non multo sermone delectari, sed, jacto semel fundamento, brevibus documentis esse contentam; magisque prodesse, cum paucis & necessariis monitis, frequentes servidasque pii Sacerdotis orationes pro sanctificatione animarum quas dirigendas suscepit, quàm si totos dies in Pœnitentibus audiendis consumeret. Metuendum est videlicet ne paulatim ex nimia familiaritate *corrumpanitur sensus, & excidant à simplicitate qua est in Christo (c)*; sicque, postquam Confessarius & ad-

dicta Pœnitens *spiritu cæperint, carne consumuntur infelices (d)*. Quod malum ne unquam accidat, eam animi propensionem cohibeat Sacerdos, quâ mallet fœminarum quàm virorum Confessiones excipere. Mulieres frequenter confitentes non sinat longo sermone inutilia persequi. Etiam si aliqua tantæ tamque eminentis sit pietatis, ut quotidianâ Communionē digna judicaretur; eam semel tantum singulis hebdomadis confitentem audiat, bis autem rarissimè; omnino non singulis diebus: quæ quidem quotidiana Confessio non sine malignis malorum irrisionibus institueretur. Suum Tribunal adeuntes anus ut matres habeat, juvenculas ut sorores, in omni castitate (e). Sanctimoniales revereatur, ut Sponsas Domini: & quamvis in hortu Sponsi religione perpetuâ sint conclusæ (f), non minùs periculosam existimet frequentiore cum illis junctam consuetudinem; ex qua nempe si rariùs ignes exardescunt, non rarò fumus emergens animas Deo sacras utrimque obscurare potest. Nullam è Pœnitentibus, live Religiosis sive Secularibus, quocumque allato prætextu, ad sibi soli confitendum inducat (g), nisi fortè sit scrupulosa; quinimò id ultrò vovete aut promittere qualibet ex causa volentem, à proposito deterreat. Nec Vota quælibet castitatis, etiam ad tempus, à puellis

(b) Eccli. 9. 11.

(c) Conc. Camer. II, an. 1586. tit. 8. cap. 10. 2. Cor. 11. 3.

(d) Gal. 3. 3.

(e) 1. Tim. 5. 2.

(f) Cant. 5. 1.

(g) Conc. Camer. III, an. 1631. tit. 10. cap. 12. c. 12. Mechlin. an. 1607.

exigantur; neque verò spontè oblata recipiantur, nisi re maturius discussâ (si præsertim agatur de Votis perpetuis): & tunc Præfulis Diocesani consilium requiri satius erit (*h*).

PORRò, ut vitetur omne scandalum, utque Sacerdotes animarum sanctificatione occupati, famam custodiant inviolabilem, nec ante ortam lucem, nec post ejus discessum confitentes in Ecclesia mulieres audiantur, nisi splendeat lucerna (*i*); nunquam autem nisi in loco patenti & conspicuo; nunquam in Ecclesie angulo, vel Sacelli obscuri latibulo; nunquam extra sedem Confessionalem (*k*), sed semper cancellis interpositis, & quidem è latere tantum. Quod si tamen, alicujus necessitatis habitâ ratione, suadeat prudens charitas ut quædam mu-

lieres extra sedem Confessionum audiantur, id fieri poterit; tuncque observabitur ut situs Confessarii & Pœnitentis ad decentiam sedis Confessionalis quàm proximè accedat. Sanctimonialium verò Confessiones semper in consueto loco excipiantur, & nunquam in eo qui ad colloquendum cum extrinsecis institutus est. Neque in Vestuario Confessiones feminarum audiantur, nisi alicujus vel surditas vel alia infirmitas necessariam patiat exceptionem. Neque (extra necessitatem, aut certè gravissimam causam) audiat sola remanens in Ecclesia, etiam januis apertis. Nulla autem in domo sua confitens audiat, nisi ad Ecclesiam accedere infirma non valeat: quo quidem in casu pateat cubiculi janua.

(*h*) *Camer. III. sup.*

(*i*) *Ibid. cap. 6. S. Car. Borr. Inst. de Pœnit. & Conc. Mediol. I. sup.*

(*k*) *Stat. D. Lud. Ant. de Noailles, Paris. Archiep. Syn. ann. 1697. art. 10.*



CAPUT III.

DE prudentia Confessarii erga scrupulosos.

CONSCIENTIA erronea, dubia, timorata, scrupulosa. Quid Sacerdos primùm investigare, quid erga Penitentem verè scrupulosum observare debeat. Scrupulorum cause alia externæ, alia internæ: pro earum diversitate, quomodo dirigendi scrupulosi. Vana dubitationes quomodo amputande. In disquisitione cogitationum pravorumque affectuum anxie religiosi: qui Confessiones generales antehac bonâ fide emissas iterare volunt: qui, post Confessiones suas, non possunt quin redeant levia & inutilia confessuri: qui anxietatem patiuntur circa veritatem Contritionis, circa Communionem, circa orationum vocalium recitationem, circa intentionis puritatem: qui ex nimia austeritate scrupulosi sunt: qui omnibus venialibus, etiam levissimis, carere contendunt: ii omnes quomodo dirigendi. Scrupulosi ex melancholicis vertiginibus peccantes. Quidam verè scrupulosi lethalia sæpè committentes. Scrupulorum remedia generalia. Ultima scrupulorum causa, ingenii parvitas, & infirmitas.

NON parva suboritur difficultas, si quando dirigendi occurrant Penitentes qui scrupulis torqueantur. Sed ante omnia explorandum Sacerdoti est an verè scrupulosi sint qui tales videntur. Alia quippè est conscientia erronea, alia dubia, alia timorata, seu tenera; alia denique scrupulosa. Quæ quidem variz species prudenti animarum ductori sedulo internoscendæ sunt.

Conscientia erronea lumine veritatis illustranda est, & salutaribus monitis corrigenda. Quidam scilicet à levibus delictis abhorrent, & sce-

lera fortitan perpetrare non dubitant. Sic Judæis religio erat pratorium introire, ut non immunditiâ legali contaminarentur (a); nec sibi ullomodo crimini ducebant quod Sanctum & Justum ad necem implacato furore deposcerent (b). Multi, Pharisæorum instar, pietatis operibus nullâ lege præscriptis adherent constantissimè; atque interea Legem Domini securo animo transgrediuntur, sibi que in lethalibus peccatis liberrimè indulgent. Qui quidem falsi scrupulosi, quæ falsæ pietaticultrices, excolantes culicem, ca-

(a) Joan. 18. 18. (b) Act. 3. 14.

melum autem glutientes (c), suggerente Confessario, intelligant nihil eotam Deo prodesse bona quæcumque opera, nisi prorsus vitetur omne peccatum lethale, totaque Lex observetur. Arguantur hypocritæ huiusmodi; nec prius absolvantur, quam, satis probati, ac perniciosâ mentis caligine liberati, non jam illud incurrant Salvatoris anathema: *Va vobis Phariseis, quia decimatis mentham, & rutam, & omne olus, & præteritis iudicium & charitatem Dei; hac autem oportuit facere, & illa non omittere (d)*. Ne igitur hoc genus Pœnitentium, seipfos voluntario errore decipientium, incauti Sacerdotis religionem interciperet, investiget ipse diligenter an illi angores ex timore peccati originem sumant, simulque an depositus fuerit vel minimus peccati affectus. Qui enim inordinato quolibet æstu, vanitate, irâ, invidiâ præcipites feruntur, qui suæ conditionis officia postponunt, nec talem vitæ rationem in melius immutate curant, ii, quantumlibet sese internis conflictari perturbacionibus asseverent, non tam scrupulosi quam hypocritæ iudicandi sunt.

Conscientia dubia sæpiùs damnanda est, tanquam sæpiùs criminosa; dubium enim, ut plurimum, excuti potuit. *Timorata* fovenda est, ut potè laudabilis; idèd quippè nihil negligit, quòd *Deum timeret (e)*. Conscientia demùm quæ verè *scrupulosa* esse deprehenditur, dolenda simul & curanda est, cum inter

animi morbos jure ac merito recensetur. Conscientia timorata à culpis vel levissimis abhorret, sed integro iudicio illasque mentis tranquillitate. Scrupulosa, haud minùs quidem à peccato abhorrens, non ratione ducitur, sed multâ perturbatione & sollicitudine quassatur. Qui tali conscientia laborant, ii de suarum anxietatum causis non iudicant per solidum aliquod ratiocinium, sed per lymphatica quædam somnia, quibus non minùs fortiter innituntur, quàm si fulgeret ipsiusmet veritatis radius: iis multum similes, qui, cum sint naturâ meticulosi, dum mediis in tenebris incedunt, vanas imaginantur species, trepidique fugiunt, quasi portentosum ac terribile quiddam reipsâ viderint.

Ac primum quidem sciendum Sacerdoti est an scrupulosus aut in scrupulum vergens ille sit, quem sibi addictum habet Pœnitentem. Huic infirmitati ab initio prudenter simul & fortiter obsistendum est: alioqui fortassè invalescet immedicabilis. Optimum ergò erit, si Sacerdos præviâ curatione scrupulis nascentibus medeat. Sic videlicet Pœnitenti, sic & sibi metipsi prælatè consulat. An verò planè atque ex toto scrupulosus sit Pœnitens, id quidem poterit certis indubitatisque signis nec longo experimento dignoscere; si v. g. eum aliqui timoratum, *ab omni specie mala abstinentem (f)*, suæque salu-

(c) Matth. 23. 24.

(d) Luc. 11. 42.

(e) Ecclesi. 7. 19.

(f) 1. Thess. 5. 22.

ris studiosum, & tamen angoribus ferè perpetuis inquietum perspicitur; præsertim circa cogitationes, an iis *confenserit*; circa orationes vocales, an facis attentè ipsas recitaverit; circa Confessiones, an legitimè atque integrè peccata declaraverit; circa Satisfactiones, an eas ritè adimpleverit; aliaque hujusmodi.

Cùm igitur status Pœnitentis, qualis verè est, Confessatio innouit; si constet eum peccati affectu omninò catere, & tamen scrupulis angere; nihil omittendum erit, cujus ope *timores & perturbationes ab anima languente expellantur* (g): quem ad finem obtinendum, hic primus est gradus. Cùm ea semper sit hujus miseriæ natura, ut, quò quisque scrupulosior est, eò se difficilius scrupulosum fateatur, quinimò talem se esse neget pertinacius; conetur Sacerdos Pœnitentem eò adducere, ut se circa hanc illamve materiam in qua illum scrupulos pati senserit, scrupulosum esse agnoscat; conscientiam autem scrupulosam, eà scilicet in parte infirmam, cæcipientem atque errore præoccupatam, de rebus, quales sint, recto judicio pronuntiare non posse, sed alieno prorsus dirigendam esse consilio. Sic deindè ipsius capiet fiduciam, ut ille pro certo teneat ducem sibi esse tutissimum atque in dijudicando animarum statu perspicacissimum; qui præterea nolit cuiquam malè blandiri, nec in iis parcere quæ ad ejus salutem necessaria fuerint.

Efficiendum quoque erit ut cre-

dat se non peccaturum, si Confessati mandatis simpliciter absoluteque obtemperet, quamvis inter agendum suboriatur peccandi metus, vel dubitatio, quamvis etiam evidenter sibi peccare videatur. Quæ scilicet inanis persuasio, non aliudè quàm ex Dei offendendi timore, pio quidem, sed sanctius dirigendo, proficiscitur. Quòd si opponat nemini unquam licere, ut, live in dubio, sive contra conscientiam dicatamen agat; doceat Confessarius non huc pertinere scrupulosi dubitationem vel conscientiam. Immo cum esse, vel potius Deo gratissimum, si contemnantur dubitationes & malè præjudicata delicti certitudo, ex quo pronuntiavit Dei personam sustinens Minister vanas esse illas dubitationes, commentitiam illam certitudinem, curam superfluam, ut potè scrupulis exortam. Uno verbo, intelligat, eas quibus miserrimè æstuat, dubitationes, non aliam ob causam sibi legitimas videri, quàm quòd impediatur scrupulosa conscientia ne de ipsis rectè judicet; in iis verò dubitationibus scrupuloso semper licere, ut illud quod sibi fingit, peccatum, nullum esse credat.

Sed quò certius huic animi morbo convenientem possit curationis modum attemperare, investiget Sacerdos quænam sit in Pœnitente scrupuloso, anxietatum quas patitur, causa & origo. Multiplices autem distinguuntur scrupulorum causæ; quarum alie externæ sunt, alie verò internæ.

(g) Sap. 17. 8.

CAUSÆ externæ sunt, vel ipse Deus, ad poenam, ad probationem, ad suggerendam cautionem scrupulos immittens: vel spiritus nequam, eos ad pusillanimitatem ac desperationem ingerens: vel denique inita cum scrupulosis societas & vite consuetudo.

Si quis ex Dei voluntate semper æquā & sanctā scrupulos patiat, dispiciendum erit num fortè omnino sint iuste remordentis conscientie angores de præterito, vel teneritas animæ pro futuro; iis enim feliciter uti potest Confessarius ad perfectionem Pœnitentis altius provehendam.

Si quis, exagitante satanā, scrupulis torqueatur; oratione, humilitatē mentis obsequio, sensuum mortificatione, aliisque piis operibus sedandi erunt.

Quod si verò conscientie angores è scrupulorum frequentatione originem fumant, jubeatur Pœnitens illam abrumperè, & cum iis societatem inire, qui Domino in veritate simul & alacritate servant; quorum scilicet in vultu emineat gaudium animæ Deum suum placidè timentis, nec minùs sincerè diligentis.

CAUSÆ internæ sunt aliquod animi aut corporis vitium.

Inter animi vitia quæ scrupulos pariant, primum locum obrinet coloratus atque insuatus quidam suspensus amor, & nimis exquisita conscientie teneritas, cujus instinctu nihil veller scrupulosus animo suo molestum sentire. Nimirum sensibili pace frui ambiret: se gra-

tiā sanctificante præditum quasi pro certo habere appeteret; aut saltem ex conscientie testimonio aliquatenus rescire vellet se officio tungi, se ritè validèque confessum, à se lethalia non peccari. Suggestente Confessario, abigenda sunt vana illa desideria; ut pax malè quæsitā, per internam subjectionem obtineatur. Scilicet hos animi cruciatus, sicut & corporis dolores, pro sua summa sapientia, Deus temperat vel permittit. Ne quæzat scrupulosus, Deo non concedente, adimpleti officii & in se regnantis gratie certitudinem. Eam utique, dum in terris viverent, non habuerunt Sancti; nec illam quidem ambierunt: in Deo confidebant, & in hac fiducia suam inveniebant requiem. Præterea non advertit scrupulosus, se, per illam de animæ suæ statu anxietatem, divinæ misericordie injuriam inferre, seque in operibus suis fundare velle salutis propriæ certitudinem. Etiam si verò de suorum actuum sanctitate, de bonitate Confessionum, de sanctificantis gratiæ habitu certus esset, non ex eo præcisè salvaretur; ad hæc enim accedat oportet perseverantiæ donum, quod scilicet ex divinæ misericordie largitate expectandum est. Scrupulosus Deo iudicium de suis operibus & de suo statu permittat; & cum officio satisfacere conatus fuerit, se nihil egisse humiliter agnoscat, juxta illud Christi Domini effatum: *Cum feceritis omnia quæ præcepta sunt vobis, dicite: Servi inutiles sumus (h)*. Deo miserranti se totum committat: hic securus hæreat; Nul-

(h) Luc. 17. 10.

rem enim speravi in Domino, & confusus est (i).

Alterum animi vitium ex quo oriuntur scrupuli, est occulta superbia, undè exstitit ingenium indocile, suisque opinionibus pertinaciter insistens. Hinc perpetuè illæ ratiocinationes, quibus se tueri conatur scrupulosus, ne Confessario sapienter monenti obtemperet. Sua illum usque admodò excacat arrogantia, ut firmissimè credat se sibi apprimè notum esse, neque omninò scrupulosum; Confessatum autem errare, nec ei se, qualis sit, introspecti. Necessaria quidem illi foret simplex & absoluta docilitas: eum oporteret suæ peritiæ diffidere, non tam in suo sensu abundare, non usque admodò verbis & ratiocinationibus contendere, breviate Confessiones, tor circumstantias inutiles non contexere, præterita non iterare. Frustrà verò hæc illi præcipiuntur: fixus immotusque in sua sententia permanet, sibi & Confessario aliam ex alia creat molestiam.

Si quis igitur animi angoribus idè conficetur, quòd, cum superbus sit, vel inobsequens, proprio iudicio pertinaciùs adhareat; nihil omittat Pœnitentiæ Minister quo possit ejusmodi superbiam retundere & contumaciam frangere. Quod quidem nullo labore perficiet, si hujuscè indolis Pœnitentem aliquandò inficitæ convincat; ut in magnam salubrenque verecundiam adductus, non sibi tam facilè credat, sequè humilem præbeat & docilem. Nul- lum utique efficacius mali hujus

remedium excogitari potest, quàm omnimoda conscientie moderatori obedientia. In eo vertitur summa curationis; eoque sublato, nihil proficiet. Sunt tamen scrupulosi qui sæpiùs ab hujusmodi obsequio incredibilem in modum abhorrent; idèquè ad ea quæ nimis repugnanter exequerentur, non compellendi sunt, nisi pervideatur ad compescendos eorum timores & serenitatem in ipsorum animos reducendam utile fore exercitæ auctoritatis adminiculum. Si enim vi augeatur jam nimia perturbatio, malum ægrefcit, nedùm cutetur. His tamen Sacerdos omni ope arque operâ humilitatem suggerat, & obsequium fiduciâ delinitum. Prohibeat ne ex propriis cogitatis vel anxietatibus animæ suæ statum astiment; sed de illo patrem spiritua- lem audiant, cui nempe, tanquam Angelo ductori, de se mandavit Deus optimus (k): cui proinde, etiam erranti, si fideliter in omnibus obtemperent, non iis coram Deo versum iri ad culpam, sed ad magnum obsequii meritum; cui si parère detrectent, non ipsis ad justitiam, sed ad pertinaciam & condemnationem esse reputandum. Quòd si verò scrupulosus, dum se subjicit, angorem perturbationemque experiatur; hæc ferat simpliciter & patienter: sic nempe rurè & confidenter ambulavit (l). Licet per viam sibi ignotam ducatur, eà tamen, ad vocem Confessarii pro Deo loquentis, perseveranter insistat, fidelis Abrahæ exemplo, qui Deo jubenti

(i) Eccli. 2. 17. (k) Ps. 90. (l) Prov. 10. 9.

obedivit, & exiit, nesciens quid iret (m). Hoc nimirum deficiente obsequio, nullâ unquam fruatur quiete; sibi que relictus, pacis expers & solatii, pertinaciæ superbiæque suæ pœnas dabit gravissimas.

Etsi verò cum talibus imperio præsertim agendum est; studeat tamen Confessarius eam quam exigit, scrupulosi fiduciam, doctrinâ, pietate, lenitate & patientiâ metiri. Obvineat autem ut solus ab eo consulatur; ne opinio- num diversitate perturbetur animus jam nimis perplexus. Videat porro Sacerdos ne & ipse scrupulose, timide, & quasi dubitanter scrupulosam tractet conscientiam. Anxiè religiosum fidenter alloquatur, nec multis cum illo ratiociniis utatur, sed brevi sermone, sed alloquio facile animum subeunte. Difficultatibus, si quæ occurrant, semel ad sanctuarii portus expensis, totâ re Deo commendatâ, presbè & peremptoriè id omne scrupuloso respondeat vel præcipiat, quod ipsius salutis consentaneum magis coram Deo in Christo judicaverit. Neque in consiliis vacillet; sed cum semel directionis cuique convenientis modum prudenter constituerit, in eo persistat immotus: alioquin incredibile dictum est in quantam perplexitatis fluctuationem, per Sacerdotis inconstantiam, demergenda sit conscientia scrupulosa.

• SED præcipua inter animi vitia quæ scrupulos genitant, refertur

imaginandi vis quædam fervida & vividè petculsa, quâ dominante, objectæ res omninò aliæ ac verè sunt, æstimantur. Scrupuloso enim pro liberis operationibus sunt motus indeliberati, pro voluntatis actibus tentationes & cunctæ commotiones animi, pro consensu mentis sensuum affectiones, ac denique pro peccatis omnes prorsus delectationes. Modò videre sibi videtur nubem officiorum & Votorum quibus non satisfecit, modò multitudinem peccatorum quæ non confessus est, quæ etiam ne confiteri quidem ausus fuit, multasque circumstantias à quibus declarandis abstinuit, & quas se omninò celavisse. Hinc difficillimum est illum convincere erroris quo ipseus innituntur judicia; multòque difficilius ipsum eò tandem adducere ut iudicia ex isto errore nascentia corrigat, licèt quandoque id verè & ex animo cupiat. Undè ille, quidquid ad solvendas falsi nominis difficultates edocuit sapiens Confessarius, statim oblivioni tradit, perpetuoque circulo ad eundem nodum revertitur. Sic nempe fit ut sæpius eadem ipsi à Confessario iteranda sint: quod quidem fastidiosum precul dubio esset, si fastidium sciret charitas. Scrupulosi præterea non pauci, angore continuo, ipsius corporis sanitatem amittunt. In seipsis denique non rarè motus experiuntur animi deficientis, diffidentis, mutationis, non modò adversus proximum, sed etiam adversus Deum, impatientiæ & ire; quibus tamen

(m) *Hebr.* 11. 8. *Gen.* 12. 4.

ne consentiant, plurimùm timent. Quæ quidem omnia, & Pœnitenti gravissima sunt, & laborem Confessario ingentem afferunt.

Qui ergo, siue ulla probabili ratione, anxie dubitant num culpæ vel minutissimæ lethalia sint peccata, ab iis in posterum declarandis abstinere jubeantur. Quod nempe dubitationem vocant, non vera est dubitatio, sed anxietas mera, cui nullomodò ipsos inhærere oportet. Persuasum idcirco habeant non se teneri ad ea confitenda de quibus dubitent an lethalia sint, sed illa tantùm quæ certò ac dilucidè talia esse perspexerint; neque ad ea declaranda de quibus dubitent utrùm ipsa commiserint, vel antèa sint confessi. Peccati enim acriore sensu afficiuntur, quàm ut obliviscantur culpæ ullius, si quam lethalem certò commiserint; & de Confessionis integritate laborant vehementius, quàm ut verè lethalia confiteri omittant.

Plurimùm verò interest ut Confessarius illud omne diligenter vitet, quod frequenter confitentibus scrupulos possit injicere. Scrupulosi, aut in scrupulum vergentes, minuta quedam ex vano metu magnificare solent; præcipuè circa pravas cogitationes, quibus se consentire arbitrantur, etiam dum ab iis quàm maxime abhorrent; propterea quòd imaginandi vim, quæ est animæ superficialis, & motum non voluntarium animæ per inferiorè suæ partem verita concupiscentis, non satis distinguunt ab ipso motu voluntatis,

quæ suggestam peccati *jucunditatem* ultrò amplectitur (n). Cùm ergo intellexerit Confessarius scrupulosum Pœnitentem in his recensendis nimiam sollicitudine torqueri, studiosè caveat ne & ipse ea magnificare videatur, prolixius de illis inquirens, vel ambigue ea resolvens; sed potiùs ista parvducere se ostendat; quandoquidem scrupulosi, & ii omnes quibus est conscientia pusillanimis, nunquam aut rarò in iis peccant, in quibus magis peccare se credunt. Circumstantias inutiles ab iis enarrari nunquam sinat, multò minùs jubeat. Simpliciter enim verò paucisque verbis declaranda sunt peccata. Confessione simplici conscientia sublevatur: plus justò prolixà enarratione laborat. Memorix potiùs quàm animæ exonerandæ inservit multiloquium. In humili dolore & in obedientia invenitur pax mentis & conscientix serenitas. Sacerdos levia delicta nunquam ut aliquid grave objiciat scrupulosis: multò minùs peccatum quarrat ubi nullum est. Quandò mentem in oratione divagantem commemorant; inquirent, num fortè, contra Sapientis documentum, *verba in oratione iterent* (o)? quod quidem sæpè scrupulorum initium est, quod proinde fieri omninò prohibeat. Eo docente, noverint, alèque infixum gerant, nullum esse peccatum in mentis evagationibus, pravis cogitationibus ac desideriiis quæ patiuntur inviti, & à quibus mentem dimovere conantur (p). Assuescant præterea conscientiam quieto animo discutere; &

(n) Hebr. 11. 25. (o) Eccli. 7. 15. (p) S. Greg. Hom. 16. in Ev.

cum delicta quæ Confessionis materia sunt, memoriz non occurrunt, minimè idè se angoribus dedere. Sentiant inimici dolum, unicam suggerentis de conscientiz disquisitione sollicitudinem, nullo aut levissimo Contritionis habito respectu, undè Confessiones emittantur æquè operose atque inutiles.

Omniibus quidem auxiâ religione laborantibus semper concedi potest ut actus exteriores in quibus peccaverint, sigillatim disquirant & confiteantur. Quidam autem sunt quibus cogitationum & pravorum quos interius experiuntur, affectuum est omniundè interdicens disquisitio. Circa horum Confessionem, iis præcipiatur generalis formula, in hunc modum: *Accuso me omnium cogitationum, & pravorum quos sensi, affectuum, in quibus peccare potui.* Hi nempe vehementer timent ne hujusmodi instigationibus consentiant, iis pungere incipientibus statim obluantur; & mediâ sui recognitione, hærent ancipites num eo in conflictu quidquam peccaverint; undè perpetuo curarum æstu volvuntur, quæ vel eos à Confessione avertunt, vel iis persuadent se nunquam satis dilucidè confessos; sicque, ut sese ex illa anxietate quoquomodò extricent, consensum qui nullus fuit, in accusationem contra se afferunt. Nec verò timendi locus est ne Pœnitentes à pravo consensu tantoperè alieni, tamque solliciti ne quid inimicæ fraudis cor suum occupet, consiteti omittant, examinis defectu, consensum vo-

luntarium, si quis hujusmodi fuerit; hoc enim posito, conscientia usque adèdè tenera ipsum haud dubiè sine ulla disquisitione sentiet.

Hujus indolis scrupulosos exhortetur Confessarius, ne se existentem pravis cogitationibus & vitiis propensionibus carete omnindè possè: quod neque sanctissimis, neque ipsimet Paulo Apostolo fuit concessum (q). Et illud quidem, Deo sapienter ordinante, accidit; ut nempe servos suos fidelissimos in humilitate, in suiipsum diffidentia, in perpetua vigilantia contineat, iisque copiosam præbeat meritorum segetem, dum ipsi secum assiduè depugnant, & assiduè seipsos vincunt. Nemo igitur, propter tentationes interius tumultuantes, à Deo se derelictum arbitrari debet; sed potius existimare hanc sibi à Deo suppeditari inviolatæ subjectionis exhibendæ occasionem; sed pro certo tenere se hac mentis arumnâ, ceu quodam igne tribulationum, probari. Multiplici quippè ratione Deus virtutem in infirmitate perficit (r), ut suos magis ac magis purificet; sicque faciens cum tentatione proveniunt (s), ad majora in dies gratiæ suæ dona consequenda disponat. Scilicet ed majoris meriti occasio est ille scrupulorum temptationumque status, quò est idem ipse molestior. Itaque, quò miseriore se putant animæ hujusmodi, hòc misericordiâ digniores sunt, hòc minùs in diffidentiam abripi debent.

Si scrupulosum hæc remordere cura videatur ne internis tentatio-

(q) Rom. 7. 23. 1. Cor. 12. 7. (r) Ibid. v. 9. (s) 1. Cor. 10. 13.

nibus non satis fideliter obſiſtar, iis nempe aliquandò ſe delectari ſentient; exponendum illi erit, neminem unquam eo tentationis ſenſu peccare, ſed tantum conſenſu voluntatis, quam non reluctanter momorderit illicita delectatio; cumque à tentationibus & propoſita voluptate mentem conſeſtim amoveat, ipſum idè proſuſ culpà carete. Ad hæc vulgò reponit ſcrupuloſus, quietum ſibi animum fore, ſi certò cognosceret ſe huiusmodi tentationibus non conſentire; timere autem ſe ne ipſis illectus conſentiar. Quod quidem ut reſellat Confeſſarius, ſatis erit ſi aſſermet, ex illo timore manifeſtum fieri eum inſtigationibus mentem pulſantibus non conſentire, licet aliquam indè voluptatem experiat. Illum poſteà erecto eſſe animo jubeat, nec iſtius contra Deum, contra fidem cogitationis recuſum, cæterasque quas experiri ſolet, tentationes metuere, ut potè quoddam ex illo metu & crebris inſiliunt, & pejùs cruciant: unus ſit timor ne ipſis voluntarius adjungatur conſenſus. Veter præterea Sacerdos, ne immoretur ille in reſponſionibus ad pravas cogitationes, etiam eas rejiciendi prætextu. Injungat potiùs ut ab iis ad alia cogitanda mentem placidè avertat, nec eas unquam in memoriam revocet; quaſi diſcuſſurus num illis conſenſerit, & confeſſurus; ex illa enim investigatione ſeipſum fortaſſè in novas tentationes atque anxietates miſerrimè conjiceret.

Nec illi ſcrupuloſi audiantur,

qui Confeſſiones generales antehac bonâ fide emiſſas iterare volunt; hoc enim ſemel conceſſo, idem recurret anxie repetitionis pruritus. A Confeſſario cdoceatur id ſatis eſſe, ut quis delictorum Confeſſionem emiſerit quàm potuerit perfectiſſimè ad illam præparatus, ita ut nihil grave omiſſum occurrat. Si enim huiusmodi Confeſſio propter occultam vicioſitatem irrita fuiſſet, haud dubiè rolleretur hæc vicioſitas per Confeſſiones legitimas ſubſequentes, etiam non repetitâ eâ quæ irrita ſupponeretur. Iſ denique vix unquam permittantur Confeſſiones generales, nunquam autem quotidianæ; rareſſimè verò *directionis colloquia*. In ſui recognitione, ſive quoridianâ, ſive Confeſſionibus præviâ, modum ponere jubeantur; ne ex immoderata cogitationum vel actuum diſquiſitione oriatur anxietas, undè pax animi & ſerenitas conſcientiæ, qui dulciſſimus eſt pietatis fructus, amittatur (t).

Si quandò ſcrupuloſi occurrant qui à Confeſſione recentes ſibi temperare non poſſint quin redeant levità & inutilia declaraturi, quæ ſe vel omiſſiſſe vel non ſatis explicuiſſe arbitrentur; poſtquàm Sacerdos ſupervacua eſſe hæc ſupplementa demonſtraverit, ſi nihilominus redeant, illos audire immotus abneget; alioqui, novæ pullulabunt accuſationes, quibus ſi nolit patientem aurem accommodare, tandem aliquandò conquieſcent; & ſic è medio tollitur conſuetudo vaniſſima. Quod qui-

(t) Vide ſuprà, de prud. Conf. circa Confeſſiones gen. Div. VI, cap. 6.

dem ne molestius ferant, ipsos intelligere curet, ea quæ futuri explicare volunt, in præcedenti Confessione satis fuisse comprehensa: sufficere autem in præfenti ut Contritionis Actum emittant, donec illud omne quod sibi omissum fingunt anxie religiosi, in proxima Confessione, si voluerint, exponant: ne interim abstineant à sacra Communionem, cujus nempe hæc virtus est ut venialia per se deleat quibus mens nullo adliæret affectu. Quorum animis recurrant peccata vel circumstantiæ in præcedentibus Confessionibus omisæ; cum semel id scrupulis tribuendum esse innotuit, ipsi quoque, firmo & inconcussio proposito, nisi de peccatis ab ultima Confessione admillis non audiantur.

Qui de sua Contritione accipites fluctuant, requisitam Contritionem eam esse noverint, non quæ sensus & imaginandi vim afficiat, sed quæ mentem & voluntatem possideat; ita ut peccatum verè detestari censeatur is qui detestationis illius incitamenta secum revolvens, de præterito sincerè dolet, de futuro autem, ne quid sibi dolendum ulterius committat, firmiter constituit; in qua quidem mentis dispositione sita est vera Contritio, quamvis pars animæ inferior nullum experiatur sensibilem dolorem.

Qui de Confessione, illi pariter & de Communionem anxii laborant. Ad hanc nimirum, aut vix, aut nullomodo possunt accedere, quin rursus contineantur propter accusationes omisæ, vel propter nova delicta quæ sibi malè obijciunt. Ad ea Confessionum supplementa venientes, leniter à Sacerdote inducantur

ut sine nova Confessione communicent. Piè sanctèque divinam Hostiam suscepturos se intelligant, si veniam à Deo postuleant eorum quæ sibi plus æquo religiosi & jam sincerè Confessione purgati obijciunt: quod si ad extremum ea conherere cupiant, ipsos in Confessione proxima suum hoc desiderium libetrimè expleturos. Fieri quidem poterit ut respondeant, lethale forsitan peccatum illud esse quod menti anxietatem parit; nec verò sibi esse liberum ut ad Corporis Christi Communionem accedant, nisi certò noverint, se, quamvis lethale foret id quo laborat conscientia, non propterea indiguè sine nova Confessione communicaturos. Reponat Sacerdos vanam esse illam quam sibi fingunt, lethalis peccati speciem; eosque rem Domino gratissimam facturos, si ad ejus Mensam præfentes animæ suæ dispositiones perferant, Sacerdotisque judicio proprium submittant præterea, etiam si lethalia sint ea peccata, ipsa nihilominus, cum inculpabiliter omisæ fuerint, in præcedenti Confessione deleta fuisse, satisque futurum, si, ita jubente Sacerdote, in subsequenti declarentur; interimque à Communionem haudquaquam esse recedendum: ac denique nisi vanum illum pietatique damnosum terrorem viriliter excutiant, eo se liberari nunquam posse. His imbuti documentis, eà paulatim conscientie firmitudine, si Deus adjuvet, convalescent, ut, propter anxietates à scrupulis exortas, jam non postea solitis Communionibus abstineant.

Quod pertinet ad orationum vo-

calium recitationem : quos tenet sollicitudo ne circa illam satis attenti fuerint, ii quidem ceteros inter scrupulosos miseratione dignissimi sunt. Nullum quippe scrupulorum genus corporeæ valetudini magis insensum est, nullum curatu difficilius. Hos nempe deservendos orationum iteratores illudit hujusmodi error, ut nunquam se attentos fuisse existiment, nisi attentionem in singulorum prolatione verborum quasi aculeo pungentem senserint. Quod cum difficile, vel potius omnino impossibile sit, incredibilem sibi vim adhibent, quâ toti obruuntur & contabescunt. Studeat Confessarius in eorum animos tranquillitatem his documentis opportunè subministratis reducere. Inter se multum discrepant attentio, & sensus attentionis. Quamvis eam non sentiat aliquis, hic tamen ipsam retinet, vel mediis animi aberrationibus non liberis, quantumcumque diuturnis. Necessaria quidem est attentio *virtualis*, ea nimirum quæ in tota oratione perseveret, virtute illius attentionis quæ *actualis* esse debuit cum oratio inciperetur : illa autem intentio salva & integra custoditur, cum neque directè, neque indirectè revocata fuit, cum scilicet mens non liberè deflexit ad cogitationes cum ea infociabiles. Itaque satis est ut evagantis animi mobilitas, ubi primùm advertitur, animo ad Deum levato coëreatur; sicque peragendum est, quasi nulla fuisset evagatio. Undè, qui metuunt ne locum eum non recitaverint qui primus collectæ menti occurrit, subsequenter recitare jubendi sunt, etiam si de præcedentibus ancipiti judicio

hareant, num ea recitaverint. Eos, juxta moralem æstimationem, nihil omisisse constat; quæ quidem certitudo abundè sufficit ut à peccato excusentur. Nunquam verò iis concedendum est ut suas orationes, vel ex toto, vel minuatim iterent, quantumlibet gravi præcepto ad illas teneantur.

Nec defunt qui circa intentionis puritatem scrupulos patiuntur. Sæpius in die proitentur velle se omnia in Dei gloriam exequi; & tamen sibi videntur alio fine semper agere. Frustrâ vanitatem, sensuum banditias, iracundiam abnegant; animo fingunt sese nihilominus vanitatis impulsu elemosynam largiri, voluptatis invitamento manducare, iracundiæ motu corripere delinquentes; undè perpetuo angore discruciaci, bonis operibus non raro abstinent, ne intentionis pravitate offensam incurrant. Quæ quidem anxietas ut depellatur, hæc doceat Confessarius. Magnum discrimen est inter cogitationem inanem gloriæ motu suggestam, aliamve similem quæ in medio actu menti obversatur, & intentionem malo fine agendi, quæ nempe nulla unquam est, nisi malus hic finis cum deliberatione & libertate præstitutus fuerit. Cum verò quemlibet vitiosum finem detestentur ii scrupulosi; quod sibi tanquam actuum suorum finem imputant, nihil est aliud præter adventitias contemnendasque inimici suggestiones; ita ut, quidquid boni operis exequendum occurrit, id, quasi nulla eveniat hujusmodi tentatio, liberrimè exequi debeant, hoc ipsum Deo identidem offerentes, manè præsertim, iis præcogi-

tatis quæ sibi agenda per diem contingere poterunt.

Aliæ permultæ sunt difficultates à scrupulosis proponi solitæ, ex quibus frequentiores elegimus, remediaque ad scrupulorum curationem adhibenda strictim indicavimus. Scrupulosi enim ægrotum instar, & scrupuli velut morbi tractandi sunt; nec proinde iis laborantes unquam durè corripienti, etiamsi nihil aut parùm cum illis ratio & cura proficiant; in multa vetò patientia, benignitate & charitate erga ipsos agendum est. Si quandò in culpam, etiam graviozem, inciderint, non terreantur, jam plus æquo defecti; *semper enim presumit sava, perturbata conscientia* (u): imò suaviter exfuscitentur eorum animi, plurimà in immensam Dei bonitatem & misericordiam suggestâ fiduciâ, undè fortiores à lapsu resurgant.

ANIMADVERTENDUM quoque erit num fortè inconsiderata vivendi severitas imaginandi vim exaggeret, vehementiusque inflammet. Quodd si igitur in Pœnitente strictissimam pietatem proficiente scrupulorum causa sit nimia austeritas; interdicendæ nonnunquam, aut saltem minuendæ erunt meditationes, carnis afflictiones, vigilæ, nimius amor secessus. In quo tamen diligenter caveatur ne Pœnitens ab uno extremo in aliud non minùs viciosum, quæ hominis natura est, defiliat; sic nempe conscientiam scrupulo-

sam deponens, ut teneram pariter amittat, & quæ strictior fuerat ad anxietatem, laxior fiat ad perditionem.

Si verò ex iis sit quos excruciat inquietæ animi sollicitudo de vitandis omnibus peccatis venialibus, etiam levissimis; prudenter suggerente Confessario, advertat *sepius cadere justum, & resurgere* (x), neminique, præter Beatam Virginem Mariam Deiparam, id privilegii concessum fuisse ut peccatis vel levissimis careret (y). Videat quidem ipse, sed temperato ac sedato animo, ne *spernens modica*, in graviora decidat; videat autem non minùs diligenter, ne, dum anxie quærit esse omninò impeccabilis (quod non fecit humanæ conditionis infirmitas), humilitatem amittat, quæ est virtutum omnium fundamentum, fiatque ex occulta superbia peccator.

PRÆTEREA, ut diximus, causis scrupulorum *internis* annumeratur corporis vitium, id est, melancholica ejus constitutio: undè per miseras vertigines (1) quæ imaginandi facultatem obsident atque perturbant, simulque libertatem vel tollunt, vel magnopere imminuunt, aliqui incidunt in iram, in juramenta, in calumnias, in desperationis cogitationes, aliave peccata ex quibus sequitur conscie mentis defectio & tristitia vehemens. Hi forsitan Medico potius quàm Confessario indigent. His nempe testificandus est nimis

(1) Vapeurs,

(u) *Sap. 17. 10.* (x) *Prov. 24. 16.* *Conc. Trid. sess. 6. cap. 12.*

(y) *S. Aug. de nat. & gratia, c. 36.* *n. 42. Conc. Trid. sup. can. 23.*

ardor sanguinis, animusque honestè recreandus, ut, quâ toti æstuant, imaginandi petulantia sedetur & conquietetur. Donec verò hujusmodi scrupulosus corporis valetudinem placidumque & æquabilem animum medicæ artis subsidio recuperaverit, summâ interim adhibitâ charitate & mansuetudine tractetur. Nec ipsi, ut plurimum, Absolutio denegatur ob delicta quibus causa fuerit physice vitiosa corporis habitudo; hinc enim scrupulis ingravescentibus, forsâ in veram desperationem infelix pertraheretur. Quin potius ei consolationis dulcedinem instillet *lingua curationis*, & *mitigationis*, & *miseri cordiæ* (γ). Et quidem, cum Deo nota sit ejus infirmitas, divinæ justitiæ consentaneum videtur ut ea non illi strictè imputet à quibus temperare vix potuerit; satisque illud habendum est ut ipsum pœniteat quantum peccandi capax fuerit, utque sincero proposito constituat se nunquam velle iis delictis plenâ deliberatione consentire. Præterea, etiam si aliquandò graviter peccent melancholici tentationibus abrepti, non idèò compellendi sunt ad eas tentationes sigillatim aperiendas, quæ tam multe in eorum animis pullulare solent, quamvis objiciant fieri posse ut grave aliquod peccatum commiserint. Nunquam enim in lethalem culpam incidunt, qui eam sentiant, & se meminerint ad confitendum teneri. Quoties igitur dubitat utrum lethale aliquod peccatum admiserint, vel utrum in præ-

cedenti Confessione illud declarare obliti fuerint; pro certo tenendum est eos neque delictum istud commisisse, neque ipsius declarationem omisisse.

Sunt etiam nonnulli Pœnitentes, qui, licet verè scrupulosi sint, frequenter tamen in peccata lethalia ruunt præcipientes, propter ingentem fragilitatem, propter veterem consuetudinem, periculosamve occasionem quam relinquere non possunt. Hos autem scrupulis torqueri ex eo facile dignoscitur, quòd, cum *extrema gaudii criminosi istam luctus atque amaritudo ingens occupet* (a), quoad cætera misere anguntur, quemadmodum reliqui scrupulosi. Erga hujusmodi Pœnitentes, summa in Confessario prudentia requiritur, lenitasque singularis. Quid in ipsis maximè dominetur; an consuetudo peccati, an scrupulus, diligenter investigandum est; & quâ parte malum favit acrius, hac potior adhibenda curatio. Efficiendum quidem est ut peccati consuetudo extirpetur; sed cavendum etiam atque etiam ne scrupuli jam nimis pungentes, asperitate curationis ærescant. Itaque Sacetdos in iis Pœnitentibus absolvendis non plus æquo difficilem se præbeat. Non tamen committat ut ad viciosum morem pro nihilo ducendum nimia indulgentiâ impellantur. Hos igitur nec omninò velut ex consuetudine peccantes, nec omninò velut scrupulosos sibi tractandos constituat. Suam

(γ) *Ecclesi. 26. 25.* (a) *Prov. 14. 23.*

in ipsos agendi rationem sic temperet, ut, dum illos probar quasi ex consuetudine peccantes, eosdem non adhuc scrupulosos magis, ideòque magis flebiles efficiat; dum autem quasi scrupulosos indulget, non iis, pro misero illo mentis tumultu, falsam pacem inducat, undè forsan immedicabilis fiat prava consuetudo. Atque ut rei sensibilis exemplo illustretur hoc argumentum, sit Confessarius prudens instar medici, qui, si occurrat æger implicatus inter se motibus affectus, vario anticipique malo curationem sic attemperat, ne, dum ex una parte mederi cupit, ex altera malum augeat, sed ut graviorem leniat ægrotationem, nec tamen leviozem negligat, ac tandem, utraque profligatâ, valetudinem in integrum restituat.

Porrò scrupulosos, quoadusque sanentur, prolixis orationibus aut gravibus satisfactionibus onerari non expedit. Satiùs videtur iis exercitationes corporis injungi, eorumque laborem ac pietatis opera sapienter ordinari. Et quidem generatim multum proderit ad cuiuscumque generis scrupulosos curandos, ut *tristitiam, quæ multos occidit* (b), longè à se repellant, ideòque ut semper exteriore opere distineantur. Frequenti societate & colloquio jungantur cum personis pietatem protinentibus, non tamen scrupulosis: animum relaxent honestis oblectationibus, nimiamque vitent solitu-

dinem. Quantum noceant scrupuli, aliquoties recogitent. Scilicet adversantur pietati, quam exstinguunt; *spiritui gratia & precum* (c), quem, si minùs excludunt, saltem præpediunt; mentis tranquillitati, quam malè perturbant; conscientia serenitati, quam obnubilant. Discant hilari mente Domino servite (d); & felici experientiâ cognoscere nitantur quàm meritò à Propheta dictum fuerit: *Iustitia* (e) *Domini latificantes corda* (e). Scrupulorum quidem non rara causa est, immodicis Dei iudiciorum metus: hic autem non est verus Dei timor, qui nempè comitem semper haber misericordia fiduciam; cum, è contrario, metus ille non benè ordinatus solam afferat perturbationem, falsasque de Dei iustitiâ & misericordiâ opiniones ingerat, eum quasi durum inexorabilemque dominum exhibens. *Sentiat homo Christianus de Deo in bonitate; nec Deum quærat in anxietate, sed in simplicitate cordis* (f). Scilicet *jugum Domini suave est, & onus ipsius leve* (g): *mandata ejus legitime intellecta, & in multa pace animi observata, gravia non sunt* (h).

Et quoniam aliquandò scrupulosi occurrunt non rectis opinionibus imbuti, prætereaque meticulosi & iudicio infirmi, qui Religionem non ex hujus præcellentis naturâ, sed ex ingenii sui an-

(1) *Id est*, præcepta.

(b) *Ecclesi.* 30. 25.

(c) *Zach.* 1. 10. *Vide de imit. Christ.* l. 4. c. 10. n. 3.

(d) *Pf.* 99.

Tomus II.

(e) *Pf.* 18.

(f) *Sup.* 1. 1.

(g) *Matth.* 11. 30.

(h) 1. *Joan.* 5. 3.

gustissimi parvitate metiuntur; ii', docente Confessario, intelligant, Religionem ad homines vel in hac vita beatos efficiendos, non autem ad ipsos cruciandos institutam esse; pietatemque, non morosam, exilem & abjectam in semetipsis ostendant, sed, qualis reverà est, serenam & præclarà simplicitate sublimem. Neque existiment sibi apud

Deum vel apud homines commendationi fore, si minutis occupati, anxii, tristes, sibi metipsis & forsàn aliis graves quotidie inveniantur.

Si denique causa scrupulorum sit mera inscitia, Pœnitentem sic erudiat Sacerdos, ut cum ignorantia simul anxietatem deponat.



D I V I S I O I X.

*IN hac Divisione differetur , 1°. De annua Confessione :
2°. De frequenti Confessione : 3°. De Confessione Infirmorum :
4°. De Pœnitentialis ministerii arcano , seu de Confessionis
sigillo.*

C A P U T P R I M U M.

De annua Confessione.

CANON Omnis utriusque sexûs. *Quisnam sit proprius Sacerdos. Annua
Confessionis tempus. Propter Communionem Paschalem non temerè
profundenda reconciliatio , sed vitanda severitas repellens. Annua
Confessio tempestivè incipienda. Quadam notanda. De licentia confi-
tendi apud alienum Sacerdotem. De annua Confessione peregrinorum ,
advenarum , &c. De iis qui propter solam Communionem Paschalem
confitentur. Varia observationes.*

CONFESSIONEM sacramentalem
Jure divino necessariam esse , jam
suprà suo loco ostendimus (a). Ad
astruendam verò illius necessitatem ,
cum Jure divino consentit præcep-
tum Ecclesiasticum , quod in Con-
cilio Lateranensi œcumenico his
verbis promulgatum est : » Omnis
» utriusque sexûs Fidelis , postquam
» ad annos discretionis pervenerit ,
» omnia sua solus peccata confitea-

» tur fideliter , saltem semel in an-
» no , proprio Sacerdoti , & injun-
» ctam sibi pœnitentiam studeat
» pro viribus adimplere , suscipiens
» reverenter ad minus in Pascha
» Eucharistiæ Sacramentum ; nisi
» fortè , de consilio proprii Sacer-
» dotis , ob aliquam rationabilem
» causam , ad tempus ab ejus per-
» ceptione duxerit abstinendum :
» alioquin , & vivens ab ingressu

(a) *Divis. I, cap. 5.*

» Ecclesiæ arceatur, & moriens
 » Christianâ careat sepulturâ. Unde
 » hoc salutare Statutum frequenter
 » in Ecclesiis publicetur; ne quis-
 » quam, ignorantie cæcitate, vela-
 » men excusationis assumat. Si quis
 » autem alieno Sacerdoti voluerit,
 » iustâ de causa, sua confiteri pec-
 » cata; licentiam prius postulet &
 » obineat à proprio Sacerdote (b).

Proprius autem Sacerdos ille est, cui credita fuit, certo in territorio, animarum cura, de quibus rationem Deo reddendam susceperit, quique idcirco eas cognoscere & in pascua salutis deducere tenetur; qui demum & ægris Sacramenta ministrare, & defunctos sepulturâ Ecclesiasticâ donare pro iure suo potest atque ex officio debet: scilicet Parochiæ Pastor, seu Parochus. Non tamen inde excluditur totius Diocesis speculator, primitivus ac præcipuus omnium gregis ovilium Pastor, ut potè ex eorum numero, quibus dictum est: *Attendite vobis & universo gregi, in quo vos Spiritus sanctus posuit Episcopos regere Ecclesiam Dei* (c). Cum enim Patres Lateranenses annuæ Confessionis audiendæ Ministrum constituunt proprium Sacerdotem, alienum quidem diserte excludunt, sed communem excludere profectò non intendunt. Neque verò existimandi sunt primi Pastores jus Episcopale in Parochias suæ ditioni subiectas idèò abdicare vel amittere, quod

sux jurisdictionis partem secundi Ordinis Pastoribus per institutionem seu missionem Canonicam largiantur. Quinimò in omnes & singulos cujuscumque Parochiæ Fideles Diocesanos amplior est Episcopi auctoritas, quam ipsius Parochi immediata in Parochianos Jurisdicção: Episcopus enim, tanquam supremâ fungens legatione *Salvatoris nostri Dei*, supremus est Sacramentorum Minister, & ad regendam pascendamque Ecclesiam secundi ordinis Pastoribus antecellit. Hinc potest Fidelibus Diocesanis eam licentiam, si res ita tulerit, concedere, ut, inconsulto, aut etiam repugnante Parocho, alienum Sacerdotem pro annua Confessione adeant. Abiit verò ut quisquam venerabilium Confessorum Ecclesiis Parochialibus præpositorum, Nobis suâ culpâ locum præbeat nostræ auctoritatis in tali casu exercendæ.

QUAMVIS autem Lateranensis Concilii Decreto nullum definitè anni tempus huic officio adimplendo præfixum fuerit, suam tamen hac de re intentionem subindicare videtur, dum annuæ Confessionis Paschalisque Communionis ambo præcepta uno eodemque Decreto, quasi inter se connexa (d) proponit. Undè jam » in universa Ecclesia, cum ingenti » animarum Fidei fructu, obser- » vatur mos ille salutaris confitendi » sacro illo & maxime acceptabili

(b) Conc. Later. IV æcum. an. 1215, can. 21.

(c) A.B. 20. 18.

(d) Peccata confiteatur fideliter, saltem

semel in anno, & injunctam sibi Pœnitentiam studeat pro viribus adimplere, seseipiens reverenter ad minus in Pascha Eucharistiæ Sacramentum.

» tempore Quadragesimæ : quem
 » morem sancta (Tridentina) Syno-
 » dus maximè probat & amplecti-
 » tur, tanquam pium & meritò re-
 » tinendum (c) ». Qui præterea cùm
 totius Ecclesiæ Gallicanæ Decretis,
 ac speciatim hujusce Dioceseos anti-
 quâ religione consecratus sit (f), eum
 omnibus qui Nobis in Christo sub-
 jecti sunt, Fidelibus districtè com-
 mendamus ; ut ea nimirum censeat-
 ur & reverà sit annua Confessio,
 quâ Fideles ad injunctam Canone
 Lateranensi Communionem sanctè
 proximèque præparentur. Olim Ab-
 solutio solemnis, post emensum Pœ-
 nitentiæ publicæ curriculum, *Fer-
 riâ quintâ in Cena Domini* Pœni-
 tentes reconciliabatur (g). Tempus
 igitur annuæ Confessioni magis ido-
 neum, habito præfertim eorum res-
 pectu, qui, per negligentiam vitu-
 perio dignam, confitendi moras to-
 to anno protraxerunt, initium Qua-
 dragesimæ est (h) : quo quidem tem-
 pore, dum *inter vestibulum & altare*
plorant Sacerdotes (i), & *popu-
 lum congregant in domum Dei (k)*,
annuntiantes hominibus ut omnes
ubique pœnitentiam agant (l), ipsi
 peccatores, totius Ecclesiæ flentis
 & orantis spectaculo commoti, per
 sacram jejunii observantiam, per
 contriti cordis gemitus, aliosque

dignos pœnitentiæ fructus (m), sin-
 ceræ conversionis gratiam sibi con-
 ciliant ; ut, *in novitate vitæ ambu-
 lantes (n)*, cum Christo resur-
 gant, & perfectam cum Deo recon-
 ciliationem Agni Paschalis mandu-
 catione consignent. Nullus verò
 propter instantem Paschæ Festivita-
 tem justo faciliùs ociùsve absolva-
 tur. Nullum tempus est, quo quis-
 quam sapientissimis eximi possit Ec-
 clesiæ regulis ; nullus dies, quo Sacer-
 dotii vigor ad cujuslibet arbitrium in-
 fringi aut labefactari debeat (o).

Videat porrò Sacerdos etiam ar-
 que etiam, ne, quod adhuc fidei
 & religionis, ceu *linum fumigans*,
 in hac ævi senescentis caligine su-
 perest, malè severus extinguat. Qui
 Paschale officium, etiam justè sus-
 penso Absolutionis beneficio, im-
 plemente vel semel omiserunt, ii nou-
 nunquam Sacramentorum incuriâ
 per multos annos in suis iniquitati-
 bus miserrimè computrescunt : at-
 que idcirco ejusmodi Pœnitentes in
 Pascha nondum ritè dispositos ad
 breve tempus dimitti expedit ; ut,
 suggestâ, si fieri possit, Communio-
 nis Paschalis æmulatione, non mul-
 tò post ad illam admitti, Deo ju-
 vante, mereantur.

NE verò minùs fructuosæ aut

(c) Conc. Trid. sess. 14. cap. 5. de Con-
 fess. Vide Sixti IV Bull. Vices illius, Ex-
 trav. comm. de treuga & pace. l. 1. c. 2.
 §. 3.

(f) Stat. D. Odonis de Sully, Paris.
 Episc. Syn. 1. c. an. 1198, Capitul. circa
 Confessionem. art. 11. in Synodico, pag. 7.

(g) S. Greg. Nyss. Ep. can. præf. S.
 Ambr. l. 2. Ep. 4. (al. 20.) ad Marcell.

n. 26. Inn. I, Ep. 1. c. 7. Conc. Cubil. II,
 an. 813, vel 815. can. 47.

(h) Vide S. Ambr. Sermon. 34. (al. 25.)

(i) Joel. 2. 17.

(k) Joel. 1. 14.

(l) Alb. 17. 30.

(m) Luc. 3. 8.

(n) Rom. 6. 4.

(o) S. Cypr. Ep. 55. (al. 59.) n. 2.

etiam irritæ per nimiam propter rationem efficiantur Confessiones, dum Sacerdotes Pœnitentium turbis ipso Pœnitenti tempore confluentibus obruti, iustam ac sufficientem curam singulis impendere nequeunt; neve Pœnitentium intra brevissimi temporis limites ad sacrum Tribunal accedentium impediat multitudo, quominus Hebdomadæ Sanctæ Paschaliæque Fæstorum divina Officia eâ quâ decet gravitate & pietate celebrentur (p); Pastores sæpius Quadragesimali Tempore suos Parochianos admoncant, illos præcipuè qui anno integro confiteri distulerint, ut per eos *salutis dies*, aperto Pœnitentiæ curriculo, ad Confessionem saltem incipiendam se maturius accingant, nec illam, prout sæpè contingit, usque ad Majorem Hebdomadam procrastinent. Quinimò denuntiant è Concionum Suggestu, eos qui usque ad extremum illum sacri temporis limitem confiteri neglexerint, non esse nisi peractâ Fæstorum Paschaliæ celebratione admittendos: quod quidem reverà exequi poterunt Ecclesiæ Parochialium Rectores, ipsorumque in sacro ministerio adiutores, modò nullam inde imminet scandalum aut grave incommodum. Si quid verò hujusmodi metuendum aut suspicandum videatur, tardiùs licèt ad inchoandam Confessionem accedentes benignè leniterque suscipiant; quam plenam atque integram, iustâ interpositâ dilatione, post elapsos quindæcim dies Paschales audiant; quò

certiùs & explorandæ singulorum conscientiarum, & curandis animarum vulneribus debitum adhibeatur temporis intervallum.

Et quidem, admonentibus Pastoribus, intelligant segniores Parochiani, minimè consentaneum equitati esse ut cum cæteris intra dies Paschales ad sacram Synaxim admittantur. Sic nempe, & noxia hujusmodi negligentia plectetur: sic & profundiore examine discutientia multorum conscientia moram non asseret injucundam perinde atque injustam reconciliandis Fidelibus diligentioribus, qui per Quadragesimam confessi fuerint.

Parochi verò, ut in Confessionibus Paschali Communioni præviis ordo aliquis observetur, certos dies per singulas Quadragesimæ hebdomades certis familiis aut vicis assignent; vel, si fieri commodè possit, aliis diebus viros, aliis fœminas, horâ indictâ, audituros se præmoncant. Ipsi autem patres & matres, domini & dominæ, filios & filias, famulos & ancillas in Ecclesiâ convenire sinant, imò jubeant, Confessionis annuæ præcepto satisfacturos.

Nullus verò existimet se posse per irritam & sacrilegam Confessionem Ecclesiæ præcepto satisfacere. Ecclesiâ videlicet pium sanctumque opus, non impiam Religionis violationem præcipit. Eam intendit peragendam esse Confessionem, quæ peccatorem cum Deo ita reconciliet, ut per illam ad suscipiendum

Paschalibus diebus sacrosanctum Dominici Corporis Sacramentum disponatur. Præterea, cum divinum Confessionis præceptum saltem semel in anno adimplendum determinat, talem protectò Confessionem cuique Fidelium exequendam, constituta lege, intendit sacra Dei interpres, qualem Deus probat & iungit: divinum autem præceptum per irritam aut sacrilegam Confessionem adimpleti, impius sit qui ausit affirmare.

Licet autem ii duntaxat quos lethalis peccati remordet conscientia, Confessionis annuæ præcepto, saltem quâ parte divinum est, obstringantur; qui tamen sola venialia commiserunt, tam præposterè quàm temerè agerent, si proprio Sacerdoti semel in anno sese non ostenderent ea ipsa delicta confitentes (q). Ad hoc enim multiplici nomine ac titulo tenentur: primum scilicet ut debitam suo Preposito subjectionem profiteantur, quia *pervigilat quasi rationem pro animabus eorum redditurus* (r), idèdque ad ipsum pertinet, non modò ut *gregis sui vultum agnoscat* (s), verùm etiam ut animarum penetralia introspiciat, quò certius convenientia cuique salutis monita, aut virtutis incitamenta prudenter subministret: deindè verò ne sint in propria causa iudicēs, & semetipsos gravi errore decipiant in distinctione peccati lethalis à veniali, quæ ipsimet Ecclesiæ lumini Augustino *difficillima & periculosis-*

sima videbatur (t); neve ex iis sint qui *justificent seipsum* (u), cum tamen à Deo condemnentur: postremò ut suum Ecclesiæ matri testentur obsequium, eoque humilitatis actu magis confortes illius imagini efficiantur, quem in Sacramento velut exinanitum susceperunt.

Cæterùm, qui paucis ante annuam Confessionem diebus alieno Sacerdoti peccata confitentur, ne illa proprio Pastori detegant, ii plerumque graviter peccant, hypocrisis videlicet aut superbiæ motu incitati.

JAM verò Pastoribus quantâ maximâ poterunt sollicitudine cutandum est ut piè religiosèque impleatur sanctum illud atque salutiferum annuæ Confessionis præceptum. Multâ igitur lenitate, atque indutâ CHRISTI JESU in peccatores benignissimâ charitate, quoscumque ad Pœnitentiam accedentes excipiant. Neminem ad suum Tribunal venientem repellant: si quis verò alium Sacerdotem approbatum adire velit, non prohibeant. Scilicet Confessionem quæ Communioni Paschali præmittenda est, idèd sanxit Ecclesia proprium apud Sacerdotem emitti oportere, ut Fideles huic debitum exhiberent obsequii testimonium, utque ipsorum diligentia in exequendo Paschali officio facilius eisdem perspecta esset; non autem ut Confessionis libertati quidquam detraderetur. Caveant igitur Parochi ne ex eo quod sapienter fuit insti-

(q) S. Thom. in 4. sent. dist. 17. q. 3. a. 1. S. Bonav. in 4. sent. dist. 17. q. 3. a. 2. in corp.

(r) Hebr. 13. 17.

(s) Prov. 27. 21.

(t) S. Aug. de civ. Dei, c. ult. n. 5.

(u) Luc. 10. 29.

ratum, iundè aggravandi præcepti sumatur occasio: si nempe licentiam apud alienum Sacerdotem confitendi cuiquam Parochianorum agrè invitoque animo concederent (x). Quod quidem dicimus de locis minus populosis, in quibus singulatum Fidei cuivis petenti per schedulam darur ejusmodi licentia; non autem de Regia Urbe, & sicubi prætetèa incolarum frequentia tanta sit, ut generaliter è facto Suggestu concedendum sit illud de quo agitur, extra Parochiam consistendi permissum.

Abstinet verò ut quisquam Parochius, injustis aut furilibus de causis, ullum Parochianum confitentem audire abueget, nec apud alium Sacerdotem confiteri permittat. Nihil utique Pastoris magis indecorum, nihil ab ea quam sustinet personam magis alienum esset, quam si vel suas, vel propinquorum aut amicorum partes eo studio animique æstu amplecteretur, ut proptetèa quemquam ab exequendo Paschali officio verbis acerbis vel austerà facie retraheret. Quinimò in Pœnitentiæ administratione tanta sit Pastoris cuiusque integritas, ut ipse, non modò nullam huic sancto muneri admisceat privati commodi cutam, sed labis istius vel minimam suspicionem longissimè arceat. Corpore & animam constantes, temporalia quidem propter spiritalia curare ac tueri debemus: quorum autem *conversatio spesque in calis est* (y), eos lucris terrenis, cum sacri ministerii dedecore, cupidius intentos esse non oportet. Si quis igitur

Parochianus, sive Decimarum similiumve redditum occasione, sive aliter, Pastoris laud dubiè debitor sit, nec ei satisfacere in animum inducat, proptetèaque illum ipse, tutà conscientia, absolvere non possit; videndum erit ne ministerii sui decus malignæ obtreccioni impetendum objiciat: quam certè non effugeret; hujusmodi Pœnitentem ad suum Tribunal admittens, nec eum absolvens. Non enim iusti Judicis, sed hominis propter vilis emolumenti consecrationem irati speciem gereret. Itaque, si de re aliqua temporali, quæ ad tuenda Beneficii jura pertineat, Pastori eum aliquo è suis Parochianis publica intercedat præsertimque juridica disceptatio, neque hæc amicè & Christianà charitate componi eatenus poterit, undè hominem à justitia devium absolvi prohibeant sacræ Regulæ; suadet quidem prudentia ut eum non ipse audiat confitentem, ne Index in propria causa sedere, & spirituale Tribunal in forum seculare versum esse videatur; sed præcipit æquitas ut ipsum, datà schedulâ, permittat sese ad alium Sacerdotem conferre; qui, nullo propriæ utilitatis respectu, nullâ insuper collusionis aut favoris suspicione, perpensâ litigantis intentione, mente, proposito, excusâ quam sortè sibi exterius ille affingit, bonâ fide, quod justum fuerit, in foro conscientie coram Deo in Christo judicet. Eodem modo se getet Parochus, si quis (quod ablit) acerbè atque injustè in ipsum egerit, aut contu-

(x) Conc. Burdig. an. 1624. (y) Col. 1. 5. & Phil. 3. 10.

meliosè de ipso fuerit locutus, undè ad satisfactionem pro læso honore, vel pro damno illato, erga Pastorem teneatur.

Ne autem Pastor ullus, Paschalis præcepti occasione, Fideles auctoritati suæ subjectos ad quem libuerit finem inflectere contendat. Ne quemquam suis commodis, præjudicatis opinionibus, inceptis patrocinati, sibi que adversus alios Parochianos in omnibus morem gerere persuadeat. Sic enim profectò sacrilegè non minùs quàm tyrannicè sancto ministerio abuteretur, propriæque salutis immemor, terrena cœlestibus ac divinis humana præferre meritò judicaretur. Pacis Minister, animorum ætus, lites & inimicitias in sacro Tribunali non foveat. Cupiditatum humanarum curator, Fidelium mentibus suas aut alienas non afflet cupiditates.

VIDEANT etiam Pastores ne zelo imprudenti officiant animarum utilitatibus: si nempe aliquem, ut sibi consiteatur, ambitiosius inducant. Multiplici enim atque infelici constat experienciâ, eos qui sibi tanquam eximium quiddam gratulantur quod omnes usque ad unum Parochianos suos apud se confitentes collegerint, sacrilegiis committendis locum præbere. Sæpiùs videlicet ora Pœnitentium præcludit metus vel pudor, ne apud Parochum liberè, sincerè atque integrè consiteantur. Quod quidem junioribus præsertim & sæminis contingit, iisque multò magis qui Parocho obnoxii, eive ceteris notiores sunt, maximè verò si sint ejus familiares.

Tomus II.

Cùm autem venerabiles nostræ Diœcesis Parochos hortamur, ne apud alienos Sacerdotes confitendi licentiam difficiliùs concedant, iniquam solummodò repulsam excludimus; quæ quidem si ad Nos deferretur, non possemus quin, pro jure nostro, permillum injustè denegatum impertiremur apud Nos querenti. Id verò non intendimus sic esse accipiendum, ut ne Pastoralis prudentia delectum aliquem habere possit & debeat. Quidam enim hujusmodi licentiam eo animo flagitant, ut ipsâ in sui detrimentum spirituale abutantur. Si ergo suspicandi locus emerferit, aliquem idèò apud suum Pastorem consiteri nolle, ut faciliùs absolvat ab alieno Sacerdote, cui sit omninò vel ferè ignotus; impediatur, modò possit, animarum zelator Parochus, ne falsus Pœnitens sibi malè ascitum conscientie moderatorem, vel potiùs seipsum decipiat, immeritanque suffratur Absolutionem. Neque enim suæ causa Pastoris severitatem reformidat; cùm scilicet ab instituto quod sine peccato gerere non possit, recedere abnuat, vel inimicitias deponere, offensio satisfacere, vel offensus ignoscere, bona malè parva, seu quæcumque aliena injustè retenta restituere, scandalum illatum resarcire, pravam destruere consuetudinem, proximam derelinquere peccati occasionem. Si Parocho notus sit hominis Confessarius, rei statum, prout se habet (dummodò eum Confessionis viâ non cognoverit), huic prudenter & sub secreto naturali aperiat. Verumtamen Pastoribus dili-

M m

generiter cavendum est ne in schedulam quâ Fideli cuivis alieni Sacerdotis adeundi licentiam concedunt, verbum ullum inferant quod Pœnitentis famæ nocere possit. Quod si requirat necessitas ut de certis quibusdam rerum adjunctis, non quidem in Sacramenti arcano depositis, præmonendus sit electus Confessarius; illud cautè & secretò, non litteris, sed, quantum feret opportunitas, præsentii sermone peragatur; ita ut in mente Pœnitentis nulla exortiti valeat suspicio legitima, undè ipsi aut Confessionis odium exardeat, aut Confessarii terror incutiarur, sicque is ab emitenda Confessione integra refugiat. Caveant pariter alieni Confessarii, ne se ab ullo præmonitis, etiam obliquè, revelent: notitiâ deuique eo modo comparatâ secundum absolutissimæ prudentiæ leges ntantur.

Satius quidem plerumque esset ut non cujuslibet indistinctè, sed Parochi noti & probati Sacerdotis adeundi licentia concederetur. Saltem eos qui indistinctam huiusmodi licentiam petunt, gravissimis verbis, prout exigit rei momentum ingens, cohortetur Parochus ut quàm optimum sibi eligant conscientiæ moderatorem, *nec se*, juxta Sapientis consilium, *omni homini pro peccato subdiciant* (†). Iis insuper unum vel plures designet, quorum ipse & peritiam & zelum noverit. Non tamen vehementius urgeat, neque insistat certi alicujus Confessarii nimius laudator; ne fortè suspicaces ab illo

conveniando deterreat potius, quàm libentes ei conciliet Pœnitentes.

Qui de proprii Sacerdotis sive speciali, sive generali licentia, extra Parochiam Concessi sunt, ii quemadmodum cæteri, ad Communionem Paschalem in propria Parochiali Ecclesia suscipiendam nihilominus tenentur; nisi proprius Sacerdos aliter fieri expressè per schedulam concesserit.

Peregrini & advenæ, vel qui certum domicilium non habent, ii etiam qui propter negotiorum necessitatem, aliamve causam legitimam, per dies Paschales donâ fido in aliena Parochia commorantur, si ad Parochum accesserint, benignè ab eo suscipiantur sua peccata confessuri; vel ab ipso alieni Sacerdotis conveniendi licentiam obtineant. Postea verò in suam Parochiam reduces, adimpleti Paschalis officii testimonium proprio Pastori, ut decet, exhibeant, si, prout jam expressius dictum est (a), ad sacram Synaxim admitti prudenter poterint.

PORRO, qui non solent nisi propter Communionem Paschalem confiteri, his, datâ illâ occasione, vehementiorem æternæ salutis curam suggerant Confessarii. Commoneantur iidem præterea, nihil desipientius esse, quàm si delicta delictis per totum annum cumulantes, motis incertæ periculum, Deo non placato, incurrant: Ecclesiæ de annua

(†) Ecclesi. 4. 31. (a) De Sacram. Euch. Div. IV, cap. 2.

Confessione præceptum diligenter quidem observandum esse, nec sine piaculo posse violari; non tamen nisi *ad duritiam cordis* restrictam sic fuisse Confessionis legem: Ecclesiam utique de filiis suis *meliora & viciniore salutis confidere* (b), frequentiore scilicet dignamque Sacramentorum perceptionem. Ne autem Fideles à Confessionis Tribunali sæpiùs adeundo quidquam arceat, sed ut potiùs ad illud frequentandum alliciantur, cunctos, etiam rudiores, benignè suscipiant & patienter audiant Pœnitentiæ Ministri. Tum verò segnis animis de Sacramentorum incuria scrupulum eà dexteritate injiciant, ut ad crebriorem Confessionem inducantur; quam non modò ipsis commendare, sed & pro sua prudentia, per modum Pœnitentiæ injungere poterunt.

Si quis autem exequendi Paschalis officii moras sibi prorogari postuler, Parochus nihil hujusmodi, nisi priùs audita Confessione, concedat. Urget enim Ecclesiæ præceptum, nullamque admittit cunctationem, præterquam cognitis ac sedulò discussis Pœnitentium dispositionibus.

Erga eos qui annuæ Confessionis præceptum adimplere neglexerint, quomodò agendum sit, jam suprà, ubi de *Communione Paschali*, conjunctim exposuimus (c).

Qui Confessionis annuæ præcepto, sive ob causam legitimam, sive ex negligentia, non satisfecerunt, ei quamprimum satisfacere oportet.

Ægri, etiam paucis antè diebus confessi, rursùs, si per ægrorationem liceat, confiteantur, ut Paschalis Communions participes fiant.

(b) Hebr. 6. 9. (c) De Sacram. Euch. Div. IV, cap. 2.

CAPUT II.

DE frequenti Confessione.

QUÆDAM prænotanda. Quibusnam suadenda frequens Confessio: varii status distinguendi. De frequenti venialium Confessione.

QUANDOQUIDEM non una est pietatis mensura, non unus perfectionis gradus, prætereaque varii sunt animarum status, varia Pœnitentium ingenia, variaeque hominum conditiones; quàm sæpè ad Confessionem accedere quisque de-

beat, non potest nisi generatim constitui. Quid postuler cujusque Pœnitentis utilitas, summà prudentiâ Confessario explorandum definiendumque est. Sunt qui gratiam pietatemque Christianam diutius illam in seipsis tuerentur; qui nempe

hominum congressu sæpiùs abstinere, *seque ab hoc seculo immaculatos custodiunt* (a). Alii non tam constantes in Dei amicitia permanent; ideòque sæpiùs quàm ceteri ad Confessionis remedium confugere tenentur. Cum verò eadem omnibus regula præscribi nequeat, meritò quidem in universum constituitur, frequentem Confessionis usum omnibus esse utilem, imò pleisquæ necessarium, ut in statu gratiæ perseverent. Atque idcirco, prout jam superius observatum fuit (b), Pastorum munus est Parochianos sæpiùs adhortari ut ad sacrum Tribunal, non modò vicinis Paschæ temporibus, verùm etiam ad præcipuas anni Festivitates dignè celebrandas pio religiosoque animo accedant. Quod quidem, ineunte Adventu, instantibusque majoribus Solemnitatibus, diligenter è sacro Suggestu præmoneantur (c).

ITAQUE alii sæpiùs confiteri debent, aliis minùs necessaria est frequens Confessio. Quod quidem dijudicandum etsi penès Confessarii sapientiam esse non ignoramus, hic tamen aliquot regulas proponere juvat, quæ ad animarum salutem opportunè adhibeantur.

lis magnopetè suadenda est frequens Confessio, quibus ad devitandum lethalis peccati statum necessaria est: quales sunt ii quos multà vi aggredditur peccandi libido, sive propter æstum animi vehementem, sive propter consuetudinem tenacem,

vel occasionem proximam quam deferere non possunt: iis etiam qui, cum sint in gratia constituti, mox tamen, probabili conjecturà, in lethale peccatum relapsuri sunt, nisi è Confessione vires hauriant sibi necessarias, ut ingruentibus tentationibus inconcussi permaneant. Tales sunt qui in occasionibus periculosis nullà suà culpà versantur; qui, cum non ita pridem è limo pravæ consuetudinis emerferint, adhuc infirmæ & caducæ virtutis sunt; qui naturà leves & occasionibus obsequiosi; qui, quotiès continentur, totiès in aliqua culpa lethali esse inveniuntur. Hi omnes, pro ratione periculi, frequentius aut rariùs sacrum Tribunal adeant; ut è Sacramenti gratià, aut saltem ex humili Confessione & sapientibus Confessarii monitis, opportunam sibi medelam consequantur.

Et frequenter ad Pœnitentiæ Sacramentum accedant, qui ad Christianam perfectionem enixè contendunt; neque enim possunt alio magis efficaci auxilio mundari, renovari, muniri & accendi. Sic tamen ordinentur eorum Confessiones, ut à conditionis suæ officiis nullomodò retrahantur. Non omnes Religionis virtutisque sectatores ad similem Confessionis frequentationem impellendi sunt. Qui priùs annum Confessionem sibi satis habebant, illi ad hoc sensim excitandi sunt, ut quinquies saltem vel sexies per annum, id est, in præcipuis Festivitatibus confiteantur. Quibus per negotia sæpiùs

(a) Jac. 1. 27.

(b) De Sacram. Euch. Div. IV, c. 2.

(c) Conc. Senon. cui aderat D. Guill.

Chartier, Paris. Episc. an. 1460, art. 4, cap. 1.

confiteri licet, ad sacrum Tribunal veniant, alii singulis mensibus, alii quinto-decimo quoque die, prout se habet cujusque indoles; ita ut singuli à Sacramentorum frequentatione proficiant.

Quod ad pietatis cultores atque in solida virtute fundatos, attinet, perspecta eorum indole, constituendum est quam sæpè confiteantur. Qui sunt naturâ placidi, temperati & æquanimi, neque scrupulis, neque aliis anxietatibus laborantes, eos quidem intrâ dies octo semel confitentes audiri sufficit, quamvis semel aut iterum per hebdomadam communicent. Ipsi autem rectè suadebitur ut ad Mensam Domini more suo accedant, si quandò conscientie moderatorem post octo dies adire sine incommodo non possint, neque in graves culpas inciderint. Qui infirmo & inquieto sunt animo, cum illis in omni patientia & longanimitate agendum est (d); iis enim virtus in infirmitate perficitur (e). Connetur officiosa Sacerdotis charitas ejusmodi Pœnitentibus, medias inter difficultates ad *bravium superna vocationis persequentibus* (f), & quasi per abrupta ægrè reptantibus, planum iter facere. Illi ad sacrum Pœnitentiæ Tribunal, tanquam ad solatii & consilii fontem, bis per hebdomadam admittendi sunt, si frequentiore quàm octavi cujusque diei Communione digni judicentur. Ad unicam tamen cujusque hebdomadæ Confessionem paulatim inducantur: quibus enim conceditur frequens Communio, ipsi, extra insolita quædam rerum adjuncta, sic

vitam instituere debent, ut sæpius quàm semel per hebdomadam confiteri non egeant.

Nec verò omnibus promiscuè suadenda est frequens peccatorum Confessio. Posset enim periculosa esse, 1°. iis qui in scrupulum vergunt, quique, nisi conscientie moderatoti ad sacram Synaxim accedere jubenti obtemperare assuescant, nullâ animi pace, qui tamen suavissimus est pietatis fructus, unquam fruentur: 2°. Quibusdam feminis, atque etiam Sanctimonialibus, quæ in Confessione mihus conscientie munditiam quærunt, quàm naturale quoddam solatium, tædii ac forsitan otii allevamentum, colloquiive saltem inutilis occasionem: 3°. Illis qui, cum in pietate parum proficiant, vix aliud ex frequenti Confessione quàm immetitum pietatis nomen ambiunt.

PRIMIS Ecclesiæ seculis, usque adeò pntis & de solida perfectione sollicitis, non videtur Confessio delictorum venialium in usu tam frequenti fuisse. Sanctus quidem Carolus Borromæus quotidie confitebatur: & multi pariter, hisce novissimis temporibus, ter vel quater singulis hebdomadis confiteri solebant. Cum acerrimo Pœnitentiæ sensu imbuti essent, iis haud dubiè sancta illa consuetudo proficiebat. Aliis vetò multis frequentiotem Confessionem plus nocere quàm prodesse, experientiâ compertum est. Scilicet Absolutioni plus æquo fidentes, nec de Contritione, nec de emendatione satis cogitant. In hoc sibi ve-

(d) Col. 1. 11. (e) 2. Cor. 12. 9. (f) Phil. 3. 14.

hementem indulget suipsius amor, culpæ conscientiam non ferens; cum tamen multo præstantius foret, si humilitas per aliquot dies ingemiscens, admissa delicta contritiis virtutum operibus emendaret. In errore versatur, si quis in Confessione quæ statim oblivioni traditur, totam reponat perfectionem. Plerique tam frequenter confitentes, non magis sibi ipsis mortui, minusve imperfecti post multos annos inveniuntur. Qui igitur, suadente pio prudentique Confessario, singulis diebus Dominicis communicant, ii semel octavo quoque die sacrum Pœnitentiæ Tribunal adeant. Quod quidem & iis pariter, ut plurimum, sufficiat, qui Mensæ Domini pluries per hebdomadam participare esse digni iudicantur; satisque habeant, reliquis diebus, leves imperfectionis humanæ culpas dolere, misericordieque vel pœnitentiæ actu aliquo expiare, priusquam ad Corporis Christi Communionem accedant; nisi forte expediat magis ut ab ipsa humiliter abstineant, donec constitutus recurrat Confessionis dies: quod videlicet tunc præsertim satius erit, cum aliquid, etsi veniale, tamen solito gravius peccaverint. Admodum verisimile est fructum inde colligi posse uberioriorem. Sic enim profectò solidior existeret pietas; quam qui profitentur, Deo magis quam hominibus debent adherere.

Et certè, cum sola recensentur venialia, frequentissime confiteri ordinatè non expedit. Illà enim Confessionum assiduitate Sacerdotibus

de solido die pars magna demitur; quæ quidem in sacra lectione, in Catechesium & Concionum præparatione, in infirmorum visitatione, in aliis denique sacri ministerii operibus longè utiliùs consumeretur. Forsitan præterea metuendum est, ne frequentior cum mulieribus communicatio, vincula innectens animis, contamine omnia, & inferat plagam magnam castitati (g); aut certè, ne, per linguam mendacii (h), Sacerdotali famæ labes inuratur. Hinc saltem exoritur cum utriusque sexus Pœnitentibus nimia familiaritas, & Sacramenti reverentiæ & Patris spiritualis gravitati non parùm detrahens. Sensus denique accidit ut ad frequentem venialium Confessionem, nisi ex consuetudine, non ferantur eiusmodi Pœnitentes; qui, cum hanc sibi legem imposuerunt, magis de inveniendâ, quæ Confessionem expleat, materiâ, quàm de culparum dolore & fuga solliciti sunt: indeque Confessio in quamdam exercitationem veluti humanam, vel potiùs Judaicam, ut potè spiritu destitutam, facili vertitur.

Quod malum ne unquam eveniat in Congregationibus Deo sacris, quarum Regulis frequentes præcipiuntur Confessiones, pio Instituto sic obediant animæ Religiosæ, ut hinc vigilantiores semper fiant, nec sine interioris spiritus renovatione ullo die confiteantur. Quia tamen, pro humana fragilitate, fieri posset ut aliquoties perfuntoriè lex illa observaretur, hanc animi habitudinem

(g) 1. Mach. 14. 36. (h) Prov. 12. 19.

Confessario manifestare non omitant; qui hujusce indolis Pœnitentibus solam impertiat. Benedictionem, reservatâ iis peccatis Absolutione sacramentali, à quibus abstinere desiderio vehementiore constituerint. At nihilominus Domini Corporis Communionem iis indulgere poterit, dummodò tamen quod ipsi peccaverint, emendaturos se polliceantur. Scilicet, qui nullâ Contritione affectus sola consistit venialia, horum remissionem in Pœnitentiæ Sacramento non consequitur. Cùm enim ad Pœnitentiæ essentiam pertineat Contritio, nullum quantumcumque peccatum sine Contritione, saltem virtuali & implicita, Sacramenti virtute condonatur (i).

Quod ad eos pertinet qui venialia confitentes, non sibi aninio fixum immotumque constituunt ne ullum hujusmodi postea committant; ii remissionem venialium de quibus vitandis firmum propositum ineunt, Sacramenti virtute consequuntur. Contritio quæ ob, lethalia peccata concipitur, firmam procul dubio & inconcussam includere necessariò debet voluntatem ab omni deinceps ejusmodi peccato abstinendi; id siquidem nobis, juvante gratiâ, possibile est: imò verò, si deficeret illud propositum, non suscipietur gratia justificans, cujus infusioni obicem ponit lethalius affectus; undè nec seorsim remitti possunt. Dispar est venialium ratio.

Sufficit nempe, ut qui ea confitentur, eadem commissa doleant, & in posterum pro viribus devitare constituent; nec ullâ lege obstringuntur ad constituendum præterea ne ullum unquam veniale peccatum admittant: peccatis enim venialibus per totam vitam omninò cedere, humanæ infirmitati impossibile est (k). Quin etiam, si quis de uno veniali contritus, alteri tamen adhæreat; illius remissionem obtinet, hoc non dimisso: venialia quippè seorsim condonari possunt.

Videant tamen omnes qui pie volunt vivere in CHRISTO JESU (l), videantque omninò diligenter, ne sua sponte & voluntate in actu aliquo perseverent, quem Domino displicere aliquâ ratione noverint; Deus enim cui serviunt, Deus est emulatur (m).

Atque id sedulò cavendum est, ne cum præfatis dispositionibus imperfectis, sine serio dolore veroque emendationis proposito, & velut ex consuetudine, ad sacrum Tribunal accedatur. Quædam potiùs delicta quæ ex declaratis venialibus graviora & vitata magis necessaria videbuntur, seligenda sunt, de quibus præcipuè doleatur, & quibus emendandis aut certè minuendis præcipua cura impendatur. At verò, cùm leviora illa & quotidiana peccata quæ Dei amicitiam & charitatem non extinguunt, tam vehementem non exigant dolorem quàm noxæ illæ graviores quæ uno velut ictu animam interimunt; cùmque charita-

(i) S. Thom. 3. p. 2. q. 87. a. 1. in corp.

(k) Idem, in 4. dist. 16. q. 2. a. 2. q. 2. ad 2.

(l) 2. Tim. 3. 12.

(m) Deut. 4. 24.

tis habitus, qui in iustis omnibus inest, ad Contritionis affectum suapte naturâ inclinet; non faciliè scrupulus & anxia religio viris timoratis movenda est, quasi qui, deficiente debito dolore, Sacramentum Pœnitentiæ sacrilegâ forsitân susceptione profanum faciant. Sacramenti profanatio sacrilegium quidem est; istius autem profanationis reatum minime incurrit, si quis per levem negligentiam aliquod Sacramentum sui fructus expers aut etiam irritum

faciat (n). Qui ergo sine dolore sufficienti, quo tamen se affectos bonâ fide existimant, venialia confitentur, illi ad Pœnitentiæ Sacramentum inaniter quidem accedere, non tamen sacrilegii *formalis* noxam incurrere lethaliusque peccate pronuntiandi sunt; neque ad iterandam Confessionem tenentur. De his nempe dici potest: *Evadunt offensam, quamvis non acquirant gloriam* (o).

(n) S. Bonav. in 4. dist. 9. a. 2. q. 3. in corp.

(o) Idem, dist. 17. p. 2. a. 1. q. 4. ad 4.

CAPUT III.

DE Confessione Infirmorum.

NE quis Fidelium non reconciliatus moriatur, quid animarum & corporum medicis sit injunctum. Morbi periculum quàm malè Infirmo tegatur. Modus visitandi Infirmos, eisque spiritalia remedia offerendi. De illis qui ad extrema vita Confessionem procrastinant. Confiteri detrectantes, quomodò ad confitendum impellendi. Ager in periculo dilationem non ferente constitutus: ager qui non potest integrè confiteri, &c. ager loquela & sensuum usu destitutus. Quadam observanda.

TANTO salutis humanæ studio semper flagravît pia Mater Ecclesia, ut impensissimâ cautione providendum per omnem rettò antiquitatem censuerit, ne Fideles, nisi priùs reconciliati, ad tremendum illum devenirent mortalis ævi limitem, quo cuique homini deficit tempus atque

incipit æternitas. Hinc Pastoribus, cæterisque animarum curam quovis nomine ac titulo gerentibus, majorem in modum antea præcepit, atque etiamnum præcipit, ut "Infirmos" tur, ac de salute animæ moneant " (a) ", ipsosque quantâ maximâ

(a) Conc. Narb. an 1609. cap. 31. de Parochis.

diligentiâ

diligentiâ inducant ad consulendum suæ conscientie rationibus, non in supremo desperatæ sanationis discrimine, sed maturè, & antequàm mens ac memoria deficere incipiant; quo scilicet observato, possint idem, si malum ægrescat, Sacramenta minore animi perturbatione & majore fructu percipere. Quod quidem semel atque iterùm sanxit unus inter piissimos hujus Ecclesiæ Antistites (b).

Hinc etiam in Concilio Lateranensi IV œcumenico (c), his verbis edixit Ecclesiæ: » Cùm infirmitas corporalis nonnunquam ex peccato proveniat, dicente Domino languido quem sanaverat: *Vade, & noli amplius peccare, ne deterius aliquid tibi contingat*; » Decreto præsentis statuimus & districtè præcipimus Medicis corporum, ut, cùm eos ad Infirmitas vocari contingerit, ipsos ante omnia moneant & inducant ad corporalis medicinæ remedium salubrius procedatur. Si quis autem Medicorum hujus nostræ Constitutionis, postquàm per Prælatos locorum fuerit publicata, transgressor extiterit, tamdiù ab ingressu Ecclesiæ arceatur, donec pro transgressione hujusmodi satisfecerit competenter. » Atque hoc

Decretum Apostolicâ auctoritate renovârunt & confirmârunt summi Pontifices S. Pius V (d) & Gregorius XIII (e), suumque pariter fecerunt pleræque Galliarum Ecclesiæ, tum Conciliorum, tum Ritualium sanctionibus, imprimisque decimo-quinto seculo ratum habuit Concilium Parisiense (f); posteaque duo ex Decessoribus nostris egregii Pontifices (g).

Quin etiam, ne in tanti momenti negotio deesset politicæ auctoritatis interventus, Regiâ Ludovicî, tam Religione quàm rebus gestis Magni Declaratione (h), interpositis gravibus pœnis, injunctum est, ut Medici, Chirurgi, cæterique medendi artem quovis nomine ac titulo exercentes, postquàm ægros semel atque iterùm vistsent, eos de confitendis peccatis admonere, Pastoremque, seu Vicarium, de Infirmi statu certiores facere non omitterent; nèque ipsi certio inviserent lecto decumbentem, quin prius acersitum fuisse Confessarium scripto sibi constaret.

Nos autem, quæcumque salubriter ab Antecessoribus nostris hac in parte sancita sunt, quatenus ad animarum corporumque Medicos, pro diverso utrorumque officio, pertinet, quantum opus esse potest, renovatius & confirmamus.

(b) Ordonn. de M. le Card. de Noailles, pour recommander la soïn de préparer de bonne heure les Malades à la mort: du 9 Mars 1707: renouvelée par Mandement du 16 Fevr. 1712. Synodie. Paris. pag. 388, & 417.

(c) An. 1215. can. 22.

(d) Bulla Super greg. 8. Mart. 1566.

(e) Bulla Aliàs piè. 30. Mart. 1581.

(f) An. 1429. can. 29. Aderat D. Jacobus du Chastellier, Paris. Episc.

(g) Stat. Syn. D. Stephani Ponches, Paris. Episc. ante an. 1519. Ordonn. de M. le Card. de Noailles, ci-dessus. Synodie. Paris.

(h) 8 Mars 1712.

JAM verd, quoniam Infirmorum hætenus impoenitentium infirma plerumque, instante supremo transitu, & maxime dubia est Pœnitentia, curæ suæ commissos Fideles frequenter admoneant Parochi, ut eam sequantur vivendi rationem quæ sibi ad mortem continua quædam sit præparatio: vitam in virtutis exercitatione traductam pio sanctoque sine coronari; in Dei offensâ exactam, morte peccatorum *peffimâ* sæpius terminari (i). Quinimò doceatur unusquisque, teneri se ad propinquos & amicos de morbi periculo admoventos; ut Sacramenta tempestivè & cum fructu, non autem quasi animam exhalantes frustra suscipiant. In eo siquidem rerum articulo, animus æger in affectu corpore, mortis terrore contritatus, nec tantum proprio dolore, sed & circumfusæ familiaris gemitibus atque amicorum lacrymis obrutus, non potest, ut plurimum, nec peccata recogitare, nec de illis sincerè acque efficaciter dolere. Et quamvis non sint omnino desperabiles qui Sacramentorum susceptionem ad extrema vires procrastinant, quia nempe infinita est Dei misericordia; eorum tamen salus, experienciâ teste, in tremendo periculo versatur & Pastoresque, dum ejusmodi moribundum absolvunt, spem inter & metum fluctuant, illud sancti Augustini morientibus animis cogitant: *Pœnitentiam damus, securitatem non damus*. Qui ergo, ne Infirmorum mentibus terror injiciatur, eos, nisi in extremis,

non admoneat ut & conscientiæ & domui suæ disponant (k), ii certè falsâ & iniquâ, vel potius crudeli miseratione commoti, nec verè amicos, nec etiam Christianos se ostendant.

Parochi, datâ occasione, illam reprehendant agendi rationem, heu! tanto animarum dispendio frequentior. Suos etiam Parochianos gravissimis verbis obhortentur, ut, quotiès aliquem domini ægotantem habuerint, maximeque si gravis & periculosus morbus videatur, se statim, quasi opportunos in afflictione consolatores admoneant, vel admoneri provideant. Ipsi autem, vel sæpius ingeminato hujusmodi hortamento, nequaquam expectent, ægros invivendi, donec à Medicis aut familiaribus plerumque negligentibus accersantur. Quin etiam, ubi audierit Pastor aut Vicarius, aliquem à Parochiæ Fidelibus ex morbo decumbere, eum, nullâ interpositâ morâ, in charitate Domini nostri JESU CHRISTI conveniat; paternoque affectu accedens, vultuque ad lenitatem & miserationem composito, fiduciam ejus captans, primum sciscietur undè morbus eruperit? quanam sit ejus natura? quanam hætenus adhibita remedia? obiterque (si fortè hujusmodi cautionem aliquandò suggerat prudentia) moneatur ægrotus ut ab iis caveat circumforaneis medicis, qui ad sanandum corpus, aliquid suaderent superstitiosum, aut aliàs divinâ lege prohibitum, assidueque idcirco exitiosum (l). Eam in medium afferant

(i) Pf. 31. (k) If. 18. 1.

(l) Stat. Syn. D. Stephani Poncher,

Parif. Episc. ante an. 1519. Synodic. Eccl. Parif.

Sapientis commonitionem : *In tua infirmitate ora Dominum , & ipse curabit te (m)* ; unde scilicet in eo qui percutit & sanat , vulnerat & medetur (n) , spem collocent præcipuam. Ipse vero Sacerdos non facile adducatur ut remedium ullum administret vel suadeat. Solis ex officio addictus curandis animæ morbis , sanandum corpus Medici disciplinæ relinquat (o) : studeatque tantummodò , præsertimque erga pauperes , ut peritus quamprimum advocetur Medicus , sive ex professo , sive charitatis impulsu hanc artem exerceat ; nisi fortè obvia quædam remedia , & quæ plurimum valere jam antè sit expertus , cautè suggerat , vel noxia per insciam aut levitatem adhiberi prohibeat. Efficere demùm eloquii suavitate conetur , ut ægrotantes sese ad Dei iudicium præparent , quasi morituri , dum tamen remediis naturalibus utuntur quasi sanandi. Decet enim hominem Christianum semper ad omnem eventum , juxta Dei voluntatem paratum esse (p) ; sed imprimis cùm de morte vel certò vel probabiliter instante morbus admonet.

Post primum humanitatis colloquium , opportunè datæque occasione innuat Sacerdos Infirmo confugiendum toto animo esse ad opem divinam , optandaque homini remedia spiritualia quæ à CHRISTO Jesu Ecclesiæ tradita sunt ; quo qui-

dem infirmitatibus nostris suavillimum in modum compariante , per divinæ charitatis instrumenta sublevetur animus , peccata deleantur , ac denique , præ gaudio spiritûs sancti Deo reconciliati , ipsa etiam caro iustificè recreata in *Deum vivum exaltet (q)*. Hæc Infirmò suggerens , benignæ charitatis adhibeat unctionem , tanquam super omnia profuturam ; & , si patiatur Infirmi status , piam consolatoriamque allocutionem confirmet Scripturæ sacræ aut Patrum sententiis atque Sanctorum exemplis. His præmissis , inducendus ille erit , ut ab initio morbi confiteatur , neque Confessionis » sibi tempus in fine vitæ suæ con- » stituat , quam periculose ignoran- » tia humana concludit , ut ad pau- » carum horarum spatium se refer- » vet incertum ; nec , cùm possit » plenius satisfactione indulgen- » tiam promereri , illius temporis » angustias eligat , quo vix inveniat » spatium , vel Confessio Pœnitent- » ris , vel reconciliatio Sacerdotis » (r). »

Non defunt , qui , salutaria hæc monita parviducantes , moras conficendi usque ad extrema vitæ pro-rogant : quia nempe alii mortem metuunt , cuius velut infaustum quemdam nuntium cohortent Sacerdotes ; alii desperant , qui scilicet , cùm hucusque *judicia Dei abstulerint à facie sua (s)* , nunc tandem , serò licet , quam horrendum

(m) *Ecclesi.* 38. 9.

(n) *Job* , 5. 18.

(o) *Ecclesi.* 38. 3.

(p) *S. Basil. Hom.* 21. §. 2.

(q) *Pf.* 83.

(r) *S. Leo , Ep.* 91. (*al.* 83.) *ad Theodor.* c. 5.

(s) *Pf.* 9.

sit incidere in manus Dei viventis (c), intelligunt; alii onerata atque intricata conscientia laborant; alii, adhuc vigentibus in afflictato corpore vitiosis affectibus, nondumque detelictis, quinimò etiamndum dilectis occasionibus, idè tantum à peccando cessant, quia peccandi vires deficiunt; alii ex inertia, vel stupore, dum inentem occupat seculi fallacia, à salutis æternæ cogitatione retrahuntur.

Ubi Parochus causam detrectandæ Confessionis introspexerit, eam summâ prudentiâ & sermonis lenitate auferre studeat. Quodd si verò aliquid difficultatis vincendum animo præsumat, non statim de Confessione apertè loquatur; sed, quasi actis cuniculis, ad animam *aversaricem* occultè progrediatur (u); eamque tantâ solertiâ tractet, ut non velut alieno impulsu, sed proprio quasi motu cum gratiarum actione ad Dominum revertatur. Quærat Sacerdos ab ægro, an infirmitatem suam, quæ Dei miserentis potius quàm lævantis visitatio est, sibi ad vitam æternam proficere velit? an sibi cupiat certiorum corporalis ipsius curationis spem affulgere? hæc ut obtineat, non peccatorum, sed Sanctorum more patiat; *deponat omne pondus & circumflans se peccatum* (x), quo prægravatus miserum in modum arretitur; conscientiæ remordenti satisfaciât, statimque ex animi tranquillitate magnum corpori levamen accessurum. Subjungat autem, se libentissimè præsto ei futu-

rum esse salutis ministrum, ut plenâ atque integrâ Confessione cum Deo & secum ipse reconcilietur.

Quodd si opponat Infirmus non sibi spem recuperandæ sanitatis esse ablatam, seque, ubi convalescit, de Confessione cogitaturum; Infirmo frequentandis Sacramentis assueto respondeat Sacerdos, illud ab ipso expectari pietatis exemplum, ut, nullâ interpositâ morâ, confiteatur; nec fortassè multum reluctan-tem experietur: Infirmum autem jamdiù à Sacramentis alienum difficile expugnabit. Primò horrimenta ægrè admodum excipere solet *dura corde, qui longè est à justitia* (y); animoque impenitenti malè tutus, plerumque ultra modum recalcitrat. Ut tamen Pastor ipse *animam suam liberet* (z), circumfusam ægri animo caliginem oblato veritatis lumine prudenter discutiens, innuet quàm poterit solertissimè ac lenissimè, Infirmos complures, ejusmodi spe convalescendi malè deceptos, Sacramentorum perceptione caruisse; à nemine unquam *percussam fidem cum morte* (a), ut obsequiosa expectet morantem: fieri posse ut morbus initio fortassè non periculosus, derepente ingravescat, sensibusque affectis & præclusâ voce; omnind tollatur confitendi facultas. Antiqui hostis frequentem hanc esse astutiam, ut, quamdiù sensus & valetudinis recuperandæ spes aliqua viget, fallacem ac perniciosam Infirmis suggetat conversionis dilationem; nec rarò id evenire quod

(c) Hebr. 10. 31.

(u) Jerem. 3. 12.

(x) Hebr. 12. 1.

(y) If. 46. 12.

(z) Ezech. 3. 19.

(a) If. 28. 15.

scripsit Apostolus : *Cum dixerint , pax & securitas , tunc repentinus eis superveniet interitus ; & non effugient (b)*. Neque igitur Medicorum pollicitis , neque propinquorum blanditiis plius æquo fidendum esse , nisi exitium omni exitio pejus experiri quisquam velit. Quod si hujusmodi cunctatores , dato aliquo respiscendi intervallo , sed jam præclausâ omni spe curationis , tandem aliquandò ad confitenda peccata mentem appellere constittant ; tunc maximi & penè insuperabilem in tanti momenti negotio difficultatem occurrere ; tunc proximæ mortis horrorem , *judicii* & *Inferni terribilem expectationem* facienti animo incumbere (c) ; tunc sui disquisitionem , atque adeò Confessionem , quodammodo impossibilem fieri ; tunc denique metuentiam esse eorum sortem , qui Deum non quaesierunt , dum inveniri poterat (d) , & de quibus ipsa Veritas dixit : *Quæretis me , & non invenietis ; & in peccato vestro moriemini (e)*.

Horum aut similium verborum fulgura multiplicans divinæ charitatis minister , si non movear contumacem , tamen à proposito non desistat. Deum obtestetur ut cor ejus per sinceram pœnitentiam emolliat. Propinquos & familiares hortetur , ut , junctis viribus , impœnitentem secum aggrediantur , dum adhuc patienter propter eum agit Pater misericordiarum (f). Illum ipse re-

bellens , rebellem vehementius oppugnet , imminentemque supremi Judicis sententiam denuntiet. Fortasse tam perseveranti Sacerdotis charitate & zelo commotus acquiescet peccator ; ac tandem , qui longo animi sopore dormit , *adjiciet ut resurgat (g)*. Tum , ubi Sacerdos *diruptam petram & fluentes compunctionis lacrymas* viderit (h) , immensam prædicet Dei benignitatem : conversionem , cujus difficultas portenti simillima ipsi videbatur , juvante Deo , non ita operosam fore ; peccatorem enim vel maxime inveteratum , sed toto corde respicientem , *de profundo inferni in excelsum* suprâ , *expansis* divinæ misericordiae alis mirabiliter assumi (i).

POSTQUAM Infirmus confitendi voluntatem ostenderit , illum admoneat Pastor eam ipsi emittendam esse Confessionem , quâ fretus , *justitias* judicaturi Dei Tribunal adire cum fiducia possit (k) ; idedque , si qua mentem remordeat præcedentium Confessionum viciolitas , iterari eas oportere. Responsum dijudicet Confessarii prudentia. Videat ne peccatores plus æquo terreantur , morte præsertim instante , cum salutis humanæ hostis insensissimus pessimam omnium rentationem , quæ est desperatio , malignè intorquet. Nemini tamen sic blandiatur , ut à necessariis moni-

(b) 1. Thess. 5. 3.

(c) Hebr. 10. 27.

(d) If. 55. 6.

(e) Joan. 8. 21.

(f) 1. Petr. 3. 9. 2. Cor. 1. 3.

(g) Pf. 40.

(h) Pf. 77.

(i) If. 7. 11. Deut. 32. 11.

(k) Pf. 74.

ris abstinere. Qui enim cōmissa non dolent; qui reconciliari, qui restituere, qui damnum aut scandalum illatum resarcire, qui peccandi consuetudinem vel occasionem proximam, aut illicitum vitæ institutum relinquere detrectant; iis, etiam in articulo mortis, minimè concedenda est Absolutio; quæ nempe sic affectis plūs noceret quàm proderet, dum reliqua scelera infando sacrilegio cumularentur.

Cum æger in periculo est nullam dilationem ferente, statim arque contritus & ad necessaria exequenda pronus videtur, licet dubiæ adhuc sint ejus dispositiones, absolvi debet, si tempus non suppetat aliquid expressius expectandi, si præsertim morbus ex eorum numero sit qui sæpius ad mortem ducant. Prius tamen omnis cura diligentiaque adhibeatur, ut, pro statu conscientie, restituendis ablatis eo ipso tempore animum adjiciat (sive scriptâ schedulâ, sive condito Testamento, sive alio quovis modo certo & efficaci); ut inimicitiam deponat; ut pro læso honore aut illato scandalo satisfaciât; ut peccandi occasionem proximam derelicturum se promittat, & reverâ, si possit, jam tum derelinquat; ut à peccati consuetudine cessaturum se firmiter polliceatur. Nec Sacerdos cuiquam in ullo hujusmodi casu mollior blandiatur. Qui autem non periculose ægrotaret, ei malè profunderetur Absolutio præcept. Pauci ex infirmitate meliores sunt: multi, quod periclitantes promissere, incolumes statim obliviscuntur. Itaque non facile credat Confessarius Infirmis

peccati consuetudine vel occasione proximâ implicitis: ipsoque momento, intelligant longiore probatione sibi opus esse, & expectandum ægritudinis eventum: si convalescerint, ad conversionis maturitatem spatium fore; si periculum emergat improvissum, neque Absolutionem, neque alia Sacramenta verè pœnitentibus defutura.

Ut autem de ægrotantium periculo rectè judicetur, non solum morbi est habenda ratio, verum etiam ætatis ac physici constitutionis. Senes quippè & naturâ debiles, sæpius gravissimum ex malis in speciem levissimis periculum incurrunt. Graviter ægrotantes, qui, ob longiora locorum intervalla, à Confessario frequenter visitari nequeunt, eorum instar habendi sunt qui periculose ægrotant; cum nempe tinendi locus est, ne, variante atque adeò ingravescente morbo, Absolutionis expertes moriantur; ideòque absolventi sunt, cum primum pœnitentes videntur, omninòque dociles. Plerumque autem, suadente prudentiâ, illis Pœnitentiæ loco rectè injungitur ut quamprimum, si convalescerint, Confessionis Tribunal adeant, quò certius monita salutis condignamque pœnitentiam accipiant, nisi justa & sufficiens jam tum eis sub conditione imponatur.

QUANDO Infirmus in eo statu versatur, ut, propter debilitatem aut suffocationem, integrè confiteri jam nequeat; tunc sufficiat quod speciatim enuntiare possit, cum cæterorum accusatione generali; quam quidem, si necesse fuerit,

ipse Sacerdos, ægro interiùs comitante, pronuntiet. Priùs verò quàm ei Absolutionis beneficium impertiatur, illum ad Contritionem, propositis gravioribus incitamentis, excitare non omittat. Si consensum puti aliòve signo manifestare valeat, talis ab eo postuletur consensus testificatio: huic deinde Pœnitentia, qualcm capis ejus inimitas, imponatur, pui v. g. quidam affectus, vel sola interior Nominis JESU invocatio, vel subjecti cordis elevatio, ut morbi angustias Domino in delictorum expiationem offerat. Tunc scilicet animi affectus, per quem ægritudinis ac mortis ipsius sit acceptio voluntaria, Satisfactionis locum obtinere intelligitur.

Si inter confitendum, aut etiam nondùm inceptâ Confessione, vox & loquela ægrum subito deficiant; Sacerdos nutibus & signis, quantum poterit, elicitis, ipsius delicta introspicere nitatur: quibus utcumque, vel generatim, vel speciatim cognitis, ei Absolutionis gratia concedatur. Pariter ubi Infirmus cum Sacerdote solus esse non potest, & morbi status nullam Confessionis neque dilationem neque interruptionem patitur; in hujusmodi necessitate sufficit ut ipse generatim se accuset, Actumque Contritionis proferat. Si non sit omnino præclusa spes valetudinis à morbo recreandæ, Confessarius, antequàm ægrum absolvat, ei Pœnitentiam imponat, quam, resecto corpore, exequatur: alioquin, ignoto, vel

non satis cognito Infirmi statu spiritali, huic denuntietur Satisfactio conveniens tunc imponenda; cùm postea ritè & perfectèque confessus fuerit. Qui enim in ejusmodi casu periculoso nullam dilationem patiente confectum absolvuntur, si, ne malè secuti torpeant, diligenter admonendi sunt, se propter illam duntaxat necessitatem absolvi; atque idcirco, si, Deo favente, prosperam valetudinem recuperent, eodem modo gerere se debere, ac si omnino non absoluti fuissent. Quin etiam iis suadendum, vel potius distictè injungendum est; ut, statim atque convaluerint, sacrum Pœnitentiæ Tribunal adeant, delicta plenius confessuri, aut saltem Confessarium de suo interiore statu certiores facturi, eique pravyos habitus detesturi, propter quos, extra hujusmodi periculum, Absolutionis dilationem experti haud dubiè fuissent.

Quin etiam Infirmus, qui tam gravi sensuum stupore premitur, ut neque confiteri, neque ullum Contritionis signum exhibere possit, si signo aliquo testificetur se reconciliationis beneficium desiderare, vel si id exoptare se priùs manifestaverit, etiam implicite, Sacerdotem scilicet advocari postulans, vel Pœnitentiæ aut Religionis quodcumque testimonium edens; à quolibet Sacerdote præsentè absolvendus est (1).

Quod ad eos pertinet qui reconciliationem minime postularunt, neque ullo signo, etiam dubio,

(1) Conc. Carth. IV, an. 398, can. 76. Araus. I, an. 441. can. 12.

nec præsente Sacerdote, nec aliis præsensibus qui Sacerdoti sufficientem rei fidem faciant, suum desiderium manifestare potuerunt, si Religionem Catholicam professi & Christiano more vitam exigere visi fuerint, neque ulla sit ratio propter quam tunc impœnitentes judicentur; eorum sententiam Theologorum qui hujusmodi ægris Absolutionem concedi posse existimant, turâ conscientiâ, in praxi sequentur Confessarii, donec aliud ab Ecclesia constitutum fuerit. Evenire quidem potest ut Absolutio, in hujusmodi casu, propter Contritionis defectum sit irrita. Satiùs tamen videtur non conficiendi Sacramenti periculum adire, quàm committere, ut, eo deficiente, perdatur anima, cujus in gratiam illud institutum fuit; cum præsertim fieri possit ut ad ejus effectum percipiendum sit idonea, si iustimus (prout nonnunquam accidit), quod exterius prodere nequit, interiori sentiat. Nec quemquam moveat quòd Sacramenta cum materia dubia confici vel administrari non oporteat; omnibus enim fatentibus, huic legi, quoad Baptismum, detogate licet: *que autem Baptismatis, eadem reconciliationis est causa* (m), propter æqualem utriusque in diversis casibus necessitatem.

Major est de illo moribundo difficultas, qui cum fide & spe Christiana Religionem Catholicam professus, ad ejus tamen instituta vi-

tam moretque non ut Christianum decet, componere sollicitus, repente amisso loquela sensuumque omnium usu, obmutescit, nullumque omnino pœnitentiæ signum ostendit. Cum verò eatenus in Catholice Religionis professione persistit, quæ quidem professio adjunctam habet fidem spemque Christianam, etiâ in peccatoribus manentem, censeri debet implicite salutem voluisse ac postulasse ut sibi in tanto periculo Sacramenta ad salutem necessaria conferrentur; nec illum ipsum ex hac vita sine arrha suæ pacis exire velle matrem Ecclesiam piè credimus (n). Atque illud, quia in extremis extrema tentanda sunt, in praxi tenendum esse existimant multi non infimæ notæ Theologi; saltem si ejusmodi moribundus neque aperte criminofus fuerit, neque in ipso flagitio repentini mortis angustiis oppressus.

Jam verò in talibus terum adjunctis, ubi æger vi subitâ morbi vel inopinato casu oppressus, nec voce, nec ullo signo assentiri potest, semper illi ante Absolutionem distinctè pronuntianda est Confessionis generalis formula, & Contritionis Actus; ut, si fortè interiore sensu vigeat, interiori assentiat; & si, post susceptam Absolutionem, illi tedeat sermo externusque sensus, de ea cettior fiat; ut illam, emissio Contritionis Actû, taram habeat, utque, cumptimum poterit, constiteatur.

(m) S. Aug. de adult. conj. l. 1. c. 28. (al. 35.)

(n) Ibid. Vide Conc. Carth. III, an.

397. can. 34. C. 26. q. 6. c. 7. De Pœnit. dist. 7. c. 2. 3. 4. 6. S. Leon. Ep. 91. (al. 83.) c. 5.

Quod si ebrius, aut ita vehementissimè petcitus ille sit, cui ex ingenti vulnere imminet mortis periculum; eo quidem in statu non est Absolutionis capax: id unum præstare potest Sacerdos, ut summâ charitate & patientiâ Ministerii sui opportunitatem expectet. Interim non moveatur, si verbis furore plenis hominem debacchantem audiat. Pro salute ipsius divinam imploret misericordiam, donec rationis usum recuperaverit, inimico ignoverit, Pœnitentiæ signa qualiacumque ediderit; ac tandem Absolutione dignus ut cumque videatur.

Esset quidem vehementer optandum ut Infirmi suos potissimum Pastores eligerent quibus confiterentur, suprema scilicet Religionis auxilia eorum ministerio suscepturi, à quibus regenerationis aquâ tincti fuere, & in quos ex officio incumbit animarum cura; quas proinde *in occursum Dei præparare* nemo strictiùs renetur (o). Cùm tamen periculosissimum foret molestiam ullam in extrema vitæ deficientis angustia generare Fidelium conscientis, cumque tunc præsertim expediat obices difficultatesque removere, plana omnia fieri, solatia fa-

voresque multiplicari; si Parochi dubitent num Infirmi quos visitant, apud se confiteri velint, his ultrò & sponte suâ alios Confessarios offerant; simulque affirmant, se non minore studio ipsis ad cætera sui ministerii officia præstò futuros. Confessarii autem, sive Seculares, sive Regulares, ad audiendas Infirmorum Confessiones accersiti, eas, nisi priùs admonito Pastore, non audiant; ut, quidquid recti ordinis, quidquid decentiæ, quidquid Pastoralis sollicitudinis ratio suaserit, communicatis consiliis, exequantur. Si tamen, absente Parocho seu Vicario, vel deficiente ad eos vocandos necessario tempore, æger in mortis periculo imminente sit constitutus; statim excipiat eum Confessio, quam quidem exceptam fuisse, nullâ interpositâ morâ, Pastori nuntietur.

Si gravis morbus appareat; postquam absolutus fuerit cujuslibet generis Infirmus, sive tunc tantum ad bonam frugem conversus, sive jam pridem moribus Christianis informatus, eum Sacerdos ad sacri Viatici & Extremæ-Unionis Sacramenta opportunè fructuosèque suscipienda quamprimum disponet.

(o) Amos, 4. 12.



CAPUT IV.

De Pœnitentialis ministerii arcano, seu de Confessionis sigillo.

TRIPlici Jure nixa sigilli obligatio. In ejus violatores pœna irrogata. Ejus violationis malitia triplex, & peccati gravitas. Sigilli materia. Directè vel indirectè violatur sigillum. Consultus in sacro Tribunali, vel extra ipsum. An liceat Pœnitentem de auditis in sua Confessione alloqui. Ad consulendum de iis quæ ad Pœnitentis conscientiam pertinent, quid requiratur. Quàm sacrum, quàm fragile sit Confessionis sigillum. Pœnitentes ad quædam extra Confessionem revelanda nonnunquam adigendi. Sigilli obligatio ex parte ipsorum Laicorum.

EA Sacramentalis sigilli ratio est, ut, Jure naturali, divino & Ecclesiastico, altissimi atque inviolabilis silentii religionem imponat Pœnitentiæ Ministris, circa illud omne quod eis per Confessionem innouerit, & quo imprudenter revelato, despectui esset Pœnitens, vel dedecore afficeretur, molestiamve aliquam pareretur. Primò quidem Jure naturali: lex enim naturæ est, ut secretò commissa taceantur; cum præsertim de fama & publica existimatione agitur, quæ quidem, revelatâ Confessione, sæpius laboraret. Deindè Jure divino; nam Pœnitentiæ Sacramento intrinsecum est sigillum, necessariòque ex ejus institutione sequitur. Eo quippè in Tribunali, Sacerdos vicem Dei sustinet, à quo tegitur id omne quod homo detexit. Præterea, sublato

sigillo, tollitur & ipsa Confessio, vel sinceritatis defectu irrita efficitur. Quis enim confiteri, aut saltem integrè confiteri velit, nisi certò sciat *tenebroso oblivionis velamento circumtectâ* (a), ac perpetui silentii sigillo obsignata esse omnia quæ confiteatur? nisi etiam velut *projectâ in profundum maris omnia peccata sua* non minùs ex parte conscii Sacerdotis quàm ex parte Dei misericordis confidat (b)? Sublato igitur Sacramentali sigillo, ad nihilum, nisi ad hominum perniciem, valet Confessio; quia nempe sinceritatem Confessionis abigit metus revelationis; sicque non delentur peccata, sed multiplicantur factilegia. Postremò Jure Ecclesiastico; multis enim Decretis, interpositâ gravium pœnarum interminatione, jam antiquitus ab Ecclesia sancitum est, ne

(a) Sap. 17. 3. (b) Michaa 7. 19.

quis Presbyter culpam ullam in sacro Tribunali auditam revelet (c). Primum quidem hujus legis violatores, & gradus amissione, & perpetua peregrinatione pledebantur (d). Quia pœnâ lapsu temporis obsoletâ, sic pronuntiavit Concilium Lateranense IV: » Caveat omnino (Con-
 » fessarius) ne verbo, aut signo,
 » aut alio quovis modo, aliquatenus
 » prodar peccatorem; sed, si pruden-
 » tiorum consilio indiguerit, illud
 » absque ulla expressione personæ
 » requirat: quoniam qui peccatum
 » in pœnitentiali iudicio sibi dela-
 » tum præsumperit revelare, non
 » solum à Sacerdotali officio de-
 » ponendum decernimus, verum
 » etiam ad agendam perpetuam pœ-
 » nitentiam in arcem monasterium
 » detrudendum (e): » quod quidem in foro Ecclesiastico etiamnum observatur. Animadversioni Canonice adjungitur Legum secularium vindicta. In Italia & Hispania, vivi comburuntur Sacerdotes Confessionis sigillum violantes. Nulla quidem apud nos specialiter definita est pœna civilis: eam, pro circumstantiis, irrogant Judices, decreta insuper damni compensatione, vel scandali reparatione.

Sigilli autem sacramentalis violatio triplicem includit malitiam: 1°. Sacrilegii, propter violatam Sacramenti reverentiam: 2°. Injustitiæ, quia per hanc Pœnitenti injuste iniuritur infamia: 3°. Infido-

litatis; nam Sacerdos Confessiones excipiens tacito pacto se sigilli religione obstringit. Hoc verò peccatum à lethali excusari non potest ob ipsam materiæ levitatem. Neque enim ducitur obligatio sigilli ex gravitate delictorum quæ celari debeant; sed ex eo potius quòd summopere inter sit ne inferatur injuria Sacramento quod in secreto Dei rotum absconditur, quam certè injuriæ non tollit levitas peccati revelati; tum etiam ex eo quòd summâ curâ ac diligentia providendum sit ne invisum reddatur Sacramentum usque aded necessarium & saluterum, sicque ab eo retrahantur Fideles.

JAM verò materia sigilli sunt peccata quælibet, seu lethalia, seu venialia, & peccatorum circumstantiæ; ipsamet peccata publica, quatenus Confessione cognita. Hinc Sacramenti sigillum violaret Confessarius homicidiæ publici morte damnari, si cuiquam manifestaret declarationum sibi ab eo fuisse homicidium.

Et sigilli religionem imponit Confessio sacramentalis, sive perfecta, sive tantum incœpta; sive legitima, sive irrita; ipsaque non propriè sacramentalis Confessio hypocrisis hominis, qui ad sacrum Tribunal non animo accusatorio & pœnitenti accedit, ut peccata sua clavibus Ecclesiæ subjiciat, sed ut hominibus ad Confessionem acces-

(c) Conc. Lateran. IV, an. 1215. can. 22.

(d) De Pœnit. dist. 6, c. 2. Stat. D. Odonis de Sully, Paris. Episc. Syn. 1. c. an.

1198, Capit. circa Confession. art. 13. in Synod. p. 7. Conc. Later. sup. l. §. tit. 38. c. 12. Vide Paulin. de vita Ambr. n. 39.

(e) Ubi suprà.

fiſſe videatur, & Confessionis reſtimonium à Sacerdote obtineat, quo nempè ad ſuſcipiendum v. g. Matrimonii Sacramentum indiget. Eum ullomodò detegere non licet, ſive ſuam ipſe fateatur hypocriſin, ſive eam aliundè ſuſpicetur Confeſſarius. Ipſum quidem paternè admonere & cohortari debet, ne Sacramenta, Deumque ipſum irrideat, nec animam ſuam in perpetuè damnationis periculum adducat. Si Sacerdos nihil apud eum proficiat, non idcirco minus ad ſigillum tenebitur. Et ſi quis fortè imprudenter à Confeſſario querat an huiuſce iudolis homines reipſà confeſſi fuerint? an eos abſolverit, iſſque Eucharistiæ perceptionem conceſſerit? omninò ſileat: non verò ſupens videatur; ſic enim Confessionem ſaltem oblique revelaret. Perindè etiam ad ſigillum eſt, ſi quis apud eum confiteatur, qui abſolvendi poteſtatem habeat, vel habere credatur; ſive ille reverà ſit Sacerdos, ſive talis exiſtimetur. Nec reſert an voce, an ſcripto, an ſigno vel nutu confeſſus fuerit Pœnitens: quoquomodò peccata ſint cognita, ſilentii legem æqualiter imponunt. Servandum quoque eſt ſub ſigillo peccatum complicitis quod ex ſola Confessione innotuit; quo nimirum detecto, nonnunquam detegeretur Pœnitens. Idem dicendum de tertii alicuius peccato, ſi Pœnitens ad plenam ſuiipſius accusationem illud declaraverit; vel ſi neceſſe fuerit eam quæ peccato locum dederit perſonam designari. Et ſigilli materia ſunt ipſa peccata quorum detectata ſuit Confessio; nec enim poteſt Confeſſarius licitè cuiquam

dicere, ſe huius aut illius peccati Confessionem (vel poſtquàm id in publicam cognitionem erupit) à Pœnitente extundere non potuiſſe: ſic nempè eum malè confeſſum, &, ſecurà Abſolutione, ſacrilegum fuiſſe revelaret. Sub ſigillum etiam cadunt quæcumque illius violandi periculum inducerent, vel in Pœnitentis infamiam, aliudve ipſius gravamen redundarent, vel à Pœnitentiæ Sacramento quemquam retrahere poſſent. Licet tamen Sacerdoti per ſolam Confessionis viam acquiſitâ cognitione uti ad acuendam ſibi in moralibus peritiàm; tum propter ſuam aliorumve directionem; tum etiam conſilii exquirendi gratiâ, dummodò ſuperius expreſſa cautio adhibeatur.

Neque ad ſola peccata extenditur Confessiouis ſigillum, verùm etiam indirecè ad mandata, ad monita, ad conſilia, ad ipſamet prævia aut ſubſequentia moderandæ conſcientiæ colloquia; imò ad ea omnia quæ ad Confessionem quoquomodò pertinent, vel ordinantur. Ad ſigillum tenetur ipſe Superior, à quo licentiam poſtulavit Pœnitens ut Caſus aut Cenſuræ reſervatæ Abſolutionem à ſuo Confeſſario acciperet; incluſa ſiquidem in hac petitione declaratio cùm ad Abſolutionem referatur, ad Confessionem ſacramentalem pertinet. Extenditur ſigillum ad ſecularia ipſa Pœnitentis negotia, ad ipſa corporis aut animi vitia naturalia quæ Confessionis occasione innotuerunt: ſi quis v. g. epilepticus ſit, iudolis aſperæ, anguſti ingenii. Cætera quæ in Confessione narrari contigerit, quamvis

ad Confessionem ipsam nullomodo pertineant, nullumque Pœnitenti detrimentum, nullam infamiam aut verecundiam afferant, non temerè idcirco leviterque evulganda sunt, quò tutius vitetur scandalum, neve ipsa quæ Sacramento sigillum spectant, multiloquio imprudenter admisceri contingat. Imò, etiamsi nullum esset neque scandalum, neque frangendi sigilli periculum, multùm vituperandus esset Confessarius qui audita in sacro Tribunali per jocum referret; profectò enim violaretur debita Sacramento reverentia, si ea quæ per illud cognita essent, quasi ad oblectamentum assumerentur.

DUPLEX autem modo violari potest Confessionis sigillum: scilicet *directè* vel *indirectè*. Violatur *directè*, quando peccatum Confessione cognitum, & Pœnitens qui illud confessus est, expressè manifestatur: quando, etiam non expressà delicti specie, designatus aliquis Pœnitens à Confessario dicitur Causam reservatum commississe, in Censuram incidisse, peccatum lethale aut veniale confessus esse, certo vitio obnoxius, Dominici Corporis Communionem indignus, scrupulosus, Irregularis; certis muneribus, certæ administrationi, sive seculari, sive Ecclesiasticæ inhabilis; ad Ordines non promovendus, ad Professionem Religiosam non admittendus: cùm denique vel Confessio, vel aliquid ad Confessionem pertinens,

verbo, scripto, gestu, nutu, coniectu oculi, risu, aliove signo quocumque (f), ab ipso revelatur; licet hæc aut similia detegens, memento moneat se eorum noticiam ex Confessione non esse mutuatum. Eiusdem sacrilegii reatum incurrit, qui, à Pœnitente non rogatus, cum altero Confessario colloquitur de peccatis Pœnitentis, quem uterque confitentem audivit. Illicita sunt hujusmodi colloquia inter duos ejusdem Pœnitentis Confessarios, etiam ut hunc faciliùs atque utiliùs dirigant. Directè similiter violati sigilli offensionem incurrit existimandus esset ille Presbyter, qui, audità Rei alicujus Confessione, Judicem ex ejus condemnatorie anxium, quieto esse animo juberet; sic enim satis superque huic manifestaret fontem reverà illum fuisse, justoque judicio condemnatum.

Indirectè verò sigillum à Confessario violatur, si revelet denegatam à se Absolutionem *tali* Pœnitenti nominatim expresso, eive *talem* impositam fuisse Pœnitentiam; si dicat se illi Communionem dissuasisse; si, comparationem inter duos Pœnitentes instituens, unum ex iis affirmet in lethale peccatum nunquam incidere, iracundix, seu alteri vitio non esse obnoxium, undè colligere pronum videatur, alterum non esse lethali peccato immunem, aut vitiis laborare quibus alter careat; pariter, si, pluribus Pœnitentibus commemoratis, exprimat non se omnibus, sed qui-

(f) *Conc. Later. IV, suprà.*

busdam solummodò Absolutionem impertitum esse, aut ex iis unum duntaxat nominatim designatum, lethalia non confessum; si de certa Communitate loquens, de certa Parochia vel urbe, de certo loco ubi Confessiones excepit, affirmet certa ibi delicta, vel generatim gravia peccata committi, quæ solâ Confessionis viâ cognoscat; si Præfectum urbis; Magistratum, aliumve in sublimitate vel Ecclesiastica vel civili constitutum admoneat, etiam secretò, scandala in urbe grassari, operas tumescere seditio- nes, aliave recto Societatis ordini contraria cæco tumultu moveri aut perpetrari, de quibus nihil extra Pœnitentiæ Tribunal audierit; si publicè docens, moresque perstringens, conqueratur scelera in Parochia committi quæ non ipsi aliundè quàm è sacramentali accusatione innotuerint; tum, si de vitiis & viti-
orum circumstantiis ita in sacro Sug-
gestu disserat, ut conjiciendi locus sit hanc ei cognitionem ex pœnitentiali ministerio provenisse; si, dum Pœni-
tentem audit sese accusantem, gestu vel sono vocis infueto locum sus-
picandi præbeat ipsum gravia tunc
temporis delicta confiteri; aut si
hunc non satis repressâ voce cor-
ripiens, peccati confessi gravitatem
prodat circumstantibus; si extra
Pœnitentiæ Tribunal erga Pœniten-
tem ita se getat, ut confessi ab
illo peccati suspensionem intuenti-
bus afferat, vel ut Pœnitentis sta-
tus interior possit ex ipsius Con-
fessarii nutu aliquove signo conjici;
si in familiari convictu insolite agat
cum Pœnitente, qui indè peccati

quod confessus fuerit, quasi taci-
tam patiatur exprobationem; si Pœ-
nitenti Absolutionem denegat ob
delicta quæ ille scire nolit, & quæ
solâ complicitis accusatione Confes-
sario innotuerint; si quem repellat,
etiam privatim, à Corporis Christi
Communione, propter scelus quod
per solam Confessionem cognoscat:
si, non aliundè Impedimenti cons-
ciat quod virum inter & feminam
intercedat, eos extra Pœnitentiæ Tri-
bunal postulantes Matrimonio jun-
gere detrectet; si, puellam aut vi-
duam non aliter sciens fornicariam,
aliquem ab ea uxore ducenda idcir-
cò deterreat; si de audita Con-
fessione scriptum testimonium iis
concedat quos absolverit, iis verò
denegat quos inabsolutos dimiserit;
si ejus consortium fugiat, quem solâ
pariter Confessionis viâ excommuni-
catum noverit; si, cum sit Super-
rior, non se extra Confessionem in
muniis suis obeundis perindè gerat
ac si nihil omninò per eam nosce-
ret; si, ob solam noticiam ex ea
comparatam, exuat sibi subiectum
officio, etiam ad nutum revocabili;
si indigno qui exterius dignior vi-
deatur, suffragium denegat; si
Clericum ab Ordinibus, si Novi-
tium à Professione repellat; si ho-
minem, quem indignum per so-
lam Confessionem cognoverit, à mu-
nere aut administratione, sive Eccle-
siastica, sive seculari submoveat,
etiam occultè, nec cuiquam mani-
festatâ ejus indignitate; si famulum,
quem eadem viâ infidelem aut aliàs
graviter fontem resciverit, etiam
probabili exterius adhibito prætextu,
dimittat; si demùm, in dubiis con-

sulens, peccati circumstantias ita explicet, ut is qui consultitur faciliè possit peccatorem dignoscere, aut saltem vehementer suspicari.

Qui in facto Tribunali, sive ante, sive post delictorum accusationem à Pœnitente consultitur, ad ipsum tenetur Confessionis sigillum; & illud procul dubio *directè* violaret ejusmodi consultationem detegens. Quinimò, si quis proprium Confessarium extra Pœnitentiæ Tribunal consulat, eique sua peccata, aut quædam eorum adjuncta explicet respectu habito Confessionis sive priùs emissæ, sive postea emittendæ; sigilli lege obstringitur Confessarius: & si quid de illa consultatione revelaret, iisdem subjaceret pœnis, ac si *directè* sigillum violasset. Qui verò extra Confessionem & nullâ ejus habitâ ratione consultitur, cum non sit personæ consulentis Confessarius, minime quidem sigillo astringitur, nec pœnas ejus violatotibus irrogatas incutrit; sed, Jute naturali, consultationem alto silentio promete tenetur; & secus agens, lethaliter peccaret. Ab hac lege excipiuntur consultationes propter facta publica scripto consignatæ; de quibus nempe justam ob causam colloqui licet.

Jam verò de præteritis Confessionibus Pœnitentem alloqui potest Sacerdos in facto Tribunali (modò tamen id prudenter fiat), ut necessaria ipsi monita suppeditentur, vel ut ipse inducatur ad supplendas Confessiones quæ antehac imperfectæ esse potuissent. Deficiente hu-

jusmodi causâ, non licitè in hujusmodi colloquium descenderet, nisi priùs discretè concessisset Pœnitens. Nec sine hujus consensu ipsum de quibuscumque in sua Confessione auditis alloqui licet extra Pœnitentiæ Tribunal, nisi, ad Confessionis complementum, statim post impositam Pœnitentiam indultamque Absolutionem aliquid observandum vel explicandum attingatur. Si verò postea animadvertat Confessarius se aliquid grave ad suum ministerium pertinens omisisse, v. g. debitam non injunxisse restitutionem, pro læso honore satisfactionem, cum inimico reconciliationem, nullam Pœnitentiam imposuisse, Matrimonii Impedimentum occultum & per ejusdem Pœnitentis Confessionem detectum non indicasse; cavendum quidem erit ne hujusmodi omissionem Pœnitenti extra Confessionem manifestet; curandum verò ut Pœnitentem ad sacrum Tribunal repetendum quàm solertissimè inducat, intra quod, illo assentiente, id quod defuerit, suppleat. Quòd si tamen Pœnitens confitendi motas longius protrahere velle videatur, & monitionis urgeat necessitas; eum benignè roget Confessarius ne molestè ferat quòd sibi quædam maximi momenti in memoriam revocentur. Aliàs, omnino non debet Sacerdos cum Pœnitente extra Confessionis Tribunal de hujus peccatis colloqui, nisi iustus de causis roget ac velit ipse Pœnitens. Nunquam autem, nisi causa urgeat gravissima, hanc licentiam postulet. Quam si denegat Pœnitens, vel tristis & quasi invitus concedat,

non infert conscientię moderator ; tum ut ejus parcat verecundię, tum etiam ne Confessionis odium exciteretur. Nec verò licet, eò quòd nondum perfecta sit Confessio Pœnitentis, vel jam effluerit tempus ad quod dimissus fuerit, cum horati (etiam privatim) ut ad factum Pœnitentię Tribunal redeat Confessionem perfecturus ; hinc enim Sacramentum odio haberetur.

Ut de rebus ad conscientiam pertinentibus cum Pœnitente colloquatur spiritualis ductor, implicitus quidem huic sufficit illius consensus : ut verò quidquam hujusmodi cum aliis tractare possit, necessaria est expressa Pœnitentis licentia ; quę quidem nisi ob causas admodum graves non est postulanda. Et quamvis Pœnitens eam ex levi ratione concedat, ne tamen facile ipsā utatur Confessarius, non modò ut viretur scandalum, verum etiam quia timendum fortè est ne ille idcirco tantum assentiatur, quia denegare non auit. Hujus autem postulationis frequentior atque probabilior causa est, si Confessarius, propter aliquam difficultatem quam solvete solus nequeat, aut solvendam in se non recipiat, peritos consulere exoptet (g). Quo quidem in casu diligenter caveat ne Pœnitens extra ineluctabilem necessitatem detegatur : & cum adest hujusmodi necessitas, obvianda nihilominus est expressa Pœnitentis assensio.

Quandò igitur in audiendis Con-

fessionibus aliqua occurrat difficultas quę peritorum consilium requirat ; tantā prudentiā consulat Sacerdos, ut Pœnitens dignosci nullomodò possit (h) : idèdque eas proposito Casui assignat circumstantias, quę à consultis vel levissimam removeant personę suspicionem. Nunquam exprimat consultor, neque locum, neque tempus quo apud suum Tribunal emissā fuerit Confessio difficultati locum præbens : dicat generatim se difficilis Casus exquirete solutionem ; aliquem verò apud se confessum esse, omninò taceat. In locis non multum populosis, ubi alius alium facile cognoscit, abstineant Confessarii à consulendis ejusdem loci Presbyteris ; difficile enim admodum esset illis tueri sigillum. Quòd si necessitas sit consultatio ; ea sic instituat, ut Pœnitentes deregi prorsus nequeant. Aliquando satis esset, idque unum fortasse tutum, si, certis in Casibus de quibus consuli sine periculo vix possunt Presbyteri Diocesani, aut ipsemet Ordinarius loci Pontifex, seu Vicarii-generales, consilium extra Diocesim quereretur ; vel si mitteretur ipse Pœnitens doctores consulturus. Et fieri nonnunquam potest ut revelationis metus omnem prorsus consultationem excludat. Tunc Sacerdos probatissimorum in moralibus Auctorum lectioni incumbat, à quibus illuminationem scientiæ (i), præsertim invocato *Patre luminum* (k), sibi mutuetur : ac denique, si deficiat.

(g) *Conc. Ticin. an. 860. can. 6.*
(h) *Later. IV, cap. 21.*

(i) 1. *Cor. 4. 6.*
(k) *Jac. 1. 17.*

ipsa librorum doctrina, orationi instet ferventiùs, ut ipse sibi confiliarius factus, rem transigat quam poterit sapientissimè.

ITAQUE ad sigillum adeò strictè tenetur Confessarius, ut eo eximi nunquam possit, vel propter ullam necessitatem, sive publicam, sive privatam, sive spiritualem, sive temporalem; vel propter alias, quantacumque auctoritate pollentis, voluntatem exequendam; vel propter illum, sive exterius, sive interius, sive publicum, sive privatum domesticumve regimen (1); vel propter ullam causam, etiam ad impedienda peccata, profanationes, ipsamque sacrilegam divinæ Eucharistiæ sumptionem, Hæreses, seditiones, incendia, vastationes, direptiones; ad arcendum à Parochiali Beneficio malum Sacerdotem, qui lupus in vestimento Pastoris futurus esset; quid plura? etiamsi propriæ aut aliorum vite, salutis animarum, Parochiæ, urbis, Reipublicæ totiusque orbis periculum immineret.

Si quis igitur Confessarium interrogare aulit de Pœnitentis Confessione, de scelere cuius illi aspersa inhæreat suspicio, de sua in eum circa Absolutionis beneficium agendi ratione; pro responsione hæc malè curiosum perstringat Sacerdotis objurgatio: Non Christiani, sed impii esse talem quæstionem; officio functum se esse, de quo nulla cuivis homini sit ratio reddenda. Huic responsioni

firmiter insistas, etiamsi affirmet remerarius interrogator se delicta Pœnitentis ex eo ipso cognoscere, à quo scilicet acceperit eundem cuncta in Confessione declarasse. Si tamen consilium petenti respondere necessariò debeat, asseveret primò se nihil omninò de tali Pœnitente posse dicere; si verò generatim de tali casu consulatur, generatim respondeat, maximèque caveat ne quid de statu Pœnitentis possit intelligi. Quinimò iudicè interrogatus de aliqujus peccato quod ex sola Confessione cognoverit, affirmare (etiam iurejurando) potest ac debet se illud nescire. Ne autem vanà mendacii & perjurii specie perturbetur animus: etenim Confessario, non tantum homini, sed tanquam Deo, delictum à Pœnitente revelatum est: & quamcumque interrogationem ulterius adhibeat Judex, priori responso eadem simplicitate semper inhæreat. In quolibet eventu, ad detegendum scelus quodcumque, nullius momenti aut roboris esse potest Confessarii testimonium (m). In iudicium vocatus, se Confessarium esse respondeat; nihilque ultra loquatur. Propositis tormentis, præsentem mortem, obediat Deo magis quàm hominibus (n). Felix ille, cuius fors fuerit cum sancto Joanne Nepomuceno; à quo nempe uxoris Confessionem cum sibi revelari contenderet Princeps effrenato zelotypiæ motu percitus, ipse silentii religiosè tenax, quamvis iussio atrox ur-

(1) Sylvius, in suppl. q. 11. art. 1. §. 3.

(m) Honor. III. l. 5. tit. 31. c. 13.

(n) AA. §. 29.

geret (o), non fecit secundum verbum Regis, sed secundum verbum Legis (p); ac denique sacramentalis sigilli Martyr occubuit (q).

Quemadmodum verò omnes revelandi modos prohibet hoc sigillum (r), sic omnia tempora includit ejus obligatio. Post mortem Pœnitentis adhuc illa perseverat; neque enim Confessario licet mortuis Pœnitentibus magis quam viventibus detrachere: ac si profani meritis habentur ii qui cineres tumulo quiescentes violare non perhorrescunt, multò minùs puri existimandi essent qui ad commaculandam famam cineri superstitem sacro ministerio abuti non vererentur. Nec fas est in gratiam aut commendationem Pœnitentis sacramentale quidquam revelare. Haud quidem insons diceret Confessarius se tali Pœnitenti Absolutionem impertitum esse, & Communionem permisisse; eum bonæ atque integræ esse conscientiæ. Nec revelare potest, etiam eo mortuo, ipsum nunquam nisi venialia confessum; sic enim, quod de illo prædicaret, de aliis negare videretur laudator imprudens.

Ex dictis intelligere est quàm facrum & simul quàm fragile sit Con-

fessionis sigillum. Ponant igitur Confessarii custodiam ori suo & ostium circumstantia labiis suis (s), ne verba præcipitationis & inconsiderantiæ (t), cum illius detrimento, erumpant. Altà mente repositum gerant sese notià per Confessionem acquisitâ uti nunquam posse, nisi intrâ ipsum Pœnitentiæ Tribunal, atque erga eundem Pœnitentem; nec sibi licere cum iis ipsis qui delictorum apud se confessorum participes fuerint, de his delictis colloqui, nisi hæc etiam aliundè comperta habeant; tuncque ut vitetur scandalum, hujusmodi colloquium extra casum veræ necessitatis institui non debere. De peccatis in sacro Tribunali auditis nunquam inter se confabulentur. Quòd si tamen aliquâ necessitate cogantur sese mutuo de quibusdam noxis apud se depositis consulere, id nisi magnâ adhibitâ circumspectione non peragant, ne labiis imprudentibus effluat Confessionis arcanum. Nunquam autem consultoria de suis Parochianis aut Pœnitentibus colloquia misceant coram Laicis. Primò enim hujusmodi consultatio grave illis pareret scandalum, eosque à Confessione averteret. Præterea verò, licet detegi nequaquam posse existimentur qui talia confessi fue-

(o) *Dan.* 3. 22.

(p) 1. *Mach.* 2. 33. & 2. *Mach.* 7. 30.

(q) Erat Ecclesiæ Pragensis Canonicus, Wenceslai IV Imperatoris & Bohemiæ Regis frustratâ curiositate sacrilegâ, carcerem passus & immania tormenta, victis manibus ac pedibus in Vuldaviâ flumen demersus est, 16 Maii 1383. Eum inter

Sanctos retulit Bened. XIII, an. 1739. Voy. les *Vies des Saints*, par M. l'Abbé Godecard, Chan. de S. Honoré, nouv. éd. Paris, Barbou, 1784; Tom. IV, pag. 335.

(r) *Conc. Later. IV, can. 21.*

(s) *Pf.* 140.

(t) *Pf.* 51.

tint, periculum tamen ibi adest revelationis, ubi adesse minimum creditur; atque interdum contigit ut astantes, ex variis rerum adjunctis inter se coagmentatis, in personarum noticiam aut vehementem suspicionem devenierint.

Et ne quid prætereamus quo possit illud arcanum asseri atque in tuto collocari, hoc etiam commendandum censemus (quod utinam commonere supervacuum esset!): Sacerdos Confessionibus audiendis præpositus, nulla unquam nisi *sobrietatis verba* efferat (u). In homine, præsertim Christiano, turpissima est ebrietas, in Presbytero abominanda (x), in Confessario infanda. Quod vitium nisi hic penitus devitet, in perpetuo sigilli violandi periculo versabitur; *nullum enim secretum est, ubi regnat ebrietas* (y).

Quod si verò Pœnitentiæ Ministri nusquam neque *directè*, neque *indirectè*; Confessionis sigillum violare debet; aliquandò, è contrario, evenire potest ut Pœnitens aliquid ad suam Confessionem pertinens extra forum internum revelare teneatur: ut sit, cum necessaria est hujusmodi revelatio ad avertendum grave malum imminens quod injustè alicui tertio inferretur, cujusmodi sunt mors innocentis, domorum incendia, conjuratio adversus Regem aut Rempublicam. Extra hos vel similes casus, peccaret Pœni-

tens atque imprudenter se gereret, si peccata declarata, si Satisfactionem sibi impositam, si specialia ipsa Confessarii monita, cuiquam sine causa sufficienti manifestaret.

Porro ex parte Confessarii non violatur sigillum, si quando à nocentibus incarceratis exigat ut sua Judici seculari juridicè interroganti scelera fateantur, ut scelorum socios detegant, ut calumnias retrahant, ut aliud quidquam ad damna resarcienda, seu ad mala impedienda necessarium exequantur. Tunc enim ipse nihil revelat, sed tantum Pœnitentibus id quod præstare debent, ex officio injungit; quibus utique non obtemperantibus Absolutionem denegat, & sileat. Si verò aliquid non sub peccati reatu sit necessariò revelandum, minimè compellendus est Pœnitens ad hanc revelationem, etiamsi utilis fore existimetur.

CÆTERUM, lege naturali, ad sigillum tenentur etiam Laici, qui fortuitò aliquem se in facto Tribunali accusantem audierint, vel scriptam ejus Confessionem casu amissam repererint; qui ad confitendum interpretes ei fuerint; qui ab imprudenti Confessario, seu à quovis alio, peccatum in Confessione depositum quoquomodo resciverint. Quod ad eos at-

(u) *Ad.* 26. 25.

(x) *Conc. Venet.* an. 465. can. 13. *Agath.* an. 506. can. 41. *Cloveshov.* II,


an. 747. can. 21. *Later.* IV, cap. 15.

(y) *Prov.* 31. 4.

tinet qui scriptam Confessionem
repererunt, ii graviter peccant,
si, delictorum memoriale esse ubi
primum senferint, id legant malè
curiosi. Debent igitur statim ejus-
modi chartam igni tradere. Quòd

si ex animi simplicitate eam ad
Parochum aliumve Sacerdotem de-
tulerint; eam ipse non lectam,
continuo coram ipsis exurat, vel
minutim conscindat.





APPENDIX PŒNITENTIÆ: DE CENSURIS.

Sic distribuetur hujus Appendicis materia, ut differatur, 1°. De Censuris in genere: 2°. De Censurarum divisionibus, aliisque circa ipsas generaliter observandis: 3°. De Excommunicatione: 4°. De Excommunicatione ad finem revelationis, seu de Monitoriis, 5°. De Suspensione: 6°. De Interdicto: 7°. De Absolutione à Censuris: 8°. De Cessatione à Divinis.

CAPUT PRIMUM.

DE Censuris in genere.

CENSORIS potestas apud Romanos. In Ecclesia, quam auctoritate feratur Censura. Quid sit; à quibus, propter quid, quo fine, in quos infligatur; qua bona per ipsam adimantur.

OLIM apud Romanos fuit magistratus insignis, *Censura* videlicet; quam qui gerebant, maximâ erant auctoritate præditi ad continendos in officio cives, omniumque ordinum mores justâ severitate corrigendos. Li nempè quoscumque perditos ac dissolutos honore civium private, tribu movere, de gradu dejectere, ipsosque Patricios & Consulares, primarios viros, si quid probrosum atque ab imperii maiestate alienum ausi fuissent, Senatu

expellere (1) poterant, quin potiùs ex officio tenebantur; certis etiam notatis artibus, quas qui exercent, publicè infames habentur, censoriarque animadversioni essent quasi ipso jure obnoxii. Sic » cùm » artem ludicram scenamque totam » in probro ducerent (Romani), » genus id hominum non modò honore civium reliquorum carere, » sed etiam tribu moveri notatione » censoriâ voluerant (a).» Simili quadam ratione Ecclesia Dei aliquas

(1) Cic. de Senect. n. 42.

(a) *Fragm. Cic. de Republ. l. 4. apud S. Aug. de civ. Dei l. 2. c. 13.*

ad correctionem delinquentium infligendas instituit pœnas severas, quas quidem *Censuras* appellat, quibus ceu disciplinæ Ecclesiasticæ nervis, ad cohibendos in officio, vel ad ipsum revocandos, & filios, & Ministros suos utitur: saluberrimo utique consilio, si modò sobriè & circumspectè adhibeantur.

Cùm igitur Absolutio à Censuris sit actus potestatis Clavium, earumque cognitio Confessariis maxime necessaria, ne in absolvendis Pœnitentibus facultates sibi concessas prætergrediantur; hic brevem de Censuris subiungendam esse duximus Appendicem.

Esse in Ecclesia potestatem Clavium, ad quam pertineat ferendarum Censurarum auctoritas, ex hac Domini sententiâ liquet: *Si peccaverit in te frater tuus, vade, & corripe eum inter te & ipsum solum. Si te audierit, lucratus eris fratrem tuum. Si autem te non audierit, adhibe tecum unum vel duos. Quod si non audierit eos, dic Ecclesiæ; si autem Ecclesiâ non audierit, sit tibi sicut ethnicus & publicanus. Amen dico vobis, quacumque alligaveritis super terram, erunt ligata & in cælo (b).*

Nequaquam igitur à Populo Christiano in primos Ecclesiæ Pastores, sed ab ipsomet Christo Pastorum Principe derivata est ferendarum Censurarum auctoritas; eamque illi, nomine & vice Christi, non verò

nomine totius Corporis Fidelium exercent. Et quidem eâ potestate divinitus concessâ, & regimini Ecclesiastico necessariâ, ab ipsis Ecclesiæ incunabulis ad nostram ætatem usi sunt Apostoli, eorumque successores Episcopi, ut colligitur ex omnibus ferè Conciliis ac plerisque sanctis Patribus. Simon Magus, ut intellectum legimus in Canone inter *Apostolicos* trigésimo, à Beato Petro excommunicatus tuitur his verbis: *Non est tibi pars neque sors in sermone isto (c).* Incestum Corinthium (d), Hymenæum & Alexandrum excommunicavit Gentium Apostolus, cùm eos *tradidit satana (e)*. Ac semper deinceps, ubi se dedit occasio, Censuris usa est Ecclesiâ: quo quidem velut firmiter coercerentur delinquentes, eorumque frangeretur contumacia, ceteri cautiore efficenterentur, publicæque offensioni satisficeret. « Nemo igitur » contemnat vincula Ecclesiastica; » non enim homo est qui ligat, » sed Christus, qui dedit hanc ligandi potestatem (f). » Docentibus Pastoribus, intelligat unusquisque Fidelis quàm formidandæ sint ejusmodi *castigationes & Censura divina (g)*. Quæ quidem arma non carnalia sunt, sed potentia Deo; ad destruendam omnem altitudinem extollentem se adversus Dei & Ecclesiæ mandata (h); undè Sponsa Christi, gemens columba, semperque divini Sponsi mansuetudinem & modestiam retinens, in promptu

(b) *Matth.* 18. 15. 16. 17. 18.

(c) *Ad.* 8. 21.

(d) *1. Cor.* 5. 3. 4. 5.

(e) *1. Tim.* 1. 20.

(f) *S. Chrys. Hom.* 4. in Ep. ad Hebr.

(g) *Tert. Apol.* c. 39.

(h) *2. Cor.* 10. 4. 5.

habeat ulcisci omnem inobedientiam (i).

ITAQUE Censura est *Pœna Ecclesiastica, spiritualis & medicinalis*, ob grave peccatum in foro externo pronuntiata; per quam homo baptizatus, pubertatis annos adeptus, delinquens & contumax, privatur usu bonorum spiritualium Fidelibus communium, qua sunt in Ecclesie potestate.

Pœna est, ideòque peccatum supponit: in quo quidem Censura distinguitur ab *Irregularitate*, quæ sæpius oritur ex solo corporis aut animi defectu inculpato, & potest in integerrimo quoque reperi. Hinc pariter non includit *Cessationem à Divinis*, quæ non tam pœna est, quam luctus tristicque signum.

Est *pœna Ecclesiastica* (k), id est, à Superioribus Ecclesiasticis Jurisdictionem in foro externo habentibus infligenda; scilicet à Conciliis, tum Œcumenicis, tum Provincialibus, à summo Pontifice in tota Ecclesia, ab Episcopis, unoquoque in sua Diœcesi, eorumque Vicariis generalibus, seu Officialibus, vel Officialium vices gerentibus, ab ipsismet Cathedralium Ecclesiarum Capitulis per suos Vicarios-generales, Episcopali Sede vacante; quin etiam ab iis qui Jurisdictione quasi Episcopali fruuntur, servatis tamen iis quæ servari

Jus præcipit; ab iis etiam quibus legitime delegata fuerit hæc potestas, servatâ limitatione ad tempus, ad personas, ad crimina, ad conditiones, quâ delegatio circumscribitur. Nec pendet ab Ordine illa auctoritas; sed requirit tantummodo ut qui eam exercet, Clericus sit, Jurisdictionem habens fori externi. Presbyteri, etiam Parochi, nullam ex se habent potestatem ferendi Censuras, nisi quatenus à summo Pontifice, vel ab Episcopis delegati. Ex verò à quibuscumque, de mandato Superiorum, promulgari, seu intimari possunt. Quinimò ad eas promulgandas tenentur ipsi Regulares, etiam ab Episcopali Jurisdictione immunes (l).

Est *pœna spiritualis*; etenim per Censuram admittitur delinquenti usus bonorum spiritualium, qualia sunt Sacramentorum participatio atque administratio, jus ad Missæ divinarumque Officiorum auditionem, ad publica suffragia, ad sepulturam Ecclesiasticam, &c. Interdum etiam temporalia quædam bona auferunt Censuræ, non quidem per se, sed virtute legum quas Principes Christiani, quoad fieri potuit, ad morum Evangelicæque disciplinæ tutelam attemperaverunt (m). Sic nempe, Excommunicati, quamdiù ligati remaneant, infames habentur, intestabiles, arque ad plurima vitæ civilis munia inhabiles (n).

(i) Ibid. v. 1. & 6.

(k) *Decret. Greg. IX, l. 1. tit. 31. de off. Judicis ordin.*

(l) *Conc. Trid. Sess. 25. c. 12.*

(m) *Bossuet, defens. Cleri Gall. p. 2.*

l. 5. c. 22.

(n) *Conc. Narb. an. 1551. can. 60.*

Est *pœna medicinalis*; & consequenter ex se non est perpetua. Ecclesia siquidem, pia mater, vel æquissimæ ultionis flagella in filios rebelles non quatit nisi gemens atque invita: eorum quos amanter castigat, relapscentiam semper in votis habet, *vulnerans ut medeatur* (o), læviens ut prosit (p). In quo quidem Censura differtre intelligitur à pœnis solam pœnarum naturam habentibus, quales sunt *depositio, degradatio, &c.* quæ ex se perpetuæ sunt, neque instar medelæ, sed ad vindictam terrorsque infliguntur.

Fertur ob *grave peccatum*. Cùm Censura pœna sit gravissima, positum hoc ipso intelligitur delictum gravissimum; æquum est enim ut *Judex pœnam metiatur ex culpa* (q). Nemo igitur ob solum veniale delictum Censurâ perfringi posset, nisi fortè *Excommunicatione minore*, quæ non propriè & strictè Censura est, & nonnunquam ex culpa non ita gravi incurritur. Vera Censura non infligitur nisi propter lethale peccatum. At verò peccati gravitas non modò ex illius naturâ æstimatur, sed etiam ex causa ferendæ Censuræ, ex variis denique circumstantiis; v. g. è scandalo, ex oppositione actus cum bono publico, vel cum decencia instituti Clericalis, ex infractions notabili Ecclesiasticæ politiz, ex contumacia detrectandi mandatum Ecclesiasticum. Nec tan-

tùm requiritur ut peccatum quod Censurâ plectitur, sit lethale, sed etiam ut sit exterius, in suo genere completum & consummatum, ac disciplinz contrarium. Exterius quidem, de quo nempe in foro externo judicare possit Ecclesia. Solus Deus cordis penetralia intuetur (r); Ecclesia de internis, scilicet de cogitationibus, desideriis, intentionibus, nisi in arcano Pœnitentiæ Tribunali, non judicat. Necesse est præterea ut peccatum sit in suo genere completum & consummatum; nec sufficit *malevolam animam* verbis, minis, signis exterioribus prodidisse: requiritur ut actus in ea sit perfectus morali specie quæ per Censuram prohibetur; nisi fortè in ipsum actum solummodò inchoatum & attentatum expressè lata fuerit Censura. Diximus *expressè*; lex quippè humana neque obstringit, neque operatur ultra Superioris intentionem, quæ ex ejus verbis ad litteræ apicem explicanda est, juxta illud Juris effatum: *In pœnis benignior est interpretatio facienda* (s).

Pronuntiatur *in foro externo*: illi enim Censuram ferunt, quibus competit Ecclesiastici regiminis exterioris Jurisdictio, licet Ordinis potestate careant; cùm, è contrario, Pœnitentiæ Minister peccatorem à sacra Mensa submovens, & sic eum boni spiritualis exortem faciens, nullâ eum Censurâ constringat.

Censura fertur *in hominem bapti-*

(o) Job, 5. 18.

(p) 1. Cor. 5. 5.

(q) De pœnis, cap. 5. in 6. Vide Conc. Aurel. V, an. 589, can. 2. Aderat Saffa-

racus, Paris. Epist.

(r) 1. Reg. 16. 7.

(s) Juris regula 49. in 6.

utrum : in eos qui baptizati non sunt, nullam Jurisdictionem habet Ecclesia; *quid enim mihi*, inquit Apostolus, *de iis qui foris sunt, judicare* (1)?

Nec satis est ut, per Baptismum, Ecclesiae ipsique Superiori Censuram infligenti subiectus sit is qui poenā huiusmodi plectitur; sed præterea requiritur ut sit adultus, & rationis usu polleat, ideòque sit obligationis & delicti capax. Imò, quidquid sit de quaestione Juris inter Theologos controversa, utrum expediat Censuris ligari impuberes, id est, aëres, quatuordecim, & fœminas duodecim annis minores, id certe constat, nec Censuras ab homine in eos ferri debere, nec ipsos iis latis astringi; tum quia praxis contraria gravissimis obnoxia foret difficultatibus, quas pia mater Ecclesia, quantum potest, remover; tum quia *in pueris relinquitur inultum*, scilicet non eodem modo ultum, *quod in aliis proveliioris ætatis severius est puniendum* (u). Nos quidem eam praxim quæ ab omnibus Censuris impuberes eximit, hac in Diœcesi servandam esse intendimus.

Fertur *in delinquentem*. Quale debeat esse delictum, jam diximus.

Postremò requiritur ut delinquens sit *contumax*. Intendit Ecclesia medelam peccato adhibere: sed medela huiusmodi erga eos solos impenditur, qui obstinato animo in culpa sua perseverant, non autem

in eos qui culpam emendârunt (x). Nam quemadmodum sapiens medicus ignem aut ferrum membro affecto haudquaquam admovet, nisi vulnus, incalsum adhiberis omnibus medicamentis, aliter sanari non possit; sic Ecclesia bonorum spiritualium imminutione in quemquam non sævit, nisi prius ipse, *Ecclesiam non audiens* (y), repetitis ejus monitis rebellem se exhibuerit, nec possit aliâ mitiore animadversione ad officium ac saniozem mentem revocari. Enimverò » diligentis & » pii simul Pastoris officium est, » morbis ovium leviam primùm adhibere fomenta; post, ubi morbi » gravitas ita postulet, ad actionem » & graviora remedia descendere; » sin autem ne ea quidem proficiant illis submovendis, ceteras » saltem oves à contagionis periculo liberare (z). » Hinc semper vult Ecclesia, siue Legis promulgationem, siue monitiones Canonicas, ceu fulmini fulgur, Censuris præire; ne Fideles eam poenam ignorent quâ plectendi sunt, si scelera committant, aut si parem commissis poenitentiam agere detrectent. Atque ideò, qui peccatum quod committit, sub poena Censuræ prohiberi nullâ suâ culpâ ignorat, Censuram minimè incurrit, saltem in foro interno.

Adimitur verò per Censuram *usus bonorum spiritualium quæ sunt in Ecclesia potestate*. Quod quidem ut intelligatur, observandum est in

(1) 1. Cor. 5. 12.

(u) Cap. 10, de delictis puerorum.

(x) S. Thom. addit. ad 4. part. q. 21.

a. 3. (y) Matth. 18. 17.

(z) Conc. Trid. Sess. 13. de Ref. c. 11.

Ecclesia triplicis generis bona distingui : alia nempe quæ Christus, tanquam caput in membra influens, per se ipse infundit, ut gratiarum virtutumque dona ; alia quæ, nisi per suos Ministros, non communicat, ut Sacramenta, Beneficia, &c. alia demùm quæ ex communi membrorum nexu & consortio exurgunt, ut orationum suffragia, mutuaque subsidia. Primis generis bona, ceu gratia sanctificans & actualis, quæ sunt privata & recipientis propria, semper à Christo concedi possunt : undè ipsa Excommunicationis Censura per se non impedit quin Excommunicatus auxilia supernaturalia à Christo recipiat, quibus moveatur ad Contritionem perfectam, quam statim subsequitur gratia sanctificans. Censura igitur non spoliatur nisi bonis secundi & tertii generis, quorum utique administratio ad Ecclesiam pertinet. Ea quidem aufert *immediatè* ; *mediatè*

verò & indirectè quædam bona temporalia, ut Beneficii fructus qui à spiritalibus pendent ; ex se enim privare non potest aliis bonis temporalibus quæ ipsius Jurisdictioni atque administrationi non subjacent.

PORRò, cùm cujlibet Censuræ ferendæ potestas in *edificationem* concessa fuerit, non verò in *destructionem*, hinc faciliè intelligitur, cætera remedia quæ suggerit charitas, prius tentanda esse quàm Censuratum severitas exeratur : atque ideo « in causis judicialibus man-
» darur (à Synodo Tridentina)
» omnibus Judicibus Ecclesiasticis,
» ut, quandocumque excurio realis
» vel personalis in qualibet parte
» judicii propriâ auctoritate ab ip-
» sis fieri poterit, abstineant se,
» tam in procedendo quam in de-
» finiendo, à Censuris Ecclesiasti-
» cis (a). »

(a) Conc. Trid. Sess. 25. cap. 3. de Ref.



CAPUT II.

DE Censurarum divisionibus, aliisque circa ipsas generaliter observandis.

CENSURA à Jure, Censura ab homine. Censura latæ sententiæ: Censura ferendæ sententiæ. An Censura sit semper justa & valida. Quomodo gerere se debeat is qui se existimat injustâ Censurâ percussam. Quibusnam formis ferantur Censura. Quomodo in eos agere liceat, qui Censuris ligati, nec tamen denunciati sunt; & quibusnam formis observatis denunciandi sint. Quid observandum aliquâ Censurâ ligatis, nec tamen denunciatis. Quanam ignorantia eximat à Censuris. Quinam Censuris obnoxii. Censurarum divisio solemnis in Excommunicationem, Suspensionem & Interdictum.

CENSURÆ aliæ sunt à *Jure*, aliæ verò ab *homine* (a). *Censura à Jure*, ea est quæ sanctione generali & permanente, per modum Legis fertur in omnes tale crimen commissuros, non tam ut scelus admissum puniat, quam ut ab eo admittendo deterreat; & hæc non alias, quàm ipsa Lex, formas requirit. Ejusmodi Censuræ generales in Conciliorum & summorum Pontificum Decretis, seu in *Jure Canonico*, & in Synodalibus Diœcesæon Statutis, necnon Episcoporum Mandatis generalibus & permanentibus consignantur, tandiùque obstringunt, quamdiù non sunt abrogatæ; ita ut, quanto tempore Lex viget, qui in delictum per hanc Legem prohibitum inciderint, Censuræ gladio subjaceant. *Censura ab homine*,

ea est quæ transitorio Mandato, vel Sententiâ Judicis, per modum Judicii pronuntiatur in certos quosdam privatos, propter peccatum jam commissum; sive persona Judici nota sit, ut quando nominatim excommunicatur *Titius*; sive ignota, ut quando excommunicatur qui in tali incendio quidquam furatus est, nisi, post Monitorii promulgationem, ablatum restituat (b).

Est autem aliud genus Censuræ ab homine, quæ fertur non modò ut peccatum jam admissum puniatur, verùm etiam ne in posterum committatur: exempli gratiâ, si sub pœna Suspensionis prohibeat Episcopus ne Clerici in popina comedant aut bibant. Jam verò, inter ejusmodi Censuram per modum

(a) De sent. Excomm. in 6. (b) *Ibid.*

Mandari generalis ab Episcopo latam, & Censuram à Jure, nulum aliud discrimen est, quàm quod apponit Episcopi Legislatoris intentio; qui cum legem perpetuam ferre constituit, eo ipso Censuram à Jure ferre intendit: si verò Legem nolit ferre perpetuam, sed, ipso vel Jurisdictione orbatò vel mortuo, suspendendam vel cessaturam; tunc Censuram ab homine ferre censetur. Quibus autem notis & characteribus discernenda sit utraque illa intentio, ideòque internoscenda Censura generalis ab homine, & Censura à Jure, non multùm laborandum est; quia nempe Censuræ generales ab homine non solum ratiæ sed (præsertim in Galliis) prorsus inusitate sunt. Quæ ergo passim in hujus Appendix decursu de Censuris ab homine dicuntur, hæc de specialibus intelligi oportet, nisi aliud diserte exprimitur.

Censura omnis à Jure sine ulla forma judiciaria vim habet, & incurritur post cessum & decessum Superioris à quo sancita est. Formâ autem judiciariâ indui debet Censura ab homine, non in forma Mandati generalis pronuntiata: & hæc desinit per mortem vel abdicationem Præfatus qui eam tulit; ita ut, nisi ante ipsius cessum vel decessum jam contracta fuerit, postea non incurritur. Nam, desinente Superioris vitâ, desinit ipsius voluntas specialis; desinente Jurisdictione, desinit Mandatum speciale, ipsa proinde Censura. Unde, si Judex Ecclesiasticus Sententiam Excommunicationis in quempiam sub hac conditione ferat, nisi intra mensem præcepto obtemperaverit, nondùmque

elapso mense Judex moriatur, vel Jurisdictionem amittat, non incurritur Excommunicatio. Qui autem, eo vivente & Jurisdictionem retinente, Censuram incurrit, ligatus manet, etiam si intereat vel Jurisdictione excidat ille Superior; & ab ejus Successore, vel à Capituli Vicariis - generalibus, Episcopali Sede vacante, absolvendus est.

CENSURA insuper, alia dicitur lata sententiâ, alia ferenda. Prior solâ Legis infractione incurritur, & secum executionem involvit, sine alia cujusvis generis declaratione: posterior verò non incurritur nisi accedat Sententiâ Superioris, vel Judicis Ecclesiastici; & comminatoria dicitur. Signa lata sententiâ dignoscuntur ex ipso tenore Legis, in qua ponuntur verba sive de presenti sive de praterito; exempli causâ: Sit anathema, sit excommunicatus; suspensionem incurrat, sciat, (vel noverit) se esse interdictum; eo ipso, ipso facto, ipso Jure sit excommunicatus, suspensus, interdictus; suspendimus; excommunicatur; habeatur pro excommunicato, suspensio, &c. Censura autem ferenda sententiâ verbis comminatoriis & futuri temporis concipitur, in hunc modum: Sub pœna excommunicationis, sub interminatione anathematis; suspendatur; suspendi debet; excommunicabitur, suspendetur; ab ingressu Ecclesie arcebitur, &c.

Cæterùm, quidquid sit de præfatis aliisque similibus notis & characteribus quibus distinguuntur utriusque hujus generis Censuræ, de

quorum nonnullis dissentiant Theologi & Jurisperiti, hîc duo, tanquam certa, observanda sunt: 1°. in iis spectandum esse usum communem, æque Legislatoris intentionem: 2°. in dubio judicandum Censuram *ferenda sententia* esse; quia scilicet, ut jam diximus, in *pænis benignior est interpretatio faciendi*.

CENSURA à Jure, seu à Canone, semper valida & justa est: undè pervulgarum illud effatum: *A pœna Juris non appellatur.* » Sed Censura *ab homine* nonnunquam potest esse injusta ex parte excommunicantis; qui, verbi gratiâ, » ex ira vel odio excommunicat, » aut formalitates accidentales omittit (c). » Irrita pariter esse potest Censura *ab homine*; si nempe feratur ab eo qui Jurisdictione careat; si feratur ob causam non sufficientem aut falsam, nullo videlicet crimine commisso, vel eo quod commissum fuerit, non satis probato; aut si, prætermisissis formis de Jure necessariis, vel post legitimam appellationem feratur. Quòd si Censura evidenter & notoriè sit irrita vel injusta; nec coram Deo, nec coram hominibus ligat. Censura, in se, non verò publicè & notoriè irrita vel injusta, haud quidem coram Deo, sed coram hominibus vim suam obinet. Hinc illud sancti Gregorii Magni: *Pastor quisque indiscretè timeat ligare; is autem qui sub manu Pastoris est, ligari*

timeat, vel injustè (d). Er cùm nemo sit in causa propria judex, qui injustam vel irritam existimat Censuram quâ perculsus est, eam nihilominus servare debet, saltem exterius & publicè; ea verò nunquam *in pace*, id est, indifferenter tolerari debet; nisi cùm certò irrita est: quod quidem non temerè, sed maturo consilio judicandum.

Quamvis autem læso cuique præteat *appellationis* perfrugium, ea tamen via nemini temerè suadenda est. Quòd si, delatâ re ad pietatis eximie personas, veritatem, non obsequium promittentes, à proprii commodi respectu alienas, atque in rebus Ecclesiasticis versatissimas, justum adesse judicetur *appellationis* fundamentum, adhiberi quidem ea poterit: sed (quod sedulo est observandum), tamen si *appellatio* justam ob causam interjecta, pendente adhuc comminatione Censuræ, impedit quominus hæc incuratur, id tamen impedire non poterit, latâ Censurâ. Undè inefficax erit *appellatio*, si latam Censuræ Sententiam non præveniat, quemadmodum & si appellandi justa causa non fuerit; ideòque, pendente lire, diligenter observanda erit Censura, quæ non impunè violaretur: hujusmodi enim *appellatio* non est Judicium, sed læsæ personæ *expositulatio*; neque *suspensivo*, sed tantum *devolutivo* pollet effectu. Quæ autem in *limine litis* datur Absolutio ad cautelam, ad hoc tantum valet ut possit Reus sese in *Judicio* de-

(c) S. Thom. in 4. dist. 18. a. 1. (d) S. Greg. Hom. 16, in Ev.

fendens (e). » Si nulla in promptu.
 « sint Juris remedia; qui injusti &
 « irrita Censurâ perculsus est, eam
 « debet humiliter sustinere, ut hu-
 « militatis meritum recompenset Ex-
 « communicationis damnum: nec
 « Pastoris sui Judicium reprehendat;
 « ne, etsi injustè ligatus est, ex ipsa
 « tumida reprehensionis superbia,
 « culpa quæ non erat, fiat (f).»
 Debet quoque, saltem exterius, iis
 omnibus quæ verè excommunicatis
 interduntur, abstinere, ut procul
 amoveatur scandalum, & illæsa ser-
 vetur Superioris auctoritas.

CENSURA à Jure nullam requirit
 formam. Sufficit ut Lex eodem ritu
 promulgata fuerit quo cæteræ leges;
 & tunc pro monitione est ipsamet
 Legis ritè promulgatæ Censuram-
 que ferentis *notorietas*. Lex nempe,
 quamdiù viget, subjectos satis su-
 perque monet ne Mandato partere
 detrectent: quod si fecerint, sine
 ulla declaratione Censuram incur-
 runt, nisi Lex ipsa novam præscri-
 bat monitionem.

Censura ab homine easdem re-
 quirit formas ac Sententia judicia-
 ria; in qua nempe edicitur nomen
 Rei, ejus crimen, & pœna ad quam
 damnatur. Ac primum omnium,
 tres Judicio præmittuntur monitio-
 nes. Ex tertio quoque die Reo de-
 nuntiantur coram duobus testibus,
 qui singularum monitionum instru-
 mento subscripserint. Quod si res
 urgeat, possunt monitiones intra

brevius intervallum cogi, imò unica
 fieri monitio, quâ declaretur eam
 pro tribus valituram; cum scilicet
 causa moram excludens, legitimè
 suadet. ut Superior vel Juxta Ec-
 clesiasticus Judicii sui emissionem
 acceleret. Aliquando nimirum tanta
 manifestè prodit Rei contumacia,
 tamque urget ferendæ Censuræ ne-
 cessitas, ut Judiciorum mori con-
 sueto aliquatenus detogandum cen-
 seatur. Si quid formæ necessariæ
 omisum fuerit, irrita est Censura.
 Si nihil desit necessarium, sed tan-
 tum judiciarius ordo sit violatus, aut
 prætermissa *accidentalis* aliqua for-
 ma; non idè Censura in irritum
 pronuntiata censetur.

Porro ejusmodi regulæ in feren-
 dis Censuris adhibite, non modò
 innituntur solitâ formâ Judiciorum,
 quibuscum Censuræ nonnullam ha-
 bent similitudinem, verum etiam
 originem ducunt ex Ecclesiæ, pie
 matris, visceribus tenerimis; quæ
 quidem non sèvit, nisi posteaquam
arguendo, obsecrando, increpando
in omni patientia (g), nihil profe-
 cit in rebelles; & charitatis suæ ten-
 tamentis omnibus ad corrigendos
 peccatores publicos incassum ex-
 haustis, cum pœnam repetitâ mo-
 nitione satis prænuntiavit, tam as-
 pèra tamque lamentabilia Censura-
 rum remedia in filios sibi charissi-
 mos, licèt pervicaces, extremâ tan-
 dem urgente necessitate, mœrens
 gemebundaque impendit.

Hæ verò monitiones, ut jam in-

(e) Ester à droit. Vide Declar. an. 1666.
 mensè Apr. datam, requirentib. Cleri Gall.
 Comitibus gen.

(f) S. Thom. & S. Greg. sup.

(g) 2. Tim. 4. 2.

nuimus, (quemadmodum & Censuræ) scripto peraguntur, juridice denuntiantur. Si defuerint monitiones, irrita erit Censura. Attamen, quibusdam in Casibus, qui se interius agnoscit crimen commississe propter quod lata est Censura *ipso facto* incurrenda, quasi eâ ligatum gerere se debet, etiam si nondum ulla libi fuerit adhibita monitio vel citatio, nullaque denuntiata Sententia. Sed quemcumque effectum in foro interio sortiantur hujusmodi Censuræ, nullam in foro externo vim habent, nisi post Judicis Sententiam legitime pronuntiatam & ritè declaratam.

OLIM Ecclesiasticis Legibus vetitum erat, ne quis, ante ipsam denuntiationem, cum iis communicaret, quos sciret Excommunicationis Censurâ ligatos (h). Sed huic disciplinæ deinceps prudenti moderatione derogatum est in Concilio Constantiensî œcumenico; atque « ad evitanda scandala & multa pericula, subveniendumque conscientis timoratis, misericorditer indultum, quod nemo deinceps à communione alicujus in Sacramentorum administratione vel receptione, aut aliis quibuscumque Divinis, sub prætextu cujuscumque Sententiæ aut Censuræ Ecclesiasti-

« cæ à Jure vel ab homine promulgatæ, teneatur abstinere, vel aliquem vitare, nisi Sententia vel Censura hujusmodi fuerit à Jure dice publicata & denunciata specialiter & expresse (i). »

Ea verò specialis & expressa denuntiatio tunc solum fieri legitime potest, cum, ritè præmissâ citatione ad Tribunal Judicis Ecclesiastici, reus est auditus, si steterit in Judicio præsens, & cum cæteræ observatæ sunt formæ judicariæ, prout is confessus est vel negavit. Quod si verò ad Judicium non adfuerit, contumax declaratur, & ipse Censuram incurrisse nominatim pronuntiatur. Arque ut compleatur Excommunicati denuntiatio juridica, neve possit sese præteritâ ignorationis causâ tueri, jubente Officiali, nominatim excommunicatus denuntiatur intrâ Missæ Parochialis solemniam, & Sententia Excommunicationis ad Ecclesiæ fores affixa propalatur. Hæc omnia nisi prius observata fuerint, licet is in foro interno ligatus sit, & tanquam verè excommunicatum gerere se debeat, eum tamen in foro externo ut talem habere nemo tenetur; & ipse non potest, vel quandò celebratur Sacrificium, Ecclesiæ aditu prohiberi. Hæc est Jurisprudentia in Galliis constanter observata (k), nullo casu excepto, ne ipso qui-

(h) Excommunicatos nullus recipiat; nec cum eis in oratione, aut cibo, aut potu, aut osculo communicet, nec eis dicat; quia quicumque in his vel aliis prohibitis, scienter excommunicatis communicaverit, ipse similis excommunicatione subiacet. Can. Excommunicatos, c. 11. q. 3.

(i) *Constit. Mart. V., in Cons. Con-*

stantiensî, ut creditur, condita vel approbata. Vide S. Antonin., Sum. Theol. part. 3. tit. 25. c. 2. cæterosque Theol. & Canon. citatos apud Eveillon, Traité des Excomm. chap. 3. art. 1. D'Héric. Loix Eccl. part. 1. chap. 22. n. 56. Ducaffe, part. 1. c. 11. sect. 1. n. 3.

(k) *Nouv. Mém. du Clergé, tom. 7:*

dem, quo quis, propter notoriam Clerici perculsionem, Excommunicationis Censuram notoriè incurrisset, quamvis hujusmodi Casum exceperit Concilium Constantiense (1); neque Casu manifestissimæ & evidentissimæ notorietatis in quocumque facinore annexam habente Censuram, licèt hunc postea exceperint Concilia duo, Balileense (m) nimirum & Lateranense (n).

Hic tamen diligenter observandum est, eà Ecclesiæ indulgentiā nequaquam derogatum fuisse præcepto naturali, per quod omnis interdicitur societas cum iis quos ligat Excommunicationis vinculum, etiam si non fuerint denunciati, si talis communicatio scandalum generare possit, aut peccatores in rebellionem adversus Ecclesiastica mandata velut quadam auctoritate confirmare (o), aut Fideles cum pervicacibus communicantes in peccandi periculo constituere. Nec magis hinc derogatum censetur præcepto naturali ac divino, quo prohibetur dari *Sanctum canibus* (p), scilicet indignis; nisi fortè Sacramenta his denegari non possint illafo strictiore præcepto, quale est Confessionis sigillum, iisve quæ supra exposuimus ubi de Communione Eucharistiæ peccatoribus sive publicis, sive occultis, sive publicè, sive occultè

petentibus administrandâ vel denegandâ (q).

Quamvis autem non jubeat Ecclesia ejusmodi homines propter Excommunicationem à cæteris Fidelibus vitari, non idcirco tamen vetat quominus ab iisdem vitentur: quod quidem fieri quandoque potest, imò expedit, tum ad significandum horrorem ex criminibus quæ perpetrarunt, incussum, tum ad pudorem ipsis injiciendum, quo salubriter suffusi, ad penitentiam agendam impellantur; modò tamen ex iis vitatus nullum proveniat scandalum.

Jam verò, quia Decretum modò citatum, non ad favendum iis qui Excommunicationis Censurâ restricti sunt, sed in gratiam cæterorum duntaxat Fidelium latum fuisse constat, idè hæc Censura, illius Decreti vigore, nihilominus in foro interno suum fortitur effectum, vel antequàm fiat denunciatio (r). Itaque Excommunicati toties peccant, quoties bonis spiritualibus sibi adeptis sine legitima excusatione utuntur. Ipsi videlicet, etiam non denunciati, *sicut Ethnici & publicani* coram Deo sunt (s); participatione carent suffragiorum quæ pro filiis suis Fidelibus adhibet Ecclesiâ; atque in irritum iis Beneficia conferuntur. Attamen, quandò Beneficiū confert summus Pontifex;

pag. 608. & 609. Vide decr. Inn. IV de Censuris, in Conc. Lugd. I, an. 1245. Julius Clar. Praxis crimin. l. 5. q. 31. pag. 472. ed. Lugd. 1672. D'Héric. Loix Eccl. part. 1. chap. 22. n. 58. Ducaffe, part. 1. c. 11. n. 5.

(1) Idem, ibid. sect. 1. n. 3.

(m) An. 1431. (n) An. 1512.

(o) Conc. Aquisgr. I, an. 816. l. 2. cap. 134. (p) Matth. 7. 6.

(q) De Sacram. Euch. Divis. III, c. 3;

(r) Cap. Ad evit. scand.

(s) Matth. 18. 17.

ab omnibus Censuris solet ad hunc effectum absolvere : unde collatio ab ipso facta homini excommunicato, valida est, nisi sit propter hæresim excommunicatus ; quo quidem in casu necessaria illi est specialis Absolutio quæ Beneficii collationem antecesserit. Præterea licito Jurisdictionis usu & exercitio privatur is qui Censurâ nondum denunciata constrictus est ; ipsius autem validum usum & exercitium retinet. Postremo cujuscumque Censuræ (etiam non denunciatæ) violatores *Irregularitatem* incurrunt, positæ, Casibus in quibus ejusmodi effectum parit ea violatio. Posteaquam Censuris constricti nominatim denunciati sunt, tenetur omnis Fidelis cavere diligenter ne cum illis consortio jungatur in usu bonorum spiritualium quibus exciderunt per Censuras. Ii vero soli qui præcisos à Communionem in societatem adhibent, *Excommunicationem minorem* incurrunt, cujus tamen à vinculo eximuntur in Casibus infra explicandis (1) : sed nunc ipsam non incurrunt ii quibus consuetudo fuit cum illis qui præcisos à Communionem in societatem adhibuerunt ; prudentem enim sublata est ea Censurarum communicatio in infinitum.

Porro qui Censuram bonâ fide ignorat, non eam incurrat, quamvis non ignoret culpam cui sit annexa Censura, Legi naturalis seu positivæ esse contrariam. Scilicet ignorantia non multum culpabilis eximit à Censura (2) ; hæc enim, ut

incurratur, non modò lethale peccatum, sed in lethali peccato contumaciam supponit. Cujus autem affectata vel æquivalens ignorantia est, is quidem minimè à Censura eximitur. *Virtualiter* quippè, & idèò satis contumax reputatur, cum non sine gravi culpa negligat Legem cognoscere pervulgatam, quæ, quantum in se est, & quasi voce continuâ omnibus & singulis clamare ne seipsos sub ejus anathemate constituent, Ignorantia *facti* à Censura pariter excusat, dummodò non sit voluntaria. Sic, qui virum Ecclesiasticum graviter vulnerat, Laicum putans, Excommunicationem minimè incurrat. In dubio legitimo & ratione subnixo, sive *Juris*, utrum nempè Censura existat, sive *facti*, an videlicet illud commissum fuerit quod sub pœna Censuræ prohibetur, se quisque debet, in praxi, tanquam Censurâ ligatum gerere.

Nemo quidem Censurâ ligatur, nisi obnoxius ditioni sit illius Superioris à quo lata fuerit. Extraneus autem in illius territorio peccans, sit ipsi subiectus ; & Censuram, si hanc satis notam habuerit, incurrat ; ubi enim *delictum*, ibi *forum* : & quamvis alienam Diocesim petierit, adversus eum ferri Sententia potest à Judice loci in quo peccavit. Verumtamen, si nolit Superior ut in suo territorio Censuris à se latis subiaceant extranei qui in eo versantur sine animo ibidem commorandi per tempus aliquod notabile, exempli gratiâ, sex men-

(1) Cap. III. (2) Cap. 2. de Constit. in 6.

ses, in illo Casu censendum est ejusmodi extraneos his non subjacere Censuris; nam Censuræ ultra intentionem ferentis non operantur. Censuræ pariter obnoxii sunt quicumque Superiori subjacent iis in rebus de quibus fertur Censura, licet ipsius Jurisdictione sint in aliis immunes. Undè Regulares, quoad Sacramentorum administrationem, Festorum ac Jejuniorum observantiam, aliæque plura in quibus non est immunitati locus, pronuntiatas ab Ordinario Censuras incurrunt, atque ad eas servandas sub pœnis Juris renentur. Qui Censuram sciens & volens transgreditur, gravissimi peccati reum se constituit, Ecclesiam spernens in gravissimi momenti negotio divinâ auctoritate præcipientem.

CÆTERUM dividuntur Censuræ in *Excommunicationem*, *Suspensionem* & *Interdictum*. Suspendio fertur in Solos Clericos & Religiosos: Excommunicatione & Interdicto feriuntur Clerici & Laici. Hodie Excommunicatio non infligitur ad tempus definitum; sed ita ut permaneat quoadusque per Absolutionem tollatur. Contrâ, Suspendio & Interdictum certo temporis intervallo definiri possunt; quo quidem elapso, sine ulla cujusvis generis Absolutione finem accipiunt. Et quandò pro limitibus certas habent conditiones, impletis conditionibus, pariter definunt.

Nunc de Excommunicatione, Suspensione & Interdicto seorsim est agendum.

CAPUT III.

DE Excommunicatione.

QUID sit Excommunicatio. Quam auctoritate, in quos, & quo proposito feratur. In Hæreticos antiqua severitas. Quid sit Anathema, & in quos præsertim infligeretur. Excommunicatio alia totalis, alia partialis. Excommunicatio major & minor: utriusque effectus. In quibus communicare non liceat cum Excommunicatis: quibusnam in Casibus & quousque impunè cum ipsis communicetur: de his explicantur duo versus technici. Quomodo gerere se debeant Excommunicati tolerati. Quomodo erga illos agendum. Quædam notanda.

EXCOMMUNICATIONEM variis nominibus Patres dixerunt, ut patet ex veteribus Ecclesiæ monumentis. Eam sæpius vocant *absensionem*,

sequestrationem, remotionem, segregationem (a). Excommunicatis nomina erant, à *Communione abjectis, alienis, suspensis, remotis, seclusis, ab Ecclesia alienis, extraneis, exclusis, arcendis* (b).

Excommunicatio autem est *Censura Ecclesiastica*, quâ *Fidelis* separatur à *Communione Sanctorum*, seu privatur usu bonorum spiritualium *Fidelibus communium, vel ex toto, vel ex parte.*

Vigere in Ecclesia potestatem excommunicandi, liquet ex Apostolo, qui, ut jam supra diximus, peccatores *Satana tradebat* (c): quod quidem de Excommunicatione intellexit universa Patrum Traditio (d). Hac potestate semper usa est Ecclesia in Fideles qui per actus criminosos scandalo erant fratribus; ut observaretur quod iusserat idem Gentium Apostolus: *Nescitis quia modicum fermentum totam massam corrumpit? Expurgate vetus fermentum. Ne commisceamini fornicariis. Scripsi vobis non commisceri, si is qui frater nominatur, est fornicator, aut avarus, aut idolis serviens, aut maledicus, aut ebriosus, aut rapax, cum ejusmodi nec*

cibum sumere. Auferte malum ex vobis ipsis (e).

Coram Deo ligantur in cælis, qui per Excommunicationem ligantur in terris: » qui enim iuste punitus est & excommunicatus, idem » à vita immortalis & gloria rejectus » est (f). » Sed Excommunicatio non fertur nisi in peccatorem, contumacem. » Cum dolore amputatur » etiam quæ putruit pars corporis; » & diù tractatur, si potest sanari » medicamentis: si non potest, tunc » à medico bono abscinditur. Sic » Episcopus affectus boni est, ut » optet sanare infirmos, serpentina » auferre ulcera, adutere aliqua, » non abscindere; postremo, quod » sanari non potest, cum dolore » abscindere (g). » Itaque finis Excommunicationis est peccatoris emendatio. Apostolus quippè in cæstum Corinthium *Satana tradidit, ut spiritus salvus sit in die Domini nostri JESU CHRISTI* (h); *Hymenæum & Alexandrum, ut discant non blasphemare* (i). Undè Pœnitentibus publicis non minima Pœnitentiæ pars erat Excommunicatio (k). Cumque hæc Censura nervus sit *Ecclesiastica Disciplina*,

(a) Conc. Elib. c. an. 304. can. 16. Cabil. can. 11. Turon. II, an. 567. can. 11. Can. Ap. 5.

(b) Conc. Nic. œcum. an. 325. can. 5. Andeg. an. 453. can. 4. Aurel. IV, an. 541. can. 12. 15. 25. Aurel. V, an. 549. Aurel. II, an. 452. Turon. II, sup. Tolet. XIII, an. 683. can. 5.

(c) 1. Cor. 5. 5. 1. Tim. 1. 10.

(d) Orig. Hom. 2. in 2. Judic. S. Chryf. Hom. 5. in 1. Tim. & Hom. 4. in 2. Cor. S. Hier. Ep. 1. (al. 5.) S. Ambr. de Pœnit. l. 1. c. 13. (al. 65.) & c. 15. al. 78.)

Paulin. vita S. Ambr. n. 43. S. Aug. de fide & oper. c. 26. (al. 48.)

(e) 1. Cor. 5. 6. 7. 9. 11. 13.

(f) Const. Ap. l. 2. c. 47. Vide Syn. Ebroic. an. 1576. ap. Laur. Bouchel, Decr. Eccl. Gallie. lib. 2.

(g) S. Ambr. de Off. l. 2. c. 27. (al. 135.) Vide Syn. Ebroic. sup.

(h) 1. Cor. 5. 5. 2. Cor. 2. 3.

(i) 1. Tim. 1. 20.

(k) Conc. Elib. can. 61. S. Aug. Ep. 108. (al. 265.) n. 7.

& ad continendos in officio populos valde salutatis (1); ea fertur ut & ceteri timorem habeant (m), neque in semetipsos arma usque adeo meruenda scelerum atrocitate detorqueant. Ad ferendam Excommunicationem alia quoque impellit evidens Ecclesiae utilitas, ne scilicet mali contagio ad reliquos pertineat. Quamobrem ea Censura pronuntiatur in peccatores publicos, rebelles praefertim (n), maximèque in Hæreticos, ut potè adversarios & insidiatores Ecclesiae, qui corrum-punt gregem, & sordant hereditatem (o). »

Quæ quidem in eos agendi ratio à sanctorum Apostolorum magisterio duxit originem, cum scripserit S. Joannes: *Si quis venit ad vos, & hanc doctrinam non affert; nolite recipere eum in domum, nec AVE ei dixeritis. Qui enim dicit illi AVE, communicat operibus ejus malignis* (p). Quod præcipiebat amantissimus Domini, & Domino charissimus ille Discipulus, hoc ipse diligenter exequabatur. Cum enim die quodam balneum ingressus, ibi Cerinthum reperisset, statim exiit; moriens, inquebat, ne repentinè ædificii ruinâ cum Hæretico opprimeretur. » Tantùm Apostoli & eorum discipuli habuerunt timorem, » ne verbo tenus communicarent » alicui eorum qui adulteraverant

» veritatem (q). » Quòd si verò S. Joannes Hæreticos ne salutandos quidem censuerat, multò minùs in precibus & Religione cum iis Fideles communicare permisisset. Quin potius antiquissimo Canone sancitum est: » Inipios Hæreticos non penitentes discludere, & semovete à Fidelibus, & eis Ecclesiam Dei interdicit; ut omnibus modis ab eis declinent; neque ulla cum eis sit sermonis aut precatationis communitas (r). » Sed nonnunquam, prudentis temperamenti causâ, cum Hæreticis aliquatenus communicatum est. Sic ille vigentis animi in infirmo corpore S. Basilii Magnus, postquàm nec blandienti nec favienti Praefecto cessit ut Imperatori Ariano morem gereret, Valentis offensâ caligine attoniti, labantibusque gemitibus tremantis oblationem ab Altari sancto non prohibuit (s).

VARIÆ autem sunt Excommunicationis species, juxta varietatem bonorum quibus privari potest homo Christianus. Maxima omnium *Anathema* dicitur, & execrationem addit Excommunicationi: sic nempe testantur Fideles quantoperè scelerum atque errorum portenta exhorrescant. *Anathema* quasi aeternae mortis damnatio reputatur; atque idcirco non nisi pro mortali debet imponi crimine & illi qui aliter non potuerit corrigi (t).

(1) Conc. Trid. Sess. 25. de Ref. c. 3.

(m) 1. Tim. 5. 20.

(n) S. Cypr. Ep. 64. (al. 65.)

(o) Conf. Ap. l. 6. c. 18.

(p) 2. Joan. 10. 11.

(q) S. Iren. adv. Hæret. l. 3. c. 3.

(r) Conf. Ap. l. 6. c. 18. Vide Conc.

Nic: I œcum. an. 325. can. 5. & Aquissgr. l. an. 816. h. 1. cap. 134.

(s) Sozom. Hist. l. 6. c. 16.

(t) Conc. Paris. (al. Meld.) cui aderat Erchenradus, 11 Paris. Episc. an. 846. can. 56.

In Hæreses præsertim atque Hæreticos anathema infligebatur: undè, qui ab Hæresi ad Catholica veritatis unitatem redeunt, quos ejurant errores, Ecclesiâ præcipiente, anathematizant (u). Excommunicatio alia *totalis* erat, spolians omnibus bonis Fidelium societati communibus: alia *partialis*, aliqua tantùm ex iis bonis auferebat. Olim sæpè ad tempus definitum, ad dies septem, ad menses duos vel tres, ad annos tres, quique, & multò plures (x), nunquam in perpetuum ferebatur. Quidam ultro discédebant ab aliorum Communione (y); sicque illos, tanquam Excommunicatione dignos, à Communione tacitè secludebant, vel secludendos judicabant; & tunc protùs abstinebant eorum societate, juxta illud Apostoli: *Denuntiamus vobis, fratres, in nomine Domini nostri JESU CHRISTI, ut subtrahatis vos ab omni fratre ambulante inordinatè, & non secundùm traditionem quam acceperunt à nobis* (z). Qui autem sine causa legitima sequebantur semetipsos (a), schismatici dicebantur, ut potè qui Ecclesiæ unitatem scinderent.

EXCOMMUNICATIO, quatenùs vel omnia bona spiritualia, vel eorum partem adimit, duplex distinguitur: *major & minor*. Excommunicatio major ea est, quâ hominè baptizatus

ab Ecclesiæ corpore & à Fidelium Communione omninò secluditur. Hæc hominè Christianum à Sacramentis tum suscipiendis, tum administrandis, à communibus precum suffragiis, & à quolibet Ecclesiastica Jurisdictionis usu, removel: pœna haud dubiè terribilis, quâ quidem, qui in sceleribus contumaces adversùs Ecclesiam rebellant, ab illius societate segregantur. Per Excommunicationem minorem id efficitur, ut neque Sacramenta percipere, neque ad ullum Beneficium aut Dignitatem Ecclesiasticam eligi aut promoveri licitè possit quitaletam Censuram incurrit (b). Hæc autem non incurritur nisi per communicationem exteriorem cum Excommunicatis denuntiatis; & nunquam est reservata (c). Qui Excommunicatione minore ligatur, huic nihilominùs fas est Fidelium uti consortio, Missæque Sacrificio & publicis precibus cum aliis interesse; ipse pariter jus retinet Beneficia conferendi, quinimò & Sacramenta ministrandi; sed debet, si sit Presbyter, à Sacrificii celebratione abstinere, eò quòd in ipsa percipiendum sit Eucharistiæ Sacramentum (d).

Excommunicatio toties *major esse* intelligitur, quoties, sive à *Jure*, sive *ab homine*, Excommunicatio pronuntiatur (e). Hæc longè gravissima est omnium pœnarum quæ ab

(u) *Gangr. IV sæc. præf. S. Chrys. Serm. de anath.*

(x) *Conc. Venet. an. 555. can. 14. Agath. an. 506. can. 55. Elib. can. 16. Aurel. V, can. 17. Can. Ap. 23.*

(y) *Conc. Calc. IV, an. 451. Act. 101. Lugd. I, an. 517. can. 3.*

(z) 2. *Thess. 3. 6.*

(a) *Juda, v. 19.*

(b) *De sent. Exc. in 6.*

(c) *Decret. l. 5. tit. 39.*

(d) *Greg. IX, cap. Si celebrat. De Cleric. exc. min.*

(e) *De sent. Exc. cap. 57.*

Ecclesia infligi possunt, olimque mortalis dicebatur; » summumque » futuri iudicii præjudicium erat, » si quis ita deliquisset, ut à com- » municatione orationis, & con- » ventus, & omnis sancti commer- » cii relegaretur (f). » Enimverò quicumque hac terribili castigatione perstringitur (g), Baptismi non quidem caractere, sed juribus spoliatur, sit *anathema à Christo* (h), dum à corpore Christi, quod est Ecclesia, seu membrum viriatum, spirituali gladio refecatur; è Christiano demùm efficitur *sicut Ethnicus* (i). » Nihil porò sic debet for- » midare Christianus, quàm sepa- » rari à corpore Christi. Si enim » separatur à corpore Christi, non » est membrum ejus; si non est » membrum, non vegetatur spiritu » ejus » *si quis autem*, inquit Apo- » stolus, *spiritum Christi non habet*, » *hic non est ejus* (k). »

Vulnera igitur quæ infligit Ex-communicatio major, multò acerbiora sunt quàm quod acerbissimum fingi aut excogitari potest. » Illud » enim, *Si nec Ecclesiam audierit*, » *sit tibi tanquàm ethnicus & publi-* » *canus*, gravius est quàm si gladio » feriretur, si flammis absumere- » tur (l). » Excommunicationis ma- » joris vinculo constrictus, iis priva- » tur omnibus bonis, quorum dispen- » satio ad Ecclesiam pertinet. Ac pri-

mò quidem à societate orationis; tum publicæ, tum private, seu profanus, arcetur, atque à divini cultus communione segregatur (m). Nec Missæ Sacrificio, nec divinis Officiis, cæterisve Ecclesiæ precibus interesse potest. Nefas est ejus nomen commemorare, ejusve oblationes vel munera suscipere. Non licet cuiquam Sacerdoti, tanquam Ecclesiæ Miniistro, pro illo Sacrificio salutis offerre, seu *Collectas* recitare, preces palàm fundere; quæ scilicet nihil ei proficerent. Possunt tamen Sacerdotes cæterique Fideles pro Excommunicato privatim orare, ut Pœnitentiæ spiritum & compunctionis gratiam largiente Deo, tandem *convertat se à nequitia sua* (n), tantùmque Ecclesiam respicientiâ lætificet, quantum eam perviciaci contristaverat. Exceptis ejusmodi privatis orationibus, Excommunicati penitus amittunt participatio- nem suffragiorum, bonorum ope- rum, Indulgentiarum, omnium denique fructuum spiritualium, qui Fidelium societati universæ mem-brisque singulis sunt communes.

Quòd si, nondùm incepto Officio divino, vel post illud inceptum, competiat Sacerdos Excommuni- catum adesse in Ecclesia, id-que tam publicè & ipsi & astantibus innoverit, ut his nullomodo celari possit; eum multâ sermonis

(f) Tert. Apol. c. 39.

(g) Ibid.

(h) Rom. 9. 3.

(i) Matth. 18. 17.

(k) S. Aug. tract. 27. in Joan. Contra adversar. Leg. & Proph. l. 1. c. 17. (al. 36.) Vide Syn. Ebroic. an. 1576, ap.

Laur. Bouchel, Decr. Eccl. Gall. l. 1.

(l) S. Aug. suprà.

(m) S. Ambr. Ep. 51. ad Theod. Cap. Sicut Apostoli, cum 3. seq. C. Nuper, de sent. Exc. & C. Alma, in 6.

(n) Al. 3. 26.

gravitate, sed miserantis potius quam indignantis vultum gerens, egredi jubeat. Illo detrectante, Officium vel non incipiat, vel non prosequatur; ipsum Missæ Sacrificium abrumpat, & sacras vestes exuat, si nondum ad *Canonem* devenerit; tunc enim Liturgiam usque ad Communionem inclusivè prosequi debet, ac postea in Vestiarium secedere, ubi reliquas preces submissâ voce recitet. Alioqui, coram Excommunicato Sacra faciens, vel divina Officia peragens, Interdictum *ipso facto* incurreret (o), à quo non absolveretur, nisi post condignam satisfactionem à Superiore impositam. Hæc autem, & similia, de solis Excommunicatis denuntiatis intelligenda sunt. Carterum Excommunicato cuique conceditur ut verbi divini prædicationem audiat in Ecclesia; quin etiam illud ei magnoperè suadendum est, quòd certius & sui officii rationem, & quomodo se Deo Ecclesiæque per Pœnitentiam reconciliare possit, docente Pastore, intelligat. Sed, petentâ Concione, statim egrediatur, ne Mysteriorum vel publicæ Orationis celebrationem suâ præsentia impediatur. Si autem aliquis dominus, vel quicumque alius, auctoritate suâ (quod absit) rebellionem adversus Ecclesiam fovens, fontem tutaretur ne exiret, impositamque Satisfactionem adimpleret; ille, *ipso facto*, ejusdem Excommunicationis vinculo innecteretur.

Præterea, qui ab Ecclesiæ Communionem segregatus est, si sit Clericus, nullam potest cujuslibet Ordinis functionem exercere, nullum neque suscipere, neque administrare Sacramentum (p), nisi forte in extrema necessitate; tunc enim Presbytero excommunicato licet moribundum absolvere. Mulrò magis Presbyter nullâ Censurâ ligatus, Excommunicatum, etiam denuntiatum, in mortis periculo constitutum, atque erga Ecclesiam matrem, cujus in se iram concitavit, tardâ licet pietate obsequiosum absolvere potest ac debet, servatis quæ in hujusmodi Casibus servari jubet prudentia ac disciplina. Presbyter autem quodlibet Sacramentum præter Pœnitentiam in articulo mortis Excommunicato denuntiato administrans, Interdictum *ipso facto* incurrit; & contra illum per Excommunicationem procedi jubet Ecclesia (q).

Insupèr, qui Excommunicationis majoris vinculo constrictus est, ad Beneficia, Officia, vel Dignitates Ecclesiasticas nec promovere nec promoveri, nec eligere nec eligi potest; proinde fructus eorum non facit suos. Atq̃amen Beneficio quod quis legitime ante contractam Excommunicationem adeptus est, per hanc postea contractam non spoliatur, imò nec ejus fructibus, quamvis eadè Censurâ manente, sed ante amissum Judicis Sententiâ titulum perceptis; tum quia gravis ejus-

(o) *Cap. Episcoporum, de privil. in 6.*

(p) *Conc. Carth. II, an. 390. can. 8. Cap. Cum illorum, Extrâ, de sent. Exc.*

Cap. Illud Dominus, Extrâ, de Cleric. ex. min.

(q) *Cap. Episcoporum, sup.*

modi pœna nullo Juris Decreto sancta reperitur, quod tamen, ut inflicta diei possit, omninò est necessarium; tum quia in hoc Regno Christianissimo, quemadmodum & in aliis quibusdam, viget consuetudo jute ac merito introducta, ut scilicet Excommunicati, cum respiscunt, fructuum de quibus agitur, condonationem à summo Pontifice non requirant, ed quòd ipsos legitime percepisse & suos fecisse reputentur. Caterum omni functione & Jurisdictione Ecclesiasticâ excidit Excommunicatus denunciatus (r). Sed Beneficiorum collationes, actusque Jurisdictionis, seu voluntariæ, seu contentiosæ, quos exerceret Excommunicatus non denunciatus, quamvis illicita, nihilominus rata & valida essent, quemadmodum & Absolutio quam impetraretur, etiam extra causam necessitatis (s). Denunciatus verò, accusare omninò non potest, neque audiri in Judicio, nec Judicem Ecclesiasticum in suum tamen implorare (t), neque in Ecclesiæ foro Judiciali etiam per monitiones agere, judicare, corrigere, ferre Censuram. Hæc omnia constituit Jus commune; si quid autem aliud velit Jurisprudentia Gallicana, juxta illam, consulto prius Diocesano Pontifice, agendum est.

Eidem quoque interdicitur omnis exterior cum Fidelibus commu-

nicatio, extra Casus à Jure exceptos (u).

Denique sacris Canonibus institutum est « ut quibus non communicavimus vivis, non communicemus defunctis; & ut careant Ecclesiasticâ sepultura, qui prius erant ab Ecclesiastica unitate præcisi, nec in articulo mortis Ecclesiæ reconciliati fuerint (x). » Itaque Excommunicati, si in Excommunicatione moriantur, publicis Ecclesiæ suffragiis & Christianâ sepultura privandi sunt (y). Et si quis terram sanctam sive Ecclesiam, sive Cœmeterium Excommunicati denunciati corpore funestaverit, quod certè fieri non potest quin Excommunicatio ipso facto incurrat (z); præcipiunt Ecclesiasticæ Leges profanum cadaver ex indebito sepulcro effodi, locumque pollutum censi, quoadusque Ecclesiæ precibus & reconciliatione solemnibus, ab Episcopo, vel à Presbytero de Episcopi licentia expietur. Quocumque signo pœnitentiam restatus fuerit moriens Excommunicatus denunciatus, ipsum quidem in terra sancta humari non oportet, neque ejus memoriam publicis precibus honestari, quando non impetratâ Absolutione interiit. Sed potest Ecclesia eum mortuum absolvere, id est, in suam Communionem restituere, cum ejus pœnitentia certis indubitatisque signis inno-

(r) Cœlest. III, Decret. l. 1. tit. 6. c. 34. & l. 5. tit. 27. c. 7.

(s) Conflic. Mart. V, Ad evitanda scandala.

(t) Rebuff. de concord.

(u) 2. Cor. 5. 11. S. Iren. adv. Hæret. l. 1. c. 13. Can. Sicut Apostoli, cap. 11.

q. 3. & Cap. Ad mensam, ibid.

(x) Cap. 12. de sepult.

(y) Inn. III, Decret. l. 3. tit. 28. c. 12. Clem. V. in Conc. Vienn. cum. an. 1311. Clementin. l. 3. tit. 7. c. 1. Conc. Tull. II apud Tuscan. an. 1360. can. 1.

(z) Clement. Eos qui, c. 1. de sepult.

tuit. Mortui propriè excommunicari non possunt, neque absolvi; verumtamen declarari potest, illos, si viverent, à Communione Fidelium fore separandos, vel in eam restituendos: neque ipsi alio sensu anathematizantur, excommunicantur, aut absolvantur (a). In Pastoralis hujus parte Rituali (1), ubi describitur *Ordo ministrandi Sacramentum Pœnitentiæ*, invenietur forma hujus Absolutionis; quæ quidem Nobis, seu Vicariis nostris generalibus, semper est reservata, neque adhiberi potest ab ullo Sacerdote, nisi expressam ad hoc licentiam obtinuerit. Quoniam autem ea quæ circa sepulturam Ecclesiasticam Excommunicatis denegandam observanda modò præscripsimus, multis & gravissimis incommodis & periculis obnoxia forent, si temetè in praxim redigerentur; de casibus hanc materiam spectantibus ad Præsulem Diocesanum aut ejus Vicarium - generale referendum est; nihilque, ipso inconsulto, eà in remoliri debent Ecclesiarum Parochialium Rectores.

EXCOMMUNICATOS non toleratos, seu denunciatos, vitare tenetur unusquisque Fidelium; quasi per denuntiationem tremenda illa vox intonet: *Recedite, recedite* (b), *exite de medio eorum, & separamini*, & *immundum ne tetigeritis* (c),

sicut leprosum à Deo petcussum, atque è Sanctorum castris exterminatum, vel potius *sicut vulneratum dormientem in sepulcro, cujus nemo est memor amplius* (d). Jam verò quibus in rebus nefas sit cum Excommunicatis communicare, breviter memoriæ commendat technicus ille versiculus:

Os, orare, vale, communico, mensa negatur.

Os: hinc illicitum est, verbis, signis, aut nutibus, mutuis Epistolis, sive alio quocumque modo, cum Excommunicato colloqui (e).

Orare: nefas est cum ipso privatum vel publicè orare, Missæ, vel Divinis interesse, Cursum Canonicum recitare, & pro eodem publicè precari. Fidelibus semper vetitum fuit ne ullam cum Excommunicatis inirent societatem, in iis præsertim quæ Religionem spectant. Et ne quis à Communione præcisus justorum congregationi profanum se immisceret, nullus advena in Ecclesiam admitti solebat, nisi prius exhibitus Episcopi sui Litteris *communicatoriis*; prætereaque nomina Excommunicatorum vicinis Collegis trans mittebant Episcopi, ne quis hujusmodi in Fidelium exterorum Communionem latens irreperet (f).

Vale: non licet Excommunicatum salutare, honore ullo præveni-

(1) Tom. III.

(a) *Inn. III, l. 5, tit. 39, c. 28. Anobis.*

(b) *Is. 52. 11.*

(c) *2. Cor. 6. 17.*

(d) *Pf. 87.*

Tomus II.

(e) *Conc. Arel. II, an. 452. can. 49. Tolet I, an. 400. can. 5.*

(f) *Carth. I, an. 348. can. 7. Vascense, can. 1. Joan. VIII, c. 11. q. 3. can. 20.*

re, ullo observantiz comitativæ testimonio colere, ei munera largiri vel ab eo suscipere. Quod de Hæretico præceperat sanctus Joannes, *Nec AVE ei dixeritis* (g), id de quolibet Excommunicato nominatim denunciato intelligitur.

Communio: hinc scilicet, contubernii, hospitii, itineris, laboris, oblectationis, mercaturæ, conventi, Matrimonii contrahendi societas omnis cum Excommunicato prohibetur (h).

Mensa: illud est quod de variis peccatoribus à Paulo Apostolo sanctum fuerat: *Cum ejusmodi nec cibum sumere* (i).

In quolibet horum quinque si quis Fidelis Excommunicatum attingat ullâ conjunctione, præterquam quodd graviter peccat, Ecclesiam non audiens ejusque proposito resistens, quo Excommunicatum quemque, ex eo quodd omnium Fidelium societate excludatur, incussi pudoris adminiculo ad officium reflectere intendit; præterquam quodd debitam proximo charitatem lædit, eum inde in sua perveritate suaque adversus Ecclesiam rebellionem confirmans; insuper Excommunicationem minorem ipso facto incurrit, certis Casibus à Jure exceptis, quos exponit sequens versiculus mnemonicus:

Utile, lex, humile, res ignorata, neceffe.

Utile: si quando manifestè affulgeat ingens utilitas, sive spiritualis,

sive temporalis, vel ex parte communicantis, vel ex parte Excommunicati; si maximè talis extra ordinem communicatio spem afferre videatur, fontem eò adductum iti ut resipiscat, & dignos faciat Pœnitentiæ fructus. Hæc tamen exceptio præsertim Rectores animarum spectat, virosque Ordinis Ecclesiastici eâ doctrinâ & pietate commendabiles, ut contumacem possint ad officium revocare. Quin etiam tantâ modestiâ tantæque gravitate exortem Communionis adire debent, ut ipso alloquentium intuitu vel invirus intelligat quàm horrendum sit illud scelus quod ipse perpetravit. Non igitur omnibus indistinctè, per speciem revocandi Excommunicatos ad obsequium Ecclesiæ debitum, eos frequentare licet; iis verò duntaxat in quos salutis ipsorum cura incumbit, qualis est Parochus seu Vicarius; aliiſve Clericis, aut etiam gravibus Laicis, quibus id specialiter commiserit Episcopus, aut prudens suggesserit charitas.

Lex: si nempe intercedat Matrimonii vinculum, licet conjugii societatem habere cum conjugē excommunicato, eique solita officia præstare (k).

Humile: hoc est, debiti obsequii respectus. Cùm enim Excommunicatio sit poena merè spiritualis, nemo per ipsam juribus sibi legitime ante pronuntiatam Censuram in certas personas acquisitis spoliari po-

(g) 1. Joan. v. 10.

(h) 1. Thess. 3. 6. Conc. Elib. can. 16. 17. Laod. c. an. 368. can. 10. 31. Tolet. I. can. 15.

(i) 1. Cor. 5. 11. Conc. Arch. II, & Tolet. sup.

(k) Greg. VII, c. 11. q. 3. c. 103.

test. Quemadmodum ergo propter illam neque vir ab uxore, neque uxor à viro separari debent, sed possunt, ut prius, cohabitare, & in omnibus civilibus, non tamen in Divinis, communicare; ita nempe liberis, famulis & ancillis, beneficiarii clientibus (1), subiectis, consuetudinem habere licet cum parentibus, heris, dominis, Principibus summam potestatem obtinentibus, & iis qui Principum auctoritate publicum aliquod ministerium exercent. Absit ut Ecclesia Dei temporalia cum spiritalibus promiscuè habens, Regum sceptrum & gladium Excommunicationis inter se committat, & JESU CHRISTI regnum è cœlesti terrenum, è sacro profanum faciens, Principes excommunicatos (si quem ex iis, quod absit, excommunicari compellat necessitas) jam non esse Principes affirmet. Opus divinæ bonitatis, Religio sanctissima, pacem & charitatem spirans, odio vertetur, si quidquam rerum humanarum ordini detraheret Excommunicatio, *Disciplina* quidem *nervus*, sed ad temporales hujusmodi effectus telum prorsus imbelles, frustra quoque ictu incassum recidens. Nulla unquam impedit Censura quominus singulis respectivè opera, honor, fides, militia, vectigal, obsequium debeat atque præstetur, modò cum ipsis in crimine criminoso & in cultu divino non communicetur. Circa hæc duo si quid

molestiæ patiantur inferiores, quod præsertim vergat in contemptum Legis, & potestatis à Christo Domino conceditæ, cum omni modestia & humilitate respondeant Superioribus, esse Deum in cœlo potentem, qui sibi magis quàm hominibus obtemperari jusserit (1).

Res ignorata: hinc qui excommunicatum fuisse aliquem bonâ fide ignorant, vel eum adesse imprudenter non advertunt, haud quidem peccant, neque Excommunicationem minorem incurrunt cum ipso communicantes.

Necesse: excusantur pariter ii qui ad ineundum cum Excommunicatis consortium aliquâ ineluctabili necessitate compelluntur (m); sive corpus, sive animam, sive communicantem, sive Excommunicatum afficiat illa necessitas. Qui ergo incœpta lite adversus Excommunicatum agit, hic potest litem persequi, seu novam intentare vel instituere, prout necessitatis ratio suggererit. Nec dubium est quin Medici, Chirurghi, Pharmacopoli, Obstetrices opem solitam ferre possint Excommunicatis. Soli Notarii & Apparitores suum illis ministerium impendere nequeunt, si Parochis aut Vicariis Vadimonia denuntiare jubeantur, seu interpellationes obtrudere, undè Ecclesiæ Ministri eos in Ecclesiam admittere cogantur; hinc enim in rebellionem foverentur contumaces (n).

Extra casus quinque supradictos,

(1) 2. Mach. 15. 4. Ab. 5. 19.

(m) S. Thom. in 4. sent. dist. 18. q. 2. a. 4. quæstione. 1.

(n) Conc. Aquigr. I, an. 816. l. 1. cap. 134.

illicita est omnis communicatio cum Excommunicatis, etiam fratribus & cognatis, si non sint tolerati.

Scilicet Excommunicati duplicis generis distinguuntur : alii tolerati, alii non tolerati. Prioris generis ii sunt quos non denunciavit Iudex Ecclesiasticus : hos quidem omnino vitare nullus tenetur ; certis tamen in casibus, suadente prudentiâ, fugienda est eorum societas. Posterioris generis ii sunt quos nominatim denunciavit Iudex Ecclesiasticus : & quilibet, extra Juris exceptiones, cum illis communicans, Excommunicationem minorem *ipso facto* incurreret ; quæ tamen reservata non esset, nisi cum iisdem communicatum fuisset *in crimine criminoso*, id est, in crimine propter quod ipsi excommunicati essent (o) ; tunc enim *ipso facto* incurreretur Excommunicatio major, cujus vinculum nemo solvere posset, præter illum à quo ipse criminosus posset absolvi (p). Duplici autem modo *in crimine criminoso* communicatur : 1°. Quandò, post Censuram pronuntiatam, cum reo committitur idem peccatum, propter quod ipse fuit excommunicatus ; 2°. Cùm ei suppeditatur consilium, auxilium, vel præsidium ut in crimine suo permaneat inconcussus, vel ut Censuram contemnat. In his duobus casibus incurritur eadem Excommunicatio. Posset etiam Episcopus, seu Iudex Ecclesiasticus, ratione scandali, Excommunicatione majore per Sententiam eum plectere, qui, post

contemptas monitiones, cum Excommunicatis denuntiatis, tamen non *in crimine criminoso*, obstinatè communicaret.

JAM verò Excommunicati, etiam tolerati, coram Deo verè ligantur ; omnibus Excommunicationis effectibus in conscientie foro subjacent ; Sacramenta non sine sacrilegio suscipere vel ministrare possunt, atque ab omni Fidelium consortio abstinere debent : alioqui, non sunt à novo peccato immunes. Undè, si sint Sacerdotes, toties peccant, quoties ministrant Sacramenta ; licitum enim sui Ordinis exercitium coram Deo amittere : quanquam, in foro externo, ad vitanda scandala fovendamque pacem, sacris eos ministeriis fungi, seu levius malum, tolerat Ecclesia (q). Itaque Excommunicati non denuntiant, Censuram, quantum sine ullius offensione fieri potest, observare tenentur ; factaque denuntiatio solam Juris *notorietatem* Excommunicationi adderet. Verumtamen Ecclesia, scandalis occurrere, suorumque filiorum conscientias pacem & securitatem asserere cupiens, benigna mater indulget ut Fideles, agere licitè possint in omnibus, etiam in cultu divino, cum ejusmodi Excommunicatis, quasi reverà seclusi non essent. Quod quidem veteris Disciplinæ temperamentum cùm in gratiam duntaxat Fidelium induxerit sapiens & justa moderatio, illud in proprium commodum

(o) *Inn. III, cap. Quod in dubiis, de sent. Exc. tit. 39.*

(p) *S. Thom. sup.*
(q) *Vide Canonistas.*

detorquerē non possunt Excommunicari tolerati. Ad hoc solum incumbere debent, ut scandalum à se illatum resarciant; & simul Penitentiam agere veram atque sinceram • ut Absolutionis beneficium

promereantur. Interim sese ab omni Fidelium communione segregent, alioqui novo peccato sua cummulabunt scelera; nihilque omitant, cujus adminiculo possint à miserrimo lapsu resurgere.

CAPUT IV.

DE Excommunicatione ad finem revelationis, seu de Monitoriis.

QUID sit Monitorium; quibus de causis concedendum, quā mente postulandum; quā diligenter promulgandum, vel quando ejus promulgatione supersedendum. Quibus diebus non promulganda sint Monitoria. Quid circa Excommunicationem docendi sint Fideles. Aggrave & Reaggrave. Quomodo pronuntianda Excommunicatio. Observatio. Quā diligentia veniendum ad revelationem. Quinam revelare teneantur; quinam à revelando eximantur. Quid circa revelationes Parocho agendum. Excommunicationem Monitorii virtute contrariam quis tollat.

MONITORIUM est *Monitio simul & mandatum Judicis Ecclesiastici, per quod ii omnes qui ejus, de quo inquiritur, facinoris auctorem vel participes, seu quodcumque ad rem pertinens cognoverint, id revelare sub anathematis interminatione, ipsique fontes, propositā eadem pœnā, restituere vel satisfacere jubentur* (a).

Juxta præsentem usum, Monitorium, post Sententiam Judicis secu-

laris, decerni debet ab *Officiali*, contentiosam Diocessani Antistitis Jurisdictionem exercente, vel ab *Officiali* latus *Vices-gerente* (b). Nec verò ulli cuiquam concedendum est, ut prout denter sanxit utraque Potestas, nisi pro gravi causa (c), & prius habitā diligenti maturāque investigatione, num, pro re, loco, personā aut tempore (d), ex Ecclesiæ dignitate sit ut concedatur. Id porro nunquam decernendum est postulanti-

(a) Eveillon, de Monit.

(b) Edit de 1670, tit. 7. art. 1.

(c) Conc. Paris. an. 1528, decret. morum 31. Ordonn. des Etats d'Orléans,

an. 1560, art. 8.

(d) Conc. Trid. Sess. 25. de Ref. c. 3. Edit de 1675, art. 16.

bus Hæreticis, Excommunicatis, peccatoribus publicis in forma denuntiatis, nisi resipiscant; iisve qui neglecti Paschalis officii juridicè convicti fuerint. Reipublicæ Christianæ permagis quidem interest, ut, docentibus Pastoribus, inrelligant Fideles non esse postulanda neque obtinenda Monitoria levibus aut futilibus de causis, sed propter ingentia detrimenta, vel scelera publicam offensionem conjunctam habentia (e), & quæ aliter probari non possint. Excommunicatio quippè Monitorio- nes securatur, pœnarum Ecclesiasticarum longè gravissima est, multò- que acerbior quàm quæ acerbissimæ in secularis vindictæ arbitrio positæ sunt; idèoque *gladius* ille usque adeò terribilis, » sobriè magnæque » circumspèctione exerendus est; » cùm experientia doceat, si remerè, » aut levibus ex rebus incuriatur, » magis contemni quàm formidari, » & perniciem potiùs parere quàm » salutem (f). » Qui ergò Monitorium postulare intendit, secum attentus primùm recogitet eam rem quam persequitur, ipsumque incitamentum quo impellitur; illa quanti ponderis, hoc verò quàm legitimum sit: tum quâ mente ad obtinendum Monitorium accedat; num Dei causâ, ac disciplinæ zelo qui Fidelem deceat, an non potiùs solo proprii commodi respectu, temporalium damnorum compensationibus inhians, non publicam sequens morum honestatem, quæ sua sunt quærens, non quæ boni regiminis Christiani; num ducatur amore ius-

titiz, an non malevolentiz impulsu, ad exstirpanda nempe odia, summandamve ultionem. Perversè affectus Monitorii petitor, non ignoret se contra charitatem gravissimè peccare; sacrilegiique instaur esse, si cupiditatum suarum famulam faciat Ecclesiasticæ Censuræ auctoritatem.

Qui de obtinendo Monitorio cogitant, primum omnium, Pastorem suum adire debent, à quo recipiant scriptum testimonium, fidem faciens ipsos Catholicam Religionem profiteri, puris moribus esse commendabiles, sanctos Paschali officio, ac postremò, quantum Parochus nosse potuerit, verum esse crimen seu damnum quod conquerruntur. Pastores autem ejusmodi testimonium non concedent, nisi damnum, pro vero positum, non vulgare, sed ingens, aut saltem grave esse videatur. Quod testimonium cùm obtinuerint expostulatores, ad nostrum Officialem conferre se poterunt, à quo mittantur ad Regium Procuratorem, si locus sit; sin minus, à postulandi Monitorii proposito detorqueantur. Hanc autem Pastoralis testimonii cautionem præmitti eò magis expedit, quòd, eâ deficiente, præcaveri non possit eorum fraus & dolus, qui, cùm Monitoria pro levibus damnis haudquaquam impetraturos se sentiant, gravissimum aliquod & supposititium consultò adjiciunt; undè Ecclesia verum à falso non secernens, adventitiz rei confictâ magnitudine moveatur, ac denique Excommu-

(e) Ordonn. des Etats d'Orléans, sup. (f) Conc. Trid. sup.

nicationem adhiberi æquissimum judicet.

Optimum sanè & zelo Pastoralis dignissimum quiddam facient Parochiales Ecclesiarum Rectores, si expostulatoribus satisfacere & lites prius componi curent quàm obtineantur Monitoria, aut etiam, ad extremum, postquam concessa fuerint. Quinimò consideratè providenterque agent, si Præsulem Diocesani, seu ipsius Officialem, certiorum faciant de gravibus incommodis quæ ex Monitoriorum promulgatione forsitan oritura esse præviderint. Ejusmodi Monitoria, vel sapientissimè decreta, aliquam tamen solent conturbationem movere: iis igitur occurri satius erit, Parochianos videlicet monendo quibus in casibus id ultro revclare teneantur quod sibi de damnis proximo illatis innocuerit. Sunt enim quedam circumstantiæ, in quibus charitate & justitiâ compellimur ad curandum pro viribus ut refarciatur injuria quam passus est proximus. Prudentiæ tamen consensaneum erit, ut justo examine libretur, num fortè ex voluntaria revelatione plus mali rimendum sit, quàm boni sperandum.

Parochus autem, seu Vicarius, ubi primum interpellati fuerint, tenentur ad Monitorium intrâ Missam Parochialem promulgandum, si nempe ex auctoritate legitima in ordine Hierarchiæ prodeat; nullum quippè aliud promulgare debent, undecumque exhibitum (g). Quam pro-

mulgationem si detrectaverint, eam exequi poterit alius Sacerdos ad hoc specialiter à Judice delegatus (h). Si quis se juridicâ denuntiatione promulgando Monitorio interponat; ejus promulgatione supersedere debet Parochus seu Vicarius, donec irrita judicetur intercessio (i), vel donec intercessor (2) ab illa desistete se in forma Juris significaverit.

Extra casum intercessionis, rirè interpellato Pastori non licet eam promulgationem suspendere sine Mandato Judicis, vel sinè consensu scripto ex parte illius qui Monitorium persecutus fuerit, etiamsi auctor delicti satisfactionem offerat.

Non decet verò ullum promulgari Monitorium die sancto Paschæ, cæterisque majorum Festivitarum diebus: quales sunt Pentecoste, Corpus Christi, Natale Domini, &c. (i) nisi urgeat ineluctabilis necessitas, aut aliud Ordinario visum fuerit. Alioquin, turbatâ per Excommunicationis terrorem Solemnitatum lætitiâ sanctâ, miserrimum in modum impleteretur quod Deus, loquente Prophetâ, comminatus est: *Convertam festivitates vestras in luctum, & cantica vestra in planctum* (k).

Ubi promulgandum erit aliquod Monitorium, quanta Ecclesiæ matri obedientia debeatur, sedulo exponet Parochiæ Rector. Fidelibus quàm poterit maximâ perspicuitate edisseret in quo posita sit Excommunicatio, ac præser-

(1) L'opposition.

(2) L'opposant.

(g) Ibid.

(h) Edit de 1670, tit. 7, art. 5.

(i) Conc. Mediol. IV, an. 1576.

(k) Amos, 8. 10.

tim quoniam sint ejus effectus. Ante diem promulgandæ Censuræ, Sacerdos monitiones iterans, Fideles edocebit quàm strictè ad revelationem teneantur: ipsos ad eam hortabitur, exhibitâ patientiâ & longanimitate quâ utitur Ecclesia, anathematis fulmen in filios charissimos non contorquens, nisi prius repetitæ monitionis tenerrimâ sollicitudine spatium dederit obsequio salutari, quo tremendam minarum executionem prævertant. Aut equàm Parochus eam promulget Sententiam, Dominicâ præcedenti moneat se illam indictâ die promulgaturum.

Monitorium tribus Dominicis continuis promulgatur: & Pastor, infra Monitorii tenorem, cujusque promulgationis fidem facit, suoque testimonio subscribit. Tum, si post integros sex dilationis dies à tertia & ultima Monitorii promulgatione concessos, expostulator Sententiam obtineat ferentem *Aggrave & Reaggrave* simulque Excommunicationem in eos qui restitutionem, satisfactionem vel revelationem detrectaverint; ejusmodi Sententia tribus pariter Dominicis continuis promulgatur.

Cum venerit promulgandæ Excommunicationis dies; Pastor vultu & sermone ad luctum & miserationem compositus, affirmabit, Ecclesiam non sine acerbissimo doloris sensu ad hanc extremi remedii necessitatem devenire, ut è sinu suo præcidat filios contumaces. Postea Sententiam multâ gravitate pronuntiabit erecto corpore, Fidelibus autem in genua provolutis, de Excommunicatorum spirituali exitio

gredientibus, & pro ipsorum conversione privatim orantibus. Parochianos insuper adhortabitur ut pro iisdem orationes deinceps quoque ingeminent, quod & ipse non omitteat; ut Deus corda rebellium ad pœnitentiam compunctionemque emolliere dignetur. Et ne simplices trepidant timore ubi nullus est tinnendi locus, vanissimum errorem supersticiosumque commentum esse observabit, si quis animo fingat pronuntiatam Excommunicationem toti Parochiæ exitiosam fore, vel agris, messibus, vineis, villis aut possessionibus intra Parochiæ limites conclusis triste aliquid portendere. Docet Sacerdos luculentè eâ Censurâ neminem lœdi, nisi *filios perditionis*, qui se gladio ejus per suam culpam & contumaciam obnoxios fecerunt; nec terram, sed malos terræ habitatores anathemate esse percussos.

Pœna autem Excommunicationis à contumacibus incurritur statim atque promulgata primum fuit Sententia ferens *Aggrave & Reaggrave*; nullaque insuper necessaria monitio est, aut Sententiæ *fulminatio*; quæ quidem olim cum extinctione Cerei & pulsu Campanæ adhiberi solita, nunc prorsus obsolevit. Pastor prædictam Excommunicationis Sententiam promulgaturus, Fideles hortabitur ut fratrum suorum infelicem lapsum lugeant, divinamque in eos stent misericordiam; utque ipsimet Censuras Ecclesiasticas formident, nec earum fulmina unquam in semetipsos provocent.

LICET verò sub sola anathematis interminatione tria Monitoria-
rum

rum Litterarum promulgatio fiat, non tamen revelatio differenda est quoadusque in fontes & confcios, elapso trium hebdomadarum intervallo, fulmen Excommunicationis contorqueatur, sicque in eos *aggravetur & reagravetur Processus*. Quin potius, statim à prima monitione, seu lectione Monitorii, quicumque aliquam facinoris notitiam adepti sunt, venire ad revelationem strictè tenentur, idque sub pœna inobedientie erga Ecclesiam in gravi materia præcipientem; nisi legitimo impedimento à revelatione immunes efficiantur. Cùm igitur unaquæque monitio sit Ecclesiæ mandarum Fideles obstringens, vituperandum illud est, quinimò, si fieri possit, emendandum quod plerique tam malè constituunt, ut ne sibi cognita revelent nisi pronuntiata Excommunicatione, quæ jam non est monitio, sed pœna ipsamet, in eos inflicta qui præcedentibus monitionibus obtemperare neglexerunt. Idem revelandi officium perseverat, etiam promulgatâ Excommunicatione; ita ut, qui illam incurrit eò quòd tempore intermedio revelare omisit, absolvi nequeat nisi postquàm obtemperaverit Ecclesiæ Mandato, vel ita facturum se pollicitus fuerit. Et generatim, quicumque aliquid nò runt de causa in Monitorio enuntiata, venire ad revelationem tenentur, quoties in causæ commodum cedere potest revelatio; debentque ipsi damnum rescire ex defectu revelationis illarum. Itaque si Parochus aliufve Sacerdos approbatus aliquem in Confessione audiat, qui se id quod

sciret circa facinus in Monitorio expressum, non revelasse confiteatur, vel qui tempore promulgationis bonâ fide absens fuerit; eum, etiam per Absolutionis dilationem, compellere tenetur ut revelet, quamvis jam elapsum fuerit tempus ad revelationem constitutum, si tamen videatur ejus revelatio quidquam posse utilitatis in causam conferre.

Nec soli domicilium habentes in Parochia ubi promulgatum est Monitorium, revelationem debent; sed ipsimet extranei, advenæ, peregrini, hospites, vagi, transeuntes; quinimò ii omnes qui tunc temporis commorantur in territorio; cujus intrâ limites extenditur Jurisdictio Præfult Monitorium decernentis per suum Officiale, etiam si privilegio, sive aliter, ab ea sint Jurisdictione immunes. Quæ quidem lex ad omnes pertinet, quorum testimonium utcumque admitti potest. Cùm proinde ipsimet impuberes ad testificandum in causa criminosa vocari possint, ad revelationem similiter virtute Monitorii tenentur.

Ab ea tamen eximuntur, I^o. Reus, & quicumque illius participes in crimine fuerunt; nemo enim ad seipsum diffamandum compelli potest; sed ipsi quidem, vi Monitorii, restituere sive aliter satisfacere tenentur.

II^o. A revelatione eximuntur ii quorum testimonium in Judicio contra se invicem non admittetur: quales sunt vir & uxor, pater & mater, frater & soror, ceterique consanguinei & affines Rei usque

ad quartum gradum inclusivè (1); exceptis quibuscumque gravissimi momenti Casibus. In dubio, Diocesani Antistitem seu Vicarium-generalem consulant Parochi. Quamvis testimonium personæ infamis & in Judicio reprehensæ, in probationis partem accipi nequeat; in hac tamen exceptione haudquaquam includitur ejusmodi persona, cum possit ipsius revelatio conjectura & indicii loco esse ad deregendam rei veritatem.

III°. Quibus facinoris in Monitorio enuntiati cognitio nulla est nisi vaga, obscura arque incerta, quorum proinde revelatio non posset in probationis partem venire, nec ullum suppeditare indicium quo veritas illucesceret.

IV°. Quibus facta in Monitorio expressa, nisi sub naturalis aut divini secreti sigillo non innotuerunt. Quæ quidem exceptione includuntur, 1°. Confessarii, cæterique Sacerdotes, Doctores, seu Canonum periti, quibus crimen propositum fuit ut questio ad conscientiam pertinens. 2°. Advocati, Procuratores, Sollicitatores, Notarii, Medici, Chirurghi, Pharmacopole, Obstetrices; qui nempe factum criminis non sciunt nisi sub sigillo quo debent functionum suarum executionem obsequare. 3°. Qui solâ communicatione sibi sub naturalis arcani sigillo facta crimen didicerit. His autem ii non sunt annuerandi, quibus res primum intimè quidem fuisset communicata, sed mi-

nimè sub sigillo, quod, nisi aliquando possit, iis non fuisset impositum. Attamen per secretum naturale nemo eximeretur à lege revelationis in Matrimonii Impedimento dirimente, vel in cæca fraude, molitione, aut scelere tumescente, quod postea si erumpet, in grave tertii alicujus detrimentum vergeret; vel si ageretur de refutando criminis ex cuius falsa opinione infantis cervicibus immineret iniquè districta condemnatio. Et generatim quodlibet arcanum à Confessionis sigillo diversum, revelationis immunitatem non pareret in criminibus Religionis, Regi, Reipublicæ exitiosum, nefas molientibus.

V°. Sacerdotes, cæterique Clerici, quando ex eorum revelatione sequi potest vel mors, vel membri amputatio; nisi tamen aliud velit publica ingensque utilitas.

VI°. Qui ad revelationem venire non possunt, nisi cum gravissimi detrimenti vel durissimæ tractationis periculo, cujus timor cadat in virum constantem. Si tamen de Religionis aut Reipublicæ utilitate generali agatur, ad revelationem quisque tenebitur, etiam cum sui detrimento: quæ quidem exceptio ad alios Casus qui sint ejus capaces, extendi debet. Si quis foris anceps hæreat quid sibi circa revelationem agendum sit; viros consulat, tum pietate, tum doctrinâ & prudentiâ commendabiles, atque à proprii commodi respectu alienos; ipsam-

(1) *Can. Si testes, c. 4 q. 2. Edit de 1667. tit. 31. art. 11.*

mēt, si necesse videatur, Præsulem Diocesanum, aut ejus Vicarium-generalem.

Parochus, aliufve Sacerdos qui Monitorium promulgaverit, revelationis litteris mandatas poterit excipere, iisque subscribi à revelantibus curabit; si autem subscribere nesciant, id in forma Juris annotabit. Subscriber ipse Parochus, aliufve cui commissum fuerit ut revelationes excipiat: cum diligenter inclusas & proprio sigillo munitas mittet ad forense Tabularium (1) indictum; prætereaque infra Litteras Monitoriales quas simul remittet, ipsas diebus assignatis promulgatas fuisse testabitur. Si de restitutione agatur, & aliqua fuerit secuta restitutio; id sedulo in denuntiationum charta erit exponendum, nullo nominatim aliterve designato. Qui revelationes exceperit, in violabili secreto id omne tegere tenebitur quod sibi fuerit manife-

statum. Si rei criminose conscii hoc solum dicant Parocho, se testificari paratos esse, ubi primum in Jus vocati fuerint, nec veliar aliud quidquam aperire; eorum nomina, cognomina & domicilium scribet cum præfata declaratione: quæ omnia pariter mittenda erunt ad Tabularium fori, cujus sub Judice pendebit litis actio: & hæc quidem secundum formulam quæ in Pastoralis hujus parte rituali ad calcem descripta invenitur.

(1) Au Greffe.

CÆTERUM Nobis, seu Vicariis nostris generalibus, reservatur Absolutio Excommunicationis quæ per Monitorium ligatus aliquis fuerit: & potestas ad ejus vinculum solvendum necessaria ne ipsis quidem indulta censetur Confessariis, qui propter Casus & Censuras reservatas latissimè approbantur. Ad hoc scilicet requiritur nova & specialis facultas.

CAPUT V.

De Suspensione.

SUSPENSIO definitur, triplexque distinguitur. Suspensiones à Jure. Quandoam Suspendio totalis fit, quando partialis. Quando cesset, vel quomodo tollatur. Quid sequatur ex violatione Suspensionis, Depositio & Degradatio.

DE Suspensione, sub variis nominibus, mentio fit apud antiquos. Eam vocant loco decessionem, remotionem ab Officio, ab honore exterminationem, gradus aut honoris amissionem, privationem, sus-

penſionem, ab Officio vel munere ceſſationem, &c. (a).

SUSPENSIO eſt *Cenſura Eccleſiaſtica*, quâ Clericus, propter grave delictum, privatur exercitio poteſtatis quæ ſibi vel Ordinis, vel Officii, vel Beneficii ratione competit. Hinc triplex eſt Sufpenſio: ab Ordine, ab Officio, à Beneficio. Per Sufpenſionem ab Ordine, Clericus ſcultare interdicitur exercendi Ordinis quem ſuſcepit. Per Sufpenſionem ab Officio, privatur omni exercitio functionum quæ Dignitati Eccleſiaſticæ, muneri, Beneficio, exteriori Jurisdictioni annexæ ſunt. Per Sufpenſionem à Beneficio, ita ſpoliatur Beneficii fructibus, ut eos legitimè percipere nequeat. Sed, juxta Gallicanam Jurisprudentiam, non impedit hæc Sufpenſio quominus Clericus Beneficiorum poſſeſſionem alteri tranſcibere, vel ea cum aliis commutare validè poſſit.

Sufpenſio alia eſt à Jure, alia autem ab homine: quarum definitiones ex ſupradictis facilè intelliguntur.

Hæc verò ſunt *Sufpenſiones à Jure*: ſuſpenduntur *ipſo facto* ab Ordine,

1°. Qui *per ſaltum*, ut loquuntur, ordinati ſunt, id eſt, qui Ordinem ſacrum, prætermiſſo Ordine ſacro inferiore, ſuſcipiunt.

2°. Qui Ordines ante legitimam ætatem, vel extra tempus ab Eccleſia conſtitutum, vel, ſine proprii

Epifcopi licentiâ, ab alieno Epifcopo ſcienter ſuſcipiunt.

3°. Qui ſacros Ordines ſuſcipiunt ſub ficto patrimonii vel Beneficii titulo.

4°. Qui furtivè, id eſt, neque examinante, neque approbante Epifcopo, ſacros Ordines ſuſcipiunt, poſtquàm alium in ſui locum, ſuo indito nomine, examini ſubdiderunt.

5°. Qui excommunicatus, vel ſimoniacus, quemlibet Ordinem ſuſcipit.

6°. Qui duos Ordines ſacros in una Ordinatione ſuſcipit.

7°. Qui Ordinem ſacrum ſuſcipit, poſtquàm Matrimonium contraxit, quamvis illud non conſummaverit.

8°. Parochus, aliufve Sacerdos, ſive Secularis, ſive Regularis, qui alienæ Parochiæ ſponſos, ſine illorum Parochi vel Ordinarii licentiâ, Matrimonio conjungit, *ipſo Jure* tamdiù ſuſpenſus manet, donec ab Ordinario illius Parochi qui Matrimonio intereſſe ac benedicere debebat, abſolvatur.

Hiſce octo Sufpenſionibus quatuor inſupèr annumerandæ ſunt; quæ cum à Deceſſoribus noſtris per Mandata generalia & perpetua conſtitutæ fuerint, Cenſuris à Jure merito æquipatantur. Scilicet Sufpenſionem *ipſo facto* incurrit in hæc Diœceſi,

1°. Qui ſanctiſſimam Euchariſtiam deſert ad extingvendum incendium,

a) Tert. de Bapt. c. 17. Conc. Carth. IV, an. 398. can. 50. Elib. can. 33. Calced. can. 12. Milev. an. 402. can. 19.

Rem. ſub. Sonnat. an. 625, v. 630. can. 2. & 11. Aurel. V, an. 549. can. 3.

vel ad coercendam inundationem, vel ad tempestatem avertendam (b).

2°. Qui Missam celebrat non indutus veste talari, id est, ab humeris ad talos demissâ, eaque manicis instructâ (c).

3°. Alienæ Diœcesis Sacerdos, qui in hac, sine licentia, Missam celebrat, & honorarium percipit, post quindecim dies à suo in hanc Diœcesini accessu (d).

4°. Qui sciens (aliâ tamen quàm Confessionis viâ) & volens, Hæreticum cum Catholica, vel Catholicum cum Hæretica Matrimonio conjungit (e).

PRÆTEREA Suspendio alia *totalis* est, alia verò *partialis*. Per illam Clerico simul adimitur usus Ordinis, Officii & Beneficii. Per hanc inreducitur usu vel duorum, vel unius, aut etiam alicujus partis singulorum. Unâ siquidem privari potest Officii parte, alterâ nihilominus intactâ: suspendi v. g. potest Sacerdos à Missâ celebranda, nec simul à Sacramentis conferendis; à prædicationis, nec simul à Confessionis ministerio. Suspendio *totalis* reputatur, si Canon, Statutum, Mandatum, vel Juxta verbis absolutis atque indefinitis, id est, sine ulla determinatione aut limitatione prolatis, Suspensionem ferat: secus verò, *partialis* est. Clericus à *Divinis* suspendus, ab omni Ordinis, Officii & Beneficii exerci-

tio solemnî suspensus habetur. Suspendus *ab Ordine*, non eam amittit Jurisdictionem externam, quantatione Officii vel Beneficii possidet, sed eam duntaxat quæ Ordini à quo suspenditur annexa est. Sic Parochus à Presbyteratu suspendus, regimen Parochiæ retinet; eâ verò excidit Jurisdictionem quam in Parochianos quoad forum internum obtinebat. Qui simpliciter & absolute suspenditur *ab Ordine*, omnis cujuscumque Ordinis functionibus privatur. Suspendus ab Ordine inferiore, suspendus quoque à superiore censetur: quamobrem à Diaconatu remotus, eo ipso munia Sacerdotalia obire non potest. Suspendus verò ab Ordine superiore, non idcirco ab inferiore suspendus est. Sunt enim culpe satis graves, ut à summoministerio, non autem ut simul ab inferiore Clericum arceant. Itaque à Presbyteratu suspendus, Diaconi, Subdiaconi, Minorumque Ordinum munia potest exercere. Quod quidem cum veteri Disciplina consentit, quâ disponente, Subdiaconi è gradu suo ita excidebant, ut Lectoris atque Ostiarii muneribus fungi nihilominus possent (f).

Si Suspendio in perpetuum infligatur sine spe veniæ, vel ad certum quidem tempus, sed solum in delicti præteriti vindictam; poena est, non Censura. Quod si Suspend-

(b) Stat. Syn. D. Franc. de Harlay, Paris. Archiep. an. 1674. Et Rit. Paris. den. ed. an. 1777, pag. 115. Vide in hoc Pastoralis, Tom. I, de Sacram. Euch. Div. V, cap. 3.

(c) Stat. Syn. D. Lud. Ant. de Noail-

les, Paris. Archiep. an. 1697, Stat. 4. & Rit. Paris. pag. 115. Ordonn. du 23 Déc. 1783.

(d) Ibid.

(e) Rit. Paris. vet. & nov. de Matrim.

(f) Conc. Tolos. I, an. 400. can. 4.

sio medicinalis, ad tempus duntaxat, vel sub conditione feratur; cessat, elapso tempore, peractâque Pœnitentiâ quam Superior imposuit, vel impletâ conditione quam præstituit: modò tamen servata fuerit Confessio. Si autem Suspendio indefinitè, nulloque præfixo temporis intervallo, feratur; solâ Superioris vel Sacerdotis ab ipso delegati Absolutione tolli potest.

Porro qui Suspendionem incurrunt, 1°. quidem peccant lethaliter, ut potè legem Ecclesiæ in re maximi momenti transgredientes. 2°. Qui solemniter, seu tanquam Ministri, munia obviunt Ordinis facti, à quibus suspensi fuere, hi præterea Irregularitatem incurrunt (g): de qua suo loco differemus (h). 3°. Suspendus à Beneficio, etiam occultè, Beneficii fructus non facit suos: quos si percipiat, ad restitutionem tenetur. Necessè tamen illi est Horas Canonicas recitare, cæteraque Beneficii onera sustinere: alioqui pœna delicto imposta, in Ecclesiæ Fundatorumque detrimentum vergeret.

Qui ab Ordine, vel ab Officio vel à Beneficio, vel à duobus horum, aut etiam à tribus simul merè suspenduntur, ii quidem non ideò gradum & honorem amittunt; indeque spem retinent loci & muneris, peractâ pœnitentiâ, recuperandi. Sed, præter Suspendionem, duæ sunt pœnæ Canonice, *Depositio* nempe & *Degradatio*. Depositio est perpetua remotio ab Ordine, Jurisdictione, & Beneficio, servatis tamen fori Canonisque privilegiis. Hæc per Judicis Ecclesiastici Sententiam infligitur. Degradatio remotio ab Ordine, ab Officio & Beneficio, solemnem adjungit insignium Ordinis simulque privilegiorum fori & Canonis spoliationem. Clerico utraque hujusmodi pœnâ affecto nulla unquam recuperandi gradus spes remanet: & qui Degradationem passus est, pro Clerico non habetur amplius. Hanc exequi potest solus Episcopus, juxta Cæremonias in Pontificali descriptas. Ipsa autem rarò adhibita fuit; & jamdudum apud Ecclesiam Gallicanam in desuetudinem abiit.

(g) Cap. 1. de sent. & re jud. in 6. (h) Ad calcem *Traictatus de Sacram. Ord.*



CAPUT VI.

DE Interdicto.

QUID sit Interdictum. Hujus divisio multiplex. Ob cujus delictum feratur: quando cesset, vel quomodo tollatur. Quædam observanda. Quæ pænas incurrant Interdicti violatores.

INTERDICTUM est *Censura Ecclesiastica, per quam Sacramentorum administratio, Missæ, omnisque Officii divini celebratio, atque Ecclesiastica sepultura prohibentur, ob culpam aliquam atque inobedientiam gravem & scandalum parientem.*

Ex Juris Canonici dispositione, Interdictum dividitur in *locale, personale, & mixtum*. Interdictum *locale* illud est quod fertur in loca; cum v. g. prohibetur ne in *tali* Civitate, Vico, Ecclesia, Cœmeterio, sacra Mysteria divinaque Officia celebrentur, Fidelesque sepulturâ Ecclesiasticâ donentur. Interdictum *personale* afficit personas; cum scilicet vetatur ne quædam personæ Sacramenta conferant, vel suscipiant, divinis intersint Officiis, vel ea celebrent, ne denique in terra sancta sepeliantur. Interdicti ubicumque sunt, arcentur à Divinis atque à sepulchro Ecclesiastica. Interdictum *mixtum* loca simul & personas attingit; ambobusque idem est, quod singulis *locale* separatim & *personale*.

Interdictum, seu locale, seu personale, seu mixtum, rursus in *generale & speciale* dividitur. Interdictum *locale generale* illud est quo interdicuntur loci, alia loca suis limitibus concludens; ut Civitas, Oppidum, Vicus, Parochia. Interdictum *locale speciale* illud est quo interdicuntur loci aliquis sacer; exempli causâ, talis *Parochia* Ecclesia vel Cœmeterium, aut unius loci certæ quædam Ecclesiæ, certæ Cœmeteria nominatim designata.

Interdictum *personale generale* illud est quo percellitur aliqua Communitas, prout certam hominum societatem constituit; vel quo talis Civitatis, Vici, Parochiæ cives aut incolæ omnes interdicuntur (a). Interdictum *personale speciale*, illud est quo interdicuntur una persona, aut etiam plures propriis nominibus designatæ, nec verò quatenus Communitatem aut Collegium constituunt. Non fertur Interdictum *generale* propter delictum hominis privati, sed propter delictum Communitatis, aut Superioris (b); nisi

(a) Cap. 16. de sent. Excom. in 6.

(b) Ibid. Cap. Si sententia, Conc. Basil.

celebr. ab an. 1431 ad 1441. Sess. 2. c. 3.

forte privatus ille inter cives aut incolas sit maximè spectabilis; vel nisi auctor delicti Communitatem civium aut incolarum in se repræsentet, atque ejus nomine agere censeatur, qualis foret Communitatis vel Parochiæ negotiorum Procurator (1).

(1) Le Syndic.

Interdictum quoque aliud *perpetuum est*, aliud verò *temporarium*. Hujus intervallum si constitutum sit; elapso tempore, cessat Interdictum sine ulla Superioris declaratione. Si tempus sit indefinitum, & ex conditione aliqua pendeat; impletà conditione; pariter cessat Interdictum. Si nulla sit apposità conditio, non tollitur Interdictum nisi ad arbitrium illius à quo pronuntiata fuit Sententia.

Interdictum limitari possunt qui illud ferunt. Ecclesia nempe interdicti potest pro sola Missæ celebratione, licet non pro cæteris Officiis; quædam persona pro Sacramentis, tametsi non pro Ecclesiastica sepultura.

SUB gravibus pœnis vetat Ecclesia, ne Fideles cum Interdictis denunciatis communicent in iis à quibus interdicti sunt. Ejus præterea meus foret ut in cæteris quoque vitarentur, nisi aliter fieri coegeret necessitas, vel suaderet magna utilitas, cum nempe legitime speratur eos salutaribus hortamentis ad pœnitentiam & obedientiam adductum iri. Ex ea solitudine forsitan erubescerent & confusione operi (c), ad

reatum suum agnoscendum saluberrimo stimulo excitarentur, juxta illud Apostoli: *Quod si quis non obedir verbo nostro per Epistolam, hæc notate, & ne commiscamini cum illo, ut confundatur (d).*

QUICUMQUE Interdictum violare audent, lethaliter peccant, Mandato Ecclesiæ in re gravi præcipientis resistentes. Clerici præterea qui scientes & volentes in loco interdicto celebrant, vel sacri cujusquam Ordinis munia ibidem consulto & cogitato exercent, aut qui ab ingressu Ecclesiæ interdicti, Divina celebrant, vel Divinis assistunt, eo ipso *Irregularitatem* incurrunr; quæ quidem, si sit *notoria*, Sedi Apostolicæ reservatur (e). Laici verò Interdictum violantes, Censurâ Excommunicationis plectendi sunt.

Clerici qui Laicos interdictos in Ecclesiam admittunt ad Divina, coram ipsis ea celebrant, vel iisdem Sacramenta conferunt, sive Seculares, sive Regulares, sive *exempti*, sive *non exempti* sint, *late sententia* Interdictum ab ingressu Ecclesiæ infringunt (f), à quo non sunt absolvendi, nisi post condignam, arbitrio Superioris cujus Censuram infregerunt, satisfactionem & reparationem. Quo quidem Interdicto *personali* durante si Divina celebrare audeant, Irregulares fiunt; eoque in statu morientes, Ecclesiastica sepulturâ privantur (g).

Ab iis Excommunicatio *late sen-*

(c) Pf. 108.

(d) 2. Thess. 3. 14.

(e) Cap. 18. & 20. de Sent. Exc. in 6.

(f) Cap. Episcoporum, de privil. in 6.

(g) Cap. Is cui, de sent. Exc. ibid.

sentia incurritur, quicumque Sacerdotem in loco interdicto, vel coram Interdictis denunciatis Divina celebrare compellunt; vel qui prohibent ne Interdicti Ecclesiâ egrediantur; ipsimet Interdicti, qui, tempore divinorum Officiorum, præcipiente Sacerdote, Ecclesiâ, exire detrectant (h).

Quicumque Interdictum denuntiaturum sepelit in loco sancto, alium-

ve quemlibet in loco nominatim interdicto, vel in Ecclesia aut Cæmeterio Interdicti generalis tempore, Excommunicationem ipso facto incurrit, sive Clericus, sive Laicus ille sit, sive Secularis, sive Regularis, exemptus, vel non exemptus (i).

Hæc de Censura Interdicti summatim exposita sufficiant; Interdicta enim jam ferè nulla in usu sunt.

(h) Clementin. Gravis ad nos, ibid. (i) Clement. I, de sepult.



CAPUT VII.

DE Absolutione à Censuris.

CENSURÆ quanam reservata, quanam verò non reservata. Ad quid extendatur, & quid exceptionis patiatur potestas à Censuris reservatis absolvendi generaliter concessa. De publica Censurarum Absolutione. Licentia tollendi Censuras reservatas, quibus limitibus circumscribatur. A Censuris Pontifici maximo reservatis, cum sunt occulta, absolvere potest Ordinarius. De Absolutione extranei Censurâ ligati. Quadam sedulo distinguenda. In mortis articulo vel periculo, nulla reservatio Censurarum.

CENSURÆ aliæ sunt reservatæ, aliæ non reservatæ. Censura à Jure non est reservata, nisi reservatio exprimitur in Lege, id est, in Canone, Statuto vel Mandato generali & permanente (a). Censura ab homine semper est ei qui ipsam tulit, Episcopo reservata, etiamsi reservatio non exprimitur; ejus enim est solvere, cujus est ligare: præsertim verò cum ita ligavit, ut solus solvere intendat; cum nempe Censuram aliquam sibi specialiter reservavit, aut aliquem nominatim Censurâ perculit; nisi fortè ad Præfulem Jurisdictione potiorum interjecta fuerit appellatio (b).

Potèr Censura ab homine non ea sola existimatur, quam Superior in aliquem nominatim per Sententiam tulit; sed ea pariter quam generatim in contumaces ignotos per Mo-

nitorum infligit. Præterea verò quilibet Censura, etiam à Jure, postquam ad forum contentiosum deducta est, eo ipso reservata censetur.

Censuras omnes non reservatas, neque ad forum contentiosum deductas, tollere potest quilibet Confessarius simpliciter approbatus. A Censuris autem reservatis nemo absolvit nisi Superior, vel à Superiore delegatus.

POTESTAS à Censuris reservatis absolvendi, generalibus verbis concessa, omnes comprehendit Censuras à Jure, ipsasque ab homine per Mandatum generale & permansens constitutas; hæc siquidem, cum generatim ferantur, Censuris à Jure merito æquiparantur (c). Hæc verò licentia generalis non

(a) Inn. III. cap. 29. de sent. Excom.

(b) S. Thom. in 4. sent. dist. 18. q. 2.

a. 4. quæstione. 1.

(c) Laiman, de Abs. à Cens.

eas includit Censuras *ab homine*, quæ nominatim in quemvis, sive Clericum, sive Laicum, per Sententiam infligere fuerint, nisi de his expressa fiat mentio in concessione. Facultas enim tollendi Censuram *ab homine*, vel Censuram cujusvis generis ad forum contentiosum deductam, pro concessa non habetur, nisi Superior eam specialiter concesserit; solo excepto casu mortis imminantis, aut certe periculi, propter quod ministranda sint extrema Sacramenta: & tunc non valet Absolutio, nisi quoad forum internum. Quibus videlicet Confessariis datur hæc facultas ut à Censuris *ab homine* absolvant, ii facultatem hujusmodi non possunt nisi in solo conscientie foro exercere; neque illis competit eos in publicam Sacramentorum participationem, aut in functionum suarum exercitium restituere, quos nominatim perculerit aliqua Censura; sed ipsos compellere debent ad hujusmodi Censurarum Absolutionem in foro externo ab Ecclesiastico Judice obtinendam.

Publicè igitur & extra Pœnitentie Tribunal absolvere à qualibet Censura nullus potest Confessarius, qui specialem ad hoc non obtinuerit à Diocæsano Præsule facultatem: quod quidem omnibus Sacerdotibus, tum Secularibus, tum Regularibus, etiam ab Ordinarii jurisdictione immunibus, & quocumque privilegio gaudentibus, sub pœna Excommunicationis interdic-

tur quoad Absolutionem ab Hæresi, quam qui publicè in Hæreticorum communione professam ejurare voluerit, ad nostrum Pœnitentiarium, aliumve à Nobis delegatum accedat, à quo, post emissam Catholicæ fidei professionem, ritè absolva-
tur (d).

Jam verò potestas absolvendi à Censuris reservatis, tum à *Jure*, tum *ab homine*, non ex se & sine speciali potestate, eas includit Censuras quæ in perpetuum, vel ad certum definitumque tempus feruntur; ratio est, quod ex non ut meræ Censuræ habendæ sunt, sed potius ut pœnæ, quæ per solam à Statuto vel Sententiâ Dispensationem tolli possunt, non verò per Absolutionem.

Nec facultas absolvendi à Censuris reservatis unquam per se includit facultatem dispensandi in Irregularitatibus, Votis aut Juramentis, Matrimoniiive Impedimentis: ad hæc necessaria est Specialis expressæque enuntiata concessio. Possunt tamen Confessarii vel simpliciter approbati, ab iis peccatis absolvere quibus annexa est aliqua Suspendio vel Irregularitas, nisi hæc peccata sint reservata. Deficiente verò speciali facultate ac delegatione, nullus Confessarius, etiam Censuras tollens in arcano Tribunali, potest in publicam Ecclesiasticæ Communionis & Sacramentorum participationem, in functionum sacrarum executionem, in Beneficiorum aut fructuum possessionem eos restituere, quos nomi-

(d) *Mandatum D. Lud. Ant. Card. de Noailles, de Casib. reserv., &c. an.*

1709, in *Synodico Paris.* ed. an. 1777, pag. 397. *Et Rit. Paris.* pag. 103.

natini iis bonis privavit aliqua Censura; sed compellendi sunt ad obtinendam in foro exteriori ab Ecclesiastico Judice publicam Censurarum Absolutionem, ne quis jam relinquatur earum effectus.

AN omni Censura summo Pontifici reservata, si ex delicto occulto proveniat, nondumque ad forum contentiosum deducta fuerit, absolvere potest Ordinarius loci Pontifex, vel Sacerdos cui voluerit hanc facultatem impertiri. Si quis verò dubitet num ad Sedem Apostolicam recurrere pro Censura debeat; à Pastore vel Confessario monitus, Diocesani Antistitem prius consulat. A Nobis pariter seu Vicariis nostris generalibus inquiratur, quid optimum factu sit erga eos qui jussu, consilio, sive aliter, participes fuerint in Casibus vel Censuris Pontifici maximo reservatis.

CUM reservata est aliqua Censura in Diœcesi apud quam emititur Confessio, opus habet loci Confessarius delegatione Ordinarii ad Censuras reservatas, ut absolvat extraneum qui hujusmodi Censuram incurrit in Diœcesi apud quam non est reservata. Ratio est, quòd Sacerdos prætergredi non potest facultatem sibi ab Antistite approbatore suo concessam.

Quoniam verò, de illo qui Censuram à Jure in una Diœcesi reservatam incurrit, postea verò in aliam transmigrat ubi non est reservata, controversatur, an, ut ab ejusmodi Censurâ in altera illa Diœcesi absolvatur, ministerio indigeat Con-

fessarii facultate pollentis à Censuris reservatis absolvendi, necne; Nos, ad removendam omnem difficultatem animarum saluti periculosam, concedimus, ut, si quis è Diœcesanis nostris Censuram à Jure seu Statuto in hac Diœcesi reservatam incurrat, posteaque in aliam Diœcesim transeat ubi illa non sit reservata, ibi valeat à Presbytero simpliciter approbato ejusmodi Censuræ Absolutionem in Pœnitentiæ Tribunali accipere; dummodò peccatum quod admisit, & cui est annexa Censura, nec publicum sit, nec ad forum contentiosum fuerit deductum; dummodò insuper ille Pœnitens alienam Diœcesim non petierit in fraudem.

Quem verò ligat Censura ab homine, sive per Sententiam, sive per Monitorium lata, vel Censura à Jure, etiam ideò solum reservata quòd ad forum contentiosum deducta fuerit, ille absolvi non potest in aliena Diœcesi, ne ab ipso quidem Episcopo Diœcesis ad quam se contulit. Eum Præsulem adire tenetur, à quo lata fuit Censura, vel cujus in Diœcesi ad forum contentiosum deducta est; à quo nimirum solo, vel cujus folius auctoritate potest absolvi: tunc enim valet axioma, *Ejus est solvere, cujus est ligare*; nisi ad Præsulem Jurisdictione potioris interjecta fuerit appellatio, quo quidem posito, ad hunc pertinebit ut absolvat. Adeundus est pariter ille Superior à quo lata fuit Sensusio, vel Interdictum, si pronuntiatum non fuerit per modum Censuræ, sed per modum animadversionis; neque aliter cessare potest ejusmodi poena, sive perpetua, sive ad tem-

pus definitum constituta. Potestas enim absolventi à Censuris indefinitè concessa, non hoc ipso, ut jam antè diximus, eas includit, quæ animadversionis instar, sive in perpetuum, sive ad tempus definitum feruntur.

Porro in modò dictis casibus, semper excipiendum est mortis periculum, tempusque Jubilæi, cujus *Bulla* ab Antistite Diocesano recognita & generaliter promulgata, potestatem faciat à quibuscumque Censuris absolventi: quibus tamen in casibus non valebit Absolutio nisi quoad solum conscientie forum, nec Pœnitentem immunem faciet impetrandæ Absolutionis in foro externo, ut bonorum pet Censuram ademptorum publicam possessionem recuperet.

PLURIBUS simul Censuris ligari aliquis potest; vel ob idem peccatum, vel ob diversa peccata; vel ab eodem Superiore, vel à diversis Superioribus. Absolutus à Censura, non idèò absolutus est à peccato. Absolutus ab una Censura, non idcirco absolutus est ab altera. Absolutus ab una, quam plures ob causas incurrit, non verè fuit absolutus, si causas omnes criminosas Superiori absolventi non exposuit. Absolutus ab uno Superiore, non continuò censetur ab alio absolutus, si latas à duobus Censuras incurrit. Qui à Censura juridicè publicà in solo Pœnitentie Tribunali absolutus fuit, nec se ipse, nec eum alii pro absoluto exterius & publicè habere debent. Qui absolutus est à Censura, non idcirco Dispensationem super Irregulari-

tate obtinuit, neque in integrum quoad cetera restitutus est. Hinc, qui multiplici Excommunicatione irretitur, non potest, quandiù ab una duntaxat absolutus fuit, in Ecclesie Communionem restitui. Hinc similiter Excommunicatus deuntyatus in eam admitti non potest, quoadusque in foro externo Absolutionem obtinuerit, quæ ritè fuerit promulgata. Hinc Simoniacus in Beneficio, etiam occultus, etsi auctoritate Ordinarii legitime absolutus à peccato & Censura, non idèò Beneficium retinere, & suos facere fructus potest, nisi ad summum Pontificem recurrat, ut sibi fiat condonatio fructuum, atque in Beneficium, si locus sit, restituatur. Hæc omnia distincta sunt, sedulòque discernenda.

JAM verò in Absolutionis sacramentalis formulà idèò proferuntur hæc voces, *Ab omni vinculo Excommunicationis, (Suspensionis) & Interdicti, in quantum possum & indiges*, quòd quisque Sacerdos approbatus absolvet potest, tum ab Excommunicatione - minore, tum ab Excommunicationibus à *Jure* quæ non sunt reservatæ. His præterea verbis absolvit Sacerdos ab omni Censura, etiam reservatà, si quam fortè incurrit Pœnitens, & sibi, & Confessario incognitam.

Semper ante Absolutionem tolli debet Excommunicatio & Interdictum *personale*, quibus nempe Censuris prohibetur Sacramentorum susceptio.

Quod pertinet ad Suspensionem; Confessarius ad eam tollendam in-

habilis, Pœnitentem à delicto non reservato prius quidem absolvere potest, quam eum ipse mittat ad Superiorem à quo Censuræ Absolutionem accipiat: satius tamen plerumque est ut illum ante omnia Superiori sistere se pro Suspensione jubeat.

Qui delictum admisere quod Interdicto *locali* præbuit occasionem, vel qui ejus participes quomodo fuere, ii, excepto mortis articulo, absolvi non possunt, quin prius satisfecerint, vel pro satisfactione dederint cautionem, si potuerint (e).

In mortis articulo vel periculo,

sicut Casuum, ita & Censurarum, sive à *Jure* sive *ab homine*, nullam reservationem esse voluit provida mater Ecclesia; & tunc ab iis in foro interno absolvere potest quilibet Confessarius, imò quivis Presbyter, etiam non approbatus, imò Censuris ligatus, irregularis, depositus. Cum autem Sacerdos simpliciter approbatus, vel solam Ordinis potestatem habens, infirmum periclitantem absolvit à Censura reservata; quid tunc observare debeat, conjunctim opportuniùsque exposuimus, ubi de Absolutione à Casibus reservatis (f).

(e) *Cap. Alma mat. de sent. Exc. in 6.* (f) *De Sacram. Pœnit. Divis. III, cap. 2.*



CAPUT VIII.

DE Cessatione à Divinis.

QUID sit Cessatio à Divinis. In quo differat ab Interdicto : in quo ad ejus similitudinem accedat. Circa Cessationem à Divinis ab Interdicti Censurâ distinguendam, regula statuuntur.

CESSATIO à Divinis non est Censura, sed luctus & mæroris gravissimi testimonium; cum nempe sancta mater Ecclesia, propter injuriam aut inobedientiam aliquam notabilem, facinoris horrore perculsa, præcipit certo in loco cessari à divinorum Officiorum celebratione, à Sacramentorum administratione, arque ab Ecclesiastica Fidelium sepultura (a).

Interdictum autem & Cessatio à Divinis in eo inter se discrepant, quod, tempore Interdicti, in Ecclesiis haud nominatim interdictis, liceat divina Officia peragere, saltem januis clausis, imò etiam publice in præcipuis anni Festivitatibus; contrà verò, tempore Cessationis à Divinis, liceat tantum, ad renovandas sacri Viatici Hostias, Missam semel per hebdomadam in Ecclesiis Parochialibus celebrare, submissâ voce, januis clausis, sine pulsu Campanæ, unoque vel ad summum duobus admittis qui Sacerdori ministrent.

Potrà, tempore Cessationis à Divinis, quemadmodum tempore Interdicti, liberum est conferre Sacramenta Baptismi, Confirmationis, Pœnitentiæ, & sacri Viatici, omittis tamen precibus quæ moribundi administrationem præcedunt & sequuntur. Nemini autem conceditur sepultura Ecclesiastica in loco quem afficit Cessatio à Divinis.

Solus Ordinarius, & cui hoc munus delegare voluerit, Cessationem à Divinis præcipere potest, eamve tollere. Hæc verò, sicut Interdictum, dividitur in *generalem* & *specialem*: cumque non sit Censura, Irregularitatem non incurrit ejus violator, tametsi graviter peccat.

His positis, Interdictum quod nunquam, vel in decursu Visitationum Episcopaliū, vel peculiari Mandato, fertur in certas Ecclesias, Sacella, aut Cœmeteria, quando illius Interdicti causa fuit irreverentiâ, sacri alicujus loci in-

(a) Conc. Cabil. II, an. 813. v. 815. can. 26. Tribur. an. 895. can. 32. Tolet. XIII, an. 683. can. 7. Nic. II, gen. VII,

an. 787. can. 4. Lugd. I, an. 515. v. 517. can. 3. Narb. can. 8. Alex. III, Decret. l. 4. tit. 1. c. 11.

(1) Commis-
sarius.

decentia, squalor, vel necessariz reparationis defectus, Censura communiter haberi non debet, neque Nos Censuram haberi intendimus, sed tantum *Cessationem à Divinis*.

Hinc statuimus, 1°. Ab ipsius violatore Irregularitatem non incurri, quamvis delicti gravissimi reum se constituat, eaque poenâ dignus evadat quæ sit exemplo rebellibus. 2°. Nullo die Festo, etiam solemniore, in loco sic interdicto Missam aliudve Officium divinum, etiam januis clausis, celebrari posse, sed tantum, ut diximus (si sit Ecclesia Parochialis), semel in hebdomada, & secretò. 3°. Solâ Mandati executione indictæque reparationis complemento nequaquam tolli *Cessationem à Divinis*; sed opus esse disertâ atque expressâ illius re-

vocatione à Nobis impetratâ: quam non concedemus, nisi prius factâ & ad Nos relatâ inquisitione per causæ cognitorem (1) à Nobis delegatum.

Quod si Interdictum, seu in Visitatione, seu de speciali Mandato certas ob causas pronuntiatum fuerit, v. g. propter contentiones in Ecclesia exortas, aliave quælibet scandala; hoc Interdictum pro Censura debet accipi: & si quis Clericus illud infringat, Irregularitatem incurrit.

JAM verò, siue *Interdictum* propriè acceptum feratur, siue *Cessatio à Divinis*, Sacella omnia & Cœmeterium Ecclesiæ contiguum, siue Interdicto, siue *Cessationi à Divinis* subjecta fore decernimus.





TRACTATUS SEPTIMUS. DE SACRAMENTO EXTREMÆ-UNCTIONIS.

DIVISIO PRIMA.

AGETUR in hac prævia Divisione , 1°. De visitandis curandisque Infirmis : 2°. De cura Infirmorum tempore contagionis : 3°. De Testamentis :

CAPUT PRIMUM.

DE visitandis curandisque Infirmis.

QUÆDAM prænotanda. Preparatio ad visitationem Infirmorum. Qualis esse debeat prima visitatio. Monita præctica. Varii Infirmi variè tractandi. Si gravis morbus appareat , ad quid induendus sit Infirmus. Ingravescente morbo , quinam sensus Infirmo suggerendi. Varii variè exhortandi. Responsum mortis ferente morbo , quodnam sit Pastoris officium , pro cujusque ægotantis indole ac dispositione. Ut visitatio Pastoris Infirmo non sit onerosa , sed grata , præsertimque utilis , quadam observanda. Qui apud Infirmos plus natura tribuunt quàm Religioni , quantâ circumspectione submovendi , quid & ipsi admonendi sint. Leges prudentiæ

Tomus II.

X x

in visitatione Infirmorum. Zelum oratio comitetur. Dum visitantur Infirmi, non desit erga ipsos valentes opportuna sollicitudo. Collegis infirmis quid debeant Pastores.

CUM multa sunt ex quibus Christiana Religio præstantissimum divinæ bonitatis esse opus intelligitur, tum ex eo præsertim, quod luctuosos curandi sublevandique tantam suggerat diligentiam. Scilicet eximium quiddam & singulare donum Dei est (a), si quis ægros & languidos visitet, ipsisque subsidia corporalia de suis facultatibus propriisque manibus subministret (b). Sileat philosophica beneficentia: operibus loquitur Christiana charitas. Hæc, tum Regiâ in Urbe, tum in cæteris, innumera excitavit humanitatis patientis hospitium. Hæc, per Episcopos Clerumque ipsis adhaerentem, Nosocomia prope majores Ecclesias collocavit; ut præcipuum in quovis territorio sanctuarium Religionis, adjunctum haberet centrum, exercendæ miserationis; & qui principes in Deo colendo erant, ii pariter in sublevando proximo antesignani esse monstrarentur. Hæc mulierum passim, atque etiam virorum sanctas societates curandis Infirmis consecravit. Hæc multos utriusque sexûs Fideles in publica infirmitatis receptacula inducit, ut ægros, non solum opibus, sed ipso quoque manuum ministerio adjuvent atque refocillent.

Quantumcumque verò sit corpo-

ralis opitulationis donum ac meritum, major profectò est gratia juvandi ægrotos per spiritualem allevationem, per salutis verba opportunè subministrata. Hanc autem provinciam Parochis, ipsorum Vicariis, cæterisque Sacerdotibus in Pastoralis muneris partem venientibus contigisse nemo dubitet, qui sciat aut ipsos, tum in Sacramentis conferendis, tum in consolationibus suggerendis, divinæ benignitatis ministros fuisse constitutos. Si enim Christianis omnibus Infirmorum visitatio & consolatio tanquam officium proponitur de quo judicandi sunt, ut præmio vel pœnâ in æternum afficiantur (c); quantò magis id inter præcipua sollicitudinis Pastoralis munia recensendum erit? Humanitatem patientem sublevare, hominis est, imprimis Christiani, maximè verò Pastoris, qui se totum debet creditis sibi ovibus, & cujus operam non alio magis tempore sibi necessariam experiuntur, quàm quo morborum angustiis laborant.

Pastorem igitur non pigeat visitare Infirmum (d); & ipse noverit nihil esse quo certius possit in populorum veneratione simul & dilectione firmari (e), quàm si non desit plorantibus in consolatione (f), præsertim rerum

(a) 1. Cor. 12. 28.

(b) S. Chrys. *Æcum. Theophylast.* in 1. Cor. 12. 28.

(c) *Matth.* 25. 36. 43.

(d) *Ecclesi.* 7. 39.

(e) *Ibid.*

(f) *Ibid.* v. 38. *Vide Conc. Narb. an. 1609. sess. 32. de Parochis.*

omnium indigentia & morbi acerbitate miserabilem in modum afflictiis (g); cum præterea ex infirmitate corporis opportunissima exurgat occasio morbis spiritualibus medendi, dum sæpius ad Dominum clamant qui tribulantur, & bonum sibi esse sentiunt quod humiliati sint, ut discant Dei justificationes (h).

ANTEQUAM verò Pastor se ad illud opus accingat, hoc ipsum quod suscipit, ægrotosque sibi invisendos Deo totius consolationis commendat (i). Postea meminerit sese ipsiusmet Domini Jesu infirmos visitantis personam sustinere; eoque spiritu repleri se postulet, quo solebat ille lugentes consolari & malis ægrotantium condolet, veniens ut eos à corporis & animæ languoribus curaret.

Prima visitatio, non urgente morbi gravitate, nihil sit nisi officiosus ex humanitate ad Infirmitatem aditus, Pastoralē exhibens de ipsius incolumitate sollicitudinem; sic tamen, ut solertia Ministri jam tunc fiduciæ sibi pro spiritualibus conciliandæ fundamenta jaciat. Vultu & verbis ad miserationem compositis, ægro testificetur se ad opem mentis & corporis ei ferendam prompto animo venire: Si sit æget ex inopum grege, beneficam ei manum porrigat (k). Si autem Pastori non suppetant facultates, ex aliena lat-

gitate suppleat suæ charitatis impotentiam; studeatque diligenter, si qui sint divites hujus sæculi (l), Deum timentes, Christumque in paupere venerantes (m), ab illis ad manum habere subsidia quibus Infirmitas egentes foveat (n). Quos autem pudet inopes videri, eorum pudori consulat, sic dupliciter officiosè facturus. Eā curā atque humanitate intelligens super egenum & pauperem, quasi angelus Dei excipietur; sentietque monita salutis in animos tantā dulcedine præoccupatos feliciter illabi.

Enimverò debet imprimis spirituales ægrotantium curam suscipere, omnemque in eo ponere diligentiam, ut in viam salutis quam tutissimè dirigantur, atque ab insidiis inimici ad prædam circumventis serventur incolumes. Ipse autem Infirmitatem adeat sic paratus, ut in promptu habeat argumenta suavi persuasionē flexanima, quibus eum in Domino consoletur, sublevet, atque corroboret. Postquam ejus fiduciam lenitate sermonis consecutus fuerit; eā quæ superius dicta est (o), prudentiā & charitate illum ad confitenda peccata inducat (p), ostendens immensam Dei misericordiam, eum ad pœnitentiam invitantis, ad ignoscendum paratissimi, ipsumque abiciat confitentem, sapienterque judicet num ille totius vitæ Confessionem debeat & possit emittere. Ne

(g) *Sacramentale Ambrosianum S. Caroli Mediol. Archiep. script. post an. 1582, c. 5. de visit. & cur. infirm.*

(h) *Pf. 118. & 119.*

(i) *1 Cor. 1. 3.*

(k) *Eccli. 7. 36.*

(l) *1. Tim. 6. 17. 18.*

(m) *Matth. 25. 40.*

(n) *Sacram. Ambros. S. Caroli, cap.*

(o) *De Sacram. Pœnit. Divis. IX, cap. 3.*

(p) *Conc. Nannet. IX sæculo, can. 4.*

verò à Sacramentis in infirmitate suscipiendis pravo quodam timore abhorrear, illum admonear Sacerdos, animas nostras & corpora ipsam, per Sacramenta piè suscepta, quasi per signacula quædam nobis ægrotantibus apposita, in Dei optimi tutelam tradi, ne nos *de manu ejus rapere* quisquam possit(*g*).

PASTOR, aliufve Sacerdos Pastoris onus patriens visceraque induens, Infirmorum quos iuvisit, statum atque indolem diligenter intuspicat; quò certius monita, exhortationes & consolationes personis accomodet.

Qui videntur sensu malorum attriti atque animum despondentes, ii, blandè ac leniter admonente Sacerdote, consilium Domini quale sit intelligant: non ad perdendas animas, quæ supremo conditori sunt charissimæ, sed potius ut ad ipsum convettantur, vel puriores fiant, flagella morborum infligi(*r*): *passiones hujus temporis*, licet gravissimas, *non esse condignas* ad præteritam culpam quæ deleatur, ad penam temporalem peccatis debitam quæ condonatur, *ad futuram gloriam* quæ promittitur(*s*): de cætero malum patientiæ leniri, impatientiâ verò exasperari.

Quòd si iustum alloquatur à Deo percussum; ipso docente, pro certo teneat iustus afflictus, Dominum hanc sibi remissionem evenire idèò

permississe, ut palàm fiat an ipsum diligat ex roto corde(*t*); urque *in camino humiliationis*(*u*), miserante magis quàm saviente Domino, probetur(*x*): immensam in promptu sibi esse meritorum segerem, si Christiano atque ad divinam voluntatem conformato animo patiatur.

Æger doloris vehementiâ exacerbatus, nec tentationes suscipiens cum timore Domini, sed impatientiam suam & improprium murmurationis suæ contra Dominum profertens(*y*), hortante Parocho, meminerit, *iustum esse ut Deo subditus sit mortalis*; infanum simul & irritum ejus voluntati resistere: in mente habeat Christi Domini Passionem; eligatque an velit ex iis esse quos *Deus prædestinavit conformes fieri imaginis Filii sui*(*z*), scilicet per æquabilem tolerationem atque animam Deo subjectam; an ex iis qui damnatos imitantur, mente rebelli ac frementi, sine spe & consolatione patientes. Animo revolvat CHRISTI JESU dolores, & suos non sentier, aut certè leviores experietur. Pessimam denique ei Christiano timendam esse mortem, qui, & sanus Deum obliviscitur, & infirmus Deo irascitur. Sic fortassè eò adduci poterit, ut, sedato paulatim animo, Deum in hæc aut similia verba alloqui non detrectet: *Usquequò, Domine, clamabo, & non exaudies? vociferabor ad te, vim patiens, & non salvabis? Sed quid ego conque-*

(g) Joan. 10. 18. 29.

(r) Judith, 8. 17. 2 Machab. 9. 11.

(s) Rom. 8. 18. S. Bern.

(t) Deut. 13. 3.

(u) Eccli. 2. 5.

(x) Sap. 1. 6. Tob. 12. 13. Jac. 1. 12.

(y) Judith, 8. 24.

(z) Rom. 8. 29.

rer? nonne Deo subiecta erit anima mea? nonne oportuit pati Christum, & ita intrare in gloriam suam? Nonne sanitas & infirmitas, vita & mors in manu Dei sunt? Ego, Domine, in flagella paratus sum: atteratur corpus, quod peccato instrumentum fuit: hic ure, hic seca, modò in æternum parcas (a).

Si ægroti animus desperationis tentatione laboret; ipse hortari Sacerdotis iutelligat, rimorem quidem donum esse sancti Spiritus; eum tamen legitimâ fiduciâ temperandum, ne magis noceat quam profit: & certè, quem Deus per afflictionem visitat, huius inter cæteros, salutem Deo esse optatissimam. Ægri, ex intuitu divinæ clementiæ, ad spem veniæ & salutis erigendi sunt. Iis pariter suggerenda est suavissima in Domini nostri JESU CHRISTI Passionem fiducia. Ab iis præterea eliciantur Actus Fidei, Spei, Charitatis & Contritionis, vel iisdem cum pietate & unctione Actus ejusmodi pronuntientur. Si quod remaneat *offendiculum amaritudinis* ex antea vitæ memoriâ (b), Pastor illud removere studeat, exhibitâ Dei benignitate, qui hominem verè pœnitentem suscipit quomodò *miseretur pater filiorum* (c). Si qua *spina occulta, dolorem inferens* (d), adhuc pungat animam quæ tamen Deo reconciliata videatur; spinam evellere conabitur Sacerdos, vel anxietatem circa Confessionem bonâ fide per-

actam eliminans, vel soletter ulcerâ detegens, quæ malus pudor quasi ad extremum spiritum celata referre potuisset.

Si gravis morbus appareat; suadente, vel potiùs jubente Pastore, Infirmus, dum adhuc integrâ mente est, vigetque usu rationis & sensuum, suprema sua prudenter, justè pièque ordiuer: si quid malè partum vel iniquè retentum habet, restituat; peccata sua eleemosynis piisve aliis dispositionibus redimat(e); damnum refarciat illatum; iis, quorum intererit, satisfaciât; scandalum tollat cui locum dederit. Deindè Pastor Infirmitatem Pœnitentiæ Sacramento ritè dispositum inducet ad suscipiendam cum excitatissimo pietatis sensu, & sacri Viatici, & Extremæ-Unionis divina subsidia. Si autem ægrotanti aliquid cum proximo intercesserit inimicitie, dissidii, litis vel controversiæ; curandum erit ut sincerâ mente reconcilietur, antequàm Sacramenta suscipiatur; idèdque accersat partem suam adversam, veniam roget offensorem, vel indulgeat offensum. Quando in publicum erupit iniunctia, publicè pariter coire debet reconciliatio. Quod si æger sit aliquâ peccati occasione proximâ implicitus, si v. g. domi habeat personam aliquam suspectam, seu malam quomodò societatem; publicam huiusmodi offensionem removeat, priusquàm fiat cœlestium donorum particeps. Quin etiam inducendus

(a) Habac. 1. 2. Ps. 61. Luc. 24. 26. Sap. 16. 13. Ps. 37. S. Aug.

(b) Ezech. 28. 24.

(c) Ps. 102.

(d) Ezech. sup.

(e) Dan. 4. 24.

est ad declarandum quid æris alieni contraxerit, ut hoc dissolvat, vel, si tunc nequeat, dissolvendum curet cumprimùm fieri poterit.

Ingravescente morbo Fidelis decumbentis, inflammetur Parochi zelus & pietas; neque hic satis habeat ægro Sacramenta ministrasse; illum autem sæpius inviset, studioque impensiore adjuvet (f). Si qua consolatio in Christo, si quod solatium charitatis, si qua viscera miserationis (g), illud omne officiosâ sedulitate adhibeat indefessus Minister, ex quo pendet anima languentium (h), ad Januam æternitatis incerto pede pulsantium. Ipse per eloquium suum corda eorum erigat, ut memores sint quomodo omnes qui placuerunt Deo, per multas tribulationes transferunt fideles (i); sicque ipsos ad gravissima quæque æquo animo toleranda potenti exhortatione confirmet. Eos multâ verborum suavitate inducat ut in spiritu pœnitentiæ, atque ad expiandas præteritæ vitæ maculas, divinæ justitiæ mala sua offerant Christi patientis doloribus coadunata: ea suscipiant æquanimiter de manu patetnæ Dei amantissimi, corripientis in tempore propter iniquitatem, ut parcat in æternitate propter pœnitentiam (k). Imitandos eidem proponat Sanctos, qui martyria sua & patientiam in doloribus exempla fecerunt, gaudentes in passionibus, placentes sibi in infirmitatibus, in

angustiis pro Christo, tunc maxime potentes, cum maxime infirmarentur (l). Ipsum deinde cohortetur ad opem Dei frequentibus animi & cordis elevationibus implorandam, ut patientiam fortitudinemque sibi necessariam, & perfectam divinæ voluntari obsequium impetret. Eodem admonente, Orationem Dominicam, Salutationem Angelicam, Symbolum Apostolorum, quantum poterit, recitet, vel meditetur Infirmus; Nomen Jesu suavissimum, morbis malignisque spiritibus fugandis adeo efficax, totâ mente, toto corde invocet; adesse sibi efflagitet Beatam Mariam Virginem, Angelum suum Custodem, Sanctos omnes, ac præsertim suos & loci Patronos.

Jam verò ægrum sic appositè, sic animum subeunte sermone alloqui studeat, ut ille omnibus quæ ad salutem suam pertinebunt, audiendis non modò non gravetur, sed etiam, conceptâ in Sacerdotem fiduciâ ac benevolentia, delectetur. Denique, & personis & personarum ingeniis consentanea loquatur. Consideratè atque urbanè se gerat erga nobiles, familiariùs erga plebeios. Aliter pios, aliter negligentes, aliter æquo animo patientes, aliter impatientes, aliter plus justo præsumentes, aliter desperantes sciat compellere.

Qui frigidi sunt, inertes, animæ suæ incuriosi, in periculosa securitate torpentes, ii quamprimùm ex illo

(f) Conc. Rem. an. 1583, tit. de Extr. Unct. n. 4.

(g) Phil. 2. 1.

(h) Judith, 8. 21.

(i) Ibid. v. 23.

(k) Ps. 38. Tob. 13. 5. S. Aug.

(l) Col. 1. 24. 2. Cor. 12. 10.

spirituali sopore excitentur. Obdurati, exhibitâ Dei judiciorum severitate terreatur. Nimiùm confidentes humiliantur usque ad terram, objectâ, si locus sit, scelerum nube ac fœditate, propositis pœnis quibus fontes in æternum addicerentur, nili Dominus peccata hominum dissimularet propter pœnitentiam (m).

Quos Pastor, è contrariò, viderit de sua salute sollicitos, pias eorum dispositiones consonis allocutionibus foveat, vel potius eos relinquant sibiimetipsis, Spiritu sancto in iis gemente, orante, illosque sine strepitu verborum per internam unctiorem docente de omnibus (n). Ipsos tantummodò sequatur & adjuvet, sensusque pietatis, quos Deus illis suggesserit, iisdem revocet in memoriam. Quancquàm, si non videantur sibi sufficere, ut solent plurimi, nihil vetat quominus Pastor eos ad fidem, spem & charitatem, ad compunctionem, variosque huiusmodi actus Religionis excitet, aptaque supervenientibus tentationibus remedia subministret. Sacras imagines tum Jesu Crucifixi, tum Beatæ Mariæ Virginis & Sanctorum quos Infirmitas cultu singulari prosequitur, coram illo curet exponi, ac propè ipsius lectum Aquæ-benedictæ vasculum collocari, quâ sæpius respergatur. Eidem offerat vel pias lectiones audiendas, vel breves aliquas nientis ad Deum ejaculationes identidem fundendas; opportunè tamen ac moderatè, ne nimis fatigetur.

Quòd si Infirmitas convalescit; eam hortetur ut, resecâis viribus, quamprimum ad Ecclesiam veniens, grati animi sensus coram Deo prosternat; quod pœnitentiæ suæ, forsitan infirmæ, defuit, hoc suppleat, diligentiori adhibitâ præparatione Sacramenta Pœnitentiæ & Euchariستي fuscipiens; ac deinceps rectiorem teneat vitæ disciplinam, si-bique reddatâ valetudine sanctius utatur. Quod denique ipsa Ethnicorum docet philosophia, id homo Christianus è gravi morbo incolumnis diligenter custodiat, ut talis esse sanus perseveret, qualem se futurum professus est infirmus (1).

Si autem in pejus vergat infirmitas, & sive Medicorum testimonio, sive ipsius naturæ deficientis intuitu, *responsum mortis* habeatur; prudenter admonendus erit ægrotus ut incertum Domini diem dispositionum sanctitate præoccupet, bonorum operum copiam præmittat, si Deo vocanti, animamque sibi dilectam repetenti sit respondendum (o).

MAXIMA verò circumspectiõne opus est, cum, ex muneris sui necessitate, Pastor, quemadmodum Isaias Propheta Ezechiz Regi usque ad mortem ægrotanti, Infirmitas forsitan malè securo hoc annuntiandum suscipit: *Dispone domui tuæ; quia morieris tu, & non vi-ves* (p). Eum, si opus fore videbitur, admoneat ut *judicium mortis à Domino omni carni positum sub-*

(1) Plin. jun.
L. 7. Ep. 26.

(m) Sap. 11. 24.

(n) 1. Joan. 2. 20. 27.

(o) Job, 13. 21. Luc. 12. 20.

(p) Is. 38. 1. Vide 4 Reg. 20. 1.

jecto animo in peccati vindictam accipiat (q). Cumque mortem non horreat opinio, sed natura (r), illum aduersus tetrores mortis omni ope atque operâ confirmet: Mortienti Christiano vitam non tolli, sed in melius immutari; animam corpori superstitem, & de corpore, ceu quodam ergastulo, evolantem, *converti in requiem suam* (s); *Tobiam orare ut Deus recipiat spiritum suum*, eò quòd *expediat sibi mori magis quàm vivere* (t); conqueri Davidem longum *sui involatus exilium* (u); Paulum in hoc tabernaculo *ingemiscere gravatum* (x), eundemque etiam *cupere dissolvi & esse cum Christo* (y).

Quem plus æquo terret ac deicit imago propriæ destructionis, vivam animo fidem ac Dei dilectionem concipiat cum spe resurrectionis ad vitam: sic demùm gratiæ suavitatem supra seipsum raptus, neglectâ vilis corpusculi, terrestriſque domûs dissolutione, ad illam, quam ex Deo habemus *æternam in cælis, adificationem* totâ mente suspirabit (z).

Quem tenaciore affectu terrena præpediunt; quique hæc secum ingemiscere videtur: *O mors, quàm amara est memoria tua homini pacem habenti in substantiis suis* (a)! hunc ad mundi contempTIONem excitet; qui nempe, sicut fumus, deficit; qui

nullos facit beatos, sed, ut plurimum, fontes & miseros; in quo, licet affluant honores ac divitiæ, nihil est nisi *vanitas & afflictio spiritûs* (b). Eodem admonente, intelligat æger incertam lubricamque esse hujus vitæ stationem; nec verò consulte fieri, si quis, patriæ oblitus, hospitio inhæreat: nostram, quæ vulgò appellatur, vitam, mortem potius esse (c); nec verè unquam vivete animum, nisi, corruptibilium artuum compage solutus, promissâ *supervestiatur immortalitate*, sicque *absorbeatur quod mortale est à vita* (d): metitò igitur ab homine Christiano concupisci beatam ejusmodi mortem quæ ad beatissimam vitam aditum aperiat. Hæc aut similia piorum sensuum documenta proponente Pastore, amantissimus quisque vitæ fragilis rerumque terrestrium, id faciliè agnosceret, mortem Fidelibus, ut potè meliorem vitam sperantibus, non esse detrectandam, sed potius optandam, quasi finem ærumnosæ peregrinationis, initium autem beatitudinis *sine timore moriendi, & cum æternitate vivendi*. (e). Sic feliciter à terrenis abstractus ejusmodi Infirmus, ad desiderium erigetur *collum æternorum* (f), ubi omnibus singulisque beatis civibus » erit Deus & vita, & » salus, & victus, & copia, & glo-

(q) Eccli. 41. 5. Vide Hebr. 9. 27.

(r) S. Aug. Serm. 172. de verb. Ap. 3. 1. [al. Serm. 32.]

(s) Ps. 114. (t) Tob. 3. 6.

(u) Ps. 119.

(x) 1. Cor. 5. 4.

(y) 1. Thess. 4. 12.

(z) 1. Cor. 5. 1. S. Ambr. de fide

resurr. 1. 2. 3.

(a) Eccli. 41. 1.

(b) Eccl. 1. 14. S. Ambr. sup.

(c) Idem, in obitu fratris.

(d) 1. Cor. 5. 4.

(e) Gen. 47. 9. 1. Paral. 29. 15. Ps. 38. Hebr. 11. 13. S. Cypr. de mortal.

(f) Gen. 49. 26.

» ria, & honor, & pax, & omnia
» bona; ipse finis erit desideriorum
» nostrorum, qui sine fine videbi-
» tur, sine fastidio amabitur, sine
» fatigatione laudabitur (g).»

Postremo, qui ab amore presentis
seculi nec preceptis flectuntur, nec
verberibus emendantur; ita ut, jam
crebrescente ruinâ corporis, tamen
superba mens non velit spontè dese-
rere quod quotidie perdit invita (h);
ii, hortatu Sacerdotis, sibi melius
consulentes, advertant, satius homi-
ni esse vitam suam Deo in sacrifici-
um expiationis devovere, quàm
Deo frustra repugnantem inveni-
ri (i). Ævi nostri constitutos fuisse
terminos, qui præteriri non pote-
runt (k): omuem hominem, velit,
nolit, iturum esse in domum æter-
nitatis suâ (l), cujus in beatam
sortem intrare nos haud aliter opor-
tere, quàm per multas tribulationes,
per inanis fortunæ abnegationem &
lutei corporis destructionem (m).
Festinet igitur pretiosa, quæ super-
sunt, momenta lucrificare per vo-
luntariam suipsius, sive viventis,
sive morientis oblationem; ne fortè,
non placato Deo, cui nemo impunè
resistit, ad tremendum illud mo-
mentum deveniat, quo Deum placare
jam non possit.

Ns verò existimet Sacerdos ea
omnia quæ modò attigimus, esse
Infirmis uno tenore eodemque con-
textu, elaboratæ instar concionis,

referenda. Modum opitulandi, juxta
varietatem animorum, delineare
duntaxat volumus, & locos sen-
tentiarum aperire, ex quibus unus-
quisque, pro ingenii bonitate, re-
rum copiam erueret possit, & cuique
Infirmo convenientia consolationis
argumenta suppeditare. Quæ igitur
ad hoc meditatus fuerit Sacerdos,
ea non uno spiritu, quasi ad me-
moriâ citiùs exonerandam, effun-
det. Non longè petitam, sed ex
abundantia cordis tenerissimi pro-
filientem suggeret consolationem;
verbaque, pro Infirmi conditione &
morbi statu, opportuna temperabit.
Non longo periodorum circuitu elo-
quetur; sed brevibus numeris clau-
det sermonem simplicem, piosque
affectus redolentem. Meminerit au-
tem, se, non ad circumstantes ver-
ba facere, sed Infirmum privatim
alloqui; cujus nempe animus morbi
violentia laborat ac penè obruitur.
Itaque, ne ægrotantibus molestior
sit quàm utilior, eos nec sæpiùs;
nec diutiùs, nec sono vocis altiore,
nec quo tempore gravibus premun-
tur doloribus, alloquatur. Illos iden-
tidem, submissâ voce, pressè, &
per modum sententiæ hortetur,
modò ad pœnitentiam, modò ad
fiduciam in CHRISTUM JESUM,
modò ad compunctionem, frequen-
tiùs ad amorem Dei super omnia,
tanquam boni suppremi & finis ulti-
mi. Breve alloquium prudenti si-
lentio intermittat: quicquid sermo-

(g) S. Aug. de civ. Dei. l. 22. c. 30.

n. 1.

(h) S. Greg. Hom. 5. in Ev. n. 1.

(i) Act. 5. 39.

Tomus II.

(k) Job, 14. 5.

(l) Eccl. 12. 5.

(m) Act. 14. 21.

nem seu colloctionem interdum mutet, nunc Infirmum, nunc astantes de rebus aliis communibus interrogans; nunc pro illo preces ad Deum fundens, ceterosque ad hoc idem præstandum exhortans; nunc suis consiliis, hortamentis vel monitis pios & consolatorios in Deum affectus intermiscens. Sic demum ad ea quæ loqui cœperat, sese utiliter reflectet. Quod si ægrotus aliquid velit dicere vel respondere, ipsum benignè audiat Sacerdos; videatque hic diligenter, ne ille, vel ipsis rebus propositis, vel rerum etiam optimarum fastidiosâ repetitione offendatur.

Nihil autem suscepto ministerio dignius exequi poterit, quàm si selectos è sacris Scripturis, ac præsertim è Psalmis, vel Ecclesiæ Canticis versiculos de memoriæ promptuario quasi spontè obvios, brevi quadam paraphrasi ad Infirmi statum, dispositiones, indolem, caput, conditionem, ætatem & sexum accommodet.

Locos hujusmodi sat multos variis affectibus excitandis idoneos suppediatbit Pastoralis hujus Pars Ritualis; quemadmodum & Preces, quibus omni colloctioni præviis, ad conciliandam eam quæ suo debetur ministerio, revententiam, pro sua prudentia, utetur Sacerdos (n).

Pastoris visitatio necessariæ consolationis & suggerendæ pietatis tempus nunquam excedat; caveatque diligenter ne ex mora longiore incommodum se Infirmo præbeat.

Cum aliquem lecto decubentem visitat, expedit primum ut tectetur se malo ejus plurimum affici. Nunquam affirmet, quod quidam solent improvidè, plus pati eos qui Infirmum: è contratio, speciem habeat credentis hunc doloribus angere vehementibus, eique ex animo condolet. Tali humanitate mirum in modum gliscit Infirmorum fiducia, gaudientium scilicet habere se Pastorem qui possit compati infirmitatibus suis (o).

Ut autem Infirmorum visitatio & consolatio opportunè accuratèque impleatur, summo petè juvabit ut majorum Parochiarum Rectores descriptos habeant suæ ditionis Infirmos; quò certius nullum prætermittant, singulasque visitationes singulorum necessitatibus accommodent.

Sed quoniam Patochis aut Vicariis non vacat semper apud Infirmos manere, optimum erit ut aliquos è Parochianis, quos industriâ, zelo, scientiâ Dei & facultatibus pollete præ cæteris viderint, inducant ad visitandos ægros, præsertim pauperes: qui quidem à Patocho præformati visitationum adiutores, verba Dei apud Infirmos loquantur, solatiumque & levamen afferrant; ad postulanda piæque suscipienda extrema Sacramenta, prout Laïcis visitatoribus competere possit, illos disponant, & postquam ea susceperint, in piis affectibus confir-

(n) Conc. Nannet. can. 4. Vide Tom. III hujus Pastoralis, ubi describitur Mo-

dos exhortandi consolandique Infirmos.

(o) Hebr. 4. 15.

ment; qui demùm iis Domini nostri JESU CHRISTI Passionem aliudve quiddam idoneum legant. Moneute verò Sacerdote, caveant ipsi diligenter ne longiore sermone ægros fatigent quos visitant; sed sæpius & brevius eos alloquantur, exploratâ mollioris horæ potiorisque dispositionis opportunitate.

Porro, ubi jacet tanta multitudo ægotantium, ut Parochus eorum visitationi sufficere per se ipse nequeat, si quando id præstandum curet vel per alios Sacerdotes, vel per Laicos, viros *miseri cordia* (p), vel per mulieres, quæ, instat viduarum Ecclesiæ primitivæ, *tribulationem patientibus subministrant* (q); iis tamen sublevandos consolandosque Infirmos ex toto non committat. Lecto decumbentes certo temporis intervallo debet singulos invisere; hunc præsertim *videant pauperes, & latentur* (r). Nec verò dedigneur plebeios & egenos in afflictione sua visitare, nobilium solummodò ac divitum visitator ambitiosus. Præcipuam gerat eorum sollicitudinem, qui morbo & ærumnâ conficti, humanisque destituti auxiliis, spem suam in Pastoris charitate & visceribus totam reponunt. Quibus si non possit ipse de propriis facultatibus ministrare; studeat saltem, quantum efficere & consequi poterit, sive per charitatis alteriusve cussulibet nominis *Confraternitatem*, sive per collectas & eleemosynas publicas aut privatas, ne quid desit eorum

necessitatibus; *ipse enim omnium indigentium, ac præcipue infirmorum, curator est* (s).

PAROCHUS autem, aliussve Sacerdos Pastorale munus exequens, sese ægotantium familiaribus modestiâ & gravitate Sacerdotali venerabilem præbear. Et quoniam non raro necesse est ut submoveantur conjux, propinqui, familiares, amici, sæpius in his charorum angustiiis plus naturæ quàm Religioni tribuentes; is sit Parochus, qui tristem illam necessitatem, nemine offenso, innuere, quinimò dulcedine sermonis lenire possit. Ipsi quidem suis plurimum nocent, dum vanam securitatem & spem longam extollunt adversus monita salutis, quæ Pastor, suggerente conscientia, periclitantibus impertit. Itaque gravissimis verbis, si opportunum atque utile fore videbitur, admonendi erunt ægotantis familiares, & quicumque illi assistunt vel ministrant, ne, falso humanitatis affectu, moram ullam remediis ad æternam ipsius salutem necessariis interponant. Detestanda enim esset hæc *sapientia carnis* (t), cujus instinctu suprema Religionis auxilia ægro minimè offerrentur, hoc inducto futili prætextu, ne sinistro quodam velut omine, mors ei annuntiaretur, eoque terrore morbus ingravesceret. Posthabitis hujusmodi blandimentis, heu! sæpius exitiosis, ita soleret suaviterque

(p) *Eccli.* 44. 10.

(q) *1. Tim.* 5. 10.

(r) *Pf.* 68.

(s) *S. Iust. Apol.* 2. ad Ant. pium.

(t) *Rom.* 8. 7.

Infirmi animum tractet Sacerdos, ut non molestè ferat quòd suum sibi periculum manifestetur; utque Ecclesiæ Sacramenta, tanquam solatii roborisque promptuaria, tempestivè aque adèò fructuosè suscipiat. Moneatur etiam ne similis sit Aza, Regis Juda, qui *ægotavit, & nec in infirmitate sua quesivit Dominum, sed magis in medicorum arte confusus est* (u).

In ejusmodi visitationibus, curent Pastores diligenter *Christi bonum odorem* verbo & exemplo per domos & familias diffundere. Ibi, quantum fieri poterit, nihil sumatur alimenti. Quandò mulieres infirmas visitabunt, tam prudenter se gerant, præsertim erga juniores, ut nulla malignæ suspicioni detur occasio. Sacerdos nunquam solus cum sola remaneat: Infirmæ Confessionem audiat, astantibus in cubiculo testibus, aut certè apertâ janua, ita ut cuilibet intrare liceat.

Parochus autem, quantumcumque zelum impendat in visitationem & curam Infirmorum, nihil proficere se posse existimet, nisi comitem zelo adhibeat frequentem fervidamque orationem. Itaque pro Infirmis quos visitat, ipse oret privatim, illosque in divino Sacrificio piè commemoret; eos denique & precibus familiæ in ipsorum domibus, & in *Pronao* publicè commendet precibus omnium Parochianorum; ut pro ægotantibus id exequantur, quod pro se ipsi non omisum volent in eadem necessitate constitui. Quæ quidem orationum juvamenta si Sacerdos Infirmo polliceatur, id

profectò sentiet ad ejus consolationem mirum in modum infervire.

DENIQUE, ut ipsismet Parochianis valentibus pròsint Infirmorum visitationes, Pastor ex ejusmodi visitationibus occasionem sumat exquirendi quam morum disciplinam sequatur familia universa: an singuli manè & vespere Deum precentur; an omnes, vir præcipuè & uxor, pacificè vivant; an parentes vel tutores liberorum aut pupillorum educationi Christianæ invigilent; an curent domini & dominx famulos & ancillas Parochiam frequentare Christianisque fungi officii; an non promiscuè secum pueri & puellæ, vel cum ipsis parentibus in eodem cubili pernoctent; an non parentes secum in lecto parvulos cum periculo oppressiōis collocent; quibus vitiis, si qua deprehendat Parochus, per monita vel consilia opportunè subministrata conveniens adhibeat remedium. Omnes demùm & singulos cohortetur ut in timore Domini ambulent, & suæ quisque officia conditionis fideliter impleant. Hæc autem ut iis quorum interest, proficiant, non quasi datà operâ & pet modum affectatæ inquisitionis aut præparatæ exhortationis, sed oblatâ occasione & amicâ sollicitudine Pastor exequatur, speciem habens patris de filiorum sibi charissimorum salute solliciti, non austeri rigidique prædicatoris, anam arguendi & corripiendi undequaque arripere gestientis.

(u) 1. Paral. 16. 12.

Assit autem ut Parochi rurales, cum periculose decumbunt, à suis Communiſtris & Confacerdotibus derelinquantur, ſolatioque ac ſpirituali ope deſtituti, & (à quo etiam cogitando mens refugit) Sacramentorum expertes moriantur. Incredibile dictu eſſet quanto Religionis dedecore, quantà populorum offenſione eveniret, ut Paſtores, poſtquam cæteris infirmis cœleſtia remedia ſuppeditaſſent, iisdem ipſiſſimè in ultima infirmitate carerent: unde pronum maximè foret, vel ſuſpicari Sacramenta non fuiſſe ab

iis poſtulata, vel arguere deficientem in Collegis charitatem. Utinam Fratribus noſtris *ſuper lectum doloris ſui opem & conſolationem ferre* (*), urinam iis extrema illa ac dulciſſima Religionis ſubſidia miniſtrare poſſemus! Quod fraternæ dilectionis miniſterium Nobis invident loca & tempora, id in Parochos infirmos non prætermittant vicini Fratres & Collegæ; talesque ſe illis præbeant, quales ipſi olim experiri Collegas in eadem neceſſitate concupiſcent.

(*) *Pſ. 40.*

C A P U T I I.

DE cura Infirmorum tempore contagionis.

POPULARES morbi, ſclerum pœna. Cùm ſavire incipit morbus peſtilens, quid primùm ſatagere debeat Parochus. Pietas, charitas, zelusque intrepidus Paſtori neceſſaria, dum graſſatur contagio.

PESTILENTIAM cæterosque morbos populares mortem ferentes & luctum, tanquam iræ ſuæ flagella ſæpè infligit Deus in pœnam ſclerum (a); qualia ſunt blaſphemix, perjuria, adulteria, Religionis Eccleſiaſticae contempnus, diei Domini Feſtorumque nefanda violatio, aliaque id genus plurima; ea præſertim quæ conjunctam habent publicam offenſionem, vel quæ atro-

cite ſuâ clamant ad cælum vindictam.

STATIM atque contagio morbum aliquem in Parochia vulgaverit, Parochus ad Præſulem Dioceſanum conſugiat, ut potè communem Paſtorum arque ovium Paſtorem, cujus conſiliis in eo quod ſit exequendum, ſcilicet in ope ægrotantibus ferendâ, tutius ſalubriùſque diriga-

(a) *Eceli. 40. 9. 10.*

tur. Multum etiam proderit ut Magistratus & Judices terræ vehementer exhortetur ad tollenda tunc præcipuè scandala, si qua in loco vigeant; prudenterque illos admoneat hoc in ipsos incumbere strictissimum officium, ut potè quoddam Deus peccata populi in virga indignationis suæ visitans (b), non possit nisi dignis pœnitentiæ fructibus placari. Eodem insuper apud loci primarios ac divites ageute, provideatur ut Infirmi, imprimisque pauperes, ordine quàm fieri poterit optimo, rectis vel Nosocomiis excipiantur & foveantur; ne per incuriam ab humanitate simul & Religione alienam, morbo liberrimè sævientem, uno nomine mortui habeantur innumerabiles (c).

Quod ut malum, si Deus miserator annuerit, omni providentiâ humanâ vitetur, neque Nobis, neque cæteris Pastoribus comministris & cooperantibus nostris id unquam obliviscendum est, quod exemplo præcipuus hac in re doctor, in uno è suis Conciliis sanxit Romanæ purpuræ decus & Sedis Mediolanensis lumen sanctus Carolus Borromæus: » Tempore pesti-
» lentis, Episcopus quæcumque pietatis officia à parente optimo filiis præstari afflictissimo illo tempore oporteat, ea studio & ministerio suo ita præstabit; ut ad
» omnia charitatis christianæ opera cæteri homines inflammentur. Pa-

» rochi autem, animatumve curatores, tantum abest ut necessario eo tempore populum cujus curam gerunt, aliquo modo destituant, ut fixâ animi deliberatione sibi statuendum putent omnia protinus, etiam mortis pericula, paratissimo animo subire potius, quàm Fideles Christi sanguine redemptos, ac sibi præcipuè in curam traditos, in summa penè omnium adjumentorum necessitate defectore (d). »

Itaque Pastor, luctuosissimo hujusmodi casu eveniente, convalescat robore ministerii sui; & simul ejusdem fervore incallescens, oblarum sibi meritum segetem uberimam amplectatur. Ovis suis in periculo curam omnem atque operam libentissimè impendat (e), sequè totum pro illis gaudeat superimpendi; bonus enim Pastor animam suam dat pro ovibus suis (f). Omnium primum, justam offensæ Numinis iracundiam adoret profundè humiliatus. Agnum Dei offerat holocaustum, & deprecetur pro se & pro populo (g), cujus loco sese victimam ultro devoveat; ut Deus tantâ pietate commotus, dicar Angelo petcutienti: Sufficit; nunc contine manum tuam (h). Omni denique opere bono ac pietatis exemplo Deum iratum placare nitatur. Afflictum populum ad veram pœnitentiam gravissimis verbis, tum publicè, tum privatim hor-

(b) Thren. 3. 1.

(c) Sep. 18. 12.

(d) Conc. Mediol. V, an. 1579, part. 2. cap. 4.

(e) S. Cypr. Ep. 54. (al. 57.) ad Cornel.

(f) 1. Cor. 12. 15. Joan. 10. 15.

(g) Joan. 1. 29. Levit. 9. 7.

(h) 1. Reg. 24. 16.

tetur; quo incitamento, per sinceram delictorum Confessionem se quisque ad morbum, si Deus ita constituerit, suscipiendum fortiter accingat.

Pastor novo quotidie zelo succensus, ægris divina Sacramenta indefesse pieque administret; eos in afflictione gementes consoletur, edoceat quo pacto ad salutem suam uti debeant flagello divinitus immisso, seque ad mortem huiusmodi præparare, quæ immortalis vitæ beatitudinem aperiat. In ipsos demum auxilia omnia, quæ in Infirmos à bono Pastore adhiberi solent, tenerrimâ sollicitudine pervigil adhibeat. Quis nescit, quis autem sciens æmulari non exoptet heroicam illam *S. Caroli Borromæi* charitatem? qui nempe, cum sædissima lues Mediolani grassaretur, Aaronis instar, in medium populi incendium cum thymiamate & precibus irruentis (i), stans inter mortuos ac viventes (k), curis amantissimis gregem afflictum consolari non destitit, membris jam propè lethali frigore rigentibus sacrum Oleum illiniens, in ora mox ultimum spiritum exhalatura vivificum insinuans Viaticum, seque ipsum & sua omnia patientibus Christi Fidelibus sublevandis constantissimè devovens. Quis non audit, & quis audiens non miratus est, ab immortalis memoriz Præsule Massiliensi (l), nostro seculo, iu simili vastitate renovatum excelsi verèque Pastoralis animi spectaculum? Notissima pariter, nec minùs in exem-

plum assumenda est *S. Francisci Salesii* adhuc in secundo Pastorum ordine constituti, magnanimitas, eximique sollicitudo in populum eodem vindicis Dei flagello afflictatum.

Non igitur satis habeat Sacerdos animarum zelator, quod populari morbo affectis Pœnitentiam administret. Cum enim sacrosanctum Viaticum & Extrema-UNCTIO à Domino Jesu instituta præsertim fuerint ad Fideles in morbis periculosis corroborandos, metuendum esset, ne, subtractis ejusmodi auxiliis solatiisque spiritualibus, animis penitus conciderent, ac forsitan desperationis malo immedicabili corriperebantur. In tantis ærumnis, divinæ ope Sacramentorum & Pastoris consolatione multò magis indigent contagione laborantes, quàm ulcari generis Infirmi, quandoquidem sæpius illos deficit quodcumque aliud subsidium, quæcumque alia consolatio. Attamen, inter administranda Sacramenta, eas preces omittere licet, quæ non sunt ad illorum essentiam omninò necessaria. Quinimò, cum Pastor apud ægros sine periculo diù esse non potest, maximè verò cum ipsimet soli esse nequeunt, sufficit ut peccata summam confiteantur, paucisque ad Deum sævienrem simul & parentem erecti, statim absolvantur.

Et quidem Pastori videndum est etiam atque etiam, ne se frustra objiciat morbi contrahendi pericu-

(i) M. de Bel-
lunce, en 1720.

(i) Num. 16. 47. 48. Sep. 18. 21. 22. 23.

(k) Num. 16. 48.

lo manifestiori, undè omnibus Pa-
rochiæ suæ Fidelibus in tanta cala-
mitate fiat inutilis. Jejunus, quan-
tùm fieri poterit, ægros adear;
ne inspirata malignitas aëris cibum
stomacho receptum afficiat, & si-
mul cum eo in sanguinem insinuet.
Præterea uti poterit liquoribus me-
dicaris, quorum spiritu inhalato,
pestilentis aëris intemperiem aliqua-
renùs repellat. Dum autem curâ ali-
quâ legitimâ suæ prospicit incolumi-
tati, nunquam se nullius animi
hominem exhibeat. Sir semper ac
videatur pater amantissimus, ad hoc
tantùm servare se cupiens, ut sospi-
tes sibi filios conservet, aut saltem
ur iis ad extremum usque spiritum
opirulerur. Pastor ignavus terrorem
consternationemque publicam inge-
minaret, sibi que contemptum vili-
tati suæ parem acquireret. Sacerdos
humanis præsidii utcumque muni-
tus, se totum Deo pro salute ani-
marum offerat; dicatque cum gene-
roso illo Simone in diversi generis

angustiis constituto: *Non mihi con-
tingat parcere anima mea in tempore
tribulationis (l).*

Si denique, frustratâ omni
diligentiâ, morbum lethalem con-
trahat, opem ferens afflari pesti-
lenti morbo Fidelibus; ipse si-
bi felix videatur, quòd suum Deo
placuerit sacrificium, quòdque,
meritis suis Martyrio æquiparatis,
longè omnium pretiosissimam in
conspectu Domini mortem sibi liceat
oppetere (m). Non hic, ut in bello
fieri solet, pro caducæ laudis con-
secratione perrumpendi sunt hos-
tium cunei; non sanguis pro Rege
& patriâ (quamvis id etiam heroi-
cum sit ac decorum), inspectante
exercitu, fundendus. Hic Religionis
Ministri in multo majoris ac potioris
gloriæ curriculo versantur. *Castra
Dei sunt hæc (n)*; hic prælianda
bella Domini (o): qui cadunt in
acie, non perimuntur, sed charita-
tis Martyres coronantur.

(l) 1. Mach. 13. 5.
(m) Ps. 115.

(n) Gen. 32. 2.
(o) 1. Reg. 18. 17.



CAPUT III.

DE Testamentis.

OFFICIA Pastorum in Parochianos circa Testamenta. Quinam ad testandum teneantur. Quid Parochum ab agro sciscitari oporteat, in ordine Testamenti condendi vel jam conditi. Codicilli. Quidnam agro suadendum, ut Christiano more testetur. Duo extrema Testatori vitanda. Ne fiant testamentaria dispositiones plus aequo familiis onerosa vel noxia. Nemo liberorum praeter ceteris fraudulenter augendus: nemo eorum, nisi gravissimâ de causâ, exheres scribendus. Haredum jura servanda: litium occasio tollenda: si quem praeter ceteris augere liceat, quisnam potissimum eligendus. Sequenda in omnibus Legum Placita & Constituta localia. Fideicommissa fraudulenta ne fieri sinat Parochus. A propria utilitatis consecratione alienus sit Pastor Testamentum extipiens. Conditio Testamento, quid cogitandum. An viri Ecclesiastici Testamentorum curatores esse possint. Ut pauperibus vel Ecclesiae legata solvantur, quid Parochus agendum. Quaedam notanda.

OMNIA quibus Diœcesis Parisiensis regitur, Constituta Civilia (1), in eo cum Regiis Sanctionibus consentiunt, ut Pastoribus, seu *Deservientibus* à Diœcesano Præsule nominatim institutis, intra suos cuique limites, Testamenta suscipiendi potestatem faciant. Cum igitur Parochus, seu *Deserviens*, ab aliquo infirmo rogari possit ut sibi Testamentum scribat; quo pacto eam prae se ferat equitatem & prudentiam, quae personam publicam & fidelem JESU CHRISTI Ministrum decent, hic esse tradendum censuimus. Et quoniam in praesenti negotio peccantes non modo peccant sine spe damni refarciendi, verum etiam

cum salutis aeternae dispendio (dum alii, cum testari debuissent, intestato moriuntur, alii Testamentum faciunt vel dispositionibus improbum, vel neglectis formulis irritum); magnoperè juvabit ut Pastores, data occasione, Fideles sibi commissos purissimis hac de re documentis imbuant; sive ut inducantur ad testandum, si testari debeant; sive ut à malo proposito deterreantur, si fortè contra Religionis & aequitatis leges de suis bonis constituere intendant. Quidam enim eâ sunt animi cecitate percussî, ut, nedum pro delictis per supremas dispositiones satisfacere, facultatumque usum perversum quo sani

(1) Coutumes.

& vigentes se contaminarunt, eluere studeant, è contrario, scelerum menfuram implere velle videantur, dum Testamenta conficiunt, injustitiam; fraudem, vindictam, odium, superbiam quoque & vanitatem spirantia.

Itaque Pastotum est Parochianos edocere ad quid circa Testamenta teneantur, quibus in circumstantiis, ac præsertim quanto iustitiæ & charitatis respectu, quantæque præscriptarum formularum observantiæ restari eos oporteat. Iund quibus Testamenta conficienda sunt, ipsis suaderi præstat ut sani de illis provideant; ad hoc enim plerumque non satis valent infirmi. Scilicet morbi vehementia, elabentis vitæ mundi que desiderio, propinquorum, amicorum, famulorum importunâ obfessione, ex morbo gravissimo decumbentem iudicii vires deficiunt, hebescit memoria, libertas emoritur; ita ut mens tot malis obruta, subdolan captationem alienumque instinctum effugere vix posse videatur. Huc accedit quoddam mors obvenire potest improvisa.

PORRO in tempore exitus sui distribuere hereditatem suam (*) tenentur,

Iº. Clerici Beneficiati, qui, cum de bonis Ecclesiasticis, etiam mobilibus per Ecclesiam acquisitis (a), propinquos suos ditare non possint, cavete Testamento debent ne suorum

opes hujusmodi bonis amplificentur. Illos enim memores esse oportet Canonice hujus sanctionis: *Quæ propria ipsorum sunt, valeant in quoscumque placuerit hæredes transferre; tamen ad alios res Ecclesiæ minime transeant* (b). Quamobrem, suo tantum patrimonio propinquis relicto, id omne quod superest, in pia opera erogari curent, nisi aliter fieri permiserit sublevanda propinquorum egestas. Et verò contra Ecclesiæ mentem ageretur, si quis Ecclesiæ bona, quod est *patrimonium pauperum*, cum patrimonio non egentis familiæ misceret (c).

IIº. Quibus restitutiones necessariæ sunt exequendæ, vel quod usuris aliisve injustis viis fortunæ suæ partem constaverint, vel quoddam proximum utcumque fraudaverint, & restitutionis cautionem idoneam non possint nisi per Testamentum suppeditare. In quo sæpius hærent non parum intricati, qui, cum rem alienam tractaverint, non, ut debuerant, integrâ valetudine curaverunt secum rationes conferre & ordinate, læsisque satisfacere.

IIIº. Qui æs alienum contraxerunt, nec fidem solvendi facere creditoribus aliter possunt.

IVº. Patres-familiæ, qui litium ac dissidiorum semina liberis suis relicturos se prospiciunt, nisi substantiam illis condito Testamento dividant. Quod pariter intelligatur & de quibuscumque aliis, habitis ra-

(*) Eccli. 21. 34.

(a) Alex. III, cap. Relatum, de Testamentis.

(b) Can. Apost. 39 & 46.

(c) S. Hier. in cap. 46. Ezech. Conc.

Carth. III, an. 397. can. 49. Agath. an. 506. can. 48. Aquiss. I, an. 816. l. 2. cap. 116. Paris. VI, an. 829. can. 16. Trid. Sess. 25. de Ref. cap. 2.

tione quorumlibet hæredum, inter quos pax non aliter coire posse videatur. In hos quidem omnes ineluctabile incumbit testandi officium: quo neglecto, in se velut proprium quiddam susciperent inimicitias, litigationes, scandala, injusticiasque mortem suam consequerentur, & quibus potuissent, scripto Testamento, efficaciter obviare.

V⁹. Divites, qui, cum viventes non satisfecerint elemosynæ præcepto, incuriam illam criminiosam supplere tenentur morientes; scilicet in egenos vel egenorum hospitia per Testamentum copiose munifici.

Parochum igitur sciscitari oportet, num æger quem visitat, de bonorum dispositione & de scribendo Testamento cogitaverit? Quod quidem in ipso Tribunali Confessionis ita scrutetur, ut dignoscat an ab Infirmo ad dissolvendum æs alienum quod satis sit, relinquatur; an æris alieni summam in singulos dividuum computaverit: quo neglecto, Pastor id quamprimùm effici jubeat. Illum subindè moneat quanti ad animæ salutem interfir, ut secundùm Deum testetur; nec tantummodò, quod solent plurimi, consulat Notarium seu Legisperitum, quo dirigente, ad Juris humani apicem supremam suam ordinet; nec proprii affectûs impulsu omninò sequatur, ut rem suam, cui voluerit, cæco impetu distribuat: sed, communicatis cum Pastore consiliis, maturè perficiat ne ullâ viciositate coram supremo Legislatore peccet

id quod condiderit Testamentum; ut sit ad justitiæ & pietatis legis exactum; ut denique *bona de manu Dei suscepta* quibus vivens uteretur (d), moriens Deo reddat, ea in spiritu sacrificii resignans quibus velit Deus ea resignari.

Quod si jam Testamentum scripserit Infirmus; Parocho investigandum erit an illud valeat, num Testator in illo sit quidquam oblitus, num aliquid in ipso lævum sit aut improbum. Omnibus tandem ritè, honestè ac religiòsè compositis, Testamentum in statu gratiæ sanctificantis approbet ratumque habeat is qui restatus est, ut sibi ad meritum imputetur. Si autem Infirmus in Testamento jam scripto fuerit officii oblitus, aut alicui damnum intulerit; jubente Pastore, illud irritum fiat per novi Testamenti confessionem, vel corrigatur scriptis *Codicillis*, juxta formulam quæ Testamenti formulæ subjicitur in Pastoralis hujus parte Rituali. Etsi autem contingere potest ut nonnullæ ex Testamenti clausulis & solemnitatibus ibidem præscriptis non ubique ad ipsius essentiam pertineant; erit tamen longè tutius, si cunctas ejusmodi clausulas & solemnitates diligenter observent universi Diocesani Pastores. Si quis enim Pastor culpâ suâ, saltè gravi, aut supinâ incuriâ Testamentum irritum scriberet, vel, consilio dato, scribi curaret; legatariis ingenti foret detrimento, quod quidem refarcite teneretur. Cum verò *Codicillis*, in regionibus ubi pro Lege sunt Consti-

(d) Job, 2. 10.

tura localia, nihil aliud sint nisi continuatio Testamenti à Testatore facta, ut illud augeat, restringat, vel interpretetur; eadem in his observari debent solemnitates. Et plures ab eodem Testatore scribi possunt *Codicilli*; qui omnes suum effectum sortiuntur, ubi alii ex aliis revocati non fuerunt.

PASTOR vocatus ad excipiendum ægri Testamentum, vel ad consiliandum Infirmo illud condere cupienti, utrilibet suadeat ut Christiano animo testetur; scilicet Dei gloriam, suipsius & hæredum salutem, publici exempli rationem simul & æquitatem purâ simplici intentione sibi proponens. Cum igitur nihil homini Christiano debeat esse animâ suâ charius, postquam pœnitentiæ lactymis eam abluerit, ejusdem in primo Testamenti articulo sit memor; quam scilicet Deo commendat, vehementerque exoptet immaculatam in conspectu Dei vocantis apparere. In secundo articulo, corpus suum Deo in sacrificium offerat, spem beatæ resurrectionis exprimens. Ad mortem præterea, quocumque modo, quocumque tempore divinitus immittatur, æquo animo ferendam paratum se exhibebit: quam moriendi conditionem non conqueretur, Dei decretum ineluctabile adorans, eamque pœnam suis peccatis debitam humiliato spiritu accipiens.

Declaret insuper velle se corpus suum nullo apparatu supervacuo tu-

mulari; cupere se nihilominus ne quid ex Ecclesiæ precibus & Cæremoniis omittatur, sed ut procul absit illud omne quod sola induxit vanitas, nullamque affert mortuo levamentum. Ne ergo fastum & ambitionem usque ad tumuli pulverem deducat, exquisitam sibi præstituens *funeris pompam*, epitaphii magnificentiam, opulentam monumenti constructionem (e), quibus insignibus superbum cadaver quasi pro Reliquiis preciosissimis designetur. Quinimod suarum Exequiarum inutilem recidat impensam & sumptuosam diligentiam sepulture; quæ vivorum sunt ambitiosa solatia, non adjutoria mortuorum (f). Quod vanitati subtrahit religiosa parcitas, id beneficentiæ & charitati substituat pia liberalitas. Testator sapiens *sanctetur Domino*, misertus pauperis, & *sua elemosynis peccata redimat* (g). Piis institutis, tum Reipublicæ Christianæ, tum societati profuturis, legata scribat: utriuslibet sexus adolescentium v. g. rectæ Christianæque institutioni, virginum periclitantium conjugis, inopum utili labori nutrimentisque provideat.

Quandoquidem verò sub Excommunicationis interminatione prohibet Ecclesia, ne cujusquam instinctu quoad sepulturam circumveniantur Infirmi; iis hac in re permittatur omnimoda libertas. Parvi enim refert ubi jaceat corpus, dummodò anima in bonis demoretur (h). Si tamen consilium à Pastore exquirat

(e) S. Aug. de verb. Ap. Serm. 172. cap. 1.

(f) Ibid.

(g) Prov. 19. 17. Dan. 4. 24.

(h) Ps. 24.

Infirmus, sua ei Parochia maximè commendetur.

Si Testator liberos relinquat in pupillari aetate superstites; ipsis de Christiana atque aliis idonea institutione provideat, assignato qui velit & possit iis in lubrico adolescentiæ vestigio dux esse, curator temporalium, & pater in ordine salutis aeternæ.

Anre omnia restitui curet, si quid injustè habeat non suum; provideatque ut quidquid æris alieni contraxerit, dissolvatur (i). Quòd si Infirmus rem alienam iniquè retineat, vel iniquis viis rem quam possidet, comparaverit; Parochus alienum jubeat Testamento restitui: diligenter tamen provideat ut fama Testatoris penitus illæsa servetur. Quando enim furta occulta remanserunt, modis pariter occultis sæpè restitutio procuranda est. Quòd si furta publica fuerint & notoria; antequàm Pastor Testamentum suscipiat, Testatorem infirmum admoneat ut publicis ejusmodi injustitiis per Testamentum satisfaciatur. Si verò per solam Confessionem sacramentalem innotuerint, de his omninò sileat Parochus, nisi priùs ab Infirmo licentiam obtinuerit cum eo de ipsis colloquendi extra Pœnitentiæ Tribunal: tuncque, pro re naturâ, Infirmo suadeat ut illata detrimenta, vel per Testamentum, vel alio modo tescariat.

Quos expertus est in suo famularu fideles, eos Testator pro meritis remuneretur (k); nec sit eo-

rum similis, qui miserimos famulos, quorum atatem viresque consumpserunt, ne ipsis quidem sortè solutis mercedibus annuis, subsidii victusque omnis expertes relinquunt. In legando pauperibus, propinquoarum inopum non obliviscatur, humilitatem sectans contrariam superbiz divitum, quos puderet, si viderentur egenorum consanguinei aut affines (l). Quòd si prædia possideat, si præsertim sit Parochiæ Dominus; legata potissimum scribat illius loci egenis, in quo fundos habet vel reditus, iis præcipuè quorum operâ usus est. Hunc ordinem commendat æquitatis plenissima charitas. Legata scribens Ecclesiis, non solum ad eas respiciat quas aliis anteponeere tenetur, sed etiam ad pauperiores. Parochia autem cæteris Ecclesiis potior habenda est; & Parochia ruralis, cujus intrâ fines prædiis seu vestigialibus fruatur Testator, & quæ sit pauper, anteponeuda quidem Parochiæ urbicæ quæ sit locuples.

Si Testator aliquid conspicuum donet Ecclesiis; omni ambitione seclusâ, veter ne gentilitiæ nobilitatis, sen potiùs vanitatis insignia ibidem apponantur; maximè verò cum Ornamenta scribuntur sacro Altari destinata, quibuscum nempe celebrari debeant Mysteria Dei usque ad mortem humiliati, suamque gloriam sub humillimis Sacramenti speciebus occultantis. Id enim repugnat Ecclesiasticis Sanctionibus;

(i) S. Aug. Ep. 135. (al. 54.) ad Maced.

(k) Eccl. 7. 22. 23. & 33. 32. 33.

(l) Possid. vit. S. Aug. c. 24.

idque fieri prohibeant Sacerdotes, si prohibere possint.

Nulla Testamento scribatur *Fundatio*, quæ non sit ad Ecclesiæ Leges exacta. Si Testator eâ in re licitum ab illicito internoscere per se ipse non possit; in consilium advocet viros peritos, propriisque commodis nihil inservientes, diversos utique ab iis in quos benignè agere intendit *Fundator*. Id autem præsertim instituat quod Ecclesiæ utilissimum videbitur, atque ad proximi salutem maximè necessarium.

PASTOR duo extrema summopere vitanda Testatori cuilibet commendabit: unum, ne omnes facultates suas in liberos distribuat, nihil erogans in pauperes, in valetudinaria publica, in Ecclesias, quamvis ipse divitiis affluat; alterum, ne liberos defraudet parte maximâ hereditatis, quam in opera pietatis non legitimè impendat. Tunc demùm vera censetur pietas, cùm iusticiam omnium primum sequitur. Divinæ ordinationi consentaneum est illud omne liberis hereditusve aliis relinqui, quod ipsis juxta Leges competit. Absit ut Ecclesiæ placeant legata pia, scripta in fraudem tertii alicujus (m).

Videant autem Parochi diligenter ne fiant testamentariæ dispositiones plus æquo familiis onerosæ, vel noxiæ. Alii enim legata scribunt plura & majora quàm quæ sua ferre possit hereditas; undè hereditibus plurimùm nocent. Alii,

dominantes experti famulos, quos fortassè libidinum ministros habuerunt, & his molliissimè tam in morte quàm in vita obsequentes, ipsos, fraudatis hereditibus legitimis, tam copiosè quàm indebitè remunerantur.

Invigilent etiam Pastores ne quâ fraude utantur patres vel matres ad aliquem è sua sobole præ cæteris augendum, imprimisquæ odii, ultionis, amoris præcipui instinctu, & contra Legum placita. Quâ quidem partitionum inæqualitate sciant generari discordiam, quæ familias pessumdare atque in ipsas divinam iracundiam provocare solet. Rarissimè autem, & iustissimis tantùm de causis, uri debent jure per Leges concesso ut liberorum quemquam exheredem scribant. Nihil enim charitate & concordia præiosius relinqui familiæ ab iis potest; cùmque litibus infinitis ex inæquali partitione, ut plurimùm, locus detur; licet filius ab officio devius pœnas dare mereatur, satius tamen est ut benignè in ipsum agant parentes morientes. Si enim in supremo illo vitæ deficientis articulo tenentur cuilibet inimico parcere, quantò magis ipsos sanguini suo indulgere oportebit? In eo conflictu, quo ultimus spiritus exhalatur, eo in momento commotionis & lacrymarum, quo refulget conscientiæ lux vividior, quo silet cupiditas & libido conquiescit, quo naturæ & Religionis sensus vehementiores mentem occupant, quem Pastorem verba deficiant, quibus im-

(m) S. Aug. Serm. 355. (al. 49.) de div.

pediat ne pater vel mater soboli suæ ultra vitæ mortalis terminum irascatur ?

Postquam Testator malè parta vel iniquè retenta restitui, creditoribusque satisfieri, exclusâ omni compensatione arbitrariâ, iusserit; postquam propinquis & famulis, pro ineritis & æquitate, ac denique pauperibus & amicis benefecerit; hæredibus legitimis fruenda cætera permittit, sedulo dolo & vindictâ, neminem hæreditatis portione quæ ipsum contingit, defraudans; nisi velit, Deo ultore, cælestis hæreditatis exors fieri. Omnem insuper eliminabit litium occasionem; quæ procul dubio existeret, si cuiquam hæredum aliquid præcipui donaretur. Quòd si Jure vel Constituto locali aliquem liceat præ cæteris augere; Testator eum seligere non debet quem maximè diligat, sed qui à Deo maximè diligatur, & qui videatur bonorum accessione cumulata sanctius uti velle ad Dei gloriam, proximi utilitatem ac propriam salutem. Alioquin, augens hæredem quem bonis sibi attributis malè usurum esse prævident, omnium quæ inde provenient, delictorum causa erit Testator insipiens; & peccatis alienis, etiam mortuus, communicabit. Uno verbo, omnia sic ordinare studeat, ut credendi locus sit ipsum testari *non quasi hominibus placentem, sed Deo qui probat corda* (n); nec tam curare ut vivat in hominum memoriâ, quàm ut, omnibus religiosè

compositis, culpisque suis quàm potuerit absolutissimè redemptis, non sine fiducia legitima ad Dei judicantis Tribunal accedat. Cæterum ita perspicuè voluntatem suam exponat, ut ad ipsam interpretandam nulla possit unquam suboriri disceptatio. Quam quidem lucidam expositionem sedulo promovebunt Parochi Testamenta excipientes.

TESTATOR placita Legum & Constituta locorum in omnibus sequatur, sive quoad facultatum distributionem, sive quoad legata, sive quoad Testamenti clausulas, formulas & solemnitates, prorsus eliminatis *Fideicommissis* in fraudem Legum (o). Itaque vetent Pastores ne quis Testator donationes sub nominibus mutuat, seu *Fideicommissa* fraudulenta, contra Legum dispositionem instituat. Neque ipse in Testatoris uxorem, propinquos vel amicos falsâ miseratione moveatur, si quid contrarium æquitati postulent. Cum enim Regis Edictis, sive Constitutis civilibus vim Legis per loca obtinentibus assignatum fuerit quinam excludantur à suscipiendis Testamento legatis; cumque hujusmodi Edicta, sive Constituta localia in ipsomet foro interno obstringant, nec sine peccato infringi ullomodo possint; reatum gravissimum incuterent Pastores, si *Fideicommissa* ulla suaderent, approbarent vel concederent, quibus Testator aliquis indirectè legaret personis Jure exclusis. Quinimò Le-

(n) 1. Theff. 2. 4.

(o) S. Hier. Ep. 34. (al. 2.) S. Aug.

in Joan. tract. 6. n. 25. & 26.

gum animadversioni æquissimæ se obnoxios constituerent, suo adhibito ministerio ad ejusmodi Testamenta, quibus continerentur sibi notæ dispositiones *Fideicommissaria* (p).

Videant etiam Pastores diligenter ne unquam humanis cupiditatibus morem gerant, cum Testamenta suscipiunt. Neque enim illas fide publicâ fieret, si Testatorum libertati officerent, in commodum unius atque in detrimentum alterius instigantes vel sollicitantes. Hoc unum penes ipsos relinquitur, ut, ex officio curæ Pastoralis, id cuique Testatori suadeant quod necessarium videbitur, ne à recta conscientia declinet, utque illum à dispositionibus justitiæ vel charitati adversariis deterreant. Sed rebus domesticis quæ conscientiam nihil attingunt, nunquam se immisceat Parochus Testamenti exceptor, nisi fortè ab Infirmo vel ejus familiâ rogatus, in qua nimirum arquietem tueatur ac tranquillitatem foveat.

Quod ad spiritualia pertinet, suadendum Infirmo est, ut, quod pro animæ suæ quiete optat religiosè peragi, hoc ipse providus luculenter firmiterque constituat, nec propinquis, nec amicis eâ de re satis confidat. Hi enim piam defunctorum voluntatem exequi plerumque detrectant, aut saltem negligunt, cum ipsa instrumentis publicis formæque legitimâ instructis roborata

non occurrir. Sed caveat ac diligentissimè caveat Sacerdos, ne in hujusmodi consiliis rem suam magis quàm Testatoris & hæredum agere videatur. Graviter enim & cum publica offensione peccaret, si quem Testamenti articulum, etiam prætextu orationum, Missarum, seu piumcujuslibet operis, in proprium commodum suggereret. Nèdum igitur suadeat ægroto, ut sibi, vel Ecclesiæ, seu Communitati suæ largiùs donet quàm fuisset ultro donaturus; nèdum ullâ instigatione, sive directâ, sive indirectâ, quidquam sibi muneris eliciat; si velit Infirmus, etiam sponte suâ, parrem mobilium aut aliquid pretiosum Pastori legare cum liberorum hæredumve legitimorum detrimento, id inconcusè Pastori abnuendum est, neque committendum ut ejusmodi legata in Testamentum referat. Meminerit à sanctis Patribus esse vetitum, ne, exheredato filio Testatoris, ipsa dicitur Ecclesia (q). Modestè tamen & prudenter Ecclesiæ suæ pauperumque necessitates locupletari Infirmo commendare potest. Nec enim eo ipso irritum habetur Testamentum à Parocho susceptum, quod legata pia in Ecclesiam & in pauperes, aliasque religiosas dispositiones contineat; dummodò nihil in eo sit quod in suscipientis vel ejus propinquorum utilitatem cedat (r).

SCRIPTO Testamento, æger de ipso non cogitet ampliùs. Deum in

(p) *S. Hier. Ep. 2. ad Neporian.*
(q) *S. Aug. Sermon. 355. (al. 49.) de*

div. Quest. 4. c. Quicumque.
(r) *Ordonnance de Blois, art. 65.*

mente habeat, bonaque in finu Dei jam nullâ successione hæreditatis immutabilia. Mortuo Testatore, Testamenti curator esse quidem potest vir omnis Ecclesiasticus, quem ipse talem vivus instituerit. Parochii enim præcipue, cum sint tutores Ecclesiarum & pauperum patres, curare debent ut quæ pauperibus vel Ecclesiis legata fuerint, citò & fideliter iisdem perfolvantur. Si tamen aliquando Testamentum occurrat multis negotiis intricatum, satius videtur Sacerdotem non illud exequendum suscipere. Sæpius enim longæ ambages & curæ suboriuntur gravissimæ, ad efficiendum ut impleatur suprema Testatoris voluntas; iis videlicet reluctantibus, vel plus æquo cunctantibus, qui rem hæreditariam penès se habent: undè nonnunquam legata pia Judicio vindicari necesse est. Ejusmodi negotia gerere vix possunt Dei & Domini nostri Jesu Christi Sacerdotes, quin eorum dignitas aliquatenus vilescat, dum nempe ad Judicium, Causidicorum & Procuratorum ædes oberrant, ut lites persequantur: *nemo militans Deo implicat se negotiis secularibus* (s). Non tamen Parochus ominò desidem se præbeat in executione Testamenti, quo Parochianus aliquis pauperibus vel Ecclesiæ legata pia scripserit. Ea quamprimum solvi postulet, Testamenti curatores de officio

suscepto interpellans; & generatim docens admoneat, ut Testamentum intrâ tempus Jure præfinitum diligenter exequantur. Diocesanum Antistitem, si necesse videatur, in causæ patrocinium advocet; ac demùm anathematis interminationem, proût constituunt sancti Canones (t), detrectantibus vel moram longiorem trahentibus denuntiet.

Hic sufficiat generales & maxime necessarias circa Testamenta Institutiones præmississe. Quoniam verò ad firmitatem suscepti à Pastore Testamenti requiritur, ut ipse regionis quam incolit, Constituta Civilia apprime noverit; quò perfectiùs hanc sui ministerii partem adimpleant Parochi, quid potissimum hac de re sciendum sit, ad Partis Ritualis calcem lingua vernaculâ tradendum seposuimus.

Cum autem Pastores non solum ad suscipienda Testamenta vocari possint (quæ quidem justitiæ nomine ac titulo suscipere tenentur), verùm etiam consuli à Parochianis rure degentibus circa diversos modos quibus sibi liceat de bonis suis constituere; cumque præterea in hijs quæ ad temporalia pertinent, Parochianos consulentes secundum Placita Civilia dirigi ab iis oporteat; eos magnoperè hortamur ut particulam studiorum convertant ho-

(s) 1. Tim. 2. 4.

(t) Conc. Carth. IV, an. 398. can. 95. Vas. I, an. 442. can. 4. Decr. cap. 13. q. 2. can. 9 & 10. Conc. Aurel V, cui

aderat Saffaracus, Parif. Episc. an. 549, can. 11. Conc. Parif. V, cui aderat S. Ceraunus, itidem Parif. Episc. an. 615, cap. 6.

ris subcessivis ad Constituta Civilia vim legis per regiones obtinentia, & aliquem probatissimum Interpretem. Parochus enim verò tanquàm numerosissimæ cujusdam familiz patrem ac tutorem gerere se debet : neque alio efficaciore

modo Parochianorum fiduciam ad ipsamet. spiritualia sibi conciliare poterit, quàm si erga temporalia, ubi se dederit occasio, iis utilem se præbeat ; quibus videlicet, ut plurimum, nullus est præter Pastorem Jurisperitus & consiliarius.



D I V I S I O I I.

DICETUR in hac Divisione, 1°. De Extrema-Unctionis institutione, materia & forma: 2°. De Extrema-Unctionis necessitate atque effectibus: 3°. De Extrema-Unctionis Ministro: 4°. Quibusnam administranda sit Extrema-Unctio: 5°. Quonam ordine, & quomodo dispositis ministranda sint extrema Sacramenta: 6°. De modo administranda Extrema-Unctionis.

C A P U T P R I M U M.

DE Extremæ-Unctionis institutione, materia & forma.

INSTITUTÆ Extrema-Unctionis quantum sit beneficium. A quo, & quibus verbis promulgata fuerit. Quam legitimè inter Sacramenta referatur. Quanam sit ipsius materia remota. Quantâ curâ innovandum, dignoscendum & custodiendum sit Oleum Infirmorum. Quid significet Extrema-Unctionis Oleum. Quanam sit Extrema-Unctionis materia proxima. Quanam corporis partes ungenda. Quibus de causis ungantur singula sensuum organa. Quomodo ministrari debeat Extrema-Unctio jamjam morituris: quomodo ministrari possit tempore pestilentia. Quanam sit forma Extrema-Unctionis.

IN hoc, inter cætera, manifestè apperuit benignitas Salvatoris nostri Dei, quòd, cum Fidelis cujusque vitam ineuntem & progredientem copiosissimis adjuverit salutis præfidiis, eam desinentem novo gratiæ subsidio sanctificari voluit,

ut ille ad felicem consummati cursus exitum ultimo & propter hunc finem instituto Sacramento perduceretur. Ex quidem salutis humanæ hostis insensibilis animas callidiùs & vehementiùs oppugnat in supremo transitu laborantes; dum eas

vel nimia confidentia reddit male securas, vel à divinæ misericordiæ fiducia depulſas in desperationem agit præcipientes; vel, excitato amore præſentium, compeſcit à ſpe & deſiderio futurorum; vel malorum impatientes, ac Deo vitæ fragilibus depoſitum repoſcenti reluctantes efficit; ac denique malignâ verſutiâ molitur, ut, ſi quis à Domino alienus vixerit, à Domino etiam alienus moriatur. Neceſſe igitur omnino erat, ut, poſtquam CHRISTUS JESUS athletis ſuis arma miniſtraſſet, quibus in vitæ decurſu tela *nequiſſimi ignea* retunderent (a), iis etiam robur ſuppeditaret, quo muniti extremo in prælio vincerent.

His de caſiſ ab ipſo inſtituta eſt Extrema-Unctio; quæ quidem præ cæteris Sacramentis id proprium hæbet; quòd nullum magis dilucidè quoad materiam, formam, Miniſtrum & effectus in Scriptura ſacra propogatur, nullumque, quoad hæc ipſa, tam copioſè à Concilio Tridentino explicetur. Id autem ei cum Sacramento Confirmationis eſt commune; quòd; quemadmodum hæc Baptiſmi, ſic illa, prænotavit eadem ſancta Synodus, Pœnitentiæ perfectio ſit & complementum (b). Et cum præterea, inter varias Unctiones ſacras in Eccleſia uſurpari ſolitas, hæc poſtrema omnium adhibeatur, atque ex ratione ſua ſit totius Chriſtianæ vitæ conſummatio, quod nulli potius alii Sacra-

mento convenit; hinc *Extrema-Unctio* vocatur; atque etiam *Sacramentum Unctionis infirmorum*, & *Sacramentum excentium* à majotibus appellata eſt.

Eam inſinuavit atque adumbravit S. Marcus Evangeſtiſta, referens *multos egros*, Chriſto mandante, ab *Apoſtolis unctos oleo & ſanatos* (c); idque ex antiquo more Judæorum, qui unctiorem, comitante oratione, infirmis adhibebant. Itaque hic ritus inter manus Apoſtolorum nihil aliud præter gratiam curationum corporalium primò exitiis: poſtea verò, ceſſante figurâ, & huic ſuccedente veritate, ad Sacramenti dignitatem evectus eſt, præſertim ut animas ſanctificaret.

JAM verò B. Jacobus Apoſtolus, frater Domini, Sacramentum illud, quanquam in Evangelio noſt expreſſè memoratum, quod ipſi cum aliis pluribus commune eſt, Fidelibus tamen & Presbyteris quaſi jam notum ſupponens, nec tanquam de re nova, aut quam ipſe inſtituerit, ſermonem habens, ſuum cuique hac in re officium diſcretiſſimè expreſſit, commendavit & promulgavit his verbis: *Infirmatur quis in vobis? inducat Presbyteros Eccleſiæ, & orent ſuper eum, ungentes eum oleo in nomine Domini: & oratio fidei ſalvabit infirmum, & alleviabit eum Dominus; & ſi in peccatis ſit, remittentur ei* (d). Quibus verbis totam hujus Sacramenti doctrinam com-

(a) Eph. 6. 16.

(b) Conc. Trid. Seſſ. 14. de Doctr. Sacr. Extr. Unct. & ibid. cap. 1.

(c) Marc. 6. 13. Conc. Pariſ. an.

1218, decret. fidei 10, art. de Extr. Unct. Trid. ſup.

(d) Jac. 5. 14. 15.

plectentibus, apertissimè continentur ea omnia quæ ad Sacramenti rationem pertinent: scilicet signum sensibile, Christi institutio, materia, forma, Minister, *subiectum* & effectus. Signum sensibile in unctione & oratione occurrit, quarum hæc forme naturam habet, illa verò materia. Gratia promissio his verbis continetur: *Alleviabit eum Dominus; & si in peccatis sit, remittetur ei.* Hæc autem alleviatio, juxta Patrum Tridentinorum interpretationem (e), illi eo potissimum sita est, ut morbi labores & incommoda levius ferat æger, & contra mortis metum ac remordenis conscientie stimulos magnâ in divinam misericordiam fiduciâ erigatur: quo quidem imprimis nomine ac titulo distinguitur Unctio hæc ab illa de qua meminit S. Marcus. Divinæ institutionem significat Apostolus, cum tam fidenter promittit *alleviandum esse infirmum, ejusque peccata dimittenda*: virtus quippè humana tantam signo exteriori tribuere nequit efficaciam (f).

Porro signum sensibile tantæ virtutis prærogativâ donatum, haud dubiè temporarium non fuit ac transiens, prout fingunt Novatores; sed in Religione Christiana constans ac perpetuum est: tum quia, ex Apostolica Traditione, illud constanter

adhibuit Ecclesia; tum quia Unctio quam promulgavit S. Jacobus, ad eum gratiæ spiritualis effectum ordinata est, quo semper opus habent Fideles morbis periculosis affecti; tum etiam propterea quoddam divinum mandatum in Ecclesia retinendi sacrum illum, Extremæ-Unionis ritum elucet in verbis Apostoli, qui eo loci totus est ut Fideles doceat, quid, pro re & tempore, in mortalis vitæ cursu agere debeant: scilicet, *cùm trifistantur, orandum esse; cùm aquo animo sunt, psallendum (g); cùm infirmantur, inducendos Ecclesie Presbyteros, &c. (h).* Sic demùm concludit: *Confuemini ergo alterutrum peccata vestra, & orate pro invicem ut salvemini (i):* quæ ceterè omnia usque ad consummationem sæculi observanda sunt, ideoque observata hucusque ab Ecclesia fuerunt.

Denique in S. Jacobi loco citato exhibentur hujus Sacramenti Minister & subiectum; Minister quidem his verbis: *Inducat Presbyteros Ecclesie; subiectum verò, istis: Infirmatur quis in vobis?* Hinc videlicet Extrema-Unctio unanimiter à Catholicis, ex Apostolica Traditione, tanquam verum proprièque dictum novæ Legis Sacramentum agnoscitur (k). Hæc autem videtur sic posse convenienter definiri:

(e) Conc. Trid. Sess. 14. de Sacram. Extr. Unct. cap. 2.

(f) Paris. sup.

(g) Jac. 5. 13.

(h) Ibid. v. 14. 15.

(i) Ibid. v. 16.

(k) Orig. Hom. 2. in Levit. S. Chrys. de Sacerd. l. 3. Inn. 1. Ep. ad Decent.

S. Cyr. Al. de ador. in Spir. & ver. l. 6. S. Greg. lib. Sacram. S. Elig. Noviom. tom. 5. spicil. Dacher. Conc. Cabil. II, an. 813. v. 815. can. 48. Aquisgr. II; an. 836. can. 5. Mogunt. I, sub Rab. an. 847. cap. 16. Trid. sup. & can. 1. de Extr. Unct.

Sacramentum, quod, per unctiōem Olei sancti & Sacerdotis orationem, Christiano aegrotanti, infusā sanctificante gratiā, levamentum affert spirituale, & simul corporale, cū anima salutē expedit.

PORRO hujus Sacramenti *materia remota*, est oleum, non quodlibet, sed propriè dictum, seu olivarum baccis expressum, & quidem simplex; idèdque nec balsamo, nec alteri cuilibet liquori admixtum. Neque enim è Scriptura, neque ex Traditione colligitur talis admixtionis necessitas, nullaque hujus apud Scriptores Ecclesiasticos mentio facta occurrat: quin potius oleum simplex discretè exigunt Ecclesiæ Latinæ Pontificalia, & Græcæ Euchologia. Sanctum quidem Chrisma ungen- dis Infirmis diuturno tempore adhibuit fuisse, ex antiquis monumentis innotescit: cū autem *Chrisma* idem sonet apud Græcos quod apud Latinos *Unctio*, quæ scilicet quovis adhibito pingui liquore peragitur; idèd *Chriftismatis* nomen quamlibet *Unctiōem* in veterum scriptis designare intelligitur (1). Porro ex antiquissima Traditione quasi per manus acceptā, intellexit Ecclesia Oleum ejusmodi ab Episcopo benedictum esse oportere (m); & quidem, quod ad praxim attinet, benedici debet in ordine hujus Sacramenti: undè non sufficit *Oleum Catechumenorum*, nec ipsum *Chrisma Confirmationis*. Quod tamen de Episcopi benedictione tanquam ne-

cessarium diximus, id, quemadmodum plura similia, intelligendum est respectu habito Juris ordinarii; cū alioquin ex consuetudine, ut apud Græcos (n), vel ex peculiari summi Pontificis concessione & delegatione id exequi valeant Presbyteri.

Itaque Pastores Infirmorum Oleum pro sua quisque Parochia tempestivè renovari curent; caveantque diligenter ne vetus ut profanum quid habeatur, sed illud in Lampadem totam sanctissimi Sacramento ardentem infundant, vel stupas eo imbutas comburant, & cineres in *Sacrarium*, vel *Piscinam* quæ *Sacrarii* loco sit, conjiciant. Quòd si, nondū elapso anno, sic imminutum fuerit Oleum Infirmorum, ut non videatur usque ad proximum Pascha sufficere, neque aliud benedictum aliundè haberi faciliè possit; oleum non benedictum infundere licebit, sed in minore quantitate; sicque admiscebitur, ut cum residuo in unum coalescat. Atque ut Oleorum error faciliùs vitetur, *Oleum Infirmorum* custodiatur in Vase argenteo, vel stanneo, à Vasculis, tum *Chriftismatis*, tum *Olei Catechumenorum* distincto; cujus operculum in superiore parte litteris majusculis inscriptum habeat, OLEUM INFIRMORUM, aut saltem duas litteras initiales O. I. Quod quidem Oleum ne possit effluere, imo integumentis metallicis Vasis illud continentis insternatur stupa subtilis, vel

(1) Inn. I, sup.

(m) Cone. Aquilgr. II, can. 8. Trid.

sup. (n) Goar. not. in Euchol.

gossypii lanugo, quæ per annum identidem immutetur, & combusta in *Sacrarium* vel *Piscinam* demittatur. Denique *Infirmorum Oleum* sub sera & clavi diligenter asservetur in loco nitido ac decenter ornatō, vel intrā *Vestiarium*, vel propē majus *Altare*.

Oleum autem in *Extrema-Uncione* idcirco adhibetur, ut ex ipsa elementi sensibilis proprietate innotescat quid in anima ægotantis operetur Sacramenti efficacia invisibilis. Quemadmodum enim hæc olei virtus est ut sanet, corroboret, illuminet atque emolliat; ita, illabente *Spiritus sancti unctione*, anima per hoc Sacramentum à reliquiis delictorum putgatur, adversus mali dæmonis tentationes firmatur, illustratur ejus fides, doloresque leniuntur.

MATERIA autem proxima *Extrema-Uctionis*, est Olei sacri applicatio, seu ipsamet *Unctio*. Ut valeat Sacramentum; una quidem sufficit, in qualibet corporis parte adhibeatur; verum, ex *Ecclesiæ præcepto*, multiplex diversis membris est adhibenda, pro variis *Ecclesiarum* usibus. Hinc illicitè ungerentur aliæ partes, quàm quæ ab *Ecclesiâ* præscriptæ fuerunt; nec sine gravi peccato ex his vel una (extra necessitatem) omittetur. Liniunt *Græci Sacerdotes* frontem, mentum, genasque auras, velut in modum *Crucis*; tum etiam

pectus, manus ex utraque parte, & pedes (o). Sed Latini multò convenientius ea membra corporis inungunt, quæ veluti sensuum instrumenta homini natura tribuit, & quæ præ cæteris arma iniquitatis peccatq exhiberi solent (p): oculos nempe, aures, nares, os, & manus. Has videlicet partes ungi præcipit *S. Gregorii Liber Sacrameutorum*. Pedes adiciunt multi *Rituales Libri*: alii pectus & renes; nonnulli ea membra quæ dolore vel morbo præ cæteris afficiuntur. Præter *Uctiones* quinque *Gregorianas*, in hac *Diocesi* obtinuit *Unctio ad pectus & ad pedes*: ad pectus quidem, pro unctione quæ olim ad renes in viris, & ad umbilicum in fœminis adhibebatur (q). Partes igitur quæ in *Diocesi Parisiensi Extrema-Uctionis* Oleo liniri oportet, hæc sunt ex ordine: *Oculi, aures, nares, os, manus, pectus, & pedes*. Ea tamen habeatur concedentiæ cura, ut viris hæc unctio ad superiora pectoris adhibeatur, fœminis verò ad partem proximè collo subjacentem.

Potè inter omnia sensuum organa ptimi unguuntur oculi, quia visus omnium sensuum nobilior merito habetur, ex quo nempe facilius ad vividior exargit rerum perceptio: qui sensus prout magis ordinatus est, vel inordinatus, ita maxime ordinata vel inordinata imaginandi vis, & ipse intellectus purus esse solet, vel impurus (r).

(o) *Arcud. l. 5. c. 7.*

(p) *Rom. 6. 13.*

(q) *Manuale, seu Officiarium Sacer-*

dotum, secundum usum Parisiensem; an. 1542. D. Joanne du Bellay, Paris. Episc.

(r) *Job, 31. 1.*

Unctis oculis, vicissim unguuntur cætera modò dicta sensuum organa. Singulæ autem Unctiones in modum Crucis peraguntur, ad fugandum diabolum insidiantem. Ea verba quæ Sacramenti *formam* constituunt, semel tantùm pronuntiantur super ipsismet organis duplicibus, qualia sunt oculi, aures, manus & pedes: sed iis duplex adhibetur Unctio, & ab organo dextro incipitur; nec priùs absolvi debet *forma* Sacramenti, quàm gemina utriusque organi perfecta sit Unctio. Narium pars inferior ungenda est, non primoris nasi acumen, multò minùs nasi pars superior. Os ita ungendum est, ut sacro Oleo tangatur utrumque labium, nec tantummodò pars oris superior cum labio adjacente. Manus, quæ cæteris Infirmis interiùs unguuntur, Presbyteris exteriùs inungi oportet, ob reverentiam alterius Olei sacri, cujus Unctio sanctissima palmas eorum in Ordinatione consecravit. In omnibus, non planta pedum, sed pars superior ungenda est. Si quis aliquo membro inungendo sit mutilus; si, exempli causâ, defuit oculus, si manus; pars membro deficienti adjacens, sub eadem verborum formulâ, inungatur; carpus (1) v. g., manu deficiente (2). Attamen Unctio prætermittatur, cum sine ægotantis incommodo, vel pudoris offensione, contigua pars detegi non potest. In cæcis aut surdis ab ortu, non adhibeatur oculorum Unctio, vel au-

rium; nec verba iisdem sensibus respondentia proferantur. In mutis ab ortu fiat oris Unctio, propter illicitam gustûs voluptatem; sed reticeantur hæc verba, & *per locutionem*.

JAM verò illis partibus adhibentur ejusmodi Unctiones, ut earum virtute expietur quidquid per ipsas deliquerit Infirmus, sicque reformentur & sanctificentur organa peccati contagione vitiata. Unguntur » oculi propter visionem, aures » propter auditum, nares propter » odoratum, os propter gustum, » vel setmonem, manus propter » tactum; qui tametsi toto corpore æqualiter fusus est, in ea » tamen parte maximè viget (3): » pectus, loco renum, *propter delectationem ibi vigentem* (4); pedes verò propter incessum.

Itaque, cum per oculos, veluti quoddam *per fenestras*, mors sapiùs animam *ingrediatur* (5), prima in illis sit Unctio; ut nempe deleantur omnia peccata quæ commissâ sunt per visum immodestum, curiosum, vanum, obscenè pictis sculpsive imaginibus, impurisquæ aut impiis lectionibus deditum; deinde per lacrymas rebus futilibus profusas; tum per conquistâ quæque pretiosa & supervacua; per spectacula, choreas, Satanæ pompas, quibus in Baptismo renuntiaverat homo Christianus; postmodò per divitiarum avidiorem appetitum, quæ quidem *concupiscentia oculorum est* (6).

(1) Le poignet.

(2) Conc. Camer. II, an. 1586. tit. 12. cap. 5.
(3) Cæst. Conc. Trid. de Extr. Unct. n. 20.

(4) Ibid.
(5) Jerem. 9. 21.
(6) 1. Joan. 2. 16.

II^a. *In auribus* ; ut remittatur quicquid peccavit auditus, ad maledicentiam, ad turpem sermonem (γ), ad malignas delationes, ad fractas secularibus modis musicas, ad lascivos, molles vel periculosos cantus cum illicita voluptate intendens: quicquid præterea per omissionem deliquit auditus animæ interior; qui, cum in lege Dei per Baptismum adaperit fuisse (a), divinum exinde ac salutiferum Spiritus sancti afflatum repulit, secundum similitudinem aspidis surda & obturantis aures suas (b).

III^a. *In naribus* ; ut expientur quæcumque deliquit æger per odoratum, non modò exteriorem & corporalem ex odorum voluptate immodica, verùm etiam per sensum interiore, qui, applicitâ naribus salivâ, reformatus in Baptismo fuerat, & quo postea depravatus, malus Christianus multis odor fuit mortis in mortem (c), propter scandala & perversa cujuscunque generis exempla.

IV^a. *In ore* ; ad delenda peccata, 1^o. Per gustum commissa, gulam nempe, comestationem, ebrietatem, exquisitam victus molliem: 2^o. Per linguam, quæ universas est iniquitatis (d); qualia sunt blasphemix, imprecationes, juramenta in vanum effusa, perjuria, obrectationes, calumniæ, injuriæ, cavillationes, mendacia; rixæ, falsæ aut

malitiosæ criminationes, falsa testimonia, adulationes, corruptelæ, dulces sermones per quos seducuntur corda innocentium (e), omnia demùm iracundè aut irreligiosè prolata, impudicè dicta vel cantata: peccata etiam linguæ silentis, ubi aliquis filios aliterve sibi subjectos vel commissos erudire vel corripere omisit, aut cuicumque debitam veritatem captivam retinuit.

V^a. *In manibus* ; ut condonentur delicta omnia tactibus impudicis commissa; æque etiam furta, rapinæ, homicidia, percussiones; tum verò licenter, impiè, malignè conscripta: omnes etiam iniustitia, quas hominum manus, sive scribendo, sive aliter agendo concinnant (f). Scilicet, per sacram Unctionem, manus sanguine plena (g), seu quibuscunque iniquitatibus maculatæ absterguntur; ut homini, secundum puritatem manibus suis restitutam, à Deo misericenter retribuat (h).

VI^a. *In pectore* ; ob delicta interna: turpia scilicet cogitata ac desideria; inordinata, mala, immodica mentis gaudia; illicitos amores, ipsasque amicitias nimis humanas, & affectum in res creatas propensiores; ambitiones, rivalitates, invidias, obscuras similitudines, odia, iras, contemptus; omnes, uno verbo, iniquitates quas in corde operari solent (i); ob ipsa etiam de-

(γ) Col. 3. 8.

(a) 1 Mach. 1. 4.

(b) Pf. 57.

(c) 1 Cor. 2. 16.

(d) Jac. 3. 6.

(e) Rom. 16. 18.

(f) Pf. 57.

(g) If. 1. 15.

(h) Pf. 17.

(i) Pf. 57.

licita quæ sibi non raro ignota recipit & occultat *pravum & inscrutabile cor hominis* (k); ac demùm propter omnia peccata quæ de corde, tanquam de fonte communi, exeunt, arque in exteriorem actum prorumpunt: de corde enim exeunt *cogitationes male, homicidia, adulteria, fornicationes, furta, falsa testimonia, blasphemia* (l). Insupèr (quandoquidem *Unctio pectoris* locum tenet obsoletæ *Unctionis renum*) pectus eà secundâ intentione ungendum est, ut Infirmus emundetur à peccatis carnis, cujus concupiscentia in corde, tanquam præcipuo fomite, viget plurima.

VII^a. denique, *In pedibus*; ut eæ culpæ dimittantur, quæ per motionem naturalem in pedibus maxime vigentem commissæ fuerunt; sicque purificentur *pedes antea veloces ad currendum in malum* (m). Eà pariter Unctione sanantur animi motus, quos adumbrat motio pedum; expiantur pravi aut non satis puri affectus, ipsa negligentia in Religionis propriæque conditionis muneribus obeundis.

NUNQUAM, extra casum necessitatis, omittantur modò dictæ Unctiones. Si quis in extremis laboret, metuendumque videatur ne supremum exhalet spiritum antequàm absolvantur Unctiones; omisiss precibus quæ Sacramenti administrationem antecedunt, ungatur Infirmus, incipiendo ab oculis; & sequentes Unctiones, si tempus adhuc

suppetat, ritè perficiantur, comitantibus orationibus quæ ad singulos sensus accommodatæ sunt. Deindè, si superstes vita maneat Infirmus, resumantur omisissæ preces. Si decedat æger post primam aut secundam, aliamve ex ordine Unctionem; sequentes Unctiones & preces omittantur, sed piè recitetur egressæ animæ *Commendatio*.

Cùm Infirmus tam urgenti periculo oppressus videtur, ut timendi locus sit ne ad plures Unctiones tempus deficiat; tunc, omisiss orationibus præviis, ungatur in uno sensu qui primus se obvium dedit: oculi tamen, quantum fieri poterit, eligantur. Illius autem generalis Unctionis hæc erit formula: *Per istam sacri olei unctionem & suam piissimam misericordiam, indulgeat tibi Deus quidquid peccasti (per visum) & per ceteros sensus*. Quod si æger post hanc generalem Unctionem adhuc vivat, residuas prosequatur Sacerdos, prætermisso illo sensu in quem collata fuerit Unctio generalis; precesque omisiss continuò suppleat. Si dubitet an non Infirmus animam exhalaverit, Unctiones sub conditione prosequatur in hæc verba: *Si vivis, per istam sacri olei unctionem, &c.* Quæ quidem forma conditionalis pariter adhibebitur ad unicam Unctionem Infirmi, de quo Minister ad ipsum accedens dubitabit an vivat.

Tempore pestilentie, propter imminens contagionis periculum, Sacerdos, consulto priùs Diœcesano

(k) Jerem. 17. 9.

(l) Matth. 15. 19.

(m) Prov. 6. 18.

Antistite, in extrema parte longæ arundinis aptare poterit gossypii lanuginem, vel stupam subilem, Infirmorum Oleo intinctam; quo semel in primo sensu obvio Infirmum inunget, formulam supradictam proferens. Statim extremam arundinis partem cum gossypio vel stupâ, foculo ad id parato comburet; denique, si tempus adhuc superfit, consuetas ante & post Extremæ-Unionis administrationem preces recitabit.

Huius Sacramenti *forma*, ut jam innuimus, est oratio; præcipit enim S. Jacobus Apostolus ut Presbyteri orent super (infirmum), ungentes cum oleo in nomine Domini. Non tamen semper & ubique *deprecativa* extitit *forma* Extremæ-Unionis (n).

Absolutè atque *indicativè* expressa invenitur in quibusdam Diœcesean Ritualibus sexto-decimo seculo ante Concilium Tridentinum editis (o). Formam *absolutam* simul & *deprecativam* Latini interdum adhibuere (p). Apud Græcos semper viguit sola forma *deprecativa* (q): apud Latinos hæc similiter jamdudum in usu communiore est (r). Hanc præcipiunt Rituales plerique Libri, superioribus his quatuor seculis editi; Romanus, inter ceteros, & Parisiensis (s). Hanc denique *formam* laudat œcumenica Tridentina Synodus (t), his nempe solemnibus verbis expressam: *Per istam sacri olei unctionem & suam piissimam misericordiam, indulgeat tibi Deus quidquid peccasti per visum (per auditum, &c.)*

(n) Vide S. Thom. S. Bonav. Palud. Ricard. &c.

(o) Ungo caput tuum, &c. Ungo oculos tuos, &c. &c. Rit. Catal. an. 1532: Sueffion. Ambian: Metense, an. 1542. Similis *forma* legitur in Rit. Mediol. sancti Ambr. in Codice Tiliano seu Sagienſi, & in Codice Rem. Vide Martene, de ant. Eccl. Rit. l. 1. c. 7. a. 3.

(p) Lib. Sacramentor. S. Greg. apud Menard. pag. 252.

(q) Arcud. Neoph. Rhod. Synopf.

(r) Rituale Monast. simul & Eccl. Gemeticæ. annorum saltem 602. S. Thom. Eug. IV, instr. Atm.

(s) Manuale Parisiense anni 1542, supra citatum.

(t) Sess. 14. de Extr. Unct. c. 1.



CAPUT II.

DE Extremæ-Unctionis necessitate atque effectibus.

EXTREMA-UNCTIO necessitate præcepti necessaria est. Quanto periculo ea negligeretur. Quantâ curâ debeant Parochi populos circa hoc Sacramentum edocere, vulgatumque de ipso terrorem animis evellere. Extrema-Unctionis effectus. Imprudenter cunctantes. Error nominis summo-perè vitandus. Fons gratiarum Extrema-Unctionis.

NON quidem necessitate mediæ necessaria est Extrema-Unctio; potest enim absolutè homo Christianus eâ non susceptâ salvari: sed illam necessitate præcepti necessariam esse colligitur ex ipsa B. Jacobi Apostoli doctrinâ, dum in persona Christi hoc modo præcipit: *Infirmatur quis in vobis? inducat Presbyteros Ecclesiæ, & orent super eum, ungentes eum oleo.* Dubium igitur nullam est quin omnis Fidelis periculosè decumbens, eo scilicet morbo affectus, qui ex se vergat in mortem, ad suscipiendam Extremam - Unctionem teneatur, si penès eum sit illam suscipere: cuius quidem Sacramenti contemptus *abique ingenti scelere & ipsius sancti Spiritus injuriâ* esse non posset (a). Graviter autem peccaret Pastor, cuius culpâ & negligentia quisquam sine hoc divino subsidio è vita excederet. Hoc porro diligentius curare debent Pastores ut piè sanctèque

dispositi Oleo sancto inungantur Parochiani, quòd eâ in re vix unquam sine periculo gravissimo peccari potest. Si quis sanus alio quolibet Sacramento malè utatur, sacrilegium condignâ expiare pœnitentiâ difficile quidem est, sed tamen possibile. Si verò Sacramentum per quod obinetur gratia benè moriendi, perperam & inaniter à moriente suscipiatur, quid jam poterit esse perfunctum?

Et cum Fideles hoc Sacramentum usque adeò salutariferum suscipere ideo non curent, vel potiùs ab ipso refugiant, quòd plerumque nesciant *donum Dei & virtutem ejus*; Pastores Extremæ - Unctionis naturam, dispositiones ad illam cum studio suscipiendam requisitas, ejusdemque effectus in publicis Institutionibus, datâ occasione, luculenter exponant. Multi, dum in hoc Sacramento nihil aliud præter illam olei guttulam vident, cæremoniam

(a) *Conc. Trid. Sess. 14. de Sac. Extr. Unct. cap. 3. Vide can. 3.*

quasi vilem parvipendunt. Multi, dum Infirmorum Unctionem cogitant, Sacerdotem ejus ministrum quasi mortis nuntium perhorrescunt. Quod autem sani & vigentes de hoc tam gravi argumento edocti non fuerint, id certe vix aut minimè edocebuntur in extrema infirmitate constitui.

VIDEANT igitur Pastores diligenter, ut Extremam-Unctionem tempestivè suscipiant ægrotantes Parochiani. Id autem quò faciliùs assequantur, omni ope atque operâ contentur ex animis populorum evelere pravam illam impiamque opinionem, quâ plerique hoc Sacramentum sibi suisque pertimescunt, quasi supremam horam portendat, vel potiùs acceleret (b). Hinc videlicet crudeli miseratione commoti, non audent propinquis vel amicis ægrotantibus divinum illud remedium suadere; ac tandem longâ dilatione perficiunt, ut infirmi sine fiducia & solatio, nonnunquam invito animo sacrâ Unctione liniantur. Quinimò illud tempus ægroti ungendi plerumque observant, quo ipse, omni spe salutis amissâ, nullâ præparati animi pietate, nullo Religionis sensu, dum jam propè est ut deficiat natura, Extremam-Unctionem patiarur magis quàm suscipiat. Pastor visitans ægrum periculosè decumbentem, eum leni cohortatione ad hoc inducet, ut, cùm adhuc

integrâ mente & ratione est, tam salute Dei miserentis auxilium sibi administrari postulet (c); tantò scilicet uberioze fructu inungendus, quantò saniore judicio atque excitatione sensu religionis inugetur (d). Plures inveniet repugnantes, etiam inter pios, inter ipsosmet viros Ecclesiasticos, licèt pietatis exemplum illustrius debentes. Ea in plurimis animi debilitatio atque abjectio est, ut facti Viatici administratione, quasi periculum gravissimum nuntante, admodum terreantur. Multò magis illos Extrema-Unctio deijcit & perturbat, cùm potiùs eos deberet dulcissimæ consolationis præconcepâ opinione recreare. Fidelis quippè Oleo Infirmorum inunctus, vel ipsam corporis sanitatem recuperat, vel gratiam moriendi morte justorum obtinet; sicque hoc Sacramentum suscipienti omnia cooperantur in bonum (e).

ATQUE ut Pastores vulgatum errore publico terrorem eliminent, Parochianis, tum publicè, tum privariim, fructus uberrimos exponant, qui ex illius Sacramenti tempestivâ ac piâ susceptione percipiuntur.

Ac primò quidem Extremâ-Unctione confertur *Spiritus sancti gratia*, scilicet gratia sanctificans, *cujus unctio, delicta, si qua sint adhuc expianda, ac peccati reliquias absterget* (f). Alio sensu accipi nequeunt hæc S. Jacobi verba: *Si in*

(b) Conc. Burdig. an. 1583. tit. 13. de Sacr. Extr. Unct.

(c) Cabil. II, can. 48.

(d) Cas. Conc. Trid de Extr. Unct. n. 18. Stat. Syn. D. Eusè. du Bellay,

Parif. Epif. an. 1557, de Extr. Unct. n. 33. in Synodico, pag. 126.

(e) Rom. 8. 18.

(f) Conc. Trid Sess. 14. de Sacr. Extr. Unct. cap. 2. & can. 2.

peccatis sit, remittentur ei. Quod profectò non solum de peccatis venialibus intelligendum est, verum etiam de lethaliibus, quæ vel oblivioni tradita essent, vel ignora, & quæ confiteri non posset infirmus. Quamvis enim ad delenda peccata non præcipuè instituta fuerit Extrema-Unctio, hujus tamen effectus proprius est ut eas culpas dimittat, quæ post suscepta cætera Sacramenta velut in quibusdam animæ recessibus delitescent. Hinc Extrema-Unctio *Penitentia infirmorum*, *Penitentia complementum*, *Penitentia perfectio* & *consummatio* (g), à sanctis Patribus & Conciliis nuncupatur.

II°. Unctione illà saluberrimâ peccata reliquæ absteruntur; 1°. Dimissâ poenâ temporali peccatis debita, non quidem ex toto, sed pro ratione dispositionum ægroti (h): 2°. Sanatis animæ languoribus, qui remanent, vel postquam ex ipsa delictæ sunt peccatorum maculæ, & qui prohibent ne ad Deum libero affectu erigatur. Hinc scilicet infirmus non jam rerum visibilium perturbatione fluctuans, spei suæ anchoram in æternam patriam figit, arque inrentionem mentis in vera luce solidam constituit (i). Sic igitur operante Sacramenti viçtute, anima fidelis, nedum amplius terreno pondere aggravetur, illecebrofis mundi & carnis imaginibus facile resistit, Deumque *partem suam in æternum amplectitur* (k). Atque

hic vel solus effectus, si fidei oculis aspiciatur, ægrum efficaciter movebit ad implorandum* hujusmodi Sacramentum, quo purgatus intelligit se multò securiùs ad Dei Judicis Tribunal venturum, ut potè nihil jam delicti habentem, propter quod judicia ipsius, quamvis tremenda, plus æquo formidet.

III°. Extremæ-Unctionis virtute alleviatur ægrotus, dum leniuntur ejus dolores, eique redditur animi tranquillitas & libertas, quâ plurimum indiget ut se ad mortem sanctè oppetendam disponat. Et certè morbi vehementiâ, delictorum recordatione, atque elabentis vitæ desiderio in desperationem præceps forsitan ageretur, nisi præstò ad opem ferendum esset divinæ Uctionis remedium. Eo nempe subsidio mirum in modum reficitur, sedatis conscientie terroribus, magnâque in Dei misericordiam excitatâ fiduciâ (l), additis etiam viribus, ut morbi vim & labores æquiore animo ferat, mortis horrore invictus perseveret, suæque beatitudinis inimico fortiter obstat, multiplici tentatione insidianti, atque ad prædam inhianti, si fortè ipsum vel *circa fidem naufragare* (m), vel quoquomodo ab æternæ salutis viâ in supremo illo conflictu incautum deflectere perficiat. Adversario igitur assultus gravissimos necquicquam ingeminante, corroboratur infirmus: dumque hu-

(g) Ibid. doctr. de Sacr. Extr. Unct.

(h) S. Thom. contra Gentes, l. 4. cap. 71.

(i) S. Greg. Hom. 29. in Ev. n. 11.

(k) Pf. 71.

(l) Conc. Trid. sup. cap. 2.

(m) 1. Tim. 1. 19.

mana cuncta circumgemunt & lamentantur, dum fremit Infernus, expectans quem *abhorbeat in profundum*; ipse in Dei sinu, tantquam in placido portu, tranquillus & serenus conquiescit. Hoc modo impletur quod hujus Sacramenti promulgator Apostolus de Infirmo sacrâ Unctione delibuto his verbis testatus est: *Alleviabit eum Dominus*; id est, efficiet ut æger in affecto corpore animus divino robore convalescat.

IV^o. denique, Non soli animæ, sed ipsimet corpori saluberrima est cœlestis hæc medicina; quod quidem innuit illud ejusdem Apostoli: *Oratio fidei salvabit infirmum*. Itaque Oleo sacro inunctus integram aliquandò corporis valetudinem consequitur; cum scilicet animæ sic expedire ille judicat, qui omnia *propter electos* amantissimè disponit (n). Non omnibus, Deo judice, ad æternam salutem conducit vita productior; multis potius est *mori lucrum*. Hinc non semper animæ proficeret curatio corporis; hinc sæpè deest hujusmodi effectus, vel in ipsis qui sanctissimè præparati hoc Sacramentum suscipiunt. Quamquam Extrema-Unctio, si corpori sanitatem ex toto non restituit; ipsum quandoque afficit modo prætantissimo: dum ægotationis vehementia, præ interna consolatione, lentescit effectû sensibili; ac licet is, *qui foris est, noster homo corrumpatur*, tamen is qui intus est reno-

vatur (o), eminente inter ipsos morbi dolores gaudio *anima ad Deum vivum sitientis* (p).

Hi sunt Extremæ-Unctionis effectus mirabiles plerisque Fidelibus ignoti: quos si Parochi omnes diligenter explicant, non dubium videtur quin intellectuti sint auditores quanti suâ inersit maturè Sacramentum illud suscipere. Enimverò imprudenter cunctantes periculum adeunt vel sine Extrema-Unctione moriendi, vel ipsam in ejusmodi statu miserrimo consequendi, quo vix possint quidquam utilitatis ex ea sperare (q).

Neque errore nominis quisquam decipiatur, Infirmum in extremis duntaxat exhalande animæ angustii ungendum idcirco existimans, quodd *Extrema* dicatur illa Unctio. Non enim aliam ob causam hoc nomine appellatur, nisi quia, postquam homo Christianus in Baptismo & Confirmatione, in ipsa quoque Ordinatione, si sit Presbyter, tum in sua Consecratione, si sit Pontifex, sacris Oleis inunctus est, postea periculose decumbens Unctionem peculiarem omniumque *extremam* suscipit. Præterea verò de *Infirmis*, non de moribundis loquitur S. Jacobus; eodemque sensu Patres & Concilia, Ecclesiæque Litterarum Libri Rituales universi, quisnam sit & qualis sit is cui hoc Sacramentum adhiberi debeat, intelligunt. Et, quod etiam observatione dignif-

(n) Phil. 1. 21.

(o) 1 Cor. 4. 16.

(p) Ps. 41.

(q) Vide Cœ. Conc. Trid. de Extr. Unct. n. 18.

simum est, ii non solum animæ suæ, sed & corpore malè omnino consulunt, à quibus ille morbi status expectatur, qui spem sanationis omnem excludat. In eo quippe rerum articulo corporalem curationem, quæ Sacramenti fructibus annumeratur, sine miraculo evidenti obtinere nequeunt; quod quidem si à Deo postulent, Deum rentare quodammodo videantur. Hujus quidem sacræ Unctionis virtute, ipsius corporis sanitas Infirmis restitui potest; sed eo modo qui miraculi speciem non præ se ferat,

quamvis reipsa miraculum esse & vocari merito possit.

JAM verò gratiæ omnes per Extremam - Unctionem, quemadmodum & per cætera Sacramenta, Fidei populo collatæ, ex Domini Jesu Passione & Morte originem ducunt: sed hunc fontem charissimum sibi maximè tanquam proprium vindicat Extrema-Unctio; quia Fidelis eam suscipiens, in illo statu versatur, undè magis expressam cum Christo patiente & moriente gerit similitudinem.

CAPUT III.

DE Extremæ - Unctionis Ministro.

QUIS NAM sit Extrema-Unctionis Minister. Pastorum officium circa Extrema-Unctionis administrationem.

EXTREMÆ-UNCTIONIS Ministri, teste S. Jacobo Apostolo, sunt Presbyteri (a), non ætate seniores, sed dignitate sanctiores, in Dei scilicet ac Domini nostri Jesu CHRISTI Sacerdotium per legitimam Ordinationem à populo segregati (b). Quod aurem de Presbytero affirmatur, id multò magis de Episcopo intelligendum est. Presbyteri, apud Græcos, ungendo Infirmo septem adhibentur (c); plures quoque olim apud

ipsosmet Latinos adhibiti fuerunt (d); sed unum sufficere declaravit Alexander III (e): quem morem tota Occidentis Ecclesia suscepit.

PORRÒ Fidelis ægrotans, Oleoque sacro liniendus, non quolibet inducat Presbyteros, sed proprium Pastorem, aut ejus Vicarium, vel si qui insuper alii apud majores Parochias ministerium animarum, Ordinario concedente, exercent.

(a) Jac. 5. 14.

(b) Conc. Trid. Sess. 14. de Sacram. Extr. Unct. cap. 3. & can. 4.

(c) Euchol. Simeon. Thessal. Vide L. de Sacram. (d) Lib. Sacram. S. Greg.

(e) Decret. l. 5. tit. 4. c. 14.

Nulli

Nulli cuius, siue Seculari, siue Regulari Presbytero, extra casum necessitatis, hoc Sacramentum administrare competit, nisi de Parochi vel Præsulis Diocesani licentiâ, saltem legitime præsumptâ. Soli enim Pastores, ipsorumque adjuutores Presbyteri, & Regularium Superiores erga Religiosos sibi subiectos, Extremæ-Unionis Ministri ordinarii sunt. Regulares autem qui eam Fidelibus Parocho subiectis, eo non consentiente, administrarent, Excommunicationem *ipso facto* incurrerent Sedi Apostolicæ reservatam (f). Si quis tamen Infirmus in ejusmodi periculo versaretur, ut tempus neque ad Pastorem, neque ad vicarium Sacerdotem accersendum suppetere; præsens quilibet Sacerdos, etiam Regularis, eum posset Oleo sacro linire, ne hujus Sacramenti subsidio def-

titutus diem clauderet extremum.

JAM verò suscepti officii ratione tenentur Pastores, ut jam præmonimus (g), ad Extremam-Unionem Infirmis administrandam vel ipso contagionis tempore, etiam si ab ipsis, vel ab aliis Sacerdotibus, & Pœnitentia, & sacrum Viaticum iis collata fuerint. Videant igitur quàm diligentissimè, ne quem è Parochianis divino illo remedio non præmunitum mors intercipiat. Iis plurimùm suadeant ut ne plus æquo morentur Sacramentum tantæ gratiarum copiâ, tanto robore & solatio secundum suscipere. Ipsi autem Pastores ad illam administrationem diu nocturne requisiti, vel continuò proficiantur, vel mittant suæ charitatis vicarium Sacerdotem, ad excipientes Confessiones ritè approbatum.

(f) *Clementia*, Religiosi, l. c. cap. 1. tit. 7. de privil. & excess. privil.

(g) *Suprà*, De cura infirm. temp. contag.

C A P U T I V.

QUIBUSNAM administranda sit Extrema-Unctio.

BAPTIZATI, &c. Extrema-Unctionis capaces. An Oleo Infirmorum unguendi sint pueri, infani, furiosi, mentis inopes. Qui subitò obmutescere, &c. An iterari possit Extrema-Unctio. Senio consecti.

BAPTIZATI, adulti, usu rationis pollentes, vel qui olim mentis compotes fuerint, ii, modò periculose decumbant (a), Extremæ-Unionis sunt capaces. Græci hoc Sacramentum, tanquam Pœniten-

(a) *Conc. Trid. Sess. 14. de Extr. Unct. cap. 3.*

tiz complementum, etiam valentibus publicè in Ecclesia post Confessionem sacramentalem administrant (b). Quæ certè consuetudo cum Scripturæ sacra minùs consentire videtur. Nam, dicente sancto Jacobo: *Infirmatur quis in vobis?* intelligi debet infirmitas corporis, non verò animæ, ut placet Græcis. Præterea instituta est Unctio illa sanctissima non modò ut animæ, sed etiam ut corpori, si Deus concesserit, medeatur.

Nemo igitur, nisi periculose decumbens, Infirmorum Oleo inungatur, licèt vitæ discrimen adeat, vel quoddam sese ad periculosam navigationem aut peregrinationem accingat, vel quoddam in certaminis procinctu, naufragiive peticulo versetur, quinimò etiam si capite damnatus sit, moxque ad supplicium ducendus (c). Jam verò nihil refert undè existat infirmitas, an morbo, an vulnere, an partu, dummodò sit periculosa. Verumtamen, ut mulier ungatur, non sufficit consuetum in pariendo periculum, vel ipsamet partus difficultas, nisi manifestum indè exurgat vitæ discrimen (d). Ungendi sunt pestis contagione afflati, quavis mors propinqua non immineat. Senes pariter ungi oportet, nempe annis tam graves, ut in dies morituri videantur, etsi nullo præter senium morbo affecti (e). Ungantur etiam periculose decumbentes pue-

ri qui rationis usum atigerint, licèt nondum ad sacram Communionem admissi: cum enim sint Pœnitentiæ capaces, ad Extremam pariter Unctionem idonei sunt, ut potè quæ, prout jam observatum fuit, Pœnitentiæ consummatio habeatur (f). Sed ante usum rationis Oleo Infirmorum ungendi non sunt, cum nihil delicti commiserint, cujus reliquæ hujusmodi subsidio tollantur. Si tamen præmaturâ malitiâ peccare potuisse judicentur, quoniam eo ipso haberi queunt Absolutionis capaces, erunt pariter ad suscipiendam Extremam Unctionem idonei. Quin etiam, in dubio, absolvendi sunt, Oleoque sacro inungendi, vel ante septennium.

Insani, furiosi & phrenetici, in quibus olim viguerit usus rationis, Oleo Infirmorum liniantur, si nullum addit irreverentiæ periculum. In iis lucida expectantur intervalla; vel si nullum omninò jam sperandum videatur, etiam ligati & furoris æstu perciti Extremam Unctionem suscipiant, modò tamen id patiaturs debita Sacramento reverentia, prætereaque laudabilem vitam duxerint, aut saltem, dum integrâ mente essent, signa Contritionis ostenderint. Neque enim ungendi forent, si, ante phrenesum aut amentiam, excommunicati denuntiati, vel moribus improbis famosi, penitentiam nullo indicio manifestassent. Qui mentis inopes ab ortu sunt, ii

(b) *Leo Allat.* de conform. Eccl. Occ. & Or. l. 3. c. 16. *Vide* Euchol. Gr. ap. Goar.

(c) *Conc. Mediol. IV, an. 1576*, de iis quæ ad sac. Extr. Unct. pertinet.

(d) *Ibid.*

(e) *Ibid.*

(f) *Conc. Trid. Sess. 14.* doctr. de Sac. Extr. Unct.

velut perpetuò infantes; illæsam proinde Baptismi gratiam servantes repententur; neque ipsis adhibeatur Infirmorum Unctio.

Sacramento morientium adjuvantur, qui, postquam illud efflagitarant, vel Contritionis indicia qualiacumque exhibuerunt, alienato usu rationis & sensuum, subito obmutuere (g). Nec Pastor illud subsidium iis denegat, qui, cum prius vitam nomine Christiano dignam egerint, morbo repente oppressi, præstupore sensuum nequeunt Sacramenta postulare. Consideratâ enim eâquam antehac professi sunt, pierate, conjectandi locus est, ubi nihil contrarium ostenditur, eos optare ut periclitantibus sibi illud omne impendatur quod possit ad salutem suam conducere: quæ quidem inrentio interpretativa, urgente necessitate, ad suscipiendum hoc Sacramentum sufficit. Itaque si ægrum sensus omnis defecerit, dummodò vivus appareat, aut vivere existimerur, exequitium Oleo inungendus est, maxime verò si, dum sanâ mente & sensibus integris vigeret, illud petierit aut probabiliter petiturus fuisset, vel cordis contriti signa ediderit. Etiam si jam loqui non possit, etiam si fuerit amens factus, vel deliret, vel non sentiat; nihilominus Abso-

lutionis Extremæque Unctionis subsidio muniat.

Hæreticis atque Excommunicatis denuntiatis Extrema-Unctio denegatur; & peccatoribus publicis, & in duello aliove lethali peccato manifestè morientibus, si, priusquam in ipsis deficeret usus rationis & loquelæ, nullum ediderint penitentiae signum (h). Quinimo Hæreticos & Excommunicatos qui penitentiam præ se tulerint, inungi non oportet, nisi prius fuerint absoluti; neque verò absolvendi sunt, quemadmodum & ipsimet usque ad mortem impenitentes, nisi ad ea omnia parati sint, quæ adimpleri necesse fuerit ut vera & sincera iudicetur eorum conversio.

EXTREMÆ-UNCTIO, cum nullum imprimat characterem, toties iterari potest, quoties ex morbo imminet mortis periculum (i). Sic olim Pius Papa II, hoc sibi morienti Sacramentum administrari voluit, quamvis dissuaderet Laurentius Rovarella, Ferrariensis Episcopus, doctissimusque Theologus; qui scilicet contendebat modò dictum Pontificem jam in præcedenti morbo inunctum, rursus inungi non posse (k). Hæc nempe, duodecimo seculo, ac deinceps, quorundam

(g) Mediol. III, an. 1573. cap. 9.

(h) Rit. Rom. Rit. Paris. den. ed. an. 1777, pag. 102.

(i) Trid. sup. cap. 3.

(k) Aeneas Sylvius Piccolomini, litteris atque doctrinâ inter corvos excelluit. Multa præclare scripsit. Coronâ poeticâ insignitus est à Frederico III Imperatore, cu-

jus Secretarius fuit. Senensis Episcopus & S. R. E. Cardinalis, summi Pontificatus apicem adeptus est 27 Augusti 1458, sibi-que nomen Pii II ascevit. Cum in Aethiâ trajecturus esset, tuendorum adversus Infideles Christianorum zelo succensus, morbum ex fatigatione contraxit, & Anconæ diem obiit Iupremum 14 Augusti 1464.

Theologorum fuerat sententia, quæ paucos sibi sequaces adjunxerat. Quinimò, prioribus seculis, in eodem morbi statu iterari solebat Extrema-Unctio. Eam per septem dies continuos adhiberi, totiesque Eucharistiam administrari præcipit sancti Gregorii *Liber Sacramentorum*. Nunc in eadem infirmitate semel tantum adhibetur Oleum Infirmorum; nisi tam diuturna sit, ut, postquam æger aliquatenus convalescerit, quodam interposito spatio, iterum in vitæ discrimine constitutus videatur: quamvis enim pro-

prie non sit alius morbus, alius tamen quodammodo est morbi status (1). Quæ quidem Disciplina ubique apud Ecclesiam Latinam observatur (m). Senio confecti, nullâ aliâ infirmitate postulante, inuncti, cum in dies morituri videantur, iterum inungi possunt, si primam debilitatem periculosam nova subsequatur ejusdem generis debilitas. Tunc verò servandum est quoddam dierum intervallum, mens v. g. unius, dierum viginti, aut circiter, juxta prudentem Parochi æstimationem.

(1) S. Thom. in suppl. q. 33. a. 2. (m) Rit. Rom.

CAPUT V.

QUONAM ordine, & quomodo dispositis ministranda sint extrema Sacramenta.

CIRCA ordinem administrandi duo extrema Sacramenta quid olim observatum, quid nunc observandum, prout actione continuâ, vel seorsim administrantur. Extrema-Unctio praeat saltem Absolutio. Æger loquelâ & sensuum usu destitutus. Præter gratiam sanctificantem, duas vulgò dispositiones requirit Extrema-Unctio.

HÆc fuit universæ Ecclesie vetustissima consuetudo, ut Extrema-Unctio semper ante sacrum Viati-

cum administraretur (a): ostenduntque Auctores Ecclesiasticæ antiquitatis peritissimi, hunc adminis-

(a) Lib. Sacram. S. Greg. 20. Menard. Capit. Car. Magni, l. 6. c. 75. Isaac Ling. tom. 1. c. 23. Pasch. Ratb. de corp. & sang. Domini, c. 8. Hinc. Rem. Capit. n. 10. Confit. Riculph. Sueff. Conc. Mogunt. sub Rab. can. 26. Auctores Viatarum sancti Ambr. S. Chrys. sanctæ Clo-

tildis, Caroli magni, S. Malachie, Armac. Archiep. S. Guillelmi, Bitur. Archiep. sanctæ Elizabeth. His sanctis ministrata primum fuit Extrema-Unctio, deinde sacrum Viaticum. Vide aliorum plurim. SS. Vitæ apud Surium, Canis. Bolland.

trationis ordinem constanter ab anno Christi septingentesimo usque ad annum millesimum trecentesium unâ ubique formâ fuisse observatum, ac deinceps à multis Ecclesiis retentum, atque etiam sexto-decimo seculo latè in Galliis viguisse (b). Quæ quidem praxis hætenus in Ecclesiis sat multis & apud quosdam Regulares illæsa perseverat (c). Hæc verò sensum aliis in locis obsolevit; propterea quòd, ut vetisimile est, animadverteret Ecclesia Extremæ-Unionis administrationem usque ad ultima vitæ momenta rejici, malletque ante omnia sacri Viatici, tanquam magis necessarii, susceptionem in tuto collocari.

Pristinum morem Galliarum Præfules, alii talem retinent qualem ab initio ad sua tempora deductum invenire, alii renascentem in suis Diocæsisbus, jamque in multas Patochias inductum innovârunt & confirmârunt.

Permittit, sexto-decimo seculo, *Manuale Parisiense* (d), sacram Unionem, sive ante, sive post susceptum Corporis Christi Viaticum, prout libuerit, Infirmis adhiberi. Præcipit autem ultimum ejusdem nostræ Diocæsis Rituale, scilicet desinente septimo-decimo seculo editum (e), ut, quoties Parochi, eorumve adjutores Presbyteri, cum Oleo Infirmorum divinæ Eucharistiæ Via-

ticum ad quemlibet Infirmum detulerint, antequàm cælestem buccellam ori ejus infinuent, sacram Unionem membris ipsius illinant. Quod quidem, ut sapienter institutum est, ac religiose hætenus observatum, sic deinceps inviolatè retinendum esse decernimus.

Nam 1°. inunctus æger antequàm omnino desperata sit ejus sanatio, non jam ex tardiore administratione mortem proximam horrescet: 2°. Mentis compos & riè dispositus, atque idèo potiore fructu Extremam-Unionem suscipiet. 3°. Fructu similiter uberiore Panem vitæ manducabit, ut potè ab omnibus delictorum reliquiis emundatus, qui proprius Extremæ-Unionis effectus esse cognoscitur. Quantum ergò per Infirmi statum licebit, Unctio sancta Viatico salutari præeat, dignioris cujusdam instar preparationis.

Id tamen observent Pastores, quamvis Oleum Infirmorum simul cum sacro Viatico detulerint, statim Viaticum ante Unionem administrari oportere, si periculum sit ne Infirmus, quasi uno tantùm gradu à morte divisus (f), sine Corporis Christi Viatico supremum exhalet spiritum. Postquàm æger subsidio magis necessario, sacra videlicet Communionem, relictus fuerit; Sacramento exeuntium, si tempus

(b) In Ecclesiis præsertim Claromontana, San-Florenti, Sueffionensi, Boloniensi, Laudunensi, Ambianensi, Cenomanensi, Nannetensi, Rotomagensi, Ebrouensi & Abincensi. *Sacrament. Greg. ap. Menard. Mabill. Martene, de Extr. Unct. & Launoy de Unctione ante Euch. datâ.*

(c) *Rituale Ordinis Cisterciensis.*

(d) *An. 1541, D. Joan. Card. du Bellay, Paris. Episc.*

(e) *An. 1697. Vide ipsum denuò editum anno 1777, pag. 101.*

(f) 1. Reg. 20. 3.

adhuc supersit, continuò mutuetur (g).

Cum vetò Eucharistiam & Extremam-Uncionem diversis temporibus administrari sinet morbi status vel infirmi pietas, aut cum ita faciendum prudentia suggeret; tunc prima administretur Eucharistia, deinde Extrema-Uncio.

Semper autem, quantum id patietur infirmi status, Extremam-Uncionem antevertat Pœnitentiæ Sacramentum. Ea enim gratiam habitalem & sanctificantem requirit, ut potè quæ locum habeat inter Sacramenta vivorum. Itaque nullus infirmus Oleo sancto inungatur, nisi prius delicta confessus fuerit. Quod si tamen eâ morbi vehementiâ laboret, ut confiteri non possit; tunc Sacerdos, ejus nomine Actum Contritionis proferens, maximam in ipsius animo delictorum pœnitentiam excitare studeat: qui dolor cum Absolutione & Extrema-Uncione conjunctus, ægro supplebit effectum Pœnitentiæ omnibus numeris absolutæ. Quod si rationis, loquelæ & sensuum usus infirmum ita deficiant, ut Confessionis minimè sit capax; non illum prius inungat Sacerdos, quam ipsum (nisi jam fuerit absolutus) sacramentali Absolutione donave-

rit, dummodò tamen is sit quæ legitimè possit absolvi.

JAM verò, ut superius expositi Extremæ-Uncionis fructus percipiantur (h), præter gratiam sanctificantem, aliæ requiruntur dispositiones in iis qui sanâ mente hoc Sacramentum suscipiunt: 1°. Firma fides, qualem Salvator mundi semper invenire concupivit, atque inventam laudavit in Infirmis qui à se gratiam curationis efflagitabant (i). Quod quidem innuere videtur B. Jacobus, dicens: *Oratio fidei salvabit Infirmum*. 2°. Cum Extrema-Uncio Sacramenti Pœnitentiæ completum sit & consummatum, auxilii imprimis debet infirmus ut eam corde contrito & humiliato suscipiat, præmissâ (ut diximus) quoad fieri poterit, Confessione sacramentali. 3°. His comes esse debet, tum firmissima in Dei omnipotentis bonitatem & misericordiam fiducia, meritis nixa Redemptoris in Cruce morientis; tum plenissima propriæ voluntatis abdicatio, securè placidèque in beneplacito divino acquiescentis; ita ut, sive ad vivendum, sive ad moriendum promptus sit æger, id unum expetens, ut, cum *tempus resolutionis sue* advenierit, Christo

(g) Rit. Parif. ubi suprâ.

(h) Cap. II.

(i) Audiens Jesus (Centurionem), miratus est; & sequentibus se dixit: Amen dico vobis, non inveni tantam fidem in Israël, *Matthæi cap. 8. v. 10.*

Cum venisset domum, accesserant ad eum cæci. Et dicit eis Jesus: Creditis quia

hoc possum facere vobis? Dicunt ei: Utinam, Domine. *Ibid. cap. 9. v. 28.*

Respondens Jesus ait illi (mulieri Chananæ): O mulier, magna est fides tua: fiat tibi sicut vis. Et sanata est filia ejus ex illa hora. *Ibid. cap. 15. v. 28.*

Et alibi passim apud Evangelistas.

morienti cominori, vitæque auctori propriam vitam in suavissimi odoris sacrificium resignare valeat. Postremò debet Infirmus quàm poterit excitatissimo pietatis ac pœni-

tentiæ sensu Sacerdotis preces comitari, & pro peccatis singulorum sensuum ministerio perpetratis ad singulas Unctiones veniam orare.

CAPUT VI.

De modo administrandæ Extremæ-UNCTIONIS.

EXTREMÆ-UNCTIONIS administranda apparatus. Sacerdos Infirmorum Oleum gerens, tum verò illud Infirmo illiniens. Ægro, post susceptam Extremam-UNCTIONem, quid suadeat pietas. Post illam administratam, quid Pastori agendum supersit erga Infirmum. Quadam observanda. Administratio Pastoris morientis.

SACERDOS Extremam-UNCTIONem administraturus, provideat ut ipsa quanto maximo fieri poterit exterioris cultûs nitore administretur. Lectum ægotantis linteo puro supervestiatur, totumque cubiculum decenti munditiâ resplendeat. In hoc mensa præparetur, cui insternatur mappa nitida; & super eam collocetur Jesu Crucifixi effigies, ardentibus utrimque duobus Cereis, parato saltem uno luminari, vel Ceteo benedicto, imposito etiam Aquæ-benedictæ vasculo, cum Aspergillo. Adhuc præterea duæ patellæ; quarum una sustineat septem focculos stupæ subtilis, seu gossypii, ad abstergendas Unctiones; & medullam panis, ad purificandos, si opus fuerit, Sacerdotis digitos post administratum Sacramentum; altera, cucullum papyraceum (1), in quo deponantur focculi singulis Unctionibus delibuti. Adhuc etiam

aqualis plenus, cum mantili candido, & lanx aut pelvis ad excipiendam aquam & medullam panis, dum Sacerdos manus abluet. Ardeat, si fieri possit, ignis in foco, ut comburantur Unctionum focculi; & in eum similiter coniciantur aqua & panis in ipsa dilutus, post ablationem manuum Sacerdotis; aliquin ad Ecclesiam ferantur, eorumque cineres cum prædicta lotionem in Sacrarium vel in Piscinam, quæ Sacrarium loco sit, demittantur. Postremò à Sacerdote præmoniti (si opus fore videatur) qui Infirmum ministrant, curent ne per illum in reverentia Sacramenti alienam oculos offendant membra linienda, sed aquâ tepidâ prius abluantur, vel madefacto linteo abstergantur.

Ubi omnia decenter præparata fuerint, convocatis Clericis vel ministris, aut saltem uno Clerico, vel ministro responsionum perito, qui

(1) Una coracet de papier.

Pastoralis hujus partem Ritualem deferat, Crucem sine oblongo manubrio, Cereum & Aquam-benedictam cum Aspergillo, si hæc duo apud Infirmum non habeantur; Sacerdos Ecclesiam ingressus, ablutis manibus, induetur Superpelliceo & Stola violacei coloris (nisi, propter aëris intemperiem, utrumque deferendum tradat ministro); positisque genibus, parumper Deum orabit, & pro se, ut ministerio suo pie fructuosèque fungatur, & pro Infirmo, ut suscipiendâ Sacramenti gratiâ dignum se præbeat. Deinde Vas Olei sancti reverenter accipiet, sacculo ferico violacei coloris inclusum; atque operto capite, nec resonante tintinnabulo (cùm non simul deferetur sacrum Viaticum), modestè & graviter ad Infirmi domum procedet, Oleum sanctum, ne effundi possit, cautissimè gerens. Quodd si longius sit iter peragendum, vel si etiam equitandum, aut si aliàs imminet periculum effusionis; Vas Olei sacri per funiculos collo decenter appendat, quò tutius pariter & commodius illud deferat. Sacerdos iter agens ad Infirmum Oleo sancto inungendum, vano colloquio minimè indulgear. Solus, vel cum assistantibus, Psalmos Pœnitentiales pro Infirmo recitet: saltem eum sibi cogitandum proponat, secumque ipse præmeditetur quo sermone illum suaviter utiliterque commovere possit; ac demùm susceptæ administrationis ordinem ac decentiam revolvat.

Infirmi domum ingressus, ipsum adeat hujusmodi vultu, qui *bonitatem animæ* & charitatem spirare dulcissimam videatur (a). Non multis eum verbis alloquatur, sed maxime consolatoriis. Cui Sacerdoti non verba convenientia suggerat aspectus hominis jam propè morientis, & de cujus aternâ sorte mox ferendum est irrevocabile judicium? Quodd si reconciliatione opus habeat ægrotus; ipsum confitentem, remotis arbitris, audiat. Deinde moveat astantes, ut illi à Deo optimo Sacramenti fructus uberrimos secum enixè apparecentur, perfectam scilicet animæ absterisionem, & omnia gratiæ subsidia, quæ ei maxime in hoc tam luctuoso rerum statu necessaria sunt. Quod quidem exequi debent propriæ conditionis memores, quâ certè omnes aliquandò, aliquis fortassè non multò pôst, eodem sanctæ Religionis auxilio muniendi erunt. Ipsemet Sacerdos non festinanter, non quasi ad hoc solum ut ralitercumque officio functus videatur, summâ verò pietate, summâ gravitate ac decentiâ Sacramentum exeuntium conferat. Quodd si ministrum non habeat in sacris Ordinibus constitutum, ipse Unctiones diligenter abstergat. Omnia demùm quæ præcipiuntur in administratione Sacramenti, religiosissimè observet. Peractis Unctionibus & precibus, osculandam Infirmo porrigat crucifixi Domini JESU effigiem, eamque sub oculis ejus collocatam relinquat: ut, *aspiciens in auctorem*

(a) Eccl. 45. 29.

fidei & consummatorem JESUM, qui pro nobis tantâ patientiâ, tantâ æquanimittate sustinuit Crucem (b), suavissimâ illâ recordatione erigatur ad acerbissimâ quæque, in societatem passionum illius, quieto ac libenti animo toleranda.

Si Sacerdos, inter administrandam Extremam-Unionem, præ debilitate, aliove superveniente casu, non possit incœptum officium persequi; alius Presbyter advocetur, qui Sacramentum expleat, neque Uniones, neque formulas jam expletas iterans.

ÆGER Unctione sanctâ delibutus, gratias Deo plurimas, interiore saltem affectu, habeat. Jam non cogiter nisi Deum, annos æternos (c), animæ salutem. Ejus conversatio in cælis sit, nec jam in terris (d). Ipse inducatur ad emittendos Christianatum virtutum Actus, vivæ præsertim fidei in Deum, Dei que & hominum mediatorem CHRISTUM JESUM (e), spei tenerrimæ in Domini misericordiam, atque inflammatae charitatis. Quos quidem Actus si, præ debilitate, proferre ipse nequeat; eos à Presbytero, seu ab aliquo astantium, nomine suo prolatos corde intimo sequatur. Totus denique in divinæ voluntatis beneplacito acquiescat; sive allevamentum, sive malum ingravescens, sive vitam, sive mortem sperare aut pati jubeatur; eique se totum in

placationis sacrificium offerat, hæc secum revolvens: *Sive vivimus, sive morimur, Domini sumus* (f). Etiamst occideris me, in ipso sperabo; & ipse erit salvator meus (g).

POSTQUAM Sacerdos Extremæ-Unionis Sacramentum Infirmo administraverit, non eum deferat; sed quæ in proximè sequenti Capite de cura morientium expositura sumus, hæc in eum diligenter fideliterque observet.

Et quoniam Pastor, non modò Religionis, verùm etiam humanitatis Ministrum existimare se debet; unum hic observet, in quo non semel gravissimè peccatum fuisse dicitur, maximè autem in quibusdam Valetudinariis publicis. Statim atque Infirmus extrema Sacramenta suscepit, ei sæpius jam nullum supeditatur neque remedium, neque alimentum: ipse omninò derelinquitur; & mortis quasi tardioris gradus quodammodò acceleratur. Curet Pastorum charitas, quantum providere & consequi poterit, crudelem ejusmodi imprudentiam in melius immutari.

NEQUE hic aliud silendum esse arbitramur, quod nempe Sacerdotii estimationem propius attingit. Malignè, & (ut confidimus quoad nostræ Diocesis Presbyteros) falsè observatum est ab iis qui vitium hominis perscrutantur, ut illud Reli-

(b) Hebr. 12. 2.

(c) Ps. 76.

(d) Phil. 3. 20.

Tomus II.

(e) 1. Tim. 2. 5.

(f) Rom. 14. 8.

(g) Job, 13. 15.

gioni transcribant, in Sacerdotibus, quemadmodum & in Medicis, propter assiduitatem videndi cujusvis generis infirmos, languidos, moribundos, ac denique mortuos, misericordiæ sensum paulatim habescere, ac penè humanitatem obliterari. Calumniam istam à divinæ misericordiæ Ministris egregiè refelli necesse est. Quomès igitur ægrum adeunt, sive ut ei Sacramenta ministrent, sive ut ipsum adjuvent & consolentur, non frigide & quasi perfunctoriè munus illud exercent; sed humanitatis patientis miseratione ac viscerum teneritate commendabiles se exhibeant; ita ut, exemplo Redemptoris benignissimi, omnium infirmiores accipere & agrotationes portare videantur (h).

Porro, quibus solitum est Sacramenta ægris administrare, diem illum extremum præoccupent, quo, jam propè mortis caligine circumfusi, iisdemque Ornamentis induti, quibus insignes tot moribundis uli-

ma Religionis auxilia contulerint, ea ipsimet suscipient de manu Collegæ in lacrymas effusi, & singultantis potius quàm exhortantis. Præcogitet unusquisque, quantà fiduciā, quàm dulci recordatione pristini laboris, zeli & charitatis, quàm placidā expectatione rationis supremo Judici reddendæ, ultima Pastoris simul & Patris verba sit locuturus, circumquaque fleatibus qui Pastorem & Patrem morientem, si tenerrimis ejusmodi nominibus dignum se præbuerit, desiderabunt. Præcogitet ex adverso, si mercenarius fuerit, & non Pastor (i), vel (à quo dicendo mens refugit) pravi exempli Sacerdos, quantis animi angustis in supremo illo agone laboraturus sit, quantum Dei hominumque derelictionem, grege olim derelicto, non pasto, offenso, expecturus, quàm terribilem judicii expectationem passurus (k), quanto horrore (nisi, quàm magna deliquerit, tam grandis deesseverit) pessimam reprobæ Sacerdotis mortem obiturus (l).

(h) *Matth.* 8. 17.(i) *Joan.* 10. 12.(k) *Hebr.* 10. 17.(l) *S. Cypr. de laps. Ps.* 35.



EXTREMÆ-UNCTIONIS APPENDIX PRIMA.

TOTA versabitur hæc Appendix in differendo, 1°. De cura morientium: 2°. De mortuis non justo citius ad sepulturam efferendis.

CAPUT PRIMUM.

DE cura morientium.

CURA Pastorum in morientes quanta desideretur. Christianus moriens. Plurima in juvandis morientibus observanda. Pastoralis charitatis adjutores in cura morientium. Moribundus in supremum agonem vergens. Anima in proximo exitu laborans. Anima exiens. Moribundus diuturno agone conflatus. Egressa anima Cõmmendatio, &c. Pietas in corpus exanimam, donec tumuletur.

QUOTIDIE morimur, ex quo vivere cœpimus; nec finem moriendi, nisi factò fine vivendi, facimus: undè convenientius vita nostra super terram mors continua diceretur. Sed hominis gressus à Deo factore suo dinumerati (a), tunc videntur ad metam pervenisse ultimam, cùm spiritus attenuatus ægro anhelitu vix trahitur (b); cùm caligant oculi,

mensque ipsa deficit; cùm denique corpus, resolutæ instar machinæ, morbo vel sonio fatiscit. In eo rerum statu, animus jam penè vincula sua dirupit; terræque quod suum est repolcente, solum corpori jam ferè superest sepulcrum (c).

CUM autem è statu moriendi pendear salus æterna, debet Paro-

(a) Job, 14. 16. (b) Job, 17. 1. (c) Ibid.

chus eò majorem in juvandis morientibus curam adhibere, quò vehementius in eorum perniciem generis humani hostis incumbit. Enimverò cæcâ fraude exercet iram magnam, *sciens quòd modicum tempus habet* (d); atque idcirco nihil non machinatur, ut morientes trahat in sempiternæ damnationis societatem; ac demùm, *sicut leo paratus ad prædâ* (e), exeuntem animam, quam devoret, expectat. Itaque Parochi & Vicarii, postquam Pœnitentiæ, sacri Viatici, Extremæque-Undionis Sacramenta ægrotis ministraverint, non omni erga eosdem officio perfunctos se arbitrentur. Nunquam magis ope & auxilio spirituali indigent Fideles, quàm cùm videntur in supremo luctamine constituti. Tunc Pastores, charitatis justitiæque nomine ope & auxilio spirituali indigentius visitare, auxilio multiplici atque indefessâ pietate corroborandos (f).

Cujus quidem muneris quantum sit momentum faciliè intelligent, si velint humanitatis Fideique & Religionis oculis parumper intueri, quas in angustias devenit homo Christianus, cùm ejus anima inter suam à corpore digressionem atque instantis æternitatis sortem accipitrem versatur. Tunc affuli & lacrymantes amici, immodica luctu familia, mille dolores in mentem congerunt. Tunc divitix, quarum usus, velut umbra evanuit, & quas, *cùm intueris, non sumet* (g); dignitates

& gloria, quæ *cum homine in sepulcri pulverem non descendunt* (h), multiplicis generis vanitates recurrant animo, torque & tanta desideria in illis excitant, quot & quantis deliciis atque honoribus cumulatum se antea fuisse reminiscitur. Præterea sæviunt remordentis conscientix stimuli; scelerum nubes terribilissima, quasi factò impetu, animum perturbat; Numinis irati & justitias judicaturi, timor incubans terret ac dejicit (i). Tum furore novo irruit diabolus; unoque ac terribili momento agitur, utrùm anima pretioso Christi sanguine redempta, in æternum salvanda sit, vel in æternum perdenda.

Itaque Pastor, ut à molitionibus inimici moribundum tueatur, pios motus ei suggetat, virtutumque Actus, quorum ope cogitationes à Dæmone immisissæ retundere faciliè possit.

Quamvis autem patris vel matris amor in liberos, liberorum in parentes, conjugis in conjugem honestus sit atque laudabilis, hunc videlicet naturâ simul & Religione consecrante; cùm tamen aspectus charorum posset morientem Fidelem nimis humano sensu afficere, undè retardatum cor ejus non tam libere conari ad Deum ferretur, nec ipse spiritu magno videret ultima (k); iis quos ille impensius dilexit, persuadeat Pastor ut secedant; rei-que tristitiam mitigare studeat alloquio compatiens charitatis. Ipse

(d) Apoc. 12. 12.

(e) Ps. 16.

(f) Conc. Rem. an. 630. can. 15. Item, Rem. an. 1583. tit. de Extr. Und.

n. 4. (g) Ps. 48.

(h) Ibid.

(i) Ps. 74.

(k) Eccli. 48. 17.

deinde cohortandi sunt, ut Infir-
mum, quò sibi charior est, ed ma-
gis illo amore qui Christianos decet,
complexantur, habito nimitùm cœ-
lestis patriæ respectu, in qua nos om-
nes, alius quidem citiùs, alius au-
tem seriùs, cum Deo remuneratore
sumus in unum consummandi.

PASTOR, semotis iis quorum præ-
sentia ministerii sui fructum impe-
dire posset, cum victima penè so-
lus remaneat. Si motibundus ad-
huc sanà mente vigeat; huic auctor
sit ut nihil à Deo æternæque salute
alienum cogitet, *confortetur in Do-
mino, induat se armaturam Dei,
ut possit stare adversus insidias dia-
boli, & resistere in die malo (l)*;
fide, spe & charitate fundatus per-
maneant, ut ad *bravium superna vo-
cationis Dei* pervenire possit in
CHRISTO JESU (m). Tum verò
studeat Sacerdos ejus patientiam ro-
burque animi firmare, proposità
æternæ felicitatis spe magnificentissi-
mâ; atque etiam clarissimis JESU
CHRISTI & Sanctorum exemplis;
quorum plerique, cum cœlestem
gloriam operose & quasi violenter
consecuti fuerint aut sanguinis effu-
sione, aut longâ pœnitentiâ, at-
que etiam heroicâ morborum acer-
bissimorum toleratione, ac volun-
tario resignatæ vitæ sacrificio, eam
sibi gratiò concessam nihilominùs
existimârunt. Tenerrima ejus menti
suggeratur fiducia in Deum opti-
mum summæque misericordem;

cujus immensa beneficia si recogitet,
non dubitabit quin se velit saluum
fieri. Iustar ei sit omnis consolationis
pia recordatio meritorum Christi,
ac divini sanguinis in Cruce flagan-
tis; undè hanc velut propriam usur-
pet Apostoli sententiam: *Dilexit
me, & tradidit semetipsum pro
me (n)*. Portò indutus loriceam fidei
& charitatis (o), spemque sicut an-
choram animæ firmam sumens (p),
humilitatis gubernaculum pariter
accipiat. In illo enim periculoso
vitæ deficientis articulo, nihil non
molitur diabolus, ut homini Chris-
tiano vel dubium aliquod circa fi-
dem injiciat, vel eum, nimio ti-
more incusso, à spe legitima de-
totqueat, vel ex inordinata fiducia
plus æquo extollar. Et nonnunquam
dolorum impatientiâ, mundi ela-
bentis recursantibus illecebris, me-
moriâ delictorum, mentem elidere
conatur. Quinimò horrendis visis,
ceu lymphaticis quibusdam som-
niis, totam aliquandò imaginandi
vim obsidet. Undè multùm prode-
rit, si Parochus ipsum ex intervallo
interroget, quid volvat animo?
quid metuat? quid speret? quid
imagineatur? Num credat om-
nia fidei capita, & quidquid Una,
Sancta, Catholica, Apostolica &
Romana Ecclesia credit & docet?
Num speret Deum, pro sua im-
mensa misericordia, sibi propitium
fore; seque, non ex propriis me-
ritis, sed virtute meritorum JESU
CHRISTI Salvatoris & Redemptoris

(l) Eph. 6. 10. 11. 13.

(m) Eph. 3. 17. Phil. 3. 14.

(n) Gal. 2. 20.

(o) 1. Thess. 5. 8.

(p) Hebr. 6. 18. 19.

sui, & per intercessionem B. Mariæ Virginis omniumque Sanctorum, vitam æternam consecuturum esse? Num ex toto corde diligit Dominum Deum suum, magisque ac magis diligere cupiat? Num, propter illum amorem, verè & ex animo delicta omnia doleat, quibus Deum & proximum offendit? Num ignoscat omnibus quos habuit inimicos? Num veniam postulet ab iis quibus ipse fuit inimicus? Num dolorem quem patitur, morbiq; molestiam, & quidquid ex eo evenire Deus voluerit, ob amorem Dei & in pœnam delictorum subiecto animo ferat, Christique patientis & morientis doloribus in sacrificii unitate conjungat? Uno verbo, Sacerdos monita, hortamenta, interrogationes, consolationes quam poterit sapientissimè ad moribundi statum captumque attemperabit.

QUONIAM verò per motus animi & cordis affectus Deo conjungimur, nihil ad salutem morientis utilius fieri poterit, quàm si excitetur & juvetur ad proferendos quàm sapientissimè Actus Fidei, Spei, Charitatis, Contritionis, propriæ voluntatis cum divina voluntate consentientis. His intermiscet Parochus pia & vivida æternæ felicitatis desideria, blandè & suaviter adhortans morientem *ut ad cælum aspiciat*, & pro certo teneat non sibi vitam eri-

pi, sed in melius immutari: morte non totum hominem periri: partem ejus potiorem, per quam ipse imago Dei est, animam scilicet, positis mortalibus exuviis, corpori superstitem, in finem Dei se recipere: Christianum denique hominem in gratiam cum Deo reconciliatum, insuperque immortalitatis pignore, sacro scilicet Corporis Christi Viatico, & saluberrimâ Unctione recreatum, posse cum fiducia dicere: *Si ambulavero in medio umbra mortis, non timebo mala, quoniam tu mecum es, Domine (g)*; ac demùm in osculo Domini sancto securè obdormiscere. Et certè, mortem quam horret natura, fide judice, è peccati supplicio verti in *Iusti solamen & meritum (r)*; undè illi Sanctorum gemitus, fervidaque illa suspiria: *Præcipe (Domine) in pace recipi spiritum meum; expedit enim mihi mori magis quàm vivere (s): Heu mihi! quia incolatus meus prolongatus est (t). Infelix ego homo! quis me liberabit de corpore mortis hujus (u)?*

His aut similibus incitamentis moribundus cor suum pœnitentiâ conteret, firmabit patientiâ, dilatabit charitate: undè eveniet ut dolores suos leviùs ferat, cùm nempe Deum adorabit ac diligit in se misericorditer sævientem, suæque salutis per flagella delictis minora providentem; deindè verò exiliū sui

(g) Pf. 22.

(r) S. Aug. de civ. Dei, l. 3. c. 4. Vide Tert. Apol. c. 4. S. Cypr. de mortal. & S. Chrys. Hom. de dormienti ed. Ben. s. 1. & 2. & Hom. 4. in 1. Cor. Et S.

Ambr. de fide resurr. l. 2. §. 3. 6.

(s) Tob. 3. 6.

(t) Pf. 119.

(u) Rom. 7. 24.

terminum, sempiternæque felicitatis initium mortem reputans, ad Dominum toto corde anhelabit. Sic tandem, suggerente Sacerdote, hos sibi sensus proprios faciet: *Quando erit ut molestum corporis hujus pulverem excutiam? Quando erit ut anima mea, carneo exuta vestimento, in Dei sinum evelet, ubi voluptatis torrente inebriata, beatitudinem in suo fonte gustet inextinguis?*

PRÆTEREA moribundo ingens pietatis adjumentum accedet, solariumque singulare, si Sacerdos huic breviter meditandum proposuerit *attritum propter scelera nostra JESUM CHRISTUM* (x), ipsius *agoniam* in monte Olivarum (y), ac deinde *cruentam* in Ara Crucis immolationem. Hinc profectò exoptabit æger ei conformis inveniri, non solo quidem corporis dolore, verum etiam poenitentia cordis propter delicta sua, sicut ille propter iniquitates nostras tædio, pavore, mœstitia laboravit (z), & *crisis* fuit anima ejus usque ad mortem (a); ac præterea consensione voluntatis suæ cum decreto Patris cœlestis, undè cum Christo dicat amanissimè: *Pater, non mea voluntas, sed tua fiat* (b). Qui scopus facili obtinebitur, sub moribundi oculis exposita JESU Crucifixi effigie; cujus ad

aspectum, hæc, proponente Sacerdote, dulcissima verba suspirer: *Ecce Deus Salvator meus; fiducia- liter agam & non timebo; quia fortitudo mea & laus mea Dominus, & factus est mihi in salutem* (c). Nec solo intuitu corporali signum salutis contempletur; « internis (quo- que) luminibus inspicat vul- » nera pendentis, sanguinem morientis, commercium redimen- » tis (d). Caput habet inclinatum » ad osculandum, Cor apertum » ad diligendum, brachia extensa » ad amplectendum, totum corpus » expositum ad redimendum. » Hæc cum libentius animo intueri videbitur, ei ad osculum porrigatur JESU Crucifixus. » Ubi enim » tanta firmaque infirmis (& morientibus) securitas, nisi in vul- » neribus Salvatoris (e)? Cum se- » mel ad ipsius latus venerit, non » sinat ab eo se facili avelli: ibi » aperta est urbs refugii, patent » viscera misericordiae Dei nostri » (f). Delectetur ibi quiescere, » orare; ibi loquatur ad Cor ejus, » & ab ipso, quod voluerit, im- » petrabit (g) ».

Dum autem Sacerdos Crucem moribundo porriget osculandam, comitem adjunger considerationem aliquam, sive aspirationem brevem, sed teneram & ignitam; cujus ope gaudeat JESU patientem

(x) *Ist.* 53. 5.

(y) *Luc.* 22. 41. 44.

(z) *Marc.* 14. 33. *Matth.* 26. 37.

(a) *Matth.* 26. 38.

(b) *Luc.* 22. 42.

(c) *Ist.* 12. 2.

(d) *S. Aug.* de sancta Virg. c. 54.

(e) *S. Bern.* in Cant. 61.

(f) *Idem*, de Pass. Domini.

(g) *S. Bonav.* de sim. amoris, part. 1. c. 1.

recordari, spem in ejus meritis firmiter collocare, illum denique unum salutis auctorem cum fiducia invocare. Tum verò, admonente Pastore, sese per frequentes mentis & cordis elevationes Deo commendat; B. Mariam Virginem Deiparam, *matrem gratia, matrem misericordia*, potentissimam in hora mortis adjutricem invocet; Angeli Custodis, & Patroni sui, atque omnium Sanctorum impleret suffragia.

Id autem Parochus tunc maxime caveat, quod jam erga Fidelem lethali morbo affectum admonuius, ne sermone longiore, ne altiore vocis sono, vel repetitione frequentiore *onerosum* se moribundo *consolatore* præbeat (*h*). Quem *circumdant* eheu! *dolores mortis* (*i*), hic certè obrutus ac penè deficiens, exhortationem ferre continuam non potest. In extremis morbi angustiis incredibile dictum est quàm fractum ac debilitatum sit auditus organum; cui parcere si non curet Sacerdos clamorosus aut verbosus, periculum erit ne moribundus impatiens exasperetur. Tunc igitur apud ipsum non sonet vox nisi lenis, demissa, interrupta.

Quòd si sentiat Parochus, vel, hoc absente, moribundo astantes, verba salutis prudenter ministrata, nedùm ei sint incommodo, ejus pietatem, è contrario, fovere, ipsique consolationem ac pium audiendi sermones Dei ardorem asferre; coram illo institui poterit aliqua re-

rum divinarum lectio, quam identidem silentio intermitteri oportebit; ne ipse, quod summopere cavendum est, fatigetur. Et quidem in eo statu nihil *Passione Christi* utilius audire potest ac meditari. Quàm nihil vetat quominus, juxta ipsius captum ac dispositiones, eidem legantur Scripturæ sacræ selecta quædam Capita, ipsiusque necessitatibus convenientia; aut etiam alii Libri piè conscripti, intermixtis considerationibus quibusdam brevibus & vividis, quas ipse sibi accommodare faciliè possit.

CÆTERUM, quantacumque diligentia juvandis morientibus invigilent Pastores, cum universæ Parochiæ debiores sint, eos tam sæpè visitare, iisque tamdiù assidere non possunt, quàm forsasse, pro suâ charitate, optarent. Eligant igitur in sua quisque Parochia insignes pietate & proximi dilectione viros aut scēminas, quos multà curâ edoctos habeant tanti muneris adjutores. Ut verò, rum Parochis & Vicariis, tum iis quibus se in necessitate suppleri curabunt, planior fiat modus juvandi morientes; in Pastoralis hujus Parte Rituali descripta occurrent exempla variorum Actuum, quibus expedit moribundos in virtutibus Christianis exercitari, ut in alicujus virtutis actu ex hac vita discedant. Nec soli invenientur Actus virtutum quæ iisdem suggerendæ sunt; verùm etiam incitamenta quibus ad eas

(*h*) Job. 16. 2. (*i*) Ps. 114.

usque in finem colendas feliciter adducantur. Ex iis autem seliget Pastor prudentia, quod moribundi cuiusque ingenio, captui, dispositionibus congruum magis fore videbitur.

Cum moribundus in supremum agonem vergit, eum hortetur Sacerdos ut in spiritu amoris & obsequii suam Creatori animam resignet. Interim ipse cum astantibus pulcherrimâ illâ & tam profundo sensu imbutâ precatîone animam ejus Deo commendabit: cui *Commendationi*, si ferat moribundi status, pium aliquid & consolatorium intermiscerebunt, modo scilicet orationi jaculatoriæ simillimo (k). Postea moribundus, quantum poterit, Nomen Jesu sanctissimum vivâ pietate ac fiduciâ, si minus ore, saltem corde invocet; eique proponatur Indulgentia plenaria quam inde consequi potest, si sit modo requisito affectus ac dispositus (l). Quod si viderit Sacerdos animam in proximo exitu laborantem; adhibitis identidem Aquæ-benedictæ aspergionibus, breves aspirationes, quamvis loqui desierit moribundus, eidem voce mediocri suggeret, quoadusque extremum spiritum efflaverit: Crucem ipsi frequenter osculandam porriget; quo quidem subsidio efficere studebit ut ille in interno Salvatoris amplexu moriatur. Exeunte animâ, Nomen Jesu iterum atque iterum auribus infusurare non omittet, omnibus qui aderunt, in genua provolutis, atque orationi ardentem instantibus.

Quæcumque autem morienti applicanda sit Indulgentia, curabit Sacerdos ejusmodi gratiam & conditio-

nem quâ possit illam consequi, ei reducere in memoriam, cum adhuc niente & sensibus integris vigeat. Atque ut illam ipsi largiatur, quam poterit diutissime post administrata extrema Sacramenta expectet; non tamen usque ad supremum animæ exeuntis anhelitum cunctetur.

Quod spectat benedictionem cum Indulgentia plenaria concedendam Fidelibus in mortis articulo constitutis, juxta Constitutionem Benedicti Papæ XIV, quæ incipit *Pia mater Ecclesia*, datam Romæ 5 Aprilis 1747, & ejus concedendæ formulam ab eodem summo Pontifice præscriptam in tertio Pastoralis hujus Volumine suppeditabimus; observanda sunt ea quæ sequuntur. Primò nullus Sacerdos præfatam Indulgentiam applicare potest, nisi fuerit ad hoc specialiter delegatus: 2º. Necesse est ut æger prius Sacramentali Confessione mundatus & sacrâ Communione refectus fuerit: 3º. Si æger sit mentis compos, studeat Sacerdos eum excitare ad novos de admisis peccatis Actus doloris emittendos, concipiendosque ferventissimè in Deum charitatis affectus, præsertim verò ad ipsam mortem æquo animo de manu Domini suscipiendam; hoc enim maximè opus in hujusmodi articulo constitutis à summo Pontifice injungitur, per quod se ad Indulgentiæ fructum consequendum præparent: 4º. Si æger lingue & sensuum usu sit destitutus, vel in delirium aut amentiam inciderit; Indulgentia nihilominus ei poterit applicari, modo eam, dum sanâ mente integrisque sensibus ef-

(k) Vide Tom. III, ubi describitur *Modus juvandi morientes*. (l) Ibid.

set, postulaverit, aut verisimiliter postulaturo fuisse iudicetur.

Cum anima diuturno *agone* conflictatur, nec Pastori vacat diutius apud moribundum remanere; eum nihilominus quam poterit sapissimè invitat, ut pro ipso fundat aliquas preces, eum Aquà-benedictà respargat; eademque, se absente, à præsentibus observari provideat. Eum absentem suppleant viri aut mulieres pietatem colentes, qui pro moribundo sæpius orent, ac religiosis cogitationibus laborantem animam sublevent, si tamen ille non omni sensu destitutus videatur.

Ubi autem viget hæc pia consuetudo, pulsatur aliquot ictibus Ecclesiæ Parochialis Campana, ut Fidelibus incolis significetur *agonizantis* labor, sicque admoniti pro ipso Deum rogare possint, eo ipso quadraginta dierum Indulgentiam consecuturi, etiam si solam Orationem Dominicam cum Salutatione Angelica pro moribundo semel recitaverint (m). Attamen modò dicta Campanæ pulsatio ab hora octava serotina usque ad quartam matutinam omittatur.

¹ RECITATA Commendatione *agonizantis*, omnique in eum impleto pietatis officio, postquam egressa fuerit anima, Sacerdos Aquam-benedictam corpori insperget; flexisque genibus, animam supremo Judici commendabit, cujus in conspectum statim venit, *sequentibus operibus suis* (n). Dum illam Commenda-

tionem recitabit, comitem intentionem ac pietatem adiungent afftantes in genua similiter provoluti. Ipse autem Pastor ad eos conversus, breviter admonere poterit quam fragilis sit vita humana, quam caduca huius sæculi bona; atque ex eo lugubri spectaculo inferet quante sit necessitatis sese ad mortem, eà fortasse quā non putatur horā venturam (o), piā vitā bonisque operibus præparare. Nec prius discedet, quam defuncti propinquos & familiares paucis consolatus fuerit. Quantum sinet rei veritas, consolationis argumentum sit laudabilis vita quam duxit propinquus aut familiaris vitā functus, pietas & religio quā suscepit extrema Sacramenta, patientia quam in tolerandis morbi doloribus & angustiiis exhibuit; undè sperandū locus sit Deum cum ipso misericorditer esse acturū, nec mediocriter profutura suffragia, quibus Ecclesia sempiternam ei quietem apprecabimur. Nec verò ipsi contristentur sicut & ceteri qui *spem non habent* (p). «Fleant mortuos suos, qui putant » mortuos: ubi resurrectionis fides » est, non mortis est species, sed » quietis (q). Ne itaque intueantur » eum cujus clausi sunt oculi, qui » mutus jacet; sed eum qui resur- » get, & accipiet gloriam ineffabilem, stupendam mirabilemque; » atque à præsenti huiusmodi aspectu cogitationes transferant in spem » futuram (r). »

CORPUS exanimū eā quā decet

(m) Vide Tom. III, *ibid*.

(n) Apoc. 14. 13.

(o) Luc. 12. 40.

(p) 1. Thess. 4. 12.

(q) S. Ambr. in Luc. lib. 6. n. 60.

(r) S. Chrys. Hom. de dormient. Ed. Ben. §. 1.

honestate componatur : os & oculi claudantur. Tum iustæ, à decessu, dilationis observato intervallo, corpus sindone vestitum feretro includatur, & in loco decenti usque ad horam sepulturæ collocetur, admodum Jesu Crucifixi effigie, collucens hinc & hinc Cereis duobus : adsit etiam Aqua-benedicta in Vase cum Aspergillo. Tum, si à Parocho id postulent propinqui vel familiares, aliquot Sacerdotes, Re-

ligiosi vel Clerici, defuncto advigilabunt in orationibus, donec sepulturæ mandetur. Si porro quibus id muneris impositum fuerit, eâ modestiâ & gravitate se gerant, ne vilescat ministerii sui dignitas. Current etiam diligenter ut mortuo subsidium, vivis autem solatium simul & exemplum afferant. Deficientibus Clericis, recens mortuum custodiant, si fieri possit, pii quidam Laici.

CAPUT II.

DE mortuis non iusto citius ad sepulturam efferendis.

FUNERANDI properationem impugnat humanitas & Religio. Longa animi desectio, mortisque similitudo illudens. Pastoribus quid sit providendum, ne vivi pro mortuis tumultentur. Qui asphyxiâ laborant, inventis ad hoc subsidiiis juvandi. Qui mortui videntur, quàm tardissimè feretro includendi. Quadam in Nosocomiis pravè usitata. In parvulos non minùs quàm in adultos adhibenda cautio, ne in speciem duntaxat mortui sepeliantur. Curandum Pastoribus ut tradita præsenti Capite documenta populis innotescant, & ab omnibus ad quos pertinebit, observentur. Quàm inconcusse ipsimet nullam sepulturam iusto citius exequi debeant. Exemplà prudentia omnibus Pastoribus imitanda.

PLURIMIS in locis viget mos longâ hominum inconsiderantiâ firmatus, mos non rarò exitiosus, & utriusque Potestatis auctoritate coërcendus, nimia scilicet tumulandi festinatio. Non erit quidem ab Instituto nostro alienum, si adversus properata funera, præeuntibus Chi-

rurgorum Medicorumque celeberrimorum reclamationibus (a), vocem extollamus civicæ pariter & Christianæ charitatis, ut suadet naturæ vindex atque humanitatis amantissima Religio.

MORIBUNDUM verè absolutèque

(a) MM. Winslow, Bruhier, Louis, &c.

intēiſſe non ſemper certum eſt, quamvis extremum ſpiritum exhilare viſus fuerit. Ut enim obſervā-
runt Medici & Chirurgi petitiſſi-
mi, complures morbi longam in-
ducunt animi defectionem mortif-
que ſimilitudinem, quā *Aſphy-
xiam* (b) vocant. Siquidem, in-
quiunt, ex intercluſa reſpiratione
ſuſpenſaque ſanguinis circulatione
non ſemper ſequitur aliquem certū
eſſe vitā privatum; falſamque mor-
tis ſimilitudinem efficere poſteſt uni-
verſa in ſpirituum humorumque per
totum corpus fluentium motibus or-
ganicis obſtructio, quā quidem ceſ-
ſante, ut poſſibile eſt, in integrum
reſtituuntur functiones vitales. Hinc
multi, cūm expirare viſi fuiſſent,
vitæ ſigna ediderunt, quinimō proſ-
peram valetudinem recuperātunt.
Multi etiam (infandum! quod ſamen
aggeratis in dies exemplis conſtat)
multi qui malè crediti fuerant verè
mortui, eheu! crudeli feſtinatione
vivi tumulati ſunt: neque omnes,
ut temerè à plerisque exiſtimatur,
in funeteis linteis, aut feretro, vel
demum injecti humo ſuffocati &

exanimati (quod etiam inhumaniſſi-
mum foret); ſed, quo vel cogitato
infremit & cohortet natura, non
pauci ſub alta terra deſoſſi, qua-
tuor & viginti horas cum morte luc-
tantes & membra ſua devorantes vi-
xerunt. Hūc accedit quoddam
cūm juſto citiùs ſecarentur, apertis
viſceribus, ſub Chirurgi ſcalpello
palpitantes victimæ, miſerrimum
in modum expergeſacti ſunt ut ve-
rè atque atrociter morerentur, qui,
oculos fallente *aſphyxiā*, mortui
imprudenter judicati fuerant (c).
Summi autem in rebus medicis &
chirurgicis viri, nullam admittunt
mortis certitudinem, niſi aliquod
incepſe putredinis ſignum adſit
evidenter (d).

VIDEANT igitur, pro ſua hu-
manitate & pietate, hujus Diœceſis
Paſtores, ipſorumque adjutores
Presbyteri, ut nemo ſepeliatur
(prout Civilibus Sanctionibus fuit
ſapienter conſtitutum) niſi elap-
ſis ab eo qui verus putabitur,
animæ exceſſu, horis ſaltem qua-
tuor & viginti, conſuetis in caſi-

(b) *Ασφξία*, defeſſio pulſus in toto ani-
mali.

(c) Voy. M. Bruhier, *Mémoire pré-
ſenté au Roi ſur la néceſſité d'un Régle-
ment général au ſujet des enterrements &
enſeulements*, en 1745; & *Differtation ſur
l'incertitude des ſignes de la mort*, im-
primé en 1749, 2 vol. in-12. Voy. auſſi
M. Louis, *Lettres ſur la certitude des ſignes
de la mort*, contre M. Bruhier, imprimées
en 1752, in-12.

(d) *Mémoire ſur le danger des inhuma-
tions précipitées, & ſur la néceſſité d'un
Règlement pour mettre les Citoyens à l'abri*

du malheur d'être enterrés vivans : dans
lequel on rapporte des obſervations de per-
ſonnes enterrées & ouvertes vivantes, . . .
& de pluſieurs autres qui ayant été réputées
mortes pendant long-tems, ſont revenues à
elles, ſoit naturellement, ſoit par les ſe-
cours qu'on leur a donnés. Par M. Pineau,
Doct. en Méd. Niort, 1776.

Voy. le *Cathéchisme ſur les Aſphyxies*,
par M. Gardane; imprimé par ordre du
Gouvernement : Paris, Valade, 1781.

*Inſtructions pour les Perſonnes qui gar-
dent les Malades*; chez Didot le Jeune,
Quai des Auguſtins.

bus; horis autem ad minimum octo & quadraginta, in casibus repentinæ mortis, vel eos sequentis morbos qui longam inducere solent mortis similitudinem: quales sunt lethargia, Apoplexia, sanguinis aut ventris vehemens profluvium, nimius vomitus; vel in casibus mortis è veneno provenientiis, è gravi lapsu, algore, sanguinis detractio, vini fermentantis, carbonis, aut mephitis cujuslibet vapore; aliisque similibus. Sæpius enim, in hujusmodi casibus, nihil est aliud præter sensum stuporem universum, à quo post dies duos, tres, aut etiam plures, vel sponte suâ, vel curis adhibitis, aliquandò excitantur qui ipso premuntur. Itaque censent Medici sepulturam, prædictis in casibus, ultra duos dies esse protrahendam; nisi quis velit hominem forsitan vivum atque in fetetro ad quatuor pedes subterraneo horrendè evigilaturum tumulate.

Atque utinam otiosa non foret illa cunctatio, & præstò essent qui remedia in subsidium naturæ inventa ministrarent, carbonis vapore, aliterve suffocaris, vel quocumque alio gravi casu improvise percussis; aut in quibus, laborante stomacho, animi defectione, vel præpeditis duceudi spiritus organis, interclusus esset vitalis motus (e)! In eos pariter qui submersi undis fuère, inagnâ circumspèctione utendum est, ne pro morte habeatur interclusa respiratio suspensaque sanguinis circulario. Quod Regià in Urbe felici experientiâ tentatum est ut ad vitam revocarentur qui post submersionem nullum vitæ signum gerebant, id summâ diligentia, occurrente simili casu, aliis pariter in locis tentetur, juxta modum publicæ Administrationis jussu per singulas Parochias vulgatum (f). Sic videlicet Ecclesiæ & Societati plerumque homo servabitur, cui sepulcrum

(e) *ÉTRENNES D'UN MÉDECIN, ou ÉTRENNES DE SANTÉ, petit vol. in-16*, où l'on donne des moyens sûrs de remédier promptement aux différens accidens qui menacent la vie, tels que ceux qui sont causés par les Poisons, les vapeurs vénéneuses, &c. & à une foule d'inconvénients dont on est journellement attaqué. *Chez les différens Libraires de Paris.*

L'Auteur a porté sur-tout son attention à faire connoître les secours que l'expérience a indiqués contre les évanouissemens souvent mortels, occasionnés par les vapeurs du charbon, des souterrains, du vin en fermentation, &c.

Quant à ceux qui ont été suffoqués par la vapeur du charbon ou de la braise, quoiqu'ils se trouvent absolument sans pouls & sans respiration, il est démontré par des expériences récentes & bien constatées,

qu'on les rappelle à la vie en suivant le traitement que M. Portal conseille dans son *Rapport à l'Académie Royale des Sciences*. On dépouille de tous les vêtemens le corps qui paraît sans vie, & on l'étend sur le carreau, les fenêtres ouvertes, même dans les froids les plus rigoureux: on le baigne d'eau froide; & on lui fait flairer ou avaler du vinaigre. Il faut quelquefois continuer le traitement pendant plus de trois heures, & la personne suffoquée revient à elle par des gradations insensibles. Voy. les *Étrennes de santé*.

(f) Les personnes qui se trouvent trop long-tems sous l'eau, ne peuvent y respirer, & elles étouffent bientôt. Si, sentant que leur respiration va leur manquer, elles font le moindre effort pour respirer, l'eau entre dans la trachée-artère & dans les vésicules pulmonaires; & nécessairement ces

parassent inconsulta atque inhumana celeritas. De his autem omnibus, datâ occasione, incolas suos admonere non omitant Patrochi, Religionem humanitati beneficam, nec solum animarum, sed etiam corporum servatricem esse, curis quas ipsa suggerit, amicitissimis comprobantes.

Næ autem ea quam hîc suggerimus, prudentis circa sepulturas cunctationis providentia in irritum cadat, aliud est malum præviâ cautione tollendum. Scilicet, cum anima corpore digressa existimatur, tanta sæpius tamque imprudens sepeliendi festinatio est, ut exiguo post intervallo corpus funereis linteis involutum feretro condatur. Fieri ta-

men potest ut pro morte habeatur lethargica debilitas, vel apoplecticus stupor, tuncque suffocetur qui mortuus malè credatur : at certe, hic si fortè adhuc viventem se aliquo signo demonstraret, id profectò cernere jam nemo posset, nisi motu vel questu astantium curam efficaciter in se converteret, ut contigit aliquandò. In quibusdam Regni hujusce Christianissimi Urbibus (g), morem illum humanitati usque adeò repugnantem haud ita pridem cohibuit Magistratuum vigilantia. Hi nempe statuerunt, ut quicumque ministrant Infirmis, eos in cubilibus coopertos relinquant, postquam exiisse animam putaverint. Corpora autem prohibuerunt feretris includi

personnes sont suffoquées & meurent apoplectiques, si l'on ne parvient à les retirer de l'eau assez à tems pour les secourir.

Les secours qu'on administre en pareil cas, consistent à transporter au plutôt le noyé dans une maison, à le déshabiller promptement, s'il y a lieu, à l'essuyer avec des linges bien chauds, à le réchauffer, à le rouler doucement dans le lit, à lui souffler dans le nez des poudres pénétrantes, à lui frotter les narines, les tempes, la fossette du cou, la paume des mains & des pieds avec des eaux spiritueuses, telle que l'eau de la Reine de Hongrie, l'eau de Cologne, & sur-tout à lui souffler à plusieurs reprises de l'air chaud dans la bouche, en lui serrant les narines, à faire entrer dans ses narines de la fumée de tabac, à lui faire avaler quelques cuillerées d'eau-de-vie camphrée, & à lui en faire des frictions, &c. Voy. les *Etrennes de santé*.

Ces secours semblables à ceux que la Ville de Paris fait administrer aux personnes noyées, & dont le succès constant ne peut être révoqué en doute, s'administrent plus facilement moyennant une Boîte qui contient une nouvelle pipe pour injecter

la fumée de tabac, un tuyau pour souffler dans la bouche du mort apparent, & un flacon d'eau spiritueuse ; avec une instruction, dans laquelle sont exposés la manière d'en faire usage, & d'autres moyens d'une efficacité reconnue.

L'instruction & la boîte se trouvent à Paris, chez *Ruault*, Libraire, rue de la Harpe, & se vendent douze livres, francs de port pour tout le Royaume.

Voy. le *Détail des succès de l'établissement de la Ville de Paris, en faveur des personnes noyées* : par M. *Pia*, ancien Echevin de Paris ; chez *Lottin l'aîné*, rue S. Jacques.

Il sera de la charité de MM. les Curés de faire connoître ces secours, & d'en recommander l'usage ; comme aussi de s'élever contre la méthode meurtrière, employée communément par le peuple, de suspendre les noyés par les pieds. Il est prouvé par des expériences incontestables, que ce qui fait périr les noyés, n'est pas la petite quantité d'eau qui entre dans leur estomac, mais l'interruption, & bientôt après l'entière suppression de leur respiration.

(g) *Atrebase, Andegavi, &c.*

ante horas à decessu triginta, aut etiam triginta sex, erga illos qui subitâ morte, vel repentino ac violento morbo interierint. Tametsi ad universam Galliam nondum pertinet tam sapiens Constitutum, eam tamen humanitatis curam gerant hujus Diœcesis Pastores, ut illud (quantum penes ipsos fuerit, & quantum prudenter fieri poterit) in suis quisque Parochiis observari curent. Er quidem satius foret ut quicumque visi fuissent extremum spiritum exhalare, induio (1) non exuerentur, nec funereis linteis involverentur, neque stramini imponerentur, neque feretro includerentur, nisi horâ, ut plurimum, dimidiâ ante tempus ad Exequias præstitutum; & eousque in lecto, prout morientes jacuissent, calidi relinquerentur; ad quod utique summopere cohortandæ ac vehementer impellendæ sunt utriuslibet sexûs personæ quæ Infirmis ministrare solent atque agonizantibus assistere.

Tam sapienti cunctationi olim in Italia præluserat S. Camillus de Lellis (h). Qui nempe cum in Nosocomiis homines aliquandò non mortuos tumulari comperisset, Clericis suis Regularibus, *Servis Infirmorum*, præcepit ut pro agonizantibus preces fundere pergerent, vel postquam ii animam efflare visi

fuissent; nec sinerent ut confestim ipsi vultus regeretur, quod semper antea factum fuerat (i).

Ex dictis, humanitati & Religioni summopere consentaneum est, ut, tum in privatis domibus, tum in publicis Valetudinariis, nullum corpus linteis funereis involvatur nec feretro includatur statim atque videatur esse mortuum, interponaturque mora sufficiens, vel ultra horas triginta sex; nisi molles, insuscati atque extincti oculi, corporis gravitas, & membrorum rigor inflexibilis, nec tamen spasticus (2), certa atque indubitata mortis indicia exhibeant (k). Quod quidem præcipue erga eos observetur, quos oppressit gravis lethargus, aliisque hujusmodi morbus longum stuporem sensuum inducens. Quamvis enim in ipsis nullus calor aut venæ salientis pulsus jam superesse videatur; attamen, post aliquot dies, quasi de somno quodam altissimo interdum evigilant. Quæ dilatio nisi prudenter in his & similibus casibus adhibeatur, mors, si nondum venerit, appropinquabit (quod inhumanum), aut etiam fortasse vivi pro mortuis tumulabuntur, quo nihil atrocius factu, nihil horribilius cogitatu est, & tamen haud raro factum inconsideratè, & sæpius quàm creditur etiamnum fieri constat (l).

(1) Chemicæ.
(2) Convulsif.

(h) Obiit Romæ, 14 Julii 1614; & inter Sanctos relatus est à Bened. XIV, an. 1746.

(i) Voy. les *Vies des Saints*, par M. l'Abbé Godefcard, Chan. de S. Honoré, nouv. éd. Paris, Barbou, 1784: Tom. VI, pag. 235.

(k) *Lettres sur la certitude des signes de la mort*. Par M. Louis, Secrétaire de l'Acad. Roy. de Chirurgie.

(l) Hic pauca excerptare juvat è Scripto cui titulus: *Réflexions sur le triste sort des personnes qui, sous une apparence de mort, ont été enterrées vivantes; & sur les moyens*

Inter ceteros autem adultos diligenter est cavendum ne adhuc vivi sepeliantur senes. Plerique enim gravissimo sopori obnoxii sunt, animique defectionibus nonnunquam ad mortis similitudinem proximè accedentibus; præterquàm quòd morbis *asphyxiam* inducentibus non sunt immunes.

Nec minor adhibenda est cautio erga foeminas in partu laborantes, aut puerperas; quarum summa debilitas aliquandò in illum abit sensum stuporem, ita ut mortuæ videantur, & tamen adhuc vivunt.

SUNT porò quædam in publicis Valetudinariis, ut pectibent; fieri solita, quibus jamidiù reclamatione graviter læsa humanitas & Religio; quæ proinde non possumus quin hic attingamus. Ibi scilicet invaluisse dicitur

hic usus pessimus, ut, cum primùm vitæ excessisse videtur aliquis, imò priusquàm supremum spiritum exhalare visus fuerit, lecto festinanter detrahatur, atque in cellam mortuorum transferatur, mensaque imponatur lapideæ, injecto linteo, donec efferatur ad sepulturam, quod quidem non rarò paucis sic horis elapsis. Nefas est ullum tumulare mortuum cui supersit aliquid caloris; hinc in Nosocomiis corpora mensis lapideis imponuntur (m). Sic videlicet (miserum!) ne quis, nondùm extincto vitali calore, sepeliatur, mortis frigus acceleratur; vel forsitan adhuc vivus, & sub alta terra moriturus homo rumulatur, nisi sat citò editis vice signis ex hoc tremendo periculo eripiat, ut quibusdam feliciter contingit. De his (si sit locus) Presbyteri opem spiritualem ægrotantibus fe-

qu'on doit mettre en usage pour prévenir une telle méprise : ou, *Précis d'un Mémoire sur les causes de la mort subite & violente ; dans lequel on prouve que ceux qui en sont les victimes, peuvent être rappelés à la vie.* Par M. Janin, Oculiste de la Ville de Lyon, & du Collège Royal de Chirurgie de Paris, &c. 1772.

Tous les hommes y ont un égal intérêt.
Le Chén. Baron.

L'Auteur cite l'exemple d'un jeune homme qui s'étoit pendu de désespoir, & auquel il avoit administré des secours efficaces. Il n'admet que deux causes générales qui peuvent nous priver de la vie : la première, la perversion ou putridité totale des humeurs ; la seconde, la destruction de quelque viscère ou organe principal, ou bien une grande lésion dans ces parties, enfin l'embarras où elles peuvent être par quelque cause que ce soit. L'Auteur conclut de là, que toutes les fois qu'une de ces

causes n'a pas lieu, il est possible de faire respirer de nouveau un homme qui a perdu le jeu des organes de la respiration. D'après ce principe, on conçoit qu'une multitude d'infortunés ont dû être les victimes de la précipitation avec laquelle ils ont été enterrés.

Parmi les traits analogues à ce sujet, l'Auteur n'a pas oublié la triste fin du Cardinal Spínosa. Il tombe en syncope, on le croit mort, on s'empresse de l'ouvrir pour l'embaumer; ses poumons étoient à peine découverts, qu'on s'aperçoit que son cœur palpite; & cet infortuné, revenu à lui, eut assez de force pour porter la main jusques sur le scalpel du Chirurgien qui le disséquoit, & le reposer; mais il n'étoit plus tems, le coup mortel étoit porté.

Voy. le *Mémoire sur le danger des inhumations précipitées.*

(m) M. Bruhier, *Dissert. sur l'incert. des signes de la mort*, tom. 2.

rennes,

rentes, prudenter eos admonere poterunt ad quos pertinet Nosocomiorum Administratio, & directio charitatis, quæ aliàs tam multa tamque admiranda (præsertim Regiâ in Urbe) solet apud illa humanitatis patientis hospitia vigere.

Nec verò existiment Pastores cæterique viri Ecclesiastici Nos falsis inniti documentis, aut vanis decipi terroribus, ut tantam adversus prope-
rata funera suggeramus caurionem. Clamante humanitate, clamante Religione, non possumus quin absolutissimam hac in parte curam ac diligentiam eorum prudentiæ & charitati vehementer in Domino iterùmque iterùmque commendemus. Hæc enim, ut docent Medici Chirurgique celeberrimi, pro certis omninoque indubitatis habenda sunt: 1°. Multis vita superest, qui jam expirasse creduntur. 2°. Non omnia providentur & præcaventur quæ suggerit prudentia & charitas, ut non dubia censei possit mors eorum qui extremum spiritum efflare visi sunt. 3°. Qui moribundis assistunt, & mortuos funereis linteis involvunt, cum signa mortis quænam vera sint, ignorent, falsâ similitudine in errorem induci facile possunt. 4°. Diuturna esse potest *apophyxia*. 5°. Dilatio unius diei consuetis in casibus, duorumve dierum, in casibus extra solitum ordinem positis, non semper sufficit, ut tuto sepeliantur vel à Chirurgo secentur ii qui mortui judicantur. 6°. Vivus si quis tumulatus fuerit, is quidem (à quo sibi fingendo mens refugit) in hoc tam deplorando tam-

que horrendo statu potest non mortuus plures dies permanere. Hæc passim exploratissimâ consperta sunt experientiâ. Et quisquam postea dubitabit moram sepeliendi trahere satis longam, ne pater aut mater, ne frater aut soror, ne maritus aut uxor, ne filius aut filia, ne propinquus aut amicus, quid plura? ne homo sui similis, forsitan vivus ad quatuor pedum altitudinem defodiatur? Quasi verò non sit multò fatius in tam gravis tamque formidandi momenti negotio millies adhiberi supervacuum diligentiam, quam semel prætermitti necessariam!

Nec quisquam putet minorem in parvulos tam citò mortuos quam natos, vel nondum pueritiâ egres-
sos, curam aut cautionem requiri. Hi enim non minùs quam adulti, *apophyxia* obnoxii sunt; atque etiam incredibile dictu est quot infantes non verè mortui quotidie tumulentur, dum in praxim redigiuntur id quod plerique falsò existimant, licitam esse, post duodecim horas à decessu, parvuli cujusque sepulturam. Quòd si igitur maxima in adultos requiritur circumspectio, ne citius linteis funereis involvantur ac tumulentur, dum, in speciem mortui, curis opportunè peritèque subministratis ad vitam revocari possunt; eadem certè in ipsammet infantilem ætatem non minùs diligeuter exereunda circumspectio est: in hac enim, sæpius quam putatur, illudit mortis similitudo. Quod spectat parvulos nascentes, parturientium adjutricibus quid sit observandum, suo loco ex-

posuimus (n). De infantibus aliquot dierum, mensium vel annorum, æquæ ac de adultis, eos verè mortuos esse, quia mortui videantur, non temerè pronuntiandum est. Alii se-

retro inclusi, alii ad sepulturam elati, quidam in scrobem jam demissi, viventes se, edito signo vel clamore, demonstrarunt (o).

(n) Append. Bapt. cap. 6.

Novis quotidie experimentis clariùs innotescit, infantes qui nascendo mortui videntur, sæpè ad vitam revocari posse: enjus rei gratiâ, humanitatem scilicet, atque adeò Religionem afficiunt, hic factum exhibebimus publicè vulgatum.

» On mande de Lyon que, le 15 Jan-
» vier dernier (1775), une femme en cou-
» che, ayant vainement souffert pendant
» deux jours les douleurs de l'enfantement,
» le sieur Faissol, Chirurgien du Roi en
» cette Ville, qui avoit été appelé auprès
» d'elle, fut obligé de se servir du *forceps*
» pour sauver cette femme & son fruit.
» A huit heures du soir, il la délivra d'un
» enfant sans mouvement, sans pouls,
» qui avoit le visage de couleur violette
» foncée, & que ce Chirurgien crut mort.
» Il ordonna de faire chauffer du vin, &
» après avoir soigné la mère, il alla au
» secours de l'enfant, auquel on avoit déjà
» administré inutilement plusieurs remè-
» des. Il le plongea dans du vin tiède an-
» mé avec de l'eau-de-vie, & lui souffla
» dans la bouche autant d'air que ses pou-
» mons lui en purent fournir. Dix minu-
» tes s'étant écoulées sans succès, il insista
» sur ce traitement, en faisant respirer à
» l'enfant de l'eau de Luce & du vinaigre
» radical, & en le tenant toujours dans
» le vin tiède, & continuant les frictions.
» Environ une demie heure après, il sor-
» tit de la bouche de cet enfant beaucoup
» d'eau écumée; on lui sentit quelques
» légers battemens de cœur, & au bout
» de trois quarts d'heure il s'annonça lui-
» même par un cri. Il se porte aujourd'-
» hui très-bien, & il est nourri par sa
» mère. Cette méthode pour rappeler à
» la vie des enfans qui paroissent avoir été
» suffoqués au passage, a également réussi
» plusieurs fois à un Chirurgien de Paris.
» Le sieur Portal dans son *Rapport à l'A-*

» cadémie Royale des Sciences sur les suffo-
» qués, en a aussi parlé de la sorte : Nous
» dirons ici en passant, que nous avons
» soufflé dans la bouche d'un enfant qui
» n'avoit encore donné aucun signe de vie :
» à peine le souffle parvint-il dans le pou-
» mon de cet enfant, qu'on le vit mou-
» voir les yeux, & qu'on l'entendit touf-
» ser avec effort. Il rendit par la toux &
» par le vomissement, des glaires qui rem-
» plissoient ses bronches; & il respira en-
» suite avec plus de facilité. »

(o) Abrégé de l'Embryol. sacrée, l. 3. c. 9.

Nous citerons encore ici un trait des *Ré-
flexions sur la triste sort, &c.* » Une nourrice
» dit l'Auteur, eut le malheur d'étouffer
» dans son lit son nourrisson. Elle ne fait
» appeler : j'arrive; je trouve la petite vic-
» time dans son berceau sans aucun signe
» de vie, nulle pulsation dans les artères,
» point de respiration, le visage livide,
» les yeux ouverts & ternes, la bouche
» béante; enfin il étoit presque froid.
» Tandis qu'on se hâtoit de chauffer des
» linges d'une part, & des cendres de l'au-
» tre; je le fis démailloter, & le plaçai
» dans un lit très-chaud, & sur le côté;
» on le frictionna par-tout le corps avec
» du linge très-fin, de crainte d'écorcher
» sa peau tendre & délicate. Dès que les
» cendres furent prêtes, je l'enferrai de-
» dans, excepté le visage, & le plaçai sur
» le côté opposé où je l'avois mis d'abord;
» & on le convrit d'une couverture de lai-
» ne. Je n'étois muni d'un flacon d'eau
» de Luce; je lui en présentai au nez de
» temps en temps; & dans les intervalles on
» lui souffloit dans les narines quelques
» gorgées de fumée de tabac: à ces moyens
» on faisoit succéder celui de souffler dans
» sa bouche, en lui serrant le nez. La
» chaleur se ranima peu à peu: bientôt
» les pulsations & l'artere temporal se ré-

QUAPROPTER omnes & singuli Pastores Nobis in Domino subjecti, ea quæ de sepulturis properatis & imminentes ex iis horrendo periculo diximus, populis sibi creditis current innotescere; ipsisque & humanitatis & Religionis flexanimâ voce admonentibus, quod in recens defunctos cujusvis ætatis observandum proposuimus, id familiares, propinqui & amici, & quicumque moribundos curant & mortuos, sanguinis, amicitiz, naturæ & pietatis, Deique & hominum habito respectu, observare non omittant, vel observari ab iis ad quos pertinebit, provideant.

Neque ipsi Pastores cujusquam impulsu aut ullâ causâ moveantur, ut cuiusv. suprema Religionis honestamenta iusto citiùs persolvant, etiam ut Missa, præsentis corpore, celebretur. Quamvis enim pia & laudabilis, Ecclesiæque menti summo perè consentanea sit illa consuetudo, cum nihil obstat quin pro tempore observetur; non tamen finitas aut ratio ut qui v. g. diei Dominicæ horis pomeridianis mortuus judicatus fuerit, postero die horis antemeridianis tumuletur, hoc inducto nomine inconsultæ pietatis, ne Sacrificiî celebratione careant Exequiæ. Tunc igitur, vel corpus in Feriæ tertiæ horas matutinas ferendum est, vel, id fieri si non possit, & mors indubitanter confectæ, horis Feriæ secundæ pomeri-

dianis post elapsas à decessu horas saltem quatuor & viginti, sepeliendum, reservatâ in Feriam sequentem Missâ diei obitûs quasi præsentis corpore celebraudâ, omnique circa *Luminare*, aut aliud quodlibet, prorsus amputatâ difficultate.

Ablic verò ut quisquam Parochus, sive gratum facere cupiens defuncti propinquis vel amicis, sive opportunitati propriæ serviens, ullum nimis properè condat sepulcro, sicque tremendum adeat vivi alicujus terrâ obruendi periculum. Religionis Ministri, populorum sint amici ac tutores; nec cujusquam (avidis forsitan hæredis, aut malevoli cujusvis) improbæ festinationi morem gerant; caveantque diligenter ne vel obsequio indebito, vel ut sibi commodum faciant, id crudeliter peccent, quod reparari nullo modo possit. Quàm acerbè, quàm insolabiliter mereret Pastor infelix, si postea comperiretur aliquem properantiùs ab illo humatum, medio tumuli horrore periisse!

Quin potiùs ubique & ab omnibus insistendum est eorum vestigiis, qui inter cæteros prudentissimi, civisque & Pastores optimi, suum nulli sepulturæ ministerium impendunt (cum nihil aliundè obstat), nisi elapsis à decessu horis triginta sex aut etiam quadraginta, in consuetu rerum cursu; in casu autem repentinæ mortis, vel eos sequen-

« rent sentir, la respiration devint tou-
« jours plus fréquente & plus libre, ses
« yeux se fermerent & s'ouvrirent alter-
« nativement. L'enfant finit par jeter des
« cris en cherchant le mammelon; on le

« lui donna, il le prit avec avidité, &
« tetta comme s'il ne lui fût arrivé aucun
« accident. Moins d'une demi-heure de
« soins furent suffisans pour le rappeler à
« la vie. »

412 *DE MORTUIS NON IUSTO CITIUS AD SEPULT. EF.*


tis morbos quibus *asphyxia* sepius inducitur, quàm tardissimè possunt, at nunquam nisi duobus post decessum diebus omninò completis.

Utinam sese ad hanc normam diligenter component universi Pastores! Utinam ea quæ præsentì Capite suademus, pro lege sibi assumant ii omnes qui morientibus assunt, qui mortuos linteis involvunt, quique his iusta funebria persolvunt! Sic tandem perficietur ne quicquam deinceps hominum conf-

pectui antè subducatur, quàm de ipsius morte indubitanter constet; neque ulterius adeatur horrendum vivi pro mortuo tumulandi periculum.

Jam quidem apud extreros malo huic quod deploramus, intolerabili, est aliquatenùs finis impositus; strictissimèque variis in regionibus id observatur, ne quis mortuus, etiam non subito casu oppressus, duos ante dies completos ad sepulturam efferatur.





EXTREMÆ-UNCTIONIS APPENDIX ALTERA.

DE PRECIBUS PRO MORTUIS, ET DE SEPULTURIS.

DICITUR in hac Appendice, 1°. De Precibus pro mortuis : 2°. De Sepulturis : 3°. De loco Sepultura ; 4°. Quibus concedenda , quibus deneganda sit Ecclesiastica Sepultura : 5°. De Exequiis Adulterum : 6°. De Exequiis Parvulorum : 7°. De Translatione Corporis à Parochia decessus in alienam Ecclesiam : 8°. De Funeribus in Parochiales Actorum Codices referendis.

CAPUT PRIMUM.

DE Precibus pro mortuis.

QUÆDAM prænotanda. Tripartita hominum post mortem conditio. Quibusnam defunctis utiles sint preces : pro quibus non oret , pro quibus oret Ecclesia. Oratio pro mortuis Traditione astruitur. Sacrificii oblatione imprimis , tum verò aliis bonis operibus adjuvantur mortui. In celebratione Missarum pro Defunctis quid sit vitandum. Officia pro Defunctis piè celebranda. Circa Foundationum executionem quedam observanda.

IN ordine sanctificationis humanæ ita sunt omnia providè constituta suaviterque ordinata , ita etiam omnia inter se connexa & concatenate , ut in illis admiranda quedam rerum complexio , præcelsum quoddam ac divinum propositum oculi mentis per fidem illustret resul-

geat. Salvator utique noster Deus & homo, dum novum conderet Testamentum, præstantissima Ecclesie sue, ut jam superius ostendimus, reliquit subsidia, quibus homo Christianus, à primo vagitu ad extremum usque spiritum, per fluctus vitæ procellosissimæ ad portum beatæ immortalitatis quasi manu ducere-
 tur. Ecclesia scilicet, divini Sponsi depositis apud se thesauris locuples, ac de filiis suis tenerrimè sollicita ut inde gratiam hauriant copiosam atque multiplicem, nascentium curam suscipit, eos per Baptismum regenerans; viventes protegit, ruetur sovetque spiritualiter per subsequenda Sacramenta, variis eorum statibus atque utilitatibus accommodata: eademque pia mater, tantorum in vivos charismatum benefica ministra, nec morientes deserit, imò etiam nec mortuos; ut potè quæ animabus *de custodia terreni incolatus eductis & dilatâ spe afflictis* opitulatur (a), ipsamque corporum sepulturam plurimo pietatis affectu prosequitur. In quo quidem gemino argumento superest ut versemur, antequàm ad duo postrema Sacramenta, Ordinem nempe & Matrimonium, tractanda veniamus.

POST QUAM à corpore digressus rediit spiritus ad Deum qui dederat illum, pulvis in terram suam,

undè erat, revertitur (b). Sola autem cum suis operibus Anima in Dei conspectum veniens (c), statim secundum opera sua iudicatur; quæ si iusta & laudabilia sint, in perpetuam visionis Dei intuitivæ fruitionem cælo recipitur; si, è contrario, iniusta & criminosa, in *caminum ignis inextinguibilis* continuo demergitur (d). Si quis verò ante supremum Iudicem opera iusta quidem perferat, non tamen satis plena & perfecta (e), ut statim à morte transeat in vitam (f); ipse non exterminium, sed expurgationem patietur (g), & *salvus erit, sic tamen quasi per ignem* (h).

Atque hæc tripartita hominum post mortem conditio, verbi divini oraculis innixa, testes habet innumeros in sanctis Patribus; quorum doctrinæ cum tota Ecclesia firmiter inhaerentes, medium inter Cæli beatitudinem & Inferni cruciatus Animarum statum fide divinâ credendum profitemur, quem *Purgatorium* vocamus; in quo quidem ipsas, sive à peccatis venialibus; sive à lethalium reliquiis expiari, nemo inter Catholicos ambigendum existimat (i); ab iisdem verò *pœnam ignis* sustineri, temporarii quidem, sed *omni tribulatione præfenti intolerabilioris* (k), in Ecclesia Latina communis Theologorum doctrina est, quibusdam Scripturæ locis, & antiquis Patribus,

(a) Ps. 141. Prov. 13. 12.

(b) Eccl. 12. 7.

(c) Apoc. 14. 13.

(d) Matth. 13. 42. Marc. 3. 44.

(e) Apoc. 3. 2.

(f) Joan. 5. 24.

(g) Vide S. Basil. vii. 9. in II. cap. 9. v. 19.

(h) 1. Cor. 3. 15.

(i) Conc. Paris. an. 1528, de cr. fidei 12.

(k) S. Greg. in Ps. 3. Psal. v. 1. n. 1.

tum Græcis, tum Latinis fundata (1). De Purgatorii loco ejusque pœnarum duratione differere, curiosum magis foret quàm fructuosum. Cùm enim circa hæc nihil neque Scriptura doceat, neque Ecclesia definierit; ignorationem fateri tutius est, quàm profunda & abscondita incasum perscrutari. Dum autem Pastores, juxta sapientissimum Concilii Tridentini admonitum, abstinere à tractandis questionibus difficilibus & obscuris, quæ nihil ad ædificationem faciunt (m), ea non omittant accuratè, copiosè & luculenter Fidelibus exponere & inculcate, quæ ipsi de hoc necessario argumento exponi & inculcari jubet Ecclesia (n); ut scilicet omnes & singuli, status Animarum post mortem quis sit, edocti, optimam sibi sortem, auxiliante gratiâ, promereri studeant, & expiatorio igne opus non habere satagent (o); utque Animabus in illo gementibus levamentum asserre quàm maximum evitantur.

Licet porro nesciamus in quam sortem assumantur animæ singulæ corporibus exeuntes, de his tamen bene sperare possumus; neque à precibus, Sacrificiis, eleemosynis aliisque mortuorum adjumentis abstinere

re debemus; nisi fortè constet aliquem evidenter in impietate diem extremum clausisse, animamque Deo inimicam in Dei ultoris manus incidisse (p). Minimè dubitandum est quin defunctis utilissimæ sint preces vivorum, ceteraque bona opera; sed iis duntaxat qui cum pietate atque in statu gratiæ sanctificantis dormitionem acceperunt (q), qui nempe «ita vixerunt ante mortem, ut possint eis hæc utilia esse post mortem (r).» Docet enim Ecclesia Catholica, eos qui in peccato lethali moriuntur, non habueros hereditatem in regno Christi & Dei (s); & pro illis nequaquam oraret, si sibi noti essent. Ideò nulla pro Hæreticis, Schismaticis, Excommunicatis denunciatis precum suffragia impendit, nisi constet ipsos, dum in extremis essent, errores vel peccata sua detestatos fuisse; & tunc eosdem, licet mortuos, absolvit & sibi reconciliat. Precibus nihil indigent Sancti «in quibus» (videlicet) nobis Deus & presidium constituit & exemplum (t); damnatis verò nihil proferrent, in inferno quippè nulla est redemptio. Ecclesia autem suis in precibus summo vivorum mortuorumque dominatori omnes indistinctè commendat Christianos homines in sua Com-

(1) Orig. Hom. 12. (al. 16.) in Jerem. cap. 16. S. Greg. Nyss. or. pro mort. S. Greg. Naz. or. 39. in sancta lum. S. Basil. sup. S. Hier. l. 1. in Math. c. 3. v. 12. S. Aug. in Ps. 37. n. 3. Idem, quæst. 1. ad Dulcic. c. 13. & Enchir. 69. (al. 18.) & alibi. S. Greg. sup.

(m) Sess. 25. decret. de Purgat.

(n) Ibid.

(o) S. Aug. Serm. 173. de verb. Ap.

(p) Idem, de cura pro mortuis, c. 12. & de civ. Dei, l. 21. c. 24. n. 1. 2.

(q) 2. Mach. 12. 45.

(r) S. Aug. serm. 32. (al. 171.) de verb. Ap. Vide ejusd. quæst. 2. ad Dulcic. n. 4.

(s) Eph. 5. 5.

(t) S. Leo, Serm. 83. in Nat. S. Laur. cap. 4.

munione defunctos, quorum sortem ignorat; simulque exoptat ut Fideles, quantum efficere & consequi possint, iisdem opitulentur: potius eligens pro illis incassum orari, ad quos orationum fructus pertinere nequeat, quam suffragiis privari eos qui ipsis indigeant, eorumque sint capaces (u). Quin etiam pia maret, ne sua cuiquam deesset misericordia, & pro Catechumenis ante Baptismum, & pro Pœnitentibus ante expletam Canonice Pœnitentiæ curriculum defunctis quondam orabat (x).

JAM VERO sanctam illam & salubrem cogitationem exorandi pro defunctis (y), antiquissimâ, perpetuâ unanimique traditione à temporibus Apostolicis usque ad nostrum ævum propagatam consecravit Ecclesia (z). Spiritus Dei, cujus instinctu Judas Machabæus misit Jerosolymam offerri pro peccatis mortuorum Sacrificium (a), idem ipse institui curavit ut Hostia novæ Legis, ad sublevandas eorum animas qui in Christo dormissent (b), im-

molaretur: nec Liturgia unquam ulla extitit, quæ disertam in celebrandis Mysteriis commemorationem Defunctorum non exhibuerit (c). Itaque inter varia mortuorum auxilia præcipuum locum obtinet sacrosanctum Altaris Sacrificium. Hinc illa originem duxit Catholica Ecclesiæ consuetudo, ut Missa celebraretur non solum ipso die obitus & sepulture, verum etiam die post obitum tertio, septimo & trigésimo (aliquando etiam quadragesimo, quinquagesimo, sexagesimo & centesimo), semper autem die Anniversario (d). Tertio quidem die, propter Dominum JESUM, qui post tres dies surrexit à mortuis, cujus beatæ Resurrectionis participem fieri defunctum obsecramus (e). Die septimo, quia filii Jacob celebrantes ipsius exequias planctu magno, impleverunt septem dies (f); quo quidem spatio, juxta Sapientem, agitur luctus mortui (g): sed præcipue quod in die septimo Sabbatum est, requies sancta Domino (h); cujus typi mysterio, æternam in Dei sinu requiem De-

(u) S. Aug. de cura ger. pro mort. cap. 18. §. 22.

(x) Conc. Carth. IV, an. 398.

(y) 1. Mach. 12. 46.

(z) Tert. de cor. mil. c. 3. de anima, c. 51. exhort. cast. c. 1. de monog. c. 10. S. Epiph. Hæz. 75. S. Chryf. Hom. 3. in Ep. ad Phil. S. Aug. Enchir. c. 110. de cura pro mort. c. 1. & 18. Serm. 159. (al. 17.) de verb. Ap. c. 1. Conc. Carth. IV, can. 79. Aurel. II, an. 533. can. 15. Bracar. II, an. 563. can. 16. & 17. Autiss. an. 578. can. 17. Paris. sup.

(a) 1. Mach. 12. 43.

(b) 1. Cor. 15. 18.

(c) Liturgiæ sub nominib. SS. Petri, Marci, Jacobi, Basilii, Chrysostomi, & ceteræ deinceps. Const. Ap. l. 6. c. 26. S. Chryf. Hom. 90. ad pop. Ant. 3. Aug. Serm. 172. (al. 32.) de verb. Ap. c. 2.

(d) S. Ambr. de ob. Theod. n. 3. S. Greg. Naz. oc. fun. Cæf. 10. S. Aug. Conf. l. 9. c. 12. (al. 32.) de sancta Monica. Conc. Vaf. II, an. 529. can. 3. Const. Ap. l. 2. c. 42. Hincm. Rem. Capit. 1. c. 14. Amal. de Off. Eccl. l. 4. c. 42.

(e) Const. Ap. l. c. 40. Alcuin. (v. incert. auct.) de div. Off. c. 50.

(f) Gen. 50. 10.

(g) Eccel. 22. 13. (h) Exod. 31. 15. functo

functo apprecamur. Die trigesimo, seu in fine mensis; quia filii Israel Moysen & Aaron triginta dies luterunt (i). Postremò de *oblationibus annuis* in Defunctorum memoriam *redditis*, expressè meminuit Tertullianus (k).

Et si autem commendatione speciali pro certis quibusdam Defunctis semper oblatum fuit Eucharistiae Sacrificium (l), nunquam tamen ita seorsim pro uno celebrata fuerunt sacra Mysteria, ut non simul pro cunctis celebrarentur. Missa enim est & semper fuit Sacrificium totius Ecclesiae militantis, quæ cum Ecclesia triumphante & patiente in orationum atque suffragiorum societate coadunatur. Nulla igitur ex animabus quæ *flammis expiantur Purgatorii* (m), ab Ecclesiae suffragiis excipitur; nulla est quæ non in singulis Missis Deo misoranti commendetur: uno verbo, nulla prorsus neque ab Ecclesia, neque à Deo ipso derelinquitur. Quod ut solemnitus innotesceret, insuper constitutum fuit ut quotannis celebraretur *Commemoratio omnium Fidelium Defunctorum* qui in Christiana Communionem diem supremum obiissent (n). Quà quidem occasione invitati Fideles, parentum propinquorum, amicorum & benefactorum non omnino imme-

mores, præcipuè tamen, juxta Ecclesiae intentionem, pro omnibus omnium temporum, locorum & conditionum Defunctis orarent, specialius oraturi cæteris diebus pro quibuscumque sibi sanguine, affinitate, amicitia conjunctis (o). Illa verò mortalium precum solemnitas præcipuè testis est conjunctionis illius mirabilis, quæ Cæli Terræque & Purgatorii tripartita Ecclesia copulatur; cujus virtute, *charitas*, quæ nunquam excidit (p), gloriam, tribulationem, salutem membrorum, solidam rem facit totius corporis.

Eà charitate impulsus, Missæ Sacrificio salutari publicisque supplicationibus jungimus privatas orationes (q); *panem & vinum super sepulchrum justis constituimus* (r), id est, egenos, eà intentione ut pro mortuis orent, adjuvamus & pascimus. Nec ambigi ullomodò potest quin Defunctorum animæ, quarum peccata seu peccatorum reliquias *ultor & Purgatorius ignis exurit ac depascitur* (s), inde sublevantur (t); dum scilicet, Deo misere, imminuuntur supplicia, vel abbreviatur suppliciorum tempus. Non igitur, ut sæpe fit, una sit cura splendide sepulture: » verùm illa quæ » adjuvant spiritus defunctorum,

(i) Num. 20, 30. Deut. 34. 8.

(k) Exhort. cast. c. 21.

(l) Tert. de monog. cap. 10. S. Cyr. sup. S. Ambr. or. fun. Valent. Theod. S. Aug. de sancta Monie. sup. S. Greg. lib. Sacram.

(m) Idem, in Pl. 3. Pœnit. v. 1. n. 1.

(n) Hæc primum instituta fuit in Ord. Cluniac. à S. Odilone Abb. an. 998.

(o) S. Aug. de cura ger. pro mort.

cap. 18. §. 22.

(p) 1. Cor. 13. 8.

(q) S. Aug. de verb. Ap.

(r) Tob. 4. 18.

(s) S. Ambr. in Pl. 36. v. 15. n. 26. S. Basil. in cap. 9. 11. vif. 9.

(t) S. Chrys. Hom. 80. in Joan. S. Hier. Ep. 16. ad Pamach. cap. 1. (al. 54.) S. Aug. sup. Conc. Paris. an. 1518.

„ oblationes, orationes, erogationes, multò pro eis observantiùs, „ instantiùs, abundantius impendant, qui suos, carne, non spiritu mortuos, non solum carnaliter, sed etiam spiritualiter amant (u). „

Dum verò Missas pro Defunctis celebrari curant Fideles, caveant Presbyteri ne quid contra Ecclesiæ Leges peccentur. Missæ Defunctorum propriæ, nec diebus impeditis, nec sæpiùs quàm par est, celebrentur. Missa, ut plurimum, Officio diei sit conformis: alioqui legirimus ordo inturbatur, nec magis sublevantur Defuncti, quibus intentio per Missam diei applicari potest, superadditâ etiam illius de quo sit Officium, Sancti intercessione. Quin etiam Pastores procul omnia superstitionis commenta eliminant, quæ, vel pietas nimium credula, vel animorum teterrima pestis avaritia usquam invexerit. Et quamvis pro certo Fideli defuncto, salvâ generali intentione, Sacrificium offerri legitimè possit (x), nemo tamen faciliè confidat per definitum Missarum numerum, vel per Missam in *Altari privilegiato* celebratam à flammis piacularibus certam animam haud dubiè liberari. *Sacrificio saluari mortuorum spiritus adjuvantur*, hoc unum indubitanter constet (y) : quod his abun-

dantius est, ab imprudenti curiositate atque inani confidentia est.

A PASTORIBUS autem cæterisque Presbyteris & Clericis funera, ipsaque pro Defunctis Anniversaria sæcta & Officia, *Obitus & Fundationes* eo pietatis Religionisque sensu & exteriore habitu perficiantur, qui voris Ecclesiæ ac *Fundatorum* intentionibus respondeat (z). Curet ipse Parochus diligenter ne huiusmodi Officia præcipiti celeritate devolvantur; ne pro decenti modulatione Psalmi gementis & obsecrantis, tumultuetur cantus incompósitos & promiscua Chori utriusque volubilitas; ne, pro pietate orantium quæ mortuis prosit, emineat irreligio malè psallentium quæ vivos offendant. In *Fundationibus* exequendis servetur locus & dies indictus. Si impedito die occurrat *Fundatio*, ipsa libero die anticipetur, vel in proximum diem liberum transferatur. Vetat Religio atque ipsamet æquitas, ne *Fundationes* in Quadragesimam, aliamve commodiorem anni tempestatem sine legitima causa differantur. Absit multò magis hoc tantæ negligentie dedecus, ut instituta pro mortuis Officia Scholæ-Magistro celebranda relinquantur; quo ad extremum delegante; ea, cum ingenti Fidelium scandalo ac *Fundatorum* detrimento, irreverentes pueri confusè clamorè que deblaterent.

(u) S. Aug. de verb. Ap. Serm. 172. c. 2. Vide Stat. Syn. D. Eust. du Bellay, Paris. Episc. an. 1557. can. 8. in Synod. pag. 191.

(x) S. Aug. Conf. l. 9. c. 12. Cont.

Ps. II, an. 529. can. 3. &c.

(y) S. Aug. de verb. Ap.

(z) Conc. Trid. sess. 25. decret. de Purgat. in fine.

CAPUT II.

DE Sepulturis.

CURAM sepeliendi mortuos natura suggerit, & consecrat ipsa Religio. Innatam in corpora Defunctorum pietatem perficit Christiana fides. De Christianorum antiquis sepulturis. Fidelium pietas in ipsosmet Infideles ex contagione mortuos. Ne immodica sit cura sepultura. Inanis funerum apparatus.

SEPULTURA hominum ita & Fidelibus, & Infidelibus, per omnia retrò secula pium opus visum est, ut quicumque eam neglexissent, aut barbari, aut impii apud omnes haberentur (a). » Statim ab initio » per Patres legem dedit Deus de » sepeliendis & abscondendis mortuis corporibus, ut etiam taciti » omnes confirerentur resurrectioni » nem : quidquid enim terrâ à nobis » obruitur, in spem resurrectionis occultatur (b). » Eâ spe incitatus Abraham, pater credentium, sibi & familie speluncam emit cum agro in possessionem sepulcri (c). Et quidem in sacris Litteris commendata invenitur pia cura defunctorum (d) : quâ sollicitè intrepidèque susceptâ, Tobias laudatur, arque à Deo remuneratus legitur (e). Quin etiam, cum mulier alabastrum unguenti pre-

tiosi effudisset super caput JESU recumbentis, ejus obrectatores hoc potissimum nomine refellit Salvator mundi, quòd ad sepeliendum se pia mulier id fecisset (f). Honorificè pariter in Evangelio commemoratur, non modò Joseph ab Arimathæa, qui, accepto corpore (JESU) involvit illud in sindone munda, & posuit illud in monumento suo novo, quod exciderat in petra (g), sed & sanctæ mulieres, quæ, priusquàm ad monumentum proficiscerentur, emerant aromata, ut venientes ungerent JESUM (h).

JAM verò innatam hominibus in corpora Defunctorum pietatem mirum in modum perficit fides Christiana, quâ confidimus singulos Fideles in Domino mortuos, quorum corpora sunt membra Christi & tem-

(a) Vide S. Aug. de cura ger. pro mort. cap. 18. §. 22.

(b) S. Achan. q. 111. ad Antioch. Vide S. Aug. sup.

(c) Rom. 4. 11. Gen. 23. 17. & 50. 13.

(d) Eccli. 38. 16.

(e) Tob. 1. 20. & 2. 14. 5. 7. & 11. 12.

(f) Matth. 26. 7. 12.

(g) Matth. 27. 57. 59. 60.

(h) Marc. 16. 1.

pla Spiritus sancti, esse in eodem CHRISTO JESU gloriôsè resurrectoros. Si enim meretur anima rationalis domicilium non projici temerè, sicut cadavera brutorum (i), in quibus omnia simul pereunt; quântò minùs contemnenda & abjicienda sunt Fidelium corpora, quibus tanquam organis & vasis ad omnia opera bona usus est Spiritus sanctus (k), & quæ superstici animæ in societatem gloriæ immortalis irerum jungenda sunt? Hinc sancti Patres sepulturæ curam summopere commendant (l): quorum unque nonnulli eam tantî fecere, ut propter ipsam veudenda Sanctuarii Vasa censuerint (m). Hinc prisca Fideles religiosam Exequiarum sollicitudinem gerebant; gravissimoque dolore afficiebantur, si quando, diu noctuque observantibus tyrannorum satellitibus, Martyrum corpora sepelire non potuissent (n). Hinc memoriz proditum est quanto pretio Reliquias eorum a tortoribus redimerent; quàm ingeniosâ simul atque interritâ pietate pignora illa veneranda, trunca membra, ossa semiustulata, collapsos cineres inhumanæ infidelium vigilantiz, & pro sepultura contumeliam paran-

tium immanitati subducerent honorificè tumulandos (o); quantam hujusmodi sepulcris magnificentiam adjungerent; quantâ religione ad ipsa, quasi ad Martyrum concilia, pernoctarent (p).

Nec minor cæteris Fidelibus cura sepulturæ impensa est. Non, quemadmodum Græcis & Romanis, ita & Christianis corpora incendere solitum fuit. Neque illis magis probata Ægyptiôtum superstitio, ampla ædificia pro sepulcris excitantium. Sicut mos erat Judæis sepelire, Fideles corpora terræ mandabant, priùs lota, uncta, atomatibus condita (q), linteis involuta mundissimis, imò nonnunquam pretiosis induta vestibus (r). Ante sepulturam, tribus diebus eadem exposita servabant, in precibus advigilantes. Ipsa deinde ad tumulum efferebant, comitantibus Cereis & facibus, Psalmis resonantibus, & Hymnis (s). Pro Defunctis ab omni ævo erogatz pauperibus fuerunt elemosynæ, oblatæ preces, & immolata Redemptionis nostræ Victima. Hæc autem procul dubio in fide resurrectionis exequiebantur Christiani (t); quâ quidem in fide, mortem charorum pro somno, mortuos pro dormienti-

(i) Orig. cont. Cell.

(k) S. Aug. de cura pro mort. c. 3.

(l) Orig. Hom. 3. in Levit. 3. S. Aug. de civ. Dei, l. 1. Sozom. Hist. l. 7. c. 27. Conc. Valent. in Hisp. an. 524. can. 4. Auliss. 578. can. 15.

(m) S. Amb.

(n) Min. Oâ. p. 31. Eccl. Hier. c. 7. Euseb. Hist. Eccl. l. 5. Athenag. apol. 1. n. 27. c. an. 178.

(o) Acta SS. Tharaci, &c. Epist. Eccl. Smyrn. ad Eccl. Ponti, de S. Polyc. apud

Euseb. Hist. Eccl. l. 4. c. 15. Ed. Vales.

(p) Thomass. disc. p. 1. l. 1. c. 55. n. 11. &c.

(q) Joan. 19. 40. Ait. 9. 37. S. Greg. Hom. 38. in Ev. n. 15. Eccl. Hier. c. 7. Tert. Apol. n. 42. Sozom. Hist. l. 8. c. 19.

(r) Tert. sup.

(s) Vide ordinem exequiar. S. Cypr. in ejus vitâ; & S. Hier. de vita S. Pauli Erem.

(t) S. Aug. de cura ger. pro mort. suprâ.

bus (u), sepulturæ loca pro *cæmeteriis* seu *dormitoriis* (1) habebant. Hinc à nonnullis *Agri Dei Cæmeteria* nuncupantur: ubi nempe Corpora Fidelium, ceu grana frumenti in tertam cadentia, postquam mortua fuerint, fructum allatura sunt pro corruptione incorruptionem, pro ignobilitate gloriam, pro infirmitate virtutem, pro mortalitate vitam immortalem (x).

Nec verò, ut Judæis Lex præceperat, contaminatos se mortui contactu aut cadaveris sepulturâ immundos existimabant Christiani. Tanta apud ipsos erat corporum reverentia propter intromissam Eucharistiam! tam firmâ fide credebant ea per illius divini germinis virtutem de corruptione olim esse sublevanda (y)! Quinimò præpositos sepulcris *fossore*s habuit Ecclesia, qui Clericis annumerati aliquandò reperiuntur (z). Sæpè corporibus adjiciebantur dignitatis insignia, instrumenta Martyrii, sanguis in phiala vel spongia, epitaphium, aut nomen, numismata, Cruces, Evangelium, frondes laureæ, seu folia cujuslibet arboris perpetuò viridis (a), tanquam in fide hujus verbi: *Iusti quasi virens sotium germinabunt* (b).

Neque hæc solummodò Fidelium in Fideles tanta fuit cura se-

pulturæ. Quin etiam, cùm sæda lues varia loca depopularetur, ipsosmet Infideles, quos ægrotantes omni ope & solatio adjuverant, honestâ sepulturâ donabant Christiani (c); sicque humanitatem, vel seclusâ Religione, venerantes ac diligentes, omnium benefactorum matrem esse philosophiam christianam evidenter ostendebant: dum, è contrario, Gentiles contagionis metu barbari, arctissimâ secum necessitudine conjunctos expellerent, ac velut inimicos fugerent, semivivos projicerent in vias, atque insepultos bestiiis avibusque voracibus escam relinquere non perhorrescerent (d).

» Sic igitur pro viribus cura se-
» peliendi, & sepulcra constru-
» di (e). » Attamen Fideles de pro-
» pria vel suorum sepulturâ non sin-
» plus æquo solliciti. Exuviis suis mor-
» talibus quid eventurum esset, pa-
» rum curabant sancti Martyres (f):
» imò S. Ignatius ita se, quasi fru-
» mentum Christi, dentibus bestia-
» rum moli exoptabat, ut nihil de
» corpore suo residuum maneret (g).
» Enimverò sicut peccatoribus divi-
» tibus nihil profunt exequiæ sum-
» tuosæ, ita nihil nocent, aut vi-
» les, aut nullæ sanctorum paupe-

(1) *Κοιμητήριον*,
id est,
dormitorium.

(u) Gen. 47. 30. Deut. 31. 16. 1. Reg. 7. 12. Job, 31. 26 Pf. 87. Dan. 12. 2. 1. Mach. 12. 45. 1. Cor. 15. 6. 18. 20. 1. Thess. 4. 12. 13. 14.

(x) Joan. 12. 24. 1. Cor. 15. 42. 43. 44. Vide Tatian. cont. Græc. p. 146.

(y) Joan. 1. 7. Vide S. Iren. adv. Hæc. (z) Baron. an. 128.

(a) Thomass. disc. p. 2. l. 3. c. 13. n. 4. (b) Prov. 11. 28.

(c) S. Dionys. Al. ap. Euseb. S. Cypr. (d) S. Dionys. Al. lûp.

(e) S. Aug. de verb. Ap. c. 1. (f) Idem, Conf. l. 9. c. 11. Tatian.

(g) S. Ign. Ep. ad Rom. c. 4.

rum sepulturæ (h). » Viretur super-
pervacuus omnis apparatus (i). Ni-
hil magis à ratione alienum, quàm
si vel ipsâ in morte, quæ nobilem
& ignobilem, pauperem ac divitem

adæquat, splendida pompa osten-
tetur. In sepultura Fidelium nihil
desit pietati; sed nihil vanitati con-
cedatur. Viretur simul avaritia: ser-
vetur usus locorum pius ac religiosus.

(h) S. Prosp. sent. 89. (i) Conc. Rem. an. 1581, tit. de sepult. n. 1.

CAPUT III.

DE loco Sepulturæ.

*ANTIQUORUM Fidelium Sepultura. Non omnes indistinctè in Ecclesiis
tumulandi. Cæmeterium, communis Fidelium sepultura. Munimenta
Cæmeterii. Quid venerationis imponant Cæmeteria. A Cæmeteriis ar-
cenda quacumque in iis dedecrent. Quadam notanda.*

AB ipsis Christianæ Religionis
incunabulis institutum fuit, ut,
quantum provideri & effici posset,
Fideles seorsim ab Infidelibus tu-
mularentur. Grassante Ethnitorum
furore, sepulturæ locus aliquandò
Christianis erat is qui primus se
dedisset obvium, etiam promiscuè
cum Gentilibus. Attamen plurimis
in locis, vel mediò persecutionum
æstu, sua Fidelibus Cæmeteria non
deceant (a). Ipsi verò postea pro-
priam ubique sepulturam habue-
runt (b). Olim extra urbes sita erant

Cæmeteria (c): & juxta primæ-
vam institutionem, rarè in Ecclesiis
sepulti sunt Fideles; qui honos Mar-
tyribus & Episcopis fuit reservatus
(d). *Constantinum Magnum filius ita-
dem ingenti honore affecturum se
existimavit, si eum in Piscatoris
vestibulo, id est, in atrio Basilicæ
Apostolorum conderet: quem lo-
cum ipse sibi designaverat Constanti-
nus (e). Deindè in Ecclesiis se-
pulti sunt Clerici, ipsique Fideles
pietate conspicui (f). Et postquàm
Martyrum corpora è Cæmeteriis,*

(a) Baron. an. 126. 259. 269.

(b) Terr. ad Scap. c. 3. S. Cypr. Ep.
68. (al. 67.) Eccl. Hier. cap. 7. Hincm.
Rem. Capit. 1. n. 12.

(c) S. Chrys. Hom. 74. in Matth. Conc.
Bracar. II, an. 565.

(d) S. Ambr. l. 7. Ep. 2. (al. 12.)
n. 11.

(e) S. Chrys. Hom. 26. in 2. Cor. Eu-
seb. de vit. Constant. l. 4. c. 60.

(f) S. Hier. Ep. 27. c. 13. (al. 86.)
Conc. Mogunt. I, sub Rab an. 847. can. 52.

ubi usque ad Ecclesiæ pacem jacuerant, translata sunt in Basilicas sub eorum invocatione dedicatas; cum id putaretur animabus profuturum, si corpora tumularentur ad Martyrum sepulcra (g), multi postea in Ecclesiis sepeliri ambierunt: quod quidem nullo discrimine omnibus aliquandiu concessum videtur. Reliquiarum scilicet veneratio & magis distincta resurrectionis fides longè à Christianis horrorem illum abegerant, quem veteribus atque ipsismet Israëlitis incutiebant cadavera & sepulture. Ea tamen intrà Ecclesiis humatio tam severè deinceps prohibita invenitur, ut, ubicumque sepulta fuissent corpora, ibi Oratoria & Basilicas extrui non liceret (h). Quinto seculo, & sequentibus fere omnibus, non modò Ecclesiæ, verùm etiam Imperii Legibus vetitum fuit ne in Basilicis ququam sepeliretur (i). Excepti vòrò sunt » Prælati & Ministri Ecclesiæ, » Principes, Fundatores Ecclesiarum, » Patroni & Domini locorum; aliquo Magistratu cum honore sancti, ac de Republica » benè meriti, ac tandem ante » quum in Ecclesia sepulture jus habentes (k).

Apostolorum igitur, Martyrum aliorumque Sanctorum sedem humandis corporibus nemo æstimet esse

omnibus indistinctè concessam (l); Fidelibusque persuasum sit, hanc legem etiamnum vigere, ut intrà Ecclesiā, & maxime prope » Altaria, non ita facillè admittantur sepeliendi; sed illi tantum, » quos aut dignitas Ecclesiastica, aut » nobilis prosapia, aut virtutum » laudabilis splendor commendarent (m); » utque cæteri Fideles humentur in Parochiæ ubi decesserint, Cœmeterio, loco honorando & venerando, cum aliis ejusdem ordinis sanctis corporibus (n).

Quisquis autem, salvâ eâ quam locus facer exposcit, reverentiâ, intrà Ecclesiā sepeliatur, sepulcri pavementum triduo, ut tardissimè, post Exequias, hæsedum impensis rescietur. Cavendum erit insuper ne quid inde cultui divino impediementi vel indecori asseratur. In quovis Ecclesiæ loco sepeliatur defunctus, quacumque dignitate præfulgens, supra soli planitiem tumulus nunquam attolletur (o), in Choro præsertim & Navi Ecclesiæ Parochialis. In Sacellis quidem, maxime apud Regulares, concedi aliquandò possunt ejusmodi sepulture, ac præsertim cum sunt familiis hæreditariæ. Sepulcra Sacerdotum à Laïcorum sepulturis deceret esse distincta: illa nempe Altaribus

(g) Const. Ap. l. 6. cap. ult. S. Aug. de cura pro mort. c. 4. & 18. §. 22.

(h) Conc. Bracar. II, can. 18. S. Greg. I. 2. Ep. 9. (al. 12.) Theodolph. Aur. Capit. c. 9.

(i) Conc. Vaf. Bracar. Nannet. &c. Vide Gratian. Decret. Valent. Theod. Cod. l. 1. t. 2. l. 2.

(k) Conc. Bitur. an. 1584.

(l) Cod. sup.

(m) Conc. Narb. an. 1609, c. 24.

(n) De Eccl. Hier. Vide Conc. Nannet. can. 6. Meld. an. 845. can. 72. Tribur. an. 895. Mediol. I, an. 1565. Rem. an. 1585. (o) Narb. sup.

yiciniora quàm hæc esse possunt ; semper nihilominus intervallo pedum saltem sex à præcipuo Altari distare debent : quod quidem erga Laïcos, cujuscumque sint nobilitatis vel dignitatis, multò magis observandum est, non obstante quavis in contrarium prætextâ consuetudine vel possessione. Sed in Parochialis Ecclesiæ Choro nullus, præter Parochum, Dominum ac Dominam, sepulturæ jus habere potest.

Porro Cæmeterium quasi vile sepulcrum nemo erubescat. Sua Cæmeteris Benedictio est propter Defunctos, nulla verò Ecclesiis propter illos (p) ; & constitutæ orationes inveniuntur pro Fidelibus qui in Cæmeterio jacent, nullæ autem pro iis qui in Ecclesia requiescunt (q), eò quòd nemo nisi publicè Sanctus in hac requiescere censetur. Cæmeteria igitur, sepulturæ habito respectu, Ecclesiis anteponenda sunt (r) ; & sicubi ea sepultura viluerit, ejus opinio in animis honorificè restituatur.

CURRENT etiam Parochi Vicariique diligenter ne debita Cæmeteriis reverentia ullomodò violeetur ; utque ab iis longè submoveatur quidquid locum sanctum vel levissimè dedeceret (s). Si enim apud omnes antiquos *sacrați morte lapides, venerabile marmor, tumulus sacer, somnus, quies, urna, cineres sacri, ossa sancta, jura sepulture religiosa &*

perpetua nuncupata sunt, ita ut nefandum scelus existimata semper fuerit sepulcrorum violatio ; quantò major Cæmeteriis nostris honos deferendus est ? In his utique jacent Fidelium corpora, signo Crucis, Unctionibus sanctissimis, ac præsertim divinæ Eucharistiæ tactu consecrata ; inter quos plures Sancti, amici Dei, jamque in ejus sinu supremâ beatitudine fruentes ; & qui sua corpora, ceu domum magnificentius construxerant, cum majori gloria in consummatione seculi resument (t). Tunc enim è sepulturæ locis egredietur hoc magnificentissimum nostræ fidei prodigium, quo Deus, sicut hominem formans de limo terre inspiravit in faciem ejus spiraculum vite (u), sic ipsum in terram, de qua sumptus fuerat, reversum, rursus animabit insufflans (x) : quo tandem prodigio, patefactis per loca sepulcris, refectæ humanitatis nova forma resplendet ; & pro congerie mortuorum, stabit super pedes suos grandis exercitus viventium (y). Sepulturæ igitur locus, non meta solitudo, non horrida sedes nihili, non terra quæ in æternum devoret habitatores suos (z). Hic dominatur Deus non mortuorum, sed vivorum (a) ; cujus ad vocem concusso terræ sinu, omnes resurgent hominum generationes. Nec jam, quasi regionem tenebrosam & opertam mortis caligine, Cæ-

(p) Vide ord. dedic. Eccl.

(q) Vide Missalia & Rit.

(r) Conc. Rem. sup.

(s) Conc. Later. IV, an. 1215. c. 19.

(t) S. Chrys. Hom. de dormient. §. 1.

(u) Gen. 2. 7. Gen. 3. 19.

(x) Ezech. 37. 9.

(y) Ibid. v. 10.

(z) Num. 13. 33.

(a) Matth. 22. 32.

meteria quisquam horreat (b); ex his enim, pro tenebris lux orietur, pro morte vita efflorescet, pro funereis cupressibus germinabunt palmarum immortalitatis.

His intellectis, venerationem Cœmeteriis debitam Fidelibus diligenter inculcent Pastores. Atque ut ab illis arceantur bestiarum incurfus aliarque profanationes, muro lapideo ad justam altitudinem cingantur: ubi verò defuncti lapides & cœmenta, firmis asseribus, palisve in terram defixis, vel solidâ maceriâ, densissime sepibus fossâque circumductâ muniantur (c). Occludatur ingressus janua, vel claustro ad perpendicularum stante; aut fossâ profundâ, imposito clathro ferreo seu ligneo ad soli æqualitatem respondente, hominibus quidem pervio, sed bestiis errantibus & pastum querentibus inaccessio; idque sub pœna Interdicti in Cœmeteria. Sret in medio, seu loco magis conspicuo, Crux lapidea, seu ferrea, aut saltem lignea, sed erecta firmiter (d): trophæum scilicet CHRISTI JESU mortem debellantis, in medio mortis imperio constitutum; signum professionis Defunctorum circumquaque jacentium; vexillum triumphale sub quo usque ad mortem certaverunt, & cuius virtute olim resurrexerunt.

Nullus igitur sine Religionis ac pietatis excitatissimo sensu terram

illam benedictam ingrediatur vel conspiciat, cujus de gremio, ossa nunc humiliata, & quasi semina fulcis credita, in vitam æternam pullulabunt (e). Renimiscatur unusquisque parentes, propinquos, conjugem, affines, amicos, benefactores, notos & cives mortuos, vivorum suffragia imis de sepulcris implorantes, & velut propriâ cuiusque voce dicentes: *Miseremini mei, miseremini mei, saltem vos amici mei, quia manus Domini tetigit me* (f). Qui nempe circa Ecclesiam mediâ orantium frequentia idcirco tumulati sunt, ut non vacuo nomine *Memorias* seu *Monumenta* circumposita intuens, statim quisque animas sibi charissimas in mente habeat, Deoque optimo commendet. Quid plura? eo spectaculo, quicumque transit, admonetur, ut, propriæ conditionis memor, in terris advenam se & peregrinum, sicut omnes patres suos, agnoscat, & meliorem patriam appetat, id est, cœlestem (g).

Absit autem ut in Cœmeteria irreligiosum se quisquam præbeat. Ne fas sit intrâ eorum septa choreas aut ludum quemlibet agitare, segetes flagello triturare, nundinas, mercatus, vel Communitatis conventus habere (h): quæ quidem, sub pœna Interdicti in Cœmeteria, districtè vetamus. Nec Pastores un-

(b) Job, 10. 21.

(c) Stat. Syn. D. Franc. de Harlay, Parif. Archiep. an. 1673. art. 18. Synod. Eccl. Parif. pag. 290.

(d) Mediol. II, an. 1576. tit. 14.

(e) 1. Cor. 15. 44. Pf. 50. Ecclesi. 46. 14.

(f) Job, 19. 21.

(g) Pf. 38. Hebr. 11. 16.

(h) Conc. Vinton. sup. Stat. Syn. D. Eust. du Bellay, Parif. Episc. an. 1557. n. 9. de Cœmet. in Synodico, pag. 191.

quam in illis Jus dici patiantur, ulla quoquomodò & quandocumque merces venales exponi, turpia aut profana legi vel cantari, à circumforaneis pharmacopolis medicamenta credulo vulgo distribui. Nec verò cuiquam Parochiano usui sint. Nemo in iis deambulare audeat, nere vel fuere; frumentum aut grana quolibet ventilatione purgare; stipulam, cannabim aut linum, fruges, pannos, vestimenta, lintea, telas aliudve quidquam dealbandum vel siccandum expandere; per ea, quasi per viam publicam, hùc & illàc transire, aut res profanas onerave asportare (i). Ea nunquam liceat, etiam utilitatis Ecclesiæ prætextu, ad pastum animalium locari (k), in iis quidquam feri vel arbores plantari; concessà tantùm in circuitu, arborum coronà, cum aliis nonnullis Ecclesiæ propriis, ubi supervacua Cæmeterii amplitudo angulos relinquer sepulturis vacantes, atque à muris Ecclesiæ duodecim saltem pedibus distantes. Nec sinat Parochus in Cæmeterio reponi lapides, ligua, cæmentum, calcem, arenam, aliamve materiam, nisi ad Ecclesiæ facta testà; aut quidquam aliud profanum, indecorum atque à loci sanctitate alienum occurrere vel remanere. Ipsum denique ab omnibus immunditiis purgari oportet (l), rubosque ac vepres succidi & in ipso loco exatescere.

Circumdatus Cæmeterio munita integra servare, onus est in

Parochianos incumbens (m). Id summx curæ habeant Pastores: ipsi verò incolæ opus illud suum, quandò necessarium erit, nullà interposità morà suscipiant. Dum autem ea reficiuntur, nulli privato liceat januam seu transitum sibi commodè per Cæmeterium disponere, etiam ut pervium ad Ecclesiam iret habeat (n).

Nulla sub Ecclesiæ vestibulo sepultura concedatur, neque in illa parte Cæmeterii per quam patet ad Ecclesiam transitus. Sive autem in Ecclesia, sive in Cæmeterio, ad quatuor saltem pedum altitudinem sepulcra fodiantur; ne, terrà leviter injectà, vivis noceat sepulcralis vapor; neve corpora Fidelium effodere possint canes alixque, bestix, sicque oculis subjiciantur tristes semiseputæ humanitatis ruinx.

BENEDICTA esse debent Cæmeteria, priusquàm ulla in iis corpora tumulentur; exceptà parte aliquà, sive angulo, defunctis sine Baptismo Infantibus destinato, & quantum fieri poterit, sejuncto. Nullum autem benedicatur novum Cæmeterium, nisi de nostra licentia expressà & scripto concessa.

Nullus in Communione Fidelium defunctus extra Ecclesiam aut Cæmeterium ritè benedictum sepeliendus est. Si quandò, propter eventum aliquem improvisum, aliter fieri cogat necessitas; Crux ad sepulcri tumultuarii caput fixa re-

(i) Conc. Mediol. IV, part. 1. tit. 16.

(k) Camer. II, an. 1586, tit. 13. c. 6.

(l) Stat. Syn. D. Eust. du Bellay, ubi suprà, pag. 193.

(m) Conc. Mediol. IV, de orn. loc. sacr.

(n) Ibid.

maneat, undè significetur hominem in Christo quievissè; & corpus, ut primum se dederit opportunitas, in locum sacrum efferatur.

Nullum autem Corpus sepulture mandatum ex ulla qualibet Ecclesia vel Cæmeterio effodiatur ut aliò asportetur; aut etiam ex uno sepulcro in aliud transferatur, licèt intrà eandem Ecclesiam vel intrà idem Cæmeterium, nisi de nostro speciali concessu (o); qui si, urgente causâ gravissimâ, concedatur, dili-

genter vitandum erit scandalum. Si quis Excommunicatus denunciatus, vel nominatim interdictus, in Ecclesia vel Cæmeterio sepultus fuerit; ipsum ex indebito sepulcro erui jubent Leges Canonice: suadet verò in hujusmodi casu prudentia, ut nihil, inconsulto Præsule Diocesano, agatur. Si denique locum habuerit exhumatio, Ecclesia deindè, vel Cæmeterium, de Ordinarii licentiâ, reconciliandum erit (p).

(o) Stat. Syn. D. Steph. Poncher, Paris. Episc. ante an. 1519. de Sepult. in Synodico.

(p) Inn. III, decret. l. 3. tit. 28. c. 12. & tit. 40. c. 7. Clement. l. 3. tit. 7. c. 1.

CAPUT IV.

QUIBUS concedenda, quibus deneganda sit Ecclesiastica sepultura.

GEMITUS Religionis, dum quosdam à sepultura sancta rejicit. Iis deneganda Ecclesiastica sepultura, qui extra finem Ecclesiæ decesserint. A sepultura Ecclesiastica quinam præterea repellendi. Quibus deest Ecclesiastica sepultura, iis minimè desint humanitatis officia. Violentè aut subià morte oppressi.

QUEMADMODUM. spiritus vivis, ita & mortuis terra communis est (1). Quamvis autem Religio vulgare humanitatis officium in Defunctos ut sanctum quiddam meritò consecraverit; dum tamen eos qui obdormierunt in Domino piè honorifi-

cèque sepelit, profanos, quibuscum nulla sibi fuerat societas, repellit à sepultura cui benedicit, ac denique dimittit mortuos sepelire mortuos suos (a). Neque idcirco humanitatem abjicit, quam dolet fontem ac miseram, studetque pu-

(1) Cicero.

(a) Matth. 8. 22.

ram efficere ac beatam; neque hominem designatur, quem nascentem regenerat, illuminat cæcum, valentem ditigit, infirmum consolatur, adjuvat morientem, lugeretque mortuum, nisi monstraret olim resurrecturum. Sed Majestatem Numinis, cujus tuenda jura suscepit, fletus & invita ulciscitur pœnâ quidem gravissimâ, verum necessariâ, ut ceteri timorem habeant (b), nihilque committant propter quod extra terram sanctam, quasi bruta animalia, defodiantur.

Parochos igitur latere non debet quinam Ecclesiasticâ sepulturâ honestandi sint, quinam ab illa ipso Jure excludantur; ne cuiquam omnino aut eam concedere iniquè detrectent, aut immetitè & contra sanctorum Canonum instituta concedant.

QUICUMQUE in sinu Catholicæ, Apostolicæ & Romanæ Ecclesiæ, sicque in *Communione Sanctorum* obierint, iis concedenda est Ecclesiastica sepultura; id est, in terra sancta cum Precibus, cantu, solitisque Cæremoniis tumulandi sunt. Contrâ verò, iis honor ille denegandus est, qui diem extremum clauserint extra sinum Ecclesiæ: sive nunquam in ipsum ingressi; sive olim ingressi, postea segregaverint semetipsos (c), & per Sententiam segregati fuerint. Tales sunt,

1°. Infideles (d), qui regenerationis lavacro tincti non fuerunt: Pagani videlicet, Mahumetani, Judæi, atque ipsi, prohi dolor! infantes à Fidelibus parentibus geniti, qui non baptizati, sine fidei signaculo decesserunt.

II°. Apostatæ à Religione Christiana, Hæretici & Schismatici denunciati, eorumque fautores (e).

III°. Excommunicati similiter denunciati (f). Si tamen, antequàm è vivis excederent, pœnitentiæ signa exhibuerint, illis concedi poterit Ecclesiastica sepultura, postquàm, de Ordinarii Mandato, absolvi à Censura fuerint, secundum formam quæ in Pastoralis hujus Parte Rituali occurrit sub hoc titulo: *Ritus absolvendi Excommunicatum jam mortuum*.

Quoniam Interdicti denunciati non eo ipso à Fidelium Communionem sunt præcisi, post mortem nihilominus Ecclesiasticâ sepulturâ carere debent, ubi hanc pœnam exprimit Sententia, cujus sub anathemate constituti obierunt. Eodem modo in illos agendum est, qui, dum vigeret Interdictum, in loco interdicto diem supremum obierint (g).

Si quis præterea in duello interemptus fuerit, is non erit Christiano more sepeliendus, nisi, adhuc vivens, confessis peccatis, Absolutionem sacramentalem perceperit.

(b) 1. Tim. 5. 10.

(c) Juda, v. 19.

(d) Conc. Bracar. II, an. 563. can.

37.

(e) Inn. III, Decret. l. 3. tit. 28.

e. 12. Clem. V in Conc. Vienn. ecum. an.

1311. Clement. l. 3. tit. 7. c. 1.

(f) Ibid.

(g) Greg. IX, Decret. l. 3. tit. 28. c. 14.

rit, aut certe aliqua poenitentiae signa ostenderit.

Neque funeribus Ecclesiasticis honestandi sunt, qui, non casu, invitoque animo, vel per pluresim aut infaniam quoquomodo sui impotes, sed per desperationem aut voluntarium furorem, violentas sibi manus intulerint; nisi, antequam ultimum spiritum efflarent, *suicidium* vehementer dolere se comprobaverint (*h*).

Idem erga eos observandum est, qui occisi fuerint in evidenti scelere, si nullomodo poenitentes se praebuerint (*i*): erga illos pariter qui suo instituto infames habentur, quales sunt Comædi, mimi, histriones; nisi tamen scenicae professioni omnino ante obitum renuntiaverint: uno verbo, in quoscumque peccatores publicos iudicè *notorios*, quorum de poenitentia in extremis testimonium non reddiderit saltem unus testis fide dignus. Quod spectat eos qui præcepto Paschali non satisfecerunt, nihil, inconsulto Pontifice Diocesano, statuendum est (*k*). Quinimò satius erit hoc ipsum in quocumque ex prædictis Casibus, tum fieri poterit, observari.

Sontes ultimo supplicio affecti, si poenitentiam prius manifestaverint, poterunt quidem, de secularium Iudicum licentia, in loco sancto sepeliri; sed ad vespetam, nullisque adhibitis Cæremoniis. Si ergò

Pastores, aliive eorum nomine Sacerdotes in huiusmodi funeribus inter sint; hoc spontaneæ charitatis opus exerceant, neque Superpelliceo, neque Stola ornati, & sepulturae Officium submissâ voce recitent; nisi fortè, postulantis propinquis, alicui cruciario sepulturae sollemnis præter solitum concedatur.

Quibus funebria Religionis honestamenta pro meritis denegantur, iis tamen, ob revententiam imaginis Dei, quantumlibet deformatae, suprema non desint humanitatis officia. Eorum igitur cadavera non insepulta projici, sed humo extra Cæmeterium regi oportet (*l*): nisi fortè, ad vehementiorem, scelerum horrorem incutendum, in cruciarios quosdam præ cæteris infames aliud constituerint qui supremam Legum animadversionem in societatis tutelam exercent. Solius enim *Dei ultionum* est (*m*), vel *sublimis potestatis ad vindictam malefactorum divinitus ordinata* (*n*), hanc insoliti terrors pronuntiare Sententiam, ut quis propter facinorum immanitatem insepultus projiciatur.

Qui à latronibus aut sicariis occisi fuerint, vel qui cum violentæ mortis indicis, aliisve adjunctis quæ tali suspicioni locum præbeant, domi aut foris mortui invenientur,

(*h*) *S. Greg. Turon. Hist. l. 4. c. 34. Conc. Bracar. II, can. 16. Inn. III, Decret. l. 3. tit. 28. c. 11. De his omnibus vide Stat. Syn. D. Steph. Poncher, ante an. 1519: necnon D. Eust. du Bellay, an. 1557, can. 8. in Synodico, pag. 91.*

(*i*) *C. 13. q. 2. c. 31.*

(*k*) *Vide Tom. I, de Sacram. Euch. Div. IV, cap. 2.*

(*l*) *Lailant. l. 6. c. 12.*

(*m*) *Pf. 93.*

(*n*) *1. Petr. 2, 14. Rom. 13. 1.*

eorum corpora tumulare non licebit, quin prius intervenerit Iudicis rerum capitalium Sententia: cujus quidem Sententiæ ac diei quo data fuerit, mentio fieri in

Actis sepulturæ (o). Prævia similiter expectabitur Iudicum inquisitio, cum subito mortuus aliquis repertus fuerit, etiamsi nullum emineat violentæ mortis indicium.

(o) Vide Declar. Reg. circa Paroch. Codices.

CAPUT V.

DE Exequiis Adultorum.

PULSUS Campana aliquem recens mortuum nuntians. Campana pro funcribus, in ruralibus Parochiis, non sine aliqua moderatione pulsanda. Quodnam, decessum inter & sepulturam, observandum sit intervallum. Funeris apparatus, & ritus. Quibus diebus & horis celebrari possint Exequia. Caremonia in Exequiis adhiberi solita, quid pretii habeant, quid documenti secum gerant. Circa honorarii funerei perceptionem quid sit observandum. Inopum funera: pietas in omnium funeribus necessaria. Laudationes funebres: Epitaphia: Mausolea, &c. Funebria vestimenta, & convivia.

PASTORI non sufficiat, si Parochianos ultimùm ægrotantes, atque etiam morientes, ministerii sui curis vel studiosissimis adjuvetur. Parens ejusdem piæ sollicitudo ultra cuiusque mortem debet extendi, ut ei iusta funebria, suprema illa humanitatis & Religionis officia persolvat; ut eum nempe in terra sancta Christiano more sepeliat, ac sempiternam ipsius animæ beatitudinem appetatur.

CUMPRIMUM aliquis in fide Catholica decesserit, eâ de re certior

fiat Parochus, à quo licentia postuletur Campanas Ecclesiæ pulsandi, non quidem ut mortuum lugubri sono lugeant, sed potius ut ad orandum pro quiete animæ in Dei conspectum egressæ, Fideles invitentur. Ad quod ut propriæ utilitatis respectu moveantur efficacius, Nos omnibus & singulis, quicumque pulsu Campanæ admoniti, pro anima recens à corpore digressâ Psalmum *De profundis*, reverte Orationem Dominicam cum Salutatione Angelica piè ac religiosè recitaverint, quadraginta dierum In-

dulgentiam in Domino concedimus (a).

Olim in Exequiis, luctus indicium erant silentes Campanæ: nunc faneris pars magna censetur Campanarum sonus lugubris: qui quidem ne sit justo productior, invigilent ruralium Parochiarum Rectores. In eo servetur usus locorum pius & religiosus, omnisque superstitio vitetur. Si quando, propter Defuncti ordinem excelsiorem, æris Campani feralem sonitum increbrescere exoptent propinqui; ut ejusmodi licentia obtineatur, adeundus erit Parochus, qui eam non sine adhibita quadam moderatione concedet. Nec verò se promiscue omnibus hac in re facilem præbeat; sed iis tantummodo qui propter nobilitatem dignitatemve præstantiorem, aut eximia in Ecclesiam merita, præcipuum quemdam honorem pro jure suo exposcere videantur: & hoc ipso in casu, ne pulsandi vices concedantur frequentius reperitæ, nec singulæ ultra octavam horæ partem continuentur.

Nihil utique ad mortui levamen juvat, si Campanæ diu noctuque vivorum aures importuno sonitu obtundant; quantumvis existimet vulgus imperitum eo sonitu animas à Purgatorii ignibus liberari, aut certe multum sublevari; quasi perinde valeat æs sonans ac preces & Sacrificia. Nec Pastoribus ignorum est quid vulgò per irreverentiam in Ecclesiis peccent Campanarum pulsatores, quo tumultu, quâ licentiâ

profanetur domus orationis, Deique in augustissimo Sacramento absconditi Sanctuarium. Itaque dignum pietate suâ facient Dei & Domini nostri JESU CHRISTI Sacerdotes, si talem irreligionis occasionem studeant è medio tollere; neque ipsis ad hoc deerit expetitum nostræ auctoritatis præsidium.

NULLA autem sepultura nec ante solis ortum, nec multâ nocte celebrabitur. Nullum corpus effertur (extra casum mortis celerius evidētis), nisi elapso post decessum intervallo horarum saltem quatuor & viginti, aut etiam, ut minimum, octo & quadraginta, erga illos qui subitâ morte, vel repentino ac violento morbo, aut *asphyxiam* inducente, interierint.

Tempore contagionis, mortuos, ne vivis noceant, humo citius regi interdum necesse est; sed tunc horarum saltem duodecim intervallum expectetur, semperque observetur ut de morte nullus remaneat dubitandi locus.

Mortuos à Pœnitentibus sepeliendos arque ad Ecclesiam efferendos esse, alicubi constitutum invenitur (b). Alicubi etiam Ministros ad hoc destinatos habuit Ecclesia (c). Summo perè deceret corpora Sacerdotum à Sacerdotibus sindone involvi, viro- rum cæterorum à viris, mulierum à mulieribus. Corpus Defuncti linteis funereis involutum, in loculo, seu feretro deponetur, quod super-

(a) Vide Tom. III.

(b) Conc. Carth. IV, an. 398.

(c) Cleri Rom. Ep. 3. (al. 8.) ap. S. Cyp.

induet palla sepulcralis, Ecclesiæ propria. Pallis, seu mappis Altaris, quantumcumque usu detrita sint, mortuorum, etiam pauperum, cadavera ne involvantur. Nec suant Pastores pallia, conopea, tentoria, aliave sub quovis nomine Altarium Ornamenta, aut sacras Vestes, ad feretri, vel januæ ubi exponitur Defunctus, vel pompæ funebris, vel tumuli ornatum, seu ad alium quemlibet ejusmodi usum adhiberi, quacunq; dignitate præfulserit is cuius funera curentur.

Presbyteros, cæterosque Ordinis Ecclesiastici, quemadmodum reliquos Fideles, offerri loculo inclusos, humanitati magis consentaneum videtur; quæ quidem, spiritu egresso, deformata, non ostentari se, sed abscondi postulat. Cum igitur ad sepulturam efferuntur Clerici, insignia Ordinis quo quisque honestatus fuerit, pallæ sepulcrali apponantur. Sacerdotem designet Stola violacea aut nigra, quasi collo pendula; Diaconum Stola ejusdem coloris, sed velut ab humero sinistro ad dextrum latus obliquè demissa; Subdiaconum Manipulus; Clericum inferiorem, Superpellicum.

Defunctorum corpora, etiam infantium, domo ad Ecclesiam deferri non oportet, nisi præcedentibus Cruce & Clero, saltem Parocho seu Vicario, aliove Sacerdote, & ministris. Si tamen longissimè

ab Ecclesia Parochiali distet domus Defuncti, accedente præsertim aëris intemperie & viarum difficultate; corpora è vicis longo intervallo distitis; nullà adhibita Cæremoniâ Ecclesiasticâ, afferri seu advehi poterunt usque ad ingressum urbis, oppidi seu vici in quo sita erit Ecclesia: Parochus autem, aliufve ipsius loco Sacerdos, corpora suscepturus & levaturus eò se conferat ubi deposita fuerint, eaque indè ad Ecclesiam solito more deducat.

Paulæ corpus ab Episcopis ad sepulturam elatum fuisse legimus (d): qui honos eximie sanctitati habitus, in exemplum trahi non potest. Poterunt quidem corpora Sacerdotum à Sacerdotibus aut Clericis deferri: nunquam autem ipsi Sacerdotes aut Clerici, Laicorum, quantumvis genere vel dignitate illustrium, corpora deferant. Parum decet à mulieribus vel puellis corpora ad sepulturam efferri, etiam mulierum aut Virginum, quamvis infantularum, aut pallæ sepulcralis quatuor angulos extremos sustineri, exceptis Sanctimonialibus in suis Monasteriis.

Dum corpus ad sepulturam efferretur, pro quiete animæ obtinendâ, secundum veterem Ecclesiæ traditionem, canendæ sunt preces, Psalmi & Cantica (e); sic videlicet mortis contemptum & spem resurrectionis præ se ferunt Christiani (f); sic Religio, sublimi cantu, infima &

(d) *S. Hier.*

(e) *Idem: & S. Aug. de sancta Monica.*

(f) *Euseb. de vit. Const. l. 4. c. 71.*

Eccl. Hier. c. 7. S. Hier. Ep. 17. cap. 13. (al. 86.) S. Aug. Conf. l. 9. c. 12. (al. 31.)

caduca transcendens, in manus *Dei* cui omnes vivunt, etiam mortui (g), resignatos monstrat, quos humanus affectus sibi raptos immodico luctu desiderat. Quod quidem ut expressius innotesceret, olim in Exequiis *Alleluia* cantari solebat (h). Cereos & funalia in Christianorum Exequiis deferendi perantiquus est usus (i), idèdque nunquam omittendus, etiam erga pauperes.

Jam verò accensæ faces, fidem charitatis ardentem significant, quæ Defunctus, dum viveret, carnem, mundum infernumque debellavit (k). Clerus ordiue procedens, cætum adumbrat Angelorum illi obviàm exeuntium, ut quasi triumphanti honorificum comitatum adhibeant (l). Precum denique harmonia melioris sonat vitæ expectationem. Uno verbo, cùm Ecclesiastico more pulvis pulveri redditur, pompæ funebris quasi voce spes beatæ immortalitatis prædicatur.

Corpora, sive in Ecclesia, sive in Cœmeterio tumulanda, semper, antequàm humo tegantur, in Ecclesiam inferri decet, excepto contagionis tempore, & ipso casu aliqujus corporis intolerabiliter foetentis. Sacerdorum cæterorumque Clericorum corpora in Chorum deducantur; Laicorum autem (nisi aliud, pro more locorum, exigere videatur Ecclesiarum utilitas) in Ecclesiæ Navi remaneant, quamdiù vel Mis-

sa funebris, vel Officii Defunctorum pars aliqua celebrabitur.

Sacerdotes exponuntur ac tumulabuntur quasi versâ facie ad populum, ita ut propius Altari sit caput; cæteri, tanquam versâ facie ad Altare, ita ut viciniore Altari sint pedes: quod quidem, pro situ & loco, in omnibus tum Ecclesiæ tum Cœmeterii Sepulturis observabitur.

Pestilentia vel contagionis tempore, nullum corpus in Ecclesia tumuletur; imò neque in eam ullo modò inferatur, aut deponatur in ipso vestibulo, etiam ad breve tempus: sed ex ipso loco ubi decessus evenierit, rectâ in Cœmeterium deferatur, statimque humo tegatur. Tum demùm Preces atque usitata pro Defunctis suffragia, universumque sepulchræ Officium in Ecclesia celebretur, perindè ac si adesset Corpus. Si autem (quod malum avertat Deus optimus) tam sæva grassaretur contagio, ut metuendi locus foret ne domorum adjacentium incolæ afflatu maligno afficerentur ex vicinia Cœmeterii, in quo deposita fuissent cadavera lue confecta; à Diocesano Pontifice obtinenda esset licentia benedicendi alterius Cœmeterii, justo intervallo ab urbibus & pagis, ab Ecclesiis, domibus, viis publicis omnique hominum frequentia diffisi, ut contagionis ulterius propagandæ periculum vitaretur.

(g) Luc. 10. 18. Joan. 11. 25.

(h) S. Hier. Ep. 30. c. 3. (al. 24.) Manuscr. Rem. ap. Menard, in Sacram. S. Greg.

(i) S. Greg. Nat. Or. 4. quæ est, 29. in

Tomus II.

Jul. n. 29. Et Or. fun. Græc. quæ est 10^a. Acta pass. S. Cypr.

(k) 1. Joan. 1. 4.

(l) S. Chrys. Hom. 4. in Ep. ad Hebr.

OMNIBUS anni diebus celebrari possunt Exequiæ : attamen , quantum fieri poterit , non celebrentur in Festis Annualibus & Solemnibus , ipsismet diebus Dominicis per annum , ubi præsertim unicus est Sacerdos . Ea verò antiquissimi instituti observetur consuetudo laudabilis , ut , quotiescumque dabitur opportunitas , pro commendanda anima Defuncti , præsentem Corpore , priusquam in tumulum deponatur , *Sacrificium pretii nostri Deo ad ejus Altare offeratur (m)* , exceptâ Dominicâ Palmarum , tri duo ante Pascha , Festisque Annualibus & Solemnibus-majoribus : quibus nempe diebus Missas Defunctorum proprias celebrari non permittunt Ecclesiasticæ regulæ . Quæ illis diebus propter necessitatem peragendæ erunt Exequiæ , serotinis horis & completo diei Officio peragentur , nisi aliter fieri compellant causæ gravissimæ ; & tunc Missa pro Defuncto proximâ die non impeditâ celebrabitur : quod pariter , in Ecclesiis ubi unicus est Sacerdos , diebus Dominicis & Festis cujuslibet gradûs à populo feriatis observabitur : quibus in Ecclesiis si , diebus proximè notatis , ad horas pomeridianas differri humatio non possit , intrâ Missam Dominicæ aut Festi inferetur Collecta pro Defuncto . Quoad cæteras Ecclesias in quibus plures sunt Sacerdotes , diebus Dominicis & Festis qui superius excepti non fuere , Missam in *Depositione Defuncti* celebrare licebit ante vel post Mis-

sam Dominicæ aut Festi . Quoties igitur diebus Dominicis & Festis celebranda erunt funera , ea saltem usque ad finem Missæ Parochialis divinique Officii differantur , nisi forte urgeat aliqua necessitas : quo quidem in casu ad sepulturam corpus efferatur ante inceptam Missam Parochialem , cujus toto tempore nullomodò expositum in Ecclesia maneat ; ne symbolica Dominicæ Resurrectionis commemoratio , ipsaque adumbrata æternæ Festivitatæ lætitiæ promiscuo funerum luctu aliquatenus turbetur . Sepulturæ autem exequendæ aut funeris ducendæ causâ nunquam anticipanda vel remoranda est Missa Parochialis ; diligenterque cavendum , ne Exequiarum celebratio Ecclesiæ vel Parochiæ Officia consuecta impediat vel inturbet . Neque , dum canuntur Vesperæ diei Dominicæ , aut Festi alicujus , ullum in Ecclesia corpus unquam exponatur .

Dum celebrantur Exequiæ , Ornamentorum color , tum in Altari , tum in Cleri habitu sit niger . In Missa *Depositionis* , ante Oblationem Panis Eucharistici , fiat ad Sanctuarii gradus panis & vini oblatio .

PORRÒ Ecclesia in Cæremoniis quas erga Fideles defunctos adhibere solet , Aquâ-benedictâ utitur , ipsoque thure , seu thymiamate . Corporibus Defunctorum Aquam-benedictam inspergit , ut illis , hac Cæremoniâ & precibus eam comi-

(m) S. Aug. de *sancta Monic.* Conf. l. 9. c. 12. (al. 31.)

tantibus, remissionem peccatorum, levamen in pœnis, refrigerium in flammis obtineat. Thuris vaporem excitatur iisdem impendit, signum charitatis, quâ pro ipsis offert orationes, quali thymiama usque ad thronum gratiæ ascendens. Et thure significatur offerri Deo virtutes Defunctorum, quæ odorem suavitatis usque ad Aram excelsæ Majestatis emittant, congruamque mercedem in cœlo accipiant. Hujusmodi autem honores atque Cæremonias idè in Fidelium Exequiis observari voluit Ecclesia, quod ipsorum Corpora tanquam Sponsi augustissimi JESU CHRISTI glorioso Corpori adunata, per fidem contemplatur, ut potè ipsius membra, olim, ut piè sperat, ejus Resurrectionem & gloriam felici consortio affectura.

Ex verò, quæ in Fidelium Exequiis adhibentur Cæremoniæ & Preces, ex semper in Ecclesia æstimatæ sunt pietatis & Religionis opera, tum sublevandis mortuis, tum vivis qui supersunt, in Domino consolandis perquam idonea. Ipsa etiam hac de re vigens ab omni ævo disciplina, pretiosum quoddam est monumentum, quo docemur semper in Ecclesia creditam fuisse animarum immortalitatem, futuram corporum resurrectionem, & Purgatorium, in quo patiuntur eorum animæ, qui, licet in statu gratiæ diem extremum clauserint, non ta-

men ex toto justitiæ divini satisfecerunt: quo quidem veluti fundamento stabilitur *sancta & salubris consuetudo pro defunctis exorandi* (n). Cùmque Hæretici & impii venerandam hanc disciplinam idè suggillant, ut dogmata quibus ipsa innititur, quantum assequi possunt, convellant; eò vividior studio erga ejusmodi Preces atque Cæremonias exardescere debet zelus Pastorum cæterorumque Sacerdotum.

Id omne insuper devitent Parochi, quod turpis avaritiæ, animique lucrum immodicè appetentis, & suo ministerio degeneris suspensionem posset vel levissimam afferre (o). Ut simoniacum quiddam prohibet Ecclesiastica disciplina, » sordidas exactiones, & pro exequiis defunctorum illicitas paciones à Sacerdotibus fieri; (ju- » betque ut Episcopi) in hoc de- » prehensos Sacerdotes quâ decet » severitate puniant (p). » Iis igitur honorariis contenti sint Pastores, quæ pro Sepulturis in hac Diœcesi constituit æqua taxatio. Si post Exequias nihil spontè offeratur, Pastor facultatibus pollentes leniter admonere poterit quid sibi debeant, & reluctantes ad Præfulem Diœcesanum deferre. Memor pii Tobiae, qui mortuos sive occisos concaptivos etiam capitis periculo requirebat, ut eos honorificè tumularet (q), ministerium suum

(n) 1. Mach. 12. 46.

(o) Conc. Rem. an. 1583. tit. de consult. n. 1. & 2.

(p) Narb. an. 1609. part. 24. Vide Hincm. Rem. Capit. 1. c. 12. Conc. Met. an. 155. can. 4. Nannet. can. 6. Rem.

præfide Coll. II, an. 1119. can. 4. Later. IV, an. 1215. c. 66. Solisburg. an. 1420. can. 9. Rem. an. 1583. tit. de Simoniacis. n. 9. Camer. II, an. 1586. tit. 13. c. 3.

(q) Tob. 1. 20. & 12. 12.

nulli mortuo agrè adhibere videatur, etiam pravis recipiendi honorarii difficultate. Huic tamen integra maneat facultas jus suum coram eo persequendi, ad quem rei cognitio pertinebit (r). Sed nihil ab ullo avidius sive inhumanius exigendum, nihil à pauperibus unquam postulandum est (s).

Qui moriuntur ita rerum omnium inopes, ut neque propriis, neque suorum impensis honestè tumulari possint, gratuitò curentur ipsorum funera (t). Provideat vel pia aliqua *Confraternitas*, vel, eà deficiente, charitas Pastoris, ne quis, etiam pauperimus, indecenti negligentia funeretur. Omnium Exequiis præsent humanitas & Religio, salvâ tamen, pro genere & conditione, funebrium honorum discrepantiâ. Ecclesiæ sumptibus, si fieri aliter non possit, ardeant Cerei duo ad Altare, & ad feretrum duo pariter. Ut omnia decenter fiant, studeat ipse Parochus diligenter, qui scilicet pauperum patrem se & curatorem, non modò viventium, sed etiam mortuorum esse meminerit: atque idcirco suffragia pro ipsis & Sacrificia, vel sine pretio, non omittat more Christiano celebrare. Quòd si ante meridiem celebretur sepultura, neque offerri possit, præsentē Corpore, sanctissimum Missæ Sacrificium, canentur

saltem *Laudes* Officii Defunctorum, vel unum è *Nocturnis*: si post meridiem, canentur ejusdem Officii saltem *Vesperæ*. Eâ demùm pietate ac modestiâ, sive erga divitem, sive erga pauperem, Exequiarum Cæremonias peragant Dei & Domini nostri JESU CHRISTI Sacerdotes, ut eæ ad mortuorum levamen vivorumque *adificationem*, non quasi ad turpe lucrum institutæ esse videantur.

Abstineat autem ut Pastores, ex funerum assiduitate, funera celebrent vagis oculis, evanidâ mente, animo incogitanti. Quin potius, quotiès mortuo ad quatuor pedum altitudinem desolò *pulverem mortis* injiciunt (u), totiès reminiscantur, sibi olim triste hoc ministerium Collegæ cujuscumque manu adhibendum esse: undè perpetuo velut hortamento excitati, *studeant placere Domino in regione vivorum* (x).

LAUDATIONUM funebrium usus à seculis vel remotissimis deducitur. Laudati à SS. Patribus post mortem fuere summi Principes, virique ac fœminæ illustres (y). Id verò primitus concessum fuit eximie sanctitati ac meritis in Ecclesiam præclaris; timendumque est ne erga multos impleatur illud S. Augustini effatum: *Laudantur ubi non sunt, cruciantur ubi sunt*. Funebrum autem

(r) Conc. Rem. an. 1583. tit. de sepult. n. 5.

(s) Synod. Ebroïc. an. 1576, ap. Laur. Bouch. Decr. Eccl. Gall. l. 6.

(t) Conc. Rem. sup. n. 3.

(u) Pf. 11.

(x) Pf. 114.

(y) Euseb. de vit. Const. l. 4. c. 71. S. Greg. Naz. or. fun. Cæf. fr. & Gorgon. for. & Greg. patr. & Basil. & Athan. *qui sunt* 10. 11. 19. 20. 21. S. Amb. or. in ob. Satyr. fr. & imper. Theod. & Valentin. jun. Conc. Bavaric. ap. Dingolting. an. 772. can. 13.

Laudationum, juxta Ecclesiae mentem, scopus est, ut Fideles, mortis consideratione, ad mundi contemptum & ad poenitentiam inducantur; utque vivis imitanda virtutum exempla proponantur in mortuis publicè laudatis, vel pro his orandi incitamenta sufficiantur. Nullus porro concione publicà nisi de Ordinarii licentià celebrandus est (z).

Tinulorum qui sepulcris inscribuntur, est pariter antiquissima institutio. Mortuà Rachele, *erexit Jacob titulum super sepulcrum ejus* (a). Cavendum est autem ne quid hominis Christiani memorià indignum in Epitaphiis legatur. Nec sinant Pastores Mausolæa erigi, trophæa statuasve poni, aut arma signave militaria seu spolia honoraria tumulis appendi, quin præcesserit Diœcesani Anstîtis concessus.

Luctum veste lugubri aliisque mœstitiæ signis ostendere, pervetusti moris esse cognoscitur (b). Vituperandus quidem est luctus ille vano apparatu ambitiosus & mendax, quem sola consuetudo vestibus inducit; dolore verò intimum, quem excitat sanguinis vel amicitie orbitas, palàm testificari honestum semper fuit (c). Induto igitur funebri vestimento, pii mœstoris indicia gerantur; sed luctum immodicum beata spes reprimat, dum *scimus fratres non amitti, sed pramitti* (d). Absit

ut cogitatio tumulis charorum tristius oberret. Scilicet homo sepulcri cinere non totus obruitur. Pars ejus nobilior, corpori superstes animus, crassum ac vile, quo premebatur, deposuit involucrium; olimque ipsum corpus novis dotibus præditum, ei rursus, nec jam dissociandum, adjungetur. Itaque naturam attollat Religio, quæ in sepulcris ostendit cunabula immortalitatis.

Hos sensus alto animo defixos gerant omnes cujusvis conditionis Fideles, maximè verò Pastores, cæterique Sacerdotio insigniti, ad quos pertinet eam religiosi animi cellitatem aliis, datâ occasione, suggerere. Et quidem pluitimùm deceret, viros Ecclesiasticos, ubi adsunt propinquorum Exequiis, Superpelliceo indutos inter Clerum potiùs ordinem servare, quàm agmini funereo immisceri; ac præterea fidem potiorem testari, lugubria nulla vestimentis adhibentes (e), quasi cum B. Paulo dicerent: *Neminem novimus secundum carnem* (f).

Suas ethnica supersticio Epulas ferales habuit; quas quidem *inferias, parentalia, silecunium* dicebat. Pro illis, usitatæ Christianis fuerunt *Agapæ*, seu Epulæ *charitatis*, ideòque sanctum quiddam habitæ sunt. Scilicet in ipso sepulture loco funebre convivium, vocatis pauperibus, celebrari ab initio con-

(z) Conc. Tolos. an. 1590. part. 2. cap. 10.

(a) Gen. 35. 20. Vide S. Hier. Ep. 27. & 30. (al. 80. & 84.)

(b) S. Greg. Nyss. de virgin. c. 3.

(c) Ecclesi. 38. 16.

(d) S. Cypr. de mortal. Vide S. Aug. de verb. Ap. c. 1 & 2.

(e) Conc. Tolet. an. 1473. cap. 5. Florent. & Mediol. an. 1579. Placent. an. 1589.

(f) 1. Cor. 5. 16.

fueverat. Aliud postea convivium domi institutum est, propter eos qui ad funera invitati fuerant: quod etiamnum observatur, sive in Exequiis, sive in Anniversario, sive alio quolibet die ferialium, quando, consolationis mutue causâ (g), simul cum propinquis convocantur Parochi, Vicarii, alique Sacerdotes. Quod quidem funebre convivium, etsi non videtur illaudabile, non tamen decet à viris Ecclesiasticis frequentari, nisi debitâ pietate,

modestiâ ac temperantiâ condiantur (h). Si quando igitur Sacerdotes in funereis Epulis inter sint, eo modo se gerant qui sit *consentaneus memoria mortuorum quam paulò antè recoluerunt* (i). *Mensa benedicatur à Celebrante (k)*, nullumque inter epulas misceatur non satis grave colloquium. Postquam à *sobria mensa convivæ surrexerint; præeunte Celebrante, gratiarum actiones ac Preces pro Defuncti requiæ, communi omnium voto habeantur* (l).

(g) Conc. Bitur. an. 1584. can. 27. de Cæmet. Conc. Colon. an. 1536. part. 3. cap. 29.

(h) Constit. Dioc. Bonon. in It.

(i) Ibid.

(k) Conc. Bitur. sup. Vide S. Greg. Naz. const. 2. c. 44. Hincem. Rem. Capit. 2. c. 14. Conc. Coyac. in Hisp. an. 1050. can. 5.

(l) Bitur. sup.

CAPUT VI.

DE Exequiis Parvulorum.

INFANTES non baptizati, ubinam tumulandi. Infantes baptizati qui ante rationis usum moriuntur, ubinam & quo Ritu sepeliendi. Quidnam intendat Ecclesia in Infantium sepulturis. Consolatio Fidelium parentum, mortuis ante septennium liberis. Pueri septennes & suprà, quo Ritu sepeliendi.

INFANTES qui non baptizati moriuntur, quandoquidem nunquam fuerunt *Communione Sanctorum* participes, sepulcri societatem cum iis habere nequeunt. Cæremonia religiosa nec esse nec dici potest eorum sepultura: nullum huic adhibetur Sacerdotale ministerium, nullus Ritus sacer; neque Campani ætis so-

nitus, neque Cerei, neque cantus, neque preces, quæ quidem Adæ filium adhuc sub veteri maledicto jacentem nihil juvarent. Quamvis enim infantes illi ex Fidelibus parentibus nati sint, cum tamen renati non fuerint ex aqua & Spiritu sancto, minimè ad populum Dei pertinent, nec possunt in ejus reg-

num introire (a). Iis opitulari eheu! nequit Religio, ipforumque fortiteri deſter, *Dei cujus vult, miſerentis* (b), inſcrutabile iudicium adorans.

Eccleſia autem, quibus infantibus Mater eſſe non potuit, eorum exuvias non quaſi omniò ſibi alienas exiſtimat, nec illas à ſuis finibus ex toto abjicit. Parvulos non regeneratos humari præcipit in loco decenti atque honeſto; ſcilicet in aliquo Cœmeterii angulo non benediſto, atque à ſepulcris Fide- lium aliquatenùs remoto. Hanc verò ſollicitudinem in ejuſmodi corpufcula impendi maximè decet, tum propter humanæ conditionis ac forni- næ dignitatem, & animæ quæ ipſis adhæſit immortalis excellen- tiam; tum propter Fideles parentes à qui- bus originem ſumpſerunt.

Eſſet verò in terra ſancta ſepe- liendus infans, de quo dubitaretur an ritè & validè fuiſſet baptizatus. Sic quoque in illum agi deceret, qui mortuus fuiſſet repertus, & de cujus Baptiſmo qualicumque nulla poſſet haberi certitudo.

QUAM pietatem in infantes evi- denter ſine Baptiſmo defunctos re- primit gemens Eccleſia, eam liber- rimâ ſpiritualique lætitiâ in eos pro- fundit, qui, cùm baptizati fuerint in CHRISTO JESU, priùs moriuntur quàm rationis uſum attigerint. Quo- niam uſque ad finem corpora ipſo- rum viva Spiritûs ſancti templa fue-

runt, ea non ſolùm in terra bene- dicta ſepeliri debent, imò hæc ipſa tumulari deceret in loco Cœmete- rii ab adultorum ſepultura diſjuncto, Eccleſiæque parietibus viciniore.

Hi nempe infantes ante ſepten- nium defuncti, Baptiſmalis inno- centiæ candida veſtimenta non inqu- naverunt (c): ideòque non ſecun- dùm opera ſua, quæ nulla ſunt, ſed ſecundùm Dei propoſitum & gra- tiam (d), ſtatim ab interitu cœ- lum ingrediuntur. Tota igitur eor- um ſepulturæ Cæremonia gaudium quoddam ſanctum & religioſum præ ſe ferat. Nihil in Campanarum pulſu, nihil in cantu, nihil in Or- namentis ad luctum vel tritiſtiam compoſitum admiſceatur; nihil oc- currat niſi gratiarum actio & vox laudis (e), niſi Cantica & Pſalmi gloriam Deo resonantes, propter beatitudinem quâ fruuntur parvuli. In illis Exequiis nunquam ad fune- brem numerum, quaſi pro adultis, ſonent Campanæ, etiamſi alicubi conſuetudo illa Eccleſiæ intentioni contraria invaluerit. Altaris & Sa- cerdotis Ornamenta, pannus locu- lum induens, tenſaque aulæ, non atra, ſed candida ſint, propter eos qui ambulant in albis, Agnum ſequentes quocumque ierit (f). Fe- retro, ad ſitum capitis, floreæ imponi corona poterit, ſi per anni tempeſtatem liceat. Ex ſatis conve- nienter fiet, ſi parvulos ad ſepul- turam efferant pueri Choriales in Albis, quaſi Angelis Angelos ob-

(a) Joan. 3. 5.

(b) Rom. 9. 18.

(c) Apoc. 3. 4.

(d) 2. Tim. 1. 9.

(e) Iſ. 51. 3.

(f) Apoc. 3. 4. & 14. 4.

viam cœlesti Agno deducuntibus. Denique in hujusmodi Exequiis si quando Missam celebrari postuletur, non celebrabitur Missa qualis habetur ad Exequias Adulorum, sed quæ in Missali extat propria sub hoc titulo : *Missæ in Exequiis Parvulorum*.

JAM verò Pastores populum diligenter edocebunt, quænam in hisce Infantium sepulcris sit Ecclesiæ iuentio. Scilicet, in Exequiis Adulorum, apud Deum agit precibus & Sacrificiis, ut ipsis relaxetur quod pœnæ luendum superest. In Exequiis autem Parvulorum solas adhibet gratiarum actiones, eò quòd Dominus, *secundum misericordiam suam magnam, placitas sibi animas properaverit educere de medio iniquitatum* (g), quasi etiamnunc diceret : *Sinite parvulos venire ad me, talium enim est regnum Dei* (h). Adjunctæ Preces nullam pro ipsis culpæ remissionem, nullam pœnæ relaxationem postulant : scopus orationum hic unus est, ut eadem felicitas vivis qui supersunt, post mortem obineatur; utque per gratiam, fidem & opera illuc ipsi perveniant, quò Infantes solius gratiæ beneficio pervenerunt. Ecclesia verò in eorum corpusculis pretiosa veneratur inviolatæ Baptismalis innocentiae pignora; simulque gloriosam hujusmodi corporum resur-

rectionem firmâ cum fiducia expectare se exterius profiteretur.

Itaque, suaviter adhortantibus Parochis, liberos ante septennium defunctos non immòdicè desistant Fideles parentes. Non sit mater Christiana Rachelis instar plorantis filios suos, & nolentis consolari, *quia non sunt* (i). Ignoscimus quidem matris lacrymis, sed modo dum quærimus in dolore. Si parentem recogito, non reprehendo quòd plangit; si Christianam nam, isto nomine mater excluditur (k). »

Quod pertinet ad pueros, qui, septennio saltem completo, è vivis excesserunt, pro illorum sepultura easdem preces ac pro adultis adhiberi vult Ecclesia, quæ ipsis ad mortem ægrotantibus Absolutionem sacramentalem & Extremam-Uctionem impendi jubet, ut potè qui à septennio peccandi sint capaces. Id igitur observabant Ecclesiarum Parochialium Rectores, etiam si alicubi, contra Ecclesiæ mentem & doctrinam, invaluerit consuetudo sepeliendi Infantium ritu pueros qui infra duodecimum ætatis annum completum è vita decedunt, sicut paucorum dierum infantulos. Parochos tamen hortamur, ut, dum septennes pueros adulorum ritu sepeliunt, constituto pro Infantibus honorario contenti sint.

(g) 1. Petr. 1. 3. Sap. 4. 14.
(h) Marc. 10. 14.

(i) Matth. 2. 18. Jerem. 31. 15.
(k) S. Hier. Ep. 25.



CAPUT VII.

DE translatione Corporis à Parochia decessus in alienam Ecclesiam.

OMNIUM sepultura communis, est Parochia: exceptiones. Circa sepulturam, observetur extrema Defunctorum voluntas. An conjux conjugi, an filii-familiâs sepulturam sibi eligere possint. In translatione Corporis quam observanda. Oblatio & acceptio Corporis translati. Observationes. De secularium sepulturis apud Regulares.

QUISQUE defunctus, in Ecclesia vel Cœmeterio Parochiæ, cujus intrâ limites diem clausit extremum, Jure communi, tumulandus est. (a). Ab hac tamen lege excipiuntur, 1°. li quorum familia sepulcrum habet in aliena Ecclesia sibi addictum (b). 2°. Qui extra Parochiam tumulari se postularunt: quæ quidem Defuncti voluntas scripto testibusve probatur, aut ipsâ loci alicujus ad propriam sepulturam ab ipso factâ destinatione, si v. g. in lapide sepulchrali nomen suum incidi curaverit. 3°. Filii natu minores, quos extra Parochias tumulari postulant parentes.

Quamvis ergò Ecclesiæ sit inrentio communis, ut Fideles in sua quisque Parochiâ sepeliantur, aliam

nihilominus fas est eligere sepulturam (c); si quis præsertim in sepulcro majorum quiescere concupiscat (d). Eniinvèrò innatum pietatis affectum, quo suos quisque cineres patrum cineribus admisceri cupit, celeberrimo exemplo consecrarunt defuncti juxta fidem Patriarchæ (e). Jacob mortuum, Joseph cæterique filii ab ipso adjurati, transulerunt ex Ægypto in terram Chanaan, ut dormiret cum patribus suis Abraham & Isaac (f): quibus cum ipse Joseph conjungi vellet, moriens de ossibus suis mandavit ut ea filii Israël inde illuc secum asportarent (g): quod quidem, duce Moyse, præstitum est (h). Postquam S. Ludovicus, grassante lue in littore barbarico victus, invictam

(a) C. 13. q. 2. c. 7. Decret. tit. 28. c. 1. & seq. Bonif. VIII, in 6. l. 2. tit. 12. c. 1. & seq. Clementin. tit. 7. c. 1.

(b) Leo III, Decret. l. 3. tit. 28. c. 1. Inn. III, c. 3.

(c) C. 13. q. 2. c. 3.

(d) Gen. 47. 30.

(e) Hebr. 11. 13.

(f) Gen. 47. 30. 11. & 49. 29. 30. 31.

(g) Gen. 50. 5. 13. 24. Hebr. 11. 22.

(h) Exod. 13. 19.

animam Deo reddidit; ossa ejus in patriam advecta, Philippus filius ad Regum atavorum sepulturam, subiectis humeris, transtulit (i). Atque ut celeberrimis exemplis nostrâ etiam ætate claresceret electio sepulturæ, pius ille magnanimusque Delphinus, eheu! immaturâ morte præreptus, Ecclesiam in qua tumularetur, designavit; dignaque tali conjugæ Delphina, non diù superstes, ad larus ejus componi voluit (k).

ITAQUE, circa sepulturæ locum, piè observetur suprema Defunctorum voluntas, Testamento, aliisve Litteris publicis coram Parocho seu Notario consignata; vel certè, in articulo mortis, Parocho distinctè & liberè coram testibus denunziata. Quòd si Testator certum sepulturæ suæ locum non expressè designaverit, neque Testamenti curatoribus, propinquisve aut amicis curam eligende sibi sepulturæ commiserit; penès propinquos vel Testamenti curatores non erit ut ei sepulturam eligant: sed in Parochia, vel in sepulcro familiæ tumulabitur, quamvis probari possit ipsum olim, aut etiam extremo in morbo, placitam sibi alio in loco sepulturam indicasse; nisi, deficiente tempore ad suam voluntatem scripto consignandam, Pastori ut dictum est, coram testibus idoneis, eam præsentì sermone significaverit. Neque marito sepulturam uxoris, neque uxori licet mariti

sepulturam eligere, nisi mutuam hanc superstiti curam per Testamentum commiserint. Quod pertinet ad filios-familiâs nondum sui juris, quorum scilicet parentes adhuc vivunt, cum sint eousque intestabiles, de sepultura sibi providere nequeunt: circa ipsam parentibus omnino permittitur libertas. Sed filii-familiâs Matrimonio juncti, vel jure acquisito gaudentes, ac testandi capaces, vel Testamento, vel emissâ coram Pastore ac testibus declaratione, sibi sepulcrum eligent: sin aliter, in Parochia sepe- lientur.

Quamvis igitur Fidelibus, juxta Canonum Sanctiones ac præsentem Ecclesiæ consuetudinem, sepulturæ suæ locum eligere omnino liceat, ipsi tamen à Pastoribus moneantur, Parochiam communis anreponi debere: cui nempe navitatem spiritualem, Christianam institutionem, & quidquid in CHRISTO JESU optimum est, acceptum referunt. Hinc Legibus Ecclesiæ prohibetur ne Regulares ullum Fidelem ad eligendum extra Parochiam sepulcrum inducant. Si quis sponte suâ, neque ullius instinctu, aliam sibi sepulturam publicè appetere designaverit; non sine Cleri comitatu, Precibus ac Cæremoniis in Pastoralis hujus parte rituali descriptis corpus ejus transferetur.

DEFUNCTI Corpus, sive ad Regulares, sive ad alienam Paro-

(i) Die 12. Maii, an. 1271.

(k) Ludovicus Delphinus IX., Ludov. XV. Regis Christianiss. filius unicus, Pater LUDOVICI XVI, natus 4. Sept. 1729;

mortuus 20 Dec. 1763. sepultus in Ecel. Senon. ut ipse postulaverat, Maria-Josepha Saxonica, Delphina; nata 4. Nov. 1731: mortua 13. Martii 1767.

chiam è domo in qua mors eveniret, ad eum quem pro sepultura sua designaverit locum non efferetur, nisi prius à proprio Pastore, seu Vicario, levatum fuerit, atque in propriam Parochialem Ecclesiam delatum (1), ubi Exequiarum Officium, presente Corpore, celebrabitur (usque ad humationis Ordinem exclusive), quasi Corpus non alibi sepeliendum foret. Deindè Parochus aut Vicarius Superpelliceo & Stola nigri coloris indutus, feretrum comitabitur ad designatum sepulture locum. Parochus aut Vicarius, cum Clero, Secularem vel Regularem Ecclesiam ingreditur, in qua Defuncto electum fuerit sepulcrum (m). Ubi ventum erit ad pattem *Navis* Choro viciniorem, absoluto cantu qui fuerat incæptus, Pastor Defuncti proprius, seu Vicarius, brevi sermone ad id composito Corpus offeret Pastori, aut Superiori, vel Sacerdoti ad illud suscipiendum præposito; cui testabitur, Fidelem, cujus mortales tradit exuvias, in Ecclesiæ Communionem diem supremum obiisse. Ille autem paucis respondebit orationculæ Pastoris offerentis: cujus mutæ sermocinationis exempla proprio loco descripta inveniuntur (n). Corpore deposito, Parochus advena recedet cum Clero silente; nisi tamen invitatus, & Stola, ut venerat, ornatus, in toto sepulture Officio interfuit.

Quoniam transferendum Corpus offerri ac suscipi aliter posse innuit conciliatrix animorum charitas, per quam *honore se invicem præveniant* Collegæ (o). Scilicet Parochus, cui Corpus in propria Ecclesia sepeliendum est, ad domum Defuncti, comitante Clero suo, procedit cum Parocho & Clero Parochiæ illius in qua jacet Corpus exanimum: tunc verò, ex decenti comitate, utretque sibi sua jura mutuo concedunt; is enim levat Corpus, cujus in Ecclesiam deferendum est; alter in illa Ecclesia funebre Officium celebrat, & Corpus mandat sepulture. Quidquid autem super hoc eligatur, omnia propter *adificationem* fiant, nihil propter *invidiam & contentionem* (p).

Quod si verò longius ab Ecclesia Parochiali distet electus sepulture locus, & Corpus rhedâ inclusum deferri oporteat; funalia hinc & inde à Defuncti familiatibus deferentur: ipse autem Sacerdos decenter vectus rhedam funeream sequetur. Nunquam autem Corpus rhedâ inclusum sine Clero & *Luminari* vehetur, nisi prius à Nobis impetrata fuerit sic agendi licentia (q).

Ubi Corpus è Parochia decensus in alienam Ecclesiam transferri contigerit, honorarium Pastori proprio integrum solvetur (r). Ecclesiæ verò in quam transferendus erit aliquis

(1) *Stat. Syn. D. Franc.* de Hatlay, *Parif. Archiep.* an. 1673. art. 14. *Synodic. Eccl. Parif.* pag. 222.

(m) *Ibid.*


(n) *Tom. III.*

(o) *Rom.* 12. 10.

(p) *Phil.* 1. 15.

(q) *Stat. Syn. D.* de Hatlay, *sup.*

(r) *Conc. Aenham. in Angl. inter an.* 1006. & 1013. can. 14.

Defunctus, sacra Metalla non prius ad funebrem numerum resonare incipient, quam Parochiani decessum nuntiaverint propria Campanæ. Et similiter, si pluribus Officiis, præter Exequias, feralia innoventur, in Parochia Defuncti Res  vina primùm celebrabitur.

OMNIBUS Fidelibus intrà Parochiæ limites decedentibus iusta funebria persolvere, jus & officium Pastoris est: atque idcirco sub penis Juris vetamus ne quis Religio-

sus Mendicans, aliufve quilibet Regularis, in propria Ecclesia vel Cœmeterio humandum suscipiat ullum cujuslibet Parochiæ incolam, nisi prius Defuncti Corpus à Pastore illius Parochiæ in qua obierit, domo elatum, sibi autem ritè oblatum arque traditum fuerit. Quod si Regulares in pompæ funebris partem vocati fuerint, ipsius horam designabit Parochus, sive apud illorum Ecclesiam, sive alibi celebranda sit humatio.

CAPUT VIII.

DE Funcribus in Parochiales Actorum Codices referendis.

FUNERA quomodò inscribenda. Quomodò inscribendus infans apud nutricem defunctus, adultus ignotus, &c. Translato Corpore, gemina Funeris inscriptio. Si Corpus longissimè transferatur, quid sit observandum.

QUEMADMODUM Ecclesia filios sibi per Baptismum genitos Actis Baptismalibus gaudet inscribere; ita, postquam decesserunt, eos in Funerum Acta refert, mærens quidem, attamen sperans, non sine multo solatio, ipsos divinis Sacramentis præmunitos à morte in vitam transisse (a); dumque nomina sibi charissima terrenis litterarum monumentis commendat, eadem scripta in cælis inveniri ad gloriam immortalem apprecatur (b).

Neque sola instituit Ecclesiæ pietas, ut mortui Fideles in Parochiarum Acta referrentur: quin etiam, ut, auspice Religione, certò constaret rerum humanarum status, sapientissimas hac de re Leges posuit civilis Administrationis providentia (c); quæ quidem ut suum effectum sortiantur, hæc præcipienta & docenda censuimus.

STATIM atque Corpus tumulatum fuerit, Pastor, seu Vicarius, in ge-

(a) Joan. 5. 24. (b) Luc. 10. 20. (c) Vide, Tom. III, Declar. Regiam circa Codices Bapt. Matrim. & Sepult. datam 9 Apr. 1736.

mino Actorum Codice inscribet, vel rectè appositorumque inscribi curabit Defuncti nomen & cognomen, sexum, ætatem & conditionem seu professionem (addito, si sit locus, conjugii vinculo, superstitioneque conjugis nomine), domicilium, diem obitus & diem sepulture: exprimeretur etiam, eum extremis Ecclesiæ Sacramentis munitionum decessisse; quod quidem exprimi si non sinat rei veritas, id omnino retinebitur: adjicietur, sepulturam coram duobus tribusve testibus fuisse peractam; testiumque nomina, cognomina, conditio ac domicilium indicabuntur (d). Ad hoc verò testimonium eligentur ii, quantum fieri poterit, quos Defunctus habuerit genere proximos Exequiis astantes; quibuscum ipse Parochus Actis funeris in utroque Codice subscribet: si verò testes ritè interpellati se subscribendi, nescios declaraverint, id insigne singulorum Actorum annotabitur.

Idem observabitur circa pueros, etiam infantes recens natos, & de utero translatos ad tumulum (e). Eorum nomini, cognomini, sexui, ætati addentur nomen, cognomen & conditio parentum: quod pariter locum habebit erga filios-familias, tamen si ætate majores quam ut sui juris non sint.

Cum infans lactens, extra paternam domum apud nutricem defunctus, sepulture mandatus fuerit; præter infantis nomen, cognomen, sexum, ætatem, diem obitus & diem sepulture, præter utriusque parentis

nomen, cognomen, conditionem ac domicilium, paribus indicibus nutrix designabitur. Quòd si patris & matris ignotentur nomina; infantis nomen, cognomen, sexus, ætas, dies obitus & sepulture in supradictos Codices referentur: notabitur insuper, à quibus, & à quo tempore nutrix lactandum suscepit infantem.

Si mortui alicujus adulti nomen sit ignotum; ipse per ætatem ad quam pervenisse videbatur, per sexum, professionem, patriam, corporis formam, speciem vestimentorum quibus indutus erat, sive per alia ejusmodi propria indicia, quantum fieri poterit, in Actorum Codicibus designetur. Quoties autem in Parochia peregrinus aliquis gravi morbo afficietur, de omnibus quæ ad ipsum dignoscendum attinebunt, prudenter ex eo sciscitetur Parochus, aliisque Sacerdos ei Sacramenta ministrans; ut, si quid humanitatis contigerit, de ipsius decessu iis quorum interfuerit, certum possit exhibere testimonium.

Quòd si, ut sit nonnunquam, in terra sancta tumuletur corpus hominis in poenam scelerum necati; in mortualem Codicem referatur dies mortis & sepulture, sed mortis genus retineatur; ne, relato in publicas Litteras supplicio, iniusta propinquorum exultationi hæreat infamia.

QUANDO è propria Parochia in alienam Ecclesiam Corpus transla-

(d) *Stat. Syn. D. Steph. Poncher, Paris. Episc. ante an. 1519: necnon D.*

Eusl. du Bellay, an. 1557. n. 7.

(e) *Job, 10. 19.*

tum fuerit, in propriæ Parochiæ Codicibus inscribetur Defuncti nomen, cognomen, sexus, ætas, conditio, nexus etiam conjugalis (si sit locus), domicilium, dies mortis, & dies translationis in aliam Ecclesiam, quæ proprio nomine indicabitur: subscripti testes saltem duo, & Parochus. Præterea in illius Ecclesiæ in quam translatum fuerit Corpus, gemino Codice inscribetur dies obitus, translationis, sepulturæ, cæteraque ut in propria Parochia. Subscribent testes cum Parocho, vel Superiore, qui Corpus humandum suscepit. Si Corpus longissimè transferatur; Sacerdos qui rhedam funeream comitatus fuerit, à Parocho, vel

Superiore ad quem accesserit, scriptum de suscepto Corpore testimonium afferat Pastori, à quo illud in utrumque Actorum Codicem inferatur, aut saltem in margine per notulam ipsius chirographo munitam consignetur.

Omnium ejusmodi Actorum formulæ in Pastoralis hujus parte Rituali occurrunt.

FUNEREOS autem Codices domi vel in Vestiario sub sera & clavi diligenter asservet Patochus; neque eos à quoquam temerè attrectari patiatur, nec cuiquam ipsos faciliè committat.





TRACTATUS OCTAVUS. DE SACRAMENTO ORDINIS.

VERSABITUR praefens Tractatus in dicendo, 1°. De Sacerdotio novae Legis; & de Ecclesiastica Hierarchia, seu de Ordinibus in genere: 2°. De Ordinibus in specie: 3°. De Ordinis gratiâ, charactere, materiâ, formâ, & Ministro: 4°. De dispositionibus ad suscipiendos Ordines requisitis: 5°. Quid Parochi circa Ordinandos praestare possint ac debeant: 6°. De officiis Presbyterorum è sacra Ordinatione recentium.

● CAPUT PRIMUM.

DE Sacerdotio novae Legis; & de Ecclesiastica Hierarchia, seu de Ordinibus in genere.

AMBO, quae tractanda supersunt, Sacramenta in generali prospectu posita.

Quid sit Ordo: an verè Sacramentum. Ordinis prerogative. Sacerdotium cum omni Religione conjunctum: augustius in Christiana quàm in Judaica. Sacerdotium improprie dictum. Verum nova Legis Sacerdotium, à quo, & quando institutum. Successio Pastorum. Ordo Hierarchia.

CERTANTEM in agone Christiano ut bravum superna vocationis assequatur (a), hominem persecuti sumus à regenerationis lavacro, in

(a) 2. Tim. 2. 5. Phil. 3. 14.

quo secundum spiritum regeneratus est, usque ad sepulcri pulverem, unde secundum carnem est ipse resuscitandus. Nemo quidem nascitur, nisi eâ lege ut moriatur; tamque incredibili celeritate prætervolans & effugiunt dies nostri, ut verè non minus quàm significanter à Psalte Regio dictum fuerit: *In imagine pertransit homo* (b). Sint hæc humanæ conditionis propria, ex quò *petra- tum in hunc mundum intravit, & per peccatum mors* (c). Ecclesia verò, dum generatio præterit & generatio advenit (d), dum imperio succedit imperium, semper immutabilis perseverat: cunctis in circuitu senescentibus, non senescit; corruentibus, non corrui; morientibus, non moritur; ut potè quæ per Matrimonium continuè prolis successione suppletur, & per Ordinem jugi Sacramentorum influxu sanctificatur. Scilicet per Matrimonium generantur filii secundum carnem, quos sibi Deus & Ecclesia secundum spiritum filios indefinenter adoptent. Per Ordinis verò Sacramentum fecundâ consecratione gignuntur *Patres spirituales* (e), publici Præsides in iis quæ sunt ad Deum (f), Pontifices nempe & Sacerdotes, qui natos seculo per Matrimonium filios, Ecclesie & Cælo regerent, perpetuæque Ministerii successione perpetuam in terris Ecclesiam efficiant, Sacramentorumque administratione sanctificent, donec ipsa, Deo glorificante, in cælesti patria consummetur,

Hæc est profunda Sacramentorum ratio, hic geminus sublimisque finis, Ecclesie videlicet pœnitentia, ejusque membrorum sanctificatio. Atque hæc imprimis per Baptismum, Confirmationem, Eucharistiam, Pœnitentiam Extremamque unctionem obrinetur; illa verò per Ordinem & Matrimonium. Sunt quinque priora Sacramenta necessitate medi vel præcepti ad salutem cuique Fidei necessaria: posteriora autem duo instituta sic fuere, ut non omnibus & singulis Ecclesie membris, sed ut solum universo ejus Corpori necessaria essent. Hactenus de illis diximus: nunc de his ad suscepti Operis consummationem dicendum superest; ac primò quidem de Ordine sermonem instituemus.

Est Ordo, seu sacra Ordinatio, *Sacramentum novæ Legis à Christo Domino institutum, per quod, verbis & signis exterioribus ab Episcopo adhibitis, confertur Ordinato gratia & spiritualis quedam potestas, sive ad Eucharistiam consecrandam, sive ad alia Ministeria Ecclesiastica, præsertim quæ ad ipsam referuntur, obeunda.*

Verum quidem Sacramentum esse, fidei dogma est à Concilio Tridentino delinquit. « Cum Scripturæ » testimonio (ait sancta Synodus), » Apostolicâ traditione, & Patrum » unanimi consensu perspicuum sit, » per sacram Ordinationem, quæ

(b) Ps. 118.

(c) Rom. 5. 12.

(d) Eccl. 1. 4.

(e) Conc. Paris. VI, an. 829, l. 1. cap. 4.

(f) Hebr. 5. 1.

» verbis

» verbis & signis exterioribus per-
 » ficitur, gratiam confert; dubi-
 » tate nemo debet Ordinem esse
 » verè & propriè unum ex septem
 » sanctæ Ecclesiæ Sacramentis; in-
 » quit enim Apostolus; *Admoneo*
 » *te, ut resuscites gratiam Dei,*
 » *qua est in te per impositionem*
 » *manuum mearum (g).* Idem præ-
 » terea Concilium Hæreticos dogma
 » illud negantes, inflicto anathemate,
 » condemnat (h).

Et verò, in sacra Ministrorum
 Ordinatione concurrunt ea omnia
 quæ ad propriè dictum Sacramen-
 tum constituendum requiruntur:
 signum videlicet sensibile, gratiæ
 promissio huic annexa, & divina
 institutio. Signum quidem sensibile,
 in impositione manuum Episcopi,
 prout liquet ex Actibus Apostolo-
 rum, ubi de Sauli & Barnabæ Or-
 dinatione sic legitur: *Tunc jejunan-
 tes, & orantes, imponentesque eis ma-
 nus, dimiserunt illos (i).* Deindè huic
 manuum impositioni annexam esse
 gratiam declarat Apostolus verbis
 superius à Concilio Tridentino lau-
 datis. Et quidem cum Christus
 Apostolis potestatem contulit pec-
 cata dimittendi, sic eos allocutus
 est: *Accipite Spiritum sanctum;*
 &c. (k). Hoc autem Spiritus sancti
 donum gratiam sanctificantem pro-
 cul dubio complectebatur. Postremò
 divinum mandatum divinaque insti-
 tutio declatantur Scripturæ loco, ubi
 Spiritus sanctus segregari sibi præci-

pit Saulum & Barnabam in opus ad
 quod assumpserat eos (l), in opus
 scilicet ministerii Sacerdotalis, ani-
 marumque sanctificationis.

Porrò traditionis Apostolicæ,
 quam in medium affert Synodus
 Tridentina, luculentissimus testis
 est S. Augustinus, qui de Baptis-
 mo & Ordine differens, » Utrum
 » que, inquit, Sacramentum est
 » quod nemo dubitat. Quadam con-
 » secratione utrumque homini da-
 » tur, istud cum baptizatur, istud
 » cum ordinatur: idemque in Ecce-
 » sia Catholica utrumque non licet
 » iterari (m). » Quibus ex verbis id
 alterius colligitur, per Sacramen-
 tum Ordinis indelebilem in anima
 characterem imprimi, ipsumque se-
 mel tantum posse ab homine Chri-
 stiano suscipi.

Atque hoc idem, Ecclesiæ fir-
 mamentum & columna dici merito
 potest, tanquam perpetuo verbi mi-
 nisterio perpetuam faciens doctri-
 næ interemeratæ successionem. Tum
 etiam (quæ Sacramenti hujus altera
 prærogativa est) ab ipso ita pen-
 dent cætera Sacramenta, » ut sine
 » illo partim confici & administra-
 » ri nullomodo queant, partim so-
 » lemnis cæremoniâ & religioso quo-
 » dam ritu ac cultu carere videan-
 » tur (n). Sed in eo maximè præ-
 » cellit Sacramentum Ordinis, quod
 » sanctissimum JESU CHRISTI Corpus
 » & Sanguinem consecrandi, Deoque
 » in augustissimo Altaris Sacrificio offe-

(g) Conc. Trid. Sess. 23. de Ord. c. 3.

(h) Ibid. Can. 3.

(i) Act. 13. 3. (k) Joan. 20/22.

(l) Act. 13. 3.

(m) Cont. Epist. Parmen. lib. 2. c. 13.
 n. 28. t. 9. nov. edit.

(n) Cat. Conc. Trid. de Ord. Sacram.
 cap. 7. n. 1.

rendi potestatem conferat. Sacerdotii, quod caput Ordinis esse intelligitur, hic triumphus est, hæc suprema gloria. Si enim tam mirificum stupendumque fuit, ut ad vocem Josue steterit sol (o); quantum majus prodigium est, ut ad vocem Sacerdotis præsens sistatur solis creator? Per hoc scilicet potestatis miraculum, Sacerdotes Angelis ipsis præminent: his utique datum est ut Dei Filium inter Sacerdotum manus Victimam factum adorent, non autem ut possint ipsi Victimam facere.

JAM VERO à Sacrificii necessitate, quam suo loco demonstravimus (p), oritur Sacerdotii necessitas. Quemadmodum sine Sacrificio, ita & sine Sacerdotio, nulla neque esse, neque contipi Religio potest. Multiplicis generis, sacerdotes, sacrificos, flamines, antistites, præfules, pontifices memorie prodidit supersessio veterum Ethnicorum, demoniis & non Deo, immolantium (q). Sub Lege Naturæ, Sacerdotii munus executi sunt patres-familias: sic Noë egressus de Arca, edificavit Altare Domino, & obtulit holocausta (r). Lex per Moysen data (s), suam habuit Hierarchiam: Pontificem nempe, tum Sacerdotes secundi ordinis; postremo Levitas, in cultu

Tabernaculi & in universis operibus ministerii Templi, sub manu filiorum Aaron, Deo servientes (t). Cujus veteris Sacerdotii ministeria, sacrificia, ritus & caeremonias, vestimenta & pompam accuratissimè per singula capita Deus ipse constituerat, ut sanctificaretur in iis qui sibi appropinquarent (u). Sed in veteri Lege, quæ nihil ad perfectum adduxit (x), Sacerdotium illud, usque adeo verendum & augustum, nihil aliud fuit præter inanem Sacerdotii à Domino JESU CHRISTO instituendi umbram & figuram. » Nunc etenim & ordo » clarius Levitarum, & dignitas » amplior Seniorum, & sacratior » est unctio Sacerdotum; qui scilicet » offerunt Hostiam viventem, sanc- » tam, Deo placentem, omni le- » gali sacrificio splendidiorem & » puriorem (y). » Itaque, abrogatâ Lege, abrogatum necessariò fuit legale Sacerdotium, eique successit Hierarchia longè sublimior; cujus auctor fuit CHRISTUS JESUS, non secundum ordinem Aaron, sed secundum ordinem Melchisedech Pontifex factus in æternum (z), qui proinde Sacerdotii non habet successores, sed consortes & vicarios.

Et certè » Sacrificium & Sacerdotium ita Dei ordinatione con-

(o) Josue, 10. 12. 13.

(p) Tom. I, De Sacrif. Euch. Div. I. Cap. 1.

(q) Deut. 32. 17.

(r) Gen. 8. 16. 10.

(s) Joan. 1. 17.

(t) 4. Reg. 23. 4. Num. 3. 10. & 16.

9. 1. Paral. 23. 28. Vide Exod. 28. 1. Num. 3. 6. 25. & seq.

(u) Levit. 10. 3.

(x) Hebr. 7. 19.

(y) S. Leo, Serm. 3. de Pass. Domini, c. 7. S. Greg. Naz. Or. 22.

(z) Hebr. 6. 10.

„ juncta sunt, ut utrumque in omni
 „ lege extirperit. Cùm igitur in novo
 „ Testamento sanctum Eucharistiæ
 „ Sacrificium visibile ex Domini
 „ institutione Catholica Ecclesia ac-
 „ ceperit; fateri etiam oportet, in
 „ ea novum esse visibile & exter-
 „ num Sacerdotium, in quod vetus
 „ translatum est (a). » Quamvis
 enim Fidelium societatem univer-
 sam, *sanctum & regale Sacerdo-*
tium vocaverit B. Petrus (b); non
 tamen hoc ita intelligendum est,
 ut nulla Clericos inter & Laicos
 agnoscat differentia, præter elec-
 tionem ad munus prædicationis (c).
 Fidelium Sacerdotium quale sit, ipse
 in eodem loco disertè exprimit
 Apostolus, nempe internum & im-
 propriè dictum, atque in eo totum
 ut offerant Deo *spirituales hos-*
tias (d), id est, preces, laudes,
 gratiarum actiones; utque Sacerdoti
 Rem sacram facienti comitem ad-
 jungant suam intentionem, sique
 ipsorum oblationem, ad consequen-
 dam Sacrificii fructum. Quem verò
 Sacerdotem fecit Ordinatio Cano-
 nica, hic quidem, *non ab homini-*
bus, neque per hominem, sed per
JESUM CHRISTUM (e), auctori-
 tate cælesti atque indelebili charac-
 tere præditus est, *ut offerat Sacri-*
ficia pro peccatis (f). Hac divinà ori-
 gine insignitum, cellitudinem om-

nem transcendit verum ac propriè
 dictum novæ Legis Sacerdotium.

„ Hoc autem ab eodem Do-
 „ mino Salvatore nostro institutum
 „ esse, atque Apostolis, eorumque
 „ successoribus in Sacerdotio, po-
 „ testatem traditam consecrandi,
 „ offerendi & ministrandi Corpus &
 „ Sanguinem ejus, necnon & peccata
 „ dimittendi & retinendi, sacræ Lit-
 „ teræ ostendunt, & Catholica Ec-
 „ clesie traditio semper docuit (g). »
 Atque id effectum esse intelligitur,
 primùm quidem, cùm, transactâ
 nocte in oratione Dei, *vocavisset dis-*
cupulos suos, & elegit duodecim ex
ipsis, quos & Apostolos nomina-
vit (h); præterea, cùm misit illos
 predicare regnum Dei (i); atque
 etiam pridè Passionis & mortis suæ,
 cùm Apostolis Corporis & Sangui-
 nis sui consecrandi, offerendi atque
 dispensandi potestatem fecit, & simul
 præceptum denuntiavit, dicens: *Hoc*
facite in meam commemorationem (k);
 deindè, post Resurrectionem suam,
 cùm, *ponens in eis verbum reconcilia-*
tionis (l); Sicut misit me Pater,
 inquit, & ego mitto vos; insuffla-
 vit, & dixit eis: *Accipite Spiritum*
sanctum; quorum remiseritis
peccata, remittuntur eis; & quo-
rum retinueritis, retenta sunt (m);
 intermedioque illo Resurrectionem

(a) Conc. Trid. Sess. 23. cap. 1.

(b) 1. Petr. 2. §. 9.

(c) Conc. Paris. an. 1528, decret. fidei
 10, art. de Sacram. Ord.

(d) 1. Petr. 2. §.

(e) Gal. 1. 1.

(f) Hebr. 5. 1.

(g) Conc. Trid. sup.* Vide Diur. an.

1584. tit. 24.

(h) Luc. 6. 12. 13.

(i) Luc. 9. 2.

(k) Luc. 22. 19. 1. Cor. 11. 23. 24.

25.

(l) 2. Cor. 5. 19.

(m) Joan. 20. 21. 22. 23.

inter & Ascensionem suam tempore, cum, *per dies quadraginta apprensus eis, & loquens de Regno Dei* (n) (id est, de Ecclesie constitutione & regimine), mandata reliquit, ut merito creditur, de pluribus Sacramentis administrandis; postremò, cum, nostræ Redemptionis opere consummato, jamjam in cælum ascensurus, iisdem dixit: *Euntes in mundum universum, predicare Evangelium omni creature, baptizantes eos in nomine Patris, & Filii, & Spiritus sancti, docentes eos servare omnia quaecumque mandavi vobis* (o). Quibus verbis, aliisque paulò antè memoratis, » instituit Christus Dominus duodecim Apostolos Ecclesie suæ ministros, dispensatores verbi sui & » Sacramentorum (p), » tam verè ac propriè eosdem volens *pro se legatione fungi*, ut, si quis illos audiret, ipsum audire, si quis illos sperneret, ipsum spernere judicaretur (q). Quæ quidem potestas missioque eximia, ex Apostolis ad eorum in Sacerdotio successores procul dubio dimanavit (r). Hinc illa Pastorum in Ecclesiis legitima, & non interrupta successio: quæ sicuti adesse ostendatur, certissimè adest Ecclesia *superadificata super fundamentum Apostolorum* (s); si-

cubi autem deficiat, manifestè languescit ramus trunco avulsus, falso & eimentito nomine Ecclesia, non Populus Dei, sed *synagoga Satanae* (t).

Itaque Salvator noster, tanquam summus Sacerdos, Ecclesieque Pastor universalis, Sacramentum Ordinis idèò instituit, ut pro se haberet qui suum per secula Sacerdotium exercerent, & quos sibi gratularetur Ecclesia *dispensatores Mysteriorum* (u), *Ministros novi Testamenti* (x), ac denique inter Dominum & Fideles, velut sequestros & medios (y), ipso summo Dei & hominum mediatore CHRISTO JESU (z).

Esse autem » in Ecclesia Catholica » ea Hierarchiam divinà ordinatione » institutam, quæ constat ex Episcopis, Presbyteris, & Ministris (a), » res est ad fidem pertinens. Primum locum obtinent *Episcopi*, quos *Spiritus sanctus posuit regere Ecclesiam Dei*; ipsique soli, tanquam Apostolorum successores, Ecclesiam doctorem constituunt, ut potè qui soli sunt fidei iudices, solique jure innato decretoriam in Conciliis sententiam ferunt (b). Quamvis enim, primis Ecclesie temporibus, & *Episcopi & Presbyteri promiscua esset*

(n) *Act.* 1. 3.

(o) *Marc.* 16. 15. *Matth.* 28. 19, 20.

(p) *Conc. Bitur.* *suprà*.

(q) 1. *Cor.* 5. 20. *Luc.* 10. 16.

(r) *Conc. Trid.* *sup.*

(s) *Eph.* 2. 20.

(t) *Apoc.* 2. 9. *Vide Teri. de Præscriptis*, c. 32. *S. Iren.* l. 3.

(u) 1. *Cor.* 4. 1.

(x) 2. *Cor.* 3. 6.

(y) *Deut.* 5. 5.

(z) 1. *Tim.* 2. 5.

(a) *Conc. Trid.* Sess. 23. *can.* 6. *Vide S. Ign. Ep. ad Smyrn. ad Polyc. &c. Tert. Orig.* *S. Cypr.* &c.

(b) *Act.* 20. 28. *Act.* 15. 19.

appellatio (c), gradus tamen distincti semper fuerunt. Episcopum, tam Ordinis quam Jurisdictionis potestate, Presbytero esse Jure divino superiore indubitanter constat (d). Ordinis quidem potestate superior est: nam Confirmationis & Ordinis administrat Sacramenta; quod quidem Presbytero non competit nisi *extraordinariè* solam & quoad Confirmationem: Jurisdictione verò, hanc enim propriam & ordinariam habet per totam Diocesim; Presbyter autem, vel vicariam tantum Jurisdictionem obtinet ac delegatam; vel ordinariam, sed in quadam solummodo parte Diœcesis. Et certè Episcoporum, qui in *Apostolorum locum successerunt* (e), hæc prærogativa est, ut in toto sue ditionis territorio Clerum populumque regant & pascant, quin etiam ut in gravi delicto contumaces pœnis Canonicis coercerent.

Nec verò quisquam animo fingat eam Episcopatus naturam esse, ut Sacerdotes ordinandi *Patresque gignendi* (f), & Spiritum sanctum in Confirmatione tradendi solam potestatem faciat. Quin potius, hoc sublimi Ordine insignitus, eo in loco ha-

bendus est, ut eminentem cujuslibet functionis Hierarchicæ & Sacerdotalis, totiusque Ecclesiastici regiminis auctoritatem in se complexi existimetur, ut patet omnium Diœcesis Ecclesiarum *Speculator* (g), idemque Pastor ovium simul & Pastorum (h). Et quidem Episcopali consecratione traditur Sacerdotii complementum, apex & primatus: unde Episcopus eadem cum Presbyteris Sacramenta celebrans, agit ut supremus Sacerdos, ut Christi in sua ditione Vicarius, Apostolicæque potestatis hæres; Presbyteri autem, etsi cum Episcopo Sacerdotii participes, Sacramenta non celebrant nisi jussu Episcopi, tanquam sibi pro Domino præsentis (i). Neque Evangelium annuntiant, nisi præeunte ipsius concessu, vel nisi Pastores ab ipso fuerint canonicè instituti (k). Hinc secundi Ordinis Pastores, tamen divinam CHRISTI JESU in populos sibi commissos auctoritatem exercent, Episcopo tamen subjectos se fateantur. Hinc Episcopatus à Presbyteratu distinguitur, ut potè novum characterem imprimens, vel certè Presbyteratum, quem præsupponit, extendens; veramque habet Sacramenti rationem. A tribus Epif-

(c) *Ad. 20. 17. Tit. 1. 5. 6. 7. 2 Joan. 1. 3 Joan. 1. S. Clem. Rom. Ep. 1. ad Cor. S. Iren. adv. Hæc. l. 4. cap. 43. S. Clem. Al. Strom. l. 7. S. Cyr. Ep. 41. (al. 44.) & Ep. 41. (al. 48.) S. Chrys. Hom. 1. in Ep. ad Philipp. S. Hier. Ep. 83. (al. 81.) & l. 1. in Ep. ad Tit. cap. 1. v. 5.*

(d) *Ad. 21. 18. S. Ign. Ep. ad Smyrn. S. Greg. Naz. Or. 21. in laud. S. Basil. S. Leo, Ep. 12. c. 4. S. Epiph. Hæc. 75. n. 3. Conc. Trid. Sess. 23. can. 7.*

(e) *Conc. Trid. Sess. 23. c. 4.*

(f) *S. Epiph. Conc. Trid. sup.*

(g) *Ezech. 3. 17.*

(h) *Joan. 21. 15. 16. 17. Ad. 20. 17. & seq. 1. Petr. 5. 2.*

(i) *S. Ign. sup.*

(k) *Idem ibid. S. Cyr. Ep. 65. & 69. S. Hier. Ep. 1. S. Leo, diff. 11. (al. Ep. 88.) Conc. Aquisgr. c. 9. Nicol. I, Ep. 47. Conc. Trid. Sess. 6. c. 1. Sess. 5. de Ref. c. 2. & Sess. 24. de Ref. cap. 4.*

copis confectur per manuum impositionem, & hæc verba: *Accipe Spiritum sanctum*, &c. Quanquam dubitandum non est quin, saltem accedente summi Pontificis dispensatione, à duobus aut etiam ab uno possit validè conferri.

Porro non ira superior est Presbytero Episcopus, ut neminem habeat superiorem. Nam Episcopi, licet Ordine pares, varios tamen inter se agnoscunt Jurisdictionis gradus (1), quorum ordinem constituerunt sancti Canones. Scilicet Episcopi, Jure Ecclesiastico, subjunguntur Metropolitanis, quos hodiè Archiepiscopos vocamus; Archiepiscopi Primatibus & Patriarchis (m); Patriarchæ verò ipsi, atque omnes universum cujuscunque gradus Antistites, Romano Pontifici, qui nempe *Archiepiscopus, totius orbis terrarum Pater & Patriarcha est* (n); quique, ex institutione divina, primatum honoris & Jurisdictionis in tota Ecclesia obtinet, tanquam Principis Apostolorum successor, Ecclesiæque Caput visibile, ipso supremo atque invisibili Capite Christo Domino, cujus Vicarius

est in terris (o). Hinc oritur præcella dignitas Ecclesiæ Romanæ, omnium martiris & magistræ, in qua *semper Apostolica Cathedra viguit principatus* (p), quæ centrum est Catholicæ unitatis; » ad quam (id est circò), propter potiorè principatitatem, necesse est omnem convenire Ecclesiam, hoc est, eos » qui sunt undique Fideles (q), » qui nempe summo Pontifici honorem debent, obsequium & obedientiam; & si ab illo segregent semetipsos, non possunt in mystici Corporis Christi unitate permanere.

Hæc illa est divinitus instituta, sibi que mirum in modum per gradus coherens Ecclesiastici Ministerii dispositio, undè exurgit Ecclesiæ fortitudo & gloria; undè pariter Ecclesia, suo cuique assignato loco & munere, ut *castrorum acies ordinata* subsistit (r).

ITAQUE omnes reverentur Episcopum ut JESUM CHRISTUM, Presbyteros autem ut concilium Dei (s). Hi videlicet, Episcopis quidem inferiores (t), Diaconis verò superiores (u), spiritualibus Fi-

(1) S. Leo, sup.

(m) Conc. Nic. I. æcum. an. 325. can. 4 & 6.

(n) S. Cyr. Al. in Conc. Eph.

(o) *Match.* 16. 18. *Joan.* 21. 15. &c.

(p) S. Aug. Ep. 43. n. 7. (al. 162.) Conc. Trid. Sess. 22. cap. 8.

(q) S. Iren. lib. 3. cap. 3. Vide Euseb. Chron. tom. 1. p. 160. edit. nov. S. Cyr. Ep. ad Quint. laud. à S. Aug. l. 2. de Bapt. c. 3. S. Cyr. Ep. ad Corn. & l. 4. Ep. 8. ad eumd. S. Leo, de assumpt. suâ ad Pontif. Serm. 3. S. Hier. de script. Eccl. Idem advers. Jovin. l. 1. c. 14. & Ep. 57.

ad Damas. S. Ambr. de Sacerd. l. 8. c. 1. S. Prosop. de Ingr. cap. 1. S. Aug. Ep. 43. n. 16. S. Bern. de Consid. l. 2. c. 8. &c. Vide quatuor prima Conc. æcum., scilicet Nic. I. an. 325. Constantinop. I. an. 381. Ephes. an. 431. & Calc. an. 451. Vide etiam Conc. Florent. & Trid.

(r) Cant. 6. 3.

(s) S. Ign. Ep. ad Trall.

(t) Conc. Trid. Sess. 23. cap. 4.

(u) Carth. IV. an. 398. can. 37. Agath. an. 506. can. 65. Barcin. an. 540. can. 4. S. Hier. Ep. 85. (al. 101.)

delium commodis allaborant. » Sa-
 » cerdotes (utique) per Dei gratiam
 » fiunt Parres in fide Catholica re-
 » generatorum, prædicatores cœ-
 » lestium præmiorum, exempla bo-
 » norum operum, documenta vir-
 » tutum, & forma Fidelium. Ipsi
 » sunt Ecclesiæ decus, in quibus am-
 » pliùs fulget Ecclesia: ipsi columnæ
 » firmissimæ, quibus in Christo fun-

» datis innititur omnis multitudo
 » credentium (x). »

*Sacerdotio ex officio deserviunt cæ-
 » teri Ordines (y), ac præcipuè
 » Diaconatus; Diaconos in suis func-
 » tionibus sublevant reliqui Minis-
 » tri: quod quidem ita ordinati con-
 » sentaneum fuit, quò digniùs & majori
 » cum veneratione exerceri posset divi-
 » num Sacerdotii ministerium (z).*

(x) Conc. Parif. VI, an. 829. lib. 1.
 cap. 4.

(y) Trid. Sess. 23. cap. 2.
 (z) Ibid.

C A P U T I I.

DE Ordinibus in specie.

*QUOTUPLICIS generis sint Ordines: quot Majores, quot Minores.
 Quid sit tonsura; quid significent ejus Cereemonia, quonam sit animo
 suscipienda. Ostiarii, Lectoris, Exorcistæ, Acolythi quanam sint fun-
 ctiones. Harum dignitas quanta sit, & undè originemumat. Quo fructu
 in usum revocarentur. A Clericis Minoribus quid exigat Synodus Tri-
 dentina. Ad Subdiaconatum tria potissimum requisita. Subdiaconi officia:
 Majorum Clericorum cælibatus. Diaconi & Presbyteri dotes ac munia.
 Nova Legis Ministros quomodò adumbrarent antiqui Fæderis Ministri.*

QUAMVIS Episcopi ad Hierat-
 chicum Ordinem præcipuè perti-
 neant (a), in Ecclesia tamen ordina-
 tissimâ dispositione plures & diversi
 sunt Ministrorum ordines, ab illo
 fonte communi fluentes, atque ita
 distributi, ut qui jam Clericali Ton-
 surâ insigniti essent, per Minores ad

*Majores ascenderent (b). Omnes
 Ordines septem numero sunt: alii
 Majores & sacri, alii Minores &
 non sacri. Tres numerantur Majo-
 res, Subdiaconatus nempe, Diacon-
 atus, & Sacerdotium, quo nomi-
 ne continentur Presbyteratus & Epis-
 copatus: quatuor verò Minores;*

(a) Conc. Trid. Sess. 23. cap. 2. (b) Ibid. cap. 2.

undè Oſtiarii, Lectores, Exorciftæ & Acolythi. Apud Græcos duo tantum ſunt Ordines Minores, Lectotum, & Subdiaconorum: nec Romanæ Eccleſiæ improbatuſ uſus ille perverſuſ, cum ſcilicet in iis quæ ad fidem non pertinent, æquo animo ferat Eccleſiæ diſſentire (c). Non ſolum autem de Sacerdotibus, ſed & de Diaconis ſacræ Litteræ apertam mentionem faciunt, & quæ maximè in illorum ordinatione attendenda ſunt, graviffimis verbis docent: & ab ipſo Eccleſiæ initio, ſequentium Ordinum nomina atque uniufcuiusque eorum propria miniſteria in uſu fuiſſe cognoscuntur (d).

Ac primò quidem patet Ordinum ingreſſus per Tonſuram; quæ non eſt Sacramentum, neque Ordo, ſed ſacra tantum Cæremonia. Qui Tonſuram accipit, iſ Clericorum numero aſcribitur, ad Ordines capieſſendos præparatur, ad obtinenda & poſſidenda Beneficia Eccleſiaſtica idoneus redditur, Clericalium denique privilegiorum atque immunitatum particeps efficitur, quibus tamen non potitur, niſi Clericalem habitum & Tonſuram deferat. Ided vetò, per Tonſuram, capitis coma tondetur, ut iſ qui vitæ Eccleſiaſticæ rationem amplectitur & Clericis annumeratur, intelligat, ſe, repudiata ſeculi vanitate, abjectiſque terreſtrium curis ſuperſuiſ, divino

cultui totum mancipari (e). Atque hinc, dum capillos reſcindit Episcopopus, hæc Pfaltis Regii verba pronuntiat qui Tonſurâ initiatur: *Domine pars hereditatis meæ & calicis mei; tu es qui reſtitues hereditatem meam mihi* (f).

Cum verò Pontifex eum Superpelliceo induit, hoc ipſi intelligendum præbetur, depoſita ſecularis habitus vetuſtate, aſſumptoque Eccleſiaſtici Ordinis ſacro iudumento, novum hominem eſſe ipſum oportere. Etenim Superpelliceum candore ſuo morum candorem vitæque integritatem & innocentiam designat; undè Episcopopus illum veſte lineâ induens, ita præcatur: *Induat te Dominus novum hominem, qui ſecundum Deum creatus eſt in juſtitia & ſanctitate veritatis*.

Cereum quoque ardentem, qui ſenſim conſumitur, manu gerit Tonſurâ initiandus; quem deferens, jam tum admonetur, & quoties poſtea deferet ordinandus, ſimiliter admonebitur ut ſummo animi ſtudio nitatur lucerna eſſe jugiter ardens & lucens, ardens charitate, lucens verbi & exempli ſanctitate, utque totam vitam in Dei cultum atque obſequium non remiſſo fervore conſumat.

Itaque Tonſurâ initiati, Clerici-que effecti, è ſeculi inſtituto in Domini ſortem (1) Eccleſiæque miniſterium aſſumuntur (g). Ad quod Eccleſiaſticæ profeſſionis tirocinium,

(1) Κληρική, id eſt, ſortis.

(c) Conc. Conſtantinop. añ. 10. can. 5. Ep. Joan. VIII ad Imp. poſtquàm Photius Eccleſiæ reconc. fuit.

(d) Conc. Trid. ſup.

(e) Vide S. Iſid. Hiſpal. apud Æneam,

nono ſec. Pariſ. Epifc. lib. adv. Græc. cap. 185. (f) Pf. 15.

(g) S. Hier. Ep. ad Nepotian. de vita Cleric. & Sac. Conc. Aquisgr. I, an. 816. l. 1. c. 94. Trid. ſeſſ. 12. de Ref. cap. 1.

neminem temerè admittere, neminem impelli debere, docentibus Pasto-ribus, intelligant Fideles parentes; sed eos duntaxat qui Clericatum ingredi velle videntur ut serventiùs Deo serviant, Ecclesiæque utilem præstent operam, non verò eâ intentione, ut aliquo temporali com-modo fruantur (h). Atque in hoc ipso Clericatus limine, id magno- perè inculcandum est: *Nec quisquam sumis sibi honorem, sed qui vocatur à Deo, tanquam Aaron (i).*

Quare primam Tonfuram suscipi à nemine oportet, nisi quis ita lit animo comparatus, ut militiam Ec- clesiasticam perseveranter amplecti constituat, & se tanquam in majore virtutis palæstrâ exercere. Cui volun- tati accedat etiam necesse est in Tonfuræ candidato efficax propo- situm sic disciplinarum studiis incum- bendi, ut ad Ecclesiastica munia dignè & laudabiliter obeunda possit aliquandò aptus fieri. Statuit autem Concilium Tridentinum « ut primâ » Tonfurâ non initientur qui Sa- cramentum Confirmationis non » susceperint, & Fidei rudimenta » edocti non fuerint, quique legere » & scribere nesciant, & de quibus » probabilis conjectura non sit, eos » non secularis judicii fugiendi » fraude, sed ut Deo fidelem cul- » tum præstent, hoc vitæ genus ele- » gisse (k). » Qui hoc modo non esset affectus, sed Tonfuram idèò tantùm susciperet, ut, in omnem

eventum, fieret Beneficii capax, is procul dubio non leviter pec- caret.

PRIMA Tonfurâ initiati, doctri- nâ & meritis crescentibus, ad qua- tuor Minores Ordines promoventur; qui quidem generaliter ita de- finiuntur, ut sint *Ritus quibus con- fertur potestas spiritualis inservien- di, sub ministris majoribus, in iis quæ ad decentem Eucharistia sive conficien- da sive ministranda cultum conducunt.* In eo verò à Majoribus discrepant, quod hi ad divina Mysteria propio- rem dant accessum, graviorumque obstringunt officiorum legibus; unde & sacri singulariter nuncupantur.

Ostiarii munus est Templi claves & januam custodire, illud aperire & claudere (l); Campanas pulsare; eos arcere vel ejicere, quibus nefas est Templum ingredi; populum, ac præsertim feminas, dum Sacra cele- brantur, Sanctuarii aditu prohibere (m); divini Officii tempore dormien- tes expergefaceri; silentium impone- re colloquentibus; divina Officia perturbantes, & quoquomodò in- decorè atque irreverenter in Ecclesia se habentes admonere, quinimò ex- pellere, si se religiosius componere detrectent; Ecclesiam, Vestiarium, Lintea, Ornamenta, Altaria, totamque Ecclesiæ suppellectilem in decenti munditia conservare.

» Ad Lectorem pertinet, in Ec- clesia Veteris & Novi Testamenti

(h) Conc. Montis Pess. an. 1258. c. 2. Trid. Sess. 23. de Ref. cap. 4.

(i) Hebr. 5. 4.

(k) Conc. Trid. sess. 23. c. 4. de Ref.

(l) Carth. IV, cap. 9.

(m) Turon. II, an. 567, can. 4. Ade- rat S. Germanus, Paris. Episc.

» Libros clarâ voce & distiuctè
 » recitare, præsertim verò eos qui
 » inter nocturnam Psalmidiam legi
 » solent (n)»; ac, de licentia Pastoris, pueros fidei rudimenta palàm in Ecclesia docere.

Exorcistæ prærogativa est, ut solemnibus Exorcismorum formulis, in illius nomine qui *sortem armatum fortior alligavit* (o), immundò Spiritus, ut è Fidelium aut Catechumenorum corporibus egrediantur, adjuret (p). Sed jamdudùm, gravissimis de causis, id muneris sibi reservârunt Episcopi, quod solis Presbyteris committunt. Cùm tamen Episcopus vel Presbyter aliquem Exorcismum aggressurus est, debet Exorcista salem & aquam præparate, cæteraque ad benedicendam Exorcismorum Aquam necessaria, & omnia quæ in Exorcismis adhiberi solent; ac denique Sacerdoti Exorcismum peragenti ministrare. Præterea ipsius est cuncta necessaria præparare Sacerdoti ad Exorcismum alicui Benedictioni præmittendum, eidemque assistere; tum etiam ipsi Clerum & populum respergenti præire cum Vase Aquam-benedictam continente, Vas demùm illud cum Aspergillo in Processionibus ante Crucem deferre.

Acolythi Episcopum olim comitabantur, ejusque Epistolas deferabant. Eorum munus est Ministros majores Subdiaconum & Diaconum in Altaris ministerio affectari, eisque

operam dare; vini & aquæ Urceolos Subdiacono tempore Sacrificii porrigere; ad Missam cæteraque Officia divina, Cereos accendere, ipsosque & tempore Sacrificii, maxime verò cùm Evangelium legitur, & in Processionibus deferre (q); undè *Ceroferarii* dicuntur. Præterea ignem & thus præparant; thuribulum gestant, & quandoque thurificant.

Eas potèrò functiones olim tanto honori duxit Ecclesia, ut Minorum Ordinum gradus eximiam cujusdam mercedis instar iis essent, qui CHRISTUM JESUM intericta libertate in tormentis coram Judicibus confessi fuerant, vel qui pietate exemplum faciente præcellerant (r). Et quidem inferiorum hujusmodi graduum dignitas è Sacrificii desumitur excellentiâ; quæ nempe tanta est, ut, quidquid ad ipsum pertinet, etiam è longinquo, verendum quidam esse merito judicetur.

Et si autem posteriorum temporum solutiore disciplinâ in defuetudinem abierunt munia illorum Ordinum propria, ita ut sæpius à Presbyteris, vel potiùs à Laicis exercentur; Ecclesiæ tamen in votis est, ea, quantum ueri poterit, in usum revocari, admissis etiam, si deficiant Clerici *calibes*, probata *vita Clericis conjugatis* non bigamis (s). Si enim *hujusmodi sancta ministeria non nisi per constitutos in distis Ordinibus exercentur* (t),

(n) *Cat. Trid. de Sacram. Ord. n. 32. Vide Conc. Carth. sup. cap. 8.*

(o) *Matth. 12. 29. Luc. 11. 21.*

(p) *Conc. Carth. IV, cap. 7.*

(q) *Ibid. cap. 6. Cat. Trid. sup. n. 36.*

(r) *S. Cypr. Ep. 38. (al. 33.) & 39. (al. 34. Sulp. Sev. in vit. S. Mart. &c.*

(s) *Conc. Trid. Sess. 23. de Ref. c. 17.*

(t) *Ibid.*

affulgebit aliqua spes ita fore, ut pristinum Ecclesiæ decus reflorescat; ut præsertim Fidelium conventus in Basilicis, per totam Rei divinæ celebrationem, decenter, modestè ordinatèque agatur, invigilantibus scilicet ex officio Ministris ad hoc præpositis, ut *domus Dei* verè sit *domus orationis* (u), non promiscuæ frequentiæ, colloctionis, concursationis, omnimodæque irreverentiæ. Huc accedit quòd inferiores Ministri in suo quisque Ordine stabiles, atque in Ecclesiasticæ militiæ castris diù exercitati, magnam consequerentur superiorum graduum opinionem; ad quos non aliter quàm probatâ virtutis & scientiæ maturitate promoverentur.

Jam verò ab iis qui Minores Ordines suscepturi sunt, vel jam susceperunt, hæc exigit Concilium Tridentinum: 1°. ut linguam Latinam intelligant; ita nempe, ut, cum hinc ad altiores gradus & sacratissima mysteria sit ingressus, nemo iis inicietur, quem non scientiæ spes Majoribus Ordinibus dignum ostendat: 2°. ut singulorum Ordinum istorum vim & officia perspecta habeant, ac in unoquoque munere, juxta præscriptum Episcopi, se exerceant, idque in ea cui adscripti erunt, Ecclesiâ, nisi fortè ex causa studiorum absint: 3°. ut in eis, cum ætate, vitæ meritum & doctrina major accrescat; quod & bonorum operum exemplum, & assiduum in Ecclesiâ ministerium, atque major erga

Presbyteros & superiores Ordines reverentiâ, & crebrior quàm antea Corporis Christi Communio maxime comprobabunt. Id postea subiungit sancta Synodus: » Hi verò » non nisi post annum à suscepio- » ne postremi gradus Minorum » Ordinum ad sacros Ordines pro- » moveantur, nisi necessitas aut » Ecclesiæ utilitas aliud exposcat » (x). »

Ab Ordine Acolythi, qui est summus Minorum, patet ascensus ad Subdiaconatum, qui est Majorum infimus; & ad quem ritè ac legitime suscipiendam, tria potissimum, juxta Constitutiones Ecclesiasticas, requiruntur: 1°. ut Ordinandus vigesimum-secundum ætatis annum attigerit, atque uno saltem anno, nisi alius constituerit Episcopus, in Minoribus fuerit tedulò versatus & probatus: 2°. ut sit probitate & scientiâ commendabilis; utque ex antea vitæ merito se confidat posse reliquam vitam in castitate perfecta exigere: 3°. ut (si sit Clericus Secularis) vel ex Beneficio Ecclesiastico, vel ex patrimonio, vel annua pensione reipsâ possideat quod satis sit ad seipsum honestè sustentandum; ne, cum dedecore sacri Ordinis, mendicare, aut questum aliquem sordidum exercere cogatur: quâ de re necesse est ut plenam atque integram Episcopo fidem faciat, remotâ fraude, seclusoque dolo; aliqui gravissimis fieret pœnis obnoxius (y).

(u) Luc. 19. 46.

(x) Conc. Trid. sess. 23. c. 11. de Ref.

(y) Ibid. cap. 12. & 13. item sess. 21. de Ref. cap. 2.

« Porro Subdiaconi munus est, ut nomen ipsum declarat, Diacono ad Altare inservire. Sacra enim lintea, vasa, panem & vinum ad Sacrificii usum necessaria, parare debet. Epistolam etiam quæ olim à Diacono in Missa recitabatur, Subdiaconus legit, ac tanquam testis ad Sacrum assistit, prohibetque ne Sacerdos Sacra faciens à quopiam perturbari possit (γ). » Præterea Evangelii textum apertum Episcopo vel Presbytero celebranti, atque etiam Episcopo præfenti & non celebranti, clausum verò Missarum aut Evangeliorum librum cæteris de Clero osculandum præbet: instante Sacrificii celebratione, Vasa consecrandi Corporis & Sanguinis Domini Diacono ad Altare porrigit; aquam vino superinfundit in Calicem; populi oblationes suscipit; & Sacerdoti celebranti aquam ministrat, cum manus in Missæ Sacrificio abluit. Ad ipsum quoque pertinet sacra Vasa & Lintea quæ Sacrificio inserviunt, curare; Purificatoria, Corporalia & Pallas abluere; Crucem præferre Clero & populo sub hoc Regis regum vexillo procedentibus; quem tamen honorem in multis

Ecclesiis obtinent Acolythi.

Tertio seculo & sequentibus, Subdiaconorum fit mentio (a); sed in Ecclesia Græca semper inter Minores Clericos relati fuere, & in ipsa Ecclesia Latina usque ad seculum quintum, aut etiam sextum vel septimum, quibusdam in locis (b). Ab illo tempore, sacris seu Majoribus Clericis ubique apud Latinos annumerati sunt; sacra Vasa tangete concessum eis fuit, atque idcirco imposita castitas perfecta, juxta illud quod, Deo per Prophetam loquente, præcipitur: *Mundamini, qui fertis Vasa Domini* (c): quæ quidem disciplina, post Decretum Urbani II in Concilio Claromontano (d), per totam Occidentis Ecclesiam uno eodemque modo obtinuit.

Olim, quicumque in Cleri Ordinem cooprabatur, Ecclesiæ ministerio constanter addictus manere solebat; eaque disciplina usque ad tertium-decimum seculum intacta perseveravit (e). Nec antea licitum erat Clericis vel solâ Tonsurâ initiatis, aut iis qui Minoribus Ordinibus insigniti jam fuissent, Clericarum abdicare, quod nunc licet in Ecclesia Latina: quanquam nec prima

(γ) *Cat. Trid. sup. n. 37. Vide Const. Ap. l. 8. c. 11. & 28. Conc. Rem. II, an. 813. can. 4. Aquisgr. I, an. 816. l. 1. cap. 6.*

(a) *S. Cypr. Ep. 28. (al. 34.) &c. Siric. P. Ep. 1. can. 9. Conc. Laod. c. an. 368. can. 22. 25. 43. Tol. I, an. 400. can. 2. 20.*

(b) *Conc. Nic. can. 3. Laod. can. 1. Araus. I, an. 441. can. 25. Arvern. an. 535. can. 13. Aurel. IV, an.*

541. can. 13. *Matisc. I, an. 581. can. 1.*

(c) *Is. 52. 11. Conc. Aquisgr. I, sup. (d) An. 1095.*

(e) *Conc. Calc. gen. IV, an. 451. can. 7. Tribur. an. 895. can. 27. Hispal. can. 3. Capis. l. 7. c. 393. Justinian. Nov. 123. Leo phil. Const. 7. S. Raym. de Pagnaf. dect. summ. feg. 50. ed. Rom. an. 1602.*

Tonsura, nec Minores Ordines inconsultè & sine experimento etiamnum suscipiendi sunt. Subdiaconus autem, cum propius augustissimo Sacrificio ministret, Lintheaque & Vasa trañet in quibus consecrantur Corpus & Sanguis Domini, ita Ecclesiasticæ militiæ ascribitur, ut ei jam non liceat à proposito resilire: ac præterea illud ipsi impositum est sacrum & non prætereundum officium, ut integras recitet Horas Canonicas, cum ea scilicet animi attentione & pietate quam exigit attentio illud quo tunc fungitur, ministerium mediatoris Deum inter & populum constituti. Dum nempe cætera hominum multitudo tumultuosius vitæ civilis muniis operosè occupatur, hic forte feliciore donatus, id sibi potissimum muneris impositum habet, ut, totius populi nomine, ante thronum divinæ Majestatis preces, gratiarum actiones laudesque perferat. Obstringitur præterea Subdiaconus lege perpetuâ continentiæ servandæ, vitæque cælibis ducendæ; ita ut deinceps ad ineunda nuptiarum fœdera fiat prorsus inhabilis (f). Nemo igitur ad Subdiaconatum contendat, nisi qui speret, Deo auctore, se continere posse (g). Et quoniam

non omnes capiunt verbum istud, sed quibus datum est (h), prober seipsum congruo temporis intervallo, donum illud eximium à Deo totius puritatis efflagitans; » quia nullus » debet ad ministerium Altaris accedere, nisi cujus castitas ante » susceptum ministerium fuerit approbata (i). »

Post sacram Ordinationem Matrimonio jungi, semper & ubique illicitum fuit (k): quanquàm non nihil difficultatis est quoad usum Ecclesiæ Græcæ erga Diaconos in quibusdam casibus, & veterem quarundam Occidentis Ecclesiarum erga Subdiaconos disciplinam. Apud Græcos, cum nioribus ante Ordinationem ductis habitare conceditur Clericis majoribus, exceptis Episcopis, qui, secundum illius Ecclesiæ disciplinam, ex Ordine Monastico duntaxat, in quo jam continentiam voverunt, ad Episcopatum assumuntur (l). Apud Latinos verò, à Subdiaconatu inclusive, non ordinantur majores Clerici, nisi cælibes, aut ab uxoribus castitatem professi digressi, juxta disciplinam antiquissimam, vel potius Apostolicam (m), saltem quod ad Episcopos, Presbyteros Diaconosque pet-

(f) Conc. Vas. I, an. 442. Senon. an. 1218. Decr. morum, 19. Mediol. IV, an. 1576. part. 3. tit. 2. Rem. an. 1583. tit. de Breviar. n. 2.

(g) Trid. Sess. 23. cap. 13.

(h) Matth. 19. 11.

(i) S. Greg. I. 1. Ep. 42.

(k) Const. Ap. I. 6. c. 17. Can. Ap. 25. Conc. Neoc. an. 314. can. 1. Paris. an. 1528, decreto fidei 8.

(l) Trull. an. 692. can. 6. & 48. Carth. II, an. 390. can. 2.

(m) Tit. 1. 8. Conc. Ancyr. c. an. 314. can. 10. Elib. can. 33. Carth. III, an. 397. can. 1. Can. Ap. 27. S. Ambr. de Off. I. 2. c. ult. S. Aug. de adult. conj. I. 2. c. 20. S. Hier. cont. Vigil. initio. & cont. Jovin. post. med. S. Epiph. exposit. fid. Cath. cap. 21. & Hæz. 59. S. Siric. P. Ep. ad Himer. Tarr. Episc.

tinet (n). Cujus in figuram venerandi cœlibatûs, antiqui Fœderis ministri uxorum consortio abstinebant statim ministerii sui vicibus in Templo manentes. Cùm autem perpetuum sit novæ Legis ministerium, perpetua quoque esse debet factorum Ministrorum continentia. Quin & celliorem quodam proposito, cœlibes eos esse voluit Ecclesia; ut nempe Sacerdotes & Pastores » secularibus omnibus superiores, & » ab omni temporanea sollicitudine » liberati, » nec divisi inter Deum & familiam, quæ Domini sunt, unicè solliciti essent (o), totique in ministerio Tabernaculi & sanctificatione Fidelium, pudicâ fecunditate spirituales filios Deo generarent verbo veritatis & exemplo virtutis. Cui disciplinæ salutari, ad majorem Clericorum decus & venerationem usque adeo efficaci (p), jam à fine VI sæculi derogavit Ecclesia Græca; quæ Matrimonio junctos ad Diaconatum & Presbyteratum non modò admittit, verùm etiam, ut jam diximus, ordinatos in uxorum contubernio relinquit (q).

Porro, cùm Subdiaconus, per suam Ordinationem, Clericali professioni in perpetuum ascribatur, nec

possit ad secularis instituti munera seu negotia transire, idèd requiritur ut perpetuam honestamque sustentationem habeat; undè, juxta præsentem disciplinam, necessarius illi est *Titulus Clericalis*; in quo quænam sint observandæ solemnitates, magis opportuno loco edisseretur (r).

POSTQUAM Subdiaconus per annum saltem (nisi aliud Episcopo visum fuerit) in suo est Ordine versatus (s), ipsi gradus fit ad Diaconatum. *Diaconi ordinantur, qui sublimiori gradu præ cæteris circa Aram Christi, quasi columna, assistant* (t): quorum scilicet ministerium latius patet quam cæterorum inferioris gradûs Ordinum, sanctiusque semper habitum est (u). Iis olim Evangelii prædicatio commissæ erat, Baptismi quoque administratio. Sanguinem etiam Domini ministrabant, in quibus Ecclesiis ea consuetudo erat ut Fideles Eucharistiam sub utraque specie sumerent. Ad eosdem præterea Ecclesiasticorum bonorum dispensatio pertinebat, ut cuique ad victum necessaria subministrarent. Pœnitentium denique, agaparum & eleemosynarum curam gerebant, tanquam Episcoporum legati atque adjutores (x);

(n) Vide S. Thom. Bellarm. tom. 2. l. 1. c. 19. & 29. Thomass. discipl. c. 24. 25. 26.

(o) S. Chryss. in Matth. Hom. 33. §. 1. (al. Hom. 34.) 1. Cor. 7. 32. 33.

(p) S. Bern. de mor. & off. Ep. ad Henr. Senon. Arch. c. 3. §. 8.

(q) Conc. in Trull. can. 6. & 13.

(r) Infra, Cap. V.

(s) Conc. Trid. sess. 23. c. 13. de Ref.

(t) Aquisgr. I, an. 816, l. 1. c. 7.

(u) Cat. Trid. sup. n. 39.

(x) Añ. 8. §. 5. S. Ign. Ep. ad Philad. c. 11. S. Aug. Serm. 44. (al. 4.) de div. n. 12. (al. 176.) de Sanctis, n. 8. & 9. edit. Paris. (al. 274. 275.) S. Cyr. Jer. Cat. 17. S. Just. Apol. Const. Ap. l. 1. cap. 16. 28. 31. & 57. Conc. Carth. IV, can. 38. & 43.

& tanquam ipsorum oculi, Fide-
lium moribus perpetuò invigilabant.
Nunc in Liturgiæ celebratione cunc-
tique munitis solemnibus, Episcopo
vel Presbytero assistunt ac minis-
trant. Sacerdoti omnia porrigunt ad
sacrificandum necessaria, & cum eo
Sacrificium offerunt, non quidem
concelebrantes vel simul consecran-
tes, ei verò duntaxat, nomine po-
puli, sese adjunctes; sanctum
Evangelium publicè legunt; de Epis-
copi licentiâ, docent & prædi-
cant (y); ac denique, cum id ex-
pectant graves causæ, solemniter in
Ecclesia baptizant.

Præcipit Apostolus *Diaconos pu-
dicos esse, non bilingues, non mul-
to vino deditos, non turpe lucrum
seculantes, habentes mysterium fidei
in conscientia pura. Hi autem, in-
quit, probentur primum, & sic mi-
nistrent, nullum crimen habentes* (z).

QUI benè in Diaconatu ministra-
verint, gradum bonum sibi acqui-
rent (a), » nempe Sacerdotium, qui
» sacrorum Ordinum summus gra-
» dus est. Qui verò illo præditi
» sunt, eos veteres Patres duobus
» nominibus vocare solent; inter-
» dùm enim *Presbyteros* appel-
» lant (b) (latine Seniores), non

» solùm propter ætatis maturita-
» tem, quæ huic Ordini maximè
» necessaria est, sed multò magis
» propter morum gravitatem; doc-
» trinam & prudentiam (c). » Hæc
illa est *senectus venerabilis*, non
quidem *annorum numero compu-
tata* (d), sed meritorum præconio
commendata » Interdùm verò Sa-
» cerdotes vocant, tum quia Deo
» consecrati sunt, tum quia ad
» eos pertinet Sacramenta admini-
» strare, sacrasque res & divinas
» tractare (e). »

Atque idè constituti sunt Pres-
byteri, ut cum Episcopo in mune-
rum vel sanctissimorum communio-
nem venirent. Scilicet cum Episco-
po *Presbyteri Sacerdotali honore
conjuncti* (f), sacrosanctum Missæ
Sacrificium offerunt; populo benedi-
cunt, & pro illo deprecantur;
rebus & personis omnibus, qua-
rum benedictio non est Episcopo
reservata, ritum *Benedictionis* im-
pendunt; Sacramenta, præter Con-
firmationem & Ordinem, admini-
strant; de Episcopi concessu;
verbum Dei annuntiant; præ-
sunt Fidelibus, eosque in ordine
salutis regunt (g), susceptâ per
Canonicam Episcopi institutionem
curâ Pastoralis (h). Scilicet, quam-

(y) S. Ign. Ep. ad Tra'l. c. 2. S. Epiph.
Har. 79. n. 4. Conc. Vaf. II, an. 529.
can. 2. Const. Ap. l. 2. c. 57. Petr. Lom-
bard. Parif. Epifc. an. 1159, Sent. l. 4.
dist. 23, art. 8. Vide Cat. Trid. sup.

(z) 1. Tim. 3, 8, 9, 10. Petr. Lom-
bard. sup. art. 9.

(a) 1. Tim. 3, 13.

(b) Cat. Trid. de Sacram. Ord. n. 42.
43.

(c) Ibid.

(d) Sap. 4, 8.

(e) Cat. Trid. sup. n. 44.

(f) S. Cypr. Ep. 58. (al. 61.).

(g) Conc. Parif. VI, an. 829. l. 1. 1.
cap. 4.

(h) Añ. 14. 22. Tit. 1. 5. S. Cypr.
Ep. 10. (al. 16.) Const. Ap. l. 3. c. 20.
& l. 8. c. 28. Conc. Carth. III, can. 36.
& IV, can. 26. & 102. Arel. II, an.

vis Presbyterorum tantæ tamque eximie sint prærogativæ, Episcopus tamen, ut suprâ suo loco fusiùs diximus (i), Presbyteris Jure divino superior est. Presbyteri autem, sicut ordine cæteris Ministris inferioribus sanctiores sunt, sic & doctrinâ potiores, & moribus præcellentes esse debent (k). Oportet, inquit Apostolus, Episcopum, (quo nomine Presbyterum comprehendit), irreprehensibilem esse; unius uxoris virum, id est, qui ne successivè quidem duas uxores duxerit, nullâque sit ratione bigamus; sobrium, prudentem; ornatum, id est, in omni habitu, sermone, gestu atque ingressu decenter compositum; pudicum, hospitalem; doctorem, idoneum scilicet, promptumque ad docendum; non vinolentum, non percussorem, sed modestum; non litigiosum, non cupidum, sed sue domui benè prepositum; filios (si quos ante Sacerdotium in Matrimonio genuerit) habentem subditos cum omni castitate: si quis autem domui sue præesse nescit, quomodo Ecclesia Dei diligentiam habebit? non neophytum, id est, recens conversum aut baptizatum; ne in superbiam elatus, in iudicium incidat diaboli (l).

Hæc igitur meritò sanxit Concilium Tridentinum: » Qui piè & fide delitet in ministeriis anteauctis fe-

» gesserint, & ad Presbyteratus Ordinem assumuntur, bonum habebunt testimonium; & hi sunt, qui, non modò in Diaconatu ad minus annum integrum, nisi ob Ecclesiæ utilitatem ac necessitatem aliud Episcopo videatur; ministraverint, sed etiam ad populum docendum ea quæ scire omnibus necessarium est ad salutem, ac ad ministranda Sacramenta, diligenti examine præcedente, idonei comprobentur; atque ita pietate & castis moribus conspicui, ut præclarum bonorum operum exemplum & vitæ monita ab iis possint exponi (m). »

PORRO divinæ illius Hierarchiæ Ministri omnes communi nomine Clerici appellantur, eò quod, ut jam innuimus, sint portio Dei electa, Dominumque partem & hereditatem suam habeant, quemadmodum de Sacerdotibus & Levitis in veteri Lege pronuntiatum fuerat (n). Diaconi, cæterique inferiores Ministri, locum tenent Levitarum, qui, nondum extructo Templo, cum Arca fœderis Domini habitaret sub pellibus (o), Tabernaculum portabant; qui deindè multiplici appellatione ministri domus Dei, cantores, janitores, (p), sacris ministeriis, umbra cælestium, in Templo deservie-

412. can. 26. Sueff. I, an. 744. can. 4. Vern. can. 8. Bitur. can. 22.

(i) Cap. I.

(k) Capit. Herardi, Turon. Archiep. an. 858. (l) 1. Tim. 3.

(m) Conc. Trid. sess. 23. cap. 14. de Ref.

(n) Num. 18. 30. Deut. 10. 9. & 18. 2. 10. Josue, 18. 7. Ezech. 44. 18.

(o) 2. Reg. 11. 11. 1 Paral. 17. 1.

(p) 1. Esdr. 7. 24. Conc. Aquisgr. I, an. 816. l. 1. c. 6.

rant (q). Presbyterorum figura quædam erant Sacerdotes filii Aaron, consecrati manibus sanctificati (r); quorum munus erat incensum Domini & panes Dei sui offerre (s), diversi generis immolare victimas, populum docere quid esset inter sanctum & pollutum, inter mundum & immundum (t), leprosos & impuros segregare, atque expiatis in sanctificatæ plebis societatem vel ad Sacrorum participationem rursus admittere, ac demum justitias carnis conferre (u), & Populum Dei variis lustrare cæremoniis. Episcopi, qui scilicet in quaque Ecclesia unus est, typum gerebat Pontifex de semine Aaron, Sacerdos maximus, super cujus caput fuscum erat unctionis oleum, & cujus manus in Sacerdotio consecratæ erant (x).

Abrogatâ illâ veteris Testamenti Hierarchiâ, successerunt multò præstantioris generis Sacerdotes & Le-

vites, ad majora nempe sanctioraque officia ordinati: quos utique non solum totius exterioris cultus apparatus singulati curâ prosequi, & novi Sanctuarii nitorem diligere oportet, sed præterea Ecclesiam ex vivis lapidibus constantem, domum spiritualem (y), quæ est Fidelium societas, verbo & exemplo xdicare, ac virtutibus adornare. Eò tendit universum novi Sacerdotii ministerium, scilicet ad populi Christiani sanctificationem; hic est ejus finis præcipuus; ad quem obtinendum, profectò in Ministris requiritur, inter cætera, singularis pietas & morum honestas. » Quantò enim (inquit Concilium Parisiense) Ecclesiastici viri perfectioris status & majoris dignitatis honore illustrantur, tantò majorem Domino tenentur exhibere reverentiam, & ab omnibus illicitis diligentius abstinere (z). »

(q) Hebr. 8. 5.

(r) Exod. 28. 41.

(s) Levit. 21. 6.

(t) Ezech. 44. 23.

(u) Hebr. 9. 10.

(x) Levit. 21. 10. Vide Exod. 28. 41. & Levit. 8. 2. 12.

(y) 1. Petr. 2. 5.

(z) Conc. Paris. an. 1429, can. 21. Aderat D. Jacobus du Chastellier, Paris. Episc.



CAPUT III.

DE Ordinis gratiâ, caractere, materiâ, formâ & Ministro.

RITUS conferendi Ordinis quibusnam cōsistat. Hujus gratia duplex, & character. Ordinis materia & forma. Ritus conferendi Ordines, tum Minores, tum Majores. Utrum singuli Ordines totidem sint Sacramenta. Ordinis Minister. Quisnam sit proprius Episcopus.

EX iis quæ jam superius diximus manifestum est, Ordinem, sive sacram Ordinationem, Sacramentum esse, potestatem conferens publica exequendi munia quæ ad Dei cultum, animarum sanctificationem & salutem, Ecclesiæque regimen pertinent; simulque gratiam tribuens functiones illas pie sanctèque exercendi. Atque idcirco inter Sacramenta Ordo recensetur, quod, prout etiam observavimus, naturam habeat signi sensibilis gratiam impertientis. Illud autem signum sensibile, ipsa est Episcopi oratio & manuum impositio; cujus effectus sunt, collata sacris muneribus fungendi potestas & gratia (a). Ritus igitur conferendi Ordinis constat materiâ & formâ, id est, rebus & verbis, quibus, tanquam signis exterioribus, gratia & officia per Sacramentum collata exprimuntur.

» Cætera Sacramenta gratiam ad

» illorum sanctificationem & usum
» tribuunt, à quibus percipiuntur :
» ac verò qui Sacris initiantur, ob
» eam rem cælestis gratiæ participi-
» pes fiunt, ut eorum ministerio,
» Ecclesiæ atque adeò omnium ho-
» minum saluti consulatur (b). »
Itaque hujus Sacramenti gratia non ad solam hominis illud suscipientis sanctificationem refertur : per hujusmodi gratiam idoneus Sacrorum minister effectus (c), is pariter evasit, qui Fideles per cæterorum Sacramentorum collationem atque Evangelii prædicationem sanctificare valeat.

SED præter geminam illam gratiæ per Ordinem collatæ virtutem, præter ipsum gratiæ sanctificantis incrementum, variaque pro munere ritè sanctèque obeundo conferenda suo tempore auxilia, alius est ejus effectus, scilicet character po-

(a) *Act. 6. 6. & 13. 3. 1. Tim. 4. 14. 22. 2. Tim. 1. 6. Const. Ap. l. 3. c. 10. S. Greg. Nyss. or. in diem Lum. S. Chrys. Hom. 1. in 1. Tim. Inn. I, Ep. 18. ad*

Alex. Episc. Ant. cap. 3. Conc. Trid. Sess. 23. c. 3. & can. 4.

(b) *Conc. Trid. de Ord. Sacram. n. 54.*

(c) *1. Cor. 3. 6.*

testaris & ministerii Ecclesiastici, animæ penitus inhærens, atque indelebilis. Eo caractere obsignatus, etiamsi verbi ministerium non exerceat, vel à suis functionibus suspendatur ob scelus admissum, vel ab Ecclesiæ Communionem abscindatur, nihilominus Dei altissimi perseverat esse Minister; idèdque acceptam in sua Ordinatione potestatem nequaquam amittit. Undè hæc duo facile colliguntur: primùm quidem (ut hic de solo Sacerdotio sermonem habeamus), cùm talis tantæque Sacerdotibus conferatur potestas, quæ ipsis etiam Angelis sit obstupefenda, ut nempe, dum panem & vinum consecrant, Dei Filius, humani generis Conditor ac Redemptor, quasi obediens voci hominis, præsentem se in Altari præbeat; urque, dum hominem verè poenitentem absolunt in terris, ejus peccata deleantur & in cælis; consequens profectò est ut tremendum Dei viventis judicium incurrant, qui se non vocatos temerè audacterque in tantam dignitatem ingerunt, vel tam sublime ministerium abjectâ vivendi ratione pravisque moribus, cum offensione publica multorumque subversione, commaculant. Alterum confectarium illud est, quòd, cùm ea dignitatis prærogativa Sacerdotibus auferri non possit, eam Fideles in iis suspicere ac venerari debent, etiamsi illos sceletibus suis ab

ipsa degenerare contingat. Id quidem summopetè lucuosum est; quod ut Deus optimus ab Ecclesia sua dignetur avertere, diligenter instanterque est obsecrandus. Si tamen idipsum accidere iusto atque inscrutabili iudicio permittat; non minùs ejusmodi Sacerdotes, quantumvis indignos, existimari oportet ut *Ministros Christi & dispensatores mysteriorum Dei*, quorum etiam operâ & verbis sæpè utitur Deus, ut ad æternam salutem perducantur Electi.

Per Ordinis Sacramentum impressi characteris hæc præterea virtus est, ut qui semel ritè fuerit ordinatus, iterùm ordinari nequeat (d). Nec Majores Ordines, nec Minores, nec ipsa Tonsura iterari possunt, vel extra Ecclesiam suscepta, modò tamen Episcopus ritè consecratus legitimam in conferendis Ordinibus materiam, formam atque intentionem adhibuerit. Hinc ab Hæreticis vel Schismaticis ritè ordinati, rursus ordinari sine sacrilegio non possunt; validè enim, sicut baptizant, ita ordinant Hæretici & Schismatici apud quos integra manserunt quæcumque ad Sacramenti rationem pertinent. Verumtamen ordinatos ab Hæreticis & Schismaticis, non esse suscipiendos, sed deponendos merito judicavit Ecclesia; quemadmodùm eos qui simoniace aut aliâs contra sanctos Canones ordinati fuerint (e). Qui ergo ab ejusmodi Episcopis scientes &

(d) Can. Ap. 67. Conc. Carth. III, can. 38. Trid. Sess. 23. cap. 4. & can. 4.

(e) S. Cyr. Ep. 79. (al. 69.) Inn. I, Ep. 22. ad Episc. Maced. c. 3. Conc. Nic.

can. 19. Arel. can. 13. Cabil. can. 16. Rem. II, an. 813. can. 21. Suff. II, an. 813. Trid. Sess. 7. cap. 11. de Ref. & Sess. 23. c. 8. de Ref.

volentes ordinarenrur, gravissimè peccarent, suorumque Ordinum executione ipso facto privarentur.

JAM verò, per manuum impositionem orationi conjunctam, in sacra Ordinatione gratiam conferri, tum Scripturæ, tum Traditionis auctoritate semper intellexit Ecclesia (f). Insupèr, saltem apud Latinos, adhibetur Instrumentorum & Vestium, quasi dignitatis insignium, traditio; quæ quidem, juxta plures Theologos, ad Sacramenti essentiam pertinet, ideòque nunquam omitrenda est; omiſsa verò, supplenda esset. Ab omni ævo, Episcopi, Presbyteri & Diaconi per manuum impositionem atque orationem consecrati sunt (g); inferiores autem Ordines, saltem in Occidentis Ecclesiâ, conferuntur per Instrumentorum Vestiumque traditionem, cui adjiciuntur formulæ consentaneæ.

Episcopus enim, cùm Ostiarium vult instituere, claves ex Altari acceptas ei tradens, *Sic age*, inquit, *quasi redditurus Deo rationem pro iis rebus quæ his clavibus recluduntur*. In Ordinatione Lectoris, librum lectionum ei porrigit, dicens: *Accipe, & esto verbi Dei relator, habiturus, si fideliter & utiliter impleveris officium tuum, partem cum iis qui verbum Dei benè ministrave-*

runt ab initio. Cùm Exorcistam instituit, librum Exorcismorum ei tradens, sic ipsum alloquitur: *Accipe, & commenda memoria, & habere potestatem imponendi manus super energumenos, sive baptizatos, sive catechumenos*. Cùm ordinatur Acolythus, hic ritus ab Episcopo servari consuevit. Primum quidem, postquàm omnes eo Ordine initandos officii sui diligenter admonuit, Lumina singulis tradit in hunc modum: *Accipe Ceroferatium cum Cereo; & scias te ad accendenda Ecclesiæ luminaria mancipari in nomine Domini*. Deindè Urceolos vacuos, quibus aqua & vinum in Sacrificio ministrantur, eidem porrigens, *Accipe*, inquit, *Urceolos ad suggerendum vinum & aquam in Eucharistiam sanguinis Christi, in nomine Domini*. (h).

Atque ut ad ritus veniamus; quibus conferuntur Ordines sacri, cùm Subdiaconus consecratur, « primum quidem Episcopus legem » perpetuæ continentie huic Ordini » impositam esse admonet; edicitque neminem in Subdiaconorum » Ordinem cooptandum esse, cui » ultrò hanc legem accipere non sit » propositum; deindè, post solemnem Litaniarum precationem, » quæ Subdiaconi munera & functiones sint, enumerat atque exponit. His peractis, eorum singuli,

(f) Vide suprà, Cap. I.

(g) Act. 6. 6. & 13. 3. 1. Tim. 4. 14. 22. 1. Tim. 1. 6. Const. Ap. l. 3. c. 10. S. Greg. Nyss. in diem Lum. S. Chryf. Hom. 1. in 1. Tim. Inn. I, Ep. 18. ad Alex. Episc. Ant. cap. 3. Conc. Trid. Sess.

23. cap. 3. & can. 4. Petr. Lombard. Parif. Episc. an. 1159, Sent. l. 4. dist. 23. art. 8. & 9.

(h) Conc. Carth. IV, an. 398. can. 6. 7. 8. 9. & Conc. Flor. Decr. Eug. IV. pro Arm.

„ qui ordinantur, ab Episcopo qui-
 „ dem Calicem & sacram Patenam
 „ accipiunt; ab Archidiacono verò,
 „ ut intelligatur Subdiaconum Dia-
 „ cono officio subservire, urceolos,
 „ vino & aqua plenos, unà cum
 „ lebate & linteo quo manus
 „ abstergantur, dicente Episcopo:
 „ *Videte cujusmodi ministerium vo-*
 „ *bis traditur; ideò vos admoneo ut*
 „ *ita vos exhibeatis, ut Deo placere*
 „ *possitis.* Adduntur præterea alie
 „ preces. Ad extremum, cum Epif-
 „ copus sacris vestibus Subdiaconum
 „ ornavit, ad quarum singulas pro-
 „ pria verba & cæremoniæ adhiben-
 „ tur, tradit ei Epistolarum librum:
 „ ac dicit: *Accipe librum Epistola-*
 „ *rum, & habe potestatem legendi*
 „ *eas in Ecclesia sancta Dei, tam pro*
 „ *vivis quàm pro defunctis.*

„ Pluribus (verò) & sanctioribus
 „ precibus ad Diaconi quàm ad
 „ Subdiaconi Ordinationem utitur
 „ Episcopus, & alia addit sacram
 „ vestium ornamenta. Præterea ma-
 „ nus ei imponit: quod quidem
 „ ab Apostolis factitatum esse legi-
 „ mus, cum primos Diaconos insti-
 „ tuerunt. Denique Evangeliorum
 „ librum ei tradit his verbis: *Ac-*
 „ *cipe potestatem legendi Evan-*
 „ *gelium in Ecclesia Dei, tam pro*
 „ *vivis quàm pro defunctis, in no-*
 „ *mine Domini.*”

In consecrando autem Sacerdote,
 hi ritus adhiberi solent. „ Primum
 „ quidem manus ei, unà cum om-
 „ nibus Sacerdotibus qui adsunt,
 „ imponit Episcopus. Deindè Sto-

„ lam humeris aptans, eam ante
 „ pectus in crucis formam componit:
 „ quo quidem declaratur, Sacerdo-
 „ tem virtute indui ex alto, quã
 „ possit Crucem Christi Domini, &
 „ jugum suave divinæ Legis perfer-
 „ re, eamque non verbis solum,
 „ sed vitæ sanctissimè & honestis-
 „ simè actû exemplo tradere. Pos-
 „ teà manus sacro oleo inungit;
 „ tum verò Calicem cum vino, &
 „ Patenam cum Hostia tradit, di-
 „ cens: *Accipe potestatem offerendi*
 „ *sacrificium Deo, Missæque cele-*
 „ *brandi, tam pro vivis quàm pro*
 „ *defunctis.* Quibus cæremoniis &
 „ verbis interpres ac mediator Dei
 „ & hominum constituitur, quæ præ-
 „ cipua Sacerdotis functio existiman-
 „ da est. Ad extremum verò, mani-
 „ bus iterum ejus capiti impositis,
 „ *Accipe, inquit, Spiritum sanctum;*
 „ *quorum remiseris peccata, remit-*
 „ *tuntur eis; & quorum retinueris,*
 „ *retenta sunt;* eique cœlestem illam,
 „ quam Dominus discipulis suis de-
 „ dit, peccata retinendi ac remit-
 „ tendi potestatem tribuit (i).”

„ QUONIAM verò, an singuli Or-
 „ dines totidem sint Sacramenta, nec
 „ ne, inter Theologos disputatur;
 „ missis Scholæ ambagibus, hæc cen-
 „ suimus breviter exponenda. Sacer-
 „ dotium, quo nomine includitur
 „ *Episcopatus & Presbyteratus,* ve-
 „ rum novæ Legis Sacramentum esse,
 „ res est ad fidem Catholicam perti-
 „ nens: idemque de Diaconatu sine
 „ temeritate negari non posse conten-

(i) Cat. Trid. de Sacram. Ord. n. 38. 43. & 50.

dunt Theologi omnes; tametsi, ut plerisque videtur, usque hodiè non sit dogma fidei. De cæteris Ordinibus, utrùm veri Sacramenti rationem habeant, inter se dissentiunt. Sacerdotum & Diaconorum evidens est in sacris Litteris institutio (*k*). De Subdiaconatu inferioribusque Ordinibus meminir primæva Ecclesiæ antiquitas (*l*). Sacerdotes & Diaconi Spiritum sanctum (*m*), idèque gratiam, in sua Ordinatione suscipiunt. Et quidem definit Concilium Tridentinum, *Hierarchiam divinâ ordinatione institutam constare ex Episcopis, Presbyteris & Ministris* (*n*): quâ postremâ voce comprehenduntur saltem Diaconi. Quin etiam de Diaconorum Ordinatione mentio fit in Actibus (*o*). Ordinârunt scilicet Apostoli septem primos Diaconos per orationem & manuum impositionem, non tantum ut mens vulgaribus ministrarent, eleemosynasque pauperibus distribuèrent (quod secundarium erat illorum officium); sed præsertim ut sacris Mensis atque Ministeriis deservirent, & Eucharistiam in cæteris religiosis administrarent: hoc videlicet primum fuit ipsorum munus, ad quod potissimum

eligi viros plenos Spiritu sancto jussunt Apostoli (*p*), & orantes imposuerunt eis manus (*q*). Et postea quidem additos sacris Ministeriis Diaconos exhibet constans Ecclesiæ Traditio. Hinc, tum Episcopis, tum Presbyteris, tanquam adjuutores & ministri consociantur (*r*). Itaque Diaconatus auctor est Christus, cum facer hic Ordo, præ cæteris inferioribus, eximia quædam sit portio Sacerdotii à Christo instituti.

Unicum nempe est Ordinis Sacramentum, Sacerdorum videlicet; ad quod cæteri Ordines, quasi ad finem suum, referuntur, & cujus eò quisque parcius vel plenius sit particeps, quò depressiore vel excellentiore in Hierarchia gradum obliner (*s*). Illud Sacramentum, vi Ordinationis, suscipiunt Presbyteri & Diaconi; ejus verò plenitudinem habent Episcopi. Subdiaconis cæterisque Ministris ad sublevandos Presbyteros vel Diaconos institutis, pro suo cuique gradu, obtingit Sacerdotii quædam portio: vidè Subdiaconatus Minoresque Ordines, quamvis Ecclesiasticæ duntaxat institutionis sint, tamen Sacramenti partes quodammodo censerî possunt, tanquam Presbyteratus vel

(*k*) Joan. 20. 12. 23. 1 Cor. 11. 24. Uc. Alt. 6. 5. &c. 1 Tim. 3. 1. 2. 8.

(*l*) S. Corn. P. Ep. ad Fab. Ant. S. Cypr. Ep. 29. (al. 24.) ad Optat. Subdiac. Conc. Laod. can. 24. Carth. IV. passim.

(*m*) Vide Pontific.

(*n*) Conc. Trid. Sess. 21. de Ord. can. 6.

(*o*) Cap. 6. (p) Ibid. v. 3.

(q) Ibid. v. 6.

(r) Ad. 6. 6. & 8. 5. 11. 18. 1 Tim. 3. 8. & seq. Phil. 1. 1. S. Clem. Al. Pa-

dag. l. 3. c. 12. Can. Ap. 6. & 55. S. Ign. Ep. ad Smyrn. c. 10. ad Philad. c. 10. Eccl. Hier. c. 4. Tert. de Præscr. c. 3. & 41. S. Cypr. Ep. 52. (al. 55.) Ep. 82. (al. 80.) Conc. Arel. can. 21. Ancy. c. an. 314. can. 2. 23. 24. Laod. can. 24. Nic. can. 19. can. 3. 20. Sardic. gen. ag. 347. can. 16: aderat Victorinus, Paris. Episc. Tolet. I. an. 400. can. 1. 19.

(s) Vide S. Thom. in 4. dist. 24. q. 2. a. 1. quæstiunc. 3. in corp. & ibid. ad 2.

Diaconatus effluvia, quibus Ordinibus fons communis est Episcopatus.

DENIQUE sacrae Ordinationis solus Minister agnoscendus est Episcopus; solis enim Episcopis id juris tribuit Scriptura divina, ut Ordinandis manus imponant, & constituent per singulas Ecclesias Presbyteros (1): cui doctrinae astipulatur omnium ab Religione condita seculorum Traditio (2).

Quod si aliquandò *Chorepiscopi* hoc Sacramentum contulerunt, ii necessarii Episcopali Ordine insigniti fuerunt, ut de quibusdam constat, sed non de omnibus; nam videntur olim *Chorepiscopi* fuisse, tum qui hodiè *Decani rurales* vocantur, tum qui *Suffraganei*, seu *Episcopi Titulares* appellantur.

Quamvis autem omnis Episcopus, etiam alienus, etiam hæreticus, vel depositus, Ordines validè conferre possit; licitè tamen ii non suscipiuntur nisi ab Episcopo Catholico & in Communione Ecclesie constituto; debetque esse proprius Episcopus, nisi impetrata fuerit alienum Episcopum adeundi licentia, Litteris *Apoliticis* seu *Dimissoriis* expressa; vel nisi Ordinandus privilegio gaudeat, cujus virtute nullum habeat proprium Episcopum (3).

QUISNAM autem Ordinandi proprius sit Episcopus, non in Ecclesia Gallicana sicut in cæteris vulgò definitur. Episcopum *originis*, Episcopum *Beneficii*, & Episcopum *domicilii* distinguunt Bonifacius VIII in Sexto Decretalium, S. Carolus in suo Concilio Mediolanensi IV (y), Concilium Aquisense (z), & Innocentius Papa XII (a). Antiquioribus seculis, qui nondum Clericus erat, is, pro Clericatus ingressu, proprium Episcopum habebat eum, cujus in Diocesi natus fuisset: qui verò jam inter Clericos erat cooptatus, hic, pro suscipiendis Ordinibus, proprium Episcopum necessarium agnoscebat illum, cujus in Diocesi Clericale ministerium, certo loco addictus, exercebat. Tunc enim ignote erant Ordinationes *absolutæ*, quæ scilicet Clericum ordinatum ceteræ Ecclesie non addicerent. In Concilio Arausicano I mentio facta occurrit de Episcopo *domicilii* (b); & sanctus Gregorius Magnus extraneos vetat ordinari (c). Attamen, si propriè loqui velimus, olim neque origo, neque domicilium, certam aut necessariam constituerebat Episcopi Jurisdictionem respectu collationis Ordinum: tunc verum jus ad Episcopum *Tituli* pertinebat, id est, ad eum cujus in Ecclesiam fuisset admissus aliquis ad Ecclesiasticum munus obeundum. Sed, im-

(1) *Ab.* 6. 6. & 13. 3. & 14. 22. *Tit.* 1. 5.

(2) *Can. Ap.* 1. 2. *S. Corn. P. Ep.* ad *Fab. Ant. ap. Euseb. Hist. Eccl.* l. 6. cap. 43. *S. Chrys.* Hom. 11. in 1. *Tim.* *S. Hier.* Ep. ad *Evagr.* & dial. contra *Lucif. Conc. Alex. sub Oso*, an. 329. *S. Epiph. Hæz.* 55. *Ec. &c.*

(3) *Can. Ap.* 1. 2. *Conc. Arl. can. 20. Constit. Innocent. Papa XII, qua incipit Speculatoris.*

(y) *An.* 1576.

(z) *An.* 1585.

(a) *Constit. datâ an. 1694.*

(b) *An.* 441. *can. 8.*

(c) *Epist.* 25. l. 2.

mutatâ in posterum Ecclesiastica Dis-
ciplinâ, ordinatisque Clericis qui
certæ Ecclesiæ addicti non essent,
ratio *Tituli*, quæ præcipua, vel po-
tius ferè sola primum habebatur,
cessit rationi *originis* ad determi-
nandum Ordinandi proprium Episco-
pum. Et certè præfatus ille usus
tres distinguendi proprios Episco-
pos, videtur in Gallus parùm vi-
guisse: & nunc quidem, propter
rationes pacis atque unitatis inter
Præsules, consideratâ insuper diffi-
cultate definiendi eam commemorati-
onis diuturnitatem quæ ad *domici-
lium* constituendum sufficiat, eum-
que Beneficii redditum qui satis sit ad
honestam sustentationem; attentâ
etiam libertate commutandi Benefi-
cia, pluraque nonnunquam in pluri-
bus Diocæsibus, inconsulto Episcopo,
simplicia possidendi, communior Ec-
clesiæ Gallicanæ mens est, & con-
suetudo potior invaluit, ut, quan-
tùm ad Ordines capeffendos atti-
ner, proprius Episcopus nemo alius
habeatur præter Episcopum *originis*;
quæ nempe unica, certa atque im-

mutabilis est (d). Sunt tamen cir-
cumstantiæ in quibus Antistes quo-
tidianum convictorem suum ex aliena
Diocesi oriundum ad Ordines
promovere potest, tanquam pro-
prius Episcopus: quod quidem ei
concedit Synodus Tridentina, po-
sitis duabus conditionibus; scilicet
ut quotidianus ille convictor *per
triennium secum fuerit commoratus,
& Beneficium, quacumque fraude
cessante, statim reipsâ illi conse-
rat* (e); id quod admiserunt atque
observandum statuerunt plures Gal-
liarum Synodi Provinciales (f).

CENSUIT quondam Ecclesia de gra-
du deiciendos esse eos qui ab alie-
no Episcopo sine proprii Episcopi
licentiâ ordinati fuissent (g). Atque
etiannum, si quis isto modo, vel
sub confictio aut suppositio Diplo-
mate dimissorio, vel à proprio
Episcopo, sed aliâ ad subeundum
examen suppositâ personâ, insigni-
tus aliquo Ordine fuisset, ab illius
Ordinis executione maneret *ipso
jure* suspensus (h).

(d) Circa Episcopum originis, legitur hac
clausula in Constitutione Innocentii XII:
"Subditus ratione originis is tantum sit,
qui naturaliter ortus sit in ea Diocesi
in qua ad Ordines promoveri desiderat,
dummodò tamen ibi natus non fuerit ex
accidenti."

(e) Conc. Trid. Sess. 23. de Ref. c. 9.

(f) Bitur. an. 1584. & Aquense, an.

1585. *Abrégé des Mémoires du Clergé* (1764),
pag. 1083, & suiv. Voy. les *Mémoires du Clergé*, tom. V.

(g) Conc. Bracar. II, an. 563. can. 8.
Aurel. III, an. 538. can. 15.

(h) Trid. Sess. 23. de Ref. cap. 8.
Mandat. D. Lud. Ant. Card. de Noailles,
an. 1709, de Calib. Reserv. &c. in *Synodo*,
pag. 409. Et Rit. Paris. pag. 115.



C A P U T I V.

DE dispositionibus ad suscipiendos Ordines requisitis.

DISPOSITIONES remota : vocatio , vita integritas , & scientia. De interstitiis. Dispositio proxima. Constitutum circa Ordinationes.

CUM tanta sit Ordinum omnium ac præsertim Sacerdotii dignitas, quicumque vetendum hoc ministerium suscipere intendit, illum eximiiis dotibus ornari ac dispositionibus præformari admodum necesse est. Scilicet, præter immunitatem à quacumque Irregularitate & Censura, in eo requiritur summa præcellensque morum integritas, & sine offensiculo conscientia ad Deum & ad homines (a), inflammatus gloriæ divinæ & salutis animarum zelus, amor ingens atque inflexus Angelicæ illius virtutis, castitatis nempe, quam Sacerdos, ut potè *Angelus Domini exercituum* (b), inter cæteras sui propriam debet existimare; præterea cor mansuetum, humile ac docile; ingenium non vano acumine subtilius, at verò solidum, magno iudicio firmum, scientiæque Ecclesiasticæ capax; sed ante omnia, divina vocatio, cujus præsertim necessitatem & factæ Litteræ & Traditio univèrsa frequenter inculcant. Quanquam ex dotes ac dispositiones ad tria capita referri

possunt, nempe ad vocationem, mores, & scientiam.

In veteri Lege, cum Deus filios Aaron & Levi præ cæteris constituisset, qui sibi à generatione in generationem Sacerdotio fungerentur ac Tabernaculo deservirent, ideòque non fierent, sed nascerentur Sacerdotes; vocatione illà evidentissimà nihil ambitioni humanisve cupiditatibus attentandum relinquebatur; atque hinc portentis simillimum quiddam visum est, quòd Ozias Rex, arcepto thuribulo, *adolere voluerit incensum super Altare thymiamatis*, nequicquam resistens Pontifici maximo & Sacerdotibus (c). Ipse verò leprâ percussus, sensit illicò *plagam Domini*; & perterritus, id quod arrogantiâ sacrilegâ usurpaverat, ministerium reliquit (d). In nova Lege, cum de cunctis gentibus, tribubus & familiis assumantur in Sacerdotes & Levitas (e), nec jam, ut olim nonnunquam, manifestis signis Deus ostendat quos elegerit

(a) *Alt.* 24. 16.

(b) *Malach.* 2. 7.

(c) 2. *Paral.* 26. 16. 18.

(d) *Ibid.* v. 19. 20. 21.

(e) *Is.* 66. 21.

rit (f); multum difficultatis experiantur Episcopi, ne temerè cuiquam manus imponant, sicque alienis peccatis communicent (g). Omnibus tamen qui in sortem Domini assumuntur, divinæque in hominum salutem charitatis ministri constituendi sunt, necessaria est electio & vocatio; non quidem manifestâ Dei revelatione cognita, sed, quantum humano sensu divinum aliquid existimari potest, certa, & quoquomoddò significata. Si enim, in quolibet vitæ instituto, nullus neque susceptus muneribus fungi, neque æternam salutem consequi nisi difficillimè potest; cum ad illud non vocatus accessit; quantò minus prospero successu vitam agent, & mortem fugient omnium pessimam, mortem videlicet malorum Sacerdotum, qui sine vocatione ad tremendum hoc ministerium consecrati fuerint (h)?

Et verò, ne quis non vocatus Sacerdotii honorem sibi assumeret, ipse novi Testamenti Mediator non semetipsum clarificavit ut Pontifex fieret, sed qui locutus est ad eum: *Tu es Sacerdos in æternum secundum ordinem Melchisedech* (i). Hinc etiam, cum Sacerdotii æterni socios sibi vellet adungere, qui suam postea visibilem præsentiam perpetuâ successione supplerent, vocavit ad se quos voluit ipse (k); & elegit duodecim ex (discipulis,) quos & Apostolos nominavit (l). » Qui (et-

» gò) per se accedunt, honorem-
» que istum ultro sibi ambiunt,
» temeritatis atque audaciæ (meri-
» tò) accusantur (m); » Ordinisque
characterem, non gratiam susci-
pientes, neque se, neque alios ple-
rumque salvos faciunt, nisi vocatio-
nis defectum, Deo misere, cor-
rigant, ac superveniente gratiâ sup-
pleant. Sed quàm difficile est ut
bono peragantur exitu, quæ tam
malo sunt inchoata principio (n)!
Sciant igitur omnes quàm necessaria
sit ad Sacerdotium divina vocatio,
& cum hodiè visibilis esse non
soleat, quâ possit ratione dig-
nosci.

» Si quis igitur vitæ innocenter actæ
sibi conscius, ad Institutum Eccle-
siasticum, non parentum carnifve
aut sanguinis impulsu, sed diutur-
nâ animi propensione feratur, idque
non ut luctum sectetur honoresque
ambiat, sed ut gloriæ Domini &
fratrum salutis interserviat; in hoc si
pariter sit amor solitudinis, oratio-
nis, & studiorum Clericali Ordini
convenientium, ut Clericus prævio
tirocinio instructus, aliquandò palam
faciat disciplinam doctrinæ suæ (o);
huic si præsertim sit in deliciis as-
sidua Scripturæ sacræ lectio, undè
scientiam Sanctorum plenius ac me-
lius comparare possit (p); ad hæc si
accedat mundi contemptus, pietas,
pudor virgineus, modestia, gravi-
tas, secularium oblectationum fuga;
si studio habeat animus Ecclesiam

(f) *Alb.* 1. 24.(g) 1. *Tim.* 5. 22.(h) 2. *Paral.* 26. 18.(i) *Hebr.* 5. 4. 5. 6.(k) *Marc.* 3. 13.(l) *Luc.* 6. 13.(m) *S. Chrys.* de Sacerd. l. 3. c. 4.(n) *S. Leo.* Ep. 87. c. 1.(o) *Ecclesi.* 39. 11.(p) *Sap.* 10. 10.

frequentare, exornare, niundamque ac nitidam servare, Clericalesque functiones vel minimas in illa exercere, cum apta accommodataque ad eas exercendas naturâ; hic præterea Clericalis vitæ Candidatus, si Deum enixè perseveranterque oraverit ut cœlesti lumine cor suum irradiet, quò certius quæ placita ipsi sint, cognoscat & sequatur; ac si in consilium adhibuerit pios prudentesque vitos, quorum nihil interfit quoddam potissimum vitæ genus eligat, maximè verò conscientie moderatorem, qui sit in vis Domini atque in hujusmodi disquisitione versatissimus, quique bonâ fide consulenti, quasi Domino pronuntiante, Sanctuarium ingredi jubeat; si denique in Examine instar delectus habito, ipsum admittere nihil dubitaverit proprius Antistes: Si quis hujusmodi ad Ecclesiasticam militiam contendat, is quidem non immeritò confidet, propensionem illam quâ se ad hoc vitæ genus amplectendum intetiùs moveri sentit, à divina vocatione proficisci.

ALTERA dispositio ad Ordines capeffendos necessaria, vitæ innocentia est, morumque integritas. Veteris Tabernaculi ministris hæc olim Deus ipse præceperat: Sacerdotes filii Aaron panes propositionis offerunt; sint ergo sancti, quia & ego sanctus sum, Dominus qui sanctifico

eos (q). Hi autem panes propositionis, Eucharistie quam *sacro ore conficiunt* JESU CHRISTI Sacerdotes, tantum dissimiles erant, quantum umbra distat à corpore, imago à veritate, figura denique à re figurata. Itaque Ministri novæ Legis veteribus illis Sacerdotibus tanto sanctiores esse debent, quantum iisdem ministerii dignitate præcellunt. Hæc quidem Legalis Sacerdotii gloria fuerit, ut quandoque *egressus ignis à Domino* devotaret holocausta & victimas, & *majestas Domini* modo visibili *implet Templum* (r). Jam non ignis de cœlo præceps victimam consumit; sed Spiritus sanctus, loquente Sacerdote, in JESU CHRISTI Corpus & Sanguinem oblata transmutat. Descendunt Angeli, & sacrificanti homini circum trementes assistunt. Si desuper aperiantur cælum & cæli cælorum, nihil majus occurreret, quàm quod in Altari inter Sacerdotis manus geritur (s). Quis igitur in *ascensu Altaris sancti* non paveat (t)?

Illam autem sanctitatem, non quæ sit momentanea, sed longo temporis intervallo explorata requiritur. Neque in fide, neque in moribus neophytum fas est ordinare (u). *Diaconi*, inquit Apostolus, adeoque cæteri Ordinandi, *probentur primùm; & sic ministrent, nullum crimen habentes* (x), quin etiam principem & formam Pastorum Chris-

(q) *Levit.* 21. 1. 2.

(r) *Levit.* 9. 24. 2 *Paral.* 7. 1. Vide 2 *Mach.* 2. 10.

(s) *S. Chrys.* de Sacerd.

(t) *Ecclesi.* 50. 12.

(u) 1 *Tim.* 5. 6. *S. Greg.* 1. 4. Ep. 51. ad Virg. Arel. Episc.

(x) 1 *Tim.* 5. 10.

rum Dominum, *sanctum innocentem, impollutum* (y), pro modulo infirmitatis humanæ, in semetipsis exhibentes. Tota scilicet Pastoris, Sacerdotis, virique omnis Ecclesiastici persona, si mores, prout requiritur, dignitati respondeant, perpetuum quoddam Religionis spectaculum est (z).

Procul igitur à tam verendo ministerio qui ad illud afferrent animis inusitam vitiatorum labem, vitam immaculatam, mores profanos, mundi, & eorum quæ in mundo sunt, dilectionem (a). Nec quisquam, ut pristinae licentiæ flagitia expurgeret, peccatorumque multitudinem operiat, sublime ac divinum suscipiat vitæ institutum, quod olim Pœnitentibus, etiam fervidissimis, ad reliquam vitam inaccessum erat, solique patebat innocentia. Longè etiamnùm ab Ecclesiæ mente est ut Pœnitentiæ status esse existimetur Sacerdotium, & ad sancta Altaria deferantur manus adhuc peccati sanguine polluta. Cœlestis hæc professio, non incipientium est, sed perfectorum; non viam mandatorum Domini ingredientium, sed currentium; aut certe eorum qui intaminatam Baptismi stolam serva-

verint, vel qui illam sinceris Pœnitentiæ lacrymis jampridem dealbaverint (b). Neque in fide, neque in moribus imbricatum ordinare licet (c). Nequaquam, nisi edito probatissima vita documento, nequaquam, nisi purificatis corporis atque animi motibus accedat, qui non solum pro suis, verum etiam pro alienis peccatis intercessurus, Deum inter & homines mediator instituitur (d). « Oblaturus spiritualis Sacerdos victimas, noverit quali se oporteat igne flagrare. Quis immaculatas Agni carnes post passionum inquinamenta consecrare audeat (e)? »

TERTIA dispositio est, ut morum sanctitati comes adjungatur scientia (f). Videant etiam atque etiam Ordinandi quid sit id quod suscipere meditentur (g). « Sacerdotes (enim) docere debent animæ expiationem, fidei philosophiam, & vitæ immortalis dogmata (h); » morum disciplinam publicè & privatim edisserere; ac denique exhortari in doctrina sana, & eos qui contradicunt; arguere (i). Si impietas habitu pestifero cuncta corrumpens, si exitiosa illa hominum Se-

(y) 1 Petr. 3. 4. Hebr. 7. 26.

(z) Conc. Valent. an. 855. can. 15. Vide Mogunt. an. 811. can. 10. Mediol. III, an. 1571. part. 1. de iis quæ ad honest. Cleric. pertin. Trid. Sess. 22. de Ref. capit. 1.

(a) 1 Joan. 2. 15.

(b) S. Chrys. Hom. 15. in 1 Cor.

(c) Vide insuper, in Append. de Irreg. Cap. III, Irregularitatem qua oritur ex defectu famæ.

(d) Sent. Synodica S. Verani Cabellie. Episc. dicta, ut conjicitur, in Conc. Matifc. II, an. 585.

(e) Ibid.

(f) Malach. 2. 7. Osee, 4. 6. Conc. Tolet. VIII, an. 653. can. 8.

(g) S. Chrys. de Sacerd. l. 3. c. 6. & 15.

(h) Idem, Hom. 7. in 1 Cor. §. 9.

(i) Tit. 1. 9.

Ata, fidem & mores, Thronum & Altare uno impetu subruere attentans, coram Sacerdote aperiat os suum in blasphemias (k); quomodo Sacerdos obstruet os loquentium iniqua & perversa (l), nisi totam à fundamentis perspectam habeat Religionem, eamque verbi gladio ulcisci è longinquo assueverit? Nonne, si taceat ignarus, vel anceps hæreat & vacillet, impiis triumphum, Fidelibus autem scandalum generabit? Quin potius curandum est ut dici merito possit: *In circuitu impii ambulantes* (m), sanctam Civitatem mille telis appetant; sed mille clypei pendente ex ea, omnis armatura fortium (n).

Quapropter, ne ante ætatem maturitatis, ante meritum laboris, ante experientiam disciplinæ, Sacerdotalis honor (tribueretur) non probatis (o), sapientissimæ Ecclesiæ Lege sancitum fuit, ut Minores Ordines per temporum interstitia singuli conferrentur; ut nemo, nisi post annum à susceptione possetremi gradus Minorum Ordinum, ad sacros Ordines promoveretur; ut Subdiaconus, nisi post annum saltem, Diaconus non fieret; ut Diaconus, nisi per annum integrum ad minus in Diaconatu versatus, Presbyter non ordinaretur; relicta tamen Episcopis eâ facultate ut aliud constituerent, prout suaderet Ecclesiæ necessitas vel utili-

tas (p). Nam, quemadmodum in militia terreni principis nemo ad summos gradus evehi solet, nisi prius inferiores ordines decurrerit, & opetiosissimam quamque exaltaverit rei militaris exercitationem, ac præterea bellicæ virtutis & scientiæ diuturna specimina ediderit; ita sanè & « con-
« veniens non est, nec ratio vel
« disciplina patitur ut temerè ordi-
« netur Presbyter aut Diaconus,
« sed hi quorum per longum tem-
« pus examinata sit vita, & merita
« fuerint comprobata (q). Quis ille
« tam arrogans, ut in cœlesti militia
« statim dux esse desideret? Assue-
« cat in Domini castris, divini-
« que servitii rudimentis; nec illi
« vile sit, statutis majorum ordina-
« tione intervallis (r), de gradu
« in gradum ascendere (s); ut interea
« discat superiores Ordines revereri,
« præludat eorum functionibus, vir-
« tutesque illis respondentes acquirat;
« ut denique ipsi, cum atate, vita
« meritum & doctrina major accrescēt
« (t); sicque iustis incrementis for-
« metur homo Dei, ad omne opus bo-
« num instructus (u). » Quis enim est
« qui veritatis propugnatorem unius
« dieculæ spatio, velat è luto sta-
« tuam fingit? illum, inquam, qui
« cum Angelis stabit, cum Archan-
« gelis glorificabit, ad supernum
« Altare Sacrificia transmittet, cum
« Christo Sacerdotio fungetur, &

(k) Apoc. 13. 6.

(l) Ps. 62.

(m) Ps. 11.

(n) Cant. 4. 4.

(o) S. Leo, Ep. ad Episc. Mauri-
scripta an. 440. cap. 2.

(p) Conc. Trid. Sess. 23. c. 11. 13. 14.

(q) Sardic. gen. an. 347. can. 13.

(r) Zozim. P. Ep. ad Hefych. Episc.
Salonit. an. 418.

(s) Conc. Trid. Sup. cap. 11.

(t) Ibid. (u) 2 Tim. 3. 17.

ut quod majus est dicam, Deus erit, aliosque Deus efficiet (x)?

Quæ quidem dispositiones, ac præsertim divina vocatio, ut quasi à teneris explorentur, earumque saltem fundamentum facilius certiusque jaciatur, statuit sacrosancta Tridentina Synodus ut apud singulas urbes Episcopales erigatur Clericalis præformationis Domus, in quibus bonæ indolis ac spûs adolescententes, ab anno ætatis circiter duodecimo, sacris Litteris, piisque & Ecclesiasticis disciplinis imbuantur (y). Sic nempe, Samuelis instar, quasi ab ubere translati ad Templum (z), quâ ætate sæculi corruptelæ mores impugnari jam incipiunt, acriusque & profundius aut ad virtutem aut ad vitium moventur, ipsi protegerentur in abscondito Tabernaculi (a), & jam Clericali tirocinio gaudere assuescerent. Deficiente præparatorio hujusmodi Seminario, quod tamen maxime in votis habemus, venerabiles nostræ Diœcesis Parochos in CHRISTO JESU adhortamur atque obsecramus, ut, si quos invenerint pueros ingeniosos, sortitos animam bonam (b), in quibus aliqua emineant signa vocationis ad Clericale institutum, eos linguam Latinam doceant, ipsorumque innocentiam quantâ maximâ poterunt curâ ac diligentia illatam tueantur. Si postmodum Nobis offerantur adolescentes, quos primâ Tonsurâ iniciemus, & quos

in Seminario studiis Ecclesiasticis piisque exercitationibus operam dantes, ad Minores sacrosque Ordines, prout ætas, vocatio, scientia & virtus accesserint, evehamus.

Sciant enim verò Pastores memoratæque commendent, eximium quidam, suâque in Ecclesiam pietate dignissimum se facturos, si, in tanta operatorum penuria, vel unum primis documentis informem, ac velut è longinquo præparent bonum aculem CHRISTI JESU Ministrum (c).

Porro, si ad ministerium Ecclesiasticum necessariæ sunt, de quibus hætenus, dispositiones remotæ; requiritur etiam ad Ordines capefendos dispositio proxima, per susceptionem Sacramenti Pœnitentiæ renovata, & fervoris accessionem confirmata; ut, qui justus est, justificetur adhuc, & sanctus sanctificetur adhuc. Ordo quippe unum est è Sacramentis vivorum; idedque, ut dignè & cum fructu suscipiatur, gratiæ sanctificantis habitum requirit. Absit verò ut quisquam impurâ mente ad hoc Sacramentum accedat. Absit ut tam infeliciter succedant pii secessus exercitationes, quibus ad Ordinum susceptionem præparantur selecti Clerici. Nos quidem omnes & singulos manuum impositionem expectantes, per augustissimum JESU CHRISTI Sacerdotium cujus se participes fieri cu-

(x) S. Greg. Naz. Or. 1.

(y) Conc. Trid. Sess. 23. cap. 18. de Ref.

(z) 1. Reg. 1.

(a) Ps. 26.

(b) Sap. 8. 19.

(c) 1. Tim. 4. 6. Eph. 6. 21.

piunt, per salutis suæ curam rogamus atque obtestamur, ut postremis diebus Ordinationem præcedentibus, quos in archiore secessu transacturi sunt, in profundum cordis sui descendant; *audiant quid loquatur in f. Dominus Deus (d)*: num ab ipso jubeantur ascendere superius, vel in Ordine suscepto permanere, sive ad tempus recedere, ut vocationem suam maturiore consilio discutiant; neve aliquis ad iter quod temerè sit ingressus, reclamante licet conscientia, persequendum malo pudore adigatur.

Sed qui, iudice pio ac perito Confessorio, ex his nempe quos super hujusmodi opus constituimus, suam vocationem tam exploratam habent, quam explorata potest haberi, dies illos proximæ præparationis in pietatis exercitationibus ita exigant, ut mereantur eandem in sua Ordinatione Spiritus sancti plenitudinem percipere, quam experti sunt Apostoli, postquam decem dies *perseveraverunt unanimiter in oratione, quoadusque induerentur virtute ex alto (e)*. Sic tandem & nostris & Ecclesiæ votis optimè respondebunt juniores Levitæ, quos paternò affectu prosequimur, spem hujus Diocesis dulcissimam, olimque *gaudium nostram & coronam futuros (f)*.

CÆTERUM, ne quid ex humana

providentia in tanti momenti negotio desideretur, Nos Apostolici præcepti memores, *Manus citò nemini imposueris, neque communicaveris peccatis alienis (g)*, hanc circa Ordinandos sapienter in nostra Diocesi constitutam disciplinam (h) tuebimur, & curabimus inviolatè observari; ut, quantum Deo juvante, consequi potestimus, Nobis de eorum vocatione, moribus & peritiâ constet, quos *ex hominibus assumptos, in iis quæ sunt ad Deum, in opus ministerii, in adificationem Corporis Christi constituemus (i)*.

1º. Neminem ad Tonsuram admittimus, qui Confirmationis Sacramentum non suscepit; qui Corporis Christi particeps in prima Communionem non fuerit, quique annum ætatis saltem quatumdecimum non attigerit, nec satis maturo pollere iudicio videatur, ut, quid suscipiat, intelligat; qui denique pro ætate non satis latine sciat. Qui autem admissi fuerint, ii, antequàm Tonsurâ initientur, per octo dies in Seminario piis exercitiis vacabunt.

2º. Qui, emenso Philosophiæ curriculo, ad Minores Ordines admissi fuerint, ii quoque per octo dies in Seminario piis exercitiis sese ad earum susceptionem præparabunt.

3º. Qui ad sacros Ordines contendunt, ii, nostro concessu, iii

(d) Ps. 84.

(e) Act. 1. 14. Luc. 24. 49.

(f) 1. Thess. 2. 19. 20.

(g) 1. Tim. 5. 22.

(h) Ordonn. de M. de Noailles pour la préparation aux SS. Ordres, & pour la

Tonsure, donnée en 1696. Stat. Syn. de 1697. tit. 15. & 16. Ordonn. de M. de Vintimille, au sujet des Ordinations, an. 1717.

(i) Hebr. 5. 1. Eph. 4. 12.

ut quod majus est dicam, Deus erit, aliosque Deos efficiet (x)? »

Quæ quidem dispositiones, ac præfertim diviua vocatio, ut quasi à teneris explorentur, earumque saltem fundamentum facilius certiusque jaciatur, statuit sacrosancta Tridentina Synodus ut apud singulas urbes Episcopales erigatur Clericalis præformationis Domus, in quibus bonæ indolis ac spæi adulescentes, ab anno ætatis circiter duodecimo, sacris Litteris, piisque & Ecclesiasticis disciplinis imbuantur (y). Sic nempe, Samuelis instar, quasi ab ubere translati ad Templum (z), quâ ætate sæculi corruptelæ iuvenes impugnari jam incipiunt, acriusque de profundius aut ad virtutem aut ad vitium moventur, ipsi protegerentur in abscondito Tabernaculi (a), & jam Clericali tirocinio gaudere assuescerent. Deficiente præparatorio hujusmodi Seminario, quod tamen maxime in votis habemus, venerabiles nostræ Diocesis Parochos in CHRISTO JESU adhortamur, atque obsecramus, ut, si quos invenerint *pueros ingeniosos, sortitos animam bonam* (b), in quibus aliqua emineant signa vocationis ad Clericale institutum, eos linguam Latinam doceant, ipsorumque innocentiam quantâ maximâ poterunt curâ ac diligentia illæsam tueantur. Si postmodum Nobis offerantur adulescentes, quos primâ Tonfurâ initiemus, & quos

in Seminario studiis Ecclesiasticis piisque exercitationibus operam dantes, ad Minores sacrosque Ordines, prout ætas, vocatio, scientia & virtus acceperint, evehamus.

Sciant enim verò Pastores memorizque commendent, eximium quidam, suâque in Ecclesiam pietate dignissimum se facturos, si, in tanta operationum penuria, vel unum primis documentis informant, ac velut è longinquo præparent bonum ac talem CHRISTI JESU Ministrum (c).

Porro, si ad ministerium Ecclesiasticum necessaria sunt, de quibus hætenus, *dispositiones remotæ*; requiritur etiam ad Ordines capessendos *dispositio proxima*, per suspensionem Sacramenti Pœnitentiæ renovata, & fervoris accessionem confirmata; ut, *qui justus est, justificetur adhuc, & sanctus sanctificetur adhuc*. Ordo quippe unum est è Sacramentis vivorum; idèdque, ut dignè & cum fructu suscipiatur, gratiæ sanctificantis habitum requirit. Absit verò ut quisquam impurâ mente ad hoc Sacramentum accedat. Absit ut tam infelicitè succedant pii secessus exercitationes, quibus ad Ordinum suspensionem præparantur selecti Clerici. Nos quidem omnes & singulos manuum impositionem expectantes, per augustissimum JESU CHRISTI Sacerdotium cujus se participes fieri cu-

(x) S. Greg. Naz. Or. 1.

(y) Conc. Trid. Sess. 23, cap. 12. de Ref.

(z) 1. Reg. 1.

(a) Ps. 26.

(b) Sap. 8. 19.

(c) 1 Tim. 4. 6. Eph. 6. 11.

piunt, per salutis suæ cutam rogamus atque obtestamur, ut postremis diebus Ordinationem præcedentibus, quos in arctiore secessu transfacturi sunt, in profundum cordis sui descendant; *audiant quid loquatur in se: Dominus Deus (d)*: num ab ipso jubeantur ascendere superius, vel in Ordine suscepto permanere, sive ad tempus recedere, ut vacationem suam maturiore consilio discutiant; neve aliquis ad iter quod temerè sit ingressus, reclamante licèt conscientia, persequendum malo pudore adigatur.

Sed qui, iudice pio ac perito Confessario, ex his nempè quos super hujusmodi opus constituimus, suam vocationem tam exploratam habent, quàm explorata potest haberi, dies illos proximæ præparationis in pietatis exercitationibus ita exigant, ut mereantur eandem in sua Ordinatione Spiritus sancti plenitudinem percipere, quam experti sunt Apostoli, postquàm decem dies perseveraverunt unanimiter in oratione, quoadusque induerentur virtute ex alto (e). Sic tandem & nostris & Ecclesiæ votis optimè respondebunt juniores Levitæ, quos paternò affectu prosequimur, spem hujus Diocesis dulcissimam, olimque gaudium nostrum & coronam futuros (f).

Cæterum, ne quid ex humana

providentiâ in tanti momenti negotio desideretur, Nos Apostolici præcepti memores, *Manus citò nemini imposueris, neque communicaveris peccatis alienis (g)*, hanc circa Ordinandos sapienter in nostra Diocesi constitutam disciplinam (h) tuebimur, & curabimus inviolatè observari; ut, quantum Deo juvante, consequi poterimus, Nobis de eorum vocatione, moribus & peritiâ constet, quos *ex hominibus assumptos, in iis qua sunt ad Deum, in opus ministerii, in edificationem Corporis Christi constituemus (i)*.

I°. Neminem ad Tonsuram admittemus, qui Confirmationis Sacramentum non susceperit; qui Corporis Christi particeps in prima Communionem non fuerit, quique annum ætatis saltem quartumdecimum non attigerit, nec satis maturo pollere iudicio videatur, ut, quid suscipiat, intelligat; qui denique pro ætate non satis latinè sciat. Qui autem admissi fuerint, ii, antequàm Tonsurâ initiarentur, per octo dies in Seminario piis exercitiis vacabunt.

II°. Qui, emenso Philosophiæ curriculo, ad Minores Ordines admissi fuerint, ii quoque per octo dies in Seminario piis exercitiis sese ad earum susceptionem præparabunt.

III°. Qui ad sacros Ordines contendunt, ii, nostro concessu, in

(d) Ps. 24.

(e) Ad. 1. 14. Luc. 24. 49.

(f) 1 Thess. 2. 19. 20.

(g) 1 Tim. 5. 22.

(h) *Ordonn. de M. de Noailles pour la préparation aux SS. Ordres, & pour la*

Tonsure, donnée en 1696. Stat. Syn. de 1697. tit. 15. & 16. Ordonn. de M. de Vincimille, au sujet des Ordinations, an. 1737.

(i) Hebr. 5. 1. Eph. 4. 12.

Seminarium secedent, in quo manebunt novem saltem mensibus ante Subdiaconatum, tribus ante Diaconatum, & tribus similiter ante Presbyteratum: in quo quidem pio secessu à Deo flagrent Ecclesiasticum animum, ad consequendam Ordinationis gratiam disponantur, variisque Ordinum suorum muniis & officiis erudiantur.

IV°. Clerici extranei ad Ordines in hac Diœcesi suscipiendos non admittentur, quin prius modò dictum Seminarium tempus, sive in nostra, sive in propria ipsorum Diœcesi expleverint.

V°. Omnes ad Examen venientes afferent, 1°. Excerptum è Parochialibus Actorum Codicibus Baptismi testimonium: 2°. Litteras Tonsuræ, Ordinumve jam à se sus-

ceptorum: 3°. Testimonium exacti Seminarium, expresso tempore & loco: 4°. Approbationem Tituli, si de Subdiaconatu agatur: 5°. Testimonium trinæ Bannorum proclamationis, si de Ordinibus Majoribus agatur: 6°. Testimonium vitæ morumque irreprehensibilium, & pariter sanæ doctrinæ. Afferent præterea Clerici extranei Litteras apolyticas, seu Dimissorium. Ex quibus omnibus nihil deesse, testimonium perhibebit is qui apud S. Nicolai Seminarium ad hoc fuerit à Nobis præpositus.

VI°. In Examine quisque interrogabitur de uno Theologiæ Tractatu pro Minoribus Ordinibus, de tribus pro Subdiaconatu, de quinque pro Diaconatu, de septem pro Presbyteratu.

CAPUT V.

QUID Parochi circa Ordinandos præstare possint ac debeant.

QUID circa Ordines docere debeant Parochi. Dominicâ Ordinationem precedente, quid sit publicè docendum. Quibusnam Litteras testimoniales ad Tonsuram concedi oporteat. Quanta vigilantia in juniores Clericos adhibenda. Quo delectu ipsis ad Ordines concedenda testimonia. Banna Majorum Clericorum. Quanam sint Ordinum impedimenta. Quâ religione de Ordinandis testificandum. Titulus Clericalis. Quomodò conficiendus, & ubi promulgandus Titulus Patrimonii. Qualis esse debeat Titulus Beneficii.

QUAMVIS ad Parochos non pertineat Ordinum collatio, utilissima tamen circa hoc Sacramentum opera nostram sollicitudinem adju-

vare poterunt, si quædam hic attingenda in Ordinandos implere, pro sua pietate, non parviduxerint.

PASTORES

PASTORES, pro sua in Ecclesiam charitate, quantum providere & consequi possunt, curare debent ut ejus ministerium nemo nisi dignus accipiat, indignique ab illo submoveatur. Necessarium proinde est ut eos curâ singulari observent, qui Clericorum suscipere meditantur, vel qui jam illum suscipere; cum ad ipsos pertinere, juxta sacros Canones, de Ordinandorum vitâ & moribus Episcopo testificari, ne quem, deceptâ Religione suâ, temerè admittat (a): quod quidem assequi vix possit, nisi prius ab idoneo aliquo iudice diligenter expensâ fuerit illorum vocatio, habiliras, animi propensio, moreque longo temporis intervallo perspecti maturèque explorati.

Qui igitur è Parochianis suis adolescententes Ecclesiasticæ militiæ in posterum addicendi erunt, ipsorum institutioni sedulo invigilent, eosque studeant ad pietatem & scientiam Ecclesiasticam præformare, Clericalis instituti rationem edocere, ac denique Clericalium functionum zelo imbuere. Iis præterea opportunè admoneantur, videant Fideles parentes liberorum suorum vocationem. Quemadmodum enim sibi meritò gratulantur, si quis à se genitus ad Ecclesiasticæ vitæ professionem vocetur, eamque vocationem instar benedictionis in familiam reputantes, illum libenter Altaris ministerio dicare debent; iis pariter cavendum est, ne commodi cujusquam temporalis respectu ad suscipiendum

Clericatum eos perurgeant (b), quos ad ipsum minimè impelleret vocatio legitima, sed tenuior natu minoris hereditas, exonerario familiaris, insignis stupor, ineptitudo, vel deformitas. Væ parentibus, quorum filii à teneris assuescunt Ecclesiasticam conditionem fortunam putare. Hi juvenes domesticâ ejusmodi corruptelâ depravati, onus Sacerdotii quantum sit, non intelligunt; sed in illud temerè sese ingerunt, neque vocati, neque idonei, neque rectam intentionem asferentes. Quid mirum, si Sanctuarii opprobrium, populorumque scandalum fiant?

Itaque permagni interest, ut nemo nisi probatus, & spe saltem legitimâ, *fidelis dispensator* (c), ad Ordines promoveatur. Nimirum sorte suâ sortem populi involvit Sacerdos; is profectò, nec salvati, nec perire solus potest; ipsique, ramet si alio sensu, accommodari posse videtur quod de Salvatore dicebat venerandus ille senex Simeon: *Posttus est hic in ruinam & in resurrectionem multorum* (d). Super hoc autem Rebellius ingemiscit pia mater Ecclesia, sicubi inveniantur mali Sacerdotes, mali præsertim Pastores, non pascentes gregem, vel, quod adhuc pejus foret, eum corruptentes, & quorum occasione Nomen Dei & Religio blasphemetur.

Quod malum ut omnî providentiâ humanâ vitetur, plurimum proderit, si nonnunquam, singulis præcipue Dominicis quæ Quatuor-

(a) *Conc. Trid. Sess. 23. de Ref. c. 7.*

(b) *Ibid. Sess. 25. de Ref. cap. 1.*

(c) *1 Cor. 4. 2.*

(d) *Luc. 2. 34.*

Temporum Jejunia antecediunt, Pastores publicè in *Pronao* de Ordinis Sacramento verba faciant. Primò quidem, hinc ipsi reminiscuntur quam Unctione consecrati, quoniam Spiritu repleti, quantæ sanctitatis lege obstricti, ad quod opus assumpti fuerint; seque ipsi *admonebunt ut resuscitent gratiam Dei quæ est in se per impositionem manuum* (e), undè Clericalis perfectionis viva quædam exempla magis ac magis præluceant. Deindè, si qui adsint jam Clericatu initiati, Parocho disserente, monitis salutaribus imbuentur, ad proficiendum in virtutibus Ecclesiasticis se inflammari sentient, atque in bono proposito confirmati, certiores in dies vocationem suam facere studebunt. Et cum aliquandò intersint qui sponte suâ Clericatum amplecti meditentur, ii, docente Pastore, non sine fructu accipient quâ morum integritate, quâ intentione, quo fine ad sublimem hanc vitæ rationem ipsos accedere oporteat (f). Postremò ex illius argumenti tractatione hæc ingens efflorescet utilitas, ut cæteri Fideles ministerii Ecclesiastici dignitatem Sacerdotaliumque munerum excellentiam intelligant.

PORRò, qualibet Dominicâ Ordinationem præcedente non omitant Parochi è facto Suggestu docere, idèd præsertim, ineunte qualibet anni tempestate, solemnità ex

Ecclesiæ præcepto indici Jejunia, ut à Deo Ministri & Pastores quàm optimi impetentur, qui scilicet *pascent populos scientiâ & doctrinâ* (g), quique omnibus virtutum exemplaria sese præbeant.

Quoniam igitur nihil neque ad Dei gloriam, neque ad Ecclesiæ decus & ad populorum utilitatem interest magis quàm electio Ministrorum qui zelo salutis animarum, pietate, cæterisque prædiri sint dotibus ad hoc necessariis ut suscepti ministerii officio dignè fungantur; idcirco decebit, ut, recurrentibus Quatuor-Temporibus Ordinandorum electioni atque consecrationi præcipuè additis, Pastores & populi preces suas nostris precibus comites adjungant: quo quidem orationum & jejuniorum sancto fœdere, à divina clementia idoneos novi Testamenti Ministros, fidelesque divini eloquii & Sacramentorum dispensatores impetrare valeamus. Oretur pastorum Princeps, ut omnibus Episcopis Catholicis, ac præcipuè Nobis det *sedium suarum assilicem sapientiam* (h), quâ duce dignoscamus quinquam per impositionem manuum debeant *accipere locum ministerii hujus* (i); qui corda novit omnium, ostendat quos *elegerit* (k), ut neminem ad sacrum ministerium, nisi parem ejus oneri sustinendo admittamus (l). Oretur & pro ipsismet Ordinandis, ut Spiritu sancto, fide & sapientiâ reple-

(e) 1 Tim. 2. 6.

(f) Vide S. Aug. Ep. 19. (al. 148.)

(g) Jerem. 3. 15.

(h) Sap. 9. 4.

(i) Act. 1. 25.

(k) Ibid. v. 24.

(l) Conc. Mediol. II, an. 2569, tit. 2. Décr. 22.

ti, quemadmodum septem Diaconi quos primos Apostoli elegerunt & consecraverunt, quemadmodum & sanctus Barnabas ad opus conversionis Gentium divinitus assumptus (m), ad Ordines capeffendos accedant, quorum munia iuregerimè religiosissimèque exercent. Nec desunt pro toto Clero servidæ preces; ut Deus in singulis Pastoribus & Presbyteris internam renovet unctionem, quam de manu Pontificis cum extrema Unctione susceperunt, utque suum ipsi ministerium honorificent ac fideliter impleant (n). Specialiter pro hac Diocesi oratur, ut Dominus in ea succiter perpetuèque successione conferret idoneos Vineæ suæ operarios.

Cum autem præcipua dispositio ad ineundum Clericatum necessaria, quæ est morum integritas, solo Parochorum testimonio Nobis, ut plurimum, innotescat, quo quidem stare omninò securà fiducià intendimus; ipsos in CHRISTO JESU obsecramus, ne testimoniales Litteras ulli ad primam Tonsuram aspiranti concedant, nisi perspexerint satis in eo vigere iudicii, ut sentiat quantæ dignitatis atque sanctitatis sit illud vitæ institutum quo se initiari postulat; nisi pariter in ipso agnoverint aptum disciplinæ ingenium, ac pietatem cum liberali indole conjunctam; undè sperandi locus sit, eum prius moribus quam

ætate senem, utilis operæ subsidio Ecclesiæ adfuturum. Atque ut Candidatorum vocatio facilius introspici possit, hi saltem sex mensibus antequàm Nobis offerantur ad Tonsuræ postulationem, suum quisque Pastorem, vel Collegii seu Communis Moderatorem præmonere teneantur: quo quidem temporis intervallo, Pastor, aliæve Superior, vice nostrâ, ipsos edocebit quænam sint Ecclesiastici muneris partes, diligentiusque illorum dispositionibus & moribus advigilabit.

Curabunt etiam, pro sua pietate, Rectores Ecclesiarum, ut juniores Clerici quos sacri tirocinii donuo ad tempus egressos in Parochiis habent commorantes, vitam & mores ad normam Ecclesiasticæ disciplinæ componant, probatissimoque exemplo jam tum luceant coram hominibus (o); ut nunquam nisi veste talari (saltem si Clerici majores sint) & Tonsurâ convenienti insignes prodeant in publicum; per quam decentiam habitus extrinseci, morum honestatem intrinsecam ostendant (p); ut præterea diebus Dominicis & Festis Missæ Parochiali & Vesperis eâ quâ decet modestiâ Superpelliceoque ornatî intersint; ut decorem domûs Domini plurimum diligant; ut in ipsa pueros Religionis elementa doceant; postremò, ut sibi aut Vicario ad infirmos, Sacra ferenti, cum debita pietate & cum ornatu Clericali præstito sint

(m) *Ab. 6. 3. & 11. 24.*

(n) *Rom. 11. 13. & 1 Tim. 4. 3.*

(o) *Matt. 5. 16.*

(p) *Trid. Sess. 14. de Ref. cap. 6.*

Vide *Mogunt. I. an. 813. can. 10. Paris. an. 1528. decret. morum, cap. 23. Decret. Guillelmi, Paris. Episc.*

ac ministrent. Ipsorum indolem, finem intentum, agendi rationem, studia, sodalitates maximâ vigilantia observent; eosque ut filios in Christo charissimos & spem Ecclesiæ opportunissimam, consiliis salutaribus adjuvent, *quo modo boni patres spiritaliter nutrant, & in Lege Domini atque in Clericali instituto magis ac magis erudire contendant* (q).

Jam verò testimoniales morum Litteras, ad hoc necessarias ut quis Seminarium ingrediatur, vel ad Examen pro suscipiendis Ordinibus admittatur, iis duntaxat conceder Parochus, qui, observatâ eâ quam modò attingimus morum disciplinâ, piè, ut Clericos decet, ac religiosè vixerint; qui etiam Ordinum suorum munia solemnius obierint ac decenter; qui Sacramenta, pro diversis Ordinum gradibus, convenienter frequentarint; & in quibus nullum appareat, seu naturæ, seu indolis grave impedimentum, nihilque omnino quod, juxta Canonum sanctiones, hominem ad suscipiendos Ordines inhabilem efficiat.

ATQUE ut omnia diligentissimè præcaveantur eâ in re, quæ, tum ad Religionis decus, tum ad salutem animarum tantum momenti est; ubi se aliquis ad sacros Ordines capeffendos accinget, illius propositum intrâ Missæ Parochialis solemnia promulgabitur tribus diebus Dominicis

consequentibus, aut Festis non continuis (r), ita ut nempe inter primam & secundam, vel inter secundam & tertiam dies saltem unus intercedat, ne brevitate temporis eludantur qui aliàs possent aliquid revelare. Quæ triplex denuntiatio fieri debet in Parochia undè originem sumpsit Ordinandus, tum in qua domicilium habent parentes; tum, si sedem mutaverit Ordinandus, in Parochia ubi plures annos commoratus fuerit antequàm Seminarium ingrederetur. In casibus dubiis, consulendus est Præsul Diocesanus, ut proclamationis locus assignetur. Eam porro sic tempestivè institui oportet, ut peracta sit ultima denuntiatio ante Feriam tertiam hebdomadæ quæ illam præcedit in qua Ordines conferuntur (s). Quod si verò intrâ sex menses post ultimam denuntiationem non fuerit susceptus Ordo sacer, iterandæ erunt tres hujusmodi denuntiationes, perindè ac si nullæ factæ fuissent.

Porro Ecclesiæ, nullum volens nisi notæ probitatis in Ministrorum suorum ordinem cooptari, Lege sapientissimâ constituit, ut publicè quæreretur suffragium populi, cujus etiam res agitur in Ordinationibus; utque Ordinandi, juxta præceptum Apostolicum, non tantum coram Deo, sed etiam coram omnibus hominibus testimonium bonum haberent (t). Itaque hujus promulgationis scopus est, ut innotescat an non facti Ordinis condi-

(q) Conc. Vaf. II, an. 529. can. 1.

(r) Trid. Sess. 23. de Ref. c. 5.

(s) Rit. Parif. den. ed. an. 1777, pag.

339. (t) Rom. 12. 17. 1 Tim. 3. 7.

Conc. Tolet. IV, an. 633. tit. 22.

datus se cuiquam Matrimonii fide vel sponſione obligaverit; an non aſe alieno labore; an non pro reddendis ſive adminiſtrata, ſive publica, ſive privata pecunia rationibus alicui ſit obnoxius; an non famam habeat criminis aut vitii alicujus labe aſperſam; poſtremo, an non aliquo Impedimento Canonico, vel aliqua Irregularitate à ſacris Ordinibus excludatur. Scilicet, juxta ſacrorum Canonum Sanctiones, Im-
 » pedimento irretiti hi ſunt: mino-
 » res natu, Sacramento Chriſma-
 » tis non confirmati, rudes & igna-
 » ri, criminoſi, ſolemniſter pœni-
 » tentes, neophyti, ebrietati &
 » gulæ dediti, impudici, lapſi poſt
 » Ordinem ſuſceptum, perjuri,
 » uſurarii manifeſti, infames, ra-
 » tiociniis obligati, ſervi, corpore
 » vitiati, inſigniter deſormes, ille-
 » gitimè nati, peregrini & ignori,
 » bigami, irregulares, ſuſpenſi,
 » interdicti, excommunicati, mor-
 » tuo caduco laborantes, energu-
 » meni, non examinati, & non
 » probati (a). » Hæc autem Impe-
 » dimenta cum plerique Fidelium
 » ignorent, poterit Sacerdos ea po-
 » pulo ſummatim exponere, juxta
 » brevem de Irregularitatibus Appen-
 » dicem, quæ hunc de Ordine Tra-
 » ctatum ſubſequetur.

In illa verò promulgatione, do-
 » centibus Parochiſ, intelligant Fi-
 » deles, ſcientiæ religionis ſtric-
 » tiſſimâ teneri ſe ad revelandum, ſi
 » fortè aliquid in perſona vel mori-
 » bus Ordinandi obſervaverint quod

profeſſionis Eccleſiaſtica ſanctitatem
 dedecet, quo proinde ſacris Ordini-
 bus indignum ſe demonſtret; ſibi-
 que in hoc eſſe duntaxat cogitandum
 Eccleſiæ decus, ipſamque ejus uti-
 litatem, poſtpoſito unius hominis
 vel familiæ commodo. Neque id
 unquam oblivſcantur ipſi Paſtores
 in conſcribendis Ordinando cuique
 testimoniis. Si enim, quod abſit,
 vilis obſequii potiùs quàm veritatis
 impulſu aliqui teſtificentur; & tur-
 piter in Eccleſiam proditores, &
 graviter in Deum perfidos ſe conſci-
 tituant: omnium inſupèr ineunt ſce-
 lerum communionem, quibus ſeſe
 commaculaturi ſunt illi infelices
 Miniſtri ſub falſis testimoniis ordi-
 nati. Paſtores igitur nihil quidquam
 niſi ſuggerente ſcientiâ, ullius
 testimoni ſcriptione affirmant. Si
 quem præſertim ad ſacrum Ordinem
 aſpirare viderint, mores ejus
 potiùs diligentia ſcrutentur; quàm
 dignè illo gradu vixerit; quali
 exemplo in Parochia fuerit: de quo
 etiam ſecretò inquirent, quò certius
 conſequantur ejuſmodi documenta,
 quorum ope nec ipſi fallantur, ne-
 que Nos fallant, verum teſtificari
 ſe exiſtimantes.

Quòd ſi nullum impedimentum
 aſſeratur, Patochus poſt horas ab
 ultima denuntiatione quatuor &
 viginti, Bannorum, ſeu triplicis il-
 lius promulgationis teſtimoniales Li-
 teras conficiet ad Nos perferendas,
 in quibus designabit quo die facta
 unaquaque fuerit; ſimulque teſtifi-
 cabitur, modò ſinar rei veritas, Or-

(a) Mediol. IV, an. 1576, part. 1.
 tit. 7. Stat. Syn. D. Steph. Poucher, Pa-

riſ. Epiſc. ante an. 1519, tit. de SS. Or-
 dinib.

diuandum integris esse moribus, suorumque Ordinum munia ritè & studiosè in Parochia obiiſſe. Si quod verò allarum fuerit impedimentum, nullas concedet teſtimoniales Litteras, ſed de impedimento certiores Nos faciet.

Ut quis præterea Subdiaconus ordinetur, huic neceſſarius eſt *Titulus Clericalis*, id eſt, honeſta ſuſtentatio, conſtituta nempe vel in Beneficio, vel in poſſeſſione fundi ſeu redditus annui, vel in profeſſione Religioſa. Undè triplex eſt Titulus, ſcilicet *Beneficii*, *Patrimonii*, & *Monafterii*, ſive *paupertatis*. Quattuſ addi poteſt, qui dicitur *obedientia*, ſi quis nimirum eà lege ordinetur, ut ſemper & quacumque datà occasione ad Diœceſis miniſterium præſtò ſit Epìſcopo vocanti: & tunc illi de neceſſariis providet Epìſcopus. Olim, ut jam ſuperius obſervatum eſt (x), ſolus propriè locum habebat *Titulus Beneficii* (y). Nullus quippe inſtituebatur Clericus, qui certæ Eccleſiæ non addiceretur, in qua Ordinis ſui munia exerceret, & cuius in *Matriculam* relatus, jus haberet ex ea percipiendi undè veſceretur. Auſto ſubindè, propter Eccleſiæ utilitatem, Clericorum numero, ne quicquam è ſacris Miniſtris non liberà mente ſuis functionibus vacaret, de vidu ſcilicet cultuque humano ſollicitus, ſapienter ab Eccleſia conſtitutum eſt, ut qui ſine Beneficii Titulo ad ſacros Ordines promove-

rentur, Patrimonii Titulum poſſiderent, quo poſſent honeſtè ſuſtentari: » neque enim decet eos, qui » divino miniſterio aſcripti ſunt, » cum Ordinis dedecore mendi- » care (x), ullove turpi vel in- » honeſto negotio victum quæ- » rere (a). »

Titulus Patrimonii ſit fundus, vel redditus ad totam vitam certò collocatus; cuius poſſeſſor fruſtus faciat ſuos, prorsùſque immunes, ſaltem ad centum-quinquaginta libras, ut exigit hujus Diœceſis conſuetudo. Cuius Tituli inſtrumentum coram Notario Regio conſiciatur & tatum habeatur, fidem facientibus pariter duobus ſponſoribus qui ſint ſolvendo pares. Deindè exemplar cum prima perſcriptione collatum, & in Acta Eccleſiaſtica telatum (1), Parocho traderetur, à quo tribus diebus Dominicis aut Feſtis intrà Miſſæ Parochialis ſolemnia cum Subdiaconi *Bannis* promulgabitur in Parochia ubi jacet ſandus Titulum conſtituens; ut innotefcat num ad patentes, alioſve Subdiaconum dotantes, vel ad ipſum hæreditario-jure, ſive aliàs legitimè, pertineant bona in prædicto Titulo enuntiata; num denique centum-quinquaginta ſupeditent libras immunes. His ita compoſitis, ſi nemo ſe interponat, Parochus teſtificationem conſcribet infra ipſum quod promulgaverit, apographum (2). Hoc autem in Archiepiſcopatùſ noſtri Tabulario (3) deponetur; ut à Nobis ritè ap-

(1) Inſinuat.

(2) Copie.

(3) Aut Secretariat.

(x) Cap. III.

(y) Calced. gen. IV, an. 451, can. 6. Decret. l. 5, tit. 5, c. 2. Conc. Niârò, can.

13. Trid. Seſſ. 23. de Ref. cap. 17.

(x) Trid. Seſſ. 21. de Ref. cap. 2.

(a) Carth. III, an. 397. cap. 15.

proberur & suscipiatur ille ipse Titulus Clericalis, postquam nihil in eo solemnitas aut formæ omisum fuisse, causâ cognitâ, judicaverimus.

Si autem aliqua fraus aut collusio in Tituli creatione adhiberetur, qui v. g. nihil foret præter simulatam donationem; graviter peccarent & *Donator & Donatarius*. Præterea, qui sine Titulo, seu Dispensatione Tituli, vel sciens & volens sub Titulo falso aut fallaci ad Subdiaconatum promoveretur, Suspensionem *ipso facto* ab illius Ordinis functionibus incurreret (b). Nec patrimonium illud, vel pensionem annuam, sine Pontificis Dilectissimi permissu alienare aut extinguere licet, vel *Donatori* reddere, quoadusque *Donatarius* Beneficium Ecclesiasticum, Judice proprio Antistite, sufficiens adeptus fuerit, vel aliundè consecutus undè

possit honestè sustentari (c).

Titulus Beneficii, ut ad Subdiaconatum valeat, institutionem Canonice & pacificam possessionem exigit; debetque libratum, ad minus, centum-quinquaginta proveniunt aut pensionem asserere; nisi minoris pretii Beneficium pro Titulo habendum censeamus. Itaque Clericus Beneficium adeptus quod sibi pro Titulo esse cupiat, *Provisionum* instrumenta Nobis exhibebit, simulque suam probabit possessionem pacificam; quid sibi ex Beneficio annui redditus proveniat, quid oneris incumbat, sigillatim aperiet. Qui sub Titulo Beneficii ordinatus fuerit, Beneficium illud cuiquam transcribere non poterit nisi de nostra licentia, postquam videlicet Nobis certè constiterit honestam ei sustentationem aliundè suppetere (d).

(b) *Rotom. an. 1445. can. 16. Mandat. D. Lud. Ant. Card. de Noailles, an. 1709, de Calib. Reserv. &c. in Synodico, p. 409. Et Rit. Paris. pag. 115.*

(c) *Conc. Trid. sup. Stat. Paris. an. 1697. tit. 9.*

(d) *Ibid.*



CAPUT VI.

DE officiis Presbyterorum è sacra Ordinatione recentium.

PRIMA Missa piè celebranda. Sacerdotum dignitas quid velit, & vocatio quam sit. Novi Sacerdotis Pastorale tirocinium. Sacerdotium sit continuatio studiorum. Prælia cura Pastoralis. Levis adumbratio Pastoris. Qualem animum requirat Ecclesiastici Ministerii sublimitas. Officia Pastorum à Concilio Tridentino, &c. summatim expressa.

POSTQUAM, emensis singulorum Ordinum gradibus, tandem ascensus patuit ad præcellentem Sacerdotii dignitatem; Missa prima, non multo interjecto spatio, celebranda incumbit. Eam autem sensu pietatis tam vivido atque inflammato celebrare studeat novus quisque Sacerdos, ut semper deinceps primi hujus Sacrificii memor, ejusque veluti sapotè imbutus, ad Altare Dei ascendat. Præterea, ut inde suscepti ministerii fructum asserere aliquatenus possit, à summo æternoque Pontifice ardentè postulet animi Sacerdotalis plenitudinem, zelum salutis animarum, quo ipse indefinenter flagravat in terris; seque holocaustum devoveat pro Dei gloria & proximi sanctificatione consumendum. *Hunc diem*, ut potè sibi & familiaris celeberrimum atque sanctissimum (a), exigar velut absconditus cum Christo in Deo (b). Si autem

cum propinquis & amicis epuletur, ipse & convivæ omnes temperanter sobrièque epulentur in conspectu Dei, & delecentur in latitia spirituali (c). Absit ut choreæ quasi nuptiales agitentur: nihil indecorum; nihil profanum occurrat, cum Sacerdotalis officii primordia excellentissimæque sanctitatis primitiæ celebrantur (d).

JAM verò qui de sub manibus Spiritu sancto sæcundis atque è sacra Unctione recentes, seculum, quod sanctificent, ingrediuntur, ii sublimem Sacerdotii gradum ad quem evekti sunt, in semetipsis revereantur, aliisque venerabilem exhibeant. Munus sibi impositum quale sit, attento animo considerent. » Sicut » enim Episcopi Apostolorum in » Ecclesia, ita Presbyteri cæterorum » Domini Discipulorum vicem tenent. Undè oportet eos semper esse

(a) *Levit. 29. 31.*

(b) *Col. 3. 3.*

(c) *Pf. 67.*

(d) *Cons. Mediol. IV, an. 1576. tit. de Missa.*

» memores tantæ dignitatis (c); »
 » ut quorum manus in Sacerdotio con-
 » secratae sunt, nunquam Sacerdo-
 » tium polluant; & super quos fufum
 » est oleum sanctæ Unctionis Dei,
 » ab ea nunquam degenerent (f).
 » Unusquisque igitur, tam in con-
 » versatione sua, quàm in habitibus
 » & vultu ac sermonis gravitate,
 » talem se domi forisque, & suis
 » & extraneis exhibere studeat, ut
 » maturitate morum, & repudia-
 » tione omnium levitatum ac vani-
 » tatum, omnibus sibi adherenti-
 » bus, seque intuentibus, formam
 » disciplinæ, veritatis ac mode-
 » stie infundat (g). » Scilicet Clerico-
 » rum vitam perpetuum quoddam præ-
 » dicandi genus (h), perpetuamque
 » morum censuram esse oportet.

» Illud præterea unusquisque
 » sæpè repetat, se non ad inertiam
 » atque ignaviam, sed ad spiritua-
 » lis arque Ecclesiasticæ militiæ la-
 » bores vocatum; non ad privatam
 » requiem, sed ad publicam utili-
 » tatem provectum (i). » Itaque
 » novi Sacerdotes, quamvis nondum
 » ulli sint Ecclesiæ addicti, totam ni-
 » hilominus quâ pollent, operam of-
 » ferant Pastori suo, quem venerentur
 » & in Christo diligant ut patrem,
 » orentque & obtestentur sibi esse in
 » ingressu ministerii ducem ac moni-

torem. Sic denique in omni opere
 » bono fructificent (k), sic honoran-
 » dam in seipsis pietatem ostendant,
 » ut mereantur à Nobis ad animarum
 » regimen assumi.

Quoniam autem Religionis præ-
 » cones & magistri (l), populi-
 » que ductores futuri sunt, omni curâ &
 » studio attendant lectioni & doctri-
 » nae (m). Præcipit Synodus Triden-
 » tina, ut » qui ad Presbyteratus Or-
 » dinem assumuntur, hi sint qui
 » ad populum docendum ea quæ
 » scire omnibus necessarium est ad
 » salutem, ac administranda Sacra-
 » menta idonei comprobentur (n). »
 » Attamen quantumque diligentia
 » præformetur, multis adhuc studio-
 » rum subsidiis post Unctionem Sa-
 » cerdotalem indigent, ut susceptum
 » ministerium dignè fructuosèque exer-
 » ceant. Quod si verò non ingentem
 » sibi conficiant Bibliothecam, eos
 » saltem assequantur Libros, quibus
 » carere omnino non possunt. B. Pauli
 » Epistolas ad Timotheum & ad Titum
 » frequenter evolvant; earumque doc-
 » trinam, non solum ad Episcopos,
 » verum etiam ad secundi Ordinis
 » Pastores pertinentem, studeant in
 » mores suos transfundere. Librum
 » hunc Pastoralem perdiscant, ejusque
 » præceptis ac sensibus animum im-
 » buant.

(c) Capit. Theodolph. Aurel. an. 797.
 cap. 1.

(f) Levit. 11. 10. 12. 2 Esdr. 13.
 29. Vide Conc. Elib. c. an. 304. can. 19.
 Carth. III, an. 397. can. 25. Xiron. I.
 an. 461. can. 3. Tolet. VIII, an. 653.
 can. 4. 5. Trid. Sess. 25. de Ref. cap. 14.
 15. S. Hier. Ep. 2. (al. 24.) ad Nepo-
 tian.

(g) Conc. Valens. III, in Delph. an.

Tomus II.

855. can. 15.

(h) Conc. Trid.

(i) Mediopl. V, an. 1579. part. 3. Vide
 S. Chrys. Hom. 15. in 2 Cor.

(k) Col. 1. 10.

(l) Decr. Eccl. Gall. in Conv. Melod.
 an. 1579. tit. de fact. Ord. Vide Conc.
 Paris. VI, an. 829. l. 1. c. 4.

(m) 1 Tim. 4. 13.

(n) Conc. Trid. Sess. 25. de Ref. c. 14.

Et quoniam, inter cæteras scientiæ Ecclesiasticæ partes, ea quæ morum doctrinam spectat, Sacerdotibus, sive ad publicas Institutiones peragendas, sive ad animas in arcano Tribunali dirigendas, inaximè necessaria est; huic statim dedere se non omittant Presbyteri è sacra Ordinatione recentes, posteaque ad ipsam magnâ diligentia incumbere non desistant; ut potè quæ latissimè patet, Sacerdotalisque ministerii fructum afferere, penitus animo comprehensa & luculenter exposita, potissimum valet.

Sacros etiam Ritus, piamque ac decentem Sacramentorum administrationem, annuentibus ac dirigentibus Parochis, ipsâ experientia sibi familiarem faciant. Quotidiè *crefant in scientia Dei* (o); quâ duce, animarum gubernationem plenius addiscant, etque postea felicius animum adjiciant. In verbo Dei, de nostra licentia, prædicando sese naviter exercent. Concionentur autem non ambitiosè atque oratoriè, ne tamen perfunctoriè & negligenter; sed ad captum vulgi, piè, solidè & evangelicè. In Catecheticis Institutionibus præparandis & exequendis, prout requirit magna ipsarum utilitas, summo studio indefessoque labore versentur. Pastoralis denique officio jam tum præludent, hunc illius scopum esse intelligant, humanæ cujuslibet miseriæ depositum in se recipere, benefacere quamplurimis, opem ferre necessitatibus corporum,

ad animas lucrificandas; » Ecclesiæ sicut, quæ est Corpus Christi, » Capite illo immortali dignam » efficere, ac singulorum membrorum incolunitati providere (p). »

Porrò medias inter sacri ministerii sollicitudines, interiorum sibi quemdam secessum parare oportet unumquemque Pastorem; ita ut, cum hominibus degens, secum ipse nihilominus habitet, collectaque mente totus in Deo recumbat. Servandus pariter flos ille famæ integerrimæ, *bonum Christi odorem* ubique diffundens, innocentia illa, pudor ille Sacerdotalis, eximie videlicet pulchritudinis ornamentum, Deo & hominibus dilectum faciens Mysteriorum dispensatorem. Si autem aliquandò inter homines, præsertim potentiores, extra ministerii sui necessitatem versetur; ad eorum limina gravitatem convenientem, non tamen tetricam, defetat necesse est, exempli sui auctoritate voluptatem, luxum, molliem atque ambitionem condemnans.

Huc accedit quòd vigil in statione sacra excubare debeat, instructus armis fidei & doctrinæ, quibus reundat errores qui sacrum depositum adulterant, mundi opiniones quæ morum disciplinæ Evangelicæ adversantur. Sacerdos induatur *justitiâ ut lorica*; & *galea salutis in capite ejus*; & *operiatur quasi pallio xeli* (q). Mala enim quæ à Pastoribus tolerantur vel non corriguntur, ipsis crimini sunt; publicæque corruptelæ, quasi propria vitia, his qui

(o) Col. 1. 10.

(p) S. Chryf. de Sacerd. l. 4. c. 3.

(q) If. 59. 17.

præfunt, imputantur. Et quidem, moribus ferè in universum labefactatis, Legibus proculcaris ac ludibrio habitis, quo tandem freno coerceretur tam procaciter effusa licentia, nisi Pastores huic sese constanter & tamen prudenter quasi *murum arcum* opponant?

Pastoralis igitur ministerii sublimitas animum desiderat sublimem, terroribus invictum, contradictionibus ac difficultatibus fortiozem, adulationi impervium, humano obsequio superiorem; quem sive promissa, sive comminationes, sive gratia, sive offensa cujusquam penindè immotum rectique propositi tenacem inveniant. Scilicet anima Pastoralis *elevabitur ut aquila* (r), ac tumulvantes in infimis cupiditates mortalium interritâ despiciet. *Magnum* certè ac *generosum animum ad eam rem asserre oportet* (s), in qua instituitur *colluctatio adversus carnem & sanguinem* (t), adversus cunctos animorum ætus, ac totam vitiorum cohortem. « Qualis » esse debet, qui tantæ tempestati » opponendus est? Nam & gravem » illum, sed minimè fastuosum; » & terrificum, sed humanum; & » visendâ majestate principem, sed » omnibus tamen appellandis co- » mem; eundemque integrum, » officiosum, humilem, sed mini- » mè servilem; acrem quoque ac » vehementem esse convenit, sed » tamen & mansuetum (u). »

ITAQUE novi Sacerdotes Pasto-
le officium, quod quibusdam linea-
nientis adumbravimus, assidue me-
ditentur ac prætentare studeant. Et
cùm denique imposita ipsis fuerit ani-
marum cura, præ oculis ea docu-
menta jugiter habeant, quibus Pas-
torum erga populos sibi creditos
officia præcipua hisce gravissimis
verbis attingit, seduloque expen-
denda proposuit Ecclesia, Tridenti
in Spiritu sancto congregata: « Cùm
» præcepto divino mandatum sit om-
» nibus, quibus animarum cura
» commissa est, oves suas agnosce-
» re, pro his Sacrificium offerre,
» verbique divini prædicatione, Sa-
» cramentorum administratione, ac
» bonorum omnium operum exem-
» plo pascere, pauperum, aliarum-
» que miserabilium personarum cu-
» ram paternam gerere, & in cæ-
» tera munia Pastoralia incumbere;
» quæ omnia nequaquam ab iis
» præstari & impleri possunt, qui
» gregi suo non invigilant neque
» assistunt, sed mercenariorum mo-
» re deserunt; sacrosancta Synodus
» eos admonet & hortatur, ut di-
» vinorum præceptorum memores,
» factique forma gregis, in judicio
» & veritate pascant & regant (x).

Scilicet *publici & communis boni procurator & amistes* (y), « stu-
» diosè Parochus (debet esse) sol-
» licitus de pauperibus fux Paro-
» chie, præsertim puellis nubilibus,
» viduis, orphanis, pupillis, ægro-

(r) Job, 39. 27.

(s) S. Chrys. de Sacerd. l. 2. c. 3.

(t) Eph. 6. 12.

(u) S. Chrys. sup. l. 3. c. 15.

(x) Conc. Trid. sess. 23. cap. 1. de
Ref. Vide Conc. Aquisgr. II, an. 236,
de mor. & doct. c. 5.

(y) S. Grig. Naz. in obitu S. Basil.

» tis, senio confectis, aliisque per-
» sonis utraque misericordiâ indi-
» gentibus, quibus & ipse oporule-
» tur, & alios hortatu suo ad id
» officium invitet (x). » Sic Pastor
ad alta charitatis mirabiliter surgit,
cùm ad ima proximorum se miseri-
corditer attrahit (a). Sic omnibus
omnia factus, homines ad virtu-
tem, privatæ simul & publicæ felicitatis, æternæque omnium salutis
causam, Pastoralis bonitatis dulcedine allicit.

Ex quidem Pastoris est, Religionis uti subsidio ad multiplicis generis beneficia in societatem Christianam conferenda. Religionis Minister, cui sit ejus virtus profundo intuitu explorata, ipsiusque annuntiandæ optima ratio in assuetudinem versa, per eam, quâ nihil potentius multitudinem regit, publicum ordinem divinitusque institutionis potestatis reverentiam tuetur: per eam legibus robur asserit, dum, in legislatore principe, Dei quem Reges regnant imaginem ostendit (b): per eam firmiore simul & sanctiore vinculo eos constringit, quos jam vetendo nexu natura devinxerat: per eam sublimibus incitamentis omnium suggerit amorem virtutum, quæ, ipsâ deficiente, stimulo carent, nec ad finem legitimum referuntur. Pastori etiam in promptu est præsentis ævi ærumnas Fidelibus ope

Religionis mitigare, dum iis æternum exhibet gloria pondus momentanea tribulationi à justo Deo rependendum (c). Quid plura? creaturam ingemiscentem consolatur (d), ne desperet; exultantem compefcit, ne superbiat: hincque divites, & indè pauperes ita moderatur, ut Deus utrobique mirabilis prædicetur, qui infinita bonitatis consilio fecit miserum, ut agnosceret misericordem (e), & coronaret æquanimitè patientem.

Hiscæ præviis documentis imbuti Sacerdotes, cùm ad Pastorale munus assumpti fuerint, scientiam sibi necessariam in dies augere satagent, eamque magis ac magis experientiâ firmabunt. Sic nempe ex iis erunt, de quibus Deus per Prophetam, Dabo vobis, inquit, Pastores juxta cor meum; & pascet vos scientiâ & doctrinâ (f). Sic verendam omnibus efficient Ecclesiæ gubernandæ præcellam ac divinam potestatem (g). Sic demùm, & seipsos, & plebem cui præerunt, salvam facient, hoc velut sibi dictum accipientes: Nolite negligere: vos elegit Dominus ut ministris illi (h); ministrare in Sanctuario, & sanctificati immolate; fratres etiam vestros, ut possint juxta verba quæ locutus est Dominus, facere, preparate (i); quoniam vos estis Presbyteri in populo Dei, & ex vobis pendet anima illorum (k).

(x) Conc. Avenion. an. 1594. can. 42.

(a) S. Barthol. à Martyr.

(b) Prov. 8. 15. (c) 2 Cor. 4. 17.

(d) Rom. 8. 21.

(e) S. Paulin. serm. de gazophylac.


post Ep. 33. (f) Jerem. 3. 15.

(g) S. Cyr. Ep. 55. (al. 59.) §. 2.

(h) 2 Paral. 29. 11.

(i) 2 Paral. 35. 5. 6.

(k) Judith, 1. 21.



APPENDIX ORDINIS. DE IRREGULARITATIBUS.

DICETUR, 1°. *Quid & quotuplex generatim sit Irregularitas* : 2°. *De causis ab Irregularitate incurrenda excusantibus* : 3°. *De Irregularitatibus ex defectu* : 4°. *De Irregularitatibus ex delicto* : 5°. *De Dispensatione in Irregularitatibus.*

CAPUT PRIMUM.

QUID & quotuplex generatim sit Irregularitas.

IRREGULARITATIS in universum natura & proprietates. Maxime generales ejus divisiones & effectus.

IRREGULARITAS est *Impedimentum Canonicum*, quo vir baptizatus, ab *Ordinum susceptione* primario ac directo, secundario vero ab eorum usu interdicatur. Cum autem præfens argumentum non minus intricatum sit & perplexum quam Ecclesie Ministris necessarium, definitionem modò allatam distinctius evolvere operæ pretium videtur.

Dictum est igitur, 1°. *Impedimentum*, id est, inhabilitas quæ-

dam moralis; quæ cum citra delictum, ex defectu, v. g. corporis vitio, interdum oriatur, hinc ipsa, ex genere suo, pœnæ rationem non habet: undè à *Censura* distinguitur, quæ pœna est, & culpam supponit. Quinimò ipsa Irregularitas quæ ex delicto provenit, quamvis pœna sit, à Censura tamen discrepat, quia medicinalis non est, nec ad tempus emendationis imposita, sed propter divini ministerii decus & honorem Jure constituta. Ad illud quippè

ministerium, neminem nisi *operarium inconfusibilem* admitti decet (a): ipsumque obire indignus merito censetur, qui talem contraxit peccati maculam.

II°. *Canonicum*, seu Jure Ecclesiastico, & quidem solo, institutum, atque in eo expressum. Hinc 1°. nec peculiaribus Dioceseon Statutis, nec solâ consuetudine inducitur Irregularitas, quia solo Jure induci potest. Hinc 2°. Qui Irregularitate aliquâ, etiam *ex delicto*, irritas Ordines suscipit, vel susceptos exercet, novam non contrahit Irregularitatem; neque enim Irregularitas Irregularitatem parit. Hinc 3°. in Irregularitatibus non valet argumentum *à pari*, aut etiam *à fortiori*; quia similis aliqua, imò potior Irregularitatis constituendæ ratio ipsam reverâ non constituit, sed solum omninò Ecclesiæ Statutum. Hinc 4°. verba Juris comminatoria, cum effectum non præsentem, sed futurum significant, Irregularitatem inducere nequeunt; ut enim suum paterent effectum, Judicis Sententiâ, quæ ab homine fertur, opus haberent: nulla autem est Irregularitas *ab homine*, solæque Censuræ non semper *à Jure*, sed etiam aliquandò *per Sententiam* feruntur.

III°. *Vir baptizatus*: itaque non vir infidelis, nec mulier quæcumque. Non ille quidem: cum enim Ecclesiæ legibus minimè subjectus sit, Impedimento per eas constituto ligari nequaquam potest. Non hæc

verò; eò quòd videlicet non Ordinis, atque ideò nec Irregularitatis sit capax.

IV°. *Directè & primariò interdicatur Ordinum susceptione*, quæ quidem tunc non irrita, sed illicita esset; nec ab Ordinibus duntaxat, verùm etiam ab ipsa Tonsura Clericali prohibet, juxta Theologorum sententiam longè communiorē, Ecclesiæ praxi & rationi quàm maxime consentaneam.

V°. Dictum est, & *Secundariò susceptorum usu*. Qui enim Ordines suscipere, is consequenter & susceptos exequi vetatur, nisi *partialis* sit Irregularitas; quæ nempe, licet cujusvis Ordinis impediat susceptionem, non tamen usum interdicat Ordinis jam antè legitime suscepti.

PRÆTER hos Irregularitatis characteres præcipuos, sunt & alii qui ex iis consequuntur; scilicet inhabilitas ad Beneficium, vel obtinendum, vel jam obtentum retinendum, & consequenter ad suscipiendam Jurisdictionem ordinariam, seu Beneficio annexam, vel jam susceptam exercendam, sive licitè, sive etiam validè, pro circumstantiarum varietate. Eos nimirum effectus diversis modis parit Irregularitas, prout vel publica est, vel occulta, præveniens aut superveniens, perpetua vel temporaria, totalis aut partialis, ex delicto vel ex defectu: de quibus proindè dicendum est in antecessum, ut facilius intelligantur

(a) 2 Tim. 2. 15.

quæ de earum effectibus postmodum sumus dicturi.

Irregularitas igitur alia est *publica*, quæ notorietate facti vel Juris innotescit; alia *occulta*, quæ neutro modo cognoscitur. Alia *perpetua* est, quæ solâ potest Dispensatione auferri, ut Irregularitas ex homicidio: alia *temporaria*, quæ temporis lapsu definit; talis est Irregularitas *ex defectu ætatis*, quæ, hac adveniente, aufertur. Alia est *præveniens*, quæ Ordinis aut Beneficii susceptionem antecedit; alia *superveniens*, quæ iisdem jam legitime susceptis supervenit. Alia *totalis* est, quæ Ordinis cujusque, tum susceptionem, tum usum absolute prohibet; alia *partialis*, quæ non omnes, sed aliquos duntaxat parit ejusmodi effectus. Sic Sacerdos, homicidio perpetrato, Irregularis est Irregularitate *totali*; ipsi enim cujuslibet Ordinis usus interdicitur: cæcitate verò percussus, Irregularis est Irregularitate *partiali*; potest enim concionari & Confessiones excipere; & ab iis solummodo functionibus interdicitur, quibus, propter cæcitatem, jam inhabilis factus est. Irregularitas quam incurrunt Clerici, *totalis* est, respectivè ad superiores Ordines suscipiendos, non tamen semper quoad susceptorum usum: quoad utrumque verò *totalis* est, quoties Irregularitas illi Casui in quem inciderunt, Juris dispositione simpliciter & absolute annexa est. Quod autem ad Laicos pertinet, Irregularitas quam incurrunt, semper *totalis* est, eâ nihilominus exceptâ

quæ ex ætatis aut scientiæ defectu oritur; qui enim propter ætatem ad Subdiaconatum inhabilis est, non idcirco ad Minores Ordines aut Clericalem Tonsuram inhabilis esse censetur.

Sed posterioris generis Irregularitates, scilicet *partiales*, aliz quidem Ordinis alicujus, non tamen omnium usu interdiciunt; sic Sacerdos qui dubitat an homicidium perpetraverit, in Ordinibus quidem sacris, non autem in Minoribus ministrare prohibetur (b); aliz verò Clericum ad certa quædam Beneficia inhabilem reddunt, non tamen ad omnia; sic filius; etiam legitimus, irregularis est ad Beneficia quæ obtinuit pater, immediate post eam obtinenda, & tamen alia Beneficia potest obtinere.

Irregularitas denique alia est *ex delicto*, ut ex homicidio, aut Censuræ violatione; alia *ex defectu*, v. g. ex cæcitare. Multiplex verò utriusque discrimen assignatur. Nam Irregularitas *ex delicto* semper voluntaria est; culpam necessariò supponit, & quidem lethalem, exteriorem, & in genere suo consummatam; solâque Dispensatione potest auferri. Si ex delicto occulto proveniat, Diocesani Præfatis auctoritate relaxari potest, eâ tamen exceptâ quæ oritur ex homicidio voluntario, in qua nempe solus dispensat Romanus Pontifex. At contrâ, Irregularitas *ex defectu*, nec semper, nec plerumque voluntaria est, aut culpam supponit: aliter quàm per Dispensationem auferri potest; siquidem,

(b) Cap. 11. de homic.

cessante causâ, non raro cessat; ea-
que summo Pontifici, ut plurimum,
reservatur.

Porro multiplex generatim est
Irregularitatis effectus. 1°. enim,
Ordinum, ipsiusque adeo Tonfuræ
Clericalis susceptionem prohibet,
ac susceptorum usum; omnium
quidem, si sit *totalis*; quorundam
autem, si *partialis* (c). Qui quidem
geminus effectus ex iis quæ su-
perius dicta sunt, manifestè col-
ligitur.

II°. Paucis quibusdam Casibus
exceptis, in Jure expressis (d), Cle-
ricum inhabilem reddit ad obtinen-
dum, non licitè tantum, sed &
validè, Beneficium quodcumque,
aut illud saltem cujus omnia, Irre-
gularitate contracta, prohibentur;
undè ipso Jure irrita est ipsius col-
lario (e). Et certè, cum Beneficium
propter officium derur, arque ad illud
ex natura sua ordinetur, consequens
est ut Beneficium nec licitè, nec
validè accipere possit is qui sit per
Irregularitatem Ordinis Officio in-
terdictus. Hinc 1°. Clericus Bene-
ficium cujuscumque generis quod
accepit dum Irregularis esset, di-
mittere tenetur, si *totalis* sit Irre-
gularitas; si verò *partialis*, illud
saltem tuius munia propter eam li-
citè exercere non potest: utque Be-
neficium (in alterutro casu respecti-
vè) tutâ conscientia retinere possit,
necesse est Dispensationem super
Irregularitate & novam Beneficii
collationem ab illo impetrari. Hinc

2°. idem tenetur Beneficii fructus
quos percepit, restituere. Si tamen
Irregularitate se ligatum esse invin-
cibiliter ignorasset, satis foret eam
restituere perceptorum fructuum par-
tem, quam adhuc retineret, vel
undè esset ditior factus. Hinc 3°. eos
actus validè exercere non potest,
quos exercendi jus & facultas non
aliundè quàm ex ipso Beneficio ori-
tur: cujusmodi sunt electio & præ-
sentatio ad Beneficia, eorum col-
lario, & ipsius Beneficii in Irre-
gularitate accepti administratio. Col-
lapso enim fundamento, corrumpunt
quæcumque ipsam necessariò præ-
supponunt. Hinc 4°. (saltem si *to-
talis* sit Irregularitas) idem, nec li-
citè, nec validè accipere aut exer-
cere potest Jurisdictionem ordina-
riam, Beneficio scilicet annexam.
Cum enim ipso facto nulla & irrita
sit Beneficii collatio, nulla conse-
quenter atque irrita est Jurisdictio
in collatione fundata (nisi hæc pro-
pter errorem communem rara &
valida fiat, quod quidem non raro
contingit). Adhuc tamen capax
ille est Jurisdictionis delegatæ,
aut alterius facultatis quæ non à
Beneficio pendeat, sed à delegantis
aut committentis voluntate; secus
verò, si Ordinum exercitium re-
quiratur. Hactenus de Irregularitate
preveniente.

Quod autem ad *supervenientem*
attinet, Beneficiarius eâ ligatus,
Beneficio obtento privari quidem
potest per Judicis Sententiam; sed
ante illam reipsâ non privatur, nec

(c) Can. 9. & 10. diff. 14. Cap. 17. de
temp. ordin. tit. de Cleric. excomm.

(d) Cap. Si celebrat.

(e) Cap. 2. de Cleric. exgror.

illud dimittere tenetur: nemo enim legitime acquisitā re spoliare se tenetur, nisi prius interveniat Judicis Sententia. Debet nihilominus Irregularis ejusmodi Beneficiatus Beneficium dimittere, si Irregularitatis Dispensationem impetrare nolit, aut nequeat. Id enim retinere nemo potest, cui annexum est officium quod licitè adimplere nunquam poterit. Hoc tamen de sola Irregularitate *ex delicto* intelligi oportet. Si enim sit *ex defectu*, v. g. ex infirmitate; nec Beneficium dimittere tenetur, nec per Judicis Sententiam eo spoliandus est: nam afflictionem afflictio superaddi vetat humanitas, adeoque & ipsa Religio (f). Verum in hujusmodi casu, ei sociandus est sacri muneris adjutor, qui functiones ipsi interdictas exequatur. Quinimò, rametsi ex delicto sit illa Irregularitas *superveniens*, nihilominus poterit qui eā constingitur, Beneficium resignare *in favorem*; nisi obstat Beneficii conditio, aut nisi tale sit crimen, ut vacationem *ipso facto* inducat. Præterea Beneficii fructus retinere poterit, quos percepit quamdiu Dispensationem prosequeretur, licet eam non obtinuerit; dummodò nec temerè inconsultèque speraverit ipsam esse obtinendam, nec fuerit in illa persequenda negligentior; dummodò etiam ex Beneficii fructibus debitum ejus officium interim præstari sedulo curet.

Postremo Irregularitas *superveniens* Jurisdictioni ordinariæ, id est,

Beneficio jam legitime accepto annexæ, invalidum non efficit hujus exercitium, si sit occulta, aut soli facti *notorietate* publica; quia, ex modò dictis, ipso Beneficio non spoliatur. Et verò de Irregularitatibus occultis idem ac de Censuris hac in parte censendum est, cum eadem rationes in utrisque locum habeant. Quoties tamen Jurisdictio illa non sine Ordinis usu exerceri potest, ut in Pœnitentiæ Sacramento & Nuptiarum Benedictione, eam exercere nequit Irregularis, cum Irregularitas usum Ordinis impediatur. Hinc, qui, obtento Beneficio curam animarum annexam habente, Irregularitatem contraxit, quamvis ea licitè munia exercere possit quæ merè Jurisdictionis sunt, v. g. delegare ad Sacramenta Parochianis suis ministranda; non tamen ea ministrare ipsemet potest; quia nempe illi actus Jurisdictionis includunt usum Ordinis quo per Irregularitatem interdicatur. Quòd si autem Irregularitas *superveniens* publica sit Juris *notorietate*, id est, per denuntiationem, scilicet per Sententiam Judicis Ecclesiastici debite latam, significatam & promulgatam; hujusmodi Irregularitate invalidum efficitur exercitium Jurisdictionis ordinariæ.

Ex dictis facile intelligitur, eum qui Irregularitatem perfringit, graviter peccare, ut potè qui præceptum Ecclesiæ transgreditur in re gravissima, Sacrorum reverentiam,

(f) *Ibid.* Cap. 5.

divini ministerii decus, ipsiusque aded Religionis dignitatem & honorem spectante. Non tamen sicut in Censuræ, ita in Irregularitatis violatorem pœna ipso Jure decernitur; tamen si huic plura Concilia Excommunicationem ac Depositionem comminantur (g).

Cæterùmurgens necessitas potest à violatæ Irregularitatis peccato excusare. Hinc, si Parochus Irregularitate occultâ ligatus, ab offerendo Sacrificio citra scandalum v. g. aut

infamiam abstinere nequeat, licitè celebrare poterit; lex enim Ecclesiastica cum tanto incommodo non obstringit. Is tamen teneretur, cumprimùm poterit, Irregularitatis Dispensationem postulare & impetrare: quæ si Pontifici maximo sit reservata, nec possit nisi tardiùs obtineri; ad Ordinarium, sive per se, sive intermedio Confessario, confugere illum oportebit, ut, eo permittente, suo interim munere fungi valeat.

(g) Conc. Elib. can. 30. Agath. an. 506. can. 43. Aurel. IV, an. 541. Nic. I, can. 8. 2. 9. 10.

C A P U T I I.

DE causis ab Irregularitate incurrenda excusantibus.

QUENAM causa ab Irregularitate incurrenda excuset: quam verbò non excuset. Dubium Juris: dubium facti.

QUAMQUAM Irregularitas, Jure ira disponente, certis quibusdam delictis annexa est; plures tamen causæ impedire possunt quominùs ipsa ex iis contrahatur. Cum enim gravis sit pœna, ideòque, nisi ob grave peccatum, nequaquam infligenda; certum est ab ea incurrenda excusare ignoracionem, inadvertentiam, oblivionem, bonam fidem, materiæ levitatem, aliasque id genus causas, quatenùs à peccato le-

thali excusantes. Quod cum præstare nequeant eæ quæ vincibiles reverà sunt, hinc, & Jure ipso (a), & ratione non minùs constat eas ab Irregularitate excusare nullomodò posse. Et quamvis non perindè constet ab ipsa minimè excusandum esse eum qui legem quidem noverit quâ veritum est delictum quod perpetravit, sed Irregularitatem huic annexam esse inculpabiliter nescierit; probabilius id tamen videtur,

(a) Greg. IX, cap. 9. de Cleric. excomm. ministr.

& tutius asseritur; tum quòd ignoratio pœnarum quæ cæteris Legibus feruntur in delinquentes, neutiquam ab iis excusat transgressorem qui leges ejusmodi noverit, idemque pari jure idcirco de Irregularitate *ex delicto* censetur, mera siquidem est pœna; tum quòd indecensiam cujus removendæ causâ instituta est Irregularitas, hujus ignorantia non aufert ab eo qui sciens ac volens crimen ipsum perpetravit. Licet enim homicida v. g. Irregularitatem suo sceleri annexam esse ignoraverit, indecorum tamen est ut Ecclesiæ à sanguine abhorrentis minister is constituatur, qui humano cruore manus suas tam criminose resperferit.

Neque obstat quòd ignoratio Censuræ excuset à Censura, idemque idcirco de Irregularitate dicendum videatur. Scilicet magnum inter utramque discrimen intercedit. Censura enim pœna est medicinalis, duntaxatque in contumacem lata. Ut autem quis contumax censetur, necesse est ut de pœna per Ecclesiam infligenda præmonitus fuerit, eamque cognitam habere potuerit. Contrà verò, quæ Irregularitatis species pœnæ rationem habet, ea quidem nec medicinalis est, nec propter contumaciam fertur, sed in pœnam delicti. Quemadmodum igitur ut aliæ pœnæ legales, ita, ut hæc possit incurri, necessaria non est pœnæ cognitio, sed delicti propter quod illa infligenda decernitur.

Ad ignorationem propè accedit dubium; tum *Juris*, quo nempe, propter Legis obscuritatem, ancipites hærent vel ipsi peritiores, an Irregularitas per eam feratur; tum *facti*, quod tunc videlicet occurrit, cum quis dubitat an delictum commiserit cui certò annexa est Irregularitas. Ac primò quidem certum est, eum qui dubitat, non prius agere debere quàm dubio emergerit, si, consideratè *expensis* omnibus, possibile sit dubio emergere: alioqui, periculo sese objiceret Irregularitatis violandæ, quam fortè, præmissò diligentiore examine, à se contractam fuisse deprehensus esset.

Itaque si dubium *Juris* sit, tenetur is qui in tali dubio versatur, ad ipsum, antequàm agat, deponendum, si, adhibita quàm diligentissimâ investigatione, certò dignosci possit an Lex, in casu posito, Irregularitatem statuatur, nec-ne. Si enim ille, neglectâ hujusmodi investigatione, Ordines suscipiat, extra culpam non erit. Quanquàm, si, adhibito postmodum examine, dubium adhuc perseveret, munia suscepti Ordinis obire poterit; siquidem peccato negligentæ quod commisit, licet gravi, nulla invenitur in Jure annexa Irregularitas, nulla Censura.

Si verò, priusquàm agatur, re sedulò discussâ, & consultis doctioribus, non solvatur illud dubium *Juris*; ab Irregularitate contrahenda excusatur. Sic enim statuentè Jure (b),

(b) Cap. 18. de sent. Excomm. in 6.

Irregularitatem ea sola pariunt, quæ in illo sunt expressa; ibi autem non exprimuntur casus verè dubii, ut potè de quibus ipsi prudentes ac periti iudicium suspendere coguntur. Porro id de opinione non potest intelligi; quæ scilicet à dubio *Juris* diversa est: undè, qui in ea versatur, vel pro Irregulari se gerere debet, vel secus agere potest, prout vel magis vel minùs probabile meritò videtur eum reipsà Irregularem esse, juxta saniores opinionum probabilium regulas. Quod si æqualis utrinque sit probabilitas, hoc ipsum *Juris* dubium est, de quo jam diximus.

Quod ad dubium *facti* pertinet; vel circa homicidium, vel circa aliud delictum versatur. Si prius; qui eo laborat, pro Irregulari se gerere debet: ita nempe Canonici legibus discretè sancitum est (c). Hinc Irregulares habendi sunt, adeòque Ordines licitè suscipere nequeunt, Medicus qui prudenter suspicatur culpà suà evenisse ut ægrotus interierit; similiter, qui novit se abortui causam dedisse, sed dubitat num fœtus animatus esset; qui, dato perpetrandi homicidii consilio, dubitat utrùm indè efficaciam in homicidium contulerit; qui cum aliis percussit, sed

anceps hæret atque incertus an ipse vulnus lethale inflixerit; qui dubitat, an hominem, an seram interfecerit; ii siquidem, an homicidium perpetraverint, reipsà dabantur.

Sicut dubio *Juris*, ita & dubio *facti*, quod non circa homicidium, sed circa alia delicta Irregularitatem parientia versetur, censent communiter Theologi & Canonistæ quemvis ab Irregularitate contrahenda excusari (d). De quo tamen si quid in praxi ambiguum occurrat, nihil erit, inconsulto Pontifice Diœcesano, definiendum.

Duo verò hic diligenter observanda sunt: primum quidem, modò expositam de dubio doctrinam, de solo intelligendam esse dubio probabili; si enim leve sit, merusque scrupulus, id pro, nihilo duendum est: alterum, ea quæ diximus de causis ab Irregularitate contrahenda excusantibus, ad solam Irregularitatem *ex delicto* spectare, non autem ad eam quæ *ex defectu* est, transferenda esse; quippe quæ, defectu etiam inculpabiliter posito, contrahitur, nisi is fortè ex eorum numero sit quos voluntarios esse oporteat, ut Irregularitatem pariant.

(c) Cap. 15. de homic. volunt. & Cap. 20. *ibid.*

(d) Cabassut, lib. 5. cap. 20. n°. 14.

Vide Suarez, Avila, Confér. à Angers, Abrégé de Pontas, &c.



CAPUT III.

DE Irregularitatibus ex defectu.

OCTO Irregularitates ex defectu : scilicet defectus natalium, corporis, animi, ætatis, libertatis, Sacramenti, lenitatis, & fama.

OCTO recensentur Irregularitates ex defectu :

1º. *Defectus natalium.* Hac Irregularitate ab Altarium ministerio submoventur, qui nati sunt, vel extra legitimum Matrimonium, nothi (1) videlicet, etiam occulti; vel ex legitimo quidem conjugio, sed cujus postea illicitus factus fuerit usus, ei scilicet qui, jam conjugatus, Ordine facto initiatus sit, vel continentie Votum solemne in professione Religiosa legitime nuncupaverit.

Porro istam Irregularitatem ex defectu natalium instituit Ecclesia, tum propter incontinentie periculum ex parentum imitatione; tum ut ejusdem incontinentie memoria locis Deo consecratis, quos » maxime puritas sanctitasque decorat, » longissime arceretur (a); » tum denique propter quamdam ignominie labem quam aspersi videntur illegitimi (b). Nemo quidem sibi parentes eligit; tamque innoxii quam infelices habendi sunt, qui

suam non legitimæ conjunctioni originem debent. Sed tristes iniquitatis patetnæ fructus, etsi paternam iniquitatem coram Deo non portant (c), imaginem tamen ipsius coram hominibus quasi fronte manifestam gerunt: quod novi Sacerdotii sanctitatem haudquaquam decet, suum utique non ferentis vituperari ministerium (d), etiam in iis quæ vitare liberum cuique non fuerit.

Qui ex Matrimonio nati sunt irrito quidem, sed cum omnibus solemnitatibus requisitis celebrato, Irregulares non habentur, dummodo conjugum saltem unus legitimo sese Matrimonio junctum bonâ fide crediderit.

2º. *Defectus corporis.* Ab ipsis Gentilibus non admittebantur, nisi magno delectu, Sacerdotes qui diis fictitiis immolarent; à quo ministerio repellebatur quicumque insigni vitio corporis, vel notabili deformitate, intuitum oculos offendere potuisset. In veteri etiam

(1) Enfants naturels.

(a) Conc. Trid. Sess. 25. de Ref. cap. 15.

(b) Diff. 46. c. 10. Diff. 56. Decretal. l. 4. Qui sunt filii legitimi, cap. Tanta, &c.

& cap. Nisi cum pridem, &c. Conc. Mald. an. 845. c. 64.

(c) Ezech. 18. 20.

(d) 2 Cor. 6. 3.

Testamento Irregularitati ex defectu corporis locus fuit, Deo nimis sic præcipiente: *Homo de semine (Aaron) non accedet ad ministerium Dei sui, si cæcus fuerit, si claudus; si parvo, vel grandi, vel torto naso; si fracto pede, si manu; si gibbus, si lippus, si albuginem habens in oculo, si jugem scabiem, si impetiginem in corpore; vel herniosus. Omnis qui habuerit maculam, non accedet offerre hostias Domino, nec panes Deo suo, nec accedet ad altare; quia contaminare non debet Sanctuarium (e).*

Primis Ecclesie seculis, nulla corporis vitii annexa erat Irregularitas, modò ex delicto non provenissent. Cùm verò postea *refrixisset charitas multorum (f)*, nec ea esset corpore viciatis animi excellentia virtutisque pulchritudo, quæ deformitatem exterius apparentem vince-ret, adeòque in Clero despiciatui onerique essent; Ecclesie matri sapienter visum est prohibere, ne Ordinibus initiarentur ii qui certis quibusdam corporis vitiis laborant (g).

Hinc Irregulares sunt cæci; vel sinistro, qui *Canonis* dicitur, oculo capti, saltem nisi dexter eâ vigeat perspicaciâ, ut sine indecenti ad populum conversione, Canon legi possit: utraque aure surdi, vel magnâ auditûs gravitate laborantes: muti, aut sic balbutientes ut nul-lum ferè verbum integrè distinctè-

que pronuntiare valeant; aut quibus ita hæsitans ac difficilis est loquela, ut vel invitis risum moveant: qui naso, labiis, manu, crure vel pede carent: qui sic tremuli sunt, vel eâ manuum, oculorum aut pedum debilitate, ut, quamvis ad sacras functiones obeundas non omninò & absolūtè sint inhabiles, eas ta-men vel tutò, vel sine scandalo, indecentiâ aut periculo exercere ne-queant: quibus pollex vel index digitus omniino truncatus est, vel partim amputatus, & ita imminu-tus, vel, ungue deficiente, sive aliâ ita debilis alteruter, ut sacram Hostiam decenter elevare ac divi-dere non possint: quibus defuncti duo digiti cum dimidia vola (1): para-lytici, vertigine affecti, undè fre-quenter existat mentis alienario gravis: monstrofi; ad deridiculum claudi vel gibbosi; leprosi; hor-rendum in modum scabiosi; quibus est: facies ustulata, aut fœdissimè maculata; quibus est albugo in oculo: qui carent auriculis, seu exter-nâ illâ cartilagine, quæ auditûs organo adhæret; nisi hoc vitium obducto capillamento lateat: uno verbo, qui insigni quolibet corpo-ris vitio sui horrorem quemdam seu contemptum spectantibus inji-ciunt; vel qui nec securè propter debilitatem, nec sine scandalo prop-ter deformitatem sacra munia exe-qui possunt (h).

Jam verò notandum est Irregu-

(e) *Levit.* 21. 17. 18. 19. 20. 21. 23.

(f) *Matth.* 24. 12.

(g) *Dist.* 55. lib. 1. Decretal. tit. de corpore viciatis, lib. 3. de Cleric. xgro. c. 2.

(h) *Ibid.* tit. 20. cap. 1. 6. 7. *Conc. Rom. an. 465.* can. 3. *Aurel.* II, an. 531. can. 6. *Burdig. an. 1624.* cap. 6. n. 1. *S. Greg. l. 2. (al. 3.) Ep.* 25.

(1) La paume
de la main.

laritatem plerumque non induci occultis corporis vitiis quæ nec periculum in celebrando, nec horrorem astantibus pariunt. Excipiendum tamen, si quis propriâ culpâ factus fuerit eunuchus, aut membrum aliquod, seu partem membri sine iusta causa sibi ipse resecurit; is enim Irregularis est, quantumlibet occultum sit vitium (1). In dubio autem an ex aliquo defectu corporis existat Irregularitas, consulendus est Pontifex Diocesanus, ejusque iudicio obsequendum.

Quod pertinet ad abstemios, id est, ad eos qui à vino sic abhorrent ut vinum bibere nequeant, aut bibitum retinere; ii quidem Jure ipso naturali ad Sacerdotium inhabiles omnino sunt.

Corporis defectus modo recensiti, cum Ordines præcedunt, ab omnibus excludunt Ordinibus; cum verò susceptis Ordinibus superveniunt, iis laborantes munia illa exercere possunt quibus habiles remanent. Sic Presbyter, abscissâ manu, Missam celebrare jam nequit; sed facultatem retinet prædicandi. Sic auditis gravitate affectus, inutilis fit arcano Tribunali, non autem Sacrificio vel Prædicationi. Qui defectus Tonsuram præcedunt, ii quidem ab illa excludunt, adeoque ab omni Beneficio: sed qui eam sequuntur, ab iis tantum Beneficiis excludunt, quibus inhabilem efficiunt. Qui promotionem ad Beneficia præcedunt,

hi impediunt ne quisquam ad eas sine Dispensatione promoveatur: qui autem illam sequuntur, minime impediunt quominus Beneficia jam adepta retineantur.

III°. *Defectus animi*; qui triplex est, scilicet rationis, scientiæ, & fidei confirmatæ.

Itaque 1°. Sequitur Irregularitas ex defectu rationis, sive absoluta sit hujus privatio, sive tantum ipsius imminutio; sive alterutra sit perpetua, sive lucidis intervallis disjuncta; sive causam habeat naturalem, sive dæmonis exagitantis sævitia immittatur. Unde Irregulares sunt mentis inopes, insani, furiosi, lunatici, epileptici, energumeni, seu malo dæmone possessi vel obsessi (2). Quæ quidem Irregularitas non solo Jure Canonico fundatur, verum etiam Jure naturali. Qui enim rationis defectu laborat, hic sanè utilem non potest Ecclesiæ operam præstare, nec proinde ministeriis Ecclesiasticis aptus ullomodo censetur: præterquam quod naturali eodem Jure gravissimis obviandum est incommodis quæ evenire possent, si quis vesaniæ æstu repentino medias inter Ordinis sui functiones abriperetur, vel (quod religiosæ menti etiam cogitatu horrendum est) dum salutis Hostiam vel divinum Calicem manibus teneret, aut Sacramentum aliquod ministraret. Qui ergo furoris, epilepsiæ, possessionis miserimos casus semel experti sunt, ipsi

(1) *Conc. Nic. I, ecum. an. 325. can. 1.*

(2) *Gennad, V secolo Massil. Presb.*

Eccl. Dogm. c. 72. (al. 39.) Can. Ap. 78. Conc. Tolos. XI, an. 675. cap. 23.

ad Ordines sine Dispensatione promoveri nequeunt, etiamsi ab huiusmodi vexationibus longo temporis intervallo penitus conquieverint. Si quis verò, postquam ordinatus fuit, ejusmodi calamitatibus fiat obnoxius; Ordinum munia exequi jam non potest, nisi unius saltem anni probatio intercedat, ut de veritate atque integritate curationis, Ordinario judice, indubitanter constet.

2°. *Defectū scientiæ* Irregulares sunt illitterati, quamdiū non discula est imperitia (1). Est enim intrinsecè & ex natura sua malum, ut quis officium suscipiat, cui obeundo sit impar. Itaque nullus Ordini suscipiendo potest esse idoneus, nisi scientiæ comparandæ habilis sit, & ipsam quæ necessaria est ad Ordinis munia exequenda, jam comparaverit. Muneri suo non satisfaciunt Pastores, nisi doceant (m): quomodo autem docebunt quod non didicerint? De qua quidem Irregularitate divinum hoc pervulgatum est oraculum: *Quia tu scientiam repulisti, ego quoque repellam te, ne Sacerdotio fungaris mihi (n)*; undè illud sapientissimè conditum fuit Decretum: « Sicut iniqui & peccatores ministerium Sacerdotale » assequi prohibentur, ira indocti » & imperiti à tali officio retrahuntur: illi enim exemplis suis vi- » tam bonorum corrumpunt; isti

» suā ignaviā iniquos corrigere nefciunt (o). »

3°. *Defectū fidei confirmatæ* Irregulares sunt Neophyti, seu ab Infidelitate recens conversi & baptizati, necdum satis in Christianæ disciplinæ proposito roborati (p). Cum enim ii sicut modò geniti infantes in vita spiritali adhuc reparentur, periculum esset, ne, in superbiam elati (q), gratiâ Baptismatis exciderent, si statim Fidelium patres ducesque instituerentur. Illi quoque Neophytis annumerantur, qui, nullo interposito spatio, volunt à statu Laicorum ad Ordines convolare. Quia verò à sanctis Canonibus minime constitutum fuit quanto tempore vigeat *defectus fidei confirmatæ*, in Diocesani Antistitis prudentiâ est ut illud pro circumstantiis decernat.

IV°. *Defectus ætatis*. Hic defectus ad solos Ordines sacros pertinet; ætas enim ad Minores constituta nulla est: quanquàm ante annum circiter octavum-decimum conferri non solent. Itaque Irregulares habentur quicumque sanctam Canonibus ætatem non attigere; qui est annus vigesimus-secundus (saltem incæptus) ad Subdiaconatum, vigesimus-tertius ad Diaconatum, vigesimus-quintus ad Presbyteratum (r). Qui, sciens & volens, sacros Ordines immaturè suscipit,

(1) Hilar. P. in Conc. Rom. an. 465, c. 3. Ep. Gelas. P. ad Episc. Lucan. an. 494, c. 16. Cap. Illitteratos, Dist. 36.

(m) S. Hier. Comment. in Aggæi Proph. cap. 2, ante med. S. Thom. opus, 65. de Off. sacerdot.

(n) Osee, 4. 6.

(o) Conc. Aquisgr. I. an. 816. lib. 2. cap. 16.

(p) 1. Tim. 3. 6. Cont. Nic. I. c. 3.

(q) 1. Tim. 3. 6.

(r) Cap. Cum in cunctis, Decret. I. 1,

eorum functiones obire non potest, quin prius legitimam ætatem attigerit, atque insuper à Suspensione quam *ipso facto* incurrit, absolutionem obtinuerit. Si quis autem ordinatus fuisset, bonâ fide ignorans se nondum ætatem requisitam adeptum; suppletâ postmodum ætate, collati sibi Ordinis munia exercere posset.

V^o. *Defectus libertatis*. Conjugio implicitus Irregularis est, nisi accedat consensus uxoris Religionem approbatam solemniter prohibentis (s), ita ut mutuâ sponcione ad reliquum vitæ curriculum ambo digrediantur. Impedimento *servitutis* jam nullus est locus, in hoc præsertim Galliarum Regno; cum inter cæteta Christianæ Religionis erga humanitatem benefacta numeretur abolitio mancipiorum, ob reverentiam *libertatis filiorum Dei* (t), quâ libertate Christus nos liberavit (u); undè non est servus, neque liber (x), omnesque unum sunt in CHRISTO JESU (y).

Defectu libertatis si etiam laborare censentur, qui æs alienum ingens contraxerunt, usquedum creditoribus satisfecerint; qui Magistratum gessere, vel munus repetendis

pecuniis obnoxium: qui denique rem alienam, sive publicam, sive privatam, quovis nomine ac titulo tractare; quales sunt Regiæ vel privatæ pecuniæ administri, pupillorum tutores & curatores, quoadusque, depositis ac redditibus rationibus, liberi omnino effecti fuerint à negotiis secularibus, quibus implicari neminem Deo militentem sinit Apostolici documenti memor Ecclesia (z).

VI^o. *Defectu Sacramenti*: cujus Impedimenti nomine *Bigamia* intelligitur. Idcirco autem hæc Irregularitas nuncupatur *ex defectu Sacramenti*, quod secundæ nuptiæ minis perfecte exhibent Christi cum Ecclesia junctionem mysticam, que nimirum, inquit S. Thomas, est *unius ad unam*; sicque iteratæ nuptiæ aliquid Sacramento detrahunt. Præterea, exclusus ab Ordinatione *Bigamis*, attentata videtur species quædam continentiarum quæ in secundis nuptiis apparet.

Scilicet præcipit Apostolus & Sacerdotem & Diaconum esse *unius uxoris virum* (a); undè *Bigamos* ab Ordinibus nunquam non submovit Ecclesia; neque eos tantum qui ante conversionem plures simul ux-

Greg. IX, tit. 6. de electione. *Const. Pii II*, Cum ex Sacram. *Conc. Trid. Sess. 25*, de Ref. c. 11.

(s) Fraternitati vestræ auctoritate Apostolica prohibemus ne uxorum præsumptis in Episcopum ordinare, nisi uxor prius professâ continentiam, sacrum sibi velamen imponat, & religiosam vestem assumat. *Alex. III, cap. Sanè, extra, de convers. conjugat.* Vide *Conc. Abrinc. an. 1178.* & *D'Hérivourt, Loix Eccl.*

Tonus II.

(t) *Rom. 8. 21.*

(u) *Gal. 4. 31.*

(x) *Gal. 3. 28.*

(y) *Ibid.*

(z) 1 *Tim. 2. 4. Inn. I, Ep. 2. c. 2. Ep. 4. c. 3. Ep. 23. c. 4. S. Greg. I. 1. Ep. 25. (al. 37.) Conc. Rem. sub Sennat. an. 625. v. 630. c. 6. Tribur. an. 895. can. 29. Decret. tit. 19. Cod. Theod. l. 19. tit. 19. Ferrand. c. 119.*

(a) 1 *Tim. 3. 2. 11. Tit. 1. 6.*

S f f

res habuissent, sed qui plures successivè duxissent (b). Itaque *Bigamus* ille est, idèdque Irregularis, qui cum duabus vel pluribus successivè uxoribus legitimum Matrimonium contraxit & consummavit, sive ante, sive post Baptismi susceptionem (c); » Baptismus enim solvit » culpas, & non solvit conjugia : » undè cum ex ipso conjugio sequatur Irregularitas, per Baptismum » solvi non potest (d). » Hæc autem est *Bigamia realis*.

... Altera distinguitur *Bigamia*, nempe interpretativa; ubi aliquis Matrimonium contraxit cum vidua, vel cum puella corrupta, etiamsi uxorem ducens, eam viduam aut corruptam esse ignoraverit: hic enim non agitur de peccato vel de pœna, sed de defectu, qui semper defectus est, nihil obstantè ignorance, vel errore (e). Effet pariter *Bigamia interpretativa*, idèdque & Irregularitati locus, etiamsi puella, antequàm uxor duceretur, fuisset invito animo violata. Quamvis enim virgo, in hujusmodi casu, non amittat virginitatis meritum, nihilominus adest defectus significationis Sacramenti (f). Sed nulla est Irregularitas, cum quis uxorem ducit puellam quam priùs ipse solus

corrupt, quia, inquit S. Thomas; *carnem suam non divisit in plures*. Nulla quoque esset Irregularitas, si quis duxisset viduam virginem, id est, à priore conjugio non cognitam, qui v. g. ipso celebrati Matrimonii die obiisset (g). Idem est, cum quis duas successivè puellas uxores duxit, si, consummato Matrimonio cum prima, non illud cum altera consummaverit, aut vice versâ. Ratio est quòd Irregularitatem non inducit *Bigamia*, nisi quatenus hæc impedit quominus Matrimonium exhibeat Christi cum Ecclesia junctionem mysticam, quæ, ut jam diximus, est *unius ad unam*; id autem impediri non censetur, quando ex duobus Matrimoniis unum duntaxat consummatum est (h).

Tunc verdè adest *Bigamia interpretativa*, cum aliquis à conjugio notoriè adulterâ non discessit, vel ob adulterium dimissam, datâ veniâ, recepit, & cum ipsa maritali modo habitavit (i); hic enim, inquit Doctor Angelicus, non queritur quid sit peccatum, sed significatio tantum: cohabitatio verdè cum uxore corrupta jam non significat Christi junctionem cum Ecclesia, quæ scilicet nullum, præter hunc, sponsum habuit.

(b) Decret. tit. 23. c. 6. Tert. l. 1. ad uz. Orig. Hom. 17. in Luc. S. Basil. can. 12. Inn. I. Ep. 2. c. 5.

(c) Cap. Super eo, de Bigam. non ordin.

(d) S. Thom. in 4. dist. 27. q. 3. a. 2.

(e) S. Thom. in 4. dist. 27.

(f) Idem.

(g) Dist. 34. c. 20. Decret. l. 28. c. 5.

(h) Inn. III, c. 1. d. Bigamis.

(i) Can. Ap. 17. (al. 18.) Siric. P. Ep. 1. c. 10. 11. Const. Ap. I. 6. c. 17. Conc. Elib. can. 65. Aurel. III, an. 538. can. 9. Dist. 34. cap. Quotquot. C. 27. q. 1. & cap. Nuper, de Bigam. non ordin. cap. Curandum. Si Laici, Si cujus. Novell. 22. le. 22.

Huic autem Impedimento præluferat ipsa Lex per Moysen data, sic de omni Sacerdote filio Aaron, ac præsertim de Sacerdote maximo pronuntians: *Virginem ducet uxorem; viduam autem & repudiatam, & sordidam atque meretricem non accipiet, sed puellam de populo suo (k).*

Tertii generis est *Bigamia*, nempe *Similitudinaria*: 1°. Si quis secundam quasi uxorem, adhuc superstitem legitimam conjugem, duxerit; vel si quis, mortuam conjugem legitimam sibi maritaliter cognitam, aliud Matrimonium irritum contraxerit & affectu conjugali consummaverit (l). In hoc scilicet magis attenditur inreutro quam actio; & Irregularitas non præcisè ex actione inducitur, sed ex actione quatenus sit animo conjugali: unde in Jure exprimitur nullam contrahi Bigamiam, nullam proinde Irregularitatem ex fornicatione cum pluribus concubinis (m). 2°. Si quis post Matrimonium spirituale, postquam scilicet in Religione approbata solemne castitatis Votum emisit, vel postquam Ordine sacro initiatus est, Matrimonium attentavit & consummavit (n). Hic instat Bigami habetur, licet in veritate Bigamus non existat; non propter defectum Sacramenti, sed propter effectum intentionis cum opere subsecuto (o).

Irregularitatem inducit triplex illa *Bigamia*; nec tantum cuiuslibet Ordinis susceptione, & Ordinum jam susceptorum usu interdicat, verum etiam omni privilegio Clericali spoliata.

VII°. *Defectus lenitatis*. Hinc Ithacium Episcopum & assessas olim excommunicavit Ecclesia. Hi videlicet Priscillianum Hæresiarum & socios flagitiose tumultuantes, zelo veritatis minus quam æstu violentæ similitudinis, apud Magistratum ipsumque Imperatorem insectati erant, donec ad supplicium rapentur; & quasi cruentaris inimicorum exde manibus Victimam pacis immolare non dubitaverant. Non tulit Ecclesia, mutato nomine suo, vel noxium effundi sanguinem; cum pia mater, quemadmodum & *Pater misericordiarum (p)*, nolit mortem impit, sed ut converteretur & viveret (q).

» Omnes quidem Ordines Clericorum ordinantur ad Altaris ministerium, in quo sub Sacramento repræsentatur Passio Christi; & idè non competit iis occidere, sed magis esse paratos ad propriam sanguinis effusionem pro Christo, ut imitentur opere quod gerunt ministerio: & propter hoc institutum est ut effundentes sanguinem, etiam sine peccato, sint Irregulares (r). » Itaque ex defectu lenitatis Irregularitatem incur-

(k) *Levit.* 21. 7.

(l) *Inn.* III, sup.

(m) *Ibid.* cap. 6.

(n) *Cap.* A nobis, extra, de Bigam. non ordin.

Ibid.

(p) 2 *Cor.* 1. 3.

(q) *Ezech.* 31. 11. Vide S. Ambr. Ep. 17. &c. *Sulp. Sev. Hist.* l. 2. c. 3.

(r) S. Thom. 2. 2. q. 50. a. 2.

rit, si quis voluntariè, proximè & efficaciter, licet justè, ad alicujus necem vel mutilationem ex officio concurrat. Undè Irregulares sunt, 1°. Qui in bello, etiam justò, proprià manu occidunt vel mutilant (s). Qui autem in bello evidenter injusto sanguinem hostium effundunt, ii quidem ex delicto homicidii magis quàm ex defectu lenitatis sunt Irregulares; quin etiam ad hoc satis est ut prælio interfuerint in quo aliquis perierit. Præterea qui in bello etiam justò meruere stipendia, licet propriis manibus sanguinem non effuderint, sed tantum imperaverint, aut præstò fuerint commilitantibus in prælio vel obsidione, Irregulares in foro exterioro censentur, atque idcirco Dispensatione opus habent; multò magis si sclopm adversus hostes, incerto licet ietu, disploserint. 2°. Judices qui morte aut mutilatione damnarunt, si modò secuta fuerit alterutra. 3°. Advocati & Procuratores Regii, atque ipsi Procuratores Fiscales qui mortem vel mutilationem inferri postulant, si tamen secutum fuerit Judicium postulationi consentiens. 4°. Multò magis carnifices, qui latam à Judicibus Sententiam mortis vel mutilationis executi sunt (r). Juxta Gallicanam Jurisprudentiam, delatores, testes & Scribæ in causa sanguinis, Irregulares non censentur. Neque ullibi

tales habentur Medici aut Chirurgi, qui, suadentibus Artis legibus, amputationes præcipiunt vel exequuntur, etiam si mors inde proveniat. Secus dicendum est de Clericis quibus nempe illam Chirurgia partem qua ad ulationem vel incisionem inducit, interdicit sancti Canonum (u). Sed neque Clerici, neque Laici Irregulares sunt, ubi animo sanandi, illarumque Artis legibus, portiones medicas præcipiunt, undè mors reipsa sequitur.

VIII°. *Defectus fama* (x). Apud omnes omnium seculorum populos tanta fuit Sacerdotii existimatio, ut nemo, vel in ipsa Ethnica superstitione, ad illud assumeretur, nisi prius discussa atque honestè consentanea judicata fuissent ejus vita & mores. Quid mirum, si ad sanctum JESU CHRISTI Sacerdotium aspirantes, viros boni testimonii esse oportet (y), famæque integerimæ? Quin etiam illos quondam præceperat Apostolus testimonium habere bonum ab iis qui foris essent, id est, ab ipsismet Gentilibus (z). Et certè irreprehensibiles esse convenit eos qui aliis regendis, erudiendis, arguendis, sanctificandis, præficiendi sunt (a); » ne ab his qui » exemplum bonæ conversationis » esse debent, videantur scelerum » magisteria procedere (b). »

Duplicis autem generis distinguitur infamia; alia *Juris*, alia *facti*.

(s) Siric. P. Ep. 4. c. 3. *Inn.* Ep. 23. c. 2. 4. can. Si quis viduam, *Dist.* 50.

(r) *Conc. Tolet. VI*, an. 638. can. 31.

Later. IV, an. 1215. cap. 18.

(u) *Ibid.*

(x) Infamibus portæ non pateant dignitarum, *penult. Juris reg.* in 6°.

(y) *Al.* 6. 3. (z) 1 *Tim.* 3. 7.

(a) *Ibid.* v. 2.

(b) *Conc. Elib.* can. 65.

Infamia Juris in Lege fundatur Civili aut Canonica, quæ certis quibusdam actionibus vel professionibus infamiz notam inurit (c). Itaque ipso Jure infames sunt duello decertantes, & eorum (si qui sunt) Patrini; mulierum raptores, & raptus causâ, consilium, auxilium aut præsidium adhibentes: qui turpes vel minùs honestas professiones exercent; quales sunt lenones, fœneratores publici, sortilegi, comædi, histriones, iique omnes qui, oblectationis publicæ causâ, in scenam prodeunt, & spectaculo sunt (d); qui uxorem scenicam duxerunt (e): ac generatim quicumque, pronuntiantibus Ecclesiæ vel Principis Legibus, infames publicè habentur, ideòque ad ferendum in Judicio testimonium non recipiuntur.

Incurritur etiam *infamia Juris* ex Sententia Judicis, aliquem damnantis ad pœnam corporalem, sive aliâ infamantem; v. g. ad flagella, ad cauterium liliatum (1), ad multam honorariam (2), ad triremes (3), ad collarium (4), ad ipsam quoque exilium. Et quamvis injusta foret Sententia, nihilominus Irregularitatem induceret, quoadusque probata fuisset injustitia. Præterea ipso Jure infamis, ideòque Irregularis habetur is qui publicâ objurgatione multatus à Judice est (5) in auditorio; non verò qui simpliciter in Judicio admonitus (6), aut pecu-

niâ in subsidium pauperum (7) multatus (f). (7) Condamné à une aumône.

Infamia facti ea est quæ oritur ex delicto gravi & notorio, propter quod reus apud graves honestosque viros malè audiat (g). Hujusce generis infamiâ laborant, exempli causâ, sacrilegi, blasphemæ, perjuri, venefici, fures, sicarii, concubinarij & adulteri, Simoniaci & Confidentarij: upo verbo, ii omnes qui cum multorum offensione peccaverunt, vel quorum vita scandalo fuit, licet ea peccata non commiserint quæ ex se Irregularitatem inducunt. Quin etiam eos olim qui inrer Pœnitentes publicos relati fuissent, ab omni Ordine & ministerio Ecclesiastico legimus exclusos, tanquam defectu fame laborantes (h): non Pœnitentiz causa, sed culpæ, quas urique graves supponebat Pœnitentia publica; & propter scandalum priùs illatum.

Porò *infamia facti* tollitur per notoriam vitæ morumque emendationem. Ut vetò tollatur *infamia Juris*, & Irregularitas inde proveniens, necesse est, vel ut per Sententiam purgetur crimen propter quod inflicta est condemnatio, vel ut à sancta Sede Apostolica, cui reservatur ista Irregularitas, obtineatur Dispensatio; quæ tamen, secundum Jurisprudentiam Gallicanam, ultra effectus spirituales non extenditur.

(1) Fleur-de-lys.

(2) Amende-honorable.

(3) Galeres.

(4) Carcan.

(5) Blâmé.

(6) Admonesté.

(c) *Le. Ait Prætor, de his qui infamid notantur, Et c. 6. cap. Infames.*

(d) *Le. 1. Prætoris; & le. 2. Quid ait. Le. Ait Prætor, sup. Le. 20. Improbum fecus. Cod. Ex quib. causis infamia irrogatur.*

(e) *Can. Ap. 17. (al. 18.)*

(f) *Cum te, sit. De sententia & re judicata. Le. Interlocutio, 19. Le. Ex quib. caus. infam. irrog.*

(g) *Cap. Latet, de probationibus.*

(h) *Conc. Elib. can. 76. Nic. can. 2. 9. Rom. an. 465. can. 3. Agath. an. 506. can. 30. Epœon, c. an. 517. can. 3.*

CAPUT IV.

DE Irregularitatibus ex delicto.

SEPTEM Irregularitates ex delicto: Homicidium; mutilatio; illicita susceptio alicujus Ordinis; usurpazio functionum Ordinis sacri; violatio Censura; profanatio Baptismi per ejus iterationem, vel Baptismus ab Haretico denunciato susceptus; Apostasia, vel Hæresis.

IRREGULARITAS ex delicto nulla incurritur, ut jam diximus (a), nisi ob culpam lethalem, exterius consummatam, & completam in genere actus quem exprimit Lex Irregularitatem ferens. Cum enim Irregularitas pœna sit gravissima, ex se perpetua, difficilique relaxanda, gravissimam necessariò culpam supponit: alioqui pœna non foret delicto consentanea. Nulla quoque Irregularitas contrahitur, nisi ob culpam quæ post Baptismum fuerit admissa. Nemo siquidem propter id quod ante Baptismum deliquerit, sic puniri potest: quin potiùs, justo interjecto spatio, » ad Ordines promoveatur, tanquam ab omni crimine lavacro salutaris sanctificatione purgatus (b) »

JAM verò septem numerantur delicta, undè sequitur Irregularitas:

1º. *Homicidium injustum & cri-*

minosum, etiam occultum (c), quod quis sive directè, sive indirectè voluerit & patnaverit, vel physicè agendo, vel moraliter cooperando per mandatum, consilium, adjumentum, consensum, vel per officii alicujus omissionem, si reipsa indè mors evenerit (d). Quo quidem homicidii voluntarii impedimento ipsi etiam laborant, quorum mandato, consilio, adjumento contingit in muliere abortio fœtus animati. Eadem Irregularitas ab iis contrahitur, qui, non consulto & cogitato, sed casu occidunt, si illicitæ simul & periculose rei operam dederint; vel si rei licitæ operam dantes, debitam diligentiam non adhibuerint: minimè aurem, si fortuitum omninòque non voluntarium fuerit homicidium, dum nempe res ageretur licita, nihilque periculi habens quod prævideri posset (e). Ii quoque ex eodem delicto fiunt Irre-

(a) Cap. I.

(b) Conc. Ancyr. c. an. 314. can. 12. Vide Sozom. Hist. l. 7. c. 10.

(c) Conc. Trid. Sess. 14. de Ref. c. 7.

(d) Tribur. an. 895. can. 11. Can. Ap.

64. S. Greg. Nyss. Ep. Canon. can. 4. (ad 5.) Alex. III. l. 5. tit. 12. c. 6. extrà, de homic. Dist. 50. c. 4. 5. 6. 8.

(e) Nicol. I. Dist. 50. c. 49.

gulares, qui rem illicitam mandaverunt vel suaserunt ex qua sit interfectio secuta, fortuita quidem, sed quæ prævideri debuerit. Qui verò injustum aggressorem repugnantem interfecit, non ille factus est Irregularis, nisi iuxta defensionis fines excesserit, & ipse aliter incolumis evadere potuerit (f).

II°. *Mutilatio corporis*, sive proprii, sive alieni (g), quæ sit notabilis imminutio vel totalis abscissio membri, distinctam in corpore humano functionem habentis. Er quidem Irregularitas ex proprii corporis mutilatione eosmet ipsos afficeret qui se amore castitatis eunuchos fecissent (h): ut quondam Origenes, illud de eunuchis voluntariis, seu de his qui continentie robore carnis concupiscentiam plenè absolutèque subigunt, ad apicem litteræ accipiens Domini Jesu effatum: *Sunt eunuchi qui seipsos castraverunt propter regnum calorum* (i). Alieni corporis mutilatio, actu sive physico, sive morali, sive etiam casu peracta, Irregularitatem parit iisdem in circumstantiis, quibus homicidium ad culpam, idèdque ad Irregularitatem imputati diximus. Qui ebrius occidisset vel mutilasset, nihilominus Irregularis haberetur, si culpâ suâ in ebrietatem incidisset.

Medici porò & Chirurghi, qui suâ imperitiâ vel negligentia mortem vel mutilationi causam præbuere, Irregularitatem incurrunt. Idem dicendum est de Clericis Beneficiariis, vel ad sacros Ordines evectis, cum mala hujusmodi ex eo sequuntur quòd alicui ferrum aut ignem vel ipsimet applicarint, vel applicari curaverint.

III°. *Illicite susceptio alicujus Ordinis* (k). Undè Irregularitatem incurreret, 1°. Qui, cum esset excommunicatus, suspensus vel interdictus, Ordines susceperet: 2°. Qui fraudulenter eos interciperet; dum scilicet, vitato examine, neque recognitus aut admissus, vel se furtivè immisceret Ordinandum frequentie, vel sub nomine alterius admissi ordinaretur, vel, postquam Minoribus Ordinibus esset initiatus, Subdiaconatum susceperet, licet minime ad hunc Ordinem admissus. 3°. Qui non ordinatè ascenderet; sed *per saltum*; id est, qui ad Ordinem sacrum, prætermisso inferiore, promoveretur; qui, y. g. non antè Subdiaconus factus, Diaconus fieret. 4°. Qui duos Ordines sacros in eadem Ordinatione susceperet.

IV°. *Usurpatio functionum Ordinis sacri* (l): ex hoc delicto Irre-

(f) Si furiosus, aut infans, seu dormiens hominem mulierem vel occidat, nullum ex hoc Irregularitatem incurrat; & idem de illo censemus, qui mortem aliter vitare non valens, suum occidit vel mutilat invasorem. *Clement.* Si furiosus, de homicidio. Et *Innot.* III, tit. 37, cap. 5.

(g) *Can. Ap.* 20. 21. 22. *Inn. I.*, Ep. 4.

(h) *Conc. Nic. I.*, *acum. an.* 323, can. 1.

(i) *Matth.* 19, 12.

(k) *Cap. Unicus, tit. de eo qui furtivè.*

(l) Si quis baptizaverit, aut aliquod divinum officium exercuerit non ordinatus; propter temeritatem abiciatur de Ecclesia, & nunquam ordinetur. *Cap. Si quis, de Clericis non ordin. ministr.*

Diaconus qui Missarum celebrationem usurpare præsumpserit, ad Sacerdotis officium promoveri non potest. *Cap. Ex litteris, ibid.*

gularis esset, qui Ordinem sacrum non sibi collatum solemniter exerceret, quasi reverà sibi collatus fuisset. Indè contracta Irregularitas, perpetua est quoad ascensum ad Ordines superiores, nisi obtineatur Dispensatio: quoad Ordinem jam susceptum, solam parit Suspensionem, cujus duratio in Diœcesani Pontificis arbitrio tota est.

V^o. *Violatio Censuræ (m)*: si quis nempe Subdiaconus, Diaconus vel Sacerdos Excommunicatus, Sensus vel Interdictus, Ordinem suum, cujus exercitio privatus est, sine justa causa, nec urgente necessitate exerceat; etiamsi ad tempus vel per modum pœnæ lata fuerit Sensus, vel Interdictum. Si quis autem ex hujusmodi Clericis Ordinum suorum munia exerceret, Censurâ constructum se esse omnino nesciens, is profectò Irregularitatem minimè incurreret, etiamsi contra eum Judicis Sententia intervenisset. Quæ enim à peccato, hæc etiam à peccati pœnâ excusat ignorantia, nisi tamen supina sit, vel affectata. Id scilicet expressâ Juris

Canonici definitione constitutum est (n).

Irregularitatem ex *violatione Censuræ* incurreret etiam Sacerdos, qui Corporis & Sanguinis Christi Sacrificium offerret in Ecclesia per Sententiam interdictâ; non autem qui celebraret in Ecclesia polluta, vel coram excommunicato (o).

VI^o. *Profanatio Baptismi* pet ejus iterationem nullâ causâ legitimâ provocatam; vel *Baptismus ab Hæretico susceptus (p)*. Undè Irregularis haberetur, tum qui, antehac validè baptizatus, tamen sciens & volens rebaptizaretur; & qui rebaptizaret, & Clericus qui hujusmodi caremoniz interesset: tum verò, qui spontè, & extra casum necessitatis, fuisset ab Hæretico denunciato baptizatus.

VII^o. *Apostasia, vel Hæresis (q)*. Undè Irregulares ii censentur, 1^o. Qui Religionem Christianam publicè ejurârunt, vel resiliunt à Professione Religiosa: 2^o. Qui Hæresim denunciatam publicè antea professi sunt: hi nempe, simulque ipsorum liberi & fautores, Jure

(m) Decret. l. 5. tit. 27. c. 1. Greg. X, in 6. l. 5. tit. 11. c. 18.

(n) Qui à tempore Suspensionis ignari celebrastis Divina, vos reddit ignorantia probabilis excusatos. Cæterum, si fortè ignorantia crassa & supina aut etronca fuerit, propter quod Dispensationis gratiâ egeatis, eam vobis de benignitate Apostolica indulgemus, Gregorius IX, cap. Apostolicæ, De Clericis excommunicatis vel interdictis ministrantibus.

(o) Is qui in Ecclesia sanguinis aut feminis effusione pollutâ, vel qui præsentibus majori Excommunicatione podatis scienter celebrare præsumit, licet in hoc

temerariè agat, Irregularitatis tamen, cum id non sit expressum in Jure, laqueum non incurrit. Is verò qui scienter celebrat in loco supposito interdicto, nisi super hoc privilegiatus existat, aut à Jure sit concessum eidem, Irregularitatem incurrit, à qua nequit per alium quam per Romanum Pontificem liberari. Bonif. VIII, Cap. Is qui, de Sent. Excomm. in 6.

(p) Cap. Ex Literarum, tit. de apostatis. Cap. Confirmandum, dist. 50. & cap. Qui bis, de cons. dist. 4. Cap. Qui in qualibet, c. 1. q. 7.

(q) Conc. Elib. cap. 51. Arel. II, an. 452. Dist. 50. c. 69.

communi;

communi, Irregulares esse prorsus existimantur; hæc autem Irregularitas in Galliis non viget. Enimverò apud Ecclesiam Gallicanam usus obtinuit, ut ablata censetur Irregularitas ex Hæresi per solemnem Absolutionem à Pontifice Dæ-

cesano, vel de hujus licentiâ concessam: undè, in Galliis, Calviniani eorumque filii, sic absoluti, nullâ Romani Pontificis Dispensatione indigent, ut Ordines suscipere & ad Beneficia promoveri possint.



CAPUT V.

DE Dispensatione in Irregularitatibus.

QUÆDAM Irregularitates sine Dispensatione desinunt. Quenam sint Irregularitates in quibus dispensant Ordinarii. Quid sit observandum ut obtineatur Dispensatio in Irregularitatibus summo Pontifici reservatis. Quædam circumstantiæ, in quibus Irregularitates Sedi Apostolica reservatas tollere possunt Præsules Diocesani. In dubiis casibus, quid agendum. Quando publica, quando occulta sit Irregularitas. Quando ad forum contentiosum verè deductum censeatur delictum. Dispensatio super Irregularitatibus in aliena Diœcesi.

NON per Absolutionem, sed per Dispensationem tollitur Irregularitas. Dispensationis autem concessio in arcano Tribunali applicatur post Absolutionem sacramentalem, juxta formam in Pastoralis hujus parte Rituali descriptam.

IRREGULARITATES quæ ex temporario defectu oriuntur, desinente defectu, sine ulla Dispensatione desinunt. Sic puer & illiteratus, ætatis & scientiæ accessu; mutus vel surdus, loquelâ vel auditu recuperato; vir unius uxoris, defunctâ conjugæ; rationibus reddendis obnoxius, redditis rationibus, jam non sunt Irregulares. Irregularitas ex defectu natalium tollitur 1º. ex parte parentum, per Matrimonium

subsequens (a): 2º. ex parte filiorum ipsorum, vel sine legitimatione, per solemniam Religionis Vota, etiam ad sacros Ordines, minime verò ad Prælaturas, sive Ecclesiasticas, sive Monasticas (b).

ALIÆ Irregularitates, » si,urgens » justaque ratio & major quando- » que utilitas postulaverit, causâ » cognitâ (c), » per Dispensationem, sive à Pontifice maximo, sive à Diœcesano Præsule tolluntur (d).

Juxta præsentem Ecclesiæ Disciplinam, in Irregularitatibus ex delicto occulto neque ad forum contentiosum deducto provenientes, tum quoad susceptos, tum quoad suscipiendos Ordines dispensant Ordinarii locorum, eâ tamen exceptâ

(a) Vide infra, de Sacram. Matrim. Divis. VI, Cap. 4.

(b) Conc. Pislav. an. 1078, cap. 8. Melphis. in lt. præfide Urb. II, an. 1089.

(c) Trid. Sess. 25, de Ref. c. 18.

(d) Stat. Syn. D. Henr. de Gondy, Paris. Episc. an. 1608, n. 38, in Synodico.

quæ ex homicidio quantumlibet occulto existit, in qua nempe solus dispensat Romanus Pontifex (e), quando voluntarium fuit homicidium, id est, insidiosè & de industria perpetratum. Si enim ex necessitate commissum fuerit, scilicet vim vi repellendo, vel fortuito & contra intentionem, quamvis occasione aliâ culpabili; tunc Irregularitas quam parit homicidium occultum, à Diocesano Pontifice tolli potest (f).

Dispensare similiter possunt Episcopi,

I°. In Irregularitate quæ ex defectu natalium oritur, sed ad Tutorum, Minores Ordines & Beneficia simplicia duntaxat: ad Majores Ordines & Beneficia curam animarum annexam habentia solus dispensat Pontifex maximus (g).

II°. In Bigamia similitudinaria, etiam publica (h).

III°. In promotione per saltum, si sic promotus non ministraverit (i). Hic porro malè suscepti Ordinis munia exequi non potest, neque ad ulteriorem promotionem habilis declarari, quin prius Ordinem suscepit quem transilierat (k).

IV°. denique, In violatione Censurarum quas ipsimet tulerunt, pro jure suo dispensant Ordinarii. Et quidem super hujusmodi Irregulari-

ritate Dispensatio legitimè concessa, valet etiam in foro externo, si probetur hanc fuisse concessam. Itaque iis delictis, quibus Statuta Synodica aliave Diocesana Decreta Censuram aliquam ipso facto incurrendam annexunt, hæc pœna non ita imponitur, ut, qui ob ista delicta in Censuram inciderint, violatâ hujusmodi Censurâ, Irregularitatem contrahant, propter quam necesse sit ad sanctam Sedem Apostolicam confugere. Pertinet igitur ad Diocesana Antistitem in ea Irregularitate dispensare, quæ exurgit à Censurâ, non à Jure, non à Conciliis, non à Pontifice maximo, sed ab ipso loci Ordinario Præsule constitutâ: Si quis, v. g. non hujus Diœcesis Sacerdos, ipso facto suspensus ob Missam in hac ipsa Diœcesi, post quindenos commorationis dies, sine licentia, percepto honoratio, celebratam, rursùm ante susceptam Absolutionem celebraverit, idèdque Irregularitatem ex violatâ Censurâ incurrerit (l).

In cæteris Irregularitatibus Dispensatio à Pontifice maximo postulanda est. Quâ Dispensatione si quis uti velit in foro externo, necesse est ut Breve à Tribunali Datarie obtineat; quod Breve dirigatur ad Ordinarium vel ejus Officialem, ut

(e) Conc. Trid. Sess. 24. de Ref. c. 6.

(f) Ibid.

(g) Bonif. VIII, in 6. cap. 1. de filiis Presby.

(h) Alex. III, cap. 1. Qui Clerici.

(i) Conc. Trid. Sess. 23. de Ref. c. 14.

(k) S. Greg. I. 7. Ep. 111. Cap. Solli-

citudo, qua est Ep. Alex. II ad Rumold. Constant. Episc. c. an. 1065. Cap. Tur Litteræ.

(l) Mandat. D. Lud. Ant. Card. de Noailles, De Casib. reserv. &c. an. 1709. in Synodico, pag. 402. Et Rit. Paris. ed. an. 1777, pag. 104.

executioni mandetur. Quæ autem Dispensationes in solo foro interno locum habent, ex quidem à *Pœnitentiarum* Tribunali conceduntur, & ad *Supplicantis* Confessarium, qui eas in foro conscientie applicet, ab illo diriguntur (*m*).

In Epistola supplicii non scribatur nomen *Supplicantis*; verùm in ea diserte exprimantur atque enumerentur omnes & singulæ, si quas diversæ speciei contraxit, Irregularitates; quoties id peccatum iteraverit propter quod Irregularis sit factus; à quo tempore & quonam Ordine insignitus Irregularitatem incurrit; quibus Beneficiis tunc frueretur; quæ Beneficia deinceps consecutus fuerit; à quo tempore illis potiarur; quid emolumenti afferant; quid patrimonii habeat. Quæ quidem declarationes idè necessariæ sunt, ut, causâ cognitâ, injungatur Supplicanti, si locus sit, restitutio fructuum Beneficialium quos malè perceperit, aut fiat eorum condonatio, & ipsorum quoque Beneficiorum; si delictum ejusmodi fuerit ut ea pleno jure vacaverint.

Porrò, si existat offensæ Dei vel scandalì periculum imminens ex Apostolicæ Dispensationis dilatione; si difficilis ad Pontificem maximum sit recursus; si denique gravis urgeat Ecclesiæ necessitas; in quacumque Irregularitate summo Pontifici reservata dispensare potest Ordinarius, donec ad summum Pontificem recuratur. Reservatio enim accipienda est secundum potestatem quam

Dominus dedit Vicario suo in adificationem, & non in destructionem (*n*). Hinc si quis Parochus in Irregularitatem publicam incidisset, nec haberi posset alius Presbyter à quo suppleretur; ei Parochiales functiones obetnas concedere posset Antistes proprius, donec Apostolicam Dispensationem accepisset; neque enim Ordinarii Dispensatio nisi ad intermedium hoc tempus datur: quàm qui obtinuit, non minùs tenetur quamprimum ad Sedem Apostolicam confugere.

In casibus dubiis adandus est Pontifex Diœcesanus, qui, si locus sit, dispense, vel, post maturam investigationem, Dispensatione opus non esse pronuntiet.

Et certè, quamvis Ordinarii locorum Episcopi super defectibus corporis, ut potè summo Pontifici reservatis, non propriè quoad Majoress Ordines dispensent; in dubio tamen, horum potestati relinquuntur ii. defectus; ipsique, cum res ita postulat, Dispensatione opus non esse declarant, si minùs eam reverè concedunt. Illorum profectò est ut definiant quibusnam in casibus ad Sedem Apostolicam sit confugiendum; idèque in dubiis casibus semper consulendi sunt.

Porrò, ut super Irregularitate ex delicto valeat Dispensatio Episcopalis, duo requiri jam diximus: 1º. ut delictum sit occultum (excepto semper homicidio voluntario, quantumvis occulto); 2º. ut illud ad forum contentiosum non fuerit

(*m*) Vide infra, De Sacram. Matrim.
c. ult.

(*n*) 1 Cor. 13. 10.

deductum. Circa hæc autem sunt quædam observanda.

Occultum hic intelligitur, quod non est *Juris publicitate* publicum, id est, in Judicio probatum aut confessum; vel *publicitate facti*, id est, ita publicè constans, ut nullà tergiversatione celari possit (o). Quò verò faciliùs dignoscatur quænam publica, quænam occulta sit Irregularitas, notandum est fieri posse ut publicum sit crimen quoad actum, occultum verò quoad malitiam. Si v. g. Presbyter occultà Excommunicatione ligatus, publice Missam celebret, publica erit actio, seu Missæ celebratio; sed violatæ Censuræ delictum quod perpetrabit, ipsaque Irregularitas quam ex eo contrahet, occulta erunt. Evenire similiter potest ut Presbyter Missam celebret *notoriè* Excommunicatione irretitus, & tamen occulta maneat Irregularitas quam ex violatione Censuræ incurrit (p); quòd quidem locum habet, quando, non solum minimè *notorium* est ejusmodi Sacerdotem, antequàm ad Altare Domini accederet, ab Excommunicatione quam incurrerat, non fuisse absolutum, sed potius credendi ratio est eum absolutum fuisse. Quòd si celebraverit inabsolutus, delictum quod celebrando commisit, publicum est *materialiter*, sed *formaliter* occultum, quemadmodum & inde secuta Irregularitas.

In utroque illo casu, Dispen-
satio super Irregularitate non cense-

retur esse Pontifici maximo reservata; posset autem Ordinarius loci Antistes eam concedere, ut potè quòd ista Irregularitas non esset propriè publica & notoria, cum è delicto provenisset quod *materialiter* quidem esset *notorium*, sed *formaliter* secretum & occultum.

Ut autem occulta censeatur Irregularitas ex delicto violatæ Censuræ, sufficit occultum esse alterutrum delictum, sive illud quo Censura incurritur, sive illud quo Irregularitas ex violatæ Censuræ contrahitur. Idem quoque dicendum videtur, si delictum fuerit occultum quando commissum est, licet in publicum vulgari famâ eruperit quando postulat Dispen-
satio (modò tamen ad forum contentiosum eatenùs deductum illud non fuerit); tunc enim ignoratur an non impetrata fuerit Dispen-
satio antequàm publicum foret: proindè, quamvis delictum jam non sit occultum, nihilominùs occulta remanet Irregularitas. In his similibusque Casibus ad Ordinarium pertinet Dispensationis concessio.

Jam verò, ut delictum ad forum contentiosum verè deductum censeatur, non sufficit in *Jus vocatio* (1), nec *delatio*, vel *expostulatio* (2) apud legitimum Judicem, nisi ex Decreto Judicis supervenerit litis contestatio; quâ quidem durante, non poterit Ordinarius absolvere à delicto Sedi Apostolicæ reservato, Censuræque annexâ, nec dispensare in Irregularitate quæ ex delicto fue-

- (1) Assignation.
(2) Dénonciation, ou plainte.

(o) Vide sup. de Sacram. in gen. Cap. VIII, in fine: & De Sacram. Euch. Div. III, cap. 3.

(p) Navar. Inn. Papa XI Penitentiaris, Manud. ad praxim, cap. 1. introd.

rit secuta ; id autem poterit , statim
 atque litis actio finem acceperit per
 Sententiam absolutoriam ; delictum
 enim quod ad forum contentiosum
 ita sine effectu deductum est ut se-
 queretur absolutoria Sententia , oc-
 cultum remanet ; ideòque ipsum , ut
 priùs , cum Censura annexa & Irre-
 gularitate ex eo secuta , ad Pontificis
 Diocesani Jurisdictionem pertinet.
 Idem contingit , si Reus , etiam
 viis non legitimis , innocens decla-
 retur ; modò tamen ipse dimissus
 non fuerit cum onere sese denuò ad
 Judicium sistendi.

CÆTERUM , ne quid ex Nobis
 desit ad obviandum anxietatibus
 improvisis , in Irregularitatibus *ex
 delicto* , quarum Dispensatio ad
 Episcopos attineat , concedimus ut
 Diocesani nostri Dispensationem
 obtinere possint ab illo Archiepiscopo ,
 cujus in Diocesi hospites erunt ;
 dummodò illuc non sese in frau-
 dem contulerint. Ab hac nihilo-
 minus concessione excipimus Irre-
 gularitatem *ex violatione Censurae*
 quæ nostrâ auctoritate speciatim
 lata fuisset , ideòque Nobis refer-
 vata.





TRACTATUS NONUS. DE SACRAMENTO MATRIMONII.

DIVISIO PRIMA.

AGETUR in hac Divisione, 1°. De Matrimonio generaliter spectato: 2°. De Matrimonio quatenus est Sacramentum, & de gratia ipsius propria: 3°. De Matrimonii materia, forma, & Ministro: 4°. De Matrimonii unitate: 5°. De Matrimonii indissolubilitate.

CAPUT PRIMUM.

DE Matrimonio generaliter spectato.

MATRIMONIUM in officium naturæ primitus institutum; postea contractus civilis. Ipsum Ethnicâ licentiâ profanatum, ad primæ institutionis formam à Christo reductum, Sacramentique dignitate auctum. Insuper Matrimonio Hæretici, quomodo ab Ecclesia confutati. Vel Matrimonium ineundum, vel servanda castitas perfecta. Apud Judeos contempta virginitas. Apud Christianos virginitas Matrimonio potior, sed non temerè vovenda.

MATRIMONII Sacramentum, licet ordine postremum, significatione tamen magnum est; tum verò questionum quibus abundat, non minore momento quàm difficultate præcipuum; in quo videlicet omnes

Leges, naturalis, divina, canonica & civilis concurrunt. Matrimonium quippè, cum naturæ simul officium, contractus civilis & Sacramentum sit, non ab Ecclesia tantum, sed etiam à natura pendet, atque à politica Principum res humanas gubernantium auctoritate; quorum utrique Leges in connubialibus contractibus, quemadmodum & in reliquis ad societatis ordinem spectantibus, constat indubitanter esse propter conscientiam observandas (a). Quæ igitur ad præsens argumentum ex se intricatum & obscurum pertinent, distinctè ac dilucidè, quoad fieri poterit, exponemus; cum præsertim Reipublicæ Christianæ plurimum intersit ut ea Pastoribus ac per hos Fideli Populo accuratè innotescant.

» MATRIMONIUM ab eo dicitur,
» quod fœmina idcirco maximè nu-
» bere debet, ut mater fiat; vel
» quia prolem concipere, parere,
» educare matris munus est. Conju-
» gium quoque à conjungendo ap-
» pellatur, quòd legitima mulier
(1) Donaire.
» cum viro quasi uno jugo adstrin-
» gatur. Præterea nuptia, quia, ut
» inquit sanctus Ambrosius, pudori
» gratia puellæ se obnubent;
» quo etiam declarari videbatur,
» viris obediens subjectasque esse
» oportere (b). »

Ita verò ex communi Theologo-

rum sententiâ Matrimonium defini-
tur, ut sit *Viri & mulieris con-*
junctio maritalis inter legitimas per-
sonas, individuum vite consuetudi-
nem retinens. In officium naturæ pri-
mitivè institutum fuit, scilicet ad
humani generis propagationem &
multiplicationem (c), utriusque
conjugis stabilem perpetuamque so-
cietatem (d), ut alter alteri oppor-
tunum esset *adjutorium* (e).

Hæc fuit primæva Matrimonii in-
stitutio. Hinc Matrimonium contra-
ctus naturalis est, auctore ipso Deo,
in statu innocentie inter mundi nas-
centis exordia institutus. Cui, post
exitialem primi Parentis lapsum,
accessit, quòd remedium sit concu-
piscentiæ ad vagas libidines allicien-
tis (f), cujus nempe dira lues mi-
sererrimos Adæ posteros perpetuâ suc-
cessionem fœdavit; quòdque ex mu-
tuo consortio adjutoria senectutis,
& adversus imminentes ærumnas
quasi quædam munimenta atque pro-
pugnacula præparentur.

Multa insuper in connubiali con-
tractu occurrunt merè politica: cu-
jusmodi sunt ea quæ dotem spec-
tant, dotalitium (1), mutue etiam
utriusque conjugis donationes, bono-
rum alienationes, eorumdem, sive
immobilium, sive mobilium post
mortem alterutrius partitiones, vel
inter conjugem superstitem & li-
beros, vel inter liberos ipsos, alter-
utrius vel utriusque hæredes; aliaque

(a) Rom. 13. 1. 2. 5. 1. Petr. 2. 13.
S. Aug. Exposit. quarund. prop. ex Ep. ad
Rom. Prop. 72.

(b) Cat. Trid. de Matrim. Sacram.
n. 4.

(c) Gen. 1. 28.

(d) Gen. 2. 14.

(e) Gen. 2. 18.

(f) 1 Cor. 7. 2. 9. 28. &c.

id genus plurima. Quæ quidem conjugum jura, onera & officia, cum ad familiarum tranquillitatem, ipsiusque ad Reipublicæ felicitatem haud mediocriter conducant, nec fuerint à naturâ præstituta, Legum civilium sanctionibus definiri oportuit, prout variis temporibus executi sunt, primum quidem Ethnici, deinde verò Christiani Principes. Atque hinc Matrimonium contractus civilis est.

Talia igitur ante Christum natum extitère, & veterum Credientium, ipsorumque aded Israëlitarum, & Infidelium Matrimonia. Talia etiam nunc sunt horum conjugia, si modò juxta naturæ institutum, patriæque Leges naturæ consentientes, aut saltem ei non repugnantes, contrahantur. Principio nimirum solam contractus naturalis rationem habuère; cui postmodum, aucto genere humano atque in politicas societates confluyente, civilis accessit contractus.

Porrò, quemadmodum ipse protopatenens non sine divino instinctu præsignaverat, virum uxori in fœderis indissolubilis unitatem adhærere, quocumque posito Matrimonii statu, oportebat (g). Lapsu verò temporis, *obscurato insipienti hominum corde* (h), atque à veri Numinis cultu ad inaniam deorum multitudinem converso, sicque sublatâ Religionis & morum antiquâ simplicitate, Matrimonium à primæva sanctæque institutione sua

incredibilem in modum recesserat. Scilicet apud alios nefanda mulierum communitas, apud alios, plures simul uxores habendi easque mutandi libertas invaluerat: quæ duo postrema, divortium nempe & polygamiam, in Israëlitis tolerabat Deus, *in dispensatione plenitudinis temporum instaurare omnia in Christo disponens* (i).

CHRISTUS igitur novam creaturam novæque omnia faciens (k), Matrimonium usque aded profanatum ad primigeniam formam sanctitatemque ita reductum voluit, ut esset vivus viri cum una muliere junctio, quâ fieret ut duz animæ unum corpus habere viderentur, & quæ non posset nisi solâ morte dissolvi (l). Quò tandem sanctior ea foret, naturalem civilemque contractum ad Sacramenti dignitatem evexit; Sacramento annexens gratiæ singularis copiam, quæ naturalem viri & mulieris amorem, accedente verâ charitate, perficeret, individuum alstringeret unitatem, ac demùm efficeret ut jugo illo sanctissimo colligati, officia sua tum erga se invicem, tum erga liberos faciliè adimplerent; undè sanctimoniam assequerentur suæ conditionis propriam.

Summopere igitur admirandam se se ostendit JESU CHRISTI gratia, quâ dignatus est ad ipsum mali fontem remedium adhibere, humani ortus originem peccati contagione vitia-

(g) Gen. 2. 24. Terr. de anima, cap. 11. &c.

(h) Rom. 1. 21.

Tomus II.

(i) Matth. 19. 8. Eph. 1. 10.

(k) 2 Cor. 5. 17.

(l) Matth. 19. 4. &c.

tam sanctificando (m). Quod quidem pernecessarium erat ad retrahendam indomitæ concupiscentiæ petulantiam, ad inducendam in omnes familias pacem & consolationem, ac denique ad propagandam à parentibus in filios & in filios filiorum, illibatam fidem & cultum Dei intemeratum.

Hinc Religio singularem connubiis curam impendit; omnemque Ministrorum suorum excitat vigilantiam, ut piè sanctæque à Fidelibus contrahantur. Quamobrem id inter præcipua susceptæ administrationis munia referant Pastores: cumque ab ipsis Ecclesiæ simul & Reipublicæ animos geri oporteat, quidquid ad conjugiorum honestatem simul & faustitatem conducere possit, multâ sollicitudine promoveant. Quoniam verò ex motum honestate pendet Matrimonii decus ipsaque fecunditas; indefessam, tum incandæ Religioni, tum restituendis, quas ipsa suggerit, virtutibus operam adhibeant. Sic demùm restoretur connubialis pacti reverentia, in hoc serè universo Religionis morumque interitu tam indignè proculcata.

CIRCA Matrimonii Sacramentum illudentes doctrinas, veritatique corruptelas, summâ curâ & fortitudine coercuit sacra Religionis intet-

pres Ecclesia. Existente olim, quibus, ex odio *mali principii* quod fingebant, & cui carnis creationem tribuebant, generationem impedire eximii cujusdam meriti instar fuit; quique idcirco sexuum conjunctionem absolute damnârunt, vel potius (horrendum dictu!) in promiscuo mulierum usu ne proles aliqua nasceretur, efficiendum censuerunt. Execrandam humano generi Sectam dum Principes Edictis proscriberent, ferroque & igne profligarent, (n), eam verbi gladio aggressa est Ecclesia. Contra hujus generis homines, tam sædis moribus quàm absurda doctrinâ famosos, probandum incubuit, licitum sanctumque esse Matrimonium. Nec defuerunt argumenta firmissima. Utrumque enim in ipsa creatione docuit primus omnium parens Adamus, cum dixit: *Relinquet homo patrem suum & matrem, & adherbit uxori suæ; & erunt duo in carne una* (o): docuit & Christus Dominus, cum nuptiarum celebritatem suâ præsentia honestavit, insignique miraculo illustravit in Cana Galilææ (p); apertius verò, cùm à Deo junctos neque ab homine separandos conjuges pronuntiavit (q). Hoc idem prædicat B. Paulus Apostolus (r), doctrinamque Matrimonio adversantem *doctrinis demoniorum* annumerat (s). Ex cæterè, secluso

(m) S. Cyr. *Al.* in Joan. 1. 2. c. 22.

(n) Diocl. *an.* 296. Theodosius, *lege constitutâ* *an.* 382. Cabas, *Rex Pers.* *an.* 523. Michaël, *Græcorum Imperator*, *an.* 812. *Imperatrix Theodora*, *an.* 845, &c.

(o) Gen. 2. 24. *Tert.* de anima, *cap.*

11. &c. *Conc. Trid.* *Sess.* 24. *doctr.* de Sac. Matr.

(p) Joan. 2. S. Aug. *Tract.* 9. in Joan. 6. 2. (q) *Matth.* 19. 4. &c.

(r) 1 Cor. 7. 9. 38. *Hebr.* 13. 4.

(s) 1 Tim. 4. 1. 3.

connubio, neque Virgines, neque Sacerdotes forent, nec ulla stare omnino posset Religiosa aut Politica societas; ipsaque Ecclesia, irritis Domini Jesu pollicitationibus (1), usque ad ultimam Orbis eversionem indeficiens non permaneret.

Hinc, primis Christianorum temporum seculis, Gnostici, Carpoctariani, Encratitæ, Manichæi, & si qui præterea hujusmodi prodierunt infames Hæretici, prohibentes nubere (a), & prophetice ab ipso Apostolo (x), & canonicè à sanctis Conciliis & Patribus condemnati atque anathemate perstrikti sunt (y), ut potè » frustrantes antiquam plasmationem Dei, & oblique accusantes » eum qui & masculum & foemina » nam ad generationem hominum » fecit (z). » Hinc veteres Patres conjugii sanctitatem mirum in modum extulerunt, in medium afferentes exempla Beatorum Apostolorum Petri & Philippi, qui & uxores sibi adjunxerant, & ex iis liberos susceperant (a). Scilicet de conjugio altum quiddam sentiebant, eò quod finis ejus sit hominum procreatio, ratione utique præditorum, nobiliore sui parte immortalium, Deique cognoscendi, amandi, æternumque possidendi capacium: unde homo, per conjugium, singulariter fit imago Dei, dum sui similis

creandi particeps cum Deo est. Er quidem circumfusa Gentilitatis haud minus quam Manichæi pravitatis flagitiosus erat cælibatus; vulgigamque licentiam Legibus matrimonialibus (1) compescere jamdiu tentaverant Principes, quorum nempe est in multitudo populi dignitas (b). Sed, ut Poëtæ verbis utamur, » Quid » Leges sine moribus vanæ proficiunt (2)? » Ex ipsa connubiorum fecunditate emerferunt novæ scelerum facies; abortus, infanticidia, expositiones parvulorum: quæ quidem licita esse existimavit incredibilis Ethnicorum cecitas. Immania hujusmodi facinora semper detestati sunt Christiani. Quippè » omnino vel Matrimonium non aliter contrahebant, nisi liberorum » creandorum atque educandorum » gratiâ; vel conjugium detrectantes, perpetuò continebant (c). » Non minus videlicet Religioni repugnat, quam rerum humanarum ordini adversatur cælibatus ille turpissimus, heu! nostrâ ætate frequentior, qui juvenutem liberrimè impudicam nuptiali jugo subducit, vel effertam libidine conjugii transmittit infæcundis.

Orbi adhuc recenti, ut, juxta Creatoris intentionem, cresceret ac multiplicaretur humanum genus (d),

(1) Decreta super jugandis Foeminis, prolisque novæ feraci Legem maritali. *Hor. carn. secul.*

(2) Id. l. 4. Od. 13.

(1) *Matth. 23. 20.*

(a) 1 *Tim. 4. 3.* (x) *Ibid.*

(y) *Conc. Mesp. an. 277. Carth. IV, an. 398. can. 1. Gangr. IV. sec. can. 1. Bracar. II, an. 563. anath. 11. Tert. de Mol. c. 16. S. Aug. de morib. Manich. c. 18. (al. 65. 66.) & cont. Faust. l. 5. c. 1. S. Chrys. Hom. 2. in Ep. ad Phil.*

S. Leo, Ep. 93. (al. 15.)

(z) S. Iren. adv. Hæc. l. 1. cap. 30. Vide Gennad. Eccl. Dogm. cap. 67. (al. 34.)

(a) S. Clem. Al. Pædag. l. 2. c. 19.

(b) *Prov. 14. 28.*

(c) S. Just. Apol. ad Imp.

(d) *Gen. 1. 28.*

omnes ad inœunda conjugia tenebantur. Postquàm illud satis propagatum est, libera cuique fuit Matrimonii vel cœlibatûs optio. Quinimò in veteris Testameuti paginis laudatur Virginitatis *incurruptio*, quæ facit esse proximum Deo (c); fueruntque ante Christum natum sancti homines qui cœlibes & casti vixerunt: intet quos eminent Josue, Elias, Eliseus & Jeremias (f). Rara tamen fuit apud Judæos illa virtus continentię perfectę; in qua scilicet nihil videbat carnalis populus præter sterilitatem, cui opprobrium quoddam & quasi maledictionem annexam volebat (g). Infelices habebantur puellę, quibus mori contingebat innuptis: sic filia Jephthę suam plauxit virginitatem (h). Multò magis probrosa nuptę mulieri sterilitas erat; quam ægrè ferebat Rachel (i), & amarè fiebat Anna mater Samuelis (k), & per miraculum à se ablata in senectute gaudebat Elisabeth mater Joannis Baptistę (l). Judæi quippè maximum numerosę sobolis desiderium ex ipsa Lege hauriebant; cùm ex ea scirent innumerabilem posterorum multitudinem Abrahę divinitus esse promissam, ac tandem ex illius semine oriturum Ducem & Messiam, qui salvaret populum Israël. Hinc

apud eos plurimùm diligebatur uxor fecunda *sicut vitis abundans* (m); summoque honori ducebatur multitudo filiorum ac nepotum, qui, *sicut novella oliyarum in circuitu mense* verendi patriarchę assiderent (n). Hinc illud Scripturę effatum: *Corona senum, filii filiorum* (o). Hinc apud ipsam commemoratur filiorum numerus, neque alio fine, nisi ut laudentur parentes (p).

Apud Christianos licitum honestumque semper habitum fuit Matrimonium, & honori ducta ejus fecunditas. Ab initio tamen inter eos non pauci utriusque sexus » in cœlibatu » consenescebant, quòd in hoc Deo » conjunctiores se futuros sperarent (q). » Quin etiam nonnulli, eximio quodam Spiritus sancti impulsu, venerandum simul & admirandum Marię & Joseph exemplum sectantes, ex mutuo consensu perpetuam in Matrimonio castitatem servabant, » non permixto corporis sexu, sed custodito mentis » affectu (r) » verè & propriè conjuges.

Habeant igitur conjugia bonum suum (s): Matrimonio potiotem esse virginitatem docet Scriptura, quę virgines ostendit cœlestis Agni comites individuos, Sanctis proin-

(c) Sap. 3. 14. If. 56. 4. 5. Sap. 6.

10.

(f) Ita S. Hieron.

(g) S. Bern. Hom. 3. super Missus est,

9.

(h) Judic. 11. 31.

(i) Gen. 30. 23.

(k) 1 Reg. 1. 7.

(l) Luc. 1. 7. 18. 24. 25.

(m) Ps. 127. (n) Ibid.

(o) Prov. 17. 6.

(p) Judic. 10. 4. 2 Paral. 11. 2. 2. Paral. 13. 1.

(q) Athenag. Relig. Apolog. c. an. 178. c. 38.

(r) S. Aug. de conf. Evang. l. 2. c. 1. (al. 2.)

(s) S. Aug. de sancta virginit. c. 1.

dè, dum viverent, conjugatis, æternâ distinctione celsiores (c): undè, prout legitur in Patribus, » amplior rem gradum honoris & sanctitatis » in Ecclesia tenent (u); *pulchriusque* florent lilia castitatis; & ad alta » cœli, pudicitie templum, fastigium virginitatis extollitur (x). » Perfectior denique ac præstabilior usquequaque existimatus fuit eorum status, qui continenter vivunt; ipsorum etiam in utroque sexu viduorum (y).

Cùm verò Dei donum, & quiddam inter cætera eximium sit continentia (z), attendant Confessarii diligenter ne unquam à Fidelibus, præsertim junioribus, imprudenter emittatur Votum castitatis; neminemque, ut jam præmonuimus (a), ad illud nuncupandum inducant, multò minùs quemquam adigant. Virginum certè sublimis est gloria (b); sed Virginibus ingens ruina patet in præceptis, nisi ad hoc Angelicum vitæ genus vocati sint. » Flos est ille Ecclesiastici germinis, » decus atque ornamentum gratiæ

» spiritualis, laudis & honoris opus » incorruptum, Dei imago respondens ad sanctimoniam Domini, » illustrior portio gregis Christi; » gaudet per illos atque in illis largiuer floret Ecclesiæ matris gloriosa » sœcunditas (c): » sed mæret pia mater luctu acerbissimo, si coniingat eos qui spiritu cæperint, carne infelices consummari (d). Suam quisque vocationem circumspectè videat, & fideliter sequatur. Investiget prudens Confessarius, num puella, conjux facta, salvanda sit per filiorum generationem (e); an virgo permānere debeat, ut sit sancta corpore & spiritu (f), sicque pudicâ bonorum operum sœcunditate fructum afferat centesimum (g). Nemo committat ut in se Domini Dei sui, vota non reddita requirētis & vindicantis, iracundiam concitet (h). Votum enim castitatis, etiam non solemne, haud sine gravi peccato infringitur; nec sine Dispensatione ab eo resiliere potest, qui se ipsius vinculo semel obstrinxit.

(c) Apoc. 14. 4.

(u) S. Aug. tract. 9. in Joan. Ev. 4. 2. Vide S. Cypr. de discipul. & hab. Virg. paulò post. init.

(x) S. Petr. Chrysol.

(y) S. Hieron. S. Ambr. S. Aug. adversus Jovinian. & Siricius Papa in Conc. Rom. an. 390. Conc. Trid. de Sac. Matr. can. 10.

(z) Sap. 8. 21. Matth. 19. 11.

(a) De Sac. Pœnit. Div. III, cap. 3.

(b) S. Cypr. sup.

(c) S. Cypr. sup.

(d) Gal. 1. 3. (e) 1 Tim. 2. 15.

(f) 1. Cor. 7. 34.

(g) Matth. 15. 23.

(h) Deuter. 23. 21.



CAPUT II.

DE Matrimonio quatenus est Sacramentum, & de gratia ipsius propria.

ANTE Christi tempora, Sacramenti rationem non habuit Matrimonium, nisi impropiè dictam. Quando illud ad Sacramenti dignitatem evectum fuerit. Undè fluat hujus gratia. Quam rellè inter Sacramenta numeretur. Quomodo per Matrimonium adumbretur JESU CHRISTI cum Ecclesia junctio. Hujus Sacramenti quinque effectus. Cur Matrimoniis tam paucis feliciter succedat.

AB omni ævo sanctum quiddam fuit Matrimonium. Sanctum in sua origine; Deus enim illud, prout jam diximus, ad humani generis propagationem in statu innocentie instituit; cujus divinæ institutionis virtute & influxu, post hominis lapsum, sub naturæ Lege sanctum permansit: sanctum sub Lege Moyfi; quo tempore in eo potissimum declarata est ejus dignitas, quòd Deus ipse hujus conditiones & officia disposuit, fidem illius, propositâ mortis penâ, intactam voluit, pièque ac religiose nuptias ineuntibus mille benedictiones promisit (a). Sed Matrimonium, nec sub Lege naturæ, nec sub Lege Mosaica Sacramentum fuit, nisi latiore sensu, quatenus nempe signum erat futuræ

aliquandò Christum inter & Ecclesiam conjunctionis, tum physicæ per Incarnationem, tum moralis per gratiam (b). Solo igitur hoc modo similitudinem Sacramenti aliquam gerere potuerunt veterum Creden-
tium conjugia; solumque Legis novæ Matrimonium, veti proprièque dicti Sacramenti rationem obtinet.

Tunc verò è naturali civilique Contractu ad Sacramenti dignitatem evectum illud fuit, cum » nuptias præsentis suæ benedictione » sanctificavit » Christus Dominus (c); expressius autem, cum, post Resurrectionem suam per dies quadraginta apparens (Apostolis), & loquens de Regno Dei (d), hoc est, de Ecclesiæ administratione,

(a) Levit. 18. & 20. Deut. 5. 18. & 22. 23.

(b) Tert. de anima, c. 11. &c. S. Aug. in Joan. tract. 120. S. Hier. in c. 3. Ep. ad Eph. &c.

(c) S. Maxim. Hom. 1. in Epiph. Vide S. Cyr. in Joan. l. 2. c. 22. & 26. & S. Aug. tract. 9. in Joan.

(d) Act. 1. 3.

multaque injungens ad eam sanctificandam pertinentia, quæ per solam Traditionem ad nos pervenire, ipsis, ut verisimiliter conjicitur, mandatum dedit, ut, sacris quibusdam Ritibus adhibitis, Matrimonium postea celebrarent, tanquam Sacramentum cui gratiam annexeretur. » Gratia verò quæ naturalem (viri & uxoris) amorem perficeret, & indissolubilem unitatem confirmaret, conjugisque sanctificaret, ipse Christus, venerabilium Sacramentorum institutor atque perfectior, suâ nobis Passione promeruit; quod Paulus Apostolus innuit, dicens: *Viri, diligite uxores vestras, sicut Christus dilexit Ecclesiam, & seipsum tradidit pro ea; mox subiungens: Sacramentum hoc magnum est, ego autem dico in Christo & in Ecclesia. Cum igitur Matrimonium in Lege Evangelica veteribus connubiis per Christum gratiâ præstet, merito inter novæ Legis Sacramenta annumerantur dum sancti Patres nostri, Concilia & universalis Ecclesie Traditio semper docuerunt (c). » Quod quidem unanimiter agnoscit ipsamet Orientis Ecclesia: ut pater, non solum ex omnibus Græcorum, Coptarum, Jacobitarum, Syto-*

rum, aliorumque Orientalium Eucharistologiis, verum etiam ex peritissimis Ecclesie Græcæ Scriptoribus (f). Matrimonium denique, tanquam unum è septem Legis novæ Sacramentis, ab omni retrò antiquitate, & nullo reclamante, possidebat tum Latina tum Græca Ecclesia (g), cum illud, simulque alia plura, è Sacramentorum numero expungere Pseudoevangelicis reformatoribus visum est (h). Et certè plurimum decebat Sacramentum vocari & esse mutuum illam viri & mulieris adhesionem, quæ modò dictam Christi cum Ecclesiâ conjunctionem significabat.

In hoc autem adumbrata intelligitur ea conjunctio, quòd, quemadmodum Christus Patrem reliquit ut se Ecclesie conjungeret, ita relinquit homo patrem & matrem, & adheret uxori (i). Præterea originem à Christo sumpsit Ecclesia: & ex homine formata est mulier, *Christus caput est Ecclesia: sic vir caput est mulieris* (k). Christus & Ecclesia unum Corpus efficiunt; vir & uxor duo sunt in carne una (l). Eodem spiritu aguntur Christus & Ecclesia: vir & uxor idem sentire debent. Christus diligit Ecclesiam, & Ecclesia Christum veneratur: sic vir uxorem diligere, & uxor virum

(c) Conc. Trid. Sess. 24. doct. de Sacram. Matrim. Vide S. Aug. serm. 41. de Temp. Et Conc. Paris. an. 1528. decreto fidei 10. art. de Sacram. Matrim.

(f) Simeon Thessal. lib. de initiatis, c. 33. Greg. Protosync. postea C. P. Patriarcha, Apol. adv. Marc. Eph.

(g) Conc. Later III. sub Alex. III. an. 1179. can. 7. & 8. Lucius III. Alex.

III successor, c. 9. de Hæreticis. Conc. Constant. ab an. 1414. ad an. 1418. Decr. Eug. IV pro Arm. in Conc. Florent. an. 1439.

(h) Trid. Sess. 24. can. 1.

(i) Gen. 2. 24.

(k) Eph. 5. 23.

(l) Gen. 2. 24.

debet venetari (m) : tum, *sicut Ecclesia subiecta est Christo*, ita & mulieres viris suis (n). Christus Ecclesie adhæret nexu indissolubili; eam ipse nunquam derelinquet; eorum conjunctionem abrumperet, seu mutuam fidem temerare nihil potest: ita etiam vir & uxor intemeratam sibi fidem per totam vitam servare tenentur; & vinculum, quo inter se neuntur, non potest nisi alterutro morte dissolvi. Ecclesie demum Christus omnia bona confert atque commoda; Ecclesia verò Christi gloriam quibuscumque modis potest, amplificat: indefensa patris officiorum concertatione virum & uxorem sibi invicem prodesse oportet.

PORRO Matrimonii Sacramentum effectus gratiæ mirabiles in iis producit, qui bene præparato corde illud suscipiunt; de quibus hic breviter differendum censuimus; quos videlicet multâ curâ ac diligentiâ Fidelibus explicent Pastores.

Matrimonium, cum sit unum è Sacramentis *vivorum*, non quidem gratiam *primam*, sed tantum *secundam* confert nullum obicem ponentibus. Enimverò Sacramenta novæ Legis in omnibus qui ad ea capessenda cum pietate accedunt, illud operantur quod significant: & quoniam Matrimonio significatur sancta illa charitas, quâ Christus, Sponsorum exemplar, Sponsam suam Ecclesiam prosequitur; manifestum est eo Sacramento conciliari novum charitatis gradum, per quem Deo

conjunctiores atque acceptiores efficiuntur qui illud suscipiunt. Sed quia, ut in primo hujusce Operis Tractatu prænotavimus, sua cuique Sacramento est *gratia Sacramentalis*; cum ea quam modò designavimus, gratiâ, per Matrimonii Sacramentum simul confertur jus ad actuales gratias, quæ malis in nuptias per culpam originalem invecitis medeantur: & hac quidem viâ tutior ac perfectior nulla erat, ut sanctæ & castæ dilectionis virtus in Sponsis integra atque illæsa permaneret.

Quinque autem potissimum ex Adami peccato in conjugum mala transferunt: Scilicet 1°. Humana infirmitas, quæ societatem conjugalem pluribus gravat incommodis; qualia sunt corporis morbi, animi vitia. 2°. Conceptio prolis in peccato. 3°. (Quid enim teterrimum ex originali culpa non prodit?) Ipsa quandoque execranda perveritas, quâ conjuges proli nocent, vel eam impediens concipiendam, vel conceptam extinguentes, vel natam abjicientes, vel pravis exemplis aut amore præpostero corrumperentes. 4°. Libido sæviens, quæ conjuges extra temperantem atque honestum Matrimonii usum abripit, aut etiam ad alienos amores impellit. 5°. Miseriæ quæ nuptias consequuntur; nempe onus uteri, partus labores & pericula, alendæ atque instituendæ prolis sollicitudo, casus adversi & ærumnæ, quæ Matrimonio junctos plerumque obsident.

(m) Eph. 5. 25. 33. (n) Ibid. v. 24.

Ac primò quidem Matrimonii gratia efficit ut ejus vinculo colligati, mutuas sive animi sive corporis infirmitates æquo animo propter Deum ferant. Quemadmodum enim, ex una parte, corpus suum licet malè affectum, quisque diligat; ex altera, Christus Ecclesiam suam non abjicit propter ejus membrorum vitia, sed ipsam quotidie mundat & fovet, protegit & gubernat, donec illam in futuro seculo exhibeat ipse sibi gloriosam (o): sic nempe Christiani conjuges, ut sublimem illam Christi cum Ecclesia junctionem quam possunt perfectissimè in seipsis reddant, murè sese tolerant ac foveant; viri uxores, ut sua corpora, sanctissimò videlicet ac tenerrimo amore diligant (p); uxores viris, ut membra capiti, constantissimè adhærent: ac demique Christianorum conjugum domo exulant iræ, rixæ, dissidia, querelæ, murmuraciones, quæ domesticam pacem atque individuum conjugalis vitæ societatem miserrimè inturbarent.

IIº. Hujus Sacramenti gratia eam vim habet, ut in nuptiis prolem quærant conjuges, non tantum ut nascatur, verum etiam, & multò quidam instantius, ut renascatur (q). Humanæ scilicet nuptiæ divinas Christi cum Ecclesia nuptias, quantum spiritualia carnalibus æquari possunt, referte debent: Christus autem non alio fine cum Ecclesia junctus est, quam ut ex hujusmodi nuptiis nas-

cetentur filii Dei adoptivi: undè conjuges in hoc pariter incumbant, ut proles sua religiosè instituantur, in pietate adolescant, & aliquandò cælestem hereditatem consequantur.

IIIº. Multò magis efficit Matrimonii gratia ne quoquomodò frustretur quod ex ipso in votis habent natura & Religio; neve proles edita non secundum Deum ametur, aut pravis exemplis à pietate revocetur. Hinc procul ii omnes qui gentem sanctam atque adoptionis filios nefandis artibus student non multiplicare, quæ homicidarum impia conspiratio existimanda est (r). Hinc procul ejusmodi nupta, quæ corpori feruens, aut pravo quolibet instinctu, fecunditatis gloriam abjicit, & mater fieri designatur. Hinc procul & ipsi conjuges, qui prolem suam non modò non curant ambulare in innocentia (s), dummodò in via fortunæ ambulet, sed etiam Deo per Baptismum consecratam perversà educatione diabolo reddere festinant.

IVº. Id quoque per gratiam conjugalem efficitur, ut qui hanc susceperunt, eo se invicem amore diligant quo Christus Ecclesiam, casto nimirum, sancto atque immaculato; sicque sciat unusquisque conjugum vas suum possidere in sanctificatione & honore (t). Hinc ipsis conciliatur spiritus castitatis conjugalis, cujus virtute corrigitur & minuitur ardor concupiscentiæ originali culpâ inditæ; qui spiritus in sen-

(o) Ibid. v. 17.

(p) Ibid. v. 18.

(q) S. Aug. de nupt. & concup.

Tomus II.

(r) Cat. Trid. de Sacram. Matrim. n. 10.

(s) Ps. 83. (t) 1 Thess. 4. 4.

sum voluptatibus dominatur, amorremque illum quo devinciri oportet virum & uxorem, superadditæ charitatis igne puriorem facit: undè pares fiunt reprimendis concupiscentiæ motibus inordinatis, tum erga omnes alienos, tum erga se invicem.

Vº. denique Conjuges firmat hæc eadem gratia, ut invicto animo cuncta incommoda perferant, quæ per *tribulationem carnis* defignavit, & conjugibus nunquam defutura prouuntiavit Apostolus (u). Ex hac enim gratia sequitur *fortis illa dilectio* (x), cujus archetypus & forma est ea quæ nos Christus dilexit; quam videlicet *nec molestiarum aqua inundantes extinguere, nec rerum aduersarum flumina obruere unquam possunt* (y).

EXPOSITIS Sacramenti effectibus eximiis, investigandum superest quonam fato fieri possit ut conjugis tam paucis feliciter succedat, sed, è contrario, signa maledictionis evidentissima plerisque inhzreant. Non abstrusa deplorandi hujus mali causa est. Pauci hoc Sacramentum suscipiunt ritè dispositi, plerique verò cum dispositionibus quæ illius gratiam prorsus excludunt. Alii solam quærunt voluptatem: alii solam intendunt illustris aut opulenti fœderis opportunitatem; neque attendunt ipsi, num indoli suæ congruat indoles personæ illius, cui se in societatem indissolubilem adjuncturi sunt. Aliis pro

vocatione ad Matrimonium solus est amor libertaris, & longa severi patris aut matris nimium vigilantis impatientia. Et ipsi aliquandò parentes auctoritate suâ liberos conjungunt in nuptias à quibus abhorrent. *Nul- lus fere est qui recogitet corde* (z), an ad conjugium, an ad cælibatum, Deo vocante, sit factus & comparatus. Plurimi cæco impetu Matrimonium eligunt. Paucissimi seipso aliquantisper, silente cupiditatum tumultu, consulunt: paucissimi Deum interrogant, vel ad cor suum loquentem ipsum audiunt: paucissimi verè Deo reconciliari ad Matrimonii Sacramentum accedunt, ubique satis religiose temperant, ut ejus celebrationem honestas requisita comitetur. Quid mirum, si tam malè incepta res, non prosperè cedat; & benedictionis loco, maledictionem in se & in familiam suam inducant, qui tam improvidi atque imparati Sacramentum suscipiunt?

Hinc in praxi colligendum est quantoperè Fidelium intersit, ut ad Matrimonium capessendum accedant eâ consilii maturitate, eoque animo ac delectu, eâ demùm præparatione, de quibus inferius ex professo differetur (a). Quin etiam, posito Matrimonii ingressu benè ordinato, non minùs diligenter curandum est conjugibus ut in suscepta gratia perseverent. Si autem in peccatum aliquod ex humana fragilitate lapsi fuerint, illud quamprimum salutaris Pœnitentiæ deleant.

(u) 1 Cor. 7. 28.

(x) Cant. 2. 6. (y) Ibid. 9. 7.

(z) Jerem. 12. 11.

(a) Div. II, cap. 2.

Non aliet in seipſis Sacramenti effi-
caciâ magis ac magis operantem,
ſuumque conjugium & ſibi & Rei-
publicæ fortunatum experientur. Ea
nempe Matrimonii natura eſt, ut ex
eo ſequatur, non modò conjugum,
ſed & ſocietatis iplius felicitas aut
infelicitas. Sicut enim è vitioſis pa-
rentibus naſci ſolent filii libidinoſi,
in ebrietate & crapula deſixi, de-
ſidia torpentes, corpore & animo
imbecilles, patriæ inutiles atque
onerofî, Religioni & Eccleſiæ pro-
broſi; ſic ex parentibus benè mora-
tis, piis & in optima quæque pro-
penſis, plerumque originem ſu-
munt filii bonæ indolis & ſpei,
mente & corpore vegeti, virtutis

bonarumque artium in Eccleſiæ de-
cus & patriæ utilitatem ſtudioſi.

Quicumque igitur in Matrimonii
ætate adoleſcere incipiunt, atque
hoc vitæ genus ingreſſuri videntur,
illos, datâ occasione, moneant Paſ-
tores, ut ſapientiâ & morum ſanc-
titate viam ſternant propriæ felici-
tati: qui verò mox conjuges facien-
di erunt, eos plurimùm hortentur
ut Sacramenti gratiâ dignos ſe præ-
beant; quâ juvante, ſuſceptos libe-
ros in virtutis diſciplinâ educare
poſſint. Non aliter ſucceſſio pietatis
& fauſtitaris perpetua in familiis
conſtituetur: non aliter è medio tol-
lentur vitia, quæ Chriſtianitatis fa-
ciem deformant.

C A P U T III.

De Matrimonii materiâ, formâ, & Miniſtro.

*CIRCA Sacramenti materiâ, formam & Miniſtrum, duplex opinio;
quarum probabilior aſtruitur. Utralibet eligatur, irritum foret Matrimo-
nium quod à Partibus, licet conſentientibus, abſente proprio Paſtore,
contraheretur. Quinam conſenſus, & quomodò expreſſus requiratur.
Conditiones irritum efficièntes conſenſum. De Matrimonio ſurdorum &
mutorum.*

IN Sacramento Matrimonii, quem-
admodum in cæteris, diſtinguuntur
materia & forma; de quibus diver-
ſæ circumferuntur Theologorum opi-
niones. Alij mutuam illam donatio-
nem, quâ vir mulieri & mulier vi-
ro corporis ſui poteſtatem tradit,
materiâ eſſe contendunt; formam-
que reponunt in illius mutæ dona-

tionis acceptatione, verbis aliove
ſigno ſenſibili expreſſâ. Cùm autem
vir & mulier viciffim conſentiant &
conſenſum acceptent, ſicque mate-
riam & formam ſibi invicem appli-
cent, in hac ſententia Partes con-
trahentes Sacramentum ſibi mutuò
adminiſtrant; Parochus verò non
Miniſter eſt, ſed tantummodò teſtis

necessarius. Alii, & quidem probabiliter, Contrahentium consensum, *materiam*; & verba Sacerdotis consensum illum excipientis & conjugio benedicientis, *formam* esse volunt; ita ut Sacerdos eam Benedictionem profertens, verè & propriè sit Matrimonii Minister.

Et ceterè recentior est opinio quæ Contrahentes instituit Matrimonii Ministros; eamque per decem ad minus priora secula nullus in medium attulit. E contrario, quotquot de Sacramento Matrimonii per totum hoc temporis intervalum disseruere, simul de Benedictione Sacerdotali, tanquam ad illud necessariâ & gratiæ collativâ, locuti sunt. Matrimonio jungi debent Fideles in *Ecclesia*. Benedictione *Ecclesia*, ex Domini præcepto (a): Matrimonia Fideles in *Ecclesia* conciliat, & confirmat Oblatio, & obsignat Benedictio (b): conjugium velamine Sacerdotali & Benedictione sanctificari oportet (c): hæc est veterum Patrum unanimis doctrina: quis autem credat Ritum merè accidentalem his tam gravibus verbis commendari? Uno verbo, Matrimonii Minister Sacerdotem esse docent duodecim priorem seculorum Patres tum Græci tum Latini, Conciliaque hoc tanto spatio celebrata, omnia demùm quæ extant Juris Canonici & Civilis monumenta (d). Ex Conciliis vetè post

duodecimum seculum habitis, Matrimonii Minister Sacerdotem esse quædam affirmant (e), nulla inficiantur.

Huc accedit quod Sacramenta tribus perficiuntur, *rebus tanquam materiâ, verbis tanquam formâ; & intentione Ministri* (f): si autem Contrahentes sint Ministri, eo ipso Matrimonium, cum in mutis per nutus & signa valeat, non constabit necessitudo *verbis tanquam formâ*. Denique Presbyter, aut Episcopus, nullo in contrarium disputante, cæterorum Sacramentorum Minister est à Christo institutus; sed Matrimonium neque Scriptura sacra, neque Traditio excipit: nec verò ulla probabilis asserri unquam ratio poterit, cur Sacerdos Ecclesiæ nomine loquens, dicat inani formulâ, *Ego vos conjungo*, nullam utique efficiens conjunctionem, si verus & proprius non sit Matrimonii Minister.

Permittantur Scholis controversiæ, de quibus nihil definiit Ecclesia. Utralibet eligatur opinio, certum est, juxta Concilii Tridentini doctrinam & Regni Christianissimi Leges, Matrimonium illud omnino nullum atque irritum fore, quod à Partibus, licet consentientibus, absente proprio Parocho, aliove Sacerdote de ipsius Parochi seu Ordinarii licentiâ, contraheretur (g).

(a) S. Ign. Episc. & Mart. Ep. 8. ad Polyc.

(b) Tert. ad ux. 1. 2. c. 9.

(c) S. Amb. Ep. 19. n. 7.

(d) Voy. les Confé. de Paris sur le Matrim. 1. pag. 10. 11. 12. & 102. tom. 3.

pag. 193. & seq. Vide ibid. pag. 196.

(e) Conc. Colon. an. 1536. part. 7. c. 40. Camer. an. 1567. c. 1. de Matrim.

(f) Decr. Eug. IV pro Arm.

(g) Conc. Trid. Sess. 24. de Ref. Matrim. cap. 1. Ordonnance de Blois, de

JAM verò, ut ratum sit Matrimonium, ipso jure naturæ mutuis requiritur Partium consensus, sine quo neque esse, neque concipi potest Contractus matrimonialis, nec stare ipsummet Sacramentum; hoc siquidem nihil est aliud quàm ipse Contractus ad Sacramenti dignitatem evectus. Itaque, ut ratum sit Matrimonium, requiritur consensus, & quidem liber, absolutus, serius & sensibilis, coram idoneo Sacerdote, solemnique Testium numero editus (h). Hic porro consensus mutuam ex parte Contrahentium donationem & acceptationem perpetuam in sua corpora potestatis includit, si minùs expressè, saltem implicite. Quæ quidem donatio & acceptatio hæc necesse est *per verba de presenti*; vel, in mutis, per scripturam aut per signa virtute paria; nullaue apponatur conditio quæ Matrimonii essentiam destruat: si v. g. duæ personæ Matrimonii jugum eâ lege susceperent, ut possent à se invicem discedere & cum aliis nuptias contrahere; vel ut sibi liceret cum aliis habere consuetudinem, aut naturalem conjugii ef-

fectum impedire. Hujusmodi conditiones irritum efficiunt Matrimonium; ejus enim fini repugnant; & qui eas ponit, veram ineundi conjugii intentionem habere non censetur. Porro mutua illa corporum traditio firma & rata est, etiam si jure sibi per eam acquisito non utantur conjuges: sufficit liber ad eam ex utraque parte consensus.

Qui surdi & muti sunt, ii valida possunt inire connubia, dummodo consensum exterius manifestare possint (i), prætereaque probabilibus saltem indiciis se Matrimonii naturam sufficienter intelligere significant. Partium quidem liber consensus, ad Matrimonii essentiam pertinens, signis sensibilibus non minùs quàm verbis exprimi potest: cum tamen signa quæ ab à surdis & mutis emittuntur, sæpè ambigua sint, nullus Pastor, aliquo emergente dubio, eorum conjugia celebranda in se recipiat, quin priùs Diocesani Pontificem consuluerit; *ad quem videlicet semper referenda sunt omnes Matrimonii dubitationes* (k).

Henri III, en 1579, art. 40. Déclar. de Louis XIII, du 26 Nov. 1639, art. 1. de Louis XIV, en 1697.

(h) Conc. Trid. sup. cap. 9. Cat. Trid. de Matrim. n. 6. 7. 8. 9. 10.

(i) Inn. III, Cap. Cum apud, de Sponsalib.

(k) Stat. D. Odonis de Sully, Paris. Episc. c. an. 1198, Syn. 1. Capitul. de Matrim.



CAPUT IV.

DE Matrimonii unitate.

POLYGAMIA simultanea ante Legem Evangelicam sub certis conditionibus tolerata, licet Juri naturali aliquatenus repugnans, & pluribus incommodis obnoxia. Antiqua Polygamia tolerantia divina bonitati consentanea. Polygamia tandem à Christo abrogata. Ad ipsos Ethnicos pertinet abrogatio Polygamia. Polygamia successiva licita. Viduitas honore & merito potior. Ut sanctificetur Viduitas, quomodo vita instituenda. Novas nuptias inire cupientibus quamam observanda. Procaces iterati conjugii infestationes à medio tollende.

MATRIMONI unitas, quæ Monogamia dicitur, est unius viri cum una muliere conjunctio. Huic opponitur Polygamia, per quam unus plures, aut successivè, aut simul ducit uxores.

Uxor plurium simul virorum, portenti cujusdam instar foret; neque conjugalis honestas, sed meretricia turpitudine (a). Hujusmodi Polygamia, alio nomine Polyandria, non tantum omnibus Legibus, sed ipsimet Juri naturali contraria est; ut potè quæ fecunditatem minueret, horrendamque in genus humanum confusionem induceret (b).

QUAMVIS autem simultanea uxorum pluralitas nullo Legis textu sit diserte concessa, sed, ad summum, quasi tacite uno in loco approbata videatur (c); absolute tamen huic

obdaci & velut superindui possunt quædam circumstantiæ, quarum accessione fiat ut ipsa illicita non videatur: si nimirum supponatur (ut supponi merito potest) eam certis quibusdam temporibus certisque ob causas nullâ lege positivâ esse prohibitam; si non immodicæ libidinis impulsu, sed proli amore, si, consentiente primâ uxore, plures habeantur; si utriusque conjugis eâ sit prudentia & animus benè moratus, ut domesticæ paci ac tranquillitati nihil, aut certè parùm detrimenti sit metuendum; si benevolentia signa inter utramque uxorem vir ita patriatur, ut neutram minùs diligat, sed nec minùs diligere videatur, quàm si uni duntaxat junctus esset, quemadmodum solent benigni sapientisque parentes in plures liberos agere. Licet

(a) S. Aug. de doctr. Chr. l. 3. c. 11.

(b) Idem, ibid. & de bono conjug.

cap. 17. (c) Deut. 21. 15.

entim hæc difficilia sint, non sunt tamen omninò impossibilia: idque satis innuunt exempla veterum Patriarcharum, aliorumque prioris Testamenti Sanctorum, Abraham v. g., Jacob, David, &c. (d), quos in contrahendis pluribus simul coniugiis peccasse, vitamque rotam perpetuo contaminatos adulterio exegisse nemo dixerit; quod tamen dicendum foret, si uxorum pluralitas suprà memoratis honesta fieri circumstantiis non posset, in quibus utique versatos fuisse Patriarchas, cum plures simul uxores haberent, unanimiter docent sancti Patres, ac præsertim clarissimum Ecclesiæ lumen Augustinus (e): præterquam quòd, iisdem observantibus, ante diluvium, inducendæ Polygamie ratio specialis fuerat, ut nempe multiplicaretur humanum genus (f).

Ea tamen Polygamia, quamvis Legi naturali, seu primariis conjugii finibus non repugnet, ejus tamen secundariis finibus adversatur: quod certè pro levi incommodo non est habendum. Er verò impedit ne suum finem tam perfecte assequatur natura; quia nempe difficiliorem reddit numerosæ prolis educationem, domesticæque paci vehementer nocet (g). Incredibile enim dictu est quanta & quam gravia incommoda Matrimonii compedem sæpè aggravarent,

dum maneret plures simul uxores ducendi libertas. Cum vir plurium uxorum æquè omnibus placere difficile posset, eas imperio regere infelix cogeretur, ut etiamnunc moris est Orientalibus. Tunc igitur in Matrimonio rara æqualitas erat, rara conjunctio animorum, vitæque societas; rara inter æmulas rivaes concordia (h); perpetui motus animorum, perpetuæ lites & bella domestica exardescere solebant. Singularum uxorum filii tot sæpius novercas experiebantur, quot erant patri aliæ uxores; & unusquisque filius, matris partibus ac simulatibus ad hærens, extraneus fiebat fratribus suis, ac peregrinus, aut etiam inimicus filius patris sui.

Eam perfecti Matrimonii naturam esse ut unus vir uniduntaxat mulieri jungeretur, Deus quidem ab initio declaraverat, & quando unicam Adæ uxorem creavit, & quando per os Protoparentis dixit: *Erunt duo in carne una* (i). Nisi tamen videri non debet quòd Polygamiam postea toleraverit, quantumvis primæ institutioni repugnantem. Cum enim Matrimonium in Paradiso terrestri institutum fuit, nondum erat concupiscentia; & ex quo illud ad Sacramenti dignitatem evectum est, annexam habuit gratiam copiosissimam: sed intermedio concupiscenti-

(d) Gen. 16. 3. 4. & 29. 17. 18. & 30. 4. 9. 1. Reg. 1. 2. 3. Reg. 2. 1. & 3. 1. 13. 14. 15. 16. 2 Paral. 24. 2. 3. Vide Gal. 4. 22. & S. Ambr. l. de Abrah. c. 4.

(e) Contra Faust. l. 1. 22.

(f) Gen. 4. 18. S. Chrys. Hom. 56.

in Gen. 3. Ambr. sup. c. 3. 4.

(g) Vide exempla Saræ & Agar, Gen. 21. Liæ & Rachelis, Gen. 29. Annæ & Phenennæ, 1 Reg. 1.

(h) Gen. 30. 1. 1^o Reg. 1. 6.

(i) Gen. 2. 24.

tia regnantis & gratiæ minoris tempore, consentanea divini bonitatis erat latior quædam indulgentia.

Vergente ad interitum Lege Moisaica, & jam novæ Legis auctorâ illucescente, Polygamiam simultaneam expressè tandem abrogavit melioris sanctiorisque Testamenti conditor. Cùm enim Matrimonium ad primaræ institutionis formam revocavit, hoc ipso Polygamiam omnino sustulit. Pro adultero scilicet virum illum habens qui, dimissâ uxore, aliam ducit, quod utique expressè declaravit (k), multo magis adulterum eum censet, qui, retentâ uxore, aliam sibi adjungere non dubitat.

Hoc præeunte Veritatis ipsius decreto, plures simul uxores habere illicitum esse unanimi sententiâ docent Patres (l) & Concilia (m). Hinc Pseudoevangelici præcones libertatem Evangelii transferentes in luxuriam (n), manifestæ corruptelæ atque impurissimæ seductionis convicti, ætetero pudore induuntur, & operiuntur sicut dipluide confusione suâ (o), qui Philippo Heliæ Landgravio, per summam temeritatem atque incredibilem audaciam concesserunt, ut alteram, priore superstitè, neque repudiatâ, neque

thoro dissociatâ, sibi conjugem afficeret (p). Hinc Anabaptistas, secundam Lutheri propaginem, ipsumque Lutherum, qui scripserat se Polygamiz consuetudinem nec introducere velle, nec improbare posse (q), meritisimo anathemate solemniter condemnavit Ecclesia (r). Hinc in eos qui, vivente uxore, aliam ducere audent, præter vitium irriti hujus secundi Matrimonii, graviter animadvertunt Legum Civilium æquissimæ sanctiones.

Lex autem Evangelica quæ Polygamiam abrogat, ad ipsos etiam Ethnicos pertinet, ut potè ab eo sancita, cui data est omnis potestas in calo & in terra (s). Fieri ramen potest ut Infideles, ob invincibilem Legis Evangelicæ ignorantiam, ab adulterio formalis excusentur. Porro si quis Infidelis ad veram Religionem conversus, plures antea uxores duxerit; priorem, cæteris dimissis, tanquam legitimam retinere debet.

ALTERIUS generis Polygamia, quæ successiva dicitur (secundæ uirum atque ulteriores nuptiæ), tam mulieri quàm viro licita est (t); quod soli negarunt Montanistæ &

(k) Matth. 19, 5. 8. 9. Vide Luc. 16. 18.

(l) S. Ambr. S. Hier. &c.

(m) Conc. Milvæ, an. 402, c. 17. &c.

(n) Ep. Judæ, v. 4.

(o) Ps. 108.

(p) Vide hac de re, ut de cæteris, luculentissimè differentem illustrissimum Bossuet, Hist. des variat. ad calc. lib. 6.

(q) In Gen. 16.

(r) Conc. Trid. Sess. 24. can. 1.

(s) Matth. 28, 18.

(t) Rom. 7. 2. & seq. 1 Cor. 7. 9. 39. 1 Tim. 5. 14. S. Clem. Al. Strom. l. 3. S. Hier. cont. Jovin. l. 1. c. 4. & Ep. 11. (al. 91.) S. Ambr. de vid. c. 11. (al. 68.) S. Chrys. Hom. 10. in Ep. ad Eph. Conc. Nic. l. gen. an. 325. Laod. c. an. 368. can. 1. Carth. IV, an. 398. can. 1.

Novatiani (u). Sed utrūm olim Ecclesia tertias nuptias speciali Lege irritas renunciaverit, inter se non consentiunt eruditi. Constat quidem tritū & sæpè quatuor annorum penitentiam publicam tertio Matrimonio junctis impositam fuisse (x), & de illis veteres Patres, maxime Græcos, durius locutos videri: quanquā sic intelligi plerumque possunt, ut nuptias tertium repetitas min⁹ quālibet libidinem quæ ad eas impellere solet, infectari existimantur. Apud Græcos jamdiū non licet quattum inire conjugium (y): quæ severitas minime apud Ecclesiam Latinam in usu est. Huic in votis esset ut vidui & viduæ sufficienti virtute pollerent ad reliquum vitæ tempus in continentia exigendum: cū autem id multorum virtutem exsuperet, nuptias, positā viduitate, toties iterari permittit, quoties id expedire coram Deo judicatur. Quin etiam iteratæ nuptiæ aliquandō suaderi possunt, vel potius debent; cū præsertim de junioribus agitur viduis, quarum pudor extra conjugium periclitaretur: *Volo*, inquit Apostolus, *juniores viduas nutere, filios procreare, matres familiās esse* (z).

Viro igitur aut scēminæ liberum est sese iterū, quoties occurrit viduitas, connubiali jugo submittere. Sitamen in statu viduitatis per-

manere possint, *bonum est illis si sic permancant, secundū Apostoli consilium* (a). Etli enim virginum statu inferior est viduarum conditio, hæc tamen conjugium honore & merito antecellit; viduæque efficacius salutem suam operari possunt. Atque hinc Fideles in viduitate permanentes tantī faciebat Apostolus, ut *viduas, quæ verè viduæ essent, honorari præciperet* (b). Nec tantū in Lege nova laudantur viduæ: eam ipsimet usque aded carnales Judæi singularibus encomiis in celebratissima Judith extulerunt (c).

Ut autem vidua sanctificetur, debet, juxta præceptum Apostoli, 1º. Vivere in solitudine, animumque totum in curanda familia occupatum habere (d). 2º. Se diligenter in ea quæ viduas decet, castitate conservare; ideòque à seculi conventibus profanisque oblectationibus, ludis, choreis, conviviis longè se remove: *nam quæ in deliciis est, vivens mortua est* (e). 3º. Suam in Deo spem totam collocare. Vidua scilicet omni ope & solatio destituta, Deum jugiter exoret ut sibi omnium loco sit; charitatis opera exerceat, Sacramenta frequentet, ac denique omnibus Christianæ pietatis operibus incumbat (f). Sic omnium perfectissima laudatur *Anna Prophetissa*, quæ à juventute vidua

(u) Conc. adversus Montanum, an. 172. Conc. Rom. sub S. Cornel. an. 251. & Antioch. an. 252. advers. Novatian.

(x) S. Basil. can. 4. Epist. ad Amphil. (y) Ibid. Basil. Maced. Imper. de Jure Or. l. 2. Nov. Illicite sunt quartæ nupt.

(z) 1 Tim. 5. 14.

(a) 1 Cor. 7. 8.

(b) Ibid. v. 3.

(c) Judith, 15. 10. 11.

(d) 1 Tim. 5. 4.

(e) Ibid. v. 6. Vide S. Hier. Ep. 18. 16. 17. S. Aug. Ep. 150. (al. 131.) ad Probam. S. Amb. de Vid.

(f) 1 Tim. 5. 5.

usque ad annos octoginta quatuor, non discedebat de Templo, jejuniis & obsecrationibus serviens die ac nocte (g).

Porro si viduus aut vidua novo se cupiant jungi Matrimonio, his multa curâ ac diligentia observandum est, 1°. Ne temerè ac precipitanter quidquam in tanti momenti negotio definiant, sed prius Deum studiosissimè consulant. 2°. Si liberos ex anteriore conjugio susceperint, eorum jura sibi necessariò servanda esse non obliviscantur: & quoniam iterato Matrimonio committunt ut jam iis minùs prodesse possint, saltem non committant ut suâ eos possessione defraudent: *ne attingant parvulorum terminos, & agrum pupillorum ne introeant (h).* 3°. Tametsi nullâ Lege prohibitum est ut viduæ per annum luctûs novo se conjugii fœdere obstringant, summo perè tamen dedecet orbam marito fœminam ad alias nuptias, nondùm expleto viduitatis anno, convolare: tales fœminæ Legibus Romanis infames pronuntiatæ olim fuerunt (i). Videant saltem Parochi ne viduam ullam ad novi Matrimonii celebrationem admittant, quin priùs, interposito tempore sufficienti, certò confiterit eam utero non getere. Timendum enim foret ne, existente graviditate, hæres novo conjugii daretur supposititius,

neve suo ad paternam hæreditatem jure spoliaretur conjugis anterioris filius posthumus. Et quidem Confessarius qui à vidua rescivisset eam esse prægnantem, huic deberet Absolutionem denegare, si, nondùm edito fœtu, novas nuptias inire veller; ipsa enim contra Legem naturalem, quæ vetat ne proximo noceatur, procul dubio peccaret.

CÆTERUM curent Pastores diligenter, ut penitus è medio tollantur perversæ quædam consuetudines, morum corruptelis non sine Sacramenti contumeliâ introductæ: quales sunt vespertinæ seu nocturnæ vociferationes, & vasorum æneorum pulsationes ad januam eorum qui secundo vel ulteriore connubio junguntur (k). Procax eâ in re juventutis libertas, quantum prudenter fieri poterit, compescatur, aliique hujus generis (sicubi adhuc vigeant) usus pessimi ad exagitandas viduarum nuptias excogitati, & in quibusdam Provinciis sub pœna Excommunicationis prohibiti (l). Quinimò, propter Sacramenti reverentiam, propositis pœnis, in hujusmodi abusus animadvertunt quædam supremæ Curie (m). Neminem verò qui talia commiserit, priùs absolvant nostræ Diocesis Parochi, Vicarii, cæterique Confessarii, quam ipse læsis conjugibus pro modo injuriæ satisfecerit.

(g) *Luc. 2. 36. 37.*

(h) *Prov. 23. 10.*

(i) *Cod. l. 2. c. 12. Nov. 22. lc. 2 Cod. Theod. l. 3. c. 2. c. 1. 2. 3.*

(k) *Conc. Tron. an. 1448. can. 13.*

(l) *Narb. an. 1609.*

(m) *Divion. Granianop. Aquisfis. Diction. des Arrêts, au mot Châtivari.*

C A P U T V.

DE Matrimonii indissolubilitate.

MATRIMONI quanta sit indissolubilitas. Illud ratum & non consummatum dirimit Professio Religiosa. Eo consummato, non licet conjugibus, nisi ex mutuo consensu, Religionem profiteri. Illud, etiam non consummatum, minimè rescindit Ordinis sacri susceptio. Possant conjuges thorum dividere ex consensu ad tempus. Circa divortium propter adulterium, varii casus distinguendi. Aliæ divortii causæ. Quædam minimè sufficientes. Divortia non temerè faciendæ; & reconciliandi conjuges dissociati.

« **M**ATRIMONI perpetuum in-
 « dissolubileque nexum primus
 « humani generis parens divini Spi-
 « ritus instinctu pronuntiavit, cum
 « dixit: Hoc nunc os ex ossibus meis,
 « & caro de carne mea. Quamobrem
 « relinquet homo patrem suum &
 « matrem, & adhaerebit uxori suæ;
 « & erunt duo in carne una. Hoc
 « autem vinculo duos tantummodò
 « copulari & conjungi, Christus
 « Dominus apertius docuit, cum,
 « postrema illa verba, tanquam à
 « Deo prolata, referens, dixit:
 « Itaque jam non sunt duo, sed
 « una caro; statimque ejusdem ne-
 « xus firmitatem, ab Adamo tantò
 « antè pronuntiatam, his verbis
 « confirmavit: Quod ergò Deus
 « conjunxit, homo non separet (a).»
 Sic videlicet primævam conjugii
 formam, ethnicâ licentiâ dedeco-

ratam, & sub Lege Moysi obscu-
 ratam, in integrum restituit.

Judæis nimirum, ut, subortâ
 gravi causâ, cuique liceret uxorem,
 dato repudiî libello, dimittere, &
 aliam ducere, ita ut vicissim alteri
 viro nubere posset repudiata mulier,
 ex indulgentia concesserat Moyses
 (b); sive solius pœnæ, sive etiam
 ipsius culpæ immunitatem istâ lege
 fecisset, quâ de re in diversas opi-
 niones scinduntur Theologi. Quid-
 quid sit, hanc dimittendæ uxoris
 libertatem cum facultate ad alias
 nuptias convolvendi, Evangelicæ Le-
 gis auctor penitus abrogavit Chris-
 tus Dominus his verbis: Omnis qui
 dimittit uxorem suam, & alteram
 ducit, mæchatur: & qui dimissam à
 viro ducit, mæchatur (c). Ex quo
 quidem absoluti sermonis textu,
 nullam neque adulterii neque alte-

(a) Cone. Trid. Sess. 24. doctr. de
 Sacram. Matrim.

(b) Deut. 24. 1. Matth. 5. 31.

(c) Luc. 16. 18. Vide Marc. 10. 12.

rius cujuslibet casus exceptionem interponente, explicandum est, prout sapienter admonet S. Augustinus (d), hocce aliud Evangelicum Christi Domini effatum: *Quicumque dimiserit uxorem suam, nisi ob fornicationem, & aliam duxerit, mæchatur* (e). Quapropter immerito prorsus contendunt recentiores Hæretici, ipsaque Ecclesia Græca, fornicationis exceptionem ad utrumque simul hujus textus membrum referri; ita ut nempe, & uxorem, eveniente ipsius adulterio, dimittere, & eâ dimissâ, cum alia jungi perinde liceat. Et vetò Apostolus, cui scilicet perspecta erat divini Legislatoris intentio, sine ambiguitate scriptum reliquit: *Mulier alligata est legi* (scilicet conjugali), *quanto tempore vir ejus vivit* (f): idemque planè & apertè docet, non tantquam suum, sed tantquam Domini præceptum, non posse uxorem à viro dimitti, nec ab illo discedere; quòd si discesserit, eam *manere innuptam*, aut viro suo *reconciliari* oportere (g).

Huic insuper sententiæ suffragantur Patres Latini ferè omnes (h), imò & Græci priorum seculorum

non pauci (i), rum plurima Concilia (k), & probati omnes Ecclesiæ Romanæ Theologi. Hinc eos qui dixerint Ecclesiam errare, eûm docet, juxta Evangelicam & Apostolicam doctrinam, propter ipsum adulterium, Matrimonii vinculum non posse dissolvi, inflicto anathemate condemnat sacrosancta Tridentina Synodus (l). Quod quidem anathema recentiores meritò percellit Hæreticos, Lutheranos nempe & Calvinianos, qui Doctrinam à Christo & Apostolis acceptam, à Patribus Latinis, & Græcis sat multis, iisque Apostolicorum temporum vicinis (m), ac totius Occidentis Ecclesiis probatam, veram proinde, solamque amplectendam, ausu remerario erroris insimulant, dictæ lacessunt, & iniquis perstringunt censuris. Quamvis enim quidquid ab Hæreticis profertur, non sit hæreticum, & quod ab ipsis proponitur, non sit eo ipso rejiciendum; si tamen in Catholicæ Doctrinæ odium arroganter contumeliosèque aliquid proferant vel proponant, ipsique injuriosam tueantur opinionem, in hanc semper justum infligitur anathema. Soli autem Hære-

(d) De adult. conj. l. 1. c. 8.

(e) Matth. 19. 9.

(f) 1 Cor. 7. 39. Vide Rom. 7. 2. 3.

(g) 1 Cor. 7. 10. 11. S. Aug. de adult. conj. l. 2. c. 5.

(h) Tert. contra Marcion. l. 4. cap. 34. S. Aug. suprà, l. 1. c. 4. & 8. de bono conj. c. 7. de nupt. & concup. l. 1. c. 10. S. Inn. l. Ep. ad Exup. c. 6. S. Ambr. in Luc. l. 8. c. 16. n. 1. &c.

(i) Hermas, Past. mand. 4. Athenagor. Apol. pro Christ. S. Clem. Al. Sermon. l. 1. Origen. tract. 7. in Matth. S. Greg.

Naz. carm. 2. de laud. virginis. S. Chrys. Hom. 17. in Matth. 5. & Hom. 62. & in 1 Cor. 7. & lib. de virginis.

(k) Conc. Milev. III. an. 416. can. 17. Andeg. an. 413. can. 6. Rom. sub Eug. II. an. 816. & sub Leone IV. an. 853. can. 16. Florent. Decr. Quamvis ex causâ fornic. Trid. Sess. 24. doct. de Sacram. Matrim. Rem. an. 1583. tit. de Matrim. n. 11.

(l) Sup. can. 7. Vide can. 5.

(m) Vide suprà, Herm. &c.

rici, Ecclesiæ Catholicæ odio incitari, doctrinam de perseverante post adulterium matrimoniali vinculo, erroris inculcant. Nam Græci quibus est contraria sententia, modestè eam propugnauit, nullamque contrā sentientibus censuram incurrunt : ex quo efficitur ut eos nequaquam attingat anathema Tridentinum.

Et certè (ut ex historia Concilii Tridentini perspicitur) primùm quidem ita conditus fuit Canon, ut videri potuisset Matrimonii in casu adulterii definita indissolubilitas; subindè verò immutatus est; horumque verborum loco, *Si quis dixerit, propter adulterium alterius conjugum Matrimonii vinculum posse dissolvi, anathema sit*, hæc polita fuerunt, quæ nunc leguntur : *Si quis dixerit Ecclesiam errare, cum docuit & docet, juxta Evangelicam & Apostolicam Doctrinam, propter adulterium alterius conjugum Matrimonii vinculum non posse dissolvi, anathema sit (n)*. Testantur præterea Historici; non alio animo retextum, & eo quem nunc habemus modo confectum fuisse illum Canonem, nisi ut Græcorum sententia nulla nota inureretur.

Porro novi Testamenti Lex Matrimonialis, præter ipsam rei formam, qualis ab initio fuit, instaurandam, non sine causis gravissimis æternæque Sapientiæ respectu dignissimis constituta est. Ut enim

sileamus quod honestati publicæ aliquatenus repugnat divorcium in se spectatum, annexam habens aliud Matrimonium ineundi libertatem; innumera ex eo, propter humani cordis depravationem, sequi facile possent incommoda, Matrimonii bono & prolis educationi maxime contraria. Temerè conjugium initer, qui sciret liberum sibi fore ut invise uxori aliam subrogaret: vir asper & morosus non sibi facile temperaret ut placeret uxori: filii vivis parentibus pupilli essent: ac demùm conjugia conjugis cumulari usque adeò possent, ut jam propè nihil forent nisi mera lascivia, honesto quodam velamine prætexta.

Quod si autem solummodò ratum, neque consummatum sit Matrimonium; alterutri conjugi, vel sine alterius consensu, licet Religionem approbatam ingredi solemniterque profiteri. Et quidem Pars eo modo ante consummatum Matrimonium derelicta, novum inire potest conjugium, priore scilicet quoad ipsum sœdus per solemnem Religionis professionem dissoluto. Ecclesiæ Catholicæ hac in re Disciplinam & praxim à multis jam sæculis stabilitam (o), confirmavit Synodus Tridentina, in eos qui sæcis dicerent anathematis sententiam pronuntians (p). Juri autem naturali non repugnat Christianorum Matrimonia rata, sed nondum consummata,

(n) Sess. 24. can. 7. Pallavic. lib. 22. cap. 4. Sæv. Polan. lib. 6. circa med.

(o) Alex. III. Decretal. lib. 3. tit.

12. & Cap. Ex publico, eod. tit. Inn. III. Cap. Ex parte, eod. tit. de convers. conjug.

(p) Sess. 24. can. 6.

juxta hanc Legem ac Disciplinam, quoad fœdus & vinculum dissolvi. Conjugiorum enim omnium quæ apud Christianos celebrantur, hæc tacita conditio est, ut, si conjux alteruter solemnem castitatis Voto alstringere se velit, rupto per ejusmodi professionem conjugali fœdere, quod eatenus quasi suspensam habet fidem atque obligationem, possit ille qui non proficitur, aliud inire conjugium (9). Nihil ergo est, quandoquidem Lege & consuetudine palam approbatur ea conditio, quod Juri naturali adversetur, si Matrimonium, aliqui firmum ac indissolubile futurum, dissolvatur. Cum enim conditione utrique contrahenti notâ suspenditur Contractus, in Legem naturæ nihil peccatur, si, posita conditione, quam ponere utrique liberum est, dissolvatur. Penes contrahentes haud quidem semper est ut Contractum aliquâ conditione suspensum faciant, eorumque super hujusmodi re vanus atque inutilis sæpius futurus esset conatus. De conditione verò, quâ fit ut per solemnem Religionis Professionem dirimatur Contractus noadum consummatus, id certè nemo dixerit: siquidem modò dicta conditio non privatà utriusque duntaxat conjugis voluntate, sed publicâ totius Ecclesiæ auctoritate approbatur.

Dispar existit eorum status, qui iusto & legitimo connubio sociati, jure matrimoniali inter se usi sunt (r).

Conjux alter, dissentiente altero, non potest Religionem ingredi. Quòd si nihilominus profiteatur, hujus Vota irrita & nulla erunt: ipse autem ad contubernium expectandis conjugis redire tenebitur, nisi ob justam causam Judicis auctoritate approbatam excusetur, salvo nihilominus conjugii vinculo. Si autem alter conjux Matrimonium consummatum fuisse affirmet, alter verò neget; affirmanti credendum est, ac tuenda Matrimonii indissolubilitas. Imò, postquam uxor ad domum viri deducta fuit, iis credendum non est in conjugii detrimentum, *ne inter se contra Matrimonium velint colludere* (s). Mensum porrò duorum spatium communiter Sponsis assignatur, quo, maturâ deliberatione habitâ, vel ad Religionem transeat uterumque voluerit, vel cum sponso maritaliter vivat (t).

Itaque non potest alter conjugum validè profiteri, altero vel inscio, vel per dolum aut metum consentiente. Tunc nihilominus valet ejus Votum quoad obligationem castitatis, quantum poterit, servandæ. Undè nec debitum postulare, sed tantum reddere potest; nec, post mortem uxoris, ei licebit sine Dispensatione aliam ducere, quamvis tunc ad Monasterium redire non teneatur.

Etiamsi verò conjugem alterum solemnina Religionis Vota nuncu-

(9) S. Thom. q. 61. a. 2. ad. 1.

(r) S. Greg. I. 9. (al. 11.) Ep. 39. Nicol. I. ad Carol. Reg. c. 17. q. 2. c. 26. Alex. III, Decret. l. 4. tit. 1. c. 26.

(s) Cælest. III, c. 5. de eo qui cognovit.

(t) Cap. 7. de convetf. conjug.

pare alter consenserit, hic tamen non idem Matrimonii semel consummati vinculo exolveretur; nec propter omnimodam ac perpetuam hujusmodi separationem aliud Matrimonium contrahere poterit: imò tenebitur ipse simul Religionem ingredi, si sit adhuc juvenis, aut aliàs emergat incontinentiæ periculum; vel, si cupiat in seculo remanere, necesse erit non modò ut sit scèhex & ab omni incontinentiæ suspitione immunis (u), verùm etiam ut castitatis Votum simplex emittat coram suo Episcopo ac testibus, qui eà de re fidem facere possint. Quinimò connubium illud minimè dissolvitur, etiamsi vit & uxor mutuo consensu Vota solemniter emisserint: & quamvis Matrimonii usus in perpetuum eis sit interdictus, firmo tamen atque indissolubili scedere conjuges remanent, propter antecedentem cohabitationem, quã ex duabus una eademque caro effecti sunt.

JAM verò per factorum Ordinum susceptionem haudquaquam rescinditur Matrimonium antea legitime contractum, etiam non consummatum. Si conjugis Ordinationi conjux dissenserit, eum ipsa poterit ad se revocare (x): si consenserit, illas Matrimonii stabilitate, ejus tamen usu ambo in perpetuum interdicto, femina Religionem profitebitur, aut saltem, prout jussit Diecefanus Pontifex, in pio secessu continenter vivet.

Cæterum in primo casu, cum nempe ad conjugem tedit qui, eà malè derelicta, Ordinem sacrum susceperat, is debitum quidem reddere, non verò petere potest; eique, mortuà uxore, interdictum erit aliud connubium.

Servatis igitur quæ servari Jus præcipit, omnino & in perpetuum sejungi ex mutuo consensu possunt conjuges in gratiam electi statû perfectionis.

POSSUNT etiam ad tempus à thoro discedere consentientes, Religionis videlicet impulsu, atque ut piis exercitiis liberius vacent. Laudandi quidem sunt conjuges qui continentiae studio thorum dividunt; sed, deficiente singulari gratiæ dono, temerarium foret quidquam eà de re ad longius intervalum pacisci; plura enim & gravia inde sequerentur incommoda, nisi ad hoc utrimque moveret inflammatum sanctioris vitæ desiderium. Hac nimirum thori separatione decrescit amor conjugalîs, remittitur animorum nexus; lostitan caro concupiscit adversus spiritum (y), & malè vincere conjugem eum potest, quem pudet remedium necessarium postulare, ne levitatis atque infirmitatis objectionem expetiat. Hinc sapienter Apostolus, *Nolite, inquit, fraudare invicem, nisi forte ex consensu ad tempus, ut vacetis orationi; & iterum revertimini in idipsum, ne tentet vos Satanas propter incontinentiam vestram* (z).

(u) Cap. 13. *ibid.* Conc. *Abrinc.* an. 1171. can. 10.

(x) *Joan. XXII, Extray. unic. de*

voto. (y) *Gal. 5. 17.*

(z) *1 Cor. 7. 5.*

Atque hæc sibi potissimum dicta existimare debet, qui paucis abhinc annis Matrimonio juncti sunt: quanquam & ipsismet qui ætate maturiores thorum dividunt, viris præsertim, diligenter curandum est ut conjuges intelligant, se, ubi primum voluerint, in illum rever-
suros.

Porrò conjux à conjugē quoad thorum & habitationem discedere potest in quibusdam gravium offensionum casibus, ob adulterium imprimis (a); & tunc àn utroque conjugē divortii jus æquale est (b). Non tamen justè conjux conjugem dimittere aut ab eo discedere propter adulterium potest, si hoc ipsi non certò constet; si vel expressè vel tacitè, spontaneo scilicet conjugii usu certam flagitii cognitionem secuto, illud condonaverit (c); si ejusdem causa fuerit, si v. g. consenserit, vel ipsemet uxorem proficuiuere non erubuerit, vel effrenatæ hujusmodi incontinentiæ objecerit, debitum conjugale justo diutius & sine causa detrectando; si postmodum scelus idem ipso admiserit, vel etiam antea, nec fuerit condonatum; si denique *materiale* seu extra culpam fuetit adulterium, si nempe causam huic dedit illata

vis propriè dicta, error inculpabilis.

Aliquando verò conjux innocens, non modò licitè potest, verum etiam necessariò debet à conjugē fonte, divortio factò, discedere. Viro quidem, cum uxoris adulteræ scelus in vulgi colloctionem erupit; qui enim *tenet adulteram, stultus est & impius* (d). Idèò nempe *stultus*, quia proprio dedecori assentitur, & in hoc ipse turpissimam tolerantiam confert: *impius* autem, ed quòd non obstitit injuriæ quæ per flagitiosam conjugis vitam supremo Numini infertur, connubialis vinculi sanctissimique sœderis auctori, testique solemniter obligatæ fidelitatis. Quòd si occultum sit flagitium, atque ad meliorem frugem aut jam reversa sit, aut brevi reversura esse haud immeritò speretur adultera; eam retinere quidem & in consortium thori admittere vir poterit, atque interdum charitatis lege tenebitur (e); si, exempli causâ, periculum imminet, ne plus æquo frænata concupiscentiâ, aut rupto per discessionem residui pudoris aggere, pergat in turpibus, vel ad turpiora delabatur. Quòd si emendationis nulla spes verisimilis affulgeat; à thoro, ut minimùm, dimittenda erit; quia vir uxoris flagitium approbare videtur, cum eam tenet ab illo non

(a) Conc. Trid. Sess. 24. can. 8. *Matth.* 5. 32. & 19. 9.

(b) S. Hier. Ep. 84. (ad 30.) S. Aug. de serm. in monte, l. 1. c. 16. *Inn. III.* c. 32. q. 3. can. *Christiana. Conc. Trid.* Sess. 24. can. 7.

(c) *Alex. III.* Decret. l. 4. tit. 19. c. 4. *Lex*, Crimen, 11. *Cod. Ad Legem*

Juliam, de adulterio. Lex, Quæritum, 40. §. Item quæritur. ff. ad Leg. Jul. *sup. Inn. III.* de adulter. & stupro, cap. Tua fraternitas. S. Aug. de serm. in monte, *sup.*

(d) *Prov.* 18. 21.

(e) S. Aug. cont. *Fausl.* c. 26. *Idem*, de adult. conjug. l. 2. c. 5.

cessantem

cessantem (f): sic vir, caput mulieris, in eam tam graviter fontem justè animadvertit. *

Penfandum verò est, antiquàm erumpat disjunctio, num fortè alia suppetat via, quàm possit adultera conjux ad officium reduci. Deus multùm est orandus; consulendi sunt viri sapientes, periti, à propriè utilitas respectu alieni: nihil inconsideratè, nihil præcipit stomacho definiendum. Quodd si, factà discessione, adultera culpam suam longà penitentià elucit, etsi nullà (saltem justitiæ) lege tenetur maritus innocens thori sui violatricem ipse gratiam recipere, plerumque tamen Evangelicæ charitati magis consentanea est reconciliatio, si noxa tamdiù expiata fuerit, ut jam nullum ipsius vestigium superesse videatur. Attamen, pto casuum varietate, diligenter investiget prudentia Christiana quid optimum factu sit; ac potissimum consulatur Parochus vel Confessarius.

Quod ad mulierem attinet, tam stricta in eam non incumbit obligatio à conjuge adultero discedendi, ne quoad thorum quidem. Hic enim locum non habent incommoda pleraque superiùs memorata, propter quæ disjunctionem viro licitam & quandoque ineluctabilem esse diximus. Huc accedit quòd rarò contingat uxoris discessionem coëtcendæ viri incontinentiæ remedium esse opportunum. Quinimò, derelictus ejusmodi maritus, auctà libertate pejus, ut plurimum, abutitur. Si ta-

men probabiliter existimetur ille, factò divortio, neque aliter, ad meliorem frugem esse revocandus (quòd maximè in pauperioribus nonnunquam accidit); mulier ab illo discedere poterit.

Sunt aliæ discessionis causæ, quas admittunt Leges tum Canonicæ, tum Civiles. Inter præcipuas autem numerantur immoderata scævitia, & periculum subversionis. Si igitur conjux conjugii mortem machinatus fuerit; si gladio, si fuste percusserit; si graves minas intenter, nec spes ulla sit effugum ingenium patientiæ & officiis obsequiosis placandi; alter ab altero sejungi potest. In judicio tamen de immoderata scævitia ferendo, distinguenda est personarum qualitas. Sunt enim, exempli gratiâ, fœminæ nobiles, liberaliter educatæ, quarum habito respectu immoderata censerentur scævitiæ, quæ, respectu mulierum de plebe, & ingenuâ institutione carentium, nihil essent nisi leviores atque in infima hujusmodi conditione vulgares molestiæ; quibus proinde, sine divortio, conveniens posset remedium afferri. Prudentissimi viri judicio eà in re opus esse intelligitur. Similiter permittunt Canones divortium conjugii, propter conjugis Hæresim vel Apostasiam; quam licentiam ad alia scelera extendi nihil est quod prohibear, iis saltem positis casibus, in quibus conjux conjugem ad eadem perpetranda sollicitet, si tamen hic alio modo resistere omnino non pos-

(f) S. Thom. suppl. q. 62. a. 1. ad 4.

sic, aut impedire quin sibi ex illius contubernio imminet seductionis periculum (g).

Ex causæ, & si quæ sunt iis similes, tanti esse momenti judicantur, ut conjuges non modò quoad thorum, verùm etiam quoad habitationem separari possint & nonnunquam debeant. Hujusmodi autem causas oportet certò constare & probari posse, atque insuper legitimam Judicis Sententiam intervenire, ut conjux conjugem domo eliminare vel discedere ab eo licitè valeat (h).

Sed locum habere nequit illa diffunctio propter infirmitatem supervientem, nisi emergat evidens contagionis periculum: multò minùs propter difficilem vel morosam indolem, sterilitatem, vel deformitatem (i).

AQVE, cùm nimis multi conjuges à se invicem levioribus de

causis discedant, Pastores luculento & gravi sermone Fidelibus exhibeant illud **CHRISTI JESU** effatum: *Quod Deus conjunxit, homo non separet* (k); etiam atque etiam inculcantes, Matrimonium semel consummatum jam non posse quoad vinculum, nec debere quoad ipsam habitationem nisi graves ob rationes dissolvi. Qui demùm, sive ex animorum adversâ naturâ, sive ex morositate à se invicem discesserint, eos Parochus in fortitudine simul & lenitate Pastoralis, spiritûs ad mutuam reconciliationem cohortetur; quam si detrectent, eos Absolutione & Sacramentis indignos judicet: divortia enim peccatis & scandalis plerumque sæcunda sunt; quin etiam ea peccato carere nunquam præsumuntur, nisi rata legitimè habeantur Ecclesiâ judice, cui paucissimis tantùm in casibus approbantur (l).

(g) *Lex Consensu, Cod. de repudiis. Urb. III, Decret. l. 4. tit. 19. c. 6. Inn. III, Extrâ, de restitut. spoliat. cap. Litteras, & cap. Ex transmissa. Cap. Idololatria, 28. q. 1. S. Chrys. Hom. 16. in 1. Cor. S. Aug. de serm. in monte, cap. 16. (al. 46.) S. Thom. in 4. dist. 35. q. unq. a. 1. ad 1.*

(h) *Conc. Agath. an. 506. can. 25.*

Alex. III, decret. l. 4. tit. 19. c. 3. 4. Urb. III, ibid. c. 6.

(i) *S. Aug. de bñno conjug. c. 7. De nupt. & concup. cap. 10. Conc. Trid. Sess. 24. can. 11.*

(k) *Matth. 19. 6.*

(l) *Conc. Rem. an. 1583. sit. de Matrim. n. 11.*



D I V I S I O I I .

DICETUR in hac Divisione, 1°. De finibus conjugii, & de officiis conjugum: 2°. Quàm maturo consilio, quo animo, quanto persona delectu ineunda sit conjugalıs vita ratio; & quâ preparatione suscipiendum Matrimonii Sacramentum.

C A P U T P R I M U M .

De finibus conjugii, & de officiis conjugum.

TRES conjugii fines. Conjugii finibus respondentia conjugum officia. Ratione prolis, requiritur in conjugibus 1°. fides utrimque inviolata: 2°. conjugalıs debiti redditio; circa quam plurima observantur. Ratione remedii concupiscentia oblata, cavendum cuique ne illo abutatur. Repugnantia castitati conjugalı peccata sedulo Confessariis dignoscenda, & prudenter compescenda. Officia mulieris pregnantis, parientis, puerpera. Officia parentum in liberos & in familiam publice exponenda. Ratione intima societatis mutuique subsidii, exurgunt officia conjugum in se invicem. Christiani conjugii sanitas.

Sic à Deo institutum fuit Matrimonium, ut ejus finis triplex esse intelligeretur: 1°. scilicet mutuum ex intima societate subsidium; deinde filiorum qui in Christo renascerentur, legitima procreatio; postremò oblatum concupiscentiæ remedium.

Et quidem, cum rerum om-

nium quas in nuptiis homines expetunt, caput illud sit, ut con-
victum, virque societatem jucundissimam allequantur (a), primus conjugii finis est, ut vir & uxor necessitudine omnium arctissima sociari, mutuo sibi adjumento sint in vite laboribus & æumnis, quæ pariter Christiano animo perferant, sibi que invicem leviora effi-

(a) S. Greg. Nyss. de virgin. c. 3.

ciant. Hinc Deus in Genesi, *Non est bonam*, inquit, *esse hominem solum*; faciamus ei adjutorium simile sibi (b). Ex hac nimirum societate atque animorum conjunctione dulcissimâ exurgit illud *coram Deo & hominibus* vehementer probatum, *vir & mulier* benè sibi consentientes (c), singulari quodam, puro & sancto, charitatis & patientiæ pleno amore inter se devincti: qui sensus duas in studio virtutis colligens voluntates, ea Christianis conjugalem, mutuam fiduciam, communem familiæ curam, morum denique integritatem ac suavitatem.

Alter Matrimonii finis est legitima generatio filiorum, qui per Baptismum in Dei & Ecclesiæ filios regenerentur; ac præter jus hæreditatis paternæ, fiant *hæredes Dei*, *coheredes autem Christi* (d); eorum deinde sancta & Christiana institutio, cujus ope, communis omnium Patris qui in cælis est, regnum consequantur. Quem finem eo in pretio habuit Apostolus, ut scriptum reliquerit *mulierem salvatam iri per filiorum generationem* (e); quos videlicet thoto immaculato susceptos, in cultu veræ fidei & Religionis, juxta exemplum à sanctis sæmjinis proditum, in spem æternæ beatitudinis educaverit (f).

• Hic finis est quem juveni Tobie Sarai uxorem assumendi commendavit Raphael Angelus: *Accipies*,

inquit, *virginem cum timore Domini*, amore filiorum magis quàm libidine ductus, ut in semine Abraham benedictionem in filiis consequaris (g). Hoc etiam pio fine, inquit sancti Doctores, Matrimonium capessabant Justī sub antiquo sædete, quod sperarent Messiam in sua familia nasciturum, sicque majores se expectati Liberatoris futuros. Nunc, eo fine sublato, quia impletæ sunt omnes de Redemptoris adventu Prophetiæ, ea Christianis conjugium ineuntibus intentio esse debet, ut novos Ecclesiæ filios, veros Christo discipulos, mundo exempla virtutum, cæloque Sanctos progenerent (h).

Accessit alius finis, postquam homo justitiâ originali spoliatus, appetitum rectæ rationi repugnantem sentire cœpit. Ut igitur sub homine sit appetitus ille indomitus, & illius faciliè dominetur (i); iis qui se non continent, nubere potius quàm uri suadet Religio (k). Hinc tertius Matrimonii finis est, ut conjuges in ipso inveniant concupiscentiæ remedium, suppeditans naturali propensioni per noxam originalem depravatæ, circa quod honestè ac legitime versetur: undè sequatur honesta simul & legitima generis humani propagatio; licque fontem humanitatis, quem libido infræna corruperat, purum & immaculatum faciat castitas conjugalis.

(b) Gen. 2. 18.

(c) Eccli. 35. 1. 2.

(d) Rom. 8. 17.

(e) 1 Tim. 2. 15.

(f) S. Aug. cont. Julian. l. 5. cap. 5. Idem, de bono conjug. c. 24.

(g) Tob. 6. 22.

(h) S. Aug. de nupt. & concup. l. 1. cap. 8.

(i) Gen. 4. 7.

(k) 1 Cor. 7. 9.

His conjugii finibus respondent officia conjugum; de quibus publicè & privatim differere Pastorum est: publicè quidem, eà præsertim Dominicâ quæ post Octavam Epiphaniæ occurrit; privatim verò in Pœnitentiæ Tribunali, quando se ad contrahendum accingunt duo futuri conjuges.

Quantùm Religio faciat ad mores publicos, adedque ad rectum & sanctum societatis ordinem; quantâ fide homo, Religionis impulsu agens, officia exequatur sibi imposita, pro varietate necessitudinum quæ naturæ & societatis legibus conjugantur, nemo est cui non sit rei ipsius loquentis evidentissimo testimonio compertum. Atque hoc manifestius patet in officiis per Matrimonium impositis, sive marito in uxorem, sive uxori in maritum, sive utrique in liberos & domesticos.

Enimverò «habet, sicut castitas, » ita etiam Matrimonium propria «munera & ministeria quæ ad Dominum pertinent, filiorum curam » gerere & uxoris (1). » Cumque inter præcipua Matrimonii bona sit *proles* (m), hinc sequitur necessitas tum inviolatæ utrimque fidei, tum debiti conjugalis vicissim reddendi.

Et quidem per Matrimonium ita vir & uxor se sibi mutuo sordere

obstringunt, ut alter alteri *sui corporis potestatem* tradat, alio quolibet excluso (n), sanctumque illud sordus se nunquam violaturum esse polliceatur. Hinc in adulteros penam capitis constituerat Lex vetus (o); & pronuntiat novæ Legis animadversio iustissima ipsos à connubii auctore, sanctificatore & vindice Deo judicandos esse, quin etiam ab ipsius regno excludendos (p). Lethale verò peccatum ex utraque parte committitur; «eadem enim » à viro quæ ab uxore debetur casti-
monia (g). » Posito adulterio, par utrobique violatio fidei, par injustitia, par dedecus & flagitium, par à Deo metuenda est temerati conjugii vindicta.

Ad suscipiendam prolem necessaria est mutua debiti conjugalis redditio; «nec possunt habere pu- » dicitiam libertatem, qui servant » dominatui nuptiarum: atque ita » sibi conjugati mutuam illam de-
bent servitutem, ut, etsi alteri eorum perpetua continentia placeat, nisi ex alterius consensu » non possit (r), » dicente Apostolo: *Vir uxori debitum reddat, similiter & uxor viro* (s). Et quia subiungitur, *Nolite fraudare invicem* (t), hinc meritò colligitur debitum illud conjugii expressè vel tacitè postulanti non sine lethali peccato denegari posse, nisi tamen il-

(1) S. Clem. Alex. Strom. l. 3.

(m) S. Aug. cont. Julian. sup.

(n) 1 Cor. 7. 4.

(o) Levit. 20. 10. Deut. 22. 22. Num. 5. 12. &c.

(p) Hebr. 13. 4. 1 Cor. 6. 9. 10.

(g) S. Ambr. de Abrah. l. 1. cap. 4. (al. 25.)

(r) S. Hier. Ep. 91. (al. 11.) S. Aug. de bono conjug. c. 6. (al. 5.) tom. 6. pag. 323. Vide 1 Cor. 7. 4.

(s) Ibid. v. 3. (t) Ibid. v. 5.

lius denegandi legitima causa interveniret. Prohibet Lex antiqua sub minimis gravissimis; uxorem tangi à viro dum infirmitatibus laborat formineo sexui usitatis (u). Id quoque vehementer improbant Ecclesie Catholice Patres (x). Mulier igitur suam hunc statum viro aperire debet, eique simul, quid velit honestas, amice exponere. Quodd si nihilominus hic urgeat debitum poscens, illud reddere ipsa tenetur, propter incontinentie periculum in viro, & quia Matrimonii usus non tunc ejus fini præcisè repugnat. » Postquam » verò uxorem venter intumuerit, » magis orationi quam concubio » serviendum; quodque in anima- » libus & bestiis ipso jure nature » præscriptum est, ut prægnantes ad » partum usque non coeant, hoc in » hominibus sciant arbitrio derelictum, ut merces esset ex abstinencia » voluptatum (y). » Quinimò non citra lethale peccatum vir debitum posceret, neque uxor redderet, si periculum esset fœtum jam utero conceptum suffocandi (z), aut lactenti infantulo nocendi, si sequeretur graviditas. Sunt aliæ causæ à reddendo debito excusantes: v. g. morbus gravis, periculum contagionis, adulterium, infania, ebrietas. Cùm scilicet aded temulentus est conjux, ut in ipso penitus defecerit

usus rationis, non tenetur uxor debitum reddere poscenti, quia tunc humano modo non poscit. Quod si tamen ex repulsâ evidens existeret marito incontinentie periculum, deberet uxor illi obsequi, auditiâ lege charitatis, quâ nulla sanctior est (a). Idem ferè de infano dicendum.

Ubi autem » matuta ævi senectus regendis liberis habilior videtur, quàm creandis (b); » mutud abstinere satius est atque honestius: non tamen id omnino præcipitur, ne ex eo quod sit perfectus, emergat incontinentie periculum. Si enim in senibus locum non habet præcipuus conjugis finis, qui est filiorum procreatio, suffragari eis potest alius ex indulgentia concessus, qui est oblatum concupiscentie remedium.

In quo tamen videant cujusvis ætatis conjuges ne sibi plus æquo blandiantur, neve remedium concupiscentie fiat illius incentivum. Neque enim sine delicto propter solam voluptatem exercetur » ille complexus, qui propter solos gignendos filios adhibendus est (c). » In hujusmodi opere, licito quidem, sed periculoso, teneatur modus rationis, pudoris & honestatis, quasi Deo præsentem, cui *nox sicut dies illuminatur* (d), quique humana corpora, sua nimirum templa, summa vult

(u) *Levit.* 19. 19. & 1. 19. & 20. 18. *Ezech.* 18. 6. & 22. 10.

(x) *S. Clem. Al. Pædag.* l. 2. c. 10. *S. Aug. quæst.* 64. in *Levit.* *S. Greg.* l. 12. Ep. 31. (*al.* l. 11. Ep. 64.) *Recip.* 10. *dist.* 5. c. 4. *Const. Ap.* l. 6. c. 27.

(y) *S. Hier.* l. 3. in Ep. ad Eph. c. 5. v. 24.

(z) *S. Aug. de nupt. & concup.* l. 2. c. 14. (*al.* 16.) Vide c. 4. 8. 9. (*al.* 5. 9. 10.)

(a) *Sylvius, suppl. quæst.* 69. art. 1.

(b) *S. Ambr.* l. 1. in *Luc.* 1. v. 24. c.

43. (c) *S. Aug. de consens. Evang.* l. 2. c. 1. (*al.* 2.) (d) *Pf.* 138.

reverentiâ tractari. Et verò, quem-
admodum Sara illius castissimæ vi-
ros septem olim occidit *Asmodeus*,
ita nunc quoque innumeros conju-
ges perimit hoc immodicæ libidinis
dæmonium (e). Quin etiam, do-
ceptibus Physiologis (1), constat
nintio vel inordinato Matrimonii
usu factum impediri, ne concipia-
tur; vel conceptum abigi, ne ma-
turo partu edatur; vel sætus enasci
viciatos, malè configuratos, defor-
mes, quandoque monstrosos, fi-
lios denique (si supersint) valetu-
dinarios, ad quælibet societatis mu-
nera ineptos, & parentum iniquita-
tem infelici quadam existendi ra-
tione portant (f). Itaque suos
habet fines libertas conjugalit; &
castitas virum inter & uxorem
faciliùs læditur quàm vulgò existi-
matur. Quinimò Patribus visum
est minùs difficilè inventum iri
qui continentiam perfectam serva-
rent, quàm qui se intrâ conjugalit
castitatis limites coercerent. Quid-
quid verò in usu Matrimonii, sive
voto malo, sive opere malo (g),
ad impediendum naturalem ejus fi-
nem committitur, scelus est, cujus
in vindictam à Domino percussus
fuit Onan, eò quòd rem detestabi-
lem faceret (h). » Hæc libido cru-
» delis, volens prolem priùs in-
» terire quàm vivere, tum verò
» immutatus naturalis usus in eum
» qui est contra naturam, (infan-
» da abominaciones sunt), quæ exe-

» crabiliter sunt in meretrice, sed
» execrabilis in uxore (i). » Cas-
titatem igitur suæ conditionis pro-
prian servent Christiani conjuges;
neque existiment, quia conjuges
sunt, omnia sibi in seipsos licere;
sed extenatam compefcant Ethnicæ
intemperantiæ licentiam, & cor-
pora sua quasi membra Christi mu-
tuò venerentur (k).

(1) Les Natu-
ralistes.

Quamvis autem superiùs delibata
abominationum portenta vel nosse
refugiat, earumque imagines longè
repellat Sacerdotalis pudor, eas ta-
men in cordium abyssis cautè &
modestè scrutari debent Confessa-
rii, ut vulneribus diù forsitan ceta-
tis medeantur. In hoc præsertim
genere immunditiæ lepram à lepra
secernere eos oportet; scire quid
inter conjuges licitum sit, quid il-
licitum; lethalia distinguere à ve-
nialibus; sicque prudenter se gerere,
ne levia quædam amputare volen-
tes, gravioribus occasionem præ-
beant. Quamquàm hæc interdum se-
verius redargui necesse est; quia ex
iis quæ per se damabilia non vi-
dentur, quædam tamen pudicitie
ac pietati magis repugnant, eaque
medelâ fortiori cutanda sunt. Id
etiam reminiscetur Sacerdos, ali-
qua inter conjuges occurrere, de
quibus leniter & commiserante af-
fectu Pœnitentes admonendi sunt.
Itaque illos hortabitur ut tempe-
rantius agant, iisque resistant ille-
cebris quæ divini amoris fervo-

(e) Tob. 3. 8.

(f) Thren. 3. 7.

» (g) S. Aug. de nupt. & concup. l. 1.

e. 15. (al. 17.)

(h) Gen. 38. 10.

(i) S. Aug. de nupt. & concup. sup.

Idem, de bono conj. c. 12. (al. 12.)

Rom. 1. 26.

(k) 1 Cor. 6. 15.

rem valdè immiuunt, ac denique penitus extinguunt, nisi quòdianâ pœnitentiâ culpæ deleantur. Minimè verò permittat Confessarius, nedùm suadeat aut jubeat, ut conjux conjugi debitum derogeret, etiam non citra culpam venialem postulanti.

In detegendis porrò delictis quæ in usu Matrimonii committuntur, atque in Pœnitentibus circa illum erudiendis, eas prudentiæ leges quas suo loco tradidimus, sequantur Confessarii diligenter (1). Nec verò sine multa circumspectiōe dissetat Pastor in facto Suggestu de officiis conjugum & de peccatis inter ipsos frequentioribus. De usu Matrimonii quidquam publicè attingere, Christiani populi Doctorem vix patitur singularis castitas eloquiorum Domini (2), tum gravitas & pudor Sacerdotalis. Multa sunt quæ non deceat ex Cathedra veritatis prodoci, sed apud arcanum Pœnitentiæ Tribunal, datâ occasione, insusurrari. Cùm autem multæ conjuges, vel per inscitiam, vel per indebitum obsequium, graviter in corpus suum peccati sinant, & in ipsis quandoque inordinatum sancti Matrimonii usum inveniant Pœnitentiæ Ministri; optimum fortè esset ut puella nuptura, sive à matre, sive ab alia verècunda muliere in autecessum edoceretur quid admittat, quid excludat castitas conjugalis. Sic nempe multis sceleribus & sacrilegiis posset efficaciter obviari.

Jam verò, Apostoli consiliū suggerente Pastore vel Confessario, vir & uxor nonnunquam à se invicem abstineant *ad tempus*, ut *vacent orationi* (3). Prisci Fideles, diebus cultui divino vel Pœnitentiæ consecratis, contingenter vivebant. Quam disciplinam si nunc sequi velint conjuges Christiani, castitate servent omnimodam Quadragesimæ tempore, in majorum Solemnitatum Vigiliis; sed nunquam nisi ex mutuo consensu. De castitate verò conjugum propter sacram Dominici Corporis Communionem, superiùs dictum est, ubi *de dispositionibus ad percipiendam Eucharistiam requisitis* (4).

PORRò, quoniam mulieris est prolem conceptam novem mensibus in utero portare, editam lactare, hominemque adhuc informem primâ educatione evolvere; plurimis moribus opus habet, ut verendis hujusmodi, tum naturæ, tum Religionis officiis dignè sanctèque fungatur. Præguans igitur scæmina, pretioso quod gerit oneri maximâ curâ invigilet; ne culpâ suâ fetus sit abortivus aut debilis. Ipse maritus dulcem in hac parte uxori sollicitudinem exhibeat; nec patiatur naturæ opus eximium labore nimio sive imprudenti fatigatione inturbatur. Christiana mulier graviditatis incommoda, partus dolores & consecratoria, ut peccati pœnam, animo serat pœnitenti. Natum infantulum, si possit, suis lactet uberibus: nec

(1) Vide suprâ, de Sacram. Pœnit. Div. V, cap. 1.

(2) Ps. 11. (3) 1 Cor. 7. 5.

(4) De Sacram. Euch. Div. III, cap. 2. pudeat

pudeat nutricem effici, quæ mater sit facta (p). Id quidem sanctarum mulierum, quas divina Scriptura commemorat, suadent exempla illustria: id vehementer commendant sancti Patres (q): id ex naturæ & Religionis voto faciendum, nec tam difficile factu esse demonstratum est Libris nupet editis (r): quos utique si, "pro libellis in fidei morumque perniciem venustulis, paulisper legant feminæ vel delicatissimas, valetudinis excusatione non jam utentur; maternisque visceribus teneritatem suam recuperantibus, è medio tolletur prava illa, quæ, jamdudum corruptis moribus, "consuetudo surrexit, ut "mulieres filios quos gignant nutrire contemnant, eosque aliis "mulieribus ad nutriendum tradant: quod videlicet ex sola "causa incontinentiæ videtur inventum (s). "Olim Patriarchæ Matrimonii usu abstinebant, non modò gravidis sive aliter infirmis conjugibus, verùm quanto tempore filios nutritio sinu fovebant, id est, biennii vel triennii spatio. Eorum verò uxores lactandi officium non facile prætermittebant: nutrices lo-

co matrum in Scriptura commemoratæ tres omnino inveniuntur (t). Nunc dives quæque femina, ne quid detrimenti capiat vana pulchritudo, maternitatem abdicat, statim atque, deposito pignote, mater facta est, sibi quæ mercenatiam substituit, quæ nutricis & gerula fungatur officio (u): quod & matri & soboli non raro pessimè succedit. Mater quæ fuit, eadem si nutrix foret, ipsa quidem morbos acutissimos vitaret, nec proli, ut sæpe contingit, noceret scelestæ mercenariæ intemperantia. Si qua tamen puerpera iustis causis excusetur ne matrem se ultra partum exhibeat, & susceptum lactet infantem; non aliam eligat nutricem, quàm quæ sit Catholica, benè morata, indolis placida, æquabilis ac temperata, corporis etiam benè constituti.

Scilicet permagni interest ut ab ipsis incunabulis optima præparetur civium Christianorumque indoles. Deindè, sub motum custodiâ, præside vigilanti & sapienti educatione, postquàm ab infantili ac puerili ætate subnota fuerint pericula, longè ab adolescentia removendæ sunt voluptates exitiales; undè po-

(p) S. Chrys. Hom. 1. in Pl. 50.

(q) Idem ibid. S. Ambr. de Abrah. l. 1. c. 7. n. 63. S. Greg. l. 12. Ep. 31.

(r) Avis aux femmes enceintes & en couche, ou Traité des moyens de prévenir & de guérir les maladies qui les affligent dans ces deux états: Ouvrage traduit de l'Anglois, vol. in-12. Paris, Vincent, Rue des Mathurins.

Le Traducteur de ce bon Ouvrage, dans la vue de remplir avec plus de fruit l'objet d'utilité qu'il s'est proposé en le publiant, y a joint un Traité sur l'allaitement

maternel; & il le publie en formant des vœux ardents avec tous ceux qui s'intéressent vivement au bien de l'humanité, pour que les Mères, plus pénétrées de leurs obligations, allaitent leurs Enfants.

Nouvel avis aux Mères qui veulent nourrir leurs Enfants: Paris, Lotin le jeune, Rue S. Jacques, 1784.

(s) S. Greg. resp. 10. dist. 5. c. 4.

(t) Gen. 34. 59. 2 Reg. 4. 4. 4 Reg. 11. 2.

(u) Ruth, 4. 16.

stet cor mundum in corpore sano ad conjugium deserant, sicque è moribus existant Matrimonia fidelia, felicia & secunda. Et quidem beneficio morum augescunt vires in corpore, & vigor in mente: moribus acceptum refertur quidquid in societate honestum ac dulce est: quid plura? ex moribus facile exoritur amor patriæ genitosus, & Religionis virtutes heroicæ.

Itaque fideles parentes *filios suos erudiant & curvent à pueritia, educantes illos in correptione Domini* (x). Disciplina severitatem patrio maternoque affectu temperent; dulcemque in omnes pariter curam & charitatem partiantur. Neque duntaxat morum documenta ingeminant, sed multò magis exemplorum auctoritate præluceant. Sic demùm Christiana juventus, repudiata hodiernæ institutionis corruptelâ, ad Patriæ utilitatem simul & Ecclesiæ in CHRISTO JESU ædificationem dirigitur. Sic in omnes familias inducitur benedictio & consolatio: sic in illis, instar pretiosæ cujusdam hæreditatis, propagabitur Dei cognitio, amor & cultus, Religio denique, & pietas quam ipsa præcipit, *ex qua nimirum pendet non solum domestica felicitas, verum etiam ipsa Reipublica constitutio* (y).

Alia multa, ubi de quarto Decalogi præcepto disseritur, de filiorum susceptione & Christianâ institutione exponi solent: quibus, juxta Catechismi Tridentini doctrinam, animum diligenter imbuant

Pastores; ut in Concionibus & Catechismis qui frequente populo aguntur, quàm latè pateant suæ conditionis officia, tem propè in universum ignoratam vel neglectam, ab ipsis edoceantur conjuges. Neque ultimo in loco reponant *curam domesticorum à conjugibus habendam* (z); iisque rectas gubernandæ & instituendæ familiæ regulas solidè & luculenter explicent (a).

POSTREMO ex eo fine conjugii, qui est mutue charitatis & curæ subsidium, eruuntur conjugum in se invicem officia. *Vir caput est mulieris* (b): undè *mulieres viris suis subjectæ sint in omnibus* (c), nec rationi, nec Legi repugnantibus. Quæ potestatis & subjectionis virum inter & uxorem diviniùs ordinata dispositio sic temperetur, ut nulla sit neque ex parte viri dominatio, neque ex parte uxoris servitus; alioqui, nulla in Matrimonio esset æqualitas, nulla fiducia, nulla societas. Sic nempe Orientis populi, quos Pseudopropheta ferro subactus molitiei mancipavit, captivarum mulierum greges infelicitissimos, quasi servum pecus, abscondunt. Itaque uxor, non, ut ancilla, imperiosè; sed, ut *socia* (d), honorificè tractanda est. *Mulier quidem, si primum tum habeat, contraria est viro suo* (e): idèdque hinc diligentissimè retinenda est *Capitis auctoritas*, sic tamen ut illa sola maneat prudens fiducia, justaque observantia.

(x) *Ecclesi. 7. 25. Eph. 6. 4.*

(y) *Inter Epist. S. Cyrill. 17.*

(z) *1. Tim. 5. 8.*

(a) *Acta Eccles. Mediol. part. 4.*

(b) *Eph. 5. 25. (c) Ibid. v. 24.*

(d) *Gen. 3. 12. (e) Ecclesi. 25. 30.*

Præterea secundum Deum sese diligant conjugēs; nec sibi unquam in peccatis & cupiditatibus blandiantur, ultra modum jobsqueſci; sic enim præcipit Apostolus: *Viri, diligite uxores vestras, sicut & Christus dilexit Ecclesiam* (f). Quam admodum igitur offensionem incurrit vir » in uxorem superbus vel arrogans, sive asper, sive ferus moribus, (ita vituperandus) amator » ardenter; nihil tædus quam uxorem amare quasi adulteram (g). Justo ac temperato amore conjuncti vir & uxor, quomodo sibi vicissim placeant, solliciti sunt, *supportantes invicem æquali tenore patientiæ, quæ radix omnium custosque virtutum* (h), ac præsertim in conjugio pacis firmamentum est. Moneat Pastor conjugem Christianam, ut olim Saram parentes, *honorare foceros, diligere maritum, regere familiam, gubernare domum, & seipsam irreprehensibilem exhibere* (i), sub mariti arbitrio esse, eique in omnibus licitis obtemperare, vel difficili & moroso, quin etiam (quod absit) ebrioso, iracundo, nec facile tractabili. Incredibile dictu est quid possit in virum, quantumlibet detrum & abnormem, *mulier sensata & cæcra* (k), mansuetudine, verecundiâ, ordinatâ pietate, domusque & liberorum curâ commendabilis (l). Sic Beata Monica violentam iræque impotentem Patricium conjugem Deo lucrificare meruit. Sic Beata Clotildis immiri

Sicambro, Clodovæo conjugî, persuasit ut collum indomitum Christiano jugo submitteret.

Cum denique nihil sit hujus vitæ felicitas, nisi ad obtinendam melioris ævi beatitudinem conducat, in provocationem charitatis & bonorum operum junctos se existiment conjugēs (m). Hoc nimirum in sensu apud antiquos fideles pervulgata erat connubii Christiani faustitas. Quale jugum Fidelium duorum unius spei, unius voti, unius disciplinæ, ejusdem servitutis? Ambo fratres, ambo conservi; nulla spiritûs carnisve discretio; verè duo in carne una. Simul orant, simul voluntantur (1), & simul junia transigunt; alterutro docentes, alterutro hortantes, alterutro sustinentes: in Ecclesia Dei pariter utrique, pariter in convivio Dei, pariter in angustiis, in persecutionibus, in refrigeriis. Neuter alterum celat; neuter alterum vitat, neuter alteri gravis est. Liberè æger visitatur, indigens sustentatur: elemosynæ sine tormento, sacrificia sine scrupulo, quotidiana diligentia sine impedimento. Sonant inter duos Psalmi & hymni, & mutuo provocant quis melius Deo suo cantet. Talia Christum videns & audiens gaudet: his pacem suam mittit. Non licet aliter Fidelibus nubere; non expedit (n). »

(1) Id est, prosternuntur.

(f) Eph. 5. 25.
(g) Const. Ap. l. 1. cap. 2. S. Basil.
Hom. 7. S. Hier. cont. Jovin. l. 1. c. 10.
(h) Eph. 4. 2. S. Greg. Hom. 35. in

Ev. 4. 4. (i) Tob. 10. 12. 13.
(k) Ecclesi. 26. 18. (l) Tit. 2. 5.
(m) Hebr. 10. 24.
(n) Tert. ad. ux. l. 1. c. 1.

CAPUT II.

QUAM maturo consilio, quo animo, quanto personæ delectu incunda sit conjugalis vitæ ratio; & quâ præparatione suscipiendum Matrimonii Sacramentum.

QUANTUM sit conjugii bonè vel malè suscepti momentum. Quatuor modi præcipui, quibus perperam iniri potest conjugium. Matrimonia conciliet virtus, morum similitudo, &c. Ut conjugii feliciter succedat, quanam sint prius observanda. Quo animo, quo delectu suscipiendum sit Matrimonium, quanam dispositiones ad illud requirantur, diligenter edoceant Parochi. Prima omnium præparatio est ut Deus consulatur, & sua cuique vocatio dignoscatur. Ut obtineatur Matrimonii gratia sacramentalis, quid observandum sit ante & post solemnitatem Sponsalium. Adeundum Pœnitentiæ Tribunal. Nuptiis prævia Communio suadenda, non verbò exigenda. Perversæ ad conjugium præparationes: Perfunctoriè confitentes; peccati consuetudine irretiti, sive aliàs Absolutione indigni: qui eo duntaxat animo accedunt, ut Confessionis Litteras testimoniales obtineant: qui scandalum intulerunt: infœci Religionis.

TANTUS est in rectum societatis ordinem influxus conjugii, ut ex eo maximè sequitur hominum in cunctis vitæ conditionibus, vel probitas, vel corruptela; unde Matrimonio junctos præcipuam morum publicorum esse causam jure ac merito affirmari potest. Hi nempe, filiis genitis & multifariam dispersis, Ecclesiam, Monasteria, Aulam, forum, castra, officinas, urbes, pagos, Regna denique & Imperia bonè vel malè morata efficiunt, prout bonâ vel malâ institutione filios suos præformârunt; ita ut re-

rum humanarum status & ratio in illorum providentiâ tota quodammodò esse videantur. Et quidem tanta illa tamque lucuosa perturbatio quæ sæpius in Matrimoniis conspicitur, haud dubiè ex hoc fonte sumit originem. Vulgò perperam conjugium ingreditur, qui perperam institutus est: malè autem plerumque instituitur, cui parentes sunt conjugium malè ingressi. Hinc vitia perpetuo circulo in infinitum producuntur. Hinc non est veritas, & non est misericordia, & non est scientia Dei in terra: ma-

leditum, & mendacium, & homicidium, & furtum, & adulterium inundaverunt (a).

PLURIMI autem sunt modi quibus malè iniri potest conjugium; inter quos isti præcipuum locum obtinent: 1°. Quòd multi hoc vitæ genus leviter ac temerè fuscipiunt. 2°. Quòd in delectu personæ cui se adiungunt, pessimè se gerunt. 3°. Quòd Matrimonium pervertit corruptæque intentione eligunt. 4°. Quòd pravum qualemcumque ingrellum comitantur circumstantiæ, quæ Dei Spiritum & benedictionem longè submovent: undè sequitur Sacramenti profanatio, ac terribilis quædam perturbatio, nam, scelerum atque corruptelarum series.

Tantis malis occurrì feliciter poterit, si, cohortantibus Pastoribus, Matrimonia non conciliet fortuna, vel præceps libido, sed Religio, sed virtus; si sacra vincula innectat, non tantùm par genus paresque tituli, sed multò accuratius morum similitudo, quæ sola veram illam conjugat amicitiam, sine qua in amantudinem vertitur Matrimoniale contubernium; si sanctam illam societatem non copulet temeraria cupiditas, sed matura deliberatio, pluris faciens indolis bonitatem quàm censûs magnitudinem, minùs querens terrestrium commodorum quàm mentium honestarum convenientiam. Sic Matrimonium inibant

venerandi illi primævæ antiquitatis Christiani. Si quis aliter conjugium fuscipit; cui Deus non benedicat, huic frustà benedicunt homines: quod enim cupiditate jungitur, cupiditate citò perturbatur. Erumpit malè recta animorum discrepantia: nec tot repudiorum offensio publica humanam in conjugii inueundis perversitatem aut imprudentiam corrigat; nec minùs familiarum nomen quotidie interit ac *scintilla extinguitur* eo ipso Sacramento (b), quo ipse fulciri & in mille generationes propagari debuissent.

» Oportet igitur felix Matrimonium neque unquam divitiis, neque pulchritudine censerì, sed virtute (c): queratur animæ pulchritudo & nobilitas: queratur à muliere lenitas, benevolentia, modestia (d); *gratia enim veracundia illius super aurum* (e): queratur à viro studium Religionis, morum innocentia, tenor indolis cum recta ratione dulcem æquabilitatem conjunctam habentis. Observeatur ætatis convenientia; ita ut nec vetulus juvenulam, nec juvenculus vetulam accipiat: prodigii enim cujusdam instar est, si malè coeuntibus ejusmodi Matrimoniis prosperè succedat. Multi scilicet non vetulæ se adiungunt, sed ejus fortunæ: multi beneficam ætatis proventu uxorem non, ut debent, diligunt & venerantur; sed, per summam improbitatem, contemnunt ac derelinquunt. Denique pares pa-

(a) *Osæ*, 4. 1. 2.

(b) 2 *Reg.* 14. 7.

(c) *S. Clem. Ad. Strom.* l. 4.

(d) *S. Chrys. Hom.* 10. in *Ep. ad Eph.*

(e) *Ecc.* 7. 21.

ribus jungantur (f). Si enim fortunâ aut conditione plus iusto inæquales sint conjuges, multum detrimenti capiet conjugii pax & felicitas. Vir mulierem sibi socians locupletiores, vel genere clariorem, morosum sæpius exæritur animum, superbo fastidia, effusam impensam, rei familiaris everisionem.

Itaque plurimum refert ut à Pastoribus frequenter, ac præsertim Dominicâ post Octavam Epiphaniæ, exponatur, quo animo & quo delectu conjugale institutum suscipere debeant Fideles. Iis tum publicè, tum privatim docentibus, nemo sensuum voluptatem aut inanem pompam in Matrimonio sectetur. Qui conjugium ineunt, hoc unum in votis habeant, ut, quos genuerint filios, in spem hereditatis immortalis Christiano more instituunt; unde propriam ipsimet sanctificationem ac cœlestem beatitudinem obtineant. Qui voluptatum amatores magis quàm Dei (g), vel cor suum in avaritiam inclinantes (h), nihil in conjugio præter sensuum blandimenta, seu fortunæ temporalis commoda sectantur, ii Sacramentum in Ecclesia magnum eâ quâ par est reverentiâ non suscipiunt (i), & Spiritui gratia contumeliam inferunt (k), rem sanctam explendis cupiditatibus terrenis famulam facientes. Atque hinc metuendi locus est, ne, propterea quòd vitæ genus totam diuturn suorum longitudi-

nem complectens, innumeris etiam periculis circumfusum tam pervertisâ voluntate susceperint, gratiæ subsidii ad salutem animæ in illo consequendam necessariis meritis careant.

Necesse erit insuper ut Fidelibus edisserant Pastores quâ præparatione ad Matrimonium accedi oporteat, ne hoc Sacramentum in statu peccati suscipiatur. Quod quidem argumentum eò diligentius præstabit, quòd ratio est hujus Sacramenti gratia, usus plerumque corruptior, abulio contagione laetior, scandalisque atrocior.

PRIMA omnium præparatio est, ut Deus ab iis consulatur, qui de suscipiendo Matrimonio deliberant. Itaque, adhibito in consilium pio ac petito Confessario, diligenter coram Deo perpendant, num se illius instituti officii adimplendis, molestiis & laboribus tolerandis pares agnoscant. Considerent melius quidem esse nubere quàm uri (l); sed multò melius concupiscentiæ incendia, implorato Dei auxilio, extinguere, quàm remedio bono malè uti, vitæ genus periculosum & gravissimis tentationibus obnoxium inconsultis viribus eligendo; si quis præsertim sit junior, quàm ut oneris quod suscipere meditatur, gravitatem sentiat. Parochi nihilominus; cæterique animarum curam

(f) S. Ambr. de Abrah. l. 1. cap. 9. S. Chrys. Hom. 74. (al. 73.) in Matth. Idem, de Virg. c. 53. 54. 55. Conc. Forojul. an. 791. cap. 9. Cod. de incestis nupt. Nov. 1. c. c. 6.

(g) 2 Tim. 3. 4.

(h) Pf. 118.

(i) Eph. 5. 32.

(k) Hebr. 10. 29.

(l) 1 Cor. 7. 9.

in arcano Tribunali gerentes, ne facile inducantur ut vitam cœlibem etiam sine Voto, cuiquam suadeant, nisi castitatis dono præditum eum esse longo experimento compererint. Paucissimorum utique est hæc tanta perfectio: plurimi ad conjugium vocari censentur, cum videntur non aliter posse carnis tentationes viuere: atque idcirco, expositis conjugum officiis, impellendi sunt ad ea cum spe divini auxilii fortiter amplectenda.

Sedulo verò perpendendum est, conjugium non ad paucos dies vel annos, sed totam ad vitam suscipi; frequentius autem nihil esse, quàm infelicia Matrimonia, quæ nempe ex infanis amoribus, ex ambitione, ex divitiarum aviditate conciliata fuerint: connubii voluptates, quas sibi nimias fingere solet imaginandi vis delusa, somniorum instar evanescere; ipsius autem onera & fastidia usque ad mortem permanere. Videant tamen Parochi & Confessarii diligenter, ne quem nisi gravissimis de causis & secundum absolutissimæ prudentiæ leges à contrahendis nuptiis avertant. Consilium petentis cujusque menti lucem præferant, non malè præjudicatam opinionem injiciant: neque conjugii onera verbis exaggerent, sed potius eorum tolerationis sanctificandæ modum Fideles edoceant; hos denique, prout in cives simul & Christianos agi deceat, recussissimis circa Matrimonium sensibus quàm studiosissimè imbuant.

Et ne quid in tanti momenti negotio desit religiosæ curæ & cautioni, Dominum à quo datur uxor prudens, in qua confidat cor viri sui (m), precibus, eleemosynis omnique opere bono sibi propitium facere studeat vir connubio jungendus. Virum cum timore Domini suscipere consentiens mulier (n), eum à Deo postulet maritum, cui, propter indolis bonitatem, subiecta esse, & cujus annos in pace implere gaudeat (o).

JAM verò, quia Matrimonium religiosè pièque susceptum annexam habet gratiam sacramentalem, cujus ope sanctitatem suæ conditionis propriam assequantur conjuges, omni ope atque operâ eniti debent qui despondendi sunt, ut ejusmodi gratiam, tum hujus vitæ felicitati, cum æternæ beatitudini adipiscendæ necessariam obtineant.

Ex quo igitur mutcam ineundi Matrimonii fidem obligaverint, ante ipsammet Sponsalium solemnitatem, preces ac bona opera studiosius ingeminant. Et quod certis Sacramenti gratiam vitæ innocentia promereantur, atque ad omnem tentationis vel malignæ suspicionis occasionem longissimè renouendam, summo opere decebit ut, juxta saluberrimum Tridentini Concilii admonitum, post nupciale civilium pactionem, post ipsa Sponsalia in facie Ecclesiæ celebratæ, omniundque ante Benedictionem Sacerdotalem in Templo suscipiendam,

(m) Prov. 19. 14. & 31. 11. Vide Eccli. 25. 32. & 26. 1. 3.

(n) Tob. 3. 12.

(o) 1 Petr. 3. 1. Eccli. 26. 2.

» in eadem domo non cohabitarent » (p). » Si quando in mutuum colloquium veniant, emineat in vultu verecundia, sermo sit pudore conditus. Et quidem satius erit ut, nisi coram parentibus vel propinquis, aut aliis gravibus personis, non colloquantur.

Paucis antè diebus vel pridie quàm Matrimonii Benedictionem suscipiant, Pœnitentiæ Sacramento conscientiam diligenter emaculent (q). Matrimonium quippè gratiam sanctificantem requirit, ut sine sacrilegio & cum fructu suscipiatur. Hanc porro adhibitam fuisse præparationem ut certò constet Parochis, neminem qui non sibi erit Pœnitens, Matrimonio jungant, quin priùs testimonium sibi exhibuerit fidem faciens ipsum ad sacramentalem Confessionem accessisse. Et cum Pastores cæterique Confessarii non mediocriter anxii hæreant, ubi ad suum Tribunal, instante Nuptiarum celebratione, accedunt quidam Pœnitentes; Parochis, datà opportunitate, monentibus, intelligant Fideles, quàm imprudenter eò usque differant confiteri, si peccati consuetudine vel occasione proximà teneantur; quàm quidem incurià vulgò efficiunt ut dimittantur inabsoluti, vel, post Confessionem propteratam verique doloris expectem, malè absoluti.

Si autem, ipso celebrationis die, Matrimonio conjungendos remor-

deat lethalis alicujus peccari, certi vel dubii conscientia, grave onus deponere festinent, ut necessariò postular Sacramenti reverentia, & propriæ salutis cura.

Ne qua verò ex Nobis hac in parte facilitas desideretur, potestatem facimus omni Sacerdoti legitime approbato, ut quicumque ad suum Tribunal propter Nuptias accesserit, eum (si modò aliàs ritè dispositus videatur) ab omni peccato & Censura Nobis quoquomodò reservatà, semel eà occasione, imposità pœnitentià salutari, absolvat. Non tamen hoc ipso concessum intendimus, ut cum ullo Pœnitente dispensare valeat in quibuscumque Matrimonii Impedimentis, in Votis aut Juramentis.

Esset quidem vehementer optandum ut futuri conjuges ritè absoluti, sacre Eucharistiæ participes ante Matrimonii susceptionem fierent (r). Sed ea Communio, ut plurimum, suadenda potius est quàm exigenda. Olim Fideles medià ipsà Matrimonii celebritate communicabant; quo nimirum die Christo *concorporei & consanguines* facti, non continerent vivere nefas duxissent (s). Nunc, quia plerumque Matrimonium eodem die celebratur & consummatur, ac præterea illo die anîmus curâ multiplici distractus ad celestia sustolli facillè non potest, si quis Matrimonio jungendus Corporis Christi Com-

(p) *Conc. Trid. Sess. 24. de Ref. Matrim. cap. 1.*

(q) *Ibid. & Conc. Parif. an. 1528, decret. morum 39.*

(r) *Tert. ad ux. l. 2. c. 9. Timoth. Alex. resp. 11. Conc. Trid. sup.*

(s) *S. Cyr. Jer. Catech. 22. Mystag. 4. Conc. Carth. IV, an. 398, can. 13.*

munione dignum se Confessario præbeat, factus erit ut pridie aut vigiliæ pridiano die, collecto animo, divinæ Hostiæ communicet. Porro decet ut jejuni ad suscipiendum Matrimonii Sacramentum accedant (1).

Qui verò, nedum orationi piusque opetibus ad illud se præparent, nihil in mente habent nisi vanitatem profanaque oblectamenta; quorum animus rerum secularium tumultu sic agitur, ut Deum ne cogitent quidem; qui demum Satanae pompis, luxu, choreis, conviviis sumptu ambiciosi, verborum licentia impudentibus suas maculant nuptias, si certe non Christiano, sed Ethnico potius more conjugium suscipiant, seque superâ benedictione indignos prorsus exhibent (2).

Sunt qui, ut se ad Matrimonium disponant, factum Pœnitentiæ Tribunal nisi perfunditorie non adeunt, strictimque ac negligenter confitentur. Caveat Confessarius, ac diligentissime caveat, ne hujusmodi Pœnitentes justo facilis absolvat, eo prætextu, quod instet urgens Matrimonii celebrandi necessitas. Eorum conscientia latebras quam poterit profundissime scrutetur: si autem iis longiore opus esse disquisitione intelligat, satisque superstit intervalli ut paratiores ante celebrandum Matrimonium redire possint; salutaribus monitis imbutos leniter dimittat: & cùm postea fuerint accuratius confessi, aliis rite disposi-

tos absolvat. Quod si tempus non superstit nisi brevissimum, quo non possit eos per semetipsum, auxiliante gratiâ, sufficienter disponere; vel si, dato intervallo, nihil egerint ut conscientiam, intricatam satis evolvant, sive aliter Absolutione indigni videantur; minime absolvendi, sed ad Matrimonium differendum, propositis quæ dilationem exigunt, rationibus gravissimis, inducendi erunt.

Alii satis quidem explicitè consentunt, sed peccati occasione vel consuetudine irretitis, aliove quolibet modo imparatos se Sacerdoti ostendunt. Iis quoque vehementer suadendum est ut Matrimonii celebrationem quacumque excogitatâ viâ suspendant. Quod si rationibus ad obsequendum impellentibus nihil commoti, se nullas trahere moras aut velle aut posse affirmant; quidlibet obdant, spiritalia temporalibus anteponer Sacerdos, eosque inabsolutos dimittit: Pœnitens enim, malè impetrato Absolutionis beneficio, Matrimonii Sacramentum suscipiens, sacrilegium sacrilegio præmittet. *Perditio ejus ex ipso tota erit* (x), si vivo zeli Sacerdotalis eloquio admonitus, infauissima quæque in suum conjugium ultra accersat, deficiente nimirum Sacramenti gratiâ, quam in statu peccati remanens consequi non potest.

Hic tamen obiter notandum est, quod, si agatur de peccati consuetudine quæ per Matrimonium curari

(1) Conc. Parif. sup.

(2) Vide S. Chryf. Hom. 48. & 56.

Tomus II.

in Gen. 22. in 1 Cor.

(x) Osee, 13. 9.

facile posse iudicetur, absolvendus videtur Pœnitens, dummodò nullus alius obex inveniat. Hic pariter in gratiam eorum qui insolita quadam veræ ac sinceræ conversionis indicia exhibent, salva maneat exceptio.

Est aliud hominum genus, & omnium quidem pessimum, qui nempe factum Tribunal audent, non ut peccata confiteantur & cum Deo reconciliantur, sed eo tantum animo ut exterius legi Confessionis Matrimonio præmittendæ satisfaciant, ejusque Litterarum testimoniales obtineant. Postquàm verba lenitatis ac dulcissimæ charitatis incassum effuderit Confessarius, ut fictos ejusmodi Pœnitentes ad religionis pietatisque sinceritatem revocet, in ipsos igneo zelo detonet, Dei omnipotentis, nec impunè irrideri se patientis (γ), iram ostendens, iis videlicet imminentem, qui ad Sacra cum tanta animi perveritate accedere non verentur: nec sibi quemquam tristius ac flebilius nocere posse, quàm si sœdus & ad præsentem & ad futuram vitam longè omnium gravissimam inire cogitans, rem ab impietate & profanatione ordiri constituat. Si flexu animo sermone hypocritam hominem ad penitentiam emollierit felix Sacerdos; eum, pro tempore, summâ dirigat prudentiâ. Si quidu-

ratum atque irreligiosi propositi tenacem viderit; illi Absolutionem quidem denegabit, sed facere non poterit quin ipsi extra Pœnitentiæ Tribunal, ad quod palam accesserit, postulanti, Confessionis Litteras testimoniales concedat.

Quod pertinet ad eos qui, ante Matrimonium, flagitiosâ consuetudine scandalum intulerunt, maxime verò si sint consanguinei aut affines, eos Parochus, cum id prudenter fieri posse judicabit, hortabitur ut publicâ Pœnitentiâ publicæ offensioni satisfaciant. Quod si dubius hæreat an hujusmodi Pœnitentiam exigere debeat & possit, rem totam ad Dilectissimum Pontificem deferet, cujus ex judicio suam componet agendi rationem. Semper autem, in foro conscientiæ, Parochus aut Confessarius quicumque alius, erga prædictos aliove cujuslibet generis peccatores publicos, circa Pœnitentiæ impositionem eo modo se geret quem suo loco prædidimus (γ).

Quod spectat imperitos rudesque utriuslibet sexûs Pœnitentes, qui Religionis quam profiteantur, elementa, & instituta, quod jam amplexuri sunt, officia ignorant, eos Pastor id quod omnino scire debent, paternâ charitate prius edoceat vel edoceri euret, quàm ipso Matrimonio conjungat (α).

(γ) Gal. 6. 7.

(α) Sup. de Sacram. Pœnit. Div. VII, cap. 1.

(α) Cons. Mediol. V, an. 1579. part. 3, c. 16.

D I V I S I O I I I.

ERIT hujus Divisionis argumentum, ut dicatur, 1°. De Matrimonii Impedimentis in genere: 2°. De Matrimonii Impedimentis Prohibentibus: 3°. De Matrimonii Impedimentis Dirimentibus: 4°. Quisnam sit proprius Parochus, in ordine benedicendi Matrimonii: 5°. De Matrimonii filiorum-familias.

C A P U T P R I M U M.

DE Matrimonii Impedimentis in genere.

NOTIONES generales populo tradenda. Quàm diligenter cavendum ne quis Matrimonium inear aliquo Impedimento ligatus. Impedimenta, alia Prohibentia, alia Dirimentia. Potest Ecclesia, possunt & seculi Principes Impedimenta Matrimonium dirimentia constituere; sed diversâ ratione. Matrimonialia Instituta quanti sint momenti. Impedimentorum prospectus generalis.

TOr tantaque incommoda, tot errores atque abusiones, tot improbe fallacæ, tot mentis perturbationes conscientiaque angores, tot denique infanda ex Matrimonii inconsultè & non legitime contractis passim eveniunt, ut permagni momenti sit ne quis Fidelium notionibus quibusdam generalibus careat, quarum subsidio puella maxime simplex atque incallida, mores suos, inducto conjugii prætextu,

dolo perverti, seque in difficultates ferè inextricabiles miserrimam conjici nunquam pariat. Ex illis notionibus ad imperitissimum quæstique vulgatis hæc insuper in societatem magna derivabitur utilitas, ne tot ubique occurrant familiae probro affectæ, tot patres & matres filiiabus corruptis omnique adeo spe connubii sæpè destitutis ingemiscantes.

Itaque rem Deo pergratam, po-

pulis autem suis plurimum salutarem facturos se non dubitent Pastores, si, tum publicè, tum privatim doceant falsum esse aut fallax vulgare illud effatum, *Matrimonium fit consensu*. Ut enim ratum sit Matrimonium, haud sufficit duos se mutua Matrimonii fide obstringere; sed multæ præterea requiruntur conditiones diligenter notandæ. 1°. Debet consensus liber esse; coactio siquidem consensu non fit Matrimonium. 2°. Debet consensus verbis non futuri, sed præsentis temporis exprimi: nimirum necesse est ut eo consensu designetur mutua & præsens ab utraque Parte in virum & uxorem acceptio; etenim nuptias deinceps ineundi consensus, Matrimonii quidem sponsio est, non verò Matrimonium. 3°. Debet consensus vicissim dari & accipi coram Sacerdote Matrimonium benedicente, & quatuor testibus. 4°. Debet ille Sacerdos esse proprius Pastor, id est, Episcopus vel Parochus alterutrius saltem Contrahentium; vel Sacerdos à Parocho sive Episcopo ad hoc specialiter constitutus. 5°. Debent Contrahentes nullo Impedimento ligari, per quod, siue irritum, siue illicitum fiat Matrimonium.

« Cum (igitur) vitia sæpè homines similitudinem gerant, cavere oportet ne Fideles (a), in primis autem ne adolescentes & puellæ, cui ætati inest maxima im-

becillitas consilii, falso nuptiarum nomine decepti, turpinum amorum sœdera incautè ineant (b). Undè frequenter doceant Parochi, ea neque vera neque rata habenda esse Matrimonia, quæ contra Ecclesiæ aut Imperii Leges conciliantur.

Sed quoniam ejusmodi sunt plura Impedimenta, ut non facile à simplicibus dignosci queant, vel intelligi, prius diligenter pro ipsis investigandum est, an non inter eos aliquod intercedat Impedimentum: nec sine gravi peccato ad ullius Matrimonii celebrationem procederet quisquam Parochus, nisi antea Parorum habilitatem ad contrahendum accuratè explorasset, ac dilucidè compertum habuisset eas omni Impedimento esse prorsus immunes. Quin etiam in dubio Impedimenti, à Matrimonii celebratione abstinendum est (c): ac si vel levissima ipsius oriatur suspicio, Pastor, pro sua sapientia & religione, ab ipsorum Sponsalium celebratione supersedebant, donec, consulto Præfule Diœcesano, quid sibi agendum sit, acceperit (d).

Est autem Matrimonii Impedimentum *Obex illi præexistens, illudque irritum aut saltem illicitum ipso Jure efficiens*. Statim igitur ab initio alterutrum parit effectum, cum Matrimonio prævium est. Quod si verò jam legitime contracto supervenerit, ipsum quidem non irri-

(a) *Cat. Trid. de Matrim. Sacram. n. 3.*

(b) *Ibid. n. 34.*

(c) *Inn. III, l. 4. tit. 1. c. 27.*

(d) *Stat. D. Odonis de Sully, Paris. Episc. c. an. 1198. Syn. 1. capitul. de Matrim.*

tum efficit, ipsius autem usum duntaxat illicitum reddit. Quanquam excipienda est Professio Religiosa, quæ Matrimonio rato, sed non consummato, ex alterutro conjuge superveniens, Matrimonium rescindit (e).

Itaque Impedimenta alia simpliciter prohibentia sunt, quæ nempe illicitum solummodo reddunt Matrimonium; alia verò dirimentia, quæ videlicet illud irritum efficiunt, non quidem eo sensu (prout modò observavimus) quòd jam validè legitimeque contractum dissolvant, sed quòd, ne validè contrahatur, impediant. Suum utraque effectum ipso Jure pariunt: quod cum duplex sit generatim, naturale scilicet, & positivum, hinc duplicis generis distinguuntur Impedimenta: alia nimirum Jure naturali, alia Jure positivo, nempe Divino, Ecclesiastico & Civili instituta.

Impedimenta dirimentia ad Jus naturale pertinentia, duplicis sunt generis. Alia quippè ad Jus naturale primariò & immediatè pertinent, eo sensu quòd Matrimonia iis comitantibus contracta, ex se, ipsaque naturæ lege, atque adedò antecedenter ad Leges quascumque positivas, vetira irritaque omninò sunt, nec ullà circumstantiarum adjuncta diversitate aut superveniente mutatione, honesta seu rata ullomodò haberi possint, vel unquam potuerint. Talia sunt *Impotentia antecedens & absoluta*; *Amentia*, seu su-

ror; *Error circa personam*; *Violentia propriè dicta*.

Alia verò Impedimenta mediatè & secundariò ad idem Jus naturale pertinent, eo nimirum sensu, quòd Matrimonia iis obstitentibus contracta generatim averferet, ab iisque refugiat natura, atque ut Legibus positivis prohibeantur vel irrita declarentur, exoptet, quominò, raris quibusdàm exceptis circumstantiis quibus aliquandò honesta fieri potuerunt, ex se prohibeat, irritaque efficiat. Talia Impedimenta sunt *Consanguinitas in primo Lineæ transversa*, seu *collateralis gradu*; *Ligamen*, id est, vinculum conjugii rati, ad mortem usque alterutrius conjugis perseverans.

Impedimenta quædam in Lege Mosaica Jure divino positivo constituta fuerunt, ut *Consanguinitas de primo Lineæ collateralis gradu ad secundum (f)*. Id verò notandum est, quòd, licet plura Impedimenta Jure divino positivo in Mosaica Lege instituta fuerint, nullum tamen ex solo Jure divino in Lege Evangelica locum habet, Christianosque obligat; sed quæ divinitus sancita existunt, omnia Jure simul naturali, vel Jure humano, sive Ecclesiastico, sive Civili, stabilita & confirmata sunt.

Alia denique Impedimenta solo Jure Ecclesiastico vel Civili constituta fuerunt, sive ea primitus instituerit Ecclesia, sive à Principibus secularibus jam instituta approban-

(e) Vide suprà, Div. I, cap. 5. & infra, in hac tertia Div. cap. 3. art. iij.

(f) Levit. 18. 12. 13. 14.

do, sua fecerit : cujusmodi sunt *Crimen, Ordo, Honestas, &c.*

Porro Impedimenta tum prohibentia, tum dirimentia, potuisse ab Ecclesia constitui, sententia est apud Catholicos unanimis, atque ad fidem pertinens (g). Christus enim cum veller bene moratam sanctamque instituire societatem, Ecclesie sue potestatem facere debuit eas Leges ferendi, quibus conjugii valide ac licite ineundi conditiones decernerentur. Aliter constare optimum Reipublice Christianae regimen, aliter disciplina motum pie ac religiose componi haudquaquam potuisset. Nec vero ad Ecclesiam minus quam ad Principes temporales de rectissimo illo jungendi connubii modo providere attinet; siquidem, per Matrimonium, tam Ecclesie quam Reipublice petennitati consulitur, & inde celestis aequè ac terrestris Patrie cives acquiruntur.

Itaque potest Ecclesia, possunt & seculi Principes Impedimenta Matrimonium dirimentia constitutere; sed Ecclesia ratiore Sacramenti spiritualiumque ejus effectuum, in quos nihil Jurisdictionis habet temporalis auctoritas; Principes autem ratione civilis Contractus, & politicorum effectuum, in quos nulla est Ecclesie potestas (h). Jus illud Principum agnoscit Ecclesia: Jus Ecclesie ac dispensandi facultatem

vicilum agnoscunt Principes, maximeque Reges Christianissimi; qui nempe cognitionem causarum ad illa Impedimenta atque ad Matrimonii celebrationem pertinentium Ecclesiastico foro competere, suis Edictis decernunt (i).

Scilicet Matrimonium, seclusa ratione Sacramenti, est Contractus, & Jure naturali, & Jure divino facit. Non patiebatur quidem ordo publicæ rei, ut homines, brutorum instar animantium, foruitudo conjungerentur. Hinc, apud omnes omniumque temporum societates rectè institutas, ea Legislatoribus habita fuit cura dignitatis humanæ, ut Matrimonii jura summo studio componerent. Et certe nulla neque Ecclesie Principibus, neque Christianis politicis cura dignior, quam si vinculi conjugalitatis honestatem omni ope atque operâ illam tueantur; cum in viri & mulieris conjunctione, familiarum omnium totiusque adeo Reipublice fundamentum & vite civilis origo, quin etiam Religionis perpetuitas & gloria cum spe omnis virtutis & sanctitatis posita esse intelligatur.

Ne igitur humanum genus confunderet promiscua libido, sancientæ fuerunt Leges, quibus constitueretur quænam justæ nuptiæ; quinam proinde justæ ac legitimi essent filii: atcendi fuerunt vagi concubitus, quorum licentiâ filii eduntur parentum dedecore fordidi, miseræ

(g) *Conc. Trid. Sess. 24. can. 3. & 4.*

(h) *S. Thom. in 4. dist. 34. q. 1. a. 2.*

(i) *Édit de Louis XIII, en 1639, au*

préambule, & art. 3. Vide Conc. Trid. Sess. can. 12.

additi, patriæque onerosi; arcenda fuit Polygamia, bono conjugii usque adeò contraria; asserenda Contractus libertas; tribuendus honor sanguinis propinquitati; obviandum seductioni furtivæque conjunctioni; assignandi præterea fuerunt cæteri obices, quos incundis conjugii ponit natura, Religio, pudor, condecencia, aliaque paris momenti, quibus tanquam fundamentis nituntur omnia Matrimonii Impedimenta: po-

stremo curandum fuit ut Ecclesiasticæ & Politicæ Leges ad asserendum Matrimonii decus mutuo sibi adjumento essent; idèdque constituendum, ut quos non legitimo connubio junctos renuntiaret Ecclesia, ii, nullo civilis Juris effectu aus Legis beneficio juvarentur (k) Quæ quidem omnia feliciter, ad optimam Ecclesiæ & societatis constitutionem, sancita vigere conspiciamus.

(k) S. Basil. lib. de vera virgin.

C A P U T I I .

DE Matrimonii Impedimentis Prohibentibus.

QUATUOR Impedimenta Prohibentia quæ nunc supersunt, versu technico designata: quæ singulatim explicantur. Quisnam dispenset in Impedimentis Prohibentibus. Quid hæc circa redditionem conjugalis debiti operentur in iis qui, parviducto eorum nexu, Matrimonium contraxerunt.

OMNIA Impedimenta Prohibentia, Ecclesiæ aut Principum temporalium auctoritate constituta fuerunt, uno fortassis excepto, quod est ex Voto simplici. Jure Canonico veteri duodecim recensebantur, ex quibus quatuor solummodò nunc vigent, hoc versu exprimi solita:

Ecclesiæ vetitum, Tempus, Sponsalia, Votum.

Iº. Per *Ecclesiæ vetitum* intelligi-

tur 1º. Inhibitio, quæ Episcopus, vel Judex Ecclesiasticus Matrimonii celebrationem, lite pendente, ex causa suspendit ad tempus. Scilicet Ecclesiæ, æqui & recti cultus integerrima, communisque omnium Fidelium Mater, providet quam diligentissimè ut in Matrimonii vitetur scandalum aut grave ejuslibet generis incommodum; ut tollantur alicujus Impedimenti suspensiones; ne demum alicui tertio quidquam inferatur detrimenti. His de causis, aut similibus, servato

Juris ordine, vetant Episcopi, vel ipsorum Officiales, ne ad celebrandas nuptias procedatur; easque, donec aliud constitutum fuerit, illicitas efficiunt (a). 2°. Status Hæreticis publicæ ac denunciatur in uno Contrahentium: & verò Sacerdos qui sciens (aliâ tamen quàm Confessionis viâ) Hæreticum vel Hæreticam Matrimonio jungeret, Suspensionem *ipso facto* incurreret. 3°. Status Excommunicationis atque Interdicti; Excommunicationis quippè, etiam minor, à suscipiendo quolibet Sacramento intercludit. Est quidem dubio locus an idem efficiat Interdictum; sed vel ipsa dubii ratio ad Superiorem recurrere compellit. 4°. Defectus *Bannorum*, seu trinæ denuntiationis publicæ Matrimonio præmittendæ, nisi legitima Dispenratio impetrata fuerit. 5°. Defectus Sponsalium, in locis ubi moris est (quemadmodum in hac Diœcesi) ut Matrimonio *per verba de presenti*, solemnia in facie Ecclesiæ præmittantur Sponsalia *per verba de futuro*.

II°. *Tempus*. Quondam omni die Jesunii aut Festivitatibus interdicta erat Matrimonii celebratio, eò quod nempe illis diebus plerique Fideles usu conjugii abstinere (b). Nunc Temporis Impedimento nuptias celebrare non est illicitum, nisi à Dominica prima Adventus usque ad

Festum Epiphaniæ Domini, & à Feria quarta Cinerum usque ad Octavam Paschæ, utrobique inclusivè (c). Quâ Lege intendit pia mater Ecclesia, ne quid perturbationis filios suos ab oratione avertat & penitentia, quibus vacasse instantius debent, cum recurrat dierum ac temporum quorundam Solemnitas. Nihil autem magis huic fini repugnat, quàm nuptiæ, « quarum novitas ad voluptatum curam » animos occupat, illosque vanâ » lætitiâ dissolvit (d). » Et quidem Apostolus ipsos conjuges hortatur ad servandam illis diebus ex mutuo consensu castitatem (e), præeunte ipsiusmet prophetice vocis oraculo, jejunium sanctamque tristitiam sic prædicantis: *Egredietur sponsus de cubili suo, & sponsa de thalamo suo* (f). Eam ob causam, præfati utriusque Temporis intervallo prohibita est Matrimonii benedicendi celebritas, sine licentia speciali à Diœcesano Præsule, seu ipsius Vicario generali concessâ. Sed utroque illo Tempore, neque Matrimonii denuntiationes fieri, neque Sponsalia celebrari, ulli Canone ulloque Constituto prohibetur.

Quibuscum verò à Nobis, propter legitimas gravesque causas, super Temporis Impedimento dispensatum fuerit, ii, monente Pastore, intelligant, Dispensationem illam

(a) *Alex. III.* l. 4. tit. 16.

(b) *Conc. Laod.* c. an. 368. can. 52. *Aquisgr. II.* an. 836. c. 3. can. 18.

(c) *Trid. Sess. 24. de Ref. Matrim.* cap. 10. *Stat. Syn. D. Steph. Poncher, Paris. Episc.* ante an. 1519, de Sacram.

Matrim. Et D. Euss. du Bellay, n. 32, eod. tit. in Synodico.

(d) *S. Thom. in 4. dist. 32. q. 116.*

(e) *1 Cor. 7. 5.*

(f) *Joël, 2. 15, 16.*

ea duntaxat lege concedi, ut ludos, choreas, tripudia, comestiones, inanem pompam, aliaque id genus profana sibi penitus interdican- tur Impetrantes; quæ cum longè Christianorum Matrimonii omni tem- pore abesse debent, tum maxime dedecet illorum Temporum sancti- tatem: neque enim ullus, propter Ecclesiæ indulgentiam, ab ejus Dis- ciplinâ ex toto recedere, aut Chris- tiani iustitiam modestiam ac tem- perantiam debet ullomodo infringere.

III°. *Sponsalia*: id est, futuri Matrimonii promissio legitima, in- ter personas ad contrahendum ha- biles vicissim data & accepta. De- bet enim fides solemniter obligata servari, nec sine gravi delicto po- test à quoquam violari. Qui ergo per Sponsalia valida sese Matrimo- nii contrahendi promissione cum aliqua persona obstrinxit, hic cum altera illicitè contrahit; nisi Spon- salia, sive ex mutuo consensu, sive aliâs legitimè dissoluta fuerint. Qui- bus autem in casibus ea dissolvantur, dixerat infra, ubi *De Sponsali- bus*.

IV°. *Votum simplex*, vel servan- dæ continentiæ, vel nunquam ineun- di Matrimonii, vel ingrediendæ Re- ligionis, vel suscipiendi Ordinis fa- cri. Vota scilicet castitatis privatim emissâ, aut publicè & cum solem- nitate in *Tertio* (ut loquuntur) *Or- dine*, vel in Communitate Seculari nuncupata, & quæ *simplicia* tantùm habentur, Matrimonium impediunt contrahendum, etsi non dirimunt

contractum (g). Qui ergo post unum è prædictis quatuor Votis simplici- bus Matrimonio jungeretur, gravi- ter in Religionem peccaret, obli- gatam Deo fidem pro nihilo du- cens.

Nunc breviter explicandum est, quisnam sit cui competat in hujus- modi Impedimentis simpliciter Pro- hibentibus dispensare; & quid hæc circa redditionem conjugalibus debiti operentur in iis qui, parvducto eor- um nexu, Matrimonium contra- xerunt.

Quoad *Ecclesiæ vetitum* ex inhi- bitione Ordinarii, seu Officialis, uterque potest in hoc Impedimento dispensare, suam tollens inhibiti- nem; nisi hæc à Metropolitano ip- siusve Officiali in casu appellationis confirmata fuerit; vel nisi causa quæ inhibitioni locum dederit, adhuc integra subsistat.

Si *vetitum* oriatum è statu Hæresis, tollitur Impedimentum per abjura- tionem inter manus Episcopi, aut Sacerdotis, prævio illius concessu, peractam. Si autem agatur de Ma- trimonio contrahendo, subsistente unius Partis Hæresi; Sedi Aposto- licæ reservatur Dispenfatio: quæ lo- cum non habet, ut plurimum, nisi erga summos Principes, & quidem propter causas gravissimas ad Re- ligionis Catholicæ utilitatem perti- nentes.

Si *vetitum* proveniat è statu Ex- communicationis quæ non sit Pon- tifici maximo reservata, in eo dis- pensat Ordinarius, Excommunica-

tionem tollens : sed nemo ab ea Censura sic absolvi potest, ut Sacramenta licite suscipiat, nisi prius condignam ad Superioris arbitrium poenitentiam egerit. Idem dicendum est de Interdicto personali.

In Bannorum promulgatione, ob causas legitimas, quemadmodum fusiùs suo loco dicitur (*h*), dispensant Episcopi. Ut Sponsalia omittere liceat, nulli unquam Dispensationi locus est : id unum postulat, & propter causas gravissimas aliquandò impetratur, ut ea non pridè (ut moris est), sed immediate ante Matrimonii Benedictionem celebrentur.

In Impedimento *Temporis*, si causæ afferantur legitimæ, dispensat etiam Præful Diæcesanus.

Ubi agitur de *Sponsalibus* validis & legitimis, neque Episcopus, neque ipse Romanus Pontifex dispensare potest *in forma gratiosa*. Legitima enim Sponsalia promissionem continent, quæ non sine tertii alicujus detrimento violaretur : quod quidem nemo potest licitum facere. Sponsalia igitur dissolvi nequeunt nisi ex mutuo Partium consensu, vel per Judicis Ecclesiastici Sententiam, vel propter causas suo loco inferius explicandas (*i*).

Quod pertinet ad Impedimentum *Voti simplicis*, non dispensat Episcopus in Votis castitatis perpetuæ, aut Religionis; hæc enim Pontifici maximo reservantur (*k*), non tamen Votum calibatus, seu conjugii nunquam ineundi, vel sacros

Ordines suscipiendi, nisi præcipue intentio fuerit perpetuam vivendi castitatem : solum enim Votum perpetuæ castitatis *formaliter*, summi Pontificis Dispensationem exigit; non autem Votum castitatis ad tempus, in quo dispensat Diæcesanus Antistes, quemadmodum in Voto conjugii nunquam ineundi, vel sacros Ordines suscipiendi.

Potest tamen Episcopus in Voto castitatis alioqui Sedi Apostolicæ reservato dispensare, si gravis atque urgens causa suboriatur; si, v. g. timeatur ne juvenis qui puellam Voto castitatis obstrictam sub spe Matrimonii vitia vitia, ab ea, ut nunc annuit, uxore ducendâ facillè avertatur, nisi Matrimonium, nullâ interpositâ morâ, celebretur. Alioquin, & Ecclesiæ bono, & animarum salutis exitiosa esset Reservatio. Idem est, si grave imminet incontinentiæ aut scandalii periculum.

In iis porro qui Impedimentis Prohibentibus ligati, Matrimonio nihilominus junguntur, præter illud grave peccatum cujus indè reatum incurrunt, aliquandò illicita est Matrimonii consummatio, usufve subsequens.

1^o. Si Impedimentum sit *ex Tempore* vel è *Sponsalibus*; quamvis illicito Matrimonio junctus, non peccat qui debitum conjugale reddit vel postulat : quanquàm religiosus ageret, si Matrimonium non consummaret vel nisi post condignam

(*h*) Div. V, cap. 2.

(*i*) Div. VI, cap. 1.

(*k*) Duperray, tract. de Disp. cap. 52, n. 3.

pœnitentiam, vel nisi postquam desponsata personæ quam læserit, & Ecclesiæ cujus prohibitionem violaverit, satisfecisset.

II°. Si Impedimentum sit ex *Voto simplici*; qui sic fuit Matrimonio junctus, toties peccat, quoties debitum conjugale poscit, aut etiam cum illud primò reddit. Qui enim directè vel indirectè castitatem vovit, is Votum quidem infringit, quoties aliquid exigit castitati contrarium, non autem cum id reddit quod debet: Votum utique alieno juri nocere non potest. Excipiendus tamen est casus debiti primò reddendi: quia penès illum hæcenus est, vel omnino non reddere, cum possit, rebus adhuc integris, Religionem ingredi, & sic Votum castitatis adimplere; vel

potius id præstare per quod Matrimonio licitè utatur, nimirum Dispensationem super Voto postulare & obtinere.

Jam verò quod circa postulandum vel reddendum conjugale debitum operantur supradicta impedimenta, id omne tollitur per summi Pontificis vel Diocesani Præsulis Dispensationem; cujus in postulatione exprimendum est, an consummatum fuerit Matrimonium; sic enim Superior, cognita causâ, pœnitentiam æquius imponit.

Postremò, qui Excommunicatione vel Interdicto personali irretitus Matrimonium contraxit, is quamprimùm Censuræ Absolutionem postulare & obtinere debet verè pœnitens; sed intereâ conjugale debitum licitè poscit ac reddit.



CAPUT III.

DE Matrimonii Impedimentis Dirimentibus.

QUINDECIM Impedimenta Dirimentia; sex mnemonicis versibus collecta: deinde unumquodque, praefixo titulo, explicatum. Impedimentorum varius effectus, prout Matrimonium antecedit vel sequatur. Impedimentum dirimens ex defectu aetatis.

QUINDECIM vulgò numerantur Impedimenta Dirimentia (a), quæ summam huius technicis versibus indicantur :

Error, conditio, votum, cognatio crimen,

Cultus disparitas, vis, Ordo, ligamen, honestas,

Amens, affinis, si consummare nequibis;

*Si mulier sit rapta, loco nec red-
dita tuto;*

*Si Parochi & duplicis defit præ-
sentia testis:*

*Hæc facienda vetant connubia,
sacra retractant.*

Ex his Impedimentis, tredecim prima sunt Juris antiqui: duo postrema, Raptum & Ciandestinitatem,

Jure novo induxit Concilium Tridentinum (b). Quæ duo cum ad servandam familiarum honestatem acruendum ipsiusmet Sacramenti decus plurimum faciant, idcirco in his, quemadmodum in cæteris, auctoritate suâ firmandis Juri Ecclesiastico mirum in modum consonat Jurisprudencia Gallicana.

Itaque de prædictis quindecim Matrimonii Impedimentis dirimentibus satis copiosè, & quàm fieri poterit enucleatissimè, distinctis totidem Articulis differemus. Licet verò tam evoluta hic inveniendi sit præsens materia, quàm exigit & patitur nostri instituti ratio; cum tamen illa æquè ingentis momeñsi sit ac difficultatis, quod de ipsa fusiùs tradidère Auctores probatissimi, si necesse fuerit, consulant Parochi, Vicarii, cæterique Sacerdotes.

(a) De his vide Stat. D. Odonis de Sully, Paris. Episc. c. an. 1208, Syn. 1. Capitul. circa Matrim. D. Stephanus Poncher, ante an. 1519, de Sacram. Ma-

trim. & D. Eust. du Bellay, an. 1557, de Matrim. n. 31, in Synodico.

(b) Sess. 24. de Ref. Matrim. cap. 1. & 6.

ARTICULUS I.

ERROR.

ERROR persona irritum efficit Matrimonium : non autem error nominis, fortune, qualitatum ; nisi error qualitatum sit antecedens, & Contractui locum dederit. Duplex modus quo se habere potest hujusmodi error dissensum absolutum pariens. Duo hic observanda. Impedimentum ex errore persona nullâ Dispensatione tolli potest.

IMPRIMIS error persona (si quis v. g. Corneliam duxerit, Claudiam putans) irritum efficit Matrimonium (a) : tum quia *objecti* ad ejus substantiam pertinentis, scilicet personæ certitudinem ac determinationem, adeoque & consensum perimit, quippe qui vel nullus est, vel certe non liber, cum diversa est persona ; tum quia efficit ut qui errat, id reipsâ nolit quod velle videatur. Hujusmodi autem error non solum Jure naturali, verum etiam Canonico & Civili hunc parit effectum, sive invincibilis sit, sive vincibilis, sive antecedens, sive concomitans.

Planè verò aliud sentiendum est de errore nominis (b), fortuna, virtutis, aut alterius cujuscunque qualitatis. Si quis, exempli causâ, uxorem ducere se existimet divitem, nobilem, vegetam, virginem ; quæ postea inveniatur pauper, ignobilis, motbosa, corrupta. Licet enim is qui inter contrahendum sic

erravit, ita fuerit affectus ut contrahere noluisse, si non errasset ; reipsâ tamen contrahere voluit, quamvis erraverit : quia nempe error qui circa qualitates *accidentales* versatur, non impedit consensum in ipsam personam, quæ Contractus *objectum* substantiale est. Excipiendum tamen, si qualitates ejusmodi, quamvis alioqui *accidentales*, Contractui intrinsecè omninò sint ; idèoque error qui circa illas versetur, non concomitans, non in Contractum incidens, sed verè sit antecedens, seu Contractui causam dederit, sicque dissensum pariat hac vel simili verborum formâ exprimendum, *Contrahere nolo, si erro* ; cum, vice versâ, dissensus ex errore concomitanter natus, sic exprimi ac declarari debeat, *Nollem vel noluissem contrahere, si non errassem* : quæ duo penitus diversa sunt. Prius enim dissensum exhibet absolutum, efficacem, verique consensûs ex toto eversivum ; posterius

(a) *Causa 29, q. 2. S. Thom. dist. 30. q. 1. a. 1. ad 4. & a. 2. Inn. III, l. 4.*

Decret. tit. 1. c. 26. (b) Le. 9. ff. De contrah. nupt.

verò, merè conditionalem atque inefficacem, & consensui connubiali si minus amicum, saltem non ita adversum ut simul constare nequeat.

Jam verò ille error antecedens, qui, ut modò diximus, absolutum parit dissensum, duobus præfertim modis se habere potest. 1^o. Scilicet, cùm animus Contrahentis non alià ratione fertur in personam, quàm sub iis distinctè apprehensam qualitatibus circa quas erratur; qualitatibus utique tam ejus propriis ac singularibus, ut eam determinent, atque ab ea quàm ex errore contrahitur, & ab alia qualibet distinguant. Si v. g. cum supremæ Curie Principis, aut certi cujusdam Optatis filii primogenitæ, aut unicæ hærede, non autem cum alia Matrimonium contrahere volenti, alia tamen sistatur præsens, quæ Magistratûs illius vel Optimatis filiam primogenitam se esse declarat, ideòque præcisè cum ipsa contrahatur; quòd talis esse existimetur, licet reverà talis non sit; perspicuum est Contrahentis illius animum in personam haud ferri, nisi quatenus distinctè apprehensam sub qualitatibus memoratis, ipsam determinantibus & à quacumque alià distinguentibus. His igitur deficientibus, non circa qualitates tantum errat ille Contrahens, sed & circa personam iis singulariter & expresse designatam; tuncque adeò error qualitatibus errorem personæ involvit, vel potius in eum omnino transit: qui quidem error, ex dictis, irritum facit Matrimonium. Secundus modus est, cùm quis sive

explicitè, sive implicitè, consensum in personam à qualitate aut fortunâ, tanquam à conditione necessaria, pendere vult; undè cum ea contrahere nolit, si tali fortunâ aut qualitate careat; quæ proinde si deficiat, circa qualitatem aut fortunam errat Contrahens: efficitque error ille, ut conditione quæ existere putatur, sed reverà non existit, suspensus maneat ejus consensus, ideòque nullus planè sit, irritumque inde existat Matrimonium.

Ex his quæ modò exposita sunt, id faciliè intelligitur, per errorem qualitatibus aut fortunæ alterutrâ illà ratione antecedentem, saltem si seriò exterius declaratur conditio, matrimoniali consensum adeòque & Matrimonium perimi. Hinc, si paterentur Ecclesie aut Principum Leges hanc emitti declarationem, *Volo consensum meum in talem personam pendere à qualitatibus, tanquam à conditione necessaria*, dubitandum non videretur quin, deficiente qualitate circa quam erratur, irritum ab utraque Potestate pronuntiandum esset Matrimonium. Verùm, specialibus & rarissimis quibusdam casibus exceptis, non patiuntur Ecclesie aut Principum Leges talem emitti declarationem; quæ quidem si apud nos ab alicutro Contrahentium emissâ fuisset, non admittentur ad contrahendum, sed ab omni Contractu abstineretur.

Cæterùm duo hic observanda sunt, quorum alterum ad errorem personæ, alterum verò ad errorem qualitatibus pertinet. 1^o. Si quis ita sit animo affectus, ut contrahere velit cum persona præsentè, quæ-

cumque illa sit, quamvis aliam esse ex errore putet, error huiusmodi irritum non efficit Matrimonium; quia scilicet non impedit consensum in personam. 2^o. Qui personam jam antea ex vultu notam, nullâ qualitatibus factâ disquisitione, ducere voluit, si errat, nobilem vel primogenitam esse existimans, validè tamen cum ipsa contrahit, licet contrahere noluisse, si persona illis prædita non fuisset qualitatibus; quia nempe tunc non errat circa personam, sed tantum circa personæ accidentia, à quibus verè suum pendere non voluit consensum.

PORRO Impedimentum erroris circa personam nullâ Dispensatione tolli potest; nulla enim unquam auctoritas ratum & firmum id efficit, quod irritum & caducum renuntiat Jus naturale, qualis est omnis Contractus in quo circa ipsam rei substantiam erratur. Tunc requiritur novus consensus; & is quidem coram Parocho & Testibus renovari debet, si error in foro externo possit aliquando probari; secus verò, adigendus est à Confessario Pœnitens (exceptis quibusdam circumstantiis insolitis) ad consensum, nullo teste, conjugii renovandum.

A R T I C U L U S I I.

C O N D I T I O.

Servi propriè dicti : servi pœna. Observatio.

CONDITIONIS nomine hîc intelligitur status servitutis. Servi autem sunt vel propriè dicti, vel *servi pœna*.

PRIORIS generis servi illi sunt in quos herus plenum habet dominium; adeo ut ipsos, tanquam rem suam, commutare possit, dono dare, locare, aut etiam vendere. Apud Hæbreos, servi, ex dominorum

consensu, uxores ducebant; ipsorum autem filii, tanquam vernæ, dominis nova possessio accedebant (a). Jure Civili & antiquo Ecclesiastico, Matrimonia servorum, invitis heris, irrita & nulla erant (b): Jure novo Ecclesiastico valida sunt (c). Attamen irritum esset Matrimonium ingenui cum serva, vel ingenue cum servo, si, tempore Contractûs, Pars libera servitutem

(a) *Exod.* 21. 3. *Deut.* 21. 10.

(b) *Tert.* ad ux. l. 2. c. 8. *Const. Ap.* l. 8. c. 32. *Conc. Arel.* IV, an. 541. can. 24.

(c) Nec inter servos Matrimonia debent ullatenus prohiberi; & si contra-

dicentibus dominis & invitis contracta fuerint, nullâ ratione sunt propter hoc dissolvenda. *Decretal. lib. 4. tit. 9. c. 1.*

Vide Conc. Cabil. II, an. 813. v. c. 1. can. 30.

(1) Négrice.

alterius ignorasset (d). Contrà vetò, unius Partis servitus alteri cognita, Matrimonium non dirimit: cum enim is qui liber est, alterius novit servitutem, & nihilominus Matrimonium contrahit, tunc jure suo cedere censetur; & volenti nulla fit injuria (e). Ac multò magis ratum validumque conjugium esse omninò censetur, tum ubi Pars libera servam esse alteram putat; quæ tamen sit libeta; quia nempe, in hujusmodi casu, Matrimonium, nedùm in errantis detrimentum, imò potiùs in ejus commodum vergit: tum ubi serva est Pars utraque, & alteram altera liberam esse existimat; tunc enim erranti nulla fit injuria, cum adsit mutua compensatio. Itaque non propriè Condicio servilis, sed error illius Conditionis fœderi nuptiarum impedimento est.

(2) Douaire.

Porro, ut convalescat Matrimonium ex hujusmodi errore contractum, opus est novo Partis deceptæ consensu; qui scilicet coram Parocho & testibus exhiberi debet, quotiès error conditionis in Judicio probari potest (f).

Quoniam autem in hocce Regno Christianissimo locum non habet servitus, ipsique servi ex aliis re-

gionibus in Gallias advecti, statim liberi sunt; apud nos similiter locum non habet hujusmodi Impedimentum. Sed notandum est servos Nigritas (1) qui in Gallias adducuntur vel mittuntur, valida quoad effectus civiles, etiam heris consentientibus, ibi conjugia inire non posse (g).

SERVIPENÆ ii sunt, qui ad trirèmes, ad exilium, ad mortem quam fugâ declinaverunt, Judicis Sententiâ damnati fuere. Qui exilio vel trirëmbus in perpetuum multati, vel morte damnati sunt, quoad Sacramentum valent eorum Matrimonia; nullâ enim Lege irrita declarantur: quinimò talia conjugia non semel confirmavit supremus Senatus Parisiensis (h). Prædicta verò Matrimonia non valent quoad effectus civiles; qui enim ea contraxisse supponuntur, ii civiliter mortui sunt. Quia tamen *deceptis Jura subveniunt*, si conjux talem mariti conditionem se ignorasse validis argumentis probaret, ipsa quidem posset conventiones matrimoniales, v. g. dotem, dotalitium (2), & Communitatis jura sibi vindicare & percipere. Porro si quis ad tempus exilio vel trirëmbus additus fuisset, ejus

(d) S. Greg. I. 6. (al. 7.) Ep. 1. C. 29. q. 2. c. 6. Urb. III, c. 3. Inn. III, l. 4. Decretal. tit. 9. de conjug. serv. cap. 4. Conc. Vermer. can. 6.

(e) Ibid. can. 13. C. 29. q. 2. c. 2. & q. integr.

(f) Conc. Trid.

(g) Déclar. du 15 Déc. 1738, dérogeant à l'Art. VII de l'Edit d'Oët. 1716.

(h) Sic, an. 1618, hominis in perpe-

tuum exulantis ratas habuit nuptias, Sic, an. 1625, hominis morte damnati, qui carcere evaserat, nuptias confirmavit. Sic demùm, an. 1700, secundas nuptias rescidit à muliere contractas, quæ homini ad perpetuas trirèmes damnato primùm nupserrat, conditionis ejus in seia, & hoc allato pretextu, viro alteri sese in conjugem adjuzerat.

Matrimonium

Matrimonium valeret etiam quoad effectus civiles.

Ex dictis faciliè intelligitur, Matrimonium ex errore conditionis servilis contractum, non Jure naturali, sed humano, irritum esse. Fatendum tamen est Juri naturali maximè consentaneum esse ut legibus positivis irritum decernatur hujusmodi Matrimonium; tum quia in tanti mo-

menti Contractu nimia foret inæqualitas, dum scilicet Pars libera plenam sui corporis potestatem traderet, serva autem restrictam & aliquatenus imperfectam; tum quia istud sobolis unitatibus adversaretur, quæ quidem rectè conveniretque educari vix posset, propter impeditam, aut certè minùs liberam conjugum cohabitationem.

A R T I C U L U S I I I.

V O T U M.

OBSTAT Matrimonio contrahendo *Votum* *solemnne continentia*. *Tria hic animadvertenda. Solemni Voto continentia dissolvitur Matrimonium contractum & non consummatum; sed consummatum, nequaquam eo Voto dirimitur. In Impedimento Voti sollemnis dispensatur quidem, sed rarissimè.*

NON omni Voto ea est efficacia, ut sit Matrimonii Impedimentum dirimens, sed continentia Voro duntaxat, & quidem sollemni; quod scilicet palàm & publicè cum requisitis sollemnitatibus nuncupatur, Deique ipsius nomine ab Ecclesia per ejus Ministrum acceptatur. Huic autem Voto in duplici tantùm casu locus est: nimirum in Professione valida Religionis Monasticæ ab Ecclesia approbatæ, & in sacrorum Ordinum susceptione; nam, licet in hac nullum expresse Votum emitatur, cum tamen Ecclesiæ Legi perfectam majoribus Ministris casti-

tatem imponenti se subjiat Ordine sacro initiatus, id certè, quoad obligationem continentia, Voto *formaliter* emissio æquivalere censetur. De priore casu continentia sollemniter Deo promissæ, quatenus Matrimonii Impedimentum dirimens est, hic sermonem instituimus: de posteriore infra dicemus, N^o. VIII.

Itaque Matrimonium, post emissum hujusmodi Votum sollemnne, non quidem Jure naturali aut divino, sed Legibus tantùm positivis irritum est (a); quanquàm ut his irritum declaretur, & naturæ ipsi &

(a) *Bonif. VIII*, de Voto, &c. in 6. *Alex. III*, tit. Qui Clerici, cap. Meminimus, & cap. Veniens. *Conc. Later. II*, an, 1139. cap. 7. *Trid. Sess. 24*. can. 9.

divinæ Legi maxime consentaneum esse intelligitur. Continentiæ enim professio solemnîs, quam Dei ipsius nomine accepit Ecclesia, spiritualis cujusdam atque indissolubilis iussus Matrimonii esse meritò habetur, quo quidem fœdere omnium sanctissimo interdici debeant terrestrium nuptiarum fœdera, etiamsi (quemadmodum opponere non erubuit famosus ille Monasticæ professionis desertor, Pseudoreformatorum Patriarcha) deinceps continentia donum habere se non sentiat quæ continentiam professus est (b). Unde, qui à continentiæ Voto solemnî ad seculi nuptias transeunt, ii « dam-
nantur, non quia conjugalem fidem posterius inierunt, sed quia continentiæ primam fidem irritam fecerunt (c). » Quæ tamen haudquaquam sic intelligenda sunt, quasi Legibus positivis semper & ubique irrita fuerint ejusmodi conjugia. Quamvis enim Christianæ Religionis omni ætate prohibita, adedque & illicita fuerint, & nostro ævo, multisque retrò seculis irrita; hæc tamen disciplina nec semper, nec ubique recepta fuit, sed usu primùm in quasdam Ecclesias introducta, in alias postea se diffudit, atque ita paulatim invaluit; donec tandem plurimis Conciliorum generalium definitionibus firmata fuit, omninoque stabilita (d).

Alia quædam nunc exponenda occurrunt ejusdem Disciplinæ capi-

ta, quorum urique necessaria cognitio est.

I°. Qui invalidè, v. g. sine legitima Dispensatione ante expletum Novitiatus annum, vel ante ætatis annum Legibus constitutum, Votis in Religione Monastica ritè approbata, is Voto minime obstringitur. Attamen connubio jungi non potest, quin prius, cognita causâ, Judex legitimus Vota ipsius irrita per Sententiam declaraverit.

II°. Vota quæ in Communitatibus Secularibus emittuntur, solemnîa non sunt, adedque nec Matrimonii Impedimentum dirimens constituunt; siquidem, ut Votum solemnè sit, necesse est illud in Congregatione Religiosa emitti, quam ut talem approbaverit Ecclesia. Hinc Vota Clericorum Missionis simplicia tantùm sunt, ut potè quæ ab Ecclesia pro solemnibus publicè per Ministrum ejus accepta non fuerint, ideòque simplicium duntaxat rationem & vim habere censeantur.

III°. Cùm quis invitus, ideòque in irritum, Vota solemnîa emisit, huic licet Votis suis coram loci Ordinario reclamare, sed intrâ quinquennium à die Professionis; alioqui, non valeret reclamatio. Si tamen eadem vis quæ ad votendum coegit, à reclamando absterruit, tunc, etiam post quinquennium validè reclamabitur, modò reclametur intrâ quinque annos à cessatione causæ quæ prius metum incutebat:

(b) Ibid.

(c) S. Aug. de bono viduit. c. 9.

(d) Conc. Later. II, sup. Vienn. an.

1311. Trid. sup.

quo quidem in casu ad Sedem Apostolicam esset confugiendum. Quoniam verò Sedes Apostolica Rescripta nihil inveniunt Religiosos Votis suis reclamantes, nisi à Judicibus ad hoc ipsum delegatis admissa fuerint; Religiosi & Sanctimonialiales qui in hujusmodi casu versantur, habitum Regularem in Claustro servare tenentur, quotiesque Sententiam dixerint causæ cognitores (1); alioquin, *Appellationi tanquam de abusu* inde locus existeret.

Nec modò conjugium subsequens dirimit vana Professio Religiosa; quinimò conjugium antecedens, ratum & non consummatum, ut jam suprà diximus (e), per eam rescinditur: quod tamen ut fiat, Novitiatum intra duos menses ab Ecclesia ad deliberandum concessos ingredi debet qui jure illo uti constituit. Si quis igitur, inito & non consummato Matrimonio, Vota solemnia in Religione approbata emisserit; Pars derelicta & in seculo remanens, ad alias poterit nuptias convolare. Sed Matrimonium, etiam non consummatum, ut jam quoque observavimus, per Ordinis sa-

cri susceptionem minimè dissolvitur.

Quod pertinet ad Matrimonium ratum & consummatum, illud Professione Religiosa nequaquam dirimitur, multò minùs Ordinis sacri susceptione: hujusmodi quippè Matrimonium ambos conjuges unam carnem efficit; unde tunc necessariò valet hoc Domini effatum: *Quod Deus conjunxit, homo non separet* (f).

(1) Les Com-muniaux.

PORRO Impedimentum *Voti sollemnis* Ecclesiae auctoritate relaxari potest; tum quia Ecclesiastico Jure constitutum fuit, ut pater ex varia quoad illud disciplinae caput variis temporibus Ecclesiae praxi; tum quia in Votis continentiae solemnibus non semel dispensavit Ecclesia Romana, omnium mater & magistra. Cùm tamen Juri naturali maxime consentiat, inò ad illud quodammodò pertineat, ut homo per Votum solenne castitatis Deo consecratus, atque in ejus dominium plene perfectèque translati, se postea in alterius potestatem non transferat; hinc, nisi rarissimis in circumstantiis, Dispensationem non admittit hujusmodi Impedimentum.

(e) Div. I, cap. 5. (f) Matth. 19. 6.

ARTICULUS IV.

COGNATIO.

TRIPLEX cognationis species. Quid sit cognatio naturalis: quid Stipes, quid & quatuorplex Linea, quid Gradus. Tres regulae ad computandos Consanguinitatis Gradus. Duobus in casibus duplex sanguinis cognatio.

D d d d 2

In qua Linea, in quibus Consanguinitatis Gradibus, & quo Jure irritum ih iis sit Matrimonium. In Linea collateralis quousque nunc extendatur Impedimentum, & quid hac in parte relaxet Ecclesia. Cognatio naturalis illegitima. Cur institutum sit Consanguinitatis Impedimentum. Cognatio legalis. Cognatio spiritualis. Inter quos hac, Jure novo, contrahatur. Septem consuetudinae negativa. Observationes.

(1) Petit-fils.

TRIPLEX distinguitur Cognatio: scilicet naturalis, legalis & spiritualis.

(2) Fils, petit-fils, arrière-petit-fils, fils de l'arrière-petit-fils.

(3) Le pere, l'ayeul, le bisayeul, le trisayeul.

COGNATIO NATURALIS, seu Consanguinitas, quasi sanguinis unitas, est Vinculum personarum à communi stipite per naturalem generationem, sive in Matrimonio, sive extra Matrimonium, descendendum.

In Consanguinitate, tria sedulò distinguenda sunt: *Stipes*, *Linea*, & *Gradus*.

(4) L'oncle paternel & la nièce.

(5) Le cousin-germain & la cousine germaine.

(6) L'oncle maternel & la petite-nièce.

Stipitis, seu *Stirpis* nomine designatur, vel pater solus, vel sola mater, cum filii è diversis conjugii nati sunt, vel pater & mater conjunctim: nam vir & uxor, cum sint una caro, unum eundemque Stipitem constituunt. Stipes verò idem est respectu posterorum, quòd truncus respectu ramorum.

Per *Lineam* intelligitur ordo vel series personarum quae sunt ejusdem sanguinis participes, & ab eodem Stipite descendunt.

Duplex autem est *Linea*: scilicet *recta*, & *collateralis*. *Linea recta*, est ordo personarum, quarum alteram genuit altera, vel immediate, ut filium pater, vel interposito me-

dio, ut nepotem (1) avus. Alia est *descendentium*, cum à genitoribus sit progressus ad genitos, scilicet à patre ad filium, nepotem, pronepotem, abnepotem (2). Alia *ascendentium*, cum sit regressus à genitis ad genitores, inquirendo eorum Stipitem, v.g. patrem, avum, pravam, abavum (3).

Linea collateralis, alio nomine *transversa*, est ordo personarum quae non à se invicem, sed ab uno communi Stipite descendunt: quales sunt frater & soror, patruus & fratris vel sororis-filia (4), consobrinus & consobrina (5), avunculus & filia sororis-filii; (6) &c.

Hæc *Linea* vel *aqualis* est, cum nempe ii quorum inquiritur cognatio, æqualiter distant à communi Stipite; ut duo fratres: vel *inaequalis*, ubi consanguineorum alter magis, alter minus distat à Stipite communi; ut frater & fratris-filius.

Gradus vocabulo significatur mensura intervalli quo distat consanguinei, tum à se invicem, tum à communi Stipite.

Quæ quidem elementa circa Stipitem, *Lineam* & *Gradum*, inspecto gentilitio Stemmate quod vulgari sermone infra descripsimus, evidenter patebunt.



DIVERSI olim computati fuere Consanguinitatis Gradus (a). Nunc ad illos computandos tres vulgò Regulæ ponuntur. Prima spectat Lineam rectam; duæ postremæ Lineam collateralem.

Prima Regula, quæ sola pertinet ad Lineam rectam, hæc est: Tot sunt Gradus, quot generationes personarum, quarum una descendit ab alia; vel, Tot sunt Gradus quot

persona, dempto Stipite. Sic pater, filius, nepos, pronepos, abnepos, sunt quinque personæ; & dempto Stipite, scilicet patre, supersunt quatuor tantum personæ & quatuor Gradus; quia nempe quatuor tantum sunt generationes. Hinc filius est in primo Gradu cum patre; nepos cum avo, in secundo; pronepos cum proavo, in tertio; abnepos cum abavo, in quarto. Hinc, in Stemmate

(a) Conc. Compend. an. 717. can. 1.
2. 35. Bitur. an. 1031. can. 17. Rotom.
an. 1072. can. 14. 35. Calixt. II, c. 35.

Caes. III, L. 4. tit. 14. c. 3. Inst. l. 3.
tom. 6.

precedenti; *Josephus* est in quarto Gradui cum *Petro*; nam à *Petro*, qui *Stipes* est, & qui propterea numerari non debet, *Josephus* quarta persona invenitur.

Secunda Regula, quæ prima Lineam spectat collateralem, hæc est: *Si persona, inter quas fit comparatio, eque distent à communi Stipite, æque Gradibus inter se distant, quot Gradibus singula distant ab illo Stipite communi, à quo proximè descendunt.* Sic duo fratres uno gradu inter se distant, ut possent singuli à communi Stipite, qui pater est, uno Gradu distantes: filii duorum fratrum, duobus Gradibus; &c. Sic, in superiore Stemmate, *Martha* & *Thomas* consanguinei sunt in tertio Gradu, eò quod trium Graduum intervallo uterque sit à *Petro* disjunctus. Hinc, undecimo seculo, *Incestuosi* dicti sunt, & tanquam Hæretici ab Ecclesia condemnati (b), qui Gradus Consanguinitatis numerari volebant ex Regula Juris Civilis, juxta quam unaquæque persona unum Gradum efficit, cum, ex placito Juris Canonici, duæ ad unum Gradum efficiendum requirantur personæ; ita ut frater & soror, qui, secundum Leges civiles, in secundo sunt Gradu, in primo tantum sint, ex instituto Canonum: & sic de sequentibus Gradibus.

Tertia Regula, quæ secunda pertinet ad Lineam collateralem, hæc est: *Persona inæqualiter à Stipite di-*

stantes, eo Gradu inter se distant, quo remotior ipsarum distat ab illo communi & proximo Stipite. Sic frater est in secundo Gradu cum filia fratris; quia, etsi frater uno tantum Gradu distat à Stipite communi, qui est pater, ab eo tamen communi Stipite fratris filia duobus distat Gradibus (c). Sic, in Stemmate precedenti, licet *Joannes* duobus tantum Gradibus distet à *Petro*, ab hoc tamen *Martha* & *Joannes* tribus distant Gradibus, eò quod *Martham* à *Petro* sejungat trium Graduum intervallum. Quid autem circa tertiam hanc Regulam sit ulterius observandum, ad impetrandam super Consanguinitatis Gradibus legitimam Dispensationem, inferius dicetur, Divisione IV, Capite III.

Jam verò duplex aliquando inter duas personas intercedit sanguinis cognatio: quod quidem duobus in calibus contingit. 1º. Cum occurrunt duo Stipites: si v. g. à duobus fratribus ductæ fuerint uxores quæ sint inter se vel sorores patrueles (1), vel consobrine (2), vel amittine (3), liberi ex utroque conjugio suscepti dupliciter consanguinei erunt; scilicet in secundo Gradu ex capite paterno, & in tertio Gradu ex capite materno. 2º. Inter eos etiam qui ex uno communi Stipite descendunt, idem potest locum habere: sic, in subjecto Stemmate:


(1) Cousines-germaines, filles des deux freres.

(2) Cousines-germaines, filles des deux freres.

(3) Cousines-germaines, filles du frere & de la sœur.

(b) Duo Conc. Rom. sub Alex. II. an. 1065.

(c) Greg. IX, cap. Vir qui, de consang. & aff. Conc. Later. IV, cap. 50.



cùm *Bernardus, Philippus & Marcus* fratres sunt, & cùm *Philippus Céciliam* filiam fratris-filii (1) uxorem duxerit, *Franciscus* ex hoc Matrimonio genitus, in secundo Gradu est cum *Anna*, quandoquidem duorum fratrum sunt filii: *Franciscus & Anna* sunt etiam inter se in secundo ad quartum, propter *Céciliam*; undè geminam inter se habent Consanguinitatem inæqualem, quamvis ex eodem Stipite provenientem.

Quandò unus duntaxat occurrit Stipes communis, simplex ille est, vel duplex: sic *Paulus & Martha* sunt frater & soror vel ex patre & matre, vel ex patre tantum, vel solummodò ex matre. Sed nihil interest, quoad Matrimonium, simplexne an duplex inveniatur Stipes; cognatio enim ex alterutro procedens, Matrimonium æquè dirimit.

Ubi agitur de contrahendo inter consanguineos Matrimonio, caveant Parochi diligenter ne in inquisitione Graduum Consanguinitatis quoquomodò aberrant. Ut igitur in tanti momenti materiâ tutò pro-

cedant, opimum erit Consanguinitatis Arborem in charta delineari, inscripto communi Stipite à quo descendunt ii quorum genealogia textitur; ac deinceps hinc & inde generationes & nomina personarum, usque ad illas de quibus inquiritur an consanguineæ sint in Gradu prohibito. Sic nempe, an Dispensatione indigeant, & ad quem pertineat Dispensationem concedere, multò tutius ex Regulis supradictis judicabitur.

His præmissis, constituendum est in qua Linea & in quibus Consanguinitatis Gradibus, tum etiam quo Jure irritum in iis sit Matrimonium.

Ac primò quidem constat Matrimonia in prima Linea recta Gradu Jure naturali irrita esse; in cæteris verò ejusdem Lineæ Gradibus, naturam ab his refugere, atque ut prohibeantur & irrita declarentur, legum positivarum auctoritatem tacitè quadam reclamazione implorare.

Constat 2^o. per Consanguinitatem in Linea recta, Jure tum divino, tum Ecclesiastico, irritum effici Matrimonium, quocumque Gradu à se invicem distent *ascendentes & descendentes* (d). Juri Ecclesiastico prævetat Jus Civile, his verbis: „ Inter eas personas quæ parentum „ liberorumve locum inter se obri- „ nent, contrahi nuptiæ non pos- „ sunt, velut inter patrem & fi- „ liam, vel avum & nepotem, & us- „ que in infinitum; & si tales perso- „ næ inter se coierint, nefarias atque

(1) Sa petite-nièce.

(d) *Levit.* 18. 7. 10. *Nic. Papa I.* resp. ad Consult. *Bulgar.* c. 39.

incestus nuptias contraxisse dicuntur (e). Sic etiam solo rationis instinctu ipsimet hac de re senserunt Ethnici; & aliquæ tantum gentes barbaræ Jus illud omnibus hominibus communi infregerunt, ideòque cæteris populis execrationi fuerunt. Hinc, in priore Stemma, Petrus nullam ex feminis in utralibet Linea collateralis, quæ sibi recta est, occurrentibus potest uxorem ducere, atque ad hoc ullam Dispensationem obtinere.

Constat 3^o. refugere naturam à conjugis in primo Linea collateralis Gradu, seu fratrum & sororum nuptias; tum propter ingentem consanguineis tam propinquis erga se invicem reverentiam; tum ad præcavenda scelera, impudicitias & incestus, quorum occasionem periculosissimam summamque facilitatem præberet conjugii spes inter eos, qui ab infantia sub eodem tecto viventes, arctissimâ secum necessitudine & familiaritate junguntur. Attamen certum est modò dicta conjugia non esse ipso Jure naturæ per se vetita & irrita, saltem posito extremæ necessitatis casu, ut patet ex Matrimoniiis, orbe recenti, fratres inter & sorores contractis. Neque enim credibile ullo modò videtur sic à Deo conditum fuisse humanum genus, ut primævi homines à naturæ legibus desciscere coacti fuerint, illudque Creatoris mandatum, *Crescite & multiplicamini, & replete terram*, non potuisse in prima hominum

generatione nisi per scelus adimpleri. An verò extra illum casum ipso Jure naturæ irrita sint ejusmodi connubia, inter se dissentiunt Theologi. Quidquid autem sit de diversis eorum hac in parte opinionibus, in confesso est apud omnes, ex consanguinitate in cæteris Linea transversæ Gradibus nuptias Jure naturæ irritas non effici. Abraham enim, pater credentium, uxorem duxit Saram, quæ sibi vel fratris-filia erat, vel certè consobrina (f): Jacob autem nuptias iniit cum Lia & Rachele, suis consobrinis (g). Quæ scilicet conjugia non contraxissent Patriarchæ illi sanctissimi, si, salvo Jure naturæ, contrahi non potuissent.

Verum deinceps, præter nuptias fratrum & sororum (h), alii quidam Gradus in Levitico prohibiti fuerunt. Hac enim Lege irritum evasit Matrimonium inter consanguineos in primo ad secundum Linea collateralis Gradum (i), scilicet inter amitam (1) vel materteram (2), & fratris vel sororis filium (3). Inter consanguineos in secundo & cæteris Lineæ transversæ Gradibus, manente veteri Testamento, non modò non prohibitum, sed magnopere commendatum fuit Matrimonium (k).

Ecclesiæ autem variis temporibus varia fuit hac in parte disciplina. Primis quidem seculis, nuptias inter consanguineos vetitas fuisse, docent Patres universi: & Levitici Leges de Gradibus interdictis, apud

(1) Tante-paternelle.

(2) Tante-maternelle.

(3) Neveu.

(e) Instit. Justiniani, lib. 1. tit. 10. §. Ergo non.

(f) Gen. 12. 13. (g) Gen. 29.

(h) Levit. 18. 9.

(i) Levit. 18. 12. 13.

(k) Tob. 6. 11. 12. 13. & cap. 7. v. 9.

remotissimæ

remotissimæ antiquitatis Christianis involatæ fuerunt (1). Uteriores deinde Gradus prohibuit Ecclesia: sed diversi diversis temporibus & locis usus fuisse. Tertium, quartum, quintum, sextum & septimum Gradum prohibent varii Canonones (m); alii Matrimonium solant quousque parentela cognosci potest (p). Eam diversitatem, XII seculo, Alexander III ad quartum Gradum inclusivè restrinxit (o). Quod cum à Concilio Œcumenico Lateranensi IV^o confirmatum fuerit (p), jam non ultra hos terminos incestum reputatum fuit inter consanguineos Matrimonium (q). Sed in Gradibus inæqualibus validum est, si Gradus remotior infra quartum jaceat: v. g. consanguineus in tertio vel quarto ex una parte, potest uxorem ducere consanguineam in quinto ex altera parte; & vice versâ: Pars enim à Scipite communi remotior trahit ad se propinquiorem. Sic, in priore Stemmate, Josephus cum Catherina Matrimonium inire non potest; sed nihil vetat quin ejus filiam ducat uxorem.

Nunc igitur Matrimonia consan-

guineorum in Linea collateralis usque ad quartum Gradum inclusivè, Jure Ecclesiastico irrita sunt. Ecclesiæ nihilominus competit, ut Matrimonia, ob causas gravissimas, per Dispensationem concedat inter collaterales consanguineos, etiam in primo Gradu ad secundum, id est, inter patruum aut avunculum & fratris vel sororis-filiam, vel inter fratris aut sororis-filium & amitam vel materteram. Neque obstant Levitici Leges, quæ scilicet cum Lege Moysi abrogatæ fuerunt: unde Ecclesia quædam per eas prohibita concedere, sicut & quædam per eas concessa prohibere potest (r).

Cognatio naturalis illegitima, Impedimentum similiter parit, quo quidem excluditur omne Matrimonium in Linea recta, & quod patitur usque ad quartum Lineæ collateralis Gradum extenditur.

Porrò nuptiæ irritæ sunt, si quæ ab Infidelibus contractæ fuerint intra illos Gradus in quibus Matrimonium Jure naturali dirimit Consanguinitas. Contrà, verò, si de illis Consanguinitatis Gradibus agatur, qui Jure duntaxat Ecclesiastico sint Ma-

(1) S. Basil. can. 68. Tert. de Monog. c. 7. S. Chrys. Hom. 20. in Gen. Conc. Eliv. c. an. 304. can. 61. 66. Turon. II, an. 567. can. 20. Rom. sub. Greg. II, an. 721. can. 9.

(m) Conc. Epaon. c. an. 517. can. 30. Autiss. an. 578. can. 27. Mogunt. I, an. 813. can. 56. Mogunt. sub Rab. an. 847. can. 30. Bur. an. 1031. can. 2. 17. Rom. sub Nicol. II, an. 1059. can. 11. Vide S. Ambr. l. 6. Ep. 3. (al. 60.) n. 1.

(n) Conc. Tolet. II, an. 531.

• Tomus II.

(o) Decretal. lib. 4. tit. 14. c. 1.

(p) An. 1215. cap. 50.

(q) CONSANGUINITATIS GRADUS PROHIBITI.

1^o. Frere & sœur.

2^o. Cousin-germain & cousine-germaine.

3^o. Cousin & cousine issus-de-germain.

4^o. Cousin & cousine, fils & filles-de-germain.

(r) Vide Conc. Trid. Sess. 24. de Matrim. can. 3.

rimonii Impedimenta dirimentia; valebit conjugium intra ipsos ab iisdem contractum: illud proinde solvendum non erit, ubi tales ad fidem Catholicam conversi fuerint. Etenim qui Baptismo tincti non fuerunt, Ecclesie legibus non obstringuntur, juxta illud Apostoli: *Quid mihi de iis qui foris sunt, judicare (s)?*

JAM verò Consanguinitatis Impedimentum ideo constituit Ecclesia, quòd Matrimonia inter propinquos non solum honestati publicè repugnant, sed & pudori quem propinquorum animis erga se invicem injecit natura: præterea, ut, multiplicatis affinitatum conjunctionibus, charitas latius extenderetur: denique ad molem objiendam illicitæ familiaritatis & corruptelis, in quas facilius, ex libertate colloqui & convictus, delaberentur utriusque sexus propinqui, si Matrimonia inter se inire facillè posse confiderent.

COGNATIO LEGALIS ex adoptione oritur (s): quæ cum in Galliis, atque in ipsismet Provinciis quæ Jure scripto utuntur, penitus obsoleverit, apud nos jam nullus est huic Impedimento locus.

COGNATIO SPIRITUALIS ratione Baptismi contrahitur. Scilicet Baptismus nova quædam est generatio,

in qua vicem parentum sustinent Baptizans & Susceptores; unde spirituale, respectu baptizati, paternitatem, ideoque & ejusdem generis compaternitatem cum illius parentibus contrahunt: proptereaque Matrimonio sine legitima Dispensatione jungi non possunt, nec Patrinus, aut ipse Laicus baptizans, cum baptizata, vel hujus matre; nec Matrina, aut ipsa femina baptizans, cum baptizato, vel hujus patre.

Jure antiquo, latius extendebatur *Cognatio spiritualis*; » sed volens » sancta (Tridentina) Synodus in » commodis inde frequenter exurgentibus providere, statuit ut » unus tantum, sive vir, sive mulier, vel ad summum unus & » una, baptizatum de Baptismo suscipiant; inter quos ac baptizatum ipsum, & illius partem matrem, necnon inter baptizantem & baptizatum, baptizatique patrem ac matrem tantum, spiritualis Cognatio contrahatur (s).

Hinc 1°. Nullam cognitionem contrahunt, 1°. Qui Patrinum & Matrinam in levando infante adjuvant, tametsi infantem physicè tangunt (x): 2°. Qui infanti jam domi baptizato nomen imponunt, cum suppleantur Baptismi Cereemoniæ (y); quia tunc infantem de sacro Fonte non suscipiunt: 3°. Qui infantem suscipiunt extra Baptismum solemnem; cum enim Patrini & Matrinx

(s) 1. Cor. 5. 12.

(t) Vide S. Thom. in 4. dist. 51. q. 2.

a. 5.

(u) Conc. Trid. Sess. 24. de Ref. Ma-

trim. cap. 2. (x) Ibid.

(y) Clem. III, l. 4. tit. 21. c. 3. Bonif. VIII, l. 4. tit. 3. c. 2. in 6.

extra Ecclesiam adhiberi nunquam debeant, Patrimi & Matrinx nisi per errorem non dicuntur ii, qui infantem tenent cum domi baptizatur;

4°. Susceptoris Procurator; nam (ut fert opinio communior & probabilior) ille solus, qui, siue per seipsum, siue per Procuratorem Susceptor est infantis, Cognationem contrahitur (7). Cum tamen hæc opinio non sit omnino certa, & revera quibusdam in Diocesis (a) ille Cognationem contrahere censetur, qui, siue proprio, siue alterius nomine infantem de sacris Fontibus physico actu suscipit; tutius est ut Susceptoris Procurator, si de Matrimonio agatur, obtineat à Dicesano Præsule Dispensationem; quæ quidem, propter dubium, sufficit.

Hinc II°. si moriatur infans jam incepto Baptismi *Catechismo*, sed priusquam fuerit aquâ Baptismali perfusus, nulla inde Cognatio contrahitur.

Hinc III°. Patrinus & Matrinx simul Matrimonio jungi possunt, quoniam nulla inter eos exurgit Cognatio.

Hinc IV°. Qui infantem sub conditione baptizatum suscepit, ii Cognationem spirituales contraxisse supponuntur, & quidem tutius; dubium enim est an non huiusmodi Baptismus verum sit Sacramentum.

Hinc V°. illâ Cognatione non

eximuntur ipsi Hæretici, siue Baptizantes, siue Susceptores; quia, virtute Baptismi, Ecclesiæ Legibus obnoxii fiunt.

Hinc VI°. Spirituali incestu pollueretur, si quis; (quod absit) siue cum puella quam baptizasset, siue cum eâ quam de Fonte sacro suscepisset, vel cum hujus matre peccatum carnis postea consummaret.

Hinc VII°. Qui, urgente necessitate, infantem baptizat, prædictam Cognationem contrahit: etenim inter baptizantem cum necessitate & baptizantem sine necessitate, Jus non distinguit. Si tamen pater, in casu necessitatis prolem suam legitimam baptizaret, nullam cum uxore Cognationem contraheret. Casus autem necessitatis ille est, si quando infans periclitetur, nullusque adsit alius vir Catholicus ad baptizandum idoneus. Idem probabilius dicendum videtur, etiam si eorum Obstetrico baptizet pater; neque enim decet mulierem, præsentem viro, baptizare, nisi aliud suadeat pudor. Quod si progeniem suam, nullâ necessitate cogente, & ex malitia baptizaret pater, ut nempe ab uxoris thalamo abtineret; huic debitum conjugale reddere, sicut antea, nihilominus teneretur, ne quid ex fraude sua commodi caperet; quanquam, ad illud poscendum, Dispensatione opus haberet.

(7) Sic definiit sacra Rit. Congr. *teste Fagnan*, cap. Veniens, de cogn. spir. *Vide* Conférences de Paris, tom. 2, pag. 181.

& d'Angers, tom. 2, pag. 310.

(a) Saltern in Diocesi Gratiopolitana.

Si quis verò susceptam sibi ex concubina aliave qualibet muliere non sua conjuge, sobolem vel in ipsa suprema necessitate baptizaret, Cognationem cum ea fœmina contraheret, nec sine Dispensatione posset iusto ac legitimo conjugio cum ea fœmina sociari.

Quemadmodum autem ex Baptismo, ita etiam ex Confirmatione sequeretur *Cognatio spiritalis*, si cubi adhuc Patrini & Martini confirmandis adhiberentur (b).

Porrò hujus Cognationis Impedimentum quia solo Jure Ecclesiastico Matrimonium dirimit, ab Ecclesia relaxari potest. Sed qui carnis opere cognovit personam quicum sibi intercedebat *Cognatio spiritalis*, hic, si Dispensationem obtinere velit, non solum Cognationem, verum etiam crimen admissum debet in Epistola Supplici expungere (c); hic *sacra Pœnitentia* stylus est, Jus autem stylo efficitur.

(b) Conc. Cabil. II, an. 813. v. 815. can. 31. Tribur. an. 875. can. 48. Trid.

sup. (c) Pyrrh. Corrad. l. 8. c. 8. n. 12.

ARTICULUS V.

CRIMEN.

Quadruplex hujus Impedimenti species.

DUO in universum crimina Matrimonium contrahendum prohibent, contractumque dirimunt: *Adulterium* nempe; & *Conjugicidium*; quæ, prout conjuncta fuerint vel disjuncta, & certis quibusdam conditionibus atque circumstantiis induta, quatuor efficiunt criminum species eundem effectum parientes: scilicet 1º. *Adulterium sine Conjugicidio, sed cum Matrimonii postmodum contrahendi promissione*. 2º. *Adulterium pariter sine Conjugicidio, sed cum novo Matrimonio attentato*. 3º. *Conjugicidium simplex, id est, sine Adulterio*. 4º. denique *Conjugicidium cum Adulterio*.

§. I. *ADULTERIUM SINE CONJUGICIDIO, SED CUM MATRIMONII CONTRAHENDI PROMISSIONE.*

In quo posita sit hac species, & quàm sapienter in eà constitutum fuerit Impedimentum. Quinque conditiones requiritæ, ut ex ipsa Impedimentum existat.

ADULTERUM inter & adulterani Impedimento locus est, cum, præter adulterium, intervenit, conjuge adhuc vivente, promissio Matrimonii post hujus mortem cum sceleris particeps inmundi (a). Neque igitur sola Matrimonii promissio Impedimentum parit, nisi accedat

(a) Alex. III, c. 6. Extrà. De eo qui duxit in Matrim. quam polluit adul.

adulterium; neque solum adulterium, nisi accedat Matrimonii promissio. Porro illud Impedimentum Jure Canonico, cui consentit Jurisprudencia Gallicana, sapienter constitutum fuit, ne conjux conjugi mortem exoptaret aut inferret, prout sæpius daretur occasio, si Matrimonium, post conjugis mortem, inter eos validè contrahi posset, qui, conjuge adhuc vivente, Matrimonium inter se contrahendum promississent, & promissioni adulterium adjunxissent.

Adulterium autem & Matrimonii promissio irritum non faciunt Matrimonium, nisi concurrant plures conditiones; quarum prima est, ut, quo tempore commissum fuit utrumque hujusmodi crimen, criminis sociorum saltem unus verè validèque connubio junctus fuerit; nam alioqui nullum fuisset adulterium. Hic verò nihil interest an conjuges de quibus agitur, simul aliquandò, an omnino nunquam habitaverint; an post cohabitationem fuerint divortio sive legitimo sive non legitimo separati; an ratum solummodò fuerit eorum Matrimonium, an præterea consummatum. In diversis ejusmodi casibus & circumstantiis, Impedimentum dirimens perindè efficitur ex futuri Matrimonii promissione cum adulterio; perindè liquidem constat verè connubio junctum fuisse conjugem alterutrum.

Ex dictis intelligitur, non contrahi Impedimentum hoc dirimens,

si ex errore existimatum sit adulterium esse quod reipsà tale non esset; quia v. g. complicitas Matrimonium quod ex errore validum putabatur, reipsà irritum fuerit; vel quia complicitas conjux qui tunc vivere existimabatur, reverà non superesset.

Secunda conditio est, ut, quo tempore perpetratum fuit adulterium, promissumque Matrimonium, adulterium utrimque formale fuerit, seu utrique complici notum; ad quod requiritur ut noverit uterque Matrimonio junctum esse unum saltem eorum (b). Hinc sequitur non existere istud Impedimentum, 1°. Si, licet ambo etiam criminis participes Matrimonio juncti fuerint, neuter tamen alterum Matrimonio junctum esse noverit: 2°. Si quis, vivente conjuge, quam bonà fide mortuam putaverit, soluta; fornicat, aut quæ soluta putaretur, bonà fide Matrimonium promissit, & cum ea carnis opere se conjunxit. Cæterùm ad bonam ejusmodi fidem non sufficit ignorantia, ut loquuntur, crassa & supina; sed ea sola in præsentī negotio bonam fidem parit, quæ in aliis materiis à præcepti transgressione excusat.

Tertia conditio est, ut consummatum fuerit adulterium. Quæ enim Canones hoc Impedimentum constituunt, pœnales sunt, atque adeò restringendi, seu strictiore sensu intelligendi, quemadmodum pœnales Ecclesiæ Leges interpretandæ esse

(b) *Ibid.*

docent potioris notæ famæque Theologi. Cum igitur ex adulterio *simpliciter & sine addito* illud Impedimentum contrahendum statuatur modò dicti Canones (c), ad hoc scelus consummatum restringi debent.

Quarta conditio est, ut Matrimonij promissio à sceleris consortio acceptata fuerit, sive expressè, ut verbis, sive virtualiter & implicitè, ut nubiis, aliisve signis exterioribus acceptationem sufficienter declarantibus. Ad hoc tamen sufficere non videtur silentium: quanquam, eveniente huiusmodi casu, consulendus esset Episcopus Diocesanus.

Jam verò circa istam conditionem observandum est, nihil referre 1º. an seriò & sincerè, an fictè subdolèque data & acceptata fuerit ejusmodi promissio. Ratio est, quia promissio, etiam ficta, si modò seria videatur ac talis exteriorè appareat, non minùs quàm si vera & sincera esset, occasionem præbere adulterio & conjugicidio potest, ad quæ scelera præcavenda constitutum ab Ecclesia fuit illud Impedimentum. Nec refert 2º. an mutua, seu ex utraque parte facta; necne, fuerit ejusmodi promissio. Sufficit enim

promissio ab uno criminis socio facta, & ab altero acceptata; neque ex parte acceptantis nova promissio requiritur. Ratio est, quia promissioni æquivalet promissionis acceptatio. Nec refert 3º. utrùm ante, utrùm post adulterium data & acceptata fuerit promissio: tum quia statuunt Canones Impedimentum dirimens ab eo contrahi, qui priùs vel postea (d), id est, vel ante vel post Matrimonij promissionem, alterius uxorem adulterio polluit; tum quia promissio adulterium subsequuta, ad novum adulterium & ad conjugicidium proclivi gradu impellit; ideòque inde existit Impedimentum dirimens. Quod tamen (juxta sententiam probabiliorè) sic intelligendum est, modò scilicet adulterium & Matrimonij promissio, uno & eodem connubio subsistente, concurrerint: secùs enim dicendum foret, si, duobus successivè Matrimoniis à sceleris participio contractis, priore subsistente promissio data & acceptata fuisset, eoque per conjugis mortem soluto, novoque postmodum contracto commissum adulterium; aut vice versà. Hinc si Joannes v. g. vivente Genovesà conjugè, Matrimonium cum Bertha post mortem Genovesæ con-

(c) Audivimus rem execrabilem & Catholicis omnibus detestandam, quendam nefario carnis opere alicujus uxorem, vivente eo, commaculasse, & in argumentum iniquitatis juramento confirmasse, si ejus legitimum supervixissent ambo maritum, ut ille fornicator illam adulteram adulterio pollutam sibi associaret thoro & legitimo Matrimo-

nio.. Non licet ergò, nec Christianæ Religioni oportet, ut ullus eà utatur in Matrimonio, cum qua priùs pollutus est adulterio, *Conc. Tribur.* (locus nunc desertus propè Moguntiam) an. 895, can. 40. Vide Alex. III, suprà, *De eo qui duxit in Matrim. quam polluit adult.*

(d) De eo qui duxit, &c.

trahendum promissit, deinde vero, mortuâ *Genovesâ* uxore, & in secundam ductâ *Joannâ*, eâque vivente adulterium cum eadem *Bertha* commiserit; in hujusmodi casu, *Joannem* inter & *Bertham* nullum exurgit Impedimentum, saltem nisi adulterium committentes subsistente altero *Joannis* Matrimonio, promissionem priore subsistente factam renovaverint aut ratam habuerint. Nec feret 4°. an absoluta, an conditionalis fuerit illa promissio. Ratio est, tum quia, ut Matrimonii promissio cum adulterio sit Impedimentum dicimens, non requiritur ut sit valida, cum sit ipso Jure irrita: tum quia promissio, etiam conditionalis, cui accessit adulterium, ad hoc ingeminandum & ad conjugis mortem exoptandam atque attendendam vehementer incitat; quibus nempe sceleribus occurrere voluit Ecclesiæ providentia, dum illud Impedimentum constitueret. Idem utique ob eandem rationem dicendum est de promissione facta sub conditione impossibili, vel turpi, vel Matrimonii substantiæ contrariâ (e); nam ex promissionis valore omnino non pendet hocce Impedimentum. Excipiendum tamen, si ex ipsa promissionis naturâ, eam non serio, sed fide dari perspiceret sceleris consors, vel si, propter ejus turpitudinem, eam non acceptaret. Quinto demum, nihil refert an juramento firmata, necne, fuerit promissio; sufficit enim simplex promissio cum

adulterio (f). Sic nimirum Canones Impedimentum illud constituentes interpretatur communis Theologorum sententia, ipsaque consuetudo, optima Legum interpretres.

Quinta conditio est, ut promissio, quemadmodum exposuimus, data & acceptata, non ante adulterium revocata fuerit. Ad inducendum quippè illud Impedimentum requiritur & futuri Matrimonii promissio, & adulterium. Promissio verò, ubi ante adulterium revocata fuit, non jam cum adulterio subsistit amplius; hæc siquidem, factâ revocatione, perinde se habet, ac si nunquam data fuisset.

§. II. ADULTERIUM SINE CONJUGICIDIO, SED CUM NOVO MATRIMONIO ATTENTATO.

In quo posita sit hac species. Tres conditiones a) eam efficiendam requirite. Tria hic observanda.

Si, vivente conjuge, conjux adulterium commiserit, & cum sceleris particeps Matrimonium scienter contraxerit, seu potius contrahere attentaverit; ex utroque illo crimine, inter ejus consortes exoritur Impedimentum dicimens, quo fit ut Matrimonium inter se post mortem conjugis validè contrahere nequeant (g). Id nempe constat ex totius Ecclesiæ consensu & praxi; cujus ratio hæc ipsa est

(e) *Cap. Laudabilem. Propositum. Significasti.*

(f) *Ibid.*

(g) *Greg. IX, l. 4. tit. 7. c. 8. Alex. III, ibid. c. 1. 3.*

quam pluriès jam annotavimus; quia scilicet Matrimonium illud præfatis in circumstantiis attentatum, ad mortem conjugis tum exoptandam, tum machinandam potentissimè impelleret.

Ut verò indè oriatur Impedimentum dirimens, certas qualidam conditiones concurrere necesse est; quarum prima est, ut validum fuerit Matrimonium priùs contractum; 2^a. ut idem adhuc subsistat, cum novum attentatur connubium. Utriusque ratio est, quòd alioqui, vel non intervenisset adulterium, vel sine novo Matrimonio attentato fuisset: quæ duo tamen ad hoc Impedimentum requiruntur. Undè sequitur id locum non habere, 1^o. Si prius Matrimonium quod ex errore validum putaretur, nihilominus reipsa irritum fuisset: 2^o. Si conjux qui adhuc vivere crederetur, esset reverà mortuus: 3^o. Si, quamvis novum, supersit conjugè, Matrimonium inter criminis socios attentatum fuerit, tamen ij à quibus attentatum illud fuit, carnis opere juncti non fuerint nisi post conjugis mortem; aut vice versà: (h) etenim, ex dictis, non est Impedimento locus, nisi utrumque illud crimen, vivente conjugè, seu adhuc subsistente priore connubio, perpetratum fuerit.

Tertia conditio est, ut Matrimonium ejusmodi scienter attentatum fuerit, & adulterium scienter quoque commissum; id est, ut, quo tempore perpetratum fuit scelus utrum-

que, sceleris sociò alteri notum fuerit adhuc subsistere validum alterius conjugium (i). Si ergò alter bonà fide Matrimonium attentavit, aut carnis opere cum sceleris socio junctus est, solum hunc falsò existimans; cum eodem, postquam reverà solutus fuerit, Matrimonium validè contrahere poterit: quinimò, vir connubio junctus, qui malà fide Matrimonium attentavit adulteriumque commisit cum scemina quæ bonà fide in utrumque consensit, eam, postquam solutus ipse fuerit, uxorem, si exigat, ducere tenetur (k). Si tamen alter hoc modo contrahentium, post Matrimonium bonà fide attentatum, & adulterium materiale, seu bonà pariter fide commissum, validum alterius conjugium esse resciverit, & nihilominus cum sceleris particeps maritalem in modum habitare persistat; inter eos tunc exurgit Impedimentum dirimens, quo fit ut, ne soluto quidem priore Matrimonio, novum inter se contrahere possint. Ratio est quòd, eo ipso, ab illo criminis consorte renovatur & ratum habetur connubium priùs attentatum, & adulterium antea commissum.

Hic potèò diligenter observandum est, 1^o. ad hoc Impedimentum inducendum perindè esse, sive ut Matrimonium attentatum adulterio præverit, sive secutum fuerit, modò utrumque scelus uno eodemque conjugio subsistente sit perpetratum: 2^o. Hac specie criminis non constitui Impedimentum dirimens,

(h) Greg. IX, suprà.

(i) Alex. III, ibid. Tit. De eo qui

duxit, &c. cap. 2.

(k) Eod. tit. cap. 7.

si, ante commissum adulterium, revocatum fuerit Matrimonium attentatum. Scilicet Canones generatim statuunt non exurgere Impedimentum dirimens, si data fides revocetur antequam perpetratum fuerit adulterium. Jam verò per *fidem datam* intelligi debet non sola futuri Matrimonii promissio, sed & Matrimonium ipsum *per verba de presenti*, quanquam invalidè, contractum. Notandum est 3°. Ad hoc idem Impedimentum inducendum non requiri ut novum Matrimonium in facie Ecclesiæ contractum fuerit, seu potius attentatum. Sicut enim ad Impedimentum constituendum non requiritur ut validum sit novum quod attentatur, Matrimonium, ita omnino non opus est ut in facie Ecclesiæ attentatum fuerit.

§. III. CONJUGICIDIUM SINE ADULTERIO.

Quanam sit hujus speciei natura. Tres conditiones ad eam requisitæ. Triæ notanda.

CONJUGICIDIUM simplex, id est, sine adulterio, Impedimentum dirimens efficit inter virum & scēminam qui alterutrius conjugii mortem, vel ex mutua conspiratione, vel alter, altero consentiente, intulerunt, cum intentione (saltem in uno) post dicti conjugis mortem Matrimonium cum homicidii socio contrahendi. Quod quidem à Canonibus ideò constitutum fuit, quia, si tanti sceleris consortes Matrimonium inter se post mortem conjugis interfecti validè contrahere possent, conjugii utriusque vel eorum alteri occasio &

incriminamentum præberetur cum aliquo tertio in conjugis mortem conspirandi: quod tamen, Ecclesiā sapienter providente, aufertur, præclusâ spe Matrimonii cum sceleris particeps ineundi.

Ut autem huic sit Impedimento locus, requiritur 1°. ut homicidarum saltem unus valido sit junctus Matrimonio, idque adhuc subsistat, quo tempore perpetratur homicidium. Conditionis verò hujus consuetudinaria, ex iis quæ de secunda specie diximus, facillè intelligi poterunt.

Requiritur 2°. ut ex tali conspiratione seu machinatione reipsâ interfectus fuerit alterutrius homicidæ conjux. Hinc non sufficit 1°. quòd unus sine alterius mutuâ operâ vel consensione scelus commiserit: neque 2°. quòd mors conjugis attentata fuerit, nisi ipso effectu secuta sit: nec 3°. quòd, etiam post inflicto ab utroque sceleris consorte vel eorum altero, lethale vulnus, postea casu mors conjugis evenierit, v. g. medici aut chirurgi imperitiâ vel negligentia; sed necesse est ut inflicto vulnere secuta per se fuerit: nec 4°. quòd ejusmodi vir & scēmina Matrimonium inter se post conjugis mortem contrahere volentes, conjugicidium ab aliquo tertio, sed sine ipsorum communicatione & consensu, jam perpetratum, postea ratum habeant: siquidem facti alicujus ratihabitio non potest nisi fictione Juris vim retroactivam habere; unde in solis casibus Jure ipso expressis incurrit pœnas Jure constitutas.

Ceterùm hic nihil refert an physicè, id est, per se & propriâ manu, an moraliter, scilicet mandato vel

consilio per aliquem interpositum, mortem conjugii intulerit sceleris confors uterque, vel alteruter altero consentiente: sufficit ut ex illa seu physica, seu morali actione, mors reipsa contigerit (1). Quid si mandatum aut consilium in conjugis mortem revera non influxerit, quia v. g. is qui mandatum aut consilium accepit, mortem inferendam jam antea decreverat; in hujusmodi casu nullum exurgit Impedimentum dirimens: quemadmodum in simili circumstantia, prout docent Theologi, ex mandato aut consilio non contrahitur Irregularitas, nec restituendi obligatio. Scilicet, ut jam observavimus, Legum poenaliu verba restringenda sunt, seu strictiore sensu intelligenda: unde, in praesenti instituto, ea de solo mandato vel consilio in crimen efficaciter influente intelligi oportet.

Requiritur 3^o. ut crimen illud perpetraverint ejus consortes cum intentione (saltem in uno) Matrimonium, interfecto conjugē, cum sceleris socio contrahendi: haec nempe communior et probabilior est Theologorum sententia. Ratio est, quia nempe ideò constitutum fuit hoc Impedimentum, ne ad mortem conjugii exoptandam, attentandam atque inferendam, conjugem incitaret spes connubii cum sceleris particeps ineundi: porro nullus est huic rationi locus, ubi mors conjugii non eam mente seu intentione illata fuit, ut ambo sceleris consortes Matrimonio inter se jungerentur. Quod

autem censent nonnulli huic Impedimento locum non esse, nisi talis fuerit amborum intentio, minus probabiliter asseritur, cum id nullo Juris decreto sit constitutum. Non tamen improbabile, imò probabilius videtur, haud sufficere intentionem merè internam & occultam, sed oportere ut ipsa exterius manifestetur. Quidquid sit, in Ecclesiae foro semper praesumitur prava illa intentio, quoties constat illatam fuisse conjugii mortem ex mutua utriusque conspiratione, aut ex unius machinatione cum alterius consensu.

Ex ista conditione intelligitur, 1^o. non esse huic Impedimento locum, etiamsi uterque criminis particeps communi consilio alterutrum conjugem interfecerit, sed non eam mente seu intentione ut post conjugis mortem connubio inter se jungerentur, verum ex odio, irā, aut vindictā, sive ut libidini explendae liberius vacarent, sive ut necem utrique aut alterutri à conjugē, v. g. viro adulteri impatienti, inferendam praecaverent, sive ut Matrimonium quidem aliud, soluto priore, non verò inter se contraherent, sive ob causam quamlibet aliam à praedicta intentione diversam. Intelligitur 2^o. ad idem Impedimentum non requiri ut sceleris consortes, aut eorum alter noverit ex tali scelere Impedimentum dirimens exurgere. Licet enim illud ignorent, non minus inde locus Impedimento est. Ea quippe notitia neque Canonum praescripto,

(1) *Carles. III.*, l. 3. tit. 31. c. 2. *Ann.* III, l. 4. tit. 7. c. 6. *Glossa in c. Lau-*

dabilem, Vide *Nayār.* de Matrim. c. 23.

neque usûs & consuetudinis virtute ad hoc Impedimentum requiritur : quemadmodum ipsa nec ad Irregularitatem, aliasve pœnas Ecclesiasticas (solis Censuris exceptis) incurrendas necessaria est.

Porro notandum est, 1°. ad hanc Impedimenti speciem perinde esse, siue vir uxorem, siue uxor virum interfecerit, eam enim ex *viricidio* non secus atque ex *uxoricidio* nasci, Jure Canonico certissimum est (m): 2°. Ad eandem non requiri ut Christiani ambo sint, qui criminis sunt participes. Unde, si maritum Christianum interfecerit mulier Christiana, consorte vel consentiente viro Gentili aut Judeo, cui nubere, soluto Matrimonio, intendat, inducitur Impedimentum dirimens (n): 3°. Neque necessariam esse promissionem Matrimonii, post mortem conjugis, cum sceleris socio contrahendi (o).

§. IV. CONJUGICIDIUM CUM ADULTERIO.

In quo posita sit hac species, & quam conditio ad ipsam efficiendam requiratur. Observatio. Ad hanc speciem concurrant necesse est precedentis speciei pleraque conditiones. Ecclesia mens in quadruplici hujus Impedimenti specie. In homicidio rarissima Dispensationes ad contrahendum.

CONJUGICIDIUM & adulterii gemino crimine Impedimentum di-

rimens constituitur adulterum inter & adulteram, quoties eorum alteruter, siue suum, siue complicitis conjugem interfecit, adjunctâ intentione Matrimonii, eo interfecto, cum adulterii particeps contrahendi (p). Huic autem non est Impedimento locus, nisi conjugicidio præverit commercium libidinis; cum alioqui, Matrimonio per conjugis mortem soluto, jam nullum esset adulterium. Hinc, si *Titius*, eâ mente ut uxorem ducat *Popiliam*, quicum nondum peccavit, ejus virum interficiat, &, nisi post viri mortem, *Popiliam* carnis opere non cognoscat; nihil inter utrumque existet Impedimenti, saltem nisi *Popilia* in viri necem cum suo amatore conspiraverit: quæ quidem hypothesis non ad quartam hanc speciem, sed ad tertiam refertur.

Observandum tamen est, quodd, quamvis ad illud Impedimentum pariendum necesse sit ut illatam necem temporis ordine præcedat commercium libidinis, non requiritur tamen ut necis machinationem antecedit. Hinc si præfatus *Titius* cum modò dictâ intentione *Popiliam* uxorem ducendi, hujus viro venenum propinaverit, aut lethale vulnus infixierit, & postea quidem, sed ante viri illius mortem cum *Popilia* peccaverit; his positis, inter utrumque oritur Impedimentum dirimens. Etenim, viro nondum mortuo, integrum adhuc ma-

(m) *Cap. Si quis, vivente. 31. q. 1.*

(n) *Causæ. III, de convers. conjugat. cap. 10.*

(o) *Alex. III, Cap. Super hoc, Extra,*

de eo qui duxit in Matrim. quam poll. adul.

(p) *Eod. tit.*

nebat conjugium quo tempore *Titius* cum *Popilia* peccavit, &, ex causa efficaciter influente, hujus viro necem intulit: quod nempe sufficit ut occurrat *conjugicidium cum adulterio*.

Ceterum, præter conditionem modò expositam, quæ ad criminosis hujus Impedimenti postremam speciem peculiariter proprièque pertinet, necesse est insuper ut ad eandem speciem concurrant pleræque aliz conditiones in triplici specie præcedenti recensitæ. Requiritur enim 1°. ut validum sit complicitas alterutrius connubium, & adhuc integrum maneat quo tempore alter alterum carnis opere cognoscit; alioquin, adulterium non esset: 2°. Ut mors conjugis non solum attentata, sed & reipsa secuta fuerit; nec verò casu duntaxat, v. g. medici incuria aut imperitiâ, sed perse, seu ex ipsa homicidii molitione provenierit, sive physicè, sive moralitèr tantum hoc scelus perpetratum ab auctore suo fuerit: 3°. Ut hic, necem inferens, intentionem habuerit Matrimonii cum adulterii consorte post conjugis mortem ineundi: 4°. Ut consummatum fuerit adulterium: 5°. Ut hoc scelus fuerit utrimque *formale*, id est, utrique cognitum; ad quod necesse est ut adulteratorum unus, quo tempore adulteravit, alterum verè Matrimonio junctum esse uoverit. Attamen haud necessaria sunt, nec Matrimonium sive criminis socio promissum,

sive cum eo attentatum fide datâ & acceptâ per verba de præsentis (q), nec mutua utriusque in conjugis necem conspiratio, nel unius machinatio cum alterius communicatione & assensu; nec Impedimenti gemino illo crimine exorientis notitia. Denique nihil interest an uxor virum, an vir uxorem interficiat: Impedimento nimirum locus est, utetlibet ex adulteris è medio tollat eum conjugem, ex cujus nece intenditur ineundi conjugii libertas (r).

Porro adulterium, etiam cum homicidio vel mutua ineundi Matrimonii promissione conjunctum, neque naturali, neque divino Jure connubium dirimit; David enim Bethabee, quam adulterio polluebat, & cujus maritum *Uriam He-thaum gladio filiorum Ammon interfecerat*; uxorem postea duxit (s). Ecclesia tamen hujusmodi scelerum merito horrore percussa, ut cordis humani perversitatem quasi oppositâ mole coërceret, neve cujusquam animo illorum cogitationem injiceret spes futuri connubii, ut demum sanctior ac tutior ab omni injuria servaretur conjugalitatis fides, *Criminis* Impedimentum quadruplex, quod modò exposuimus, movente Spiritu sancto, instituit; & super ipso ex causa legitima dispensare potest. Sed in homicidio, nisi rarissimè & propter causas extra consuetum ordinem possi-

(q) Conc. Meld. an. 845. can. 69. Alex. III. cap. Super hoc; Extra, de eo qui duxit in Matrim. quam poll. adul.

(r) C. 1. §. 1. q. 1.

(s) 2 Reg. 11. & 12.

tas, ad contrahendum non dispensat sacrae Romanae Pœnitentiaria Tribunal. Et meritò quidem; timendum quippè foret ne ab Eccle-

sia indulgentiâ faciliore audaciam & quoddam incentivum ii sumerent, quos tam atrocis facinoris incitaret cupiditas.

A R T I C U L U S V I .

C U L T U S D I S P A R I T A S .

DUPLEX Religionis disparitas. Matrimonium inter Fidelem & Infidelem Jure naturali valet ut Contractus; sed, Jure Ecclesiastico, & Contractus & Sacramenti ratione irritum est. Matrimonium inter Catholicum & Hæreticam, aut vice versâ, non irritum quidem quoad sœdus, sed illicitum est: &, nisi cum summis Principibus, in hoc Impedimento non dispensatur. Observationes.

CULTUS disparitas, ubi agitur de duabus personis Matrimonio jungendis, vel tanta est, ut una sit baptizata, altera non baptizata; vel hujusmodi, ut, ex utraque baptizata, una de gremio sit veræ Catholicæque Ecclesiæ, altera de grege Hæreticorum, vel Schismaticorum.

MATRIMONIUM spectari potest vel ut *Sacramentum*, vel ut *Contractus*. Matrimonium, ante ipsa Christi tempora, Contractus erat, & quidem legitimus; atque etiamnum tale est apud omnes populos quibus nondum refulsit Evangelii lumen. Cùm janua Sacramentorum sit Baptismus, inter virum & mulierem non baptizatos nullum potest intercedere Matrimonii Sacramentum; sed justo & valido inter se Matri-

monio jungi possunt, si *Matrimonii* nomen pro legitima illa viri & mulieris conjunctione quæ ad humani generis propagationem necessaria est, accipiatur, nullumque obstat naturalis aut divini Juris Impedimentum dirimens; Nempe in hoc sensu legitima esse Infidelium conjugia evidenter supponit Apostolus, cùm docet Matrimonium inter duos Infideles contractum non dirimi per alterutrius conversionem; quinimò, Infidelem conversum posse ac debere in contubernio permanere uxoris ab Infidelitate non desistentis, si hac consentit habitare cum illo (a); & vicissim Infidelem conversam, cum marito avitæ superstitionis tenaci (b). Non enim per Baptismum solvantur conjugia (c). Absit ut quisquam è Judo factus Christianus, ad vitandam perseve-

(a) 1 Cor. 7. 12.

(b) Ibid. v. 11.

(c) Vide S. Just. Apol. ad senat. S.

Aug. de fide & oper. c. 1. & 7. (al. 2. & 10.) Conc. in Trull. an. 691. can. 72.

rantis in Judaismo uxoris societatem det ei *libellum repudii*. Hujusmodi *sejunctio* nem, tanquam *detestabilem abusum*, merito proscripsit (d), Ecclesie Romanæ decus & lumen, Benedictus Papa XIV.

Quamvis porro Matrimonium inter Fidelem & Infidelem Jure naturali valeat ut Contractus; attamen, & Contractus & Sacramenti ratione, Jure Ecclesiastico irritum est (e). Non quod ex ipsa rei natura sceleratum sit hujusmodi Matrimonium. Etsi enim connubia Judæorum cum alienigenis, præsertimque fictitiis & inanes deos colentibus (f), strictè vetita erant (g), propter evidens subversionis periculum; ea nihilominus, imprimis extra Chananzam Gentem præ cæteris Deo inivsam, certis in casibus tolerata ad minimum fuere. Jacob scilicet filias Laban idololatæ conjuges accepit (h); Joseph, filiam Putiphare, sacerdotis Heliopoleos, Ægyptiam (i), &c. Et in nova Lege, sancta Monica nupsit Patrio, adhuc fictorum numinum cultori. Primis igitur Ecclesie seculis, concessum est ut à Fidelibus uxores ducerentur Infideles, & vicissim; maxime verò inter Principes. Quod quidem prudentis moderationis causa fiebat, ne quid publica tranquil-

litas detrimenti caperet. His præterea conjugis Ethnicos ad amplectendam fidem allici olim posse sperabat Ecclesia. Sic sancta Monica Patrium Deo lucrati meruit. Sic etiam, cum beata Clotildis, ab ortu Christiana, Clodovæo adhuc Gentili tradita in uxorem fuisset (k), connubii hujus benedictione *sancificatus est vir Infidelis per mulierem Fidelem* (l); & Franci, qui, à Christo erant longè, *facti sunt prope* (m). Plerumque autem filios à talibus conjugis ineundis, nullâ urgente causâ peculiari, merito deterruit Ecclesia (n), metuens videlicet ne *fidei donum electum* obicerent periculo (o), si cum *Infidelibus Matrimonii jugum ducerent* (p); quæ enim *pars Fidelis cum Infideli* (q)? Saltem quieto Religionis exercitio & prolis educationi Christianæ, ut plurimum, adversantur ejusmodi connubia. Nunc multò magis, cum Legem Evangelicam suscepit multitudo Gentium, nec jam inter Infideles commorentur Christiani, nefas esset cum Infideli muliere virum Christianum Matrimonio jungi, aut vicissim viro Infideli mulierem Fidelem nubere; & tale conjugium in qualibet Christianitatis regione nullius momenti aut roboris esse judicaretur. Quod qui-

(d) Anno 1747.

(e) 2 Cor. 6. 14. *Conc. Aurel. II*, an. 533. can. 19.

(f) 3 Reg. 11. 2.

(g) Exod. 34. 16.

(h) Gen. 29.

(i) Gen. 46. 20.

(k) S. Greg. Turon. Hist. l. 2. c. 28.

(l) 1 Cor. 7. 14.

(m) Eph. 2. 13.

(n) Tert. de cor. mil. c. 13. S. Cyp. de laps. S. Hier. Ep. 11. (al. 91.) *Conc. Elib.* can. 15. Agath. an. 506. can. 67. Rom. sub Zach. an. 745. can. 10.

(o) Sap. 3. 14.

(p) 2 Cor. 6. 14.

(q) Ibid. v. 15.

dem Impedimentum nullo expresso Juris Canone aut Decreto, sed populi Christiani more Ecclesiaeque praxi introductum fuit: quae scilicet in praesenti instituto, quemadmodum in aliis plerisque, vim Legis obtinet.

Itaque prima Religionis disparitas, ea nempe quae dissociat virum baptizatum & mulierem non baptizatum, aut vice versa, irritum efficit connubium; id est, mulierem Ethnicam, Judaeam, vel Mahumetanam validè uxorem ducere non potest vir Christianus: de muliere autem erga virum idem quoque dicendum est.

Si autem, postquam duo Fideles sese invicem, in sinu Matris Ecclesiae, conjugii foedere obstrinxerunt, alteruter à Christi Religione ad Ethnicos, Judaeos vel Mahumetanos deficiat; nihilominus ratum permanet conjugium, quia suscepti Sacramenti vinculum indissolubile est.

ALTERA Religionis disparitas, ea nempe quae Catholicum ab Haeretico discernit, aut vicissim, non quidem irritum, sed illicitum reddit conjugium. Nullo Ecclesiae Canone irrita declarantur Catholico cum Haeticis vel Schismaticis conjugia; ipsius tamen Legibus tam districtè prohibentur, ut neque ipsi benedicere possint Ecclesiarum Parochialium Rectores, neque alio quovis modo cum Catholico Haeticam, aut cum Haetico Catho-

licam jungere: quod si quis sciens (alià tamen quam Confessionis vià) & volens atrentaret, Suspensionem ab Ordinum suorum executione *ipso facto* incurreret (r); ac Regià Declaratione cautum est, ne, quocumque praetextu, Catholici cum Pseudo-Reformatis nuptiarum foedere jungeretur (s). Et verò in his Matrimoniiis frequenter occurrit subversionis periculum, aut saltem Catholicæ Religionis exercendæ, proliquis in ipsa educandæ magna difficultas. Hinc sanctæ Romanæ Sedis Pontifices connubia hujusmodi plerumque non concedunt nisi summis Principibus, quorum nuptialia foedera cum Religionis atque Imperii statu conjunctionem habent arctissimam. Sic Clemens VIII cum Duce Barriensi dispensavit, ut Cathari-
nam, Henrici IV Galliae Regis sororem Pseudoevangelicæ Reformationis sequacem, uxorem duceret. Sic indulgit Urbanus VIII, ut Henricia, Ludovici XIII Regis pariter Christianissimi soror, Carolo I Majoris-Britanniae Regi nuberet, modò dictam Reformationem profitenti (t). Ubi autem cum Catholica Matrimonio. jungitur Haeticus, aut vicissim, nulla impenditur Benedictio (u). Quòd si deinde Pars Haeretica sese ad Catholicam fidem convertat, quamvis de hujusmodi Casu nihil universè constitutum inveniamus, nihil tamen impedire videretur quin solemnè Ritu in Ecclesia benedicantur ambo conjuges,

(r) Rit. Parif. D. Joannis Franc. de Goody, primi Parif. Archiep. auctorit. editum, an. 1654. Et Rit. an. 1777,

pag. 355. (s) Declar. de 1680.

(t) An. 1625.

(u) Ita decrevit Clem. VIII.

ut ex illa Benedictione quiddid gratiæ consequi possint, consequantur. Idem dicendum est de viro & muliere, qui, postquam in conventiculo Hæreticorum Matrimonio aliàs legitimo juncti fuissent, Catholicam Religionem amplecterentur (*). Qui autem in Infidelitate secundum naturæ & Patriæ Leges conjuncti, ad Catholicæ fidei lumen oculis aperirent, in iis, quod initio simplex erat Contractus, accedente Sacerdotis Benedictione, Sacramentum procul dubio fieret.

Cum de Matrimonio inter privatos agitur, si Pars Hæretica sese ad Catholicos transcurram promittat, expectandus erit promissionis effectus, antequàm ad nuptias cele-

brandas admittatur. An verò prius benedicendum sit Matrimonium, quàm Pars ad Catholicos transiens jamque ab Hæresi in foro conscientiæ absoluta, publicè ac solemniter in facie Ecclesiæ absolva- tur, consulendus erit Ordinarius loci Autistes; & generatim similis Casus ad eum referendus.

Videant autem Parochi diligenter, ne quem recens ab Hæresi conversum ad Matrimonii Sacramentum admittant, quin prius justo temporis intervallo sincerum ipsius in Catholicæ Religionis professione animum perspexerint; & tunc pariter nihil, inconsulto Diocesano Pontifice, definiant.

(*) Statut. Claud. Sanctæfi, Ebroïc. Episc. an. 1576.

ARTICULUS VII.

V I S.

NON vis propriè dicta, sed metus. Quatuor condiciones requisitæ, ut conjugium ex metu irritum censeatur. Ut conjugium ex metu irritum per cohabitationem ratum & validum fiat, tres sunt condiciones necessariæ.

NON hic sermonem instituimus de vi absoluta, seu coactione, quæ nempe ad aliquid faciendum, vel potius patiendum, invitus quispiam renitensque violenter compellitur, si v. g. in vincula aut carcerem illatâ vi conjiciatur; hæc enim corpori inferitur, ejusque motus, reluctante omninò voluntate, extor-

quet: nedùm igitur cum libero aut voluntario in eos consensu subsistat, quin potius utrumque necessariò excludit. De metu verò hic agitur, seu de mentis trepidatione, vel instantis vel futuri periculi causâ; qui quidem metus consensum parit non modò voluntarium, sed & absolute liberum, tamen aliquâ ex parte involuntarium,

involuntarium, ut potè qui, secluso metu, non præberetur: quemadmodum ex eo manifestum est, qui metu mortis ex naufragio imminenti, merces in mare projicit, ut vitam sibi server incolorem. Nec tamen, qualicumque metu posito, Impedimentum dirimens constitui existimandum est. Ad hoc siquidem non sufficit levis metus, quo scilicet timetur leve malum, aut etiam grave, sed quod probabiliter non imminet; qui proinde levi nititur fundamento, & in solum cadit animum levem, imprudentem, constantiæ & firmitatis expertem. Talis utique timor connubialem non impedit consensum. Nec enim quæ levia sunt, maximatum rerum ordinem pervertere debent aut possunt, earum imprimis, quibus continetur humana societas, cujusmodi est Matrimonium. Justam præterea querelam aut excusationem non habet talis metus, cum facile excuti possit, & ex sola timentis culpa profluat, qui proinde ex propria voluntate potius quàm ex metu conjugium inire censendus est.

ITAQUE Matrimonium non dicitur metus, nisi gravis, injustus, causæque liberæ & externæ ministerio incussus, eoque fine ut consensus in Matrimonium extorqueatur. Præcipue verò gravem esse metum necesse est, qui nempe cadat in virum fortem atque constantem, propositique prudenter tenacem, nec ab eo facile aut sine justa causa dimovendum; qui insuper ejus animum commovere merito censetur, non solum ex magnitudine mali

cujus timor incurritur, verum etiam ex gravi timoris illius causâ, justoque fundamento. Porro, ut grave sit malum quod timeatur, id tale oportet esse, ut ad illud sustinendum, ejusque metum superandum, vir constans maximam sibi vim adhibere debeat. Ut autem ex gravi causa profluat metus, justoque fundamento nitatur, necesse est ut malum inferri queat, & inferendum merito censeatur, nec illud avertere possit is qui metuit. Hujusmodi est metus mortis, mutilationis, plagarum, exilii, gravis & diuturni carceris, spoliationis rerum, fortunæque & statûs eversionis, sive alterius cujuslibet durissimæ tractationis, damni ingentis, quod quisque vel sibi, vel personis archissimâ secum necessitudine conjunctis, non leviter, sed justè judicet imminere; nisi consensum, à quo mens refugit, obsequiosa lingua pronuntiet. Licet verò consensus simpliciter & absolute liber, seu libertatis gradus ad meritum ac demeritum requisitus, metu gravi non perimatur, cum tamen ille metus directè graviterque repugnet intimæ societati animorumque conjunctioni, quam ipsa Matrimonii natura postulat, idèdque eum libertatis gradum qui ad Matrimonium requiritur, vel penitus auferat vel insigniter & injuriosè lædat; hinc videlicet consensum, ipsumque adeò Contractum connubialem, vel ipso Jure naturæ irritum facit, vel saltem, naturâ jubente, irritum declarandum; quem idcirco nullius roboris esse sanxerunt Leges positivæ: sicque Matrimoniorum plenæ perfectæque liber-

rati consultum merito voluerunt (a). Undè Ecclesia potentes compescere voluit, ne cogitent quidem ullam in tanti momenti negotio vim subiectis inferre. Quin etiam in temporales dominos ac Magistratus ita nefarie agentes, ut Matrimonii libertatem audeant directè vel indirectè violare, anathematis poenam, quam ipso facto incutiant, pronuntiat Tridentina Synodus (b).

Fieri tamen potest ut metus naturâ levis, multam; respectu personæ cui infertur, contineat gravitatem. Sic minæ quibus mediocriter moveretur vir magnanimus, gravissimo nonnunquam timore puellam afficere possent, vel sexu timidam, vel ingenio pusillanimum; & tunc ablata censetur consensus libertas, adeoque irritum Matrimonium (c). Sed metus quem parit obsequium & reverentia, quique reverentialis vulgò nuncupatur, qualis in filium ingenuum cadere potest, qui nolit patri non obtemperare; aut in famulum, qui vereatur ne heri benevolentia excidat, non sufficit ut irritum fiat Matrimonium, nisi minæ detonerint, vel datum aliquid sævierit, quo timor ille vehementer augeatur (d). Semper autem, in dubio gravitatis ex parte vis aut metus, tuenda est conjugii stabilitas.

Præterea necesse est ut incussus fuerit metus contra fas & rationem,

& cum metuentis injuriâ. Si enim auctoritate publicâ & legitimâ illatus fuisset, ratum nihilominus constaret Matrimonium. Sic validè contraxisset, qui virginem aut viduam à se raptam vel stupratam, uxorem non duxisset nisi ob Sententiam Judicis, præsentem alioqui mortem intentantis (e).

Requiritur etiam ut vis à causa libera & externa proficiatur. Qui se connubiali fœdere non obstrinxisset, nisi ad vitandum morbum, quem, secluso Matrimonii usu, vitari à se non posse existimasset, is profectò sui conjugii dissolutionem frustra in Judicio persequeretur.

Postremò requiritur ut timoris illius incussi finis fuerit Matrimonium. Nam v. g. si quis propter æs alienum in carcere detentus, ac metuens ne totam vitam in vinculis exigeret, creditoris sui filiam uxorem duxerit; is quidem suo non poterit Matrimonio reclamare, cum metus ille non ipsi causa contrahendi, sed tantum occasio fuerit.

JAM vetò (quod sedulò notandum est) qui Matrimonio invitatus assentitur, illud sine gravi peccato consummare non posset, nisi conjugium eo ipso ratum habere vellet. Et quidem Matrimonium ratione metus irritum, suam obtinet validitatem per secutam coha-

(a) S. Clem. Al. Strom. l. 2. Greg. IX, c. 29. tit. 18. c. 4. Vide Stat. Syn. D. Steph. Poncher, Parif. Episc. de Sacram. Matrim. in Synodico.

(b) Sess. 24. de Ref. Matrim. cap. 9.

(c) Alex. III, l. 4. tit. 1. c. 6.

(d) ff. l. 23. tit. 2. l. 22.

(e) C. 36. q. 1. c. 8. l. 4. tit. 8. c. 2.

bitationem verè & ex animo spontaneam , etiamsi non secuta fuerit thori communitas (f). Ea enim cohabitatio signum est novi internique consensûs , qui solus ad Matrimonii validitatem deerat. Ut autem ex irritò ratum sic fiat Matrimonium , tria requiruntur : 1°. Ut cohabitatio vel copula spontè & affectu maritali , id est , animo conjugaliter vivendi habita fuerit (g) : si enim non liberè , sed pariter ex gravi metu sequatur ipsa copula , lethaliter peccant ambo contrahentes , ut potè actum exercentes merè fornicatium ; neque hinc ratum habebitur connubium. Requiritur 2°. ut Pars metum & vim experta hoc suum conjugium irritum fuisse

non ignoret : si enim spontè cohabitè aut conjugaliter vivat ex errore , quodd scilicet validum credat Matrimonium , nunquam illud ratum habebitur ; nihil quippè tam consensui tepugnat quàm error. Requiritur 3°. ut adhuc perseveret consensus Partis quæ metum incussit , vel spontè contraxit ; nam ad Matrimonii validitatem necessarius est utriusque Partis consensus simultaneus , saltem moraliter. Porro ut Matrimonium , suppleto consensu , ex irritò ratum fiat , nihil novæ solemnitatis opus est , nisi fortè metus incussus in Judicio probari possit ; tunc enim coram Parocho & Testibus consensum renovati oportet.

(f) C. 1. de Sponsalib. (g) S. Thom. S. Bonav. S. Antonin.

A R T I C U L U S V I I I .

O R D O .

CLERICI majores ad Matrimonium inhabiles. Inter Impedimenta Voti Monastici & Ordinis sacri quid intersit.

ORDO facit est Matrimonii contrahendi Impedimentum dirimens. Subdiaconatus videlicet , Ordinesque superiores idem Impedimentum constituunt ac Votum solemne castitatis in Religione approbata nuncupatum : ita ut Clerici majores , sicut & Religiosi solemniter professi , ad

Matrimonium inhabiles reputentur (a). Cum autem Clericorum majorum cælibatus non divini sit Juris , sed tantum Ecclesiastici , in hoc Impedimento dispensari potest : quæ tamen Dispensatio summis duntaxat Principibus conceditur , & quidem non sine causis

(a) Conc. Melchit. an. 1089. Later. II. an. 1139 , can. 7. Trid. Sess. 24. de Matrim. can. 9. Calixt. II. d. 28. c. 8. De-

cret. Siricii Papa , an. 386. Vide Thomass. & Morin.

gravissimis, quales sunt maxima universi Regni utilitas, & Regiæ familiæ respectus, alioqui prorsus extinguentur.

Jam verò potest aliquis Ordine facto iniurius contrahendi Matrimonii facultatem obtinere, 1^o. per Rescriptum *gratie*, seu per Dispensationem: 2^o. Per Rescriptum *justitiæ*, cum ex gravi & injustè incusso metu Ordines suscepit. Rescripta *justitiæ* vix unquam iis conceduntur qui Ordinis facti functiones ter obierunt; sic enim suam Ordinationem ratam habuisse censentur. Aliud esset, si probaretur Ordinis executionem non minùs coactam fuisse quam susceptionem.

Porro, ut jam suprà observatum fuit, Clericis majoribus (quemad-

modùm & Religiosis) cum Votis suis reclamant, nihil profunt (saltem quoad Matrimonium & effectus civiles) Sedis Apostolicæ Rescripta, nisi à Judicibus ad hunc finem delegatis admissa fuerint.

CÆTERUM in hoc inter se discrepant Impedimenta Voti Monastici & Ordinis facti, quoddam Votum Monasticum ab uno conjugate solemniter emissum, conjugalem nexum ita dissolvat, ut Parti alteri omninò integrum sit aliud sibi vinculum innectere; contra verò susceptus Ordo facit post legitimum connubium, non hoc rescindat, quamvis tantummodò ratum & non consummatum.

ARTICULUS IX.

LIGAMEN.

LEGITIMI conjugii nexus, quoad subsistit, aliud conjugium excludit.

Quid hac in re Pastoribus cavendum. Quomodò viduitas probata censeatur. Mulier bonâ fide iterùm nupta, vivente legitimo conjugate. Cum de hujus vitâ dubitatur, quomodò in novo conjugio sit agendum. Prudentia Pastorum erga adventicios qui se conjugates esse affirmant.

PER Ligamen intelligitur *Nexus Matrimonii legitime contracti, etiam non consummati*. Desumitur hoc Impedimentum ab unitate simul & indissolubilitate Matrimonii, quod Christus Dominus à polygamia & divorciis olim toleratis in primitivam formam atque sanctitatem vin-

dicavit, ut in posterùm esset, quemadmodum ab initio fuerat institutum, individua unius viri cum una muliere societas. Undè Apostolus, *Qua sub viro est mulier, inquit, vivente viro, alligata est legi connubii: si autem mortuus fuerit vir ejus, soluta est à lege viri (a).* Ea-

(a) Rom. 7. 2. Vide 1 Cor. 7. 39.

dem utique est viri erga uxorem conditio: utroque superstite, neuter aliud conjugium inire potest; & quicumque illud attentaret, non Matrimonio jungeretur, sed adulterio pollueretur (b).

CAVEANT igitur Pastores, ac diligentissimè caveant, ne quis in tanti momenti negotio suam intercipiat religionem. Neminem, qui fuerit antea Matrimonio innexus, novo nuptiarum fœdere jungant, nisi prius certum de absentis conjugis morte testimonium exhibuerit (c), legitimâ auctoritate recognitum & confirmatum (1). Neque enim satis est ut quæ ad alias nuptias convolare intendit, pro certo habeat comparem ad extremas mundi oras translarum fuisse, vel audierit eum lethali-ter in prælio vulneratum, vel de ipso per longum temporis interval- lum nihil nuntii acceperit (d). Ali- quando enim ad uxorem quæ se viduam existimabat, ex improvise rediit maritus, qui absens fuerat, alius annos jam viginti, alius tri- ginta, alius tres & quadraginta.

Ac primò quidem, viduitas, ut plurimum, non censeatur probata nisi testimonio ex Parochiæ in qua decesserit vel sepultus fuerit conjux qui mortuus pethibebitur, mortua- libus Codicibus excerpto; quod videlicet apographum (2), exscrip- tum fideliter, & cum exemplari

archetypo (3) diligenter collatum, & proprio chirographo munitum tra- diderit Parochiæ Rector seu Vica- rius, aut Scriba Judicis Regii, pe- nès quæ fuerint transcripti illi Co- dices. Quæ Parochia si sit alienæ Diœcesis (aut etiam ejusdem, cum afferat ignota subscriptio), excer- tum ejusmodi testimonium non ad- mittatur, nisi Episcopi sigillo, ejus- que aut Vicarii-generalis subscrip- tione, vel Judicis Regii signo ro- boratum (4).

Si defuncti conjugis neque mors, neque sepultura in mortuales Co- dices relata occurrant; vel si non ex- tent hujusmodi Codices, eò quòd vel combusti fuerint, vel deperiti, vel omnino non conscripti; admitti poterit superstes conjux ad proban- dam per Titulum & per Testes mortem alterius conjugis. Nullus porò, in illis rerum angustiis, cer- tior Titulus desiderari potest, quàm si Pastoris, à quo celebratæ fuerint Exequiæ, testimonium, subscriptis testibus, afferatur. Cæterum, ad vi- tandam omnem fallaciam, defi- ciente testimonio è mortualibus Co- dicibus excerpto, Litteræ testimo- niales quæcumque aliæ, non prius ut certissimæ atque indubitatæ, qua- les requiri oportet, à Parochiis ad- mittantur (si præferim afferantur è longinqua regione); quàm à Nobis aut Vicario nostro generali visæ & approbatæ fuerint.

(3) Original.

(4) Légalisé.

(1) Légalisé.

(2) Copie.

(b) Rom. 7. 3. Vide Stat. Syn. D. Steph. Poncher, *Parif. Episc. de Sacram. Matrim. in Synodico.*

(c) Ibid. Ex Stat. Syn. D. Eust. du Bellay, n. 32, de Matrim. Ibid.

(d) S. Basil. Epist. canon. can. 38. S. Aug. de adult. conjug. c. 13. C. 2. de sec. nuptiis. Clem. III. l. 4. tit. 1. c. 19. de Sponsalib. &c. Conc. Rotom. sub Alex. II, an. 1070. can. 18.

Cùm videtur iterum nubere cupienti nihil in scripto suppetit, quo possit mariti decessum probare, superest ut hæc ad probandum per Testes admittatur. Eo in casu, ad nostrum Officiale supplex dirigatur Libellus, ut isto probationis genere uti liceat. Postea causæ Cognitor (1) designatur, Inquisitionem (2) à se factam ad nostrum Officiale refert : & cùm sufficientes judicantur testificationes ut constet maritum illum è vivis excessisse, fertur Sententia, quæ Patocho Partium contrahere cupientium loco sit testimonii è mortualibus Codicibus excerpti.

Ut constet de morte militis in prælio vel obsidione occisi, requiritur testimonium Centurionis (3), vel, deficiente Centurione, Majoris, sive alterius ordinum ductoris in Legione (4). De morte navalium sociorum testificari etiam possunt navium Eleemosynarii, aut Præfecti (5) : sed hujusmodi testimoniis, inconsulto Diocesano Pontifice, non faciliè credant Pastores, ne fortè supposititia pro veris ad manum porrecta illos decipiant.

Quod si verò mulier novo Matrimonio juncta, certo disceret priorem conjugem in vivis adhuc superesse; quamvis bonâ fide cum alio contraxisset, imò etiam prolem ex eo suscepisset, nihilominus deberet

cum reduce priore marito habitare (c), detestato altero, cui nempè in irritum nupsisset. Attamen filii ex novo Matrimonio bonâ fide suscepti, pro legitimis haberentur, saltem in foro Ecclesiæ : quin etiam tales nonnunquam habiti sunt in foro seculari; cùm Judices (positâ conjugum bonâ fide, pro qua faciliè præsumunt, nisi aliud requirant circumstantiæ) tueantur susceptos eo in casu liberos, posthabita collateralium avidorum utilitate; qui scilicet causam obtinere non possunt, quin prædicti liberi (utique infantes) ignominie simul & miserie addicantur (f). At verò non censeretur forma supposititæ conjugem certò didicisse, si nihil circa ipsum audivisset nisi ex vago rumore, qui sæpius falsa promiscuè & vera disseminat, vel ab ignotæ fidei testibus. Si miles ex acie reversus, & qui vir probus habeatur, mulieri dicat maritum ipsius visum à se in tali loco fuisse; hæc, prius consulto Pastore vel Confessario, debiti conjugalis petitionem suspendere tenetur, donec pleniotem acquirat rei noticiam; quia nempè, licet testis unus, quantecumque fuerit auctoritatis (g), certam fidem non faciat, tamen dubiam facere videtur.

Quòd si mulier de vita prioris mariti qui bonâ fide cum ipsa contraxerit, anceps hæreat, dubium

(1) Commissaire.

(2) Enquête.

(3) Capitaine.

(4) Major, ou autre Officier du Régiment.

(5) Capitaines de Vaisseaux.

(c) C. 2. de sec. nuptiis. S. Basil. can. 46. S. Leo, Ep. 79. (al. 119.) c. 1. Conc. in Trull. can. 91.

(f) Supremi Senat. Paris. Decretum, 13 Junii 1656. Vide Libr. qui inscribitur

Causæ Célèbres, rédigées de nouveau par M. Richer; tom. 3. Cause dernière : L'Es-fant adultérin déclaré légitime.

(g) C. 18. de testib.

que sit probabile ac discretum; cum secundo marito remanens, & rei veritatem interim perquirens, conjugale debitum reddere quidem potest, sed postulare non debet; ne, vel contra legem conjugii, vel contra judicium conscientie committat offensam (h). Si tamen dubiam hujusmodi conscientiam habeas ex credulitate levi ac temeraria, non autem probabili ac discretâ; jus connubii non solum reddere, sed exigere licet potest (i).

Postquam scœmina dubii sui rationes novo marito exposuit (quod quidem aliquando potest atque etiam debet, cum nihil inde imminet periculi), & is pariter dubitare incipit, tunc Matrimonii debitum petere vel reddere neuter jam potest, quia neuter in pacifica possessione est. Idem multo magis dicendum est, si dubiâ fide contraxerit conjux uterque; juris enim posses-

sio, neque cum mala, neque cum dubia fide inchoatur. Uno verbo, in his dubii casibus sese gerere debent conjuges, quemadmodum infra ex professo dicitur (k).

Porro cum adveniunt ignoti, ut domicilium in Parochiâ non suâ constituent, seque conjuges esse affirmant, testimonium exhibere debent, per quod manifestum fiat ipsos legitimo esse Matrimonio conjunctos. Et quidem Pastoribus, quantum efficere & consequi possunt, diligenter cavendum est, ne quis in Parochia sua mulierem uxoris loco domi habeat, quam non sibi iusto nuptiarum fœdere sociarit. Ejusmodi vir & mulier admoneantur ut quamprimum à se invicem discedant: quod si parere abneget, ad Ecclesiasticæ Curiæ Judicem deferantur.

(h) Inn. III, cap. Inquisitioni, 44. de sent. Excomm. l. 3. tit. 39.

(i) Ibid. q. III, c. 1.

(k) Div. VII, cap. 1.

A R T I C U L U S X. H O N E S T A S.

QUID & quotuplex sit Honestas. Quædam circa utramque speciem generaliter observata. Honestas è Sponsalibus ad primum utriusque Lineæ Gradum restricta. Quatuor condiciones requiritæ ut Sponsalia Honestatis Impedimentum pariant. Honestas ex Matrimonio rato, sed non consummato, ad quartum utriusque Lineæ Gradum extenditur. Idem dicendum de Matrimonio irritato, duobus casibus exceptis. Cur institutum fuerit hoc Impedimentum. In eo dispensat Ecclesia.

HONESTAS, seu, ut loquuntur Canonis, *justitia publica honestas* (a), prout in præsentî instituto accipitur, est Propinquitatis seu con-

(a) Alex. III, Decretal. l. 4. tit. 2. cap. 4.

- (1) Fiancé.
(2) Fiancée.

*junctio, sive ex Sponsalibus, sive ex Matrimonio rato, sed nondum consummato, inter alterum sive sponsum (1), sive conjugem, & alterius sive conjugis consanguineos exorta. Utraque honestatis publicæ species, tum quæ ex Matrimonio rato & non consummato, tum quæ è Sponsalibus oritur, Jure Ecclesiastico veteri novoque, & Civili, idem Impedimentum inter easdem personas efficit. Quæ quidem Disciplina unanimi consensu recepta est, atque apud ipsos Græcos obtinet. Ad solos autem extenditur consanguineos, non verò ad affines, cum de his minimè loquantur Leges quæ hoc Impedimentum statuunt. Hinc, licet *Julius* nullam (usque ad certos gradus infra exponendos) validè possit uxorem ducere consanguineam defunctæ *Terentia* sibi antea desponsatæ, vel junctæ Matrimonio quod non fuerit consummatum; sibi tamen sociare conjugem potest ejus affinem quamcumque, etiam maximè propinquam, v. g. patris, filii, aut fratris viduam: ac vicissim *Terentia* licitum est cum *Julii* affinibus conjugium inire. Hoc porro Impedimentum è Sponsalibus aut Matrimonio ita nascitur, ut, iis dissolutis, non idcirco tamen auferatur, sed adhuc permaneat (2). Hinc, licet Matrimonium aut Sponsalia dissoluta fuerint, vel contrahentis alterutrius morte, vel Monasticæ Religionis ingressu, vel communi con-*

sensu, vel Officialis Sententiâ, nihilominus permanet Impedimentum ex iis natum; quò nempe fit ut neuter ejusmodi sponforum (2) aut conjugum Matrimonio jungi sine Dispensatione possit cum alterius consanguineis, intra certos Gradus pro diversâ *Honestatis* specie diversos.

IMPEDIMENTUM *Honestatis* è Sponsalibus exortæ, olim, Jure veteri, ad quartum Lineæ tum rectæ tum collateralis Gradum extendebatur (c); sed illud, Jure novo, Tridentina Synodus ad primum utriusque Lineæ Gradum restrinxit (d). Hinc *Julius*, dissolutis Sponsalibus quæ prius cum *Terentia* contraxerat, hujus sive matrem, sive filiam, sive sororem ducere uxorem non potest, ed quòd istæ omnes in primo Lineæ sive rectæ sive collateralis Gradu consanguineæ sint *Terentia* prius *Julio* desponsatæ; aliam tamen quamlibet ejus consanguineam potest in conjugem sibi assumere: idemque de *Terentia*, *Julii* consanguineorum habito respectu, dicendum est.

Porro *Honestatis* Impedimentum non quæcumque pariunt Sponsalia, verùm ea duntaxat quæ certis induta fuerint conditionibus; quarum prima est ut valida sint, id est, inter personas ad ineundum inter se Matrimonii sædus habiles contracta. Quæ quidem Disciplina novo similiter Concilii Tridentini Jure san-

(b) *Alex. VII.* an. 1658.

(c) *Alex. III.* l. 4. tit. 2. c. 6. *Bonif.*

VIII. cap. unic. de Sponsalib. in 6.

(d) *Suprà.*

cita fuit (e), cùm, ex veteris dispositione, Sponsalia aliter quàm ex defectu consensûs irrita, illud Impedimentum inducerent (f).

Ex hac prima conditione sequitur 1°. non exurgere *Honestatis* Impedimentum è Sponsalibus cum Impedimento dirimente contractis, exempli causâ, cum Voto solemnî, Ordine facto, &c. Eo igitur in casu, Pars ab ejusmodi Impedimento libera, Matrimonium sine Dispensatione cum alterius vel in primo Gradu consanguineis validè contrahere potest. Sequitur 2°. *Julium*, si, prius cum *Terentia*, postmodum verò cum *Fulvia Terentia* sorore Sponsalibus celebratis, hac detelictâ, cum *Terentia* priore sponsa (1) Matrimonium contraxit, validè contraxisse. Cùm enim Sponsalia posteriora cum *Fulvia Terentia* sorore celebrata, irrita essent propter Impedimentum *Honestatis* ex prioribus inductum, ex illis quidem *Julium* inter & *Terentiam* existere non poterat Impedimentum dirimens; imò neque existere posset ex Matrimonio quod cum ipsa *Fulvia* contraxisset *Julius*, & non consummasset; hoc enim Matrimonium, propter inita priora Sponsalia, irritum esset; Matrimonium verò quod irritum facit *Honestas publica* è Sponsalibus, nullum parit Impedimentum; habetur scilicet tanquàm mera Sponsalia pariter irrita, idèdque nullum effectum parere valentia (g). Idem propter eandem rationem est dicendum, si Sponsalia cum *Terentia* celebravit *Julius*,

ac deindè *Pomponius*, *Julii* pater, Matrimonium cum eadem iniiit, sed non consummavit. Quòd si verò Matrimonium ejusmodi, quod cum *Fulvia* contraxit *Julius*, per nefas consummavit, in tali Casu, neutram accipere conjugem validè potest; non *Fulviam*, propter *Honestatis* Impedimentum è Sponsalibus antehac cum *Terentia* ipsius sorore legitimè celebratis; non *Terentiam*, propter Impedimentum *Affinitatis ex illicita copula* cum *Fulvia* ejus sorore. Sequitur 3°. si *Julius* antequàm Sponsalia cum *Terentia* contraheret, *Fulviam* ejus sororem carnis opere cognoverit, ab eo sine Dispensatione ad forum internum *Fulviam* posse uxorem duci; quia nempe Sponsalia cum *Terentia* irrita fuerunt propter *Affinitatem illicitam* ex pravia copula cum ejus sorore: non posse verò illum, propter eandem *Affinitatem*; cum *Terentia* Matrimonio jungi. Si, è contrario, cum *Fulvia* non peccaverit *Julius*, nisi postquàm Sponsalia cum ipsius sorore *Terentia* celebraverit, indè fiet ut ipse neutram ducere jam possit; non *Fulviam*, propter *Honestatis publica* Impedimentum è Sponsalibus cum ejus sorore validè contractis; non *Terentiam*, propter Impedimentum *Affinitatis illegitima* pravia Sponsalia irrita faciens. Scilicet *Affinitatis* Impedimentum retrogit, & præcedentia Sponsalia dissolvit: undè ab *Honestatis publica* Impedimento discrepat, quod quidem ad dissolvendum præcedentia

(1) Fiancée.

(e) Conc. Trid. Ibid.

(f) Cap. unic. de Sponsalib. in 6.

Tomus II.

(g) Ibid.

Sponsalia vim non habet retroactivam (h).

Quoniam verò, juxta veterem hujus Diœcesis consuetudinem, in Ecclesia coram Pastore benedicente celebrari debent Sponsalia, non hic censentur valida esse, & consequenter *Honestatis publicæ* Impedimentum, aut simpliciter Impedimentum illud *Prohibens*, de quo superius (i), efficere, nisi solemniter in facie matris Ecclesiæ celebrata fuerint. Cæterum (juxta communior opinionem) quibus in Diœcesibus nulla viget Ecclesiastica Sponsalia, in iis per sponsonem privatam non sola inducitur conscientie obligatio, sed & *publica Honestatis* Impedimentum contrahitur.

Secunda conditio requisita ut è Sponsalibus exurgat *Honestatis publicæ* Impedimentum, est ut certa ac determinata sint Sponsalia, id est, ut cum certa ac determinata persona contrahantur. Hinc nullus *Honestatis* Impedimento locus est, si v. g. *Helvidius* uni ex *Andrea* filiabus indeterminatè, nullaque singulariter designatà, sese Sponsalium fide alstringat.

Tertia conditio est, ut Sponsalia sint absoluta, non autem ab eventu futuro & contingente suspensa. Si enim, nisi sub conditione, rata non haberentur; nondum impletà conditione, valeret subsequens Matrimonium v. g. *Lucii* cum sorore *Ma-*

thildis, cui desponsatus antea fuisset (k). Si verò *Lucius* post celebrata conditionaliter Sponsalia cum *Mathilde*, nova Sponsalia, etiam absolutè, cum ejus sorore contrahat; *Lucio* ducenda erit *Mathildis*, non ejus soror. Priora enim Sponsalia legem imponunt expectandi eventum conditionis; quo quidem in incertum pendente, non licet rem alicui sub conditione promissam alteri transmittere. Valeret tamen *Lucii* Matrimonium cum *Mathildis* sorore contractum; Sponsalia enim conditionaliter celebrata, tunc solum *Honestatis publicæ* Impedimentum inducunt, cum, impletà vel sublata conditione, sunt absoluta (l).

Quarta conditio est ut, non ante septennium celebrata fuerint Sponsalia; alioqui, nulla intercedit *justitia publicæ Honestatis* (m).

IMPEDIMENTUM *Honestatis publicæ* ex Matrimonio rato, sed non consummato, usque ad quartum inclusivè utriusque lineæ gradum extenditur; vetus quippè hac in parte disciplina non fuit à Concilio Tridentino mutata, sed antiquo in statuta relicta; postea verò positivè firmata est (n). Hinc mulier cujus Matrimonium non fuit consummatum, sive quòd Religionem solemniter professus est maritus, sive quòd ille improvisà morte occubuit, cum nullo ipsius usque ad

(h) Ibid.

(i) In hac Div. cap. 2.

(k) Cap. de Sponsalib. sup.

(l) Ibid.

(m) Alex. III, sup. c. 4. De Spons.

in 6. tit. 2. c. 1.

(n) Gratiani Decretum, parte 2, causa 27, quæst. 2. can. 22. 14. 15. S. Pius V, Bull. Ad Romanum, an. 1568.

quartum gradum consanguineo potest nuptias contrahere : eademque prorsus mariti conditio est erga uxoris consanguineos.

Licet verò, ut dictum est, Sponsalia invalidè contracta *Honestatis publica* Impedimentum non efficiant, hoc tamen ipsum (ur docent plerique Theologi) ex Matrimonio irritò exurgit, & ad quartum gradum extenditur, non secùs atque illud quod ex Matrimonio validè contracto nascitur. Jure tamen excipitur duplicis generis Matrimonium irritum; alterum scilicet in quo defuit consensus, ut in ebrio, in amente, in eo qui vi aut gravi metu coactus, vel errore personæ deceptus est; alterum, quod Pars alterutra, initis jam validè cum alterius Partis consanguineo Sponsalibus, contraxit: tunc enim, ejusmodi Matrimonium quasi mera Sponsalia esse censetur; quæ cum posteriora sint, prioribus validè celebratis irrita nulliusque roboris fiunt.

Atque hæc gemina exceptio Juris Canonici dispositione declaratur & statuitur (o).

Porro duplex hujusmodi *Honestatis publica* Impedimentum, propter quamdam affinitatem seu propinquitatem apparentem, constituit Ecclesia. Qui enim Sponsalia vel Matrimonium cum aliqua personâ contrahit, is, vel ante Matrimonii celebrationem aut consummationem, cum illius personæ consanguineis vinculo quodam jungitur; cujus vi decere non videtur, ut cum iis, quasi promissis alienis, Matrimonii fœdus ineat.

Ex dictis autem sequitur geminum hocce Impedimentum, cum nec Jure naturali, nec divino, sed Ecclesiastico duntaxat constitutum fuerit, Ecclesiæ auctoritate relaxari posse, quippè quæ in legibus quas ipsamet sanxit, dispensandi potestatem habet.

(o) Cap. de Sponsalib. sup.

A R T I C U L U S X I.

A M E N S.

AMENTIA perpetua Matrimonium dirimit, non vero animi imbecillitas aut levitas, nec senectus.

JURIS naturali, ad Matrimonium contrahendum inhabiles sunt qui perpetuâ insanîa laborant; furiosi, tempore furoris; mentis prorsus

inopes (a); & senes, quorum ratio annis fatiscens penitus deficit. In his omnibus vel nunquam extitit, vel, cum priùs extiterit, postea om-

(a) C. 32. q. 7. c. 26. *Inn. III*, l. 4. tit. 1. c. 24.

nind deficit usus rationis; nullus proinde in his esse potest consensus, quo tamen secluso, nullus est conubiali fœderi locus (b).

Qui non perpetuo amentes sunt, si in lucidis intervallis consenserint, ii quidem validè contraxerunt: quamquam ad contrahendum, inconsulto Diœcesano Pontifice, non sunt facile admittendi; liberos enim rectè piq̃ue, ut docet, instituire vix posse judicantur (c).

• Validè pariter conjugium ineunt qui imbecillo sunt animo, sed non eò usque ut hinc perimantur & ratio & libertas. A nuptiis tamen, si fieri possit, abstinendi sunt hujusmodi homines; tum propter funestos recurrentis amentis debilisve ingenii effectus; tum quia prolis educatio Christiana, qui præcipuus conjugii scopus merito habetur, vix potest à conjugibus in hoc miserrimo statu constitutis expectari. Quod si apud Parochum insister familia ut tales personas Matrimonio jungar, ante omnia consulat Pastor Diœcesanum Antistitem, ne gravibus sese

objiciat incommodis. Parochus autem cui denunciata fuisset inhibitiò à Judice facta, ne quædam persona, propter mentis imbecillitatem, conjugium iniret, ei Nuptialem Benedictionem concedere non posset, quin priùs sublata fuisset inhibitiò.

Extra hujus Impedimenti ordinem similiter posita est animi levitas, quæ consensum non infirmat, nec tollit rei propositæ cognitionem; undè ex ea non dirimitur conjugium.

Quon ad fenes pertinet qui, licet provectissimæ ætatis sint, liberi tamen & voluntarii consensus emittendi sunt capaces, eos quidem à contrahendo Matrimonio repellere non valet Pastoris auctoritas; sed illos ipse communis debet, quantum potest, ab ejusmodi proposito deterrere, cum præsertim juvenculas puellas uxores ducere intendunt; ex his enim conjugiiis malè copulatis plurima infanda pullulare infelix docet experientia.

(b) *Idem*, cap. Dilectus, de Spons. & Matrim.

(c) *Sylvius*, in Suppl. S. Thom. q. 58. a. 3.



QUID sit Affinitas. In qua Linea, quibus in Gradibus & quo Jure inter affines irritum sit Matrimonium. Affinitas legitima, quousque in quaque Linea extendatur. Affinitas illegitima Jure novo restricta: quandoque sit vel non sit ei locus. Inter quos contrahatur Affinitas. Affinitatis effectus. Cur institutum sit hoc Impedimentum, & quid circa ipsum relaxet Ecclesia. De hoc Impedimento à Confessariis aliquando admonendi Pœnitentes. Affinitatis illegitimæ connubio validè contracto supervenientis quisnam sit effectus: duo consecutaria. Observatio, cum duobus confessoriiis.

AFFINITAS est Propinquitas, consummato carnis opere, existens inter virum & consanguineas mulieris ab eo cognita, ac vicissim inter mulierem & consanguineos viri à quo ipsa cognita est (a). Affinitas inter ascendentes & descendentes, non quidem Jure naturali (saltem juxta sententiam longè probabiliorem), sed tantum Jure Ecclesiastico, Matrimonium dirimit in quocumque recta Linea Gradu; ita ut nulli viro cum avi, patris, filii aut nepotis (1) viduæ Matrimonium inire liceat; nec possit ulla femina cum avix, matris, filix aut nepotis (2) viduo nubere (b). In Linea collaterali nullum similiter Affinitatis Impedimentum induxit Lex

naturalis. Jacob, vir sanctus, duas sorores Liam & Rachelem conjuges habuit (c). Sed Mosaicæ Lege variæ Affinitatis sicut & Consanguinitatis gradus prohibiti fuerunt: scilicet Matrimonio jungi illicitum fuit cum vidua patris aut avunculi (3); cum viduo fratris, vel cum vidua sororis (4); cum uxoris sorore, vel mariti fratre (d). Attamen Lex antiqua ceu pietatis officium præcipiebat ut frater uxorem duceret viduam fratris sine liberis defuncti, semenque fratri suscitaret, ne hujus nomen oblivione deleteretur (e); & soboles ex eo conjugio susceptæ, defuncto fratri per quamdam adoptionem posthumam attribui solebat. Hinc (juxta quorundam opinionem)

(3) Avec la Veuve de l'Oncle paternel ou maternel.

(4) Avec la Veuve du Frere, ou le Veuf de la Sorur.

(1) Petit-fils.

(2) Petite fille.

(a) Conc. Cabil. II, an. 813. v. 815. can. 29.

(b) Levit. 18. v. 7. ad 18. & 20. 14. Deut. 22. 30. & 27. 20. 1 Cor. 5. 1. ff. l. 23. c. 2. de 68.

(c) Gen. 29.

(d) Levit. 28. 14. 18. & 20. 17. 19.

20. Deut. 27. 22. Matth. 14. 4. Luc. 3. 19. S. Basil. can. 23. 76. Conc. Rom. sub Greg. II, an. 721. can. 9. Rem. an. 1049, can. 11.

(e) Deut. 25. v. 5. ad 11. Ruth 3. 4. Matth. 23. v. 23. & seq. Luc. 20. 28.

dux Christi Salvatoris *Genealogia*, altera secundum Matthaeum (f), altera secundum Lucam (g), eodem utique recedentes; sic enim sancto Joseph, Sponso Beatae Mariae Virginis, duo patres erant, unus per naturalem generationem, alter per istam Legis adoptionem. Atque etiamnum, si quis cum mortui fratris uxore iunctus Matrimonio Judaeus occurreret; aliusve Infidelis, non esset hoc Matrimonium in Christianae Religionis ingtessu dirimendum.

AFFINUM (sicut & consanguineorum) primis Ecclesiae seculis prohibita fuisse Matrimonia; & Levitici Leges de prohibitis Affinitatis Gradibus observant. Alii postea interdicti sunt Gradus; sed non ubique & semper eodem termino. Ut constituatur quid nunc sit usu receptum, duplicis generis distinguenda est Affinitas: *licita* nimirum, seu *legitima*, quae ex Matrimonio consummato provenit; & *illicita*, sive *illegitima*, quae ex fornicatione vel adulterio exoritur.

Iisdem Gradibus continetur Affinitas *legitima*, quibus ipsamet Consanguinitas: scilicet ad omnes rectae Lineae Gradus extenditur; & in

Linea collateralis usque ad quartum inclusivè (h). Ordinem Graduum Consanguinitatis sequuntur Affinitatis Gradus, & juxta illum computantur. Hinc uxoris in primo Gradu consanguineae, marito similiter in primo Gradu sunt affines. De ceteris Gradibus, pro ipsorum intervallo, idem dicendum est; & vicissim erga uxorem, de mariti consanguineis; ita ut, sublato è vivis alterutro conjugè, superstes valido sociari Matrimonio non possit cum ullo consanguineorum defuncti conjugis usque ad quartum Gradum inclusivè, qui scilicet ei sunt in eodem Gradu Affines (i). Nec verò Affinitas ex primo connubio contracta, per secundum conjugium tollitur (k): undè tertiis nuptiis jungi non potest bivira cum ullo primi mariti usque ad quartum Gradum inclusivè consanguineo. Itaque inter illos Affinitatis, quemadmodum & Consanguinitatis Gradus non Matrimonium jungeretur, sed incestus committeretur.

Ex alterius generis Affinitate, nempe *illicita*, sive *illegitima*, quae alio nomine vocatur *Affinitas propter crimen*, similiter exurgit Impedimentum dirimens, quod olim usque ad quartum Gradum exten-

(f) Cap. 1.

(g) Cap. 3.

(h) Conc. Later. IV, gen. XII, an. 1315, can. 51.

(i) AFFINITATIS COLLATERALIS GRADUS PROHIBITI.

Beau-frere & belle-sœur.

Beau-frere & fille de belle-sœur.

Beau-frere & petite-fille de belle-sœur.

Beau-frere & arrière-petite-fille de belle-sœur.

Belle-sœur & beau-frere.

Belle-sœur & fils de beau-frere.

Belle-sœur & petit-fils de beau-frere.

Belle-sœur & arrière-petit-fils de beau-frere.

(k) C. 35. q. 10. c. 1. 2. 3. 4. Vide q. 2. c. 5.

debatur, sicut ipsamet *Affinitas legitima* (1); sed illud ex Decreto Concilii Tridentini, ad secundum Gradum inclusivè restrictum est (m). Si quis igitur forinse cuius conubium expetit, sororem, matrem aut filiam autem carnalis opere cognoverit, eam quidem in primo Gradu Affinitate continget. Eodem modo, si qua mulier à patrueli vel consobrino (1) viri à quo sit uxor ducenda, prius cognita fuerit, huic erit in secundo Gradu affinis. E peccato in ulteriore Gradu nulla exurgit Affinitas quæ Impedimentum pariat.

Porro mixtus Affinitatis legitimæ Gradus ex quarto vel superioribus (etiam primo, juxta potioris sententiam) ad quintum; illegitimæ autem ex secundo, etiamque primo, ad tertium, non locum præbet Impedimento dirimenti; quia scilicet in Affinitate, quemadmodum in Consanguinitate, Gradus prohibitus non computatur, cum refertur ad Gradum non prohibitum.

Quod autem *Affinitatis illegitimæ* Impedimentum spectat, non illud contrahitur nisi opere carnis juxta naturæ ordinem completo, id est, ad prolis generationem per se idoneo; tale autem fuisse opus carnis toties in foro externo præsumitur, quoties constat habitam fuisse copulam. Hæc porro, si occulte remanserit, si in vulgi cognitionem eruperit, æqualiter Affinitatis parit Impedimentum; & perinde est siue

in eam consenserit mulier, siue ipsi reluctans, vi oppressa fuerit. Sed nulla exoriri potest Affinitas è Sodomitico congressu, per quam scilicet infandam turpitudinem vir & mulier una caro non efficiuntur (n).

JAM verò contrahitur Affinitas inter virum & consanguineas uxoris, vel mulieris quam illicitè cognovit, ac vicissim inter uxorem, vel mulierem illicitè cognitam, & consanguineos viri; non autem inter utriusque consanguineos (o). Si ergo *Manlius* cum *Tullia* copulam habuerit, ipse quidem affinis erit *Tullia* consanguineis; ita ut, defunctâ *Tullia*, uxorem ducere non possit ejus matrem, filiam aut neptem (1), imò nec ipsius ad quartum usque Lineæ collateralis Gradum consanguineas, si legitima fuerit copula quæ Impedimento locum dare supponitur. Idem de *Tullia* dicendum, si *Manlius* consanguineos habito respectu. Sed qui *Manlio* consanguinei sunt, iis prædictas *Tullia* consanguineas in conjuges sibi assumere licet. Hinc *Manlius*, *Tullia* uxore ductâ, *Popiliam* *Tullia* sororem Affinitate sibi quidem conjunxit; *Lucius* verò *Manlius* frater, & *Popilia* *Tullia* soror nullam inter se Affinitatem contraxerunt: nihil proinde obstat quin *Lucius* & *Popilia* juxta ac legitimo conubio jungantur. Hinc, ex duabus respectivè familiis, pater & filius cum matre & filia, duo fratres cum

(1) Consin-
germain paternel
ou maternel.

(2) Petite-fille.

(1) Ibid. c. 10. Urb. III, Decret. l. 4. tit. 14. c. 2.

(m) Conc. Trid. Sess. 24. de Ref.

Matrim. cap. 4.

(n) Urb. II, C. 15. q. 2. c. 11.

(o) Cons. Later. IV, sup.

duabus sororibus, vel unus cum matre & alter cum filia, duo denique inter se consanguinei cum duabus igitur se consanguineis validum possunt inire Matrimonium.

Nullus pariter Affinitatem contrahit, nisi cum solis personæ quam carnis opère cognovit, consanguineis, neque ad illius affines extenditur inde exorta propinquitas; *nec enim affinitas affinitatem parit*. Hinc scilicet ratum validumque est Matrimonium cum muliere quam viduam reliquit frater uxoris. Sic *Joannes*, consummato Matrimonio cum *Anastasia*, *Petri* sorore, Affinitatem quidem contraxit cum reliquis *Petri* sororibus & usque ad quartum Gradum consanguineis, sed nullam omnino cum *Cecilia* ejus uxore, quæ propriæ uxoris *Anastasia* tantummodo affinis est; ita ut, defunctis *Anastasia* & *Petro*, liberum sit *Joanni* *Ceciliam* sibi conjugem sociare.

Itaque Affinitas, si Matrimonium antevertat, efficit ut qui uxorem ducere intendit fœminam cujus legitimè affinis est intrâ quartum Gradum, aut illegitimè intrâ secundum, Dispensatione opus habeat; quâ non impetratâ, irritum erit Matrimonium, & liberi ex eo suscepti pro illegitimis in foro Ecclesiæ habebuntur, saltem si ex utraque parte contractum illud fuerit malâ fide usque ad conceptam prolem perseverante. Et qui, non ex credulitate levi ac temerariâ, sed

probabili ac discretâ (p), suspicaretur se cum fœmina peccasse, cujus sororem aut aliam in primo vel secundo Gradu consanguineam ducere cogitat, huic necessaria esset Dispensatio, sine qua dubius censetur (saltem in foro Ecclesiæ) status liberorum quos ex tali conjugio susciperet. Porro si invalidè & malâ fide, seu cum plena Impedimenti dirimentis conscientia, initum fuisset Matrimonium, posteaque per crimen consummatum; ex eo non ultra secundum Gradum induceretur Affinitas (ut potè illegitimæ) Impedimentum dirimens. Si verò bonâ fide, licet invalidè, initum fuerit conjugium; cum nihil certi de hujusmodi Casu occurrat, illo eveniente, satius erit ut tota res Diocesano Præsuli spectetur.

CÆTERUM, quo sapientiæ consilio instituit provida Mater Ecclesia ut conjugis obicem poneret Consanguinitas, eodem voluit irrita propter Affinitatem renunciari Matrimonia.

Ex dictis autem facillè intelligitur Impedimentum Affinitatis, sive licitæ, sive illicitæ, in quocumque Lineæ, sive collateralis, sive etiam rectæ Gradu, Ecclesiæ auctoritate relaxari posse; proinde, non solum Infidelibus qui in iis Gradibus Matrimonium contraxerunt, eam permittere posse, ubi ad fidem Catholicam conversi fuerint, ut in conjugio sic contracto permaneant,

(p) *Inn. III, cap. Inquisitioni, 44, de sent. Excomm. l. 5, tit. 39.*

verum etiam absolute posse cum ipsis Fidelibus dispensare ut iisdem in Gradibus Matrimonium contrahant. Nam, ut supra innuimus, nec lege naturali, nec divina nunc obligante sic vetitum est aut irritum, ut non aliquandò ratum honestumque fieri possit.

Nusquam hæcendis dispensavit Ecclesia super Affinitate legitima in primo Gradu *Lineæ rectæ*. Super Affinitate verò ex copula illicita, etiam in hoc ipso ejusdem Lineæ Gradu, aliquandò conceduntur ex Dispensatione: hujusmodi enim conjugia non rescindit Jus naturale; & quod de ipsis statuerat Lex antiqua, non ligat plenitudinem potestatis quam prudenter exercet Legis novæ summus Pontifex. Si quis igitur in eo Gradu ante Baptismum fuisset connubio junctus (q), non esset propterea disjungendus. Sic videlicet quædam prohibent Concilia ne illorum Matrimonia dissolvantur, qui in Infidelitate conjugem duxerunt *relictam patris, filiam uxoris*, &c. (r).

Quod pertinet ad *Lineam collateralē*, super quocumque Affinitatis Gradu dispensat Ecclesia. Hinc, vel in primo Gradu, ob causas legitimas nonnunquam dispensarunt

summi Pontifices. Sic Emmanuël Lusitanæ Regi, mortuæ conjugē *Isabellâ Castilianâ*, indulgēt Alexander VI ut sororem ejus *Mariam* duceret (s). Sic Julius II Henrico VIII Angliæ Regi concessit ut *Catharinam Arragonensem*, Arthuri fratris viduam, in conjugem assumeret (t): quam Dispensationem irritam fuisse cum postea contēdisset Rex alio amore percitus, eam legitimè indulkam fuisse, summâ deliberatione & consilii maturitate pronuntiavit Clemens VII (u). Sic etiam Joannes Calimirus V, Poloniæ Rex (x), cum *Ludovica Maria de Gonzaga*, Ladislai Sigismundi fratris vidua, ex Ignocentii X Dispensatione, conjugium iniit. Nec desunt privatorum exempla, qui, ut cum duabus successivè sororibus Matrimonio jungerentur, Dispensationem à sancta Sede Apostolica obtinuerunt (y).

Ad efficiendum autem ne conjugia attententur cum *Affinitatis illegitima* Impedimento, non abs re fuerit ut Confessarii, quandò ipsis in sacro Pœnitentiæ Tribunali declarantur peccata carnis in ordine naturæ consummata, moneant Pœ-

(q) Si v. g. vitricus privignam, si noverca privignum, si socer nurum, si socer generum in conjugem sibi adjunxisset; id est, *linguâ vernaculâ*: Si le beau-père avoit épousé la fille que la femme avoit eue d'un premier lit; si la belle-mère avoit épousé le fils que son mari avoit eu d'une autre femme; si le beau-père avoit épousé sa bru, ou belle-fille, c'est-à-dire, la femme de son fils; si la belle-mère avoit épousé son gendre, c'est-à-dire, le mari de sa

filie. (r) Conc. Agath. an. 506. Epæon. c. an. 517. Aurel. III, an. 538. can. 10.

(s) Anno 1500.

(t) An. 1503.

(u) An. 1534.

(x) An. 1648.

(y) Hanc in forma gratiosa, cum Romæ adesset, ab Alexandro VII impetravit Joannes Vaillant, Bellovacensis, celeberrimus Medicus naturæque investigator.

nitentes, ab his non posse sine Dispensatione legitimas initi nuptias cum ullis consanguineis in primo vel secundo Gradu personarum quam cognoverunt, sublatoque per Absolutionem peccato, non idcirco tolli Impedimentum: utque rudiores intellegant quinam sint quibuscum Affinitatem contraxerunt, iis explicent patrem esse vel matrem, fratrem vel sororem, patrum vel amitam (1), avunculum vel materteram (2), fratris vel sororis filium aut filiam (3), fratrem aut sororem patruelem (4), consobrinum aut consobrinam (5) personarum quacum admixta est fornicatio.*

Quod spectat Affinitatem illegitimam connubio jam valide contracto supervenientem, illud quidem dissolvere ipsa non potest, sed efficit ut conjux incestu pollutus Matrimonii debitum posere jam licite nequeat. Hinc 1°. si alter conjugum alterius consanguineam in primo vel secundo Gradu, *Titius* v.g. uxoris suae sororem aut ejus fratris vel sororis filiam carnis opere cognoverit, inde fiet ut, quamvis uxori petenti, ut potè insonti, conjugale debitum

reddere teneatur, illud tamen postulare nisi impetratâ Diocesani Episcopi Dispensatione, non possit. Hinc 2°. si uterque conjux, aut alter de alterius consensu, prædicto scelere se contaminaverit, jam neuter conjugale debitum petere potest, quia scilicet neuter insons remanet.

Unum hic observandum superest, eam solam cum uxoris aut mariti consanguineo vel consanguineâ copulam quæ sit culpabilis, jure debiti conjugalis petendi conjugem spoliare, non verò illam quæ incestus *materialis* tantummodò sit, nec culpabilis. Hinc 1°. si quis cum ignorantia inculpabili, atque aded cum bona fide affinem cognoverit, conjugem putans; inde quidem cum conjuge Affinitatem contrahit, sed jure debiti conjugalis poscendi non ided privatur. Hinc 2°. eodem jure non excidit sœmina, quam vi oppressit affinis. Secus tamen dicendum est, si non ex illata vi propriè dictâ, sed ex metu gravi, etiam mortis ipsius, affinis libidini obsecuta fuerit: in hoc scilicet casu *formalem* commisit incestum; pudori enim vitam postponere tenebatur.

(1) Oncle ou tante paternels.

(2) Oncle ou tante maternels.

(3) Neveu ou nièce, fils ou fille du frere ou de la sœur.

(4) Cousins-germains ou cousines-germaines, enfans des deux freres.

(5) Cousins-germains ou cousines-germaines, enfans des deux sœurs.



ARTICULUS XIII.

SI CONSUMMARE NEQUIBIS.

PRÆMONITUM. Impotentia multiplex. Impotentia antecedens, perpetua & absoluta, est Matrimonii Impedimentum dirimens. Quid liceat conjugibus propter Impotentiam separatim. Cur constitutum sit hoc Impedimentum. Impotentia ex persuasione maleficii. Hic cavenda superstitio. Impotentia ex maleficio qualicumque posito, post elapsam triennii experimentum, perpetua esse praesumitur. In hoc Impedimento, nulla Dispensatio.

IMPEDEMENTUM de quo hic agitur, ipso naturæ Jure institutum, cum ad physicam Matrimonii essentiam pertineat, singulari Nobis est verecundiâ tractandum: quod utique exigit Sacerdotalis pudoris reverentia. Nempe sufficit rei notitia generalis, ex Theologorum & Canonistarum documentis Ecclesiæ auctoritate firmatis cautè subministrata; ut postea, ubi se dederit occasio, sapienti consultationi locus detur: quæstiones verò quæ ministerii nostri eloquia casta non satis decere viderentur, ne leviter quidem attingemus. Itaque, prius invocato puritatis auctore *Agno cælesti quem sequuntur virgines* (a), propositam materiam aggredimur.

IMPOTENTIA est *Inopia facultatis seu inhabilitas ad Matrimonium consummandum*. Hinc distinguitur, tum à sterilitate, quæ sæpè in iis

locum habet qui tamen sunt Matrimonii consummandi capaces; tum à defectu potentie factum vivum aut citra mortis periculum pariendi. Ex hoc igitur Impedimento irrita sunt Matrimonia spadonum sive eunuchorum (b), non verò sterilitium, nec senum, nisi sterilitas aut senectus adjunctam habeat coeundi impotentiam, quod quidem non sæpè accidit; nec denique morti proximorum; licet enim in ipsis vi morbi impedita sit potentia, tamen communis extincta non censetur.

Impotentia alia est *antecedens*, quæ nempe Matrimonium præcedit; alia *subsequens*, quæ illi jam contracto supervenit: alia *perpetua*, alia *temporaria*; alia *perpetua simul & absoluta*, quæ conjugii usum cum alio vel alia quacumque impedit: alia *perpetua simul & respectiva*, quæ cum uno quidem aut

(a) Apoc. 14. 4.

(b) Ita decrevit Sixt. V. & anno 1665,

Suprem. Senatus Paris.

cum una, sed non cum aliis Matrimonii usum reddit impossibile. Alia demùm oritur è solo naturæ defectu aut vitio; alia ex maleficio, vel potius maleficii persuasione.

In dubio utrùm Impotentia Matrimonio antecesserit, non præsumitur antecessisse, si Pars altera longo pòst intervallo reclamet.

Impotentia antecedens, perpetua & absoluta, irritum efficit Matrimonium (c). Perpetua autem censetur, cum per nullum naturale remedium licitum, sine verisimili mortis periculo, sanari posse iudicatur; alioqui temporalis est; & tunc neque contrahendum vetat connubium, neque contractum dirimit. Impotentia verò, etiam perpetua, si Matrimonio rato supervenerit, nihilominus ratum & stabile constat Matrimonium (d); cujus tamen usus interdicitur, cum evidens est Impotentia. Tunc igitur & thoro separari, & continenter vivere debent conjuges. Si dubitetur an perpetuum sit Impedimentum antecedens, triennii probationem conjugibus permittit Ecclesia: atque hic solus est Casus, in quo de validitate nuptiarum dubitanti liceat conjugale debitum non modò redde-
re, sed etiam petere. Elapso triennio, si necdùm constet de Impotentia perpetua, tota res ad Iudicem Ecclesiasticum referenda est. Quòd si tandem evidenter infanabile agnoscatur illud Impedimen-

tum, omninò separandi sunt conjuges, nisi velint secum fratris & sororis instar vivere, nullumque adfit incontinentiæ periculum.

Conjugibus ex Impotentia causa separatis, Pars consummando Matrimonio idonea novum inire potest Matrimonium; non verò Pars impotens, quæ scilicet ipso Jure naturali ad Matrimonium quodlibet contrahendum inhabilis est, nisi respectiva tantummodò sit ejus Impotentia; tunc enim huic pariter licet Matrimonium cum alia contrahere, ad quam potest esse præsumatur. Ut autem Matrimonium ex Impotentia nullum declaretur, & aliud, si locus sit, validè contrahatur, Iudicis Ecclesiastici Sententia intercedat necesse est.

Illud potro Impedimentum ideò constitutum est, quòd, propter impossibile Matrimonii usum, hujus finem intercludit physicum à natura intentum, quæ est filiorum procreatio.

Impotentia verò temporaria conjugium non dirimit (e). Observandum tamen est, Contrahentem qui aliquandiu perseverantia laborat hujusmodi Impotentia, teneri ad Partem alteram de illa præmonendam, alioquin eum graviter esse peccaturum; qui nempe conjugum injuriam inferret, & grave periculum crearet.

Ad extremum, si maleficio vel

(c) Conc. Vermer. can. 17. Compend. an. 757. can. 17. C. 27. q. 2. c. 19. Decret. l. 4. tit. 15. de frigidis. S. Thom. q. 58. a. 1.

(d) Conc. Aurel. II, an. 533. can. 2. S. Thom. in 4. dist. 34. q. 1. a. 2.

(e) Inn. III, c. 6. de frigidis, &c.

incantamento tribuatur Impotentia, videant Pastores diligenter ne nimida credulitas vanaque superstitio incautos simplicium animos intercipiat. Impotentia enim quæ maleficii effectus esse creditur, sæpius vel ex pudore & verecundia originem ducit, vel ex nimio amcre, aut infenso conjugis alterutrius odio, si quis invitam, vel si qua invitum in conjugem acceperit. Plerumque etiam ex imaginationis perturbatione oritur: sunt enim rudioris naturæ homines non pauci, qui, si forte aliquis hoc malum iis comminetur, eo ipso impotentes fiunt, vanâ ligaminis specie perculsi. Et quoniam ejusmodi, si qua sint, maleficia, illis minùs timenda sunt qui vivam in Deum fidem habent, rectâ intentione & purâ conscientia Matrimonium ineunt, vel eo utuntur, moneantur Fideles qui eis ligari se existimant, ne jam deficiente fide putâque intentione & vitâ offensam incurrant: quæ nimium & alia peccata sic puniri Deus æquissimo judicio permittit. Cumque, ut plurimum, libidinis pœna sit ea qualiscumque ligatura, violatam scilicet connubii sanctitatem Deo sic ulciscente; per Pœnitentiam reconciliari se curent conjuges impediti, & maleficio quod conquerrunt, à se dissolvi omnino posse confidant, si eâ mente quæ in sacris Litteris commendatur, ad opus conjugii accesserint, videlicet *cum timore Domini, & amore filiorum*

magis quàm libidine impulsî (f).

Conjugibus in hoc Impotentiz statu constitutis triennium, tanquam in dubio an perpetua sit, ad experientiam datur: quo tempore hortandi sunt, ut, Tobiz Sataque imitatores, per aliquot dies in omni castitate vivant, jejuniis, precibus, eleemosynis aliisque piis operibus incumbant, delicta confiteantur (g), & sacrosanctæ Eucharistiz, si digni judicentur, participes fiant. Quod si non solvatur maleficio aut maleficii persuasio, aliquid pium Deoque gratum voveant, vel pro se Missam celebrari curent; thalamum ingressuri, eum & seipfos Aquâ benedictâ religiosè aspergant; putè & castè, soloque prolis desiderio Matrimonium consummate animo destinantes.

PORRO non licet maleficio quod tale existimetur, maleficio, vel quocunque actu superstitioso tollendum attentare. Itaque Conjuges ad solvendam quam sibi fingunt magicam incantationem, magicæ artis auxilium non invocent multò pejùs creduli; quod quidem grave sacrilegium foret, peccatumque Nobis seu Pœnitentiario nostro reservatum; undè præterea Excommunicationis ipso facto Censuram incurrerent, vigentem in hac Diœcesi adversùs eos qui artem magicam quoquoquomodo exercent, vel ad cacodæmonis operationem confugiunt (h). Ac denique, etiamsi maleficio ejusve

(f) Tob. 6. 22. Conc. Rem. an. 1583, sit. de Ref. Matrim.

(g) Hinc. Rem. Capit. 4. 33. q. 1.
(h) Rit. Parif. ed. an. 1777, p. 111.

terriculum quacumque superstitione ablatum fuisset, nihilominus remaneret Excommunicationis Censura.

In dubio an perpetua, an temporaria sit Impotentia ex maleficio qualicumque posito, ea quidem, post elapsum triennii experientum, perpetua esse præsumitur. In omnibus verò dubiis ex illo generatim arduæ tractationis Impedimento emergentibus, nihil, inconsulto Diocesano Pontifice, definiendum est; *ad quem scilicet (ut jam diximus) referenda sunt om-*

nes Matrimonii dubitationes (i).

Idcirco verò in Impotentia Impedimento dispensare nequit Ecclesia, quòd illud, ante omnem Ecclesie Constitutionem, atque ex ipsa rei natura, physica Matrimonii substantia adversatur. Quamvis enim, etiam servatâ pari consensu continentia, possit permanere vocarique conjugium (*k*), potentia tamen ad actum Matrimonii consummandum de hujus essentia omnino esse intelligitur (*l*).

(i) Stat. D. Odonis de Sully, Paris. Episc. Syn. 1. c. an. 1198, Capitul. de Matrim.

(k) S. Aug. de consens. Evang. c. 1.

(l) S. Thom. in tit. de frigidis, q. 58. a. 1.

ARTICULUS XIV.

SI MULIER SIT RAPTA, LOCO NEC REDDITA TUTO.

QUANDONAM Raptus committatur. Antiqua circa Raptum disciplina.

Raptus violentiæ: Raptus seductionis. Quàm latè pateat Impedimentum ex Raptu violentiæ. Circa quas fæminas locum habeat Impedimentum ex Raptu seductionis. Quomodò definat Impedimentum Raptus. Utriusque Potestatis severitas in Raptores.

RAPTUS committitur, cum persona, vel invita, vel, iis invitis in quorum potestate est, etiam volens abducitur (*a*), sive Matrimonii contrahendi causâ, sive (juxta probabiliorum ac tutiorum opinionem) solo explendæ libidinis respectu.

Olim Raptus non ubique Matrimonium impediēbat; sed, variis in locis, Parisiis præsertim, raptor Pœnitentiâ publicâ mulctatus, raptam ducere uxorem, dummodò hæc libet consentiret, cogebatur (*b*); quo quidem in Casu, necesse erat ut

(a) Gen. 19. 13. & c. 34. Conc. Ravenn. an. 877. can. 6. C. 27. q. 2. c. 49. & 36. q. 1. c. 2.

(b) Conc. Calc. gen. IV, an. 451. can. 27. Paris. III, an. 557. can. 6. Meld. an. 845. can. 66. Can. Ap. 66.

ipsi parentes, iive quorum potestati subjecta esset mulier, Matrimonio assentirent (c) : eâ verò dissente[n]te, raptor, sine ulla spe conjugii, Potentiatz publicæ addictus manebat, mulieri non interdiciâ cum alio nubendi facultate (d). Itaque Raptus, deficiente consensu personæ raptæ, semper fuit Impedimentum diti-
mens (e).

Duplicis autem generis Raptus distinguitur ; scilicet *violentia*, & *seductionis*. Tunc fit *Raptus violentia*, cum persona invita è loco tuto per vim abducitur, & sub Raptoris potestate constituitur. Tunc fit *Raptus seductionis*, quandò promissis, blanditiis, muneribus, aliisve artibus, illecebris aut corruptelis, inducitur persona, ut se, contra parentum, tutorum aut curatorum voluntatem, abduci patiatur. Nihil porò interest an per se, an per alios Raptor egerit ; an domo parentum vel tutorum, an Monasterii ædibus, aliisve in quibus per auctoritatem commoraretur, per vim aut seductionem abducta sit persona. Nec refert in quem locum translata fuerit ; sive locus Raptoris ille sit, sive amicorum aut pessimi facinoris adjuutorum : satis est ut ex loco tuto abducta fuerit in locum ubi sub Raptoris potestate verteretur. Quin etiam, in *Raptu seductionis*, suffi-

cit recessus cum Raptore constitutus atque ad effectum perductus, etiam nullo Raptoris auxilio, dummodò in ejus potestatem venerit persona.

Itaque ex *Raptu violentia* existit Impedimentum dirimens ; ita ut Raptori iusta & legitima uxor esse Rapta non possit (etiamsi ambo consentiant), quamdiù hæc in illius aut illi faventium potestate permanet, nec loco tuto reddita fuit, in quo, tum ipsa, tum parentes, vel qui patetum loco sunt, consentite liberè possint, & reverà consensiant (f).

Jam verò Impedimentum ex *Raptu violentia* tam erga *Majores* locum habet, quam erga eos qui sub alterius potestate per ætatem constituti sunt : nec minus erga mares quam erga fœminas (g). Præterquam quòd enim viros æquè ac fœminas afficiunt Impedimenta cætera, insupèr non alio sine hoc Impedimentum constituit utraq[ue] Potestas, nisi ut Matrimoniorum libertati provideretur : quæ quidem libertas aufertur, si fœmina virum, perindè atque si vir fœminam abducatur.

Juxta consuetudinem, vel potiùs Legem in Galliis vigentem, è *Raptu seductionis* idem oritur Impedimentum (h). Quæ nempe Disciplina multò probabilior ac tutior est, eò quòd certius connubiorum

(c) S. Basil. can. 22. Conc. Ancyran. c. an. 314. can. 11. Ferrier. II, an. 813. can. 6.

(d) Capitul. l. 1. c. 99. & l. 7. c. 83.

(e) Conc. Trid. an. 860. can. 10. Capitul. l. 7. c. 395. Justin. Nov. 143. Cod. Theod. l. 9. t. 23. l. 1.

(f) Edit de Louis XIII, du 26 Nov.

1639, art. 3. Ordonnance de Blois, sous Henri III, an. 1579. art. 42. Conc. Trid. Sess. 24. de Ref. Matrim. cap. 6.

(g) Ordonnance de 1619. art. 3.

(h) Ordonnance de Blois, art. 42. Galliis adstipulantur M. Paulus Leo, R. Puntenierius, & Pyrrh. Corrad.

validitatem asserat, idque avertat quod in Raptu deterius occurrit, Matrimoniique sanctitati contumeliosum magis, artes nimirum sceleratas, quibus sensim debilitatur ac tandem frangitur adolescentis virtus, ut velit in tantum dedecus se prodere (i).

Jam verò, præter conditiones jam superius memoratas, quas quidem cum Raptu violento communes habet Raptus seductionis, ad hunc, ut sit Impedimentum dirimens, requiritur, 1^o. ut persona rapta vigesimum-quintum ætatis annum nondum exceßerit, ideòque sui juris non sit, sed adhuc parentum vel tutorum auctoritati subiecta. Hinc, licet viginti-quinque annis major sui que juris seduci absolute possit, ex ejusmodi tamen seductione non exurgit Impedimentum dirimens. Requiritur 2^o. ut rapta mulier sit reipsa bonis prædita moribus, rationalis communi famæ reputetur. Etsi enim *Raptus violentia* in muliere corrupta locum habere potest; non tamen *Raptus seductionis*, sed nova peccandi libido in ea præsumitur, nisi pristinam vitam exosa, sanctiorem jam inierit. Ad hoc autem Impedimentum, sive ex violentia, sive ex seductione ortum fuerit, haud necessarium est ut rapta mulier carnis opere fuerit à raptore contaminata; de hoc enim omnino silent Legum sanctiones.

RAPTUS autem Impedimentum

nec perpetuum est, sicut alia Impedimenta, nec, quemadmodum ista, per Dispensationem definit, sed tunc solummodo, cum rapta à raptore separata, & in loco tuto & libero constituta, illum in virum habere consensit (k). Quamvis autem id præstitum fuerit, ipsique parentes (si agatur de filii aut filie Minoris Raptu per seductionem) conjugio assentiantur; non tamen Parochus in se recipiat ut illud Matrimonium, inconsulto Præsule Diocesano, celebret.

Hoc autem scelus tam Religioni bonisque moribus contrarium & societati perniciosum judicavit utraque Potestas, ut in ipsius vindictam suam quæque gladium distingere non dubitaverit. Decernit sancta Tridentina Synodus, ut, postquam Raptus Impedimentum ea quam diximus ratione deserit, nihilominus raptor ipse, & omnes illi consilium, auxilium & favorem præbentes, sint ipso jure excommunicati, ac perpetuo infames (l). Atque in hac Diœcesi Casus est reservatus, si quis virginem vel mulierem honestè viventem rapuerit, sive ipsa invita, sive invitis ejus parentibus, curamve ipsius gerentibus, rapiatur. Quo quidem in Casu, non solus raptor, sed etiam omnes ei consilium, auxilium aut favorem præstantes includuntur: & Casui annexa est Excommunicatio ipso facto quam decrevit Concilium Tridentinum (m).

(i) L. 1. Cod. de Raptu.

(k) Conc. Trid. sup.

(l) Ibid. post. Conc. Calced. can. 27.

(m) Mandat. D. Lud. Aps. Card. de

Noailles, an. 1709, de Casib. reserv. &c. in Synodico, pag. 408. Et Rie. Paris. pag. 113.

Regum autem Christianissimorum Edicta pœnam capitis bonorumque publicationem in Raptores eorumque complices decernunt (n): quamvis, ante Sanctionem Blesensem, Raptori vitam incolumen Rap-

ta servaret, denuntians velle se nuptias cum eo contrahere. Nec verò tollitur pœna capitis, etiam si postea intervenerit parentum vel tutorum consensus (o).

(n) Ordonnance de Blois, art. 42. Ordonn. de 1639.

(o) Déclaration de Louis XIII, du 26 Nov. 1640; qui, en confirmant le contenu dans l'Edit de 1556, & les Art. XL, XLI, XLII, XLIII & XLIV de l'Edit de

Blois, porte, entr'autres Articles: "Que
" la peine de Rapt demeurera encourue,
" nonobstant les consentemens intervenans
" puis après de la part des peres & mères,
" tuteurs, &c."

A R T I C U L U S X V.

SI PAROCHI ET DUPLICIS DESIT PRÆSENTIA TESTIS.

IMPEDIMENTUM Claudefinitatis. Quot & quales testes adhibendi. Quædam circa *Impedimenta* Matrimonii generatim observantur.

MATRIMONIA clandestina, sive occultè & sine testibus contracta, illicita semper fuere (a), & sancta Dei Ecclesiæ ex justissimis causis illa semper detestata est atque prohibuit (b); sed ante Concilium Tridentinum irrita non fuerunt (c). Tandem aliquandò id quod in votis passim habebatur (d), ab illa sapientissima Synodo his verbis sancitum est: " Qui aliter quàm præsentem
" Parocho, vel alio Sacerdote de
" ipsius Parochi seu Ordinarii licentiâ, & duobus vel tribus testibus, Matrimonium contrahere
" attentabunt, eos sancta Synodus

" ad sic contrahendum omninò in-
" habiles reddidit, & hujusmodi
" Contractus irritos & nullos esse
" decernit. Insupèr, Parochum vel
" alium Sacerdotem qui cum minore
" testium numero, & testes
" qui sine Parocho vel Sacerdote
" hujusmodi Contractui interfuerint,
" necnon ipsos Contrahentes,
" graviter arbitrio Ordinarii puniri
" præcipit (e). " Quam Legem
" publicæ morum honestati & familiarum tranquillitati usque adeò
" necessariam, in toto suo Imperio
" vigere voluerunt Reges Christianissimi.

(a) Tert. de pudic. c. 4. Conc. Laod. c. an. 368. can. 1. Vern. can. 13. Inn. III, in Conc. Later. IV, an. 1215, c. 3.

(b) Trid. Sess. 24. de Ref. Matrim. cap. 1.

(c) S. Aug. de bono conjug. cap. 5. C. 32. q. 2. c. 6. 7.

(d) Conc. Colon. an. 1536. &c.

(e) Conc. Trid. sup.

Quisnam ille sit Parochus, cuius præsentia requiritur, dicemus ex professo, Capite proximè sequenti. Testes duo vel tres, quos exigit Synodus Trideutina, sufficiunt quidem ut Matrimonium, quatenus Sacramentum est, ratum legitimumque censeatur; quatuor verò Testes in Galliis exigunt Regia Edicta (f): quatuor idcirco adhibendi sunt, ut valeat Matrimonium quoad effectus civiles.

Testes porò non admittantur ignoti, sive incetti domicilii, sed in Parochia domicilium habentes, aut saltem in vicinia notissimi, fide digni, qui denique propriâ manu subscribant, si tales commodè inveniri possint. Neque verò ipsorum duntaxat munus est ut Matrimonio intersint ad testificandam ejus celebrationem: debent etiam Parocho testificari de domicilio, ætate, & qualitate Contrahentium, atque ad hoc Matrimonii Actus chirographum suum apponere, nisi, ritè interpellati, scribendi nescios se respondeant.

Hæc de singulis quæ vulgò recensentur, Impedimentis Dirimentibus dicta sufficiunt: quorum quidem varius est effectus, prout Matrimonium antecedit vel sequuntur. Quod si Matrimonii celebrationem præcedant, hinc fit ut contractum Matrimonium sit cotra Deo irritum; quia

nempe illud contraxerunt inhabiles personæ. Si autem Matrimonio valdè contracto superveniant, tatum illud permanet; indèque unum hoc sequitur, ut Pars quam ligat Impedimentum, licitè non possit conjugale debitum poscere. Hujus generis Impedimentum pariunt Cognatio spiritualis & Affinitas illegitima (g).

IMPEDIMENTUM

EX DEFECTU ÆTATIS.

QUINDECIM modò expositis Impedimentis dirimentibus unum insuper annumerari potest, scilicet *Defectus ætatis*; tum in pueris nondùm rationis usu pollentibus, qui quidem non ante septennium advenire præsumitur; tum in imuberibus, qui scilicet annum ætatis decimum-quartum, si mares, & duodecimum, si fœminæ sint, nondùm expleverunt. Itaque priorum, ipso Jure naturali, posteriorum autem, Jure Ecclesiastico (h), irrita sunt conjugia: idque sapienter constitutum fuit, ob summam quæ in tanti momenti negotio desideratur, judicii maturitatem, animique libertatem; quæ duo ante pubertatem facillè desunt. Hoc autem Impedimentum eo ipso desinit, quod, annis accedentibus, suppletur ætas deficiens.

(f) Ordonnance de Blois, art. 40. Edit de Janv. 1629. Edit de 1639. Edit d'Avr. 1667. Edit de Mars 1697.

(g) De eo qui cogn. consang. uxor. c. 1. & 20. Inn. III, l. 4. tit. 13. c. 10.

Greg. IX, c. 11.

(h) C. 14. de consens. impub. Nic. P. in c. Ubi, 2. cod. tit. Varia supremor. Senat. Decreta.

Valete tamen possunt Principum, etiam impubetum, conjugia; quos utique, ad conciliandam tuendamve pacem, aliasve ob causas ad Reipublicæ atque adeò ipsius Ecclesiæ utilitatem spectantes, Matrimonii sordere à tenetis jungi aliquandò expedit. Quo quidem in Casu, necessaria est summi Pontificis aut saltem Diocesani Præfulis Dispensatio.

His præterea quidam Theologi eos accensent, qui, cum ante pubertatem connubio juncti fuerint, hac adeptâ, simul habitare pertexerunt; quia nempe, inquiunt, cohabitatio post adeptam pubertatem continuata, ratum facit quod initio irritum fuit. Tunc nihilominus Matrimonium in facie Ecclesiæ denuò celebrandum esse probabilius

videtur, & procul dubio tutius est.

Alii denique Theologi (extranei præsertim) usdem accensendos illos putant, in quibus ætatein supplet malitia, id est, qui ante pubertatis annos conjugio maturi sunt. Attamen ejusmodi conjugia, lite super iis motâ, à supremis Curiis rescissum iri, plures, nec immeritò, existimant. Quanquàm fatendum est id sine periculo fieri quandoque non posse, maximè verò si ex concepto sortu constet Matrimonium fuisse consummatum.

CÆTERUM connubia ante pubertatem (non tamen ante rationis usum) contracta, locum tenent Sponsalium, eisdemque effectus producant.



CAPUT IV.

QUISNAM sit proprius Parochus, in ordine benedicendi
Matrimonii.

PASTOR, cujus presentia in connubiis exigitur. An valeat Matrimonium coram Parocho excommunicato, &c. Quanto tempore acquiratur jus domicilii ad Matrimonium contrahendum. Hic sæpe necessaria Legis interpretatio. In Sacerdotes qui Pastoris alicujus Parochianos, sine ipsis, vel Ordinarii licentiâ, Matrimonio conjunxerint, pœna ab utraque Potestate irrogata. Disciplina Diœcesana. Si ambo contrahentes in eadem Parochia non habitent, utrius sit Parochi Matrimonio benedicere. Domicilium dimidiatum, &c. Filiorum-familiâs Minorum quodnam sit domicilium De Matrimoniis vagorum, virorum militarium, rei maritima præfectorum, &c. De iis qui plures annos domicilio absuerunt. Ante cujuslibet Matrimonii celebrationem, quinque sunt Pastoribus diligenter inspicienda. Quid monendi sint Testes. Ne, dubiâ potestate. Ministri, dubia sit validitas Sacramenti, quædam statuuntur. Quanam adhibitâ cautione Litteras testimoniales & licentiam Matrimonii in aliena Parochia celebrandi concedere debeant Pastores.

PASTOR, cujus præsentia in connubiis exigitur, est Parochus domicilii. Matrimonium coram eo, aliove Præbytero de ejus licentiâ celebratum, etiam in aliena Parochia, legitimum rationemque est, si nullum aliunde obstat Impedimentum. Matrimonii quippe celebratio est actus Jurisdictionis voluntariæ, quæ validè exerceri ubique potest: requirit tamen ordo Disciplina, ut Parochus neminem, vel sibi subiectum, in alterius Parochiâ Matrimonio jungat, nisi de hujus vel Ordinarii licentiâ.

Valeat, porro, Matrimonium coram Parocho etiam excommunicato, suspenso, irregulari, aliâs legitimè contractum; modò ipse nec sit Beneficio privatus, nec denuntiatus. Quod si Parochus, licet propriè intrusus, titulum habeat coloratum, id est, si ex errore communi verus habeatur Parochus; valebit similiter celebratum, eo benedicente, conjugium; siquidem jus inducit error communis; ipsaque Ecclesia, in his Casibus, necessariam ad cuncta Pastoris munia Jurisdictionem tacitè supplet.

ITAEQUE Matrimonium omne, *aliter quam præfente Parocho, vel alio Sacerdote de ipsius Parochi seu Ordinarii licentiâ, contractum*, irritum ac nullum esse decernit. sacrosancta Tridentina Synodus (a). Quantum verò temporis necessarium sit, ut acquiritur in Parochia domicilium, cujus vi Pastor illius Parochiæ censeatur Parochus in ordine benedicendi Matrimonii, nullâ generali sanctione in Ecclesia constitutum est. Id non definiit Concilium Tridentinum; id Imperiorum Legibus ac Diœceseon Statutis variè definitur; atque hoc unum inrer Canonistas convenit, neminem in Parochia domicilium habere censendum esse, in qua per occasionem, & quissi transiens versetur, sed requiri ut in ea *sedem fixerit, animo ibidem residendi* (b). Executionem Tridentini Decreti modò allegati dum in Galliis præcipit Regium Edictum (c), prohibet simul à Parocho ullo vel Sacerdote, sive Seculari, sive Regulari, alios Matrimonio conjungi, quàm qui veti & ordinarii sibi sint Parochiani, in sua Parochia bonâ fide commorantes, sexto jam saltem integro mense, erga eos qui prius manserint in alia ejusdem Urbis vel Diœcesis Parochiâ, sed uno jam solido anno, erga eos quibus domicilium antehac in aliena Diœcesi fuerit; nisi specialem & scripto concessam à proprio Contrahentium Parocho vel à Diœcesano Episcopo licentiam obtinuerint.

JAM verò ex usu qui in hocce Regno Christianissimo jam indè ab illius Edicti promulgatione fuit observatus, id manifestè apparet, sic acceptam fuisse Legislatoris intentionem, ut prohibitum velit ne quis Parochus, aliussve Presbyter, eos Matrimonio jungat, qui in suam Parochiam recentius advenierint quàm à sex mensibus, si Diœcesim non mutaverint, recentius autem quàm ab anno integro, si ex alia Diœcesi migraverint, nisi prius in loco undè egressi sunt, peracta fuerit, nullâ cujusquam Impedimenti factâ revelatione, proclamatione *Bannorum*, vel nisi super hac Dispensationem obtinuerint ab Episcopo anterioris illius suæ habitationis; ita ut magis ad *Bannorum* proclamationem quàm ad ipsius Matrimonii celebrationem pertinere videatur illud quod modò citavimus Ludovici-Magni Edictum.

Constat porro eam esse, inter cæteras Ecclesiæ Gallicanæ Diœceses, hujus speciatim Diœcesis consuetudinem, ex tacita saltem Parochorum pactione & plusquàm interpretativo consensu approbaram, neque hætenus ullâ disceptatione controversam, ut, si quæ personæ, bonâ fide & seclusâ fraude, actu in aliqua Parochia unicum, fixum, continuum & publicum domicilium habeant, etiam recens, ab illius Parochiæ Pastore, tanquam veri & ordinarii Parochiani, Matrimonio jungi validè possint, dummodò in anterioris domicilii Parochiæ factæ *Bannorum* promulgationis testimo-

(a) *Seff. 24. de Ref. Matrim. cap. 1.*

(b) *Cons. Camer. II, an. 1586. tit. 23.*

cap. 2. (c) *Edit de Mars 1697.*

nium legitimâ formâ instructum, aut ejus Dispensationem exhibeant. Et si verò » ad hoc ut quis efficiatur Parochianus, & recipiatur ad Ecclesiasticâ Sacramenta, sufficit simplex habitatio de præsentî (d), » novi tamen domicilii tempus satis diuturnum esse debet, juxta prudentem æstimationem, ut publicum censeatur, adeoque ut in novo domicilii aliqui tanquàm veri & ordinarii Parochiani meritò habeantur. Quanquàm, cum tales ii publice noscuntur, cum præsertim aliquis manifestè apparuit domicilii actus publicus, sufficit etiam non ita longum temporis intervallum, ut à novi domicilii Pastore in Matrimonium possint legitimè conjungi. Si quid autem difficultatis hac in re superesse adhuc posset, id omne quodcumque sublatum censeretur per testificationem promulgationis *Bannorum*, quam in prioris habitationis Parochiâ necessariò præmittendam esse diximus; quæ quidem anterioris Pastoris testificatio consensui ad futuras nuptias æquivalere censeretur, si necessarius esset ejus consensus.

At profecto nequaquam est necessarius. Etenim à Legislatoris intentione prorsus alienum videtur, ut proprius Pastor ad benedicendum Matrimonium habeatur is, cujus in Parochiâ jam non habitant futuri conjuges, in quos proinde jus omnino nullum retinet. Vetat Regium Edictum à quovis Pastore conjuges benedicere alios, quam qui eidem sunt veri & ordinarii Pa-

tochiani: si quem igitur Lex ab isto munere excludit, eum procul dubio maximè, qui futuros conjuges nullo jam modo Parochianos habet: unde efficitur ut novi domicilii Parochius, illos habens verè Parochianos, in jus anterioris Parochi successerit, tam circa Matrimonium, quam circa Pœnitentiam, sacrum Viaticum, Extremam-Uctionem, & sepulturam. Neque opponatur, melius aptiusque solvendam esse difficultatem, si expectetur domicilii tempus à Legge præscriptum. Sæpius enim impossibile est Legem in eo exequi, quod sex mensium aut unius anni commemorationem præcipit: sciunt videlicet Pastores quam frequenter adjuncta rerum talia occurrant, ut Matrimonia moram nullam patiantur.

Itaque, ex usu per necessariam Legis interpretationem inducto, cum deest domicilii tempus ab ea constitutum, potest quisvis ab illo Parocho Benedictionem nuptialem suscipere, cujus in Parochiam sic omnium rerum ac fortunarum suarum sedem publicè transtulit, ut suum ibi domicilium bonâ fide collocasse meritis judicetur; servatis, quoad *Bannum*, is quæ servanda esse jam diximus.

Qui autem non veri & ordinarii sibi sunt Parochiani, acta & publicè in Parochia domicilium habentes, & pro veris ordinariisque Parochianis publicè cogniti, hos Matrimonio non jungat Parochus, nisi licentia sibi exhibeatur à Contrahentium Pastore, vel Diœcesano Præsule in scriptis concessa (e).

(d) *Fagnan, in cap. de Parochiis & Alienis Parochianis.*

(e) *Stat Syn. D. Eust. du Bellay, Paris. Episc. an. 1557, de Matrim. n. 32. in Syn.*

Atque hanc tanti momenti Legem ne frustra posuisse videretur utriusque Potestatis auctoritas, gravissimis poenis utraque animadvertit in quolibet, sive Seculares, sive Regulares Sacerdotes, qui Pastoris alicujus Parochianos, sine ipsius vel Ordinarii licentiâ, Matrimonio conjungere ausi fuerint. Sancta Tridentina Synodus, tenore Decreti adversus clandestina Matrimonia, quod apud Gallias vim Legis obtinet, ejusmodi Sacerdotes, *etiam si vel privilegium, vel immemorabilem consuetudinem prætendant, ipso Jure suspensos pronuntiat*, quoadusque absolvantur ab Ordinario ejus Pastoris qui Matrimonio interesse debuisse, seu à quo suscipienda fuisset Benedictio Nuptialis (f). Hinc irrita censentur Matrimonia quibus interfunt vel benedicunt sive Melitenses, sive exercituum Eleemosynarii, aliive Sacerdotes qui nec Parochi sunt, neque à Contrahentium Episcopo vel Parocho licentiam habent; iique Sacerdotes Suspensionem Concilii Decreto sanctam incurrunt. Regulares præterea, qui Matrimonium quodlibet citra Parochi consensum celebrarent, Excommunicationem sanctæ Sedi Apostolicæ reservatam, non obstantibus contrariis quibuscunque privilegiis, *ipso facto* incurrerent (g). Regium verò Edictum, Sacerdotibus qui prædictam Legem scienter violaverint, si Beneficia possideant, Beneficiorum fructus demit ad trien-

nium; transgressionem iteratam plebit novem annorum exilio: qui Beneficii carebunt, primum delinquentes, triennio, reidivivos novem annis exulare præcipit: Regulares autem Beneficii carentes, in Ordinis sui Monasterium longè amandati, ibique inclusos, & omnis muneris ac suffragii, tum *activi*, tum *passivi* expertes, quoad Judicibus visum fuerit, delitescere.

Hicce Ecclesiasticis & civilibus Constitutis inhærentes, ipsamque Disciplinam in hac Diœcesi vigentem confirmantes, suspensionem *ipso facto* declaramus quolibet, sive Secularem, sive Regularem Sacerdotem, qui alienæ Parochiæ Sponsos Parochus ipse, vel quolibet Fideles nec Parochus nec Vicarius aut Sacerdos ad hoc delegatus, sine illorum Parochi vel Ordinarii licentiâ, Matrimonio jungere ausus fuerit: quæ Suspensione reservatur Episcopo illius Pastoris qui Matrimonio interesse aut benedicere debebat (h). Excommunicationem insuper *ipso facto* incurrendam in eos omnes pronuntiamus, qui, vel propter oppositam intercessionem (i), vel propter dilatam seu denegatam Benedictionem Nuptialem, Parocho, seu Vicario, alterive Sacerdoti Pastoris vices gerenti sistere se audent, ut coram ipso ac testibus Matrimonium sine Benedictione sacerdotali, aliisque solemnitatibus ad hujus Sacramenti celebrationem præscriptis contrahere

(i) Opposition formée.

(f) Conc. Trid. sup.

(g) Clement. Religiosi, l. 5. tit. 7. de privil. & excess. privil. cap. 1.

(h) Conc. Trid. sup. Rit. Paris. deusd. ed. an. 1777. pag. 115.

attentarent per verba de præfenti (i): quam pœnam incurrerent non solum Testes, verum etiam Notarii, vel Apparitores, qui tantæ audaciæ tantæque in Ecclesiam contumeliæ suam adhiberent ministerium: arque hujus Censuræ sicut & ipsius cui annexa est, peccati Absolutionem Nobis seu Pœnitentiario nostro reservamus (k).

Si ambo Contrahentes in eadem Parochia non habitent, in eorum arbitrio erit electio Parochi alterutrius, à quo suum velint Matrimonium benedici: ut tamen à mulieris Pastore celebretur Matrimonium, usus hac in Diœcesi obtinuit; *virginalis enim pudoris est ut, quæ nubit, expetita magis videatur à viro, quàm virum ipsa expetisse* (l). Uterlibet autem, sive mulieris, sive viri Parochus eligatur, neuter Matrimonii celebrationem sibi vindicabit, nisi ab altero acceperit instructum legitimâ formâ testimonium, per quod certior fiat, 1^o. Ab illo factæ *Bannorum* promulgationis, nullo intercedente (1), vel rescissâ, quæ obvenit, intercessione, nulloque revelato Impedimento: 2^o. Consensus quem ipse alter Parochus ad Matrimonii celebrationem præbet, nisi (ut sæpius fit) pro illo

explicito consensu habeatur testimonium promulgationis *Bannorum*: 3^o. Accessus ad Pœnitentiæ Tribunal, per quem se ad Matrimonii Sacramentum præparare debuit illius Parochianus vel Parochiana.

Qui, volente anno, duas incolunt diversas Parochias, eò quòd familiam & rem domesticam utrobique habeant, ii Matrimonio jungentur in Parochia longioris suæ per annum commorationis. Si verò annum in singulis Parochiis ferè dimidient, utram voluerint ad Matrimonium contrahendum eligere poterunt, *Bannis* tamen, ut suprà dictum est, in utraque promulgatis: nec Pastor unius Parochiæ ad Matrimonii celebrationem procedet, quin prius ad manum habeat testimonium publicè denuntiari ab altero Pastore Matrimonii.

Qui, cùm in una Parochia stabile notumque habeant domicilium, in alteram ad tempus commigrant aurâ liberiore fructuri, domesticis rebus invigilaturi, aliudve quidquam sive obligationis sive negotiorum acturi, nullus est proprius Pastor, præter illum stabilis notique domicilii Pastorem; neque alibi, præterquam de ipsius licentiâ, valide conjugium inirent.

(1) Sans aucune opposition.

(i) Hujusmodi conjugium, seculo superiore, attentavit Gilbertus Gaulmin; unde locus datus est discutendi an ea Matrimonia valerent. Gallicè dicta sunt *Mariages à la Gaulmine*, & Legibus reprobata; Notariisque sub pœna corporali veritum fuit, ne tales Matrimonii promissiones, pactione coram se factâ, suscipere auderent. *Déclar. de Louis XIV*,

du 15 Juin 1697, rendue à la sollicité de l'Assemb. du Clergé de 1680.

(k) Rit. Paris. D. Joan. Franc. de Gondy, *primi Paris. Archiep. an. 1654. Stat. Syn. D. Franc. de Harlay, an. 1673, in Synodico. Et Rit. Paris. an. 1777, pag. 109 & 110, tum etiam 318.*

(l) S. Ambr. de Abrah. l. 1. cap. 9. (al. 91.)

QUOD

Quon spectat conjugia *Minorum*, ipsis quidem duo esse possunt domicilia : unum *Juris*, quod nempe est ipsummet parentum, vel tutorum curatorumque domicilium; & alterum *facti*, cum, v. g. extra parentum vel tutorum habitationis locum munus gerunt, vel famuli, tirones, focii tabernarii (1) sunt. Juxta Regiam sanctionem (m), denuntianda sunt eorum Matrimonia in loco domicilii parentum, vel tutorum & curatorum; quâ nimirum solemnitate deficiente, irrita decerni possunt eorum conjugia (n). Nec ideo minus proclamanda sunt ipsorum *Banna* in loco ubi pro tempore illis est domicilium *facti*. His observatis, validum erit Matrimonium in utralibet Parochia celebratum. Quod si puella nuptura & parentes vel tutores in diversis ejusdem loci Parochiis habitent, Matrimonium celebretur in parentum vel tutorum Patochiâ, quod nempe, ut modò diximus, *Minorum* respectu, est domicilium *Juris* (o). Si verò puella nuptura & parentum vel tutorum domicilia non Parochiis tantum, sed & locis diversa sint, ad Matrimonii celebrationem anteponatur ea Parochia, cujus intra fines domicilium *facti* habet puella. Verum, in utriuslibet domicilii Ecclesiâ suscipiatur Benedictio nuptialis, semper necessarium erit testimonium proclamatorium *Bannorum* in altera Parochia,

nullo detecto Impedimento, peracta.

Quisvis nullum est fixum & stabile domicilium, quales sunt quidam operarii & artifices, circumforaneiatque erratici mercatores, mendici, alique forsitan, sine sede, sine lare hæc & illâc perpetuo cursu transeuntes, uno verbo, alienigenæ, vagi & ignoti, non sine multa cautione ad conjugium ineundum admittendi sunt; sæpius enim hac in re Pastorum religionem intercipit aliqua obrepens fallacia, cum præsertim de mendicorum Matrimoniis agitur. Hinc sapientissimè his verbis decevit sancta œcumenica Tridentina Synodus : « Multi sunt qui » vagantur, & incertas habent sedes; &, ut improbi sunt ingenii, » primâ uxore relicta, aliam, & » pletumque plures, illâ vivente, » diversis in locis ducunt. Cui motu » bo cupiens sancta Synodus occurrere, omnes ad quos spectat, parternè monet, ne hoc genus hominum vagantium ad Matrimonium facile recipiant; Magistratus » etiam seculares hortatur ut eos » severè coërceant : Parochiis autem » præcipit, ne illorum Matrimoniiis interfint, nisi prius diligenter inquisitionem fecerint, &, re » ad Ordinarium delata, ab eo licentiam id faciendi obtinuerint (p). »

Quapropter, vagi, nec domicilium certum habentes, ad Matrimonium contrahendum à nullo hu-

(1) Compagnons de Boute-que.

(m) Edit de Mars 1697.

(n) Arrêt du Parlem. de Paris, du 5. Sept. 1710.

(o) Edit de Mars 1697.

(p) Conc. Trid. Sess. 24. de Ref. Matrim. cap. 7. Vide Conc. Rem. an. 1585, tit. de Matrim. n. 6.

jus. *Dioecesis* Parocho admittantur sine *Præfatus* *Dioecesis* aut *Vicarii* generalis expressâ scriptoque concessâ licentiâ (q).

Porro inquisitio quam præcipit *Synodus* *Tridentina*, à *Parocho* faciendâ est ante *Bannorum* proclamationem, & prius consuleo *Dioecesis* *Antistite*, seu ejus *Vicario* generalis. Ex illa autem inquisitione dignosci oportet, 1°. An *Christiani* sint qui se *Matrimonio* jungi postulant; ideoque ab iis exigendum est excerptum *Baptismi* instrumentum, cujus ope constet præterea de ipsorum patriâ, ætate & qualitate: 2°. An *Religionem* *Catholicam* profiteantur; de quo testimonium scriptum exhibeant necesse est: 3°. An non *Matrimonii* promissione obligati, vel *Matrimonio* juncti sint; quod quidem non raro accidit. Si se olim nuptiarum fœdere obstrictos fuisse dixerint, ab iis exquirendum est excerptum *sepulture* instrumentum, quo probetur decessus per quem liberos se affirmant: 4°. An adhuc vivant, an non supersint eorum parentes. Si hos defunctos esse perhibeant, id ab ipsis probari oportet, siue *Majores* sint, siue *Minores*. Si autem *Minores* sint, manifestum facere debent consensum tutorum aut curatorum, & eorum qui genere sibi sunt maximè propinqui. Quod si verò parentes suos in vivis superesse dixerint, & sint *Minores*;

necesse est ut suos parentes *Matrimonio* quod meditantur, assentiri ostendant: si sint triginta annis majores, quoad viros, & viginti-quinque, quoad fœminas, iis probandum est se parentum sententiam & consilium requisivisse. Ne autem impensis graventur inopes, satis esse poterit, si de prædictis affertur testimonium ex *Pastore* illius *Parochiæ*, ubi habitant eorum parentes; quæ cum sit ipsorum domicilium *Juris*, posito quoddam sint *Minores*, in ea fieri debet proclamatio *Bannorum*; cujus quædam citra ullius *Impedimenti* revelationem peracta testimonium, cum ceteris instrumentis, ab iis exhiberi oportebit.

Jam verò de omnibus & singulis prædictæ inquisitionis capitibus, ac præsertim de libertate à cujuscunque conjugii vinculo, certum quiddam & exploratum habere sæpius difficillimum est. Ab iis personis de quibus hic sermo instituitur, non quidem exigenda sunt testimonia *Pastorum* omnium, quorum in *Parochiis* aliquo intervallo commemorati antea fuerint; hoc enim factu vix possibile iudicatur. Exigenda nihilominus sunt aliquot *Parochorum* testimonia, quorum in *Parochiis* diutius quàm in cæteris manserint, ac præsertim *Pastoris* natalem eorum *Parochiam* spirituali regimine administrantis, & propinquo testimonium; qui scilicet compertum

(q) *Stat. Syn. D. Enst. du Bellay, Paris. Episc. n. 32. de Matrim. in Synodico, pag. 221.*

habere possunt an ipsi aliquod Matrimonium contraxerint. Quod si verò in sua patria ipsimet propinquus jam sint ignoti, eò quòd illam ab adolescentia reliquerint, atque inde longo temporis & locorum intervallo abfuerint, sicque nihil sufficientis testimonii ex eo loco expectari possit, prætereaque non satis diù in ulla Parochia degerint; ut potuerint ibi sufficienter innotescere; tunc ultimum sit hoc perfugium, ad quod frequentius in hac Diocesi descenditur: ut nempe quatuor notæ probitatis testes ex una commorationis anterioris Parochiâ, quos Diocesanus Pontifex vel per se ipsos immediate, vel per intermedias personas noverit, scripto testificentur, *Titium*, v. g., certo temporis intervallo sibi notum, nullo, quod hæcenus audierint, contracti Matrimonii vinculo ligatum, nec se ullum impedimentum nosse, quominus ipse talem forinam uxorem accipiat: quod quidem testimonium legitimâ formâ instructum, ejusque subscriptio ritè recognita & probata (1) exhibeatur; idemque dicendum de cæteris instrumentis supra notatis.

Cum Parochus apud quem de Matrimonio celebrando agunt vagi & erratici, plenam omnium de quibus inquisierit, notitiam fuerit asscutus, & necessaria penes se habuerit instrumenta; hæc, propter subscriptiones ignotas, Ordinario loci Episcopo recognoscenda exhibebit vel ad ipsum diriget, missis (ubi expedire & possibile esse videbitur)

ipsismet Partibus contrahere cupientibus. Tum, si omnia vera & admittenda esse judicet Ordinarius, exequenda erit *Bannorum* promulgatio in domicilio facti; quod quidem nullum est præter Parochiam in qua vagi illi actû commorantur, nisi Episcopus Dispensationem domicilii concedat. Ad extremum, nullâ cujusquam impedimentâ revelatione factâ, futurisque conjugibus per sacramentalem Confessionem piè dispositis, de qua dispositione certò innotescat, præsentis eorum domicilii Parochus ad celebrandum Matrimonium iurâ conscientia procedere poterit, Episcopi sui licentiâ fretus, sine qua videlicet, non modò Concilium Tridentinum (2), sed etiam Regiæ sanctiones prohibent ne quis Parochiæ Rector, aliufve Presbyter, vagos & domicilio carentes Matrimonio conjugat (3).

Postquàm autem Parochus vagos in Matrimonium junxerit, Diocesani Pontificis licentiam cum toto inquisitionis ordine & instrumentis sibi exhibitis penes se retinebit, atque ad omne suis Codicibus Parochialibus annexet; ut, posita in inquisitionis instrumentis fallaciâ, extra culpam se esse demonstret; siue ut Matrimonium cum requisitis solemnitatibus celebratum fuisse ostendat, si quando illud in controversiam vocari contigerit.

Quod ad eos pertinet qui ex alia, maxime verò longinqua Diocesi, vel remotissimo ejusdem Diocesis loco advennerunt, quamvis legiti-

(1) Legatiss.

(1) Suprà. (2) Edit de 1697.

mum domicilii tempus in aliqua hujus Dioecesis Parochia jam attigerint, erga ipsos Matrimonio jungendos, nisi aliunde notissimi sint, isdem, proportionem servatam, utendum est cautionibus, quas pro vagis & ignotis adhibendas esse modò diximus.

(1) Capitaine.

(4) Officier supérieur.

(5) Bas-officiers.

(6) Officiers.

(7) Officiers d'Infanterie, de Cavalerie ou de Dragons en garnison.

(1) Officiers.

(2) Régiment.

MILITARUM autem virorum conjugia ne prætereamus, quamvis, ex consuetudine & Episcoporum indulgentia, exercituum Eleemosynarii tanquam ipsorum Parochi habeantur quoad Pœnitentiam, interdum etiam Eucharistia & Extremæ-Uctionis administrationem, non tamen quoad Matrimonium tales reputantur. Milites in Matrimonium jungere non possunt; id præstare solus potest ille Parochus, cujus in Parochia pro tempore vesantur: is videlicet, Matrimonii contrahendi habito respectu, proprius illorum Pastor censetur; neque enim illi inter vagos & erraticos numerantur, quoniam, ex Lege, miles ibi domicilium habere videtur, ubi moratur (1); ac præterea, cum sui-juris non sint, Matrimonio jungi non debent sine licentia Ductorum (2), de ipsorum libertate à connubiali vinculo testificantium.

Itaque Matrimonium à Legionis (2) Eleemosynario, sine Parochi aut Episcopi licentia, in regio-

ne Catholica celebratum, nullum foret, omninòque irritum (u); & Eleemosynarius poenæ obnoxius esset, quam incurrit ipsimet Raptus fautores & complices (x).

Ut verò constare censetur de militum libertate ab omni anterioris conjugii vinculo, saltem necesse erit ut de ipsa testificetur Centurio (3), vel excelsioris ordinis Ductor (4), eis licentiam ineundi Matrimonii scripto concedens; sine qua nimirum neque gregarii milites, neque infestiores ductores (5) ad contrahendum admittendi sunt. Quod si absit Centurio, aliisque Ductor licentiam ejusmodi concedens, Pastorique ignotum sit ejus chirographum; hic tunc non poterit ad Matrimonii celebrationem procedere, quin prius ejusmodi subscriptionem genuinam & non suppositiciam esse perspexerit; ad quod scilicet necessarium erit ut eam cernat ab Episcopo recognitam.

Quoad militum Ductores (6), Regia Ludovici-Magni sanctione prohibetur, ne quis Parochus, aliisque Presbyter eos Matrimonio jungat, sive Pedites, sive Equites, sive Velites militare præsidium in qualibet civitate constituentes (7), aut decem circiter leucis à loco distantes cui præsidio sunt, nisi accedat consensus Inspectoris-generalis scripto concessus. Si quis autem Sacerdos hanc Legem transgressus

(1) ff. lib. 50. tit. 1. le. Municip.

(u) Mémoires du Clergé, éd. de 1716, tom. 5. pag. 952, où est rapporté l'Arrêt du Parlem. de Paris, rendu en forme de Ré-

glem. le 16 Févr. 1675.

(x) Ordonn. de Louis XIV, du 15 Déc. 1681, rapportée dans le Code milit. l. 2. tit. 2. art. 4.

fuert, in eum animadvertitur perinde atque in Raptus fautorem & complicem (y). Nec potest ullus Parochus, nisi de Regis, vel, pro Rege, Administri licentiâ, pariter scripto concessâ, rei maritimæ Præfectos (1) Matrimonio jungere (z).

Quamvis portò illi Ductores, sive terrâ, sive mari stipendia merentes, ejusmodi licentiam in forma legitima obtinuerint; non minùs tenentur, quemadmodum inferiores ductores & gregarii milites, parentum vel tutorum consensum exhibere, si *Minores* sint, aut requisitionem sententiæ & consilii parentum, si *Majores*, cæterasque Ecclesiæ & Regni Leges Matrimoniales observare, prout Regiis sanctionibus constitutum est (a). Eorum igitur qui ex Regis militum Domo sunt, *Banna* proclamari debent, in Parochia loci ubi Rex pro tempore commoratur; militum verò Ductorumque ipsorum cujuslibet gradûs, in Præsidii, locisve ubi jam solido ab anno commorantur, atque etiam in suo loco natali, seu parentum vel tutorum domicilio. Circa domicilium facti si qua sit difficultas, hæc ad Diocesana Pontificem referantur.

Qui domicilium habent in una Parochia, si, postquam longè ab ea plures annos abfuerunt, illud remeârint animo contrahendi Matrimonii, eos ad illud admitti non oportet, quin priùs testimoniis legitimâ formâ instructis palàm fece-

rint se nullo in contrarium esse vinculo ligatos.

IPSI autem Parochi, ut vitetur omnis fallacia, non priùs se ad ullius Matrimonii celebrationem accingant, quàm diligenter inspexerint, 1°. Suscepti Baptismi instrumentum, ut de Partium ætate, parria & qualitate omnino constet: 2°. Mariti vel uxoris instrumentum mortuale, si aliena in Parochia decesserit compar vidui ad viduæ ad secundas nuptias convolare cupientis: 3°. Patris & matris, vel tutoris & curatoris consensum, si Parentes, per ætatem, alieni sint juris: 4°. Mortualia dictorum parentum instrumenta, si extra Parochiam decesserint: 5°. Testimonia Matrimonii publicè denunciati apud omnes Parochias ubi hoc denunciari oportuerit; aliaque id genus instrumenta sive testimonia, pro Casuum ratione. Attendant insuper nullam ejusmodi instrumentis ex aliena Diœcesi allatis fidem deberi, nisi Diœcesani Episcopi Sigillum cum ipsius aut Vicarii-generalis signo, vel Regii Judicis signum agnoscant, per quod hujusmodi instrumenta publicæ auctoritatis notam præ se ferant manifestam atque omnino perspicuam. Ea verò cujuscumque subscriptione & chirographo sibi ignoto roborata non priùs admittant, quàm à Nobis visa & pro veris habita fuerint.

Regio denique Edicto præcipitur, ut Testes Matrimonio astantes à Pa-

(1) Officiers de Marine.

(y) Ordonn. de Louis XIV. du 1 Févr. 1683. Code milit. l. 2. tit. 2. art. 1. & 2.

(z) Ordonn. de Louis XIV. du 13 Sept.

1713. (a) Arrêt du Conf. d'État, du 13 Déc. 1681. Edit de Mars 1697.

rochis moneantur quibus pœnis ii subjaceant, qui de Contrahentium ætate, conditione ac domicilio falsa pro veris testificati fuerint (b).

Næ verò, dubiâ Ministri potestate, dubia sit Sacramenti validitas, aut hæc in foro externo probari non possit, ea quæ sequuntur, decernenda censuimus.

I°. Nunquam verbo tantùm, semper autem scripto concedetur licentia Matrimonii extra Parochiam celebrandi.

II°. Pastores nullam præbunt generalem licentiam ut illud celebretur quocumque in loco Partes voluerint; sed dirigetur concessio ad unum duntaxat Parochum, aliumve Presbyterum, qui expressè in illa denominabitur; nunquam verò ad quemlibet generatim Parochum sive Presbyterum.

III°. Nunquam Parochus aliusve Sacerdos quem Pastoris absentis onus sustinere contingeret, Matrimonia ulla in ejus Parochia celebrabit, nisi specialem hæc ab illo potestatem acceperit: cujus mentio fiet, relato in Parochiales Codices unoquoque Matrimonio; Pastorque in Parochiam redux non omittet singulis Actis subscribere.

IV°. Cùm Parochus alicui Collegæ aut Presbytero licentiam concederet unum Specialiter in sua Ecclesia Matrimonium celebrandi; si sit ipse in Parochia præsens, de suo consensu testificabitur, Actis in Parochiales Codices relatis subscri-

bens. Quòd si adesse nequeat, scriptam licentiam ei relinquet Sacerdoti, cui Matrimonium committeret celebrandum; pariterque ipse, cùm redierit, Matrimonii Actis diligenter subscribet. Semper autem, si præsens, siue absens fuerit Pastor cujus de licentia celebrabitur Matrimonium, in Matrimonii Actis annotabitur illud de ipsius consensu celebratum fuisse.

V°. Pastor qui ab Ordinario designatus est, ut alienæ Parochiæ Fideles Matrimonio conjungat, id munetis Vicario alterive Sacerdoti committete nequit; tunc enim solas delegati partes agit: delegatus autem in causa particulari subdelegare non potest. Idem dicendum est de Parocho aliove Presbytero, cui proprius Contrahentium Parochus licentiam concesserit eos Matrimonio jungendi.

Parochi autem Litteras testimoniales & Matrimonii in aliena Parochia celebrandi licentiam non concedent filiis-familiâs qui nondùm sui juris sunt, nisi prius de parentum vel tutorum & curatorum consensu sibi constiterit.

Nemini pariter eam licentiam concedent, quem ad justum ac legitimum conjugii sœdus ineundum esse inhabilem, vel dispositionibus requisitis carere (aliâ tamen quàm Confessionis viâ) certò noverint. Quamobrem in ea concessione, cognitâ causâ, testabitur proprius Parochus, unam, duas vel tres Matrimonii denunciations, nullo recla-

(b) A l'égard des hommes, amende honorable & les galères; ou bannissement, s'ils ne sont pas en état de subis-

cette peine: à l'égard des femmes, amende honorable & bannissement pour neuf ans. Edit de Mars 1697.

mante, esse factas; futuros conjuges, vel hucusque inuuptos, vel Matrimonii vinculo exolutos, in eo statu esse, ut, per ætatem, aut parentum vel tutorum & curatorum consensum, aut etiam, posito impedimento, per Dispensationem à Sede Apostolica vel à Diocesano

Præfule concessam, liberè ac legitimè connubium inire possint; eos denique saltem ad Pœnitentiæ Sacramentum accessisse. Deficiente hujusmodi testimonio, non committat ullus Pastor ut alienæ Parochiæ Fideles Matrimonio conjungat (c).

(c) Stat. Syn. D. Euß. du Bellay, Paris. Episc. n. 32, de Matrim. In Synodico, p. 221. Rit. Paris. D. Joan. Frano.

de Gondy, primi Paris. Archiep. an. 1654. Rit. Paris. an. 1777, pag. 355.

C A P U T V.

DE Matrimoniis filiorum-familiâs.

AN valida sint Matrimonia filiorum-familiâs sine parentum assensu contracta. Tres eorum status, in quibus, pro ætatis & sexûs ratione, à parentum voluntate magis minûsve pendent ipsorum conjugia. Quàm graviter peccent parentes vel tutores, qui Minorum conjugibus iniquè repugnant. Moderatio in iis exoptanda.

MATRIMONIA filiorum-familiâs sine parentum assensu contracta, Jure tam naturali quàm divino rata & valida esse nemo dubitaverit. Jure quidem naturali: si enim hoc solum spectetur, ad Matrimonii substantiam tria requiruntur & sufficiunt, primò scilicet Partium consensus, deinde ejusdem manifestatio exterior, postremò tradita corporum mutua potestas; quæ tria, secluso parentum consensu, verè solidè

que subsistunt. Jure autem divino; quia Lex, tum antiqua, tum nova, conjugiorum validitatem à sola filiorum hæc ineuntium voluntate repetit (a).

Hujusmodi tamen conjugia graviter ab omni ævo prohibuerant Jus naturale simul & divinum, civile pariter & canonicum (b).² Eam quippè naturæ & Religio animis injiciunt reverentiam, illudque suadent obsequium, ne liberi, invitis

(a) Gen. 26. 34. 35. Num. 36. 6. Tob. 7. 10. & seq. 1 Cor. 7. 39.

(b) Gen. 36. 34. 35. Exod. 22. 16.

17. Tert. ad ux. l. 2. c. 9. S. Amb. l. 8. Ep. 5. (al. 83.) n. 1. ff. l. 23. tit. 2. l. 2 Cod. Theod. l. 3. c. 7. l. 1.

aut inconsultis parentibus, sibi conjuges eligant, sed illam ipsis deferant tanti momenti electionem (c); alioqui, violatur honos, qui, & sanguinis voce clamante, & Deo ipso præcipiente, patri & matri à filiis quos genuerunt, cuiusque tenerrimis educantur, semper habendus est, in gravioribus præsertim vitæ circumstantiis, qualis est ineundi conjugii deliberatio. Filiorum Matrimonium parentibus committunt utriusque Testamenti Scripturæ (d). » Non esse virginalis pudoris eligere » maritum, sed à puella, ipsaque » adolescentulâ viduâ debere iudicium parentum expectari (e); » liberos denique à parentibus offerendos esse Presbytero, à quo benedictionem suscipiant, communis Patrum & Conciliorum sententia est (f). Quædam etiam Concilia Excommunicationis gladium in eos distringunt, qui huiusmodi officium in vitæ suæ auctores prætermittere non dubitaverint (g). Hinc Matrimonia à filiis-familiâ sine consensu parentum contracta, ex iustissimis causis sancta Dei Ecclesia semper detestata est atque prohibuit; tametsi eos sancta Tridentina Synodus anathemate damnat, » qui falsè affirmant » Matrimonia à filiis-familiâ sine » consensu parentum contracta, ir-

» rita esse, & parentes ea rata vel » irrita facere posse (h). »

Quod pertinet ad Jus Civile, nullis quidem Regni huiusce Christianissimi Legibus irrita sunt quoad vinculum Matrimonia à filiis-familiâ, etiam Minoribus, sine parentum vel tutorum assensu contracta. Si qua verò Edicta irritum in huiusmodi Casu pronuntiant Matrimonii vinculum, non aliam ob causam eò deveniunt, quàm quòd Matrimonium supponunt cum forma & solemnitate requisita celebratum non fuisse (i), sicque adjunctam habuisse clandestinitatem. Si autem illud in quibusdam non præcisè annotetur, irritum declarat Matrimonium quatenus est Contractus civilis, & politicorum effectuum habitâ ratione, non verò quatenus est Contractus naturalis, multò minùs habitâ ratione Sacramenti (k). Porro siue Contractu civili state omnino posse Sacramentum ostendunt eorum exempla, qui, cum ad mortem vel ad perpetuas triremes damnati, sicque civiliter mortui sint, atque idcirco civilis Contractus minimè capaces, Matrimonium nihilominus, ut Sacramentum, contrahere validè possunt, quia nihilominus filii Ecclesiæ esse perseverant. Matrimonia denique filiorum-fami-

(c) S. Ambr. de Abrah. l. 1. cap. 9. (al. 91.)

(d) Jerem. 29. 6. 1 Cor. 6. 38.

(e) S. Ambr. sup.

(f) Tert. S. Basil. can. 18. Conc. Carth. IV, an. 398. can. 13. Turon. II, an. 567. can. 10.

(g) Auril. IV, an. 541. can. 25.

(h) Trid. Sess. 24. de Ref. Matrim. c. 1.

(i) Edictum Henri IV, an. 1606, præcipiens quidem ut Sanctionis Blesensis art. 40. observetur, sed positi clandestinitate.

(k) Sic, an. 1619, Ludovici XIII nomine, Clero Gallic. respondit Michael de Marillac, Regii Sigilli Custos.

liās ante annos viginti-quinque, in scils parentibus, contracta, si quando irrita quoad vinculum à Tribunalibus declarata fuere, illud iudicatum fuisse invenitur propter adjunctam *Clandestinitatem* vel *Raptum seductionis*, minime verò ex solo paterni consensūs defectu. Quinimò huiusmodi Matrimonia non *clandestinè* aut ex *Raptu seductionis* conciliata, quoad fœdus & Sacramentum rata & firma non semel à supremis Curiiis iudicata sunt (1).

His prænotatis, quid circa Matrimonia filiorum-familiās, parentum auctoritatis habito respectu, in Galliis constitutum fuerit, edisserendum est.

Imperii sui hac de re Jurisprudentiam plurimis Sanctionibus composuerunt Reges Christianissimi : quarum antiquissima ceterarumque exemplar & fundamentum est Henrici II Sanctio, data mense Februario anni 1556. Quæ Leges cum ad ruendum Sacramenti decus fovendamque familiarum tranquillitatem præsertim conditæ fuerint, eas Pastoribus quàm accuratissimè perspectas esse oportet; quas nempe ipsimet inviolatè observent, & summâ creditorum sibi populorum religione observari curent.

ITAQUE filiorum & filiarum-fa-

miliās tres distinguuntur status, in quibus, pro ætatis & sexus ratione, à parentum voluntate magis minuscè pendent eorum conjugia. Primus est, cum viginti - quinque annus completis minores sunt; secundus, ab anno vigesimo quinto usque ad trigessimum; tertius, ab anno trigessimum, & suprâ.

Juxta Henrici II Sanctionem modò citatam, utriusque sexus filii-familiās, qui, Jure communi; *Minores* sunt, id est, qui vigessimum-quintum ætatis annum minime compleverunt, quadruplicis generis pœnis sunt obnoxii, cum sine parentum consensu Matrimonio junguntur. Prima est exhereditatio, quam in eos constituere possunt pater & mater; quin etiam aliâ Sanctione precipitur, ut, ipso facto, nullâque necessariâ Judicis Sententiâ, jure ad legitimam hereditatis portionem (1) privati censeantur (m); secunda est donorum revocatio: tertia est privatio effectuum civilium atque utilitatum quas sibi vindicare poterant, seu virtute Institutorum localium (2), seu ex clausulis nuptialium pactio inter parentes: quartò denique, pœnis in Judicium arbitrio positâ mulctari possunt (n). Præter has pœnas variis deinde Sanctionibus confirmatas atque innovatas (o), id periculum adeunt

(1) Du droit de Légitime.

(2) En vertu de la Coutume.

(1) Journ. des Aud. tom. 1. pag. 177. Bardet, tom. 2. pag. 127. & 319. Balignage, sur la Cout. de Norm. tom. 2. pag. 131.

(m) Ordonn. de Louis XIII, de 1639, art. 2.

(n) Ordonn. de 1556.

(o) Ordonn. de Blois, sous Henri III, en 1579, art. 42. « Quoique cette Ordon-

« nance soit rendue à Paris, elle est cependant appelée Ordonnance de Blois, parce qu'elle fut rendue en conséquence des Cahiers présentés par les États tenus à Blois en 1576. » Abr. chr. de l'Hist. de Fr. tom. 1. pag. 527, 6^e édition, 1761.

Ordonn. de 1639. Édit de Mars 1697.

Minores sine parentum consensu Matrimonium ineuntes, ut sua Matrimonia non valide contracta, conqueſcentibus videlicet parentibus, in Judicio declarantur, utique ex Raptu ſeductionis, cujus tunc ſæpe occurrat præſumpſio.

Supradictis pœnis obnoxie pariter ſunt viduæ viginti-quinque annis minores, quæ ſine parentum conſenſu iterata ineunt conjugia (p). Cujus quidem Jurisprudentiæ fundamentum eſt, quod, cum filia-familiâs ſæpe nuptui tradantur. minusculâ ætate, in quam ſcilicet neque experientia, neque matura cadit rerum æſtimatio, & viduæ aliquando ſunt quinto-decimo, vel proximè ſequentibus vitæ ſuæ annis, æquiſſimum videtur, ut ad novas nuptias ſapienti conſilio tranſeant, ſub parentum arbitrio rursus conſtituantur, prout exigit ſtatus *Minorum*. Cujus tam immaturæ viduitatis ratio cum in maribus ſit rarior, nullâ Lege his præcipitur, ut, ſive *Minores*, ſive *Majores*, parentum conſenſum obtineant vel requirant, ut poſſint nullo periculo iteratum inire conjugium (q). His tamen ſuadet natura & Religio, ut hanc reverentiam non modo parentibus, verum etiam, ſi deſint parentes, & adhuc viginti-quinque annis *Minores* ſint, iſtis tutoribus exhibeant : ad quod ſcilicet à Paſtoribus & Conſeſſariis inducendi ſunt; eoque magis, quod,

ſi nondum ſaris maturâ ætate vidui ſiant, ex primo conjugio non cenſentur eam omnino depoſuiſſe animi levitatem, cujus motu præcipiti novas nuptias inire forſitan vellent rationi ac decenitiæ haud ſaris conſentaneas.

Regiâ autem Ludovici XIII Declaratione (r) Provincialibus Conſtitutis (1) derogatur, quorum diſpoſitionibus concederetur, ut filii-familiâs vigefimum ætatis annum adepti Matrimonia valide contraherent, poſt requiſitum, licet non impetratum patris & matris aſſenſum (s).

Sic videlicet providit Legum ſapientia, ut parentes, deſiciente in filiis aut filiabus ratione & obſequio, ſaltem poenarum civilium timore impedire poſſent ne illi imparibus Matrimoniis jungerentur; ne amoribus inhoneſtis, conjugii ſpe, ſervirent; ne ipſi parentes de fortunis omnibus deturbarentur; ne denique probro aſſicerentur familiæ, quæ ſæpius conjugii malè copulatis ſubvertuntur. Præterquàm quod his Matrimoniis Deus, ut plurimum, non benedicit, ubi contrahuntur læſâ reverentiâ parentibus debitâ, à quibus ſcilicet, principe rerum auctore Deo, vitam, fortunas, omnia uno verbo vitæ hujus mortalis commoda obtinemus.

Porro, cum patres aut matres, actu anteriore, ſemel ratum habue-

(1) Aux Coutumes.

(p) Ordonn. de 1629 & de 1619, art. 2. L. Viduæ, cap. de Nuptiis. Arrêt du Parlement de Paris, du 15 Mars 1663. Journ. des Aud. tom. 2. l. 5. c. 16.

(q) Conſtér. de Paris ſur le Mar. tom. 2. pag. 444. édition de 1756.

(r) 26 Nov. 1640.

(s) Coutume de Lorraine, tit. 2.

runt Matrimonium quod liberi viginti-quinque annis minores sine illorum consensu inierunt, jam illud, ipsis conquereutibus, rescindi non potest (1).

Quoad pœnam exheredationis, eam constituere non posset pater in filiam, quæ, illo dissentiente, nuplisset, postquam ipse eam voluisset ad profiteundam Religionem compellere (u).

Dum vivit patens uterque, sufficit ut filii aut filiz Minoris conjugio pater assentiatur. Eveniente patris decessu, filii & filiz - familiis Minores matris auctoritati sunt obnoxii: mater siquidem paternæ circa liberorum conjugia potestati succedit, non tamen sine aliqua imminutione. Pater enim, tanquam familiz caput, nullam suæ voluntatis rationem reddere tenetur, sive cum se filii aut filiz Minoris Matrimonio interponit, sive cum illud suo assensu comprobatur: eorum utilitati, pro sua sapientia & paterna charitate, consulere præsumitur, causisque moveri occultis, quas prudenter dissimulat. Diversa autem est matrum conditio. Si consentiant, obtineri etiam debet propinquorum assensus. Si verò dissentiant; prius requisito eorumdem propinquorum consilio & sententiâ, secundum Juris dispositionem (x), quæ in Galliis vim Legis obtinet, certiores facere Judicem tenentur de causis

propter quas filiorum aut filiarum conjugii sese interponunt. Cujus quidem Legis fundamentum est feminei sexus infirmitas, in quem videlicet magis cadit præceps animi impetus, præjudicata opinio, ideòque sæpius imminens ratione minus quàm libidine (1) agendi periculum.

Si matres novo connubio jungantur, earum inde etiam decrevit auctoritas circa liberorum conjugia. Ipsarum quidem sententiam & consilium in forma Juris requirere tenentur, non autem consensum expectare: sufficit ut sententiam tutores vel curatores cum propinquis (y); & matres eorum conjugio dissentientes illos exheredes scribere non possunt. Atque hujus Legis in eo cernitur æquitas, quòd mulier bivira, contra fas, & ad favendum liberis ex novo Matrimonio susceptis, repugnare posset conjugii filiorum ex priore thalamo genitorum.

Quoad matrum filios non legitimos viginti-quinque annis minores, nec legitimos renuntiatos, non competit matribus ut eorum connubia impediant (z). Ad hoc, secundum Jurisperitos, requiritur Judicis Sententia.

Hactenus de primo statu filiorum & filiarum-familiis respectu parentum, in ordine contrahendi Matrimonii: cujus quidem appendix

(1) Par caprice.

(1) Arrêt du Parlem. de Paris, en Déc. 1671. Journ. des Aud. tom. 3. l. 6. c. 31.

(u) Arrêt du 5 Juillet 1629.

(x) Cod. de Nuptiis.

(y) Ordonn. de 1556. Ordonnance de

Blois. Edits de Louis XIII, en 1629, & en 1639.

(z) Arrêt du Parlement de Paris, du 1 Févr. 1662. Sœfve, Recueil des Questions notables, tom. 2. centurie 2, ch. 55.

necessaria est, ut explicetur quænam sit tutorum vel curatorum in eisdem pro re simili auctoritas, cum jam è vivis parens uterque sublatu^s est.

Cùm tutores, defunctis pupillorum parentibus, in eos auctoritate polleant, velut patres & duces quos illis præbet Legum providentia, ut se sapienter in ea ætate gerant quæ consilio maximè indiget; æquum fuit ut ab iis penderent pupilli, quando Matrimonii statum inire vellent: idèdque, quoad *Minores* patre & matre orbatos, Henrici II Edictò superaddidit Sanctio Blesensis, ut ad ipsorum conjugia necessarius esset tutorum vel curatorum consensus (a). Ne verò illà sibi assignatà auctoritate abuterentur modò dicti tutores vel curatores, prohibuit eadem Sanctio, sub pœna quæ sit ad exemplum severitatis composita, ne quis tutor vel curator (saltem si non inter ascendentes pupilli propinquos numeretur) cuiquam pupillo de ipsius Matrimonio assentiatur, nisi accedat quatuor proximorum agnatorum (1) & cognatorum (2) sententia & consensus (b). Quorum si sententiæ in studia contraria scindantur, adeundi sunt Judices & Magistratus, qui, tanquam pupillorum tutores publici, quid magis expediat, ex æquo & bono constituant. Ubi agitur de pupillis Matrimonio jungendis; num tutores huic Legi satisfecerint, Pa-

chis diligenter investigandum est.

Porro disertè prohibet superius allegata Sanctio Blesensis, ne quis Parochus, Vicarius, aliussve Sacerdos, *Minores* Matrimonio jungat suæ parentum, tutorum vel curatorum consensu; alioqui, pœna in ipsos decernitur perindè atque in Raptus fautores (c). Quod quidem Parochis sedulo animadvertendum est; maximà enim curà invigilant supremæ Curiæ ut hic prædictæ Sanctionis Articulus observetur, (d). Caveant igitur ac diligentissimè caveant ne unquam procedant ad eorum Matrimonia celebranda, qui nondum per ætatem sui juris sint, non modò infanci vel repugnantibus iis quorum interfuerit, quinimò nisi prius compertum habeant horum consensum; quem scripto consignatum legitimeque recognitum exigant, si Partium contrahere volentium parentes vel tutores in ipsorum Parochiis non habitent, neque adfuturi sint nuptiarum celebrati. Si autem illi absentes sint, & scribere nesciant, exigendus est eorum consensus à Notario conscriptus, ac duorum insuper testium subscriptione declaratus.

ATQUE ut ad secundum statum veniamus, in quo pendent filii-familias à parentibus, cùm de ipsorum Matrimonio agitur, qui status annum inter vigesimum-quintum & trigessimum intercedit, hac in re

(a) Ordonn. de Blois, art. 40.

(b) Ibid. art. 41. Argon, Instit. au Droit Fr. tom. 2, pag. 12. (Ed. de 1761.)

(c) Ibid. art. 40.

(d) Arrêt du Parlem. de Paris, du 15 Mars 1687, signifié à tous les Curés du Ressort, à la Requête du Proc. Génér.

(1) Parens du côté paternel.

(2) Parens du côté maternel.

quid ad mares pertineat, quid ad feminas, sedulò distinguendum est.

Filiæ, completo ætatis anno vigesimo-quinso, si parentum consensum præsentis sermone, ut decet, rogantes obtrincere non potuerint, eum scripto juridicè significato requirere tenentur, antequàm Matrimonium contrahant; quo quidem neglecto, exheredes scribi possunt (e), etiamsi viduæ sint (f). Attamen, adeptà eà quam modò diximus, ætate, sive primo, sive iterato Matrimonio jungendæ, parentum consensum expectare non tenentur; factique juridicà & trinâ requisitione seu obsequiosâ interpolatione (1) ut suo Matrimonio assensiantur, eo jungi possunt, nihil obstante patris aut matris silentio vel prohibitione (g), nisi per viam intercessionis (1) obex opponatur.

Filii verò quinque & viginti annis majores, sed ante trigésimum completum, superstiris patris & matris consensum, ut Matrimonio jungantur, non modò requirere, verùm etiam obtinere debent; illi enim, vivis parentibus, in ordine contrahendi Matrimonii *Minores* usque ad annum trigésimum completum Regiis Sanctionibus declarantur; &, nisi consenserint parentes, horum in arbitrio est ut suâ eos hereditate excludant (h), non tamen ut ipsorum conjugia irrita renuntiari curent, dummodò in celebrando Matrimonio servatæ ada-

missim fuerint omnes solemnitates requisitæ.

Quòd si mares post vigésimum-quinquum ætatis annum completum utroque parente orbatî sint; cùm jam nullum habeant tutorem, sui juris omninò sunt, nec ullius consensu ad contrahendum Matrimonium indigent. In jus commune *Majorum*, sicut & filia, transisse censentur, nec jam *Minores* in ordine ineundi conjugii reputantur. Et quidem tutores nuptialibus pupillorum viginti-quinque annis majorum pactionibus subscribere non solent, quatenus tutores.

TERTIUS status est filiorum-familiâs, qui annos triginta excedunt. Atque hic in antecessum observabimus, filium aut filiam-familiâs in quavis ætate constitutos, si superstitres habeant parentes, tum ipsâ Legge naturæ, tum divino præcepto parentes honorari jubente, tum proptii commodi ratione satis superque induci ad vitæ suæ auctores de ineundo Matrimonio consulendos. Et quidem sibimetipsis in tanti momenti negotio sufficere nunquam possunt, semperque parentum consilio indigent, in quibus longam experientiam comitatur usquequaque venerabilis auctoritas. Si autem, post rogatum vivâ voce consilium parentum, filii-familiâs triginta annis majores consensum eorum obtinere nequeant, & tamen id quod in votis habeant Ma-

(1) *Sommations respectueuses.*

(1) *Par voie d'opposition.*

(e) Ordonn. de 1556, & de 1639.

(f) Edit de Mars 1697. L. Viduæ, cap. de Nuptiis.

(g) Ordonn. de 1556.

(h) Ibid. Ordonn. de Blois, art. 41: Ordonn. de 1639, art. 2.

matrimonium contrahere velint; ut tunc privilegio ætatis gaudeant, quid sibi agendum sit, opportuna Lege constitutum est.

Hi scilicet Matrimonio jungendi, quemadmodum filii viginti-quinque annis majores, parentum consensum sibi denegatum, scripto juridicè significato requirere tenentur: alioquin eos hæreditate suâ, non tamen legitimâ portione (1), excludere possunt parentes (1). Etiam si vero ab iis prætermittatur illa juridica requisitio, irrita declarari nequeunt eorum conjugia; & eâ peractâ, conjugium inire possunt, nihil obstante parentum contradictione, nisi opponatur interdictio (2). Porro ista requisitio locum non habet nisi erga patrem & matrem; filii enim & filie-familias viginti-quinque annos nati, jam nullum habent tutorem vel curatorem.

Quæ quidem Sanctio quantum & iustitiæ & prudentiæ consentanea sit, facile intelligitur. Idem nempe institutum est ut *Minorum* Matrimonia, deficiente parentum vel tutorum consensu, irrita declarari possent, quia defectus ille certum aliquando signum videtur Matrimonii clandestini & per Raptum seductionis conciliati (k). Jam vero nullus præsumitur seductionis Raptus, si in fœminis quintum & vigesimum, si in maribus trigessimum ætatis annum excedentibus. Suis nimirum finibus coercenda fuit paterna potestas, ne hæc, pro justo lenique dominatu, sævum fieret

imperium. Cum igitur evenire possit, & reipsâ nonnunquam eveniat, ut filiorum seu pupillorum Matrimoniis iniquè contradicant parentes vel tutores, constitutum fuit quam ætate filius-familias pupillisque libera inire conjugia liceret; quâ nempe satis firmatum censeretur animi iudicium, ut de tanti momenti negotio maturum per se ipsi consilium capere possent, nec jam in iis ulla præsumeretur seductio. Et quidem modò assignatâ, si in maribus, si in fœminis, respectivâ ætate, non modò parentum consensum expectare vel obtinere non tenentur conjugium inienti filii aut filie-familias, verum etiam, factâ, secundum Leges, obsequiosâ interpellatione, licet in foro conscientiæ, & illæso præcepto *Honora patrem & matrem*, iniquam horum contradictionem prætergredi possunt.

Quod si verò parentes jure æ merito, prout contingere nonnunquam potest, liberorum Matrimoniis contradicant; filii-familias, quamvis triginta annis majores, & filie vigesimum-quintum annum excedentes, non possunt, tutâ conscientiâ, Matrimonio jungi post requisitum nec impetratum eorum consensum. Et cum in propria causa Judices esse nequeant, candidè & sincerè suas & parentum rationes pio peritotoque Confessario exponere tenentur, & ejus consiliis obsequi. Quinimò prudentiæ & honestati consentaneum esset, ut propinquorum consilium priùs expeterent, quam

(1) De leur Légitimité.

(2) Opposition.

(i) Ordonn. de 1556, & de 1639.

(k) Voy. les Mémoires du Clergé de

France, tom. V.

parentum inhibitionem transilirent.

Quod pertinet ad obsequiosas interpellationes Legibus constitutas, ut exheredationis poenam effugiant filii & filiae, dissentientibus parentibus, pro ætatis jure, connubium ineuntes, sunt quædam solemnitates in his observandæ, ut scopum sibi ex iis propositum assequi valeant. Ne ergo in parentum noticiam non deveniant, neve ullus detur fallaciæ locus, à supremo Senatu Parisiensi per modam generalis-Constituti decretum est, ut, donec Regiâ Sanctione in eam rem provideatur, filii & filiae-familias *Majores*, etiam viduæ, qui, juxta Legem, parentes interpellatos voluerint ut suis Matrimonii assentiantur, licentiam postulare tepeantur à Regiis Judicibus locorum in quibus habitant patres & matres; qui quidem Judices, viso supplici Libello, eam denegare non possint. Præterea decernitur ut prædictæ interpellationes Parisiis fiant à duobus Notariis, cæteris autem in locis à duobus Notariis Regiis, vel ab uno duntaxat Notario Regio, cum duobus testibus domicilium in loco habentibus, & cum Notario interpellationis formulæ subscribentibus (1).

Sive autem fiant tres interpellationes (quod vulgo observatur), sive una tantum, quæ quidem ad strictum Legis apicem sufficit; non præsumitur filius aut filia (prout jam supra innuimus) tam irreverentem naturæque immemorem se erga suos

parentes præbere, ut ipsos juridicè interpellaret de consensu ad Matrimonium quod meditatur, adiungendo, quin prius hoc illos rogaverit, vel (si metuat ne sua præsentia parentibus dicto Matrimonio contradicentibus iram moveat) aliquo internuntio rogari curaverit: unde in hujusmodi interpellationibus enuntiare solent Notarii, Parentem requirentem, deprecationibus & requisitionibus jam adhibitis insistentem, à patre vel matre flagitasse & requisivisse ut Matrimonio quod contrahere cupit, assentiantur. Summopere autem decet ut filii-familias eam interpellationem non temerè & præcipiti stomacho adhibeant, sed, prius invocato cœlesti lumine & auxilio, prudentiores, maximeque Pastorem vel pium ac sapientem conscientie moderatorem in consilium adhibeant.

Quod si tandem, vincente parentum gratia vel auctoritate, nullum Notarium invenirent qui iudicas hujusmodi interpellationes exequi vellet, eo in casu Libellum supplicem (1) exhibere possent Judici Regio domicili parentum, ut Notarium Regium designaret qui expetitam interpellationem ex officio perageret; sive ut ipse Judex ad ipsos parentes se conferret, quibus, præsentem se, interpellatio significaretur, utque ejus peractæ testimonium Parti requirenti decerneretur (2).

Ut tamen suum effectum sortiri possit juridica illa interpellatio, re-

(1) Requête.

(2) Qu'il en fût donné acte à la Partie requérante.

(1) Arrêt du Parlem. de Paris, en forme de Règlement général, du 27 Août

1692, enregistré dans tous les Sièges du Ressort.

quiritur ut filii aut filix-familiâs ad illam quasi ad extremum perfugium descendentes, Matrimonio jungantur cum personis quæ nec plus æquo impares suæque familiâ indignæ sint, nec Jure infames: alioquin exheredationis pœnæ ad parentum arbitrium similiter subjacerent (m). Si tamen parentes quodlibet eorum Matrimonium aliquo exteriori actu ratum habuissent, vel per quinquennium super eo siluissent; jam is integrum non esset illos post annum quintum & vigesimum connubio junctos hæreditate suâ excludere (n).

Est autem Casus, in quo filii-familiâs vel trigessimum ætatis annum excedentes, parentum consensum non modò requirere, sed etiam obtinere tenentur, ut exheredationis pœnam effugiant, nec sufficit triplex juridica interpellatio: cùm scilicet eorum aliquis, antequàm sui juris per ætatem esset, in flagitiosa consuetudine vixit cum fœmina cuius connubium expetit (o). Quod quidem sapientissimè institutum est; ne quis filius-familiâs cum puella viveret licentiùs, eâ spe ut ipsam aliquandò (cùm nempe triginta complivisset annos) uxorem sibi, invitis parentibus, adjungeret.

Quod spectat filios & filias viginti-quinque & trigintæ annis majores in parentum domo manentes, ibique domicilium facti & habitationis obtinentes, ii coram solo patris domicilii Parocho validè Ma-

trimonium contrahere possunt, omninòque coram alio non possent, etiam si in hujus Parochia vel à sex mensibus, vel ab anno, alteram sibi, insciis parentibus, habitationem comparassent. Solum enim actu & publicè eum habent Parochum, qui parentibus ipsis est Parochus; idèoque non ab alio quolibet, nisi clandestinè, in Matrimonium jungerentur. Quod quidem si attentaverint, ipso facto exheredes, & legitimâ etiam hæreditatis portione privati, Regiâ Sanctione declarantur (p).

Casus denique unus esse potest, in quo filii & filix-familiâs conjugium inire possunt, non expectato nec etiam requisito parentum consensu: si videlicet in regionibus exteris longè à se invicem habitent parentes & liberi: alioqui, filius aut filia, qui tanto à parentibus intervallo distantes non possent eorum consensum sibi accipere, in perpetua versarentur contrahendi Matrimonii interdictione: quod quidem durum & aliquatenus injustum meritò videretur. Hoc autem de filiis intelligendum est qui in Galliis habitant, & quorum parentes in longinquis orbis regiones migraverunt, nec ullam proximi reditus spem faciunt. Quod pertinet ad filios familiâs, qui, cùm extra Gallici Imperii limites sedem fixerint, parentes habent in ipso manentes, vetat Regia Ludovici-Magni De-

(m) Edit de 1556. Ordonn. de 1639. Edit de Mars 1697.

(n) Arrêt du 6 Juillet 1647. *Soefve*, tom. 2. Cent. 1. c. 29.

(o) Arrêt du 30 Juill. 1683. Dictionn. des Arr. art. V. Mariage, n. 28.

(p) Edit de Mars 1697.

claratio,

claratio, ne parentes, deficiente Regis permisso, suum adhibeant assensum & approbationem ipsorum Matrimonii in extranea regione celebrandis : si contrā fecerint, viris denuntiantur perpetuæ trementes, fœminis autem exilium perpetuum (q).

EST alia ejusdem Principis Declaratio circa Pseudoreformatos in exterarum regiones profugos : quā nempe statuitur, ut *Minoribus* Matrimonia contrahere liceat, non expectato nec requisito consensu parentum vel tutorum & curatorum Regni finibus causâ Religionis egressorum ; dummodò sententiam & consilium expetiverint consanguineorum aut affinium, vel, iis deficientibus, amicorum aut vicinorum : quem ad scopum obtinendum, antequam ad conjugii celebrationem procedatur, ex decreto Judicis ordinarii, præsentis Regis aut Fiscus procuratore, habeatur conventus sex proximorum ex paternis vel maternis consanguineis aut affinibus ; vel, si desint modò dicti propinqui, sex amicorum aut vicinorum, qui quidem, si sit locus, suum præbeant consilium & assensum, cujus mentio fiat in Actorum Codicibus Parochiæ in qua celebratum fuerit Matrimonium. Et tunc filii-familiâs nullam ex pœnis Legum dispositione sancitis incurrere quoquomodò poterunt (r). Quod si vel pater

solus, vel sola mater in exteram regionem domicilium transtulerit ; sufficiat tres consanguineos aut affines ex illius capite qui se exulem fecerit, convocati, ut suum consensum adjungant parentis præsentis consensui, vel tutoris & curatoris, si quis sit à patre vel matre diversus. Quod si, alterutro parente mortuo, vel extra Regni limites profugo, ipsi tutores vel curatores in exterarum regiones ab Religionem discesserint ; tutor vel curator *Minori* ad hunc effectum creabitur ; neque inter propinquos, affines, amicos aut vicinos ad præbendum consensum in utrolibet casu convocatos, nullus admitti poterit, qui Catholicam Religionem non profiteatur (s).

Atque hujus Declarationis dispositiones præcipuæ ad rem pertinentes, adhiberi possent in filii-familiâs Matrimonio jungendis, quorum parentes jamdiu absentes, eos dereliquissent, sive in remotissimas discellissent orbis regiones, sive penitus ignota esset eorum habitatio, nec etiam compertum omnino haberetur an adhuc viverent (t).

QUOD si verò graviter peccant filii & filiarum familiâs in suscipiendo conjugio non obedientes parentibus (u), quibus à Deo commissâ est cura suæ collocationis ; haud minore culpâ faciunt parentes vel tu-

(q) Déclar. de Louis XIV, du 16 Juin 1685.

(r) Déclar. du 6 Août 1686.

(s) Ordonn. de Louis XV, du 14 Mai 1724, art. 16.

(t) Arrêt du Parlement, du 14 Mai

Tome II.

1783, qui autorise la dame Lion, en l'absence de son mari, à consentir au mariage de sa fille, & enjoins au Curé de passer outre à la Bénédiction Nuptiale.

(u) Eph. 6. 1.

tores, dum suâ in liberos aut pupillos auctoritate abutuntur, ipsosque *ad iracundiam provocant* (x), injuste repugnantes eorum proposito sapienti & secundum Deum ordinato. Utrumque erumpunt gravissimæ in familiis dissensiones, & in Parochiis immania scandala. Iniquum sanè esset, rectoque ordini maximè dissensaneum, ut qui nondum sui juris per ætatem essent, insciis aut invitis parentibus temeraria jungerent connubia; idque intolerabile meritò judicaretur, si juvenilium amorum levitate in familias irrumperent nurus (1) & generi (2), qui familiarum capitibus ac moderatoribus displicerent (y), in earum bonis partem nihilominus habituri, & ipsi hæredes procreaturi. Sed non minùs iniquè committeretur, si liberorum conjugia plus justo differrent patres avari, sicque eorum salutem in periculum adducerent, dum eos, tam insensâ voluntate, in parentum odium, in concubinatum, in visiorum & flagitiorum omnium voraginem præcipites demergerent. Longè adhuc atrocius fieret, si quandò parentes barbari filios suos aut filias Ecclesiastico vel Monastico Instituto, inconsultâ eorum vocatione, infelices victimas devoverent, ut potiorem facerent conditionem primogenitorum, vel præcipuo sibi amore dilectorum.

Ne igitur ii quorum interest, difficiliore se præbeant erga liberos *Minores* Matrimonio jungi se cupientes, ipsi, gravissimis verbis hor-

tante Patocho, intelligant sibi coram Deo crimini fore liberorum aut pupillorum vitam in libidines effusam, ipsamque infelicitatem ac perditionem, si avaritiâ, si perviciâ, si malè præjudicatâ opinione, aliove quolibet motu rectæ rationi alieno impulsî, impediant ne filii aut pupilli conjugio maturi, fœdera nuptiarum ineant aliâs honesta & consentanea.

Et quamvis patres & matres, tutores & curatores pro jure suo possint in Judicio requirere ut liberorum seu pupillorum Matrimonia quibus dissenserunt, irrita declarentur; verumtamen, si nihil familiæ probrosum aut filiorum salutis damnosum in illis Matrimonio occurrat, pietatis & paternæ charitatis esse viderur, ut filiis veniam indulgeant: quinimò id exigit æquitas, postquàm eos in Matrimonium collocare, cum possent, sine causa renuerunt. Legis intentioni absoum quiddam faceret pater suâ auctoritate abutens ut rescindi curaret filii conjugium, si uxorem elegisset sibi convenientem, maximèque si liberos ex ea jam suscepisset.

Quoad exheredationem, à Parochis & Confessariis monendi sunt patres & matres, ut circa illam jure suo parcè & circumspectè utantur; & cum Matrimonia, ipsis dissensientibus, contracta familias nullo probro afficiunt, in filios aut filias benignè & clementer agant. Incredibile dictu est quanta in familiis perturbatio has sequi soleat exheredationes. Satiùs profectò est, lon-

(1) Brus.

(2) Gendres.

(x) Ibid. v. 4. (y) Vide Gen. 26. 34. 35. & 27. 46. & 28. 1. 2. & seq.

gèque facius, ut, nisi extremâ tandem urgente necessitate, suam hac in re auctoritatem non exerant; numquid enim, ait Philosophus ethnicus, « numquid aliquis levi offensa filium exhereditat (1)? »

Et certè malo pejus esse remedium, infelix docet experientia; idedque in hoc plurima ipsis moderatio suggerenda est. Magna qui-

dem (ut sapientis alterius Ethnici verbis utamur) « magna oportet esse » vitia atque peccata filii, quibus « infestus parens potuerit inducere » animum, ut naturam ipsam vin- ceret, ut amorem illum penitus « insitum ejiceret ex animo, ut de- » nique patrem se esse oblivisce- » retur (2). »

(1) Seneca.

(2) Cicero.



DIVISIO IV.

IN hac Divisione dicitur, 1°. De Dispensationibus in Matrimonii Impedimentis: 2°. De causis propter quas licet Dispensationes ad Matrimonium contrahendum postulare: 3°. Quid fit observandum ut valida & legitima obtineatur Dispensatio: 4°. De modo conficienda Inquisitionis, ut super Consanguinitate vel Affinitate Dispensatio ab Ordinario impetretur

CAPUT PRIMUM.

DE Dispensationibus in Matrimonii Impedimentis.

DISPENSATIO in genere, quid sit, & quid efficiat. Quanam sint Matrimonii Impedimenta in quibus Ecclesia dispensat. Antiqua disciplina immutatio circa exercitium potestatis dispensandi in Matrimonii Impedimentis. Quanam sint Impedimenta in quibus dispensat summus Pontifex. Hac in re quid possint Ordinarii. Antistitum Parisensium jus peculiare. Quadam notanda.

DISPENSATIO generatim sic definitur, ut sit, *Ab eo qui relaxandi potestatem habet, facta legis relaxatio.* » Eiusdem enim potestatis est ligare, & quæ ligavit, solvere (a). » Eam igitur potestatem Ecclesiæ competere quoad leges quas ipsa condidit, nullum potest esse dubium. Nam, inquit Synodus Tridentina, » expe-

» dit legis vinculum quandoque re-
» laxare, ut plenius, evenientibus
» casibus & necessitatibus, pro com-
» muni utilitate satisfiat (b). » Ita-
» que Dispensationis virtute hoc effi-
» citur, ut quod, citra ipsam, seu
» validè, seu licitè fieri non potuisset,
» eadem concessâ, ratum sit & lici-
» tum, ipso nimirum Deo illud ap-

(a) Conc. Trid. Sess. 24. de Ref. Matrim. cap. 5. & de Sacram. Matrim. can. 3.

(b) Ibid. Sess. 25. de Ref. cap. 18.

probantē, quod legitima auctoritas divinitus constituta, justis de causis, extra consuetum ordinem fieri permiserit...

Atque ut ad præsens institutum prævia hæc documenta transferamus, constat 1°. nullam esse in terris potestatem quæ valeat cum ullo mortalium dispensare in Impedimentis Jure naturali inductis, qualia sunt *Error persona*; *Vis*, ea nempe quæ libetum voluntatis consensum excludit; *Amentia*, nullis interlucentibus rationis intervallis; *Impotentia* antecedens, absoluta & perpetua. Idem dicendum est de *Ligamine*; quod quidem, Jure divino, est Matrimonii Impedimentum ditimens. Scilicet conjugii formam in ipso humani generis exordio lege divinâ constitutam, deinde verò effrenâ Gentilium libidine deturpam, atque apud ipsos Hebræos haut leviter obscuratam, ad primævam institutionem revocavit Christus Dominus, cum ejus unitatem atque indissolubilitatem, quæ *Ligaminis* Impedimentum constituunt, in Evangelica Lege asseruit, novâque sanctione confirmavit. Constat 2°. Ecclesiam in iis quæ ipsa constituit, Impedimentis dispensare posse, & reverâ in illis ab omni retrò antiquitate dispensasse; rarissimè tamen primis seculis, saltem *ad contrahendum*, quamvis tunc minus difficilè *in contrahendo*, si qui, v. g. se consanguineos esse nescientes, bonâ fide contraxissent (c). Itaque in *Conditionis*, *Criminis*, *Aff-*

nitatis, *Ordinis*, *Voti solennis*; cæterisque Juris Ecclesiastici Impedimentis dispensat Ecclesia; in ipsa perinde *cognitione naturali*, excepto: tamen *Lineæ rectæ Gradû quocumque*, & *collateralis primo*, in quibus nec unquam antea dispensavit, nec in posterum dispensatura est. Præterea super quibusdam aliis, ut suprà suis locis observatum fuit (d), vel omninò non dispensat, vel dispensare non solet nisi summus inter Principes, & ob causas ad publicam utilitatem insigniter spectantes.

Cùm verò Ecclesia, ut potè in Concilium generale ratò admodum congregata, ratò id munetis per seipsam obite possit, primùm quiddè hoc voluit à singulis Episcopis in suis Diocæsi-bus exerceri: quod etiamnùm in Impedimentis prohibentibus (si duo excipiantur, *Sponsalia* nempe, & *Votum perpetuæ castitatis*) ab iisdem Jure ordinario fieri nemo distineatur; quod scilicet reverâ ex illius quam omnes à Christo immediatè acceptam habent, potestatis plenitudine sequitur. Tum etiam hoc ipsum Jus exercendum Conciliis Provincialibus commissum est; sic tamen ut illud etiam, nisi reclamarent Episcopi, per universam Ecclesiam exercerent summi Pontifices. Atque hæc Disciplina ad duodecimum usque seculum obtinuit. Soli denique Romano Pontifici, ut in quibusdam Casibus dispensaret, exinde reformatum est, nullo quidem generali

(c) *Aurel. III*, an. 538. can. 10.
Aurel. IV, an. 541. can. 27. *Turon. II*,

an. 567. can. 21.

(d) *Div. III*, cap. 3.

Canone, nullā praeunte Ecclesiae definitione, verumtamen usu per universum Occidentem invalescente, & suo Juri, quò rariores fierent Dispensationes, quasi renuntiantibus Episcopis, quemadmodum in quorundam scelerum Reservatione contigisse superius suo loco dictum est (e).

Quamvis igitur ordinarii locorum Praefules eā quam ex instituto Christi & vi consecrationis suae obtinent, dispensandi potestate in omnibus, sive prohibentibus, sive dirimentibus, sive contrahendi, sive contracti Matrimonii Impedimentis excidere nequeant; ipsi tamen, aetate nostrā, multis jam à seculis probatè in suis Diocesis consuetudini merito obsequuntur, nec ab ea, nisi interveniente gravi causā, discedere licitum sibi esse arbitrantur.

Juxta praesentem Disciplinam, in Juris Ecclesiastici Impedimentis dispensat summus Pontifex per universam Ecclesiam: quod quidem secundum exceptiones & limitationes superius memoratas intelligendum est. In iis quippè solis Impedimentis dispensat Apostolica Sedes, in quibus ipsa in Concilio generali congregata Ecclesia dispenseret.

Juxta eandem Disciplinam, Episcoporum erga suos Diocesanos in praesenti materia facultas ad hæc potissimum capita revocari potest. Ac primò quidem, quidquid, ex consuetudine ubique receptā, non est summo Pontifici reservatum, id in relaxan-

dis Matrimonii Impedimentis auctoritate ordinariā possunt. Licet enim juris hac in re Episcoporum proprii & à Christo immediatè accepti exercitium, ipsis tacitè saltem consentientibus, fuerit restrictum, & quoad multa Sedi Apostolica reservatum; non omninò tamen aut sine exceptione illud iis ademptum est, quinimò constar eos magnam ejus patrem etiamnum retinere.

Hinc 1^o. potestate ordinariā dispensant Episcopi in Impedimentis Matrimonium prohibentibus, exceptis (ut modo dictum est) duobus quæ summo Pontifici reservata sunt, nimirum Voto simplici sive castitatem perpetuam servandi, sive Religionem Monasticam ingrediendi; excepto etiam Impedimento quod è Sponsalibus oritur, in quo ne ipse quidem summus Pontifex, prout jam supra observavimus (f), propriè dispensare potest, eò quòd Sponsalia promissionem contineant, quæ sine sponsi injuria violari nequit; unde solummodò declarare potest Judex Ecclesiasticus Sponsalia vel irrita esse, vel justam ob causam dissolvenda.

Hinc 2^o. quoties post Matrimonium validè contractum, conjugū alterutri per Cognationem spirituales aut Affinitatem ex copula illicita aufertur conjugalīs debiti exigendi facultas, toties ad hujusmodi effectum Jure ordinario dispensare possunt Episcopi.

Hinc 3^o. Episcopis jure proprio vel devoluto competit, ut in Impedimentis dirimentibus quæ Matri-

(e) De Sacram. Pœnit. Div. III, cap. 2. (f) In hocce Traët. Div. III, cap. 1.

monium præceſſerunt illudque irritum fecerunt, aliqui Sedi Apoſtolice reſervatis, & in quibus hæc ipſa diſpenſare ſolet, Diſpenſationem concedant *ad remanendum in contracto*; prout conſtat tum ex utilitate publica id poſtulate, tum ex praxi ubique receptâ. Ad hoc tamen quinque vulgò requiruntur conditiones: 1°. Ut Impedimentum ſit occultum, Matrimonium verò publicum, & in facie Eccleſiæ cum ſolemnitatibus requiſitis celebratum: 2°. Ut bonâ fide, id eſt, ſine prævia Impedimenti notitia, Partes ambæ, aut ſaltem una contraxerit; 3°. Ut conſummatum fuerit Matrimonium: 4°. Ut ſine ſcandali periculo veriſimili Partes ſeparari non poſſint: 5°. Ut ad Sedem Apoſtolicam recurrere, præ inopia, nequeant; vel offenſæ Dei periculum ex dilatione Diſpenſationis immineat. Quodd ſi verò dubium occurrat legitimum, aut aliqua urgeat neceſſitas, nec ſit facilis ad Sedem Apoſtolicam reſcuſus; haud necesse eſt ut concurrant quinque modò reſenſitæ conditiones. De his potrò duobus Caſibus inſubjectis conſectariis agit.

Hinc 4°. quotiès dubium occurrit legitimum & prudens, ſive *Juris*, ſive *facti*, an ſcilicet Impedimentum reverâ exiſtat, aut Sedi Apoſtolice reſervatum ſit, Episcopii, etiam ii qui ex propriæ Diœceſis conſuetudine in tali Impedimento diſpenſandi facultatem non habent, poſſunt nihilominus ſuper eos diſpenſare, non ſolum in Matrimonio *contracto*, verùm etiam in *contrahendo*. Summi enim Pontificis

Reſervatio, ut potè juri Episcoporum derogans, ad caſus dubios & incertos minimè extendenda eſt, ſed potiùs ad eos, qui certi atque indubitati omninò fuerint, reſtringenda. Episcopus igitur qui prudenter & cum juſto fundamento dubitat de alicujus Impedimenti exiſtentia, vel de ipſius Reſervatione, hoc ipſo legitimè certòque judicat dubium hujusmodi Impedimentum non eſſe reſervatum; indeque ipſe de ſua diſpenſandi facultate haudquaquàm dubitat. Si tamen non dubia, ſed multò probabilior eſſet Impedimenti exiſtentia; eo in Caſu diſpenſare non poſſet Diœceſanus Auiſtes. Idem dicendum foret, ſi ex una parte conſtaret aut probabilius eſſet reſervatum eſſe Impedimentum, ex alia verò dubitaret Episcopus utrùm Sedi ſuæ annexa eſſet ab eo diſpenſandi facultas.

Hinc 5°. eadem diſpenſandi facultate pollent Ordinarii locorum Præſules in urgentis neceſſitatis caſu, non ſolum pro Matrimonio *contracto*, ſed etiam pro *contrahendo*. Scilicet, premeute hujusmodi neceſſitate, nedùm in animarum ſalutem, imò potiùs in earum perniciem cederet Reſervatio. Undè, ſi, præmiſſis *Bannorum* proclamationibus, Sponſalibus publicè celebratis, omnibuſque ad nuptias paratis, ex Confeſſione, aliavè occultâ viâ detegatur contrahentium alterum Impedimento dirimente irretitum eſſe, nullaque præter Ordinarii Diſpenſationem ratio pateat, quâ removeri poſſit gravis ſcandali, infamiz, inimici-

tiarum, aut gravium hujusmodi incommodorum periculum imminens, si ad Sedem Apostolicam recurrere oporteat; dubium nullum est quin Episcopus illo in casu dispensare, pro quo sup. jure possit; dummodo tamen bona fide egerint Contrahentes, neque Impedimentum de industria celaverint in fraudem Legis, spe videlicet concepta Dispensationis facilius obtinendæ: nam, sic fere Juris axiomata jam sæpe allegatum, *fraus & dolus nemini debent patrocinari*.

Hinc 6°. super Impedimentis dirimentibus pro Matrimonio etiam contrahendo, id omne & solum possunt Diocesani Pontifices, quod consuetudine antiqua in ipsorum Diocesis observatum fuisse constat; quod nempe à Decessoribus Episcopis non fuit Sedi Apostolicæ tacitæ saltem proprii juris cessione reservatum. Hinc quidam Præsules super Impedimentis publicis dispensant, non solum in *contratto*, sed etiam in *contrahendo*; alii verò nunquam dispensant in publicis. Alii cum solis dispensant pauperibus; alii cum iis etiam qui non sunt pauperes. Alii in quarto sive Consanguinitatis, sive Affinitatis Gradu simplici; alii in quarto mixto; alii in tertio, aut etiam de secundo ad tertium. Atque ita dispensare solent plures Galliarum Episcopi, quorum Decessores Jurium suorum partem hac in re latius quam ceteri retinuerunt; sic videlicet, ut super Impedimentis etiam publicis, sive in *contratto*, sive in *contrahendo* dispensent: li verò quorum Decessores in occultis duntaxat Impedimentis dispensare

consueverunt, in publicis, nisi urgente necessitate, non dispensant, v. g., inter solos pauperes, vel ubi non est facilis ad summum Pontificem recursus. Qui Ecclesiis præsumunt, quarum Antistites supra quantum Consanguinitatis Gradum nunquam dispensarunt, ii quidem in tertio extra necessitatis casum non relaxant. Qui, denique in tertio tantum dispensare consueverunt, in secundo, nisi urgente summa necessitate, non dispensant.

Episcopi autem plures in Matrimonii Impedimentis summo Pontifici reservatis dispensant ex *Indulto Apostolico*, prout ostendit usus passim receptus.

Nos, Sedis hujus Parisiensis proprio & antiquo jure, cum pauperibus, ubi causæ Canonice ab his afferuntur & probantur sufficientes, dispensamus, 1°. Super *Consanguinitate & Affinitate in Tertio & Quarto Gradu, & de Secundo ad Tertium*, tam in *contrahendo* quam in *contratto*: 2°. Super *Honestate publica*, ex Matrimonio rato & non consummato, in *Tertio* similiter & *Quarto Gradu, & de Secundo ad Tertium*: 3°. denique, Super *Cognitione spirituali*, sed quæ sit *Compacernitas* tantum: id est, inter Patrum & matrem, vel inter Matrinam & patrem baptizati. Quod verò spectat *paternitatem spiritualem*, eam scilicet quæ Patrum inter & baptizatam, vel Matrinam inter & baptizatum intercedit, ad summum Pontificem recurrendum est.

Præterea Parisenses Antistites; super

super quocumque Impedimento in quo non solent aliis dispensare, & in quo dispensare solet Apostolica Sedes, hac eadem sanctâ Sede vacante, pro antiquo jure suo dispensant, tum erga pauperes, tum erga divites, cum Partes sine gravi detrimento suo non possunt à celebrando Matrimonio supersedere. Non dispensant autem, nisi positis duabus conditionibus. Prima est ut Dispensatio in *Dataria* Tribunali postulata fuerit, & postulatio Antistiti significata. Secunda verò, ut post summi Pontificis exaltationem Dispensatio reipsâ in dicto Tribunali impetretur, etiam si jam celebratum sit Matrimonium; utque hæc Dispensatio in Diocesano Officialatu fulmineatur. Deficiente primâ conditione, Dispensatio Parisiis minimè conceditur. Deficiente secundâ, Parisiis impetrata Dispensatio irrita declaratur. Notandum porro est quod hîc de solis Dispensationibus agitur quæ ad forum externum pertinent, ideòque in *Dataria* Tribunali obtinentur. Quæ enim forum internum attingunt, in arcano *Pœnitentiarie* Tribunali non minus Apostolicâ Sede vacante quam

cæteris temporibus impetrantur.

JAM verò, quoad Impedimenta in quibus ordinariè non dispensamus, Nos consulant hujus Diœcesis Fideles, vel per se ipsi, vel inter-nuncio Pastore seu Confessario; ut sciant num fortè, habitâ ratione circumstantiarum, ad Nos pertineat jus dispensandi; vel quo pacto legitima & Canonica Dispensatio, si sit Pontificiæ Jurisdictionis, è Romana Curia possit accersiri. Et generatim cum suboritur aliquod dubium an sit necessaria Pontificis Romani Dispensatio, tale dubium solvere ad Diœcesanum Antistitem pertinet.

Notandum verò Confessariis diligenter ac memoriâ tenendum est, facultatem dispensandi in quolibet Impedimento, seu *Prohibente*, seu *Dirimente*, sive *Papali*, sive *Episcopali*, nunquam in ulla potestatis extensione circa Reservata inclusam reputari, etiam tempore Jubilæi cuiuscumque; nec posse ab ullo Confessario, sine expressa Romani Pontificis aut Præsulis Diœcesani licentiâ, ex irrito ratum fieri Matrimonium cum Impedimento dirimente contractum,



CAPUT II.

DE causis propter quas licet Dispensationes ad Matrimonium contrahendum postulare.

INTENDIT Ecclesia nullam Dispensationem sine causa concedendam.

Quid sit inde colligendam. Postulanda Dispensationis cause Canonica, alia honesta, alia infamantes. Novem cause honeste. Causa infamantes unde generatim desumantur. Ea ad tria capita redacta. Dispensationes sine causa explicita. Causa etiam alia prepollescentes, alia assumptæ & adventitiæ. Regula quatuor. Quædam observanda. Admonitum circa Dispensationes Episcopales.

DISPENSANDI in Impedimentis matrimonialibus eadem cause sunt, quæ dispensandi aliâ quavis in materia: scilicet, *ubi necessitas urget, utilitas provocat; utilitas, dico, non propria, sed communis* (a). Quod quidem non ita strictè est intelligendum, ut dispensandi causas oporteat proximè & immediatè ad bonum commune tendere: satis quippè est ut remotè & indirectè ad illud referantur, quatenus publica commoda è privatorum commodis existunt.

Hanc porro interpretationem confirmat, tum Concilii Tridentini auctoritas, tum quotidianus Dispensationum obtinendarum usus. Ac primò quidem Concilium Tridentinum, his verbis: "Si *urgens* " *justaque ratio*, & *major quando-* " *que utilitas postulaverit cum ali-* " *quibus dispensandum esse, id,*

" *causâ cognitâ, ac summâ matu-* " *ritate, atque gravis erit præstan-* " *dum* (b). " Neque enim distin- " *guenda fuisset urgens justaque ratio* " *à majore utilitate, si sola commu-* " *nis & major utilitas directè ac* " *proximè à dispensante attendi de-* " *buisse.* Deindè quotidianâ Dispensationum praxi certum est multas obtineri propter *angustiam loci*, propter *incompetentiam dotis*, aliasque causas de quibus inferiùs dicitur; quæ quidem non semper proximè ac directè ad communem utilitatem ordinantur, sed remotè & indirectè, quatenus videlicet commune bonum id postulat ut, quibus in circumstantiis non est alicui personæ utile præceptum, si v. g. *impediretur aliquid melius, vel induceretur aliquid malum*, cum ea dispensetur (c).

Cæterum sine justa causa dispen-

(a) S. Bern. de consid. l. 3. c. 10. (b) Sess. 25. de Ref. cap. 18. (c) S. Thom. 1. 2^o. q. 37. a. 3.

fari non posse, ex se satis evidenter patet: undè hanc legem sapientissimam posuit Synodus Tridentina, ut » in contrahendis Matrimoniiis vel » nulla omnino detur Dispensatio, » vel raro, idque ex causa & gratis » concedatur (d).» Hinc certum immotumque fundamentum est, nullam à Superiore Dispensationem concedi unquam debere, nisi ob causam necessariam, saltemve admodum utilem, eamque tam gravem, ut nihil de severitate Legis communis in gratiam cujuscunque privati temerè imminutum esse videatur.

Itaque ut Dispensatio in Impedimento dirimente possit legitime concedi, non sufficit Partes sibi invicem congruere, & Matrimonium esse prorsus consentaneum; aut Partes verè esse pauperes. Requiritur præterea ut occurrant justæ rationes è certis quibusdam circumstantiis deductæ. Quid circa præsentem materiam præcipiat Jus Canonicum, hic summarim exhibendum censuimus. Eo nimirum subsidio adjuti Pastores, Vicarii, cæterique Confessarii à quibus consilium petere debent Fideles ubi agitur de Dispensationibus, responsum in promptu habebunt; & salubri monitione perficient, ne quisquam, Dispensationis inani spe delusus, & operam & impensam in propriæ tranquillitatis & rei familiaris detrimentum frustra consumat, Dispensationem sine justa causa postulans; neve in ejusmodi postulatione aliquis erret tam graviter, ut obrep-

titiâ vel subreptitiâ Dispensatione Matrimonium irritum contrahat, vel celatis quæ necessariò fuissent explicanda, vel dissimulantes & e mentis positis quæ explicata fuerint. Et verò (quod publicè & privatim, datâ occasione, Fidelibus diligenter inculcandum) vehementer absurdum est quod à quibusdam leviter affirmatur, nullius aut parvi esse momenti falsitatem in obtinenda Dispensatione adhibitam, eò quòd sit Dispensatio, ut loquuntur, *de stylo* Curie Romanæ. Nam certum est, è contrario, quoties falsum in causa, aut unâ ex causis ad impetrandam Dispensationem necessariis enuntiatur fuisse, toties hanc nullam esse & irritam, idèquæ Matrimonium subsequens nullum & irritum.

DUPLICIS autem generis causæ distinguuntur, propter quas in Impedimento, sive Consanguinitatis, sive Affinitatis, dispensare solet summus Pontifex: aliæ vocantur *honestæ*, quia nihil continent quod bonis moribus repugnet; aliæ verò *infamantes* dicuntur, quia scilicet nituntur eorum peccato qui inter se contrahere volunt, iisque allatis, Supplices in culpa se esse apud Superiorem fateantur.

Causa honesta novem sunt frequentiores.

1^a. Est *angustia loci*: cum nempe Oratrix neminem, præter consanguineum aut affinem, in suo loco invenire potest, cui nubat conveniret, pro sua ætate & condi-

(d) Conc. Trid. Sess. 24. de Ref. Matrim. cap. 5.

tione; ipsique acerbum esset futurum à consortio familiaris se jungi, suorumque consilii destitui. Quæ prima causa dicitur quoque *angustia iocorum*, si uterque Supplicans sit è duobus lœcis exiguis. Porro, in usu Curie Romanæ, *locus angustus* reputatur civitas, nisi Sedem habeat Episcopalem, aut si, Episcopalem Sedem habens, familias non ampliùs trecentas contineat. Hæc autem causa non sola vulgò admittitur erga eos qui consanguinei vel affines sunt in Gradibus propinquieribus; & tunc exprimenda est personarum qualitas, ut si sint ex honestis familiis (e); vel incompetencia dotis, aliave causa idonea.

II^a. Est, cum Supplices vicrum sibi ex paternorum iugerum culturâ compatantes, sustentare se nequeant, si extra Patochiam suam Matrimonium inire cogantur.

III^a. Est incompetencia dotis: si nempe Oratrix, potius inops, conubio jungi non possit nisi cum aliquo è suis consanguineis aut affiniibus, qui velit eam sibi uxorem assumere indotatam: vel si, cum Oratrix tenuioris sit fortunæ, quàm ut in par conditionis familiam nuptui collocari valeat, Orator, qui sit ejus consanguineus aut affinis, ipsius tenui fortunâ contentus, ipsam consentiat uxorem ducere. Quæ causa locum habet, etiam si viciniorebus in locis reperiuntur, qui, neque consanguinei, neque affines, velint cum Oratrice nuptias contrahere, si nullus ejusmodi adsit in loco ubi

hæc ipsa commoretur (f). Nec refert an Oratrix ab eo dotanda sit qui illius expectat conjugium, an ab altero, qui, in gratiam hujus conubii, velit Oratricem dotare. Quoniam verò patris divitiæ arguunt filii divitias, etiam nihil tunc possidentis; dote carere non censetur puella cui divites sunt parentes, nisi fortè numerosâ sobole graventur, aut bonorum parte ad dotem idoneâ tunc spoliata se nequeant.

IV^a. Si Oratrix, cum sit magni momenti litibus onerata, justum habeat locum timendi ne in Judicio superetur, nisi Orator, eam uxorem ducens, ejusmodi lites in se recipiat & navitet persequatur.

V^a. Si Oratrix, omni ope destituta, dotem habeat litibus adò intricatam, ut eam sine studio viri strenui & soletis recuperare ac tueri non possit; & Orator ipsam velit uxorem ducere, jura ipsius pro dote accipiens, quibus utique persequendis par & idoneus esse cognoscatur.

VI^a. Causa est bonum pacis inter familias componendæ vel confirmandæ: quæ quidem causa in tribus potissimum casibus locum habere potest. Primus est, ubi necesse videtur ut intercedat Matrimonium, ad occurrendum litibus quæ possent erumpere, si divisio hereditatum inter consanguineos & affines institueretur. Secundus, quando Supplicantium propinqui jamdudum graves inter se inimicitias aut lites exercent, quibus tamen locum

(e) Pyrrh. Corrad. l. 7. c. 5.

(f) Congreg. Card. Conc. Trid. in-

terpt. an. 1570.

non dederit mutua Oratoris & Oratrix conjunctio, & ex affinitatis conjunctione pax inter utramque familiam videtur componenda. Tertius, ubi, recens compositis inrer Supplicantium propinquos gravibus inimicitis, pax illa videtur firmissimo concordie vinculo stabilienda, si Matrimonio jungantur Supplices. Ea causa, ubi agitur de inimicitis odioso jam existentibus, probari debet in specie & non in genere solùm per testes super dictis inimicitis deponentes, coram eo scilicet, qui propter Dispensationem delegatus fuerit (g). Ad eandem causam refertur *conservatio bonorum in eadem familia*: ampla siquidem unius familie bona ad aliam transire non solent, quin sequatur ingens totius familie tumultus ac detrimentum. Ea tamen causa in Gradu secundo, vel in secundo & tertio, *non sine maximis favoribus* admittitur (h).

VII^a. Causa est *educatio liberorum ex anteriore conjugio susceptorum*: cum scilicet Oratrix vidua est, filiis ex alio marito generis gravata, & census tenuioris, quàm ut ipsos alere vel educare possit; & Orator, matrem uxorem ducens, filiorum curam in se recipiat. Ea causa non faciliè admittitur sola; nunquam verò, nisi postquàm Orator idoneè cavit se dictis filiis alimenta præstiturum.

VIII^a. Causa est *etas puella*; quæ cum jam quartum & vigesimum ætatis annum attigerit, nondum potuit convenienter nubere;

sive nemo hucusque ipsius coniubium expetiverit; sive, licet jam fuerit in uxorem postulata, Matrimonium conciliari nequiverit ob repudiatam aliquam pacti Matrimonialis conditionem, vel propter aliam quamlibet difficultatem. Hæc quidem causa non sola sufficit in secundo Gradu, vel in primo ad secundum: sufficit tamen in cæteris, eoque magis, quò longius recessit puella à duodecim annorum ætate, quæ cepit esse nubilis.

IX^a. Est *periculum seductionis*: si v. g. inter Parochie incolæ plurimi forent Pseudoevangeliçi; & Orator vel Oratrix difficile inventura esset conjugem Catholicæ fidei cultorem, qui tibi non esset consanguineus aut affinis.

In omnibus casibus concurrere possunt aliæ *causæ honestæ*, quæ, prudentis viri judicio, satis graves sint ut Superiori exponantur. Eæ quidem erunt diligenter exponendæ, si præsertim in Gradu proximo consanguinei aut affines sint Supplices; tunc enim sæpius non sufficit una causa, & plures simul glomerari oportet.

Quandò afferuntur *causæ honestæ*; non committendum est ut reticeantur *causæ infamantes*, si qua intervenit.

CAUSÆ infamantes desumuntur ex necessitate satisfaciendi puellæ pro læso ereptore honore, & spe alterius conjugii forsan ablata: si nempe inter se peccaverint Supplices, vel gravis eruperit suspicio pecca-

(g) Pyrrh. Corrad. sup. 71. (h) Idem.

ri; ex qua incestus consuetudine, aut nimia familiaritate scandalum generante, verisimile sit illud eveniturum, ut Oratrix nullum suæ conditionis inveniat, qui se velit uxorem ducere. Ubi enuntiatur ab Oratoribus peccatum, explicandum est an illud commissum fuerit cum cognitione Consanguinitatis aut Affinitatis, an eo fine ut Dispensationem facilius impetrarent. Cum ex patrato scelere nullus causam afferat probabilem cur indulgentem expectari debeat Ecclesiam, si maxime peccato locum dederit spes Dispensationis facilius obtinendæ; sedulo exponendum est, an, propter illud peccatum, vel peccati suspicionem, Oratrix adeo infamist remansura esset, ut perpetuò innupta vivere in posterum cogereetur, aut saltem nuptui collocari nisi difficillimè non posset: quod quidem non semper accidit, cum levitantum atque incerta volitavit suspicio, vel culpam non manifestavit graviditas. Ut verò admitti possit ejusmodi causa, necesse est Supplices ad culpam suam convenienter expiandam erectos esse & paratos; quo scilicet exemplo reprimentur ii omnes, qui spe Dispensationis ad committendum incestum induci possent.

Itaque ad tria capita reduci possunt *causæ infamantes*. Primum est, cum Partes, ob nimiam inter se agendi familiaritatem, secreto tamen concubitu, tam grave scandalum vicinæ intulerant, ut, nisi Matrimonio jungantur, neminem, cui nubat, inventura sit puella.

Secundum est, cum Partium familiaritas graviditate vel edita prole innouit; unde scandalum refarci

aliter non possit, quam per utriusque conjugium.

Tertium est, cum Partes, licet consanguineæ aut affines, Matrimonium contraxere, nec jam sine gravi scandalo vel detrimento se jungi possunt. Tunc verò exprimendum est, an Partes Impedimentum ante nuptias, an postea duntaxat cognoverint; an statim atque illud cognoverunt, à concubitu abstinuerint; an eo fine peccaverint ut Dispensationem facilius consequerentur.

Causis infamantibus honestæ causæ, quantum illarum veritate fieri potest, jungendæ sunt.

ALIÆ in Curia Romana Dispensationes, nullâ expressâ causâ, conceduntur, sub hac nimirum clausula: *Ex certis rationalibus causis animam permoventibus*, &c. Non quodd nulla omnino sit earum causa, sed quodd nulla singularis afferatur, cum talis afferri sine Supplicantium infamia quandoque non possit. Tunc verò copiosa exigitur elemosyna, quæ aliquandò in compensationem iungitur, præsertim in propinquioribus Consanguinitatibus: sicque redimitur quod amittit severitas Disciplina. Qui hujusmodi Dispensationes exequuntur, non debent causarum generatim adductarum probationem exigere, nihil obstante clausulâ, *diligenter informes*: sic nempe fuit Romæ iudicatum.

Porro, ad obtinendas hujus generis Dispensationes, nihil quidem opus est causam afferri ullam ex iis quas suprà enumeravimus: diligentissimè autem cavendum ne Dispen-

sationis causæ afferantur e mentitæ; neve quidquam reticeatur, quo exposito, Dispensationem denegaret, aut saltem difficilius concederet Superior: sic enim impetrata Dispensatio nullius esset roboris.

Quod ut clariùs elucescat, notandum est duplicis iterùm generis causas affetti posse ad obtinendam Dispensationem: alias *propollentes* (1), alias verò *assumptas & adventitias* (2). *Propollentes* ex sunt; quibus expositis Dispensatio plerumque à Pontifice maximo conceditur, & quarum una sufficit ut postulatam obtineatur. Ad hoc genus referuntur pleræque suprà recensitæ. *Assumptæ & adventitiæ* ex dicuntur, quæ solæ non sufficiunt, sed quæ cum præpollentibus conjunctæ, Dispensationem *faciliùs* eliciunt; vel quæ, cum plures ejusdem generis afferuntur, eam, junctis viribus, possunt elicere.

His positis, quedam statuendæ sunt Regulæ.

I^a. Si malâ fide allata fuerit falsa quælibet causa, non valet Dispensatio.

II^a. Quandò allata est unica Dispensationis causa, eaque falsa; non valet Dispensatio.

III^a. Quandò allata fuit *causa propollens*, alique simul *assumptæ & adventitiæ*, si falsa sit causa *propollens*, irrita est Dispensatio; si vera sit causa *propollens*, falsæ autem quæ minoris sunt roboris, valet Dispensatio.

IV^a. Si minoris duntaxat roboris causæ allatæ fuerint, & aliqua ex

iis falsa inveniatur; non valet Dispensatio: quia videlicet non alicui causæ singulari, sed omnibus collectivè concessa est.

Sunt pariter quedam circumstantiæ, quibus patefactis, denegaretur Dispensatio; quedam verò allatæ Dispensationem elicerent in alia forma, v. g. *in formâ divitum*, quamvis denegaretur *in formâ pauperum*.

Si quid reticeatur, quo exposito non concederetur postulatam; Dispensatio nullius momenti est. Si autem omiſsa circumstantia nihil nocitura fuisset gratiæ concessioni, valet Dispensatio.

In his omnibus Regulis, de illis tantùm sermo est qui bonâ fide egerunt: si enim ultrò & de industria allatæ fuerint causæ falsæ, quamvis adventitiæ duntaxat minorisque roboris; irrita est Dispensatio.

Quod pertinet ad Dispensationes quæ Episcopalis sunt Jurisdictionis, monentibus Pastoribus, intelligant Fideles nullam Nos in posterum Dispensationem concessuros, nisi intercedente gravi causâ, quæ probata fuerit, sive per Inquisitionem jussu nostro confectam (i), sive per Epistolam vel Testimonium proprii Pastoris; qui simul testificetur Supplicantes Catholicam Religionem profiteri. Quòd si verò persona supplicans nondùm primâ Communionis particeps Christi facta fuerit, Patochus eâ de re Nos certiotes faciet.

(1) Prépondérantes, ou essentielles.

(2) Accessoires, ou accidentelles.

CAPUT III.

QUID sit observandum ut valida & legitima obtineatur
Dispensatio.

QUOMODO agendum, prout *Impedimentum extra vel intra Confessionem* detegitur. Ex *Dispensatione* subreptitia vel obreptitia quàm gravia incommoda sequerentur. Ut valeat *Dispensatio*, quam generatim observanda, & circa unumquodque *Impedimentum* quam speciatim exprimenda sint. Quomodo gerere se debeat *Confessarius in Pœnitentem*, quem ab ineundo *Matrimonio* non deterret *Impedimentum* dirimens. *Compensatio Disciplina Dispensationibus labefactata*. Quadam observanda.

VEL extra Confessionem, vel in Confessione detegitur *Impedimentum* ante *Matrimonii* celebrationem. Si extra Confessionem; suspendi debet promulgatio *Bannorum*, vel, si hæc jam peracta sit, ipsa *Matrimonii* celebratio; idque, licet ab unico teste, etiam ex auditu (modò testis fide dignum se præbeat), objiciatur *Impedimentum*, donec ad *Dioecesanum Pontificem*, vel ejus *Vicarium* - generalem delata res fuerit. Ut tamen à *Parocho* ipsoque *Episcopo* rutiùs procedatur, multum juvabit si *Parochus* *Impedimenti* revelationem sibi tradi scriptam exigat, & à duobus testibus atque ab ipso revelante, si scribere sciant, subscripam. Tum verò ipse rei veritatem secretò inquiret. Eundem servet ordinem, ubi communis fama contracturos perhibebit esse *Impedimento* ligatos. Si autem, rebus

maturo judicio perpenfis, tumores illos, ut sæpè fit, nihil solidi habere certò comperiat; prævio *Partium* juramento, ad *Matrimonii* celebrationem procedere tutus poterit.

Si *Impedimentum* à *Parocho* aliove *Confessario* in *Pœnitentiæ* *Tribunali* detegatur; *Pœnitens* de *Impedimento* monendus erit, ut *Dispensationem* postulet, vel mutet consilium, sicque non committat ut irritò *Matrimonio* jungatur. Quòd si *Dispensationem* postulare constituat; docente *Parocho* vel *Confessario*, intelligat quanti momenti sit ne in *Supplicatione* (1) aliquid falsi exponatur vel misceatur, sive in reigeltæ ordine, sive in causa *Dispensationis*, neve quidquam reticeatur ex iis omnibus quæ exprimenda sint. Si enim duo *Fideles* *Matrimonio* jungerentur vi *Dispensationis subreptitiæ*

(1) Requète.

reptitia vel *obreptitia*, id est, quæ impetrata fuisset vel testâ veritate, vel loco veritatis obtrusâ falsitate; irritum esset eorum Matrimonium, cohabitatio incestus aut concubinitus, ptolesque non legitima.

• QUAPROPTER Dispensationem impetrare cupientibus hæc inculcare non omittant. Parochi, ceterique animatum ductores.

I°. Dilucidè in sua specie exponendum est Impedimentum.

II°. Si pluribus Impedimentis ii teneantur, quibus est contrahendi intentio, ea singulatim in una eademque Supplicatione aperienda sunt.

III°. Si unum Impedimentum, *Consanguinitatis* v. g. publicum sit, aliud verò, ut *criminis*, occultum; tunc Impedimentum publicum *Dataria* exponatur, ad impetrandam pro foro exteriore Dispensationem; utrumque autem, publicum nempe & occultum, *Panitentiarum* aperiatur, ut dijudicet hoc Tribunal, an & quâ conditione dispensare debeat. Etsi verò nihil interest an prius pro foro exteriore in *Dataria*, an pro foro interiore in *Panitentiarum* postuletur Dispensatio; si tamen hæc non facile impetranda videatur, satius erit ut prius ad *Panitentiarum* recurratur, quam ut multo sumptu à *Dataria* obtineatur Dispensatio, quæ inutilis esset, si *Panitentiarum* in Impedimento occulto non dispensaret.

Itaque propter Impedimenta publica, ea videlicet quæ in omnium

oculis manifesta sunt, vel quæ possunt in Iudicio probati aut in vulgi noticiam erumpere, Dispensatio in *Dataria* postulatur; in hoc enim solo Tribunali conceduntur Dispensationes quæ possint in publicum prodire. Propter Impedimenta verò occulta, recurritur ad sacram *Panitentiarum*. Occultum portò censetur Impedimentum, cum vel omnino ignoratur, vel cognoscitur à personis duntaxat tribus vel quatuor, nullumque est periculum ne ulterius divulgetur. Cum in *Dataria* supplicatur, Oratorum nomen & cognomen, Parochia & Diœcesis, vel Diœceses, si plures sint, accuratè designanda sunt; qui autem in *Panitentiarum* supplicant, ii solo generali nomine *Oratoris* vel *Oratricis* designare se tenentur, ut ostendant supplicum Litterarum exemplaria, quæ proprio loco exhibemus (a).

IV°. Causas quibus moventur ad petendam Dispensationem, candidè oportet à Supplicantibus exponi, ita ut omnem longè submoveant falsitatem, nihilque dissimulent, quo exposito gratiam operatam non impetraturi essent, vel difficilius impetraturi; alioqui Dispensatio coram Deo non valeret. Si igitur in Dispensationis causam afferatur catenis copula, exprimendum est an ab utroque Supplicante, vel ab uno, habita fuerit cum spe Dispensationis facilius impetrandæ; quod merito cautum est, ne quis è delicto suo quidquam posset commodi capere.

(a) Vide infra, *Divisione VII, cap. v.*

V°. Si post Matrimonium jam actu quidem, sed invalidè contractum postuleretur Dispensatio, quatuor necessariò explicanda sunt: 1°. An Partes, vel earum una, contraxerint bonà vel malà fide, id est, Impedimentum ignorantes vel scientes: 2°. An, posità Impedimenti conscientia, eo animo contraxerint, ut Dispensationem faciliùs impetrarent: 3°. An etiam Matrimonium consummaverint (b): 4°. An eà intentione illud consummaverint, ut Dispensationem faciliùs obtinerent. Posità verò Impedimenti ignorantia tenipore Contractùs, explicandum erit an Partes Matrimonium consummaverint, vel ipso usi fuerint postquam resciverint illud non valere; denique utrùm clandestinè, vel in facie Ecclesiæ, utrùm adhibitis, vel omisiss *Bannorum* proclamationibus contraxerint. His nempe tacitis vel dissimulanter expressis, irrita ac nulla foter Dispensatio.

VI°. Utriusque Supplicantis facultates verè sincerèque aperiri debent, ut planum fiat Superiori quam in forma Dispensationem concedi oporteat. Si enim qui divites sunt, pauperes se mentiantur, sicque Dispensationem *in forma pauperum* obtineant; nihil obtinent: neque verò summi Pontificis intentio est gratiam eà fraude subreptam ullius esse momenti. Idem fiet, si Oratores, cum possent nullo suo gravi incommodo impendere quod

necessarium esset ad obtinendam à Sede Apostolica Dispensationem, pauperrimos se dicerent, ut secum dispensares Ordinarius loci Antistes.

Porrò, juxta Romanæ Curie usum, pauper ille ad effectum obtinendæ *in forma pauperum* Dispensationis super Impedimento dirimente censetur, cui nihil supet est ultra necessariam in sua conditione sustentationem. Non igitur ad litteræ apicem urgenda sunt quæ in testimonio Romam transmissis apponi solent: *Pauperes persona, quæ sine labore & industriâ suâ vivere non possunt*. Ex ipsiusmet Romanæ Curie Responsis, Orator & Oratrix pauperes habentur, quamvis mille libras annui redditus in solidum possideant, si nequeant nisi adhibito labore & industriâ sustentari. Cæterum Episcopi est paupertatem astimare, ejusque testimonium, causâ cognitâ, petentibus concedere (c).

Quibus non suppetit sufficiens fortuna ut se pro generis uobilitate sustentent, suamque conditionem, ut decet, tueantur, ii pauperibus accensentur, quibuscum super Impedimentis dirimentibus, si causæ afferantur legitimæ, in Casibus suprâ memoratis dispensabimus (d).

VII°. Si Partes è duabus sint Diocesisibus, id in Libello supplici exponendum est; & tunc Dispensatio ad futuræ conjugis Officialem *fulminanda* dirigitur. Quod si

(b) Conc. Trid. Sess. 24. de Ref. Matrim. cap. 5.

(c) Pelletier, a. 2.

(d) Vide hujus Divisionis Caput primum.

Dispensatio ad Ordinarium pertineat, illam ab utroque Partium Episcopo impetrari necesse est; Episcopus enim cum solis potest Diocesanus suis dispensare.

VIII^o. Sive Romanus Pontifex, sive Diocesanus Præsul dispense, si utriusque Supplicantis commune sit Impedimentum, quale est *Consanguinitas*, utriusque nomine postulanda erit Dispensatio; si enim unius tantum nomine postularetur, cum una tantum dispensaretur. Ubi verò Partis alterutrius proprium est Impedimentum, quale est *Votum castitatis*, sufficit ut Dispensatio nomine duntaxat Partis Impedimento ligatæ postuletur.

IX^o. Cum duplex, vel multiplex, vel diversum est Impedimentum, debent Supplices illud, quale est, diligenter exponere. *Duplex* autem est, si ex capite paterno simul & materno consanguineæ sint Partes: *multiplex*, si quis peccaverit cum duabus consanguineis personæ cujus connubium expetit; aut si alter alterius prolem de sacro Foute suscepit, & vice versâ; non tamen exprimi necesse est an quis unam, an multiplicem alterius prolem suscepit, nam Cognatio spiritualis indè multiplicari non censetur: *diversum*, ubi simul occurrunt *Cognatio naturalis & spiritualis*; vel *Affinitas illicita*, & *Honestas publica*.

X^o. Cum inter duas personas intercedit duplex Cognatio, sive hæc à duobus Stipitibus, sive ab uno

tantum Stipite oriatur, ut superius explicatum est (e); inter has quæque personas intercedit duplex Impedimentum dirimens; neque ad alterum extenderetur Dispensatio, quæ super uno duntaxat fuisset impetrata. Quin etiam in postulatione Dispensationis super quocumque Gradu Dispensationem admittente, sedulo exprimenda est ex utraque parte Graduum æqualitas vel inæqualitas. Scilicet regula secunda quam pro Linea collaterali suo loco assignavimus (f), vi cuius numerandi sunt Consanguinitatis Gradus per consanguinei remotioris distantiam à communi Stipite, seu (quod idem est), quâ positâ, Gradus remotior ad se trahit propinquiores, illa, inquam, regula quandoque non sufficit ad exprimendum Gradum in ordine postulandæ atque impetrandæ Dispensationis. Si enim Gradus propinquior sit primus, remotior verò intra quartum contineatur; tunc satis non erit ut exprimaturs consanguineos de quibus agitur, esse in quarto Gradu, nisi etiam primi fiat mentio. Non expresse Gradu propinquiore impetrata Dispensatio, subrepticia utique in huiusmodi Casu foret, idèque irrita; sancta enim Sedes Apostolica in primo Gradu dispensare nunquam intendit, nisi diserte exprimaturs (g). Secus dicendum est, si, quamvis Gradus propinquior sit primus, remotior tamen ultra quartum egrediatur, & sit v. g. quintus; tunc enim ne Dispensatione quidem opus

(e) Div. III, cap. III, art. 4. (f) Ibid. (g) S. Pius V, Bullâ Sanctissimus, an. 1566.

esser, prout docent saniores Theologi & Canonistæ. Etiam si verò non agatur de primo Gradu ad quemlibet inferiorem intra quartum; satius est, multòque tutius ut in Libello supplici ad postulandam Dispensationem sedulò exprimatur Graduum inæqualitas, id est, Gradus propinquior finit cum remotiore; quod nempe vulgò dicitur *cognatio in secundo Gradu ad tertium aut quartum, vel in tertio ad quartum.*

In Gradu inæquali primum Gradum attingente (si v. g. patruus cum sororis filiâ, vel amita cum fratris-filio Matrimonium inire cupiat), exprimendus est uter sexus in primo sit Gradu, an vir, an mulier; quia longè difficilius conceditur ut sororis aut fratris-filius uxorem ducat amitam vel materteram, quàm ut patruus aut avunculus sororis vel fratris-filiam. Siquidem ordini regnare videtur ut amita vel matertera, quæ, matris instar, quadam in fratre vel sororis-filium auctoritate pollere debet, ei, tñquàm capiti, per Matrimonium subiecta fiat: quæ quidem ordinis inversio locum non habet, cum patruus aut avunculus fratris vel sororis-filiam ducit; hæc enim inferior manet, qualis erat antea.

Denique, in exprimendo Gradu inæquali, semper incipiendum est à Gradu masculi, sive ille sit propinquior, sive remotior. Sic relatio materteræ ad fratris-filium, dicitur *à secundo ad primum*; relatio verò patris ad sororis-filiam, dicitur *à primo, ad secundum.*

XI°. Quoad Dispensationem su-

per *Affinitate*, exponendum est autem omnia diligenter, an rectâ, an transversâ in Lineâ sit Affinitas, multòque magis, si ex copula licita oriatur hoc Impedimentum. In Linea verò collateralis, eodem modo quem pro *Consanguinitate* diximus exprimenda est Graduum distantia & inæqualitas, præsertim si agatur de obtinenda Dispensatione in primo ad quemlibet inferiorem intra quartum; primo enim celato, quemadmodum in Consanguinitate, ita etiam in Affinitate, Dispensatio nullius esset roboris. Exponendum quoque est an *ex licita*, an *ex illicita copula* oriatur Affinitas collateralis, cum postuletur ejus Dispensatio in primo vel secundo Gradu; quia nempe difficilius dispensatur super Affinitate ex copula licita, quàm ex illicita.

XII°. Ubi à summo Pontifice super Consanguinitate vel Affinitate postuletur Dispensatio, Partes exponere necessariò debent, 1°. An inter se peccaverint: 2°. An, peccantes, suam ignorarent vel scitent Consanguinitatem vel Affinitatem: 3°. An, positi illâ cognitione, eo animo peccaverint ut Dispensationem facilius impetrarent. Si quid ex his tribus taceatur, *subreptitia* omninoque irrita erit Dispensatio.

Quòd si Partes Consanguinitatis aut Affinitatis vinculo conjunctæ, non inter se peccaverint priusquam Dispensationem à *Dataria* postulerent, sed peccare inciperent priusquam ab Officiali *sulmineatur* Dispensatio; hæc vulgò in irritum cadere existimatur, & Romani denuò scribunt ut obtrineantur Literæ quas

vocant *perinde valere*. Si tamen sine scandalo, aliove gravi incommodo differri non possit Matrimonium; Diœcesanus Episcopus, juxta Ecclesiæ Gallicanæ consuetudinem, legitime dispensaret; & Partes, de ejus licentiâ, atque acceptâ pœnitentiâ salutari, validum inter se conjugium inirent.

Si Partes ante postulatam Dispensationem inter se peccaverint, & peccatum in Epistola supplici exposuerint, posteaque iterum peccent; valebit semper Dispensatio, siue delictum ante *fulminatam* Dispensationem iteratum fuerit, quia nihil opus est ut exprimaturs incestus quoad numerum actuum, idque ad solius Confessarii cognitionem pertinet; siue duntaxat post *fulminationem*, quia sic definitur sacra Congregatio, Tridentini Concilii interpres.

XIII°. Circa *Cognitionem spirituales* exprimendum est 1°. Anvea sit *Paternitas* aut *Maternitas* ex una parte, ideòque *filiatio* ex altera; an sit tantum *Compaternitas*, vel *Commaternitas*: multò enim magis deberet Matrimonium inter *patrem* & *filiam spirituales*, quam inter ejusdem filie *compatrem* & *matrem*. Sed in posteriore casu, ut jam diximus, dispensant Parisienses Antistites.

XIV°. Circa *Honestatem publicam* explicandum est an ipsa è Sponsalibus oriatur, an ex Matrimonio non consummato; tum in quonam

Gradu ii sint qui contrahere intendunt.

XV°. Circa *Impedimentum Criminis*, exponi oportet an sit ex conjugicidio, an ex adulterio, an ex utroque simul; si enim sit ex conjugicidio, nunquam dispensat Romanus Pontifex ad forum exterius, raro ad forum interius.

XVI°. Dispensationes propter causas ementitas *impetratæ*, vel ex reticentiâ cujuscunque rei aut circumstantiæ, quâ celatæ, non valitura fuisset concessio, irritæ sunt, non modò cum ex perveritate Supplicantium falsò vel dissimulanter compositus est supplex Libellus, verum etiam cum supplicis Libelli scriptores siue nullâ suâ fraude erraverunt, siue ultro & nequiter falsum exposuere, seu verum tacuere. Romam denuò scribendum est, ut, correcto Libello supplici, & ipsa Dispensatio, quæ nulla erat, corrigatur (h).

XVII°. Si fortè in Curia Romanæ Rescripto circa nomen Impetrantis erratum fuerit, non idcirco irrita censetur Dispensatio, ut colligere pronum est è Juris Romani regulis & gravium Auctororum sententiâ. Si autem sit error quoad nomen Diœcesis, validam esse Dispensationem supponunt graves Canonistæ, dum censent eam ab Impetrantium Officiali *fulminari* posse; quia, inquiunt, *constat de mente Papa id esse, ut petentis Ordinarius dispenseret* (i). Confessarius igitur Pœnitentem

(h) Inn. III, cap. Super Litteris, de rescriptis. Bened. Papa XIV, Bullâ Ad Apostolicæ, an. 1741.

(i) Sanchez, Basile Ponce. Voyez Ducaffe.

res inveniens cum talibus Dispensationibus conjuges factos, nullam ipsius difficultatem facessat; & in simili Casu contractus ad contrahendo ne deterreat. Quod si verò circa ætatem puellæ erratum fuerit, quæ scilicet nondum annos attigerit quatuor & viginti; cum Dispensatio conceditur *in forma commissoria*, ut concedi solet ad Gallias, hæc valida existetur; modò tamen, quo tempore *fulminebatur* Dispensatio, puellæ suppleta fuerit ætas ad postulationis veritatem necessaria.

Et ceteræ Dispensationum forma duplex generatim distinguitur: nempe *commissoria* & *gratiosa*. Dispensatio *in forma commissoria* non tam propriè Dispensatio est, quam mandatum de dispensando, directum ad eorum Ordinarium qui Dispensationem postulant. Dispensatio *in forma gratiosa*, est propriè dicta Dispensatio, quæ, præmissâ causæ cognitione & allegatorum verificatione, olim concedi solebat in Curia Romana. Cum verò in hac dispensandi ratione multa occurrerent incommoda, sanxit Concilium Tridentinum Dispensationes extrâ Curiam Romanam committendas eorum Ordinariis esse, qui illas impertraxissent (k). Et quidem hoc tantâ curâ observatur, ut jam nullæ propemodùm sint Dispensationes *in forma gratiosa*, nisi Partes Romæ præsentem se fiant: quod nempe, cum eo in casu Ordinarius habeant ipsum Romanum Pontificem, Gallis ipsis minimè improbat. Etiam si autem *gratiosa* sit forma, Dispensatio suum non antè sortitur effectum, quam ab Episcopo « summarie & extra- » judicialiter cognoscatur expressas » preces subreptionis vel obreptionis vitio non subiacere, « ut ibidem loquitur sancta Tridentina Synodus.

Cum Parochiani aut Pœnitentes, detecto Impedimento, satis dociles inveniantur ut Matrimonium differre consentiant quoadusque impetretur Dispensatio; ac quæ superius notata sunt, accuratè observari sufficit. Major est difficultas, si quando aliquis Impedimento dirimente contritus, mortis impatientemque obicis transiliendi cupidum se præbeat. Si ergò Parochus aliunde Presbyter, *Luciam*, v. g. quæ brevi nuptura sit, confitentem audiens, detegat illam cum Petri sponsi sui (1) fratris aut consobrini peccasse; in hoc quidem studere debet, ut, suspensus quoquomodò nuptiis, satis habeat intervalli ad Diocesana Pontificem, illiæ Confessionis sigillo, consulendum. Si autem *Lucia* animo fixum hærete videatur, ut, neglectis Confessarii monitis, ulterius progredi & cum occulto ejusmodi Impedimento nubere non dubitet; Sacerdos, cognicâ usque adeò perversâ voluntate ingemiscens, Absolutionem denegat falsæ Pœnitenti, eamque à sacrilego illo proposito vehementissimè deterreat. Ipsi ad vivum & cum multa lenitate sermonis exhibeat quantum sic hoc peccatum quod se-

(1) Son promis.

(k) Conc. Trid. Sess. 22. de Ref. cap. 5.

curo tranquilloque animo committere intendit. Tum ipsa, progrediente Confessarii hortatu, intelligat, quantâ injuriâ Sacramentum affecta sit, quantam denique molein iniquitatum in se receptura ex cohabitatione cum viro qui non verè sibi maritus sit futurus. Quòd si non acquiescat illa sanis hujusmodi sermonibus; ipse ab officio inflexus, pro miserrima pervicacis anima Deum in secteto cordis exoret, ut illabentis gratiz motu, funestum illud abjiciat ac desseat consiliū; eamque ad ultimum hortetur, ut, quatenus fieri poterit, Matrimonium non antè consummet, quàm, impetratâ Dispensatione, instauratum fuerit.

QUONIAM verò Disciplina Ecclesiastica Dispensationibus plerumque labefactatur, meminerint Parochi ceterique Confessarii detrimentum illud esse aliquatenus compensandum, injuncto intrâ Pœnitentiæ Tribunal supplemento pii cujusquam operis, quod fideliter exequantur qui Dispensationis beneficium obtinuerint. Quæ quidem compensatio cum justa severitate ab iis exigatur, quibus Impedimenta ex delictis, ut plurimum, gravissimis contracta fuerint; ab iis multò magis, qui cum plena Impedimenti

confidentia Matrimonio jungi se curaverint. Quanquàm in tenore Dispensationis conditiones ab illo imponantur qui Dispensationem concedit; nec licet Confessario quidquam operis ibidem injuncti mutare vel minuere, nisi de licentia Superioris, aut saltem nisi urgeant causæ gravissimæ (1).

CÆTERUM, ubi agitur de obtinenda Dispensatione, cum in ejus postulatione tam facili quàm periculosè errari possit, Pastores, occurrentibus Parochianis quibuscum dispensari necesse videbitur, Nos consulant, ut sciant quid optimum factu sit; utrùm, vel quomodò à Curia Romana Dispensatio possit obtineri. Denique altâ mente repositum gerant Parochi, Vicarii, ceterique Confessarii, se, in Casibus ad Matrimonium pertinentibus, qui, & sæpius maximæ sunt difficultatis, & semper gravissimi momenti, non sine vituperabili imprudentia esse facturos, si, præjudicato sui ipsorum acumine plus justo confisi, res vel peritissimis intricatas temerè definiant; atque idcirco tutius futurum esse, si suum Episcopum, totius nempe Diocesis Doctorem simul & Pastorem, aut ipsius Vicarium-genetalem consulant, sic tamen ut illesum permaneat Confessionis sigillum.

(1) Vide infra, Div. VII, cap. 2.



CAPUT IV.

DE modo conficiendæ Inquisitionis, ut super Consanguinitate vel Affinitate Dispensatio ab Ordinario impetretur.

SUPLEX Libellus qualis esse debeat. Delegatus causa cognitor: hujus officium. Ut sua delegationis scopum obtineat, quam illi observanda.

CUM de obtinenda Dispensatione super Consanguinitatis aut Affinitatis Impedimento apud Dioecesanum Anrhistem agitur, ad eum supplex dirigitur Libellus, continens Partium nomina & cognomina, ex utroque patente originem, ætatem, conditionem seu professionem, domicilium, Gradum Consanguinitatis vel Affinitatis quæ inter ipsos intercedit, cum Stemmata, seu *Genealogiâ*, prædictam Consanguinitatem vel Affinitatem exhibente. In quo quidem Libello præterea explicentur causæ propter quas secum dispensari postulant, & parentum consensus: subscribant denique Supplices, vel, eorum loco, persona cognita.

His præmissis, adibunt Supplices *Questiorem* (1) à Nobis designatum; qui scilicet de causis postulandæ Dispensationis, cæterisque in supplici Libello enuntiatis diligenter inquirat; imò alias discutiat Dispensationis causas quæ suppetere possent Oratoribus, tunc præsertim cum ex sufficere Nobis non vide-

bentur quas enuntiaverit supplex Libellus; qui demùm delegatus causæ cognitor totius rei veritatem, confectâ, ut decet, probatione, manifestam faciat.

Ut verò delegationis suæ scopum feliciter obtineat, qui scopus est ne ulla concedatur Dispensatio, nisi causæ afferantur justæ & Canonica, plurima sunt diligenter observanda.

1°. Ipse Questitor studiosè iis documentis, inhærebit quæ jam suprà de hoc argumento tradidimus (a).

2°. Scribam eliger, qui testè ac dilucidè scribendi sit peritus; qui præterea totius Inquisitionis ordinem à se fideliter litteris mandatum iri, ac denique tacenda tacitum iri, juratò polliceatur: diemque & horam præstituet, quibus ad se veniant Supplices ac Testes, de rebus in supplici Libello enuntiatis interrogandi & audiendi.

3°. Testes non admittet nisi notæ probitatis, & qui annum ætatis vigesimum-quintum attigerint.

IV°. In charta regio signo nota-

(1) Commissaire.

(a) Suprà, in hac Div. Cap. II & III.

tà (1) conficietur Inquisitionis instrumentum.

Vº. Quoad formam, Inquisitio constare debet sex personarum testimonio: utriusque nimirum Supplicantis, & quatuor Testium; ex quibus duo sint Consanguinei aut Affines, duo verò extra familiam assumpti. Sufficiens tamen duo Testes, cum neque consanguinei, neque affines, neque famuli, neque domestici erunt; dummodò testificari uterque possit, tum de Genealogia, tum de causis postulandæ Dispensationis, ac demùm de paupertate: semper enim circa Genealogiam requiruntur duo testimonia, & duo pariter (sive Testes iidem sint, sive alii) circa Dispensationis causas & paupertatem. Sic autem paupertas enuntiatur: *Pauperes persona, qua sine labore & industria suâ vivere non possunt.*

VIº. Priusquàm Sacerdos cui commissâ fuerit Inquisitionis confessio, Supplices interroget ac Testes audiat, illos diligenter monebit quantâ religione verum dicere debeant, quàm tremendum falsiloquis & perjuriis sit Dei iudicium: ipsos, si falsa pro veris scienter testificentur, irritæ Dispensationis irritique conjugii mala gravissima in se recipere; præterquàm quòd in hac Diœcesi Casum reservatum incurrunt, cum Excommunicatione ipso facto, eâque reservatâ, qui malâ fide ac dolo malo falsum testimonium verbo vel scripto perhibent de natalibus, ætate, libertate

ad contrahendum, domicilio & consensu parentum, tutoris vel curatoris, vel qui falsa pro veris quoquò modò testificentur, ut Matrimonium irritum contrahatur; tum etiam qui scientes & volentes sub tali testimonio contrahunt (b).

Caveat autem ipse sapiens & religiosus Quæsitör, ne Testibus falsa aut incerta suggerat, vel eos ad hæc affirmanda inducat; nec eorum testimonio quidquam grave addi vel detrahi omninò patiatur, alioquin irritæ Dispensationis irritique Matrimonii reus ipsemet evasurus. Nihil denique prætermittat quod ad veritatem detegendam prudentia, Religio, propinquitæ & Oratorum ac Testium salutis cura faciendum dicendumve suggererit. Neque enim sine periculosissimo errore existimare quisquam posset illam Inquisitionem nihil esse præter inanem formulam, aut falsitatem in ea occurrentem non magni fore momenti: ex quo videlicet errore sequerentur ingentia quæ modò attigimus, incommoda.

VIIº. Quæsitör, præmissis quæ præmittenda fuerint, monitis & documentis, Oratorem atque Oratricem veri dicendi sacramento obligabit. Deindè secretò & separatim quemque interrogabit de suis parentumque nominibus & cognominibus; de sua ætate ac de suo domicilio; de propinquitatis gradu, cujus probationem genealogicam exarabit Scriba; tum de causis canonicis, si sint occultæ, & de veritate

(1) Sur papier timbré.

(b) Stat. Syn. D. Franc. de Harlay, Paris. Archiep. an. 1673. Mandat. D. Lud. Ant. Card. de Noailles, an. 1709,

De Casib. reserv. &c. in Synodico, p. 409. Et Rit. Paris. pag. 113, & 358.

singulorum capitum in supplici Libello expositorum; de bonâ fide, an videlicet notum ipsis fuerit Impedimentum ante Sponsalia, si jam celebrata sint; ac denique de modo inter se vivendi, si de hoc inquirendum suadeat prudentia. Posito scilicet nimix familiaritatis rumore, investigandum erit an non incestum admiserint Supplices, idque conceptâ spe facilius obtinendæ Dispensationis.

Tum, præter cæteras interrogaciones, ab Oratrice prudenter sciscitabitur Quæsitör, an ultro & liberâ voluntate Matrimonio proposito consentiat? an non rapta, coacta, seu aliâ vi adacta fuerit ad consentiendum?

VIII°. Interrogâti Supplicantibus, scriptisque eorum responsis, veniet Quæsitör ad Testium auditionem: iique pariter secretò & separatim audientur (c); ac primum quidem consanguinei aut affines, de Supplicantium consanguinitate aut affinitate, per seriem *Ascendentium*, usque ad communem stipitem. Jurejurando similiter, ut verum dicat, obstringetur quisque Testis audiendus: tum supplex Libellus ei à Scriba legeretur; quo lecto, testimonium suum enuntiabit Testis, non solum de Consanguinitate vel Affinitate, verum etiam de causis Canonicis, si sint de eorum numero quæ in familiarum penetralibus eveniunt atque dignoscuntur; eoque dictante, Scriba testimonium litteris mandabit. Eodem modo Testes audientur extra familiam assumpti, de causis allatis, si sint publicæ; de Oratorum

domicilio, & de paupertate, propter quam à Sede Apostolica Dispensationem sibi comparate non possint; circa quam ut Superior æquum ferre queat judicium, rectissimâ, prout fieri poterit, æstimatione designentur Oratorum facultates & industria.

Si quis porro Testis extra familiam assumptus Supplicantium genealogiam satis perspectam haberet, de hac audiri perindè posset ac de cæteris rebus in supplici Libello enuntiatis.

IX°. Si advettat Quæsitör aliquem Testem dubiæ aut suspectæ probitatis esse, vel non satis ea cognita habere quæ ad Inquisitionem pertineant; alium adhibere atque audire potest ac debet.

X°. Inquisitionis instrumento subscribent Supplices, Testes, Quæsitör, & Scriba.

XI°. Si quis Testis aliquid in suo testimonio immutare, si addere, si detrahare velit, hoc fiet per notam in margine inscriptam, subsignante Quæsitöre ac Teste; neque enim interlineari scripturæ fides adhiberi posset, nec etiam notis ad marginem apposis quæ subsignatæ non essent (d).

XII°. Quæsitör confecto Inquisitionis instrumento, ejus paginas à prima ad ultimam numero & chirographo notabit (1); illudque sub involucto & sigillo ad Archiepiscopatus Tabularium (2) viâ transmittet quàm tutissimâ, cum præsertim assercionibus atque testificationibus facta ejusmodi enuntiabuntur, quæ non illasâ Partium existimatione & famâ in vulgus emanatura essent.

(1) Il cottera & paraphra les pages par première & dernière.

(2) Au Secrétariat.

(c) Ordonn. Civile de 1667, tit. 22, des Enquêteurs, art. 15. (d) *Ibid.*

DIVISIO V.

AGETUR in hac Divisione, 1°. De iis quæ ante Bannorum proclamationem, aut saltem ante Sponsalia, tum Parocho inquirenda sunt, tum futuris conjugibus exequenda: 2°. De Matrimonii Bannis, seu denuntiationibus: 3°. De Dispensationibus in Bannorum proclamatione.

CAPUT PRIMUM.

DE iis quæ ante Bannorum proclamationem, aut saltem ante Sponsalia, tum Parocho inquirenda sunt, tum futuris conjugibus exequenda.

INVESTIGATIO Pastori prudenter instituenda. De illis qui non spontè Matrimonio assentiuntur. Quid scire debeant Matrimonio jungendi. Futurorum conjugum interrogatio. Quidnam ipsi à Parocho monendi sint. Quanti sit momenti ut maturè confiteantur.

STATIM atque conjugii alicujus in sua Parochia conciliandi fama increbuit, & ante ipsam Bannorum proclamationem, inquirat Parochus (prudenter tamen, & quantum, pro singulis infrà enumerandis articulis, exigent circumstantiæ), 1°. An & à quo tempore sui Parochiani sint, qui futuri conjuges perhibentur: 2°. An Catholici antiqui, vel recens ab Hæresi ad Catholicam fidem conversi: 3°. An ætatis connubio maturæ: 4°. An sui, an alieni juris, prout Majores vel Minores sunt: 5°. An Minores consensum

parentum vel tutorum & curatorum obtinuerint; an Majores illud priùs vivâ voce rogatum, nec impetratum, à parentribus in forma Juris requisierint: 6°. An non sint coacti, minùsve liberi; qualem, quantam, & à quibus patientur coactionem: 7°. An non fuerint antè connubio juncti, vel desponsati; & , posito aliterutro Casu, quomodò solitum probeat Sponsalium aut Matrimonii vinculum: 8°. An non aliquo Impedimento sive prohibente, sive dirimente præpediantur: 9°. denique,

Q q q q 2

An id omne sciant, quod de Religione quam profitentur, de vivendi ratione quam amplectuntur, de Sacramento quod suscipere meditantur, scire illos necesse est.

Si quos inveniat Parochus, non spontè, sed invitè aut repugnanter Matrimonio assentientes, ne scilicet dominis, parentibus, tutoribus vel curatoribus displiceant, ipsorumve indignationem in se concitent; cautè admodum se gerat & circumspicèt, ne illos cujusquam iræ vel insectationi objiciat. Interim superfeedat à *Bannorum* proclamatione; &, si opus fore videbitur, eà de re ad Nos referat. Si demùm prudenter fieri posse intelligat, suæ charitatis officia apud eos interponat, quorum in potestate fuerint personæ Matrimonio jungendæ; ut ii, docente Pastore, advertant, se, tutà conscientia, non posse ullum è suis subiectis, invitum, aut non satis liberè consentientem in nuptias conjicere, in eam scilicet vivendi viam quæ mutati non potest, & quæ, tum ad hujus vitæ quantumcumque felicitatem, tum ad salutem æternam tanti momenti esse cognoscitur. Moneat denique Excommunicationem (non tamen reservatam) *ipso facto* ab iis incutiri, qui, extra casum Juris, aliquem ad Matrimonium ineundum directè vel indirectè compellunt, vel, ne libetè id contrahat, impediunt (a).

Quoad scientiam salutis, si sit aliquis dubitandi locus, per se ipse investiget num vir aut mulier,

vel uterque, Christianæ fidei capita quorum expressa cognitio ad vitam æternam consequendam necessaria est, Dei & Ecclesiæ præcepta, virtutes Theologicas, Sacramentorum numerum atque efficientiam, Matrimonii sanctitatem, fines & officia, dispositiones ad illud suscipiendum requisitas, ea denique omnia de quibus in Sponsalium celebratione interrogationes fiunt, satis edocti sint. Ineruditis doctrinam circa hæc omnia & singula sufficientem Pastor ipse subministrat, vel subministrati curet.

PAUCIS igitur ante *Bannorum* proclamationem diebus, vel certè ante Sponsalia, ii Parochum seorsum conveniant, qui, conscriptà conjugii pactione, sibi mutuò desponsati fuerint; quos ille de prædictis interroget, si de omnibus vel de quibusdam eos interrogandos suadeat prudentia. Qui à Patocho moniti venire noluerint, eorum Matrimonia non antè publicis *Bannis* denuntientur, quàm Nos consuluerit Parochus. Ex verò interrogationes secretò, circumspicèt & verècundè institui debent, præsertim erga Sponsam; quæ, ut decet, comitem habeat vel matrem, vel, deficiente matre, aliquam è consanguineis, aliamve mulierem ætate gravem, aut etiam aliquos è propinquis. Quibus præsentibus, ita fiant inquisitiones, ut nullus eorum audiatur; ne fortè aliquam difficultatem Sponsæ injiciat virginalis pudor, quominus ipsa mentem suam

(a) Conc. Trid. Sess. 24. de Ref. Matrim. cap. 9.

aperire, atque ad interrogata respondere liberrimè possit. Itaque Pastor ab utroque Sponso prudenter inquirat, num aliquod inter se Impedimentum noverint? Illos insuper moneat ut quamprimum peccata confiteantur (b): quin etiam, prout suggererint rerum adjuncta, cohortetur ut generalem totius vitæ aut certæ temporis Confessionem emittant; quò sanctius ad novum quod ingressuri sunt, vitæ institutum præparentur, & quò maturius, si per emissam Confessionem aliquod detegatur Impedimentum, sibi agenda providere possint.

Summi præsertim momenti est, ut qui Parochias longo intervallo à Regia Urbe distitas incolunt, non justo diutius Confessionem prorogent, ob ingentem quam experientur difficultatem & anxietatem, si quod Impedimentum dirimens in proximâ nuptiarum detegere tur, super quo Dispensationem po-

stulari oporteret. Quinimò plerumque necessarium est ut quicumque de suscipiendo Matrimonio cogitant, ad sacrum Pœnitentiæ Tribunal accedant vel ante ipsam *Bannorum* proclamationem; non solum propter Impedimentà quæ in Confessione detegi possunt, verùm etiam propter vitiosas consuetudines, quæ non rarò inveniuntur, & quæ prævias Absolutioni probationes requirunt. Hinc præterea maturo consilio præoccupantur difficultates; hinc etiam locus datur utilissimis documentis, quibus adjuti, sese ad Sacramentum uberiore fructu capefferidum, adjuncta, si digni inveniantur, Corporis Christi Communionem, disponant: ad quam etique Eucharisticam Communionem multò magis impellendi studiosiusque disponendi illi erunt, qui Paschali officio non satisfecerint, vel qui nondum Christi participes in prima Communionem facti fuerint.

(b) *Conc. Parif. an. 1528, decr. morum 39.*



CAPUT II.

DE Matrimonii Bannis, seu denuntiationibus.

LEGEM proclamationis Bannorum sanxit utraque Potestas. Non fiat Bannorum proclamatio, nisi requirentibus Partibus. Banna Minorum sine consensu parentum vel tutorum ne promulgentur. Quanam in Parochia fieri debeant Matrimonii denuntiationes. Contrahentes è diversis Parochiis. Duo simul publica domicilia. Qui domicilium habent in Ecclesia Succursalis territorio. Qui domicilium Legibus requisitum non acquisierunt in presentis sue commorationis Parochia. Domicilium de Jure i domicilium de facto. Bannorum proclamationis Minister, tempus & locus. In Bannis promulgandis quanam exprimenda. Cavendum ne quis ex Bannorum promulgatione diffametur. Necessitas revelationis, confessorium promulgationis Bannorum : ad quos extendatur illa necessitas. Quales persone à revelando excusentur. Ad quos deferenda revelationes. Non revelantes, & improbè revelantes a què plectendi. Si quis Bannorum promulgationi juridicè intercedat, quomodo gerere se debeat Parochus. Revelatio Impedimenti sine intercessione. Factis, nullo reclamante, Bannorum promulgationibus, quid agendum superfit. De Litteris Testimonialibus ad conjugium extra Parochiam ineundum.

MOR antiquissimo apud Ecclesiam Gallicanam, speciatimque in Diocesi Parisiensi (a) observatur, ut publicè in conventu Fidelium prius denuntientur Matrimonia, quam celebrentur, atque ab Ecclesia benedicantur. Hanc legem in Concilio œcumenico Lateranensi IV sanc-

tam (b), sed non ubique postea observatam, œcumenica Tridentina Synodus solemnè Decreto, rogantibus Episcopis Theologisque Gallicanis, renovavit (c). Quæ quidem Disciplina tantæ necessitatis esse judicata fuit, tum ad cohibenda Matrimonia clandestina, in scisque parentibus

(a) Stat. D. Odonis de Sully, Paris. Episc. Syn. 1. c. an. 1198, Capitul. circa Matrim. in Synodico, pag. 7. Vide Stat. Syn. D. Steph. Poncher, de Sacram. Ma-

trim. D. Eust. du Bellay, n. 32, de Matrim. & D. Henr. de Goudy, n. 26 & 28.

(b) Anno 1215, can. 51.

(c) Sess. 24. de Ref. Matrim. cap. 1.

conciliata, tum ad detegenda, si qua laterent, Impedimenta inter eos qui connubio inter se jungi opra-
rent, ut eam, tanquam Legem, in suo Imperio vigete voluerint Reges Christianissimi (d). Itaque necessaria est *Bannorum* promulgatio, necessitate, non modò præcepti Ecclesiastici, verùm etiam, in Gallia, præcepti civilis; ita ut, juxta tenorem Sanctionis Blesensis à Ludovico XIII confirmatæ (e), Matrimonia sine publicis *Bannorum* promulgationibus celebrata, non valeant quoad effectus civiles (f).

JAM verò circa illam tanti momenti promulgationem plurima sunt Parochis diligenter observanda. Omnium primum, ea non petagetur, nisi requirentibus Partibus. Eam autem ab ipsis requiri non facile credent Pastores, nisi testimonium ab iisdem subscriptum exhibeat, aut verbo testificentur personæ cognitæ, & quibus fides tutissimè habeatur, cum scilicet Partes ipsæmet Parochis sistere se non poterunt. Quin etiam prudentiæ Pastoralis erit, ut Partes, quantum ferret opportunitas, *Bannorum* instrumento subscribere jubeantur; cum præsertim aliquis timendi locus esse videbitur ne illæ postea ratam non habeant ejusmodi proclamationem. Subscriptioni verò æquipolletbit pro-

clamationis illius postulatio facta coram testibus.

Vetant Regni Christianissimi Leges, ne quis Parochus *Minorum* conjugia denuntiet citra eorum consensum ad quos pertinebit *Minores* tueri & curare. Qui consensus scripto consignatus habeatur necesse est; vel patrem, matrem, tutorem aut curatorem Pastor ipse audiat eoram se consentientes. Quinimò tutius ager, si non modò vivâ voce, sed etiam scripto manifestum fieri curet ejusmodi consensum; quandò videlicet metuendi locus erit ne ratum non habeatur id quod promulgaverit. Si autem viginti-quinque annis majores sint filii-familias, seu filii trigesimum ætatis annum compleverint, & eorum conjugii dissentiant patrenses; ad *Bannorum* proclamationem sufficiens requisitus per triplicem juridicam interpellationem patrum & matrum consensus. Quamvis utriuslibet sexus *Majorum* non facile proclamanda sunt *Banna*, multòque minùs ii ad Matrimonium admittendi, nisi priùs constet de parentum consensu. Hoc enim optimo rerum ordini ipsique Religioni summo petè consentaneum est (g); sicque præterea familiarum tranquillitati, quod Pastores maximè decet, provideretur. Parochi tamen id per solam conciliationis viam exequi possunt; ipsique, factâ apud patrenses

(d) Ordonn. de Blois, de l'an 1579, art. 40. Edit de Melun, de 1580, art. 25. Edit de Henri IV, de 1606, art. 11. Ordonn. de Louis XIII, de 1612, 1619, & 1639. Edit de Louis XIV, de 1692, & de 1697.

(e) Ordonn. de 1619. art. 39.

(f) Ita respondit Lud. XIII Clero Gall. cui anxietas fuerat ne civilis auctoritas Matrimonia sine hac solemnitate contracta, quoad vinculum & Sacramentum irrita declararet.

(g) Tert. ad ux. l. 2. c. 9.

juridicâ & trinâ consensus requisitione, seu obsequiosâ interpellatione, postulatam à se *Bannorum* proclamationem detrectare nequeunt.

Si nihil obstat, trës fiant Matrimonii denuntiationes in Parochia Partium Matrimonio inter se jungi cupientium; in qua scilicet bonâ hâde habitaverint reimporis intervallo ad effectum contrahendi Matrimonii requisito: id est, anno integro, erga eos qui ex alia Diœcesi advenierint; sex verò mensibus completis, erga illos qui ex alia hujus Diœcesis Parochia in præsentis habitationis locum transierint.

Quod si è diversis Parochiis sint futuri conjuges, denuntiationes fient in propria uniuscujusque Parochia (h). Nec Pastor qui Matrimonio benedicturus est, illud prius celebrabit, quàm Testimonium legitimâ formâ instructum ab alterius Parochiæ Pastore acceperit; quo nempe testimonio constat *Banna* fuisse ab eo juxta formam usitatam promulgata, & neminem se Matrimonio interposuisse. Si Contrahentium alteruter ex alia sit Diœcesi, prædicti Testimonii veritas comprobabitur signo & sigillo Episcopi, aut signo Vicarii - generalis cum sigillo Episcopali; nisi fortè scriptura Pastoris illius alteri sit notissima, ut fieri potest, quando in utriusque Diœcesis finibus jacent Parochiæ, & sic vicinæ sunt.

Si Contrahentium alteruter duo simul publica domicilia in duabus

diversis Parochiis habeat, ut sit cum quis plures tabernas five officinas obtinet, plures gerit villicationes, plures domos incolit, annumque circiter in domicilio utroque dimidiat; in utraque Parochia fiet *Bannorum* proclamatio, nisi tamen satis diù in eo loco manserit, ubi sit Matrimonio jungendus. Dispar illius est conditio, qui, cum in uno duntaxat loco domicilium habeat fixum & publicum, solet tamen alium in locum proficisci, non tam diù ibi commoraturus: hæc postrema commoratio, ut potè transitoria & patum nota, vetum non constituit domicilium; in ea proinde nihil necesse est *Banna* promulgari.

Quibus in Ecclesiæ *Succursalis* territorio domicilium est, tum in ipsa, tum in Ecclesiâ præcipua denuntiari eorum Matrimonia necesse est; non tamen idcirco exigi potest duplex honorarium.

Qui in præsentis suæ habitationis Parochiâ domicilium Legibus requisitum non acquisierunt, eorum *Banna* promulganda sunt non modò in Parochia ubi de præsentis habitant, verùm etiam in ea ubi prius *immediatè* habitabant (i). Quod si verò illa in duabus Parochiis habitatio non compleat domicilii tempus in ordine celebrandi Matrimonii constitutum; res ad Diœcesanum Antistitem deferenda est, cum testimoniis *Bannorum* in utraque Parochia promulgatorum; nec ulterius procedi oportet, donec ipse,

(h) Conc. Aquisense, an. 1585, à Sixto V approbatum. Conc. Narb. an. 1609. S. Carol. Rituale Pauli V, &c. Ordonn. de

1639. art. 1.

(i) S. Carol. Conc. Aquisense, sup.

aut Vicarius-generalis, quid sit agendum tenentiaverit.

Minoribus, ut jam observarum fuit, duo esse possunt domicilia: unum *de Jure*, & alterum *de facto*. Prius est ipsum patris & matris, cum adhuc in vivis superant, vel, his defunctis, tutorum & curatorum domicilium: quia nempe, Jure naturali, cum parentibus habitare censentur, vel, secundum Jus Civile, apud tutores, seu curatores, quorum in tutelam eos tradit Magistratus aut Legis providentia, ut illos Principi, tanquam, supremo omnium suae ditionis familiarum Capiti, repræsentent; qui scilicet ipsi, ex quo pupilli facti sunt, patris loco esse intelligitur. Posterior domicilium est, cum extra Parochiam domicilii parentum vel tutorum & curatorum degant, v. g. in munere, in famulatu, in arte aliqua discenda, vel apud alienam domum exercenda, in Collegio, vel domo ubi aluntur atque instituuntur.

Quod si igitur alicui *Minori* duo sint domicilia, id est, si in patris & matris, vel tutoris & curatoris Parochia non sit ejus domicilium; ne sine parentum, vel eorum ad quos pertinebit, consensu, iisve iunctis Matrimonio jungatur, proclamanda erunt ipsius *Banna*, tum in Parochia ubi domicilium *de facto* habet, tum in patris & matris, vel

tutoris & curatoris Parochia, quod utique ipsi domicilium *de Jure* est: in quo posteriore domicilio si hoc prætermisum fuerit, illius conjugium quasi ex vicio clandestinitatis irritum declarari potest (*k*). Ubinam verò celebranda sint *Minorum* Matrimonia, prout fixum vel non fixum est domicilium *de facto*, jam suprà exposuimus (*l*).

De vagorum, atque etiam militarium virorum *Bannis* proclamandis suprà diximus conjunctim (*m*), ubi de ipsorum Matrimoniis agitur.

CIRCA Ministrum, tempus & locum proclamationis *Bannorum*, hæc præterea definiunt sancti Canones, Legesque Civiles.

1°. *Bannorum* proclamatio ex natura sua munus est Parochi Sponsorum (*1*), vel Sacerdotis ab eo delegati (*n*). Fam sibi vindicare non possunt Abbates, Priores, Capitula, Religiosæ Communitates, aut alii, qui Parochiarum sint Rectores vel Parochi-primitivi, nisi ad hoc specialiter ab Ordinario loci Præfate approbati fuerint (*o*). Eam, ut potè ad Sacramentum ordinatam, haud impunè sibi arrogaret quisvis Laicus aut secularis fori minister, etiamsi Parochus ipsam exequi derectaret (*p*).

II°. Ea proclamatio fieri potest quovis anni tempore, etiam quoad Matrimonii celebrationem prohibito; sed festivis tantum diebus fieri

(1) Des promiss.

(*k*) Edit de 1697 Arrêt du Parlem. de Paris, du 5 Sept. 1710.

(*l*) Div. III, cap. 4.

(*m*) Ibid.

(*n*) Conc. Trid. Sess. 24. de Ref. Matrim. c. 1. Rituale Rom. &c. Ordonn. de

1639, art. 1.

(*o*) Comit. Cleri Gall. an. 1615. 1635. & 1645.

(*p*) Arrêt du Parlem. de Paris, du 13 Mai 1614.

debet (q). Porro dies *Festivus* stricte hic sumitur pro Dominica, aut Festo quod, de præcepto Ecclesiæ, cum cessatione laboris per diem integrum, saltem in denuntiationis loco, celebratur. Itaque excluduntur Festa intercisæ, id est, quæ ad meridiem desinunt; Festa, ut loquuntur, *ad devotionem*, etiam cum requie operum celebrata; Feria quarta Cinerum, ipsique Hebdomadæ Majoris dies sancti, frequentissimo licet Patochianorum concursu.

III°. *Banna* Matrimonii inter *Missarum solemnia* (r), nempe in sola Missa Parochiali denuntianda sunt; nec valeret denuntiatio facta in Missa minore, nisi forte hæc esset Parochialis; neque etiam in Missa decantata, quæ à Missa Parochiali diversa foret. Quod si plures in eadem Ecclesia celebrentur Missæ Parochiales; in qualibet ex ipsis, ad Pastoris arbitrium, *Banna* promulgari possunt. Tempus promulgationis, ipsum est *Prona* tempus. Denuntianda verò non sunt Matrimonia in Vesperis, aut serotinis coram sanctissima Eucharistia Supplicationibus.

IV°. Fieri debet ea promulgatio in sola Ecclesia Parochiali, vel *Sacrosanctali*, non autem in Regularium Ecclesiis: non in Sacello ab Ecclesia distito, nisi ad illud processerit tota Parochia, ob Missam Parochialem, quæ in ea celebranda sit, audiendam.

V°. Trina hæc promulgatio tribus

diebus Dominicis aut Festis continuis petagetur. Si autem, nullo interposito medio, tres sibi succedant dies Festi, non sunt illo triduo absolvendæ tres denuntiationes; sed inter primam & secundam, vel inter secundam & tertiam dies saltem unus intercedat necesse est.

Cum igitur præcepit Ecclesia in Concilio Tridentino collecta, ut *tribus continuis diebus festivis* Matrimonium quodcumque denuntiaretur, profectò mens ipsi non fuit ut *tribus immediatè* consequentibus diebus peragi deberent tres promulgationes. Etenim, pro sua sapientia, intellexit hac brevitate temporis eludi facile posse eos quibus occasio esset alicujus Impedimenti revelandi. Id verò eâ Lege provida mater. affequi voluit, ut non longo intervallo disjungerentur tres dies quibus ejusmodi proclamationes fierent; ne, conscii si qui forent alicujus Impedimenti, segniores ad revelandum accederent, vel *Banna* promulgata fuisse obliviscerentur.

Quòd si verò Matrimonium post sex menses ab ultima denuntiatione differatur; hæc est Diocesis Parisiensis Disciplina, ut trina denuntiatio iteretur, perinde ac si nulla omnino facta fuisset; nisi forte locum dilationi præberet litigium ex opposita intercessionè (1), aut nisi aliud Nobis seu Vicario nostro generali videatur.

(1) Opposition formée.

(q) *Conc. Trid. sup. Stat. D. Henr. de Gondy, Paris. Episc. an. 1608, n. 28, in Synodico, pag. 240. Rit. Paris. D.*

Joan. Franc. de Gondy, primi Paris. Archiep. an. 1654.
(r) *Ibid.*

In *Bannis* proclamandis, Partium contrahere cupientium exprimantur nomina, cognomina, conditio vel professio, patria & domicilium, tam *de Jure* quàm *de facto*; an *Minores*, an *Maiores* sint futuri conjuges. Per nomen, cognomen, conditionem vel professionem similiter designentur vivi seu defuncti parentes hæcæus inuuptorum, & viduarum viginti-quinque annis minorum. Viduorum cujusvis ætatis & Viduarum *Majorum* conditioni vel professioni addatur sola qualitas *vidui* aut *vidue*; cum defunctæ uxoris vel mortui mariti nomine, cognomine, conditione vel professione: nulla patris aut matris fiat mentio.

Viduæ quidem, etiam viginti-quinque annis majores, cum ad secundas nuptias convolare cupiunt, sub pœna excommunicationis tenentur parentum consensum obtinere, vel juridicè requirere: nec prius earum *Banna* promulganda sunt. Sed vidui, sive *Majores*, sive *Minores*, ad id præstandum nullâ Lege astringuntur. Attamen vehementer suadet debita genitoribus reverentia, ut geniti, etiam si sui juris per antecius conjugium facti fuerint, novas nuptias sine illorum consilio & assensu non contrahant (s): ad quod utique à Pastoribus, adhibito Religionis eloquio, inducendi sunt, priusquam fiat *Bannorum* proclamatio.

Id autem quibusvis in *Bannis* observent Pastores, ut innumquodque primum esse aut secundum, vel tertium admoneant. Si Partibus unum vel duo *Banna* relaxata fue-

rint, vel Partes eam Dispensationem sibi esse concedendam sperent; in prima vel secunda proclamatione declarabitur eam fore ultimanam, eò quòd Partes Dispensationem in residua vel residuis consecutæ sint, vel consecuturæ. Sic videlicet, quibus notum erit aliquod Impedimentum, faciliè intelligent quodnam intrâ tempus revelare debeant; nec propter Ecclesiæ indulgentiam frustrabitur ejus intentio.

Cùm, ex legitima Dispensatione, duæ tantum hent proclamationes, inter ipsas dies saltem unus interponatur. Quòd si duas proclamationes omitti concessum fuerit, *Bannum* unicum die Dominicâ proclametur; nec Sponsus, eo in Casu, Benedictionem Nuptialem, inconsulto Diocesano Præsule, concedat Parochus, nisi duobus saltem diebus post unici *Banni* proclamationem elapsis. Semper autem ante Sponsalia fiant Matrimonii denuntiationes, & Sponsalia denuntiationibus nunquam præmittantur: neque enim eos aliquo inter se nexu colligari decet, inter quos minime certum sit nullum intercedere Impedimentum; ad quod nempe detegendum institutæ fuerunt ejusmodi denuntiationes.

Qui autem Matrimonii vinculo inter se jungi cupientes, sub eodem recto habitant, ii, monente Parcho, à se invicem discedant, statim atque conscripta fuerit conjugii pactio, & antequàm fiat prima *Bannorum* proclamatio. Sic nempe suo pudori certius consulunt; sic malignas hominum obloquutiones vita-

(s) Conférences de Paris sur le Mariage, tom. 2.

bunt; sic denique illæsa permanebit suscipiendi Sacramenti reverentia.

Potè ab Ecclesiæ intentione prorsus alienum est, quemquam ex *Bannorum* proclamatione diffamari. Qui ergo non legitime nati sunt, eorum ortus prematur silentio charitatis. Nec parentum nomina recitentur; nec omnino exprimatnr eos ex parentibus ignotis originem duxisse. Satis sit illos per ea nomina & cognomina designari, sub quibus vulgò noscuntur; per vitæ institutum, & per domicilium.

QUONIAM verò *Bannorum* proclamationes ad hoc præsertim institutæ fuerunt, ut Impedimenta Matrimonii, si qua laterent, detegerentur; docentibus Pastoribus, id intelligant Fideles populi, quibus sanctionibus præcepit utraque Potestas *Banna* proclamari, iisdem similiter quemque ad Impedimentum quod noverit, sive *dirimens*, sive etiam *prohibens*, vel Parocho, vel Ordinario revelandum obstringi: quod quidem sub pœna Excommunicationis injungit Diœcesana Disciplina; de quo monendi sunt astantes, quotiescumque denunciatur unum vel plura Matrimonia; hoc insupèr observato, sub eadem pœna vetari ne quis falsa Impedimenta in medium afferat, ullumve obicem conjugio maliciôsè & sine causâ opponat (1). Nullus autem, nisi graviter læsâ conscientia, ejusmodi revelationem omittre potest; sine qua

Matrimonium vel in irritum contraheretur, vel non licitè contractum aliquatenus profanaretur; idèoque Matrimonii usus, ut plurimum, utrobique foret criminofus; ex qua denique pendet animarum salus, & familiarum tranquillitas. Cui Legi ab omnibus obtemperari tam necessarium est, ut eâ immunis esse nemo possit; nec ipsi consanguinitate, affinitate vel amicitia conjunctissimi; nec adventitii, qui alienâ in Parochiâ vel Diœcesi proclamationes audiunt (2); Episcopus enim non tam suo quàm Ecclesiæ nomine revelationem præcipit: nec verò propinqui vel amici, ratione solius propinquitatis vel amicitie; quin potius id officium in ipsos duplici hoc nomine ac titulo strictius incumbit, ut à personis sibi dilectis mala propulsent ingentia, quæ ex conubus non legitimis oriuntur. Et certè Sponforum consanguinei vel amici, quibus Impedimentum sub naturalis secreti lege non fuit commissum (licet in Monitorii interdum sint à revelando immunes), nequaquam in Matrimonii Impedimentis à revelationis onere eximuntur.

Cùm igitur finis *Bannorum* sit revelatio Impedimentorum, Fideles verò, denunciatis Matrimoniis, eorum Impedimenta, si qua sint, revelare Pastoribus non possunt, nisi de Impedimentis, quantum necesse fuerit, prius edocti sint; permultum interest ut Parochi aliquoties per annum Impedimenta Matrimo-

(1) Rit. Parif. an. 1614, an. 1697 & an. 1777. Stat. Syn. D. Franc. de Harlay, Parif. Archiep. an. 1674.

(2) Ibid. Clem. III, Decret. l. 4. tit. 18. c. 3. & tit. 1, c. 27. & tit. 18. c. 6.

nium dirimentia publicè exponant; præsertim Dominicâ primâ post Epiphaniam, Dominicâ secundâ post Pascha, & semel intrâ mensem Septembrem. Inter cætera verò Impedimenta quædam feligi oportet revelationi magis obnoxia: qualia imprimis sunt *Cognatio & Affinitas*.

JAM verò sunt quædam causæ satis urgentes, ut à revelando excusare censeantur. Postulat enim naturalis æquitas, ut qui non sine graviore vel pari suo aliorumve detrimento malum proximi avertere potest, ad illud avertendum minimè reneatur. Hinc revelationem non debent, 1°. Confessarii: 2°. Qui Impedimentum nòrunt, vel quia postulatum fuit ab ipsis de eo consilium, quales sunt Parochi, Doctores, Advocati, quin & amici in intimis habiti, quibus nihil arcani est; vel ratione professionis, ut Medici, Chirurgi, Obstetrices. Nisi enim isti omnes commissa inviolabili regant silentio, jam nemo erit quem in arduis ac dubiis interrogare, vel in necessitate auxiliatorem adhibere turò liceat. 3°. Qui sine propria infamia, seu gravi alio quocumque damno Impedimentum detegere non possunt: ut marer aut soror, quæ cum filie aut sororis suæ proco (1) deliquit; ancilla quæ dominæ suæ crimen adjuvit: ipse villicus, cui à domino suo, si eum prodiderit, mors imminet, vel durissima tractatio, vel gravis jactura, &c. In dubio, nihil prudenter fieri poterit, quàm si consularur sapiens Confessarius, quandoque etiam Diocesanus Pontifex, aut secularis Judex notæ probitatis. Idem obser-

vandum erit famulis; ne, vel temerariâ revelatione familias perturbent, vel commentitiæ perturbatio- nis metu, Ecclesiæ & Principis Legibus desint. Et si verò fidem non facit, testis unius revelatio, ad hoc tamen utilis esse potest, ut res diligentius examinetur; ut Patres, vel Pars alterutra, benignè moneantur; ut demùm, si sit dubio locus, Dispen- satio ab Ordinario impetretur.

Porrò si ex natura sua publicum sit Impedimentum, ut *Cognatio*, *Affinitas*, &c. vel publicum evadere quoquomodò possit; illud Partibus aut earum consanguineis erit detegendum. Quòd si Partes neque à Matrimonii proposito deterri, neque Dispensationem obtinere curent; res ad Parochum deferenda erit, quin etiam aliquandò ad Ordinarium loci Anstitem, si Matrimonio, contrà quàm debet, (quod absit) faveat Parochus. Si verò occultum sit Impedimentum; satius quidem foret ut secretò admoneretur Pars Impedimenti conscia, ne ad conjugium sine Dispensatione progrediretur: sed quia sæpè sit ut monita ejusmodi, ad minimum, nihil proficiant, rectè conveniendus plerumque est Parochus, eique deregenda rei veritas; ut potissimâ quacumque viâ malo inveniunt pridenter occurrat. Nulla autem via potior esse præsumitur, quàm si, cùm Sponsos in omnes partes incassum versaverit, ad Diocesanium Pontificem confugiat, ejus mandata susceperit.

QUEMADMODUM autem sub pœnâ Excommunicationis præcipitur illa revelatio, vel in ipso Sponsalium

(1) Celui qui recherche une fille en mariage.

proximè; sc., ut in conjugiorum promulgatione admonendum esse paulò antè diximus, proposità eadem pœnâ vetat meritò hac in parte severa Ecclesiæ charitas, ne quis ex animi improbitate & sine legitima causâ *Bannorum* proclamationi se interponat, fictum denuntiet Impedimentum, vel Matrimonii celebrationem qualibet iniquitate impediât, vel remoretur. Hic nempe graviter contra justitiam peccaret; ideòque detrimento cujus causâ fuisset, refarciendo, vel autè Judicis Sententiam, teneretur.

Caveant ipsimet Parochi ne odio vel negligentia, vel nimia in quamquam benevolentia, Matrimonii denuntiationes omittant, plus æquo differant, non intelligibili voce immurmurent, aut præcipiti celeritate devolvant. Partium contrahere cupientium, patrum quoque & matrum nomina, cognomina, conditionem seu professionem ac domicilium clarâ & distinctâ voce pronuntient, si præsertim facilem errorem ingerat aliqua nominum similitudo: alioqui, *Banna* promulgando, nihil promulgant; & sequuntur quasi omisse promulgationis incommoda gravissima.

Usi adversus Matrimonium contrahendum aut *Banna* promulganda per viam intercessionis (1) obex opponitur; curare primò debet Parochus, ut intercessio non verbis tantum, sed & scripto instrumento sibi juridicè denuntietur. Quod scilicet instrumentum ab ipso intercessore (2), vel, si scribere nesciat, à duobus

testibus rei fidem pro illo facientibus, subscriptum, Apparitoris (3) ministerio in forma consueta Pastori denuntietur necesse est, hoc insuper in formula intercessionis (4) expresso, quòd subscribere nesciat, si, ritè interpellatus, id nescire se affirmaverit. Nempe à supremo Senatu Parisiensi constitutum est (x), intercessionem in Matrimonii *Bannorumque* causis, intercessorum chirographo muniri oportere. Et meritò quidem; seclusâ enim tali cautione, penès malevolum quemque esset ut Matrimonium sine ulla causâ impedirer, aut saltem moraretur; nec certò constaret de intercessionis auctore, contra quem futuris conjugibus esset agendum: undè eveniret ut contra ipsum Parochum juridicè agere cogèntur. Et certè, si intercessor coram Judice interpellatus, obicem à se oppositum fuisse negaret, Parochus id per testes, ad summum, probare posset: quòd tamen probationis genus hoc in negotio admissum iri non constaret.

Ab hac autem regulâ excipienda est intercessio, quâ parentes, tutores & curatores, liberorum aut pupillorum Matrimonio solâ voce nulloque scripto instrumento obstitunt: debet enim Patochus rationem habere hujusmodi intercessionis, neque ultra procedere, cum, ex antea dictis (y), talium Matrimonio interesse aut benedicere non antè debeat, quàm sibi de parentum vel tutorum assensu constiterit. Hinc à supremo Senatu Parisiensi rescissum est (z) conjugium filii-familias, cui

(1) Par voie d'opposition.

(2) L'opposant.

(3) Huissier.

(4) Opposition.

(x) Anno 1691. (y) Div. III, cap. 5. (z) Anno suprà notato.

se mater, verbo duntaxat, nulloque scripto significato, interposuerat.

II°. Postquam intercessoris chirographo munita intercessio, juridicè fuerit Parocho significata, Parochus de illa moneat Patres contrahere cupientes, ipsisque intercessionis exemplum (1) concedat, si postulent, ut possint jus suum coram Judice persequi; archetypum (2) verò penes se retineat, nisi hujus accepti chirographum (3) derat. Tum ipse potest quidem, imò, si postularum fuerit, debet scripto instrumento testari factam fuisse *Banni* unius vel plurium proclamationem, si qua reipsa facta fuerit. Quin etiam licet jam super eo negotio mota, aut lata Sententiâ, aut ab hac subinde interjectâ appellatione, istorum quoque in instrumento testimoniali mentio facienda est.

III°. Pastori, ut modò dictum est, factâ & significatâ intercessione, is non debet ulteriùs progredi, quantumlibet frivola, vana, aut malevolo animo confecta hæc illi videatur; sed à quibuscumque aut ulterioribus *Bannorum* proclamationibus, à Sponsalibus atque à Matrimonio celebrando supersedere illum oportet; siquidem, subsistente intercessione, suspenditur ejus hac in parte ministerium, nec in hujusmodi re judicem se constituere potest.

IV°. Quòd si Parocho exhibeatur intercessionis instrumentum, scriptum quidem, sed non juridicè significatum, sub ignoto nomine confectum, penitus informe, cau-

samque omninò & evidenter futilem in medium adducens; Parochus nullam talis intercessionis rationem habere potest. Si tamen aliqua mentem remordeat anxietas vel dubitatio, quantumlibet abnormis videatur intercessio, res ad Nos seu ad nostrum Officiale aut Vicarium - generalem deferatur; satius enim est Parochum eâ in re abundantius cavere, quàm committere ut aliquid temerè cum suo periculo dehinciat. Notandum verò est, intercessionis instrumentum non idcirco informe habendum esse, quòd in ipso deficiat aliquid ad *formulas* pertinentes (4), si v. g. in Partium nomine sit erratum; nec idèò rejiciendam Appellationem à Judicis Sententiâ, si qua, ut inferius dicetur, lite mota, intervenerit.

V°. Si intercessio formam legitimam præ se ferens & Parocho juridicè significata, nondùm sit ad forum contentiosum deducta, lisque mota nulla fuerit; Parocho, ut progrediatur ulteriùs, necessaria est & sufficit simplex ab intercessione discessio (5): oportet autem ut scripto consignata, atque intercessoris chirographo munita exhibeatur.

VI°. Si intercessio jam fuerit ad forum contentiosum deducta; Parocho, ut procedat ulteriùs, non sufficit simplex ab intercessione discessio, sed expectanda est Judicis Sententia intercessionem perimens, & quidem ipsi Parocho juridicè significata (a); quia interim accedere potuit ut appellatio ab ejusmodi

(1) Une copie de l'opposition.

(2) L'original.
(3) Un récépissé.

(4) Quelques formalités.

(5) Désistement, ou main levée de l'opposition.

(a) Cap. Cum inhibitis, de clandest. despons.

Sententiâ ad superius Tribunal interjecta fuerit.

VII^o. Quamvis Sententia intercessionem petimens, Parocho juridicè significata fuerit; si tamen pariter illi denuntietur appellatio à tali Sententiâ interjecta, ipse ulterius progredi non potest. Nam ad superius Tribunal interjecta appellatio à Sententia intercessionem petimente, hujus vim & efficaciam suspendit, adedque & Parochi ministerium circa Matrimonii denuntiationem aut ejus Benedictionem.

VIII^o. Si, Parocho significatâ Sententiâ intercessionem petimente, illi pariter significata non fuerit appellatio ab eadem Sententiâ; eo in Casu multâ indefinitè pronuntiant ipsum continud posse ulterius progredi, si præsertim frivola tantum impendat appellatio. Fatendum tamen est id non satis tutum videri. Quam enim frivola judicaret Parochus, ea fortasse talis non esset; cum quotidiana experientiâ constet, appellantem qui causâ cecidit coram Officiali Diœcesano, vincere coram Metropolitano; imò etiam, qui ab utroque dejectus fuerat, vincere apud Causæ-cognitorem (1) à summo Pontifice delegatum. Antequàm igitur in præfatis circumstantiis ad Matrimonium celebrandum procedat Parochus, aliquam moram, qualem pro re nata suaserit prudens æstimatio, ei prudenter interponenda est.

IX^o. Si ad superius Tribunal interjecta non fuerit appellatio, sed intercessio duntaxat facta fuerit adversus Sententiam perimentem, quâ præcipiatur ut, nihil obstante appellatione vel intercessione jam factâ, executioni mandetur talis Sententia;

in hujusmodi Casu, curandum Pastori est, si sibi tuta esse velit omnia, ut sibi ipsi tradatur Sententiæ perimentis exemplar legitimâ forma instructum; quo posito, ad ulteriorem quidem *Bannorum* proclamationem, non tamen ad Matrimonii celebrationem progredi poterit, quoadusque secunda illa intercessio in irritum missa fuerit.

Quod si, seclusâ intercessione; fiat alicujus Impedimenti revelatio; à revelante pariter exigendum est ut suam revelationem tradat scripto consignatam, suoque & duorum (si fieri possit) testium chirographo roboratam, luculenter expolis luepimenti probationibus. Quod si denuntiator id præstare nolit; quamvis ejus revelatio nullius chirographum exhibeat, imò etiam verbo tenus fiat, Pastor nihilominus Impedimenti naturam, indolentem revelantis, indicia & argumenta quæ afferuntur, expendet, reique veritatem quàm diligentissimè investigabit. Quod si ratio veri Impedimenti constare Parocho videatur, ab ulteriore *Bannorum* proclamatione supersedebit. Si, è contrario, furile Impedimentum futillique argumenta, ipsamque revelantis improbitatem evidenter agnoscat; non obstat ejusmodi revelatio quin ulterius progrediatur. In dubio, ad Nos causa referatur; ac pendeant omnia interrupta, quoadusque rescriptum à Nobis sive aliâ responsum fuerit.

Si Impedimentum famâ solâ perhibeatur, diligenter exploranda est ejus veritas; quæ si fundamentis gravibus aut verisimilibus nitatur, suspendi

(1) Commissaire.

suspendi debet ulterior *Bannorum* proclamatio ipsaque Matrimonii celebratio, quoadusque res ad Diocesana Antistitem aut ejus Vicarium-generalem delata fuerit. Quòd si nihil omninò fide dignum appareat, ad ulteriorem *Bannorum* proclamationem & Matrimonii celebrationem procedendum erit.

Si verò Impedimentum neque ex ullius revelatione, neque ex fama aut rumoribus Parocho innotuerit, ut potè quod noverit ipse solus, nec probare possit, Sponsis id pernegantibus; hos debet eà de re privatim admonere. Quòd si admoniti, Matrimonium nihilominus contrahere velint, nec ulla probandi Impedimenti spes affulgeat; Parochus non poterit Benedictionem nuptialem denegare, ne sit ipse testis & iudex: expedit tamen ut non antè Matrimonium celebret, quàm de hujusmodi Casu ad suum Episcopum retulerit.

PERACTIS, nullo reclamante, *Bannorum* promulgationibus, si extra Parochiam celebrandum sit Matrimonium, alteruter vel uterque Sponsus Testimonium illius promulgationis à proprio Parocho accipiat, quod quidem ante Sponsalia Pastori deferat qui sit nuptiis benedicturus; quippe qui sine illo Testimonio propriusque Pastoris licentiâ nuptiis benedicere non possit. Hæ autem Litteræ testimoniales non concedentur, nisi elapsis ab ultima promulgatione horis quatuor & vi-

ginti. Pastores in hujus Testimonii confessione illud sequuntur exemplar, quod sibi ad Partis Ritualis calcem occurrit. In eo scilicet futurorum conjugum simul & parentum nomina, cognomina, conditionem seu professionem, ac domicilium designabunt; quibusdam diebus Dominicis aut Festis singulæ proclamationes, nullo reclamante, factæ fuerint: an Partes sint *Majores* vel *Minores*; an supersint, an vivis exceßerint parentes; an utraque Pars, vel alterutra, sit in viduitate; an Partibus aliud sit domicilium, vel de *Jure* vel de *facto*; à quo tempore Partes in suis Parochiis habirent; an parentes adhuc superstites in alia Parochia domicilium habeant. Præterea testetur Parochus eam Parrem, cujus Matrimonium denuntiaverit, saltem ad sacrum Pœnitentiæ Tribunal accessisse. Quòd si reverà non accesserit, nullum de prædictis Testimonium concedat (b).

In his verò Testimoniis conscribendis meminerit Pastor hanc esse Ecclesiæ matri inrentionem, ut salvus sit honor cuique debitus. Omisso titulo, seu honorificâ appellatione, Pastor, vel superbiæ, vel rusticitaris acëusatur; mentes abalienantur, charitas læditur, in publicum ordinem peccatur. Videant etiam Parochi diligerent, ne quid in promulgationis Testimonio, in nominibus, qualitatibus, domicilio, aliisque, vel personas, vel res designantibus, inconsideratè addi-

(b) Rit. Parif. an. 1634; & an. 1777, pag. 351.

seu detrahi contingat; sed totum, prout denunciaverint, candidè sincerèque testentur; ne falsitatis argui ullomodo possint, neve concessæ Dispensationes obreptitiæ vel subreptitiæ fiant.

PASTORES autem nihil à pauperibus honorarii exigere poterunt,

sive propter *Bannorum* proclamationes, quocumque in loco factæ sint, ac Testimonia quæ de iis suppeditabunt; sive propter Sponsalia & Matrimonii celebrationem. Quod pertinet ad reliquos, eâ mercede contenti erunt, quæ sibi per Diocesis Constitutum aut morem laudabilem attribuitur.

CAPUT III.

DE Dispensationibus in *Bannorum* proclamatione.

QUIBUSDAM generaliter pramissis, causa Dispensationis in proclamatione Bannorum ad undecim capita revocatur. Præter causa veritatem, quid præterea requiratur. Causa non sufficientes. Præjudicata opinio, Fidelium animis evellenda. Testimonia Pastorum ad obtinendas hujus generis Dispensationes, quid continere debeant. Forma quædam observanda. Quædam notanda.

PUBLICA Matrimonii denuntiatio Juris tantum positivum est; unde in ipsa legitimam ob causam dispensatur: quod quidem sine ulla restrictione Ordinarii prudentia & judicio relinquit sancta Tridentina Synodus (a). Monentibus tamen Parochis, non temerè confidant Fideles secum in his fore dispensandum: sciantque Nos in tribus promulgationibus non dispensaturos, nisi urgeant causæ gravissimæ, vel potius vera necessitas; nec in duabus sine gravi causa; nec in una etiam,

sine causa probabili (b); nunquam autem nisi proprii Pastoris Litteris vel Testimonio probata causa fuerit; nunquam omnino in gratiam Minorum, qui sine parentum vel tutorum consensu Matrimonium inire intenderent. Et verò non semel in generalibus Cleri Gallicani Comitiis prohibita fuerunt trium *Bannorum* Dispensationes (c): & cum præterea Sanctio Blesensis nullam in *Bannis* Dispensationem admittat nisi post factam primam promulgationem, & hoc tantum ob urgentem

(a) *Seff.* 24. de Ref. Matrim. cap. 1.

(b) *Ibid.* cap. 5. C. 1. q. 7. c. 16.

(c) Annis præsertim 1579 & 1606.

& legitimam causam (d); huic Legi sapientissimè firmiter adhaerebimus, nisi aliud exigat Lex invictæ necessitatis : quo quidem in casu dispensandi jus & possessionem sibi vindicant Ecclesiæ Gallicanæ Præfules.

CAUSÆ autem Dispensationis in proclamatione Bannorum hæc sunt præcipuæ :

I°. Cùm aliter vitari scandalum non potest : si v. g. Partes Matrimonio jungendæ in concubinato vivant, licet pro conjugibus publicè habeantur ; aut si occultum detegatur Impedimentum dirimens inter eos qui olim publicè contraxerint.

II°. Cùm Partes pœnis concubinariorum à Judice afficiendæ sunt, nisi probaverint se legitimo esse connubio sociatas.

III°. Cùm ex Matrimonio cessaturum est peccatum, à quo difficilè abstinere concubinarij, interea dum fierent Matrimonij proclamationes.

IV°. Cùm Pars utraque, vel alterutra, ex trina Bannorum promulgatione ingens damnum perpessura est : imprimis autem cùm probabilis fuerit suspicio Matrimonium malitiosè impediri posse, si tot præcesserint denuntiationes (e).

V°. Cùm plurimus timendi locus est, ne Sponsorum alter ex ingenita levitate à proposito resiliat, vel à Matrimonio christianè & civiliter consentaneo alienà instigatione avertatur ; v. g. Sponsus ab ea ducenda, cujus famæ labem inussit, vel quam sibi pater sapiens, jam

moriturus, maturo consilio elegit : vel cùm periculum est, ne, altero Sponso propter Matrimonij dilationem propolium mutante, alter Sponsus optimi conjugij occasionem amittat.

VI°. Cùm necesse est publicam offensionem celeriter amputari, quod nisi maturato connubio fieri non possit.

VII°. Cùm desponsati, propter viciniam aut nimium amorem, sive aliter, incontinentiæ aut inferendi scandali periculo sunt obnoxii.

VIII°. Cùm ideò conficitur Matrimonium, ut duæ familiæ inter se reconciliantur, sive ut inter ipsas vetera litigia componantur ; quæ quidem gratiæ vel concordie reconciliatio possit in irritum cadere, nisi res quamprimum transigatur.

IX°. Cùm, propter Sponsorum viduitatem, vel ob nimiam ætatis, conditionis aut fortunæ disparitatem (si v. g. herus famulam uxorem ducat), eorum Banna ter promulgari non possunt, quin juvenum aut vicinorum dictis pateant, sicque gravi & injusto pudore suffundantur.

X°. Cùm tam proximè instat Quadragesima aut Adventus, ut sufficiens trinæ Bannorum promulgationi spatium non suppetat ; & cùm præterea Matrimonij celebratio non potest sine incommodo vel periculo post vetitum tempus differri.

XI°. Cùm urget tempus irineris, quod, sive Sponsus, sive ge-

(d) Ordoon. de Blois. art. 40. (e) Conc. Trid. sup. cap. 1.

nere proximus, maxime verò pater, non possit quin continuò suscipiat.

Uno verbo, quoties imminet periculum scandali, aut gravis detrimenti in fortunæ, famæ, animi vel corporis bonis.

Non solùm verò necesse est ut veræ sint causæ prædictæ: requiritur insuper ut certum sit, nihil incommodi esse metuendum ex omiſſa unius vel duorum *Bannorum* proclamatione; Partesque in ea ætate, habilitate ac libertate esse, quæ, tum sanctis Canonibus, tum Civilibus Constitutis præcipiuntur; ac demùm, deficiente unius vel duorum *Bannorum* proclamatione, nihil emergere omninò posse quod cuiquam noceat.

Præterea, monentibus Parochis, intelligant cujusvis conditionis Fideles nullam à Nobis rationem habitum iti, neque vicinioris Adventus aut Quadragesimæ, nisi evidenter Nobis innotescat non fuisse expectatam de industria extremam illam temporis angustiam, morasque ingenti detrimento fote Partibus quatum interſit; neque vanitatis illius, quâ Dispensationem ejusmodi non postularer aliquis, nisi ut se à vulgo secerneret; neque delicatioris animi, per quem alii sua in Ecclesiis non ferrent nomina proclamari. Absit ut quisquam ad postulandam cujusvis generis Dispensationem emptor potius accedat quàm supplex: quasi Dispensationes pretio vendat Ecclesia; quasi

Legis observatio ad solos egenos pertineat, & Legis laxamentum, nummo sonante, distissimo cuique in promptu esse debeat. Præjudicatum hujusmodi opinionem, quantum in se fuerit, ex Fidelium animis evellant Parochi, ut potè qui nobiscum sint, pro sua quisque parte, Canonum assertores. Dispensatio sine causa, non tam Dispensatio est, quàm temeraria Legum instactio. Hæc sententia, tanquàm invicti roboris propugnaculum, superbis Dispensationum postulatoribus opponatur.

Quin etiam nullæ concedentur *Bannorum* Dispensationes, nisi Pastores scripto Testimonio confirmant, se in unius vel duorum proclamatione præmonuisse hanc esse Partium intentionem, ut in residuo vel residuis Dispensationem obtineant. Quod quidem Testimonium non suppeditabunt, nisi elapsis ab ultima vel unica promulgatione horis quatuor & viginti. In illo insuper enuntiabunt, neminem Matrimonio teclamasse, & se ipsos nullius neque Civilis neque Canonici Impedimenti esse cōscios.

Hæ Dispensationes, ubi locus est earum concessioni, à Diocæsano Antistite, seu ejus Vicario generali subscriptæ esse debent, atque etiam Antistitis sigillo munitæ; tum verò in publicas Actuum Ecclesiasticorum Tabulas referendæ sunt (1) intra mensem quo datæ fuerint, & ante Matrimonii celebrationem (2). Quod quidem ii præsertim admonentur, qui Dispensationes illas

(1) Insinuéés
au Greffe des In-
sinuations Ecclési-
astiques.

(2) Déclar. de 1691.

obtinent ut extra Diocesim Matrimonium ineant; cum enim Partes ex duabus sunt Diocesibus, necesse est ut ambo Episcopi cum suo quisque Diocesano dispensent (g).

Parochus autem qui Matrimonium celebraturus est, Dispensationem penes se retineat, ejusque mentionem faciat in Actis Matrimonii; diemque exprimat ipsius tum concessæ, tum in Acta publica relatæ.

Quæ hætenus de *Bannis* Matrimonii, & Canonum, & Civilis Potestatis auctoritate salubriter sancita fuisse diximus, ea nullam ad-

mittunt exceptionem, sive immunirarem; ita ut Parochi ex Melitenfium Equitum Ordine, membra Communitarum Regularium, vel si qui alii ad nullam Diocesim pertinere se contendant, nullum possint Matrimonium celebrare nisi *Bannis* ritè promulgatis, vel Dispensatione promulgationis à Diocesano Præsule, seu ipsius (aut Capitulì Cathedralis, Sede vacante) Vicario generali impetratâ. Nec magis possunt alienos Parochianos Matrimonio conjungere, nisi de Episcoposum vel Parochorum licentiâ (h):

(g) Conc. Aquef. an. 1585, à Sixto V approbat.

(h) Statutum Cleri Gall. an. 1625, con-

firmatum ann. 1635 & 1645. art. 22. Vide Libros Memorial. Cleri Gall. tom. 6. pag. 131.



DIVISIO VI.

IN hac Divisione differetur, 1°. De Sponsalibus: 2°. De tempore & loco celebrandi Matrimonii: 3°. De Ceremoniis in Matrimonii celebratione usitatis: 4°. De legitimatione prolis ante Matrimonium susceptæ. 5°. De Matrimoniis in Parochiarum Acta referendis.

CAPUT PRIMUM.

DE Sponsalibus.

QUID sint Sponsalia. Ea duplicis generis distinguuntur. Sponsalia ut valida sint, quinque conditiones requirunt. Sponsalia sub conditione. Sponsalia sub delicto gravi obligant. Sponsalium dissolutionis causæ decem. Ad quem pertineat de Sponsalium vinculo juridicè pronuntiare. Sponsalia ubi & à quo celebranda. Sponsalia vagorum. Quovis tempore celebrantur Sponsalia. Temporis intervallum inter Sponsalia & Matrimonium. Testes Sponsalibus adhibendi. Sponsalia decenter celebranda. Exhortatio ad Sponsos habenda. Quidnam ii prudenter admonendi. Proxima horum dispositiones ad Matrimonium.

SPONSALIA à spondendo sic dicta, sunt Futuri Matrimonii promissio inter personas Jure habiles, verbis, aliisve signis idoneis declarata (a). Duplicis autem generis ætate nostrâ distinguuntur. Alia celebrantur in facie Ecclesiæ, coram Parocho, vel alio Sacerdote legitimè delegato, solemnes interrogationum formulas

adhibente, mutuumque Sponsorum promissionem excipiente ac benedicente: alia, sine Pastoris aut Sacerdotis ministerio, in privatis ædibus sunt, nihilque aliud sunt præter mutuum conjugii aliquando ineundi pactionem. Illa Ecclesiastica sunt, hæc Civilia duntaxat. De Sponsalibus Ecclesiasticis

(a) Greg. IX. Gemma, de Sponsalib.

hic agitur, quæ nempe, juxta veterem hujus Ecclesiæ consuetudinem, Matrimonio præmitti debent.

Sponsalibus Ecclesiasticis longe antiquiora sunt Civilia. De his agitur in Jure Canonico & Civili, Græco & Romano. Et quidem ea cuiusvis conjugio præeant necesse est. Enimverò (ut nunc fieri solet, semperque ab omni retrò memoriâ fuit observarum) inter futuros conjuges, vel eorum patres seu tutores, de connubiali Contractu prius conventum fuisse oportet, quàm ipsius vinculo inter se jungantur, qui eo jungendos se intendunt. Sic in antiquissimis *Isaac cum Rebecca* (b), & *Jacob cum filiabus Laban* conjugis (c), prius de futuri Matrimonii conditionibus actum est, quàm illud reipsâ celebratum fuerit.

Sponsalia Ecclesiastica recepta sunt apud Græcos; locum etiam habent in pluribus Occidentis, præsertim verò Galliarum Ecclesiis (d); & jam saltem à duodecimo sæculo Patrisiis (e).

Porro ut valeant Sponsalia, conscientiamque obstringant, plures sunt conditiones necessariae.

Prima est, ut, qui illa contrahiturus est, Jure habilis sit; ad quod scilicet duo requiruntur: primò à quocumque Matrimonii Impedimento, tum *dirimente*, tum *prohibente*, immunitas, quâ nempe

efficiatur ut validè licitèque contrahi possit Matrimonium eo tempore, quo contrahendum promittitur: aliòquin versarentur Sponsalia circa rem impossibilem aut illicitam, idèdque Jure naturali essent prorsus irrita, cum utique impossibilem aut illicitam rei sponsione obligare se nemo possit.

Hinc 1º. inter eos validè iniiri nequeunt Sponsalia, qui perpetuo Juris sive naturalis, sive Ecclesiastici ligantur Impedimento, quod per Dispensationem relaxari non possit, vel non soleat; qualis est *Impotentia perpetua & absoluta, Consanguinitas in primo Gradu*.

Hinc 2º. etiam cum Impedimento contracta valent Sponsalia, quibus promittitur Matrimonium eo tempore celebrandum, quo cessaturum est Impedimentum; sive temporarium illud sit, quod videlicet temporis lapsu desinit, ut *impuberum ætas*, ut *Votum simplex castitatis ad tempus determinatum*, ad *sex v. g. mensium intervallum*; sive perpetuum sit Impedimentum, sed dispensabile, modò sponsalis promissio sub Dispensationis obtinendæ conditione facta fuerit.

Præterea, ut Jure habilis consensatur qui Sponsalia contrahit, requiritur ut septimum ætatis annum expleverit, eò quod rarò ante istam ætatem sufficiens adit cognitio ac deliberatio. Hæc verò statim atque post elapsum septennium advenit,

(b) Gen. 24.

(c) Gen. 29.

(d) Van-Esp. Jus Eccl. univ. part. 1. sed. 1. tit. 12. n. 4. In Turonia verò, in Occitania (en Languedoc), in Italia, &c.

Sponsalibus Ecclesiasticis nullus est locus.

(e) Stat. D. Odonis de Solly, Paris. Episc. c. an. 1198, Syn. 2. Capitul. circa Matrim. in Synodico, pag. 7.

Sponsalia, etiam ante pubertatem, Jure Canonico valida sunt, nisi quidquam aliud obstat.

Ceterum duo hic sedulo animadvertenda sunt. 1°. *Ætate* minores, sive impuberes, sive puberes, sine parentum, vel tutorum & curatorum consensu, ad inenda Sponsalia non sunt admittendi (f); nec pueri septennales, si pupilli sint, nisi Parochus à tutoribus exhibeatur in forma legitima consensus agnatorum (1) & cognatorum (2), simulque affinium, vel, iis deficientibus, Regii Judicis Decretum.

2°. Quamvis, expleto septennio, iniri valide possint Sponsalia, ratissime tamen expedit ut teneat illa ætate ineantur. Quinimò Parochi ordinariè non debent iis Sponsalibus assistere, quæ, nisi elapso diuturno tempore, non sint adimplenda; ex iis enim plurima gravissimaque nasci solent incommoda & morum corruptela.

Secunda conditio ad Sponsalium validitatem requisita, hæc est, ut Sponsalia sint deliberata, id est, cum rationis advertentiæ & libertate ad peccatum lethale sufficienti contracta. Talem utique libertatem exposcunt Sponsalia, ut potè quæ ad fidem exolvendam sub lethali culpa reatu obstringunt. Hinc Sponsalia valide contrahere nequeunt, 1°. Qui rationis usu carent, ut phrenetici, amentes, ebrii; quamdiù in eo statu versantur; ac generaliter ii omnes qui Sponsalium na-

turam, vim & obligationem percipere non possunt: 2°. Qui contrahunt ex metu vel errore quibus irritum efficitur Matrimonium (g). Quæ de re dictum est ubi de Matrimonii Impedimentis.

Tertia conditio est, ut Sponsalia mutua sint, reciproca, & ex utraque parte accepta (h). Imò Sponsalis Contractus, cum *synallagmaticus* sit, seu utriusque obligationem pariens, non modò utriusque Sponsi acceptionem, sed & mutuum ineundi conjugii promissionem postulat: undè Sponsalia in Jure dicuntur *repromisso*, id est, mutua & reciproca promissio.

Quarta conditio est, ut Sponsalia verbis, aliisve signis futurum conjugium apertè ac distinctè significantiis declarantur: alioqui promissio sponsalis mutuo data & accepta esse non posset (i). Illa autem declaratio, quantum ad Sponsalium validitatem pertinet, etiam inter absentes potest exhiberi, idque per nuntium vel procuratorem designatum, aut per litteras, quibus facta intelligatur Matrimonii promissio.

Quinta demum conditio est, ut Sponsalia cætas inter ac determinatas personas contrahantur. Nam, sicut ipsam Matrimonium, ita & Sponsalia, quæ sunt Matrimonii inchoatio, certas determinatasque personas exposcunt. Hinc Sponsalia valide non contraherentur, qui ex tribus sororibus, etiam acceptanti-

(1) Pareus du côté du pere.

(2) Pareus du côté de la mere.

(f) Cap. Litteras, & Cap. Accessit, extra, de respons. impub. Stat. Syn. D. Odonis de Sully, sup.

(g) Cap. Gemma.

(h) Ibid.

(i) Ibid.

bus,

bus, unam indefinitè se ducturum esse uxorem promitteret.

Cæterum modò recensitis Sponsalium conditionibus lucem haud modicam afferre poterunt ea quæ de Matrimonii Impedimentis jam suprà exposuimus.

FUTURÆ Matrimonii promissio sub conditione honesta & possibili, simplex sit & absoluta, conscientiamque obligat, impietati conditione, cujus videlicet expectandus est eventus: contrà verò, deficiente conditionis executione, Jure ipso resolvitur ejusmodi promissio. Quin etiam obligat futuri Matrimonii promissio vel sub conditione inhonesta & turpi (modò tamen coniugalibus contractibus substantiæ, v. g. fidei conjugali aut sobolis procreationi non adversetur); qua tunc non apposita censetur.

Ex illa autem promissione triplex oritur effectus: primus naturalis, scilicet obligatio (si nihil aliundè obstat) Matrimonii suo tempore contrahendi; alter Canonicus, quod est *publica Honestatis* impedimentum dirimens; tertius pariter Canonicus, quod est *Sponsalium* impedimentum prohibens.

Quod ad primum effectum pertinet, Matrimonii contrahendi obligatio, cum sit in materia gravi, non sine gravi delicto violari potest, nisi mutuo consensu rescindatur, vel nisi causa interveniat legitima (k).

Sponsalia nempe varias ob causas jultè dissolvi posse, ita ut ad nuptias contrahendas non obstringant, res est Jure Canonico certissima.

ITAQUE 1^o. Huic datur dissolutio-
ni locus, si supervenerit inter Spon-
sos Impedimentum dirimens (l).
Ratio est, quia cum tali Impedi-
mento, nec licitè, nec validè con-
trahi potest Matrimonium.

II^o. Si priùs extiterit, sed ignota, vel improvisa supervenerit in alter-
utra Parte notabilis rerum mutatio,
quæ si ab initio nota fuisset aut præ-
visa, prudentem ejusdem conditio-
nis hominem à Sponsalibus ineun-
dis deterruisset. Ratio nempe est,
quia sponsalis promissio sub hac
tacitè conditione facta intelligitur,
Si res in eodem statu permancant,
adeoque nec ab initio extiterit, nec
deindè superveniat causa, quæ si
nota fuisset aut prævisa, à Spon-
sali-
bus ineundis deterruisset. Nec verò
est quòd dicatur: indè secuturum
esse omnia Sponsalia fore conditio-
nata, nullumque omninò Impe-
diumentum unquam paritura. Con-
ditio enim de qua hic agitur, Con-
tractus validitatem & obligationem
non suspendit; sed ex ea solum-
modò jus præbetur illius, eveniente
sufficienti causâ, rescindendi. Mi-
nimè igitur efficit præfata condi-
tio ut Sponsalium vis in incerto
relinquatur, sed ut Sponsalia res-
cindi possint; adeoque nec *Honestatis*

(k) Conc. Elib. can. 14. Innoç. III, l. 4. tit. 1. c. 2. Cap. Præterea, de Spon-
sali-
bus. S. Thom. in. 4. dist. 27. q. 2. a. 1.
& in suppl. q. 43. 2. 1. ad 2.

Tomus II.

(l) Inn. III, cap. Fraternitati. Cap. Ex
Litteris. Cap. Super eo, de consanguinit.
& aff. S. Thom. sup. 2. 1.

publica nec Sponsalium Impedimentum tollit.

Notabilis porro mutatio quæ justam præbeat Sponsalia dissolvendi causam, habere locum potest in animi, corporis, fortunæ tamque bonis (*m*).

Ac primò quidem *in animi bonis*: v. g. propter hæresim, apostasiam, scortatum, ebriositatem, immoderatam aleam, morum sævitiam aut asperitatem, graves inimicitias inter Sponsum utrumque vel eorum parentes post Sponsalia subortas, & quæ vix ac ne vix quidem sedari possint: aut aliud ejusmodi, undè infelix conjugii exitus jure ac merito timeatur. Pariter, si deprehendatur aut rumore publico disseminatum accipitur, vel Sponsum cum prostibulis vitam ducere, vel Sponsam, quæ virgo putabatur, bonisque & honestis moribus prædita, pravis atque inhonestis contaminatam esse, aut fuisse corruptam.

2°. *In bonis corporis*: scilicet ob gravem morbum, sive insanabilem, sive etiam sanabilem, sed vel contagiosum, ut lepram, luem veneream; vel saltem diuturnum, ut epilepsim, paralytim, hydropsim, graveolentiam quæ arre medica depelli nequeat: similiter obæcitatem, surditatem notabilem; nasi, aut alterius membri jacturam, conspiciamve (in sponsa præsertim) corporis aut vultus deformitatem.

3°. *In fortuna bonis*; propter inopiam videlicet, magnumve possessionum detrimentum, promissæ do-

tis defectum, exheredationem, aut graveum illius metum.

4°. Denique, *in bonis fama*; scilicet propter *Juris* aut *facti* infamiam ex facinore perpetrato exortam: si v. g. flagitium, & sibi, & familiæ probrosum admiserit Sponsus alteruter, sive post inita, sive etiam ante inita Sponsalia, cum nempe hætenus ignotum scelus, post obligatam fidem in vulgi cognitionem erupit.

Cæterum, in plerisque istiusmodi Casibus, Sponsalia non dirimuntur ex parte Sponsi qui notabilem aliquam passus est mutationem, sed tantum ex parte alterius: undè, si alterum absumibilem sui factum alter in conjugem velit accipere, standum erit promissis.

Ex dictis faciliè intelligitur, eum qui occulto vitio laborat, quo Matrimonium, si contrahatur, alteri invisum aut valde molestum fore noverit, teneri ad illud ei aperiendum; vel, si nolit, debere omnino à Sponsalibus ineundis, vel si inita jam fuerint, à celebrandis nuptiis abstinere. Idque imprimis eidem præcipie æquitas, si quid gravis detrimenti vel dedecoris nasciturum inde esse non ignoret: si v. g. Sponsorum alter eo morbo laboret, quo sit alter inficiendus; aut si Sponsa fuerit ab alio corrupta, jamque utero gravis, undè futurum sit ut maritus alienam progeniem alere cogatur; aut sicubi illa diffamata sit, quod cum fuerit in loco ineundi Matrimonii vulgatum, honestæ

(*m*) *Leo & Anthem. Cod. l. 1. tit. 1. le. 5. Cap. Quomodo, de jurejurando. Cap. Litteras, de conjugii leproso.*

Cap. De illis, de conditionibus. Conc. Elib. sup. Cod. Theod. l. 3. tit. 16. le. 1. S. Thom. sup.

Sponsi familiar sit nota turpitudinis inutenda. In his igitur aliisque id genus casibus, contra iustitiam peccaret, qui, occulto vitio affectus, à celebrandis nuptiis non abstineret.

- Imò, quamvis neque detrimentum, neque opprobrium indè oriturum esse novet, tamen à conjugio vel etiam à Sponsalibus abstinere tenetur, si prævideat vitium (et si pro tempore occultum) postea tamen detegendum esse, agerimè ab altero ferendum, atque idcirco dissidia, jurgia, graves inimicitias, magnaque hujus generis incommoda indè secutura. Hæc nempe sunt quæ Parochus vel conscientie moderator, sui officii ratione, majorem in modum suadere debet hujusmodi personis.

III°. Sponsalium dissolutioni locus datur, si subindè Sponsus alteruter Matrimonium cum alia persona validè contraxerit (n). Cum enim Matrimonium, etiam illicitè contractum, indissolubile sit, priùs editæ promissionis, impossibilem efficit executionem. Sed Pars quæ, sic inito conjugio, fidem obligantem violavit, non eà tamen omninò exolvitur: si quando fiat libera, nuptias cum persona cui primùm desponsata fuerat, de promisso appellata, contrahere tenebitur.

Eadem olim vis erat secundorum Sponsalium, subsecuto carnis opere. Scilicet, juxta veteris Juris Canonici dispositionem, Sponsalia in verum conjugium per secutam forni-

cationem transire censebantur (o); quæ quidem *Matrimonia rata & præsumpta* dicebantur. Id verò nostræ ætate jam prorsus obsoletum est, iis saltem in locis ubi promulgatum receptumque fuit Concilii Tridentini de clandestinis Matrimonii Decretum; eò quòd videlicet irritæ nulliusque roboris aut momenti sint conjunctiones omnes clandestinæ, quales meritò habentur quæ sine Pastoris ministerio Testiumque præsentia fiunt.

IV°. Dissolvuntur Sponsalia, si Sponsus alteruter solemniter Religionis Vota emisit (p). Et verò per professionem Religiosam dissolvitur ipsum Matrimonium raturum, sed non consummatum, cujus certè major est quàm Sponsalium obligatio. Ipsam enim habitus Regularis susceptio in Religione approbata, efficit ut Pars in seculo remanens liberrimè possit cui velit se Matrimonii nexu obligare; neque expectare tenetur donec alter Sponsus Religiosum ritocinium absolverit, Votaque solemniter nuncuparit. Quòd si verò Sponsalia per ipsum habitus Regularis susceptionem rescindantur ex parte illius qui in seculo remanet, non continuò ex parte illius qui Religionem ingressus est; hic enim, si non profiteatur, debet fidem obligatam petenti alteri servare.

Hic autem observandum est, quòd ei qui Sponsalia contraxit, Religionem ingredi non licet in

(n) S. Thom. sup. a. 1.

(o) Greg. IX, Decr. l. 4. tit. 1. c. 30. Alex. III, tit. 2. c. 1. Inn. III, tit. 5.

c. 6. Cap. Veniens, de Sponsalib.

(p) Cap. de Voto, in 6. cap. ult. Cap. Commissum.

fraudem, & cum gravi alterius Patris dettimento, quod nequeat nisi per conjugium resarciri, si v. g. Sponsa fuerit à Sponso corrupta cum ignominia & dedecore; tunc enim eam ducere uxorem tenebitur, ideòque Religionem ingredi non poterit.

V°. Rescinduntur Sponsalia, si Sponsus Ordinem sacrum suscepit (q). Parit enim Ordo sacer Matrimonii Impedimentum dirimens, illudque idcirco impossibile efficit; non autem obligat promissio, cujus executio impossibilis evadit.

Ordinibus verò Minoribus invitâ aut nesciâ Sponsâ susceptis dissolvuntur Sponsalia ex parte Sponsæ; tunc enim in Sponso supervenit mutatio notabilis, quæ, ex dictis, justam præbet resiliendi causam. Non tamen dissolvuntur ex parte Sponsi qui illos suscepit Ordines; tum quia id nullo Juris Decreto sancitum est; tum quia, Jure communi, stare possunt Ordines Minores cum ipso Matrimonio, & multò magis cum Sponsalibus.

Hic quoque observandum est, eum qui Sponsalia in facie Ecclesiæ contraxit, prout in hac Diœcesi contrahenda præscribuntur, licet non posse, sine libero Sponsæ consensu, Clericale institutum amplecti, si præsertim hæc indè sit grave detrimentum passura, quod solo Matrimonio resarciri possit, ut firmitè, cum, attempâ Sponsalium occasione, Sponsam corrupit, quæ præterea infamis facta fuerit.

VI°. Dissolvuntur Sponsalia, si

una Pars, cum peregrè, altera insalutâ, discesserit, post diuturnam absentiam nihil huic scripserit, vel nuntiari cutaverit (r). Si Sponsus, non prius habitâ Sponsæ approbatione, domicilium in aliam civitatem transtulerit, multò magis si commigraverit in regionem longinquam; fidem alteri obligare potest mulier, nisi speret illum brevi esse rediturum: tunc enim, vel expectandus est, vel ei præfigendum tempus, intra quod nisi redeat, Sponsæ libetum sit, ut sibi, vel per seipsam, vel (quod semper tutius est) per Judicem Ecclesiasticum provideat.

VII°. Dirimuntur Sponsalia, si promissionis executio ultra tempus ad Matrimonii celebrationem ex mutuo consensu præstitutum dilata fuerit. Quòd si una Pars, Sponsus præsertim, moram trahat longiorem; non erit à peccato immunis.

Sponsalia autem dissolvuntur ex parte illius per quem non steric quominus adimplerentur, quippè cui justam resiliendi causam præbuit is qui peregrè discessit, vel qui datam fidem exolvere ultra modum cunctatur. Qui enim hoc modo se gerit, juxta prudentium hominum judicium censetur Partem derelictam aspernari, & jure quod in illam habuit, cedere, ideòque resiliere. At verò nequamquam dissolvuntur Sponsalia ex parte illius qui moram traxit longiorem, vel qui in aliam regionem, invitâ aut nesciâ Parte alterâ, migravit. Culpæ enim quam istâ agendi ratione commisit, justam ei causam præbere

(q) Ibid. (r) Alex. III, Cap. De illis, extra, De Sponsalib. & Matrim.

non potest sese à sponsali, quo obstrictus est, Contractu liberandi.

Cùm autem Sponsorum alter plus æquo cunctatur, certum huic definitumque tempus constituendum est, ultra quod Sponsalia nullo jam obstringant vinculo.

VIII^o. Rescinduntur Sponsalia, si Sponsus publico rumore (vero, an calumnioso, nihil interest) Sponsæ pudicitiam à se violatam iactabundus vulgaverit (s).

IX^o. Datur eidem rescissioni locus, si Sponsorum alteruter (ambo siquidem hac in re paris sunt conditionis) sese fornicatione contaminaverit (t). Neque enim fides est fidem fraugenti servanda; idèoque Sponsalia in gratiam Sponsi innocentis dissolvuntur: qui si nihilominus Matrimonium velit contrahere, alter Matrimonio acquiescere tenebitur. Quod autem de fornicatione diximus, id etiam communiter sentiunt Theologi de liberiore, quam Sponsa ab alio in se admisisset, attræctione; quia nempe fides ejus in posterum indè suspecta redderetur.

X^o. Dissolvuntur Sponsalia, si Sponsi ab iis resiliant consensu mutuo & libero, id est, neque per metum extorto, neque per dolum surrepto (u). Contactus enim dissolubilis (qualis est is de quo hic agimus) per easdem causas dissolvitur, per quas nascitur, prout est Juris*regulâ constitutum. Qui ta-

men Sponsalia impuberes contraxerunt, ambo puberes sint necesse est cùm dissentiant, nec prius possunt à Sponsalibus resiliire, ne scilicet imprudens fiat mutatio. Cùm autem advenit pubertas, à Sponsalibus ante illam ætatem contractis potest alter, etiam altero dissentiente, abire (x).

Ex dictis facillè intelligitur, quotiès Sponsorum alteruter; sive licitè, sive illicitè, resilit à Sponsalibus, posse similiter alterum licitè resiliire: ratio nempe est quòd jam mutus adest consensus.

Cùm autem Sponsorum alter fidem suam liberare intendit, alter eam retinere velle perseverat, ad-eundus est qui contentiosam Dicecesani Antistitis Jurisdictionem exercet, Officialis nempe, ad quem solum pertinet de Sponsalium vinculo juridicè pronuntiare. Si quis porò sine justis causis, resiliire à Sponsalibus & Matrimonium contrahere nolit, dubium nullum est quin graviter peccet, damnaque omnia resarcire teneatur; quæ ad contrahendum parato Sponsò, injustè mutatà voluntate, intulerit; quâ de re commonendus est, non tamen ad conjugium impellendus, ob gravissima quæ ex connubiis non satis liberè initis oriuntur incommoda: quod quidem cum Juris Canonici dispositione consentit (y). Uddè certa hæc atque unanimis nostrâ ætate fori Ecclesiastici Jurisprudentia obtinuit,

(s) Arrêt du Parl. de Par. du 10 Août 1604. Bibl. de Bochel, au mot Jactance.

(t) Cap. Quomodo, de jurejur.

(u) Cap. Præterea, de Sponsalib.

(x) Alex. III, Decret. l. 4. tit. 2. de despons. impub. c. 7.

(y) Cap. Requisivit, de Sponsalib.

ur, si quis, post obligatam ineundi Matrimonii fidem, dicat, se, jam mutato proposito, nolle contrahere, nulla licet mutata voluntatis prolata ratione, futuri conjugii promissiones resolvantur, imposita ei qui injuste renuit, multa pecuniaria in pauperes eroganda, dimissis interea Partibus ad Regium Judicem, de refarciendis damnis illatis pronuntiarum. Neuter verò Sponsus ad Matrimonium cum alio quovis celebrandum à Pastore admittetur, nisi prius Sententiam exhibuerit, quâ palam fiat id sibi per Judicem Ecclesiasticum licere.

SPONSALIA, cum sint Cæremonia sancta & preparatio ad Matrimonii Sacramentum, in loco sancto celebrari debent: qui locus est Ecclesia in qua celebrandum erit Matrimonium, scilicet Partium Ecclesia Parochialis. Itaque Sponsalia (nisi graves ob causas aliter fieri scripto concesserimus) ne unquam alibi celebrentur; neque in Sacello publico, neque in Oratorio domestico, etiam benedicto; multò minùs in loco profano (†).

Nefas est cuiquam Sacerdori, præter utriusque Partis proprium Pastorem, futuri Matrimonii sponsonem ullam, sine hujus consensu, vel nostrâ licentiâ, suscipere aut benedicere. Quod autem in more positum est, ut, cum è diversis

Parochiis sunt Contrahentes, Sponsalia, præsentè mulieris Parocho, celebrentur, id omninò servandum censemus: cui enim celebrandum occurrit Matrimonium, ei pariter celebranda occurrunt Sponsalia.

In benedicendis vagorum & adventitiorum quorumcumque hominum Sponsalibus eandem Pastoralis prudentia cautionem adhibeat, quam in illos circa ipsius Matrimonii benedictionem exeri oportere jam premonuimus (a); adhibitaque diligenti inquisitione, tota res ad Diocesana Antistitem referatur, à quo Sponsalium hujusmodi benedicendorum licentia obtineatur.

NULUM anni tempus est quo non liceat Sponsalia celebrare: non excipiuntur dies Dominici aut Festi, Tempus Quadragesimæ aut Adventûs, jejunii dies, vel abstinentiæ.

Ut pridie celebrandi Matrimonii, ad vesperam, Sponsalia in facie Ecclesiæ fiant, sapientissimus in hac Diocesi usus obtinuit; quem Nos pro lege habendum esse decernimus.

Ipsò Sponsalium die, Sponsos, cujuscumque gradûs vel dignitatis sint, Matrimonio non conjungat Parochus, nisi prius à Nobis impetrata dispensatio fuerit (b). Nec cuiquam sine maxima necessitate Dispensationem concedemus, ut om-

(†) *Stat. Syn. D. Steph. Poncher, Paris. Episc. ante an. 1519, de Matrim. in Synodico. Rit. Paris. auctorit. D. Joan. Franc. de Gondy, primi Paris. Archiep. edictum an. 1654, pag. 309. Rit. D. Lud.*

Ant. de Noailles, Paris. Archiep. denud. ed. an. 1777, pag. 311.

(a) *Suprà, Div. III, Cap. 4.*

(b) *Rit. Paris. anni 1654. Rit. an. 1777, ubi sup.*

nind sine Sponfalibus Ecclesiasticis Benedictionem nuptialem fufcipere liceat.

JAM verò, qui Pastorem non convenierat ante *Bannorum* proclamationem, eum ante Sponfalium celebrationem convenire non omitant, ut ex iis inquirenda inquirentur, & quæ docendi fuerint, doceantur (c); undè fiat præsertim ut non rudes & Religionis infcii Matrimonio jungantur, & si quod subfit Impedimentum Canonicum, Parocho privatim deregatur, ac de opportuno remedio, si fieri possit, ante Sponfalia, provideatur.

PAROCHI & Vicarii ad *Minorum* Sponfalia benedicenda non procedent, nisi coram ipsorum parentibus vel tutoribus & curatoribus: qui si absint, aut venire nequeant, de eorum assensu indubitanter confect per testimonium legitimam formam instructum. Quin etiam prius diligentissimam inquisitione compertam habeant Partium libertatem, atque omnimodam à quovis Impedimento immunitatem. Si Pastor non temerè suspicetur aliquod subesse Impedimentum, suam suspensionem ante Sponfalia iis tantum aperiatur, quorum intererit, desponsandis videlicet, eorumque parentibus, propinquis vel tutoribus; & quidem secreto, ut vitetur omne scandalum.

Neque inter postremas sui muneris partes illud esse existimet, ut effi-

ciat (prout Concilio Parisiensi præcipitur) ne quid minus honestum, vel scutrale aut ludicrum, quod proinde loci & Cæremonia: sanctitatem dedecet, ab assistantibus committatur (d). Hoc autem facilius assequetur, si, cum duobus Contrahentibus ac Testibus necessariis, paucos admittat. Testes saltem duo interfint; sive parentes, propinqui vel tutores, sive alii extra familiam assumpti. Curet etiam Parocho ita distinctè ac dilucidè à Spondentibus verba proferri, ut de iis aut eorum sensu nulla deinde quæstio vel difficultas oriatur: quod multò magis in ipsa Matrimonii celebratione curandum est. Ipse autem Pastor Sponfalium Ordinem in Parte Rituali præscriptum diligenter observet; nec verbis aut Cæremoniis quidquam adjiciat.

Denique brevi simul & gravi cohortatione Sponfos edocebit illius Sacramenti, cujus suscipiendi fide se obstringunt, sanctitatem, finem & officia; quid in se oneris è præfenti Sponfione incumbat; quomodo ad Sacramentum piè fructuosèque suscipiendum præparare se debeant. Quæ quidem proxima præparatio in eo maxime posita est, ut pristina vitæ maculas sacramentali Confessione eluant, utque ad factos sanctam Eucharistiam, si conscientia moderatori visum fuerit, accedant; ut demùm orationibus, eleemosynis, jejuniis, copiosissimam Sacramenti gratiam promereri studeant (e). Ex his omni-

(c) Vide sup. Div. V, Cap. I.

(d) Conc. Parif. an. 1528. decret. morum. 39.

(e) Ibid. Vide Stat. Syn. D. Steph. Poncher. Rit. an. 1777. S. Car. Borr. Act. Eccl. Mediol.

bus quæ suadet Religio, illud præcipue tanquam necessarium observari oportet, ut Matrimonio jungendi sacrum Pœnitentiæ Tribunal adeant, nec prius ad Benedictionem Nuptialem admittantur: quod quidem, si opus fuerit, præmonendi sunt. Qui etiam Parochus, prout suggesserit prudentia, Sponsos admoneat ut castè & circumspèctè inter se agant; neque interea, donec sint Matrimonio conjuncti, eadem in domo cohabitent; ac meminerint nihil sibi mutuo licere; præter id quod antea licebat (f). Sponsa præsertim, si sit locus, moveatur quam verecundè habere se cum Sponso debeat: cuius videlicet blanditiis illecta si vinceretur, periculum incurreret non solum difficillimæ vel prope præ Absolutionis, ac forsan Matrimonii profanandi, sed etiam experientia illius miserrimæ, quâ nempe amatum, fragilem Sponsam expertum, postea sentiret uxorem habere despectam & invisam: quo pacto Amnon sororem Thamar exosam habuit odio

magno nimis, cum tamen ipsam usque ad furem & ægotationem deperisset, iuvitamque oppressisset (g).

Sponsos denique hortetur Parochus, ut, residuo inter Sponsalia & Matrimonium intervallo, adhibitis temporalium curis honestis, sed resecta vanitatis aut pimiæ epularum sollicitudine, divinam in suam conjugium benedictionem enixè invocent, piorumque precibus & Sacerdotum Sacrificiis rem ejusmodi commendent, ex qua pendet vitæ præsentis felicitas, & futuræ beatitudo: postremo, ut, nuptiarum die, jejuni (quantum fieri poterit), cum multa reverentia, & eâ quæ Christianam Religionem docet, modestiâ, in Ecclesiâ conveniant, Matrimonique Sacramentum suscipiant (h).

Si quando eveniat ut Sponsalia non sequatur Matrimonii celebratio, ea in Parochiales Actuum Codices referentur.

(f) Stat. Syn. D. Jac. du Chastellier, Parif. Episc. an. 1428, in Synodico, pag. 39.

(g) 2 Reg. 11. 2. 14. 15.

(h) Conc. Parif. & S. Car. sup.



C A P U T I I .

DE tempore & loco celebrandi Matrimonii.

NULLUM Matrimonium, sine licentia, diebus Dominicis aut Festis celebratur. Si detur exceptioni locus, quid sit observandum. Jejunii aut abstinentia diebus nuptiis minùs congruentes. Celebrandi Matrimonii hora & locus. Admonitum.

QUIBUS anni tempestatibus Matrimonia celebrare non liceat, superius dictum est, ubi de Impedimentis Matrimonium prohibentibus (a).

Per intervalla autem Nuptiis concessa, non Dominicis diebus, pro reverentia tanta solemnitatis, Nuptias celebrari, Ecclesie visum est (b). Itaque diebus Dominicis aut Festis à populo feriatibus nullum in hac Diocesi Matrimonium celebrabitur, nisi de nostra licentia; ne, diebus solemnitatis & sanctæ quietis, Fideles à studio servidæ orationis curâ multiplici retrahantur, vel à Missa Parochiali Officiorumque divinorum frequentatione avertantur; neve etiam contingat, multos (ut fieri solet in famulis, aliisque convivium instructentibus, totamque Nuptiarum pompam adornantibus) Missæ auditione omnino privari; ac denique, ne dierum illorum sanctitas frequentioribus in domestica Nuptiarum celebratione corruptelis violetur.

Quòd si vetò Matrimonium aliquod die Domini aut cuiuscunque Festivitatibus celebrari ob graves causas æquum censuerimus; videant Pastores ne quid inde perturbationis Officio divino proveniat: & quòd certius id assequantur, fiat Matrimonii Benedictio ante Fidelis populi conventum. Conjuges autem, hortante Parocho, non committant, ut sanctitatem illius diei, quæ solemnitas Domini est (c), vel dies colendo in Sanctis suis Domino specialiter consecrata, ullâ comessatione vel indecorâ laticia contaminent. Eam potius cum omni pietate & reverentia exigant, nisi velint conjugio, suo non benedictionem conciliari, sed maledictionem infligi.

Illud quoque observetur, ut, quando, iustis de causis, Matrimonium die Dominico aut Festo celebrari concesserimus, nunquam celebretur neque ipso die ultimæ Banorum proclamationis, nec posttridiè, quacunque horâ; sed dies saltem unus solidus interponatur,

(a) Div. III, cap. 2.

(b) Conc. Aquisgr. II, an. 836, c. 3.

Tomus II.

can. 18. (c) Judic. 21. 10.

nisi aliud expressâ clausulâ per Nos
liceat.

Nec jejunii aut abstinentiæ die-
bus, quantum fieri poterit, Matri-
monia celebrentur: quos utique dies
non decet festiva hilaritas, ac mœ-
ror salubris, caro afflicta, spiritus
humiliatus.

NUNQUAM autem, nisi speciali
à Nobis factâ potestate, ulli conju-
gio benedicetur post meridiem, nec
vesperè, nec statim post mediam no-
ctem (d), sed tantum horis matuti-
nis; nec ante horam quartam æstate,
quintam verò hieme: quod quidem
ne ab ullo Sacerdote committatur, sub
pœna Suspensionis interdicitur hujus
Diœcesis Disciplina (e). Nunquam pa-
riter celebretur Matrimonium seor-
sim à Missæ Sacrificio; quod nempe,
juxta Ecclesiæ mentem, pro novis
conjugibus offertur, adhibitis eo-
rum causâ variis Precibus & Bene-
dictionibus. Quinimò inter Matri-
monii, & Sacrificii celebrationem

nullum temporis intervallum relin-
quatur.

PORRO « Canonica Jura non sine
» magnis rationibus jubent Matri-
» moniorum Contractus in Eccle-
» sia publicè celebrari: scilicet prop-
» ter Sacramenti dignitatem, reve-
» rentiam & honorem, in quo con-
» fertur gratia, sicut & in cæteris
» Sacramentis (f). »

Itaque celebrandi Matrimonii lo-
cus est Ecclesia Parochialis, vel Suc-
curfalis; non ædes privatæ, non alius
quolibet locus profanus; neque etiam
alia quævis Ecclesia, Sacellum, sive
Oratorium, nisi peculiarem scripto
fecerimus exceptionem (g).

CÆTERUM, adfuerint Paro-
chis, intelligant Fideles Dispen-
sationem circa tempus, diem, ho-
ram, & locum celebrandi Matri-
monii, non esse nisi gravibus de
causis postulandam; alioquin irritam
fore postulationem.

(d) Conc. Paris. an. 1528, decreto
morum 39.

(e) Stat. Syn. Eusl. du Bellay, Paris.
Episc. an. 1557, n. 32. de Matrim. Et
D. Henr. de Gondy, n. 26. Rit. Paris.
D. Joan. Franc. de Gondy, primi Paris.

Archiep. an. 1654. Et Rit. an. 1777,
pag. 358.

(f) Conc. Paris. an. 1429, Sedem Pa-
ris. obtinente D. Jac. du Chastellier, c. 32.

(g) Stat. Syn. D. Eusl. du Bellay,
sup.



CAPUT III.

DE Cæremoniis Matrimonii celebratione usitatis.

MATRIMONIUM, in quacumque Religione, non sine solemnitate contractum. Matrimonii Cæremonia apud veteres Christianos. Cæremonia nunc usitata. Quanta pietas in conjugibus per totam Matrimonii Cæremoniam requiratur. Nuptiale convivium, quale esse debeat. Nuptiales epula Clericis fugienda. Tridui continentia novis conjugibus suadetur.

AB omni retrò hominum memoriâ, tam grave tamque ad publicum ordinem pertinens quidam habitum fuit Matrimonium, ut illud, quacumque in Religione, publicè atque adhibitâ aliquâ solemnitate contractum semper fuerit atque celebratum. Apud Judæos, celeberrimum est Tobiz junioris exemplum; cujus dextræ dextram Saræ filiz tradens Raguel, utrique conjugî à Deo Abraham, Isaac & Jacob faustissima quæque apprecatus est (a). Sua etiam Romanis Ethnicis erant nuptiarum Solemnia (1) & Sacra jugalia (2): nefas utique duxissent nuptias sine auspiciis vel sacrificiis (3), votis nuptialibus, deorumque, quos Matrimonio præesse ingebant, invocatione celebrare (b). Porro in Judæorum atque Infidelium connubiis sola superebat civilis Contractûs ratio,

& sanctitas vinculi ad legitimam generis humani propagationem ordinati. Apud Christianos verò, Matrimonium aliquid sacrum & divinum (c), imò verè Sacramentum est (d): undè illud cum Cæremoniis Sacramento dignis consentaneoque apparatu celebratur.

Postquàm videlicet conjugium à CHRISTO JESU ad Sacramenti dignitatem evectum est, necesse fuit, nec sine Spiritûs sancti Ecclesiam gubernantis afflatu constitutum, ut illud ritè conciliatum Templo Dei sisteretur, &, conspirantibus Fidelium votis, imposita sacris Altaribus Hostiâ salutari, publicâ Rituum & Precum solemnitate administraretur; quò nempe illustriùs innotesceret ejusdem sanctitas, & officia quæ à Contrahentibus, ipso teste supremo Numine & consciâ Religionis majestate, susciperentur.

(1) Tacitus, Ann. l. 11.

(2) Ovidius.

(3) Servius.

(a) Tob. 7. 15.

(b) Arnob. contra Gentes, l. 4. S. Aug. de civ. Dei, l. 5. c. 1.

(c) S. Clem. Al. Strom. l. 3.

(d) S. Chryf. Hom. 10. in Eph. 5. Vtâ S. Aug. de fide & operib. c. 7. & S. Leon. Ep. 92. ad Rust. c. 4.

PRIMORUM seculorum Fideles, consulto prius Episcopo, tanquam de re gravissima, ut Dei voluntate, non concupiscentiæ impulsu Matrimonia conciliarentur (e), postquam de omnibus convenerat inter Sponsos, ratum & firmum esse illud conjugium censebant, quod publice & solemniter in Ecclesia celebratum Pastoris benedictio consecrasset, ac tremendi Sacrificii confirmasset oblatio. Quod quidem facile probant luculenta sancti Ignatii Apostolorum corvi & discipuli (f), Tertulliani (g), sancti Ambrosii (h), Carthagenensis Concilii IV (i) testimonia & præcepta: idemque postea fuisse observatum, longâ serie ostendunt Juris tum Canonici tum Civilis monumenta (k); semper videlicet apud Græcos irritis, semper autem apud Latinos (ante Concilium Tridentinum) saltem illicitis exsistisque Matrimoniis non in facie Ecclesiæ contractis (l).

Primæque igitur antiquitatis Fideles, frequenti populo, ac bene-

dicente Sacerdote, Matrimonium ineuntes, dexteras iungebant (m); & vir tradebat uxori Anulum, Cruce, aut alicujus virtutis figurâ symbolica, ceu columbâ, pilce, anchorâ insignitum (n): hæc scilicet erant Christianorum sigilla, pro quibus apud antiquos fuisse annuli. Retenta etiamnum ejusmodi Rituum summa in usu est.

FACTIS, de more, nulloque reclamante, futuri Matrimonii denuntiationibus, peractis cum pietate Sponsalibus, die & horâ, de Pastoris consensu, ad Matrimonii celebrationem præfixâ, Sponsi ad Ecclesiam procedunt in parentum vel tutorum & propinquorum comitatu, ut demonstretur eorum assensus, pax & concordia quæ deber in familiis vigere. Sponsos quidem, in signum lætitiæ, decet cultior vestitus; sed ipsos dedecreret luxus immodesti seculi, & ille vanitatis apparatus qui sanctitatem Religionis offenderet. Quæ nuptura est, emineat patra-

(e) S. Ign. Ep. 8. ad Polyc.

(f) Ibidem.

(g) Ad ux. l. 2. c. 9. & de pudic. l. 2. cap. 4. (h) Ep. 19. nova edit.

(i) An. 398. can. 13.

(k) S. Greg. Sacrament. S. Isid. Hispal. de Eccl. Off. l. 2. c. 59. Justiniani Nov. 74. Caroli-Magni Capitul. l. 7. cap. 41. Leon. Philos. Nov. 89. Alex. Comn. Nov. apud Bonif. l. 1. Juris Orient. Nicol. I, Resp. ad conf. Bulg. c. 3. Burch. Worm. & Yvon. Carnot. Canonum collectiones. Michæel. Cerul. Ep. 3. &c.

(l) Statuta Dixce. Paris. aliarumque multarum, sec. XIII, XIV, XV & XVI. Cone. Salmur. an. 1253. Cone. & Synod. Andeg. an. 1364. & 1448. Cone. Lingon. an. 1404. Nannet. an. 1431, &c.

His Conciliis & Statutis prohibentur (& quidem, ut plurimum, sub pena Excommunicationis) Matrimonia non in facie Ecclesiæ contracta. Quod pertinet ad duodecim prima secula, quo quidem spatio non solum illicita, sed etiam irrita fuisse videntur ejusmodi connubia, vide citationes quinque litterarum præcedentium. Scilicet hujus præsertim Traditionis fundamento nititur eorum Theologorum sententia, qui Sacerdotem, non verò utrumque Contrahentem, Matrimonii Ministrum esse existimant. Consuli etiam potest Beuziana collectio veterum Conc. Prov. Lugd. & Narb. De Matrimonii Ministro vide suprâ, Div. I, cap. 3.

(m) S. Greg. Naz. Ep. 57. ad Proc. 44.

(n) S. Clem. Al. Præd. l. 3. c. 1.

sicut Sponsa Christiana, ornata cum *verecundia & sobrietate*, sicut se ornabant sanctæ mulieres (o). Coniux uterque *Vestem* illam *nuptialem*, qui est candor animæ, innocentia & pudor, gratia demum sanctificans, sine qua Matrimonium dignè suscipi non potest, multò studiosius quam exteriorem cultum induat. Si Sponsa (quod absit) indecenter vestitam & nudatam audeat se Templo Dei sistere, eam Pastor ad Nuptialem Benedictionem non admittat. Et quidem præcipit Synodus Tridentina, ut eâ quæ decet modestiâ & honestate celebrentur nuptiæ; » sancta enim (inquit) » res est Matrimonium, & sanctè » tractandum (p). »

Sponsas coronate antiquis erat usitatum (q): undè mos ductus est, Ritu sanctiore, ut Christianæ Sponsæ capiti corolla imponatur, in signum victoriæ illius pulcherrimæ, quâ, superatis voluptatum interitiis atque exterius obliuientinm illecebris, hæcenus in incorrupta virginitate permansit (r). Hinc evidenter patet, viduis aut puellis quæ jam non virgines publicè habeantur, non esse imponendam coronam.

Parochus ritè ornatus, fusquæ ad gradus Majoris-Altaris oratione præparatus, adhibito Clerico, seu Laico necessaria decenter gerente, & responsum ad se pertinentium perito, ad Chori introitum sub imaginem Salvatoris Crucifixi, vel ad

Altare-majus, aut aliud, procedit; undè prospicit num astantes componat honestæ gravitas, modesta religio, silens pietas. Si quid ex his deesse animadvertat; ipso leniter admonente, corrigatur: alioqui denuntiet. Matrimonium à se neutiquam celebratum iri, quamdiù profanum aut ludicrum aliquid obstrepere, sive loci & rei sanctitatem lædere quoquomodò videbitur (s). Pastor, omnibus, prout decet, compositis, & Sponsis advetsâ facie itantibus, postremam inquisitionem ac denuntiationem, tum præviam administrationi Exhortationem habet. In qua Exhortatione, brevi quidem, sed gravi, Sponsis exhibenda est Matrimonii institutio, dignitas, fines & effectus ac potissimum officia quorum Sponsione se coram Deo & Ecclesiâ jamjam obligaturi sunt. Eos insuper admoneri oportet, ut per totam Matrimonii Sacrificiique celebrationem, quanto maximo poterunt pietatis fervore, gratiam Sacramenti à divina bonitate uberrimam efflagitent.

Peractâ Exhortatione, Parochus Annulum benedicit, ac deinde Nummum vel Nummos (1). Postea solemnem ac disertum Sponsi utriusque consensum palàm sciscitatur, suscipit ac benedicit: quod nempe est Sacramenti signaculum. Interea dextras jungunt novi conjuges (t); qui quidem fidelitatis, ac præser-

(1) Pièces de monnaie.

(o) 1^o Tim. 2. 9. 1 Petr. 3. 5.
(p) Conc. Trid. Sess. 24. de Ref. Matrim. cap. 10.
(q) Tert. de cor. mil. cap. 13.
(r) S. Chryf. Hom. 9. in 1 Cor. 3.

(s) Conc. Paris. an. 1528. decret. morum 39.
(t) Vide Tob. 7. 15. & S. Greg. Naz. Ep. 57. ad Proc. 44.

tim matris fidei typus esse intelligitur. Subindè Nummum vel Nummos sibi à Parocho traditos deponit Sponsus in Sponsæ dextera, velut signum constituti *dotalitii* (1), bonorumque communionis; simulque Sponsam conceptis verbis, suggerente Sacerdote, alloquitur. Tum verò Sponsus Anulum de manu Sacerdotis acceptum, digito annulari sinistræ manûs Sponsæ inserit, in signum dæ & acceptæ fidei, solemnem pariter adhibens verborum formulam: quo quidem dilectionis pignore sub oculos jugiter constituto, quid sibi invicem polliciti fuerint, nunquam obliviscantur; & quotiès illud viderint, totiès perceptam in Sacramento gratiam exsuscitent (2).

Annulorum in Matrimonii celebritate perantiquus est usus. Non modò apud Ethnicos, sed etiam in Lege tum naturali; tum Mosaicâ, & à primis Evangelicæ Legis temporibus, Sponsæ *digitum pronubo Anulo oppignoratam* legimus (3). Ille autem Anulus quondam ferreus erat, palæque expertus: fuit deinceptus aureus. Sit nunc argenteus rardum, sine gemma aut cælamra, litterisve inscriptis (4). Sit demùm unicus, in signum interdictæ à Christo Polygamie; caveatque Parochus diligenter, ne plures simul uni Sponsæ tradendos benedicat.

Nummos autem idcirco benedicat Ecclesia, ut novis conjugibus

multa benedictio concilietur, cujus ope labores manuum suarum manducant proventu felicissimo (5), libique & familiæ sufficientem rerum temporalium copiam, dante illis Dominò, colligant (6).

Post Orationes & completum Sacramentum, Conjuges, ducente viro, qui *caput est mulieris* (7), dextris implicitis ad gradus Altaris procedunt: deindè celebratur Missæ Sacrificium; cui flexis genibus & summâ pietate adesse debent. Apud antiquos, accensæ faces, quibus nomen *tedis jugalibus*, utrique Sponso præferbantur. Usum hunc profanum, sicut alios plures, in Cæremoniam religiosam convertit Ecclesia. Scilicet, quibusdam in locis, per totam Missam pro conjugio celebratam ardent cotam Sponsis duo Cetei, quibus admoneantur ut, præter mutuam dilectionem quæ per Sacramenti gratiam sanctificatur, CHRISTI JESU, augustissimi. Ecclesiæ Sponsi, amorem in se plurimum accendant, eique obviam cum ardentibus ex fervore desideriorum lampadibus exeant (8).

Itaque nullum sine Missæ Sacrificio, nisi verâ urgente necessitate, & de nostra licentia, Matrimonium celebrabitur; & nisi occurrat Festum *Duplex*, Missa erit *de Sponsalibus*, quæ tota constat luculentis Scripturæ locis Matrimonio accommodatis. Sic legitimum connubium Ecclesia conciliat, confirmat obla-

(1) S. *Ibid.* *Hispal.* de Eccl. Off. l. 2. c. 19. 30.

(2) *Tert.* *Apol.* c. 6.

(3) *Ibid.*

(4) *Pf.* 127.

(5) *Pf.* 103.

(6) *Eph.* 5. 29.

(7) *Matth.* 23. 1.

tio, obfignatum Angeli renuntiant, Pater rauc habet (d). Sic Matrimonio affertur veneratio quædam amplior: sic murua fidei promissio sanctior evadit, tanquam JESU CHRISTI sanguine lignata. Sic perficitur gratia Matrimonii, conjugibus divinæ Eucharistiæ (quæ est omnis gratiæ consummatio) spiritu saltem communicantibus. Sic, plenius imitetur Christianorum Conjugium non immerito Sacramentum in Christo & in Ecclesiâ magnum vocari (e).

Recenti connubio junctæ mulieres *Flammen nuptiale* (velum quoddam à colore flammeo sic appellatum) olim gerebant. Hanc similiter consuetudinem è superstitiosâ piam fecere Christiani. Post Orationem *Libera nos*, & antequàm Sacerdos dicat, *Pax Domini*, super Conjuges expanditur Velum albi coloris; quod sancti Patres *Velamen Sacerdotale* (f), *Velamen caeleste*, *Velamen sacrum* appellant. Hujus Velaminis institutio ex ipsa naturæ Lege descendit. Cùm enim Rebecca Isaac vidisset, cui erat uxor futura, «ca» put obnubere suum cœpit, «do» cens verecundiam in nuptiis præi» re debere (g). Etiam apud Ethni» cos velate ad virum ducebantur (h); undè & *nuptia* dictæ, «quod pudoris gratiâ puellæ obnu» berent (i).» Quamquàm & altera potest afferi Nuptialis Velaminis significatio utrique conjugii communis.

Cùm enim sollicitudines atque tribulationes connubii, quasi nubes quædam densissima, in ipsos ingruant, divinæ gratiæ tegumento quodam obnubuntur; quo quidem *super ipsorum caput obumbrante*, Matrimonii sarcinam (k), anxietates & ærumnas lævius ferant, nihilque sinistra eveniat, quod possit mutui fœderis sanctitas violari, aut prosperitas inturbari.

Extento Velamine, Sacerdos vota solemnina conceptis verbis, piissimoque & pulcherrimo sensu imbuitis, pro utroque conjugè exequitur. Deum orat, tanquàm Matrimonii auctorem atque sanctificatorem, ut eorum corda & mentes sincerâ dilectione conjungat; iis faustissima quæque appetatur, corporalia & spiritualia, temporalia & æterna; mulieri speciatim fecunditatis gratiam, sanctarumque virtutes foeminarum, quas uxores habuerunt Patriarchæ.

Semel duntaxat Velum expanditur; semel prædicta impenditur Benedictio: quæ scilicet in viduarum Matrimonio omittitur. Quinimò in primis nuptiis locum non habet neque Velum, neque Benedictio, si Sponsa *notariè* fornicata fuerit (l). In viduis aut puellis corruptis deficit præcipua illius Velaminis significatio, ut potè ad solas pertinens virgines, propter earum similitudinem cum Verbi incarnari Sponsâ

(d) Tert. ad ux. l. 2. c. 9.

(e) Eph. 5. 32.

(f) S. Ambrosii, Ep. 19, nova edit.

(g) Idem, de Abrah. l. 1. c. 9.

(h) Tert. de veland. virg. c. 11.

(i) S. Ambrosii, sup. Vide S. Isid. Hispal. de Eccl. Off. l. 2. c. 19.

(k) S. Ambrosii, exhort. ad virginis.

(l) Rit. Paris. an. 1777, pag. 359.

Ecclesiâ, quam utique castam virginem Christo soli conjunctam esse manifestum est.

Remoto Velo & absolutâ Benedictione, Pacis instrumentum novis conjugibus osculandum porrigitur; ut sciant quantâ curâ pacem & concordiam in suo conjugio illâsam custodire & in mutua benevolentia conconvalescere debeant.

His peractis, Sacerdos, antequàm astantibus solitam impertiatur Mîsâ Benedictionem, novis conjugibus singulari Benedictione fausta omnia ultimum apprecatur, eamque gratiam, ut ad cœlestes Agui nuptias, felicitet consummato mortalis vitæ curriculo, perveniant (m). Eas porrò Benedictiones, longam vitam ac temporalem felicitatem quæ conjugali instituto competit, ac præsertim fecunditatis gratiam tanto studio commemorantes, pia mater impendit Ecclesiâ, Deo quidem auctore; qui scilicet, cum Adamum & Evam duos in carne una primo omnium connubio junxisset, benedixit illis, dicens: *Crescite, & multiplicamini* (n). Hinc postea filio suo Jacob ad uxorem ducendam proficiscenti benedixit Isaac (o), & Raguel similiter genero suo Tobiz & Saræ filiz, quam ipsi conjugem tradebat (p).

In tanta Rituum, Precum & Benedictionum celebritate, otiosa non maneat conjugum pietas. Quinimò,

vota Ecclesiæ votis consociantes; enixè orent ambo simul (q), ut in suum Matrimonium cœlestis Benedictio effundatur, & in ipso jugis maneat sanctificatio. Eadem pro novis conjugibus à Deo postulent astantes, ii præsertim qui, vel sanguinis, vel amicitiz nexu cum illis devincti sunt.

Completâ Mîsâ, novi conjuges cum nuptiali comitatu, eodem ordine quo venerant in Ecclesiam, domum se recipiunt.

SUPEREST convivium nuptiale, ab omni retrò antiquitate usitatum. Sic in Matrimonio Rachelis cum Jacob, Laban, *vocatis multis amicorum turbis ad convivium, fecit nuptias* (r). Sic, cum Raguel filiam Sarâm juveni Tobiz concederet, *epulati sunt, benedicientes Deum* (s). Quin etiam, vocatus JESUS ad nuptias in Cana Galilææ, aquâ in vinum conversâ initium signorum faciens, gloriam suam manifestare dignatus est (t).

Itaque nuptiarum convivium tam illustribus exemplis, tam verendâ auctoritate innixum, nihil habet ilaudabile, si tamen illud cum timore Domini exerceatur (u). Quodd si igitur in signum concordiz, lætitiæ & gratiarum actionis invicentur ad epulas propinqui, affines & amici; pudice & sobria sint epulæ; talisque hilaritas, quæ gravitate Christianâ temperetur (x). Emineat sin-

(m) Apoc. 19. 7.

(n) Gen. 1. 28.

(o) Gen. 28. 3. 4.

(p) Tob. 7. 15.

(q) Tob. 8. 6.

(r) Gen. 29. 22.

(s) Tob. 7. 17.

(t) Joan. 2.

(u) Tob. 9. 12.

(x) Conc. Neoc. an. 114. can. 7. *Exfess.* Hist. Eccl. l. 6. c. 40. *Minut. Felix*, Apol. c. 26.

gularis modestia in illis præsertim epulis, quibus adumbratur spiritalis eorum omnium lætitia, qui ad *Cenam nuptiarum Agni vocati sunt* (y); sicque se gerant Fideles convivæ, ne quid admittant quo possint ab æterno illo cœlestis beatitudinis convivio excludi. Cum autem in plebeiorum nuptiis difficilimum sit ne quid erumpat, quo pudor Christianus offendatur; satius foret ut, suadente Parocho, nullum instrueretur ejusmodi convivium, aut certe inter paucos genere propinquiores modestum prandium sine ullo tumultu transigere-
tur. Saltem vitetur effusa in sumptus vanitas. Quod luxui demitur, id charitati substituitur. Christiani conjuges Dominum ad suas nuptias per sobrietatem & verecundiam invitent. Caveant ne illis præsit diabolus, per intemperantiam, verborumque lasciviam aut ambiguitatem (z).

Nuptialibus autem epulis nunquam interfit Parochus, neque om-

nino quisquam ex Ordine Clericali; nisi excuset sanguinis arctissima necessitudo (a): vix enim posset, maxime in plebeiorum conviviis, illisus evadere honos pudori Sacerdotali debitus. Quintum viri Ecclesiastici, etiam in propinquorum nuptiis, ipso chorearum contuitu abstineant (b).

Quod autem Raphaël Angelus Tobie persuasit, ut *per tres dies continens* esset à Sara uxore sua (c), id ultro suscipi deceret à novis conjugibus, Deum, triduo illo, potiore curâ deprecantibus: *filiique quippe sanctorum sunt, & non possunt ita conjungi, sicut gentes que ignorant Deum* (d). Olim Ecclesia Gallicana, Concilii antiquissimi Decreto insistent (e), primi diei continentiam præceperat (f). Quam Disciplinam usque adeo verendam nunc proponimus tanquam salutare consilium, sed mutuo duntaxat consensu exequendum (g).

(y) *Apos. 19. 9.*

(z) *Tert. Apol. 35. 59. S. Cypr. de discipl. & hab. Virg. S. Chrys. Hom. 28 in Gen. & Rom. 12 in 1 Cor.*

(a) *Conc. Venet. an. 465. can. 11.*

(b) *Laod. c. an. 368. & Trull. an. 692.*

(c) *Tob. 6. 18.*

(d) *Ibid. c. 8. v. 4. 5.*

(e) *Conc. Carth. IV, an. 398. can. 13.*

(f) *Capitul. l. 7. c. 463. &c.*

(g) *Conc. Mediol. V, an. 1579. tit. de Matrim. part. 3.*



CAPUT IV.

De legitimatione prolis ante Matrimonium susceptæ.

QUINAM ex illegitimis legitimi per Matrimonium fiant. Qui ex irrito Matrimonio nascuntur, &c. Qui per Matrimonium legitimi facti sunt, an utriusque generis effectuum sint capaces. Extra Matrimonium, ex illegitimis non absolute legitimi. Matrimonia in extremis. De Benedictione filiorum sub Velo. Observatio.

EA Matrimonii virtus est, ut filii ante illud geniti, per subsequens parentum Matrimonium ex illegitimis legitimi fiant, dummodò tamen, quo tempore concepti sunt, ad contrahendum habiles fuerint eorum parentes, nullo videlicet inter ipsos existente Impedimento dirimente (a). Qui enim ex adulterio vel incestu originem sumpsere, ii semper illegitimi remanent, etiamsi Matrimonium postea legitime à parentibus contrahatur (b); saltem nisi, præter Impedimenti (incestus v. g.) Dispensationem ad Matrimonium contrahendum, alia accesserit ad prolis legitimationem ordinata: quod quidem per clausulam prioris insertam fieri solet.

Notandum verò est quòd legitimatio quæ fit per Matrimonium subsequens, locum habet; etiam alio intermedio conjugio. Supponantur v. g. *Julius & Cornelia* fo-

luti, liberos ex fornicatione procreasse: *Julius* postea uxorem ducit *Terentiam*; quæ defuncta, *Cornelia* adjungitur: hoc posteriore connubio legitimi fiunt *Julii & Cornelia* liberi, antea ex fornicatione suscepti.

Qui ex Matrimonio irrito nascuntur, legitimi sunt (non tamen quoad omnes effectus civiles), si parentes Impedimentum dirimens bonâ fide ignoraverint, atque insuper juxta Ecclesiæ Leges contraxerint. Si Matrimonium contra Ecclesiæ Leges celebratum fuerit, vel Impedimentum dirimens malâ fide ab utroque conjugè celatum; tunc progenies remanet illegitima, nisi posthac Matrimonium ex irrito ratum fiat, servatis quæ servanda fuerint, atque Impedimento per Dispensationem sublato.

Illegitimi, qui per subsequens parentum Matrimonium legitimi re-

(a) *Alex. III, Decret. l. 4. tit. 17. 1. & 6. Inn. III, l. 4. tit. 17 c. 13.*

(b) *Alex. III, cap. Tanta est vis, tit.*

Qui sint filii legit. *Conc. Forojul. an. 793. can. 8. Alex. III, sup. c. 15. Vide infra, Div. VII, cap. 1.*

nuntiantur, ad omnes tum spirituales tum civiles effectus legitimi fiunt; ita ut sine ulla Dispensatione valeant ad Ordines & Beneficia promoveri, parentum & propinquorum hereditates capessere & obtinere. Sed, extra Matrimonium, ex illegitimis legitimi declarantur Ecclesiæ auctoritate, quoad effectus spirituales; Rescripto Principis, quoad effectus civiles (c): nec tamen absolute omnique ex parte legitimi fiunt; neque ad legitimatorem valet adoptio (d).

SECUNDUM Jurisprudentiam in Galliis vigentem, per Matrimonium in extremis celebratum legitimi quoad civilia non efficiuntur filii anteà geniti; sed tantum quoad spiritualia, idque, posito etiam quod non sint adulterini (e).

His observatis, conjuges qui ex anticipato congressu filios genuerint, Parocho licebit sub Velo (1) benedicere, cum prole ante Matrimonium suscepta, & mediâ inter ipsos constituta; dummodò soluti ambo essent quando simul peccaverint,

neque raptus, neque incestus, vel adulterium, neque machinatio in prioris conjugis necem intercesserit, nisi Impedimenti Dispensatio simul proles legitimatorem contineat. Si ergo puella *soboleta* ex illo susceperit, cui uxor adjungitur, adstruque soboles; ut hæc legitima declaretur, hic ritus adhibendus erit. Post *Ite, Missa est*, & antequam Sacerdos populo benedicat, expandat Velum super conjuges & liberos in genua provolutos; ad quos ille conversus, Orationem recitabit in Pastoralis hujus parte Rituali præscriptam. Si quid autem impediat ne legitima fiat ista progenies, vel si Parocho inde oriturum esse scandalum prævideat, omittetur modò dicta Cæremonia, sine qua nempe illegitimi non minus per Matrimonium legitimi fiunt, si fieri possunt.

QUOTIÈS autem proles per subsequens Matrimonium legitima renuntiabitur, toties Parocho id expressâ clausulâ in Parochialibus Actorum Codicibus exprimer, iis observatis quæ observanda proximè sequenti Capite exponuntur.

(1) Sous le Poêle.

(c) *Inn. II, sup. Justin, Nov. 74.*

(d) *Ibid. c. 3.*

(e) *Ordonn. de 1639, art. 6. Edit de Mars 1697.*



CAPUT V.

DE Matrimonii in Parochiarum Acta referendis.

ACTORUM Matrimonialium quanta cura desideretur. Acta Matrimonii foliis non coherentibus minimè inscribenda. In Actis Matrimonii sex enuntianda. Matrimonia extra Ecclesiam Parochialem celebrata. Contrahentes in Parochia non sui domicili. Agnitio prolis ante Matrimonium genita, pro quibus & quam adhibita cautioe sit facienda.

CUM ad familiarum tranquillitatem tanti momenti sint Acta Matrimoniorum, ut plerumque sine illis ipsemet civilis eorum status consistere vix posse videatur; ejusmodi Acta omni civica charitatis diligentia conservare studeant Patrochi, postquam ea ritè scripserint vel scribi curaverint, servatis quæ jam indicta sunt, ubi de Codice Baptismali, cæterisque Parochialibus Actorum Codicibus (a).

Distictè autem prohibet Regia Declaratio (b), ne Acta Matrimonii foliis non coherentibus seorsumque volantibus inscribantur & subsignentur; idque sub gravibus poenis, tum in Parochos aut Vicarios, tum in Partes contrahentes.

In Matrimonii Actis enuntiabitur 1.º celebrati Matrimonii dies, mensis, annus, & locus: 2.º Partium contrahentium nomina, cognomina, ætas, conditio vel professio & domicilium; num utraque vel alterutra sit vidua, quis vel quæ fuerit

conjugum non superstes: tum verò nomina, cognomina, conditio vel professio ac domicilium patris & matris, sive adhuc viventium, sive jam defunctorum: 3.º. Quibus diebus singula Matrimonii *Banna* proclamata fuerint; testimonia proclamationum quæ extra Parochiam factæ sint; Sponsalia, & eorum celebrationis dies; Dispensationes in *Bannis*, vel publica alia quæcumque Dispenratio ad præsens Matrimonium concessa; quo die & à quo indulta, quo die in publicas Ecclesiasticorum Actorum Tabulas relata fuerit (1), si referri debuit: 4.º. Cum *Minores* erunt Partes contrahentes, id annotabitur; & exprimetur, parentes; vel tutores & curatores, cæterosque quorum interesse potuerit, Matrimonio adfuisse, & suum ei consensum adhibuisse; vel, si non adfuerint, quisnam, cum mandato procuratorio legitimâ formâ instructo, eorum vicem gesserit, enuntiabitur; saltem apponetur eorum consensus, ubi & à quo

(1) *Infractæ.*(a) *Suprà, de Bapt. Div. III, cap. 1.*(b) *Déclar. de Louis XV, de l'an 1736.*

Notario susceptus, quo die in Acta civilia relatus (1), à quo Judice recognitus fuerit (2): 5°. Quatuor Testium nomina, cognomina, conditio vel professio ac domicilium; & explicabitur num sint cum Paribus contrahentibus propinquitare conjuncti; an ex paterno, an ex materno capite, & quonam in gradu; qui Testes id confirmasse perhibeantur, quod in Actis de Contrahentium domicilio, ætate & conditione seu professione exprimitur. Neque omittent Pastores in utroque Codice Matrimonii Actis subscribere cum Partibus contrahentibus, earumque parentibus, vel tutoribus & curatoribus, si sint præsentis, saltem verò cum Testibus necessariis.

Si autem Sacerdos à proprio alterutrius conjugis Pastore diversus, de Parochi vel Diocesani Pontificis licentiâ, Matrimonium celebraverit; suæ delegationis archetypum exemplar (3) penes se retinebit; ejus præterea mentio fiet in Actis, & quonam die concessa fuerit, exprimetur.

Si quando, iustis de causis, in Oratorio, Sacello, vel qualibet Ecclesia quæ non sit Parochialis Matrimonium celebrari concesserimus; Parochiæ in qua Matrimonium, de jure, celebrandum fuerit, afferentur Actorum Codices à Parocho seu Vicario, instante Matrimonii celebratione; cujus Acta ibidem inscribentur, usque ipse Parochus aut Vicarius chirographum suum apponet. Quod si verò Ecclesia vel Sacellum in quo Matrimonium celebratur, sit extra fines Parochiæ

Contrahentium; honestè præmonetur is Pastor, cujus intrâ Parochiam erit prædicta Ecclesia vel Sacellum.

Ubi Contrahentes, de Parochi vel Diocesani Antistitis licentiâ, in Parochia non sui domicilii Matrimonio juncti fuerint; loci Parochus, postquam Matrimonii Acta in Parochiæ suæ Codices retulerit, Actorum apographum cum aurographo diligenter collatum (4) & à se subscriptarum trader Partibus; ut illud à Parocho domicilii intrâ Acta propriæ Parochiæ eorum inferatur.

Quod si à Contrahentibus ante connubium suscepta fuerit progenies, excerptum ejus baptizatae instrumentum Parocho afferent, vel ipse Baptismi Acta quæret in suæ Parochiæ Codicibus, si forè apud illam regenerati fuerint filii hujusmodi ex anticipato congressu geniti; ut conficiatur instrumentum quo ipsos ut suam progeniem agnoscant parentes; & sic, virtute Sacramenti, ex illegitimis legitimi, si locus sit, renuntietur.

Illud autem agnitionis Instrumentum adhiberi & confici non debet, nisi propter filios qui è parentibus tunc liberis nati fuerint; etenim (ut jam præmonuimus) Matrimonium subsequens non potest filios adulterinos legitimos facere. Et generatim nunquam sinant Pastores ut Ecclesiæ suæ Codicibus ullum inscribatur Instrumentum agnitionis in gratiam filiorum ab ejusmodi parentibus genitorum, qui, tempore conceptus, ad Matrimonium legitimo scedere contrahendum inhabiles fuerint propter Con-

- (1) Contrôlé.
(2) Légalisé.
(3) L'original.

(4) Copie collationnée avec l'original.

sanguinitatem aliudve Impedimentum dirimens; nisi aliud expressâ clausulâ indulgeat Dispensatio, per quam iis connubio inter se jungi concessum fuerit.

Porro illâ Partium famâ non fieret, si hujusmodi agnitio ipsius Matrimonii Actis infereretur; sic enim Testibus ad subscribendum accedentibus innotesceret illicita consuetudo quæ inter conjuges ante Matrimonium intercessisset; nec postea excerptum è Parochialibus Codicibus Matrimonii Instrumentum suppeditari posset, quin simul revelaretur eorum culpa, ipsorumque familia æterno pudore suffunderetur.

Ad vitandum grave illud incommodum, præcipit sanctæ Religionis charitas, ut Parochus Matrimonii Acta conficiat juxta formam usita-

tam, nullâque filiotum istorum factâ mentione. Postquam Actis, ut diximus, fuerit subscriptum; infra chirographos à Pastore describetur agnitionis Instrumentum, quod ipse cum Partibus contrahentibus subscribabit. In hoc altero Instrumento apponetur quò die nati sint prædicti filii, quò die & quò in loco baptizati, quinam sint eorum Patrini & Matrinx. Hujus Instrumenti Formula in Pastoralis hujus parte Rituali post Actorum Matrimonii Formulas reperietur.

Si quis postea excerptum Matrimonii Instrumentum postulet, Parochus aut Vicarius hoc unum suppeditabit; neque omnino nisi illis requirentibus qui contraxerint, sive ipsismet filiis agnitis, horum agnitionis aut legitimationis instrumentum adjiciet (c).

(c) *Vide sup. De Sacram. Baptismi, Div. III, cap. 1.*



D I V I S I O VII.

*EXPLANABITUR in hac Divisione , 1°. Quomodd raturu
ex irritu fiat Matrimoniu cum Impedimento dirimente con-
tractum : 2°. Quomodd in Romana Pœnitentiaria Tribunali
Brevia Dispensationum impetrari , atque impetrata executioni
mandari legitime possint.*

C A P U T P R I M U M.

Q U O M O D O raturu ex irritu fiat Matrimoniu cum
Impedimento dirimente contractum.

*QUÆDAM prænotanda. Parochus aliquod Matrimoniu irritu esse au-
diens , quàm prudenter agere debeat. Matrimoniu irritu ex de-
fectu veri ab utraque Parte consensûs : ex defectu consensûs ab una
Parte : ex defectu præsentia Parochi & Testium , &c. Matrimoniu in
facie Ecclesiæ celebratum , & tamen irritu , propter Impedimentu ,
sive publicu , sive occultu. Modus renovandi consensûs , cùm unus tan-
tùm conjux Impedimenti conscius est: Ambo conjuges Matrimoniu suu
irritu esse ignorantes. Quid agendu , si tale sit Impedimentu super
quo non dispenset Ecclesiæ : si publicu sit hujusmodi Impedimentu , vel
possit in Judicio probari. De dubio prudenti circa Matrimonii nullitatem.*

MATRIMONIUM , quacumque ex
causa irritu fuerit , nullâ nec tem-
poris diuturnitate , nec Partium bonâ
fide convalescere potest , nisi sup-
pleatur id quo deficiente irritu
extiterit. Hinc , ut convalescat , re-
novandus necessariu est consensus.
Conjugium enim sine consensu legi-
timo validu esse nequit : consen-

sus autem nec fuit , nec esse potuit
legitimus , cùm invalidè quacum-
que ex vitiositate celebratum. fuit
conjugium ; proindè , ut illud in-
stauretur , novu consensu præ-
beri oportet.

Sæpè autem contingit non posse ,
sine gravissimis damnis , scandalis ,
aliisve incommodis , ad Judicis auc-

toritatem recurri, ut irrita declarentur ejusmodi Matrimonio, nec possent eos qui illa contraxerunt, à se mutuo disjungi; præferim si de Matrimonio agatur jam consummato, multòque magis si sit ex eo progenita fœboles.

Cùm igitur in Matrimonio conciliandis nonnunquam perniciosè eretur, illudque in quo semel sit erratum, difficile admodum corrigatur; præcipit Ecclesia ut Parochi cæterique Confessarii varias difficultates quæ in Impedimentis occurrunt, totamque de Matrimonio doctrinam planè cognitam penitusque perspectam habeant. Scilicet maximà diligentia & cautione opus est, ut nemo neque illicitè, neque invalidè Matrimonium contrahat: qui enim Benedictionem Nuptialem cum aliquo Impedimento scienter susciperet, gravissimè peccaret; ac præterea quos ligasset Impedimentum dirimens, cum veri conjuges haberentur, vero tamen concubitu vel incestu sese contaminarent (a).

Si autem Parochus, frustratà omni Ecclesiæ diligentia, Matrimonium aliquod in sua Parochia nullum & irritum esse (alià tamen quàm Confessionis viâ) derexerit; zelo non agat præcipiti atque inconsiderato, sed rei veritatem ante omnia cautus investiget. Neque enim propter meram suspicionem turbanda est cujusquam familie tranquillitas; cum utique suspicio eam vincere nequeat opinionem, quâ legitimè præjudicatur in gratiam Matrimonii

bonâ fide contracti. Itaque prudenter inquirat Sacerdos, an, & quibus de causis verè nullum sit illud Matrimonium; an Partes rem ita esse sciant vel ignorent; publicumne an occultum sit Impedimentum; an denique super illo dispensare possit Ecclesia.

SCILICET irritum esse potest Matrimonium, 1°. Propter veri liberique, vel ex utraque, vel ex alterutra Parte consensus defectum: si nempe Matrimonium celebratum fuerit cum fictione quæ consensus veritatem, aut ex errore vel metu qui ejus libertatem perimat: 2°. Propter Parochi ac Testium absentiam, aut aliud Impedimentum, sive publicum, sive occultum, sive dispensabile, sive indispensabile, quo fiat ut consensus, quamvis in se liber ac verus, tamen præstitus in irritum fuerit.

1°. Cùm propter veri liberique ex utraque Parte consensus defectum inaniter contractum fuit Matrimonium; ut illud instaretur, novum consensus, & quidem exterius, Pars utraque præbeat necesse est. Etenim, ad Contractus connubialis (quemadmodum ad cujuslibet alterius Contractus) validitatem, requiritur consensus humano more declaratus, adeoque signo aliquo sensibili manifestatus: non igitur sufficit ut Sponsus uterque solo animo consentiat. Expedit autem ut consensus ille coram legitimo Sacerdote Benedictionem nuptialem

(a) Conc. Rom. sub Greg. II, an. 721. can. 3. & sub Greg. V, an. 998. can. 1.

Rem. sub Sonnat. an. 625. v. 630. can. 8.

impertiente

impertiente præbeatur. Curandum est enim Christianis, ut Sacramenti dignitatem & gratiam obtineat Matrimonium; quam quidem certò obtinere nequit sine Benedictione Sacerdotali, ut potè quæ, juxta sententiam probabiliorum, hujus est Sacramenti forma. Quòd si verò sine gravi incommodo aut scandalo id fieri non possit, nec velint conjugēs à Matrimonii usu abstinere; eo nihilominus uti possunt, postquam mutuum consensum præstiterint, licet non accesserit Benedictio Sacerdotalis.

II°. Si conjugium, deficiente Partis duntaxat unius consensu, irritum fuerit; & multò probabilius, & satis tutò asseritur id convalescere per consensum illius qui eum ab initio non præstiterat; dummodò alter consensum à se datum non revocaverit, sed in eo perseveret. Exteriùs autem exprimi debet consensus qui ab initio defuit; non tamen requiritur ut verbis, sed sufficit ut conjugii usu, aliàve maritalis animi testificatione manifestetur: undè opus non est ut Pars altera de præterito consensus defectu admoneatur (b).

III°. Quandò ex Parochi Testiumque absentia invalidum fuit Matrimonium, coram illis iteretur necesse est. Cum enim defuerit solemnitas ad ejus essentiam pertinens; hæc suppleri necessario debet; neque ex irritò ratum fieri aliter potest hujusmodi connubium, quàm si à clandestino publicum fiat; si nempe in facie Ecclesiæ celebretur, præmissis, de more, Sponsali-

bus, & *Bannorum* promulgatione, nisi super his dispenset Diocesanus Pontifex; quem, in simili casu, statim ab initio consulat Pastor, quamvis nullà opus sit Dispensatione, cessante videlicet *Clandestinitatis* Impedimento; cùm observantur ex solemnitatibus quæ sunt Jure præscriptæ.

IV°. Si Matrimonium in facie Ecclesiæ celebratum, alià tamen ex causa irritum fuerit; vel publicum, vel occultum est Impedimentum. Si publicum sit, aut verisimiliter futurum, ac præterea dispensabile, Dispensatio in *Dataria* Tribunali, requiruntibus Partibus, obtinenda est, nisi illud per se jam defuerit, v. g. *defectus ætatis*; tunc enim nulla requiritur Dispensatio; consensus deinde coram Parocho & Testibus ab utraque Parte renovandus est; Matrimonium scilicet in facie Ecclesiæ cum usitatis solemnitatibus denuò celebrandum. Idcirco enim Concilium Tridentinum Matrimonia publicè contrahi voluit, ut de ipsis tam Ecclesiæ quàm Imperio constaret; sicque multa & gravia quæ ex clandestinis nuptiis proveniebant, incommoda, adulteria præcipuè, vitarentur: sed non publicè & efficaciter in hunc finem constaret de Matrimonio clandestinè & sine Testibus renovato; undè alter conjug, probato deinceps Impedimento, non posset à novo Matrimonio coërceri: sic nimirum, de prioris quidem Matrimonii *nullitate*, non verò de ipsius *rehabilitatione* constaret.

(b) S. Thom. S. Bonav.
Tomo II.

Tunc porro novis *Bannorum* denuntiationibus opus erit; nisi paulò antè pro conjugio priore locum habuerint, vel conjugii nullitas nondùm in vulgi cognitionem eruperit. In hoc enim postremo casu, ne toti Parochiæ detegatur quod sine scandalo detegi plerumque non posset, longè satius est ut, ab Ordinario impetratà *Bannorum* Dispensatione, renovandi Matrimonii Testes assumantur ii, aut eorum præcipui, qui Impedimentum novenerint.

Cùm igitur in Parochia sunt conjuges, quos publicè confiter cum Impedimento dirimente Matrimonium iniuisse; ipsis leniter exhibeat Parochus quam lugendo in statu versentur: eos & thoro & contubernio sese dissociare jubeat, donec, impetratà Dispensatione, iterùm coram Patocho & quatuor testibus sese mutuo in virum & uxorem accipiant. Connubium verò sic instauratum in Parochiales Actorum Codices referatur, factà impetratè Dispensationis mentione. Sic demùm supradicti conjuges tutà conscientia simul habitare poterunt: sic tollitur scandalum: sic publicè manifestum erit eos validè contraxisse: sic prolis eorum status asseretur. Quòd si Pastoris monitionibus obsequi detrectent, vel plus æquo morentur; eorum contumaciam vel negligentiam ipse ad Nos deferat.

Vº. Si Matrimonium in facie Ecclesiæ celebratum irritum fuerit propter Impedimentum occultum, idemque dispensabile; vel ambo falsi conjuges, vel unus duntaxat Impedimenti conscius est. Si Pars

utraque suum ceterò sciat irritum esse conjugium, autè omnia Parocho vel Confessario curandus est ut Pars utraque thoro dissocietur, & neutra nec Matrimonii jus postulet, nec reddat postulant; alioquin, utraque sciens & volens fornicaretur. Ut autem convalescat hoc Matrimonium, 1º. Impetranda est, sive à Romano Pontifice, sive ab Ordinario Dispensatio; nisi per se jam cessaverit Impedimentum, v. g. *defectus ætatis*: 2º. Uterque conjux novum exterius præstare debet consensum. Quòd si unus tantùm conjux Impedimenti sit conscius; Pars quæ suum Matrimonium non valere ceterò cognoscit, jus connubii nec petere nec reddere potest; alioqui, sciens & volens fornicaretur.

ITAQUE, cùm de Impedimento agitur nunc & in futurum occulto, & quod in Judicio probari nunquam possit; impetratà Dispensatione & consensu privatim renovato, sine ulla solemnitate convalescit hujusmodi Matrimonium, quod supponitur jam antea, quamvis inaniter, in facie Ecclesiæ contractum. Ratio est, 1º. Quia, *Pœnitentiariæ* rogatu, sic declaravit S. Pius V: 2º. Quia Lex Concilii Tridentini quæ prohibentur nuptiæ clandestinæ, ad hujusmodi Casum minimè extenditur. Cùm enim prius Matrimonium, licet reipsà nullum & irritum, nihilominus in foro Ecclesiæ validum sit; nihil est quod timeatur ne Sponsorum alter aliud conjugium, Polygamix penitus utique obnoxium, attentare audeat. Scandala demùm, aliaque gravissi-

ma incommoda praxi contrariâ invehcerentur.

In consensû renovatiõe nulla occurrit difficultas, cum utraque Pars Impedimenti conscia est. Cum verò unus tantum è falsis conjugibus Impedimentum cognoscit, eâ in re multa requiritur prudentia & circumspectio. Si ergò Pars duntaxat unâ Impedimentum noverit, propter quod irritò juncta sit Matrimonio, nec res alteri conjugi sine periculo manifestari posse videatur, ut sit, cum Impedimentum ex delicto occulto exoritur; tunc Pars Impedimenti conscia hujus Dispensationem obtineat, & ipsa, consensum renovans, mutuum ab altera Parte consensum quam poterit solertissimè eliciat. Quòd si nullum, secluso injiciendæ suspicionis periculo, colloquium super hoc misceri posse videatur; sufficiet pro tempore, ut, priùs similiter obtentâ Dispensatione, compar ad comparem affectu conjugali accedat, quo similiter Partem Impedimenti nesciam moveri non sit dubium. Quod autem facis est in necessitate, id quamprimùm, exploratâ occasione, per consensum expressius renovatum compleri oportet. Hic enim consensu renovandi modus ultimum perfugium est, cum ceteri, aut expressi, aut æquivalentes, prodesse nequeunt, & scandalum, gravis infamia, aut, divortium meritò timeantur. Porro, in simili Casu, servidis precibus bonisque operibus eam, qua defersum est, sapientiam (c),

invocare non omittat Parochus aut Confessarius, ut in consiliorum viâ tam lubricâ satus incedat. Tum verò diligenter expensis Pœnitentium moribus, indole, amore vel odio quo in se invicem affecti sunt, rem totam suo Episcopo detegat, si possit; sin minùs, consulto *Patre luminum*, novi consensûs obtinendi modum suggerat, quem magis tutum vel minùs periculosum judicaverit.

Fieri demùm potest ut ambo simul conjuges Matrimonium suum irritum esse ignorent. Eo in Casu prudentissimè & cautissimè se gerat Pastor, aliussve Confessarius. Si memoret ne illi continenter vivere non possint, donec impetrata fuerit Dispensatio ad Matrimonium instaurandum necessaria; eam postulare ipse poterit, antequàm illos de Impedimento moneat: quam præsentem habens, malum simul deregat, & malo remedium subministret; sique perturbationem tali monitione injectam statim reddita pace componat.

Curent autem Pastores, Vicarii Confessariiue diligenter, ut, si quando Matrimonium occurrat, vel publicâ celebratione, vel etiam privatâ mutui consensûs renovatione instaurandum, conjuges, præmissâ Confessione sacramentali, conscientiam mundare studeant.

Quod si verò tale sit Impedimentum, ut super eo non dispenseo Ecclesia, vel impetrata Dispensatio non sine maxima difficultate exe-

(c) Jac. 3. 17.

ruitioni mandari possit; aut si, perspectâ conjugum indole, prævideat Sacerdos monitionem nihil iis futuram, vel potius damnosam fore, grave scandalum, gravia incommoda inde secutura, & conjuges in bona fide securi conquiescant; satius erit monitionem silentio premi, & conjuges in bona fide sua relinqui (d): saltem ulterius, insulto Diocesano Antistite, non procedatur.

Si publicè notum sit Impedimentum nullam omninò spem Dispensationis relinquens; debent falsi conjuges, nulla interpositâ morâ, thorro & contubernio sese dissociare, atque intetâ Causam persequi, ut irritum iudicè declaretur suum Matrimonium, ipsique ad alias, si libuerit, nuptias convolare possint.

Si autem illud Impedimentum non publicum sit, & tamen possit in Judicio probari; Partibus liberum erit ut iuridicam obtineant conjugii dissolutionem; utve, irritò & nullo remanente conjugio, in fraterna castaque societate simul habitent. Sed hoc posterius non iis prudenter concedi poterit, nisi ætatis sint ptovectioris morumque integerrimorum; ita ut nullum sit, neque scandali, neque incontinentiæ periculum: quod quidem non temerè, imò rarissimè supponendum est; idèoque, quos tenet hæc difficultas, ad persequendam sui Matrimonii dissolutionem impellendi sunt.

Quod si verò non certò & evi-

denter nullum irritumque sit Matrimonium, sed de ejus nullitate prudenter dubitetur; varii sunt Casus distinguendi.

Si dubitent Partes ambæ, an validum, an non potius irritum sit Matrimonium, quod tamen cum requisitis solemnitatibus in facie matris Ecclesiæ contraxerunt; continenter vivere debent, donec dubium deposuerint, sive nondum consummato, sive jam consummato Matrimonio dubium hujusmodi exortum fuerit. Si dubium perseveret, eos Diocesano Pontifici tem detegere oportebit; ad quem scilicet pertinet, in dubio legitimo & post requisitam disquisitionem non sublato, Dispensationem concedere.

Si autem Pars una duntaxat de sui Matrimonii validitate anceps hæreat; vel ipso die celebrati Matrimonii, vel postea dubium illud suboritur. Si prius; debitum conjugale neque postulare debet, neque reddere duorum mensium intervallo, quod nempe Matrimonio junctis conceditur, ut deliberent an maritali modo inter se vivere, an castitatem in Religione Monastica profiteri velint. Duobus tandem elapsis mensibus, si dubium prudens ac discretum adhuc perseveret, nec deponi ullâ ratione possit, ad Ordinarium recurrere oportebit, ut Dispensationem, si prudenter id fieri posse judicet, in illo veri legitimeque dubii Casu impertiat. Quodd si dubium non suboritur nisi post Matrimonium jam con-

(d) *Ina. III, cap. 6, De consanguin.*

summatum ; Pars dubitans conjugale debitum non postulare quidem, sed reddere licetè poterit, similiterque consulto loci Antistite, si dubium perseveret, in Impedimento tanquam dubio Dispensationem obtinere, vi cujus rato habito Matrimonio, debitum petere possit, quemadmodum & reddere.

Aliquando etiam necesse erit ut Pars dubitans alteram commoneat de sui dubii rationibus, quando nimirum sine scandalo id prudenter fieri poterit, nihilque præterea timendum videbitur ; ne Pars non dubitans, fornicationis saltem ma-

terialis periculo obijciatur, si nempe maritali modo vivat cum conjuge sibi forsan non legittimè sociato ; ne etiam Pars dubitans id reddat, quod etiam fortasse mera sit fornicatio.

In his verò atque aliis de Matrimonio, sive contrahendo, sive contracto, Casibus ut plurimum difficillimis, consulatur Diocesanus Pontifex, virique doctrinæ & experientiæ graves ; ut, omnibus maturo iudicio perpensis, quod Religionis magis consentaneum, inagisque salutiferum Partibus fuerit, coram Deo constitutur.

C A P U T I I.

QUOMODO in Romanæ Pœnitentiariæ Tribunali *Brevia* Dispensationum impetrari, atque impetrata executioni mandari legitime possint.

QUANTI momenti sit hoc argumentum. Quando & quomodo ad Datatæ & Pœnitentiariæ Tribunalia recurrì oporteat. Qualis esse debeat Supplicis Epistola formula : quibusnam vitis subreptitia vel obreptitia sit Dispensatio. Exemplar Epistola Supplicis. Circa illius confessionem quædam observantur. Quis possit Romana Pœnitentiariæ Brevia exequi. Alia Supplicum Epistolarum exemplaria. Formula Epistola Supplicis, cum scribitur ad Suppœnitentarios. Formula Brevium Pœnitentiariæ, respondentium Epistolis Supplicibus : quorum Brevium præcipua clausula explicantur. Subjungitur formula Epistolæ Supplicis pro Simonia.

CUM in facto Pœnitentiæ Tribunali, tum Parochis, tum cæteris Confessariis in nostra Diœcesi approbatis occurrere possint difficultates, v. g. circa Matrimonii Impedi-

menta occulta, Vota castitatis perpetuæ, seu ingrediendæ Religionis, in quibus secum dispensari postulent Fideles ; hic tradendam censuimus modum obtinendi

Brevia dispensatoria in foro Pœnitentiali, summam & arcanam sanctæ Romanæ Sedis Jurisdictionem exercent, & ea validè exequentur. Atque hoc argumentum eò diligentius tractandum est, quòd sigillum Confessionis attingit, tam sacrum & tam fragile; tum quòd *Brevia* illa neque impetrari, neque suum effectum sortiri possunt, nisi ad amissum observentur quædam conditiones & formæ; quæ cum sæpius ignorentur, hac in re facilis error, nec sine ingenti animarum periculo, subrepat.

Ubi occurrit Pœnitens quocumque sit Apostolicæ Dispensationi locus in *Impedimento* dirimente *Criminis* vel *Affinitatis illegitimæ*, sive ad Matrimonium contrahendum, sive ad contractum renovandum; vel in Voto Sedi Apostolicæ reservato; vel qui sit absolvendus, sive à peccatis, sive à Censuris summo Pontifici reservatis: si sit ejusmodi res quæ possit ad forum externum deduci, necesse erit ut Pœnitens Curie Romanæ Expeditionarium adeat, cujus ope à Tribunali *Dataria* (1) Rescriptum in forma *Brevis*, quo sibi opus est, accersat. Sed nihil erit cur Pœnitens publici illius internuntii ministerio uri debeat, si res occulta sit, atque in secreto Pœnitentiariæ Tribunali tractanda; in quo scilicet gratiæ omnes gratuito expediuntur. Tunc Orator vel *Oratrix*, per se, vel per alium scribere potest ad Eminentiſſimum Cardinalem Pœnitentiarium majorem; qui quidem, dummodò perſolutum fuerit de hanc Epistolæ pretium, certissimè rescribet. Quòd si rescriptum intra justum tempus non adveniat,

iterum scribatur, donec respondeatur.

Formula verò Supplicis Epistolæ plana, dilucida & simplex esse debet, nullis ambagibus, verborumque insolitorum affectatione: aliqui laceatur, nec ei quidquam responderetur. Gallico, sive alio quovis idiomate scribi potest: Latini utitius est, idemque dignius. Itaque candidè & breviter, nullaque prætermisâ circumstantiâ necessariâ, exponatur illud Votum seu Impedimentum, cujus in specie Dispensatio postularur, & rationes expendæ Dispensationis; vel Casus cujus efflagitur Absolutio. Illud præsertim summâ religione curandum est, ne veritas tegatur, neu falsa pro veris exponantur: aliqui *subreptitia* vel *obreptitia*, idèque irrita foret Dispensatio. In ea Epistola sigillatim explicanda sunt omnia Impedimenta quæ difficultatem reddere possent gratiæ impetrationem: si v. g. duplex sit vinculum, id est, si Orator cum duabus uxoris sororibus, vel cum uxoris matre & sorore peccaverit: si, post crimen undè Impedimentum exortum est, Matrimonium sine Dispensatione attentatum fuerit; & si tunc Impedimentum utrique Parti aut alterutri notum vel ignotum esset. Graviorum enim, vel leviorum, pro circumstantiarum diversitate, à Romano Pœnitentiario satisfactoriæ pœnæ imponuntur. Nihil opus est in Supplici Epistola declarari quoties crimen commissum fuerit: etenim *Brevia* nunquam datur nisi in forma *commissoria*, per quam tribuitur facultas, auditâ sacramentali Confessione, absolvendi. Explicandum est pariter an ex homicidio, an ex adul-

(1) *La Dataria*.

terio, an ex utroque oriatur Impedimentum. In homicidio occulto rarissimè dispensat summus Pontifex *ad contrahendum* : in simili Casu requiruntur Dispensationis causæ gravissimæ, vel potius extra consuetum ordinem positæ. Ubi occultum est crimen Supplicantium Matrimonio inter se jungi cupientium, aliudque obstat Impedimentum publicum, hoc etiam *Pœnitentiaria* aperiendum est; eique præterea indicandum Supplices apud *Datariam* egisse vel adurus esse, ad obtinendam in Impedimento publico Dis-

pensationem : quæ quidem obtenta prius *fulminetur*, quàm occultum Impedimentum in arcano Pœnitentiæ Tribunali eadem auctoritate Apostolicâ tollatur.

Itaque, *Oratoris* vel *Oratricis* tacito nomine ac domicilio, ad Eminentissimum Cardinalem Pœnitentiarium - majorem à Confessario scribitur epistola sub hoc titulo exteriore :

A SON EMINENCE

Monseigneur le Cardinal Grand-Pénitencier :

A Rome.

FORMULA Epistolæ supplicis, ad postulandam Dispensationem in Impedimento occulto Affinitatis ex copula illicita.

I. Ad contrahendum.

Eminentissime & Reverendissime Domine,

EXPONITUR humiliter Reverentia Vestra pro parte devoti illius Oratoris Titi, quod, postquàm idem Orator carnaliter cognovit Fabiam, postea ignarus Impedimenti, bonâ fide (vel conscius Impedimenti,) tractatum habuit de contrahendo Matrimonio cum sorore dictæ Fabiæ. Cùm autem dictum Impedimentum sit occultum, tractatus verò publicus; & nisi ad effectum deducatur, scandala exinde vero similiter exortura sint; cupit Orator, ad vitanda scandala, & pro conscientia sua quiete, de præmissis, de quibus summè dolet, absolvi, & secum dispensari. Quare Eminentia Vestra humiliter supplicat, ut super his de opportuno remedio auctoritate Apostolicâ providere dignetur.

Tomus II.

Dignetur Eminentia Vestra responsum dirigere ad me infra scriptum N.

Hic Sacerdos Rescriptum postulans ut illud exequatur, nomen suum & qualitates suas accuratè scribat explicitèque designet (sit-ne simplex Confessarius, an Parochus, an Theologiæ Magister, an Canonum Doctor); ac denique suum domicilium. Nec longiorem eâ de re timeat expositionem; & ne quis remaneat æquivocationi locus, Parochiæ, Urbis, Diocæsis, Provinciæ nomen diligenter explicet. ●

Cùm autem Orator vel Oratrix, vel ambo simul Supplices, per seipsos Romam scribentes, ad semetipsos Breve dirigi cupiunt, ut illud Patocho vel Confessario tradant, per quem à se deligendum fiat Rescripti executio; (quoniam solet Pœnitentiaria Doctores in facta Theologia vel in Jute Canonico eligere) si nullus

* Y y y y 4

in Oratorum regione adsit hisce ritulis insignitus, vel jam conscientie suæ arcana simpliciter approbato Sacerdoti aperuerint, vel demùm (ut plerumque fit in mulieribus) Doctorem longinquum adire nequeant; tunc ab eo qui Romam scribit, hæc adduntur: *Et quia in Oratoris (vel Oratricis) loco nullus reperitur Confessarius in Theologia Magister, vel Canonum Doctor, vel alius ad exequendum privilegiatus, (seu quia Orator vel Oratrix suam conscientiam simpliciter approbato Sacerdoti jam aperuit,) dignetur Eminentia Vestra providere & disponere ut etiam alius exequi valeat.* Et tunc Breve sic dirigitur: *Discreto viro Confessario ex approbatis ab Ordinario, per latorem Prasentium specialiter eligendo.* Si Orator nominatim designet Confessarium ad quem Breve dirigi cupiat, non omittat ejus qualitates exponere. Præter titulum quem Breve interiore formulâ exhibere debet, provideatur insuper ut recta sit exterior superscriptio: idèquæ Orator vel Oratrix nomen suum & domicilium quàm accuratissimè, ut suprâ diximus, Gallico idiomate ac dilucidâ scripturâ exarabit post has voces: *Dignetur Eminentia Vestra exteriore titulo rescribere ad N....*

Cùm Rescripti executor non est nominatim designatus, potest quilibet Sacerdos ad excipiendas Fidelium Confessiones ab Ordinario approbatus illud executioni mandare; liberumque est Impetrantibus unum quem voverint inter illos Confessarios eligere, à quo absolvantur, vel secum dispensetur. Electo ejusmodi Confessario Breve tradendum est

obsignatum: si tamen casu aliquo; vel alicujus improbâ curiositate apertum fuisset, non idcirco minùs validum censetur. Quòd si etiam Confessarius, aperto Breve, & Pœnitentis auditâ Confessione, hunc absolvere aut cum ipso dispensare abneget, nihilominus Breve ab alio poterit executioni mandari: idem dicendum, si ante Brevis executionem deficiat primò electus Confessarius (*). Si nominatim designatus fit Rescripti executor, illud exequi alius non potest. Si non sit nominatim designatus, Rescriptum exequi poterit (ut modò dictum est) quivis ab Oratore electus, expressis in Epistola titulis insignitus, & qui sit ab Ordinario approbatus in loco, atque erga personam, in quo, & cujus in gratiam Rescriptum executurus est. Si debeat executor à Dicesano Præsule designari, Impetrans mandata Præsulis eà de re postulet. De his autem judicandum erit ex tenore Commissionis in Breve descriptæ: quam proindè accurate legat Sacerdos, ne potestatis suæ limites excurrat. Confessarius porrò ad quem directum fuit Breve Pœnitentiariæ, cùm sit ipse delegatus, vicarium Brevis executorem delegare non potest.

II. Ad remanendum in contracto.

Eminentissime ac Reverendissime Domine.

FABIVS laicus, conscius (vel ignarus) Impedimenti, contraxit in fœle Ecclesiæ Matrimonium eum muliere, cujus matrèm (vel filiam, vel sororem, vel matrem & sororem, vel sorores duas) priùs carnaliter cognovit.

(*) Pyrrhus Corradus, lib. 7. c. sp. 4. n. 72. Saichet, de Matrim. l. 8. dispur. 27. n. 40.

cognovit. Quare, cum sine scandalo separari non possint, & Impedimentum sit occultum, humillime suppli-

cat pro Absolutionis & Dispensationis remedio.

Dignetur, &c.

ALIA SUPPLICUM EPISTOLARUM EXEMPLA.

Ad postulandam Dispensationem Impedimenti occulti Affinitatis ex copula illicita.

I. Ad contrahendum.

Eminentissime ac Reverendissime Domine,

VIR solutus duas cognovit carnaliter sorores solutas: ex una, quæ est inficia Impedimenti, liberos suscepit; & ad reparandum illius fame detrimentum, illam vult ducere uxorem. Postulat sibi concedi Dispensationem ad Matrimonium validè ac licitè contrahendum.

Dignetur Eminentia Vestra scribere ad N. & dirigere Breve Parocho Supplicantis, vel discreto viro Confessario ex approbatis ab Ordinario, vel ab illo designando.

Alio modo.

Eminentissime ac Reverendissime Domine,

FABIVS intendens Juliam uxorem ducere, cum ea & cum ipsius matre peccavit. Peccatum cum matre commissum remansit occultum: cum tamen illud Impedimentum sit Matrimonio quod Fabius cum Julia contrahere cupit, & ad quod tenetur ad tollendum scandalum & reparandam

Julia famam; (vel ad preveniendum scandalum & servandam Julia famam;) expetit Orator, propter dictas rationes, & pro conscientia suæ quiete, à præmissis, de quibus summè dolet, absolvi, & secum dispensari, ut sibi liceat cum memorata Julia Matrimonium contrahere.

Dignetur, &c.

II. Ad remanendum in contracto.

Eminentissime ac Reverendissime Domine,

PORCIUS cupiens Matrimonio jungi cum Fabia, cujus matrem prius carnaliter cognoverat, & in spe Dispensationis facilius impetranda, prædictæ Fabiæ nupsit non dispensatus, & cum ea per annum unum (vel plures) habitavit. Sed culpam suam agnoscens, de qua summo perè dolet, Absolutionem petit delictorum suorum quæ omnia occulta remanserunt, & Dispensationem ad effectum renovandi Matrimonii sui cum Fabia, à qua non sine maximo scandalo discedere potest.

Dignetur, &c.

Ad postulandam Dispensationem in Voto ingrediendi Religionis.

I. Ad contrahendum.

*Eminentissime ac Reverendissime
Domine ,*

EXPONITUR humiliter Reverentia Vestra pro parte devoti illius Oratoris Tui, quod ipse aliàs gravi morbo laborans, se Religionem ingressurum simpliciter vovit. Cum autem Orator, ob stimulos carnis

quos sentit, continenter vivere posse non speret; pro sua conscientia quiete cupit Votum hujusmodi, ad effectum contrahendi Matrimonium, in alia Penitentia & pietatis opera per Sedem Apostolicam commutari. Quare Eminentia Vestra humiliter supplicat, ut super his de opportuno remedio providere dignetur.

Dignetur, &c.

*EXEMPLUM Epistola supplicis, Gallico sermone conscripta, ad
obtinendam Dispensationem in Voto castitatis perpetua.*

Ad contrahendum.

Monseigneur ,

LA Suppliante a fait Vœu de chasteté perpétuelle; (ou de se faire Religieuse;) mais elle se trouve en péril de le violer, à cause des violens aiguillons de la chair qu'elle ressent; (ou, parce qu'ayant perdu son pere & sa mere, elle est exposée à bien des dangers;) c'est pourquoi, pour mettre sa conscience en repos, elle demande très-humblement que son Vœu lui soit changé, à l'effet de pouvoir contracter Mariage.

Votre Eminence aura la bonté d'adresser sa réponse à Monsieur N. demeurant à N. Diocèse de Paris (il faut désigner la ville la plus proche); & de commettre, pour accorder

à la Suppliante la grace qu'elle demande, la personne de Monsieur N. simple Confesseur, ou Curé, ou Vicaire de N. auquel la Suppliante a commencé sa Confession, ou ouvert sa conscience.

Ad remanendum in contracto.

*Eminentissime ac Reverendissime
Domine ,*

ORATOR Votum Religionis (vel perpetua castitatis) emisit, & postea nupsit. Sed culpam suam agnoscens, ac de ea summopere dolens, humiliter expetit ut sibi in contracto Matrimonio remanere, debitumque conjugale Parti sua reddere & ab ea exigere liceat.

Dignetur, &c.

Ad postulandam Dispensationem Impedimenti provenientis ex adulterio, secluso homicidio.

Ad contrahendum.

Eminentissime ac Reverendissime Domine,

EXPONITUR humiliter Reverentia Vestra pro parte devotorum Oratorum Titi & Agathæ, quod ipsi aliàs, vivente Oratricis marito, simul adulteraverunt, datâ sibi ad invicem fide de Matrimonio inter se contrahendo, si diâlus maritus pramoreretur; & deindè, illo defuncto, neutro tamen Oratore in ejus mortem machinante, de Matrimonio inter se contrahendo tractârunt. Cùm autem

Impedimentum ex pramissis proveniens sit occultum, tractatus verò publicus, & nisi ad effectum perducat, scandala exindè exoritura sint; ad ea vitanda, ac pro sua conscientia quiete, cupiunt Oratores à pramissis, de quibus plurimùm dolent, per Sedem Apostolicam absolvi, secumque desuper dispensari. Quare Eminentia Vestra humiliter supplicat, ut super his de opportuno remedio auctoritate Apostolica providere dignetur.

Dignetur, &c.

CUM, præter Eminentissimum Cardinalem Pœnitentiarium majorem, alii sint, eo duce ac principe, summi Pontificis Jurisdictionem Pœnitentialem exercentes, nempe Fra-

tres-Minores-Reformati, & Fratres-Predicatores; ad eos, vel eorum Procuratores-Generales rectâ scribi potest in hunc ferè modum:

FORMULA Epistola supplicis, quando scribitur ad Suppœnitentarios. Ad postulandam Dispensationem in Voto castitatis perpetue.

Ad contrahendum.

Admodum Reverende in Christo Pater,

QUOD gravia & copiosa A. R. Paternitatis Vestra negotia interpellem, urget charitas proximi. Si quidem Cœcilia Votum simplex perpetue castitatis emisit: sed cùm de factis orbata suis parentibus, variis exponatur incontinentia periculis, ita ut continenter se vivere posse diffidat; (vel, sed cùm carnis sti-

mulis addeò agitata sit, ut & maxime dubitet continere posse, & propterea de ejus incontinentiâ probabiliter timendum sit;) enixè rogat Dispensationem ad effectum nubendi, ut sibi debitum conjugale & exigere & reddere liceat. Quare humilissime rogat, & ego cum ipsa, ut dignetur A. R. Paternitas Vestra necessariam Dispensationem pro foro interno apud S. Pœnitentiariam amore Dei & proximi procurare, & obtentam mihi transmittere. Deus omnino charitatis largissimus retributor,

Z z z z 1

(1) La Port de
la Lecture

dabit mercedem; quæ ut copiosa sit, exiguas meas preces promitto, & vestris humillimè me commendo.

A. R. Paternitatis Væstra servus in Christo additissimus. N.

(Parisiis, vel N. die... mensis... an...)

Solvetur etiam deferendæ Epistolæ

læ præterium (1); & hic erit ejus titulus exterior:

AU RÉVÉREND

Le Très-Révérend Pere Procureur-Général de l'Ordre des Franciscains-Réformés. (ou des Dominicains.)

A Rome.

EXEMPLA Brevium PÆNITENTIARIÆ ROMANÆ, ET EORUM
EXPLICATIO.

Hic subjungemus aliquot Formulas Brevium Pœnitentiariæ, nonnullis respondentium Epistolis Supplicibus, quarum suppeditavimus exem-

pla; & præcipuas ejusmodi Brevium clausulas explicabimus.

BREVIA Dispensationis in Impedimento Affinitatis ex copula illegitima;

I. Ad contrahendum.

Lucius, miseratione Divinâ Episcopus N. S. R. E. Cardinalis.

DISCRETO viro N. Confessario, Theologiæ Magistro, (vel Canonum Doctori,) ex approbatis ab Ordinario, per latorem (vel latricem) presensium eligendo, ad infra-scripta specialiter deputato, Salutem in Domino.

Ex parte latoris presensium nobis oblata petitio continebat, quod ipse de Matrimonio contrahendo tractavit cum muliere, quam & cujus matrem carnaliter cognovit. Cum autem, sicut eadem petitio subponebat, dicta carnalis cognitio cum prefata mulieris matre sit occulta, & nisi lator cum dicta muliere Matrimonium contrahat, periculum imminet scandalorum; ideo, ad dicta scandala evitanda, & pro sue conscientia quiete, cupit per Sedem Apostolicam absolvi, secumque dispensari. Qua-

rè supplicavit humiliter, ut sibi super hoc de opportuno remedio providere dignemur. Nos discretionis tue committimus, quatenus si ita est, dictum latorem, auditū prius ejus sacramentali Confessione, ac sublata occasione amplius peccandi cum dicta mulieris matre, ab incestu & excessibus hujusmodi absolvas hac vice in forma Ecclesiæ consuetæ, injunctâ ei pro tam enormis libidinis excessu, gravi pœnitentiâ salutari, & aliis quæ de jure fuerint injungenda. Demum, dummodò Impedimentum ex præmissis proveniens, occultum sit, & aliud Canonicum non obstat, cum eodem latore, quod, præmissis non obstantibus, Matrimonium cum dicta muliere, & uterque inter se publice, servatâ formâ Concilii Tridentini, contrahere, & in eo postmodum remanere licet valeat, misericorditer dispenses: prolem suscipiendam exinde legitimam pronuntiando in foro conscientia, & in ipso actu sacramentalis Confessio-

nis tantum, & non aliter, neque ullo alio modo; ita quod hujusmodi Absolutio & Dispensatio in foro judicario nullatenus suffragentur. Nullis super his adhibitis testibus, aut litteris datis, seu processibus confectis,

sed presentibus laceratis, quas sub pœna Excommunicationis lata sententia laniare teneris, neque casu latori restituas: quod si restitueris, nihil ei presentes Litteræ suffragentur. Datum Romæ, &c.

EXPLICATIO precipuarum hujus Brevis clausularum.

I^o. **D**ISCRETO viro Confessario, Theologia Magistro (vel Decretorum Doctori.) Confessarius qui Rescriptum executurus est, eo titulo insignitus esse debet, quem præfert interior hujus Brevis inscriptio. Nonnulli tamen Regulares illud exequi possunt sine ullis Gradibus Academicis, sed non sine Regularium Superiorum licentiâ. Tales sunt Religiosi Mendicantes, Presbyteri Congregationis Missionis, &c.

II^o. *Ex approbatis ab Ordinario.* Hinc sequitur necessarium esse ut Brevis executor Confessarius, quicumque ille sit, tunc facultate polleat excipiendi Confessiones eo in territorio, in quo illud Breve executurus est. Itaque Sacerdos in aliena Diœcesi approbatus, vel qui olim tantum approbatus fuisset in Diœcesi Pœnitentis eum eligentis, cum eo dispensare non posset. Necessè est pariter ut Confessarii Approbatio ad eam personam extendatur, cujus in gratiam Breve concessum est; ita ut, si certi cujusdam territorii limitibus circumscripta sit ejus Approbatio, prædictam personam ex illo territorio esse oporteat. Pœnitentiarius Romanus Ordinarii Approbationem sequitur, eique omnino non derogat.

III^o. *Si ita est, vel si preces veritate nitantur.* Hujus clausulæ virtute, inquirere tenetur Sacerdos an sincera & integra sit expositio Epistolæ Supplicis, cujus tenorem exhibet Rescriptum; an non omissa fuerit aliqua circumstantia necessaria. Si enim sit diversitas, vel omisso gravis, peccatum v. g. Matrimonio contracto, fuisse commissum, vel cum persona conjugata; vel habitam copulam, licet cognito utrimque Impedimento, aut etiam eâ mente ut Dispensatio facilius impetraretur; vel utrique Parti noticiam fuisse delicti Impedimentum parientis; tunc irrita esset gratia in fide incompletæ seu falsæ expositionis concessa, denuoque ad Sedem Apostolicam recurrendum. Inquirendum est pariter veritas causarum propter quas expetitur & conceditur Absolutio vel Dispensatio: an certò constet scandalum allegatum; an vera sit Voti perfolvendi impotentia; an verè occultum sit peccatum seu Impedimentum. Occultum quidem intelligi solet, quod *Juris* aut *facti* publicitate non est publicum, neque etiam in vulgi cognitionem erupit. Sed in Matrimonii Impedimentis, non illa tantum publica censentur, quæ de Jure vel de fa-

do notoria sunt, verum etiam que talia fieri possibile est, quamvis pro tempore occulta sint; qualia sunt Impedimenta *Consanguinitatis* vel *Affinitatis legitima*, *Honestatis publica*, *Affinitatis spiritualis*, &c. Ea enim Impedimenta in Iudicio probari possunt; & tunc irritum pronuntiaretur Matrimonium.

Si ergo Impedimentum quod occultum asseruit supplex Epistola, sit publicum, vel tale fieri possit, ut modò diximus; *Breve* executioni mandari validè non potest. Si Casus qui in Supplicanti domicilio est occultus, sit publicus in loco ubi commissus est, aliove in loco; Pontifici Maximo explicari debet ea *publicitas*: alioqui, *Breve* pro tali casu quatenus occulto impetratum, *subreptitium* foret, nulliusque momenti. Porro in his inquirendis non alius testis adhibendus est præter ipsum Supplicantem, cujus nempe affirmationi omninò standum est, nisi diversus rei status aliundè certissimus innotescat.

IV°. *Dummodò Impedimentum aliud Canonicum non obstat*. Itaque, si Rescripti executor Confessarius Pœnitentem inveniat alio Impedimento irretitum, quod vel omisit ignotans, vel subticuit fraudulentus, iterum ad Pœnitentiam debet scribere; cui Impedimentum rursus explicet, super quo ipsa Dispensationem jam concesserat, prætereque illud exponat de quo nondum iacta fuerat mentio. Et quando in *Dataria* Tribunali Dispensatio erit obtinenda pro Impedimento publico, simulque in Pœnitentiaria pro

occulto; tunc non poterit Confessarius exequi Dispensationem in Pœnitentiaria obtentam, nisi prius *sulminatà* Dispensatione quæ in *Dataria* concessa fuerit.

V°. *Audità prius ejus sacramentali Confessione*. Hinc sequitur *Breve* à Romana Pœnitentiaria transmissum executioni mandari non posse nisi in solo Pœnitentiæ Tribunali, nec illud valere nisi collatà sacramentali Absolutione; atque idcirco necessarium esse ut is cui beneficium *Brevis* applicandum est, sacramentaliter confiteatur Sacerdoti *Brevis* executori, quamvis de simplici Dispensatione, vel de ipsamer solo Voti commutatione agatur. Quinimo, si irritam & sacrilegam emitat Confessionem, irrita quoque erit gratia, nullumque pariet effectum. De quibus omnibus Pœnitentes diligenter moneant Confessarii.

VI°. *Dispenses . . . in foro conscientie & in ipso actu sacramentalis Confessionis tantum . . . ita quòd hujusmodi Absolutio & Dispensatio in foro judicario nullatenus suffragentur*. Per hanc clausulam, in solo foro interno valet gratia. Undè, si publicum esset peccatum vel Impedimentum, inutilis ea gratia foret ad vitandas pœnas publicas, nec minùs irritum maneret conjugium; & tunc Supplicianti providendum esset ex *Dataria* Tribunali, cujus gratia in foro externo eidem applicaretur.

VII°. *Nullis, super his, adhibitis testibus*. Id est, ad illius gratiæ executionem nullus fieri debet judicialis processus, nulla mentio in Parochialibus Actorum Codicibus,

nullum dari testimonium : hæc omnia intra Pœnitentiæ Tribunal perficiuntur , & sigillo Confessionis obfignantur. Cum autem *Breve* in *Dutaria* conceditur pro Dispensatione in Impedimento publico , id ab eo Tribunali ad Officiale dirigatur , à quo *fulminatur* : tum Partes illud cum Officialis Sententia Pastori tradunt : Pastor utrumque refert in Acta Matrimonii , & penes se retinet , si fortè sit aliquandò exhibendum.

VIII^o. *Hac vice , in forma Ecclesiæ consueta*. Potestatem suam non impetrat summus Pontifex , nisi ad gratiæ executionem : undè , postquam Sacerdos Absolutionem ac Dispensationem concessit , ministerium suum implevit ; & si gratia propter malas Pœnitentis dispositiones irrita fuerit , aliud *Breve* obtineri sanctiùsq; applicari unicè tutum est.

IX^o. *Injuncta ei gravi Pœnitentiâ salutari*. (Aliàs , *longa , gravissimâ , perpetuâ*). Si speciatim injuncta sit Pœnitentia , eam , nisi gravibus de causis , commutare non potest Confessarius : sed injunctam Pœnitentiam , suadente charitate ac dirigente prudentiâ , minuere potest , cum illa gravior esse videtur , habitâ ratione sexûs , ætatis , valetudinis , satisfactionum pro iisdem delictis , vel spontè , vel præcipiente Confessario , jam peractarum ; tum pro cæteris circumstantiis , in quibus , incipio Pœnitentiario-majore , versari possunt aliàs ritè dispositi Pœnitentes. Quod si jubeat *Breve* ut Pœnitenti injungatur , singulorum mensum Confessio , non designatâ

diuturnitate ; Confessarius hanc sapienti consilio definire potest. Idem dicendum est de cæteris Pœnitentiis quatum non est constituta duratio. Si ejus arbitrio permittantur pœnæ satisfactoriæ , eas utique juxta prudentiæ leges constituere debet. Si præcipiatur ut sit *longa Pœnitentia* , plures menses complectatur : si *diuturna* , tres circiter annos : si *perpetua* , totam vitam ; ita ut vocis significationi genuinæ quàm maxime respondeat : si *gravissima* ; hujusmodi sint opera injuncta , aut saltem gravitas diuturnitate compensetur. Cæterùm diligenter videndum est , ne qua imponatur Satisfactio , per quam Pœnitentis crimen in cujusquam suspicionem venire possit. Cum enim occultè peccaverit , jus retinet ad famæ suæ integritatem ; eaque , nisi injustè & cum gravissima sigilli Sacramentalis injuria , fraudari non potest.

X^o. *Et aliis qua de jure fuerint , injungenda*. Ea clausula generalis est ; ipsaque , etiam tacita , intelligitur. Si Pœnitens famæ proximi labem inussit , nec pro viribus eam delevit ; si aliena injustè retinet , nec tamen restituere curat ; si inimicitias exercuit , necdùm fratri suo reconciliatus est ; si in comestitionibus , in ebrietatibus , in impudiciis vixit , nec studet mores in melius immutare ; si in peccati consuetudine vel occasione torpescit , nec vult ab iniquitate vel iniquitatis periculo discedere ; circa hæc & similia , piæ severitatis instinctu adigendus est ad omnia præstanda , quæ ab eo postulant æquitas , ratio , Religio & cura propriæ salutis , &

quibus non præstitis, nec delictorum remissionem, nec ipsius gratiæ à Christi Vicario concessæ beneficium obtineret. Atque idcirco, cum in cæteris Casibus, cum in his præsertim, sapientis directionis regulæ, de quibus suo loco satis copiosè differuimus, diligenter observentur.

XI^o. *Neque eas (Litteras) latiori restituas: quòd si restitueris, nihil ei præsentem Littera suffragentur.* Hæc clausulâ sapienter prohibetur ne latiori à Confessario tradatur Breve, postquam fuerit executioni mandatum. Id tamen, rebus integris, fieri potest, si Pœnitens alium velit Sacerdotem adire; dummodò fractum non fuerit Brevis sigillum. Si autem Pœnitens absolutus vel dispensatus Breve reciperet de Confessarii manu, non idcirco in eandem Censuram iterum incideret; sed nullam inde utilitatem in alium quemlibet effectum posset capere. Ita prohibetur ne Litteras reddat Sacerdos, ut ipsemet sepius (etiam sub pœna Excommunicationis eo neglecto incurrendæ) eas lacerare jubeatur, postquam iis usus fuerit. Cum hoc juberetur, negligi nunquam debet: quinimò illud fieri, etiam injustum, semper tutius est; & coram Pœnitente rem confici expedit.

Si quando certa quædam monita fontibus exhibenda in Brevi expressè ac discretè constituuntur, id pariter exequi non omittat Confessarius. Eos præterea de Absolutionis, Dispensationis, seu gratiæ cuiuslibet concessæ effectibus admoneat.

II. Ad remanendum in contracto.

CUM Dispensatio conceditur ad instaurandum Matrimonium invalidè contractum propter Impedimentum antecedens, in Brevis Dispensationis continentur quædam clausulæ peculiare. Transscripta rei expositione, qualis facta fuerat in Epistola supplici, his serè verbis pergit Pœnitentiarius Romanus:

Nos igitur discretioni tuæ committimus, quatenus, si ita est, dictum latorem, auditâ prius, &c. à quibusvis Sententiis, Censuris, & pœnis Ecclesiasticis, quas propter præmissa quomodolibet incurrit, absolvas.... injuncta ei, pro tam enormis libidinis excessu, gravi pœnitentiâ salutari, ac Confessione sacramentali semel quolibet mense per tempus arbitrio tuo statuendum; & aliis injunctis, &c. Denum, dummodò Impedimentum præfatum occultum sit, & separatio inter latorem & dictam mulierem fieri non possit absque scandalo, & ex cohabitatione de incontinentia probabiliter timendum sit, aliudque Canonicum non obstet, cum eodem latore, ut, dictâ muliere de nullitate prioris consensûs certioratâ, sed ita cautè ut latoris delictum nusquam detegatur, Matrimonium cum eadem muliere, & uterque inter se de novo, secretè, ad evitanda scandala, predictis non obstantibus, contrahere, & in eo postmodum remanere licitè valeat, misericorditer dispenses; prolem susceptam, si qua sit, & suscipiendam exindè legitimam decernendo in foro conscientia, &c.

Hujus

Hujus *Brevis* explicandæ sunt clausulæ difficiliores. 1°. *A quibusvis Sententiis, Censuris, & pœnis Ecclesiasticis.... absolvas.* Hic non agitur nisi de Censuris quæ, vel Jure communi, vel Statutis Diœcesanis latæ in eos fuissent, qui Matrimonia contrahunt incesta, seu in Gradibus prohibitis; quia nempe Dispensatio quam pro Casibus occultis concedit *Pœnitentiaria*, eum spectare non potest, qui Censuris propter Matrimonium invalidè contractum perstrictus nominatim fuisset.

II°. *Quas propter præmissa quomodolibet incurrit.* His verbis Confessarii facultas restringitur ad eas Censuras, in quas inciderit Pœni-

tens ob crimen quod sit materia Dispensationis. Si tortè aliis Casibus vel Censuris irretitus inveniat, ab iis absolvi nequit, nisi ab eo ad quem pertinet, specialis obtineatur facultas.

III°. *Userque inter se de novo secretè.... contrahere.... licitè valeat.* Hinc contra Sedis Apostolicæ intentionem fietet, si Sacerdos Partes cogeret denuò coram se ac Testibus contrahere. Prius fieri non potest, nisi quandò nihil prorsus timendum est; nunquam verò testes adhibendi sunt. De cætero consensus à conjugatis quoquomodò renovari satis est, dummodò tamen ea renovatio non sit ex toto ac simpliciter interior.

BREVE Dispensationis in Voto castitatis perpetuæ, seu Religionis.

Ad contrahendum.

TRANSCRIPTO Supplicis Epistolæ tenore, addit Pœnitentiarius Romanus: *Nos discrezioni tuæ committimus, quatenus, si ita est, diſtam latricem, &c. absolvas, injunctâ ei pœnitentiâ salutari, sibi-que Votum præfatum ad hoc tantum ut Matrimonium legitimè contrahere, & in eo debitum conjugale exigere & reddere licitè valeat, in sacramentalem Confessionem semel quolibet mense, & in alia pœnitentiæ opera perpetua per te injungenda, inter quæ sint etiam aliqua (Religionis quam ingressura fuisset) quæ quotidie facere teneatur, ad eum finem ut, ea adimplens, meminisse semper possit obligationis quâ*

Tomus II.

hujusmodi Voto astringebatur, prout secundum Deum ipsius anima salutis expedire judicaveris, dispensando commutes in foro conscientie tantum, &c.

Earum clausularum hæc difficilior occurrit: *Si ita est*; si nempe constet Oratricem usque ad eò carnis stimulis agitari, ut maximè dubitet an possit continenter vivere, idèdque de ejus incontinentiâ sit probabiliter timendum. Circumspectè & prudenter explorare debet Confessarius, qualis & quanta sit Pœnitentis suæ tentatio. Si levis tantum sit aut mediocris; nec multum turbari debet, nec dispensare, donec temporis experimento dispensandi necessitas competere. Exorto dubio utrum satis valida

A a a a a

sit tentatio ut *Brevis* clausula impleatur, vel utrūm ea tentatio possit imminui; Pœnitenti suadendæ sunt pietatis exercitationes ad sedandum ejus animum idoneæ: crebræ, exempli causâ, orationes ad eum quem sequuntur *virgines*, *Agnus Dei* immaculatum (a), ad Reginam virginum, ad Angelum Custodem; ac præsertim Sacramentorum frequentatio; ut, in fortitudine Panis Angelorum & vini germinantis *virgines* (b), hanc virtutem obtineat ut sit sancta corpore & spiritu (c). Denique examinanda sunt consuetudinis gradus, fortitudo & venustas; nec facile sibi persuadendum est eam radicibus convulsam esse ac penitus emortuam, eò quod paucorum dierum aut etiam hebdomadarum intervallo sopita conquieverit. Lapsus periculum probabile, censetur esse ad dispensandum ratio sufficiens: nihil aliud requirit summus Pontifex; & propterea de ejus (Oratrici) incontinentia periculo probabiliter timendum est.

Injunctâ ei Pœnitentiâ salutari. Rarò evenit ut quisquam sine culpa sua in quamdam Voti perfolvendi impotentiam inciderit. Hæc scilicet causa est pœnæ satisfactoriæ à Romano Pœnitentiaro impositæ.

Ad hoc tantum, ut Matrimonium legitime contrahere, & in eo debitum conjugale exigere & reddere licite valeat. Si nempe mulier à proposito castitatis ad conjugium per Dispen-

sationem transiens, aliud faceret quàm quod in Matrimonio licet, vel Matrimonii fidem per adulterium violaret; Votum violasse profectò censeretur, propterea quod illud ad cætera integrum permaneat. Præterea, mortuo conjugè, alteri uxorem se adjungere sine nova Dispensatione non posset, nisi prior Dispensatio generalis fuisset; quod quidem serè insolitum est, *Brevi*, ut plurimum, hæc verba continente: *Ita quod, si viro, cui conjungetur, supervixerit, castitatem servet.* Quando ejusmodi Pœnitens, Voti commutationem postulans, tam validis tentationum procellis jactatur, ut jam peccare incipiat; hortanda est ad accelerandum illud quod meditatur, conjugium: ut nempe integra servetur à culpam iteratione, quæ totidem essent Voti transgressionibus; atque ut concupiscentiæ remedium, quo indiget, in Matrimonio quamprimum inveniat.

Extrema clausula eam spectat materiam, quæ veteris Voti materiz substituenda est. Ea scilicet versatur, 1º. in lege imposita semel per mensem confitendi: 2º. in aliis Pœnitentiæ operibus perpetuis. Ex his autem operibus nonnulla quotidiana sunt; eaque, quamvis sociari possint cum officiis Matrimonii quod inire Oratrici permittitur, debent tamen suum ei Votum in mentem reducere, ipsumque Ordinem quem, posito Religionis Voto, ingressuram se esse promiserat. Quan-

(a) Apoc. 14. 4. 1. 1. Petr. 19.

(b) 3. Reg. 19. 8. Ps. 77. Zach. 9. 27.

(c) 1. Cor. 7. 34.

doquidem igitur, in hoc posteriore Casu, ea summi Pontificis intentio est, ut Oratrix sese aliquatenus componat Regulæ Monasterii quod ingredi pius intenderat, eidem poterit injungi quotidiana Missæ auditio, vel conscientię perscrutatio, vel pii alicujus libri lectio, vel quædam jejunia : & sic, utcumque reddet Vota sua *de die in diem* (d). Quod si postea Impetrans, mortuo marito, fiat libera; simul desinet Pœnitentia Voto substituta, quia Votum reviviscet integrum, nisi sit Votum Religionis; hoc enim in perpetuum abrogata, Pœnitentia ei subrogata usque ad ultimum vitæ terminum extenditur.

Quamobrem, monente Confessario, Pœnitens Votum illud quotidie reminiscatur, cujus, Ecclesiâ misericorditer dispensante, facta est immunitas : quod quidem præstare non omittat, impositam sibi quotidianam Pœnitentiam adimplens; & sic, compendiosâ redemptione, *quæcumque vovit, reddat pro salute Domini* (e). Talis enim est pro Christo solventis & ligantis intentio, in *Brevi* disertè his verbis expressa : *Ad eum finem ut, ea adimplens, meminisse semper possit obligationis quâ hujusmodi Voto astringebatur.*

Si concessa per Litteras gratia sit Absolutio à peccato, vel à Censura, sufficere potest consueta sacramentalis Absolutionis formula. Si gratia sit Dispensatio; prolatâ sacramentali Absolutione, moneri de-

bet à Confessatio Pœnitens, secum esse dispensatum : nec verbis insolitis uti necesse est, cum, juxta *Brevium* omnium tenorem, sola præcipiatur *forma Ecclesiæ consueta*. Cum tamen, ubi agitur de Absolutione à Censuris, vel de aliqua Dispensatione, conceptis verbis applicari possint ex gratiâ, idque expedire videatur; notandum est expressam earum concessionem proferri debere post datam Absolutionem sacramentalem, immediata ante hæc verba : *Passio Domini nostri Jesu Christi*, &c. nisi fortè absolvendus sit Pœnitens ab Excommunicatione vel ab Interdicto *personali*; tunc enim Absolutioni à peccatis præire debet Absolutio à Censura. Itaque hujusmodi concessionum formulæ in Pastoralis hujus Parte Rituali locum habebunt, ubi scilicet describetur *Ordo ministrandi Sacramentum Pœnitentia*.

Hic subjungendam censuimus formulam *Epistolæ supplicis pro Simonia*; cujus nomen ipsum utinam apud Ecclesiasticos viros ignotum esset !

Eminentissime & Reverendissime Domine,

EXPONITUR humiliter Reverentia Vestra pro parte devoti illius Oratoris Austregesili, quoddam aliud quoddam Beneficium Ecclesiasticum simoniacè obtinuit, & deinde in suis Ordinibus se exercuit, fructusque ex

(d) Pf. 60. (e) Jona, 2. 10.

prefato Beneficio recepit : cū auzem diſſus Orator de pramiſſis, qua occulta ſunt, plurimū doleat, prefatumque Beneficiū dimiſerit, ſuoſque Ordines deinceps exercere, ac Beneficia Eccleſiaſtica cum cura & ſine cura recipere licitè poſſe deſideret ; idē pro ſua conſcientia quiete

cupit per Sedem Apoſtolicam abſolvi, ſecumque deſuper diſpenſari. Quare Eminentia Veſtra humiliter ſupplicat, ut ſuper hiſ de opportuno remedio auctoritate Apoſtolicā providere dignetur.

Dignetur, &c.



INDEX

ET EXPLICATIO

PRÆCIPUARUM ABBREVIATIONUM

Quæ in Romana Curia Rescriptis legentes morantur.

A.

A. <i>aa.</i> anno.	Appell. rem. <i>appellatione remoto.</i>
<i>Aa.</i> anima.	Ap. obst. rem. <i>appellationis obstaculo remoto.</i>
<i>Ab.</i> Abbas.	Aplica. <i>Apostolica.</i>
<i>Abf.</i> Absne. <i>Abne.</i> <i>Absolutio Absolutione.</i>	Applicam. <i>apcam.</i> <i>Apostolicam.</i>
<i>Abns.</i> <i>abf.</i> <i>absens.</i>	Apostol. <i>Apostolicam.</i>
<i>Absolveñ.</i> <i>absolyentes.</i>	Ap. sed. lég. <i>Apostolica Sedis Legatus.</i>
<i>Accu.</i> <i>accusatio.</i>	Aptis. <i>appatis.</i> <i>appatis.</i> <i>approbatis.</i>
<i>A cên.</i> <i>à censuris.</i>	Approbo. <i>approbatio.</i>
<i>Adhären.</i> <i>adherentium.</i>	Approbat. <i>approbém.</i> <i>approbationem.</i>
<i>Admitt.</i> <i>admittén.</i> <i>admittentes.</i>	Arbó. <i>arbitrio.</i>
<i>Ad no. præf.</i> <i>ad nostram præsentiam.</i>	Arch. <i>Archidiaconus.</i>
<i>Adriór.</i> <i>adversariorum.</i>	Ap. arpo. arpo. archopo. <i>archoppo.</i>
<i>Adriós.</i> <i>adversarios.</i>	<i>Archiepiscopo.</i>
<i>Æst.</i> <i>estimatio.</i>	Archiepus. <i>Archiepiscopus.</i>
<i>Affect.</i> <i>affectus.</i>	Arg. <i>argumentum.</i>
<i>Affñ.</i> <i>affinitas.</i>	Asség. <i>assequutà.</i>
<i>Aiar.</i> <i>animarum.</i>	Asséquém. <i>assequutionem.</i>
<i>Aiüm.</i> <i>animum.</i>	Att. atto. <i>attent.</i> <i>attento.</i>
<i>Al.</i> <i>als.</i> <i>aliàs.</i>	Attàta. <i>attentata.</i>
<i>Alià.</i> <i>aliam.</i>	Attatör. <i>attentatorum.</i>
<i>Alienat.^m</i> <i>alienatione.</i>	Au. <i>auri.</i>
<i>Aliquòdo.</i> <i>alioquoquomodo.</i>	Aũ. <i>de cã.</i> <i>auri de camerã.</i>
<i>Al.^m</i> <i>altissimus.</i>	Aucte. <i>authoritate.</i>
<i>Alr.</i> <i>alter.</i> <i>aliter.</i>	Authorit. <i>authoritate.</i>
<i>Als.</i> <i>pns.</i> <i>gra.</i> <i>aliàs præfens gratia.</i>	Audieñ. <i>audientiam.</i>
<i>Altér.</i> <i>alrus.</i> <i>altius.</i> <i>altus.</i> <i>alterius.</i>	Augen. <i>augendam.</i>
<i>Anñ.</i> <i>annuum.</i> <i>annuatim.</i>	Augñi. <i>Augustini.</i>
<i>An. ann.</i> <i>annum.</i>	Authen. <i>authentica.</i>
<i>Annex.</i> <i>annexorum.</i>	Aux. <i>auxiliares.</i>
	Auxó. <i>auxilio.</i>

B.

B. Bb. *Benedictus.*
 Beatif. *Beatissime.*
 Bearme pr. *Beatissime pater.*
 Bedti benedicti *benedicti.*
 Ben. *benedictionem.*
 Benealibus. *beneficialibus.*
 Benēum. *beneficium.*
 Benelōs. *benevolos.*
 Benevōl. *benevolentia.*
 Benigte. *benignitate.*
 Bo. mem. *bona memoria.*

C.

Cā. cam. *camera.*
 Cā. cā. *causa.*
 Cais. aium. *causis animum.*
 Cānice. *canonicē.*
 Canōcor. *canonicorum.*
 Canōn. *canonicatum.*
 Canōn. rēg. *canonicus regularis.*
 Canōn. sēc. *canonicus secularis.*
 Canūtus. *canonicatus.*
 Cāntia. *cancellaria.*
 Capēl. *capella.*
 Capēls. *capellanus.*
 Capnā. *capellania.*
 Car. *causarum.*
 Cārd. *Cardilis. Cardinalis.*
 Cās. *causas.*
 Caus. *causa.*
 Cēn. *Eccles. Censura Ecclesiastica.*
 Cēn. cens. *censuris.*
 Cerdō. *cerdō. certo modo.*
 Ceso. *ces. cess. cessio.*
 Ch. *Christi.*
 Ci. *civis.*
 Circumpōni. *circumspectioni.*
 Cla. *clausula.*
 Cle. *clare.*
 Clz. *clara.*

Claus. *clausa.*
 Clico. *Clerico.*
 Clis. *clausulis.*
 Co. com. *communem.*
 Cog. spir. *cognatio spiritalis.*
 Cogēn. *cognomen.*
 Coga. cogn. *cognōia. cognomina.*
 Cohāo. *cohabitatio.*
 Cogtus *cognominatus.*
 Cogis. cogtis. coigtis. coigis. *con-*
gunitatis.
 Comitatur. *committatur.*
 Coione. *communione.*
 Collat. *collatio.*
 Collēata. *collegiata.*
 Colleg. *collegiata.*
 Collitigān. *collitigantibus.*
 Collm. collm. *collitigantium.*
 Com. *Communis.*
 Comdam. *commendam.*
 Comdus. *commendatus.*
 Comit. Epō. *committatur Episcopo.*
 Competem. *competentem.*
 Con. *contrā.*
 Concōne *communicatione.*
 Conscōne. *Confessione.*
 Confeori. *Confessori.*
 Conlis. *conventualis.*
 Contriis. *contrariis.*
 Conf. *consecratio.*
 Conf. t. r. *consultationi taliter res-*
pondetur.
 Consciz. *scientia.*
 Conscne. *concessione.*
 Conlit. *concessit. consensit.*
 Consequē. *consequendum.*
 Contrior. *contrariorum.*
 Conltbus. *constitutionibus.*
 Constitution. *constitutionum.*
 Conlū. *consensu.*
 Cont. *contrā.*
 Coēdarent. *commendarent.*
 Coerētut. *commendaretur.*
 Cujuscumq. *cujuscumque.*

Cujuslibet. *cujuslibet.*

Cur. *Curia.*

D.

D. n. pp. *domini nostri papa.*

D. n. *domini nostri.*

Dāt. *datum.*

Deāt. *debeat.*

De. dīcē. *dicta.*

Decrō. *decreto.*

Decrūm. *decretum.*

Dēfūti. *defuncti.*

Defivō. *definitiva.*

Denomin. *denominatio.*

Denomināt. *denom. denominatio-*
nem.

Derogāt. *derogatione.*

Desup. *desuper.*

Devolut. *devol. devolutum.*

Dic. die. dīsi. *Diaecsis, Diaecsis.*

Dic. dīctam.

Dignī. *dign. dignemini.*

Dil. fil. *dilectus filius.*

Dipn. *dispositione.*

Dif. ves. *discretionē vestra.*

Discreoni. *discretionē.*

Dispao. *dissipatio.*

Dispao. dispens. dispensao. *dispen-*
satio.

Dispen. dispend. *dispendium.*

Disposit. *dispositivē.*

Diverfor. *diversorum.*

Divor. *divortium.*

Dñi. *domini.*

Dñicz. *dominica.*

Dño. *domino.*

D. dñ. dñs. *dominus.*

Dom. *domini.*

Dotat. *dotatio.*

Dot. dotāte. *dotatione.*

Dr. *dicitur.*

Dū. *dicti.*

Duc. au. de ca. *ducatorum auri de*
camera.

Ducat. *ducatorum.*

Ducēn. *ducentorum.*

Dum. ret. dum. viv. *dum viveret.*

E.

Eā. *eam.*

Ecccl. rom. *Ecclesia romana.*

Eccclz. *Ecclesie.*

Eccleium. *Ecclesiarum.*

Ecclesiast. *Ecclesiastici.*

Eccles. ecclicis. *Ecclesiasticis.*

Ecclia. *ecccl. Ecclesia.*

Ee. *esse.*

Effus. *effectus.*

Effum. *effect. effectum.*

Ejusd. *ejusdem.*

Elect. *electio.*

Em. *enim.*

Emolrum. *emolus. emolumentum,*
emolumentis.

Eod. *eodem.*

Epūs. epo. *Episcopus, Episcopo.*

Et. *etiam.*

Ex. *extra.*

Ex. Rom. cur. *extra Romanam cu-*
riam.

Ex. val. *existimationem valoris.*

Exāt. *exist. existat.*

Exīt. *exist. existit.*

Excom. *excommunication.*

Excōe. *excōis. excommunicatione,*
excommunicationis.

Execrab. *execrabilis.*

Exēns. *existens.*

Exp. exmi. *exprimi. exprimi.*

Expda. *exprimenda.*

Expis. *expres. expressis.*

Exprimend. *exprimenda.*

Exped. *expediri.*

Expēda. *exped. expedienda.*

Exp^s. *expressè*.
 Expednī. expedit. *expeditioni*.
 Expo. Expresl. *expressio*.
 Extēn. *extendendus*.
 Extend. *extendenda*.
 Extraordin. *extraordinario*;

F.

Faciē. faciē. *facientes*.
 Fact. *factum*, *factam*.
 Famili. *famulari*.
 Fel. *felicitas*.
 Fel. rec. pred. n. *felicitas recordationis*
prædecessoris nostri.
 Festivibus. *festivitatibus*.
 Fn. for. forf. *forfan*.
 Foā. *forma*.
 Fol. *folio*.
 Fr. *frater*.
 Fraēm. frūm. *fratrem*, *fratrum*.
 Franūs. Francus. *Franciscus*.
 Frat. *fraternitas*.
 Fruct. *fructus*.
 Fructib. fruct. *fructibus*.
 Fundat. *fundatio*. *fundatum*, *fundat*.
 Fundē. fund^{re}. *fundatione*, *fundatione*.
tionē.

G.

Gener. gnālis. *generalis*.
 General. *generalem*.
 Gnatio. *generatio*.
 Gnli. gnrali. *generali*.
 Gnna. general. gnrlr. *generaliter*.
 Gnra. *genera*.
 Grā. *gratia*.
 Grad. affin. *gradus affinitatis*.
 Grar. *gratiarum*.
 Grat. *gratia*.
 Grat. grose. *gratie*.
 Gratific. *gratue*. *gratificatione*.
 Grē. gız. *gratia*.

H.

Hab. *habere*, *haberi*.
 Habeant. *habeantur*.
 Habēn. *habentia*.
 Haētūs. *hactenus*.
 Heantur. *habeantur*.
 Here. *habere*.
 Hēt. *habet*.
 Hita. *habita*.
 Hoe. *homine*.
 Homici. *homicidium*.
 Hujusm. humōi. hūōi. *hujusmodi*.
 Humil. humilt. huml. *humiliter*.

I.

I. *infra*.
 Id. is. idus, idibus.
 Igr. *igiter*.
 Illor. *illorum*.
 Immun. *immunitas*.
 Impetran. *impetrantium*.
 Imponen. *imponendis*.
 Import. *importante*.
 Incipi. *incipiente*.
 Infraptum. *infra scriptum*.
 Infrascript. *infrap. infra scripta*.
 Intropta. *introscripta*.
 Invocaōne. *invocatione*.
 Invocat. *invocationum*.
 Irregulte. *irregularitate*.
 Januar. *Januarius*.
 Jeēs. Joēs. *Joannes*.
 Jud. Jud^m. *judicium*.
 Jur. *juravit*.
 Juris. patr. *juris patronus*.
 Jurto. *juramento*.
 Jux. *juxta*.

K.

Kal. kl. *Kalendas*.

L. Laic.

L.

Laïc. laicus.
Laïcor. laicorum.
Latine. latiss. latissimè.
Legit. legitimè. legitimus.
Letimo. imo. legitimo.
Legima. legitima.
Liā. licentia.
Lix. lre. littera.
Lib. lo. liber. libro.
Lit. litis.
Litig. litigiosus.
Litigios. litigiosa.
Lima. hima. legitima.
Litr. littera.
Litterar. litterarum.
Ltis. litteris.
Lte. litte. licitè.
Ludous. Ludovicus.

M.

M. moneta.
Māa. materia.
Magist. magister.
Magro. magistro.
Mand. mandamus. mandatum.
Mand. q. mandamus quatenus.
Manib. manibus.
Mediet. medietate.
Mdrè. mdr. mediocrè.
Menf. mensis.
Mir. misericorditer.
Mirāone. miratione. miseratione.
Mñiri. ministrari.
Mō. modo.
Mon. can. præm. Monitione. canonica præmissa.
Montrium. Monasterium.
Moven. moventibus.
Mtrmon. Matrimonium. Matrimonium.

Tomus II.

N.

Nci. N. nostri.
Nār. natura.
Nativiteñ. nativitatem.
Necess. necessarius.
Necessar. necrior. netior. necessariorum.
Neriā. necessaria.
Nō. non.
Nobil. nobilium.
Noēn. nomen.
Noia. nōa. nom. nomina.
Nobol. non obstantibus.
Nost. nostri.
Not. notandum.
Not. notā. notitia.
Notar. notario.
Noto. pūbco. notario publico.
Nra. nostra.
Nultus. nullus. nullatenus.
Nuncup. nuncupatum.
Nuncupāt. nuncupationum.
Nuncupē. nuncupata.
Nūp. nuper.
Nūp. nūpt. nuptia.

O.

O. non.
Obat. obbat. obtinebat.
Obbit. obitum.
Obit. obitus.
Obneri. obtineri.
Obnet. obt. obtinet.
Obst. obstaculum.
Obstant. obstantibus.
Obtint. obtinebat.
Ostobr. octobris.
Occup. occupatam.
Oēs. omnes.
Ofāli. Officiali.

B b b b b

Officiū. *officium.*
 Oī, *omni.*
 Oib. *omnibus.*
 Oīmo. *omnimodo.*
 Oīo. oīno. *omnino.*
 Oīūm. om. *omnium.*
 Omī. *omnibus, omnino.*
 Oppis. *opportunis.*
 Opna. oppor. oport. *opportuna.*
 Or. orat. *Orator.*
 Orat. *oratoria.*
 Orēc. orācē. *oratrice.*
 Ordbūs. *ordinationibus.*
 Ordin. ordīo. *ordinario.*
 Ordīs. *ordinis.*
 Ordīs. *ordinariūs.*
 Orī. *oratori.*
 Orīs. *oratoris.*
 Orx. *oratrix.*

P.

P. *pro (vel) per.*
 Pp. *Papa.*
 Pa. *Papa.*
 Pact. *pañum.*
 Pam. *primam.*
 Parōchīal. parōlis. *parochialis.*
 Pātia. *presentia.*
 Pbr. *Presbyter.*
 Pbrēcīda. pbrīcida. *presbytericida.*
 Pbrī. *Presbyteri.*
 Pcēpit. *percepit.*
 Penia. pēnia. pēn. *Pœnitentia.*
 Peniaria. pēniaria. *pœnitentiaria.*
 Penitē. pēniten. *pœnitentibus.*
 Pens. *pensione.*
 Penult. *penultimus.*
 Pindē. *perindē.*
 Perindē val. *perindē valere.*
 Perpūam. *perpetuam.*
 Perq°. perqo. *perquisitio.*
 Persolven. *persolvenda.*
 Pet. *petitur.*
 Pffellus. *professus.*
 Pmiū. *præmiū.*
 Pmiū. *præmissorum.*
 Pn. pns. *præseus.*
 Pndit. *prætenait.*
 Pnsionem. *prætenfionem.*
 Pnt. *possunt.*
 Pnūm. pñcium. *præsentium.*
 Pntōdum. *præteno standum.*
 Po. seu 1°. *primò.*
 Podictus. pōctus *primò dictus.*
 Point. pint. *possint.*
 Pōntus. *pontificatus.*
 Poss. *possit. possint. possessionem.*
 Possell. *possessione possessor.*
 Possōnē. *possessionem.*
 Possēt. *possessor.*
 Poten. *potentia.*
 Pepūm. *perpetuum.*
 Pr. *pater.*
 Præal. *præallegatus.*
 Præb. *præbenda.*
 Præbend. *præbendas.*
 Præd. *prædicta.*
 Præfer. *præfertur.*
 Præm. *præmissum.*
 Præsen. *præsentia.*
 Præt. *prætenlit.*
 Prætus. prædrus. prus. *prædictus.*
 Presbyt. *Presbyter.*
 Prim. *primam.*
 Primod. *primodiā.*
 Priōtus. *Prioratus.*
 Procurat. pror. *procurator.*
 Prorī. *procuratori.*
 Prov. *provisionis.*
 Proviōne. *provisione.*
 Prōxos. *proximos.*
 Predt. *prædictur.*
 Poe. *posse.*
 Pt. *potest. proat.*
 Ptam. *prædictam.*
 Ptan. *præstan. præstandum.*

Ptt. ptur. *praefertur.*
 Pttur. *petitur.*
 Pub. *publico.*
 Purg. canon. *purgatio canonica.*
 Púdilis. *prajudicialis.*
 Puidere. *pvidere. providere.*

Q.

Q. *que.*
 Qd. *quod.*
 Qm. *quoniam.*
 Qm. qñ. *quondam.*
 Qmlb. qmlibt. qumlb. qmlc. quomolt. qmolt. *quomodolibet.*
 Qtus. qtnus *quatenus.*
 Qu. *quod.*
 Qualit. *qualitatum.*
 Quat. quaten. *quatenus.*
 Quoad vix. *quoad vixerit.*
 Quodo. quod°. *quovismodo.*
 Quon. *quondam.*
 Quor. *quorum.*

R.

Rec. *recordationis.*
 Reg. relc. *regula.*
 Regul. *regularum.*
 Reliõne. *religione.*
 Rescript. *rescriptum.*
 Resda. resdam. *residentia. residentiam.*
 Reservat. *reservata. reservatio.*
 Ref.º *reservatio.*
 Refig. refig°. *refigo. resignatio.*
 Resignation. *resignationem.*
 Resigne. *resignatione.*
 Refiger. *resignare.*
 Restoris. *restitutionis.*
 Retroscript. rtus. *retroscriptus.*
 Regnet. rgnct. *resignet.*
 Rlaris. relari. *regularis. regulari.*
 Rlc. *regula.*

Rlium. *regularium.*
 Rñtus. *renatus.*
 Robot. *roboratis.*
 Rom. *Romanus.*
 Romã. *Romana.*
 Rta. rrtã. *registrata.*
 Rglari. *regulari.*

S.

S. *sanctus.*
 S. p. *sanctum Petrum.*
 S. *sanctitas.*
 S. R. E. *sancta Romana Ecclesia.*
 S. v. *sanctitati vestra.*
 S. v. o. *sanctitatis vestra orator.*
 Sa. *supra.*
 Sacr. unc. *sacra unctio.*
 Sacror. *sacrorum.*
 Secul. *secularis.*
 Saluri. salri. salari. *salutari.*
 Sanctit. *sanctitatis.*
 Sanctme. pt. *sanctissime pater.*
 Sãrtum. *Sacramentum.*
 Sati. sni. *sanctitati.*
 Se. sec. *secundum.*
 Se. co. ex. val. an. *secundum communem existimationem, valorem annum.*
 Sed. Ap. *Sedis Apostolica.*
 Sen. *sententiis.*
 Sen. exco. *sententia excommunicationis.*
 Senten. *sententiis.*
 Separat. *separatim.*
 Sigra. *signatura.*
 Sileñ. *similem.*
 Silibus. *similibus.*
 Simp. *simplicis.*
 Singul. *singulorum.*
 Sit. *sitam.*
 Slaris. *secularis.*
 Slis. *singulis.*
 Slm. *salutem.*

Sclorum. *singulorum.*
 S. M. M. *sanctam Mariam majorem.*
 Sñia. *sententia.*
 Sñta. Rā. *sancta.*
 Solit. *solitam.*
 Sollic. *sollicitatorum.*
 Solut. *solutis. solutiois.*
 Sortile. *sortilegium.*
 Spealem. *specialem.*
 Spealēr. *spealr. specialiter.*
 Spēali. *speciali.*
 Spec. *specialis.*
 Spo. *specif. specificatio.*
 Spualibus. *spualibus spiritualibus.*
 Spū. *spiritu.*
 Spūs. *spiritus.*
 Stat. *status.*
 Statut. *statutorum.*
 Substālis. *substantialis.*
 Subvent. *subventionis.*
 Succ. *Succōres. successores.*
 Sumpt. *sumptum.*
 Sup. *supra.*
 Suppat. *supplic. supplicat.*
 Suppanti. *supplicantibus.*
 Supplicāonis. *supplicationis.*
 Suppñe. *supplicatione.*
 Supplioni. *supplicationi.*
 Suprū. *supradictum.*
 Surrog. *surrogandus.*
 Sutrogañ. *surrogandis.*
 Sutrogaonis. *surrogationis.*
 Suspend. *suspensionis.*

T.

Tangen. *tangendum.*
 Tant. tm. *tantum.*
 Temp. tpūs. *tempus.*

Ten. *tenore.*
 Tēnen. *tendum.*
 Terno. *termino.*
 Test. *testimonium.*
 Testib. *testibus.*
 Thiā. *Theōlia. Theologia.*
 Tit. tli. *tituli.*
 Tn. *tamen.*
 Tpōre. *tempore.*
 Tercēn. *tercentum.*

V.

V. *vestra.*
 Vr. *vester.*
 V. vrē. *vestra.*
 Vacan. *vacantem, vacantibus.*
 Vacāonum. *vacationum.*
 Vacatnis. *vacāonis. vacationis.*
 Val. *valorem.*
 Venēbli. *venabli. venerabili.*
 Verifilē. *verisimile.*
 Verusq. *verusque.*
 Vest. *vester.*
 Videb. *videbr. videbitur.*
 Videl. *videlicet.*
 Viginti quat. *viginti quatuor.*
 Ult. *ultima.*
 Ult. poss. *ultimus possessor.*
 Ulti. *ultimi.*
 Ultūs. *ultimus.*
 Uctis. *universis.*
 Usq. *usque.*

X.

Xpi. xpci. *Christi.*
 Xpni. *Christiani.*
 Xptianorum. *Christianorum.*





I N D E X
TRACTATUM, DIVISIONUM
ET CAPITUM,
Qua Tomo secundo continentur.

TRACTATUS SEXTUS.
DE SACRAMENTO PŒNITENTIÆ.

D I V I S I O P R I M A.

CAPUT I. <i>De Pœnitentiâ quatenus est virtus; tum verò quatenus est Sacramentum.*</i>	Pag. 2
CAP. II. <i>De Pœnitentiâ materiâ generatim.</i>	11
CAP. III. <i>De Contritione: quàm sit necessaria, & qualis esse debeat.</i>	13
CAP. IV. <i>De Contritione, tum perfectâ, tum imperfectâ; & de praxi Contritionis in ordine suscipiendi Sacramenti.</i>	17
CAP. V. <i>De Confessione.</i>	24
CAP. VI. <i>De conditionibus legitima Confessionis.</i>	31
CAP. VII. <i>De Satisfactione.</i>	38
CAP. VIII. <i>De Pœnitentiâ formâ; seu de Absolutione.</i>	45

D I V I S I O I I.

CAP. I. <i>De præparatione Pœnitentis ad sacrum Tribunal accessuri; ac primùm de examine conscientia.</i>	50
---	----

- CAP. II. *De ceteris Pœnitenti exequendis, ut ad Sacramentum reconciliationis ritè suscipiendum disponatur, utque illud cum debita animi pietate atque exteriore modestia suscipiat.* 38

D I V I S I O . I I I .

- CAP. I. *De Pœnitentia Ministro, & de hujus potestate.* 61
 CAP. II. *De potestate Confessarii circa Reservata.* 71
 CAP. III. *De potestate Confessarii circa Dispensationes in Votis & Sacramentis.* 85

D I V I S I O . I V .

- CAP. I. *De præcipuis summis Confessarii dotibus & officiis: tum de pluribus circa locum & modum excipiendi Confessiones ab eodem observandis.* 91
 CAP. II. *De virtutibus Confessario necessariis.* 99
 CAP. III. *De scientia Confessarii.* 103

D I V I S I O . V .

- CAP. I. *Quantà opus sit Confessario solertiâ & prudentiâ, ut sinceram atque integram à Pœnitente Confessionem eliciat.* 110
 CAP. II. *Quantâ sit Confessario necessaria prudentia, ut convenientem cuique morbo spirituali medelam attemperet, ac Pœnitentes, pro cuiusque ingenio, rectè salubriterque dirigat.* 123
 CAP. III. *De prudentia Confessarii in servando firmitudinis & mansuetudinis iusto temperamento.* 107
 CAP. IV. *De prudentia Confessarii in exhortando & corripiendo.* 131

DIVISIO VI.

CAP. I. De prudentia Confessarii in concedenda vel differenda Absolutione.	134
CAP. II. De prudentia Confessarii erga Pœnitentes ex consuetudine peccantes.	144
CAP. III. De prudentia Confessarii erga vitiosos Pœnitentes quos offendit Absolutionis dilatio ; tum erga eos qui , contractâ duritiâ , in peccato perseverant.	163
CAP. IV. De prudentia Confessarii erga Pœnitentes in peccati occasione proxima constitutos.	169
CAP. V. De prudentia Confessarii erga recidivos.	176
CAP. VI. De prudentia Confessarii circa Confessiones generales.	182

DIVISIO VII.

CAP. I. De prudentia Confessarii in imponenda Pœnitentia.	188
CAP. II. De prudentia Confessarii in decernenda restitutione.	200
CAP. III. De antiqua Pœnitentia administratione ; & de prudentia Confessarii in præcipiendis operibus satisfactoriis , aliquatenus habito Canonum Pœnitentialium respectu.	213
Selecti Canones Pœnitentiales , juxta Decalogi ordinem dispositi.	225
CAP. IV. De Indulgentiis & Jubilæo ; ac de prudentia Confessorio necessaria ut Pœnitentes in consequendis Indulgentiis ritè fruaturusque dirigat.	230

DIVISIO VIII.

CAP. I. De prudentia Confessarii erga impuberes.	244
CAP. II. De prudentia Confessarii erga mulieres.	249
CAP. III. De prudentia Confessarii erga scrupulosos.	252

DIVISIO IX.

CAP. I. <i>De annua Confessione.</i>	167
CAP. II. <i>De frequenti Confessione.</i>	175
CAP. III. <i>De Confessione Infirmorum.</i>	180
CAP. IV. <i>De Pœnitentialis ministerii arcano, seu de Confessionis f-</i> <i>gillo.</i>	190

APPENDIX PœNITENTIÆ:

DE CENSURIS.

CAP. I. <i>De Censuris in genere.</i>	307
CAP. II. <i>De Censurarum divisionibus, aliisque circa ipsas generaliter</i> <i>observandis.</i>	307
CAP. III. <i>De Excommunicatione.</i>	314
CAP. IV. <i>De Excommunicatione ad finem revelationis, seu de Moni-</i> <i>torii.</i>	315
CAP. V. <i>De Suspensione.</i>	331
CAP. VI. <i>De Interdicto.</i>	335
CAP. VII. <i>De Absolutione à Censuris.</i>	338
CAP. VIII. <i>De Cessatione à Divinis.</i>	343

TRACTATUS SEPTIMUS.

DE SACRAMENTO EXTREMÆ-UNCTIIONIS.

DIVISIO PRIMA.

CAP. I. <i>De visitandis curandisque Infirmis.</i>	345
CAP. II.	

I N D E X.

CAP. II. <i>De cura Infermorum tempore contagionis.</i>	753
CAP. III. <i>De Testamentis.</i>	357
	361

D I V I S I O I I.

CAP. I. <i>De Extrema-Unctionis institutione, materia & forma.</i>	371
CAP. II. <i>De Extrema-Unctionis necessitate atque effectibus.</i>	380
CAP. III. <i>De Extrema-Unctionis Ministro.</i>	384
CAP. IV. <i>Quibusnam administranda sit Extrema-Unctio.</i>	385
CAP. V. <i>Quonam ordine, & quomodo dispositis ministranda sint extrema Sacramenta.</i>	388
CAP. VI. <i>De modo administranda Extrema-Unctionis.</i>	391

· E X T R E M Æ - U N C T I O N I S .

A P P E N D I X P R I M A .

CAP. I. <i>De cura morientium.</i>	395
CAP. II. <i>De mortuis non justo citius ad sepulturam efferendis.</i>	403

E X T R E M Æ - U N C T I O N I S .

A P P E N D I X A L T E R A .

DE Precibus pro Mortuis, & de Sepulturis.

CAP. I. <i>De Precibus pro Mortuis.</i>	413
CAP. II. <i>De Sepulturis.</i>	419
CAP. III. <i>De loco Sepultura.</i>	422
CAP. IV. <i>Quibus concedenda, quibus deneganda sit Ecclesiastica Sepultura.</i>	427
CAP. V. <i>De Exequiis Adultorum.</i>	430
CAP. VI. <i>De Exequiis Pervulorum.</i>	438

Tomus II.

C c c c c

CAP. VII. *De translatione Corporis à Parochia decessus in alienam Ecclesiam.* 441

CAP. VIII. *De Funeribus in Parochiales Añorum Codices referendis.* 444

TRACTATUS OCTAVUS. DE SACRAMENTO ORDINIS.

CAP. I. *De Sacerdotio nova Legis ; & de Ecclesiastica Hierarchia , seu de Ordinibus in genere.* 447

CAP. II. *De Ordinibus in specie.* 455

CAP. III. *De Ordinis gratiã , charactere , materiã , formã & Ministro.* 466

CAP. IV. *De dispositionibus ad suscipiendos Ordines requisitis.* 473

CAP. V. *Quid Parochi circa Ordinandos prestare possint ac debeant.* 480

CAP. VI. *De officiis Presbyterorum è sacra Ordinatione recentium.* 488

APPENDIX ORDINIS. DE IRREGULARITATIBUS.

CAP. I. *Quid & quotuplex generatim sit Irregularitas.* 493

CAP. II. *De causis ab Irregularitate incurrenda excusantibus.* 498

CAP. III. *De Irregularitatibus ex defectu.* 501

CAP. IV. *De Irregularitatibus ex delicto.* 510

CAP. V. *De Dispensatione in Irregularitatibus.* 514



TRACTATUS NONUS.
DE SACRAMENTO MATRIMONII.

CAP. I. <i>De Matrimonio generaliter spectato.</i>	§ 19
CAP. II. <i>De Matrimonio quatenus est Sacramentum, & de gratia ipsius propria.</i>	§ 26
CAP. III. <i>De Matrimonii materiâ formâ & Ministro.</i>	§ 31
CAP. IV. <i>De Matrimonii unitate.</i>	§ 34
CAP. V. <i>De Matrimonii indissolubilitate.</i>	§ 39

DIVISIO II.

CAP. I. <i>De finibus conjugii, & de officiis conjugum.</i>	§ 47
CAP. II. <i>Quam maturo consilio, quo animo, quanto persone delectu ineunda sit conjugalis vitæ ratio; & quâ præparatione suscipiendum Matrimonii Sacramentum.</i>	§ 56

DIVISIO III.

CAP. I. <i>De Matrimonii Impedimentis in genere.</i>	§ 63
CAP. II. <i>De Matrimonii Impedimentis Prohibentibus.</i>	§ 67
CAP. III. <i>De Matrimonii Impedimentis Dirimentibus.</i>	§ 72
ARTIC. I. <i>Error.</i>	§ 73
ART. II. <i>Conditio.</i>	§ 75
ART. III. <i>Votum.</i>	§ 77
ART. IV. <i>Cognatio.</i>	§ 79
ART. V. <i>Crimen.</i>	§ 88
ART. VI. <i>Cultus disparitas.</i>	§ 97
ART. VII. <i>Vis.</i>	600

ART. VIII. <i>Ordo.</i>	603
ART. IX. <i>Ligamen.</i>	604
ART. X. <i>Honestas.</i>	607
ART. XI. <i>Amens.</i>	611
ART. XII. <i>Affinis.</i>	613
ART. XIII. <i>Si Consummare nequibis.</i>	619
ART. XIV. <i>Si Mulier sit raptā, loco nec reddita tuto.</i>	622
ART. XV. <i>Si Parochi & duplicis defit presentia testis.</i>	625
CAP. IV. <i>Quisnam sit proprius Parochus, in ordine benedicendi Matrimonii.</i>	628
CAP. V. <i>De Matrimonii filiorum-familias.</i>	639

DIVISIO IV.

CAP. I. <i>De Dispensationibus in Matrimonii Impedimentis.</i>	652
CAP. II. <i>De causis propter quas licet Dispensationes ad Matrimonium contrahendum postulare.</i>	658
CAP. III. <i>Quid sit observandum ut valida & legitima obtineatur Dispensatio.</i>	664
CAP. IV. <i>De modo conficienda Inquisitionis, ut super Consanguinitate vel Affinitate Dispensatio ab Ordinario impetretur.</i>	672

DIVISIO V.

CAP. I. <i>De iis quæ ante Bannorum proclamationem, aut saltem ante Sponsalia, tum Parocho inquirenda sunt, tum futuris conjugibus exequenda.</i>	675
CAP. II. <i>De Matrimonii Bannis, seu Denunciationibus.</i>	678
CAP. III. <i>De Dispensationibus in Bannorum proclamatione.</i>	690

DIVISIO VI.

CAP. I. <i>De Sponsalibus.</i>	695
CAP. II. <i>De tempore & loco celebrandi Matrimonii.</i>	705

INDEX.

757

CAP. III. De Ceremoniis in Matrimonii celebratione usitatis.	707
CAP. IV. De legitimatione prolis ante Matrimonium susceptæ.	714
CAP. V. De Matrimonii in Parochiarum Aâa referendis.	716

DIVISIO VII.

CAP. I. Quomodo ratum ex irrito fiat Matrimonium cum Impedimento dirimente contractum. 719

CAP. II. Quomodo in Romana Pœnitentiarie Tribunali Brevia Dispensationum impetrari, atque impetrata executioni mandari legitime possint. 725

Hoc ultimo Capite includuntur supplicum ad Romanam Pœnitentiarum Epistolarum varia exempla, cum aliquot ejus Responsis, quorum præcipue clausule explicantur.

INDEX & explicatio præcipuarum Abbreviationum, quæ in Romana Curia Rescriptis legentes morantur. 741

Finis secundi Tomi.

ERRATA TOMI SECUNDI.

PAGINA 6, columnâ 2, lineâ 32, Hæretici — potuerunt, lege, Hæretici, rejecto Sacramento quod Pœnitentiam vocamus, ejus loco sibi fingere potuerunt.

Pag. 28. col. 2. lin. penult. quibusdam, lege, quibusdam.

Pag. 30. col. 2. lin. 1. quod in curandis, lege, quod curandis.

Pag. 31. col. 2. lin. 30. in duabus hujusce Diocesis Parochiis, lege, in una hujus Diocesis Parochia (1).

Pag. 64. col. 1. lin. 27. requiritur specialis, lege, requiritur (Jure communi) specialis.

Pag. 69. col. 1. lin. 23. in vero, lege, in certo.

Pag. 101. col. 2. lin. 2. qui sciat, lege, qui sciat.

Pag. 161. col. 2. lin. 9. neque acceperint desuper consuetudinis molem, lege, nec super se acceperint consuetudinis molem.

Pag. 100. col. 1. lin. 2. Ablata, lege, Debita.

Pag. 257. col. 2. lin. 18. se omnino celavisse, lege, se arbitratur celavisse.

Pag. 313. col. 1. lin. 23. præcisos à Communione, lege, excommunicatos denuntiatos.

Ibid. lin. 29. idem.

Pag. 317. col. 1. lin. 30. scinderent, lege, scinderent (1).

Ibid. col. 2. lin. 18. per communicationem exteriorem, lege, per communicationem exteriorem & illicitam.

Pag. 360. col. 1. lin. 6. & simul — in-

(1) Clich.

(1) 7212, scindo.

finiet, *lege*, & cum eo in sanguinem infuset.

Pag. 397. col. 1. lin. 28. cum cœlestem — effusione, *lege*, cum cœlestem gloriam per multas tribulationes consecuti sint, & quasi per vim rauerint, aut sanguinis effusione.

Pag. 429. col. 2. lin. 31. tum, *lege*, cum.

Pag. 445. col. 1. lin. 24. infuit, *lege*, in fine.

Pag. 448. col. 1. lin. 15. dom imperio succedit imperium, *lege*, dum Imperio succedit Imperium.

Ibid. lin. 29. gignuntur Patres, *lege*, gignuntur Patres.

Pag. 476. col. 2. lin. 4. infirmum, *lege*, infirmum.

Pag. 509. col. 2. lin. 32. ac, *lege*, ut.

Pag. 520. col. 1. lin. 23. quod, *lege*, quod.

Pag. 521. col. 1. lin. 11. contractus, *lege*, Contractus.

Pag. 531. col. 2. lin. 21. quæ ab à surdis, *lege*, quæ à surdis.

Pag. 542. col. 2. lin. 25. Itaque non

potest, *lege*, Itaque, Matrimonio (tametsi per vim) consummato, non potest.

Pag. 574. col. 1. lin. 14. tam ejus propriis — distinguant, *lege*, tam ejus propriis, eique tam singulariter conveniunt, ut eam determinent, ipsamque, tum à persona quacum ex errore contrahitur, tum ab alia qualibet distinguant.

Pag. 576. col. 1. lin. 35. ut adulterorum — novcrit, *lege*, ut noverit uterque Matrimonio junctum esse uoum saltem eorum.


Pag. 603. col. 1. lin. 4. internique consensus, *lege*, internique & liberi consensus.

Pag. 624. (1) Ibid. post. Conc. *lege*, (1) Ibid. post. Conc.

Pag. 672. col. 2. lin. 12. documentis, inherebit quæ, *lege*, documentis inherebit, quæ.

Pag. 691. col. 1. lin. 7. in proclamatione Bannorum, *lege*, in proclamatione unius duorumve Bannorum.

Pag. 674. col. 1. lin. 1. dicta, *lege*, appellata.



005262288





